







1765



MISSALE MONASTICUM

PAULI V. PONTIFICIS MAX.
AUCTORITATE RECOGNITUM,

Pro omnibus sub Regula
SS. PATRIS BENEDICTI
MILITANTIBUS;
IN QUO MISSÆ SANCTORUM

ad normam novi Kalendarii Auctoritate Apostolica approbati ordinatè
propriis locis dispositæ, aliæque novissimæ usque ad hodiernam
diem per SUMMOS PONTIFICES concessæ inveniuntur.



Ex Grege Vigreuo P. B. Samaldulcu S. M.

V E N E T I I S

EX TYPOGRAPHIA BALLEONIANA.

M D C C L X V.

MISSALE

MONASTICUM

PAULI V. PONTIFICIS MAX.

AUCTORITATE RECOGNITUM.

Pro omnibus sub Regis

SS. PATRIS BENEDICTI

MILITANTIS

IN QUO MISSA CANONICA

et Officium divinum continetur.

Ad usum Monasterii

Sancti Pauli

in

Regia

BY TYPOGRAPHIA BALLEONIANA.

MDCCLXV.

iii

PIUS EPISCOPUS

SERVUS SERVORUM DEI,

Ad perpetuam rei memoriam.



Quo primum tempore ad Apostolatus apicem assumpti fuimus, ad ea libenter animum, viresque nostras intendimus, & cogitationes omnes direximus, quæ ad Ecclesiasticum purum retinendum cultum pertinerent, eaque parare, & Deo ipso adjuvante, omni adhibito studio efficere contendimus. Cumque inter alia Sacri Tridentini Concilii decreta nobis statuendum esset de sacris libris, Catechismo, Missali, & Breviario edendis, atque emendandis: edito jam, Deo ipso annuente, ad populi eruditionem Catechismo, & ad debitas Deo persolvendas laudes Breviario castigato, omnino, ut Breviario Missale responderet, ut congruum est, & conveniens (cum unum in Ecclesia Dei psallendi modum, unum Missæ celebranda ritum esse maximè deceat) necesse jam videbatur, ut, quod reliquum in hac parte esset, de ipso nempe Missali edendo, quam primum cogitarem. Quare eruditissimis delectis viris onus hoc demandandum duximus: qui quidem diligenter collatis omnibus cum vetustis nostra Vaticana Bibliotheca, aliisque undique conquisitis, emendatis, atque incorruptis codicibus, necnon veterum consultis, ac probatorum Auctorum scriptis, qui de sacro eorumdem rituum instituto monumenta nobis reliquerunt, ad pristinam Missale ipsum sanctorum Patrum normam, ac ritum restituerunt. Quod recognitum jam & castigatum, maturè adhibita consideratione, ut ex hoc instituto, captoque labore, fructus omnes percipiant, Rome quam primum imprimi, atque impressum edi mandavimus; nempe ut Sacerdotes intelligant, quibus precibus uti, quos ritus, quasve ceremonias in Missarum celebratione retinere posthac debeant. Ut autem à sacrosancta Romana Ecclesia, ceterarum Ecclesiarum matre & magistra, tradita ubique amplectantur omnes & observent, ne in posterum perpetuis futuris temporibus in omnibus Christiani orbis provincialium Patriarchalibus, Cathedralibus, Collegiatis, & Parochialibus, secularibus, & quorumvis Ordinum, Monasteriorum, tam virorum, quam mulierum, etiam militiarum regularibus, ac sine cura Ecclesiis, vel Capellis, in quibus Missa Conventualis alta voce cum Choro, aut demissa celebrari juxta Romanæ Ecclesiæ ritum consuevit, vel debet, aliàs quam juxta Missalis à nobis editi formulam decantetur, aut recitetur, etiam si eadem Ecclesiæ quovis modo exemptæ Apostolicæ Sedis indulto, consuetudine, privilegio, etiam juramento, confirmatione Apostolica, vel aliis quibusvis facultatibus munita sint; nisi ab ipsa prima institutione à Sede Apostolica approbata, vel consuetudine, quæ, vel ipsa institutio super ducentos annos Missarum celebrandarum in eisdem Ecclesiis assidue observata sit: à quibus, ut prefatam celebrandi constitutionem, vel consuetudinem nequaquam auferimus; sic si Missale hoc, quod nunc in lucem edi curavimus, iisdem magis placeret, de Episcopi, vel Prelati, Capituli que universi consensu, ut quibusvis non obstantibus, juxta illud Missas celebrare possint, permittimus; ex aliis vero omnibus Ecclesiis prefatis eorumdem Missalium usum tollendo, illaque penitus & omnino rejiciendo, ac huic Missali nostro nuper edito, nihil unquam addendum, detrahendum, aut immutandum esse decernendo, sub indignationis nostra pœna, hac nostra perpetuè valitura constitutione statuimus & ordinamus. Mandantes, ac districte omnibus & singulis Ecclesiarum prædictarum Patriarchis, Administratoribus, aliisque personis quacumque Ecclesiastica dignitate fulgentibus, etiam si S. R. E. Cardinales, aut cujusvis alterius gradus & præminentia fuerint, illis in virtute sanctæ obedientiæ præcipientes, ut ceteris omnibus rationibus & ritibus ex aliis Missalibus quantumvis vetustis hactenus observari consuetis, in posterum penitus missis, ac planè rejectis, Missam juxta ritum, modum ac normam, quæ per Missale hoc à nobis nunc traditur, de-

cantent ac legant: neque in Missæ celebratione alias ceremonias, vel preces, quàm quæ hoc Missali continentur, addere, vel recitare præsumant. Atque ut hoc ipsum Missale in Missa decantanda, aut recitanda, in quibusvis Ecclesiis absque ullo conscientie scrupulo, aut aliquarum pœnarum, sententiarum, & censurarum incursum posthac omnino sequantur, eoque libere & licite uti possint & valeant, auctoritate Apostolica, tenore præsentium, etiam perpetuò concedimus & indulgemus. Neve Præsules, Administratores, Canonici, Capellani, & alii quocumque nomine nuncupati Presbyteri seculares, aut cujusvis Ordinis regulares, ad Missam aliter, quàm à nobis statutum est, celebrandam teneantur: neque ad Missale hoc immutandum à quolibet cogi & compelli, præsentisve litteræ ullo umquam tempore revocari, aut moderari possint, sed firmæ semper & valida in suo existant robore, similiter statuimus & declaramus. Non obstantibus præmissis, ac constitutionibus & ordinationibus Apostolicis, ac in provincialibus & synodalibus Conciliis editis generalibus, vel specialibus constitutionibus & ordinationibus; necnon Ecclesiarum prædictarum usu, longissima & immemorabili præscriptione, non tamen supra ducentos annos, roborato, statutis & consuetudinibus contrariis quibuscumque. Volumus autem, & eadem auctoritate decernimus, ut post hujus nostre constitutionis ac Missalis editionem, qui in Romana adsunt Curia Presbyteri, post mensem: qui vero intra montes, post tres: & qui ultra montes incolunt, post sex menses, aut cum primum illis Missale hoc venale propositum fuerit, juxta illud Missam decantare, vel legere teneantur. Quod ut ubique terrarum incorruptum, ac mendis & erroribus purgatum præservetur, omnibus in nostro & Sanctæ Romanæ Ecclesiæ dominio mediata, vel immediata subiecto commorantibus impressoribus, sub amissionis librorum ac centum ducatorum auri, Camera Apostolica ipso facto applicandorum: aliis vero in quacumque orbis parte consistentibus, sub excommunicationis lata sententia, & aliis arbitrii nostri pœnis, ne sine nostra, vel speciali ad id Apostolici Commissarii, in eisdem partibus à nobis constituendi, ac nisi per eundem Commissarium eidem impressori Missalis exemplum, ex quo aliorum imprimendorum ab ipso impressore erit accipienda norma, cum Missali in Urbe secundum magnam impressionem impresso collatum fuisse, & concordare, nec in ullo penitus discrepare prius plena fides facta fuerit, imprimere, vel proponere, vel recipere ullo modo audeant, vel præsumant, auctoritate Apostolica, & tenore præsentium similibus inhibemus. Verum, quia difficile esset præsentis litteras ad quaque Christiani orbis loca deferri, ac primo quoque tempore in omnium notitiam perferri, illas ad Basilicam Principis Apostolorum, ac Cancellariæ Apostolicæ, & in acie Campi Floræ de more publicari & affigi, ac earundem litterarum exemplis etiam impressis, ac manu alicujus publici tabellionis subscriptis, necnon sigillo persone in dignitate Ecclesiastica constituta munitis, eandem prorsus indubitatam fidem ubique gentium & locorum haberi præcipimus, quæ præsentibus haberetur, si ostenderentur, vel exhiberentur. Nulli ergo omnino hominum liceat hanc paginam nostre permissionis, statuti, ordinationis, mandati, præcepti, concessionis, indulti, declarationis, voluntatis, decreti, & inhibitionis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum ejus, se noverit incursum.

Datum Roma apud sanctum Petrum, anno Incarnationis Dominicæ millesimo quingentesimo septuagesimo, pridie Idus Julii, Pontificatus nostri anno quinto.

Ces. Glorierius.

H. Cumyn.

Anno à Nativitate Domini millesimo quingentesimo septuagesimo, Indictione decimatertia, die verò vigesima nona mensis Julii, Pontificatus sanctissimi in Christo Patris & Domini nostri, Domini Pii divina providentia Papæ Quinti, anno ejus quinto, retrospectæ litteræ publicatæ & affixæ fuerunt ad valvas Basilicæ Principis Apostolorum, ac Cancellariæ Apostolicæ, & in acie Campi Floræ, ut moris est, per nos Joannem Andreanum Rogerium, & Philibertum Cappuis, Cursores.

Scipio de Octavianis Magister Cursorum.

✠ 2

CLE-

CLEMENS PAPA VIII.

Ad perpetuam rei memoriam.



Um sanctissimum Eucharistiae Sacramentum, quo nos Christus Dominus sacri sui corporis participes efficit, atque apud nos usque ad consummationem saeculi permanere decrevit, maximum sit omnium Sacramentorum, illudque in sacra Missa conficiatur, ac pro peccatis totius populi Deo Patri offeratur: sane omnino conveniens est; ut, qui omnes unum sumus in uno corpore, quod est Ecclesia, & de uno corpore Christi participamus, una & eadem celebrandi ratione, uniusque officii & ritus observatione in hoc ineffabili, & tremendo sacrificio utamur. Quod cum Romani Pontifices praedecessores nostri semper optarint, atque in hoc diu multumque defuderint, tum in primis fel. rec. Pius Papa Quintus Missale Romanum ex Decreto Sacri Concilii Tridentini ad veterem, & emendatorem normam restituit, Romaeque imprimi curavit. Qui etsi multis propositis penis severissime caverit, ne quid illi vel adderetur, vel ulla ratione demeretur; tamen progressu temporis, sive Typographorum, sive aliorum temeritas, & audacia effecit, ut multi in ea quae his proximis annis excusa sunt Missalia, errores irrepperint, quibus vetustissima illa sacrorum Bibliorum versio, quae etiam ante Sancti Hieronymi tempora celebris habita est in Ecclesia, & ex qua omnes fere Missarum Introitus, & quae dicuntur Gradualia, & Offertoria accepta sunt, omnino sublata est: Epistolarum, & Evangeliorum textus, qui hucusque in Missa solemnis praefatus est, multis in locis perturbatus; ipsi Evangelii diversa, ac prorsus insolita praefixa initia: plurima denique passim pro arbitrio immutata sunt: cuius rei praetextus fuisse videtur, ut omnia ad praescriptum sacrorum Bibliorum vulgatae editionis revocarentur, quasi id alicui propria auctoritate, atque Apostolica Sede inconsulta facere licitum sit. Quod nos animadvertentes, pro nostra Pastoralis sollicitudine, qua omnibus in rebus, ac praecipue in sacris Ecclesiae ritibus, optimam, eamque veterem normam studemus tueri, & conservare, primum praedicta Missalia impressa sic depravata prohiberi & abrogari, eorumque usum in celebratione Missarum interdicti iussimus, nisi ad praescriptum exemplaris sub ipso Pio V. editi integrè in omnibus emendarentur: deinde mandavimus nonnullis venerabilibus fratribus nostris S. R. E. Cardinalibus in sacris litteris versatis, & Ecclesiasticae antiquitatis peritis, ut curam Missale ad pristinam, & quam maxime emendatam formam restituendi susciperent: qui pro sua erga nos fide, & in Romanam Ecclesiam pietate & studio, adhibitis etiam aliis sacrorum Ecclesiasticarum peritis, & eruditis viris, & veteribus Missalibus, aliisque praeterea libris, qui ad eam rem opportuni videbantur, accurate perquisitis, & diligenter inspectis, Missale Romanum suae integritati restituere, ac ipsius Pii V. eorum qui ab eo delecti fuerant, laborem & diligentiam confirmare, & comprobare curarunt. Verum in eo munere peragendo factum est, ut nonnulla ex diligentibus antiquorum collatione in meliorem formam redacta, & in regulis, & rubricis aliqua uberius, & clarius expressa sint, quae tamen ex illorum principis, & fundamentis quasi deducta, illorum sensum imitari potius & supplere, quam aliquid novi afferre videantur. Missale itaque quod idem Pius V. ediderat, sic recognitum, in nostra Typographia Vaticana, quam emendatissime imprimi, & ad communem utilitatem publicari iussimus. Ut autem illius usus in omnibus Christiani orbis partibus, perpetuis futuris temporibus conservetur, ipsum Missale in alma Urbe nostra in eadem Typographia tantum, & non alibi imprimi posse decernimus: extra Urbem vero juxta exemplar in dicta Typographia nunc editum, &

non aliter, hac lege imprimi posse permittimus, ut nimirum Typographis quibuscumque illud imprimere volentibus, id facere liceat; requisita tamen prius, & in scriptis obtemperata dilectorum filiorum Inquisitorum haereticae pravitatis in iis locis in quibus fuerint; ubi vero non fuerint, Ordinariorum locorum licentia; alioquin si absque huiusmodi licentia dictum Missale sub quacunque forma de cetero ipsi imprimere, aut Bibliopola vendere praesumpserint, Typographi, & Bibliopola extra Statum nostrum Ecclesiasticum existentes, excommunicationis latae sententiae, a qua nisi à Romano Pontifice, praeterquam in mortis articulo constituti, absolvi nequeant: in alma vero Urbe, ac reliquo Statu Ecclesiastico commorantes, quingentorum ducatorum auri de Camera, ac amissionis librorum, & typorum omnium Camerae praedictae applicandorum, penas absque alia declaratione irremissibiliter incurrant eo ipso. Et nihilominus eorumdem Missalium per eos de cetero absque huiusmodi licentia imprimendorum, aut vendendorum usum ubique locorum, & gentium sub eisdem poenis perpetuo interdicimus, & prohibemus. Ipsi autem Inquisitores, seu Ordinarii locorum, antequam huiusmodi licentiam concedant, Missalia ab ipsis Typographis imprimenda, & postquam impressa fuerint, cum hoc Missali auctoritate nostra recognito, & nunc impresso, diligentissime conferant, nec in illis aliquid addi, vel detrahi permittant, nec in praemissis praetextu incuriae Typographorum, aut non factae per correctores, vel alios ab ipsis forsitan deputandos diligentia, se aliquo modo excusare, quodque in infra scriptas penas non incurrerint, allegare valeant, & in ipsa licentia originali de collatione facta, & quod omnino concordent, manu propria attestentur: cuius licentiae copia initio, vel in calce cuiusque Missalis semper imprimatur. Quod si secus fuerint, Inquisitores videlicet privationis suorum Officiorum, ac inhabilitatis ad illa, & alia in posterum obtinenda; Antistes autem, & Ordinarii locorum suspensionis à divinis, ac interdicti ab ingressu Ecclesiae; eorum vero Vicarii, privationis similiter Officiorum, & Beneficiorum suorum, & inhabilitatis ad illa, & alia in posterum obtinenda, ac praeterea excommunicationis absque alia declaratione, ut praefertur, penas incurrant eo ipso. Ceterum pauperum Ecclesiarum, Clericorum, & personarum Ecclesiasticarum, ac Typographorum, & Bibliopolarum quorumcumque indemnitas ex benignitate Apostolica rationem habentes, eisdem Missalia haecenus impressa penes se habentibus (iis dumtaxat exceptis quae auctoritate nostra, ut supra dictum est, interdicta & abrogata fuerint) ut ea retinere, & illis uti, eaque vendere respective possint, similiter permittimus, & indulgemus. Non obstantibus licentis, indultis, & privilegiis quibuscumque Typographis haecenus per Nos, seu Romanos Pontifices praedecessores nostros Missale praedictum Pii V. imprimendi concessis, quae per praesentes expressè revocamus, & revocata esse volumus: necnon constitutionibus, & Ordinationibus Apostolicis generalibus, vel specialibus, in contrarium praemissorum quomodocumque concessis, confirmatis, & approbatis. Quibus omnibus etiam si de illis, eorumque totis tenoribus specialis, specifica, & expressa mentio habenda esset, tenores huiusmodi praesentibus pro expressis habentes, hac vice dumtaxat specialiter & expressè derogamus, ceterisque contrariis quibuscumque. Volumus autem, ut praesentium transumptis etiam impressis, vel manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides habeatur, quae ipsis praesentibus haberetur, si essent exhibita, vel ostensa.

Datum Romae apud sanctum Marcum sub Annulo Piscatoris, die vii. Julii M.DC.IV. Pontificatus nostri Anno xiii.

M. Vestrinus Barbanius.

URBANUS PAPA VIII.

Ad perpetuam rei memoriam.



I quid inest rebus humanis planè divinum: quod nobis Supremi cives (si in eos invidia caderet) invidere possent, id certe est Sacrosanctum Missae Sacrificium, cuius beneficio sit, ut homines quadam anticipatione possideant in terris cælum, dum ante oculos habent, & manibus contrectant ipsum cæli terraeque Conditorum. Quod magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae oculos, qui sunt æmuli venerationis. Hinc factum est, ut huius sacri mysterii celebrandi rationem, ac preces, quas Summi Pontifices praedecessores nostri Pius V. & Clemens VIII. diligentissime recognoscere, atque instaurari curaverunt: Nos quoque eorum vestigiis inhaerentes, iterum examinari, & si quid forte in his assiduis (quod plerumque contingit) temporis cursu corruperit, restitui iussimus. Quamobrem sicuti nuper ad divini Officii nitorem reformari Brevarium, ita demum huius exempli ad divini Sacrificii ornatum corrigi Missale mandavimus. Et quoniam haec quasi alas, quas Sacerdos instar Cherubim prisci mystici Tabernaculi quotidie pandit ad verum mundi Propitiatorium, decet esse planè genuinas atque uniformes, huius rei curam commissimus viris eruditissimis, ac piis, quorum diligentia ita opus perfectum est, ut nihil desiderari amplius possit. Nam rubricae, quae sensim ab usu ritaeque vetere degeneraverant, in pristinum restituta; quae vero non ita capiti legentium accommodata videbantur, claudis explicatae: praeterea collata omnia cum codice Sacrae Scripturae Vulgatae editionis, quaeque diversa irrepperant, ad ejus unius exemplum normamque correpta sunt. Verumtamen parum professe consuevit solertia Correctorum, nisi ad eam par Typographorum accedat industria; propterea dilecto filio Andreae Brogiotto Typographiae nostrae Apostolicae Praefecto mandavimus, ut Missale ita expurgatum in lucem emittat: sed quae in posterum extra Urbem imprimi contigerit, eam non aliter, quam ad exemplar in dicta Typographia nunc editum imprimi posse permittimus, requisita tamen prius, & in scriptis obtemperata dilectorum filiorum Inquisitorum haereticae pravitatis in iis locis in quibus fuerint, ubi vero non fuerint, Ordinariorum locorum facultate; alioquin si absque ea dictum Missale ipsi posthac imprimere, aut Bibliopola vendere praesumpserint, Typographi, & Bibliopola extra Statum nostrum Ecclesiasticum existentes excommunicationis latae sententiae, a qua nisi à Romano Pontifice, praeterquam in mortis articulo constituti, absolvi nequeant: in alma vero Urbe & reliquo Statu Ecclesiastico commorantes, quingentorum ducatorum auri de Camera, ac amissionis librorum, & typorum omnium Camerae praedictae applicandorum penas absque alia declaratione irremissibiliter incurrant eo ipso: & nihilominus eorumdem Missalium per eos de cetero absque huiusmodi licentia imprimendorum, aut vendendorum usum ubique locorum, & gentium sub eisdem poenis perpetuo interdicimus, & prohibemus. Ipsi autem Inquisitores, seu Ordinarii locorum, antequam huiusmodi licentiam, & facultatem concedant, Missalia ab ipsis Typographis imprimenda, & postquam impressa fuerint, cum hoc Missali auctoritate nostra recognito, & nunc impresso, diligentissime conferant, nec in illis aliquid addi, vel detrahi permittant. In ipsa vero licentia originali obtinenda, de collatione facta, & quod omnino concordent, manu propria attestentur: cuius licentiae copia initio, vel in fine cuiusque Missalis semper imprimatur. Quod si secus fuerint, Inquisitores privationis suorum Officiorum, ac inhabilitatis ad illa, & alia in posterum obtinenda; Ordinarii autem locorum suspensionis à divinis, ac interdicti ab ingressu Ecclesiae, eorum vero Vicarii privationis similiter Officiorum, & Beneficiorum suorum, & inhabilitatis ad illa, & alia in posterum obtinenda, ac insuper excommunicationis absque alia declaratione penas incurrant eo ipso. Ceterum pauperum Ecclesiarum, Clericorum, & personarum Ecclesiasticarum, ac Typographorum, & Bibliopolarum quorumcumque indemnitas ex benignitate Apostolica rationem habentes, eisdem Missalia haecenus impressa penes se habentibus, ut ea retinere, & illis uti, eaque vendere respective possint, similiter permittimus, & indulgemus. Non obstantibus licentis, indultis, & privilegiis quibuscumque Typographis per Nos, seu Romanos Pontifices praedecessores nostros Missale imprimendi concessis, quae per praesentes expressè revocamus, & revocata esse volumus, necnon constitutionibus, & ordinationibus Apostolicis generalibus, vel specialibus, in contrarium praemissorum quomodocumque concessis, approbatis, & confirmatis. Quibus omnibus etiam si de illis eorumque totis tenoribus specialis, specifica, & expressa mentio habenda esset, tenores huiusmodi praesentibus pro expressis habentes, hac vice dumtaxat specialiter & expressè derogamus. Volumus autem ut praesentium transumptis etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis, eadem prorsus fides habeatur, quae ipsis praesentibus haberetur, si essent exhibita, vel ostensa.

Datum Romae apud sanctam Mariam Majorem sub Annulo Piscatoris, die secundae Septembris M. DC. XXXIV. Pontificatus nostri anno duodecimo.

M. A. Maraldi.

J. Savenier.

$\begin{array}{c} d \\ c \end{array} \mid \begin{array}{c} b \\ \color{red}{\blacktriangle} \end{array} g \mid \begin{array}{c} f \\ e \end{array} \mid d c b \mid \begin{array}{c} \color{red}{\blacktriangle} \\ g \end{array} \mid f e d \mid \begin{array}{c} c \\ b \end{array}$
 $\color{red}{\blacktriangle} g f \mid \begin{array}{c} e \\ d \end{array} \mid c b \mid \begin{array}{c} \color{red}{\blacktriangle} \\ g \\ f \end{array} \mid e d c \mid \begin{array}{c} b \\ \color{red}{\blacktriangle} \end{array} \mid g f e$

DE INDICATIONIBUS.

Tabella Indictionis ab anno correctionis. 1582.

10. 11. 12. 13. 14. 15. 1. 2. 3. 4. 5. 6. 7. 8. 9.

DE FESTIS MOBILIBUS.

Ex tabula verò Paschali nova, ita eadem Festa mobilia reperientur. In cellula litteræ Dominicalis currentis quaratur Epacta currens. Nam è directo omnia Festa

Ad finem tandem tabularum Paschalium apposita est tabula temporaria multorum annorum, è regione quorum omnia Festa mobilia inveniuntur; quæ quidem tabula ex tabulis Paschalibus excerpta est, ex quibus infinitæ aliæ erui possunt pro quibuscumque annis.

| Ann. Num. | Cycl. Epac. dar. | Yir. Dai cal. | Se- pua gel. | Dies Cine- rum. | Pa- fcha. | Alfc. no. | Pen- tec. | Cor- pus Xpi. | Dile. post Pent. | 1. Dier. Admen- tus. |
|-----------|------------------|---------------|--------------|-----------------|-----------|-----------|-----------|---------------|------------------|----------------------|
| 16 | xxiii | d | 18 | 4 | Febr. | Mar. | Apr. | May. | May. | 19 Nov. |
| 5 | xx | e | 19 | 5 | 24 | 1. Mai | 11 | 22 | 28 | 30 |
| 13 | xxi | f | 20 | 6 | 25 | 2 | 12 | 23 | 28 | 1 Dec. |
| 2 | xix | g | 21 | 7 | 25 | 3 | 13 | 24 | 28 | 2 |
| | xxviii | a | 22 | 8 | 26 | 4 | 14 | 25 | 28 | 3 |
| 10 | xxvii | b | 23 | 9 | 27 | 5 | 15 | 26 | 27 | 19 Nov. |
| | xvi | c | 24 | 10 | 28 | 6 | 16 | 27 | 27 | 12 |
| 18 | xv | d | 25 | 11 | 29 | 7 | 17 | 28 | 27 | 19 |
| 7 | xiv | e | 26 | 12 | 30 | 8 | 18 | 29 | 27 | 30 |
| | xxii | f | 27 | 13 | 31 | 9 | 19 | 30 | 27 | 1 Dec. |
| 15 | xi | g | 28 | 14 | 1. Ap. | 10 | 20 | 31 | 27 | 2 |
| 4 | x | a | 29 | 15 | 2 | 11 | 21 | 1. ju. | 27 | 3 |
| | ix | b | 30 | 16 | 3 | 12 | 22 | 2 | 26 | 19 Nov. |
| 12 | | c | 31 | 17 | 4 | 13 | 23 | 3 | 26 | 28 |
| | viii | d | 1. Feb | 18 | 5 | 14 | 24 | 4 | 26 | 29 |
| 1 | vii | e | 2 | 19 | 6 | 15 | 25 | 5 | 26 | 30 |
| 9 | vi | f | 3 | 20 | 7 | 16 | 26 | 6 | 26 | 1 Dec. |
| | v | g | 4 | 21 | 8 | 17 | 27 | 7 | 26 | 2 |
| 17 | iv | a | 5 | 22 | 9 | 18 | 28 | 8 | 26 | 3 |
| 6 | iii | b | 6 | 23 | 10 | 19 | 29 | 9 | 25 | 19 Nov. |
| | ii | c | 7 | 24 | 11 | 20 | 30 | 10 | 25 | 28 |
| 14 | i | d | 8 | 25 | 12 | 21 | 31 | 11 | 25 | 29 |
| 3 | * | e | 9 | 26 | 13 | 22 | 1. ju. | 12 | 25 | 30 |
| | xxix | f | 10 | 27 | 14 | 23 | 2 | 13 | 25 | 1 Dec. |
| | xxviii | g | 11 | 28 | 15 | 24 | 3 | 14 | 25 | 2 |
| 11 | xxvii | a | 12 | 1. M. | 16 | 25 | 4 | 15 | 25 | 3 |
| | xxvi | b | 13 | 2 | 17 | 26 | 5 | 16 | 24 | 19 Nov. |
| 19 | xxv | c | 14 | 3 | 18 | 27 | 6 | 17 | 24 | 28 |
| 8 | xxiv | d | 15 | 4 | 19 | 28 | 7 | 18 | 24 | 29 |
| | | e | 16 | 5 | 20 | 29 | 8 | 19 | 24 | 30 |
| | | f | 17 | 6 | 21 | 30 | 9 | 20 | 24 | 1 Dec. |
| | | g | 18 | 7 | 22 | 31 | 10 | 21 | 24 | 2 |
| | | a | 19 | 8 | 23 | 1. ju. | 11 | 22 | 24 | 3 |
| | | b | 20 | 9 | 24 | 2 | 12 | 23 | 23 | 19 Nov. |
| | | c | 21 | 10 | 25 | 3 | 13 | 24 | 23 | 28 |

TABULA PASCHALIS NOVA REFORMATA.

| Litteræ Do-
minicales. | Cyclus Epactarum. | Septua-
gesima. | Dies Ci-
nerum. | Pascha. | Ascensio. | Penteco-
stes. | Corpus
Christi. | Dominica
inter Pent.
& Adv. | i. Dñica
Adven. |
|---------------------------|------------------------------|--------------------|--------------------|---------|-----------|-------------------|--------------------|-----------------------------------|--------------------|
| D | 23. | 18 Ian. | 4 Febr. | 22 Mar. | 30 April. | 10 Maji | 21 Maji | 28 | 29 Nov. |
| | 22. 21. 20. 19. 18. 17. 16. | 25 Ian. | 11 Febr. | 29 Mar. | 7 Maji | 17 Maji | 28 Maji | 27 | 29 |
| | 15. 14. 13. 12. 11. 10. 9. | 1 Febr. | 18 Febr. | 5 Apr. | 14 Maji | 24 Maji | 4 Iunii | 26 | 29 |
| | 8. 7. 6. 5. 4. 3. 2. | 8 Febr. | 25 Febr. | 12 Apr. | 21 Maji | 31 Maji | 11 Iunii | 25 | 29 |
| | 1. * 29. 28. 27. 26. 25. 24. | 15 Febr. | 4 Mar. | 19 Apr. | 28 Maji | 7 Iunii | 18 Iunii | 24 | 29 |
| E | 23. 22. | 19 Ian. | 5 Febr. | 23 Mar. | 1 Maji | 11 Maji | 22 Maji | 28 | 30 Nov. |
| | 21. 20. 19. 18. 17. 16. 15. | 26 Ian. | 12 Febr. | 30 Mar. | 8 Maji | 18 Maji | 29 Maji | 27 | 30 |
| | 14. 13. 12. 11. 10. 9. 8. | 2 Febr. | 19 Febr. | 6 Apr. | 15 Maji | 25 Maji | 5 Iunii | 26 | 30 |
| | 7. 6. 5. 4. 3. 2. 1. | 9 Febr. | 26 Febr. | 13 Apr. | 22 Maji | 1 Iunii | 12 Iunii | 25 | 30 |
| | * 29. 28. 27. 26. 25. 24. | 16 Febr. | 5 Mar. | 20 Apr. | 29 Maji | 8 Iunii | 19 Iunii | 24 | 30 |
| F | 23. 22. 21. | 20 Ian. | 6 Febr. | 24 Mar. | 2 Maji | 12 Maji | 23 Maji | 28 | 1 Dec. |
| | 20. 19. 18. 17. 16. 15. 14. | 27 Ian. | 13 Febr. | 31 Mar. | 9 Maji | 19 Maji | 30 Maji | 27 | 1 |
| | 13. 12. 11. 10. 9. 8. 7. | 3 Febr. | 20 Febr. | 7 Apr. | 16 Maji | 26 Maji | 6 Iunii | 26 | 1 |
| | 6. 5. 4. 3. 2. 1. * | 10 Febr. | 27 Febr. | 14 Apr. | 23 Maji | 2 Iunii | 13 Iunii | 25 | 1 |
| | 29. 28. 27. 26. 25. 24. | 17 Febr. | 6 Mar. | 21 Apr. | 30 Maji | 9 Iunii | 20 Iunii | 24 | 1 |
| G | 23. 22. 21. 20. | 21 Ian. | 7 Febr. | 25 Mar. | 3 Maji | 13 Maji | 24 Maji | 28 | 2 Dec. |
| | 19. 18. 17. 16. 15. 14. 13. | 28 Ian. | 14 Febr. | 1 Apr. | 10 Maji | 20 Maji | 31 Maji | 27 | 2 |
| | 12. 11. 10. 9. 8. 7. 6. | 4 Febr. | 21 Febr. | 8 Apr. | 17 Maji | 27 Maji | 7 Iunii | 26 | 2 |
| | 5. 4. 3. 2. 1. * 29. | 11 Febr. | 28 Febr. | 15 Apr. | 24 Maji | 3 Iunii | 14 Iunii | 25 | 2 |
| | 28. 27. 26. 25. 24. | 18 Febr. | 7 Mar. | 22 Apr. | 31 Maji | 10 Iunii | 21 Iunii | 24 | 2 |
| A | 23. 22. 21. 20. 19. | 22 Ian. | 8 Febr. | 26 Mar. | 4 Maji | 14 Maji | 25 Maji | 28 | 3 Dec. |
| | 18. 17. 16. 15. 14. 13. 12. | 29 Ian. | 15 Febr. | 2 Apr. | 11 Maji | 21 Maji | 1 Iunii | 27 | 3 |
| | 11. 10. 9. 8. 7. 6. 5. | 5 Febr. | 22 Febr. | 9 Apr. | 18 Maji | 28 Maji | 8 Iunii | 26 | 3 |
| | 4. 3. 2. 1. * 29. 28. | 12 Febr. | 1 Mar. | 16 Apr. | 25 Maji | 4 Iunii | 15 Iunii | 25 | 3 |
| | 27. 26. 25. 24. | 19 Febr. | 8 Mar. | 23 Apr. | 1 Iunii | 11 Iunii | 22 Iunii | 24 | 3 |
| B | 23. 22. 21. 20. 19. 18. | 23 Ian. | 9 Febr. | 27 Mar. | 5 Maji | 15 Maji | 26 Maji | 27 | 27 Nov. |
| | 17. 16. 15. 14. 13. 12. 11. | 30 Ian. | 16 Febr. | 3 Apr. | 12 Maji | 22 Maji | 2 Iunii | 26 | 27 |
| | 10. 9. 8. 7. 6. 5. 4. | 6 Febr. | 23 Febr. | 10 Apr. | 19 Maji | 29 Maji | 9 Iunii | 25 | 27 |
| | 3. 2. 1. * 29. 28. 27. | 13 Febr. | 2 Mar. | 17 Apr. | 26 Maji | 5 Iunii | 16 Iunii | 24 | 27 |
| | 26. 25. 24. | 20 Febr. | 9 Mar. | 24 Apr. | 2 Iunii | 12 Iunii | 23 Iunii | 23 | 27 |
| C | 23. 22. 21. 20. 19. 18. 17. | 24 Ian. | 10 Febr. | 28 Mar. | 6 Maji | 16 Maji | 27 Maji | 27 | 28 Nov. |
| | 16. 15. 14. 13. 12. 11. 10. | 31 Ian. | 17 Febr. | 4 Apr. | 13 Maji | 23 Maji | 3 Iunii | 26 | 28 |
| | 9. 8. 7. 6. 5. 4. 3. | 7 Febr. | 24 Febr. | 11 Apr. | 20 Maji | 30 Maji | 10 Iunii | 25 | 28 |
| | 2. 1. * 29. 28. 27. 26. 25. | 14 Febr. | 3 Mar. | 18 Apr. | 27 Maji | 6 Iunii | 17 Iunii | 24 | 28 |
| | 25. 24. | 21 Febr. | 10 Mar. | 25 Apr. | 3 Iunii | 13 Iunii | 24 Iunii | 23 | 28 |

TABELLA TEMPORARIA FESTORUM MOBILIIUM.

| Anni Do-
mini. | Litteræ Do-
minicales. | Aureus
nume-
rus. | Epactæ. | Septua-
gesima. | Dies Ci-
nerum. | Pascha. | Ascen-
sio. | Pente-
costes. | Corpus
Christi. | Indict. | Dñice
post
Pent. | Dominica i.
Advent. |
|-------------------|---------------------------|-------------------------|---------|--------------------|--------------------|-----------|----------------|-------------------|--------------------|---------|------------------------|------------------------|
| 1761 | d | 14 | xxiii | 18 Ian. | 4 Febr. | 22 Mart. | 30 Apr. | 10 Maji | 21 Maji | 9 | 28 | 29 Novemb. |
| 1762 | c | 15 | iv | 7 Febr. | 24 Febr. | 11 April. | 20 Maji | 30 Maji | 10 Iunii | 10 | 25 | 28 Novemb. |
| 1763 | b | 16 | xv | 30 Jan. | 16 Febr. | 3 April. | 12 Maji | 22 Maji | 2 Iunii | 11 | 26 | 27 Novemb. |
| 1764 | A g | 17 | xxvi | 19 Febr. | 7 Mart. | 22 April. | 31 Maji | 10 Iunii | 21 Iunii | 12 | 24 | 2 Decemb. |
| 1765 | f | 18 | vii | 3 Febr. | 20 Febr. | 7 April. | 16 Maji | 26 Maji | 6 Iunii | 13 | 26 | 1 Decemb. |
| 1766 | e | 19 | xviii | 26 Jan. | 12 Febr. | 30 Mar. | 8 Maji | 18 Maji | 29 Maji | 14 | 27 | 30 Novemb. |
| 1767 | d | 1 | * | 15 Febr. | 4 Mart. | 19 April. | 28 Maji | 7 Iunii | 18 Iunii | 15 | 24 | 29 Novemb. |
| 1768 | c b | 2 | xi | 31 Jan. | 17 Febr. | 3 April. | 12 Maji | 22 Maji | 2 Iunii | 1 | 26 | 27 Novemb. |
| 1769 | A | 3 | xxii | 22 Jan. | 8 Febr. | 26 Mart. | 4 Maji | 14 Maji | 25 Maji | 2 | 28 | 3 Decemb. |
| 1770 | g | 4 | iii | 11 Febr. | 28 Febr. | 15 April. | 24 Maji | 3 Iunii | 14 Iunii | 3 | 25 | 2 Decemb. |
| 1771 | f | 5 | xiv | 27 Jan. | 13 Febr. | 31 Mart. | 9 Maji | 19 Maji | 30 Maji | 4 | 27 | 1 Decemb. |
| 1772 | e d | 6 | xxv | 16 Febr. | 4 Mart. | 19 April. | 28 Maji | 7 Iunii | 18 Iunii | 5 | 24 | 29 Novemb. |
| 1773 | c | 7 | vi | 7 Febr. | 24 Febr. | 11 April. | 20 Maji | 30 Maji | 10 Iunii | 6 | 25 | 28 Novemb. |
| 1774 | b | 8 | xvii | 30 Jan. | 16 Febr. | 3 April. | 12 Maji | 22 Maji | 2 Iunii | 7 | 26 | 27 Novemb. |
| 1775 | A | 9 | xxviii | 12 Febr. | 11 Mart. | 16 April. | 25 Maji | 4 Iunii | 5 Iunii | 8 | 25 | 3 Decemb. |
| 1776 | g f | 10 | ix | 4 Febr. | 21 Febr. | 7 April. | 16 Maji | 26 Maji | 6 Iunii | 9 | 26 | 1 Decemb. |
| 1777 | e | 11 | xx | 26 Jan. | 12 Febr. | 30 Mart. | 8 Maji | 18 Maji | 29 Maji | 10 | 27 | 30 Novemb. |
| 1778 | d | 12 | i | 15 Febr. | 4 Mart. | 19 April. | 28 Maji | 7 Iunii | 18 Iunii | 11 | 24 | 29 Novemb. |
| 1779 | c | 13 | xii | 31 Jan. | 7 Febr. | 4 April. | 13 Maji | 23 Maji | 3 Iunii | 12 | 26 | 28 Novemb. |
| 1780 | b A | 14 | xxiii | 23 Jan. | 9 Febr. | 26 Mart. | 4 Maji | 14 Maji | 25 Maji | 13 | 28 | 3 Decemb. |
| 1781 | g | 15 | iv | 11 Febr. | 28 Febr. | 15 April. | 24 Maji | 3 Iunii | 14 Iunii | 14 | 25 | 2 Decemb. |
| 1782 | f | 16 | xv | 27 Jan. | 13 Febr. | 31 Mar. | 9 Maji | 19 Maji | 30 Maji | 15 | 27 | 1 Decemb. |
| 1783 | e | 17 | xxvi | 16 Febr. | 5 Mar. | 20 April. | 29 Maji | 8 Iunii | 19 Iunii | 1 | 24 | 30 Novemb. |
| 1784 | d c | 18 | vii | 8 Febr. | 25 Febr. | 11 April. | 20 Maji | 30 Maji | 10 Iunii | 2 | 25 | 28 Novemb. |

JANUARIUS.

| Cyclus
Epact. | L.
D. | D.
M. | |
|------------------|----------|----------|---|
| | A | Kal. | 1 Circumcisio Domini, duplex. 30. |
| | b | iv | 2 Oct. S. Stephani, <i>dupl. cum comem.</i>
Oct. S. Joannis Apostoli, & SS.
Innocentium. 30. |
| xxviii | c | iii | 3 Oct. S. Joannis, <i>dupl. cum comem.</i>
Oct. SS. Innocentium. 31. |
| xxvii | d | Prid. | 4 Oct. SS. Innocentium, duplex. 31. |
| xxvi | e | Non. | 5 Vigilia Epiphaniæ, <i>semid. & com-</i>
<i>memor.</i> S. Telesphori Papæ &
martyris. 31. |
| 25-xxv | f | viii | 6 Epiphania Domini, duplex. 33. |
| xxiv | g | vii | 7 De Octava Epiphaniæ. 34. |
| xxiii | A | vi | 8 De Octava. |
| xxii | b | v | 9 De Octava. |
| xxi | c | iv | 10 De Octava. |
| xx | d | iii | 11 De Octava, & <i>commem.</i> S. Hygi-
ni Papæ, & mart. 299. |
| xix | e | Prid. | 12 De Octava, <i>cum comem.</i> S. Be-
nedicti Abbatis in Anglia. 299. |
| xviii | f | Idib. | 13 Octava Epiphaniæ, duplex. 35.
Dominica secunda post Epiphaniam,
Festum SS. Nominis Jesu, duplex,
<i>cum comem.</i> Dominica. 299. |
| xvii | g | xix | 14 Petri Urfeoli Confess. duplex, <i>cum</i>
<i>commem.</i> S. Felicis Presbyteri
& martyris. 300. |
| xvi | A | xviii | 15 Mauri Abbatis, duplex. 301. |
| xv | b | xvii | 16 Marcelli Papæ & mart. <i>semid.</i> 302. |
| xiv | c | xvi | 17 Antonii Abbatis, duplex. 303. |
| xiii | d | xv | 18 Cathedra S. Petri Romæ, duplex,
& <i>commem.</i> S. Priscæ virginis
& martyris. 304. |
| xii | e | xiv | 19 Agathonis Papæ & Confess. <i>dupl.</i>
293. & <i>commem.</i> SS. Marii,
Marthæ, Audifacis, & Aba-
chum martyris. 305. |
| xi | f | xiii | 20 Fabiani & Sebastiani martyrum,
duplex. 307. |
| x | g | xii | 21 Agnetis virginis & mart. <i>dupl.</i> 308. |
| ix | A | xi | 22 Vincentii & Anastasii martyrum,
<i>semiduplex.</i> 309. |
| viii | b | x | 23 Desponsatio B. V. Mariæ cum S.
Joseph, duplex, <i>cum comem.</i>
S. Emerentianæ virginis & mar-
tyris. 310. |
| vii | c | ix | 24 Timothei Episcopi, & martyris,
<i>semiduplex.</i> 312. |
| vi | d | viii | 25 Conversio S. Pauli Apostoli,
duplex. 313. |
| v | e | vii | 26 Polycarpi Episcopi & martyris,
<i>semiduplex.</i> 314. |
| iv | f | vi | 27 Joannis Chrysostomi Episcopi &
Confessoris, duplex. 315. |
| iii | g | v | 28 Pauli Primi Eremitæ Confessoris,
duplex, <i>cum commemoratione</i>
S. Agnetis secundò. 316. |
| ii | A | iv | 29 Francisci Salesii Episcopi & Confes-
soris, duplex. 317. |
| i | b | iii | 30 Adelelmi Abbatis, duplex. 317. |
| | c | Prid. | 31 Petri Nolasco Confess. <i>dupl.</i> 317. |
| | | | Missæ votiva de S. P. N. Benedicto
Feria tertia. 497.
Missæ de S. Scholastica semel in
Mense dicenda. 498. |

FEBRUARIUS.

| Cyclus
Epact. | L.
D. | D.
M. | |
|------------------|----------|----------|---|
| xxix | d | Kal. | 1 Ignatii Episc. & mart. <i>semid.</i> 318. |
| xxviii | e | iv | 2 Purificatio beatæ Mariæ Virginis,
duplex. 318. |
| xxvii | f | iii | 3 Ildefonsi Episcopi, & Confessoris,
duplex, <i>cum commemorat.</i> S.
Blasii Episcopi & mart. 321. |
| 25-xxvi | g | Prid. | 4 Andrea Corsini Episcopi & Confess.
duplex. 322. |
| xxv-xxiv | A | Non. | 5 Agathæ virg. & mart. duplex. 322. |
| xxiii | b | viii | 6 Laurentii Episcopi, & Confessor.
dupl. <i>cum comem.</i> S. Doro-
theæ virg. & martyris. 323. |
| xxii | c | vii | 7 Romualdi Abbatis, duplex. 323. |
| xxi | d | vi | 8 Joannis de Matha Confessoris,
duplex. 323. |
| xx | e | v | 9 Hilarii Episcopi & Confessoris,
<i>semiduplex</i> , <i>cum comemor.</i>
S. Apolloniæ virg. & mart. 323. |
| xix | f | iv | 10 Scholasticæ virg. duplex. 323. |
| xviii | g | iii | 11 De Octava S. Scholasticæ. 324. |
| xvii | A | Prid. | 12 De Octava. |
| xvi | b | Idib. | 13 Gregorii Secundi Papæ & Confess.
duplex, <i>cum comem.</i> Octavæ
S. Scholasticæ. 324. |
| xv | c | xvi | 14 De Octava, <i>commem.</i> S. Valenti-
ni Presbyteri, & mart. 325. |
| xiv | d | xv | 15 De Octava, <i>commem.</i> SS. Fau-
stini & Jovite mart. 325. |
| xiii | e | xiv | 16 De Octava. |
| xii | f | xiii | 17 Octava S. Scholasticæ, <i>dupl.</i> 326. |
| xi | g | xii | 18 Helladii Episcopi & Confessoris,
dupl. & <i>commemor.</i> S. Simeonis
Episcopi & martyris. 326. |
| x | A | xi | 19 Canuti Regis & mart. <i>semid. ad</i>
<i>libitum.</i> 326. |
| ix | b | x | 20 Raymundi de Peñafort Confess.
<i>semiduplex.</i> 327. |
| viii | c | ix | 21 Cathedra S. Petri Antiochiæ,
duplex. 327. |
| vii | d | viii | 22 Vigilia. 328. |
| vi | e | vii | 23 Mathiæ Apostoli, duplex. 328. |
| v | f | vi | 24 |
| iv | g | v | 25 |
| iii | A | iv | 26 Martinæ virg. & mart. <i>semid.</i> 329. |
| ii | b | iii | 27 Leandri Episcopi & Confessoris,
duplex. 329. |
| i | c | Prid. | 28 |

In Anno Bisextili Februatius est
dierum 29. & festum S. Mathiæ
celebratur 25. Februarii, & bis di-
citur, *Sexto Kalendas*, idest,
die 24. & die 25. & littera Do-
minicalis, quæ assumpta fuit in
Mense Januario, mutatur in præ-
cedentem: ut si in Januario lit-
tera Dominicalis fuit A, muta-
tur in præcedentem, quæ est g,
&c. & littera f, bis servit 24.
& 25.

M A R T I U S.

A P R I L I S.

| Cyclus
Epact. | L.
D. | D.
M. | |
|------------------|----------|----------|--|
| xxix | d | Kal. | 1 Rudefindi Episc. & Conf. dupl. 329. |
| xxviii | e | vi | 2 Suitberti Episcopi & Confessoris, duplex. 330. |
| xxvii | f | v | 3 Anselmi Abbatis, duplex. 330. |
| xxvi | g | iv | 4 Casimiri Conf. semid. cum comem. S. Lucii Papæ & mart. 330. |
| 25. xxv | A | iii | 5 Chunegundis virg. duplex. 331. |
| xxiv | b | Prid. | 6 |
| | c | Non. | 7 Thomæ de Aquino Confess. & Ecclesiæ Doctoris, dupl. & commemor. SS. Perpetuæ & Felicitatis martyrum. 331. |
| xxiii | d | viii | 8 Veremundi Abbatis, duplex. 332. |
| xxii | e | vii | 9 Franciscae Romanæ Viduæ, duplex. 332. |
| xxi | f | vi | 10 Quadraginta Martyr. semid. 332. |
| xx | g | v | 11 Vincentii Abbatis & martyris, duplex, cum comem. S. Eutogii mart. 333. |
| xix | A | iv | 12 Gregorii Papæ & Confess. & Ecclesiæ Doctoris, duplex. 334. |
| xviii | b | iii | 13 Ramiri & soc. mart. duplex. 335. |
| xvii | c | Prid. | 14 Joannis de Deo Conf. duplex. 335. |
| xvi | d | Idib. | 15 |
| xv | e | xvii | 16 |
| xiv | f | xvi | 17 Paulitii Episcopi & Confessoris, semiduplex. 336. |
| xiii | g | xv | 18 |
| xii | A | xiv | 19 Joseph Sponsi B. V. Mariæ Confessoris, duplex. 336. |
| xi | b | xiii | 20 |
| x | c | xii | 21 S. P. N. Benedicti Abbatis, duplex. 337. |
| ix | d | xi | 22 |
| viii | e | x | 23 |
| vii | f | ix | 24 |
| vi | g | viii | 25 Annuntiatio Beate Mariæ Virginis, duplex. 338. |
| v | A | vii | 26 |
| iv | b | vi | 27 |
| iii | c | v | 28 Octava S. P. N. Benedicti, duplex. 339. |
| ii | d | iv | 29 |
| i | e | iii | 30 |
| | f | Prid. | 31 |

Feria sexta post Dominicam Passio-
nis celebratur Festum de Septem
Doloribus beate Mariæ virginis,
duplex: 340.

| Cyclus
Epact. | L.
D. | D.
M. | |
|------------------|----------|----------|---|
| xxix | g | Kal. | 1 |
| xxviii | A | iv | 2 Francisci de Paula Conf. dupl. 341. |
| xxvii | b | iii | 3 |
| 25. xxvi | c | Prid. | 4 Isidori Episcopi Confess. & Docto-
ris, duplex. 342. |
| xxv. xxiv | d | Non. | 5 Vincentii Ferrerii Confessoris,
duplex. 342. |
| xxiii | e | viii | 6 |
| xxii | f | vii | 7 |
| xxi | g | vi | 8 |
| xx | A | v | 9 |
| xix | b | iv | 10 |
| xviii | c | iii | 11 Leonis Papæ Confessoris, & Do-
ctoris, duplex. 342. |
| xvii | d | Prid. | 12 |
| xvi | e | Idib. | 13 B. Idæ virginis, duplex. 343. |
| xv | f | xviii | 14 Hermenegildi martyris, femidu-
plex, cum commemor. SS. Ti-
burtii, Valeriani, & Maximi
martyrum. 345. |
| xiv | g | xvii | 15 |
| xiii | A | xvi | 16 Tutibii Episcopi & Confessoris,
duplex. 346. |
| xii | b | xv | 17 Aniceti Papæ & mart. 346. |
| xi | c | xiv | 18 |
| x | d | xiii | 19 |
| ix | e | xii | 20 |
| viii | f | xi | 21 Anselmi Episcopi Confes. & Do-
ctoris, duplex. 347. |
| vii | g | x | 22 Soteris & Caji Pontificum & mar-
tyrum, femiduplex. 348. |
| vi | A | ix | 23 Georgii martyris, femid. 349. |
| v | b | viii | 24 Melliti Episcopi & Confessoris.
duplex. 350. |
| iv | c | vii | 25 Marci Evangelistæ, duplex. 350. |
| iii | d | vi | 26 Cleri & Marcellini Pontificum &
martyrum, femiduplex. 351. |
| ii | e | v | 27 |
| i | f | iv | 28 Vitalis martyris. 352. |
| * | g | iii | 29 Roberti Abbatis, duplex. 352. |
| xxix | A | Prid. | 30 Catharinæ Senensis virginis, du-
plex. 352. |

M A J U S.

| Cycli
Epact. | L.
D. | D.
M. | |
|-----------------|----------|----------|---|
| xxviii | b | Kal. | 1 Philippi & Jacobi Apostolorum, duplex. 353. |
| xxvii | c | vi | 2 Athanasii Episcopi & Confessoris, duplex. 354. |
| xxvi | d | v | 3 Inventio S. Crucis, dupl. & comm. SS. Alexandri, Eventii, & Theoduli martyris. ac Juvenalis Episcopi & Confessoris, in multis privatis tantum. 355. |
| xxv | e | iv | 4 Monica viduae, duplex. 357. |
| xxiv | f | iii | 5 Pii V. Papae & Conf. semid. 358. |
| xxiii | g | Prid. | 6 Joannis ante Pontam Latinam, duplex. 358. |
| xxii | A | Non. | 7 Stanislai Episc. & mart. dupl. 358. |
| xxi | b | viii | 8 Apparitio S. Michaelis Archangeli, duplex. 359. |
| xx | c | vii | 9 Gregorii Nazianzeni Episcopi & Confessoris, duplex. 360. |
| xix | d | vi | 10 Antonini Episc. & Conf. semidupl. cum commem. SS. Gordiani & Epimachi mart. 361. |
| xviii | e | v | 11 Petri martyris, duplex. 362. |
| xvii | f | iv | 12 Nerei, Achillei, & Domitillae virg. atque Pancratii mart. semid. 363. |
| xvi | g | iii | 13 Bonifacii martyris. 364. |
| xv | A | Prid. | 14 Ubaldis Episcopi & Confessoris, semiduplex. 365. |
| xiv | b | Idib. | 15 Venantii martyris, semid. 365. |
| xiii | c | xvii | 16 Petri Caelestini Papae & Confessoris, dupl. cum commem. S. Pudencianae virg. 366. |
| xii | d | xvi | 17 Bernardini Confess. semid. 367. |
| xi | e | xv | 18 Romani Abbatis, duplex. 368. |
| x | f | xiv | 19 Gregorii VII. Papae & Conf. duplex, cum commem. S. Urbani Papae & martyris. 368. |
| ix | g | xiii | 20 Augustini Episc. & Conf. duplex, cum commem. S. Eleutherii Papae & martyris. 369. |
| viii | A | xii | 21 Bedae Presbyteri Confess. & Doctoris, dupl. cum commem. S. Joannis Papae & martyris. 369. |
| vii | b | xi | 22 Bonifacii IV. Papae & Confessoris, duplex. 369. |
| vi | c | x | 23 Gennadii Episcopi & Confessoris, duplex. 370. |
| v | d | ix | 24 Mariae Magdalene de Pazzis, semidupl. (Sed in tota Italia & Insulis adjacentibus tantum, duplex, cum commem. S. Felicis Papae & martyris. 370. |
| iv | e | viii | 25 Philippi Neri Confessoris, duplex, cum commem. S. Petronillae virginis. 370. |
| iii | f | vii | |
| ii | g | vi | |
| i | A | v | |
| | b | iv | |
| xxix | c | iii | |
| xxviii | d | Prid. | |

J U N I U S.

| Cycli
Epact. | L.
D. | D.
M. | |
|-----------------|----------|----------|--|
| xxvii | c | Kal. | 1 Enneconis Abbatis, duplex. 372. |
| xxvi | f | iv | 2 Marcellini, Petri, atque Erasmi martyrum. 372. |
| xxv | g | iii | 3 Bonifacii Episc. & mart. dupl. 373. |
| xxiii | A | Prid. | 4 Norberti Episc. & Conf. dupl. 373. |
| xxii | b | Non. | 5 Primi & Feliciani martyris. 373. |
| xxi | c | viii | 6 Margaritae Reginae Scotiae, semiduplex. 374. |
| xx | d | vii | 7 Barnabae Apostoli, duplex. 374. |
| xix | e | vi | 8 Leonis III. Papae & Conf. dupl. 375. |
| xviii | f | v | 9 SS. Basilidis, Cyrini, Naboris, & Nazarii mart. 376. |
| xvii | g | iv | 10 Antonii de Padua Conf. dupl. 377. |
| xvi | A | iii | 11 Felicis martyris, duplex. 378. |
| xv | b | Prid. | 12 Joannis à S. Facundo Conf. duplex, cum commem. Viti, Modesti, atque Crescentiae martyris. 378. |
| xiv | c | Idib. | 13 Basilii Episc. & Conf. duplex. 379. |
| xiii | d | xviii | 14 Marci & Marcelliani mart. 380. |
| xii | e | xvii | 15 Julianae virg. semidupl. cum commem. SS. Gervasii & Protasii martyris. 381. |
| xi | f | xvi | 16 Florentinae Virginis. 382. |
| x | g | xv | 17 Item Silverii Papae & mart. 382. |
| ix | A | xiv | 18 Paulini Episcopi & Confess. 383. |
| viii | b | xiii | 19 Vigilia. 384. commem. S. Ediltrudis virginis. |
| vii | c | xii | 20 Nativitas sancti Joannis Baptistae, duplex. 485. |
| vi | d | xi | 21 Gulielmi Abbatis, dupl. cum commem. Octava S. Joannis. 386. |
| v | e | x | 22 Joannis & Pauli martyris, dupl. cum commem. Octava Nativitatis S. Joannis. 387. |
| iv | f | ix | 23 De Octava Nativitatis sancti Joannis. 388. |
| iii | g | viii | 24 Leonis Papae & Conf. semid. cum commem. Oct. & Vigilia. 389. |
| ii | A | vii | 25 Petri & Pauli Apostolorum, duplex. 391. |
| i | b | vi | 26 Commemoratio S. Pauli Apostoli, dupl. cum commem. Octava Nativitatis S. Joannis Baptistae. 392. |
| | c | v | |
| xxix | d | iv | |
| xxviii | e | iii | |
| xxvii | f | Prid. | |

JULIUS.

AUGUSTUS.

| Cyclus
Epact. | L.
D. | D.
M. | |
|------------------|----------|----------|--|
| xxvi | g | Kal. | 1 Octava S. Joannis Baptista, duplex,
cum commem. Octava Aposto-
lorum. 393. |
| 25. xxv | A | vi | 2 Visitatio B. Mariæ virginis, dupl.
cum commem. Oct. Apostol. &
SS. Processi & Martiniani mar-
tyr. 394. |
| xxiv | b | v | 3 De Octava Apostol. semid. 396. |
| xxiii | c | iv | 4 De Octava. |
| xxii | d | iii | 5 De Octava. |
| xxi | e | Prid. | 6 Octava Apostolorum Petri & Pauli,
duplex. 397. |
| xx | f | Non. | 7 Vvillebaldi Episcopi & Confessoris,
semid. 398. |
| xix | g | viii | 8 Chilian Episc. & mart. dupl. 398. |
| xviii | A | vii | 9 Elisabeth Regine Portugallie vi-
duæ, semid. 398. |
| xvii | b | vi | 10 Septem fratrum, & SS. Rufinæ ac
Secundæ mart. semid. 398. |
| xvi | c | v | 11 Pii Papæ & mart. 399. |
| xv | d | iv | 12 Joannis Gualberti Abbatis, duplex,
cum commem. SS. Naboris &
Felicis martyris. 399. |
| xiv | e | iii | 13 Anacleti Papæ & mart. semid. 400. |
| xiii | f | Prid. | 14 Bonaventuræ Episc. & Confess. &
Ecclesiæ Doctoris, dupl. 401. |
| xii | g | Idib. | 15 Hentici Imperatoris Confessoris,
semiduplex. 402. |
| xi | A | xvii | 16 B. V. M. de Monte Carmelo,
duplex. 402. |
| x | b | xvi | 17 Leonis IV. Papæ Conf. dupl. 403. |
| ix | c | xv | 18 Alexii Confessoris, semidupl. cum
commem. SS. Symphorose cum
septem filiis martyribus. 403. |
| viii | d | xiv | 19 Vincentii à Paulo Confessoris,
duplex. 404. |
| vii | e | xiii | 20 Margaritæ virg. & mart. 404. |
| vi | f | xii | 21 Praxedis virginis. 404. |
| v | g | xi | 22 Mariæ Magdalene, duplex. 405. |
| iv | A | x | 23 Apollinaris Episcopi & mart. dupl.
cum commem. S. Liborii Episco-
pi & Confessoris. 406. |
| iii | b | ix | 24 Vigilia, & commem. S. Christinæ
virg. & mart. 407. |
| ii | c | viii | 25 Jacobi Apostoli dupl. & commem.
S. Christophori martyris, in Mis-
sis privatis tantum. 408. |
| i | d | vii | 26 Annæ Matris Beatæ Virg. Mariæ,
duplex majus. 409. |
| xxix | e | vi | 27 Pantaleonis martyris. 411. |
| xxviii | f | v | 28 Nazarii, Celsi, & Victoris Papæ
martyr. ac Innocentii Papæ &
Confess. semid. 411. |
| xxvii | g | iv | 29 Marthæ virg. semid. & commem.
SS. Felicis Papæ, Simplicii, Fau-
stini, & Beatrix mart. 412. |
| 25. xxvi | A | iii | 30 Abdon & Sennen mart. 413. |
| xxv | b | Prid. | 31 Ignatii Confess. duplex. 414. |

| Cyclus
Epact. | L.
D. | D.
M. | |
|------------------|----------|----------|--|
| xxv. xxiv | c | Kal. | 1 Petri ad Vincula. dupl. & commem.
S. Pauli, ac SS. Machabæorum
martyr. 415. |
| xxiii | d | iv | 2 Stephani Papæ & mart. 416. |
| xxii | e | iii | 3 Inventio S. Stephani Protomartyris,
semidupl. 417. |
| xxi | f | Prid. | 4 Dominici Confess. dupl. 418. |
| xx | g | Non. | 5 Dedicatio sanctæ Mariæ ad Nives,
duplex. 419. |
| xix | A | viii | 6 Transfiguratio Domini, duplex,
cum commem. SS. Xysti Papæ,
Felicissimi, & Agapiti mart. 419. |
| xviii | b | vii | 7 Cajetani Conf. dupl. cum commem.
S. Donati Episc. & mart. 421. |
| xvii | c | vi | 8 Cyriaci, Largi, & Smaragdi mart.
semidupl. 422. |
| xvi | d | v | 9 Stephani Abbatis, & Ducentorum
Monachorum martyrum, duplex,
cum commem. Vigiliæ, & S.
Romani martyris. 422. |
| xv | e | iv | 10 Laurentii mart. duplex. 424. |
| xiv | f | iii | 11 De Octava S. Laurentii, cum comm.
SS. Tiburtii, & Susannæ mart. 425. |
| xiii | g | Prid. | 12 Claræ virginis, dupl. cum commem.
Octavæ S. Laurentii. 425. |
| xii | A | Idib. | 13 De Octava, cum commem. SS. Hip-
polyti & Cassiani mart. 426. |
| xi | b | xix | 14 Vigilia, cum commem. Oct. & S.
Eusebii Confessoris. 426. |
| x | c | xviii | 15 Assumptio B. M. V. duplex. 428.
Dominica infra Oct. Assumpt. fit de
Festum S. Joachim Conf. Patris
eiusdem B. V. M. duplex majus,
& cōmem. Dñicæ, & Octav. 429. |
| ix | d | xvii | 16 Hyacinthi Conf. duplex, cum com-
memor. Octavarum. 430. |
| viii | e | xvi | 17 Octava S. Laurentii, dupl. & comm.
Octavæ Assumpt. 431. |
| vii | f | xv | 18 De Octava, cum commem. S. Aga-
piti mart. 432. |
| vi | g | xiv | 19 De Octava. 432. |
| v | A | xiii | 20 Bernardi Abbatis, dupl. cum comm.
Octavæ Assumptionis. 433. |
| iv | b | xii | 21 Bernardi Ptolomæi Abbatis, dupl.
& comm. Oct. Assumpt. 434. |
| iii | c | xi | 22 Octava Assumptionis B. M. duplex,
cum commem. SS. Timothei, Hip-
polyti, & Symphoriani mart. 435. |
| ii | d | x | 23 Philippi Beniti Confess. dupl. cum
commem. Vigiliæ. 435. |
| i | e | ix | 24 Bartholomæi Apostoli, dupl. 436.
Romæ celebratur die 25. |
| xxix | f | viii | 25 Ludovici Regis Franciæ Confess.
semid. 437. Romæ 26. |
| xxviii | g | vii | 26 Zephyrini Papæ & mart. 438. |
| xxvii | A | vi | 27 Augustini Episc. Conf. & Doct. dupl.
& cōmem. S. Hermetis mart. 439. |
| xxvi | b | v | 28 Decollatio S. Joannis Baptista, dupl.
& commem. S. Sabinæ mart. 440. |
| 25. xxv | c | iv | 29 Rosæ Limanæ virg. dupl. & com-
mem. SS. Felicis & Adaucti. 441. |
| xxiv | d | iii | 30 Raymundi Nonnati Confessoris,
duplex. 442. |
| xxiii | e | Prid. | |

SEPTEMBER.

| Cyclus
Epact. | L.
D. | D.
M. | |
|------------------|----------|----------|---|
| xxiii | f | Kal. | 1 Ægidii Abbatis, & <i>commem.</i> SS. duodecim Fratrum mart. 442. |
| xxii | g | iv | 2 Nonnoli Abbatis, <i>duplex.</i> 443. |
| xxi | A | iii | 3 Stephani Hungariæ Regis Confessoris, <i>femiduplex.</i> 444. |
| xx | b | Prid. | 4 |
| xix | c | Non. | 5 Laurentii Justiniani Episc. & Conf. <i>femiduplex.</i> 445. |
| xviii | d | viii | 6 |
| xvii | e | vii | 7 |
| xvi | f | vi | 8 Nativitas B. Mariæ virg. <i>duplex</i> , & <i>commemor.</i> S. Adriani mart. <i>in Missis privatis tantum.</i> 445. Dominica infra Oct. Nat. B. Mariæ, <i>Festum SS. Nominis ejusdem B. Mariæ</i> , <i>duplex.</i> 446. |
| xv | g | v | 9 De Octava Nativitatis B. Mariæ, <i>cum commemorat.</i> S. Gorgonii martyris. 447. |
| xiv | A | iv | 10 Nicolai de Tolentino Confessoris. <i>duplex, cum commemor.</i> Octavæ Nativitatis B. Mariæ. 448. |
| xiii | b | iii | 11 De Octava, & <i>commem.</i> SS. Proti & Hyacinthi mart. 449. |
| xii | c | Prid. | 12 De Octava. |
| xi | d | Idib. | 13 De Octava. |
| x | e | xviii | 14 Exaltatio sanctæ Crucis, <i>duplex</i> , <i>cum commemor.</i> Octavæ Nativitatis B. Mariæ. 449. |
| ix | f | xvii | 15 Octava Nativitatis beatæ Mariæ, <i>dupl. cum commemor.</i> S. Nicomedis mart. 450. |
| viii | g | xvi | 16 Cornelli & Cypriani Pontificum & martyrum. <i>femid. cum commemor.</i> S. Edithæ virg. ac SS. Euphemie, Lucie, & Geminiani mart. 450. |
| vii | A | xv | 17 Columbe virginis, & martyris, <i>duplex.</i> 452. |
| vi | b | xiv | 18 Thomæ de Villanova Episcopi & Confessoris, <i>femiduplex.</i> 452. |
| v | c | xiii | 19 Januarii Episcopi & sociorum mart. <i>duplex, & commemor.</i> S. Theodori Episcopi & Confess. 452. |
| iv | d | xii | 20 Eustachii & sociorum mart. <i>dupl. cum commemor.</i> Vigiliæ. 454. |
| iii | e | xi | 21 Matthæi Apostoli & Evangelistæ, <i>duplex.</i> 456. |
| ii | f | x | 22 Impressio Sacror. Stigmat. S. Francisci Conf. <i>femid. cum commemor.</i> SS. Mauritii & soc. mart. 457. |
| i | g | ix | 23 Lini Papæ & mart. <i>femidupl. cum commemor.</i> S. Theclæ virginis & martyris. 458. |
| | A | viii | 24 Beatissimæ virg. Mariæ de Mercede, <i>duplex.</i> 460. |
| xxix | b | vii | 25 Gerardi Sagredo Episc. & mart. <i>duplex.</i> 460. |
| xxviii | c | vi | 26 Cypriani & Justinæ mart. 460. |
| xxvii | d | v | 27 Cosmæ & Damiani mart. <i>femid.</i> 460. |
| xxvi | e | iv | 28 Venceslai Ducis & mart. <i>femiduplex.</i> 461. |
| xxv, xxiv | f | iii | 29 Dedicatio S. Michaelis Archangeli, <i>duplex.</i> 461. |
| xxiii | g | Prid. | 30 Hieronymi Presbyteri Confess. & Ecclesiæ Doctois. <i>duplex.</i> 462. |

OCTOBER.

| Cyclus
Epact. | L.
D. | D.
M. | |
|------------------|----------|----------|---|
| | | | Dominica, quæ vel occurrit in Kalendis, vel prima est post Kalendas Octobris, <i>Solemnitas SS. Rosarii B. V. Mariæ</i> , <i>duplex.</i> 463. |
| xxii | A | Kal. | 1 Remigii Episcopi & Confessoris, <i>simplex de præcepto</i> , vel <i>femiduplex ad libitum.</i> 464. |
| xxi | b | vi | 2 Angelorum Custodum, <i>dupl.</i> 464. |
| xx | c | v | 3 |
| xix | d | iv | 4 Francisci Confess. <i>duplex.</i> 465. |
| xviii | e | iii | 5 Placidi & sociorum mart. <i>dupl. secundæ classis</i> , <i>cum commemor.</i> S. Attilani Episc. & Confessoris, <i>in Missis privatis tantum.</i> 466. |
| xvii | f | Prid. | 6 Brunonis Confessoris, <i>dupl.</i> 467. |
| xvi | g | Non. | 7 Justinæ virg. & mart. <i>duplex, cum commemor.</i> S. Marci Papæ & Conf. ac SS. Sergii, Bacchi, Marcelli, & Apuleji mart. 467. |
| xv | A | viii | 8 Birgittæ Viduæ, <i>duplex.</i> 469. |
| xiv | b | vii | 9 Dionysii, Rustici & Eleutherii martyrum, <i>femidupl.</i> 470. |
| xiii | c | vi | 10 Paulini Episc. & Conf. <i>duplex.</i> 471. |
| xii | d | v | 11 Francisci Borgiæ Confessoris, <i>femiduplex.</i> 471. |
| xi | e | iv | 12 |
| x | f | iii | 13 Eduardi Confess. <i>femidupl.</i> 472. |
| ix | g | Prid. | 14 Callisti Papæ & mart. <i>femid.</i> 472. |
| viii | A | Idib. | 15 Teresie virg. <i>duplex, & commemor.</i> S. Brunonis Episcopi & mart. ac S. Theclæ virg. 472. |
| vii | b | xvii | 16 Galli Abbatis, <i>duplex.</i> 473. |
| vi | c | xvi | 17 Hedvigis Viduæ, <i>femidupl.</i> 474. |
| v | d | xv | 18 Lucæ Evangelistæ, <i>duplex.</i> 474. |
| iv | e | xiv | 19 Petri de Alcantara Conf. <i>dupl.</i> 475. |
| iii | f | xiii | 20 |
| ii | g | xii | 21 Hilarionis Abbatis, & <i>commem.</i> SS. Ursulæ & sociarum virginum & martyrum. 475. |
| i | A | xi | 22 |
| | b | x | 23 |
| xxix | c | ix | 24 |
| xxviii | d | viii | 25 Chrysanthi & Darie mart. 476. |
| xxvii | e | vii | 26 Euaristi Papæ & mart. 477. |
| xxvi | f | vi | 27 Vigilia. 477. |
| xxv | g | v | 28 Simonis & Judæ Apostolorum, <i>duplex.</i> 478. |
| xxiv | A | iv | 29 |
| xxiii | b | iii | 30 Commemoratio SS. Martyrum, & aliorum Sanctorum, quorum Reliquiæ in Ecclesiis nostri Ordinis asservantur, <i>duplex.</i> 479. |
| xxii | c | Prid. | 31 Vigilia. 480. |

NOVEMBER.

DECEMBER.

| Cyclus
Epact. | L.
D. | D.
M. | |
|------------------|----------|----------|--|
| xxi | d | Kal. | 1 Festum Omnium Sanctorum, duplex. 482. |
| xx | c | iv | 2 Commemoratio Omnium fidelium Defunctorum, duplex. & de Oct. Omnium Sanctorum. 483. |
| xix | f | iii | 3 De Octava. |
| xviii | g | Prid. | 4 Caroli Episcopi & Confess. duplex, cum commem. Oct. & SS. Vitalis & Agricola martyrum. 483. |
| xvii | A | Non. | 5 De Octava. |
| xvi | b | viii | 6 De Octava. |
| xv | c | vii | 7 De Octava. |
| xiv | d | vi | 8 Octava Omnium Sanctorum, dupl. & commem. sanctorum Quatuor Coronatorum martyrum. 484. |
| xiii | e | v | 9 Dedicatio Basilicæ Salvatoris, dupl. & commem. S. Theodori mart. 485. |
| xii | f | iv | 10 Iusti Episc. & Conf. duplex, cum commem. SS. Tryphonis, Respicii & Nymphæ martyrum. 486. |
| xi | g | iii | 11 Martini Episcopi & Confess. dupl. cum commem. S. Mennæ mart. 487. |
| x | A | Prid. | 12 Emiliani Abbatis, duplex. 488. |
| ix | b | Idib. | 13 Festum Omnium SS. Monachorum Ordinis S. P. Benedicti, duplex. 488. |
| viii | c | xviii | 14 Andree Avellini Confessoris, semiduplex. 489. |
| | | | Item, Commemoratio sollemnis Omnium Patrum, & Fratrum Defunctorum Ordinis Nostri, duplex. 489. |
| vii | d | xvii | 15 Martini Papæ & mart. semid. 489. |
| vi | e | xvi | 16 Didaci Confess. semiduplex. 490. |
| v | f | xv | 17 Gertrudis Magnæ Abbatis virg. duplex secundæ Classis. 491. |
| iv | g | xiv | 18 Dedicatio Basilicarum Petri, & Pauli, duplex. 491. |
| iii | A | xiii | 19 Elisabeth Reginæ Hungariæ Viduæ, duplex, cum commem. S. Pontiani Papæ & mart. 491. |
| ii | b | xii | 20 Felicis de Valois Conf. dupl. 492. |
| i | c | xi | 21 Præsentatio beatæ Mariæ virginis, duplex. 492. |
| | d | x | 22 Cæcilie virg. & mart. dupl. 493. |
| xxix | e | ix | 23 Clementis Papæ & mart. semid. cum commem. S. Felicitatis mart. 494. |
| xxviii | f | viii | 24 Columbani Abbatis, dupl. & comun. S. Chryfologi martyris. 495. |
| xxvii | g | vii | 25 Catharinæ virg. & mart. dupl. 495. |
| 25. xxvi | A | vi | 26 Silvestri Abbatis, dupl. cum commemorat. S. Petri Alexandrini Episcopi & martyris. 496. |
| xxv. xxiv | b | v | 27 Odonis Abbatis, duplex. 286. |
| xxiii | c | iv | 28 Gregorii Thaumaturgi Episcopi & Confessoris, semiduplex. 286. |
| xxii | d | iii | 29 Joannis à Cruce Confess. semidupl. cum commem. Vigilia, ac S. Saturnini martyris. 287. |
| xxi | e | Prid. | 30 Andree Apostoli, duplex. 283. |

| Cyclus
Epact. | L.
D. | D.
M. | |
|------------------|----------|----------|--|
| xx | f | Kal. | 1 Bibianæ virginis & martyris, semiduplex. 289. |
| xix | g | iv | 2 Francisci Xaverii Conf. dupl. 290. |
| xviii | A | iii | 3 Petri Chrysologi Episcopi & Conf. dupl. cum commem. FERIA, ac S. Barbaræ virginis & mart. 291. |
| xvii | b | Prid. | 4 Sabbæ Abbatis, commem. 292. |
| xvi | c | Non. | 5 Nicolai Episcopi & Confessoris, duplex. 292. |
| xv | d | viii | 6 Ambrosii Episcopi & Confessoris, & Ecclesiæ Doctoris, dupl. 293. |
| xiv | e | vii | 7 Conceptio beatæ Mariæ virginis, duplex. 294. |
| xiii | f | vi | 8 De Octava Conceptionis B. Mariæ virginis. 296. |
| xii | g | v | 9 De Octava, commem. FERIA, & S. Melchiadis Papæ & martyris. 296. |
| xi | A | iv | 10 Damasi Papæ & Confess. semid. cum commem. Octava, & FERIA. 296. |
| x | b | iii | 11 De Octava. |
| ix | c | Prid. | 12 Lucie virg. & mart. dupl. & commem. Octava, & FERIA. 297. |
| viii | d | Idib. | 13 Dominici Abbatis Silensis, dupl. cum commem. Octav. & FERIA. 298. |
| vii | e | xix | 14 Octava Conceptionis, duplex, & commem. FERIA. 298. |
| vi | f | xviii | 15 Eusebii Episcopi & mart. semid. cum commem. FERIA. 298. |
| v | g | xvii | 16 Vigilia. 298. |
| iv | A | xvi | 17 Thomæ Apostoli, duplex. 298. |
| iii | b | xv | |
| ii | c | xiv | |
| i | d | xiii | |
| | e | xii | |
| xxix | f | xi | |
| xxviii | g | x | |
| xxvii | g | ix | |
| xxvi | b | viii | |
| 25. xxv | c | vii | |
| xxiv | d | vi | |
| xxiii | e | v | |
| xxii | f | iv | |
| xxi | g | iii | |
| xx | A | Prid. | 31 Silvestri Papæ & Confess. duplex, cum commem. Oct. 27. |

EX REGISTRO DECRETORUM Sacrae Rituum Congregationis.



Sacra Rituum Congr. inhærendo Decretis alijs factis, prohibet omnino Missas à Sac. Rit. Congreg. non approbatas, & signanter Missas, nuncupatas S. Gregorii pro Vivis & Defunctis, Missas quindecim tamen Missis Rosarii, & de Monte Carmelo, quæ sunt permissæ Regularibus quibusdam, & iisdem dumtaxat, nec possunt ab alijs celebrari, etiam in ipsorum Regularium Ecclesijs.

Nemo audeat uti Pileolo in celebratione Missarum sine expressa licentia Sedis Apostolicæ, non obstante quacumque contraria consuetudine.

Item prohibetur usus Rochetti, exceptis tamen quibus de jure competit, & præter hoc statuitur, & declaratur, nemini licere inservire, aut assistere in celebratione Missarum, aut divinorum Officiorum cum Rochetto, neque cum Cotta habente manicas angustas ad instar Rochetti: & idem servandum est in Concionibus.

Paramenta non debent sumi de Altari pro celebratione Missarum, cum id competat tantum Episcopis, sive solemniter, sive privatim celebrent. Inferioribus verò habentibus usum Pontificalium, non nisi quando in Pontificalibus celebrant.

Demum renovando Decreta alijs facta, mandat Sac. Congreg. in omnibus, & per omnia servari Rubricas Missalis Romani, non obstante quocumque prætextu, & contraria consuetudine, quam ab usum esse declarat.

Et facta relatione horum Decretorum Sanctiss. D. N. Urbano VIII. Sanctitas sua annuit, & ab omnibus ubique servari, & in Missali Romano noviter imprimendo apponi mandavit.

Julius Rospigliosus Secr.

U R B I S , & O R B I S .

Cum occasione Missalium typis Sacrae Congregationis de Propaganda Fide summa cura ac diligentia novissime impressi, & propediem publico usui exponendi Sacrae Rituum Congregationi enixe fuerit supplicatum, ut nonnulla ejusdem Sacrae Congregationis Decreta jam alijs edita, & approbata, in prædicto novo Missali summam apponi, & imprimi posse, benigne concedere dignaretur, videlicet,

Missæ pro Defunctis, sive de Requiem in Festis Duplicibus contra præscriptum Rubricarum Missalis Romani nullatenus celebrari debent. Quod si ex Benefactorum institutione Missæ hujusmodi celebrandæ incidunt in festum Duplex, tunc, ne dilatio Animabus suffragia expectantibus detrimento sit, in aliam diem non impeditam minimè transferantur, sed dicantur de Festo currenti cum applicatione Sacrificii juxta mentem eorumdem Benefactorum. Die 5. Augusti 1662. approbatur a fel. rec. Alexandro VII. eadem die.

Prædictum Decretum ab ejusdem fel. rec. Alexandro VII. speciali Brevi, quod incipit *Credita nobis* denuò fuit confirmatum, ac insuper statutum idem servandum esse, quoad Missas in Altaribus Privilegiatis ex obligatione celebrandas, & Indulgentias per ejusmodi Privilegia concessas Animabus in Purgatorio existentibus suffragari, perinde ac si celebratæ fuissent Missæ Defunctorum. Ac denique declaratum, Anniversaria, & Missas cantatas de Requiem relictas ex dispositione Testatorum quotannis in die ipsorum obitus, etiam in duplici majori contingentia in prædicto Decreto die 5. Augusti edito, minimè comprehendere, prout antea in una Novariensi. 22. Novembris 1664. eadem Sacra Congregatio declaraverat. Die 22. Januarii 1667. Pontificatus XII.

Deinde fel. record. Clemens IX. eadem Sacrae Congregationis Decreta, alio Brevi, cujus initium, *Cum fel. record.* iterum confirmavit, prædictamque Alexandri VII. Dispositionem ad Altaria non in perpetuum, sed ad septennium, seu aliud breve, vel longius tempus, ac non in omnibus, sed aliquo, vel aliquibus tantum Hebdomadæ diebus nunc, & in futurum quandocumque Privilegiata extendit. Die 23. Septembris 1669. Pontificatus III.

Tandem proposito dubio, an prædictæ Alexandri VII. & Clementis IX. declarationes sibi locum vindicarent etiam in diebus Dominicis, & infra Octavas Paschalis Resurrectionis, Pentecostes, & Corporis Christi, aliisque anni diebus, quibus licet à Festo Duplici non impediatur, adhuc tamen Missæ Defunctorum juxta ritum Ecclesiæ celebrari nequeunt, quatenus nimirum Missæ, quasi iisdem diebus celebrare licet, servata ceteroquin Privilegiatorum forma, ad Altaria privilegiata diebus, quibus juxta Rubricas Missæ Defunctorum celebrari non possunt, intelligendas esse respondit, ejusque Decretum subinde confirmatum fuit à fel. rec. Innocentio Papa XI. speciali Brevi, quod incipit, *Alijs postquam*, dato die 4. Maji 1688.

Decretum à Sacra Rituum Congregatione Anno 1630. editum, quo permittitur posse in Ecclesijs recitari Officia, & Missas celebrari de illis Sanctis, quorum Corpora, vel Reliquiæ insignes in eisdem asservantur, intelligendum est de Sanctis dumtaxat in Martyrologio Romano descriptis, & dummodò constet de identitate Corporis eorumdem, vel insignis Reliquiæ, secus verò de Sanctis in eodem Martyrologio non descriptis. Quorum tamen Corporibus, & Reliquiis ab Ordinariis loco præcepto recitandi Officium, aliisque in Constitutione S. Pii V. contentis. Die 11. Augusti 1691. approbatur à fel. rec. Innocentio XII. Die 19. Octobris.

Ad augendam Fidelium venerationem erga Augustissimum Eucharistiæ Sacramentum, ejusque cultum in toto terrarum Orbe promovendum, prohibitum est celebrari Missas votivas, vel pro Defunctis infra Octavam Corporis Christi. Die 21. Junii 1670. eademque die à fel. record. Clemente X. approbatur.

Item prohibitum est, easdem Missas celebrari infra Octavam Nativitatis Domini. In Missis verò Solemnibus pro re gravi jam à Sanctissimo approbatur.

Re verò in Sacra Rituum Congregatione ad relationem Eminentiss. & Reverendiss. D. Card. Barberini pluries discussa, & maturè perpenſa, Sacra eadem Rituum Congregatio prædicta Decreta, tum ut Celebrantium instructioni, & usui sint, tum ut nonnulli abusus, qui in aliquibus locis irrepperunt, penitus evellantur, in Missali post Rubricas generales apponi, & imprimi posse censuit, si Sanctissimo D. Nostro visum fuerit. Die 15. Septembris 1714.

Factaque deinde per me Pro-Secretarium de prædictis Sanctissimo D. N. relatione, Sanctitas sua sensum Sacrae Congregationis approbavit, eademque Decreta in Missali apponi, & imprimi mandavit. Die 29. Septembris ejusdem anni 1714.

F. Card. de Abdua Præfectus.

Loco + Sigilli.

N. M. Tedeschi Episc. Liparitanus Sac. Rit. Congr. Pro-Secr.

R U.

RUBRICÆ GENERALES

MISSALIS.

XV

Missa quotidie dicitur secundum ordinem Officii de festo Duplici, vel Semiduplici, vel Simplici: de Dominica, vel Feria, vel Vigilia, vel Octava: & extra ordinem Officii Votiva, vel pro Defunctis.

De Duplici. I.

Missa dicitur de Duplici illis diebus, quibus in Calendario ponitur hæc nota, **Duplex**, & in Festis mobilibus, quandoque Officium est Duplex. In Duplicibus dicitur una tantum Oratio, nisi aliqua commemoratio fieri debeat. Alia omnia dicuntur ut in propriis Missis assignatum est. Quando dici debeat, **Gloria in excelsis**, & **Credo**, inferius ponitur in propriis Rubricis.

De Semiduplici, & Simplici. II.

Missa de Semiduplici dicitur quando in Calendario ponitur hæc vox, **Semiduplex**. Præterea in Dominicis, & diebus infra Octavas. In Semiduplicibus tam Festis, quam Dominicis, & infra Octavas, dicuntur plures Orationes, ut infra dicitur in Rubrica de Orationibus. Infra Octavam dicitur Missa sicut in die Festi, nisi propriam Missam habuerit: in Dominicis verò, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

De Feria, & Vigilia. III.

Missa de Feria dicitur quando non occurrit Festum, vel Octava, vel Sabbatum, in quo fiat Officium beatæ Mariæ. In Feriis tamen Quadragesimæ, Quatuor Temporum, Rogationum, & Vigiliarum, etiam si Duplex, vel Semiduplex Festum, vel Octava occurrat, in Ecclesiis Cathedralibus, & Collegiatis cantantur duæ Missæ; una de Festo post Tertiam, alia de Feria post Nonam.

2 In Vigiliis autem & Feriis Quatuor Temporum, vel Feria secunda Rogationum, quæ veniunt infra Octavam, Missa dicitur de Vigilia, vel Feriis supradictis, cum commemoratione Octavæ: præterquam infra Octavam Corporis Christi, in qua in Ecclesiis Cathedralibus, & Collegiatis cantantur duæ Missæ, una de Octava post Tertiam, alia de Vigilia post Nonam; in Missis autem privatis dicitur Missa de Octava, cum commemoratione Vigiliæ. Si autem in die Vigiliæ, vel prædictis Feriis fiat Officium de aliquo Festo, tunc dicitur Missa de Festo cum commemoratione Octavæ, & Vigiliæ, vel Feriarum prædictarum. Quod si Vigilia occurrat in die alicujus Festi ex majoribus primæ classis, in Missa non fit commemoratio de ea, sicut nec in Officio.

3 Si festum habens Vigiliam celebretur Feria secunda, Missa Vigiliæ dicitur in Sabbato, sicut etiam de ea fit Officium: excepta Vigilia Nativitatis Domini, & Epiphaniæ.

4 Missa Vigiliæ in Adventu occurrentis, dicitur cum commemoratione Feriæ Adventus, licet de ea non fit factum Officium: Vigilia Nativitatis excepta.

5 Si in Quadragesima, & Quatuor Temporibus occurrat Vigilia, dicatur Missa de Feria cum commemoratione Vigiliæ.

6 Tempore Paschali non dicitur Missa de Vigilia, nisi in Vigilia Ascensionis: quæ tamen non jejunatur, sicut nec Vigilia Epiphaniæ.

De Missis Votivis sanctæ Mariæ, & aliis. IV.

In Sabbatis non impeditis Festo Duplici, vel Semiduplici, Octava, Vigilia, Feriis Quadragesimæ, vel Quatuor Temporum, vel Officio alicujus Dominicæ quæ supersit, in præcedens Sabbatum translato, dicitur Missa de sancta Maria secundum varietatem temporum, ut in fine Missalis ponitur.

2 In Adventu autem, licet Officium non fiat de sancta Maria in Sabbato, dicitur tamen Missa principalis de ea, cum commemor. de Adventu, nisi fuerint Quatuor Tempora, vel Vigilia, ut supra.

3 Aliis diebus infra Hebdomadam, quando Officium fit de Feria, & non est resumenda Missa Dominicæ præcedentis, quæ fuerit impedita (exceptis Feriis Adventus, Quadragesimæ, Quatuor Temporum, Rogationum, & Vigiliarum) dici potest aliqua ex Missis Votivis, etiam in principali Missa, quæ vocatur Conventualis secundum ordinem dierum in fine Missalis assignatum cum commemoratione Feriæ, de qua factum est Officium. Quæ tamen Missæ, & omnes aliæ Votivæ, in Missis privatis dici possunt pro arbitrio Sacerdotum, quocumque die Officium non est Duplex, aut Dominica, cum commemoratione ejus, de quo factum est Officium, & commemoratione item festi Simplicis, si de aliquo occurrat eo die fieri commemorationem in Officio. Id verò passim non fiat, nisi rationabili de causa. Et quoad fieri potest, Missa cum Officio conveniat.

De Missis Defunctorum. V.

Prima die cujusque Mensis (extra Adventum, Quadragesimam, & tempus Paschale) non impedita Officio Duplici, vel Semiduplici, dicitur Missa principalis generaliter pro Defunctis

Sacerdotibus, benefactoribus, & aliis. Si verò in ea fuerit festum Simplex, vel Feria quæ propriam habeat Missam, aut resumenda sit Missa Dominicæ præcedentis, quæ fuit impedita, & infra Hebdomadam non occurrat alius dies, in quo resumari possit, in Ecclesiis Cathedralibus & Collegiatis dicantur duæ Missæ, una pro Defunctis, alia de festo Simplici, vel Feria prædicta. Sed in Ecclesiis non Cathedralibus, nec Collegiatis dicatur Missa de die cum commemoratione generaliter pro Defunctis.

2 Præterea Feria secunda cujusque Hebdomadæ, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicæ præcedentis ut supra, in Missa de die fiat commemoratio (ut dictum est) pro Defunctis. Excipitur tamen Quadragesima, & totum tempus Paschale, & quando per annum Officium est Duplex, vel Semiduplex: quibus temporibus non dicitur Missa Conventualis pro Defunctis, (nisi in die Depositionis Defuncti, & in Anniversario pro Defunctis) neque pro eis fit commemoratio. Missæ autem privatæ pro Defunctis quocumque die dici possunt, præterquam in Festis Duplicibus, & Dominicis diebus.

3 In die Commemorationis omnium Defunctorum, & in die Depositionis, & in Anniversario Defuncti, dicitur una tantum Oratio: & similiter in die Tertia, Septima, Trigesima, & quandoque pro Defunctis solemniter celebratur; in aliis Missis, plures, ut de Feriis, & Simplicibus dicitur infra in Rubrica de Orationibus.

4 Sequentia pro Defunctis dicitur in die Commemorationis omnium Fidelium Defunctorum, & Depositionis Defuncti, & quandoque in Missa dicitur una tantum Oratio: in aliis autem Missis pro Defunctis, dicatur ad arbitrium Sacerdotis.

De Translatione Festorum. VI.

In dicendis Missis servetur ordo Breviarii de Translatione Festorum Duplicium, & Semiduplicium, quando majori aliquo Festo, seu Dominica impediuntur. In Ecclesiis autem ubi Titulus est Ecclesiæ, vel concursus populi ad celebrandum Festum quod transferri debet, possunt cantari duæ Missæ, una de die, alia de Festo: excepta Dominica prima Adventus, Feria quarta Cinerum, Dominica prima Quadragesimæ, Dominica Palmarum cum tota Hebdomada majori, Dominica Resurrectionis, & Dominica Pentecostes cum duobus diebus sequentibus, die Nativitatis Domini, Epiphaniæ, Ascensionis, & Festo Corporis Christi.

De Commemorationibus. VII.

Commemorationes in Missis fiunt sicut in Officio. De Festo Simplici fit commemoratio in Missa, quando de eo in Officio facta est commemoratio in primis Vesperis. Quando autem de eo fit commemoratio tantum ad Laudes, in Missa solemniter non fit commemoratio de eo, sed in Missis tantum privatis. Excipitur Dominica Palmarum, & Vigilia Pentecostes, in quibus nulla fit commemoratio etiam in Missis privatis de festo Simplici occurrente, licet facta sit in Officio. De Dominica fit commemoratio, quando in ea agitur de festo Duplici. De Octava fit commemoratio, quando infra Octavam celebratur aliquod Festum, nisi illud festum fuerit de exceptuatis in Rubrica Breviarii de Commemorationibus. Item quando infra Octavam fit de Dominica.

2 De Feria fit commemoratio in Adventu, Quadragesima, Quatuor Temporibus, Rogationibus, & Vigiliis, quando Missa dicenda est de festo illis temporibus occurrente. Sed in Ecclesiis Cathedralibus, & Collegiatis, ubi plures Sacerdotes quotidie celebrant, in Feriis, Rogationibus, & Vigiliis prædictis, quæ habent Missas proprias, dicuntur duæ Missæ, una de Festo, alia de Feria, Rogationibus, & Vigilia, absque ulla utrorumque commemoratione: in Festis tamen majoribus primæ Classis nihil fit de Vigilia occurrente, ut dictum est supra.

3 Quando infra Hebdomadam dicuntur Missæ votivæ, post primam Orationem semper dicatur Oratio ejus, de quo fit Officium, ut supra explicatum est in propria Rubrica.

4 Quando fit commemor. de Feria Quatuor Temp. pro Feria commemor. dicitur prima Oratio, quæ concordat cum Officio.

5 In faciendis commemor. servetur ordo ut in Breviario. De Dominica, ante diem infra Octavam: de die infra Octavam, ante Ferias prædictas: de Feriis prædictis, ante festum Simplex: de festo Simplici, ante Orationes quæ secundo, vel tertio loco dicenda assignantur, & hæc dicantur ante Orationes Votivas, in quibus Votivis servetur deinde dignitas Orationum, ut de sancta Trinitate, de Spiritu sancto, de Sacramento, de sancta Cruce ante Votivam, de B. Maria, & de Angelis, & S. Joanne Baptista ante Apostolos, & similiter in aliis.

6 Si facienda sit commemoratio pro Defunctis, semper ponitur penultimo loco. In Missis autem Defunctorum nulla sit commemoratio pro vivis, etiam si Oratio esset communis pro vivis, & Defunctis.

7 Quando dicuntur plures Orationes, prima tantum & ultima cum sua conclusione terminantur; & ante primam & secundam Orationem tantum dicitur *Oremus* ante primam dicitur etiam, *Dominus vobiscum*.

8 Cum vero dicuntur plures Orationes, & una Oratio eadem sit cum alia ibidem dicenda, Oratio huiusmodi, illa scilicet, quæ eadem est, non alia, commutetur cum alia de Communi, vel Proprio, quæ sit diversa. Idem servetur in Secretis, & Orationibus post Communionem.

De Introitu, Kyrie eleison, & Gloria in excelsis VIII.

Introitus semper eodem modo dicitur cum *Gloria Patri*, ut in Ordinario, præterquam tempore Passionis, & in Missis Defunctorum, ut etiam ibi annotatum est.

2 *Kyrie eleison*, dicitur novies post *Introitum*, alternatim cum ministro, idest, ter *Kyrie eleison*, ter *Christe eleison*, ter *Kyrie eleison*.

3 *Gloria in excelsis* dicitur quodcumque in Matutino dictus est Hymnus, *Te Deum*, præterquam in Missa Feriæ quintæ in Coena Domini, & Sabbati sancti, in quibus *Gloria in excelsis*, dicitur, quamvis in Officio non sit dictum, *Te Deum*.

4 In Missis votivis non dicitur, etiam tempore Paschali, vel infra Octavas, nisi in Missa B. Mariæ in Sabbato, & Angelorum: & nisi Missa votiva solemniter dicenda sit pro re gravi, vel pro publica Ecclesiæ causa, dummodo non dicatur Missa cum paramentis violaceis. Neque dicitur in Missis Defunctorum.

De Orationibus. IX.

In festis Duplicibus dicitur una tantum Oratio, nisi facienda sit aliqua commemoratio, ut dictum est supra.

2 In festis Semiduplicibus occurrentibus ab Octava Pentecostes usque ad Adventum, & à Purificatione usque ad Quadragesimam, dicitur secunda Oratio, *A cunctis*, tertia ad libitum.

3 In festis Semiduplicibus occurrentibus ab Octava Epiphaniæ usque ad Purificat. dicitur secunda Oratio, *Deus, qui salutaris*, tertia *Ecclesiæ*, vel pro Papa, *Deus omnium fidelium*.

4 In festis Semiduplicibus, à Feria iv. Cinerum usque ad Dominicam Passionis, secunda Oratio de Feria, tertia *A cunctis*.

5 In Semidupl. à Dominica Passionis usque ad Dominicam Palmarum, ii. Oratio de Feria, tertia *Ecclesiæ*, vel pro Papa.

6 In festis Semiduplicibus ab Octava Paschæ usque ad Ascensionem, secunda Oratio de sancta Maria, *Concede nos*, tertia *Ecclesiæ*, vel pro Papa.

7 In festis Semiduplicibus infra Octavas occurrentibus, secunda Oratio dicitur de Octava, tertia, quæ secundo loco infra Octavam ponitur.

8 Infra Octavas Paschæ, & Pentecostes in Missa de Octava dicuntur duæ tantum Orationes, una de die, alia *Ecclesiæ*, vel pro Papa.

9 Infra alias Octavas, & in Vigiliis, quæ jejuntantur (excepta Vigilia Nativitatis Domini, & Pentecostes) dicuntur tres Orationes, una de die, secunda de S. Maria, tertia *Ecclesiæ*, vel pro Papa. Sed infra Octavas S. Mariæ, & in Vigilia, & infra Octavam Omnium Sanctorum, secunda Oratio dicitur de Spiritu sancto, *Deus, qui corda*, tertia *Ecclesiæ*, vel pro Papa.

10 In Dominicis infra Octavas occurrentibus dicuntur duæ Orationes, una de Dominica, secunda de Octava: & in die Oct. dicitur una tantum Oratio, nisi facienda sit aliqua commem.

11 In Dominicis Orationes dicuntur tres, ut in Ordinario assignantur, quibusdam exceptis, ut suis etiam locis notatur.

12 In festis Simplicibus, & Feriis per annum, nisi aliter in propriis locis notetur, dicuntur tres, ut in Semiduplicibus, aut quinque: possunt etiam dici septem ad libitum.

13 In Feriis Quat. Temp. & ubi plures leguntur Lectiones, huiusmodi plures Orationes dicuntur post ultimam Orationem ante Epistolam, ut suis locis in proprio Missarum de Tempore.

14 In Missis votivis, quando solemniter dicuntur pro re gravi, vel pro publica Ecclesiæ causa, dicitur una tantum Oratio: sed in Missa pro gratiarum actione additur alia Oratio, ut in proprio loco notatur. In aliis autem dicuntur plures, ut in festis Simplicibus.

15 In votivis B. Mariæ secunda Oratio dicitur de Officio illius diei, & tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia *Ecclesiæ*, vel pro Papa. In votivis de Apostolis, quando ponitur Oratio, *A cunctis*, ejus loco dicitur Oratio de sancta Maria, *Concede nos famulos*.

16 Si cum plures dicuntur Orationes, occurrat fieri commemoratio alicujus Sancti, ea ponitur secundo loco, & tertia Oratio dicitur, quæ alias secundo loco dicenda erat.

17 In conclusione Orationum hic modus servatur. Si Oratio dirigatur ad Patrem, concluditur, *Per Dominum nostrum, &c.* Si ad Filium, *Qui vivis, & regnas cum Deo Patre*. Si in principio Orationis fiat mentio Filii, concluditur, *Per eundem Dominum nostrum*. Si in fine Orationis ejus fiat mentio, *Qui tecum vivit*. Si facta sit mentio Spiritus sancti, in conclusione dicitur, *In unitate ejusdem Spiritus sancti, &c.* Alia quoque in dicendis Orationibus servantur quæ superius in Rubrica de Commemorationibus dicta sunt.

De Epistola, Graduali, Alleluja, Tractu, ac de Evangelio. X.

Post ultimam Orationem dicitur *Epistola*, qua finita, à Ministris respondetur, *Deo gratias*. Et similiter quando leguntur plures Lectiones, post singulas dicitur, *Deo gratias*, præterquam in fine quintæ Lectionis Danielis in Sabbatis Quatuor Temporum, & in fine Lectionum Feriæ sextæ in Pasce, & Sabbati sancti.

2 Post *Epistolam*, dicitur *Graduale*, quod semper dicitur præterquam Tempore Paschali, ejus loco tunc dicuntur duo versus, ut habetur in Rubrica in Sabbato in Albis.

3 Post *Graduale*, dicuntur duo *Alleluja*, deinde versus, & post versum unum *Alleluja*. Tempore Paschali, quando non dicitur *Graduale*, dicitur aliud *Alleluja*, post secundum versum: & quando dicitur *Sequentia*, non dicitur post ultimum versum, sed post *Sequentiam*.

4 A Septuagesima usque ad Sabbatum sanctum non dicitur *Alleluja*, neque dicitur in Missis de Feria, in Adventu, Quatuor Temporibus, & Vigiliis quæ jejuntantur, exceptis Vigilia Nativitatis Domini, si venerit in Dominica, & Vigilia Paschæ, & Pentecostes, ac Quatuor Temporibus Pentecostes. Nec dicitur in Festo SS. Innocentium, nisi venerit in Dominica.

5 A Septuagesima usque ad Pascha, ejus loco dicitur *Tractus*, qui Tractus prædicto tempore in aliquibus Feriis non dicitur, ut suis locis ponitur: nec dicitur in Feriis à Septuagesima usque ad Quadragesimam, quando repetitur Missa Dominica.

6 Dicto *Graduali* seu *Alleluja*, seu *Tracto*, dicitur *Evangelium*. Et in principio Evangelii dicitur, *Dominus vobiscum*. Et cum spiritu tuo, deinde, *Sequentia sancti Evangelii secundum N. R.* *Gloria tibi Domine*. In fine Evangelii à Ministro respondetur, *Laus tibi Christe*, quod etiam dicitur in fine illius partis Passionis, quæ legitur in tono Evangelii, præterquam in Pasce. Postea si dicendum est, dicitur *Credo*.

De Symbolo. XI.

Symbolum dicitur post Evangelium in omnibus Dominicis per annum, etiam si in illis fiat de Festo, in quo alias non diceretur, vel Dominica vacet. In tribus Missis de Nativitate Domini, & deinceps usque ad Oct. S. Joannis Apostoli inclusive. In Epiph. & per Oct. Feria v. in Coena Domini. In Paschate Resurrectionis, & per Oct. In Ascensione Domini, & per Octavam. In Pentecoste, & per Octavam. In festo Corporis Christi, & per Octavam. In omnibus Festis B. Mariæ, & per Octavam. In festis duodecim Apostolorum & Evangelistarum, & per Oct. in utraque Cathedra S. Petri, & in festo S. Petri ad Vincula, in festis Conversionis & Commemorationis S. Pauli Apostoli. In festo S. Joannis ante Portam Latinam. In festo S. Barnabæ Apostoli. In festis Inventionis, & Exaltationis S. Crucis. In Transfiguratione Domini. In festis Angelorum. In festo S. Mariæ Magdalene. In festis Quatuor Doctorum, videlicet, Gregorii, Ambrosii, Augustini, & Hieronymi: addito festo S. Thomæ de Aquino, S. Bonaventuræ, S. Isidori, S. Leonis Papæ, & S. Anselmi. Item in festis Doctorum Athanasii, Basilii, Gregorii Nazianzeni, & Joannis Chrysostomi. In die Oct. S. Joannis Baptiste, & S. Laurentii. In festo Omnium Sanctorum, & per Oct. in Dedicationibus S. Salvatoris, & SS. Apostolorum Petri & Pauli. In Anniversario Dedicationis propriæ Ecclesiæ, & per Oct. in die Consecrationis Ecclesiæ, vel Altaris. In festis SS. quibus dedicata est Ecclesia, & ubi habetur Corpus, vel insignis Reliquia Sancti, de quo agitur. In die Creationis, & Coronationis Summi Pontificis, & in Anniversario ejusdem diei. In die, & Anniversario electionis, & consecrationis Episcopi. Item in omnibus Festis, quæ in Dominicis, & infra Octavas celebrantur: in quibus ratione Dominice, & Octavæ dici debet. Item in festo Patroni alicujus loci, vel Tituli Ecclesiæ (non autem alicujus Capellæ, vel Altaris) & in Festis principalibus Ordinum, & per eorum Octavas, in Ecclesiis tantum illius Ordinis. Item dicitur *Credo*, in Missis votivis, quæ solemniter pro re gravi, vel pro publica Ecclesiæ causa celebrantur, etiam si dicantur in Paramentis violaceis in Dominica.

De Offertorio, Secretis, Præfationibus, & Canone. XII.

Post Symbolum, vel si non sit dicendum, post Evangelium dicitur, *Dominus vobiscum*, *Oremus*, deinde *Offertorium*, postea sit oblatio cum Orationibus, ut in ordine Missæ. Qua oblatione facta, dicuntur *Orationes secretæ*, secundum numerum Orationis.

rationum, quæ clara voce in principio dictæ sunt: sed ante primam Orationem, non dicitur **Dominus vobiscum**, nec aliquid aliud, sed dicto, **Suscipiat Dominus Sacrificium**, absolute dicuntur, neque etiam ante secundam Orationem dicitur, **Oremus**. Terminatur autem prima, & ultima Oratio, ut dictum est supra in Rubrica de Orationibus: & secretò dicuntur usque ad illa verba in conclusione, **Per omnia secula seculorum**, quæ clara voce proferuntur, & incipitur **Præfatio**.

2 Præfationes autem dicuntur, ut in ordine Missæ annotatum est: & quæ in Quadragesima, Tempore Passionis, & Paschali & infra Octavas propriæ assignantur, dicuntur etiam in Dominicis & Festis, quæ illis temporibus celebrantur; nisi illa Festa propriam Præfationem habeant.

3 Si infra Octavam alicujus festi, quod habet Præfationem propriam, occurrat Festum ex majoribus non habens propriam Præfationem, dicitur Præfatio de Octava, quamvis de ea nulla fiat commemoratio in Missa.

4 In Missis votivis dicitur etiam Præfatio propria, si propriam habeant: si verò non habuerint, dicitur Præfatio de Tempore, vel Oct. infra quam contigerit hujusmodi Missas celebrari: alioquin Præfatio communis. Et quando aliqua Missa votiva pro causa publica solemniter celebratur, dicitur in cantu solemniter, ut in Duplicibus. In Missis Defunctorum quocumque tempore, semper dicitur Præfatio communis.

5 Post Præfationem incipitur **Canon Missæ**, secretò: in quo servantur omnia ut in Ordine Missæ. Ubi verò infra actionem, **Communicantes**, & **Hanc igitur**, vel alia variari contingit, suo loco in propriis Missis adnotatur.

De Communione, Orationibus post Communionem, Ite Missa est, vel Benedicamus Domino, de Benedictione, & Evangelio S. Joannis. XIII.

Expleto Canone, & aliis omnibus usque ad Communionem, ea peracta, dicitur **Communio**, & **Orationes post Communionem**, eodem modo & ordine, ut in principio Missæ: & repetito, **Dominus vobiscum**, dicitur, **Ite Missa est**, vel **Benedicamus Domino**, pro temporis ratione: **Ite Missa est**, dicitur quodcumque dictum est, **Gloria in excelsis**, cum non dicitur, ejus loco dicitur, **Benedicamus Domino**, & **Deo gratias**. In Missis Defunctorum dicitur, **Requiescant in pace**. **R. Amen**.

2 Dicto **Placeat**, datur **Benedictio**, quæ à Celebrante semper datur in Missa, præterquam in Missis Defunctorum. Deinde legitur Evangelium sancti Joannis, in principio, præmissa **Dominus vobiscum**, & **Incipit**, ut moris est: quod Evangelium nunquam præmittitur in Missa, nisi quando sit de festo in aliqua Dominica, vel Feria, quæ habet Evangelium proprium, quod legitur ejus loco. Excipitur Dominica iv. Adventus, cujus Evangelium non legitur in fine Missæ, quando in ea occurrit Vigilia Nativit. Domini, quia nec in Officio lectum est. In tertia Missa de die Nativit. Domini legitur in fine Evangelium de Epiphania, **Cum natus esset Jesus**, Et in Dominica Palmarum in Missis privatis legitur Evangelium, quod ponitur in benedictione Palmarum, quod etiam lectum est in Officio. In Vigiliis, quæ occurrunt in Quadragesima, vel Quatuor Temporibus, non legitur Evangelium Vigiliæ in fine Missæ. Et similiter in Missis Votivis nunquam legitur in fine aliud Evangelium, nisi S. Joannis.

De ordinanda Missa ex supradictis Rubricis. XIV.

Supradictis Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurrat ad Commune Sanctorum. Si de Feria agendum sit, & propria Missa non fuerit de Feria, dicatur Missa præcedentis Dominicæ, omittis **Gloria in excelsis**, & **Symbolo**, præterquam Temp. Pasch. in quo semper dicitur **Gloria in excelsis**, ut supra, excepta Missa Rogationum: & in Adventu præmittitur **Alleluja**, post **Graduale**, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicenda sint, requirantur post Missas Votivæ, suo loco de singulis rebus singula. Si pro Defunctis dicenda sit Missa, habetur post Missas Votivas, cum Collectis diversis circa finem Missalis. Ordo totius Missæ, cum Præfationibus, Canone, & aliis dicendis, habetur suo loco cum Proprio Missarum de Tempore.

De Hora celebrandi Missam. XV.

Missa privata saltem post Matutinum, & Laudes quacumque hora ab Aurora usque ad Meridiem dici potest.

2 Missa autem conventualis, & solemniter sequenti ordine dici debet. In Festis Duplicibus, & Semiduplicibus, in Dominicis, & infra Oct. dicta in Choro Hora Tertia. In festis Simplicibus, & in Feriis per annum dicta Sexta. In Adventu, Quadragesima, Quatuor Temporibus, etiam infra Octavam Pentecostes, & Vigiliis, quæ jejunantur, quamvis sint dies solemnes, Missa de tempore debet cantari post Nonam.

Miss. Monast.

3 Missa autem Defunctorum dici debet post Primam diei, ubi verò dicuntur eorum Vigilia manè post Matutinum diei, dictis hujusmodi Vigiliis cum Laudibus, immediate dici potest Missa pro Defunctis. Sed in die Commemorationis omnium fidelium Defunctorum Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo, aut Anniversario solemni, in quo sit concursus populi, poterit similiter dici ultimo loco post Nonam.

4 Excipiuntur ab hoc ordine dicendi Missam Conventualem, Missa in Nativitate Domini, quarum prima dicitur post mediam noctem, finito **Te Deum laudamus**, in Matutino; secunda in Aurora, dictis Laudibus, & Prima; tertia verò in die post Tertiam, vel ubi aliter ex dispensatione Apostolica disponatur.

5 Missa Votiva, quia non correspondent Officio, si solemniter celebrentur pro re gravi, vel publica Ecclesia causa cum populi frequentia, dicantur post Nonam.

De iis quæ clara voce aut secretò dicenda sunt in Missa. XVI.

In Missa privata clara voce dicitur **Antiphona**, & **Psalmus**, ad **Introitus**, **Confessio**, & quæ sequuntur, excepta Oratione, **Aufer à nobis**, & **Oremus te Domine per merita Sanctorum tuorum**, &c. Item, **Introitus**, **Kyrie eleison**, **Gloria in excelsis**, **Dominus vobiscum**, **Oremus**, **Flectamus genua**, **Levate**, **Oratio**, vel **Orationes**, **Prophetia**, **Epistola**, **Graduale**, **Versus**, **Tractus**, **Sequentia**, **Evangelium**, **Credo**, **Offertorium**, **Ora te fratres**, solum hæc duo verba, **Præfatio**, **Nobis quoque peccatoribus**, solum hæc tria verba. Item, **Per omnia secula seculorum**, &c. cum **Pater noster**, **Per omnia secula seculorum**, cum **Pax Domini**, **Agnus Dei**, **Domine non sum dignus**, hæc quatuor verba tantum, **Communio**, **Oratio**, vel **Orationes post Communionem**, **Humiliate capita vestra Deo**, **Ite Missa est**, vel **Benedicamus Domino**, vel **Requiescant in pace**, **Benedictio**, & **Evangelium in principio**, vel aliud **Evangelium**. Alia omnia dicuntur secretò.

2 Sacerdos autem maxime curare debet, ut ea, quæ clara voce dicenda sunt, distinctè & appositè proferat, non admodum festinanter; ut advertere possit quæ legit; nec nimis morosè, ne audientes tædio afficiat: neque etiam voce nimis elata, ne perturbet alios, qui fortasse in eadem Ecclesia tunc temporis celebrant, neque tam submissa, ut à circumstantibus audiri non possit, sed mediocri, & gravi, quæ & devotionem moveat, & audientibus ita sit accommodata, ut quæ leguntur, intelligant. Quæ verò secretò dicenda sunt, ita pronuntiet, ut & implet se audiat, & à circumstantibus non audiat.

3 In Missa solemni quando dici debent à Celebrante, **Gloria in excelsis**, & **Credo**, intonantur, & cantantur **Dominus vobiscum**, & **Orationes ante Epistolam**, **Dominus vobiscum**, **Oremus**, ante **Orationes**, & ante **Offertorium**, **Præfatio**, **Per omnia secula seculorum**, cum **Pater noster**, **Per omnia secula seculorum**, cum **Pax Domini**, & **Orationes post Communionem**. Alia quæ in Missa privata dicuntur clara voce, & in Missa solemni à Celebrante dicuntur submissa voce.

De ordine genuflectendi, sedendi, & standi in Missa privata, & solemni. XVII.

In Missa privata Sacerdos genuflectit, quando legit Evangelium sancti Joannis, in principio, ad illa verba, **Et Verbum caro factum est**, & in Evangelio Epiphania, **Cum natus esset Jesus**, ad illa verba, **Et præcedentes adoraverunt eum**. Item in Evangelio Fer. iv. post Dominicam quartam Quadragesimæ, ad illa verba in fine, **Et præcedentes adoravit eum**. Item genuflectit Dominica Palmarum, & in Missis de Cruce ad illa verba in Epistola, **In nomine J. in omne gen. Ætatur**, &c. & quando legitur Passio, ad illa verba, **Expiravit**, vel **emisit spiritum**, ut suis locis notatur. Item genuflectit, cum dicit, **Flectamus genua**. Item quando in Quadragesima dicit in Tractu, **V. Adjuva nos Deus**, &c. & in omnibus Missis de Spiritu sancto, cum dicit **V. Veni Sancte Spiritus reple**, &c. Item quando Sacramentum in Altari discooperatum apparet, genuflectit quoties ante illud transit in medio Altaris: & quodcumque in ordine Missæ, & in rith servando in celebratione Missæ notatur, quod debeat genuflectere.

2 Circumstantes autem in Missis privatis semper genua flectunt, etiam Tempore Paschali, præterquam dum legitur Evangelium.

3 In Missa solemni Celebrans genuflectit ad omnia supradicta, præterquam ad **Flectamus genua**, & tunc ipse solus stat. Diaconus verò, & Subdiaconus, & omnes alii genuflectunt. Ad Versum verò, **Adjuva nos Deus**, & ad Versum, **Veni Sancte Spiritus**, &c. genuflectit usque ad finem. Item genuflectit in die Annuntiationis beate Mariæ, & in tribus Missis Nativitatis Domini, quando cantatur in Choro, **Et incarnatus est**, &c. Aliis diebus si sedent cum cantantur ea verba, non genuflectit, sed caput tantum profunde inclinat apertum: si non sedet, genuflectit.

4 Ministri semper genuflectunt cum Celebrante, præterquam

¶ ¶

Sub-

Subdiaconus tenens librum ad Evangelium, & Acolyti tenentes candelabra, qui tunc non genuflectunt. Et cum Diaconus cantat illa verba, ad qua est genuflectendum, ipse versus librum, Celebrans, & omnes alii versus Altare genuflectunt.

5 In Choro genuflectitur ab iis, qui non sunt Prælati, ad Confessionem cum suo Psalmo, in Missis autem Feriarum Adventus, Quadragesimæ, Quar. Temp. & Vigiliarum, qua jejuntur, ac in Missis Defunctorum, genuflectunt omnes etiam ad Orationes, & dicto per Celebrantem, **Sanctus usque ad Pax Domini**, & ad **Orationes post Communionem**, & **Super populum**, excepta Vigilia Paschæ, & Pentecostes, ac Nativit. Domini, & Quatuor Temporibus Pentecostes. Et similiter ab omnibus genuflectitur, quando elevatur Sacramentum.

6 In Missa item solemniter Celebrans medius inter Diaconum, & Subdiaconum sedere potest à cornu Epistolæ juxta Altare cum cantatur **Kyrie eleison, Gloria in excelsis**, & **Credo**, alio tempore stat ad Altare, vel genuflectit, ut supra.

7 In Choro non sedent, qui alii cantant; reliqui autem possunt sedere quando Celebrans sedet, & præterea dum cantatur **Epistola**, & **Prophetia**, **Graduale**, **Tractus**, vel **Alleluja**, cum **Versu**, & **Sequentia**, ab ac **Offertorio**, usque ad incensationem Chori, & si non incensatur, usque ad **Præfationem**, & ad **Antiphonam** que dicitur **Communio**. Ad alia stant, vel genuflectunt, ut supra. **De coloribus Paramentorum**. XVIII.

Paramenta Altaris, Celebrantis, & Ministrorum debent esse coloris, convenientis Officio, & Missæ diei, secundum usum Romanæ Ecclesiæ: quæ quinque coloribus uti consuevit, Albo, Rubro, Viridi, Violaceo, & Nigro.

2 Albo colore utitur à Vesperis Vigiliæ Nativitatis Domini, usque ad Oct. Epiph. inclusive, exceptis Festis Martyrum, quæ infra eam veniunt. In festo SS. Nominis Jesu, Feria v. in Coena Domini, & Sabbato sancto in Officio Missæ, & ab illo die usque ad Sabbatum in Vigilia Pentec. ad Nonam, in Offic. de Tempore, præterquam in Missa Litaniarum, & Rogationum. In festo SS. Trinitatis. In festo Corporis Christi. In festo Transfigurationis Domini. In festis B. M. Virginis, præterquam in benedictione Candelarum, & Processione, quæ fit in festo Purificationis ejusdem. In festis Angelorum. In Nativitate S. Joannis Baptiste. In principali festo S. Joannis Evangelistæ, quod celebratur infra Oct. Nativit. Domini. In utraque Cathedra S. Petri Romæ. In festo S. Petri ad Vincula. In Conversione S. Pauli. In festo Omnium Sanctorum. In festis Confessorum Pontificum, & non Pontificum, & Doctorum. In festis SS. Virginum non Martyrum, & nec Virginum nec Martyrum. In Dedicatione, & consecratione Ecclesiæ, vel Altaris, ac in Consecratione Summi Pontificis, & in Anniversario Creationis, & Coronationis ejusdem, & Electionis, & Consecrationis Episcopi. Item per Octavas prædictorum Festorum, quæ Octavas habent, quando dicitur Missa de Octava, & in Dominicis infra eas occurrentibus, quando in eis fit Offic. de Dominica, præterquam in illis Dominicis, quibus tributus est color Violaceus. In Missis votivis prædictorum Festorum, quocumque tempore dicantur: & in Missa pro Sponso, & Sponsa.

3 Rubro colore utitur à Vigilia Pentec. in Missa usque ad Sabbatum sequens finita Nona in Missa. In festis S. Crucis. In Decollatione S. Joannis Baptiste. In natali Apostolorum Petri & Pauli, & in festis aliorum Apostolorum (exceptis festo principali S. Joannis Evangelistæ post Nativitatem, & festis Conversionis S. Pauli, & Cathedre S. Petri, & ejus Vinculorum.) In festo S. Joannis ante Portam Latinam. In Commemoratione S. Pauli Apostoli. In festis Martyrum, excepto festo SS. Innocentium, quando non venerit in Dominica; si autem in Dominica venerit, utitur Rubro: in ejus vero die Octava semper utitur Rubro, quocumque die occurrat. In festis SS. Virginum Martyrum, & Martyrum non Virginum. Item per Octavas prædictorum Festorum, quæ Octavas habent, quando fit de Octava, & in Dominicis infra eas Octavas occurrentibus, eodem modo, ut dictum est supra de colore Albo. Item in Missis votivis prædictorum Festorum, & in Missa pro eligendo Summo Pontifice.

4 Viridi colore utitur ab Octava Epiphaniæ usque ad Septuagesimam, & ab Octava Pentecostes usque ad Adventum exclusive, in Officio de Tempore, excepta Dominica Trinitatis, ut supra, ac exceptis Dominicis infra Octavas occurrentibus, in quibus color Octavarum servatur: exceptis etiam Vigiliis, & Quatuor Temporibus, ut infra.

5 Violaceo colore utitur à prima Dominica Adventus in primis Vesperis usque ad Missam Vigiliæ Nativitatis Domini inclusive: & à Septuagesima usque ad Sabbatum sanctum ante Missam inclusive, in Officio de Tempore, excepta Feria v. in Coena Domini, in qua utitur Albo: & Feria vi. in Parasceue, in qua utitur Nigro, ut infra: & benedictione Cerei in Sabbato sancto, in

qua Diaconus illius Præfationem dicens, solus utitur Albo: ea autem finita, Violaceo ut prius. Item in Vigilia Pentecostes ante Missam à prima Prophetia usque ad benedictionem Fontis inclusive. In Quatuor Temporibus, & Vigiliis, quæ jejuntur, exceptis Vigiliis, & Quatuor Temporibus Pentecostes. In Missa Litaniarum, in die S. Marci Evangelistæ, & Rogationum, & in Processionibus, quæ his diebus fiunt. In festo SS. Innocentium, quando non venerit in Dominica. In benedictione Candelarum in die Purificationis beatæ Mariæ, & in benedictione Cinerum, ac Palmarum, & in ipsa Dominica in Palmis, & in eorundem, ac generaliter in omnibus Processionibus: exceptis Processionibus SS. Sacramenti, & quæ fiunt in diebus solemnibus, vel pro gratiarum actione. In Missis de Passione Domini, Pro quacumque necessitate, Pro peccatis, Pro infirmis, & Ad postulandam gratiam bene moriendi, Ad tollendum schisma, Contra Paganos, Tempore belli, Pro pace, Pro vitanda mortalitate, Pro iter agentibus, & Pro infirmis.

6 Nigro colore utitur Feria vi. in Parasceue, & in omnibus Officiis, & Missis Defunctorum.

De qualitate Paramentorum. XIX.

1 In Officio Missæ Celebrans semper utitur Planeta super Albam.

2 Si autem sit Episcopus, & solemniter celebret, super Dalmaticam, & Tunicellam.

3 Pluviali utitur in Processionibus, & Benedictionibus, quæ fiunt in Altari. Item in Officio Laudum, & Vesperarum, quando solemniter dicuntur. Eodem utitur Assistens Celebranti in Missa Pontificali. Item quando celebrans post Missam Defunctorum facit in fine Absolutionem.

4 Cum Celebrans utitur Pluviali, semper deponit Manipulum, & ubi Pluviale haberi non potest, in benedictionibus quæ fiunt in Altari, celebrans stat sine Planeta cum Alba, & Seola.

5 Dalmatica, & Tunicella utuntur Diaconus, & Subdiaconus in Missa solemniter, & Processionibus, & Benedictionibus, quando Sacerdoti ministrant.

6 In diebus vero jejuniorum (præterquam in Vigiliis Sanctorum) & in Dominicis, & Feriis Adventus & Quadragesimæ ac in Vigilia Pentecostes ante Missam (exceptis Dominicis **Gaudete**, etiam si ejus Missa infra Hebdom. reperatur, & Dominica **Letare**, & Vigilia Nativit. Domini, Sabbato sancto in benedictione Cerei, & in Missa, ac in Quar. Temporibus Pentec.) item in benedictione Candelarum & Processione in die Purificationis B. M. & in benedictione Cinerum, ac benedictione Palmarum, & Processione in Cathedralibus, & præcipuis Ecclesiis utuntur Planetæ plicatis ante pectus: quam Planetam Diaconus dimittit cum lecturus est Evangelium, eaque tunc super sinistram humerum super Seolam complicitur: aut ponitur aliud genus Seolæ latioris in modum Planetæ plicatæ; & facta Communione resumit Planetam, ut prius. Similiter Subdiaconus dimittit eam cum lecturus est Epistolam, quam legit in Alba, & ea finita, osculataque Celebrantis manu, Planetam resumit, ut prius.

7 In minoribus autem Ecclesiis, prædictis diebus jejuniorum Alba tantum amitti ministrant: Subdiaconus cum Manipulo, Diaconus etiam cum Seola ab humero sinistro pendente sub dextrum.

De præparatione Altaris, & ornamentorum ejus. XX.

Altare, in quo sacrosanctum Missæ sacrificium celebrandum est, debet esse lapideum, & ab Episcopo, sive Abbate facultatem à Sede Apostolica habente, consecratum; vel saltem ar lapidea, similiter ab Episcopo, vel Abbate, ut supra consecrata, in eo inserta, quæ tam ampla sit, ut Hostiam, & majorem partem Calicis capiat. Hoc altare operiatur tribus mappis, seu tabacis mundis, ab Episcopo, vel alio habente potestatem, benedictis, superiori saltem oblonga, quæ usque ad terram pertingat, duabus aliis brevioribus, vel una duplicata. Pallio quoque ornatur coloris quoad fieri potest, diei festo, vel Officio convenientis. Super Altare collocetur Crux in medio, & Candelabra saltem duo cum candelis accensis hinc, & inde in utroque ejus latere. Ad Crucis pedem ponatur tabella Secretarum appellata. In cornu Epistolæ cussinus supponendus Missali, & ab eadem parte Epistolæ paretur cereus, ad elevationem Sacramenti accendendus, parva campanula, ampullæ vitæ vini & aquæ, cum pelvicula, & manutergio mundo in fenestella, seu in parva mensa ad hæc præparata. Super Altare nihil omnino ponatur, quod ad Missæ sacrificium, vel ipsius Altaris ornatum non pertineat.

RITUS SERVANDUS IN CELEBRATIONE MISSÆ.

De præparatione Sacerdotis celebraturi. I.

Sacerdos celebraturus Missam, prævia Confessione Sacramentali, quando opus est, & saltem Matutino cum Laudibus absoluto,

tuto, Orationi aliquantulum vacet: & Orationes inferius positas pro temporis opportunitate dicat. Deinde accedit ad locum in Sacristia, vel alibi praparatum, ubi paramenta, aliaque ad celebrationem necessaria habentur: accipit Missale, perquirat Missam, perlegit, & signacula ordinat ad ea, quae dicturus est. Postea lavat manus, dicens Orationem inferius positam. Deinde praparatur Calicem (qui debet esse vel aureus, vel argenteus, aut saltem habere cuppam argenteam intus inauratam, & simul cum Patena itidem inaurata, ab Episcopo consecratus) super ejus os ponit purificatorium mundum, & super illud Patenam cum Hostia integra, quam leviter extergit, si opus est, à fragmentis, & eam tegit parva palla linea, tum velo serico: super velo ponit bursam coloris paramentorum, intus habentem Corporale plicatum, quod ex lino tantum esse debet, nec serico, vel auro in medio intextum, sed totum album, & ab Episcopo, vel alio habente facultatem, simul cum palla benedictum.

2 Quibus ita dispositis accedit ad paramenta, quae non debent esse lacera, aut scissa, sed integra, & decenter munda, ac pulchra, & ab Episcopo itidem, vel alio facultatem habente benedicta: ubi calceatus pedibus, & indutus vestibus sibi convenientibus, quarum exterior saltem talum pedis attingat; induit se, si sit Prelatus secularis, supra rochetum; si sit Prelatus regularis, vel alius Sacerdos secularis supra superpellicem, si commodè haberi possit, alioquin sine eo, supra vestes communes, dicens ad singula singulas Orationes inferius positas.

3 Ac primum accipiens Amictum circa extremitates, & chordulas, osculatur illud in medio, ubi est Crux, & ponit super caput, & mox declinat ad collum, & eo vestium collaria circumtegens, ducit chordulas sub brachiis, & circumducens per dorsum ante pectus reducit, & ligat. Tum Alba induitur, caput submitit, deinde manicam dextram brachio dextro, & sinistram sinistro imponens. Albam ipsam corpori adaptat, elevat ante, & à lateribus hinc inde, & cingulo per ministrum à tergo sibi porrecto, se cingit. Minister elevat Albam super cingulum circumcirca, ut honestè dependeat, & tegat vestes, ac ejus fimbrias diligenter aptat, ut ad latitudinem digiti, vel circiter super terram aequaliter fluat. Sacerdos accipit Manipulum, osculatur Crucem in medio, & imponit brachio sinistro. Deinde ambabus manibus accipiens Stolum, simili modo deosculatur, & imponit medium ejus collo, ac transverso eam ante pectus in modum Crucis, ducit partem à sinistro humero pendentem ad dextram, & partem à dextro humero pendentem ad sinistram. Sicque utramque partem Stole extremitatibus cinguli hinc inde ipsi cingulo conjungit.

4 Si Celebrans sit Episcopus, vel Abbas ut supra non ducit Stolum ante pectus in modum Crucis, sed sinit hinc inde utraque extremitates pendere: & antequam accipiat Stolum, accipit parvam Crucem pectoralem, quam osculatur, & collo impostam sinit ante pectus chordulis pendere. Manipulum quoque non accipit ante Stolum, nisi in Missis Defunctorum, sed accipit ad Altare, cum in confessione dicit, *Indulgentiam*, illumque prius osculatur.

Postremo Sacerdos accipit Planetam.

5 Si sit Episcopus, vel Abbas, ut supra habens usum Pontificalium, & solemniter celebrat, accipit paramenta, & alia ut in Pontificali & Ceremoniali.

De ingressu Sacerdotis ad Altare. I I.

Sacerdos omnibus paramentis indutus, accipit manu sinistra Calicem, ut supra praparatum, quem portat elevatum ante pectus, bursam manu dextra super Calicem tenens, & facta reverentia Crucis, vel imagini illi, quae in Sacristia erit, capite cooperto accedit ad Altare, ministro cum Missali, & aliis ad celebrandum necessariis (nisi ante fuerint praparata) procedente superpellicem induto. Procedit autem oculis demissis, incessu gravi, erecto corpore. Si verò contigerit eum transire ante Altare majus, capite cooperto faciat ad illud reverentiam: Si ante locum Sacramenti, genuflectat. Si ante Altare ubi celebretur Missa, in qua elevatur, vel tunc ministratur Sacramentum, similiter genuflectat, & detecto capite illud adorat, nec ante surgat, quam celebrans deposuerit Calicem super Corporale.

2 Cum pervenerit ad Altare stans ante illius infimum gradum, caput deregat, biretum ministro porrigit, & Altari, seu imagini Crucifixi desuper positae profunde inclinat. Si autem in eo sit Tabernaculum SS. Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit Corporale de bursa, quod extendit in medio Altaris, & super illud Calicem velo coopertum collocat, bursam autem ad cornu Evangelii. Si in Altari paramenta accipit, hoc idem facit antequam descendat ab Altari, ut Missam inchoet.

3 Si est consecraturus plures Hostias pro Communione facienda, quae ob quantitatem super Patenam manere non possint, locat eas super Corporale ante Calicem, aut in aliquo Calice con-

secrato, vel vase mundo benedicto, ponit eas retrò post Calicem, & alia Patena, seu palla cooperit.

4 Collocato Calice in Altari, accedit ad cornu Epistolae, Missale super cussino aperit, reperit Missam, & signacula suis locis accommodat. Deinde rediens ad medium Altaris, facta primum Crucis reverentia, vertens se ad cornu Epistolae, descendit post infimum gradum Altaris, ut ibi faciat Confessionem.

5 In Missa solemniori Missale apertum super Altare, Calix verò, & alia necessaria praparentur in Credentia cooperta linteis, antequam Sacerdos veniat ad Altare. Ipse autem procedit cum Diacono, & Subdiacono, qui capite cooperto, simul cum eo tenent manus junctas ante pectus: Acolyti verò ante eos deferunt candelabra cum candelis accensis, quae deinde collocantur super Credentia: & cum pervenerit ante infimum gradum Altaris, ibi medius inter Diaconum à dextris, & Subdiaconum à sinistris, antequam ascendat ad Altare, facit cum ipsis (ut infra) Confessionem.

6 In Missa Pontificali omnia servantur, ut in Pontificali, & Ceremoniali Romano ordinatur: cujus Pontificalis ordinem Episcopus, siue Abbas ut supra numquam pratermittat, quandocumque cum Diacono, & Subdiacono paratis celebrat.

De principio Missae, & Confessione faciendi. III.

Sacerdos cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus extensis, & junctis pariter digitis, & pollice dextro super sinistram posito in modum Crucis, (quod semper servatur quando junguntur manus, praterquam post consecrationem) detecto capite, facta prius Crucis, vel Altari profunda reverentia, vel si in eo sit Tabernaculum Sanctissimi Sacramenti, facta genuflectione, erectus, incipit Missam.

2 Si celebraturus sit coram summo Pontifice, sistit se ante infimum gradum Altaris à cornu Evangelii ante ipsum Pontificem, ubi genuflectus expellat: accepta benedictione erigit se, & stans aliquantulum versus ad Altare, incipit Missam. Si autem sit coram Cardinali, Legato Sedis Apostolicae, aut Patriarcha, Archiepiscopo, & Episcopo in eorum residentiis, vel loco jurisdictionis, stans ante infimum gradum à cornu Evangelii ut supra, expellat: datò signo facit profundam reverentiam Prelato; & versus ad Altare incipit Missam.

3 Si autem solemniter celebrat coram summo Pontifice, aut alio ex Prelatis praedictis in Ecclesiis eorum jurisdictionis, stans à sinistris Prelati, facit cum eo Confessionem, & alia servat, ut in Pontificali, & Ceremoniali Romano ordinatur.

4 Stans igitur Celebrans ante infimum gradum Altaris, ut supra, producit manu dextra à fronte ad pectus signum Crucis, dicit intelligibili voce, *In nomine Patris, & Filii, & Spiritus sancti, Amen.* Et postquam id dixerit, non debet advertere quemcumque in alio Altari celebrantem, etiam si Sacramentum elevet, sed continuatè prosequi Missam suam usque ad finem. Quod item observatur in Missa solemniori, & simul etiam à Ministris.

5 Cum seipsum signat, semper sinistram ponit infra pectus: in aliis benedictionibus cum est ad Altare, & benedicit oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dextrae, & omnibus illius digitis junctis, & extensis, à fronte ad pectus, & ab humero sinistro ad dextrum, signum Crucis format. Si vero alios, vel rem aliquam benedicit, parvum digitum vertit ei cui benedicit, ac benedicendo, totam manum dextram extendit omnibus illius digitis pariter junctis, & extensis: quod in omni benedictione observatur.

6 Postquam dixerit, *In nomine Patris, &c.* ut supra; jungens iterum manus ante pectus, pronuntiat clara voce Antiphonam, *Introibo ad Altare Dei.* Minister retrò post eum ad sinistram genuflectus, & in Missa solemniori Ministri hinc inde stantes prosequuntur: *Ad Deum qui iustificat juventutem meam.* Deinde Sacerdos eodem modo stans incipit, & prosequitur cum ministro, vel ministris alternatim Psalmum, *Judica me Deus*, usque ad finem, cum *Gloria Patri.* Quo finito repetit Antiphonam, *Introibo*, cum ministris, ut supra. Qui Psalmus numquam pratermittitur, nisi in Missis Defunctorum, & in Missis de Tempore à Dominica Passionis inclusive usque ad Sabbatum sanctum exclusive, in quibus semel tantum dicta Antiphona, *Introibo*, cum ministris, ut supra, Sacerdos statim subjungit *Adjutorium nostrum, &c.* ut infra. Cum in fine Psalmi dicit, *Gloria Patri, &c.* caput Crucis inclinat.

7 Repetita Antiphona, *Introibo*, extra manu producit signum Crucis à fronte ad pectus, dicit *Adjutorium nostrum in nomine Domini. &c. Qui fecit coelum & terram.* Deinde Altari se profunde inclinans, junctis manibus dicit, *Confiteor Deo*, ut in ordine Missae: & prosequitur eodem modo stans inclinatus, donec à Ministro, vel Ministris dictum sit, *Misereatur.* Cum incipitur à Ministris, *Confiteor*, se erigit. Cum dicit, *mea culpa*, ter pectus dextra manu percutit, sinistra infra pectus posita.

8 Si est coram Pontifice, Cardinali, Legato Sedis Apostolice, vel Patriarcha, Archiepiscopo, & Episcopo in eorum Provincia, Civitate, vel Diocesi constitutis, ubi dicit, **vobis fratres**, dicat, **tibi pater**, similiter infra, ubi dicit, **vos fratres**, dicat, **te pater**, quod dicens summo Pontifici genuflectit, aliis Prælati profunde se inclinatur.

9 Cum minister, & qui interfunt (etiam si ibi fuerit Summus Pontifex) respondent, **Confiteor**, dicunt, **tibi pater**, & **te pater**, aliquantulum conversi ad Celebrantem.

10 Facta à circumstantibus Confessione, Celebrans stans respondet, **Miserere vestri, &c.** Deinde producens manu dextra à fronte ad pectus signum Crucis, dicit, **Indulgentiam, &c.** & si est Episcopus, vel Abbas, ut supra, accipit manipulum, osculando illum in medio. Et stans inclinatus junctis manibus prosequitur, **Deus tu conversus**, & quæ sequuntur in Ordine Missæ clara voce usque ad Orationem, **Aufer à nobis, &c.** & cum dicit, **Oremus**, extendit, & jungit manus.

11 Et tunc si coram Summo Pontifice, aut aliis Prælati, ut supra, celebret, facta Summo Pontifici genuflectione, aliis Prælati profunda reverentia, accedit ad medium Altaris ante infimum gradum, & ibi incipit secretò, **Aufer à nobis**, ut in ordine Missæ.

De Introitu, Kyrie eleison, & Gloria in excelsis. IV.

D Um dicit, **Aufer à nobis, &c.** Celebrans junctis manibus ascendit ad medium Altaris, & ibi inclinatus, manibusque item junctis super eo positus, ita ut digiti parvi duntaxat frontem, seu medium anterioris partis tabulæ, seu mensæ Altaris tangerent, residuo manuum inter Altare & se retento, pollice dextro super sinistram in modum Crucis posito (quæ omnia semper observantur cum manus junctæ super Altare ponuntur) secretò dicit, **Oremus te Domine, &c.** & cum dicit, **Quorum reliquie hic sunt**, osculatur Altare in medio, manibus extensis aequaliter hinc inde super eo positus: quod semper servatur, quando osculatur Altare: sed post consecrationem pollices ab indicibus non disjunguntur. In omni etiam deosculatione five Altaris, five libri, five alterius rei, non producit signum Crucis pollice, vel manu super id quod osculandum est.

2 Osculato Altari accedit ad cornu ejus sinistram, id est Epistolæ: ubi stans versus Altare, & producens à fronte ad pectus signum Crucis, incipit intelligibili voce **Introitum** Missæ, & prosequitur junctis manibus. Cum dicit, **Gloria Patri**, tenens junctas manus, caput inclinat versus Crucem. Cum repetit **Introitum**, non signat se ut prius, & eo repetito, junctis manibus ante pectus accedit ad medium Altaris: ubi stans versus illud similiter manibus junctis, dicit eadem voce ter **Kyrie eleison**, ter **Christe eleison**, & iterum ter **Kyrie eleison**, alternatim cum ministro. Si minister, vel qui interfunt Celebranti, non respondeant, ipse solus novies dicit.

3 Dicto ultimo, **Kyrie eleison**. Sacerdos stans in medio Altaris, & manus extendens, elevansque usque ad humeros, (quod in omni manu elevatione observatur) voce prædicta incipit, si dicendum sit, **Gloria in excelsis**. Cum dicit, **Deo**, jungens manus, caput Cruci inclinat: quo erecto, stans junctis manibus ante pectus, prosequitur usque ad finem. Cum dicit, **Adoramus te, Gratias agimus tibi, & Jesu Christe: Suscipe deprecationem nostram**, & iterum, **Jesu Christe**, caput Cruci inclinat. Cum dicit in fine, **Cum sancto Spiritu**, seipsum à fronte ad pectus signat, interim absolvens, **In gloria Dei Patris, Amen.**

4 In Missa solemnè Sacerdos facta Confessione ascendit cum ministris ad medium Altaris: ubi dicto, **Oremus te Domine**, & osculato Altari, ponit incensum in Thuribulum, ministrante Diacono naviculam, & Thuriferario Thuribulum. Diaconus parum inclinatus versus Celebrantem dicit: **Benedicite Pater reverende**, & osculatur cochlear, & manum Celebrantis ante & post. Celebrans ter incensum ponit in Thuribulum, dicens interim: **ab illo benedicam**, & deposito cochleari, producens manu dextra signum Crucis super thuribulum, illud benedicit. Postea Diaconus dimissa navicula accipit Thuribulum, & dat Celebranti, osculata prius ceterularum summitate, & manu illius dextra, qui facta Cruci profunda reverentia, eam ter incensat, nihil dicens: & facta iterum Cruci reverentia, incensat Altare, ter ducens Thuribulum aequali distantia, prout distribuuntur candelabra, à medio ejus usque ad cornu Epistolæ: ubi dimissa manu, thurificat illius postremam partem inferiorem, mox superiorem, bis ducto Thuribulo: & conversus ad Altare, elevans manum incensat ejus planitiem, seu mensam in parte anteriori, ter ducens Thuribulum usque ad medium: ubi facta Cruci reverentia, procedendo thurificat aliud latus Altaris triplici ductu usque ad cornu Evangelii: & pariter incensata inferiori & superiori parte ipsius cornu Evangelii duplici ductu, adhuc stans ibidem, elevat Thuribulum: & ter incensat superiorem tabula partem versus medium Altaris, ut fecit in cornu Epistolæ: deinde manu aliquantulum demissa, incensat anteriorem ejus partem, seu frontem, ter ducens Thuribulum dum procedit à cornu Evangelii usque ad medium Altaris: & facta Cruci reverentia in-

centat similiter triplici ductu reliquam partem anteriorem usque ad cornu Epistolæ: ubi reddito Thuribulo ipsi Diacono, ab eo ipse solus incensatur.

5 Si verò in Altari fuerint Reliquia, seu Imagines Sanctorum, incensata Cruce, & facta ei reverentia, antequam discedat à medio Altaris, primum incensat eas quæ à dextris sunt, id est à parte Evangelii prope Crucem, bis ducens Thuribulum: & iterum facta Cruci reverentia similiter incensat bis alias quæ sunt à sinistris, hoc est à parte Epistolæ: deinde prosequitur incensationem Altaris, ut supra, ter ducens Thuribulum in unoquoque latere, etiam si in eo essent plures Reliquia vel Imagines, seu etiam plura vel pauciora candelabra.

6 Si in Altari fuerit tabernaculum Santissimi Sacramenti, accipio Thuribulo antequam incipiat incensationem, genuflectit, quod item facit, quotiescumque transit ante medium Altaris.

7 Diaconus & Subdiaconus hinc inde assistunt Celebranti cum incensat, & cum transeunt ante Crucem, semper genuflectunt. Deinde Celebrans, Diacono à dextris ejus, Subdiacono à dextris Diaconi stantibus in cornu Epistolæ, legit **Introitum**, & **Kyrie eleison**. Cum verò innotat Hymnum, **Gloria in excelsis Deo**, Diaconus & Subdiaconus unus post alium stant à tergo Celebrantis; postea ascendant ad Altare, & hinc inde, Diaconus à dextris, Subdiaconus à sinistris, cum Celebrante Hymnum submissa voce prosequuntur usque ad finem: quod etiam servatur, cum dicitur **Credo**, & cum dicitur, **Domine vobiscum**, **Oratio**, **Præfatio**, & **Pater noster**. Diaconus & Subdiaconus similiter stant unus post alterum à tergo Celebrantis.

De Oratione. V.

D icto Hymno, **Gloria in excelsis**, vel, si non sit dicendus, eo omisso, Celebrans osculatur Altare in medio, manibus hinc inde super eo, ut supra, extensis, tum illis ante pectus junctis, & demissis ad terram oculis, vertit se à sinistro latere ad dextrum versus populum, hoc est, per eam partem quæ respicit cornu Epistolæ, & extendens ac jungens manus ante pectus, ut prius, dicit voce prædicta, **Domine vobiscum**, vel si sit Episcopus, **Pax vobis**, (quod dicitur tantum hoc loco, quando dictus est Hymnus, **Gloria in excelsis**.) **Et cum ipse tunc**, & junctis ut prius manibus revertitur per eandem viam ad librum, ubi eas extendens & jungens ante pectus, caputque Cruci inclinans, dicit, **Oremus**, tum extendit manus ante pectus, ita ut palma unius manus respiciat alteram, & digitis simul junctis, quorum summitas humerorum altitudinem distantiamque non excedat; quod in omni extensione manuum ante pectus servatur. Stans autem, ut supra, extensis manibus, dicit **Orationem**. Cum dicit, **Per Dominum nostrum**, jungit manus, easque junctas tenet usque ad finem. Si aliter, concluditur Oratio, **Qui tecum**, vel **Qui vivis**, cum dicit, **in unitate**, jungit manus.

2 Cum nominatur nomen **Jesús**, caput versus Crucem inclinat: quod etiam facit cum nominatur in Epistola. Et similiter ubicumque nominatur nomen beatæ Mariæ vel Sanctorum, de quibus dicitur Missa, vel sit commemoratio, item in Oratione pro Papa, quando nominatur, semper caput inclinat, non tamen versus Crucem. Si plures Orationes sint dicendæ, idem in eis, in voce, extensione manuum, & capitis inclinatione, quod supra dictum est, observatur.

3 Si Altare sit ad Orientem versus populum, Celebrans versa facie ad populum, non vertit humeros ad Altare, cum dicturus est, **Domine vobiscum**, **Orate fratres**, **Ite Missa est**, vel daturus benedictionem: sed osculato Altari in medio, ibi expansis & junctis manibus, ut supra, salutat populum, & dat benedictionem.

4 In Quatuor Temporibus, vel aliis quando dicendæ sunt plures Orationes cum Prophetiis, dicto, **Kyrie eleison**, in medio Altaris, revertitur ad cornu Epistolæ, ubi stans ante librum, extensis & junctis ante pectus manibus, caput Cruci inclinans, dicit, **Oremus**, **Flectamus genua**, & illico manibus super Altare extensis, ut seipsum ad Altare sustineat, genuflectit, & sine mora surgens, eadem voce ministro respondente, **Levate**, manibus extensis dicit **Orationem**, ut supra, & in conclusione eas jungit. Dum autem legit Prophetias, tenet manus super librum vel Altare positas, ut mox dicitur de Epistola.

5 In Missa solemnè cum dicitur, **Domine vobiscum**, & **Oratio**, Diaconus & Subdiaconus stant retrò post Celebrantem. **Flectamus genua**, dicitur à Diacono, à Subdiacono verò, **Levate**, illo primum genuflectente, hoc primum surgente; Celebrans verò non genuflectit.

De Epistola, Graduali, & aliis usque ad Offertorium. VI.

D ictis Orationibus, Celebrans positus super librum vel super Altare manibus, itaut palmæ librum tangerent; vel (ut placuerit) librum tenens, legit **Epistolam** intelligibili voce, & respondetur à ministro **Deo gratias**, & similiter stans eodem modo, pro-

prosequitur **Graduale, Alleluia, & Tractum ac Sequentiam**, si dicenda sint. Quibus dictis, Sacerdos si privatim celebret, ipse met seu minister portat librum Missalis ad alteram partem Altaris in cornu Evangelii, & dum transit ante medium Altaris, caput Cruci inclinat, & Missale sic locat, ut posterior pars libri respiciat ipsum cornu Altaris, & non ad parietem, sive ad partem ejus contra se directam.

2 Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, & statim demissis, tum profunde inclinatus, dicit secretò, **Munda cor meum, & Jube Domine benedicere, Dominus sit in corde meo**, ut in ordinario. Quibus dictis vadit ad librum Missalis, ubi stans versus illum junctis manibus ante pectus, dicit intelligibili voce, **Dominus vobiscum. R. Et cum spiritu tuo.**

Deinde pollice dextræ manus signo Crucis signans primò librum super principio Evangelii, quod est lecturus; postea seipsum in fronte, ore, & pectore, dicens, **Sequentia, vel, Initium sancti Evangelii, &c. R. Gloria tibi Domine.** Tum junctis iterum manibus ante pectus, stans ut supra, prosequitur **Evangelium** usque ad finem. Quo finito, minister stans in cornu Epistolæ post infimum gradum Altaris, respondet, **Laudus tibi Christe, & Sacerdos elevans parumper librum, osculatur principium Evangelii, dicens: Per Evangelica dicta, &c.** præterquam in Missis Defunctorum, & nisi celebret coram summo Pontifice, Cardinali, & Legato Sedis Apostolicæ, vel Patriarcha, Archiepiscopo, & Episcopo, in eorum residentiis; quo casu deferitur cuilibet prædictorum osculandus liber, & Celebrans tunc non osculatur illum, nec dicit, **Per Evangelica dicta.** Cum autem nominatur **Jesus**, caput versus librum inclinat: & eodem modo versus librum genuflectit, cum in Evangelio est genuflectendum.

3 Dicto Evangelio stans in medio Altaris versus Crucem, elevans & extendens manus, incipit (si dicendum sit) **Credo**, cum dicit, **in unum Deum**, jungit manus, & caput Cruci inclinat: quo erecto, stans ibidem junctis ante pectus manibus, ut prius, prosequitur usque ad finem. Cum dicit, **Jesus Christum**, caput Cruci inclinat. Cum dicit, **Et incarnatus est**, usque ad, **Et homo factus est**, inclusive, genuflectit. Cum dicit, **simul adoratur**, caput Cruci inclinat. Cum dicit, **Et vitam venturi sæculi, Amen**, producit sibi manu dextra signum Crucis à fronte ad pectus.

4 In Missa solemni Subdiaconus circa finem ultima Orationis accipit ambabus manibus librum Epistolarum, deferens illum supra pectus; & facta Altari genuflectione in medio, vadit ad partem Epistolæ contra Altare, & cantat Epistolam, quam etiam Celebrans interim submissa voce legit, assistente sibi Diacono à dextris, & item Graduale, Tractum, &c. usque ad **Munda cor meum.** Epistola cantata, Subdiaconus facit iterum genuflectionem Altari in medio, ac redit ad Celebrantem, & genuflectens osculatur ejus manum, & ab eo benedicitur, præterquam in Missis Defunctorum.

5 Postea idem Subdiaconus accipit Missale Celebrantis, deferens ad cornu Evangelii in Altari, & ibi ministrat Celebranti; qui in medio Altaris submissa voce dicto, **Munda cor meum, &c.** & deinde dicto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in Thuribulum. Postea Diaconus genuflexus ante Altare dicit, **Munda cor meum, &c.** accipiens librum Evangeliorum de Altari, petit benedictionem à Celebrante similiter genuflexus in superiori gradu Altaris: & osculata illius manu, præcedentibus Thuriferario, & duobus Acolythis cum candelabris accensis de Credentia sumptis, vadit cum Subdiacono à sinistris ad locum Evangelii contra Altare versus populum; ubi Subdiacono librum tenente, medio inter duos Acolythos tenentes candelabra accensa dicit, **Dominus vobiscum, junctis manibus.** Cum dicit, **Sequentia, &c.** signat librum in principio Evangelii, frontem, os, & pectus: postea ter librum incensat, hoc est, in medio, à dextris, & à sinistris; & prosequitur Evangelium junctis manibus. Interim Celebrans post datam Diacono benedictionem retrahens se ad cornu Epistolæ, ibi stat junctis manibus. Et cum Diaconus dicit, **Sequentia sancti Evangelii**, Sacerdos etiam signat se; & cum nominatur **JESUS**, caput inclinat versus Altare. Finito Evangelio Sacerdos osculatur librum à Subdiacono sibi delatum, dicens, **Per Evangelica dicta, &c.** & à Diacono ter incensatur. Si sit coram Prælato in sua residentia, liber deferitur ad Prælatum, ut supra, & ille incensatur, ut in Cæremoniali. Postea stans in medio Altaris versus ad Crucem, incipit, si dicendum sit, **Credo**, stantibus post eum Diacono & Subdiacono: deinde ad Altare accedentibus, & eum prosequentibus, ut dictum est ad **Gloria in excelsis.**

6 Si autem sit prædicandum, Concionator finito Evangelio prædicet, & sermone, sive concione expleta, dicatur **Credo**, vel si non sit dicendum, cantetur **Offertorium.**

7 Cum verò in Symbolo cantatum fuerit, **Et incarnatus est**; Miss. Monast.

Diaconus accipit bursa de Credentia, ambabus manibus eam deferens elevatam cum solitis reverentiis ad medium Altaris, in quo explent Corporale, & revertitur ad Celebrantem. Cum non dicitur, **Credo**, Subdiaconus deferet bursum simul cum Calice, ut infra dicitur.

8 Si quandoque Celebrans cantat Missam sine Diacono & Subdiacono, Epistolam, cantat in loco consueto aliquis Lector superpelliceo indutus, qui in fine non osculatur manum Celebrantis: **Evangelium**, autem cantat ipse Celebrans ad cornu Evangelii, quod & in fine Missæ cantat, **Ite Missa est, vel Benedicamus Domino, aut Requiescant in pace pro temporis diversitate.**

De Offertorio & aliis usque ad Canonem. VII.

Dicto Symbolo, vel, si non sit dicendum, post Evangelium Celebrans osculatur Altare in medio, & junctis manibus ante pectus, ibidem à manu sinistra ad dextram (ut dictum est supra) vertit se ad populum, & extendens ac jungens manus dicit, **Dominus vobiscum, & junctis manibus revertitur per eandem viam ad medium Altaris, ubi extendens & jungens manus, caputque Cruci inclinans, dicit, Oremus,** tum junctis ut prius manibus dicit **Offertorium**, & omnia quæ usque ad finem Missæ in medio Altaris dicenda sunt, dicit ibidem stans versus ad Altare, nisi ubi aliter ordinatur.

2 Dicto Offertorio discooperit Calicem, & ad cornu Epistolæ sistit, & manu dextra amovet parvam pallam desuper Hostiam, accipit Patenam cum Hostia, & ambabus manibus usque ad pectus eam elevatam tenens, oculis ad Deum elevatis, & statim demissis, dicit, **Suscipe sancte Pater, &c.**

3 Si fuerint aliæ Hostiæ non super Patenam, sed super Corporale, vel in alio Calice seu vase pro Communionem populi consecrandæ, Calicem illum seu vas dextra discooperit, & intentionem suam etiam ad illas offerendas, & consecrandas dirigens, dicit ut supra, **Suscipe, &c.** ut in ordine Missæ. Quo dicto, Patenam utraque manu tenens, cum ea facit signum Crucis super Corporale, & deponit Hostiam circa medium anterioris partis Corporalis ante se, & Patenam ad manum dextram aliquantulum subtus Corporale; quam, exterso Calice, ut dicitur, cooperit purificatorio. Si autem adsit vas, seu Calix cum aliis Hostiis, ipsum cooperit alia Patena, vel palla.

4 Deinde in cornu Epistolæ accipit Calicem, purificatorio extergit, & sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis) & ponit vinum in Calicem. Deinde eodem modo tenens Calicem, producit signum Crucis super ampullam aquæ, & dicit, **Deus, qui humanæ substantiæ, & infundens parum aquæ in Calice prosequitur, De nobis per hujus aquæ & vini mysterium, &c.** Si verò celebrat pro Defunctis, non facit signum Crucis super aquam, sed imponit absque benedictione, dicens Orationem, ut supra.

5 Imposita aqua in Calice, & finita Oratione prædicta, accipit manu dextra Calicem discooperitum; & stans ante medium Altaris, ipsum ambabus manibus elevatum tenens, videlicet cum sinistra pedem, cum dextra autem nodum infra cuppam, intentis ad Deum oculis offert, dicens, **Offerimus tibi Domine, &c.** qua Oratione dicta, facit signum Crucis cum Calice super Corporale, & ipsum in medio post Hostiam collocat, & palla cooperit. Deinde junctis manibus super Altare positis, aliquantulum inclinatus dicit secretò, **In spiritu humilitatis, &c.** Postea erectus, elevans oculos, manumque expandens, & statim jungens ante pectus (quod semper facit quando aliquid est benedicturus) dicit, **Veni sanctificator, &c.** cum dicit, **& benedic**, signat manu dextra comuniter super Hostiam & Calicem, sinistra posita super Altare.

6 Tum junctis ante pectus manibus, accedit ad cornu Epistolæ, ubi stans, ministro aquam fundente, lavat manus, idest extremitates digitorum pollicis & indicis, dicens Psalmum, **Lavabo inter innocentes, cum Gloria Patri, &c.** qui versus Gloria Patri, præmittitur in Missis Defunctorum, & in Missis de Tempore à Dominica de Passione usque ad Sabbatum sanctum exclusivè.

7 Celebrans lotis manibus eas tergit, & illis ante pectus junctis revertitur ad medium Altaris, ubi stans, oculosque ad Deum elevans, & statim demittens, manibus junctis super Altare, aliquantulum inclinatus dicit secretò Orationem, **Suscipe sancta Trinitas, &c.** Qua dicta, manibus hinc inde extensis, & super Altare positis, osculatur illud in medio: tum junctis manibus ante pectus, demissisque oculis ad terram, à sinistra manu ad dextram vertit se ad populum, & versus eum extendens & jungens manus, dicit voce aliquantulum elata, **Ora te fratres, & secretò prosequens, ut meum ac vestrum sacrificium, &c.** perficit circulum, revertens junctis manibus ante pectus à manu dextra ad medium Altaris. Et responso à ministro, vel à circumstantibus, **Suscipiat Dominus sacrificium de manibus tuis, &c.** (alioquin per seipsum, dicens, **Sacrificium de manibus meis.**) Ipse Celebrans submissa voce dicit, **Amen.**

Amen, & manibus ante pectus extensis, ut sit ad Orationem, stans in medio Altaris versus librum, dicit absolute sine **Oremus**, & sine alia interpositione **Orationem**, vel **Orationes secretas**. Cum dicit, **Per Dominum**, jungit manus: cum dicit **Iesum Christum**, caput inclinat, quod facit in prima Oratione, & in ultima, si plures sint dicenda.

8 Pervento autem in conclusione ultimae Secretae ad verba illa, **Per omnia secula seculorum**, exclusivè, Sacerdos stans in medio Altaris, depositis super eo manibus hinc inde extensis, dicit convenienti & intelligibili voce **Prefationem**. Cum dicit, **Sursum corda**, elevat manus hinc inde extensas usque ad pectus: ita ut palma unius manus respiciat alteram. Cum dicit, **Gratias agamus Domino**, jungit manus: cum dicit, **Deo nostro**, oculos elevat, & statim Cruci caput inclinat. Responso, **Dignum & iustum est**, elevatis & extensis ut prius manibus, prosequitur **Prefationem**, propriam, vel communem, ut tempus requirit. Cum dicit, **Sanctus**, junctis ante pectus manibus, & inclinatus, voce mediocri prosequitur, ministro interim parvam campanulam pulsante. Cum dicit **Benedictus qui venit in nomine Domini**, &c. erigit se, & signum Crucis sibi producit à fronte ad pectus.

9 In Missa solemni dicto **Oremus**, Diaconus & Subdiaconus accedunt ad Altare in cornu Epistola: Diaconus amovet Calicem, si est in Altari, vel si est in Credentia, ut magis decet, accipit eum de manu Subdiaconi: qui illum cum Patena & Hostia, coopertum palla & velo à collo sibi pendente, manu sinistra tenens, & alteram manum superponens velo, ne aliquid decidat, de Credentia detulit, comitatus ab Acolycho ampullas vini, & aqua portante: ipse Diaconus Calicem deregat, & dat Patenam cum Hostia Celebranti, osculando ejus manum: Subdiaconus extergit Calicem purificatorio: Diaconus accepta ampulla vini de manu Subdiaconi, imponit vinum in Calice: Subdiaconus interim ampullam aqua ostendens Celebranti, dicit, **Benedicite Pater reverende**, qui facto versus eam signo Crucis, dicit Orationem, **Deus qui humane**, &c. interim Subdiaconus infundit paululum aqua in Calicem, Diaconus illum Celebranti dat, & pedem Calicis tangens, seu brachium dextrum Celebrantis sustentans, cum eo dicit, **Offerimus tibi Domine**, &c. quem postea posuit in Altari ut supra, palla cooperit, Subdiacono deinde stanti in cornu Epistola ponit in dextra manu Patenam, quam cooperit extremitate veli ab ejus humero penderis: qui vadit post Celebrantem ante medium Altaris, & facta genuflexione ibi stat, sustinens eam elevatam usque ad finem Orationis Dominica, ut dicitur. In Missis autem Defunctorum, & in Feria sexta Parasceves, Patena non tenetur à Subdiacono.

10 Dicto, **Veni sanctificator**, ut supra, Celebrans, ministrante Diacono naviculam, & dicente, **Benedicite Pater reverende**, ponit incensum in Thuribulum, dicens, **Per intercessionem**, &c. ut in Ordine Missae. Deinde accepto Thuribulo per manum Diaconi, nullam tunc faciens Cruci reverentiam, incensat oblata, ter ducens Thuribulum super Calicem & Hostiam simul in modum Crucis, & ter circum Calicem & Hostiam, scilicet bis à dextra ad sinistram, & semel à sinistra ad dextram (Diacono interim pedem Calicis tenente manu dextra) dispensans verba in qualibet incensatione, hoc modo. In prima incensatione, **incensum istud**, in secunda, **à te benedictum**, in tertia, **ascendat ad te Domine**, in quarta, **& descendat super nos**: in quinta & sexta, **misericordia tua**. Deinde facta reverentia, incensat Crucem, & Altare, ut dictum est supra, assistente eodem Diacono, interim dicens, **Dirigatur Domine oratio mea**, &c. & cum incensatur Crux, Diaconus amovet Calicem ad partem Epistola, & incensata Cruce reponit in loco suo. Cum reddit Thuribulum Diacono, dicit, **Accendat in nobis**, &c. & incensatur ab eo: deinde Diaconus incensat Chorum, & postremo Subdiaconum tenentem Patenam: & ipse Diaconus incensatur à Thuriferario, & Thuriferarius postea incensat Acolythes & populum. Celebrans postquam incensatus fuerit, lavat manus, ministrantibus Acolythis ampullam aqua cum pellicula & manutergio.

11 Cum dicitur **Prefatio**, Diaconus & Subdiaconus stant retrò post Celebrantem: & paulò antequam dicatur, **Sanctus**, accedunt ad Altare, ubi cum Celebrante hinc inde dicunt, **Sanctus**, & qui sequuntur usque ad **Canonem**. Deinde Diaconus accedit ad sinistram Celebrantis, ei assistens dum dicitur **Canon**, nisi alius Sacerdos assistat, quia tunc ipse staret ad dextram aliquantum post Celebrantem. Subdiaconus verò tunc stat post Celebrantem.

De Canone Missae usque ad Consecrationem. VIII.

Inita Prefatione, ut supra, Sacerdos stans ante medium Altaris versus ad illud, aliquantulum elevat manus, oculisque elevatis ad Deum, & sine mora devotè demissis, ac manibus junctis, & super Altare positus, profundè inclinatus incipit Canonem, secretò dicens: **Te igitur**, &c. ut in Ordine Missae. Cum dicit, **ut accepta habeas & benedicas**, prius osculatur Altare in medio, deinde erigit se, & stat junctis manibus ante pectus. Cum

dicit, **Hæc dona, hæc munera, hæc sancta sacrificia**, dextra manu signat ter communiter super Hostiam & Calicem. Deinde extensis manibus ante pectus, prosequitur, **in primis, quæ tibi offerimus**, &c.

2 Ubi dicit **unà cum famulo tuo Papa nostro N.** exprimit nomen Papæ: Sede autem vacante verba prædicta omittuntur. Ubi dicitur, **Et Antistite nostro N.** specificatur nomen Patriarchæ, Archiepiscopi, vel Episcopi ordinarii in propria diocesi, & non alterius Superioris, etiam si Celebrans sit omnino exemptus, vel sub alterius Episcopi jurisdictione. Si verò Episcopus ordinarius illius loci, in quo Missa celebratur, sit vita functus, prædicta verba omittuntur: quæ etiam omittuntur ab iis, qui Romæ celebrant. Si Celebrans est Episcopus, Archiepiscopus, vel Patriarcha, omittis prædictis verbis, eorum loco dicit, **Et me indigno servo tuo**. Summus autem Pontifex cum celebrat, omittis verbis, **unà cum famulo tuo Papa nostro N. & Antistite nostro N. unà cum me indigno famulo tuo, quem gregi tuo præesse voluisti**. Et continuant omnes ut sequitur, **Et omnibus orthodoxis**, &c.

3 Cum dicit, **Memento Domine**, elevans & jungens manus usque ad faciem, vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi fidelium ad suam voluntatem, quorum nomina, si vult, secretò commemoret: non tamen necesse est ea exprimere, sed mente tantum eorum memoriam habeat. Potest enim Celebrans, si pro pluribus orare intendit, ne circumstantibus sit morosus, ante Missam in animo proponere sibi omnes illos tam vivos, quam defunctos, pro quibus in ipsa Missa orare intendit, & hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4 Commemoratione vivorum facta, demissis & extensis ut prius manibus continuat, **Et omnium circumstantium**, &c. Similiter stans prosequitur, **Communicantes**, Cum dicit, **Iesu Christi**, caput Cruci inclinat: in conclusione, quando dicit, **Per eundem** jungit manus. Cum dicit, **Hanc igitur oblationem**, expandit manus simul super oblata, ita ut palmæ sint apertæ versus ac supra Calicem & Hostiam, quas sic tenet usque ad illa verba, **Per Christum Dominum nostrum**, tunc enim jungit manus, & sic prosequitur, **quam oblationem tu Deus in omnibus quaerimus**, & cum dicit, **bene dictam, adscripam, ratam**, communiter signat ter super Hostiam & Calicem simul: deinde cum dicit, **ut nobis corpus**, separatim signat semel super Hostiam tantum: & cum dicit, **& sanguis**, semel super Calicem tantum: deinde elevans & jungens manus ante pectus, prosequitur, **fiat dilectissimi Filii tui Domini nostri Iesu Christi**, & inclinans caput Cruci, extergit, si opus fuerit, pollices & indices super Corporale, & dicit secretò ut prius, **Qui pridie quam pateretur**, & accipiens pollice & indice dextræ manus Hostiam, & eam cum illis ac indice & pollice sinistra manus tenens, stans erectus ante medium Altaris dicit: **accepit panem in sanctas ac venerabiles manus suas**: elevansque ad coelum oculos, & statim demittens dicit, **& elevatis oculis in coelum ad te Deum Patrem suum omnipotentem**, caputque aliquantulum inclinans, dicit, **tibi gratias agens**, & tenens Hostiam inter pollicem & indicem sinistra manus, dextra producit signum Crucis super eam, dicens, **bene dixit tregit, deditque discipulis suis, dicens: Accipite & manducate ex hoc omnes**.

5 Si adit vas cum aliis Hostiis consecrandis, antequam accipiat Hostiam, discooperit manu dextra Calicem, seu vas aliarum Hostiarum. Cum autem finierit supradicta verba, cubitis super Altare positus, stans capite inclinato, distinctè, reverenter, & secretò profert verba consecrationis super Hostiam, & simul super omnes si plures sint consecrandæ, & Hostiam suis pollicibus, & indicibus tantum tenens, dicit: **Hoc est enim Corpus meum**. Quibus prolatis, Celebrans tenens Hostiam inter pollices, & indices prædictos super Altare, reliquis manuum digitis extensis, & simul junctis (& Hostiis, si plures sint consecratæ, in loco in quo à principio Missæ posita sunt, super Corporali, vel in alio vase, aut Calice demissis) genuflexus eam adorat. Tunc se erigens, quantum commodè potest, elevat in altum Hostiam, & intentis in eam oculis (quod & in elevatione Calicis facit) populo reverenter ostendit adorandam, & mox sola manu dextra ipsam reverenter reponit super Corporale in eodem loco, unde eam levavit, & deinceps pollices, & indices non disjungit, nisi quando Hostiam consecratam tangere, vel tractare debet, usque ad ablutionem digitorum post Communionem.

6 Reposita Hostia consecrata super Corporale, genuflexus ipsam veneratur, si adit vas aliarum Hostiarum, Patena, vel palla cooperit, ut supra. Interim dum Celebrans elevat Hostiam, accenso prius intorticio, (quod non extinguatur, nisi postquam Sacerdos Sanguinem sumpserit, vel alios communicaverit, si qui erunt

erunt communicandi in Missa) minister manu sinistra elevat sim-
brias posteriores Planetæ, ne ipsum Celebrantem impediatur in ele-
vatione brachiorum; quod & facit in elevatione Calicis; & manu
dextera pulsat campanulam ter ad unamquamque elevationem, vel
continuatur quousque Sacerdos deponat Hostiam super Corporale,
& similiter postmodum ad elevationem Calicis.

7 Celebrans adorato Sacramento surgit, & discooperit Calicem,
in quem, si opus sit, extergit digitos: quod semper faciat, si
aliquod fragmentum digitis adhæreat, & stans erectus, dicit, *Si-
mili modo postquam cœnatum est*, & ambabus manibus accipiens
Calicem juxta nodum infra cuppam, & aliquantulum illum ele-
vans, ac statim deponens dicit, *Accipiens & hunc præclarum
Calicem, &c. cum dicit: Item tibi gratias agens*, caput inclinat,
cum dicit, *benedixit*, sinistra Calicem infra cuppam tenens, dextra
signat super eum, & prosequens, *deditque discipulis suis, &c.*
& ambabus manibus tenens Calicem, videlicet sinistra pedem,
dextra nodum infra cuppam, cubitis super Altare positus, & ca-
pite inclinato, profert attentè, continuatur, & secretò, ut supra;
verba consecrationis Sanguinis: *Hic est enim Calix, &c.* quibus
dictis, reponit Calicem super Corporale, dicens secretò, *Hæc
quotiescumque feceritis, &c.* genuflexus Sanguinem reverenter
adorat. Tum se erigit, & accipiens Calicem discooperit cum
Sanguine ambabus manibus, ut prius, elevat eum, & erectum,
quantum commodè potest, ostendit populo adorandum, mox ipsum
reverenter reponit super Corporale in locum pristinum, & manu
dextra palla cooperit, ac genuflexus Sacramentum veneratur.

8 In Missa solemnè ad finem Præfationis accenduntur duo sal-
tem intorticia ab Acolythis, qua extinguuntur post elevationem
Calicis, nisi aliqui sint communicandi, & tunc extinguuntur post
Communionem. In diebus etiam jejuniorum, & in Missis pro de-
functis, tenentur accensa usque ad Communionem. Cum autem
Celebrans dicit, *Quam oblationem, &c.* Diaconus accedit ad ejus
dexteram; & ibi in superiori gradu Altaris genuflexus, cum Sa-
cramentum elevatur, simbrias Planetæ elevat, & quando opus est,
se erigens, Calicem discooperit & cooperit, & cum Celebrante ge-
nuflexit. Subdiaconus genuflexit in suo loco. Thuriferarius genu-
flexus in cornu Epistolæ ter incensat Hostiam, cum elevatur, &
similiter Calicem, posito incenso in Thuribulum absque benedictione.
Reposito Calice, Diaconus redit ad librum, nisi alius assistat.
Ceteri surgunt, & stant in locis suis.

*De Canone post Consecrationem usque ad Orationem
Dominicam. IX.*

R Eposito Calice, & adorato, Sacerdos stans ante Altare ex-
tensis manibus ante pectus, dicit secretò, *Unde & memo-
res, &c.* Cum dicit, *de tuis donis, ac datis*, jungit manus ante
pectus: & cum dicit, *Hostiam puram, Hostiam sanctam,
Hostiam immaculatam*, manu sinistra posita super Altare in-
tra Corporale, dextra signat ter communiter super Hostiam &
Calicem, & semel super Hostiam tantum, & semel super Cali-
cem tantum, dicens, *Panem sanctum vite æternæ, & Cali-
cem salutis perpetuæ*, deinde stans ut prius extensis manibus
prosequitur, *Supra quæ propitio, &c.* Cum dicit, *Supplices te
rogamus, &c.* inclinat se ante medium Altaris, manibus junctis
super illo positus. Cum dicit, *ex hac Altaris participatione*,
osculatur Altare, manibus hinc inde super Corporale positus.
Cum dicit, *sacrosanctum Filii tui*, jungit manus: & dextra si-
gnans semel super Hostiam tantum, & semel super Calicem, si-
nistra super Corporale posita, dicit, *Corpus, & San-
guinem iumpferimus: & cum dicit, omni benedictione cœ-
lesti*, seipsum signat à fronte ad pectus signo Crucis, sinistra
posita infra pectus, & prosequitur: & gratia repleamur, Cum
dicit, *Per eundem*, jungit manus.

2 Cum dicit, *Memento etiam Domine, famulorum, famula-
rumque tuarum, &c.* extensis & junctis manibus ante pectus,
& usque ad faciem elevatis, & intentis oculis ad Sacramentum
super Altare, facit commemorationem fidelium Defunctorum, de
quibus sibi videtur, eodem modo ut dictum est de commemora-
tione vivorum. Qua commemoratione facta, stans ut prius ex-
tensis manibus prosequitur, *Ipsis Domine, & omnibus in Christo,
&c.* & in fine ad *Per eundem*, jungit manus, & caput inclinat.

3 Cum dicit: *Nobis quoque peccatoribus*, vocem aliquantulum
elevat, & dextra manu pectus sibi percutit, sinistra posita super
Corporale, & prosequitur secretò, *famulis tuis, &c.* stans mani-
bus extensis ut prius. Cum dicit, *Per Christum Dominum nostrum.*
Per quem hæc omnia Domine semper bona creas, jungit manus
ante pectus: deinde manu dextra ter signans communiter super Ho-
stiam, & Calicem, dicit, *sanctificas, vivi-
ficas, benedixisti, & præstas nobis.* Postea discooperit manu dextra Calicem,
& genuflexus Sacramentum adorat: tum se erigit, & reverenter
accipit Hostiam inter pollicem & indicem dextræ manus, & cum
ea super Calicem, quem manu sinistra tenet circa nodum, infra

cuppam, signat ter à labio ad labium, dicens, *Per ip-
sum, & cum ipso, & in ipso.* Et similiter cum Hostia signat bis
inter Calicem & pectus, incipiens à labio Calicis, & dicit: *est
tibi Deo Patri omnipotenti in unitate Spiritus sancti.* De-
inde tenens manu dextra Hostiam super Calicem, sinistra Cali-
cem, elevat eum aliquantulum simul cum Hostia, dicens: *omnis
honor & gloria: & statim utrumque deponens, Hostiam collocat
super Corporale, & si opus sit, digitos extergit, ut supra; ac
pollices & indices ut prius jungens, Calicem palla cooperit, &
genuflexus Sacramentum adorat.*

4 In Missa solemnè cum Celebrans dicit, *Per quem hæc omnia,
&c.* Diaconus facta Sacramento genuflexione, accedit ad dextram
Celebrantis, & quando opus est, discooperit Calicem, & cum Cele-
brante adorat: similiter cooperit, & iterum genuflexit. Cum inci-
pit, *Pater noster*, idem vadit retrò post Celebrantem, facta prius
Sacramento genuflexione, ubi stat, dum dicitur Oratione Dominica.

De Oratione Dominica, & aliis usque ad factam Communionem. X.

C Celebrans, cooperto Calice, adoratoque Sacramento, erigit se,
& manibus extensis hinc inde super Altare infra Corporale po-
situs, dicit intelligibili voce, *Per omnia sæcula sæculorum, & cum
dicit, Oremus*, jungit manus, caput Sacramento inclinans. Cum
incipit, *Pater noster*, extendit manus, & stans, oculis ad Sacramen-
tum intentis, prosequitur usque ad finem. Responso à ministro,
Sed libera nos à malo, & à Celebrante, submissa voce, *Amen*,
manu dextra, pollice & indice non disjunctis, Patenam aliquantulum
purificatorio extergens, eam accipit inter indicem & medium
digitos; quam tenens super Altare erectam, sinistra super Corpora-
le posita, dicit secretò, *Libera nos quæsumus, &c.*

2 Antequam Celebrans dicat, *Da propitius pacem*, elevat ma-
nu dextra Patenam de Altari, & seipsum cum ea signat signo Cru-
cis, dicens: *Da propitius pacem in diebus nostris.* Cum signat
se, manum sinistram ponit infra pectus: deinde Patenam ipsam
osculatur, & prosequens, *ut ope misericordie tue, &c.* submit-
tit patenam Hostiæ, quam indice sinistro accommodat super Pate-
nam, discooperit Calicem, & genuflexus Sacramentum adorat: tum
se erigens, accipit Hostiam inter pollicem & indicem dextræ ma-
nus, & cum illis, ac pollice, & indice sinistræ manus eam super
Calicem tenens, reverenter frangit per medium, dicens: *Per eun-
dem Dominum nostrum Jesum Christum Filium tuum: & mediam
partem, quam inter pollicem, & indicem dextræ manus tenet,
ponit super Patenam: de alia media, quam sinistra manu tenet,
frangit cum pollice & indice dextræ manus particulam, prosequens,
Qui tecum vivit & regnat, &c.* & eam inter ipsos dextræ manus
pollicem & indicem retinens, partem majorem, quam sinistra te-
net, adjungit mediæ super Patenam positæ, interim dicens, *in uni-
tate Spiritus sancti Deus: & particulam Hostiæ, quam in dextra
manu retinuit, tenens super Calicem, quem sinistra per nodum in-
fra cuppam retinet, intelligibili voce dicit: Per omnia sæcula sæ-
culorum. Amen.* & cum ipsa particula signans ter à labio ad
labium Calicis, dicit: *Pax Domini sit semper vobiscum*, Respon-
so per ministrum, *Et cum spiritu tuo.* Particulam, quam dextra
manu tenet, immittit in Calicem, dicens secretò: *Hæc commixtio
& consecratio Corporis, &c.* Deinde pollices & indices super Ca-
licem aliquantulum tergit, & jungit, Calicem palla cooperit, &
genuflexus Sacramentum adorat, surgit, & stans junctis manibus
ante pectus, capite inclinato versus Sacramentum, dicit intelli-
gibili voce, *Agnus Dei, qui tollis peccata mundi, & dextra per-
cutiens sibi pectus, sinistra super Corporale posita, dicit, mife-
re nobis, & deinde non jungit manus, sed iterum percutit si-
bi pectus, cum dicit secundo, miserere nobis, quod & tertio
facit, cum dicit, dona nobis pacem.*

3 Tunc manibus junctis supra Altare positus, oculisque ad Sa-
cramentum intentis, inclinatus dicit secretò, *Domine Jesu Chri-
ste, &c.* Qua oratione finita, si est daturus pacem, osculatur
Altare in medio, & instrumentum pacis ei porrectum à ministro
juxta ipsum ad dextram, hoc est, in cornu Epistolæ genuflexo,
& dicit: *Pax tecum*, Minister respondet, *Et cum spiritu tuo.* Si
non addit qui hujusmodi instrumento pacem recipiat à Celebrante,
pax non datur, etiam si illius datio Missæ conveniat: nec osculatur
Altare, sed dicta præmissa Oratione, statim subjungit alias Ora-
tiones, ut in Ordine Missæ.

4 Si verò celebret pro defunctis, non percutit pectus ad *Agnus
Dei*, quia dicit, *dona eis requiem*, nec dicit primam Orationem,
Domine Jesu Christe, qui dixisti Apostolis tuis, &c. non dat pa-
cem, sed dicit alias duas sequentes Orationes, *Domine Jesu Chri-
ste Fili Dei vivi, &c.* Perceptio Corporis tui. Quibus Orationi-
bus dictis, genuflexus Sacramentum adorat, & se erigens dicit
secretò, *Panem coelestem accipiam, &c.* quo dicto, dextra ma-
nu accipit de Patena reverenter ambas partes Hostiæ, & collocat
inter pollicem & indicem sinistræ manus, quibus Patenam inter
eundem indicem & medium digitos supponit, & eadem manu si-

sinistra tenens partes huiusmodi super Patenam inter pectus & Calicem, parum inclinatus dextratribus vicibus percutit pectus suum, interim etiam tribus vicibus dicens voce aliquantulum elevata: **Domine non sum dignus**, & secretò prosequitur, **ut intres, &c.** Quibus tertio dictis, ex sinistra accipit ambas partes prædictas Hostiæ inter pollicem & indicem dextræ manus, & cum illa supra Patenam signat seipsum signo crucis, ita tamen, ut Hostia non egrediatur limites Patenæ, dicens, **Corpus Domini nostri Jesu Christi custodiat animam meam in vitam æternam, Amen:** & se inclinans, cubitis super Altare positis, reverenter easdem ambas partes sumit: quibus sumptis, deponit Patenam super Corporale, & erigens se, junctis indicibus & pollicibus, ambas quoque manus ante faciem jungit, & aliquantulum quiescit in meditatione sanctissimi Sacramenti. Deinde depositis manibus dicit secretò, **Quid retribuam Domino pro omnibus quæ retribuit mihi?** & interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si quæ sint in eo. Patenam quoque diligenter cum pollice & indice dextræ manus super Calicem extergit, & ipsos digitos, ne quid fragmentorum in eis remaneat.

5 Si verò adsint Hostiæ consecratæ super Corporale positiæ pro alio tempore conservandæ, facta prius genuflectione reponit eas in vas ad hoc ordinatum, & diligenter advertit, ne aliquod fragmentum, quantumcumque minimum, remaneat super Corporale: quod si fuerit, accuratè reponit in Calicem. Post extensionem Patenæ, junctis pollicibus & indicibus, Calicem dextra manu infra nodum cuppæ accipit, sinistra Patenam, dicens, **Calicem salutis, &c.** & signans se signo Crucis cum Calice, dicit, **Sanguis Domini nostri &c.** & manu sinistra supponens Patenam Calici, stans reverenter sumit totum Sanguinem cum particula in Calice posita. Quibus sumptis, dicit secretò, **Quod ore sumpimus, &c.** & super Altare porrigit Calicem ministro in cornu Epistolæ, quo vinum fundente, se purificat: deinde vino & aqua abluit pollices & indices super Calicem, quos abstergit purificatorio, interim dicens, **Corpus tuum Domine quod sumpsi, &c.** Ablutionem sumit, & extergit os & Calicem purificatorio: quo facto, purificatorium extendit super Calicem, & desuper Patenam, ac super patenam parvam pallam: & plicato Corporali, quod reponit in bursam, cooperit Calicem velo, & bursam desuper ponit, & collocat in medio Altaris, ut in principio Missæ.

6 Si qui sunt communicandi in Missa, Sacerdos post sumptionem Sanguinis, antequam se purificet, facta genuflectione ponat particulas consecratas in pyxide, vel, si pauci sint communicandi, super Patenam, nisi à principio positi fuerint in pyxide, seu alio Calice. Interim minister ante eos extendit lintheum, seu velum album, & pro eis facit Confessionem, dicens, **Confiteor Deo, &c.** Tum Sacerdos iterum genuflectit, & manibus junctis vertens se ad populum in cornu Evangelii, dicit, **Miseretur vestri, & Indulgentiam, absolutionem & remissionem peccatorum vestrorum, &c.** & manu dextra facit signum Crucis super eos. Postea genuflectens, accipit manu sinistra pyxidem seu Patenam cum Sacramento, dextra verò sumit unam particulam, quam inter pollicem & indicem tenet aliquantulum elevatam super pyxidem seu Patenam, & conversus ad communicandos in medio Altaris dicit: **Eccè Agnus Dei, ecce qui tollis peccata mundi,** Deinde dicit: **Domine non sum dignus, ut intres sub testum meum, sed tantum dic verbo, & sanabitur anima mea.** Quibus verbis tertio repetitis, accedit ad eorum dextram, hoc est, ad latus Epistolæ, & unicuique porrigit Sacramentum, faciens cum eo signum Crucis super pyxidem, vel Patenam, & simul dicens: **Corpus Domini nostri Jesu Christi custodiat animam tuam in vitam æternam, Amen.** Omnibus communicatis revertitur ad Altare, nihil dicens: & non dat eis benedictionem, quia illam daturus est in fine Missæ. Si particula posita erant super Corporale, extergit illud cum Patena, & si qua in eo fuerint fragmenta, in Calicem immittit. Deinde dicit secretò: **Quod ore sumpimus Domine, &c.** & se purificat, dicens: **Corpus tuum Domine quod sumpsi, & alia facit ut supra.** Minister autem dextra manu tenens vas cum vino & aqua, sinistra verò mappulam, aliquantò post Sacerdotem eis porrigit purificationem, & mappulam ad os abstergendum.

7 Si in Altari remaneant particula in Calice, seu in alio vase usque ad finem Missæ: servantur ea quæ in Feria quinta Coenæ Domini præscribuntur circa finem Missæ.

8 In Missa solemnè Diaconus stans retrò post Celebrantem, cum in Oratione Dominica dicitur, **Et dimitte nobis debita nostra,** facta ibidem genuflectione vadit ad dextram Celebrantis, & Subdiaconus circa finem Orationis Dominica, facta ibidem genuflectione revertitur ad Altare, & stans in cornu Epistolæ porrigit Patenam Diacono, qui eam discooperit, & purificatorio abstergens dat Celebranti, illius manum osculando, & quando opus est, discooperit, & cooperit Calicem, & cum Celebrante adorat. Subdiaconus reddita Patena, & deposito velo quod ab humeris ejus pendebat, genuflectit,

& descendit retrò post Celebrantem, & cum dicitur **Pax Domini,** iterum genuflectens accedit ad sinistram Celebrantis, & simul dicunt, **Agnus Dei.** Deinde facta ibidem Sacramento genuflectione, redit post Celebrantem. Diaconus verò à dextris genuflectens expectat pacem: & cum Celebrans osculatur Altare, ipse se erigens simul osculatur illud extra Corporale, & à Celebrante dicente, **Pax tecum,** complexus accipit pacem sinistris genis sibi invicem appropinquantibus, & ei respondet, **Et cum spiritu tuo.** Postea iterum Sacramento in Altari adorato, vertit se ad Subdiaconum retrò post Celebrantem, & similiter dat ei pacem. Subdiaconus, accepta pace à Diacono, & facta Altari genuflectione, comitatus ab Acolythis vadit ad Chorum, & dat pacem primo cujusque ordinis, dignioribus prius, deinde minus dignis, & reversus ad Altare, facta genuflectione dat pacem Acolythis, qui ipsum comitauerat, qui & aliis Acolythis circa Altare dat pacem: deinde Subdiaconus vadit ad dextram Celebrantis, & quando opus est, discooperit Calicem, accipit ampullam vini, & infundit quando Celebrans vult purificare. Diaconus post datam pacem Subdiacono vadit ad librum, & dum Celebrans se communicat, stant ipse & Subdiaconus profunde inclinati versus Altare.

9 In Missa Pontificali, Assistens accipit, & deservit pacem, ut in Cereemoniali habetur. Si in Missa solemnè fiat Communio, omnia servantur ut supra, sed prius communicat Diaconum, & Subdiaconum, deinde alios per ordinem: & Diaconus purificationem eis ministrat. Interim à Choro cantatur Antiphona, quæ dicitur Communio.

De Communione, & Orationibus post Communionem dicendis. XII.

Celebrante purificato, dum Calicem collocat in Altari, liber Missalis deferitur per ministrum ad cornu Epistolæ, & collocatur ut in Introitu. Ipse autem minister genuflectit juxta cornu Evangelii, ut in principio Missæ. Deinde celebrans stans junctis manibus legit Antiphonam, quæ dicitur Communio, qua lecta, junctis itidem manibus ante pectus vadit ad medium Altaris, & eo osculato vertit se ad populum à manu sinistra ad dextram, & dicit, **Dominus vobiscum,** & per eandem viam redit ad librum, dicit Orationes post Communionem, eisdem modo, numero, & ordine, ut supra dictæ sunt Collectæ. Quibus finitis, claudit librum, & junctis manus ante pectus, revertitur ad medium Altaris, ubi eo osculato vertit se ad populum, & dicit ut supra, **Dominus vobiscum,** quo dicto, stans junctis manibus ante pectus versus populum, dicit, si dicendum est, **Ite Missa est,** & per eandem viam revertitur ad Altare. Si verò non sit dicendum, dicto **Dominus vobiscum,** revertitur eodem modo per eandem viam ad medium Altaris, & stans versus ad illud, junctis ante pectus manibus dicit, **Benedicamus Domino.** In Missis autem Defunctorum eodem modo stans versus Altare, dicit **Requiescant in pace.**

2 In Quadragesima autem à Feria quarta Cinerum usque ad Feriam quartam majoris Hebdomadæ, in feriali Officio postquam Celebrans dixit Orationes post Communionem cum suis solitis conclusionibus, antequam dicat, **Dominus vobiscum,** stans eodem loco ante librum dicit, **Oremus, Humiliate capita vestra Deo,** caput inclinans, & extensis manibus subjungit eadem voce Orationem super populum, ibidem posita: qua finita, osculato Altare, & vertens se ad populum dicit, **Dominus vobiscum,** & alia ut supra.

3 In Missa solemnè Diaconus deservit librum Missalis ad cornu Epistolæ, deinde vadit retrò post Celebrantem: Subdiaconus verò vadit ad cornu Evangelii, ubi Calicem mundat, aprat cum purificatorio, Patenam & palla cooperit, plicat Corporale, reponit in bursam, & illam ponit super Calicem coopertum velo; quem collocat in Altari, vel super Credentia, ut prius, postea redit ad locum suum retrò post Diaconum, qui cum dicit, **Ite Missa est,** cum Celebrante vertit se ad populum, & in Quadragesima dicto per celebrantem **Oremus,** Diaconus in cornu Epistolæ vertens se ad populum, junctis manibus dicit ut supra, **Humiliate, &c.** quo dicto vertit se versus Altare à tergo celebrantis, & celebrans dicit Orationem super populum.

De Benedictione in fine Missæ & Evangelio Iacobi Joannis. XII.

Dicto **Ite Missa est,** vel **Benedicamus Domino,** ut supra, Celebrans ante medium Altaris stans junctis manibus super eo, & capite inclinato, dicit secretò, **Placeat tibi sancta Trinitas, &c.** quo dicto extensis manibus hinc inde super Altare positis, ipsum in medio osculatur: tum erigens se, adhuc stans versus illud, elevat ad coelum oculos & manus, quas extendit, & jungit, caputque Cruci inclinans, dicit vocè intelligibili, **Benedicat vos, omnipotens Deus:** & junctis manibus, ac demissis ad terram oculis, vertens se ad populum à sinistro latere ad dextram, extensa manu dextra, junctisque digitis, & manu sinistra infra pectus posita, semel benedicit populo, dicens, **Pater, & Filius, & Spiritus sanctus, &c. Amen.** & circulum perficiens accedit ad cornu Evangelii, ubi dicto **Dominus vobiscum,** & **R. Et cum spiritu tuo,** pollice dextro signans primum signo Crucis, Altare seu librum

in principio Euangelii, deinde frontem, os, & pectus, dicit: **Initium sancti Euangelii secundum Joannem**, vel **Sequentia sancti Euangelii**: ut dictum est in Rubricis generalibus & **R. Gloria tibi Domine**, junctis manibus legit Euangelium, **In principio**, vel aliud ut convenit. Cum dicit **Et Verbum caro factum est**, genuflectit versus cornu Euangelii, & surgens prosequitur ut prius: quo finito, minister stans à parte Epistolæ respondet, **Deo gratias**.

2 Si Celebrans in Altari vertit faciem ad populum, non vertit se, sed stans ut erat, benedicit populo, ut supra, in medio Altaris: deinde accedit ad cornu Euangelii, & dicit Euangelium sancti Joannis.

3 Si celebravit coram summo Pontifice, Cardinale, & Legato Sedis Apostolicæ, vel Patriarcha, Archiepiscopo, & Episcopo, in Provincia, Civitate, vel Dioecesi sua existente: Celebrans dicto, **Placeat tibi sancta Trinitas, &c.** dicit, **Benedicat vos omnipotens Deus**, & convertens se ad summum Pontificem genuflectus, ad Cardinalem verò & Legatum, vel alium ex iurisdictionis Prelatis, capite inclinato quasi licentiam benedicendi petens, prosequitur, **Pater, & Filius, & Spiritus Sanctus** benedicens astantes à parte ubi non adest Pontifex, Cardinalis, Legatus, aut Prælati prædicti. Si autem celebravit coram Patriarcha, Archiepiscopo, & Episcopo, extra eorum Provinciam, Civitatem, vel Dioecesim constitutis, eis absque alio respectu, ut ceteris qui intersunt, more consueto benedicit.

4 Si autem celebravit pro Defunctis, dicto **Placeat tibi sancta Trinitas**, ut supra, & osculato Altari, accedit ad cornu Euangelii, & dicit Euangelium sancti Joannis, prætermittit benedictionem, quæ in Missis Defunctorum non datur.

5 Finito Euangelio in fine Missæ, si celebravit coram summo Pontifice, Cardinali, & Legato Sedis Apostolicæ, vel Patriarcha, Archiepiscopo, & Episcopo, convertit se ad illum, coram quo ex prædictis celebravit, & facit reverentiam convenientem. Si non celebravit coram aliquo prædictorum, huiusmodi reverentiam prætermittit.

6 Quibus omnibus absolutis, extinguuntur per ministrum candelæ: interim Sacerdos accipit sinistra Calicem, dexteram ponens super bursam, ne aliquid cadat, descendit ante infimum gradum Altaris: & ibi in medio vertens se ad illum, caput inclinat, (vel, si in eo est tabernaculum sanctissimi Sacramenti, genuflectit) & facta reverentia, accipit biretum à ministro, caput cooperit, ac præcedente eodem ministro, eo modo quo venerat, redit ad Sacristiam, interim dicens Antiphonam, **Trium puerorum**, & Canticum, **Benedicite**. Si verò sit dimissurus paramenta apud Altare ubi celebravit, finito Euangelio prædicto, ibidem illis se exiit, & dicit Antiphonam, **Trium puerorum**, cum Cantico, & aliis Orationibus, ut suo loco ponuntur.

7 In Missa solemnè Celebrans eadem voce & modo quo in Missis privatis, semel tantum benedicit populo, nisi sit Episcopus, vel Abbas ut infra: & dicto Euangelio secundum Joannem, vel alio ut supra, ministrante Subdiacono librum, si opus est, discedit cum ministris ordine, & modo quo venerat.

8 Episcopus autem ter benedicit populo, etiam in Missis privatis, ut in Cæmoniali habetur.

De his quæ omittuntur in Missa pro Defunctis. XIII.

IN Missa pro Defunctis ante Confessionem non dicitur Psalmus, **Iudica me Deus**: sed pronuntiata Antiphona, **Introibo ad Altare Dei**, & responso à ministro, **Ad Deum qui iustificat**, &c. dicitur **V. Adjutorium nostrum**, & Confessio, cum reliquis ut supra. Cum Celebrans ad Altare incipit **Introitum**, non signat se, sed manu dextra extensa, facit signum Crucis super librum, quasi aliquem benedicens. Non dicitur **Gloria Patri**, sed post Psalmum repetitur, **Requiem æternam**; nec dicitur **Gloria in excelsis**, nec **Alleluja**, nec **Iube domine benedicere**, nec **Domine sit in corde meo**: nec osculatur librum in fine. Non dicitur **Credo**, non benedicitur aqua in Calicem fundenda; dicitur tamen Oratio, **Deus, qui humanæ substantiæ, &c.** Cum lavat manus, in fine Psalmi, **Lavabo inter innocentes**; non dicitur **Gloria Patri**, Ad **Agnus Dei**, non dicitur, **misereere nobis**, cuius loco dicitur **dona eis requiem**, nec tertio, **dona nobis pacem**, cuius loco dicitur, **dona eis requiem sempiternam**, nec percutitur pectus. Non dicitur prima Oratio ante Communionem, scilicet, **Domine Jesu Christe, qui dixisti Apostolis tuis, &c.** nec datur pax. In fine non dicitur, **Ite Missa est**, nec **Benedicamus Domino**, sed **Requiescant in pace**. Et non datur benedictio; sed dicto **Placeat**, & osculato Altari, dicitur, ut supra, **In principio erat Verbum**.

2 In Missa solemnè non incensatur Altare ad Introitum, & Subdiaconus finita Epistola non osculatur manum Celebrantis, nec benedicitur: Diaconus non petit benedictionem, nec osculatur Celebrantis manum: non tenentur luminaria ad Euangelium, nec portatur incensum, sed duo tantum Acolythi sine candelabris stant Miss. Monast.

unus à dextris, & alter à sinistris Subdiaconi tenentis librum Evangeliorum. Non incensatur liber, nec in fine Celebrans; nec deferitur liber Evangeliorum osculandus. Oblata & Altare incensantur ut supra: incensatur solus Celebrans, & non incensantur alii. Subdiaconus non tenet Patenam post Celebrantem: sed tempore elevationis Sacramenti genuflectus in cornu Epistola illud incensat. Ministri cum aliquid porrigunt Celebranti, in hac Missa non osculantur ejus manum, neque rem qua porrigitur.

3 Si distribuenda sunt candelæ, distribuuntur post Epistolam, & accendantur ad Euangelium, ad elevationem Sacramenti, & post Missam, dum fit Absolutio. Si habendus est sermo, habeatur finita Missa ante Absolutionem.

4 Finita Missa, si facienda est Absolutio, Celebrans retrahit se ad cornu Epistola, ubi exiit Casula, & deposito Manipulo, accipit Pluviale nigrum. Subdiaconus medius inter duos Acolythos cum candelabris accensis, deferit Crucem sicut in Processionibus, præcedentibus duobus aliis Acolythi, uno cum Thuribulo & navicula incensi, alio cum vase aqua benedicta & aspersorio: sequitur Celebrans, facta prius Altari reverentia, & Diaconus à sinistris ejus. Subdiaconus cum Cruce sistit se ad pedes tumuli, seu lectica mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare, & tumulum, aliquantulum versus cornu Epistola, ita ut Crucem Subdiaconi respiciat: à sinistris ejus Diaconus, & prope eum alii duo Acolythi deferentes Thuribulum, & vas aqua benedicta. Interim cantatur **R. Libera me Domine**, & circa illius finem Celebrans ponit incensum in Thuribulum, benedicens illud more solito, ministrante Diacono naviculam: & finito **Kyrie eleison**, incipit intelligibili voce, **Pater noster**, & secretò prosequendo reliqua, accipit aspersorium de manu Diaconi, & facta Altari reverentia, comitante eodem Diacono à dextris, & tenente simbriam anteriorem Pluvialis, circumiens tumulum, aspergit illum aqua benedicta, ter à parte dextra, & ter à sinistra. Cum transit ante Crucem, profundè inclinat, Diaconus verò genuflectit; postea de manu ejusdem Diaconi accipit Thuribulum, & eodem modo quo aspererat, incensat. Et rediens ad pristinum locum, Diacono tenente librum, junctis manibus dicit:

V. Et ne nos inducas in tentationem. **R.** Sed libera nos à malo.

V. A porta inferi. **R.** Erue Domine animam ejus.

V. Requiescat in pace. **R.** Amen.

V. Domine exaudi orationem meam.

R. Et clamor meus ad te veniat. **V.** Dominus vobiscum.

R. Et cum spiritu tuo. **Oremus.**

Absolve, quæsumus Domine, animam famuli tui **N.** ab omni vinculo delictorum: ut in resurrectionis gloria, inter Sanctos & electos tuos resuscitatus respiret. Per Christum Dominum nostrum. **R.** Amen.

Deinde Celebrans faciens Crucem manu dextra super tumulum, dicit:

V. Requiem æternam dona ei Domine.

R. Et lux perpetua luceat ei.

Et dicto per Cantores, Requiescat in pace. R. Amen.

Præcedente Cruce redit cum aliis ad Sacristiam.

Si Officium fit pro pluribus Defunctis, omnia dicantur in numero plurali.

DE DEFECTIBUS

In Celebratione Missarum occurrentibus.

Sacerdos celebraturus, omnem adhibeat diligentiam, ne deficiat aliquid ex requisitis ad Sacramentum Eucharistiæ conficiendum. Potest autem defectus contingere ex parte materiæ consecrandæ, & ex parte formæ adhibendæ, & ex parte ministri conficientis. Quidquid enim horum deficit, scilicet materiæ debita, forma cum intentione, & Ordo sacerdotalis in conficiente, non conficitur Sacramentum. Et his existentibus, quibuscunque aliis deficientibus, veritas adest Sacramenti. Alii verò sunt defectus, qui in Missæ celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

De defectibus materiæ. I.

Defectus ex parte materiæ possunt contingere, si aliquid deficiat ex iis quæ ad ipsam requiruntur. Requiritur enim ut sit panis triticeus, & vinum de vite: & ut huiusmodi materia consecrandæ, in actu consecrationis sit coram Sacerdote.

De defectu panis. III.

Si panis non sit triticeus, vel si triticeus, admixtus sit granis alterius generis in tanta quantitate, ut non maneat panis triticeus, vel sit alioqui corruptus, non conficitur Sacramentum.

✠ ✠ 5

2. Si

2 Si sit confectus de aqua rosacea, vel alterius distillationis, dubium est an conficiatur.

3 Si coeperit corrumpi, sed non sit corruptus: similiter si non sit azymus, secundum morem Ecclesiae Latinae, conficitur, sed conficiens graviter peccat.

4 Si Celebrans ante consecrationem advertit Hostiam esse corruptam, aut non esse triticeam; remota illa Hostia, aliam ponat, & facta oblatione, saltem mente concepta, prosequatur ab eo loco, ubi desivit.

5 Si id advertit post consecrationem, etiam post illius Hostiae sumptionem, posita alia, faciat oblationem, ut supra, & a consecratione incipiat, scilicet ab illis verbis, **Qui pridie quam pateretur**, & illam priorem si non sumpsit, sumat post sumptionem Corporis, & Sanguinis, vel aliis sumendam tradat, vel alicubi reverenter conservet. Si autem sumpserit, nihilominus sumat eam quam consecravat: quia praeceptum de perfectione Sacramenti majoris est ponderis, quam quod a jejunis sumatur.

6 Quod si hoc contingat post sumptionem Sanguinis, apponi debet rursus novus panis, & vinum cum aqua; & facta prius oblatione, ut supra, Sacerdos consecret, incipiendo ab illis verbis, **Qui pridie**, ac statim sumat utrumque, & prosequatur Missam: ne Sacramentum remaneat imperfectum, & ut debitus servetur ordo.

7 Si Hostia consecrata dispareat, vel casu aliquo, aut vento, aut miraculo, vel ab aliquo animali accepta, nequeat reperi: tunc altera consecratur ab eo loco incipiendo, **Qui pridie quam pateretur**, facta ejus prius oblatione, ut supra.

De defectu vini. IV.

Si vinum sit factum penitus acetum, vel penitus putridum, vel de uvis acerbis, seu non maturis expressum, vel ei admixtum tantum aquae, ut vinum sit corruptum, non conficitur Sacramentum.

2 Si vinum coeperit acescere, vel corrumpi, vel fuerit aliquantum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea, seu alterius distillationis, conficitur Sacramentum, sed conficiens graviter peccat.

3 Si celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice, debet statim apponere vinum cum aqua, & facta oblatione, ut supra, consecrare, incipiendo ab illis verbis, **Simili modo, &c.**

4 Si post verba consecrationis advertat, vinum non fuisse positum, sed aquam: deposita aqua in aliquod vas, iterum vinum cum aqua ponat in Calice, & consecret, resumendo a verbis praedictis, **Simili modo, &c.**

5 Si hoc advertat post sumptionem Corporis, vel hujusmodi aquae, apponat aliam Hostiam iterum consecrandam, & vinum cum aqua in Calice, offerat utrumque; & consecret, & sumat, quamvis non sit jejunos. Vel, si Missa celebraretur in loco publico, ubi plures adsint, ad evitandum scandalum poterit apponere vinum cum aqua, & facta oblatione ut supra, consecrare, ac statim sumere, & prosequi cetera.

6 Si quis percipiat ante consecrationem, vel post consecrationem, totum vinum esse acetum, vel alias corruptum, idem fervetur quod supra, ac si deprehenderet non esse positum vinum, vel solam aquam fuisse appositam in Calice.

7 Si autem Celebrans ante consecrationem Calicis advertat non fuisse appositam aquam, statim ponat eam, & proferat verba consecrationis. Si id advertat post consecrationem Calicis, nullo modo apponat, quia non est de necessitate Sacramenti.

8 Si materia quae esset apponenda, ratione defectus vel panis, vel vini, non posset ullo modo haberi; si id sit ante consecrationem Corporis, ulterius procedi non debet; si post consecrationem Corporis, aut etiam vini, deprehenditur defectus alterius speciei, altera jam consecrata; tunc si nullo modo haberi possit, procedendum erit, & Missa absolvenda, ita tamen ut praetermittantur verba & signa, quae pertinent ad speciem deficientem. Quod si expectando aliquamdiu haberi possit, expectandum erit, ne sacrificium remaneat imperfectum.

De defectibus formae. V.

Defectus ex parte formae possunt contingere, si aliquid desit ex iis, quae ad integritatem verborum in ipsa consecratione requiruntur. Verba autem consecrationis, quae sunt forma hujus Sacramenti, sunt haec: **Hoc est enim corpus meum. & Hic est enim calix sanguinis mei; novi & aeterni testamenti: mysterium fidei: qui pro vobis & pro multis effundetur in remissionem peccatorum.** Si quis autem aliquid diminueret, vel immutaret de forma consecrationis Corporis & Sanguinis, & in ipsa verborum immutatione verba idem non significarent, non confi-

ceret Sacramentum. Si vero aliquid adderet quod significationem non mutaret, conficeret quidem, sed gravissime peccaret.

2 Si Celebrans non recorderetur se dixisse ea, quae in consecratione communiter dicuntur, non debet propterea turbari. Si tamen certo ei constet, se omisisse aliquid eorum quae sunt de necessitate Sacramenti, id est, formam consecrationis, seu, partem, resumat ipsam formam, & cetera prosequatur per ordinem. Si vero valde probabiliter dubitet se aliquid essentiale omisisse, iteret formam saltem sub tacita conditione. Si autem non sunt de necessitate Sacramenti, non resumatur, sed procedat ulterius.

De defectibus Ministri. VI.

Defectus ex parte Ministri possunt contingere quoad ea, quae in ipso requiruntur. Haec autem sunt: In primis intentio, deinde dispositio animae, dispositio corporalis, dispositio vestimentorum, dispositio in ministerio ipso quoad ea, quae in ipso possunt occurrere.

De defectu intentionis. VII.

Si quis non intendit conficere, sed delusorie aliquid agere. Item si aliqua Hostia ex oblivione remaneat in Altari, vel aliqua pars vini, vel aliqua Hostia lateat, cum non intendat consecrare nisi quas videt. Item si quis habeat coram se undecim Hostias, & intendat consecrare solum decem, non determinans quas decem intendit: in his casibus non consecrat, quia requiritur intentio. Secus si putans quidem esse decem, tamen omnes voluit consecrare quas coram se habebat: nam tunc omnes erunt consecratae: atque idem quilibet Sacerdos talem semper intentionem habere deberet, scilicet consecrandi eas omnes, quas ante se ad consecrandum positas habet.

2 Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod si deprehendat post sumptionem Corporis & Sanguinis, aut etiam post ablutionem, reliquias aliquas relictas consecratas, eas sumat, sive parvae sint, sive magnae, quia ad idem sacrificium spectant.

3 Si vero relicta sit Hostia integra consecrata, eam in Tabernaculo cum aliis reponat: si hoc fieri nequit, sequenti Sacerdoti ibi celebraturo in Altari supra Corporale decenter operam sumendam unam cum altera, quam est consecraturus, relinquat: vel si neutrum horum fieri possit, in ipso Calice, seu Patena decenter conservet, quousque vel in Tabernaculo reponatur, vel ab altero sumatur: quod si non habeat quomodo honeste conservetur, potest eam ipsemet sumere.

4 Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, etsi curare debeat Sacerdos, ut etiam actualem intentionem adhibeat.

De defectibus dispositionis animae. VIII.

Si quis suspensus, excommunicatus, degradatus, irregularis, vel alias canonicè impeditus, celebret, conficit quidem Sacramentum, sed gravissime peccat, tam propter Communionem, quam indignè sumit, quam propter executionem Ordinum, quae sibi erat interdicta.

2 Si quis habens copiam Confessoris celebret in peccato mortali, graviter peccat.

3 Si quis autem in casu necessitatis non habens copiam Confessoris in peccato mortali absque contritione celebret, graviter peccat. Secus si conteratur: debet tamen cum primum poterit, confiteri.

4 Si in ipsa celebratione Missae Sacerdos recorderetur se esse in peccato mortali, conteratur cum proposito confitendi, & satisfaciendi.

5 Si recorderetur se esse excommunicatum, vel suspensum, aut locum esse interdictum, similiter conteratur cum proposito petendi absolutionem. Ante consecrationem autem in supradictis casibus si non timeatur scandalum, debet Missam incipiam deferere.

De defectibus dispositionis corporis. IX.

Si quis non est jejunos post mediam noctem, etiam post sumptionem solius aquae, vel alterius potus, aut cibi, per modum etiam medicinae, & in quantacumque parva quantitate, non potest communicare, nec celebrare.

2 Si autem ante mediam noctem cibum, aut potum sumpserit, etiamsi postmodum non dormierit, nec sit digestus, non peccat: sed ob perturbationem mentis, ex qua devotio tollitur, consultius aliquando abstinendum.

3 Si reliquiae cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivae. Idem dicendum, si lavando os, deglutiantur stilla aquae praeter intentionem.

4 Si pures Missas in una die celebret, ut in Nativitate Domini, in unaquaque Missa abluat digitos in aliquo vase mundo, & in ultima tantum percipiat purificationem.

5 Si praecesserit pollutio, nocturna quae causata fuerit ex praecedenti cogitatione, quae sit peccatum mortale, vel evenierit pro-

propter nimiam crapulam, abstinendum est à Communione & Celebratione, nisi aliud Confessario videatur. Si dubium est an in precedenti cogitatione fuerit peccatum mortale, consulitur abstinendum, extra tamen casum necessitatis. Si autem certum est non fuisse in illa cogitatione peccatum mortale, vel nullam fuisse cogitationem, sed evenisse ex naturali causa, aut ex diabolica illusionem, potest Communicare, & Celebrare; nisi ex illa corporis commotione tanta evenit perturbatio mentis, ut abstinendum videatur.

De defectibus in ministro ipso occurrentibus. X.

Possunt etiam defectus occurrere in ministerio ipso; si aliquid ex requisitis ad illud desit: ut si celebretur in loco non sacro, vel non deputato ab Episcopo: vel in Altari non consecrato, vel tribus mappis non cooperto: si non adsint luminaria cerea: si non sit tempus debitum celebrandi, quod est ab Aurora usque ad meridiem, communiter: si celebrans saltem Matutinum cum Laudibus non dixerit: si omittat aliquid ex vestibus sacerdotalibus; si vestes sacerdotales, & mappæ non sint ab Episcopo, vel ab alio hanc habente potestatem benedictæ: si non adsit clericus, vel alius deserviens in Missa, vel adsit qui deservire non debet, ut mulier: si non adsit Calix cum Patena conveniens, cuius cuppa debet esse aurea, vel argentea, vel stannea: non ærea, vel vitrea: si Corporalia non sint munda, quæ debent esse ex lino, nec serico in medio ornata, & ab Episcopo, vel ab alio hanc habente potestatem benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si Sacerdote celebrante violetur Ecclesia ante Canonem, dimittatur Missa; si post Canonem, non dimittatur. Si timeatur incurfus hostium, vel alluvionis, vel ruina loci ubi celebratur, ante Consecrationem dimittatur Missa, post Consecrationem vero Sacerdos accelerare poterit sumptionem Sacramenti, omissis omnibus aliis.

3 Si Sacerdos ante consecrationem graviter infirmetur, vel in syncopen inciderit, aut moriatur, præmittitur Missa: si post consecrationem Corporis tantum, ante Consecrationem Sanguinis, vel utroque consecrato id accidit, Missa per alium Sacerdotem expleatur ab eo loco ubi ille desit, & in casu necessitatis etiam per non jejunum. Si autem non obierit, sed fuerit infirmus, adeo tamen ut possit communicare, & non adsit alia Hostia consecrata, Sacerdos qui Missam supplet, dividat Hostiam, & unam partem præbeat infirmo, aliam ipse sumat. Si autem semiprolata forma Corporis obiit Sacerdos, quia non est facta consecratio, non est necesse, ut Missa per alium suppleatur. Si vero obierit, semiprolata forma sanguinis, tunc alter prosequatur Missam, & super eundem Calicem repetat integram formam, ab eo loco, *Simili modo postquam coenatum est*, vel posset super alium Calicem præparatum integram formam proferre, & Hostiam primi Sacerdotis, & Sanguinem à se consecratum sumere, ac deinde Calicem relictum semiconsecratum.

4 Si quis extra huiusmodi casus necessitatis, integra Sacramenta non sumpserit, gravissimè peccat.

5 Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, & aliud ponat in Calice, misceat parum aquæ, offerat ut supra; & prosequatur Missam: si post consecrationem ceciderit musca, aut aliquid ejusmodi, & fiat nausea Sacerdoti, extrahat eam, & lavet cum vino, finita Missa comburat, & combustio, ac lotio huiusmodi in Sacrum projiciatur. Si autem non fuerit ei nausea, nec ullum periculum timeat, sumat cum Sanguine.

6 Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Ca-

lice, & aliud vinum cum aqua apponendum denuò consecrandum; & finita Missa Sanguis repositus in panno lineo, vel stuppa, tandiu servetur, donec species vini fuerint desiccata, & tunc stuppa comburatur, & combustio in sacrum projiciatur.

7 Si aliquid venenatum contigerit Hostiam consecratam, tunc alteram consecret, & sumat eo modo, quo dictum est, & illa servetur in Tabernaculo in loco separato, donec species corrumpantur, & corruptæ deinde mittantur in Sacrum.

8 Si sumendo Sanguinem particula remanserit in Calice, digito ad labium Calicis eam adducat, & sumat ante purificationem, vel infundat vinum, & sumat.

9 Si Hostia ante consecrationem inveniat fracta, nisi populo evidenter appareat, talis Hostia consecretur; si autem scandalum populo esse possit, alia accipiat, & offeratur; quod si illius Hostiæ jam erat facta oblatio, eam post ablationem sumat. Quod si ante oblationem Hostia appareat confracta, accipiat altera integra, si citra scandalum, aut longam moram fieri poterit.

10 Si propter frigus, vel negligentiam Hostia consecrata dilabatur in Calicem, propterea nihil est reiterandum, sed Sacerdos Missam prosequatur, faciendo caeremonias, & signa consueta cum residua parte Hostiæ, quæ non est madefacta Sanguine, si commodè potest. Si verò tota fuerit madefacta, non extrahat eam, sed omnia dicat omittendo signa, & sumat pariter Corpus, & Sanguinem, signans se cum Calice, dicens, *Corpus & Sanguis Domini nostri, &c.*

11 Si in hieme Sanguis congeletur in Calice, involvatur Calix pannis calefactis, si id non proficeret, ponatur in ferventi aqua prope Altare, dummodò in Calicem non intret, donec liquefiat.

12 Si per negligentiam aliquid de Sanguine Christi ceciderit, si quidem super terram, seu super tabulam, lingua lambatur, & locus ipse radatur quantum satis est, & abrasio comburatur; cinis verò in Sacrum recondatur. Si verò super lapidem Altaris ceciderit, sorbeat Sacerdos stillam, & locus benè abluatur, & ablutio in Sacrum projiciatur. Si super linteum Altaris, & ad aliud linteum stilla pervenerit; si usque ad tertium, linteamina ter abluantur ubi stilla ceciderit, Calice supposito, & aqua ablationis in Sacrum projiciatur. Quod si in ipso solum corporali, aut si in vestibus ipsis Sacerdotalibus ceciderit, debet similiter abluì, & ablutio in Sacrum projici. Si in substrato pedibus panno, vel tapeto, benè abluatur, ut supra.

13 At si contingat totum Sanguinem post Consecrationem effundi, si quidem aliquid, vel parum remansit, illud sumatur, & de effuso reliquo Sanguine fiat, ut dictum est. Si verò nihil omnino remansit, ponat iterum vinum, & aquam, & consecret ab eo loco, *Simili modo postquam coenatum est*, facta prius tamen Calicis oblatione, ut supra.

14 Si Sacerdos evomat Eucharistiam, si species integræ appareant, reverenter sumantur, nisi nausea fiat; tunc enim species consecratae cautè separentur, & in aliquo loco sacro reponantur, donec corrumpantur, & postea in Sacrum projiciantur. Quod si species non appareat, comburatur vomitus, & cineres in Sacrum mittantur.

15 Si Hostia consecrata, vel aliqua ejus particula dilabatur in terram, reverenter accipiat, & locus ubi cecidit, mundetur, & aliquantulum abradatur, & pulvis seu abrasio huiusmodi in sacrum immittatur. Si ceciderit extra Corporale in mappam, seu alio quovis modo in aliquod linteum, mappa vel linteum huiusmodi diligenter lavetur, & lotio ipsa in Sacrum effundatur.

16 Possunt etiam defectus in ministerio ipso occurrere, si Sacerdos ignoret ritus, & caeremonias ipsas in eo servandas: de quibus omnibus in superioribus Rubricis copiosè dictum est.

PRÆPARATIO AD MISSAM

Pro opportunitate Sacerdotis facienda.

Antiphona. Ne reminiscaris Dómine delicta nostra, vel paréntum nostrórum: neque vindictam sumas de peccátis nostris.

Quæ Antiphona in Festis duplicibus tantum duplicatur, & tempore Paschali additur in fine, Allelúja.

Deinde dicuntur sequentes Psalmi.

Psalmus 83.

Quam dilecta tabernacula tua Dómine virtutum! concupiscit, & deficit anima mea in átria Dómini.

Cor meum, & caro mea exultavérunt in Deum vivum.

Etenim passer invénit sibi domum, & turtur nidum sibi, ubi ponat pullos suos.

Altaria tua Dómine virtutum: Rex meus, & Deus meus.

Beati qui habitant in domo tua Dómine: in sæcula sæculórum laudábunt te.

Beatus vir, cujus est auxilium abs te: ascensiones in corde suo dispósuit, in valle lacrymarum, in loco quem pósuit.

Etenim benedictionem dabit legislátor, ibunt de virtute in virtutem: videbitur Deus deórum in Sion.

Dómine Deus virtutum exáudi orationem meam: áuribus percipe Deus Jacob.

Protéctor noster aspice Deus: & respice in faciem Christi tui.

Quia mélior est dies una in átriis tuis super millia.

Elegi abiectus esse in domo Dei mei, magis quam habitare in tabernaculis peccatórum.

Quia misericórdiam & veritatem diligit Deus: grátiam, & glóriam dabit Dóminus.

Non privabit bonis eos, qui ambulant in innocentia: Dómine virtutum, beatus homo qui sperat in te.

Glória Patri.

Psalmus 84.

Benedixisti Dómine terram tuam: avertisti Bcaptivitatem Jacob.

Remisisti iniquitatem plebis tuæ: operuisti omnia peccata eórum.

Mitigasti omnem iram tuam: avertisti ab ira indignationis tuæ.

Converte nos Deus salutaris noster: & averte iram tuam à nobis.

Numquid in ætérnum irascéris nobis, aut exténderis iram tuam à generatione in generationem?

Deus tu convérsus vivificabis nos: & plebs tua latábitur in te.

Ostende nobis Dómine misericórdiam tuam: & salutare tuum da nobis.

Audiam quid loquatur in me Dóminus Deus: quóniam loquétur pacem in plebem suam;

Et super sanctos suos: & in eos, qui convertúntur ad cor.

Verúm tamen prope timéntes eum salutare ipsius: ut inhábitet glória in terra nostra.

Misericórdia & veritas obviavérunt sibi: iustitia & pax osculatae sunt.

Veritas de terra orta est: & iustitia de cœlo prospexit.

Etenim Dóminus dabit benignitatem: & terra nostra dabit fructum suum.

Iustitia ante eum ambulabit: & ponet in via gressus suos.

Glória Patri.

Psalmus 85.

Inclina Dómine aurem tuam, & exáudi me: quóniam inops & pauper sum ego.

Custodi animam meam, quóniam sanctus sum: salvum fac servum tuum, Deus meus, sperántem in te.

Miserere mei Dómine, quóniam ad te clamavi tota die: latifica animam servi tui, quóniam ad te Dómine animam meam levavi.

Quóniam tu Dómine suavis, & mitis: & multæ misericórdiæ omnibus invocántibus te.

Auribus percipe Dómine orationem meam: & inténde voci deprecationis meæ.

In die tribulationis meæ clamavi ad te: quia exaudisti me.

Non est similis tui in diis Dómine: & non est secúndum opera tua.

Omnès Gentes quascúmque fecisti, vénient, & adorábunt coram te Dómine: & glorificábunt nomen tuum.

Quóniam magnus es tu, & faciens mirabilia: tu es Deus solus.

Deduc me Dómine in via tua, & ingrédiar in veritate tua: latétur cor meum ut timeat nomen tuum.

Confitebor tibi Dómine Deus meus in toto corde meo: & glorificábo nomen tuum in ætérnum:

Quia misericórdia tua magna est super me: & eruisti animam meam in inférno inferióri.

Deus, iniqui insurrexérunt super me, & synagoga poténtium quæsiérunt animam meam: & non proposuérunt te in conspéctu suo.

Et tu Dómine Deus miserátor & misericors, pátiens, & multæ misericórdiæ, & verax.

Respice in me, & miserere mei, da impérium tuum

tuum pūero tuo : & saluum fac filium ancillæ tuæ.

Fac mecum signum in bonum , ut videant qui odérunt me , & confundántur : quóniam tu Dómine adjuvísti me , & consolátus es me.

Gloria Patri. **Psalmus 115.**

CRédidi , propter quod locútus sum : ego autem humiliátus sum nimis.

Ego dixi in excéssu meo : Omnis homo mendax.

Quid retribuam Dómino , pro ómnibus , quæ retribuit mihi?

Cálicem salutáris accípiam , & nomen Dómini invocábo.

Vota mea Dómino reddam coram omni pópulo ejus : pretiósa in conspéctu Dómini mors sanctórum ejus.

O Dómine , quia ego servus tuus : ego servus tuus , & filius ancillæ tuæ.

Dirupísti víncula mea : tibi sacrificábo hostiam laudis , & nomen Dómini invocábo.

Vota mea Dómino reddam in conspéctu ómnis pópuli ejus : in átriis domus Dómini , in médio tui Jerúsalem.

Gloria Patri. **Psalmus 129.**

DE profúndis clamávi ad te Dómine : Dómine exáudi vocem meam.

Fiant aures tuæ intendéntes , in vocem deprecationis meæ.

Si iniquitátes observáveris Dómine : Dómine quis sustinébit?

Quia apud te propitiátio est : & propter legem tuam sustinui te Dómine.

Sustinuit ánima mea in verbo ejus : sperávit ánima mea in Dómino.

Acustódia matutína usque ad noctem , speret Israel in Dómino.

Quia apud Dóminum misericórdia , & copiósa apud eum redemptio.

Et ipse redimet Israel , ex ómnibus iniquitatibus ejus. **G**loria Patri.

Deinde repetitur Antiphona. Ne reminiscáris Dómine delicta nostra , vel parentum nostrórum : neque vindictam sumas de peccátis nostris.

Posteà Sacerdos dicit Kyrie eléison. Christe eléison. **K**yrie eléison. **P**ater noster.

V. Et ne nos inducas in tentationem.

R. Sed libera nos à malo.

V. Ego dixi , Dómine miserere mei.

R. Sana animam meam , quia peccávi tibi.

V. Convertere Dómine aliquántulum.

R. Et deprecáre super servos tuos.

V. Fiat misericórdia tua Dómine super nos.

R. Quemádmódum sperávimus in te.

V. Sacerdótes tui induántur justitiam.

R. Et sancti tui exúltent.

V. Ab occúltis meis munda me Dómine.

R. Et ab aliénis parce servo tuo.

V. Dómine exáudi orationem meam.

R. Et clamor meus ad te véniat.

V. Dóminus vobíscum.

R. Et cum spíritu tuo. **O**remus.

Aures tuæ pietátis , mitíssimè Deus , inclína précibus nostris , & grátia sancti Spíritus illumina cor nostrum : ut tuis mystériis dignè ministráre , teque ætérna charitáte diligere mereámur.

Deus , cui omne cor patet , & omnis voluntas loquitur , & quem nullum latet secretum : purifica per infusiónem sancti Spíritus cogitationes cordis nostri : ut te perfectè diligere , & dignè laudáre mereámur.

Ure igne sancti Spíritus renes nostros , & cor nostrum , Dómine : ut tibi casto corpore serviámus , & mundo corde placeámus.

Mentes nostras , quæsumus Dómine , Paráclitus , qui à te procedit , illuminet : & inducat in omnem , sicut tuus promísit Fílius , veritatem.

Adsit nobis , quæsumus Dómine , virtus Spíritus sancti : quæ & corda nostra cleménter expúrget , & ab ómnibus tueátur advérsis.

Deus , qui corda fidélium sancti Spíritus illustratione docuísti : da nobis in eodem Spíritu recta sápere ; & de ejus semper consolatione gaudere.

Consciéntias nostras , quæsumus Dómine , visitádo purifica : ut véniens Dóminus noster Jesus Christus Fílius tuus , parátam sibi in nobis invéniat mansiónem. Qui tecum vivit & regnat in unitate Spíritus sancti Deus , per ómnia sæcula sæculórum. Amen.

ORATIONES DICENDÆ

Cum Sacerdos induitur sacerdotalibus paramentis.

Cum lavat manus , dicat :

DA , Dómine , virtutem manibus meis ad abstergéndam omnem máculam : ut sine pollutione mentis & corporis váleam tibi servíre.

Ad Amictum , dum ponitur super caput , dicat :

Impóne , Dómine , cápiti meo gáleam salutis , ad expugnándos diabólicos incúrsus.

Ad Albam , cum ea induitur.

Déalba me , Dómine , & munda cor meum : ut in Sanguine Agni dealbátus , gaudiis pérfuar sempitérnis.

Ad Cingulum , dum se cingit.

Pracíngite me , Dómine , cingulo puritátis , & extingue in lumbis meis humórem libidinis : ut máneat in me virtus continentíæ , & castitátis.

Ad

Ad Manipulum, dum imponitur brachio sinistro.

Merear; Dómine, portáre manipulum fletus & doloris: ut cum exultatione recipiam mercédem laboris.

Ad Stolum, dum imponitur collo.

Redde mihi, Dómine, stolam immortalitatis, quam perdidisti in prævaricatione primi parentis: & quamvis indignus accedo ad tuum sacrum mysterium, merear tamen gaudium sempiternum.

Ad Casulam, cum assumitur.

Domine, qui dixisti: Jugum meum suave est, & onus meum leve: fac, ut istud portáre sic váleam, quod consequar tuam grátiam. Amen.

ORATIONES DICENDÆ

ab Episcopo quando in Pontificalibus celebrat.

Ad Caligas.

Calcea, Dómine, pedes meos in præparationem Euangelii pacis: & prótege me in velamento alarum tuarum.

Cum exiit Cappa.

Exue me, Dómine, veterem hominem cum moribus & actibus suis: & indue me novum hominem, qui secundum Deum creatus est in iustitia, & sanctitate veritatis.

Cum lavat manus.

DA Dómine virtutem in manibus meis ad abstergendam omnem maculam immundam: ut sine pollutione mentis & corporis váleam tibi servíre.

Ad Amictum.

Pone, Dómine, galeam salutis in capite meo, ad expugnandas omnes diabólicas fraudes, inimicorum omnium versutias superando.

Ad Albam.

Dealba me, Dómine, & à delicto meo munda me: ut cum his, qui stolas suas dealbaverunt in Sanguine Agni, gaudiis perfruar sempiternis.

Ad Cingulum.

Precinge me, Dómine, cingulo fidei, & virtute castitatis lumbos meos, & extingue in eis humorem libidinis, ut júgiter maneat in me vigor totius castitatis.

Cum accipit Crucem pectoralem.

Munire digneris me, Dómine Jesu Christe, ab omnibus insidiis inimicorum omnium, signo sanctissimæ Crucis tuæ: ac concedere digneris mihi indigno servo tuo; ut, sicut hanc Crucem sanctorum tuorum reliquiis refertam ante pectus meum teneo, sic semper mente retineam & memoriam passionis, & sanctorum victorias Martyrum.

Ad Stolum.

Redde mihi, Dómine, óbsecro, stolam immortalitatis, quam perdidisti in prævaricatione primi parentis: & quamvis indignus accedere præsumo ad tuum sacrum mysterium cum hoc ornamento, præsta ut in eodem in perpetuum merear lætari.

Ad Tunicellam.

Tunica jucunditatis, & indumento lætitiæ induat me Dóminus.

Ad Dalmaticam.

Indue me Dómine indumento salutis, & vestimento lætitiæ; Dalmatica iustitiæ circumda me semper.

Ad Chirothecas.

Circumda Dómine manus meas munditia novi hominis, qui de cælo descendit: ut, quemadmodum Jacob dilectus tuus pelliculis hœdorum opertis manibus paternam benedictionem oblato patri cibo potuque gratissimo, impetravit; sic & oblata per manus nostras salutari hostia, gratiæ tuæ benedictionem merear. Per Dóminum nostrum Jesum Christum Filium tuum, qui in similitudinem carnis peccati pro nobis obtulit semetipsum.

Ad Planetam.

Domine, qui dixisti: Jugum meum suave est, & onus meum leve: præsta, ut illud portáre sic váleam, quod possim consequi tuam grátiam.

Ad Mitram.

Mitram, Dómine, & salutis galeam impone capiti meo: ut contra antiqui hostis, omniumque inimicorum meorum insidias in offensum vadam.

Ad Annulum cordis.

Cordis & Corporis mei, Dómine, digitos virtute decora, & septiformis Spiritus sanctificatione circumda.

Ad Manipulum.

Merear, precor Dómine, manipulum portáre mente flebili: ut cum exultatione portionem accipiam cum iustis.

GRATIARUM ACTIO

post Missam.

Antiphona. Trium puerorum cantemus hymnum, quem cantabant sancti in camino ignis, benedicentes Dóminum.

Quæ Antiphona in Festis Duplicibus tantum duplicatur, & tempore Paschali additur in fine, Allelúja.

Canticum trium puerorum.

Benedicite omnia ópera Dómini Dómino: laudate & superexaltate eum in sæcula.

Benedícite Angeli Dómini Dómino: benedícite cœli Dómino.

Benedícite aquæ omnes, quæ super cœlos sunt, Dómino: benedícite omnes virtutes Dómini Dómino.

Benedícite sol & luna Dómino: benedícite stellæ cœli Dómino.

Benedícite omnis imber & ros Dómino: benedícite omnes spíritus Dei Dómino.

Benedícite ignis & æstus Dómino: benedícite frigus & æstus Dómino.

Benedícite rores & pruina Dómino: benedícite gelu & frigus Dómino.

Benedícite glacies & nives Dómino: benedícite noctes & dies Dómino.

Benedícite lux & tenebræ Dómino: benedícite fúlgura & nubes Dómino.

Benedícat terra Dóminum: laudet & superexáltet eum in sæcula.

Benedícite montes & colles Dómino: benedícite univérſa germinántia in terra Dómino.

Benedícite fontes Dómino: benedícite mária & flúmina Dómino.

Benedícite cete, & ómnia, quæ movéntur in aquis, Dómino: benedícite omnes volucres cœli Dómino.

Benedícite omnes béstiæ & pécora Dómino: benedícite filii hóminum Dómino.

Benedícat Israel Dóminum: laudet & superexáltet eum in sæcula.

Benedícite sacerdotes Dómini Dómino: benedícite servi Dómini Dómino.

Benedícite spíritus & animæ iustórum Dómino: benedícite sancti & húmiles corde Dómino.

Benedícite Ananía, Azaría, Míſael Dómino: laudáte & superexaltáte eum in sæcula.

Benedicámus Patrem, & Filium cum sancto Spíritu: laudémus & superexaltémus eum in sæcula.

Benedíctus es, Dómine, in firmaménto cœli: & laudábilis, & glorióſus, & superexaltátus in sæcula.

Psalmus 150.

Laudáte Dóminum in sanctis ejus: laudáte eum in firmaménto virtútis ejus.

Laudáte eum in virtútibus ejus: laudáte eum secundúm multitudínem magnitudínis ejus.

Laudáte eum in sono tubæ: laudáte eum in psaltério, & cithara.

Laudáte eum in tympano, & choro: laudáte eum in chordis, & órgano.

Laudáte eum in cymbalis benesonántibus: laudáte eum in cymbalis jubilationis: omnis spíritus laudet Dóminum.

Gloria Patri & Filio, &c.

Deinde repetitur Antiphona. Trium puerórum cantémus hymnum, quem cantábant sancti in camíno ignis, benedicéntes Dóminum.

Deinde Sacerdos dicit; Kyrie eléison. Chriſte eléison. Kyrie eléison. Pater noster.

V. Et ne nos indúcas in tentatióem.

R. Sed libera nos à malo.

V. Confiteántur tibi, Dómine, ómnia ópera tua.

R. Et sancti tui benedícant tibi.

V. Exultábunt Sancti in glória:

R. Lætábuntur in cubilibus suis.

V. Non nobis, Dómine, non nobis:

R. Sed nómini tuo da glóriam.

V. Dómine exáudi oratióem meam:

R. Et clamor meus ad te véniat.

V. Dóminus vobíscum.

R. Et cum spíritu tuo.

Oremus.

Deus, qui tribus púeris mitigásti flammæ ignium: concéde propítius, ut nos famulos tuos non exúrat flamma vitiórum.

Actiões nostras, quæsumus Dómine, aspirándo præveni, & adjuvándo proséquere: ut cuncta nostra oratio & operatio à te semper incípiat, & per te cœpta finiátur.

DA nobis, quæsumus Dómine, vitiórum nostrórum flammæ extingueré, qui beáto Lauréntio tribuísti tormentórum suórum incéndia superáre. Per Christum Dóminum nostrum. **R.** Amen.

ORATIONES

Pro opportunitate Sacerdotis, ante celebrationem, & Communionem dicendæ.

Oratio sancti Ambrosii Episcopi.

DIE DOMINICA.

Summe Sacerdos, & vere Póntifex Jesu Christe, qui te obtulísti Deo Patri hóstiã puram, & immaculatam in ara Crucis pro nobis míseris & peccatóribus, & qui dedísti nobis carnem tuam ad manducándum, & sanguinem tuum ad bibéndum, & posuísti mystérium istud in virtúte Spíritus sancti tui, dicens: Hæc quotiescúmque fecéritis, in mei memóriam faciétis. Rogo per eúmdem sanguinem tuum, magnum salutis nostræ pretium: rogo per hanc miram & ineffabilem charitatem, qua nos míseros & indignos sic amáre dignátus es, ut laváres nos à peccátis nostris in sanguine tuo. Doce me servum tuum indignum, quem inter cætera dona tua étiam ad officium sacerdotále vocáre dignátus es, nullis meis méritis, sed sola dignatióne misericórdiæ tuæ: doce me quæſo per Spíritum sanctum tuum, tantum tractáre mystérium ea reveréntia & honóre, ea devotióne & timóre, quibus opórtet & decet. Fac me per grátiam tuam semper illud de tanto mystério crédere & intelligere, sentíre & fir-

& firmiter tenere, dicere & cogitare, quod tibi placet, & expedit animæ meæ. Intret spiritus tuus bonus in cor meum, qui sonet ibi sine sono, & sine strepitu verborum loquatur omnem veritatem. Profunda quippe sunt nimis, & sacro tecta velamine. Propter magnam clementiam tuam concede mihi Missarum solennia mundo corde & pura mente celebrare. Libera cor meum ab immundis & nefandis, vanis & noxiis cogitationibus. Muni me beatorum Angelorum pia & fida custodia, ac tutela fortissima, ut hostes omnium bonorum confusi discedant. Per virtutem tanti mystarii, & per manum sancti Angeli tui repelle à me, & à cunctis servis tuis durissimum spiritum superbiæ & cenodoxiæ, invidiæ & blasphemæ, fornicationis & immunditiæ, dubietatis & diffidentiae. Confundantur qui nos persequuntur, pereant illi qui nos perdere festinant.

F E R I A I I.

Rex virginum, & amator castitatis & integritatis, cœlesti rore benedictionis tuæ extingue in corpore meo fomitem ardentis libidinis: ut maneat in me tenor castitatis corporis & animæ. Mortifica in membris meis carnis stimulos, omnesque libidinosas commotiones, & da mihi veram & perpetuam castitatem cum ceteris donis tuis, quæ tibi placent in veritate, ut sacrificium laudis casto corpore & mundo corde valeam tibi offerre. Quanta enim cordis contritione, & lacrymarum fonte, quanta reverentia, & tremore, quanta corporis castitate, & animæ puritate istud divinum & cœleste sacrificium est celebrandum, ubi caro tua in veritate sumitur, ubi sanguis tuus in veritate bibitur, ubi ima summis, terræna divinis junguntur, ubi adest sanctorum Angelorum præsentia, ubi tu es Sacrificium & Sacerdos mirabiliter & ineffabiliter constitutus!

F E R I A I I I.

Quis dignè hoc celebrare poterit, nisi tu Deus omnipotens offerentem feceris dignum? Scio Dómine, & verè scio, & idípsum pietati tuæ confiteor, quia non sum dignus accedere ad tantum mystérium, propter nimia peccata mea, & infinitas negligentias meas. Sed scio & veraciter ex toto corde meo credo, & ore confiteor, quia tu potes me facere dignum, qui solus potes facere mundum de immundo conceptum semine, & de peccatoribus justos & sanctos. Per hanc omnipotentiam tuam te rogo Deus meus, ut concedas mihi peccatori hoc Sacrificium celebrare cum timore, & tremore, cum cordis puritate, & lacrymarum fonte, cum lætitia spiritali, & cœlesti gaudio. Sentiatur mens mea dulcedinem beatissimæ præsentiae tuæ, & excubias sanctorum Angelorum tuorum in circuitu meo.

F E R I A I V.

EGo enim Dómine, memor venerandæ Passionis tuæ, accedo ad altare tuum, licet peccator, ut offeram tibi Sacrificium, quod tu instituísti, & offerri præcepísti in commemorationem tui, pro salute nostra. Súscipe illud quæso, summe Deus, pro Ecclesia sancta tua, & pro populo, quem acquisísti sanguine tuo. Et quoniam me peccatorem inter te & eundem populum tuum médium esse voluísti, licet in me aliquod boni operis testimonium non agnoscas, officium saltem dispensationis creditæ non recuses, nec per me indignum eorum salutis pereat pretium, pro quibus víctima salutaris dignatus es esse redemptio. Prófero etiam Dómine (si digneris propitius intueri) tribulationes plebium, pericula populorum, captivorum gemitus, misérias orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

F E R I A V.

TU enim misereris omnium Dómine: & nihil odísti eorum, quæ fecísti. Memorare quæ sit nostra substantia, quia tu Pater noster noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer à nobis iniquitates nostras: & ignem sancti Spiritus in nobis clementer accende. Aufer cor lapideum de carne nostra: & da nobis cor carneum, quod te amet, te diligat, te delectetur, te sequatur, te perfruatur. Oramus Dómine clementiam tuam, tu sereno vultu familiam tuam, sacri tui nominis officia præstolantem, aspicerere digneris: & ut nullius sit irritum votum, nullius vacua postulatio, tu nobis preces suggere, quas ipse propitius audire & exaudire delecteris.

F E R I A V I.

Rogamus etiam, te Dómine sancte Pater, & pro spiritibus fidelium defunctorum: ut sit illis salus, sanitas, gaudium, & refrigerium, hoc magnum pietatis sacramentum. Dómine Deus meus, sit illis hodie magnum & plenum convivium de te pane vivo, qui de cœlo descendisti, & das vitam mundo, de tua carne sancta & benedicta, Agni videlicet immaculati, qui tollis peccata mundi, quæ de sancto & glorioso beatæ Virginis Mariæ útero est assumpta, & de Spiritu sancto concepta: ac de illo pietatis fonte, qui per lanceam militis ex tuo sacratissimo latere emanavit: ut exinde refecti & satiati, refrigerati & consolati, exultent in laude & gloria tua. Peto clementiam tuam Dómine, ut descen-

dat

dāt super panem tibi sacrificandum plenitudo tuæ benedictionis, & sanctificatio tuæ divinitatis. Descendat etiam Dómine illa sancti Spíritus tui invisibilis incomprehensibilisque majestas, sicut quondam, in patrum hóstias descendebat: qui & oblationes nostras corpus & sanguinem tuum efficiat, & me indignum sacerdotem doceat tantum tractare mysterium cum cordis puritate & lacrymarum devotione, cum reverentia & tremóre, ita ut placidè ac benignè suscipias sacrificium de rónibus meis ad salutem omnium tam vivorum, quàm defunctorum.

S A B B A T O.

Rogo etiam te Dómine, per ipsum sacrosanctum mysterium Corporis & Sanguinis tui, quo quotidie in Ecclesia tua páscimur & potamur, abluimur & sanctificamur, atque unius summa divinitatis participes efficiamur, da mihi virtutes tuas sanctas, quibus repletus, bona conscientia ad Altare tuum accedam, ita ut hæc cœlestia sacramenta efficiantur mihi salus & vita. Tu enim dixisti ore tuo sancto & benedicto: Panis quem ego dabo, caro mea est pro mundi vita. Ego sum panis vivus, qui de cœlo descendi. Si quis manducaverit ex hoc pane, vivet in æternum. Panis dulcissime, sana palatum cordis mei, ut sentiam suavitatem amoris tui. Sana illud ab omni languore, ut nullam præter te sentiam dulcedinem. Panis candidissime, habens omne delectamentum, & omnem saporem, qui nos semper reficis, & numquam in te deficis: comedat te cor meum, & dulcedine saporis tui repleantur viscera animæ meæ. Manducat te Angelus ore pleno, manducet te peregrinus homo pro modulo suo, ne deficere possit in via, tali recreatus viatico. Panis sancte, panis vive, panis munde, qui descendisti de cœlo, & das vitam mundo, veni in cor meum, & munda me ab omni inquinamento carnis & spíritus. Intra in animam meam, sana & munda me intérius & extérius. Esto tutamen & continua salus animæ & corporis mei. Repelle à me insidiantes mihi hostes: recedant procul à præsentia poténtiæ tuæ, ut foris, & intus per te munitus, recto trámite ad tuum regnum perveniam: ubi non in mysteriis, sicut in hoc tempore agitur, sed facie ad faciem te videbimus, cum tradideris regnum Deo & Patri, & erit Deus omnia in omnibus. Tunc enim me de te satiabis satietate mirifica, ita ut nec esuriam, nec sitiam in æternum. Qui cum eodem Deo Patre, & Spíritu sancto vivis & regnas, per omnia sæcula sæculorum. Amen.

Alia Oratio ante Missam.

Ad mensam dulcissimi convivii tui, pie Dómine JESU Christe, ego peccator de propriis méritis nihil præsumens; sed de tua con-

fidens misericórdia & bonitate, accédere véreor & contremisco. Nam cor & corpus habeo multis criminibus maculatum, mentem & linguam non cautè custoditam. Ego, ò pia Déitas, ò tremenda majestas, ego miser, inter angustias deprehensus, ad te fontem misericórdiæ recúro, ad te festino sanandus, sub tuam protectionem fúgio: & quem júdicem sustinere néqueo, Salvatorem habere suspiro: Tibi Dómine plagas meas ostendo: tibi verecúndiam meam detego. Scio peccata mea multa & magna, pro quibus timeo. Spero in misericórdias tuas, quarum non est número. Respice ergo in me óculis misericórdiæ tuæ, Dómine JESU Christe, Rex æternæ, Deus & homo, crucifixus propter hóminem. Exaudi me sperantem in te: miserere mei pleni miseriis & peccatis, tu qui fontem miserationis numquam manare cessabis. Salve salutáris víctima, pro me & omni humano genere in patibulo Crucis oblata. Salve nobilis & pretiose sanguis, de vulneribus crucifixi Dómini mei JESU Christi prófluens, & peccata totius mundi abluens. Recordare Dómine creaturæ tuæ, quam tuo Sanguine redemisti. Pœnitet me peccasse, cupio emendare quod feci. Aufer ergo à me, clementissime Pater, omnes iniquitates & peccata mea: ut purificatus mente & corpore, dignè degustare merear sancta sanctorum: & concede, ut hæc sancta prælibatio Corporis & Sanguinis tui, quam ego indignus sumere intendo, sit peccatorum meorum remissio, sit delictorum perfectæ purgatio, sit turpium cogitationum effugatio, ac bonorum sensuum regeneratio, operumque tibi placentium salubris efficácia, animæ quoque & corporis, contra inimicorum meorum insidias firmissima tuitio. Amen.

Oratio sancti Thomæ Aquinatis.

OMnipotens, sempiternæ Deus, ecce accedo ad sacramentum Unigeniti Filii tui Dómini nostri JESU Christi: accedo tamquam infirmus ad medicum vitæ, immundus ad fontem misericórdiæ, cæcus ad lumen claritatis æternæ, pauper & egenus ad Dóminum cœli & terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare foeditatem, illuminare cæcitatem, ditare paupertatem, vestire nuditatem: ut panem Angelorum, Regem regum, & Dóminum dominantium, tanta suscipiam reverentia & humilitate, tanta contritione & devotione, tanta puritate & fide, tali proposito & intentione, sicut expedit salutis animæ meæ. Da mihi quæso Domínici corporis & sanguinis non solum suscipere sacramentum, sed etiam rem & virtutem sacramenti.

O mi-

Omitissime Deus, da mihi Corpus Unigeniti Filii tui Domini nostri Jesu Christi, quod traxit de virgine Maria, sic suscipere, ut corpori suo mystico merear incorporari, & inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelata tandem facie perpetuo contemplari: Qui tecum vivit & regnat in unitate Spiritus sancti Deus, per omnia secula seculorum. Amen.

ORATIONES

Post Celebrationem & Communionem dicenda.

Oratio sancti Thomae de Aquino.

Gratias tibi ago, Domine sancte, Pater omnipotens, aeterno Deus, qui me peccatorem, indignum famulum tuum, nullis meis meritis, sed sola dignatione misericordiae tuae satiare dignatus es pretioso Corpore & Sanguine Filii tui Domini nostri JESU Christi. Et precor ut haec sancta Communio non sit mihi reatus ad poenam, sed intercessio salutaris ad veniam: sit mihi amatura fidei, & scutum bonae voluntatis. Sit vitiis meorum evacuatio, concupiscentiae & libidinis exterminatio, charitatis & patientiae, humilitatis & obedientiae, omniumque virtutum augmentatio: contra insidias inimicorum omnium tam visibilibus, quam invisibilibus firma defensio: motuum meorum tam carnalium, quam spiritualium, perfecta quietatio: in te uno ac vero Deo firma adhesio, atque finis mei felix consummatio. Et precor te, ut ad illud ineffabile convivium me peccatorem perducere digneris, ubi tu cum Filio tuo, & Spiritu sancto, Sanctis tuis es lux vera, satietas plena, gaudium sempiternum, jucunditas consummata, & felicitas perfecta. Per eundem Christum Dominum nostrum. Amen.

Alia Oratio sancti Bonaventurae.

Transfige, dulcissime Domine Jesu, medullas & viscera animae meae, suavissimo ac saluberrimo amoris tui vulnere, vera serenaeque & Apostolica sanctissima charitate, ut langueat & liquefiat anima mea, solo semper amore & desiderio tui te concupiscat, & deficiat in atria tua, cupiat dissolvi, & esse tecum. Da, ut anima mea te esuriant, panem Angelorum, refectioem animarum sanctarum, panem nostrum quotidianum, supersubstantialem, ha-

bentem omnem dulcedinem, & saporem, & omne delectamentum suavitatis: te, in quem desiderant Angeli prospicere, semper esuriant & comedat cor meum, & dulcedine saporis tui repleantur viscera animae meae: te semper sitiatur fontem vitae, fontem sapientiae & scientiae, fontem aeterni luminis, torrentem voluptatis, ubertatem domus Dei: te semper ambiat, te quærat, te inveniat, ad te tendat, ad te perveniat, te meditetur, te loquatur, & omnia operetur in laudem & gloriam nominis tui, cum humilitate & discretione, cum dilectione & delectatione, cum facilitate & affectu, cum perseverantia usque in finem: & tu sis solus semper spes mea, tota fiducia mea, divitiarum mearum, delectatio mea, jucunditas mea, gaudium meum, quies & tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio mea, thesaurus meus, in quo fixa, & firma & immobiliter semper sit radicata mens mea, & cor meum. Amen.

Rhythmus sancti Thomae ad sacram Eucharistiam.

Adoro te devotè latens Deditas,
Quæ sub his figuris verè latitas:
Tibi se cor meum totum subijcit,
Quia te contemplan, totum deficit.
Visus, tactus, gustus in te fallitur,
Sed auditu solo tuò creditur.
Credo quidquid dixit Dei Filius,
Nil hoc verbo veritatis verius.
In cruce latebat sola Deditas,
At hinc latet simul & humanitas:
Ambo tamen credens atque confitens,
Peto quod petivit latro poenitens.
Plagas, sicut Thomas, non intueor,
Deum tamen meum te confiteor.
Fac me tibi semper magis credere,
In te spem habere, te diligere.
O memoriale mortis Domini,
Panis vivus, vitam præstans homini:
Præsta meæ menti de te vivere,
Et te illi semper dulce sapere.
Pie pellicane Jesu Domine,
Me immundum munda tuo Sanguine,
Cujus una stilla saluum facere
Totum mundum quit ab omni scelere.
Jesu, quem velatum nunc aspicio,
Oro fiat illud, quod tam sitio,
Ut te revelata cernens facie,
Visu sim beatus tuæ gloriæ. Amen.

AD BEATISSIMUM PATREM BENEDICTUM

Filialis Recommendatio.

Alme Pater BENEDICTE, Monachorum dux, & monarcha: spes, & solatium omnium ad te toto corde clamantium: tuæ sanctissimæ protectioni humiliter me commendo; ut propter excellentiam tuorum meritorum ab omnibus, quæ contraria sunt animæ meæ, defendere me digneris, atque de tua pietate compunctionis abundantiam, & lacrymarum gratiam mihi impetres: ut dignè, copiosèque valeam tanta mala, & offensas plangere, quibus à juventute mea amabilem, & desiderabilem Dominum Jesum Christum provocavi frequentius, teque dignè laudare, & venerari merear. O oliva, o vitis nimium in domo Dei fructifera! O vas auri solidum, omni ornatum lapide pretioso; secundum cor Dei electum, & dulcis-

simum, innumerisque gratiarum charismatibus tamquam coruscantibus gemmis decoratum! te oro, te rogo, tibi toto cordis affectu, ac omnibus animæ desideriis, benignissime Pater, dulcisque Magister, supplico: ut mei miseri peccatoris memor esse digneris apud Deum: ut peccatis meis omnibus benignus indulgeat, meque in bono conservet; nec ab eo umquam discedere aliqua necessitate permittat: sed ad beatorum consortium, visionemque ejus delectabilem post te Pater admittat: ubi tecum, cœtūque cum illo Monachorum máximo tuo vexillo posito gaudere perpetuo possim: ipso Deo, ac Domino nostro Jesu Christo præstante: Qui cum Patre, & Spiritu sancto vivit, & regnat in sæcula sæculorum. Amen.





P R O P R I U M
MISSARUM
DE TEMPORE.

DOMINICA I. ADVENTUS.

Statio ad S. Mariam Majorem.

Ad Missam. Introitus. Psalmus 24.



Ad te levavi animam meam: Deus meus in te confido, non erubescam; neque irideant me inimici mei: etenim universi, qui te expectant, non confundentur.

Psalm. ibid. **V**ias tuas Domine, demonstra mihi: & semitas tuas edoce me.

Gloria Patri, & Filio, & Spiritui sancto: Sicut erat in principio, & nunc, & semper, & in secula seculorum, Amen.

Quo finito repetitur Ad te levavi, usque ad Psalmum.

Hic modus repetendi Introitum servatur per totum annum.

Non dicitur Gloria in excelsis, ab hac Dominica, usque ad Nativitatem Domini, nisi in Festis.

Oremus.

Oratio.

Excita, quaesumus Domine, potentiam tuam, & veni: ut ab imminetibus peccatorum nostrorum periculis, te mereamur protegente eripi, te liberante salvari. Qui vivis, & regnas cum Deo Patre in unitate, &c.

Ab hac die usque ad Vigiliam Nativitatis Domini, post Orationem diei dicitur Oratio. Deus, qui beatae Mariae, & Ecclesiae tuae, vel Deus, omnium, ut infra.

Si autem facienda sit commemoratio alicujus Festi Simplicis occurrentis, post Orationem diei dicitur Oratio de Sancto, & tertia de sancta Maria.

Miss.

De sancta Maria.

Oratio.

Deus, qui de beatae Mariae Virginitatis utero Verbum tuum, Angelo nuntiante, carnem suscipere voluisti: presta supplicibus tuis; ut qui verè eam Genitricem Dei credimus, ejus apud te intercessionibus adjuvemur.

Contra persecutores Ecclesiae. Oratio.

Ecclèsiae tuae, quaesumus Domine, preces placatus admitte: ut, destructis adversitatibus & erroribus universis, secura tibi serviat libertate. Per Dominum.

Vel pro Papa.

Oratio.

Deus omnium fidelium Pastor & Rector, famulum tuum **N.** quem Pastorem Ecclesiae tuae praesle voluisti, propitius respice: da ei, quaesumus, verbo & exemplo, quibus praest, proficere; ut ad vitam, unà cum grege sibi credito, perveniat sempiternam. Per Dominum nostrum.

Intra Hebdomadas Adventus, quando dicitur Missa de Festo Semiduplici, secunda Oratio erit de Adventu, tertia de S. Maria, quae terminatur sic:

Per eundem Dominum nostrum Jesum Christum Filium tuum: Qui tecum vivit, & regnat in unitate Spiritus sancti Deus, per omnia secula seculorum. **R.** Amen.

Si autem dicatur Missa de Festo Duplici, post Orationem Festi dicitur Oratio tantum de Adventu.

De Festis Simplicibus in Adventu occurrentibus fit tantum commemoratio.

Lectio Epistolae beati Pauli Apostoli ad Romanos. **Rom. 13. d.**

Fratres, Scièntes, quia hora est jam nos de somno surgere. Nunc enim

A

pro-

propior est nostra salus, quam cum credidimus. Nox præcessit, dies autem appropinquavit. Abjiciamus ergo opera tenebrarum, & induamur arma lucis. Sicut in die honestè ambulemus: non in comessationibus, & ebrietatibus, non in cubilibus, & impudiciis, non in contentione, & æmulatione: sed induamini Dominum Jesum Christum.

Graduale. Psalm. 24. Univerſi, qui te expectant, non confundentur, Domine. *Ps.* Viastuas, Domine, notas fac mihi, & semitas tuas edoce me. *Alleluja, alleluja.* *Psalmus 84.* Ostende nobis, Domine, misericordiam tuam: & salutare tuum da nobis. *Alleluja.*

In Feriis Adventus, quando per Hebdomadam resumitur Missa de Dominica, non dicitur Alleluja. nec Versus sequens, sed tantum Graduale.



Sequentia sancti Evangelii secundum Lucam. *Lucæ 21. c*

IN illo tempore: Dixit Jesus discipulis suis: Erunt signa in sole, & luna, & stellis, & in terris pressura Gentium præ confusione sonitus maris, & fluctuum: arescentibus hominibus præ timore, & expectatione, quæ supervenient universo orbi: nam virtutes celorum movebuntur: & tunc videbunt Filium hominis venientem in nube cum potestate magna, & maiestate. His autem fieri incipientibus, respicite, & levate capita vestra: quoniam appropinquat redemptio vestra. Et dixit illis similitudinem: Videte ficulneam, & omnes arbores: cum producant jam ex se fructum, scitis quoniam propè est æstas. Ita & vos cum videritis hæc fieri, scitote quoniam propè est regnum Dei. Amen dico vobis, quia non præteribit generatio hæc, donec omnia fiant. Cælum, & terra transibunt, verba autem mea non transibunt. *Et dicitur Credo.*

Offertorium. Psalm. 24. Ad te levavi animam meam: Deus meus in te confido, non erubescam: neque irideant me

inimici mei: etenim universi, qui te expectant, non confundentur. *Secreta.*

HÆc sacra nos, Domine, potenti virtute mundatos, ad suum faciant puriores venire principium. Per Dñm.

De sancta Maria. Secreta.

IN mentibus nostris, quaesumus Domine, veræ fidei sacramenta confirma: ut qui conceptum de Virgine Deum verum & hominem confitemur, per ejus salutiferæ resurrectionis potentiam, ad æternam mereamur pervenire lætitiā.

Si dicitur ultimo loco, terminatur, sic: Per eundem Dominum nostrum.

Contra persecutores Ecclesiæ. Secreta.

Protege nos, Domine, tuis mysteriis serviētes: ut divinis rebus inherētes, & corpore tibi famulemur & mente. Per Dominum nostrum.

Vel pro Papa. Secreta.

Oblatis, quaesumus Domine, placare munēribus: & famulum tuum *N.* quem Pastorem Ecclesiæ tuæ præesse voluisti, assidua protectione guberna. Per Dominum nostrum.

Communio. Psalm. 84. Dominus dabit benignitatem: & terra nostra dabit fructum suum. *Postcommunio.*

Suscipiamus, Domine, misericordiam tuam in medio templi tui: ut reparationis nostræ ventura solēnnia congruis honoribus præcedamus. Per Dominum.

De sancta Maria. Postcommunio.

Gratiam tuam, quaesumus Domine, mentibus nostris infunde: ut qui, Angelo nuntiante, Christi Filii tui incarnationem cognovimus, per passionem ejus & crucem, ad resurrectionis gloriā perducāmur. Per eundem Dominum nostrum. *Si dicatur ultimo loco.*

Contra persecutores Ecclesiæ. Postcomm.

Quaesumus Domine Deus noster: ut quos divina tribuis participatione gaudere, humanis non finas subiacere periculis. Per Dominum.

Vel pro Papa. Postcommunio

HÆc nos, quaesumus Domine, divini sacramenti perceptio protegat: & fa-

& famulum tuum **N.** quem Pastorem Ecclesiae tuae praesse voluisti, una cum commisso sibi grege salvet semper, & muniat. Per Dominum nostrum.

Dicitur Benedicamus Domino.

Et sic servatur, quoties non dicitur Gloria in excelsis.

¶ Infra Hebdomadam si dicenda sit Missa de Feria, resumitur Missa de Dominica praecedenti, nisi propria Missa assignetur.

¶ Cum vero in Adventu, Quadragesima, Quatuor Temporibus, Vigiliis, & Rogationibus dicitur Missa de Festo Duplici, vel Semiduplici occurrente, semper fit commemoratio de Feria. Et pro commem. Feriarum Adventus dicitur Oratio Dominicae praecedentis, nisi sint Quatuor Tempora, in quibus habetur Oratio propria.

DOMINICA SECUNDA
Adventus.

Statio ad S. Crucem in Jerusalem.

Introitus.

Isaiae 30.



Opulus Sion, ecce Dominus veniet ad salvandas gentes: & auditam faciet Dominus gloriam vocis suae in laetitia cordis vestri.

Psalm. 79. Qui regis Israel, intende: qui deducis velut ovem Joseph.

¶ Gloria Patri, & Filio, &c.

Non dicitur Gloria in excelsis. **Oratio.**

Excita, Domine, corda nostra ad preparandas Unigeniti tui vias, ut per ejus adventum purificatis tibi mentibus servire mereamur. Qui tecum vivit, & regnat, &c.

De sancta Maria.

Oratio.

Deus, qui de beatae Mariae Virginis utero Verbum tuum, Angelo nuntiante, carnem suscipere voluisti: praesta supplicibus tuis; ut qui verè eam Genitricem Dei credimus, ejus apud te intercessionibus adjuvemur.

Pro Papa.

Oratio.

Deus omnium fidelium Pastor & Rector, famulum tuum **N.** quem Pastorem Ecclesiae tuae praesse voluisti, propitius respice: da ei, quaesumus, verbo & exemplo, quibus praest, profi-

cere; ut ad vitam, una cum grege sibi credito, perveniat sempiternam. Per Dominum nostrum.

Vel contra persecutores Ecclesiae. Oratio.
Ecclesiae tuae, quaesumus, ut in Dominica praeterita fol. 1.

Lectio Epistolae beati Pauli Apostoli ad Romanos. **Rom. 15.**

Fratres, Quaecumque scripta sunt, ad nostram doctrinam scripta sunt: ut per patientiam, & consolationem Scripturarum, spem habeamus. Deus autem patientiae & solatii, det vobis idipsum sapere in alterutrum secundum Jesum Christum: ut unanimes, uno ore honorificetis Deum, & Patrem Domini nostri Jesu Christi. Propter quod suscipite invicem, sicut & Christus suscepit vos in honorem Dei. Dico enim Christum Jesum ministrum fuisse circumcisionis propter veritatem Dei, ad confirmandas promissiones patrum: Gentes autem super misericordia honorare Deum, sicut scriptum est: Propterea confitebor tibi in Gentibus Domine, & nomini tuo cantabo. Et iterum dicit: Laetamini Gentes cum plebe ejus. Et iterum: Laudate omnes Gentes Dominum: & magnificate eum omnes populi. Et rursus Isaias ait: Erit radix Jesse, & qui exurget regere Gentes, in eum Gentes sperabunt. Deus autem spei repleat vos omni gaudio, & pace in credendo: ut abundetis in spe, & virtute Spiritus sancti.

Graduale. Psalm. 49. Ex Sion species decoris ejus: Deus manifestè veniet.

¶ Congregate illi Sanctos ejus, qui ordinaverunt testamentum ejus super sacrificia. **A**lleluja, alleluja.

¶ Psalmus 121. Laetatus sum in his, quae dicta sunt mihi: in domum Domini ibimus. **A**lleluja.



Sequentia sancti Evangelii secundum Matthaeum. **Matth. 11.**

In illo tempore: Cum audisset Joannes in vinculis opera Christi, mittens

duos de discipulis suis, ait illi: Tu es, qui venturus es, an alium expectamus? Et respondens Jesus, ait illis: Eúntes renuntiáte Joánni quæ audístis, & vidístis. Cæci vident, claudi ámbulant, leprosi mundántur, surdi áudiunt, mórtui resúrgunt, páuperes euangeli-zántur: & beátus est, qui non fúerit scandalizátus in me. Illis autem abeúntibus, coepit Jesus dícere ad turbas de Joáñne: Quid exístis in desértum vidére? arúndinem vento agitátam? Sed quid exístis vidére? hóminem móllibus vestítum? Ecce qui móllibus vestiúntur, in dómibus Regum sunt. Sed quid exístis vidére? Prophétam? Etiam dico vobis, & plus quàm Prophétam. Hic est enim, de quo scriptum est: Ecce ego mitto Angelum meum ante faciém tuam, qui præparábit viam tuam ante te. **Credo.**

Offertorium. Psalmus 84. Deus tu convertens vivificábis nos, & plebs tua lætábitur in te: osténde nobis Dómine misericórdiam tuam, & salutare tuum da nobis.

Secreta.

Placáre, quæsumus Dómine, humilitátis nostræ précibus, & hóstiis; & ubi nulla súppetunt suffrágia meritórum, tuis nobis succúrre præsídiis. Per Dñm.

De sancta Maria. Secreta.

IN méntibus nostris, quæsumus Dómine, veræ fidei sacraménta confirma: ut qui concéptum de Virgine Deum verum & hóminem confitémur, per ejus salutíferæ resurrectionis poténtiam, ad ætérnam mereámur pervenire lætítiam.

Pro Papa. Secreta.

Oblátis, quæsumus Dómine, placáre munéribus: & fámulum tuum **N.** quem Pastórem Ecclesiæ tuæ præesse voluísti, assídua protectióne gubérna. Per Dóminum.

Vel contra persecutores Ecclesiæ, Secreta. Prótege nos, Dómine. ut in Dominica præcedenti. fol. 2.

Communio. Bar. 4. & 5. Jerúsalem, sur-

ge, & sta in excélsis: & vide jucunditatem, quæ véniet tibi à Deo tuo.

Postcommunio.

REpléti cibo spirituális alimóniæ, supplices te Dómine deprecámur: ut hujus participatióne mystérii, dóceas nos terréna despícere, & amáre cæléstia. Per Dóminum.

De sancta Maria. Postcommunio.

GRátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus, per passióem ejus & crucem, ad resurrectionis glóriam perducámur.

Pro Papa. Postcommunio.

HÆc nos, quæsumus Dómine, divini sacraménti percéptio proté-gat: & fámulum tuum **N.** quem Pastórem Ecclesiæ tuæ præesse voluísti, uná cum commisso sibi grege salvet semper & múniat. Per Dóminum.

Vel contra persecutores Ecclesiæ, Postcommunio. Quæsumus Dómine Deus noster. fol. 2.

DOMINICA TERTIA

Adventus.

Statio ad sanctum Petrum.

Introitus. Philipp. 4.



Audéte in Dómino semper: iterum dico, gaudéte. Modéstia vestra nota sit ómnibus homínibus: Dóminus enim propè est. Nihil sol-

citi sitis: sed in omni oratióne petitiónes vestræ innotéscant apud Deum.

Psalm. 84. Benedixísti Dómine terram tuam: avertísti captivitatem Jacob.

V. Glória Patri, & Fílio, &c.

Non dicitur Glória in excélsis. Oratio.

AUrem tuam, quæsumus Dómine, précibus nostris accómmoda: & mentis nostræ ténebras grátia tuæ visitatiónis illústra. Qui vivis & regnas.

De sancta Maria. Oratio.

DEus, qui de beatæ Mariæ Virginis útero Verbum tuum, Angelo nun-tián-

tiante, carnem suscipere voluisti: præsta supplicibus tuis; ut qui verè eam Genitricem Dei credimus, ejus apud te intercessionibus adjuvemur.

Contra persecutores Ecclesiæ. Oratio.

Ecclésiæ tuæ, quæsumus Dómine, preces placatus admitte: ut, destrúctis adversitatibus & erroribus univérſis, secúra tibi sérviat libertáte. Per Dñm.

Vel pro Papa, Oratio. Deus ómnium fidélium. **ut in secunda Dominica.** fol. 3.

Lectio Epístolæ beáti Pauli Apóstoli ad Philippénſes. **Philipp. 4.**

Fratres, Gaudete in Dómino semper: iterum dico, gaudete. Modestia vestra nota sit ómnibus hominibus: Dóminus propè est. Nihil solliciti sitis, sed in omni oratione, & obsecratione, cum gratiarum actione petitiones vestræ innotescant apud Deum. Et pax Dei, quæ exsuperat omnem sensum, custodiat corda vestra, & intelligentias vestras, in Christo Jesu Dómino nostro.

Graduale. Psalmus 79. Qui sedes, Dómine, super Chérubim, excita potentiam tuam, & veni.

Qui regis Israel, inténde: qui dedúcis velut ovem Joseph. Allelúja, allelúja.

Excita, Dómine, potentiam tuam, & veni, ut salvos fácias nos. Allelúja.

Sequentia sancti Euangélíi secundum Joánnem. Joann. 1. c.

In illo témpore: Misérunt Judæi ab Jerosólymis sacerdotes & Levítas ad Joánnem, ut interrogárent eum: Tu quis es? Et conféssus est, & non negávit: & conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox clamántis in deserto: Dirígite viam Dómini, sicut dixit Isaias Prophéta. Et qui missi fúerant, erant

Miss.

ex Pharisæis. Et interrogavérunt eum, & dixerunt ei: Quid ergo baptizas, si tu non es Christus, neque Elías, neque Prophéta? Respóndit eis Joánnes, dicens: Ego baptizo in aqua: médius autem vestrum stetit, quem vos nescitis. Ipse est, qui post me ventúrus est, qui ante me factus est: cujus ego non sum dignus ut solvam ejus corrigiam calceaménti. Hæc in Bethánia facta sunt trans Jordánem, ubi erat Joánnes baptizans. **Credo.**

Offertorium. Psalm. 84. Benedixísti, Dómine, terram tuam: avertísti captivitatem Jacob: remisísti iniquitatem plebis tuæ. **Secreta.**

Devotionis nostræ tibi, quæsumus Dómine, hóstia júgiter immolétur: quæ & sacri péragat institúta mystérii, & salutáre tuum in nobis mirabiliter operétur. Per Dóminum.

De sancta Maria. Secreta.

In méntibus nostris, quæsumus Dñe, veræ fidei sacraménta confirma: ut qui concéptum de Vírgine Deum verum & hominem confitémur, per ejus salutíferæ resurrectionis potentiam, ad ætérnam mereámur pervenire lætítiam.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, & corpore tibi famulémur & mente. Per Dóminum nostrum.

Vel pro Papa, Secreta. Oblátis, quæsumus Dómine. **ut supra.** fol. 4.

Communio. Isaia 35. Dícite pusillánimis: Confortámini, & nolíte timere: ecce Deus noster véniet, & salvábit nos. **Postcommunio.**

Implorámus, Dómine, cleméntiam tuam: ut hæc divína subsidia à vítiis expiátos ad festa ventúra nos præparent. Per Dóminum nostrum.

De sancta Maria. Postcommunio.

Gratiam tuam, quæsumus Dómine, méntibus nostris infúnde: ut qui, Angelo nuntiánte, Christi Filii tui incarnationem cognóvimus, per passio-

A 3 nem

nem ejus & crucem, ad resurrectionis glóriam perducámur.

Contra persecutores Ecclesiae.

Postcommunio.

Quæsumus Dómine Deus noster: ut quos divína tribuis participatióne gaudere, humanis non finas subjacere periculis. Per Dóminum.

Vel pro Papa. Postcommunio. Hæc nos.. ut in secunda Dominica. fol. 4.

F E R I A Q U A R T A

Quatuor Temporum Adventus.

Statio ad sanctam Mariam Majorem.

Introitus.

Isaia 45.



Oráte cæli. desuper, & nubes pluant justum: aperiatur terra, & germinet Salvatorem. *Psalm. 118.* Cæli enarrant glóriam Dei: & ópera mánuum ejus annúnciat firmaméntum.

Glória Patri, & Filio, &c.

Post Kyrie eléison. immediatè dicitur Orémus. Flectámus gènu.

Leváte.

Oratio.

Præsta, quæsumus, omnipotens Deus: ut redemptionis nostræ ventúra solémnitas, & præsentis nobis vitæ subsidia cónferat, & æternæ beatitudinis præmia largiatur. Per Dóminum.

Léctio Isaiaæ Prophætæ. Isaia 2.

In diébus illis: Dixit Isaías Prophéta: Erit in novíssimis diébus præparátus mons domus Dómini in vértice móntium, & elevábitur super colles, & fluent ad eum omnes Gentes. Et ibunt pópuli multi, & dicent: Veníte & ascendámus ad montem Dómini, & ad domum Dei Jacob, & docébit nos vias suas, & ambulábimus in sémitis ejus: quia de Sion exíbit lex, & verbum Dómini de Jerúsalem. Et judicábit Gentes, & árguet pópulos multos: & conflábunt gládios suos in vómeres, & lanceas suas in falces: non levábit gens contra gentem gládium, nec exercebúntur ultrà ad prælium. Domus

Jacob veníte, & ambulémus in lúmine Dómini Dei nostri.

Graduale. Psalm. 23. Tóllite portas príncipes vestras, & elevámini portæ æternáles: & introíbit Rex glóriæ.

Ps. Quis ascéndet in montem Dómini, aut quis stabit in loco sancto ejus? Innocens mánibus, & mundo corde.

Hic dicitur. Dóminus vobíscum, sine Flectámus gènu.

Oratio.

Festína, quæsumus Dómine, ne tardáveris: & auxiliúm nobis supérnæ virtútis impénde; ut adventus tui cónsolatióibus sublevéntur qui in tua pietáte confidunt. Qui vivis, & regnas.

De sancta Maria.

Oratio.

Deus, qui de beátæ Mariæ Virgínis útero Verbum tuum, Angelo nuntiánte, carnem suscípere voluísti: præsta supplicibus tuis; ut qui verè eam Genitricem Dei crédimus, ejus apud te intercessiόνibus adjuvémur.

Pro Papa.

Oratio.

Deus ómnium fidélium Pastor & Rector, sámulum tuum *N.* quem Pastórem Ecclesiæ tuæ præesse voluísti, propítius respice: da ei, quæsumus, verbo & exémplo, quibus præest, proficere, ut ad vitam, unà cum grege sibi crédito, pervéniat sempitérnám. Per Dóminum.

Vel contra persecutores Ecclesiæ. Oratio. Ecclesiæ tuæ, quæsumus. ut in Dominica præterita. fol. 5.

Léctio Isaiaæ Prophætæ. Isaia 7. b.

In diébus illis: Locútus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, & non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis & Deo meo? Propter hoc dabit Dóminus ipse vobis signum: Ecce virgo concípíet, & páriet filium, & vocábitur nomen ejus Emmánuel. Butyrum & mel cómedet, ut sciat reprobare malum, & eligere bonum.

Gra.

Graduale. Psalm. 144. Propè est Dóminus ómnibus invocántibus eum, ómnibus, qui invocant eum in veritate.

V. Laudem Dómini loquétur os meum, & benedícat omnis caro nomen sanctum ejus.



Sequéntia sancti Euangélíi secúndum Lucam. Lucæ i. c

IN illo témpore: Missus est Angelus Gábriel à Deo in civitátem Galilææ, cui nomen Názareth, ad Virginem desponsátam viro, cui nomen erat Ioseph, de domo David, & nomen Virgínis, María. Et ingressus Angelus ad eam, dixit: Ave grátia plena: Dóminus tecum: Benedícta tu in mulieribus. Quæ cum audíffet, turbáta est in sermóne ejus, & cogitábat qualis esset ista salutatio. Et ait Angelus ei: Ne timeas María, invenísti enim grátam apud Deum: ecce concípies in útero, & páries filium, & vocábis nomen ejus Iesum. Hic erit magnus, & Fílius Altíssimi vocábitur, & dabit illi Dóminus Deus sedem David patris ejus: & regnabit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideóque & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit Fílium in senectúte sua: & hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secúndum verbum tuum.

Offertorium. Isaia 35. Confortámini, & jam nolíte timére: ecce enim Deus noster retríbuet iudícium: ipse véniet, & salvos nos faciet.

Secreta.

Accépta tibi sint, quæsumus Dómine, nostra jejúnia: quæ & ex-

piándo nos tua grátia dignos efficiant, & ad sempitérna promíssa perdúcant. Per Dóminum nostrum.

De sancta Maria.

Secreta.

IN méntibus nostris, quæsumus Dómine, veræ fidei sacraménta confirma: ut qui concéptum de Virgine Deum verum & hóminem confitémur, per ejus salutíferæ resurrectiónis poténtiam, ad ætérnam mereámur pervenire lætítiam.

Pro Papa.

Secreta.

Oblátis, quæsumus Dómine, placare munéribus: & fámulum tuum **N.** quem Pastórem Ecclesiæ tuæ præesse voluísti, assídua protectióne gubérna. Per Dóminum.

Vel contra persecutores Ecclesiæ. Secreta. Prótege nos, Dómine. **ut in Dominica præterita. fol. 5.**

Communio. Isaia 7. Ecce Virgo concípíet, & páriet filium: & vocábitur nomen ejus Emmánuel.

Postcommunio.

Salutáris tui Dómine múnere satiáti, súpplices deprecámur: ut cujus lætámur gustu, renovémur effectú. Per Dóminum nostrum.

De sancta Maria. Postcommunio.

Grátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus, per passiónem ejus & crucem, ad resurrectiónis glóriam perducámur.

Pro Papa.

Postcommunio.

Hæc nos, quæsumus Dómine, divíni sacraménti percéptio prótegat: & fámulum tuum **N.** quem Pastórem Ecclesiæ tuæ præesse voluísti, uná cum commíssio sibi grege salvet semper & múníat. Per Dóminum nostrum.

Vel contra persecutores Ecclesiæ. Postcommunio. Quæsumus Dómine Deus noster. **ut in Dominica tertia. fol. 6.**

F E R I A S E X T A

Quatuor Temporum Adventus.

Statio ad sanctos duodecim Apostolos.

Introitus.

Psalm. 118.



Ropè es tu, Dómine, & omnes viæ tuæ veritas: initio cognóvi de testimóniis tuis, quia in ætérnum tu es. **Psalm. ibid.** Beáti immaculáti in via: qui ámbulant in lege Dómini.

v. Glória Patri, & Fílio, &c. **Oratio.**

EXcita, quæsumus Dómine, poténtiam tuam, & veni: ut hi, qui in tua pietáte confidunt, ab omni citius adversitaté liberéntur. Qui vivis, & regnas.

De sancta Maria.

Oratio.

Deus, qui de beátæ Mariæ Virgínis útero Verbum tuum, Angelo nuntiánte, carnem suscépere voluisti: præsta supplicibus tuis; ut qui verè eam Genitricem Dei crédimus, ejus apud te intercessiónibus adjuvémur.

Contra persecutores Ecclesiæ. **Oratio.**

Ecclésiæ tuæ, quæsumus Dómine, preces placátus admítte: ut, destrúctis adversitatibus & erróribus univérstis, secúra tibi sérviat libertáte. Per Dñm.

Vel pro Papa, **Oratio.** Deus ómnium. ut in Feria quarta præcedenti. fol. 6.

Lectio Isaiæ Prophætæ.

Isaiæ 11.

Hæc dicit Dóminus Deus: Egre-diétur virga de radíce Jesse, & flos de radíce ejus ascéndet. Et requiescet super eum spíritus Dómini: spíritus sapiéntiæ, & intelléctus, spíritus consilii, & fortitudinis, spíritus sciéntiæ, & pietátis, & replébit eum spíritus timóris Dómini. Non secúndum visiónem oculórum judicábit, neque secúndum auditum áurium arguet: sed judicábit in justítia páuperes, & arguet in æquitáte pro mansuétis terræ: & percútiet terram virga oris sui, & spírítu labiórum suórum interficiet impium. Et erit justítia cingulum lumbórum ejus: & fides cinctórium renum ejus.

Graduale. Psalmus 84. Osténde no-

bis, Dómine, misericórdiam tuam, & salutáre tuum da nobis.

v. Benedixísti, Dómine, terram tuam, avertísti captivitátem Jacob.

Sequéntia sancti Euangélii secúndum Lucam. **Lucæ 1. d**

IN illo témpore: Exúrgens María abiit in montána cum festinátione, in civitátem Juda: Et intrávit in domum Zachariæ, & salutávit Elísabeth. Et factum est, ut audívit salutátionem Mariæ Elísabeth, exultávit infans in útero ejus: & repléta est Spírítu sancto Elísabeth, & exclamávit voce magna, & dixit: Benedícta tu inter mulieres, & benedíctus fructus ventris tui. Et unde hoc mihi ut véniat Mater Dómini mei ad me? Ecce enim ut facta est vox salutátionis tuæ in áuribus meis, exultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi á Dómino. Et ait María: Magnificat ánima mea Dóminum: & exultávit spíritus meus in Deo salutári meo.

Offertorium. Psalm. 84. Deus tu convértens vivificábis nos, & plebs tua lætábitur in te: osténde nobis, Dómine, misericórdiam tuam, & salutáre tuum da nobis.

Secreta.

Munéribus nostris, quæsumus Dómine, precibúisque suscéptis: & cæléstibus nos munda mystériis, & cleménter exáudi. Per Dóminum.

De sancta Maria.

Secreta.

IN méntibus nostris, quæsumus Dñe, veræ fidei sacraménta confirma: ut qui concéptum de Virgíne Deum verum & hóminem confitémur, per ejus salutíferæ resurrectiónis poténtiam, ad ætérnam mereámur pervenire lætítiam.

Contra persecutores Ecclesiæ. **Secreta.**

Prótege nos, Dómine, tuis mystériis serviéntes: ut divínis rebus inhæréntes, & corpore tibi famulémur & mente. Per Dóminum nostrum.

Vel pro Papa, **Secreta.** Oblátis, quæsumus.

sumus. *ut in Feria quarta preced. fol. 7.*

Communio. Zach. 14. Ecce Dominus veniet, & omnes sancti ejus cum eo: & erit in die illa lux magna.

Postcommunio.

Tui nos, Domine, sacramenti libatio sancta restauret: & a vetustate purgatos, in mysteriorum salutis faciat transire consortium. Per Dñm.

De sancta Maria. Postcommunio.

Gratiam tuam, quaesumus Domine, mentibus nostris infunde: ut qui, Angelo nuntiante, Christi Filii tui incarnationem cognovimus, per passionem ejus & crucem, ad resurrectionis gloriam perducamur.

Contra persecutores Ecclesiae.

Postcommunio.

Quaesumus Domine Deus noster: ut quos divina tribuis participatione gaudere, humanis non sinas subiacere periculis. Per Dominum nostrum Jesum Christum Filium tuum: Qui tecum vivit, & regnat &c.

Vel pro Papa, Postcommunio. Haec nos, quaesumus. *ut in Fer. quarta. fol. 7.*

S A B B A T O

Quatuor Temporum Adventus.

Statio ad sanctum Petrum.

Introitus.

Psalm. 79.

Veni, & ostende nobis faciem tuam, Domine, qui sedes super Cherubim: & salvi erimus.

Psalmus ibidem.

Qui regis Israel intende: qui deducis velut ovem Joseph. *Ps.* Gloria Patri.

Post Kyrie eleison. dicitur Oremus. Flectamus genua. *R.* Levate. **Oratio.**

Deus, qui conspicias, quia ex nostra pravitate affligimur: concede propitius; ut ex tua visitatione consolamur. Qui vivis, & regnas cum Deo Patre.

Lectio Isaiae Prophetæ. Isaiae 19. d

In diebus illis: Clamabunt ad Dominum a facie tribulantis, & mittet eis salvatorem, & propugnatorem, qui

liberet eos. Et cognoscetur Dominus ab Aegypto, & cognoscent Aegyptii Dominum in die illa, & colent eum in hostiis, & in muneribus: & vota vovébunt Domino, & solvent. Et percutiet Dominus Aegyptum plaga, & sanabit eam: & revertentur ad Dominum, & placabitur eis, & sanabit eos Dominus Deus noster.

Graduale. Psalmus 18. A summo caelo egressio ejus: & occursus ejus usque ad summum ejus.

Ps. Caeli enarrant gloriam Dei, & opera manuum ejus annuntiat firmamentum.

Oremus. Flectamus genua.

R. Levate.

Oratio.

Concede quaesumus omnipotens Deus: ut qui sub peccati jugo, ex vetusta servitute deprimimur, expectata unigeniti Filii tui nova natiuitate liberemur. Qui tecum vivit.

Lectio Isaiae Prophetæ.

Isaiae 35.

Haec dicit Dominus: Lætabitur deserta & inuia, & exultabit solitudo, & florebit quasi lilium. Germinans germinabit, & exultabit lætabunda & laudans: gloria Libani data est ei: decor Carmeli, & Saron, ipsi videbunt gloriam Domini, & decorem Dei nostri. Confortate manus dissolutas, & genua debilia roborate. Dicite pusillanimis: Confortamini, & nolite timere: ecce Deus vester ultionem adducet retributionis: Deus ipse veniet, & salvabit vos. Tunc aperiuntur oculi cæcorum, & aures surdorum patébunt. Tunc saliet sicut cervus claudus, & aperta erit lingua mutorum: quia scissæ sunt in deserto aquæ, & torrentes in solitudine. Et quæ erat arida, erit in stagnum, & sitiens in fontes aquarum. Ait Dominus omnipotens.

Graduale. Psalmus 18. In sole posuit tabernaculum suum, & ipse tamquam sponsus procedens de thalamo suo.

Ps. A summo caelo egressio ejus: & occursus ejus usque ad summum ejus.

Oremus. Flectamus genua. *R.* Levate.

Oratio.

Oratio.

Indignos nos, quæsumus Dómine, fámulos tuos, quos actiõnis propriæ culpa contristat, unigéniti Filii tui advéntu lætifica. Qui tecum vivit, &c.

Lectio Isaiaæ Prophætæ. **Isaia 40. b**

Hæc dicit Dóminus: Super montem excelsum ascende tu, qui euangelizas Sion: exalta in fortitudine vocem tuam, qui euangelizas Jerúsalem: exalta, noli timere. Dic civitatibus Juda: Ecce Deus vester: ecce Dóminus Deus in fortitudine veniet, & bráchium ejus dominabitur: ecce merces ejus cum eo, & opus illius coram illo. Sicut pastor gregem suum pascet: in bráchio suo congregabit agnos, & in sinu suo levabit eos Dóminus Deus noster.

Graduale. **Psalmus 79. D**ómine Deus virtutum, converte nos: & ostende faciæ tuas, & salvi érimus.

¶ Excita Dómine poténtiam tuam, & veni: ut salvos facias nos.

Orémus. Flectámus gènuas.

R. Leváte.

Oratio.

Præsta, quæsumus omnipotens Deus: ut Filii tui ventúra solémnitas, & præsentis nobis vitæ remédia cónferat, & præmia ætérna concédatur. Per eúndem Dóminum nostrum.

Lectio Isaiaæ Prophætæ. **Isaia 45.**

Hæc dicit Dóminus Christo meo Cyro, cujus apprehéndi dexteram, ut subjiciam ante faciæ ejus Gentes, & dorsa regum vertam, & apériam coram eo jánuas, & portæ non claudéntur. Ego ante te ibo: & gloriófos terræ humiliábo: portas æreas cónteram, & vectes ferreos confringam. Et dabo tibi thesauros absconditos, & arcána secretórum: ut scias quia ego Dóminus, qui voco nomen tuum, Deus Israel. Propter servum meum Jacob, & Israel electum meum, & vocávi te nómine tuo, assimilávi te, & non cognovisti me. Ego Dóminus, & non est amplius: extra me non est Deus: accinxi te, & non cognovisti me: Ut

sciant hi, qui ab ortu solis, & qui ab occidente, quóniam absque me non est: Ego Dóminus, & non est alter, formans lucem, & creans tenebras, faciens pacem, & creans malum: ego Dóminus faciens omnia hæc. Rorate cæli desuper, & nubes pluant justum: aperiátur terra, & germinet Salvatorem: & justitia oriátur simul: ego Dóminus creávi eum.

Graduale. **Psalmus 79. E**xalta Dómine poténtiam tuam, & veni, ut salvos facias nos. ¶ Qui regis Israel, inténde: qui dedúcis velut ovem Joseph: qui sedes super Chérubim, appare coram Ephraim, Bénjamin, & Manásse.

Orémus. Flectámus gènuas.

R. Leváte.

Oratio.

Preces pópuli tui, quæsumus Dómine, cleménte exáudi: ut qui justè pro peccátis nostris affligimur, pietátis tuæ visitatióne consolémur. Qui vivis, & regnas, &c.

Lectio Daniélis Prophætæ. **Dan. 3. c**

In diébus illis: Angelus Dómini descendit cum Azaría, & sóciis ejus in fornacem: & excússit flammam ignis de fornace, & fecit médium fornacis quasi ventum roris flantem. Flamma autem effundebátur super fornacem cubitis quadraginta novem: & erúpit, & incéndit quos réperit juxta fornacem de Chaldæis ministros regis, qui eam incendebant. Et non tétigit eos omnino ignis, neque contristávit, nec quidquam molestiæ intulit. Tunc hi tres quasi ex uno ore laudábant & glorificábant, & benedicébant Deum in fornace, dicentes.

Hic non respondetur Deo grátias.

Hymnus.

Dan. ibid.

Benedictus es Dómine Deus patrum nostrórum. Et laudábilis & gloriósus in sæcula.

Et benedictum nomen glóriæ tuæ, quod est sanctum. Et laudábile & gloriósum in sæcula.

Benedictus es in templo sancto glóriæ tuæ. Et laudábilis & gloriósus in sæcula.

Bene-

Benedictus es super thronum sanctum regni tui. Et laudabilis & gloriosus in sæcula.

Benedictus es super sceptrum divinitatis tuæ. Et laudabilis & gloriosus in sæcula.

Benedictus es qui sedes super Chérubim, intuens abyssos. Et laudabilis & gloriosus in sæcula.

Benedictus es qui ambulas super pennas ventorum, & super undas maris. Et laudabilis & gloriosus in sæcula.

Benedicant te omnes Angeli & Sancti tui. Et laudent te, & glorificent in sæcula.

Benedicant te cæli, terra, mare, & omnia quæ in eis sunt. Et laudent te, & glorificent in sæcula.

Gloria Patri, & Filio, & Spiritui sancto. Et laudabili & glorioso in sæcula.

Sicut erat in principio, & nunc, & semper, & in sæcula sæculorum, Amen. Et laudabili & glorioso in sæcula.

Benedictus es Domine Deus patrum nostrorum. Et laudabilis & gloriosus in sæcula.

Hic dicitur Dominus vobiscum. **Oratio.** Flectamus genua.

Deus, qui tribus pueris mitigasti flammam ignium: concede propitius; ut nos famulos tuos non exurat flamma vitiorum. Per Dominum.

De sancta Maria. Oratio.

Deus, qui de beatæ Mariæ Virginis útero Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam Genitricem Dei credimus, ejus apud te intercessionibus adjuvemur.

Pro Papa. Oratio.

Deus omnium fideliū Pastor & Rector, famulum tuum **N.** quem Pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere, ut ad vitam, unà cum grege sibi credito, perveniat sempiternam. Per Dominum nostrum.

Vel contra persecutores Ecclesiæ. Oratio. Ecclesiæ tuæ, quæsumus. **ut in Feria sexta præcedenti.** fol. 8.

Lectio Epistolæ beati Pauli Apostoli ad Thessalonicenses. **2. Theff. 2.**

Fratres, Rogamus vos per adventum Domini nostri Jesu Christi, & nostræ congregationis in ipsum: ut non citò moveamini à vestro sensu, neque terreamini, neque per spiritum, neque per sermonem, neque per Epistolam, tamquam per nos missam, quasi instet dies Domini. Ne quis vos seducat ullo modo: quoniam nisi venerit discéssio primū, & revelatus fuerit homo peccati, filius perditionis, qui adversatur, & extollitur supra omne quod dicitur Deus, aut quod colitur, ita ut in templo Dei sedeat ostendens se tamquam sit Deus. Non retinetis quod cum adhuc essem apud vos, hæc dicebam vobis? Et nunc quid detineat scitis, ut reveletur in suo tempore. Nam mysterium jam operatur iniquitatis: tantum ut qui tenet nunc, teneat, donec de medio fiat. Et tunc revelabitur ille iniquus, quem Dominus Jesus interficiet spiritu oris sui, & destruet illustratione adventus sui.

Tractus. Psal. 79. Qui regis Israel, intende: qui deducis velut ovem Joseph. **V.** Qui sedes super Chérubim, appare coram Ephraim, Benjamin, & Manasse. **V.** Excita Domine potentiam tuam, & veni, ut salvos facias nos.

Evangelium. Anno quintodécimo. **ut in Missa sequentis Dominicæ.** fol. 13.

Offertorium. Zach. 9. Exulta satis filia Sion, prædica filia Jerusalem: Ecce Rex tuus venit tibi sanctus, & salvator. **Secreta.**

Sacrificiis præsentibus, quæsumus Domine, placatus intende: ut & devotioni nostræ proficiant, & saluti. Per Dominum nostrum.

De sancta Maria. Secreta.

In mentibus nostris, quæsumus Domine, veræ fidei sacramenta confirma: ut qui cōceptum de Virgine Deum verum & hō.

& hominem confitemur, per ejus salutiferæ resurrectionis potentiam, ad æternam mereamur pervenire lætitiā.

Pro Papa.

Secreta.

Oblatis, quæsumus Dómine, placare munéribus: & famulum tuum **N.** quem Pastórem Ecclesiæ tuæ præesse voluisti, assidua protectione guberna. Per Dóminum.

*Vel contra persecutores Ecclesiæ. Secreta. P*rotege nos, Dómine. *ut in Feria sexta præcedenti. fol. 8.*

Communio. Psalm. 118. Exultavit ut gigas ad curréndam viam: à summo cælo egressio ejus, & occursus ejus usque ad summum ejus. *Postcommunio.*

Quæsumus Dómine Deus noster: ut sacrosancta mystéria, quæ pro reparationis nostræ munimine contulisti, & præsens nobis remédium esse facias, & futurum. Per Dóminum.

De sancta Maria. Postcommunio.

Gratiam tuam, quæsumus Dómine, mentibus nostris infunde: ut qui, Angelo nuntiante, Christi Filii tui incarnationem cognovimus, per passionem ejus & crucem, ad resurrectionis glóriam perducāmur. *Pro Papa. Postcomm.*

Hæc nos, quæsumus Dómine, divini sacraménti percéptio protégat: & famulum tuum **N.** quem Pastórem Ecclesiæ tuæ præesse voluisti, unā cum commissio sibi grege salvet semper, & muniat. Per Dóminum nostrum.

Vel contra persecutores Ecclesiæ. Postcommunio. Quæsumus Dómine. ut in Feria sexta præcedenti. fol. 9.

DOMINICA QUARTA Adventus.

Statio ad sanctos duodecim Apostolos.

Introitus.

Isaia 45.



Orate cæli desuper, & nubes pluant justum: aperiatur terra, & germinet Salvatorem. *Psalm. 118.* Cæli enarrant glóriam Dei: & opera manuum ejus annúntiat firmiter. *Glória Patri, &c.*

Oratio.

Excita, quæsumus Dómine, potentiam tuam, & veni: & magna nobis virtute succurre; ut per auxilium gratiæ tuæ, quod nostra peccata præpediunt, indulgéntia tuæ propitiatiōnis accéleret. Qui vivis, & regnas.

De sancta Maria.

Oratio.

Deus, qui de beatæ Mariæ Virginitis útero Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam Genitricem Dei credimus, ejus apud te intercessiōibus adjuvémur.

Contra persecutores Ecclesiæ.

Oratio.

Ecclésiæ tuæ, quæsumus Dómine, preces placatus admitte: ut, destructis adversitatibus & erroribus universis, secúra tibi serviāt libertate. Per Dóminum nostrum.

Vel pro Papa, Oratio. Deus omnium. ut in Sabbato præcedenti. fol. 11.

Lectio Epistolæ beati Pauli Apostoli ad Corinthios. 1. Cor. 4.

Fratres: Sic nos existimet homo, ut ministros Christi, & dispensatores mysteriorum Dei. Hic jam quæritur inter dispensatores, ut fidelis quis inveniat. Mihi autem pro mínimo est ut à vobis iudicer, aut ab humano die: sed neque meipsum iudico. Nihil enim mihi conscius sum: sed non in hoc justificatus sum: qui autem iudicat me, Dóminus est. Itaque nolite ante tempus iudicare, quoadúsque veniat Dóminus: qui & illuminabit abscondita tenebrarum, & manifestabit consilia cordium: & tunc laus erit unicuique à Deo.

Graduale. Psalm. 144. Prope est Dóminus omnibus invocantibus eum, omnibus, qui invocant eum in veritate.

Psalm. 144. Laudem Dómini loquétur os meum: & benedicat omnis caro nomen sanctum ejus.

Allelúja, allelúja.

Veni, Dómine, & noli tardare: reláxa facinora plebis tuæ Israel. Allelúja.

Se-



Sequentia sancti Euangelii secundum Lucam. **Lucæ 3.**

ANno quintodécimo Imperii Tiberii Cæsaris, procurante Pontio Pilato Judæam, tetrarcha autem Galilææ Heróde, Philippo autem fratre ejus tetrarcha Iturææ, & Trachonítidis regiónis, & Lysánia Abilínæ tetrarcha, sub princípibus sacerdotum Anna & Cáipha: factum est verbum Dómini super Joánnem, Zachariæ filium, in deserto. Et venit in omnem regiónem Jordánis, prædicans baptísmum poenitentiæ in remissionem peccatorum, sicut scriptum est in libro sermonum Isaïæ Prophætæ: Vox clamantis in deserto: Parate viam Dómini: rectas facite semitas ejus: omnis vallis implebitur: & omnis mons, & collis humiliabitur: & erunt prava in directa, & áspera in vias planas: & videbit omnis caro salutare Dei. **Credo.**

Offertorium. Lucæ 1. Ave María, grátia plena: Dóminus tecum: Benedícta tu in mulieribus, & benedíctus fructus ventris tui. **Secreta.**

Sacrificiis præsentibus, quæsumus Dómine, placatus inténde, ut & devotióni nostræ proficiant, & salúti. Per Dóminum nostrum.

De sancta Maria. Secreta.

IN méntibus nostris, quæsumus Dñe, veræ fidei sacramenta confirma: ut qui cōcéptum de Virgine Deum verum, & hóminem confitemur, per ejus salutíferæ resurrectionis poténtiam, ad æternam mereámur pervenire lætítiam.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, & corpore tibi famulémur & mente. Per Dóminum.

Vel pro Papa, Secreta. Obláti, quæsumus. **ut in Sabbato præcedenti.** fol. 12.

Communio. Isaïæ 7. Ecce Virgo concipiet, & páriet filium: & vocábitur nomen ejus Emmánuel.

Postcommunio.

Sumptis munéribus, quæsumus Dómine, ut cum frequentatióne mystérii, crescat nostræ salutis effectus. Per Dóminum nostrum.

De sancta Maria. Postcommunio.

Grátiam tuam, quæsumus Dómine, méntibus nostris infúnde: ut qui, Angelo nuntiánte, Christi Fílii tui incarnationem cognóvimus, per passióem ejus & crucem, ad resurrectionis glóriam perducámur.

Contra persecutores Ecclesiæ. Postcommunio.

Quæsumus Dómine Deus noster: ut quos divína tribuis participatióne gaudere, humanis non finas subiacere perículis. Per Dóminum.

Vel pro Papa, Postcommunio. Hæc nos, quæsumus Dómine. **ut in Sabbato præcedenti.** fol. 12.

¶ Si Vigilia Nativitatis Domini venerit in Dominica, totum Officium Missæ fit de Vigilia cum commemoratióne Dominicæ, sed non legitur ejus Euangelium in fine.

IN VIGILIA NATIVITATIS Domini.

Statio ad S. Mariam Majorem.

Introitus. Exodi 16. d



Odie sciétis, quia véniet Dóminus, & salvábit nos, & manè videbitis glóriam ejus. **Psalm. 23.** Dómini est terra, & plenitúdo ejus; orbis terrárum, & univérsti qui hábitant in eo.

V. Glória Patri, &c. Oratio.

Deus, qui nos redemptionis nostræ ánnua expectatióne lætíficas: præsta; ut Unigénitum tuum, quem redemptionem læti suscipimus, veniéntem quoque júdicem secúri videámus. Dóminum nostrum Jesum Christum Fílium tuum. Qui tecum vivit, &c.

Et dicitur hæc Oratio tantum, nisi Vigilia venerit in Dominica.

Le.

Lectio Epistolæ beati Pauli Apostoli
ad Romanos. *Rom. 1.*

Paulus servus Jesu Christi, vocatus
Apostolus, segregatus in Euangé-
lium Dei, quod antè promiserat per
Prophétas suos in Scriptúris sanctis de
Fílio suo, qui factus est ei ex sémine
David secundum carnem, qui præde-
stinatus est Fílius Dei in virtúte se-
cundum spiritum sanctificatiónis ex re-
surrectiône mortuórum Jesu Christi
Dómini nostri: per quem accepimus
grátiam, & Apostolatúm ad obedién-
dum fidei in ómnibus Géntibus pro nó-
mine ejus, in quibus estis & vos vocá-
ti Jesu Christi Dómini nostri.

Graduale. Exodi 16. Hódie sciétis,
quia véniet Dóminus, & salvábit nos:
& manè vidébitis glóriam ejus.

Psalm. 79. Qui regis Israel, inténde:
qui dedúcis, velut ovem, Joseph: qui
sedes super Chérubim, appare coram
Ephraim, Bénjamin, & Manásse.

Non dicitur Allelúja. cum sequenti
Versu, nisi hæc Vigilia venerit in Do-
minica. Allelúja, allelúja.

Crástina die delébitur iniquitas ter-
ræ: & regnabit super nos Salvátor
mundi. Allelúja.



Sequéntia sancti Euangélii secún-
dum Matthæum. *Matth. 1. c*

Cum esset desponsáta Mater Je-
su María Joseph, ántequam
convenirent, inventa est in úte-
ro habens de Spíritu sancto. Joseph au-
tem vir ejus cum esset justus, & nollet
eam tradúcere, voluit occúltè dimítte-

re eam. Hæc autem eo cogitánte,
ecce Angelus Dómini apparuit in so-
mnis ei, dicens: Joseph fili David,
noli timére accípere Mariám conju-
gem tuam: quod enim in ea natum
est, de Spíritu Sancto est. Páriet au-
tem filium, & vocábis nomen ejus Je-
sum: ipse enim salvum fáciét póp-
ulum suum à peccátis eórum.

Offertorium. Psalmus 22. Tóllite
portas príncipes vestras, & elevámi-
ni portæ æternáles: & introibit Rex
glóriæ.

Secreta.

DA nobis, quæsumus omnípo-
tens Deus: ut, sicut adoránda
Fílii tui natalítia prævenimus, sic ejus
múnera capiamus sempiterna gaudén-
tes. Qui tecum vivit & regnat, &c.

Communio. Isaia 40. R evelábitur
glória Dómini: & vidébit omnis caro
salutáre Dei nostri.

Postcommunio.

DA nobis, quæsumus Dómine,
unigéniti Fílii tui recensíta nativi-
táte respiráre: cujus cælésti mystério
páscimur, & potámur. Per eúndem
Dóminum nostrum Jesum Christum
Fílium tuum. Qui tecum vivit, & re-
gnat in unitáte Spíritus sancti Deus,
per ómnia sæcula sæculórum.

Amen.

Sacerdos, quoniam in die Natalis
Domini celebrat tres Missas, in prima
& secunda Missa non sumat purificatio-
nem; sed in tertia Missa tantum: & in
prima & secunda abluat digitos in ali-
quo vase mundo.

IN NATIVITATE DOMINI.

AD PRIMAM MISSAM in Nocte.

Statio ad S. Mariam Majorem ad Praesepe.

Introitus. Psalmus 2.



Ominus dixit ad me:
Filius meus es tu,
ego hodie genui te.

Psalmus ibid. Quare
fremuerunt Gentes,
& populi meditati
sunt inania?

Glória Patri, & Filio, & Spiritui
sancto.

Oratio.

Deus, qui hanc sacratissimam no-
ctem veri luminis fecisti illustra-
tione clarificare: da, quaesumus; ut
cujus lucis mysteria in terra cognovi-
mus, ejus quoque gaudiis in caelo per-
fruamur. Qui tecum vivit, &c.

Lectio Epistolae beati Pauli Apostoli
ad Titum.

Tit. 2. c.

Charissime, Apparuit grátia Dei
Salvatoris nostri omnibus homini-
bus, erudiens nos, ut abnegantes im-
pietatem & saecularia desideria, sobrie,
& iuste, & pie vivamus in hoc saecu-
lo, expectantes beatam spem, & ad-
ventum glóriæ magni Dei, & Salva-
toris nostri Jesu Christi: qui dedit se-
metipsum pro nobis, ut nos redimeret
ab omni iniquitate, & mundaret sibi po-
pulum acceptabilem, sectatorem bono-
rum operum. Hæc loquere, & exhor-
tare in Christo Jesu Domino nostro.

Graduale. Psalm 109. Tecum principium
in die virtutis tuæ in splendoribus San-
ctorum: ex utero ante luciferum genui
te. Dixit Dominus Domino meo:
Sede à dextris meis: donec ponam ini-
micos tuos, scabellum pedum tuorum.

Allelúja, allelúja. Psalm. 2. Dómi-
nus dixit ad me: Filius meus es tu,
ego hodie genui te. Allelúja.



Sequéntia sancti Evangelii se-
cundum Lucam. Lucæ 2.

In illo tempore: Exiit edictum à
Cæsare Augusto, ut describeretur
universus orbis. Hæc descriptio pri-
ma facta est à præside Syriæ Cyríno; &
ibant omnes ut profiterentur singuli in
suam civitatem. Ascendit autem & Jo-
seph à Galilæa de civitate Náza-
reth in Judæam in civitatem David, quæ voca-
tur Bèthlehem: eò quod esset de domo,
& familia David, ut profiteretur cum Ma-
ria desponsata sibi uxore prægnante.
Factum est autem, cum essent ibi, im-
pleti sunt dies ut pareret. Et peperit fi-
lium suum primogenitum, & pannis eum
involvit, & reclinauit eum in præsepio:
quia non erat eis locus in diversorio. Et
pastores erant in regione eadem vigilan-
tes, & custodièntes vigiliis noctis super
gregem suum. Et ecce Angelus Domini
stetit juxta illos, & claritas Dei circum-
fulsit illos, & timuerunt timore magno.
Et dixit illis Angelus: Nolite timere:
ecce enim euangelizo vobis gaudium
magnum, quod erit omni populo: quia
natus est vobis hodie Salvator, qui est
Christus Dominus, in civitate David.
Et hoc vobis signum: Invenietis infan-
tem pannis involutum, & positum in
præsepio. Et subito facta est cum An-
gelo multitudo militiæ cælestis, lau-
dantium Deum, & dicentium: Gló-
ria in altissimis Deo, & in terra pax ho-
minibus bonæ voluntatis. Credo.

Offertorium. Psalm. Latentur cæli,
& exul-

& exultet terra ante faciem Domini :
quoniam venit.

Secreta.

Accēpta tibi sit, Domine, quāsumus hodiernae festivitatis oblatio : ut tua grātia largiente, per hanc sacrosancta commercia, in illius inveniāmur forma, in quo tecum est nostra substantia. Qui tecum vivit, &c.

Præfatio de Nativit. Quia per incarnati. Et dicitur quotidie usque ad Epiphaniā, præterquam in die Octava S. Joannis.

Infra actionem. Communicantes, & noctera sacratissimam celebrantes. Et dicitur quotidie usque ad Octavam Nativitatis, clausivē, sed in hac Missa tantum dicitur noctem, deinceps verò diem.

Communio. Psalm. 109. In splendōribus sanctorum, ex utero ante luciferum genui. Postcommunio.

DA nobis, quāsumus Domine, Deus noster : ut qui nativitatem Domini nostri Jesu Christi mystēriis nos frequentare gaudemus ; dignis conversationibus ad ejus mereāmur pervenire consortium. Qui tecum vivit.

Debet Sacerdos etiam ante sequentes Missas confessionem dicere, & in fine cujuslibet populo benedicere, & Evangelium sancti Joannis. In principio erat Verbum. legere, ut infra. fol. 18.

Post tertiam verò Missam, loco prædicti Evangelii dicitur Evangelium. Cum natus esset Jesus in Bethlehē. quod positum est in fine tertiæ Missæ, & habetur etiam in die Epiphaniæ.

AD SECUNDAM MISSAM

in Aurora.

Statio ad sanctam Anastasiam.

Introitus.

Isaia 9.



Ux fulgebit hodie super nos : quia natus est nobis Dominus : & vocabitur Admirabilis, Deus, Princeps pacis, Pater futuri sæculi : cujus regni non erit finis.

Psalmus 92. Dominus regnavit, decorem indutus est : indutus est Dominus fortitudinem, & præcinxit se.

Glória Patri, & Filio, &c.

Oratio.

DA nobis, quāsumus omnipotens Deus : ut qui nova incarnati Verbi tui luce perfunduntur ; hoc in nostro resplendeat opere, quod per fidem fulget in mente. Per eundem Dominum.

Pro commem. S. Anastasiæ. Oratio.

DA, quāsumus omnipotens Deus : ut qui beatæ Anastasiæ martyris tuæ solēnnia colimus, ejus apud te patrocinia sentiāmus. Per Dominum.

Lectio Epistolæ beati Pauli Apostoli ad Titum. Tit. 3. b.

Charissime, Apparuit benignitas, & humanitas Salvatoris nostri Dei : non ex operibus justitiæ, quæ fecimus nos, sed secundum suam misericordiam salvos nos fecit per lavacrum regenerationis, & renovatiōis Spiritus sancti, quem effudit in nos abunde per Jesum Christum Salvatorem nostrum : ut justificati grātia ipsius, hæredes simus secundum spem vitæ æternæ, in Christo Jesu Domino nostro.

Graduale. Psalm. 117. Benedictus qui venit in nomine Domini : Deus Dominus, & illuxit nobis.

Antiphona. A Domino factum est istud : & est mirabile in oculis nostris. Alleluya, allel.

Psalm. 92. Dominus regnavit, decorem induit : induit Dominus fortitudinem, & præcinxit se virtute. Alleluya.



Sequentia sancti Evangelii secundum Lucam. Lucæ 2. b.

IN illo tempore : Pastores loquebantur ad invicem : Transeamus usque Bethlehē, & videamus hoc verbum, quod factum est, quod Dominus ostendit nobis. Et venerunt festinantes ; & invenerunt Mariam, & Joseph, & Infātem positum in præsepio. Videntes autem cognoverunt de verbo, quod dictum erat illis de pūero hoc. Et omnes, qui audierunt, mirati sunt : & de his, quæ dicta erant à pastorebus ad ipsos. Maria autem conservabat omnia verba hæc, conferens in corde suo.

fuo. Et reversi sunt pastores glorificantes, & laudantes Deum in omnibus, quæ audierant, & viderant, sicut dictum est ad illos. **Credo.**

Offertorium. Psalm. 92. Deus firmavit orbem terræ, qui non commovebitur: parata sedes tua, Deus ex tunc, à sæculo tu es. **Secreta.**

Munera nostra, quæsumus Domine, Nativitatis hodiernæ mysteriis apta provéniant, & pacem nobis semper infundant: ut sicut homo genitus idem refúlit & Deus, sic nobis hæc terræna substantia cónferat quod divinum est. Per eundem Dominum.

Pro sancta Anastasia. Secreta.

Accepe, quæsumus Domine, munera dignanter oblata: & beatæ Anastasiæ martyris tuæ suffragantibus meritis, ad nostræ salutis auxilium provenire concede. Per Dominum.

Præfatio, & Communicantes. ut supra in prima Missa.

Cōmunio. Zach. 9. Exulta filia Sion, lauda filia Jerúsalem: ecce Rex tuus venit sanctus, & salvator mundi. **Postcomm.**

Hujus nos, Domine, sacramenti semper novitas natalis instauret: cujus nativitas singularis humanam repulit vetustatem. Per eundem Dñm.

Pro sancta Anastasia. Postcommunio.

Satiasti, Domine, familiam tuam munéribus sacris: ejus, quæsumus, interventióne nos réfove, cujus solémnia celebrámus. Per Dominum.

AD TERTIAM MISSAM in die Nativitatis Domini.

Statio ad S. Mariam Majorem.

Introitus. Isaia 9.



Uer natus est nobis, & filius datus est nobis, cujus impérium super humerum ejus: & vocabitur nomen ejus, Magni consilii Angelus.

Psalmus 97. Cantáte Dómino canticum novum: quia mirabilia fecit.

✠. Glória Patri, &c.

Miss.

Oratio.

Concede quæsumus omnipotens Deus: ut nos Unigéniti tui nova per carnem nativitas liberet, quos sub peccati jugo vetústa servitus tenet. Per eundem Dominum.

Lectio Epistolæ beati Pauli Apóstoli ad Hebræos. Hebr. 1.

Multifariam, multisque modis olim Deus loquens patribus in Prophétis: novissimè diébus istis locutus est nobis in Filio, quem constituit hæredem universorum, per quem fecit & sæcula: qui, cum sit splendor glóriæ, & figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram majestatis in excelsis, tantò melior Angelis effectus, quantò differentius præ illis nomen hæreditavit. Cui enim dixit aliquando Angelorum: Filius meus es tu, ego hódie genui te? Et rursum: Ego ero illi in patrem, & ipse erit mihi in filium? Et cum iterum introducit primogénitum in orbem terræ, dicit: Et adórent eum omnes Angeli Dei. Et ad Angelos quidem dicit: Qui facit Angelos suos spíritus, & ministros suos flammam ignis. Ad Filium autem: Thronus tuus Deus, in sæculum sæculi: virga æquitatis, virga regni tui. Dilexisti justitiam, & odisti iniquitatem: propterea unxit te Deus, Deus tuus oleo exultationis præ participibus tuis. Et: Tu in principio Domine terram fundasti: & ópera manuum tuarum sunt cæli. Ipsi peribunt, tu autem permanebis, & omnes ut vestimentum veterascant: & velut amictum mutabis eos, & mutabuntur: tu autem idem ipse es, & anni tui non deficient.

Graduale. Psalmus 97. Vidérunt omnes fines terræ salutare Dei nostri: jubilate Deo omnis terra. ✠. Notum fecit Dominus salutare suum: ante conspectum Géntium revelavit justitiam suam. Allelúja, allelúja.

B

✠. Dies

V. Dies sanctificatus illuxit nobis : venite Gentes , & adoráte Dóminum : quia hódie descendit lux magna super terram . Allelúja .

✠ **I**nítium sancti Euangélíi secundum Joánnem . **Joann. 1.**

IN principio erat Verbum , & Verbum erat apud Deum , & Deus erat Verbum . Hoc erat in principio apud Deum . Omnia per ipsum facta sunt : & sine ipso factum est nihil , quod factum est , in ipso vita erat , & vita erat lux hóminum : & lux in ténebris lucet , & ténebræ eam non comprehendérunt . Fuit homo missus à Deo , cui nomen erat Joánnes . Hic venit in testimónium , ut testimónium perhiberet de lúmine , ut omnes crederent per illum . Non erat ille lux , sed ut testimónium perhiberet de lúmine . Erat lux vera , quæ illúminat omnem hóminem veniéntem in hunc mundum . In mundo erat , & mundus per ipsum factus est , & mundus eum non cognóvit . In própria venit , & sui eum non recepérunt . Quotquot autem recepérunt eum , dedit eis potestátem filios Dei fieri , his , qui credunt in nómine ejus : qui non ex sanguínibus , neque ex voluntáte carnis , neque ex voluntáte viri , sed ex Deo nati sunt . (**Hic genuflectitur .**) Et Verbum caro factum est , & habitávit in nobis , & vidimus glóriam ejus , glóriam quasi unigéniti à Patre , plenum grátiae & veritátis . **C**redo .

Offertorium . Psalmus 88. **T**ui sunt cæli , & tua est terra : orbem terrarum , & plenitudinem ejus tu fundásti : justítia , & judícium præparátio sedis tuæ .

Secreta

O Bláta , Dómine , múnera , nova Unigéniti tui nativité sanctífica : nosque à peccatórum nostrórum máculis emúnda . Per eúndem Dóminum .

Præfatio , & Communicantes , ut suprà in prima Missa .

Communio . Psalmus 97. **V**iderunt omnes fines terræ salutare Dei nostri .

Postcommunio.

PRæsta quæsumus omnipotens Deus : ut natus hódie Salvátor mundi , sicut divínæ nobis generatiónis est auctor , ita & immortalitátis sit ipse largitor . Qui tecum vivit , & regnat .

✠ **S**equéntia sancti Euangélíi secundum Matthæum . **Matth. 2.**

CUm natus esset Jesus in Bétlehem Juda in diébus Heródis regis , ecce Magi ab Oriénte venérunt Jerosólymam , dicéntes : Ubi est qui natus est Rex Judæórum ? vidimus enim stellam ejus in Oriénte , & venimus adoráre eum . Audiens autem Heródes rex , turbátus est , & omnis Jerosólyma cum illo . Et cóngregans omnes príncipes sacerdotum , & Scribas pópuli , sciscitabátur ab eis ubi Christus nascerétur . At illi dixerunt ei : In Bétlehem Judæ : Sic enim scriptum est per Prophétam : Et tu Bétlehem terra Juda , nequáquam mínima es in princípibus Juda : ex te enim éxiet dux , qui regat pópulum meum Israel . Tunc Heródes , clam vocátis Magis , diligénter didicit ab eis tempus stellæ , quæ apparuit eis , & mittens illos in Bétlehem , dixit : Ite , & interrogáte diligénter de púero : & cùm invenéritis , renuntiáte mihi , ut & ego veniens adórem eum . Qui cùm audíssent regem , abiérunt . Et ecce stella , quam viderant in Oriénte , antecedebat eos , usque dum veniens staret suprà , ubi erat puer . Vidéntes autem stellam , gavísi sunt gáudio magno valde . Et intrántes domum invenérunt púerum cum María matre ejus , (**Hic genuflectitur ,**) & procidéntes adoravérunt eum . Et apértis thesáuris suis , obtulérunt ei múnera , aurum , thus , & myrrham . Et respónso accépto in somnis ne redírent ad Heródem , per áliam viam revérsi sunt in regiónem suam .

IN

IN FESTO S. STEPHANI

Protomartyris.

Statio ad S. Stephanum in Calio monte.

Introitus. Psalm. 118.



Edérunt principes, & adversum me loquebantur: & iniqui persecuti sunt me: adjuva me, Domine Deus meus, quia servus tuus exercebatur in tuis justificationibus. Psalm. ibidem. Beati immaculati in via: qui ambulant in lege Domini.

Glória Patri, &c. Oratio.

DA nobis, quæsumus Domine, dimitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum. Qui tecum vivit, & regnat, &c.

Et fit commemor. de Nativitate. Oratio.

Concede quæsumus omnipotens Deus: ut nos Unigeniti tui nova per carnem nativitas liberet, quos sub peccati jugo vetusta servitus tenet. Per eundem Dominum nostrum.

Lectio Actuum Apostolorum. Act. 6. c.

IN diebus illis: Stephanus plenus gratia, & fortitudine faciebat prodigia, & signa magna in populo. Surrexerunt autem quidam de synagoga, quæ appellatur Libertinorum, & Cyrenensium, & Alexandrinorum, & eorum qui erant à Cilicia, & Asia, disputantes cum Stephano: & non poterant resistere sapientiæ, & Spiritui, qui loquebatur. Audiētes autem hæc, dissecabantur cordibus suis, & stridebant dentibus in eum. Cum autem esset Stephanus plenus Spiritu sancto, intendens in cælum, vidit gloriam Dei, & Jesum stantem à dextris Dei. Et ait: Ecce video cælos apertos, & Filium hominis stantem à dextris Dei. Exclamantes autem voce magna continuērunt aures suas, & impetum fecerunt unanimiter in eum. Et ejicientes eum extra civitatem, lapidabant: & testes deposue-

runt vestimenta sua secus pedes adolescentis, qui vocabatur Saulus. Et lapidabant Stephanum invocantem, & dicentem: Domine Jesu suscipe spiritum meum. Positis autem genibus, clamavit voce magna, dicens: Domine, ne statuas illis hoc peccatum. Et cum hoc dixisset, obdormivit in Domino.

Graduale. Psalmus 118. Sedérunt principes, & adversum me loquebantur: & iniqui persecuti sunt me.

Adjuva me, Domine Deus meus: saluum me fac propter misericordiam tuam. Allelúja, allelúja.

Act. 7. Video cælos apertos, & Jesum stantem à dextris virtutis Dei. Allelúja.



Sequētia sancti Evangelii secundum Matthæum. Matth. 23.

IN illo tempore: Dicebat Jesus Scribis, & Phariseis: Ecce ego mitto ad vos Prophetas, & Sapientes, & Scribas, & ex illis occidētis, & crucifigētis, & ex eis flagellābitis in synagogis vestris, & persequēmini de civitate in civitatem: ut veniat super vos omnis sanguis justus, qui effusus est super terram, à sanguine Abel justī usque ad sanguinem Zachariæ, filii Barachiz, quem occidistis inter templum & altare. Amen dico vobis, venient hæc omnia super generationem istam. Jerúsalem, Jerúsalem, quæ occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & nolūisti? Ecce relinquetur vobis domus vestra deserta. Dico enim vobis, non me videbitis amodò, donec dicatis: Benedictus, qui venit in nomine Domini. Credo.

Offertorium. Actor. 6. & 7. Elegérunt Apostoli Stephanum Levitam, plenum fide, & Spiritu sancto: quem lapidaverunt Judæi orantem, & dicentem: Domine Jesu accipe spiritum meum, allelúja.

In festo S. Stephani Protomartyris.

Secreta.

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos. Per Dominum nostrum.

De Nativitate.

Secreta.

Oblata, Domine, munera, nova Unigeniti tui nativitate sanctifica: nosque a peccatorum nostrorum maculis emunda. Per eundem Dominum nostrum.

Communio. Act. 7. Video caelos apertos, & Jesum stantem a dextris virtutis Dei: Domine Jesu accipe spiritum meum, & ne statuas illis hoc peccatum.

Postcommunio.

Auxilientur nobis, Domine, sumpta mysteria: & intercedente beato Stephano martyre tuo, sempiterna protectione confirmet. Per Dominum nostrum.

De Nativitate.

Postcommunio.

Praesta quaesumus omnipotens Deus: ut natus hodie Salvator mundi, sicut divinae nobis generationis est auctor, ita & immortalitatis sit ipse largitor. Qui tecum vivit, & regnat.

IN FESTO S. JOANNIS

Apostoli, & Evangelistae.

Statio ad S. Mariam Majorem.

Introitus.

Eccli. 15.



In medio Ecclesiae aperuit os ejus, & implevit eum Dominus spiritu sapientiae, & intellectus: stolam gloriae induit eum.

Psalmus 91. Bonum est confiteri Domino: & psallere nomini tuo, Altissime.

Gloria Patri, &c.

Oratio.

Eccliam tuam, Domine, benignus illustra: ut beati Joannis Apostoli tui & Evangelistae illuminata doctrinis, ad dona perveniat sempiterna. Per Dñm.

De Nativitate.

Oratio.

Concede quaesumus omnipotens Deus: ut nos Unigeniti tui nova per

carnem nativitas liberet, quos sub peccati jugo vetusta servitus tenet.

De S. Stephano.

Oratio.

DA nobis, quaesumus Domine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum: Qui tecum vivit, & regnat, &c.

Lectio libri Sapientiae.

Eccli. 15.

Qui timet Deum, faciet bona, & qui continens est justitiae, apprehendet illam, & obviabit illi quasi mater honorificata. Cibabit illum pane vitae, & intellectus, & aqua sapientiae salutaris potabit illum: & firmabitur in illo, & non flectetur: & continebit illum, & non confundetur: & exaltabit illum apud proximos suos, & in medio Ecclesiae aperiet os ejus, & adimplebit illum spiritu sapientiae & intellectus, & stola gloriae vestiet illum. Jucunditatem & exultationem thesaurizabit super illum, & nomine aeterno haereditabit illum, Dominus Deus noster.

Graduale. Joann. 21. Exit sermo inter fratres, quod discipulus ille non moritur: & non dixit Jesus, Non moritur.

¶ Sed, sic eum volo manere, donec veniam: tu me sequere. **A**lleluja, alleluja.

¶ Hic est discipulus ille, qui testimonium perhibet de his: & scimus quia verum est testimonium ejus. Alleluja.



Sequentia sancti Evangelii secundum Joannem. **Joan. 21. d**

In illo tempore: Dixit Jesus Petro: Sequere me. Conversus Petrus vidit illum discipulum, quem diligebat Jesus, sequentem, qui & recubuit in caena super pectus ejus, & dixit: Domine, quis est qui tradet te? Hunc ergo cum vidisset Petrus, dixit Jesu: Domine, hic autem quid? Dicit ei Jesus: Sic eum volo manere donec veniam, quid ad te? tu me sequere. Exiit ergo sermo iste inter fratres, quia discipulus ille non moritur.

Et

^{##}
IN FESTO.

S. Stephani Proto-Martyris Commem.
O. S. Mart.

Oratio.


Deus, qui nos concedis Omnium Sanctorum
Martyrum Tuorum Natalitia colere: Da nobis
in aeterna Beatitudine de eorum Societate gau-
dere. Per Dñm Nñm etc.

Secreta.

Alimenta tibi Domine Nostrae devotionis offe-
rimus, quae et pro unctorum tibi grata sint
honore iustorum et nobis salutaria Te miseran-
te reddantur. Per Dñm Nñm etc.

Post Communio.

Presta nobis quesumus Domine intercedens
tibi Omnibus Sanctis Martyribus Tuis
ut quod Ore contingimus, pura mente capia-
mus. Per Dñm Nñm etc.



Et non dixit ei Jesus: Non moritur; sed: Sic eum volo manere donec veniam, quid ad te? Hic est discipulus ille, qui testimonium perhibet de his, & scripsit hæc: & scimus, quia verum est testimonium ejus. **Credo.**

Offertorium. Psal. 91. Justus ut palma florebit: sicut cedrus, quæ in Libano est, multiplicabitur. **Secreta.**

Suscipe, Domine, munera, quæ in ejus tibi solemnitate deferimus, cujus nos confidimus patrocinio liberari. Per Dominum nostrum.

De Nativitate. Secreta.

Oblata, Domine, munera, nova Unigeniti tui nativitate sanctifica: nosque à peccatorum nostrorum maculis emunda.

De S. Stephano. Secreta.

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos. Per Dominum nostrum.

Præfatio, & Communicantes, de Nativitate.

Communio. Joann. 21. Exiit sermo inter fratres, quod discipulus ille non moritur: & non dixit Jesus, Non moritur; sed: Sic eum volo manere donec veniam. **Postcommunio.**

Refecti cibo potuque cælesti, Deus noster, te supplices deprecamur: ut in cujus hæc commemoratione percipimus, ejus muniamur & precibus. Per Dominum nostrum.

De Nativitate. Postcommunio.

Præsta quæsumus omnipotens Deus: ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor.

De S. Stephano. Postcommunio.

Auxilientur nobis, Domine, sumpta mysteria: & intercedente beato Stephano martyre tuo, sempiterna protectione confirmet. Per Dominum nostrum.

Miss.

IN FESTO SS. INNOCENTIIUM.

Statio ad sanctum Paulum.

Introitus.

Psal. 8.



X ore infantium, Deus, & lactentium, perfecisti laudem propter inimicos tuos.

Psal. ibid. Domine Dominus noster, quam admirabile est nomen tuum in universa terra! **Glória Patri, &c.**

Non dicitur Glória in excelsis, nec Alleluja, nec Ite Missa est, nisi hoc Festum venerit in Dominica: sed in Octava semper dicuntur. Oratio.

Deus, cujus hodierna die præconium Innocentes martyres non loquendo, sed moriendo confessi sunt: omnia in nobis vitiorum mala mortifica; ut fidem tuam, quam lingua nostra loquitur, etiam moribus vita fateatur. Per Dñm.

De Nativitate.

Oratio.

Concede quæsumus omnipotens Deus: ut nos Unigeniti tui nova per carnem nativitas liberet, quos sub peccati jugo vetusta servitus tenet.

De S. Stephano.

Oratio.

Da nobis, quæsumus Domine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum.

De S. Joanne.

Oratio.

Ecclësiam tuam, Domine, benignus illustra: ut beati Joannis Apostoli tui & Evangelistæ illuminata doctrinis ad dona perveniat sempiterna. Per Dñm.

Lectio libri Apocalypsis beati Joannis Apostoli. **Apoc. 14.**

In diebus illis: Vidi supra montem Sion Agnum stantem, & cum eo centum quadraginta quatuor millia habentes nomen ejus, & nomen Patris ejus scriptum in frontibus suis. Et audivi vocem de cælo, tamquam vocem aquarum multarum, & tamquam vocem tonitruum magni: & vocem, quam audivi, sicut citharcedorum citharizantium in citharis.

B 3

tharis

tharis suis. Et cantabant quasi canticum novum ante sedem, & ante quatuor animalia, & seniores: & nemo poterat dicere canticum, nisi illa centum quadraginta quatuor millia, qui empti sunt de terra. Hi sunt, qui cum mulieribus non sunt coinquinati: Virgines enim sunt. Hi sequuntur Agnum quocumque ierit. Hi empti sunt ex hominibus primitiae Deo, & Agno, & in ore eorum non est inventum mendacium: sine macula enim sunt ante thronum Dei.

Graduale. Psalmus 123. Anima nostra, sicut passer, erepta est de laqueo venantium.

✠. Laqueus contritus est, & nos liberati sumus: adiutorium nostrum in nomine Domini, qui fecit caelum & terram.

Tractus. Psalm. 78. Effuderunt sanguinem Sanctorum, velut aquam, in circuitu Jerusalem.

✠. Et non erat qui sepeliret.

✠. Vindica Domine sanguinem Sanctorum tuorum, qui effusus est super terram.

Si vero fuerit Dominica, tunc omisso Tractu, ejus loco dicitur Alleluja, alleluja.

✠. **Psalmus 112.** Laudate pueri Dominum, laudate nomen Domini. Alleluja.

✠. **Sequentia sancti Evangelii secundum Matthaeum. Matth. 2. b**

IN illo tempore: Angelus Domini apparuit in somnis Ioseph, dicens: Surge, & accipe puerum, & matrem ejus, & fuge in Aegyptum, & esto ibi usque dum dicam tibi. Futurum est enim ut Herodes quærat puerum ad perdendum eum. Qui consurgens accepit puerum, & matrem ejus nocte, & secessit in Aegyptum, & erat ibi usque ad obitum Herodis: ut adimpleretur quod dictum est à Domino per Prophetam dicentem: Ex Aegypto vocavi Filium meum. Tunc Herodes videns quoniam illusus esset à Magis, iratus est valde, & mittens occidit omnes pueros, qui erant in Bethlehém, &

in omnibus finibus ejus, à bimatu & infra, secundum tempus, quod exquisierat à Magis. Tunc adimpletum est quod dictum est per Jeremiam Prophetam dicentem: Vox in Rama audita est, ploratus & ululatus multus: Rachel plorans filios suos, & noluit consolari, quia non sunt. **Credo.**

Offertorium. Psalmus 123. Anima nostra, sicut passer erepta est de laqueo venantium: laqueus contritus est, & nos liberati sumus. **Secreta.**

Sanctorum tuorum, Domine, nobis pia non desit oratio: quæ & munera nostra conciliet, & tuam nobis indulgentiam semper obtineat. Per Dñm.

De Nativitate.

Secreta.

Oblata, Domine, munera, nova Unigeniti tui nativitate sanctifica: nosque à peccatorum nostrorum maculis emunda.

De S. Stephano.

Secreta.

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne.

Secreta.

Suscipe, Domine, munera, quæ in ejus tibi solemnitate deferimus, cujus nos confidimus patrocínio liberari. Per Dominum.

Communio. Matth. 2. Vox in Rama audita est, ploratus & ululatus: Rachel plorans filios suos, & noluit consolari, quia non sunt. **Postcommunio.**

Votiva, Domine, dona percipimus: quæ Sanctorum nobis precibus, & præsents quæsumus vitæ, pariter & æternæ tribue conferre subsidium. Per Dominum.

De Nativitate.

Postcommunio.

Præsta quæsumus omnipotens Deus: ut natus hodie Salvator mundi, sicut divinæ nobis generationis est auctor; ita & immortalitatis sit ipse largitor.

De S. Stephano.

Postcommunio.

Auxilientur nobis, Domine, sumpta mysteria: & intercedente bea-

beato Stéphano mártire tuo, sempiterna protectiōe confirment.

De S. Joanne. Postcommunio.

Refecti cibo potūque cælesti, Deus noster, te supplices deprecámur: ut in cuius hæc commemoratiōe percépimus, ejus muniámur & precibus. Per Dóminum nostrum.

¶ Si festum S. Thomæ venerit in Dominica, transfertur in sequentem diem.

IN FESTO S. THOMÆ Episcopi, & martyris. Introitus.



Audeámus omnes in Dómino, diem festum celebrantes sub honore beati Thomæ mártiris: de cuius passiōe gaudent Angeli, & collaudant Fílium Dei.

Psalmus 32. Exultáte iusti in Dómino: rectos decet collaudatio.

¶ Glória Patri, &c. Oratio.

Deus, pro cuius Ecclesiá gloriósus Póntifex Thomas gládiis impiórum occúbuit: præsta quæsumus; ut omnes, qui ejus implórant auxílium, petitiōnis suæ salutárem consequántur effectum. Per Dóminum.

De Nativitate. Oratio.

Concede quæsumus omnipotens Deus: ut nos Unigéniti tui nova per carnem natívitatis liberet, quos sub peccáti iugo vetústa sérvitus tenet.

De S. Stephano. Oratio.

Da nobis, quæsumus Dómine, imitari quod cólimus, ut discámus & inimícos diligere: quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum.

De S. Joanne. Oratio.

Ecclésiám tuam, Dómine, benígnus illústra: ut beati Joánnis Apóstoli tui & Euangelistæ illumináta doctrínis, ad dona pervéniant sempiterna.

De SS. Innocentibus. Oratio.

Deus, cuius hodiérna die præcónium Innocéntes mártires non loquendo, sed moriendo conféssi sunt:

Miss.

omnia in nobis vitiórum mala mortífica, ut fidem tuam, quam lingua nostra loquitur, étiam móribus vita fateatur. Per Dóminum.

Lectio Epístolæ beati Pauli Apóstoli ad Hebræos. Hebr. 5.

Fratres: Omnis Póntifex ex homínibus asúptus, pro homínibus constitúitur in iis quæ sunt ad Deum, ut offerat dona, & sacrificia pro peccátis: qui condolere possit iis, qui ignorant, & errant: quóniam & ipse circumdatus est infirmitate: & propterea debet, quemádmódum pro populo, ita étiam & pro semetípso offerre pro peccátis. Nec quisquam sumit sibi honórem, sed qui vocátur à Deo, tamquam Aaron. Sic & Christus non semetípsum clarificávit, ut Póntifex fieret: sed qui locútus est ad eum: Fílius meus es tu, ego hódie genui te. Quemádmódum & in alio loco dicit: Tu es sacerdos in ætérnum, secundum ordinem Melchisedech.

Graduale. Eccli. 44. Ecce sacerdos magnus, qui in diébus suis placuit Deo.

¶ Non est inventus similis illi, qui conserváret legem Excelsi. Allelúja, allelúja.

¶ Joann. 10. Ego sum Pastor bonus, & cognosco oves meas, & cognoscunt me meæ. Allelúja.

✠ Sequéntia sancti Euangélíi secundum Joánnem. Joann. 10. c

In illo témpore: Dixit Jesus Pharisæis: Ego sum Pastor bonus. Bonus Pastor ánimam suam dat pro ovibus suis. Mercenárius autem, & qui non est Pastor, cuius non sunt oves propriæ, videt lupum veniéntem, & dimíttit oves, & fugit: & lupus rapit, & dispérgit oves: mercenárius autem fugit, quia mercenárius est, & non pertinet ad eum de ovibus. Ego sum Pastor bonus: & cognosco meas, & cognoscunt me meæ. Sicut novit me Pater, & ego agnosco Patrem: & ánimam meam

meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor. **Credo.**

Offertorium. Psalm. 20. Posuisti, Domine, in capite ejus coronam de lapide pretioso: vitam petiit à te, & tribuisti ei, allelúja. **Secreta.**

MUnera tibi, Domine, dicata sanctifica: & intercedente beato Thoma martyre tuo atque Pontifice, per eadem nos placatus intende. Per Dominum.

De Nativitate. Secreta.

Oblata, Domine, múnera, nova Unigeniti tui nativitate sanctifica: nosque à peccatorum nostrorum maculis emunda.

De S. Stephano. Secreta.

Suscipe, Domine, múnera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

Suscipe, Domine, múnera, quæ in ejus tibi solemnitate deferimus, cujus nos confidimus patrocinio liberari.

De SS. Innocentibus. Secreta.

Sanctorum tuorum, Domine, nobis spira non desit oratio: quæ & múnera nostra conciliet, & tuam nobis indulgentiam semper obtineat. Per Dñm.

Communio. Joann. 10. Ego sum Pastor bonus, & cognosco oves meas: & cognoscunt me meæ. **Postcommunio.**

Hæc nos commúnio, Domine, purget à crimine: & intercedente beato Thoma martyre tuo atque Pontifice, cælestis remédii faciat esse consortes. Per Dominum.

De Nativitate. Postcommunio.

Præsta quæsumus omnipotens Deus: ut natus hodie Salvator mundi, sicut divinx nobis generationis est auctor; ita & immortalitatis sit ipse largitor.

De S. Stephano. Postcommunio.

Auxiliéntur nobis, Domine, sumpta mystéria: & intercedente bea-

to Stéphano martyre tuo, sempiterna protectione confirmet.

De S. Joanne. Postcommunio.

Refecti cibo potuque cælesti, Deus noster, te supplices deprecámur: ut in cujus hæc commemoratione percépimus, ejus muniámur & precibus.

De SS. Innocentibus. Postcommunio.

Votiva, Domine, dona percépimus: quæ Sanctorum nobis precibus, & præsentis quæsumus vitæ, pariter & æternæ tribue conferre subsidium. Per Dominum.

¶ Si festum Nativitatis Domini, sancti Stephani, sancti Joannis Evangelistæ, & SS. Innocentium venerit in Dominica, ipsa die nihil fit de Dominica: sed die proximo post festum S. Thomæ martyris dicitur Missa de Dominica. Si autem festum S. Thomæ venerit in Dominica, dicitur Missa de Dominica, cum commemoratione aliarum Octavarum: & festum sancti Thomæ transfertur in secundam Feriam.

¶ Si verò post festum sancti Thomæ fuerit Sabbatum, ipsa die Sabbati dicitur Missa de Octava Nativitatis, cum commemoratione aliarum Octavarum: & in die S. Silvestri fit Officium de eo, cum commemoratione Dominicæ, & Octavarum.

D O M I N I C A
infra Octavam Nativitatis Domini.

Introitus. Sap. 18.



Um médium siléntium tenerent ómnia, & nox in suo cursu médium iter haberet, omnipotens sermo tuus, Domine, de cælis à regálibus sédibus venit.

Psalmus 92. Dominus regnavit, decorem indutus est: indutus est Dominus fortitudinem, & præcinxit se.

Glória Patri, &c. Oratio.

Omnipotens sempiternus Deus, dirige actus nostros in beneplácito tuo: ut in nómine dilécti Filii tui, mereámur bonis opéribus abundare. Qui tecum vivit.

De Nativitate. Oratio.

Concède quæsumus omnipotens Deus: ut nos Unigeniti tui nova per

per carnem nativitas liberet, quos sub peccati jugo vetusta servitus tenet.

De S. Stephano.

Oratio.

DA nobis, quaesumus Domine, imitari quod colimus, ut discamus & inimicos diligere: quia ejus natalitia celebramus, qui novit etiam pro persecutoribus exorare Dominum nostrum Jesum Christum Filium tuum.

De S. Joanne.

Oratio.

ECclesiam tuam, Domine, benignus illustra: ut beati Joannis Apostoli tui & Evangelistae illuminata doctrinis, ad dona perveniat sempiterna.

De SS. Innocentibus.

Oratio.

DEus, cujus hodierna die praeconium Innocentes martyres non loquendo, sed moriendo confessi sunt: omnia in nobis vitiis mala mortifica; ut fidem tuam, quam lingua nostra loquitur, etiam moribus vita fateatur. Per Dñm.

Lectio Epistolae beati Pauli Apostoli ad Galatas.

Gal. 4.

FRatres, Quanto tempore haeres parvulus est, nihil differt a servo, cum sit dominus omnium: sed sub tutoribus & actoribus est usque ad praefinitum tempus a Patre: ita & nos cum essemus parvuli, sub elementis mundi eramus fervientes. At ubi venit plenitudo temporis, misit Deus Filium suum, factum ex muliere, factum sub lege, ut eos, qui sub lege erant, redimeret, ut adoptionem filiorum reciperemus. Quoniam autem estis filii, misit Deus spiritum Filii sui in corda vestra, clamantem: Abba, Pater. Itaque jam non est servus, sed filius. Quod si filius, & haeres per Deum.

Graduale. Psalm. 44. Speciosus forma prae filiis hominum: diffusa est gratia in labiis tuis. *ψ.* Eructavit cor meum verbum bonum, dico ego opera mea regi: lingua mea calamus scribae, velociter scribentis. **A**lleluja, alleluja.

ψ. Psalm. 92. Dominus regnavit, decorem induit: induit Dominus fortitudinem, & praecinxit se virtute. Alleluja.



Sequentia sancti Evangelii secundum Lucam. *Lucæ 2. c*

IN illo tempore: Erat Joseph, & Maria Mater Jesu, mirantes super his, quae dicebantur de illo. Et benedixit illis Simeon, & dixit ad Mariam matrem ejus: Ecce positus est hic in ruinam, & in resurrectionem multorum in Israel: & in signum, cui contradicetur: & tuam ipsius animam pertransibit gladius, ut revelentur ex multis cordibus cogitationes. Et erat Anna Prophetissa, filia Phanuel, de tribu Aser: haec processerat in diebus multis, & vixerat cum viro suo annis septem a virginitate sua. Et haec vidua usque ad annos octoginta quatuor: quae non discedebat de templo, jejuniis, & obsecrationibus serviens nocte, ac die. Et haec, ipsa hora superveniens, confitebatur Domino: & loquebatur de illo omnibus, qui expectabant redemptionem Israel. Et ut perfecerunt omnia secundum legem Domini, reversi sunt in Galilaeam in civitatem suam Nazareth. Puer autem crescebat, & confortabatur, plenus sapientia: & gratia Dei erat in illo. **Credo.**
Offertorium. Psalm. 92. Deus firmavit orbem terrae, qui non commovebitur: parata sedes tua Deus ex tunc, a saeculo tu es.

Secreta.

Concède quaesumus omnipotens Deus: ut oculis tuae majestatis munus oblatum, & gratiam nobis pie devotionis obtineat, & effectum beatæ perennitatis acquirat. Per Dominum.

De Nativitate.

Secreta.

Oblata, Domine, munera, nova Unigeniti tui nativitate sanctifica: nosque a peccatorum nostrorum maculis emunda.

De S. Stephano.

Secreta.

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De

De S. Joanne.

Secreta.

Suscipe, Domine munera, quæ in
ejus tibi solemnitate deferimus, cu-
jus nos confidimus patrocinio liberari.

De SS. Innocentibus.

Secreta.

Sanctorum tuorum, Domine, nobis
pia non desit oratio: quæ & munera
nostra conciliet, & tuam nobis indul-
gentiam semper obtineat. Per Dñm.

Communio. Matth. 2. Tolle puerum, &
matrem ejus, & vade in terram Israel:
defuncti sunt enim qui quærebant ani-
mam pueri.

Postcommunio.

Per hujus, Domine, operationem
mysterii, & vitia nostra purgentur,
& justa desideria compleantur. Per Dñm.

De Nativitate.

Postcommunio.

Praesta quæsumus omnipotens Deus:
ut natus hodie Salvator mundi, sicut
divinæ nobis generationis est auctor; ita
& immortalitatis sit ipse largitor.

De S. Stephano.

Postcommunio.

Auxilientur nobis, Domine, sum-
pta mysteria: & intercedente
beato Stephano martyre tuo, sempi-
terna protectione confirmant.

De S. Joanne.

Postcommunio.

Refecti cibo potuque cælesti, Deus
noster, te supplices deprecamur:
ut in cujus hæc commemoratione per-
cepimus, ejus muniamur & precibus.

De SS. Innocentibus.

Postcommunio.

Votiva, Domine, dona percipi-
mus: quæ Sanctorum nobis præ-
cibus, & præsentis quæsumus vitæ,
pariter & æternæ tribue conferre sub-
sidium. Per Dominum.

MISSA DE OCTAVA

Nativitatis Domini.

Introitus.

Isaia 9.



Uer natus est nobis, & filius
datus est nobis: cujus impé-
rium super humerum ejus:
& vocabitur nomen ejus,
magni consilii Angelus.

Psalmus 97. Cantate Domino canti-
cum novum: quia mirabilia fecit.

ψ. Gloria Patri, &c.

Oratio.

Concède quæsumus omnipotens
Deus: ut nos Unigeniti tui no-
va per carnem nativitas liberet, quos
sub peccati jugo vetusta servitus te-
net. Per eundem Dominum.

De S. Stephano.

Oratio.

Da nobis, quæsumus Domine, imi-
tari quod colimus, ut discamus &
inimicos diligere: quia ejus natalitia ce-
lebramus, qui novit etiam pro perse-
cutoribus exorare Dominum nostrum
Jesum Christum Filium tuum.

De S. Joanne.

Oratio.

Ecclésiā tuam, Domine, benignus
illūstra: ut beati Joannis Apōsto-
li tui & Evangelistæ illuminata doctri-
nis, ad dona perveniat sempiterna.

De SS. Innocentibus.

Oratio.

Deus, cujus hodierna die præconium
Innocentes martyres non loquē-
do, sed moriēdo confessi sunt: omnia
in nobis vitiorum mala mortifica; ut fi-
dem tuam, quam lingua nostra loquitur,
etiam moribus vita fateatur. Per Dñm.

**Lectio Epistolæ beati Pauli Apōstoli
ad Titum.**

Tit. 3.

Charissime, Apparuit benignitas,
& humanitas Salvatoris nostri
Dei: non ex operibus justitiæ, quæ
fecimus nos, sed secundum suam mi-
sericordiam salvos nos fecit per lavā-
crum regenerationis, & renovationis
Spiritus sancti, quem effudit in nos
abundē per Jesum Christum Salvatō-
rem nostrum: ut justificati gratia ipsius,
hæredes simus secundum spem vitæ æ-
ternæ, in Christo Jesu Domino nostro.

Graduale. Psalmus 97. Vidērunt om-
nes fines terræ salutare Dei nostri:
jubilāte Deo omnis terra.

ψ. Notum fecit Dominus salutare suum:
ante conspectum Gēntium revelavit ju-
sticiam suam. Allelūja, allelūja.

ψ. Dies sanctificātus illūxit nobis:
venite Gentes, & adorāte Domi-
num: quia hodie descendit lux ma-
gna super terram. Allelūja.

Sc-

**Sequētia sancti Euangēlii se-
cūndūm Lucam. Lucæ 2. b**

IN illo tēpore: Pastōres loquebā-
tur ad invicem: Transeāmus usque
Béthlehem, & videāmus hoc ver-
bum, quod factum est, quod Dómi-
nus ostēdit nobis. Et venērunt festi-
nātes: & invenērunt Mariām, &
Ioseph, & infāntem pōsitum in præ-
sēpio. Vidētes autem cognovērunt
de verbo, quod dictum erat illis de
pūero hoc. Et omnes, qui audiērunt,
mirāti sunt, & de his, quæ dicta erant
a pastōribus ad ipsos. Mariā autem
conservābat omnia verba hæc, cōfe-
rens in corde suo. Et revēsi sunt pa-
stōres glorificātes, & laudātes Deum
in omnibus, quæ audierant, & vide-
rant, sicut dictum est ad illos. **Credo.**

Offertorium. Psalmus 88. Tui sunt
cæli, & tua est terra: orbem terrā-
rum, & plenitudinem ejus tu fundā-
sti: justitia, & judicium præparatio
sedis tuæ. **Secreta.**

OBlata, Dómine, múnera, nova
Unigéniti tui nativitate sanctifica:
nosque a peccatorum nostrorum macu-
lis emūda. Per eūdem Dóminum.

De S. Stephano. Secreta.

Suscipe, Dómine, múnera pro tuó-
rum commemoratiōe Sanctórum;
ut sicut illos pássio gloriófos effecit,
ita nos devotio reddat innócuos.

De S. Joanne. Secreta.

Suscipe, Dómine, múnera, quæ in
sejus tibi solemnitate deférimus, cujus
nos confidimus patrocínio liberári.

De SS. Innocentibus. Secreta.

Sanctórum tuórum, Dómine, nobis
spia non desit oratio: quæ & mún-
era nostra conciliet, & tuam nobis indul-
gētiā semper obtineat. Per Dñm.

Communio. Psalm. 97. Vidērunt om-
nes fines terræ salutāre Dei nostri.

Postcommunio.

Præsta quæsumus omnipotens De-
us: ut natus hodie Salvator mundi,

sicut divinæ nobis generatiōis est au-
ctor; ita & immortalitatis sit ipse largi-
tor. Qui tecum vivit, & regnat, &c.

De S. Stephano. Postcommunio.

Auxiliētur nobis, Dómine, sum-
pta mystéria: & intercedēte
beato Stéphano mártire tuo, sempi-
térna protectiōe confirment.

De S. Joanne. Postcommunio.

Refecisti cibo potūque cælesti, Deus
noster, te supplices deprecāmur: ut
in cujus hæc commemoratiōe percépi-
mus, ejus muniāmur & précibus.


De SS. Innocentibus. Postcommunio.

Votiva, Dómine, dona percépi-
mus: quæ Sanctórum nobis pré-
cibus, & præsentis quæsumus vitæ,
pariter & æternæ tribue conférre sub-
sidium. Per Dóminum nostrum.

**¶ Si festum S. Silvestri venerit in Do-
minica, dicitur Missa de eo, cum com-
memoratiōe Dominicæ, & Octavarum.**

IN FESTO S. SILVESTRI Papæ & Confessoris.

Introitus. Psalm. 131.



Acerdotes tui, Dómine, in-
duant justitiam, & Sancti
tui exultent: propter Da-
vid servum tuum non avér-
tas faciē Christi tui.

Psalm. ibid. Memento Dómine David:
& omnis mansuetudinis ejus.

¶ Glória Patri, &c. Oratio.

DA, quæsumus omnipotens Deus:
ut beati Silvestri Confessoris tui
atque Pontificis veneranda solémni-
tas, & devotiōnem nobis augeat, &
salutem. Per Dóminum.

De Nativitate. Oratio.

Concède quæsumus omnipotens
Deus: ut nos Unigéniti tui nova
per carnem nativitas liberet, quos sub
peccati iugo vetústa servitus tenet.

De S. Stephano. Oratio.

DA nobis, quæsumus Dómine, imi-
tári, quod colimus, ut discāmus
& inimicos diligere: quia ejus natalitia
cele-

celebramus, qui novit etiam pro persecutoribus exorare Dominum nostrum Jesum Christum Filium tuum.

De S. Joanne. Oratio.

Ecclēsiā tuā, Dōmine, benīgnus illūstra: ut beāti Joānnis Apōstoli tui & Euangelistæ illuminata doctrinis, ad dona perveniat sempiterna.

De SS. Innocentibus. Oratio.

Deus, cujus hodierna die præconium Innocentes martyres non loquendo, sed moriendo confessi sunt: omnia in nobis vitiūrum mala mortifica, ut fidem tuam, quam lingua nostra loquitur, etiam moribus vita fateatur. Per Dominum.

Lectio Epistolæ beāti Pauli Apōstoli ad Timotheum. 2. Tim. 4.

Charissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, instā opportūnē, importūnē: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt: sed ad sua desideria coacerabunt sibi magistros, pruriētes auribus, & à veritate quidem auditum avērent, ad fabulas autem convertentur. Tu verò vigila, in omnibus labōra, opus fac Euangelistæ, ministerium tuum imple. Sōbrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo repōsita est mihi corōna justitiæ, quam reddet mihi Dōminus in illa die justus iudex: non solum autem mihi, sed & iis, qui diligunt adventum ejus.

Graduale. Eccli. 44. Ecce sacerdos magnus, qui in diebus suis placuit Deo. *Ps. 138.* Non est inventus similis illi, qui conservaret legem Excelsi. *Allelūja, allelūja.*

Ps. 88. Inveni David servum meum, oleo sancto meo unxi eum. *Allelūja.*



Sequentia sancti Evangelii secundum Lucam. Luc. 12. c

In illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris, & vos similes hominibus expectantibus dominum suum quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos cum venerit dominus, invenerit vigilantes: amen dico vobis, quod præcinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet. *Credo.*

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui nos, Dōmine quæsumus, ubique lætificent; ut dum eorum merita recolimus, patrocina sentiamus. Per Dominum nostrum.

De Nativitate. Secreta.

Oblata, Dōmine, mūnera, nova Unigeniti tui nativitate sanctifica: nosque à peccatorum nostrorum maculis emūda.

De S. Stephano. Secreta.

Suscipe, Dōmine, mūnera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos.

De S. Joanne. Secreta.

Suscipe, Dōmine, mūnera, quæ in ejus tibi solemnitate deferimus, cujus nos confidimus patrocinio liberari.

De SS. Innocentibus. Secreta.

Sanctorum tuorum, Dōmine, nobis pia non desit oratio: quæ & mune-

múnera nostra concíliet, & tuam nobis indulgéntiam semper obtíneat. Per Dóminum nostrum.

Communio. Matth. 24. **B**eátus servus, quem, cūm vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

Præsta quæsumus omnipotens Deus: ut de percéptis munéribus grátias exhibéntes, intercedénte beáto Silvístro Confessóre tuo atque Pontífice, beneficia potióra sumámus. Per Dóminum nostrum.

De Nativitate. **Postcommunio.**

Præsta quæsumus omnipotens Deus: ut natus hódie Salvátor mundi, sicut divínæ nobis generatiónis est

auctor; ita & immortalitátis sit ipse largitor.

De S. Stephano. **Postcommunio.**

Auxiliéntur nobis, Dómine, sumpta mystéria: & intercedénte beáto Stéphanó mártýre tuo, sempitérna protectiône confirment.

De S. Ioanne. **Postcommunio.**

Refécti cibo potúque cælésti, Deus noster, te súpplīces deprecámur: ut in cuius hæc commemoratióne percépimus, ejus muniámur & prēcibus.

De SS. Innocentibus. **Postcommunio.**

Votíva, Dómine, dona percépimus: quæ Sanctórum nobis prēcibus, & præsentis quæsumus vitæ, páriter & æternæ tribue conférre subsidium. Per Dóminum nostrum.



30
**IN CIRCUMCISIONE
DOMINI,
ET OCTAVA NATIVITATIS.**

Statio ad S. Mariam trans Tyberim.

Introitus.

Matæ 9.



Uer natus est nobis, & filius datus est nobis: cujus impérium super humerum ejus: & vocabitur nomen ejus, Magni consilii Angelus.

Psalmus 97. Cantáte Dómino cánticum novum: quia mirabilia fecit.

Glória Patri, &c.

Oratio.

Deus, qui salutis æternæ, beatæ Mariæ virginitate fecúnda, humano géneri præmia præstitisti: tribue, quæsumus; ut ipsam pro nobis intercedere sentiamus, per quam meruimus auctórem vitæ suscipere Dóminum nostrum Jesum Christum Fílium tuum: Quitecum vivit.

Lectio Epístolæ beáti Pauli Apóstoli ad Titum.

Tit. 2. c

Charíssime, Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, & sæculária desidéria, sóbriè, & justè, & piè vivámus in hoc sæculo, expectántes beátam spem, & advéntum glóriæ magni Dei, & Salvatóris nostri Jesu Christi: qui dedit semetipsum pro nobis, ut nos redimeret ab omni iniquitáte, & mundáret sibi pópulum acceptábilem, sectatórem bonórum óperum. Hæc loquere, & exhortáre in Christo Jesu Dómino nostro.

Graduale. Psalm. 97. Vidérunt omnes fines terræ salutáre Dei nostri: jubiláte Deo omnis terra. **Ps.** Notum fecit Dóminus salutáre suum: ante conspéctum Géntium revelávit justítiam suam. **Allelúja, allelúja.**

Ps. Hebr. 1. Multifáriè olim Deus loquens pátribus in Prophétis, novíssimè diébus istis locútus est nobis in Fílio. **Allelúja.**



Sequéntia sancti Euangélíi secúndum Lucam.

Lucæ 2. c

In illo témpore: Postquam consummáti sunt dies octo, ut circumciderétur puer: vocátum est nomen ejus Jesus, quod vocátum est ab Angelo priúsqvam in útero conciperétur. **Credo.**

Offertorium. Psalmus 88. Tui sunt cæli, & tua est terra: orbem terrarum, & plenitúdinem ejus tu fundásti: justítia, & judícium præparatio sedis tuæ.

Secreta.

MUnéribus nostris, quæsumus Dómine, precibúsqve suscéptis: & cæléstibus nos munda mystériis, & cleménter exáudi. Per Dóminum.

Communio. Psalmus 97. Vidérunt omnes fines terræ salutáre Dei nostri.

Postcommunio.

Hæc nos commúnio, Dómine, purget à crimine: & intercedente beáta vírgine Dei Genitríce Mariæ, cæléstis remédii fáciat esse consortes. Per eúndem Dóminum.

¶ Si aliqua ex sequentibus Octavis in Dominica venerit, dicitur Missa de Octava: de Dominica verò nihil fit.

IN OCTAVA S. STEPHANI.

Totum Officium Missæ dicitur sicut in die, fol. 19. præter Orationem quæ sequitur.

Oratio.

OMnipotens sempitérne Deus, qui primitias mártýrum in beáti Leuitæ

vitaē Stēphani sāguine dedicāsti: tribue quāsumus; ut pro nobis intercessor existat, qui pro suis etiā persecutoribus exorāvit Dōminum nostrum Iesum Christum Fīlium tuum: Qui tecum vivit, & regnat, &c.

Et fit commemoratio de Octava sancti Joannis, & SS. Innocentium. Dicitur Credo, & Præfatio de Nativitate.

IN OCTAVA S. JOANNIS.

Missā dicitur sicut in ejus Festo, fol. 20. cum commemor. de Sanctis Innocentibus tantum. Et dicitur Credo, & Præfatio de Apostolis.

IN OCTAVA SS. INNOCENTIUM.

Officium Missæ fit sicut in die, fol. 21. excepto, quod Gloria in excelsis, Allelūja, & Ite Missa est, dicuntur, & non dicitur Credo, nisi venerit in Dominica.

IN VIGILIA EPIPHANIE.

Introitus. Sap. 18.



Um médium siléntium tenérent omnia, & nox in suo cursu médium iter haberet, omnipotens sermo tuus, Dómine, de cælis à regálibus sédibus venit.

Psalmus 92. Dóminus regnāvit, decórem indútus est: indútus est Dóminus fortitúdinem, & præcínxit se.

Glória Patri, &c.

Oratio.

Omnipotens sempitérne Deus, dirige actus nostros in beneplácito tuo: ut in nómine dilécti Fīlii tui, mereámur bonis opéribus abundāre. Qui tecum vivit, & regnat, &c.

Pro commemoratione S. Telefphori Papæ & martyris.

Oratio.

Deus, qui nos beāti Telefphori mártiris tui atque Pontíficis annua solemnitáte lætíficas: concéde propítius; ut cujus natalítia cólimus, de ejúsdem etiā protectióne gaudeámus.

De sancta Maria.

Oratio.

Deus, qui salutis æternæ, beatæ Mariæ virginitate fecúnda, humano géneri præmia præstitisti: tribue, quāsumus; ut ipsam pro nobis intercedere sentiāmus, per quam meruimus auctórem vitæ suscipere Dóminum nostrum Iesum Christum Fīlium tuum. Qui tecum vivit, & regnat, &c.

Lectio Epistolæ beāti Pauli Apóstoli ad Gálatas. Galat. 4.

Fratres, Quanto témpore hæres parvulus est, nihil differt à servo, cum sit dóminus omniū: sed sub tutoribus, & actóribus est usque ad præfínitum tempus à Patre: ita & nos cum essemus parvuli, sub elementis mundi eramus serviētes. At ubi venit plenitúdo témporis, misit Deus Fīlium suum, factum ex muliere, factum sub lege, ut eos, qui sub lege erant, redimeret, ut adoptionem filiōrum reciperemus. Quóniam autem estis filii, misit Deus spíritum filii sui in corda vestra, clamāntem: Abba, Pater. Itaque jam non est servus, sed filius. Quod si filius, & hæres per Deum.

Graduale. Psalmus 44. Speciosus forma præ filiis hóminum: diffusa est grátia in lábiis tuis.

Eructāvit cor meum verbum bonum, dico ego ópera mea regi: lingua mea calamus scribæ velociter scribēntis. Allelūja, allelūja.

Psalm. 92. Dóminus regnāvit, decórem induit: induit Dóminus fortitúdinem, & præcínxit se virtute. Allelūja.



Sequéntia sancti Euangélīi secúndum Matthæum. Matth. 2. d

In illo témpore: Defúncto Heróde, ecce Angelus Dómini apparuit in somnis Ioseph in Ægypto, dicens: Surge, & accipe púerum, & matrem ejus, & vade in terram Israel: defúncti sunt enim qui quærebant ánimam púeri. Qui consúrgens, accépit púerum, & matrem ejus, & venit in terram Israel.

Au-

Audiens autem quod Archelaus regnaret in Judæa pro Herode patre suo, timuit illò ire: & admónitus in somnis, secéssit in partes Galilææ. Et véniens habitávit in civitate, quæ vocátur Náza-reth: ut adimplerétur quod dictum est per Prophétas: Quóniam Nazaræus vocábitur.

Offertorium. Psalmus 92. Deus firmávit orbem terræ, qui non commovébitur: paráta sedes tua, Deus ex tunc: à sæculo tu es.

Secreta.

Concède quæsumus omnipotens Deus: ut óculis tuæ majestátis munus oblátum, & grátiam nobis piæ devotiónis obtíneat, & effectum beatæ perennitátis acquirat. Per Dóminum nostrum.

De S. Telefphoro. Secreta.

Munera tibi, Dómine, dicáta sanctífica: & intercedente beáto Telefphoro mártire tuo atque Pontífice, per éadem nos placátus inténde.

De sancta Maria. Secreta.

Munéribus nostris, quæsumus Dómine, precibúsq; susceptis: &

cæléstibus nos munda mystériis, & cleménter exáudi. Per Dóminum.

Communio. Matth. 2. Tolle púerum, & matrem ejus, & vade in terram Israel: defúnci sunt enim qui quærebant ánimam púeri.

Postcommunio.

Per hujus, Dómine, operationem mystérii, & vítia nostra purgéntur, & jústa desidéria compleántur. Per Dóminum nostrum.


De S. Telefphoro Papa, & martyre.

Postcommunio.

Refécti participatióne múnieris facri, quæsumus Dómine Deus noster: ut cujus exéquimur cultum, intercedente beáto Telefphoro mártire tuo atque Pontífice, sentiámus effectum.

De sancta Maria. Postcommunio.

Hæc nos commúnio, Dómine, purget à crimine: & intercedente beáta Vírgine Dei Genitríce María, cæléstis remédii fáciat esse consórtes. Per eúmdem Dóminum nostrum Jesum Christum Fílium tuum: Qui tecum vivit, & regnat, &c.



IN EPIPHANIA

D O M I N I.

Statio ad sanctum Petrum.

Intritus. Malach. 3.



Cce advénit dominátor Dóminus : & regnum in manu ejus, & potestas, & impérium. *Psalm. 71.* Deus judicium tuum Regi da : & justitiam

tuam Filio Regis.

v. Gloria Patri, &c.

Oratio.

Deus, qui hodierna die Unigénitum tuum Géntibus stella duce revelásti : concéde propítius ; ut, qui jam te ex fide cognóvimus, usque ad contemplándam spéciem tuæ celsitudinis perducámur. Per eúndem Dóminum.

Lectio Isaíæ Prophétæ. Isaíæ 60.

Surge, illumináre Jerúsalem : quia venit lumen tuum, & glória Dómini super te orta est. Quia ecce ténebræ opérient terram, & caligo pópulos : super te autem oriétur Dóminus, & glória ejus in te vidébitur. Et ambulábunt Gentes in lúmine tuo, & reges in splendóre ortus tui. Leva in circúitu óculos tuos, & vide : omnes isti congregáti sunt, venérunt tibi : filii tui de longè vénient, & filiae tuæ de latere surgent. Tunc vidébis, & áfflues, & mirábitur & dilatábitur cortuum, quando convérta fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Mádian & Epha : omnes de Saba vénient, aurum & thus deferéntes, & laudem Dómino annuntiántes.

Graduale. Ibidem. Omnes de Saba vénient, aurum & thus deferéntes, & laudem Dómino annuntiántes.

Miss.

v. Surge, & illumináre Jerúsalem : quia glória Dómini super te orta est. Allelúja, allelúja.

v. Matth. 2. Vídimus stellam ejus in Oriénte : & vénimus cum munéribus adoráre Dóminum. Allelúja.



Sequentia sancti Euangélíi secúndum Matthæum. *Matth. 2.*

CUm natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam, dicéntes : Ubi est qui natus est Rex Judæórum ? vídimus enim stellam ejus in Oriénte, & vénimus adoráre eum. Audiens autem Heródes rex, turbátus est, & omnis Jerosólýma cum illo. Et cóngregans omnes príncipes sacerdotum, & Scribas pópuli, sciscitabátur ab eis ubi Christus nascerétur. At illi dixerunt ei : In Bétlehem Judæ : Sic enim scriptum est per Prophétam : Et tu Bétlehem terra Juda, nequáquam mínima es in princípibus Juda : ex te enim exiet dux, qui regat pópulum meum Israel. Tunc Heródes, clám vocátis Magis, diligénter dídicit ab eis tempus stellæ, quæ apparuit eis, & mittens illos in Bétlehem, dixit : Ite, & interrogáte diligénter de púero : & cùm invenéritis, renuntiáte mihi, ut & ego véniens adórem eum. Qui cùm audíssent regem, abiérunt. Et ecce stella, quam víderant in Oriénte, antecedébat eos, usque dum véniens staret suprà, ubi erat puer. Vidéntes autem stellam, gavíssi sunt gáudio magno valdè. Et intrántes domum invenérunt púerum cum María matre ejus, *(Hic genuflectitur,)* &

C

pro-

procidentes adoraverunt eum. Et apertis thesauris suis, obtulerunt ei munera, aurum, thus, & myrrham. Et responso accepto in somnis ne redirent ad Herodem, per aliam viam reversi sunt in regionem suam. **Credo.**

Offertorium. Psalm. 71. Reges Tharsis & insulæ munera offerent: Reges Arabum & Saba dona adducent: & adorabunt eum omnes reges terræ, omnes Gentes servient ei.

Secreta.

Ecclésiæ tuæ, quæsumus Domine, dona propitius intueri: quibus non jam aurum, thus, & myrrha profertur: sed quod eisdem muneribus declaratur, immolatur & sumitur, Jesus Christus Filius tuus Dominus noster. Qui tecum vivit, & regnat, &c.

Præfatio. Quia cum Unigenitus tuus. **Et infra actionem.** Communicantes, & diem sacratissimum. **ut in Præfationibus.**

Et dicitur per totam Octavam.

Communio. Matth. 2. Vidimus stellam ejus in Oriente: & venimus cum muneribus adorare Dominum.

Postcommunio.

Præsta quæsumus omnipotens Deus: ut quæ solènni celebramus officio, purificatæ mentis intelligentia consequamur. Per Dominum.

Infra Octavam Epiphaniæ fit idem Officium quod in die: & post Orationem diei dicuntur Orationes, Deus, qui salutis. & Ecclesiæ tuæ. vel pro Papa, Deus omnium fidelium. ut infra in Dominica secunda post Epiphaniam.

De Festis Duplicibus, & Semiduplicibus, quæ infra Octavam veniunt, nihil tunc agitur (nisi tantum de Patrono, vel Titulari Ecclesiæ, & de Dedicatione ejusdem, in propria Ecclesia, non tamen in die Octava) sed peracta Octava celebrantur: de Simplicibus verò fit tantum commemoratio.

In Dominica infra Octavam Epiphaniæ Missa dicitur ut infra. Quod si Epiphania venerit in Dominica, ipsa Missa Dominicæ dicitur in Sabbato infra Octavam: & in die Octava nihil fit de Dominica.

D O M I N I C A

infra Octavam Epiphaniæ.

Introitus.

In Excelsis throno vidi sedere virum, quem adorat multitudo Angelorum psallentes in unum: ecce cujus imperii nomen est in ætèrnum.

Psalmus 99. Jubilate Deo omnis terra: servite Domino in lætitia.

v. Glória Patri, &c. Oratio.

Vota, quæsumus Domine, supplicantis populi cælesti pietate prosequere: ut, & quæ agenda sunt, videant; & ad implenda quæ viderint, convalescant. Per Dominum.

Et fit commem. de Octava Epiphaniæ. Oratio.

Deus, qui hodierna die Unigenitum tuum Gentibus stella duce revelasti: concede propitius; ut, qui jam te ex fide cognovimus, usque ad contemplandam speciem tuæ celsitudinis perducamur. Per eundem Dominum.

Lectio Epistolæ beati Pauli Apostoli ad Romanos. Rom. 12.

Fratres, Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum. Et nolite conformari huic sæculo, sed reformamini in novitate sensus vestri: ut probetis quæ sit voluntas Dei bona, & beneplacens, & perfecta. Dico enim per gratiam quæ data est mihi, omnibus qui sunt inter vos: Non plus sapere, quam oportet sapere, sed sapere ad sobrietatem: & unicuique sicut Deus divisit mensuram fidei. Sicut enim in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra, in Christo Jesu Domino nostro.

Graduale. Psalm. 71. Benedictus Dominus Deus Israel, qui facit mirabilia magna solus à sæculo.

v. Su-

✠. Suscipient montes pacem populo tuo: & colles iustitiam. **Allelúja**, allelúja.

✠. **Psalmus 99.** Jubiláte Deo omnis terra: servíte Dómino in lætítia. **Allelúja**.

✠. Sequéntia sancti Euangélíi secúndum Lucam. **Lucæ 2. f.**

CUm factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummatísque diébus, cum redírent, remánsit puer Jesus in Jerúsalem, & non cognovérunt paréntes ejus. Existimántes autem illum esse in comitátu, venérunt iter diéi, & requirebánt eum inter cognátos, & notos. Et non inveniéntes, regréssi sunt in Jerúsalem, requirentes eum. Et factum est, post tríduum invenérunt illum in templo sedéntem in médio doctórum, audiéntem illos, & interrogántem eos. Stupébant autem omnes, qui eum audiebant, super prudentia, & respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic? ecce pater tuus, & ego doléntes quærebatú te. Et ait ad illos: Quid est quòd me quærebatís? nesciebatís quia in his, quæ Patris mei sunt, opórtet me esse? Et ipsi non intellexérunt verbum, quod locútus est ad eos. Et descendit cum eis, & venit Náza-reth: & erat súbditus illis. Et mater ejus conservábat ómnia verba hæc in corde suo. Et Jesus proficiebat sapiéntia, & ætáte, & grátia apud Deum, & hómines. **Credo.**

Offertorium. Psalm. 99. Jubiláte Deo omnis terra, servíte Dómino in lætítia: intráte in conspéctu ejus in exultatione: quia Dóminus ipse est Deus. **Secreta.**

Oblátum tibi, Dómine, sacrificium vivíficet nos semper, & múníat. Per Dóminum nostrum.

De Epiphania. Secreta.

Ecclésiæ tuæ, quæsumus Dómine, dona propítius intuere: quibus non jam aurum, thus, & myrrha profértur, sed quod eísdem munéribus declarátur,

immolátur & súmitur, Jesus Christus Fílius tuus Dóminus noster. Qui tecum vivit, & regnat, &c.

Communio. Lucæ 2. Fili, quid fecísti nobis sic? ego & pater tuus doléntes quærebatú te. Et quid est, quòd me quærebatís? nesciebatís quia in his, quæ Patris mei sunt, opórtet me esse? **Postcommunio.**

Supplices te rogámus, omnipotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dóminum.

De Epiphania. Postcommunio.

Præsta quæsumus omnipotens Deus: ut quæ solémni celebrámus officio, purificatæ mentis intelligéntia consequámur. Per Dóminum.

IN OCTAVA EPIPHANIÆ.

Introitus. Malach. 3.



Cceadvénit dominátor Dóminus: & regnum in manu ejus, & potéstas, & impérium. **Psalm. 71.** Deus júdicium tuum Regi da: & iustítiam tuam Fílio Regis.

✠. Glória Patri, &c. **Oratio.**

Deus, cujus Unigénitus in substántia nostræ carnis apparuit: præsta quæsumus; ut per eum, quem símilem nobis foris agnóvimus, intus reformári mereámur. Qui tecum vivit, &c.

Léctio Isaíæ Prophétæ. Isaíæ 60.

Surge, illumináre Jerúsalem: quia venit lumen tuum, & glória Dómini super te orta est. Quia ecce ténebræ opérient terram, & calígo populos: super te autem oriétur Dóminus, & glória ejus in te vidébitur. Et ambulábunt Gentes in lúmine tuo, & reges in splendóre ortus tui. Leva in circúitu óculos tuos, & vide: omnes isti congregáti sunt, venérunt tibi: filii tui de longè vénient, & filia tuæ de látere surgent. Tunc vidébis, & áfflues, & mirábitur & dilatábitur cor tuum quando convérta fúerit ad te multitúdo maris,

fortitudo gentium venerit tibi. Inundatio camelorum operiet te, dromedarii Madian & Ephra: omnes de Saba venient, aurum & thus deferentes, & laudem Domino annuntiantes.

Graduale. ibid. Omnes de Saba venient, aurum & thus deferentes, & laudem Domino annuntiantes. **v.** Surge, & illuminare Jerusalem, quia gloria Domini super te orta est. **Alleluja, alleluja.**

v. Matth. 2. Vidimus stellam ejus in Oriente: & venimus cum muneribus adorare Dominum. **Alleluja.**

Sequentia sancti Evangelii secundum Joannem. Joann. 1. c.

In illo tempore: Vidit Joannes Iesum venientem ad se, & ait: Ecce Agnus Dei, ecce qui tollit peccatum mundi. Hic est, de quo dixi: Post me venit vir, qui ante me factus est: quia prior me erat. Et ego nesciebam eum, sed ut manifestetur in Israel, propterea veni ego in aqua baptizans. Et testimonium perhibuit Joannes, dicens: Quia vidi Spiritum descendentem quasi columbam de caelo, & mansit super eum. Et ego nesciebam eum: sed qui misit me baptizare in aqua, ille mihi dixit: Super quem videbis Spiritum descendentem, & manentem super eum, hic est, qui baptizat in Spiritu sancto. Et ego vidi: & testimonium perhibui, quia hic est filius Dei. **Credo.**

Offertorium. Psalm. 71. Reges Tharsis, & insulae munera offerent: reges Arabum, & Saba dona adducent: & adorabunt eum omnes reges terrae, omnes Gentes servient ei.

Secreta.

Hostias tibi, Domine, pro nati Filii tui apparitione deferimus, suppliciter exorantes: ut sicut ipse nostrorum auctor est munerum; ita sit ipse misericors & susceptor, Iesus Christus Dominus noster. Qui tecum vivit, &c.

Communio. Matth. 2. Vidimus stellam ejus in Oriente: & venimus cum muneribus adorare Dominum.

Postcommunio.

Caelsti lumine, quaesumus Domine semper, & ubique nos praeveni: ut mysterium, cuius nos participes esse voluisti, & puro cernamus intuitu, & digno percipiamus affectu. Per Dominum nostrum.

Ab Octava Epiphaniæ usque ad Purificationem, nisi fuerit Duplex, post Orationem dici dicuntur istae Orationes, Deus, qui salutis, & Ecclesiae tuae, vel Deus omnium fidelium. ut infra in Dominica secunda post Epiphaniam.

Si tempus breve fuerit ab Oct. Epiph. usque ad Septuages. ita ut Officia sequentium Dominicarum non possint expleri suis diebus, Officia illarum quae supersunt post Dominicam ii. post Epiph. eo anno omittuntur, & resumuntur (quoad Orationem, Epist. & Euangel. dumtaxat) post Dominicam xxiii. post Pentec. ut ibi dicitur in Rubrica.

Si Dominica Septuagesimae venerit sequenti Dominica post Octavam Epiphaniæ, in precedenti Sabbato, si non est impeditum Festo Semiduplici, dicitur Missa de Dominica ii. post Epiphaniam, cum commemoratione Festi Simplicis, si in eo occurrat. Si vero Sabbatum fuerit impeditum Festo Semiduplici, tunc prima die post Octavam Epiphaniæ, in qua non sit Festum duplex, dicitur Missa de ii. Dominica: & Festum Semiduplex in ea occurrens, transfertur in primam diem similiter non impeditam.

DOMINICA SECUNDA post Epiphaniam.

Introitus. Psalmus 65.

Quoniam tu, Domine, Mn̄is terra adoret te, Deus, & psallat tibi: psalmum dicat nomini tuo, Altissime.

Psalm. ibid. Jubilate Deo omnis terra, psalmum dicite nomini ejus: date gloriam laudi ejus. **v.** Gloria Patri, &c.

Dicitur Gloria in excelsis, in Dominicis usque ad Septuagesimam exclusivè: in Ferialibus vero diebus, quando resumitur Missa de Dominica precedenti, non dicitur. Quod servatur & post Pentecost. Oratio.

Om̄nipotens sempiternus Deus, qui caelestia simul & terrena moderaris:

ris: supplicationes populi tui clementer exaudi, & pacem tuam nostris concede temporibus. Per Dominum.

De sancta Maria. Oratio.

DEus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere Dominum nostrum Jesum Christum Filium tuum: Qui tecum vivit, &c.

Contra persecutores Ecclesiæ. Oratio.

Ecclésiæ tuæ, quæsumus Domine, preces placatus admitte: ut, destructis adversitatibus & erroribus universis, secūra tibi serviāt libertate. Per Dominum nostrum.

Vel pro Papa. Oratio.

DEus omnium fideliū Pastor & Rector, famulum tuum **N.** quem Pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unā cum grege sibi credito, perveniat sempiternam. Per Dominum.

Lectio Epistolæ beati Pauli Apostoli ad Romanos. Rom. 12. b

Fratres, Habentes donationes secundum gratiam, quæ data est nobis, differentes: sive prophetiam secundum rationem fidei, sive ministerium in ministrando, sive qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate. Dilectio sine simulatione. Odientes malum, adhærentes bono: Charitate fraternitatis invicem diligentes: Honore invicem prævenientes: Sollicitudine non pigri: Spiritu ferventes: Domino serviētes: Spe gaudētes: In tribulatione patientes: Orationi instantes: Necessitatibus Sanctorum communicantes: Hospitalitatem sectantes. Benedicite persequentibus vos: benedicite, & nolite maledicere. Gaudere cum

Miss.

gaudentibus, flere cum flentibus: Idipsum invicem sentientes: Non alta sapientes, sed humilibus consentientes.

Graduale. Psalm. 106. Misit Dominus verbum suum, & sanavit eos: & eripuit eos de interitu eorum. V. Confiteantur Domino misericordiae ejus: & mirabilia ejus filiis hominum. Allelūja, allelūja.

V. Psalmus 148. Laudate Dominum omnes Angeli ejus, laudate eum omnes virtutes ejus. Allelūja.

Sic dicitur Allelūja. cum Versu post Graduale, ab Octava Epiphaniæ usque ad Septuagesimam, & ab Octava Pentecostes usque ad Adventum, etiam infra Hebdomadam, quando resumitur Missa de Dominica.



Sequētia sancti Evangelii secundum Joannem. **Joann. 2.**

In illo tempore: Nuptiæ factæ sunt in Cana Galilææ: & erat Mater Jesu ibi. Vocatus est autem & Jesus, & discipuli ejus ad nuptias. Et deficiente vino, dicit Mater Jesu ad eum: Vinum non habent. Et dicit ei Jesus: Quid mihi & tibi est mulier? nondum venit hora mea. Dicit mater ejus ministris: Quodcūque dixerit vobis, facite. Erant autem ibi lapideæ hydriæ sex positæ secundum purificationem Judæorum, capiētes singulæ metretas binas vel ternas. Dicit eis Jesus: Implēte hydrias aqua. Et impleverunt eas usque ad summum. Et dicit eis Jesus: Haurite nunc, & ferte architriclino. Et tulerunt. Ut autem gustavit architriclinus aquam vinum factam, & non sciēbat unde esset, ministri autem sciēbant, qui hauerant aquam: vocat sponsum architriclinus, & dicit ei: Omnis homo primum bonum vinum ponit, & cū inebriati fuerint, tunc id, quod detērius est: Tu autem servasti bonum vinum usque adhuc. Hoc fecit initium signorum Jesus in Cana Galilææ: & manifestavit gloriā suā, & crediderunt in eum discipuli ejus. **Credo.**

C 3

Offer-

Offertorium. Psalm. 65. Jubiláte Deo univérſa terra: psalmum dicite nómini ejus: veníte, & audíte, & narrábo vobis, omnes qui timétis Deum, quanta fecit Dóminus ánimæ meæ, allelúja.

Secreta.

Obláta, Dómine, múnera sanctifica: nosque à peccatórum nostrórum máculis emúnda. Per Dóminum nostrum.

De sancta Maria. Secreta.

Munéribus nostris, quæsumus Dómine, precibúſque susceptis: & cæléstibus nos munda mystériis, & cleménter exáudi.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dóminum.

Vel pro Papa. Secreta.

Oblátis, quæsumus Dómine, placáre munéribus: & famulum tuum **N.** quem Pastórem Ecclesiæ tuæ præesse voluísti, assídua protectióne gubérna. Per Dóminum.

Communio. Joan. 2. Dicit Dóminus: Impléte hydrias aqua, & ferte architriclínó: cum gustáſſet architriclínus aquam vinum factam, dicit Sponſo: Serváſti bonum vinum usque adhuc: hoc signum fecit Jesus primum coram discipulis suis.

Postcommunio.

Augeátur in nobis, quæsumus Dómine tuæ virtútis operátio: ut divínis vegetátis sacraméntis, ad eórum promíſſa capiéndá tuo múnere præparémur. Per Dóminum.

De sancta Maria. Postcommunio.

Hæc nos commúnio, Dómine, purget à crimine: & intercedén-te beáta vírgine Dei Genitríce María, cæléstis remédii fáciat esse consórtes.

Contra persecutores Ecclesiæ. Postcomm.

Quæsumus Dómine Deus noster: ut quos divína tribuis participatióne gaudére, humánis non finas subjacére periculis. Per Dóminum.

Vel pro Papa.

Postcommunio

Hæc nos, quæsumus Dómine, divíni sacraménti percéptio proté-gat: & famulum tuum **N.** quem Pastórem Ecclesiæ tuæ præesse voluísti, uná cum commíſſo sibi grege salvet semper, & múniat. Per Dóminum.

DOMINICA TERTIA

post Epiphaniam.

Introitus.

Psalm. 96.



Doráte Deum omnes Angeli ejus: audívit, & lætáta est Sion: & exulta-vérunt filiæ Judæ.

Psalm. ibid. Dóminus re-

gnávit, exúltet terra: læténtur insu-læ multæ.

V. Glória Patri, &c.

Oratio.

Omnípotens, sempitérne Deus, infirmitátem nostram propítius respice: atque ad protegéndum nos dexte-ram tuæ majestátis exténde. Per Dñm.

De sancta Maria.

Oratio.

Deus, qui salútis æternæ, beáta Mariæ virginitáte fecúnda, hu-máno géneri præmia præstitísti: tri-bue quæsumus; ut ipsam pro nobis intercedere sentiámus, per quam meruí-mus auctórem vitæ suscipere Dómi-num nostrum Jesum Christum Filium tuum: Qui tecum vivit, &c.

Pro Papa.

Oratio.

Deus ómnium fidélium Pastor & Rector, famulum tuum **N.** quem Pastórem Ecclesiæ tuæ præesse voluísti, propítius respice: da ei, quæsumus, verbo & exémplo, quibus præ-est, proficere; ut ad vitam, uná cum grege sibi crédito, pervéniat sempitérnam. Per Dóminum.


Vel contra persecutores Ecclesiæ. Ora-tio. Ecclesiæ tuæ, quæsumus. **ut in Do-minica præcedenti.** fol. 37.

Lectio Epístolæ beáti Pauli Apóstoli ad Romános. **Rom. 12. d**

Fratres, Nolíte esse prudéntes apud vosmetípsos: Nulli malum pro ma-lo

lo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: Non vosmetipsos defendentes, charissimi, sed date locum irae. Scriptum est enim: Mihi vindicta; ego retribuam, dicit Dominus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super caput ejus. Noli vinci à malo, sed vince in bono malum.

Graduale. Psalm. 101. Timebunt Gentes nomen tuum Domine, & omnes reges terrae gloriam tuam. *Ps.* Quoniam aedificavit Dominus Sion, & videbitur in maiestate sua. **A**llelúja, allelúja. *Ps.* Dominus regnavit, exultet terra: laetentur insulae multae. Allelúja.

 **S**equentia sancti Evangelii secundum Matthaeum. **Matth. 8.**

IN illo tempore: Cum descendisset Jesus de monte, sequutae sunt eum turbae multae: & ecce leprosus veniens, adorabat eum, dicens: Domine, si vis, potes me mundare. Et extendens Jesus manum, tetigit eum, dicens: Volo, Mundare. Et confestim mundata est lepra ejus. Et ait illi Jesus: Vide, nemini dixeris: sed vade, ostende te sacerdoti, & offer munus, quod praecepit Moyses, in testimonium illis. Cum autem introisset Capharnaum, accessit ad eum Centurio, rogans eum, & dicens: Domine, puer meus jacet in domo paralyticus, & male torquetur. Et ait illi Jesus: Ego veniam, & curabo eum. Et respondens Centurio, ait: Domine non sum dignus ut intres sub tectum meum: sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit: & alii, Veni, & venit: & servo meo, Fac hoc, & facit. Audiens autem Jesus, miratus est, & sequentibus se dixit: Amen dico vobis,

non inveni tantam fidem in Israel. Dico autem vobis, quod multi ab Oriente & Occidente venient, & recumbent cum Abraham, & Isaac, & Jacob in regno caelorum: filii autem regni ejicientur in tenebras exteriores: ibi erit fletus & stridor dentium. Et dixit Jesus Centurioni: Vade, & sicut credidisti, fiat tibi. Et sanatus est puer in illa hora. **C**redo.

Offertorium. Psalm. 117. Dextera Domini fecit virtutem, dextera Domini exaltavit me: non moriar, sed vivam, & narrabo opera Domini. **Secreta.**

HAec hostia, Domine, quaesumus, emundet nostra delicta: & ad sacrificium celebrandum, subditorum tibi corpora mentisque sanctificet. Per Dominum nostrum.

De sancta Maria. Secreta.

Muneribus nostris, quaesumus Domine, precibusque susceptis: & caelestibus nos munda mysteriis, & clementer exaudi.

Pro Papa. Secreta.

Oblatis, quaesumus Domine, placare muneribus: & famulum tuum **N.** quem Pastorem Ecclesiae tuae praesse voluisti, assidua protectione gubernare. Per Dominum.

Vel contra persecutores Ecclesiae. Secreta. Protege nos Domine. *ut in Dominica praeterita.* fol. 38.

Communio. Lucae 4. Mirabantur omnes de his, quae procedebant de ore Dei. **Postcommunio.**

Quos tantis, Domine, largiris uti mysteriis: quaesumus; ut effectibus nos eorum veraciter aptare digneris. Per Dominum.

De sancta Maria. Postcommunio.

HAec nos communio, Domine, purget à crimine: & intercedente beata virgine Dei Genitrice Maria, caelestis remedii faciat esse consortes.

Pro Papa. Postcommunio.

HAec nos, quaesumus Domine, divini sacramenti perceptio protegat: & famulum tuum **N.** quem Pastorem

rem Ecclesiæ tuæ præesse voluisti, una cum commissio sibi grege salvet semper, & muniat. Per Dñm.

Vel contra persecutores Ecclesiæ. Postcommunio. Quæsumus Dñm. fol. 38.

DOMINICA QUARTA post Epiphaniam.

Introitus. Psalmus 96.



Dorate Deum omnes Angeli ejus: audivit, & lætata est Sion: & exultaverunt filiae Judæ. *Psalm. ibid.* Dominus regnavit, exultet terra: lætentur insulæ multæ.

Glória Patri, &c. Oratio.

Deus, qui nos in tantis periculis constitutos, pro humana scis fragilitate non posse subsistere: da nobis salutem mentis & corporis, ut ea, quæ pro peccatis nostris patimur, te adjuvante vincamus. Per Dñm.

De sancta Maria. Oratio.

Deus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere Dñm nostrum Jesum Christum Filium tuum: Qui tecum vivit, &c.

Contra persecutores Ecclesiæ. Oratio.
Ecclésiæ tuæ, quæsumus Dñm, preces placatus admitte: ut, destructis adversitatibus & erroribus universis, secunda tibi serviat libertate. Per Dñm nostrum.

Vel pro Papa, Oratio. Deus omnium. ut in Dominica præcedenti. fol. 38.

Si autem hæc Dominica venerit post festum Purificationis, dicitur secunda Oratio. A cunctis nos. ut infra in Dominica sequenti. fol. 42. & tertia ad libitum Sacerdotis.

Lectio Epistolæ beati Pauli Apostoli ad Romanos. Rom. 13. b

Fratres, Nèmini quidquam debeatis, nisi ut invicem diligatis: qui enim diligit proximum, legem imple-

vit. Nam: Non adulterabis: Non occides: Non furaberis: Non falsum testimonium dices: Non concupisces: & si quod est aliud mandatum, in hoc verbo instauratur: Diliges proximum tuum sicut teipsum. Dilèctio proximi malum non operatur. Plenitudo ergo legis est dilèctio.

Graduale. Psalmus 101. Timébunt Gentes nomen tuum, Dñm, & omnes reges terræ glóriam tuam.

Quoniam ædificavit Dñm Sion, & videbitur in majestàte sua. Allelúja, allelúja.

Psalm. 96. Dñm regnavit, exultet terra: lætentur insulæ multæ. Allelúja.



Sequentia sancti Evangelii secundum Matthæum. Matth. 8. c

In illo tempore: Ascendente Jesu in naviculam, secuti sunt eum Discipuli ejus: & ecce motus magnus factus est in mari, ita ut navicula operiretur fluctibus, ipse vero dormiebat. Et accesserunt ad eum Discipuli ejus, & suscitaverunt eum, dicentes: Dñm, salva nos, perimus. Et dicit eis Jesus: Quid timidi estis modicæ fidei? Tunc surgens, imperavit ventis & mari, & facta est tranquillitas magna. Porro homines mirati sunt, dicentes: Qualis est hic, quia venti & mare obediunt ei? *Crede.*

Offertorium. Psalm. 117. Dextera Dñmi fecit virtutem, dextera Dñmi exaltavit me: non moriar, sed vivam, & narrabo opera Dñmi. Secreta.

Concede, quæsumus omnipotens Deus: ut hujus sacrificii munus oblatum, fragilitatem nostram ab omni malo purget semper, & muniat. Per Dñm nostrum.

De sancta Maria. Secreta.

Muneribus nostris, quæsumus Dñm, precibusque susceptis: & cælestibus nos munda mysteriis, & clementer exaudi.

Con-

Contra persecutores Ecclesiæ. Secreta.

Protege nos, Dómine, tuis mysté-
riis serviéntes: ut divínis rebus in-
hæréntes, & corpore tibi famulémur
& mente. Per Dóminum.

Vel pro Papa, Secreta. Obláti, quæ-
sumus Dómine. **ut in Dominica præce-**
denti. fol. 39.

Communio. Lucæ 4. **M**irabántur om-
nes de his, quæ procedébant de ore
Dei.

Postcommunio.

Munera tua nos, Deus, à dele-
ctationibus terrénis expédiant,
& cæléstibus semper instáurent alimén-
tis. Per Dóminum nostrum.

De sancta Maria. Postcommunio.

Hæc nos communio, Dómine,
purget à crimine: & intercedente
beáta vírgine Dei Genitríce María, cæ-
léstis remédii fáciat esse consórtes.

Contra persecutores Ecclesiæ.

Postcommunio.

Quæsumus Dómine Deus noster:
ut quos divína tribuis participatió-
ne gaudere, humanis non finas subja-
cere perículis. Per Dóminum.

Vel pro Papa, Postcomm. Hæc nos, quæ-
sumus. **ut in Dominica præterita.** fol. 39.

DOMINICA QUINTA

post Epiphaniam.

Introitus. Psalm. 96.



Doráte Deum omnes An-
geli ejus: audívit, & læ-
táta est Sion: & exulta-
verunt filiæ Judæ.

Psalmus ibidem. Dómi-
nus regnávít, exúltet terra: læténtur
ínsulæ multæ.

v. Glória Patri, &c. Oratio.

Famíliam tuam, quæsumus Dómine,
continúa pietáte custódi: ut quæ in
sola spe grátiae cæléstis innítitur, tua
semper protectióne muniátur. Per Dó-
minum nostrum.

Ad poscenda suffragia Sanctorum. Oratio.

Acunctis nos, quæsumus Dómi-
ne, mentis & corporis defénde
perículis: & intercedente beáta & glo-

riósa semper vírgine Dei Genitríce
María, cum beátis Apóstolis tuis Petro
& Paulo, atque beáto **N.** & ómnibus
Sanctis, salútem nobis tribue benignus
& pacem: ut, destrúctis adversitati-
bus, & erroribus univérſis, Ecclesiá
tua secúra tibi sérviat libertáte.

**In hac Oratione nomina SS. Michaelis,
& Joannis Baptiste, & Joseph, præpo-
nuntur Apostolis.**

Tertia Oratio dicitur ad libitum Sacerdotis.

Lectio Epístolæ beáti Pauli Apóstoli
ad Colossénses. **Coloss. 3. b**

Fratres, Indúite vos sicut elécti Dei,
sancti, & dilécti, víscera miseri-
córdiae, benignitátem, humilitátem,
modéstiam, patiéntiam: supportántes
ínvicem, & donántes vobismetípsis, si
quis advérsus áliquem habet querélam,
sicut & Dóminus donávit vobis, ita &
vos. Super ómnia autem hæc, chari-
tátem habéte, quod est vínculum per-
fectiónis: & pax Christi exúltet in cór-
dibus vestris, in qua & vocáti estis in
uno corpore: & grati estóte. Verbum
Christi hábitet in vobis abundánter, in
omni sapiéntia, docéntes, & commo-
néntes vosmetípsos, psalmis, hymnis,
& cánticis spirituálibus, in grátia can-
tántes in córdibus vestris Deo. Omne
quodcúmque fáctis in verbo aut in
ópere, ómnia in nómine Dómini Je-
su Christi, grátias ágéntes Deo &
Patri per Jesum Christum Dóminum
nostrum.

Graduale. Psalm. 101. **T**ímébunt Gentes
nómen tuum, Dómine, & omnes reges
terræ glóriam tuam. **v.** Quóniam ædi-
ficávit Dóminus Sion, & vidébitur in
majestáte sua. **A**llelúja, allelúja.

v. Psalm. 96. Dóminus regnávít, exúltet
terra: læténtur ínsulæ multæ. Allelúja.

**Sequentia sancti Euangelii secún-
dum Matthæum. Matth. 13. c**

In illo témpore: Dixit Jesus turbis
parábolam hanc: Símile factum est
regnum cælórum hómini, qui se-
miná-

minavit bonum semen in agro suo. Cum autem dormirent homines, venit inimicus ejus, & superfeminavit zizania in medio tritici, & abiit. Cum autem crevisset herba, & fructum fecisset, tunc apparuerunt & zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, & colligimus ea? Et ait: Non: ne forte colligentes zizania, eradicetis simul cum eis & triticum. Sinite utraque crescere usque ad messem, & in tempore messis dicam mesoribus: Colligite primum zizania, & alligate ea in fasciculos ad comburendum, triticum autem congregate in horreum meum. **C**redo.

Offertorium. Psalm. 117. Dextera Domini fecit virtutem, dextera Domini exaltavit me: non moriar, sed vivam, & narrabo opera Domini. **Secreta.**

Hostias tibi, Domine, placationis offerimus: ut & delicta nostra miseratus absolvas, & nutantia corda tu dirigas. Per Dominum.

Ad poscenda suffragia sanctorum. Secreta.

Exaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis, gratiam tribuens in presenti, & gloriam in futuro.

Tertia ad libitum.

Communio. Lucæ 4. Mirabantur omnes de his, quæ procedebant de ore Dei. **Postcommunio.**

Quæsumus omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum.

Ad poscenda suffragia Sanctorum.

Postcommunio.

Mundet & muniat nos, quæsumus Domine, divini sacramenti munus oblatum: & intercedente beata virgine Dei Genitrice Maria, cum

beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatus, & adversitatibus expeditos.

Tertia ad libitum.

DOMINICA SEXTA post Epiphaniam.

Introitus. Psalmus 96.



Dorate Deum omnes Angeli ejus: audivit, & lætata est Sion: & exultaverunt filiae Judæ. **Psalm. ibid.** Dominus regnavit, exultet terra: lætentur insulæ multæ.

Glória Patri, &c. Oratio.

Præsta quæsumus omnipotens Deus: ut semper rationabilia meditantes, quæ tibi sunt placita, & dictis exequamur, & factis. Per Dominum.

Ad poscenda suffragia Sanctorum. Oratio.

Acunctis nos, quæsumus Domine, mentis & corporis defende periculis: & intercedente beata & gloriosa semper virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem: ut, destructis adversitatibus, & erroribus universis, Ecclesia tua secunda tibi serviat libertate.

Tertia ad libitum.

Lectio Epistolæ beati Pauli Apostoli ad Thessalonicenses. **1. Thess. 1.**

Fratres, Grátias ágimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, & laboris, & charitatis, & sustinentiæ spei Domini nostri Jesu Christi, ante Deum & Patrem nostrum: scientes fratres, dilecti a Deo, electionem vestram: quia Evangelium nostrum non fuit ad vos in sermone tantum, sed & in virtute, & in Spiritu sancto, & in plenitudine multa, sicut scitis quales fuérimus in vobis propter vos. Et vos imitatores nostri facti estis, &

Domi-

Dómini, excipientes verbum in tribulatione multa, cum gaudio Spíritus sancti: ita ut facti sitis forma omnibus credentibus in Macedónia, & in Acháia. A vobis enim diffamátus est sermo Dómini, non solum in Macedónia, & in Acháia, sed & in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annuntiant qualem introitum habuerimus ad vos: & quomodo conversi estis ad Deum à simulacris, servire Deo vivo, & vero, & expectare Filium ejus de cælis (quæ suscitavit ex mortuis) Jesum, qui eripuit nos ab ira ventúra.

Graduale. Psalm. 101. Timébunt Gentes nomen tuum, Dómine, & omnes reges terræ glóriam tuam. **Ps.** Quóniam ædificavit Dóminus Sion, & videbitur in maiestáte sua. **Allelúja, allelúja.**

Psalm. 96. Dóminus regnavit, exúltet terra: læténtur insulæ multæ. **Allelúja.**



Sequéntia sancti Euangélíi secundum Matthæum. **Matth. 13. d**

IN illo témpore: Dixit Jesus turbis parabolam hanc: Simile est regnum cælórum grano sinápis, quod accipiens homo, seminávit in agro suo: quod mínimum quidem est omnibus seminibus: cum autem créverit, majus est omnibus oléribus, & fit arbor, ita ut volucres cæli véniant, & hábitent in ramis ejus. Aliam parabolam locútus est eis. Simile est regnum cælórum fermento, quod acceptum mulier abscondit in farinæ satis tribus, donec fermentátum est totum. Hæc omnia locútus est Jesus in parabolis ad turbas: & sine parabolis non loquebátur eis: ut impleretur quod dictum erat per Prophétam dicentem: Apériam in parabolis os meum, eruclábo abscondita à constitutióne mundi. **Credo.**

Offertorium. Psalm. 117. **D**éxtera Dómini fecit virtútem, déxtera Dómini exaltávit me: non móriar, sed vivam, & narrábo ópera Dómini.

Secreta.

Hæc nos oblátio, Deus, mundet, quæsumus, & rénovet, gubérnet, & protégat. Per Dñm. **Alia Secreta.**

Exáudi nos Deus salutáris noster: ut per hujus sacraménti virtútem, à cunctis nos mentis & cörperis hóstibus tueáris; grátiam tribuens in præsentí, & glóriam in futuro.

Tertia ad libitum.

Communio. Lucæ 4. Mirabántur omnes de his, quæ procedébant de ore Dei. **Postcommunio.**

Cæléstibus, Dómine, pasti delíciis, quæsumus, ut semper éadem, per quæ veráciter vivimus, appetámus. Per Dóminum. **Alia Postcommunio.**

Mundet & múniat nos, quæsumus Dómine, divíni sacraménti munus oblátum: & intercedente beáta vírgine Dei genitríce María, cum beátis Apóstolis tuis Petro & Paulo, atque beáto **N.** & omnibus Sanctis; à cunctis nos reddat & perversitatibus expiátos, & adversitatibus expeditos.


Tertia ad libitum.

D O M I N I C A
in Septuagesima.

Statio ad S. Laurentium extra muros.

Introitus.

Psalmus 17.



Circumdederunt me gémitus mortis, dolóres inférni circumdederunt me: & in tribulatione mea invocávi Dóminum, & exaudivit de templo sancto suo vocem meam.

Psalm. ibid. **D**iligam te Dómine fortitúdo mea: Dóminus firmaméntum meum, & refúgium meum, & liberátor meus. **Glória Patri, & Filio, &c.**

Non dicitur Glória in excelsis, ab hac Dominica usque ad Pascha, exceptis Feria v. in Coena Domini, & Sabbato sancto, & quando dicitur Missa de Feste.

Oratio.

Preces pópuli tui, quæsumus Dómine, cleméner exáudi: ut qui justè pro

pro peccatis nostris affligimur, pro tui nominis gloria misericorditer liberemur. Per Dominum.

Ad poscenda suffragia Sanctorum. Oratio.

A Cunctis nos, quaesumus Domine, mentis & corporis defende periculis: & intercedente beata & gloriosa semper virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem; ut destructis adversitatibus, & erroribus universis, Ecclesia tua secunda tibi serviat libertate. Per eundem Dominum nostrum Jesum Christum.

U dicenda est ultimo loco.

Tertia ad libitum.

Sic dicitur ii. & iii. Oratio a festo Purificationis, etiam si transferatur, vel habeat octavam, usque ad Fer. iv. Cinerum exclusive, quando non est Dupl. nisi Dominica Septuagesimae venerit ante festum Purificationis, vel in ipsa die Purificationis: quia tunc dicuntur Orationes sicut in Dominica ii. post Epiphaniam, de sancta Maria, & contra persecutores Ecclesiae, vel pro Papa. fol. 37. Simili modo fiat in Sexagesima, & Quinquagesima.

Lectio Epistolae beati Pauli Apostoli ad Corinthios. **1. Cor. 9. d & 10.**

Fratres, Nescitis quod ii, qui in stadio currunt, omnes quidem currunt, sed unus accipit bravium? Sic currite ut comprehendatis. Omnis autem, qui in agone contendit, ab omnibus se abstinere, & illi quidem, ut corruptibilem coronam accipiant, nos autem incorruptam. Ego igitur sic curro, non quasi in incertum: sic pugno, non quasi aerem verberans: sed castigo corpus meum, & in servitutem redigo: ne forte, cum aliis praedicaverim, ipse reprobus efficiar. Nolo enim vos ignorare fratres, quoniam patres nostri omnes sub nube fuerunt, & omnes mare transierunt, & omnes in Moyse baptizati sunt in nube, & in mari: & omnes eandem escam spiritalem manducaverunt, & omnes eundem potum spiritalem biberunt: (bibebant autem de

spiritali, consequente eos, petra: petra autem erat Christus) sed non in pluribus eorum beneplacitum est Deo.

Graduale. Psalm. 9. A djutor in opportunitatibus, in tribulatione: sperent in te, qui noverunt te, quoniam non derelinquis quaerentes te Domine.

V. Quoniam non in finem oblivio erit pauperis: patientia pauperum non peribit in aeternum: exurge, Domine, non praevaleat homo.

Tractus. Psalm. 129. De profundis clamaui ad te Domine, Domine exaudi vocem meam. **V.** Fiant aures tuae intendentes in orationem servi tui.

V. Si iniquitates observaveris Domine, Domine quis sustinebit?

V. Quia apud te propitiatio est, & propter legem tuam sustinui te Domine.

A Septuagesima usque ad Feriam iv. Cinerum, Tractus dicitur tantum in Dominicis, & Festis: in Feriis autem, quando repetitur Missa de Dominica, non dicitur, sed tantum Graduale.



Sequentia sancti Evangelii secundum Matthaeum. **Matth. 20.**

In illo tempore: Dixit Jesus discipulis suis parabolam hanc: Simile est regnum caelorum homini patrifamilias, qui exiit primo mane conducere operarios in vineam suam. Conventionem autem facta cum operariis ex denario diurno, misit eos in vineam suam. Et egressus circa horam tertiam, vidit alios stantes in foro otiosos, & dixit illis: Ite & vos in vineam meam, & quod justum fuerit dabo vobis. Illi autem abierunt. Iterum autem exiit circa sextam, & novam horam: & fecit similiter. Circa undecimam vero exiit, & invenit alios stantes, & dicit illis: Quid hic statis tota die otiosi? Dicunt ei: Quia nemo nos conduxit. Dicit illis: Ite & vos in vineam meam. Cum sero autem factum esset, dicit dominus vineae procuratori suo: Voca operarios, & redde illis mercedem, inci-

incipiens à novissimis usque ad primos. Cum venissent ergo qui circa undecimā horam venerant, acceperunt singulos denarios. Venientes autem & primi, arbitrati sunt quod plus essent accepturi: acceperunt autem & ipsi singulos denarios. Et accipientes murmurabant adversus patremfamilias, dicentes: Hi novissimi una hora fecerunt, & pares illos nobis fecisti, qui portavimus pondus diei, & æstus? At ille respondens uni eorum, dixit: Amice non facio tibi injuriam: nonne ex denario convenisti mecum? Tolle quod tuum est, & vade: volo autem & huic novissimo dare sicut & tibi. Aut non licet mihi, quod volo, facere? an oculus tuus nequam est, quia ego bonus sum? Sic erunt novissimi primi, & primi novissimi. Multi enim sunt vocati, pauci verò electi. *Credo.*

Offertorium. Psalmus 91. Bonum est confiteri Domino, & psallere nomini tuo, Altissime.

Secreta.

Muneribus nostris, quaesumus Domine, precibusque susceptis: & caelestibus nos munda mysteriis, & clementer exaudi. Per Dominum.

Si Dominica Septuagesimae venerit ante festum Purificationis, vel ipsa die Purificationis, Secreta de sancta Maria erit, Tua, Domine. ut in ejusdem Missa votiva.

Alia Secreta.

Exaudi nos Deus salutaris noster: ut per hujus Sacramenti virtutem, a cunctis nos mentis & corporis hostibus tuearis, gratiam tribuens in praesenti, & gloriam in futuro.

Tertia ad libitum.

Communio. Psalmus 30. Illumina faciem tuam super servum tuum, & salvum me fac in tua misericordia: Domine non confundar, quoniam invocavi te.

Postcommunio.

Fideles tui, Deus, per tua dona firmantur: ut eadem & percipiendo requirant, & quaerendo sine fine percipiant. Per Dominum.

Alia Postcommunio.

Mundet & muniat nos, quaesumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatis, & adversitatibus expeditis.

Tertia ad libitum.


Benedicamus Domino. R. Deo gratias.

D O M I N I C A
in Sexagesima.

Statio ad sanctum Paulum.

Introitus.

Psalmus 43.



Xurge, quare obdormis, Domine? exurge, & ne repellas in finem: quare faciem tuam avertis, oblivisceris tribulationem nostram? adhæsit in terra venter noster: exurge Domine, adjuva nos, & libera nos. *Psalm. ibid.*

Deus auribus nostris audivimus: patres nostri annuntiaverunt nobis. *Glória Patri. Oratio.*

Deus, qui conspicias, quia ex nulla nostra actione confidimus: concede propitius; ut contra adversa omnia, Doctoris Gentium protectione muniamur. Per Dominum.

Ad poscenda suffragia Sanctorum. Oratio.

Acunctis nos, quaesumus Domine, mentis & corporis defende periculis: & intercedente beata & gloriosa semper virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem: ut, destructis adversitatibus, & erroribus universis, Ecclesia tua secura tibi serviat libertate.

Tertia ad libitum.

Lectio Epistolæ beati Pauli Apostoli ad Corinthios. *2. Cor. 11. d*

Fratres, Libenter suffertis insipientes: cum sitis ipsi sapientes. Sustinetis enim si quis vos in servitutem redigit, si quis devorat, si quis accipit, si quis extolli-

collitur, si quis in faciem vos cedit. Secundum ignobilitatem dico, quasi nos infirmi fuerimus in hac parte. In quo quis audet, (in insipientia dico) audeo & ego: Hebraei sunt, & ego: Israelitae sunt, & ego: Semen Abrahamae sunt, & ego: Ministri Christi sunt, (ut minus sapiens dico) plus ego: in laboribus plurimis, in carceribus abundantius, in plagis supra modum, in mortibus frequenter. A Judaeis quinque, quadragenas, una minus, accipi. Ter virgis caesus sum, semel lapidatus sum, ter naufragium feci, nocte & die in profundo maris fui, in itineribus saepe, periculis fluminum, periculis latronum, periculis ex genere, periculis ex Gentilibus, periculis in civitate, periculis in solitudine, periculis in mari, periculis in falsis fratribus: in labore & aerumna, in vigiliis multis, in fame & siti, in jejuniis multis, in frigore & nuditate: praeter illa, quae extrinsecus sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? quis scandalizatur, & ego non uror? Si gloriari oportet: quae infirmitatis meae sunt, gloriabor. Deus & Pater Domini nostri Jesu Christi, qui est benedictus in saecula, scit quod non mentior. Damasci praepositus Gentis Aretae regis, custodiebat civitatem Damascenorum, ut me comprehenderet: & per fenestram in porta dimissus sum per murum, & sic effugi manus ejus. Si gloriari oportet, (non expedit quidem) veniam autem ad visiones, & revelationes Domini. Scio hominem in Christo ante annos quatuordecim, (sive in corpore nescio, sive extra corpus nescio, Deus scit,) raptum hujusmodi usque ad tertium caelum. Et scio hujusmodi hominem, (sive in corpore, sive extra corpus nescio, Deus scit,) quoniam raptus est in paradisum: & audivit arcana verba, quae non licet homini loqui. Pro hujusmodi gloriabor: pro me autem nihil gloriabor nisi in infirmitati-

bus meis. Nam, & si voluero gloriari, non ero insipiens: veritatem enim dicam: parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meae, angelus satanae, qui me colaphizet. Propter quod ter Dominum rogavi ut discederet a me: & dixit mihi: Sufficit tibi gratia mea: nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

Graduale. Psalmus 82. Sciant Gentes quoniam nomen tibi Deus: tu solus Altissimus super omnem terram.

V. Deus meus, pone illos ut rotam, & sicut stipulam ante faciem venti.

Tractus. Psalmus 59. Commovisti Domine terram, & conturbasti eam.

V. Sana contritiones ejus, quia mota est. **V.** Ut fugiant a facie arcus: ut liberentur electi tui.

Sequentia sancti Evangelii secundum Lucam. Lucae 8.

IN illo tempore: Cum turba plurima convenirent, & de civitatibus properarent ad Jesum, dixit per similitudinem: Exiit qui seminat, seminare semen suum: & dum seminat, aliud cecidit secus viam, & conculcatum est, & volucres caeli comederunt illud. Et aliud cecidit supra petram: & natum aruit, quia non habebat humorem. Et aliud cecidit inter spinas, & simul exortae spinae suffocaverunt illud. Et aliud cecidit in terram bonam, & ortum fecit fructum centuplum. Haec dicens, clamabat: Qui habet aures audiendi, audiat. Interrogabant autem eum discipuli ejus, quae esset haec parabola? Quibus ipse dixit: Vobis datum est nosse mysterium regni Dei, ceteris autem in parabolis, ut videntes non videant, & audientes non intelligant. Est autem haec parabola: Semen est verbum Dei. Qui autem secus viam, hi sunt qui audiunt:

dein-

deinde venit diabolus; & tollit verbum de corde eorum, ne credentes salvi fiant. Nam qui supra petram: qui cum audierint, cum gaudio suscipiunt verbum: & hi radices non habent: qui ad tempus credunt, & in tempore tentationis recedunt. Quod autem in spinas cecidit: hi sunt, qui audierunt, & a solitudinibus, & divitiis, & voluptatibus vite euntes, suffocantur, & non referunt fructum. Quod autem in bonam terram: hi sunt, qui in corde bono & optimo audientes verbum retinent, & fructum afferunt in patientia. **Credo.**

Offertorium. Psalm. 16. Perfice gressus meos in semitis tuis, ut non moveantur vestigia mea: inclina aurem tuam, & exaudi verba mea: mirifica misericordias tuas, qui salvos facis sperantes in te Domine.

Secreta.

Oblatum tibi, Domine, sacrificium vivificet nos semper, & muniat. Per Dominum.

Alia Secreta.

Exaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis; gratiam tribuens in presenti, & gloriam in futuro.

Tertia ad libitum.

Communio. Psalmus 42. Introibo ad altare Dei, ad Deum qui laetificat juventutem meam.

Postcommunio.

Supplices te rogamus, omnipotens Deus: ut quos tuis reficis sacramentis, tibi etiam placitis moribus dignanter deservire concedas. Per Dominum.

Alia Postcommunio.

Mundet & muniat nos, quaesumus Domine, divini sacramenti munus oblatum: & intercedente beata virgine Dei Genitrice Maria, cum beatis Apostolis tuis Petro & Paulo, atque beato N. & omnibus Sanctis; a cunctis nos reddat & perversitatibus expiatis, & adversitatibus expeditos.

Tertia ad libitum.

Benedicamus Domino:

Deo gratias.

D O M I N I C A

in Quinquagesima.

Statio ad sanctum Petrum.

Introitus.

Psalm. 30.



Sto mihi in Deum protectorem, & in locum refugii, ut salvum me facias: quoniam firmamentum meum, & refugium meum es tu: & propter nomen tuum dux mihi eris, & enutries me.

Psalmus ibidem. In te Domine speravi, non confundar in aeternum: in justitia tua libera me, & eripe me.

Gloria Patri, &c.

Oratio.

Preces nostras, quaesumus Domine, clementer exaudi: atque a peccatorum vinculis absolutos, ab omni nos adversitate custodi. Per Dominum.

Ad poscenda suffragia Sanctorum. Oratio.

Acunctis nos, quaesumus Domine, mentis & corporis defende periculis: & intercedente beata & gloriosa semper virgine Dei genitrice Maria, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus & pacem: ut destructis adversitatibus, & erroribus universis, Ecclesia tua secura tibi serviat libertate.

Tertia ad libitum.

Lectio Epistolae beati Pauli Apostoli ad Corinthios.

1. Cor. 13.

Fratres, Si linguis hominum loquar, & Angelorum, charitatem autem non habeam, factus sum velut aes sonans, aut cymbalum tinniens. Et si habuero prophetiam, & noverim mysteria omnia, & omnem scientiam: & si habuero omnem fidem ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita ut ardeam, charitatem autem non habuero, nihil mihi prodest. Caritas patiens est, benigna est: Caritas non aemulatur, non agit perperam, non inflatur, non est ambitiosa,

sa, non quærit quæ sua sunt, non irritatur, non cogitat malum, non gaudet super iniquitate, congratuletur autem veritati: omnia suffert, omnia credit, omnia sperat, omnia sustinet. Charitas numquam excidit: siue prophetiæ evacuabuntur, siue linguæ cessabunt, siue scientia destruetur. Ex parte enim cognoscimus, & ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quæ erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam sicut & cognitus sum. Nunc autem manent fides, spes, charitas, tria hæc: Major autem horum est charitas.

Graduale. Psalmus 76. Tu es Deus, qui facis mirabilia solus: notam fecisti in Gentibus virtutem tuam.

V. Liberasti in brachio tuo populum tuum, filios Israel & Joseph.

Tractus. Psalmus 99. Iubilante Deo omnis terra, servite Domino in lætitia.

V. Intrate in conspectu ejus in exultatione: scitote quod Dominus ipse est Deus.

V. Ipse fecit nos, & non ipsi nos: nos autem populus ejus, & oves pascuæ ejus.



Sequentia sancti Evangelii secundum Lucam.

Lucæ 18. f

In illo tempore: Assumpsit Jesus duodecim, & ait illis: Ecce ascendimus Jerosolymam, & consummabuntur omnia, quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: & postquam flagellaverint, occident eum, & tertia

die resurget. Et ipsi nihil horum intellexerunt, & erat verbum istud absconditum ab eis, & non intelligebant quæ dicebantur. Factum est autem, cum appropinquaret Jericho, cæcus quidam sedebat secus viam, mendicans. Et cum audiret turbam prætereuntem, interrogabat quid hoc esset? Dixérunt autem ei, quod Jesus Nazarenus transiret. Et clamavit, dicens: Jesu fili David miserere mei. Et qui præstant, increpabant eum ut taceret. Ipse verò multò magis clamabat: Fili David miserere mei. Stans autem Jesus jussit illum adduci ad se. Et cum appropinquasset, interrogavit illum, dicens: Quid tibi vis faciam? At ille dixit: Domine ut videam. Et Jesus dixit illi: Respice, fides tua te salvum fecit. Et confestim vidit, & sequebatur illum magnificans Deum. Et omnis plebs ut vidit, dedit laudem Deo. **Credo.**

Offertorium. Psalm. 118. Benedictus es, Domine, doce me justificationes tuas: in labiis meis pronuntiavi omnia judicia oris tui.

Secreta.

Hæc hostia, Domine quaesumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum.

Alia Secreta.

Exaudi nos Deus salutaris noster: Eut per hujus sacramenti virtutem, à cunctis nos mentis & corporis hostibus tuearis, gratiam tribuens in præsentem, & gloriam in futuro.

Tertia ad libitum.

Communio. Psalm. 77. Manducaverunt & saturati sunt nimis, & desiderium eorum attulit eis Dominus: non sunt fraudati à desiderio suo.

Postcommunio.

Quaesumus omnipotens Deus: ut qui cælestia alimenta percipimus, per hæc contra omnia adversa muniamur. Per Dominum nostrum.

Alia

Alia Postcommunio.

MUndet & múniat nos, quæsumus Dómine, divini sacraménti munus oblátum: & intercedente beáta vírgine Dei genitríce María, cum beátis Apóstolis tuis Petro & Paulo, atque beáto **N.** & ómnibus Sanctis; à cunctis nos reddat & perversitatibus expiátos, & adversitatibus expeditos.

Tertia ad libitum.

Benedicámus Dómino. **R.** Deo grátias.

FERIA IV. CINERUM.

Ante Missam benedicuntur Cineres facti de ramis olivarum, sive aliarum arborum, præcedenti anno benedictis, hoc modo.

Finita Nona, Sacerdos indutus pluviali violaceo, vel sine casula, cum ministris similiter indutis, procedit ad benedicendum Cineres in vase aliquo super Altari positos. Et primò cantatur à Choro sequens Antiphona.

Psalmus 68.

Xáudi nos Dómine, quóniam benígna est misericórdia tua: secúndum multitudinem miserationum tuárum respice nos Dómine. **Psalm. Ibid.** **S**alvum me fac Deus: quóniam intravérunt aquæ usque ad animam meam. **V.** Glória Patri, &c.

R. Repetitur. **E**xáudi nos.

Deinde Sacerdos in cornu Epistolæ, non vertens se ad populum, manibus junctis (quod servatur etiam in Orationibus omnium benedictionum quoad manus junctas) dicit: Dominus vobiscum.

R. Et cum spíritu tuo.

Oremus.

Oratio.

OMnipotens sempitérne Deus, parce poenitentibus, propitiare supplicántibus: & mittere dignéris sanctum Angelum tuum de cælis, qui bene **+** dicat, & sancti **+** ficet hos cineres, ut sint remédium salúbre ómnibus nomen sanctum tuum humíliter implorántibus, ac semetipsos pro consciéntia delictórum suórum accusántibus, ante conspéctum divínæ cleméntiæ tuæ facinora sua deplorántibus, vel sereníssimam pietátem tuam suppliciter, ob-

Miss.

nixéque flagitántibus: & præsta per invocatione sanctíssimi nóminis tui: ut quicumque per eos aspérsi fuerint; pro redemptione peccatórum suórum, corpóris sanitátem, & animæ tutelam percípiant. Per Christum Dóminum nostrum.

R. Amen.

Oremus.

DEus, qui non mortem, sed poenitentiam desideras peccatórum: fragilitátem conditionis humanæ benigníssimè respice; & hos cineres, quos causa proferendæ humilitátis, atque promerendæ véniæ, capítibus nostris imponi decérnimus, bene **+** dicere pro tua pietáte dignáre: ut, qui nos cinerem esse, & ob pravitátis nostræ deméritum in púlverem reversúros cognóscimus peccatórum ómnium véniam, & præmia poeniténtibus repromíssa, misericórditer consequi mereámur. Per Christum Dóminum nostrum.

R. Amen.

Oremus.

DEus, qui humiliatióne flécteris, & satisfactiόne placáris: aurem tuæ pietátis inclína precibus nostris: & capítibus servórum tuórum, horum cinerum aspersione contáctis, effúnde propítius grátiam tuæ benedictiόnis: ut eos, & spíritu compunctiόnis répleas, & quæ iustè postuláverint, effícaciter tribuas; & concessa perpétuò stabilita, & intácta manére decérnas. Per Christum Dóminum nostrum.

R. Amen.

Oremus.

OMnipotens, sempitérne Deus, qui Ninivitis in cinere & cilicio poenitentibus, indulgentiæ tuæ remédia præstitisti: concéde propítius; ut sic eos imitemur hábitu, quátenus véniæ prosequámur obténtu. Per Dóminum.

¶ *Posteà Celebrans imposito incenso in thuribulo, ter aspergit cineres aqua benedicta, dicendo Antiphonam. Aspérget, sine cantu, & sine Psalmo, & ter adolet incenso. Deinde dignior Sacerdos ex Clero accedens ad Altare, imponit cinerem Celebranti non genuflexo. Si verò non*

D

adfit

ad sit alius Sacerdos, ipsemet Celebrans, genibus flexis coram Altari sibi ipsi cineres imponit in capite, nihil dicens: & cantatur statim à Choro Antiphona. Joelis 2.

Immutemur habitu, in cinere & cilicio: jejunemus, & ploremus ante Dominum: quia multum misericors est dimittere peccata nostra Deus noster.

Alia Antiphona. Ibidem. Inter vestibulum & altare plorabunt Sacerdotes ministri Domini, & dicent: Parce Domine, parce populo tuo: & ne claudas ora canentium te Domine.

Sequitur R. Esth. 13. Joel. 2. Emendemus in melius, quæ ignoranter peccavimus: ne subito præoccupati die mortis, quæramus spatium poenitentiae, & invenire non possimus. * Attende, Domine, & miserere: quia peccavimus tibi.

Psalm. 78. Adjuva nos Deus salutaris noster: & propter honorem nominis tui Domine libera nos. Attende. *Glória Patri, & Filio, & Spiritui sancto. Attende.*

Sacerdos verò, dum cantantur Antiphonæ, & Responsorium, detecto capite, primò imponit cineres digniori Sacerdoti, à quo ipse accepit, deinde ministris paratis, genibus flexis coram Altari, dicens: Meménto homo, quia pulvis es, & in pulverem revertéris.

Postea veniunt alii, primò Clerus per ordinem, deinde populus, & genibus flexis ante Altare singulatim recipiunt cineres à Sacerdote, ut dictum est de ministris. Completa cinerum impositione. Sacerdos dicit: Dominus vobiscum.

Orémus.

Concede nobis, Domine, præsidia militiæ Christiænæ sanctis inchoare jejuniis: ut contra spirituales nequitias pugnaturi, continentiae muniamur auxiliis. Per Christum Dominum nostrum.

R. Amen.

Deinde dicitur Missa.

Statio ad sanctam Sabinam:

Introitus.

Sap. 11.



Misereris omnium, Domine, & nihil odisti eorum, quæ fecisti: dissimulans peccata hominum propter poenitentiam, & parcens illis: quia tu es Dominus Deus noster.

Psalm. 56. Miserere mei Deus, miserere mei: quoniam in te confidit anima mea. *Glória Patri. Oratio.*

Præsta Domine fidelibus tuis: ut jejuniorum veneranda solémnia, & congrua pietate suscipiant, & secúra devotione percúrrant. Per Dominum.

Ab hac die, usque ad Dominicam de Passione, post Orationem diei, dicuntur duæ sequentes Orationes.

Ad poscenda suffragia Sanctorum. Oratio.

A cunctis nos, quæsumus Domine, mentis & corporis defende periculis: & intercedente beata & gloriósa semper vírgine Dei Genitrice María, cum beátis Apóstolis tuis Petro & Paulo, atque beáto *N.* & omnibus Sanctis, salutem nobis tribue benígnus & pacem; ut destrúctis adversitatibus, & erroribus univér sis, Ecclesiá tua secúra tibi sérviat libertate.

Pro vivis, & defunctis. Oratio.

Omnípotens sempitérne Deus: qui vivorum domináris simul & mortuorum, omniumque misereris, quos tuos fide & opere futuros esse prænoúscis: te supplices exorámus; ut pro quibus effúndere preces decrevimus, quosque vel præsens sæculum adhuc in carne rétinet, vel futurum jam exutos corpore suscepit; intercedéntibus omnibus Sanctis tuis, pietátis tuæ cleméntia, omnium delictórum suorum véniam consequántur. Per Dominum.

Lectio Joélis Prophætæ. Joel. 2. c.

Hæc dicit Dominus: Convertimini ad me in toto corde vestro, in jejúnio, & in fletu, & in planctu. Et scíndite corda vestra, & non vestiménta vestra, & convertimini ad Dominum

num Deum vestrum: quia benignus & misericors est, pateriens & multae misericordiae, & praestabilis super malitia. Quis scit si convertatur, & ignoscat, & relinquat post se benedictionem, sacrificium, & libamen Domino Deo vestro? Canite tuba in Sion, sanctificate jejunium, vocate coetum, congregate populum, sanctificate Ecclesiam, coadunate senes, congregate parvulos, & fugentes ubera: egrediatur sponsus de cubili suo, & sponsa de thalamo suo. Inter vestibulum & altare plorabunt sacerdotes ministri Domini, & dicent: Parce Domine, parce populo tuo: & ne des hereditatem tuam in opprobrium, ut dominentur eis nationes. Quare dicunt in populis: Ubi est Deus eorum? Zelatus est Dominus terram suam, & pepercit populo suo. Et respondit Dominus, & dixit populo suo: Ecce ego mittam vobis frumentum, & vinum, & oleum, & replemini eis: & non dabo vos ultra opprobrium in Gentibus, dicit Dominus omnipotens.

Graduale. Psalmus 56. Miserere mei, Deus, miserere mei: quoniam in te confidit anima mea.

V. Misit de caelo, & liberavit me: dedit in opprobrium conculcantes me.

Tractus. Psalmus 102. Domine, non secundum peccata nostra, quae fecimus nos: neque secundum iniquitates nostras retribuas nobis.

V. Psalm. 78. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. **Hic genuflectitur usque ad finem versus, quod semper servari debet.**

V. Adjuva nos, Deus salutaris noster: & propter gloriam nominis tui, Domine libera nos: & propitius esto peccatis nostris, propter nomen tuum.

¶ Supradictus Tractus ab hac die dicitur Feria ii. iv. & vi. usque ad Feriam iv. majoris Hebdomadae, nisi proprius assignetur.



Sequentia sancti Evangelii secundum Matthaeum. Matth. 6. b

IN illo tempore: Dixit Jesus discipulis suis: Cum jejunatis, nolite fieri sicut hypocritae, tristes: exterminant enim facies suas, ut appareant hominibus jejunantes. Amen dico vobis, quia receperunt mercedem suam. Tu autem cum jejunas, unge caput tuum, & faciem tuam lava, ne videaris hominibus jejunans, sed Patri tuo, qui est in abscondito: & Pater tuus, qui videt in abscondito, reddet tibi. Nolite thesaurizare vobis thesauros in terra: ubi aerugo, & tineas demolitur: & ubi fures effodiunt, & furantur. Thesaurizate autem vobis thesauros in caelo: ubi neque aerugo, neque tineas demolitur, & ubi fures non effodiunt, nec furantur. Ubi enim est thesaurus tuus, ibi est & cor tuum.

Offertorium. Psalmus 29. Exaltabo te Domine, quoniam suscepisti me, nec delectasti inimicos meos super me: Domine clamavi ad te, & sanasti me. **Secreta.**

FAc nos, quaesumus Domine, his muneribus offerendis convenienter aptari: quibus ipsius venerabilis sacramenti celebramus exordium. Per Dominum.

Aliae Secretae usque ad Dñicam Passionis.

EXaudi nos Deus salutaris noster: Eut per hujus sacramenti virtutem, a cunctis nos mentis & corporis hostibus tuearis, gratiam tribuens in praesenti, & gloriam in futuro.

Deus, cui soli cognitus est numerus electorum in superna felicitate locandus: tribue quaesumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beatæ praedestinationis liber adscripta retineat. Per Dominum.

Præfatio. Qui corporali jejunio Et dicitur quotidie usque ad Dñicam Passionis, etiam in festis, si in eis propria non habeatur.

Communio. Psalmus 1. Qui meditabitur in lege Domini die ac nocte, dabit fructum suum in tempore suo.

Postcommunio.

Percépta nobis, Domine, præbeant sacramenta subsidium: ut tibi grata sint nostra jejunia, & nobis proficiant ad medelam. Per Dominum nostrum.

Aliæ Postcommuniones.

Mundet & muniat nos, quæsumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis; à cunctis nos reddat & perversitatibus expiatus, & adversitatibus expeditos.

Purificent nos, quæsumus omnipotens & misericors Deus, sacramenta, quæ sumpsimus: & intercedentibus omnibus Sanctis tuis, præsta; ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum, atque mortuorum fidelium, remissio omnium delictorum. Per Dominum.

Deinde Sacerdos absolute dicit: Orémus: Et Diaconus (si in officio Diaconatus serviat) versus ad populum junctis manibus dicit: Humiliate capita vestra Deo. Alioquin ipse Sacerdos, stans in eodem loco ante librum, & non vertens se ad populum.

Oratio.

Inclinantes se, Domine, majestati tuæ, propitiatus intende: ut, qui divino munere sunt refecti, cælestibus semper nutriantur auxiliis. Per Dominum.

Et hic modus dicendi Orationem super populum servatur tantummodo in Missis de Feria, usque ad quartam Feriam majoris Hebdomadæ. Deinde Benedicamus Domino.

Deo grátias.

F E R I A Q U I N T A.

Statio ad sanctum Georgium.

Introitus.

Psalm. 54.



Um clamarem ad Dominum, exaudivit vocem meam ab his, qui appropinquant mihi: & humiliavit eos, qui est ante sæcula, & manet in æternum: jacta cogitatum tuum in Domino, & ipse te enutriet. **Psalm. ibid. E**xaudi Deus orationem meam, & ne despexeris deprecationem meam: intende mihi, & exaudi me.

Glória Patri, &c.

Oratio.

Deus, qui culpa offenderis, poenitentia placaris: preces populi tui supplicantis propitius respice, & flagella tuæ iracundiæ, quæ pro peccatis nostris meremur, averte. Per Dominum nostrum.

Aliæ Orationes, ut in Feria iv. Cinerum. fol. 50.

Lectio Isaïæ Prophætæ. Isaïæ 38.

In diebus illis: Ægrotavit Ezechias usque ad mortem: & introivit ad eum Isaïas filius Amos Propheta, & dixit ei: Hæc dicit Dominus: Dispone domui tuæ, quia morieris tu, & non vives. Et convertit Ezechias faciem suam ad parietem, & oravit ad Dominum, & dixit: Obsecro Domine, memento quæso, quomodo ambulaverim coram te in veritate, & in corde perfecto, & quod bonum est in oculis tuis fecerim. Et flevit Ezechias fletu magno. Et factum est verbum Domini ad Isaïam, dicens: Vade, & dic Ezechiae: Hæc dicit Dominus Deus David patris tui: Audi vi orationem tuam, & vidi lacrymas tuas, ecce ego adjiciam super dies tuos quindecim annos: & de manu regis Assyriorum eruiam te, & civitatem istam, & protegam eam, ait Dominus omnipotens.

Graduale. Psalm. 54. Jacta cogitatum tuum in Domino, & ipse te enutriet. **Ps.** Dum clamarem ad Dominum, exaudivit vocem meam ab his, qui appropinquant mihi.

Sequen-

Sequéntia sancti Euangélíi secúndum Matthæum. **Matth. 8.**

IN illo témpore : Cúm introíffet Iesus Caphárnaum, accéssit ad eum Centúrio, rogans eum, & dicens : Dómine, puer meus jacet in domo paralyticus, & malè torquétur. Et ait illi Iesus : Ego véniam, & curábo eum. Et respóndens Centúrio, ait : Dómine non sum dignus ut intres sub tectum meum : sed tantum dic verbo, & sanábitur puer meus. Nam & ego homo sum sub potestáte constitútus, habens sub me milites, & dico huic : Vade, & vadit : & alii, Veni, & venit : & servo meo : Fac hoc, & facit. Audiens autem Iesus, mirátus est, & sequéntibus se dixit : Amen dico vobis, non invéni tantam fidem in Israel. Dico autem vobis, quòd multi ab Oriénte, & Occidénte vénient, & recumbent cum Abraham, & Isaac, & Jacob in regno cælórum : filii autem regni ejiciéntur in ténebras exterióres : ibi erit fletus, & stridor déntium. Et dixit Iesus Centurióni : Vade, & sicut credidísti, fiat tibi. Et sanátus est puer in illa hora.

Offertorium. Psalmus 24. A d te Dómine levávi ánimam meam, Deus meus in te confido, non erubescam : neque irrideant me inimíci mei : etenim univérsi, qui te expéctant, non confundéntur. **Secreta.**

Sacrificiis præsentibus, Dómine quæsumus, inténde placátus : ut & devotióni nostræ proficiant, & salúti. Per Dóminum nostrum.

Alia Secreta, ut in Feria iv. Cinerum. fol. 51.

Communio. Psalmus 50. A cceptabis sacrificium iustitiæ, oblatiónes, & holocáusta, super altáre tuum, Dómine. **Postcommunio.**

Cæléstis doni benedictióne percépta, supplices te Deus omnipotens, deprecámur : ut hoc idem nobis & sacraménti causa sit, & salútis. Per Dñm. Miss.

Alia Postcommuniones, ut in Feria iv. Cinerum. fol. 52.

Super populum. Oremus.


Humiliáte cápita vestra Deo. **Oratio.**

Parce Dómine, parce pópulo tuo : ut dignis flagellatióibus castigátus, in tua miseratione respíret. Per Dóminum.

F E R I A S E X T A.

Statio ad SS. Joannem & Paulum.

Introitus. Psalm. 29.



Udívit Dóminus, & mísertus est mihi : Dóminus factus est adjútor meus.

Psalm. ibidem. Exaltábo te Dómine, quóniam suscepísti me : nec delectásti inimícos meos super me.

V. Glória Patri.

Oratio.

Inchoáta jejúnia, quæsumus Dómine, benigno favóre proséquere : ut observántiam, quam corporáliter exhibémus, méntibus étiam sincéris exercére valeámus. Per Dóminum.

Alia Orationes, ut in Fer. iv. Ciner. fol. 50.

Lectio Isaíæ Prophétæ. **Isaíæ 58.**

Hæc dicit Dóminus Deus : Clama, ne cesses, quasi tuba exálta vocem tuam, & annúntia pópulo meo scélera eórum, & dómui Jacob peccáta eórum. Me etenim de die in diem quærunt, & scire vias meas volunt : quasi gens, quæ iustitiam fécerit, & iudícium Dei sui non dereliquerit : rogant me iudícia iustitiæ : appropinquáre Deo volunt. Quare jejunávimus, & non aspexisti : humiliávimus ánimas nostras, & nescísti ? Ecce in die jejúnii vestri invenítur volúntas vestra, & omnes debitóres vestros repétitis. Ecce ad lites & contentiões jejunátis, & percútitis pugno impiè. Nolíte jejunáre sicut usque ad hanc diem, ut audiátur in excélsó clamor vester. Numquid tale est jejúnium, quod elégi, per diem affligere hóminem ánimá suam ? numquid contorquére quasi circulum caput suum, & saccum & cínerem stérnere ? núquid istud vocábis jejúnium, & diem

& diem acceptabilem Dómino? Nónne hoc est magis jejúnium, quod elégi? Dissólve colligatiónes impietátis, solve fascículos deprimentes: dimítte eos, qui confrácti sunt, & líberos, & omne onus dirúmpe. Frange esuriénti panem tuum, & egénos, vagósque induc in domum tuam: cùm videris nudum, óperi eum, & carnem tuam ne despéxeris. Tunc erumpet quasi mané lumē tuum, & sánitas tua citiùs oriétur, & anteíbit fáciem tuam justítia tua, & glória Dómini colliget te. Tunc invocábis, & Dóminus exáudiet: clamábis, & dicet: Ecce adsum. Quia misericors sum, Dóminus Deus tuus.

Graduale. Psalm. 26. U nam pétii à Dómino, hanc requíram; ut inhábitem in domo Dómini. *Ps.* Ut vídeam voluptátem Dómini: & prótegar à templo sancto ejus.

Tractus. Psalm. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. *Ps.* **Psalm. 78.** Dómine, ne memínaris iniquitátum nostrárum antiquárum, citò anticipent nos misericórdiæ tuæ, quia páuperes facti sumus nimis. **Hic genuflectitur.** *Ps.* Adjuva nos Deus salutáris noster: & propter glóriam nóminis tui Dómine líbera nos: & propítius esto peccátis nostris, propter nomen tuum.



Sequéntia sancti Euangélíi secúndum Matthæum. **Matth. 5. c**

IN illo témpore: Dixit Iesus discipulis suis: Audístis quia dictum est: Dilliges próximum tuum, & ódio habébis inimicum tuum. Ego autem dico vobis: Dilígite inimícos vestros, benefácite his, qui odérunt vos: & oráte pro persecuéntibus, & calumniántibus vos: ut sitis filii Patris vestri, qui in cælis est: qui solem suum oríri facit super bonos & malos: & pluit super justos & injústos. Si enim dilígitis eos, qui vos díligunt, quam mercédem

habébitis? nónné & publicáni hoc faciunt? Et si salutavéritis fratres vestros tantum, quid ampliùs fácitis? nónné & éthnici hoc faciunt? Estóte ergo vos perfécti, sicut & Pater vester cæléstis perféctus est. Atténdite ne justítiam vestram faciátis coram homínibus, ut videámini ab eis: alióquin mercédem non habébitis apud Patrem vestrum, qui in cælis est. Cùm ergo facis eleemósynam, noli tuba cánere ante te, sicut hypócritæ faciunt in synagógis, & in vicis, ut honorificéntur ab homínibus. Amen dico vobis, recepérunt mercédem suam. Te autem faciente eleemósynam, nésciat sínistra tua quid fáciat dextera tua: ut sit eleemósyna tua in abscondito, & Pater tuus, qui videt in abscondito, reddet tibi.

Offertorium. Psalm. 118. Dómine vífíca me secúndum elóquium tuum: ut sciam testimónia tua.

Secreta.

Sacrificium, Dómine, observántiæ quadragesimális, quod offerimus, præsta quæsumus: ut tibi & mentes nostras reddat accéptas, & continétiæ promptióris nobis tríbuat facultátem. Per Dóminum nostrum.

Aliæ Secretæ, ut in Feria iv. Cinerum. fol. 51.

Communio. Psalmus 2. Servíte Dómino in timóre, & exultáte ei cum tremóre: apprehéndite disciplínam, ne pereátis de via justa.

Postcommunio. **S**pirítum nobis, Dómine, tuæ charitátis infúnde: ut, quos uno pane cælésti satiásti, tua fácias pietáte concórdes. Per Dóminum nostrum, in unitáte ejúsdem.

Aliæ Postcommuniones, ut in Feria iv. Cinerum. fol. 52.

Super populum. **Orémus.** Humiliáte cápita vestra Deo.

Oratio. **T**Uére Dómine pópulum tuum, & ab ómnibus peccátis cleménter emúnda: quia nulla ei nocébit advérsitas, si nulla ei dominétur iníquitas. Per Dóminum.

SAB-

S A B B A T O.

Statio ad sanctum Tryphonem.

Introitus.

Psalm. 29.



Udīvit Dōminus, & mī-
sērtus est mihi: Dōminus
factus est adiutor meus.

Psalm. ibid. Exaltābo te Dō-
mine, quōniam suscepisti

me: nec delectasti inimicos meos super
me. **V.** Glōria Patri. **Oratio.**

Adesto Dōmine supplicatiōibus
nostris, & concēde: ut hoc solē-
mne jejūnium, quod animabus corpori-
busque curādis salūbriter institūtū est,
devōto servitio celebrēmus. Per Dñm.

Aliae Orationes, ut in Fer. iv. Ciner. fol. 50.

Lectio Isaiaē Prophetae. **Isaiaē 58. c.**

Haec dicit Dōminus Deus: Si ab-
stuleris de medio tui catēnam, &
desieris extēdere dīgitum, & loqui
quod non prodest. Cū effuderis esu-
riēti animam tuam, & animam affli-
ctam replēveris, oriētur in tēnebris lux
tua, & tēnebrae tuae erunt sicut meri-
dies. Et requiem tibi dabit Dōminus
semper, & implebit splendoribus ani-
mam tuam, & ossa tua liberābit, & eris
quasi hortus irriguus, & sicut fons aquā-
rum, cuius non deficient aquae. Et aedi-
ficabuntur in te deserta saeculorum: fun-
damenta generatiōis & generatiōis
suscitabis: & vocaberis aedificator se-
pium, avērtens sēmitas in quietem. Si
avērtēris à sabbato pedem tuum, fāce-
re voluntatem tuam in die sancto meo,
& vocaveris sabbatum delicatum, &
sanctum Dōmini gloriōsum, & glorifi-
caveris eum dum non facis vias tuas, &
non invenitur voluntas tua, ut loquāris
sermōnem: tunc delectaberis super Dō-
mino, & sustollam te super altitudines
terrāe, & cibābo te hāreditate Jacob pa-
tris tui. Os enim Dōmini locūtum est.

Graduale. Psalmus 26. U nam petii à
Dōmino, hanc requiram, ut inhābi-
tem in domo Dōmini. **V.** Ut videam
voluptatem Dōmini, & prōtegar à
templo sancto ejus.



Sequētia sancti Euangēlii se-
cūndū Marcum. **Marci 6. f**

In illo tēpore: Cū serō esset, erat
navis in medio mari, & Jesus solus
in terra. Et videns discipulos suos
laborāntes in remigādo (erat enim
ventus contrārius eis) & circa quartam
vigiliam noctis venit ad eos āmbulans
supra mare: & volēbat prāterire eos.
At illi ut vidērunt eum ambulāntem su-
pra mare, putavērunt phantāsmā esse,
& exclamavērunt. Omnes enim vidē-
runt eum, & conturbāti sunt. Et sta-
tim locūtus est cum eis, & dixit eis:
Confidite, ego sum, nolite timēre. Et
ascēdit ad illos in navim, & cessāvit
ventus. Et plus magis intra se stupē-
bant: non enim intellexērunt de pāni-
bus: erat enim cor eōrum obcācatum.
Et cū transfretāssent, venērunt in ter-
ram Genēsareth, & applicuērunt. Cū-
que egressi essent de navi, continuō co-
gnovērunt eum: & percurrētes univēr-
sam regiōnem illam, coepērunt in gra-
bātis eos, qui se malē habēbant, circum-
ferre, ubi audiēbant eum esse. Et quo-
cūque introibat in vicos vel in villas,
aut civitates, in platēis ponēbant infir-
mos, & deprecabāntur eum, ut vel fim-
briam vestimentī ejus tangerent, &
quotquot tangēbant eum, salvi fiēbant.

Offertorium. Psalm. 118. Dōmine, vi-
vifica me secūndū elōquium tuum:
ut sciam testimōnia tua. **Secreta.**

Suscipe Dōmine sacrificium, cuius
te voluisti dignāter immolatiōe
placari: prāsta quāsumus; ut, hujus
operatiōe mundāti, beneplacitum ti-
bi nostrae mentis offerāmus affēctum.
Per Dōminum nostrum.

Aliae Secretae, ut in Fer. iv. Ciner. fol. 51.

Communio. Psalm. 2. S ervite Dōmino
in timōre, & exultate ei cum tremōre:
apprehēdite disciplinam, ne pereātis
de via iusta. **Postcommunio.**

Caelēstis vitae mūnere vegetāti, quā-
sumus Dōmine: ut quod est nobis

in præsenti vita mystérium, fiat æternitatis auxílium. Per Dóminum.

Alia Postcóm. ut in Fer. iv. Ciner. fol. 52.

Super populum. Orémus.

Humiliáte cápita vestra Deo. *Oratio.*

Fidéles tui, Deus, per tua dona firméntur: ut eadem & percipiéndó requirant, & quæréndó sine fine percipiant. Per Dóminum nostrum.

DOMINICA PRIMA in Quadragesima.

Statio ad S. Joannem in Laterano.

Introitus. Psalm. 90.



Nvocábit me, & ego exáudiam eum: erípiam eum, & glorificábo eum: longitúdine diérum adimplébo eum. *Psalm. ibid. Qui hábitat in adjutório Altíssimi: in protectione Dei cæli commorábitur.*

Glória Patri, &c. Oratio.

Deus, qui Ecclesiám tuam ánnua quadragesimáli observatióne purificas: præsta familiæ tuæ; ut, quod à te obtinére abstinéndó nítitur, hoc bonis opéribus exequátur. Per Dóminum.

Ad poscenda suffragia Sanctorum. Oratio.

Acunctis nos, quæsumus Dómine, mentis & córporis defénde periculis: & intercedénte beáta & gloriósa semper vírgine Dei genitríce María, cum beátis Apóstolis tuis Petro & Paulo, atque beáto **N.** & ómnibus Sanctis, salútem nobis tribue benígnus & pacem: ut, destrúctis adversitatibus, & erróribus univérſis, Ecclesiá tua secúra tibi sérviat libertáte.

Pro Vivis, & Defunctis. Oratio.

Omnípotens sempitérne Deus, qui vivórum domináris simul, & mortuórum, omniúmque miseréris, quos tuos fide & ópere futúros esse prænóscis: te súpplices exorámus, ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exútos córpore fuscépit; intercedéntibus ómnibus San-

ctis tuis, pietátis tuæ cleméntia, ómnium delictórum suórum véniam consequántur. Per Dóminum.

Lectio Epístolæ beáti Pauli Apóstoli ad Corínthios. 2. Cor. 6.

FRatres, Exhortámur vos, ne in vácuum grátiam Dei recipiátis. Ait enim: Tém-pore accépto exaudivi te, & in die salútis adjúvi te. Ecce nunc tempus acceptábile, ecce nunc dies salútis. Némini dantes ullam offensió-nem, ut non vituperétur ministérium nostrum: sed in ómnibus exhibeámus nosmetípsos sicut Dei ministros, in multa paciéntia, in tribulatió-nibus, in necessitatibus, in angústis, in plagis, in carcéribus, in sediti-ó-nibus, in labóribus, in vigiliis, in jejúniis, in castitate, in sciéntia, in longanimitáte, in suavitáte, in Spíritu sancto, in charitate non ficta, in verbo veritátis, in virtúte Dei, per arma justitiæ à dextris, & à sinístris; per glóriam, & ignobilitátem: per infámiam, & bonam famam: ut seductóres, & veráces; sicut qui ignóti, & cógniti; quasi moriéntes, & ecce vivimus: ut castigáti, & non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, & ómnia possidéntes.

Graduale. Psalmus 90. Angelis suis Deus mandávit de te, ut custódiant te in ómnibus viis tuis.

In má-nibus portábunt te, ne umquam offéndas ad lápidem pedem tuum.

Tractus. ibid. Qui hábitat in adjutório Altíssimi, in protectione Dei cæli commorábitur. Dicet Dómino: Suscéptor meus es tu, & refúgium meum: Deus meus sperábo in eum. Quóniam ipse liberávit me de láqueo venántium, & à verbo áspero. Scá-pulis suis obumbrábit tibi: & sub pennis ejus sperábis. Scuto circúmdabit te veritas ejus: non timébis à timóre noctúrno. A sagitta volánte per diem, à negótio perambulánte in ténebris: à
ruína,

ruina, & dæmónio meridiáno. *Ps.* Cædent à latere tuo mille, & decem millia à dextris tuis: tibi autem non appropinquabit. *Ps.* Quóniam Angelis suis mandavit de te, ut custodiant te in ómnibus viis tuis. *Ps.* In manibus portabunt te, ne umquam offendas ad lapidem pedem tuum. *Ps.* Super áspidem & basiliscum ambulabis: & conculcabis leonem & draconem. *Ps.* Quóniam in me speravit, liberabo eum, prótegam eum, quóniam cognovit nomen meum.

Ps. Invocabit me, & ego exaudiam eum: cum ipso sum in tribulatione. *Ps.* Erípiam eum, & glorificabo eum: longitudine dierum adimplébo eum, & ostendam illi salutáre meum.



Sequéntia sancti Euangélíi secúndum Matthæum. *Matth. 4.*

IN illo témpore: Ductus est Jesus in désertum à Spíritu, ut tentarétur à diabolo. Et cum jejunáisset quadraginta diébus, & quadraginta nóctibus, postea esúriit. Et accédens tentátor, dixit ei: Si Fílius Dei es, dic ut lapides isti panes fiant. Qui respóndens, dixit: Scriptum est: Non in solo pane vivit homo, sed in omni verbo, quod procedit de ore Dei. Tunc asúmpsit eum diabolus in sanctam civitátem, & stáuit eum super pinnáculum templi, & dixit ei: Si Fílius Dei es, mitte te deórsú. Scriptum est enim: Quia Angelis suis mandavit de te, & in manibus tollent te, ne fortè offendas ad lapidem pedem tuum. Ait illi Jesus: Rursum scriptum est: Non tentabis Dóminum Deum tuum. Iterum asúmpsit eum diabolus in montem excélsu valde: & osténdit ei ómnia regna mundi, & glóriam eórum, & dixit ei: Hæc ómnia tibi dabo, si cadens adoráveris me. Tunc dicit ei Jesus: Vade Sátana: Scriptum est enim: Dóminum Deum adorabis, & illi soli servies. Tunc reliquit eum diabolus: & ecce Angeli accessérunt, & ministrábant ei. **C**redo.

Offertorium. Psalm. 90. Scápulis suis obumbrábit tibi Dóminus, & sub pennis ejus sperábis: scuto circúmdabit te veritas ejus.

Secreta.

Sacrificium quadragesimális iníitii solémniter immolámus, te Dómine deprecátes: ut cum epulárum restrictióne carnálium, à nóxiis quoque voluptátibus temperémus. Per Dóminum.

Alia Secreta.

EXáudi nos Deus salutáris noster: Et per hujus Sacraménti virtútem, à cunctis nos mentis & cóporis hóstibus tueáris; grátiam tríbuens in præsénti, & glóriam in futúro.

Deus, cui soli cógnitus est númerus electórum in supérna felicitáte locándus: tríbue quæsumus; ut intercedéntibus ómnibus Sanctis tuis, universórum, quos in oratióne commendátos suscepimus, & ómnium fidélium nómina, beátæ prædestinatiónis liber adscripta retíneat. Per Dóminum nostrum.

Communio. Psalm. 90. Scápulis suis obumbrábit tibi Dóminus, & sub pennis ejus sperábis: scuto circúmdabit te veritas ejus.

Postcommunio.

Tui nos, Dómine, sacraménti libátio sancta restáuret: & à vetustáte purgátos, in mystérii salutáris fáciat transíre consórtium. Per Dñm.

Alia Postcommuniones.

Mundet & múniat nos, quæsumus Dómine, divíni sacraménti munus oblátum: & intercedénte beáta vírgine Dei genitríce María, cum beátis Apóstolis tuis Petro & Paulo, atque beáto **N.** & ómnibus Sanctis; à cunctis nos reddat & perversitátibus expiátos, & adversitátibus expeditos.

Puríficet nos, quæsumus omnípotens & miséricors Deus, sacraménta, quæ sumpsimus: & intercedéntibus ómnibus Sanctis tuis, præsta; ut hoc tuum sacraméntu non sit nobis reátus ad penam, sed intercessio salutáris ad véniam:

veniã: sit ablutio scelerum, sit fortitudo fragilium, sit contra omnia mundi pericula firmamentum: sit vivorum, atque mortuorum fidelium remissio omnium delictorum. Per Dominum nostrum.

F E R I A S E C U N D A .

Statio ad S. Petrum ad Vincula.

Introitus. Psalm. 122.



Sicut oculi servorum in manibus dominorum suorum: ita oculi nostri ad Dominum Deum nostrum, donec misereatur nobis: miserere nobis Domine, miserere nobis.

Psalmus ibidem. Ad te levavi oculos meos, qui habitas in cælis.

Gloria Patri, &c. Oratio.

Converte nos Deus salutaris noster: & ut nobis jejunium quadragesimale proficiat, mentes nostras cælestibus instrue disciplinis. Per Dominum.

Aliæ Orationes, ut in Dominica præcedenti. fol. 56.

Lectio Ezechiælis Prophætæ. Ezech. 34. c.

Hæc dicit Dominus Deus: Ecce ego ipse requiram oves meas, & visitabo eas. Sicut visitat pastor gregem suum in die, quando fuerit in medio ovium suarum dissipatarum: sic visitabo oves meas, & liberabo eas de omnibus locis, in quibus dispersæ fuerant in die nubis & caliginis. Et educam eas de populis, & congregabo eas de terris, & inducam eas in terram suam: & pascam eas in montibus Israel, in rivis, & in cunctis sedibus terræ. In pascuis uberrimis pascam eas, & in montibus excelsis Israel erunt pascua earum: ibi requiescent in herbis virentibus, & in pascuis pinguibus pascuntur super montes Israel. Ego pascam oves meas: & ego eas accubare faciam, dicit Dominus Deus. Quod perierat requiram, & quod abiectum erat reducam, & quod confractum fuerat alligabo, & quod infirmum fuerat consolidabo,

& quod pingue & forte custodiam: & pascam illas in iudicio, dicit Dominus omnipotens.

Graduale. Psalm. 82. P. Protector noster aspice Deus, & respice super servos tuos. V. Domine Deus virtutum, exaudi preces servorum tuorum.

Tractus. Psalm. 102. D. Domine, non secundum peccata nostra, quæ fecimus nos: neque secundum iniquitates nostras retribuas nobis. V. Psalm. 78. Domine, ne memineris iniquitatum nostrarum antiquarum: citò anticipent nos misericordiae tuæ, quia pauperes facti sumus nimis. Hic genuflectitur. V. Adjuva nos Deus salutaris noster: & propter gloriam nominis tui Domine libera nos, & propitius esto peccatis nostris, propter nomen tuum.



Sequentia sancti Evangelii secundum Matthæum. Matth. 25. c.

In illo tempore: Dixit Jesus discipulis suis: Cum venerit Filius hominis in maiestate sua, & omnes Angeli cum eo, tunc sedebit super sedem maiestatis suæ: & congregabuntur ante eum omnes gentes, & separabit eos ab invicem, sicut pastor segregat oves ab hoedibus: & statuet oves quidem à dextris suis, hoedos autem à sinistris. Tunc dicet Rex his, qui à dextris ejus erunt: Venite benedicti Patris mei, possidete paratum vobis regnum à constitutione mundi. Esurivi enim, & dedistis mihi manducare: sitivi, & dedistis mihi bibere: hospes eram, & collegistis me: nudus, & cooperuistis me: infirmus, & visitastis me: in carcere eram, & venistis ad me. Tunc respondunt ei iusti, dicentes: Domine, quando te vidimus esurientem, & pavimus te: sitientem, & dedimus tibi potum? Quando autem te vidimus hospitem, & collegimus te: aut nudum, & cooperuimus te? Aut quando te vidimus infirmum, aut in carcere, & venimus ad te? Et respondens Rex, dicet illis:

illis: Amen dico vobis, quāmdiu fecistis uni ex his fratribus meis minimis, mihi fecistis. Tunc dicet & his, qui à sinistris erunt: Discédite à me maledicti in ignem ætérnum, qui parátus est diabolo, & ángelis ejus. Esurivi enim, & non dedistis mihi manducáre: sitivi, & non dedistis mihi potum: hospes eram, & non collegistis me: nudus, & non cooperuistis me: infirmus, & in cárcere, & non visitastis me. Tunc respondébunt ei & ipsi, dicéntes: Dómine, quando te vídimus esuriéntem, aut sitiéntem, aut hóspitem, aut nudum, aut infirmum, aut in cárcere, & non ministrávimus tibi? Tunc respondébit illis, dicens: Amen dico vobis: Quāmdiu non fecistis uni de minóribus his, nec mihi fecistis. Et ibunt hi in supplicium ætérnum: iusti autem in vitam ætérnam.

Offertorium. Psalm. 118. Levábo óculos meos, & considerábo mirabilia tua, Dómine, ut dóceas me justítias tuas: da mihi intelléctum, & discam mandáta tua.

Secreta.

MUnera tibi, Dómine, obláta sanctífica: nosque à peccatórum nostrórum máculis emúnda. Per Dóminum nostrum.

Aliæ Secretæ, ut in Dominica præcedenti. fol. 57.

Communio. Matth. 25. Amen dico vobis, quod uni ex minimis meis fecistis, mihi fecistis: veníte benedicti Patris mei, possidéte parátum vobis regnum ab inítio sæculi.

Postcommunio.

Salutáris tui, Dómine, múnere satiáti, supplices exorámus: ut cujus lætámur gustu, renovémur efféctu. Per Dóminum nostrum.

Aliæ Postcommuniones, ut in Dominica præcedenti. fol. 57.

Super populum.

Orémus.

Humiliáte cápita vestra Deo. **Oratio.**

Absólve, quæsumus Dómine, nostrórum víncula peccatórum: & quidquid pro eis merémur, propitiátus avérte. Per Dóminum.

F E R I A T E R T I A .

Statio ad sanctam Anastasiam.

Introitus.

Psalm. 89.



Omne, refúgium factus es nobis à generatióne & progénie: à sæculo & in sæculum tu es.

Psalmus ibid.

Priúsqvam montes fierent, aut formarétur terra & orbis: à sæculo & usque in sæculum tu es Deus.

Glória Patri, &c.

Oratio.

Respice Dómine familiam tuam, & præsta: ut apud te mens nostra tuo desidério fulgeat, quæ se carnis maceratióne castigat. Per Dóminum.

Aliæ Orationes, ut in Dominica præcedenti. fol. 56.

Léctio Isaíæ Prophétæ.

Isa. 55.b

IN diébus illis: Locútus est Isaías Prophéta, dicens: Quærite Dóminum, dum inveniri potest: invocáte eum, dum propè est. Derelinquat impius viam suam, & vir iniquus cogitatiónes suas, & revertátur ad Dóminum, & miserébitur ejus, & ad Deum nostrum: quóniam multus est ad ignoscéndum. Non enim cogitatiónes meæ, cogitatiónes vestræ, neque viæ vestræ, viæ meæ, dicit Dóminus. Quia sicut exaltántur cæli à terra: sic exaltátæ sunt viæ meæ à viis vestris, & cogitatiónes meæ à cogitatióibus vestris. Et quomodo descéndit imber, & nix de cælo, & illuc ultrà non revértitur, sed inebriat terram, & infúndit eam, & germináre eam facit, & dat semen ferénti, & panem comedénti: Sic erit verbum meum, quod egrediétur de ore meo: non revertétur ad me vácuum, sed fáciat quæcúmque vólui, & prosperábitur in his, ad quæ misi illud, ait Dóminus omnipotens.

Graduale. Psalmus 140. Dirigátur orátio mea, sicut incénsus in conspéctu tuo, Dómine.

Eleuatio mánuum meárum sacrificium vespertinum.

Sequén-

Sequentia sancti Euangelii secundum Matthæum. *Matth. 21. b*

IN illo tempore: Cum intrasset Iesus Jerosolymam, commota est universa civitas, dicens: Quis est hic? Populi autem dicebant: Hic est Iesus Propheta à Nazareth Galilææ. Et intravit Iesus in templum Dei, & ejiciebat omnes vendentes & ementes in templo; & mensas nummulariorum, & cathedras vendentium columbas evertit; & dicit eis: Scriptum est: Domus mea domus orationis vocabitur: vos autem fecistis illam speluncam latronum. Et accesserunt ad eum cæci, & claudi in templo: & sanavit eos. Videntes autem Principes sacerdotum, & Scribæ mirabilia, quæ fecit, & pueros clamantes in templo, & dicentes: Hosanna filio David, indignati sunt, & dixerunt ei: Audis quid isti dicunt? Iesus autem dixit eis: Utique. Numquam legistis: Quia ex ore infantium & lactentium perfecisti laudem? Et relictis illis, abiit foras extra civitatem in Bethaniam, ibique mansit.

Offertorium. Psalm. 30. In te speravi, Domine: dixi: Tu es Deus meus, in manibus tuis tempora mea. **Secreta.**

Oblatis, quæsumus Domine, placare munerebus: & à cunctis nos defende periculis. Per Dominum.

Alia Secreta, ut in Dñica præced. fol. 57.

Communio. Psalmus 4. Cum invocarem te, exaudisti me, Deus iustitiæ meæ: in tribulatione dilatasti me: miserere mihi, Domine, & exaudi orationem meam. **Postcommunio.**

Quæsumus omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum nostrum.

Alia Postcom. ut in Dñica præced. fol. 57.

Super populum. Oremus.

Humiliate capita vestra Deo. Oratio.

Ascendant ad te, Domine, preces nostræ: & ab Ecclesia tua cunctam repelle nequitiam. Per Dominum.

F E R I A Q U A R T A

Quatuor Temporum Quadragesimæ.

Statio ad sanctam Mariam Majorem.

Introitus. Psalm. 24.



Eminiscere miserationum tuarum, Domine, & misericordiæ tuæ, quæ à sæculo sunt: ne umquam dominentur nobis inimici nostri: libera nos Deus Israel ex omnibus angustis nostris.

Psalmus ibidem. Ad te Domine levavi animam meam: Deus meus in te confido, non erubescam. **V.** Gloria Patri.

Post K yrie eleison. **dicatur Oremus.** Flectamus genua. **R.** Levate. **Oratio.**

Preces nostras, quæsumus Domine, clementer exaudi: & contra cuncta nobis adversantia dexteram tuæ majestatis extende. Per Dominum.

Lectio libri Exodi. Exod. 24. c.

IN diebus illis: Dixit Dominus ad Moysen: Ascende ad me in montem, & esto ibi: daboque tibi tabulas lapideas, & legem, ac mandata, quæ scripsi: ut doceas filios Israel. Surrexerunt Moyses & Josue minister ejus: ascendensque Moyses in montem Dei, senioribus ait: Expectate hic donec revertamur ad vos. Habetis Aaron & Hur vobiscum: si quid natum fuerit quæstionis, referetis ad eos. Cumque ascendisset Moyses, operuit nubes montem, & habitavit gloria Domini super Sinai, tegens illum nubes sex diebus: septimo autem die vocavit eum de medio caliginis. Erat autem species gloriæ Domini, quasi ignis ardens super verticem montis, in conspectu filiorum Israel. Ingressusque Moyses medium nebulae, ascendit in montem: & fuit ibi quadraginta diebus, & quadraginta noctibus.

Graduale. Psalmus 24. Tribulationes cordis mei dilatatae sunt: de necessitatibus meis eripe me, Domine.

V. Vide humilitatem meam, & laborem meum: & dimitte omnia peccata mea.

Hic

Hic non dicitur Flectamus genua.
Sed **¶** Dominus vobiscum.

Oremus.

Oratio.

Devotionem populi tui, quaesumus Domine, benignus intende: ut qui per abstinentiam macerantur in corpore, per fructum boni operis reficiantur in mente. Per Dominum.

Alia Orationes, ut in Dñica præced. fol. 56.

Lectio libri Regum. 3. Reg. 19.

In diebus illis: Venit Elias in Bersabee Iuda, & dimisit ibi puerum suum, & perrexit in desertum, viam unius diei. Cumque venisset, & sederet subter unam juniperum, petivit animæ suæ ut moreretur, & ait: Sufficit mihi, Domine tolle animam meam: neque enim melior sum, quam patres mei. Projecitque se, & obdormivit in umbra juniperi: & ecce Angelus Domini tetigit eum, & dixit illi: Surge, & comede. Respexit, & ecce ad caput suum subcinericius panis, & vas aquæ: comedit ergo, & bibit, & rursum obdormivit. Reversusque est Angelus Domini secundo, & tetigit eum, dixitque illi: Surge, comede: grandis enim tibi restat via. Qui cum surrexisset, comedit & bibit, & ambulavit in fortitudine cibi illius, quadraginta diebus, & quadraginta noctibus, usque ad montem Dei Horeb.

Tractus. Psalm. 24. De necessitatibus meis eripe me Domine: vide humilitatem meam, & laborem meum, & dimitte omnia peccata mea. **¶** Ad te Domine levavi animam meam: Deus meus in te confido, non erubescam: neque irideant me inimici mei.

¶ Etenim universi, qui te expectant, non confundentur: confundantur omnes facientes vana.



Sequentia sancti Evangelii secundum Matthæum. **Matth. 12.**

In illo tempore: Respondérunt Iesus quidam de Scribis & Phariseis, dicentes: Magister, volumus à te

signum videre. Qui respondens, ait illis: Generatio mala, & adultera signum querit: & signum non dabitur ei nisi signum Jonæ Prophætæ. Sicut enim fuit Jonas in ventre ceti tribus diebus, & tribus noctibus; sic erit Filius hominis in corde terræ tribus diebus, & tribus noctibus. Viri Ninivitæ surgent in iudicio cum generatione ista, & condemnabunt eam: quia poenitentiam egerunt in prædicatione Jonæ. Et ecce plus quam Jonas hic. Regina Austri surget in iudicio cum generatione ista, & condemnabit eam: quia venit à finibus terræ audire sapientiam Salomonis, & ecce plus quam Salomon hic. Cum autem immundus spiritus exierit ab homine, ambulat per loca arida, quaerens requiem, & non invenit. Tunc dicit: Revertar in domum meam, unde exivi. Et veniens invenit eam vacantem, scopis mundatam, & ornata. Tunc vadit, & assumit septem alios spiritus secum nequiores se, & intrantes habitant ibi: & fiunt novissima hominis illius pejora prioribus. Sic erit & generationi huic pessima. Adhuc eo loquente ad turbas, ecce mater ejus, & fratres stabant foris, quaerentes loqui ei. Dixit autem ei quidam: Ecce mater tua, & fratres tui foris stant, quaerentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in cælis est, ipse meus frater, & soror, & mater est.

Offertorium. Psalm. 118. Meditabor in mandatis tuis, quæ dilexi valde: & levabo manus meas ad mandata tua, quæ dilexi.

Secreta.

Hostias tibi, Domine, placationis offerimus: ut & delicta nostra miseratus absolvas, & nutantia corda tu dirigas. Per Dominum nostrum.

Alia Secreta, ut in Dñica præced. fol. 57.

Communio. Psalm. 5. Intellige clamorem meum: intende voci orationis meæ,
Rex

Rex meus, & Deus meus: quoniam ad te orabo Domine. **Postcommunio.**

Tui Domine perceptione sacramenti, & a nostris mundemur occultis, & ab hostium liberemur insidiis. Per Dominum nostrum.

Alia Postcom. ut in Dñica præced. fol. 57.

Super populum.

Oremus.

Humiliate capita vestra Deo. **Oratio.**

Mentes nostras, quaesumus Domine, lumine tue claritatis illustra: ut videre possimus quæ agenda sunt, & quæ recta sunt, agere valeamus. Per Dominum nostrum.

FERIA QUINTA.

Statio ad S. Laurentium in Paneperna.

Introitus.

Psal. 95.



Confessio & pulchritudo in conspectu eius: sanctitas & magnificentia in sanctificatione eius. **Psal. ibid.** Cantate Domino canticum novum: cantate Domino omnis terra.

Glória Patri.

Oratio.

Devotionem populi tui, quaesumus Domine, benignus intende: ut, qui per abstinentiam macerantur in corpore, per fructum boni operis reficiantur in mente. Per Dominum.

Alia Orationes, ut in Dñica præced. fol. 56.

Lectio Ezechielis Prophetae. Ezech. 18.

In diebus illis: Factus est sermo Domini ad me, dicens: Quid est quod inter vos parabola vertitis in proverbium istud in terra Israel, dicentes: Patres comederunt uvam acerbam, & dentes filiorum obstupescunt? Vivo ego, dicit Dominus Deus, si erit ultra vobis parabola hæc in proverbium in Israel. Ecce omnes animæ, meæ sunt: ut anima patris, ita & anima filii mea est: anima, quæ peccaverit, ipsa morietur. Et vir si fuerit justus, & fecerit iudicium, & iustitiam, in montibus non comederit, & oculos suos non levaverit ad idola domus Israel: & uxorem proximi sui non violaverit, & ad mulierem menstruatam non accesserit: & hominem

non contristaverit: pignus debitori reddiderit, per vim nihil rapuerit: panem suum esuriienti dederit, & nudum operuerit vestimento: ad usuram non commodaverit, & amplius non acceperit: ab iniquitate averterit manum suam, & iudicium verum fecerit inter virum, & virum: in præceptis meis ambulaverit, & iudicia mea custodierit, ut faciat veritatem: hic justus est, vita vivet, ait Dominus omnipotens.

Graduale. Psalmus 16. Custodi me, Domine, ut pupillam oculi: sub umbra alarum tuarum protege me.

De vultu tuo iudicium meum prodeat: oculi tui videant æquitatem.



Sequentia sancti Evangelii secundum Matthæum. Matth. 15. c

In illo tempore: Egressus Jesus recessit in partes Tyri, & Sidonis. Et ecce mulier Chananæa a finibus illis egressa clamavit, dicens ei: Misere mei Domine fili David: filia mea male a dæmone vexatur. Qui non respondit ei verbum. Et accedentes discipuli eius rogabant eum, dicentes: Dimitte eam, quia clamat post nos. Ipse autem respondens, ait: Non sum missus nisi ad oves, quæ perierunt domus Israel. At illa venit & adoravit eum, dicens: Domine adjuva me. Qui respondens, ait: Non est bonum sumere panem filiorum, & mittere canibus. At illa dixit: Etiam Domine: nam & catelli edunt de micis, quæ cadunt de mensa dominorum suorum. Tunc respondens Jesus, ait illi: O mulier, magna est fides tua: fiat tibi sicut vis. Et sanata est filia ejus ex illa hora.

Offertorium. Psal. 33. Immittet Angelus Domini in circuitu timantium eum, & eripiet eos: gustate, & videte, quoniam suavis est Dominus. **Secreta.**

Sacrificia, Domine quaesumus, propitius ista nos salvent, quæ medicinalibus sunt instituta jejuniis. Per Dñm.

Alia Secreta, ut in Dñica præced. fol. 57.

Com.

Communio. Joann. 6. Panis, quem ego dédero, caro mea est pro sæculi vita.

Postcommunio.

Tuorum nos, Dómine, largitate donorum, & temporalibus attóle præsiðiis, & rénova sempitérnis. Per Dóminum nostrum.

Alia Postcóm. ut in Dñica præced. fol. 57.

Super populum.

O remus.

Humiliáte cápita vestra Deo. **Oratio.**

DA, quæsumus Dómine, pópulis Christiánis, & quæ profiténtur agnóscere: & cæléste munus diligere, quod frequéntant. Per Dóminum.

F E R I A S E X T A

Quatuor Temporum Quadragesimæ.

Statio ad sanctos duodecim Apostolos.

Introitus.

Psalm. 24.

DE necessitatibus meis éripe me Dómine: vide humilitatem meam, & labórem meum: & dimitte ómnia peccáta mea. **Psalm. ibid.** Ad te Dómine levávi ánimam meam: Deus meus in te confido, non erubescam. **Psalm. 124.** **Gloria Patri.** **Oratio.**

Esto, Dómine, propítius plebi tuæ: & quam tibi facis esse devótam, benigno réfove miserátus auxílio. Per Dóminum nostrum.

Alia Orationes, ut in Dñica præced. fol. 56.

Lectio Ezechiélis Prophætæ. Ezech. 18. d.

Hæc dicit Dóminus Deus: Anima, quæ peccáverit, ipsa moriétur: filius non portábit iniquitatem patris, & pater non portábit iniquitatem filii: justitia iusti super eum erit, & impietas impii erit super eum. Si autem impius égerit pœniténtiam ab ómnibus peccátis suis, quæ operátus est, & custodierit ómnia præcépta mea, & fécerit iudicium, & justitiam: vita vivet, & non moriétur. Omnium iniquitatum ejus, quas operátus est, non recordabor: in justitia sua, quam operátus est, vivet. Numquid voluntátis meæ est mors impii, dicit Dóminus Deus, & non ut con-

vertátur à viis suis, & vivat? Si autem avérterit se justus à justitia sua, & fécerit iniquitatem secúndum omnes abominatiónes, quas operári solet impius, numquid vivet? omnes justitiæ ejus, quas fécerat, non recordabúntur: in prævaricatione, qua prævaricátus est, & in peccáto suo, quod peccávit, in ipsis moriétur. Et dixístis: Non est æqua via Dómini. Audíte ergo domus Israel: Numquid via mea non est æqua, & non magis viæ vestræ pravæ sunt? Cum enim avérterit se justus à justitia sua, & fécerit iniquitatem, moriétur in eis: in injustitia, quam operátus est, moriétur. Et cum avérterit se impius ab impietate sua, quam operátus est, & fécerit iudicium, & justitiam, ipse ánimam suam vivificábit. Considerans enim, & avértens se ab ómnibus iniquitatibus suis, quas operátus est, vita vivet, & non moriétur, ait Dóminus omnipotens.

Graduale. Psalmus 85. Salvum fac servum tuum Deus meus sperántem in te. **Psalm. 85.** Auribus pèrcipe Dómine orationem meam.

Tractus. Psalm. 102. Dómine, non secúndum peccáta nostra, quæ fécimur nos: neque secúndum iniquitates nostras retríbuas nobis. **Psalm. 78.** Dómine, ne memíneris iniquitatum nostrarum antiquarum: citò anticipent nos misericórdiæ tuæ, quia páuperes facti sumus nimis. **Hic genuflectitur.** **Psalm. 78.** Adjuva nos Deus salutaris noster, & propter glóriam nóminis tui Dómine libera nos: & propítius esto peccátis nostris, propter nomen tuum.

Sequéntia sancti Euangélíi secúndum Joánnem. **Joann. 5.**

In illo témpore: Erat dies festus Judæorum, & ascéndit Jesus Jerosólymam. Est autem Jerosólymis Probática piscína, quæ cognominátur Hebraicè Bethesda, quinque pórticus habens. In his jacébat multitúdo magna languéntium, cæcorum, claudórum, aridó-

aridorum, expectantium aquæ motum. Angelus autem Dómini descendebat secundum tempus in piscinam: & movebatur aqua. Et qui prior descendisset in piscinam post motionem aquæ, sanus fiebat à quacúmque detinebatur infirmitate. Erat autem quidam homo ibi triginta & octo annos habens in infirmitate sua. Hunc cum vidisset Iesus jacentem, & cognovisset quia jam multum tempus haberet, dicit ei: Vis sanus fieri? Respondit ei languidus: Dómine, hóminem non hábeo, ut cum turbata fuerit aqua, mittat me in piscinam: dum vénio enim ego, álius ante me descendit. Dicit ei Iesus: Surge, tolle grabátum tuum, & ámbula. Et statim sanus factus est homo ille: & sústulit grabátum suum, & ambulabat. Erat autem sábbatum in die illo. Dicebant ergo Judæi illi, qui sanatus fuerat: Sábbatum est, non licet tibi tollere grabátum tuum. Respondit eis: Qui me sanum fecit, ille mihi dixit: Tolle grabátum tuum, & ámbula. Interrogaverunt ergo eum: Quis est ille homo, qui dixit tibi, Tolle grabátum tuum, & ámbula? Is autem, qui sanus fuerat effectus, nesciebat quis esset. Iesus enim declinavit à turba constituta in loco. Póstea invénit eum Iesus in templo, & dixit illi: Ecce sanus factus es: jam noli peccáre, ne detérius tibi áliquid contíngat. Abiit ille homo, & nuntiávit Judæis quia Iesus esset, qui fecit eum sanum.

Offertorium. Psal. 102. Benedic ánima mea Dómino, & noli oblivísci omnes retributiónes ejus: & renovábitur, sicut áquilæ, juvénus tua. **Secreta.**

Suscipe, quæsumus Dómine, múnera nostris oblata servitiis: & tua propítius dona sanctifica. Per Dóminum.

Alia Secreta, ut in Dñica præced. fol. 57.

Communio. Psalm. 6. Erubescant & conturbentur omnes inimici mei: avertantur retrórsim, & erubescant valde velociter.

Postcommunio.

Per hujus, Dómine, operationem mystérii, & vítia nostra purgentur, & iusta desidéria compleántur. Per Dóminum nostrum.

Alia Postcóm. ut in Dñica præced. fol. 57.

Super populum.

Oremus.

Humiliáte cápita vestra Deo. **Oratio.**

Exáudi nos miséricors Deus: & méntibus nostris grátia tuæ lumen osténde. Per Dóminum nostrum.

S A B B A T O

Quatuor Temporum Quadragesimæ.

Statio ad sanctum Petrum.

Introitus.

Psalm. 87.



Intret orátio mea in conspéctu tuo: inclína aurem tuam ad prece[m] meam Dómine. **Psalm. ibid.** Dómine Deus salútis meæ: in die clamávi, & nocte coram te.

G. Glória Patri, &c.

Post Kyrie eléison. dicitur Oremus. Flectámus génua. **R.** Leváte. **Oratio.**

Populum tuum, quæsumus Dómine, propítius respice: atque ab eo flagélla tuæ iracúndiæ cleménter averté. Per Dóminum nostrum.

Lectio libri Deuteronomii. Deut. 26. c

In diébus illis: Locútus est Móyses ad pópulum, dicens: Quando compléveris decimam cunctárum frugum tuárum, loqueris in conspéctu Dómini Dei tui: Abstuli quod sanctificátum est de domo mea, & dedi illud Levítæ & ádvenæ, & pupíllo ac víduæ, sicut iussísti mihi: non præterívi mandáta tua, nec sum oblítus impérii tui. Obedívi voci Dómini Dei mei, & feci ómaia sicut præcepísti mihi. Respice de sanctuário tuo, & de excélso cælórum habitáculo: & benedic pópulo tuo Israel, & Terræ, quam dedísti nobis, sicut jurásti pátribus nostris, terræ lactæ & melle manánti. Hódie Dóminus Deus tuus præcepit tibi, ut fácias mandáta hæc, atque iudícia: & cu-

stódias

stodias & impleas ex toto corde tuo, & ex tota anima tua. Dñm elegisti hodie, ut sit tibi Deus, & ambules in viis eius: & custodias cæmónias illius, & mandata atque iudicia, & obédias eius império. Et Dñs elegit te hodie, ut sis ei pópulus peculiáris sicut locútus est tibi, & custodias ómnia præcepta illius: & faciat te excelsiorem cunctis gèntibus, quas creávit in laudem, & nomen, & glóriam suam: ut sis pópulus sanctus Dñi Dei tui, sicut locútus est.

Graduale. Psalmus 78. Proptius esto, Dñe, peccatis nostris: nequándò dicant Gentes, Ubi est Deus eórum?

Adjuva nos Deus salutáris noster, & propter honórem nóminis tui, Dñe, libera nos. **O**remus.

Flectámus gènu. **R.** Leváte. **Oratio.**

Protéctor noster aspice Deus: ut, qui malórum nostrórum pòndere premimur, percépta misericórdia, libera tibi mente famulémur. Per Dñm.

Lectio libri Deuteronomii. **Deut. 11. c.**

In diébus illis: Dixit Móyses filiis Israel: Si custodiéritis mandata, quæ ego præcipio vobis, & fecéritis ea, ut diligátis Dñm Deum vestrum, & ambulétis in ómnibus viis eius, adhærentes ei, dispèrdet Dñs omnes gentes istas ante faciém vestram, & possidebitis eas, quæ majóres & fortióres vobis sunt. Omnis locus, quem calcáverit pes vester, vester erit. A desérto, & à Líbano, à flúmine magno Euphráte usque ad mare Occidentále erunt términi vestri. Nullus stabit contra vos: terrórem vestrum & formídinem dabit Dñs Deus vester super omnem terram, quam calcatúri estis, sicut locútus est vobis Dñs Deus vester.

Graduale. Psalm. 83. Protéctor noster aspice Deus, & respice super servos tuos.

Dñe Deus virtútum, exáudi preces servórum tuórum. **O**remus.

Flectámus gènu. **R.** Leváte. **Oratio.**

Adesto, quæsumus Dñe, supplicatiónibus nostris: ut esse, te lar-

Miss.

giénte, mereámur & inter próspera húmiles, & inter advérsa secúri. Per Dñm.

Lectio libri Machabæórum. **2. Mach. 1. f.**

In diébus illis: Oratiónem faciébant omnes sacerdótes, dum consummarétur sacrificium, Jónatha inchoánte, céteris autem respondéntibus. Et Nehemíæ erat orátio hunc habens modum: Dñe Deus ómnium créator, terríbilis, & fortis, justus, & misericors, qui solus es bonus Rex, solus præstans, solus justus, & omnipotens, & ætérnus, qui liberas Israel de omni malo, qui fecisti patres eléctos, & sanctificásti eos: accipe sacrificium pro univérso pópulo tuo Israel, & custódi partem tuam, & sanctifica: ut sciant Gentes, quia tu es Deus noster.

Graduale. Psalm. 89. Convèrtere Dñe aliquántulúm, & deprecáre super servos tuos. Dñe refúgiúm factus es nobis à generatiónè & progénie. **O**remus.

Flectámus gènu. **R.** Leváte. **Oratio.**

Preces pópuli tui, quæsumus Dñe, cleménter exáudi: ut qui justè pro peccatis nostris affligimur, pro tui nóminis glória misericórditer liberémur. Per Dñm.

Lectio libri Sapientíæ. **Eccli. 36.**

Miserere nostri, Deus ómnium, & respice nos, & osténde nobis lucem miserationum tuárum: & immítte timórem tuum super Gentes, quæ non exquisiérunt te, ut cognóscant quia non est Deus nisi tu, & enárrent magnália tua. Alleva manum tuam super Gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostro magnificáberis in eis, ut cognóscant te, sicut & nos cognóvimus quóniá non est Deus præter te Dñe. Innova signa, & immúta mirabília. Glorifica manum, & bráchium dextrum. Excita furórem, & effúnde iram. Tolle adversárium, & afflige inimicum. Festina tempus, & meménto finis, ut enárrent mirabília tua, Dñe Deus noster.

E

Gra-

Graduale. Psalm. 140. **D**irigatur oratio mea, sicut incensum in conspectu tuo, Domine. **ψ.** Elevatio manuum mearum, sacrificium vespertinum. **O**remus. Flectamus genua. **R.** Levate. **Oratio.**

Actiones nostras, quaesumus Domine, aspirando praeveni, & adjuvando proseguere: ut cuncta nostra oratio & operatio a te semper incipiat, & per te coepta finiatur. Per Dominum.

Lectio Daniélis Prophetae. **Dan. 3. c.** **I**n diebus illis: Angelus Domini descendit cum Azaria, & sociis ejus in fornacem: & excussit flammam ignis de fornace, & fecit medium fornacis quasi ventum roris flantem. Flamma autem effundebatur super fornacem cubitis quadraginta novem, & erupit, & incendit quos reperit juxta fornacem de Chaldaeis ministros regis, qui eam incendebant. Et non tetigit eos omnino ignis, neque contristavit, nec quidquam molestiae intulit. Tunc hi tres quasi ex uno ore laudabant, & glorificabant, & benedicebant Deum in fornace, dicentes:

Hic non respondetur, Deo gratias.

Hymnus.

Benedictus es, Domine Deus patrum nostrorum. Et laudabilis & gloriosus in saecula.

Et benedictum nomen gloriae tuae, quod est sanctum. Et laudabile & gloriosum in saecula.

Benedictus es in templo sancto gloriae tuae. Et laudabilis & gloriosus in saecula.

Benedictus es super thronum sanctum regni tui. Et laudabilis & gloriosus in saecula.

Benedictus es super sceptrum divinitatis tuae. Et laudabilis & gloriosus in saecula.

Benedictus es qui sedes super Cherubim, intuens abyssos. Et laudabilis & gloriosus in saecula.

Benedictus es qui ambulas super pennas ventorum, & super undas maris. Et laudabilis & gloriosus in saecula.

Benedicant te omnes Angeli, & Sancti tui. Et laudent te & glorificent in saecula.

Benedicant te caeli, terra, mare, & omnia quae in eis sunt. Et laudent te & glorificent in saecula.

Gloria Patri, & Filio, & Spiritui Sancto. Et laudabili & glorioso in saecula.

Sicut erat in principio, & nunc, & semper, & in saecula saeculorum. Amen. Et laudabili & glorioso in saecula.

Benedictus es Domine Deus patrum nostrorum. Et laudabilis & gloriosus in saecula.

Hic dicitur ψ. Dominus vobiscum. **O**remus. **Oratio.**

Deus, qui tribus pueris mitigasti flammam ignium: concede propitius; ut nos famulos tuos non extirpat flamma vitiorum. Per Dominum nostrum.

Aliae Orationes, ut in Dominica praecedenti. fol. 56.

Lectio Epistolae beati Pauli Apostoli ad Thessalonicenses. **1. Thess. 5. c.**

Fratres, Rogamus vos, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat: sed semper quod bonum est sectamini in invicem, & in omnes. Semper gaudete. Sine intermissione orate. In omnibus gratias agite: haec est enim voluntas Dei in Christo Jesu in omnibus vobis. Spiritum nolite extinguere. Prophetias nolite spernere. Omnia autem probate: quod bonum est tenete. Ab omni specie mala abstinete vos. Ipse autem Deus pacis sanctificet vos per omnia: ut integer spiritus vester, & anima, & corpus sine querela in adventu Domini nostri Jesu Christi servetur.

Tractus. Psalm. 116. Laudate Dominum omnes Gentes: & collaudate eum omnes populi. **ψ.** Quoniam confirmata est super nos misericordia ejus: & veritas Domini manet in aeternum.

Sequen-

Sequentia sancti Euangelii secundum Matthæum. *Matth. 17.*

In illo tempore: Assumpsit Iesus Petrum, & Iacobum, & Joannem fratrem ejus, & duxit illos in montem excelsum seorsum: & transfiguratus est ante eos. Et resplenduit facies ejus sicut sol: vestimenta autem ejus facta sunt alba sicut nix. Et ecce apparuerunt illis Moyses, & Elias cum eo loquentes. Respondens autem Petrus, dixit ad Iesum: Domine, bonum est nos hic esse: si vis, faciamus hic tria tabernacula, tibi unum, Moysi unum, & Eliæ unum. Adhuc eo loquente, ecce nubes lucida obumbravit eos. Et ecce vox de nube, dicens: Hic est Filius meus dilectus, in quo mihi bene complacui: ipsum audite. Et audientes discipuli, ceciderunt in faciem suam, & timuerunt valde. Et accessit Iesus, & tetigit eos: dixitque eis: Surgite, & nolite timere. Levantes autem oculos suos, neminem viderunt, nisi solum Iesum. Et descendentibus illis de monte, præcepit eis Iesus, dicens: Nemini dixeritis visionem, donec Filius hominis à mortuis resurgat.

Offertorium. Psalm. 87. Domine Deus salutis meæ, in die clamavi, & nocte coram te: intret oratio mea in conspectu tuo Domine.

Secreta.

Præsentibus sacrificiis, quaesumus Domine, jejunia nostra sanctifica: ut quod observantia nostra proficitur extrinsecus, interior operetur. Per Dñm.

Aliæ Secretæ, ut in Dñica præced. fol. 57.

Communio. Psalm. 7. Domine Deus meus in te speravi, libera me ab omnibus persecutentibus me, & eripe me.

Postcommunio.

Sanctificationibus tuis, omnipotens Deus, & vitia nostra curentur, & remedia nobis æterna proveniant. Per Dominum nostrum.

Aliæ Postcōm. ut in Dñica præced. fol. 57.

Super populum.

Oremus.

Humiliate capita vestra Deo.

Oratio.


Fideles tuos, Deus, benedictio desiderata confirmet: quæ eos & à tua voluntate numquam faciat discrepare, & tuis semper indulgeat beneficiis gratulari. Per Dominum.

DOMINICA SECUNDA in Quadragesima.

Statio ad S. Mariam in Domnica.

Introitus.

Psalm. 24.



Reminiscere miserationum tuarum, Domine, & misericordiae tuæ, quæ à sæculo sunt: ne umquam dominentur nobis inimici nostri: libera nos Deus Israel ex omnibus angustis nostris.

Psalmus ibidem. A d te Domine levavi animam meam: Deus meus in te confido, non erubescam.

Glória Patri, &c. Oratio.

Deus, qui conspicias omni nos virtute destitui, interiorius, exterioriusque custodi: ut ab omnibus adversitatibus muniamur in corpore, & à pravis cogitationibus mundemur in mente. Per Dominum nostrum.

Ad poscenda suffragia Sanctorum. Oratio.

Acunctis nos, quaesumus Domine, mentis & corporis defende periculis: & intercedente beata & gloriosa semper virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem: ut, destructis adversitatibus, & erroribus universis, Ecclesia tua secura tibi serviat libertate.

Pro Vivis, & Defunctis. Oratio.

Omnipotens sempiternus Deus, qui vivorum dominaris simul, & mortuorum, omniumque misereris, quos tuos fide & opere futuros esse prænoscis: te supplices exoramus, ut pro quibus effundere preces decrevimus, quosque vel præsens sæculum adhuc in carne retinet, vel futurum jam exutos corpore

suscépit; intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur. Per Dóminum.

Lectio Epístolæ beáti Pauli Apóstoli ad Thessalonicénses. **1. Theff. 4.**

Fratres, Rogámus vos & obsecrámus in Dómino Jesu, ut quemádmódum accépiſtis à nobis quómodo opórteat vos ambuláre, & placére Deo, sic & ambulétis ut abundétis magis. Scitis enim quæ præcépta déderim vobis per Dóminum Jesum. Hæc est enim volúntas Dei sanctificátio vestra: ut abſtineátis vos à fornicatióne, ut ſciat unusquísque veſtrum vas ſuum poſſidére in ſanctificatióne, & honóre: non in paſſiõe deſidérii, ſicut & Gentes, quæ ignórant Deum: & ne quis ſupergrediátur, neque circumvéniat in negótio fratrem ſuum: quóniam vindex eſt Dóminus de his ómnibus, ſicut prædiximus vobis, & teſtificáti ſumus. Non enim vocávit nos Deus in immundítiam, ſed in ſanctificatióne: in Chriſto Jesu Dómino noſtro.

Graduale. Psalmus 24. Tribulatiónes cordis mei dilatátæ ſunt: de neceſſitatibus meis éripe me Dómine. **Ps.** Vide humilitátem meam, & labórem meum: & dimitte ómnia peccáta mea.

Tractus. Psalm. 105. Conſitémini Dómino quóniam bonus: quóniam in ſæculum miſericórdia ejus. **Ps.** Quis loquétur poténtias Dómini: audíſtas fáciat omnes laudes ejus? **Ps.** Beáti qui cuſtodiunt iudícium, & fáciunt juſtítiam in omni-témpore. **Ps.** Meménto noſtri Dómine in beneplácito pópuli tui: víſita nos in ſalutári tuo.



Sequéntia ſancti Euangélíi ſecúndum Matthæum. Matth. 17.

In illo témpore: Aſſúmpſit Jeſus Petrum, & Jacóbum, & Joánnem fratrem ejus, & duxit illos in montem excéſſum ſeórum: & tranſfigurátus eſt ante eos. Et reſplénduit fácies

ejus ſicut ſol: veſtiménta auté ejus facta ſunt alba ſicut nix. Et ecce apparuérunt illis Móyſes, & Eliás cum eo loquéntes. Reſpóndens autem Petrus, dixit ad Jeſum: Dómine, bonum eſt nos híc eſſe: ſi vis, faciámus híc tria tabernácula, tibi unum, Móyſi unum, & Eliæ unum. Adhuc eo loquénte, ecce nubes lúcida obumbrávit eos. Et ecce vox de nube, dicens: Hic eſt Fílius meus diléctus, in quo mihi benè complácuí: ipſum audíte. Et audiéntes diſcípuli, cecidérunt in fáciem ſuam, & timuérunt valdè. Et accéſſit Jeſus, & tétigit eos: dixítque eis: Súrgite, & nolite timére. Levántes autem óculos ſuos, némínem vidérunt, niſi ſolúm Jeſum. Et deſcendéntibus illis de monte, præcépit eis Jeſus, dicens: Némíni dixeritis víſiónem, donec Fílius hóminis à mórtuis reſúrgat. **Et dicitur Credo.**

Offertorium. Psalm. 118. Meditabor in mandátis tuis, quæ diléxi valdè: & levábo manus meas ad mandáta tua, quæ diléxi. **Secreta.**

Sacrificiis præſéntibus, Dómine quæſumus, inténde placátus, ut & devotióni noſtræ proficiant, & ſalúti. Per Dóminum noſtrum. **Aliæ Secretæ.**

Exáudi nos Deus ſalutáris noſter: ut per hujus Sacraménti virtútem, à cunctis nos mentis & córporis hóſtibus tueáris; grátiam tribuens in præſénti, & glóriam in futuro.

Deus, cui ſoli cógnitus eſt númerus electórum in ſupérna felicitáte locándus: tribue quæſumus; ut intercedéntibus ómnibus Sanctis tuis, univerſórum, quos in oratióne commendátos ſuſcépimus, & ómnium fidélium nómina, beátæ prædeſtinatiónis liber adſcripta retíneat. Per Dñm.

Communio. Psalm. 5. Intéllige clamórem meum: inténde voci oratiónis meæ, Rex meus, & Deus meus: quóniam ad te orábo Dómine. **Postcommunio.**

Supplíces te rogámus, omnipotens Deus: ut quos tuis réſicis ſacraméntis,

tis, tibi étiam plácitis móribus dignán-
ter deservíre concédas. Per Dóminum.

Alia Postcommuniones.

MUndet & múniat nos, quæsumus
Dómine, divíni sacraménti mu-
nus oblátum: & intercedénte beáta vír-
gine Dei genitríce María, cum beátis
Apóstolis tuis Petro & Paulo, atque beá-
to **N.** & ómnibus Sanctis; à cunctis
nos reddat & perversitatibus expiátos,
& adversitatibus expeditos.

Puríficet nos, quæsumus omnípo-
tens & miséricors Deus, sacra-
ménta, quæ sumpsimus: & intercedén-
tibus ómnibus Sanctis tuis, præsta; ut
hoc tuum sacraméntum non sit nobis
reátus ad poenam, sed intercessio salu-
táris ad véniam: sit ablútio scélerum,
sit fortitúdo fragílium, sit contra óm-
nia mundi perícula firmaméntum: sit vi-
vórum, atque mortuórum fidélium, re-
missio ómnium delictórum. Per Dñm.

F E R I A S E C U N D A .

Statio ad sanctum Clementem.

Introitus. Psalm. 25.



Edime me Dómine, &
miserére mei: pes enim
meus stetit in via recta:
in ecclésiis benedicam Dó-
minum. **Psalm. ibid.** Júdi-

ca me Dómine, quóniam ego in inno-
céntia mea ingressus sum: & in Dómi-
no sperans, non infirmábor.

Glória Patri, &c. Oratio.

Præsta quæsumus omnipotens Deus:
ut familia tua, quæ se, affligéndo
carnem, ab alimentis abstinet, sectándo
justítiam, à culpa jejúnet. Per Dñm.

Alia Oraciones, ut in Dñica præced. fol. 67.

Léctio Daniélis Prophétæ. **Dan. 9. d**

IN diébus illis: Orávit Dániel Dómi-
num, dicens: Dómine Deus noster,
qui eduxísti pópulum tuum de terra
Ægypti in manu forti, & fecísti tibi no-
men secúndum diem hanc: peccávi-
mus, iniquitatem fécimus, Dómine,
in omnem justítiam tuam: avertátur

Miss.

óbsecro ira tua, & furor tuus à civitate
tua Jerúsalem, & à monte sancto tuo.
Propter peccáta enim nostra, & iniqui-
tates patrum nostrórum, Jerúsalem &
pópulus tuus in oppróbrium sunt ómni-
bus per circúitum nostrum. Nunc ergo
exáudi Deus noster orationem servi tui,
& preces ejus: & osténde faciém tuam
super sanctuárium tuum, quod desér-
tum est, propter temetípsum. Inclína
Deus meus aurem tuam, & audi: áperi
óculos tuos, & vide desolationem no-
stram, & civitatem, super quam invo-
cátum est nomen tuum: neque enim
injustificatióibus nostris prostérnimus
preces ante faciém tuam, sed in mise-
rationibus tuis multis. Exáudi Dómi-
ne, placáre Dómine: atténde, & fac:
ne moréris propter temetípsum, Deus
meus: quia nomen tuum invocátum
est super civitatem, & super pópulum
tuum, Dómine Deus noster.

Gradualé. Psalm. 69. A djutor meus,
& liberátor meus esto: Dómine ne
tardáveris. **Ps.** Confundántur, & re-
vereántur inimíci mei, qui quærunt
ánimam meam.

Tractus. Psalm. 102. D ómine, non se-
cúndum peccáta nostra, quæ fécimus
nos: neque secúndum iniquitates no-
stras retribuas nobis. **Ps. 78.** Dómi-
ne, ne memíneris iniquitátum nostrá-
rum antiquárum: citò anticipent nos
misericórdiæ tuæ, quia páuperes facti
sumus nimis. **Hic genuflectitur. Ps.** Ad-
juva nos Deus salutáris noster: & pro-
pter glóriam nóminis tui Dómine líbe-
ra nos: & propítius esto peccátis no-
stris, propter nomen tuum.



Sequéntia sancti Euangélíi secún-
dum Joánnem. **Joann. 8. c**

IN illo témpore: Dixit Jesus tur-
bis Judæórum: Ego vado, & quæ-
rétis me, & in peccáto vestro
moriémini. Quò ego vado, vos non
potéstis veníre. Dicébant ergo Judæi:
Numquid interficiet semetípsum, quia

E 3

dixit:

dixit: Quò ego vado, vos non potestis venire? Et dicebat eis: Vos de deorsum estis, ego de supernis sum. Vos de mundo hoc estis, ego non sum de hoc mundo. Dixi ergo vobis quia moriemini in peccatis vestris: si enim non credideritis quia ego sum, moriemini in peccato vestro. Dicebant ergo ei: Tu quis es? Dixit eis Jesus: Principium, qui & loquor vobis. Multa habeo de vobis loqui, & iudicare. Sed qui me misit, verax est: & ego quæ audivi ab eo, hæc loquor in mundo. Et non cognoverunt quia Patrem ejus dicebat Deum. Dixit ergo eis Jesus: Cum exaltaveritis Filium hominis, tunc cognoscetis quia ego sum, & à meipso facio nihil, sed sicut docuit me Pater, hæc loquor: & qui me misit, mecum est, & non reliquit me solum: quia ego quæ placita sunt ei, facio semper.

Offertorium. Psalmus 15. Benedicam Dominum, qui tribuit mihi intellectum: providebam Dominum in conspectu meo semper: quoniam à dextris est mihi, ne commovear. **Secreta.**

Hæc hostia, Domine, placationis & laudis tua nos protectione dignos efficiat. Per Dominum.

Aliæ Secretæ, ut in Dominica præcedenti. fol. 68.

Communio. Psalm. 8. Domine Dominus noster, quam admirabile est nomen tuum in universa terra!

Postcommunio.

Hæc nos communio, Domine, purget à crimine: & cælestis remedii faciat esse consortes. Per Dominum.

Aliæ Postcommuniones, ut in Dominica præcedenti. fol. 69.

Super populum. Oremus.


Humiliate capita vestra Deo. **Oratio.**

Adesto supplicationibus nostris omnipotens Deus: & quibus fiduciam sperandæ pietatis indulges, consuetae misericordiæ tribue benignus effectum. Per Dominum nostrum.

F E R I A T E R T I A.

Statio ad sanctam Balbinam.

Introitus. Psalm. 26.



Ibi dixit cor meum: quæsi vi vultum tuum, vultum tuum Domine requiram: ne avertas faciem tuam à me. **Psalm. ibid.** Dominus

illuminatio mea, & salus mea: quem timebo? **Glória Patri.** **Oratio.**

Perfice, quæsumus Domine, benignus in nobis observantiæ sanctæ subsidium: ut, quæ te auctore faciēda cognovimus, te operante impleamus. Per Dominum.

Aliæ Orationes, ut in Dñica præced. fol. 67.

Lectio libri Regum. 3. Reg. 17.

In diebus illis: Factus est sermo Domini ad Eliam Thesbiten, dicens: Surge, & vade in Saréphta Sidoniorum, & manebis ibi: præcepi enim ibi mulieri viduæ ut pascat te. Surrexit, & abiit in Saréphta. Cumque venisset ad portam civitatis, apparuit ei mulier vidua colligens ligna, & vocavit eam, dixitque ei: Da mihi paululum aquæ in vase, ut bibam. Cumque illa pergeret ut afferret, clamavit post tergum ejus, dicens: Affer mihi, obsecro, & buccellam panis in manu tua. Quæ respondit: Vivit Dominus Deus tuus, quia non habeo panem, nisi quantum pugillus capere potest farinæ in hydria, & paululum olei in lécytho: en colligo duo ligna, ut ingrediar & faciam illum mihi, & filio meo, ut comedamus, & moriamur. Ad quam Eliás ait: Noli timere, sed vade, & fac sicut dixisti: verumtamen mihi primum fac de ipsa farinula subcinericiū panem parvulum, & affer ad me: tibi autem & filio tuo facies postea. Hæc autem dicit Dominus Deus Israel: Hydria farinæ non deficiet, nec lécythus olei minuētur usque ad diem, in qua Dominus daturus est pluviam super faciem terræ. Quæ abiit, & fecit juxta verbum Eliæ: & comedit ipse, & illa, & domus ejus: & ex illa

illa die hydria farinæ non defecit, & lécythus olei non est imminutus, juxta verbum Dómini, quod locutus fuerat in manu Eliæ.

Graduale. Psalmus. 54. Jacta cogitatum tuum in Dómino, & ipse te enutriet. **Ps.** Dum clamárem ad Dóminum, exaudivit vocem meam ab his, qui appropinquant mihi.



Sequéntia sancti Euangélíi secúndum Matthæum. Matth. 23.

IN illo témpore: Locutus est Jesus ad turbas, & ad discipulos suos, dicens: Super cáthedram Móysi sederunt Scribæ, & Pharisei. Omnia ergo quæcúmque dixerint vobis, servate, & facite: secúndum ópera verò eórum nolite facere: dicunt enim, & non faciunt. Alligant enim ónera grávia, & importabilia, & imponunt in húmeros hóminum: dígitó autem suo nolunt ea movére. Omnia verò ópera sua faciunt ut videántur ab homínibus: dilátant enim phylactéria sua, & magnificant fimbrias. Amant autem primos recúbitus in coenis, & primas cáthedras in synagógis, & salutatiónes in foro, & vocári ab homínibus Rabbi. Vos autem nolite vocári Rabbi. Unus est enim Magíster vester: omnes autem vos fratres estis. Et patrem nolite vocáre vobis super terram: unus est enim Pater vester, qui in cælis est. Nec vocémini magístri: quia Magíster vester unus est, Christus. Qui major est vestrum, erit mínister vester. Qui autem se exaltáverit, humiliábitur, & qui se humiliáverit, exaltábitur.

Offertorium. Psalm. 50. Míserére mei Dómine, secúndum magnam misericórdiam tuam: dele Dómine iniquitatem meam.

Secreta.

Sanctificatióne tuam nobis, Dómine, his mystériis operáre placatus, quæ nos & à terrénis purget vítiis, & ad cæléstia dona perducát. Per Dóminum nostrum.

Aliæ Secretæ, ut in Dominica præcedenti. fol. 68.

Communio. Psalm. 9. Narrábo ómnia mirabilia tua: lætabor & exultábo in te, psallam nómini tuo, Altíssime.

Postcommunio.

UT sacris, Dómine, reddámur digni munéribus, fac nos tuis, quæsumus, semper obedíre mandátis. Per Dóminum nostrum.

Aliæ Postcommuniones, ut in Dominica præcedenti. fol. 69.

Super populum. Oremus.

Humiliáte cápita vestra Deo. **Oratio.**

Propitiáre, Dómine, supplicatióibus nostris, & animárum nostrárum medére languóribus: ut remissióne percépta, in tua semper benedictióne lætémur. Per Dóminum.

F E R I A Q U A R T A.

Statio ad sanctam Ceciliam.

Introitus. Psalm. 37.



E derelínquas me, Dómine Deus meus, ne discédas à me: inténde in adiutorium meum, Dómine virtus salútis meæ.

Psalmus ibid. Dómine, ne in furóre tuo árguas me: neque in ira tua corripas me.

Ps. Glória Patri, &c. **Oratio.**

Populum tuum, quæsumus Dómine, propítius respice: & quos ab escis carnálibus præcipis abstinére, à nóxiiis quoque vítiis cessáre concéde. Per Dóminum nostrum.

Aliæ Orationes, ut in Dominica præcedenti. fol. 67.

Lectio libri Esther.

Esth. 13.

IN diébus illis: Orávit Mardocheus ad Dóminum, dicens: Dómine Dómine Rex omnípotens, in ditióne enim tua cuncta sunt póstita, & non est qui possit tuæ resistere voluntáti, si decreveris salváre Israel. Tu fecísti cælum & terram, & quidquid cæli ámbitu continétur. Dóminus ómnium

es, nec est qui resistat majestati tuæ. Et nunc Dómine Rex Deus Abraham miserere pópuli tui, quia volunt nos inimici nostri pèrdere, & hæreditatem tuam delere. Ne despicias partem tuam, quam redemisti tibi de Ægypto. Exaudi deprecationem meam, & propitius esto sorti & funiculo tuo, & converte luctum nostrum in gaudium, ut viventes laudemus nomen tuum Dómine, & ne claudas ora te canentium, Dómine Deus noster.

Graduale. Psalmus 27. Salvum fac pópulum tuum Dómine, & benedic hæreditati tuæ. *Ps.* Ad te Dómine clamavi, Deus meus ne sileas à me, & ero similis descendéntibus in lacum.

Tractus. Psalmus 102. Dómine, non secúndum peccata nostra, quæ fecimus nos: neque secúndum iniquitates nostras retribuas nobis.

Ps. **Psalmus 78.** Dómine, ne memineris iniquitatum nostrarum antiquarum: citò anticipent nos misericórdiæ tuæ, quia pauperes facti sumus nimis.

Hic genuflectitur. *Ps.* Adjuva nos Deus salutáris noster: & propter glóriam nóminis tui Dómine libera nos: & propitius esto peccatis nostris, propter nomen tuum.



Sequéntia sancti Euangélíi secúndum Matthæum. **Matth. 20. b**

IN illo témpore: Ascéndens Jesus Jerosólymam, assúmpsit duódecim discipulos secrétò, & ait illis: Ecce ascéndimus Jerosólymam, & Fílius hóminis tradétur Principibus sacerdotum, & Scribis, & condemnábunt eum morte, & tradent eum Géntibus ad illudéndum, & flagellándum, & crucifigéndum, & tértia die resúrget. Tunc accéssit ad eum mater filiórum Zebedæi cum filiis suis, adorans & petens aliquid ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, & unus ad sinistram in regno tuo. Respóndens autem Je-

sus, dixit: Nescitis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinistram, non est meum dare vobis, sed quibus parátum est à Patre meo. Et audientes decem, indignáti sunt de duóbus frátribus. Jesus autem vocávit eos ad se, & ait: Scitis quia príncipes Géntium dominántur eórum: & qui majóres sunt, potestátem exércent in eos. Non ita erit inter vos: sed quicumque volúerit inter vos major fieri, sit vester mínister: & qui volúerit inter vos primus esse, erit vester servus. Sicut Fílius hóminis non venit ministrári, sed ministráre, & dare ánimam suam, redemptionem pro multis.

Offertorium. Psalm. 24. Ad te Dómine levávi ánimam meam, Deus meus in te confido, non erubescam: neque irrideant me inimici mei: étenim universi, qui te expéctant, non confundéntur.

Secreta.

Hostias, Dómine, quas tibi offerimus, propitius respice: & per hæc sancta commercia, vincula peccatórum nostrórum absolve. Per Dóminum.

Aliæ Secretæ, ut in Dominica præcedenti. fol. 68.

Communio. Psalm. 10. Justus Dóminus, & justitiam diléxit: æquitatem vidit vultus ejus.

Postcommunio.

Sumptis Dómine sacraméntis, ad redemptionis æternæ, quæsumus, proficiamus augmentum. Per Dóminum.

Aliæ Postcommuniones, ut in Dominica præcedenti. fol. 69.

Super pópulum.

Orémus.

Humiliáte cápita vestra Deo. **Oratio.**

Deus innocentie restitutor & amator, dirige ad te tuórum corda servórum: ut Spíritus tui fervóre concepto, & in fide inveniántur stábiles, & in ópere efficáces. Per Dóminum in unitáte ejúsdem.

FERIA QUINTA.

Statio ad S. Mariam trans Tyberim.

Introitus.

Psalm. 69.



Eus in adiutorium meum
intende, Domine ad ad-
juvandum me festina:
confundantur & reve-
reantur inimici mei, qui qua-
runt animam meam.

Psalmus ibidem. Avertantur retror-
sum, & erubescant, qui cogitant mi-
hi mala.

Gloria Patri, &c.

Oratio.

Praesta nobis, quaesumus Domine,
auxilium gratiae tuae: ut jejuniis &
orationibus convenienter intenti, libe-
remur ab hostibus mentis & corpo-
ris. Per Dominum nostrum.

Aliae Orationes, ut in Dominica pra-
cedenti. fol. 67.

Lectio Jeremiae Prophetæ. Jer. 17.

Hæc dicit Dominus Deus: Male-
dictus homo, qui confidit in ho-
mine, & ponit carnem brachium suum,
& a Domino recedit cor ejus. Erit enim
quasi myricæ in deserto, & non vide-
bit cum venerit bonum: sed habitabit
in siccitate in deserto, in terra falsugi-
nis, & inhabitabili. Benedictus vir, qui
confidit in Domino, & erit Dominus
fiducia ejus. Et erit quasi lignum, quod
transplantatur super aquas, quod ad hu-
morem mittit radices suas: & non time-
bit cum venerit æstus. Et erit folium
ejus viride, & in tempore siccitatis non
erit sollicitum, nec aliquando desinet
facere fructum. Pravum est cor omnium,
& inscrutabile: quis cognoscet illud?
Ego Dominus scrutans cor, & probans
renes: qui do unicuique juxta viam
suam, & juxta fructum adinventionum
suarum, dicit Dominus omnipotens.

Graduale. Psalmus 78. Propitius esto
Domine peccatis nostris, nequando
dicant Gentes, Ubi est Deus eorum?

Adjuva nos Deus salutaris noster,
propter honorem nominis tui Domi-
ne libera nos.



Sequentia sancti Evangelii secun-
dum Lucam. **Lucæ 16. c**

In illo tempore: Dixit Jesus Phari-
sæis: Homo quidam erat dives, qui
induebatur purpura, & bysso: &
epulabatur quotidie splendide. Et erat
quidam mendicus, nomine Lázarus, qui
jacebat ad januam ejus, ulceribus ple-
nus, cupiens saturari de micis, quæ ca-
debant de mensa divitis, & nemo illi
dabat: sed & canes veniebant, & lin-
gebant ulcera ejus. Factum est autem
ut moreretur mendicus, & portaretur
ab Angelis in sinum Abraham. Mortuus
est autem & dives, & sepultus est in in-
ferno. Elevans autem oculos suos, cum
esset in tormentis, vidit Abraham à
longe, & Lázarus in sinu ejus: & ipse
clamans dixit: Pater Abraham, mise-
rere mei, & mitte Lázarus, ut intin-
gat extremum digiti sui in aquam, ut
refrigeret linguam meam, quia crucior
in hac flamma. Et dixit illi Abraham:
Fili, recordare, quia recepisti bona in vi-
ta tua, & Lázarus similiter mala: nunc
autem hic consolatur, tu vero cruciaris.
Et in his omnibus, inter nos & vos chaos
magnum firmatum est: ut hi, qui vo-
lunt hinc transire ad vos, non possint,
neque inde huc transire. Et ait: Ro-
go ergo te pater ut mittas eum in do-
mum patris mei: habeo enim quinque
fratres, ut testetur illis, ne & ipsi veniant
in hunc locum tormentorum. Et ait illi
Abraham: Habent Moysen, & Pro-
phetas: audiant illos. At ille dixit:
Non, pater Abraham: sed si quis ex
mortuis ierit ad eos, poenitentiam agent.
Ait autem illi: Si Moysen, & Prophé-
tas non audiunt, neque si quis ex mor-
tuis resurrexit, credent.

Offertorium. Exodi 32. Precatus est
Moyses in conspectu Domini Dei sui,
& dixit: Quare Domine irascaris in
populo tuo? parce iræ animæ tuæ: me-
mento Abraham, Isaac, & Jacob,
quibus jurasti dare terram fluentem

lac

lac & mel. Et placatus est Dominus de malignitate, quam dixit facere populo suo.

Secreta.

PRæsenti sacrificio, nomini tuo nos, Domine, jejunia dicata sanctificent: ut quod observantia nostra proficitur exteriùs, interiùs operetur effectui. Per Dominum.

Alia Secreta, ut in Dñica præced. fol. 68.

Communio. Joann. 6. Qui manducat meam carnem, & bibit meum sanguinem, in me manet, & ego in eo, dicit Dominus.

Postcommunio

GRatia tua nos, quæsumus Domine, non derelinquat: quæ & sacræ nos deditos faciat servituti, & tuam nobis opem semper acquirat. Per Dominum.

Alia Postcôm. ut in Dñica præced. fol. 69.

Super populum. O remus.


Humiliâte capita vestra Deo. **Oratio.**

ADesto Domine famulis tuis, & perpétuam benignitatem largire poscentibus: ut iis, qui te auctore & gubernatore gloriântur, & congregata restaures, & restaurata conserves. Per Dominum nostrum.

F E R I A S E X T A.

Statio ad sanctum Vitalem.

Introitus. **Psalm. 16.**



Go autem cum iustitia apparebo in conspectu tuo: fatiabor dum manifestabitur gloria tua.

Psalm. ibid. Exaudi Domine iustitiam meam: intende deprecationi meæ. **Oratio.**

DA, quæsumus omnipotens Deus: ut sacro nos purificante jejunio, sinceris mentibus ad sancta ventura facias pervenire. Per Dominum.

Alia Orationes, ut in Dñica præc. fol. 67.

Lectio libri Genesim. **Genes. 37.**

IN diebus illis: Dixit Joseph fratribus suis: Audite somnium meum, quod vidi: Putabam nos ligare manipulos in agro: & quasi consurgere manipulum meum, & stare: vestrosque manipulos

circumstantes adorare manipulum meum. Respondérunt fratres ejus: Numquid rex noster eris? aut subiciémur ditioni tuæ? Hæc ergo causa somniorum atque sermonum, invidiæ & odii fomitem ministravit. Aliud quoque vidit somnium, quod narrans fratribus, ait: Vidi per somnium quasi solem, & lunam, & stellas undecim adorare me. Quod cum patri suo, & fratribus retulisset, increpavit eum pater suus, & dixit: Quid sibi vult hoc somnium quod vidisti? Num ego & mater tua & fratres tui adorabimus te super terram? Invidébant ei igitur fratres sui: pater verò rem tacitus considerabat. Cumque fratres illius in pascendis gregibus patris morarentur in Sichem, dixit ad eum Israel: Fratres tui pascunt oves in Sichemis, veni, mittam te ad eos. Quo respondente, Præstò sum, ait ei: Vade, & vide si cuncta prospera sint erga fratres tuos, & pecora: & renuntia mihi quid agatur. Missus de valle Hebron, venit in Sichem: invenitque eum vir errantem in agro, & interrogavit quid quæret. At ille respondit: Fratres meos quæro: indica mihi ubi pascant greges. Dixitque ei vir: Recessérunt de loco isto: audivi autem eos dicentes: Eamus in Dóthain. Perréxit ergo Joseph post fratres suos, & invenit eos in Dóthain. Qui cum vidissent eum procul, antequam accederet ad eos, cogitaverunt illum occidere: & mutuo loquebantur: Ecce somniator venit: venite occidamus eum, & mittamus in cisternam veterem: dicemusque, Fera pessima devoravit eum: & tunc apparebit quid illi profint somnia sua. Audiens autem hoc Ruben, nitebatur liberare eum de manibus eorum, & dicebat: Non interficiatis animam ejus, nec effundatis sanguinem: sed projicite eum in cisternam hanc, quæ est in solitudine, manusque vestras servate innoxias: hoc autem dicebat, volens eripere eum de manibus eorum, & reddere patri suo.

Graduale. Psalm. 119. Ad Dominum cum tribu-

tribulärer clamavi, & exaudivit me.
 ✠. Dómine libera ánimam meam à lá-
 biis iníquis, & à lingua dolósa.

Tractus. Psalm. 102. Dómine, non se-
 cundum peccata nostra, quæ fecimus
 nos, neque secundum iniquitates nostras
 retribuas nobis. ✠. **Psalm. 78.** Dómi-
 ne, ne memineris iniquitatum nostrá-
 rum antiquarum: citò anticipent nos
 misericórdiæ tuæ, quia páuperes facti
 sumus nimis. **Hic genuflectitur.** ✠. Ad-
 juva nos Deus salutáris noster: & pro-
 pter glóriam nóminis tui Dómine libera
 nos: & propítius esto peccátis nostris,
 propter nomen tuum.



Sequéntia sancti Euangélíi secún-
 dum Matthæum. **Matth. 21. d**

IN illo témpore: Dixit Iesus turbis
 Judæórum, & princípibus sacerdotum
 parabolam hanc: Homo erat
 paterfamilias, qui plantávit vineam,
 & sepem circumdedit ei, & fodit in ea
 tórcular, & ædificávit turrin, & locá-
 vit eam agricolis, & peregrè profectus
 est. Cum autem tempus fructuum appropin-
 quáffet, misit servos suos ad agrico-
 las, ut acciperent fructus ejus. Et agri-
 colæ, apprehénsis servis ejus, álium cæ-
 cidérunt, álium occidérunt, álium verò
 lapidavérunt. Iterum misit álios servos
 plures prióribus, & fecérunt illis simili-
 ter. Novíssimè autem misit ad eos filium
 suum, dicens: Verebúntur filium meum.
 Agricolæ autem vidéntes filium, dixé-
 runt intra se: Hic est hæres, veníte, oc-
 cidámus eum, & habébitis hæreditá-
 tem ejus. Et apprehénsus eum ejecé-
 runt extra vineam, & occidérunt. Cum
 ergo vénerit dónus vineæ, quid faciet
 agricolis illis? Ajunt illi: Malos malè
 perdet: & vineam suam locábit áliis agri-
 colis, qui reddant ei fructum tempóri-
 bus suis. Dicit illis Iesus: Numquam le-
 gístis in Scriptúris: Lápídem, quem re-
 probavérunt ædificántes, hic factus est
 in caput ánguli? A Dómino factum est
 istud, & est mirábile in óculis nostris.

Ideò dico vobis, quia auferétur à vobis
 regnum Dei, & dábitur genti faciénti
 fructus ejus. Et qui ceciderit super lápi-
 dem istum, confringétur: super quem
 verò ceciderit, cónteret eum. Et cum
 audíffent príncipes sacerdotum, & Pha-
 risæi parábolas ejus, cognovérunt quòd
 de ipsis diceret. Et quæréntes eum te-
 nère, timuérunt turbas: quóniam sic-
 ut Prophétam eum habébant.

Offertorium. Psalm. 39. Dómine in au-
 xílium meum respice: confundántur
 & reveeántur, qui quærun animam
 meam, ut áuferant eam: Dómine in
 auxílium meum respice. **Secreta.**

HÆc in nobis sacrificia, Deus, &
 actióne permáneant, & operatió-
 ne firméntur. Per Dóminum.

Alia Secreta, ut in Dñica præced. fol. 69.
Communio. Psalm. 11. T u Dómine ser-
 vabis nos, & custódies nos à generatió-
 ne hac in ætérnum. **Postcommunio.**

FAc nos, quæsumus Dómine, accé-
 pto pignore salutis æternæ, sic tén-
 dere congruenter: ut ad eam pervenire
 possimus. Per Dóminum.

Alia Postcóm. ut in Dñica præced. fol. 69.
Super populum. O rémus.

Humiliáte cápita vestra Deo. **Oratio.**
DA, quæsumus Dómine, pópulo
 tuo salutem mentis & corporis: ut
 bonis opéribus inhæréndo, tuæ sem-
 per virtútis mereátur protectióne de-
 fendi. Per Dóminum.

S A B B A T O.
 Statio ad SS. Marcellinum & Petrum.



Introitus. Psalm. 18.
 Ex Dómini irreprehensíbi-
 lis, convértens ánimas: te-
 stimónium Dómini fidéle,
 sapiéntiam præstans párvu-
 lis. **Psalm. ibid.** C æli enár-
 rant glóriam Dei: & ópera mánuum
 ejus annúntiat firmaméntum.

✠. Glória Patri, &c. **Oratio.**

DA, quæsumus Dómine, nostris
 effectum jejúniis salutárem: ut ca-
 stigatio

stigatio carnis assumpta, ad nostrarum vegetacionem transeat animarum. Per Dominum nostrum.

Alia Orationes, ut in Dñica præced. fol. 67.

Lectio libri Genesim. Genes. 27.

IN diebus illis: Dixit Rebécca filio suo Jacob: Audivi patrem tuum loquentem cum Esau fratre tuo, & dicentem ei: Affer mihi de venatione tua, & fac cibos ut comedam, & benedicam tibi coram Domino antequam moriar. Nunc ergo, fili mi, acquiesce consiliis meis: & pergens ad gregem, affer mihi duos hoedos optimos, ut faciam ex eis escas patri tuo, quibus libenter vescitur: quas cum intuleris, & comederit, benedicat tibi, priusquam moriatur. Cui ille respondit: Nosti quod Esau frater meus homo pilosus sit, & ego lenis: si attrectaverit me pater meus, & senserit, timeo ne putet me sibi voluisse illudere, & inducam super me maledictionem pro benedictione. Ad quem mater: In me sit, ait, ista maledictio, fili mi: tantum audi vocem meam, & pergens affer quæ dixi. Abiit, & attulit, deditque matri. Paravit illa cibos, sicut velle noverat patrem illius. Et vestibus Esau valde bonis, quas apud se habebat domi, induit eum: pelliculasque hoedorum circumdedit manibus, & colli nuda protexit. Deditque pulmentum, & panes, quos coxerat, tradidit. Quibus illatis, dixit: Pater mi? At ille respondit: Audio. Quis es tu fili mi? Dixitque Jacob: Ego sum primogenitus tuus Esau: feci sicut præcepisti mihi: surge, sede, & comede de venatione mea, ut benedicat mihi anima tua. Rursumque Isaac ad filium suum: Quomodo, inquit, tam citò invenire potuisti, fili mi? Qui respondit: Voluntas Dei fuit, ut citò occurreret mihi quod volebam. Dixitque Isaac: Accede huc, ut tangam te, fili mi, & probem utrum tu sis filius meus Esau, an non. Accessit ille ad patrem, & palpato eo, dixit Isaac: Vox quidem, vox Jacob est,

sed manus, manus sunt Esau. Et non cognovit eum, quia pilosæ manus similitudinem maioris expresserant. Benedicens ergo illi, ait: Tu es filius meus Esau? Respondit, Ego sum. At ille: Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum. Quo hausto, dixit ad eum: Accede ad me, & da mihi osculum, fili mi. Accessit, & osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei, sicut odor agri pleni, cui benedixit Dominus. Det tibi Deus de rore cæli, & de pinguedine terræ abundantiam frumenti & vini. Et serviant tibi populi, & adorent te tribus: esto dominus fratrum tuorum, & incurvantur ante te filii matris tuæ. Qui maledixerit tibi, sit ille maledictus: & qui benedixerit tibi, benedictionibus repleatur. Vix Isaac sermonem impleverat: & egresso Jacob foras, venit Esau, coctosque de venatione cibos intulit patri, dicens: Surge, pater mi, & comede de venatione filii tui: ut benedicat mihi anima tua. Dixitque illi Isaac: Quis enim es tu? Qui respondit: Ego sum filius tuus primogenitus Esau. Expavit Isaac stupore vehemènti: & ultra quàm credi potest, admirans, ait: Quis igitur ille est, qui dudum captam venationem attulit mihi, & comedi ex omnibus priusquam tu venires? benedixitque ei, & erit benedictus. Auditis Esau sermonibus patris, irrugiit clamore magno: & consternatus, ait: Benedic etiam & mihi, pater mi. Qui ait: venit germanus tuus fraudulenter, & accepit benedictionem tuam. At ille subjunxit: Justè vocatum est nomen ejus Jacob: supplantavit enim me en altera vice: primogenita mea antè tulit, & nunc secundo surripuit benedictionem meam. Rursumque ad patrem: Numquid non reservasti, ait, & mihi benedictionem? Respondit Isaac: Dominum tuum illum

constitui, & omnes fratres ejus servituti illius subjugavi: frumento & vino stabilivi eum, & tibi post hæc, fili mi, ultra quid faciam? Cui Esau: Num unam, inquit, tantum benedictionem habes, pater? mihi quoque obsecro ut benedicas. Cumque ejulatu magno fletet, motus Isaac, dixit ad eum: In pinguetudine terræ, & in rore cæli desuper erit benedictio tua.

Graduale. Psalm. 91. Bonum est confiteri Domino, & psallere nomini tuo, Altissime. **V.** Ad annuntiandum manem misericordiam tuam, & veritatem tuam per noctem.



Sequentia sancti Evangelii secundum Lucam. **Lucæ 15. c**

IN illo tempore: Dixit Jesus Phariseis, & Scribis parabolam istam: Homo quidam habuit duos filios: & dixit adolescentior ex illis patri: Pater, da mihi portionem substantiæ quæ me contingit. Et divisit illis substantiam. Et non post multos dies, congregatis omnibus, adolescentior filius peregre profectus est in regionem longinquam, & ibi dissipavit substantiam suam vivendo luxuriose. Et postquam omnia consummasset, facta est fames valida in regione illa, & ipse coepit egere. Et abiit, & adhæsit uni civium regionis illius. Et misit illum in villam suam, ut pasceret porcos. Et cupiebat implere ventrem suum de siliquis, quas porci manducabant, & nemo illi dabat. In se autem reversus, dixit: Quanti mercenarii in domo patris mei abundant panibus, ego autem hic fame pereor! Surgam, & ibo ad patrem meum, & dicam ei: Pater, peccavi in cælum, & coram te: jam non sum dignus vocari filius tuus: fac me sicut unum de mercenariis tuis. Et surgens venit ad patrem suum. Cum autem adhuc longè esset, vidit illum pater ipsius, & misericordia motus est: & accurrens cecidit super collum ejus, & osculatus est eum. Dixitque ei

filius: Pater, peccavi in cælum, & coram te, jam non sum dignus vocari filius tuus. Dixit autem pater ad servos suos: Citò proferte stolam primam, & induite illum, & date annulum in manum ejus, & calceamenta in pedes ejus: & adducite vitulum saginatum, & occidite, & maducemus, & epulemur: quia hic filius meus mortuus erat, & revixit: perierat, & inventus est. Et coeperunt epulari. Erat autem filius ejus senior in agro: & cum veniret, & appropinquaret domui, audivit symphoniam, & chorum: & vocavit unum de servis, & interrogavit quid hæc essent. Isque dixit illi: Frater tuus venit, & occidit pater tuus vitulum saginatum, quia saluum illum recepit. Indignatus est autem, & nolēbat introire. Pater ergo illius egressus, coepit rogare illum. At ille respondens, dixit patri suo: Ecce tot annis servo tibi, & numquam mandatum tuum præterivi, & numquam dedisti mihi hœdum, ut cum amicis meis epulärer: sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum. At ipse dixit illi: Fili, tu semper mecum es, & omnia mea tua sunt: epulari autem & gaudere oportebat, quia frater tuus hic mortuus erat, & revixit: perierat, & inventus est.

Offertorium. Psalm. 12. Illumina oculos meos, ne umquam obdormiam in morte: nequando dicat inimicus meus, Prævalui adversus eum. **Secreta.**

His sacrificiis, Domine, concede placatus: ut, qui propriis oramus absolvi delictis, non gravemur externis. Per Dominum.

Aliæ Secretæ, ut in Dominica præcedenti. fol. 68.

Communio. Luc. 15. Oportet te, fili, gaudere, quia frater tuus mortuus fuerat, & revixit: perierat, & inventus est.

Postcommunio. Sacramenti tui, Domine, divina libatio penetrabilia nostri cordis infundat:

fúndat : & sui nos partícipes poténter efficiat . Per Dóminum nostrum.

Alia Postcóm. ut in Dñica præced. fol. 69.
Super populum. O remus.


Humiliáte cápita vestra Deo . *Oratio.*

Familiam tuam, quæsumus Dómine, continúa pietáte custódi : ut quæ in sola spe grátiae cæléstis innítitur, cælésti étiam protectióne muniátur . Per Dóminum nostrum.

DOMINICA TERTIA in Quadragesima.

Statio ad S. Laurentium extra muros.

Introitus. Psalm. 24.



Quili mei semper ad Dóminum, quia ipse evéllit de láqueo pedes meos : réspice in me, & miserére mei, quóniam únicus, & pauper sum ego . *Psalm. ibid. A* d te Dómine levávi ánimam meam : Deus meus in te confido, non erubescam .

Glória Patri, &c. Oratio.

Quæsumus omnipotens Deus, vota humílium réspice : atque ad defensiónem nostram, dexteram tuæ majestátis exténde . Per Dóminum.

Adposcenda suffragia Sanctorum. Oratio.

Acunctis nos, quæsumus Dómine, mentis & córporis defénde periculis : & intercedénte beáta & gloriósa semper vírgine Dei genitríce María, cum beátis Apóstolis tuis Petro & Paulo, atque beáto **N.** & ómnibus Sanctis, salútem nobis tríbue benígnus & pacem : ut, destrúctis adversitatibus, & erroribus univérfis, Ecclesiá tua secúra tibi sérviat libertáte .

Pro Vivis, & Defunctis. Oratio.

Omnipotens sempitérne Deus, qui vivórum domináris simul & mortuórum, omniúmque miseréris, quos tuos fide & ópere futúros esse prænóscis : te súpplices exorámus ; ut pro quibus effúndere preces decrevimus, quosque vel præsens sæculum adhuc in carne rétinet, vel futúrum jam exú-

tos córpore fuscépit ; intercedéntibus ómnibus Sanctis tuis, pietátis tuæ cleméntia, ómnium delictórum suórum véniam consequántur . Per Dóminum.

Lectio Epistolæ beati Pauli Apóstoli ad Ephésios. Ephes. 5.

Fratres, Estóte imitatóres Dei sicut filii charíssimi : & ambuláte in dilectióne, sicut & Christus diléxit nos, & trádedit semetípsum pro nobis oblatiónem, & hóstiam Deo in odórem suavitátis . Fornicatio autem, & ómnis immundítia, aut avarítia nec nominétur in vobis, sicut decet sanctos : aut turpítudo, aut stultilóquium, aut scurrilitas, quæ ad rem non pértinet : sed magis gratiárum áctio . Hoc enim scitóte intelligéntes : quòd ómnis fornicátor, aut immúndus, aut avárus, quod est idolórum sérvitus, non habet hæreditátem in regno Christi, & Dei . Nemo vos sedúcat inánibus verbis : propter hæc enim venit ira Dei in filios diffidéntiæ . Nolíte ergo éffici partícipes eórum . Erátis enim aliquándo ténebræ ; nunc autem lux in Dómino . Ut filii lucis ambuláte : fructus enim lucis est in omni bonitáte, & justitia, & veritáte .

*Graduale. Psalm. 9. E*xúrge Dómine, non præváleat homo : judicéntur Gentes in conspéctu tuo . *Psalm. 9.* In converténdò inimícum meum retrórsim, infirmabúntur, & peribunt à fácie tua .

*Tractus. Psal. 122. A*d te levávi óculos meos, qui hábitas in cælis . *Psalm. 122.* Ecce sicut óculi servórum in má nibus domínorum suórum . *Psalm. 122.* Et sicut óculi ancillæ in má nibus domínæ suæ : ita óculi nostri ad Dóminum Deum nostrum, donec misereátur nostri . *Psalm. 122.* Miserére nobis Dómine, miserére nobis .



Sequéntia sancti Euangélii secundum Lucam. Luc. 11. b

In illo témpore : Erat Jesus ejiciens dæmónium, & illud erat mutum . Et cùm eiecisset dæmónium, locútus est

est mutus, & admiratæ sunt turbæ. Quidam autem ex eis dixerunt: In Beelzebub principe dæmoniorum ejicit dæmonia. Et alii tentantes, signum de cælo quærébant ab eo. Ipse autem ut vidit cogitationes eorum, dixit eis: Omne regnum in seipsum divisum desolabitur, & domus supra domum cadet. Si autem & Sathanas in seipsum divisus est, quomodo stabit regnum ejus? quia dicitis in Beelzebub me ejicere dæmonia. Si autem ego in Beelzebub ejicio dæmonia: filii vestri in quo ejiciunt? Ideo ipsi iudices vestri erunt. Porro si in digito Dei ejicio dæmonia, profecto pervenit in vos regnum Dei. Cum fortis armatus custodit atrium suum, in pace sunt ea quæ possidet. Si autem fortior eo superveniens vicerit eum, universa arma ejus auferet, in quibus confidebat, & spolia ejus distribuet. Qui non est mecum, contra me est: & qui non colligit mecum, dispergit. Cum immundus spiritus exierit de homine, ambulat per loca inaquosa, quærens requiem: & non inveniens, dicit: Revertar in domum meam unde exivi. Et cum venerit, invenit eam scopis mundatam, & ornata. Tunc vadit, & assumit septem alios spiritus secum nequiores se, & ingressi habitant ibi. Et fiunt novissima hominis illius pejora prioribus. Factum est autem, cum hæc diceret, extollens vocem quædam mulier de turba, dixit illi: Beatus venter, qui te portavit, & ubera, quæ suxisti. At ille dixit: Quinimodo beati, qui audiunt verbum Dei, & custodiunt illud. **Credo.**

Offertorium. Psalm. 18. Justitiæ Domini rectæ; lætificantes corda, & judicia ejus dulciora super mel & favum: nam & servus tuus custodit ea.

Secreta.

Hæc hostia, Domine quæsumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum.

Aliæ Secretæ.

EXaudi nos Deus salutaris noster: ut per hujus Sacramenti virtutem, à cunctis nos mentis & corporis hostibus tuearis; gratiam tribuens in presenti, & gloriam in futuro.

Deus, cui soli cognitus est numerus electorum in superna felicitate locandus: tribue quæsumus; ut intercedentibus omnibus Sanctis tuis, universorum, quos in oratione commendatos suscepimus, & omnium fidelium nomina, beatæ prædestinationis liber adscripta retineat. Per Dominum nostrum.

Communio. Psalmus 83. Passer invenit sibi domum, & turtur nidum, ubi reponat pullos suos: altaria tua Domine virtutum, Rex meus, & Deus meus: beati qui habitant in domo tua, in sæculum sæculi laudabunt te.

Postcommunio.

Acunctis nos, quæsumus Domine, reatibus & periculis propitius absolve: quos tanti mysterii tribuis esse participes. Per Dominum.

Aliæ Postcommuniones.

Mundet & muniat nos, quæsumus Domine, divini sacramenti munus oblatum: & intercedente beata virgine Dei genitrice Maria, cum beatis Apostolis tuis Petro & Paulo, atque beato **N.** & omnibus Sanctis; à cunctis nos reddat & perversitatibus expiatis, & adversitatibus expeditos.

Purificent nos, quæsumus omnipotens & misericors Deus, sacramenta, quæ sumpsimus: & intercedentibus omnibus Sanctis tuis, præsta; ut hoc tuum sacramentum non sit nobis reatus ad poenam, sed intercessio salutaris ad veniam: sit ablutio scelerum, sit fortitudo fragilium, sit contra omnia mundi pericula firmamentum: sit vivorum, atque mortuorum fidelium, remissio omnium delictorum. Per Dominum.

FERIA SECUNDA.

Statio ad sanctum Marcum.

Introitus.

Psalm. 55.



IN Deo laudábo verbum, in Dómino laudábo sermónem, in Deo sperábo: non timébo quid fáciat mihi homo. *Psalm. ibid.* **M**ise-

rére mei Deus, quóniam conculcávit me homo: tota die bellans tribulávit me. *Glória Patri.* **O**ratio.

Cordibus nostris, quæsumus Dómine, grátiam tuam benígnus infúnde: ut, sicut ab escis carnálibus abstinémus; ita sensus quoque nostros à nóxiis retrahámus excéssibus. Per Dóminum.

Aliæ Orationes, ut in Dñica præc. fol. 78.

Lectio libri Regum.

4. Reg. 5.

IN diébus illis: Náaman princeps militiæ regis Syriæ, erat vir magnus apud dóminum suum, & honorátus: per illum enim dedit Dóminus salutem Syriæ: erat autem vir fortis & dives, sed leprósus. Porro de Syria egréssi fúerant latrúnculi, & captíyam dúxerant de terra Israel puéllam párvulam, quæ erat in obséquio uxóris Náaman, quæ ait ad dóminam suam: Utinam fuisset dóminus meus ad Prophétam, qui est in Samaría, profectò curáffet eum à lepra, quam habet. Ingréssus est itaque Náaman ad dóminum suum, & nuntiávit ei, dicens: Sic & sic locúta est puélla de Terra Israel. Dixitque ei rex Syriæ: Vade, & mittam lítteras ad regem Israel. Qui cum profectus esset, & tulisset secum decem talénta argénti, & sex míllia áureos, & decem mutatória vestimentórum, détulit lítteras ad regem Israel, in hæc verba: Cum accéperis epístolam hanc, scito quòd miserim ad te Naáman servum meum, ut cures eum à lepra sua. Cumque legisset rex Israel lítteras, scidit vestiménta sua, & ait: Numquid Deus ego sum, ut occidere possim, & vivificáre, quia iste misit ad me, ut curem hóminem à lepra sua? animadvértite, & vidéte, quòd occasiónes quærat advérsùm me. Quod

cum audisset Eliséus vir Dei, scidisse videlicet regem Israel vestiménta sua, misit ad eum, dicens: Quare scidisti vestiménta tua? véniat ad me, & sciat esse Prophétam in Israel. Venit ergo Náaman cum equis, & curríbus, & stetit ad óstium domus Eliséi: misitque ad eum Eliséus nuntium, dicens: Vade, & laváre sépties in Jordáne, & recípiet sanitátem caro tua, atque mundáberis. Irátus Náaman recedébat, dicens: Putábam quòd egréderétur ad me, & itans invocáret nomen Dómini Dei sui, & tangeret manu sua locum lepræ, & curáret me. Numquid non meliôres sunt Abana, & Phaphar flúvii Damásci, ómnibus aquis Israel, ut laver in eis, & munder? Cum ergo vertisset se, & abíret indignans, accessérunt ad eum servi sui, & locúti sunt ei: Pater, & si rem grandem dixisset tibi Prophéta, certè fácere debúeras: quantò magis quia nunc dixit tibi: Laváre, & mundáberis? Descéndit, & lavit in Jordáne sépties juxta sermónem viri Dei, & restituta est caro ejus sicut caro púeri párvuli, & mundátus est. Reversúsque ad virum Dei cum univérso comitátu suo, venit, & stetit coram eo, & ait: Verè scio, quòd non sit alius Deus in univérfa terra, nisi tantum in Israel.

Graduale. Psalm. 55. Deus vitam meam annuntiávi tibi, posuisti lácrymas meas in conspéctu tuo. *Glória Patri.* Miserére mei Dómine, quóniam conculcávit me homo: tota die bellans tribulávit me.

Tractus. Psalmus 102. Dómine, non secúndum peccáta nostra, quæ féci-mus nos: neque secúndum iniquitates nostras retribuas nobis.

Glória Patri. **Psalmus 78.** Dómine, ne memín-ris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis.

Hic genuflectitur. *Glória Patri.* Adjuva nos Deus salutáris noster: & propter glóriam nóminis tui Dómine libera nos: & propítius esto peccátis nostris, propter nomen tuum.

Sequén-



Sequentia sancti Euangelii secundum Lucam. **Lucæ 4. d**

IN illo tempore: Dixit Jesus Phariseis: Utrique dicetis mihi hanc similitudinem: Medice cura teipsum: quanta audivimus facta in Capharnaum, fac & hic in patria tua. Ait autem: Amen dico vobis, quia nemo Propheta acceptus est in patria sua. In veritate dico vobis, multæ viduæ erant in diebus Eliæ in Israel, quando clausum est cælum annis tribus, & mensibus sex, cum facta esset fames magna in omni terra: & ad nullam illarum missus est Elias, nisi in Sarépta Sidoniæ, ad mulierem viduam. Et multi leprosi erant in Israel sub Eliseo Propheta: & nemo eorum mundatus est nisi Naaman Syrus. Et replèti sunt omnes in synagoga ira, hæc audientes. Et surrexerunt, & eiecérunt illum extra civitatem: & duxerunt illum usque ad superciliium montis, super quem civitas illorum erat ædificata, ut præcipitaret eum. Ipse autem transiens per mediũ illorum, ibat.

Offertorium. Psalm. 54. Exaudi Deus orationem meam, & ne despexeris deprecationem meam: intende in me, & exaudi me.

Secreta.

MUnus, quod tibi Domine nostræ servitutis offerimus, tu salutare nobis perfice sacramentum. Per Dñm.

Alia Secreta, ut in Dñica præced. fol. 79.

Communio. Psalm. 13. Quis dabit ex Sion salutare Israel? cum averterit Dominus captivitatem plebis suæ, exultabit Jacob, & lætabitur Israel.

Postcommunio.

PRæsta quæsumus omnipotens & misericors Deus: ut quod ore contingimus, pura mente capiamus. Per Dñm.

Alia Postcom. ut in Dñica præced. fol. 79.

Super populum.

Oremus.

Subveniatis nobis, Domine, misericordia tua: ut ab imminetibus peccatorum nostrorum periculis, te mereamur protegente eripi, te liberante salvari. Per Dominum.

Miss.

F E R I A T E R T I A .

Statio ad sanctam Pudentianam.

Introitus.

Psalm. 16.



Go clamavi, quoniam exaudivisti me Deus: inclina aurem tuam, & exaudi verba mea: custodi me Domine ut pupillam oculi:

sub umbra alarum tuarum protege me.

Psalm. ibid. Exaudi Domine iustitiam meam: intende deprecationem meam.

Glória Patri, &c.

Oratio.

EXaudi nos omnipotens & misericors Deus: & continentie salutaris propitius nobis dona concede. Per Dominum nostrum.

Alia Orationes, ut in Dñica præc. fol. 78.

Lectio libri Regum.

4. Reg. 4.

IN diebus illis: Mulier quædam clamabat ad Elisæum Prophetam, dicens: Servus tuus vir meus mortuus est: & tu nosti quia servus tuus fuit timens Dominum: & ecce creditor venit ut tollat duos filios meos ad serviendum sibi. Cui dixit Elisæus: Quid vis ut faciam tibi? Dic mihi, quid habes in domo tua? At illa respondit: Non habeo ancilla tua quidquam in domo mea, nisi parum olei, quo ungar. Cui ait: Vade, pete mutuò ab omnibus vicinis tuis vasa vacua non pauca. Et ingredi, & claude ostium tuum, cum intrinsecus fueris tu, & filii tui: & mitte inde in omnia vasa hac: & cum plena fuerint, tolles. Ivit itaque mulier, & clausit ostium super se, & super filios suos: illi offerébant vasa, & illa infundébat. Cumque plena fuissent vasa, dixit ad filium suum: Affer mihi adhuc vas. Et ille respondit: Non habeo. Stetitque oleum. Venit autem illa, & indicavit homini Dei. Et ille: Vade, inquit, vende oleum, & redde creditori tuo: tu autem, & filii tui vivite de reliquo.

Graduale. Psalm. 18. Ab occultis meis munda me, Domine: & ab aliénis parce servo tuo. **Si me non fuerint dominati,**

F

tunc

tunc immaculatus ero: & emundabor à delicto máximo.



Sequentia sancti Evangelii secundum Matthæum. **Matth. 18. b**

IN illo tempore: Dixit Jesus discipulis suis: Si peccaverit in te frater tuus, vade, & corripe eum inter te, & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum, vel trium testium stet omne verbum. Quod si non audierit eos: dic Ecclesiæ. Si autem Ecclesiam non audierit: sit tibi sicut ethnicus, & publicanus. Amen dico vobis, quæcûmque alligaveritis super terram, erunt ligata & in cælo: & quæcûmque solveritis super terram, erunt soluta & in cælo. Iterum dico vobis, quia si duo ex vobis consenserint super terram, de omni re quæcûmque petierint, fiet illis à Patre meo, qui in cælis est. Ubi enim sunt duo, vel tres congregati in nomine meo, ibi sum in medio eorum. Tunc accedens Petrus ad eum, dixit: Domine quoties peccabit in me frater meus, & dimittam ei? usque septies? Dicit illi Jesus: Non dico tibi usque septies; sed usque septuagies septies.

Offertorium. Psalm. 117. Dextera Domini fecit virtutem, dextera Domini exaltavit me: non moriar, sed vivam, & narrabo opera Domini. **Secreta.**

Per hæc veniat, quæsumus Domine, sacramenta, nostræ redemptionis affectus: qui nos & ab humanis retrahat semper excessibus, & ad salutaria dona perducatur. Per Dominum.

Alia Secreta, ut in Dñica præced. fol. 79.

Communio. Psalmus 14. Domine, quis habitabit in tabernaculo tuo? aut quis requiescet in monte sancto tuo? Qui ingreditur sine macula, & operatur iustitiam. **Postcommunio.**

Sacris, Domine, mysteriis expiati, & veniam, quæsumus, conse-

quæmur, & gratiam. Per Dominum nostrum Jesum Christum, &c.

Alia Postcom. ut in Dñica præced. fol. 79. **Super populum.** **Oremus.**

Humiliate capita vestra Deo. **Oratio.**

Tua nos, Domine, protectione defende: & ab omni semper iniquitate custodi. Per Dominum.

F E R I A Q U A R T A .

Statio ad sanctum Xystum.

Introitus. Psalm. 30.



Go autem in Domino sperabo: exultabo, & lætabor in tua misericordia: quia respexisti humilitatem meam. **Psalm. ibidem.** In te

Domine speravi, non confundar in æternum: in iustitia tua libera me, & eripe me. **Glória Patri. Oratio.**

Præsta nobis, quæsumus Domine: ut salutariis jejuniis eruditi, à noxiis quoque vitiis abstinentes, propitiationem tuam facilius impetremus. Per Dominum nostrum.

Alia Orationes, ut in Dñica præc. fol. 78.

Lectio libri Exodi. Exodi 20. c

Hæc dicit Dominus Deus: Honora patrem tuum, & matrem tuam, ut sis longævus super terram, quam Dominus Deus tuus dabit tibi. Non occides. Non moechaberis. Non furtum facies. Non loqueris contra proximum tuum falsum testimonium. Non concupisces domum proximi tui, nec desiderabis uxorem ejus, non servum, non ancillam, non bovem, non asinum, nec omnia quæ illius sunt. Cunctus autem populus videbat voces, & lampades, & sonitum buccinæ, montemque fumantem: & perterriti ac pavore concussi, steterunt procul, dicentes Moysi: Loquere tu nobis, & audiemus: non loquatur nobis Dominus, ne forte moriamur. Et ait Moyses ad populum: Nolite timere: ut enim probaret vos venit Deus, & ut terror illius esset in vobis, & non peccaretis. Stetitque populus de longè.

Moy-

Móyses autem accessit ad caliginem in qua erat Deus. Dixit prætereà Dóminus ad Móysen: Hæc dices filiis Israel: Vos vidistis quòd de cælo locutus sim vobis. Non faciétis deos argenteos, nec deos aureos faciétis vobis. Altäre de terra faciétis mihi, & offerétis super eo holocáusta & pacífica vestra, oves vestras & boves, in omni loco, in quo memória fúerit nóminis mei.

Graduale. Psalm. 6. Miserere mei Dómine, quóniam infirmus sum: sana me Dómine. **Ps.** Conturbáta sunt ómnia ossa mea: & ánima mea turbáta est valdè.

Tractus. Psalm. 102. Dómine, non secúndum peccáta nostra, quæ fecimus nos: neque secúndum iniquitátes nostras retribuas nobis. **Ps.** **Psalm. 78.** Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. **Hic genuflectitur. Ps.** Adjuva nos Deus salutaris noster: & propter glóriam nóminis tui Dómine libera nos: & propítius esto peccátis nostris, propter nomen tuum.

Sequéntia sancti Euangélíi secúndum Matthæum. Matth. 15.

IN illo témpore: Accessérunt ad Iesum ab Jerosólymis Scribæ, & Pharisei, dicéntes: Quare discipuli tui transgrediúntur traditionem seniórum: non enim lavant manus suas cùm panem mādúcant. Ipse autem respóndens, ait illis: Quare & vos transgredimini mandátum Dei propter traditionem vestram? Nam Deus dixit: Honóra patrem, & matrem. Et: Qui maledixerit patri, vel matri, morte moriátur. Vos autem dicitis: Quicumque dixerit patri, vel matri, Munus quodcúmque est ex me, tibi próderit: & non honorificábit patrem suum, aut matrem suam: & íritum fecistis mandátum Dei propter traditionem vestram. Hypócritæ, benè prophetávit de vobis Isaías, dicens: Pó-

pulus hic lábiis me honórat: cor autem eórum longè est à me. Sine causá autem colunt me, docéntes doctrínas, & mandáta hóminum. Et convocátis ad se turbis, dixit eis: Audíte, & intelligíte. Non quod intrat in os, coínquinat hóminem: sed quod procédit ex ore, hoc coínquinat hóminem. Tunc accedéntes discipuli ejus, dixerunt ei: Scis quia Pharisei audito verbo hoc, scandalizáti sunt? At ille respóndens, ait: Omnis plantátio, quam non plantávit Pater meus cælestis, eradicábitur: Sinite illos: cæci sunt, & duces cæcórum. Cæcus autem si cæco ducátum præstet, ambo in foveam cadunt. Respóndens autem Petrus, dixit ei: Edissere nobis parabolam istam. At ille dixit: Adhuc & vos sine intellectu estis? Non intelligitis quia omne, quod in os intrat, in ventrem vadit, & in secéssum emíttitur? Quæ autem procedunt de ore, de corde éxeunt, & ea coínquinant hóminem: de corde enim éxeunt cogitatiónes malæ, homicídia, adultéria, fornicatiónes, furta, falsa testimónia, blasphemíæ. Hæc sunt, quæ coínquinant hóminem. Non lotis autem manibus manducáre, non coínquinat hóminem.

Offertorium. Psalmus 108. Dómine, fac mecum misericórdiam tuam propter nomen tuum: quia suávis est misericórdia tua. **Secreta.**

Suscipe, quæsumus Dómine, preces populi tui cum oblationibus hostiarum: & tua mystéria celebrátes, ab ómnibus nos defénde perículis. Per Dñm.

Alia Secreta, ut in Dñica præced. fol. 79.
Communio. Psalm. 15. Notas mihi fecistis vias vitæ: adimplébis me lætítia cum vultu tuo, Dómine.

Postcommunio.

Sanctíficet nos, Dómine, qua pasti sumus, mensa cælestis: & à cunctis erróribus expiátos, supérnis promissiónibus reddat accéptos. Per Dóminum.

Alia Postcóm. ut in Dñica præced. fol. 79.
Super populum. Orémus.
Humiliáte cápita vestra Deo.

Oratio.

Concède quesumus omnipotens Deus: ut, qui protectionis tuæ grātiā quærimus, liberāti à malis omnibus secūra tibi mente serviāmus. Per Dñm.

FERIA QUINTA.

Statio ad SS. Cosmam & Damianum.

Introitus.



S Alus pópuli ego sum, dicit Dóminus, de quacúmque tribulatione clamáverint ad me, exáudiam eos: & ero illórum Dóminus in perpétuum. **Psalm. 77. A**tténdite

pópule meus legem meam: inclináte aurem vestram in verba oris mei.

V. Glória Patri, &c. **Oratio.**

Magnificet te, Dómine, sanctorum tuorum Cosmæ & Damiáni beáta solémnitas: qua & illis glóriam sempitérnam, & opem nobis ineffábili providéntia contulísti. Per Dóminum.

Alia Orationes, ut in Dñica præced. fol. 78.

Lectio Jeremiæ Prophætæ. Jerem. 7.

IN diébus illis: Factum est verbum Dómini ad me, dicens: Sta in porta domus Dómini, & prædica ibi verbum istud, & dic: Audíte verbum Dómini omnis Juda, qui ingredimini per portas has, ut adorétis Dóminum. Hæc dicit Dóminus exercituum Deus Israel: Bonas fácite vias vestras, & stúdia vestra: & habitábo vobiscum in loco isto. Nolíte confidere in verbis mendáci, dicéntes: Templum Dómini, templum Dómini, templum Dómini est. Quóniam si benè direxéritis vias vestras, & stúdia vestra: si fecéritis iudícium inter virum & próximum ejus, ádvenæ & pupillo, & víduæ non fecéritis calúnniam, nec sanguinem innocentem effudéritis in loco hoc, & post deos aliénos non ambulavéritis in malum vobismetípsis: habitábo vobiscum in loco isto: in terra, quam dedi patribus vestris à sæculo & usque in sæculum, ait Dóminus omnipotens.

Graduale. Psalm. 144. Oculi omnium

in te sperant, Dómine: & tu das illis escam in témpore opportúno.

V. Aperis tu manum tuam, & imples omne animal benedictióne.



Sequéntia sancti Euangélii secundum Lucam. **Lucæ 4. f**

IN illo témpore: Surgens Jesus de Synagoga, introívit in domum Simónis. Socrus autem Simónis tenebatur magnis fébribus, & rogavérunt illum pro ea. Et stans super illam, imperávit febrí: & dimísit illam. Et continuò surgens ministrábat illis. Cum autem sol occidíset, omnes, qui habébant infirmos váriis languóribus, ducébant illos ad eum. At ille singulis manus impónens, curábat eos. Exibant autem dæmónia à multis clamántia, & dicéntia: Quia tu es Fílius Dei: & increpans non sinébat ea loqui: quia sciébant ipsum esse Christum. Facta autem die, egréssus ibat in désertum locum, & turbæ requirébant eum, & venérunt usque ad ipsum: & detinébant illum ut discéderet ab eis. Quibus ille ait: Quia & áliis civitatibus opórtet me euangelizáre regnum Dei: quia idéò missus sum. Et erat prædicans in synagógis Galilææ. **Offertorium. Psalm. 137. Si** ambulávero in médio tribulationis, vivificábis me Dómine: & super iram inimicórum meórum exténderis manum tuam, & saluum me fáciet dextera tua. **Secreta.**

IN tuorum, Dómine, pretiósa morte iustórum sacrificium illud offerimus, de quo martyrium sumpsit omne principium. Per Dóminum nostrum.

Alia Secreta, ut in Dñica præced. fol. 79.

Communio. Psalm. 118. Tu mandásti mandata tua custodíri nimis: útinam dirigántur viæ meæ ad custodiéndas justificationes tuas. **Postcommunio.**

Sit nobis, Dómine, sacraménti tui certa salvátio: quæ cum beatorum mártirum tuorum Cosmæ & Damiáni méritis implorátur. Per Dóminum.

Alia Postcóm. ut in Dñica præced. fol. 79.

Su-

Super populum.

Oremus.

Humiliâte capita vestra Deo. **Oratio.**


Subjectum tibi populum, quæsumus Domine, propitiatio cælestis amplifiet: & tuis semper faciat servire mandatis. Per Dominum.

F E R I A S E X T A.

Statio ad S. Laurentium in Lucina.

Introitus.

Psalm. 85.



Ac mecum, Domine, signum in bonum: ut videant qui me oderunt, & confundantur: quoniam tu Domine adjuvisti me, & consolatus es me. **Psalm. ibid.** Inclina Domine aurem tuam, & exaudi me: quoniam inops & pauper sum ego.

Gloria Patri, &c. **Oratio.**

Jejunia nostra, quæsumus Domine, benigno favore prosequere: ut sicut alimentis abstinemus in corpore; ita à vitiis jejunemus in mente. Per Dñm.

Aliæ Orationes, ut in Dominica præcedenti. fol. 78.

Lectio libri Numeri.

Num. 20.

IN diebus illis: Convenérunt filii Israel adversum Moysen & Aaron: & versi in seditionem, dixerunt: Date nobis aquam, ut bibamus. Ingressusque Moyses & Aaron, dimissa multitudine, tabernaculum foederis, corruerunt proni in terram, clamaveruntque ad Dominum, atque dixerunt: Domine Deus audi clamorem hujus populi, & aperi eis thesaurum tuum fontem aquæ vivæ, ut satiati, cesset murmuratio eorum. Et apparuit gloria Domini super eos. Locutusque est Dominus ad Moysen, dicens: Tolle virgam, & congrega populum, tu & Aaron frater tuus, & loquimini ad petram coram eis, & illa dabit aquas. Cumque eduxeris aquam de petra, bibet omnis multitudo, & jumenta ejus. Tulit igitur Moyses virgam, quæ erat in conspectu Domini, sicut præceperat ei, congregata multitudo ante petram, dixitque eis: Au-

Miss.

dite rebelles & increduli: Num de petra hac vobis aquam poterimus ejicere? Cumque elevasset Moyses manum, percutiens virga bis silicem, egressæ sunt aquæ largissimæ, ita ut populus biberet, & jumenta. Dixitque Dominus ad Moysen & Aaron: Quia non credidistis mihi, ut sanctificaretis me coram filiis Israel, non introducētis hos populos in terram, quam dabo eis. Hæc est aqua contradictionis, ubi jurgati sunt filii Israel contra Dominum, & sanctificatus est in eis.

Graduale. Psalm. 27. In Deo speravit cor meum, & adjutus sum: & refloruit caro mea, & ex voluntate mea confitebor illi. **Ps.** Ad te, Domine, clamavi: Deus meus, ne sileas, ne discedas à me.

Tractus. Psalmus 102. Domine, non secundum peccata nostra, quæ fecimus nos: neque secundum iniquitates nostras retribuas nobis.

Psalmus 78. Domine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis.

Hic genuflectitur. **Ps.** Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.



Sequentia sancti Evangelii secundum Joannem. **Joann. 4.**

IN illo tempore: Venit Jesus in civitatem Samariæ, quæ dicitur Sichar: juxta prædium, quod dedit Jacob Joseph filio suo. Erat autem ibi fons Jacob. Jesus ergo fatigatus ex itinere, sedebat sic supra fontem. Hora erat quasi sexta. Venit mulier de Samaria haurire aquam. Dicit ei Jesus: Da mihi bibere. (Discipuli enim ejus abierant in civitatem ut cibos emerent.) Dicit ergo ei mulier illa Samaritana: Quomodo tu Judæus cum sis, bibere à me poscis, quæ sum mulier Samaritana: non enim contuntur Judæi Samaritanis. Respondit Jesus, &

F 3

dixit

dixit ei: Si scires donum Dei, & quis est, qui dicit tibi: Da mihi bibere: tu forsitan petisses ab eo, & dedisset tibi aquam vivam. Dicit ei mulier: Domine, neque in quo haurias habes, & puteus altus est: unde ergo habes aquam vivam? Numquid tu major es patre nostro Jacob, qui dedit nobis puteum, & ipse ex eo bibit, & filiis ejus, & pecora ejus? Respondit Jesus, dixit ei: Omnis, qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum: sed aqua, quam ego dabo ei, fiet in eo fons aquæ salientis in vitam æternam. Dicit ad eum mulier: Domine, da mihi hanc aquam, ut non sitiam, neque veniam huc haurire. Dicit ei Jesus: Vade, voca virum tuum, & veni huc. Respondit mulier, & dixit: Non habeo virum. Dicit ei Jesus: Benè dixisti, quia non habeo virum: quinque enim viros habuisti; & nunc, quem habes, non est tuus vir: hoc verè dixisti. Dicit ei mulier: Domine, video quia Propheta es tu. Patres nostri in monte hoc adoraverunt, & vos dicitis, quia Jerosolymis est locus, ubi adorare oportet. Dicit ei Jesus: Mulier, crede mihi, quia venit hora, quando neque in monte hoc, neque in Jerosolymis adorabitis Patrem. Vos adoratis quod nescitis: nos adoramus quod scimus, quia salus ex Judæis est. Sed venit hora, & nunc est, quando veri adoratores adorabunt Patrem in spiritu & veritate. Nam & Pater tales querit, qui adorent eum. Spiritus est Deus: & eos, qui adorant eum, in spiritu & veritate oportet adorare. Dicit ei mulier: Scio quia Messias venit (qui dicitur Christus.) Cum ergo venerit ille, nobis annuntiabit omnia. Dicit ei Jesus: Ego sum, qui loquor tecum. Et continuo venerunt discipuli ejus: & mirabantur quia cum muliere loquebatur. Nemo tamen dixit: Quid queris, aut quid loqueris cum ea? Reliquit ergo hydriam suam mulier, & abiit in civitatem, & dicit illis hominibus: Venite, & videte hominem, qui dixit mihi

omnia quæcumque feci: numquid ipse est Christus? Exierunt ergo de civitate, & veniebant ad eum. Interea rogabant eum discipuli, dicentes: Rabbi, manduca. Ille autem dicit eis: Ego cibum habeo manducare, quem vos nescitis. Dicebant ergo discipuli ad invicem: Numquid aliquis attulit ei manducare? Dicit eis Jesus: Meus cibus est ut faciam voluntatem ejus, qui misit me, ut perficiam opus ejus. Nonne vos dicitis, quod adhuc quatuor menses sunt, & messis venit? Ecce dico vobis: Levate oculos vestros, & videte regiones, quia albæ sunt jam ad messem. Et qui metit, mercedem accipit, & congregat fructum in vitam æternam: ut, & qui seminat, simul gaudeat, & qui metit. In hoc enim est verbum verum: quia alius est qui seminat, & alius est qui metit. Ego misi vos metere quod vos non laborastis: alii laboraverunt, & vos in labores eorum introistis. Ex civitate autem illa multi crediderunt in eum Samaritanorum, propter verbum mulieris testimonium perhibentis: Quia dixit mihi omnia quæcumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt in eum propter sermonem ejus. Et mulieri dicebant: Quia jam non propter tuam loquelam credimus: ipsi enim audivimus, & scimus, quia hic est verè Salvator mundi.

Offertoriū. Psal. 5. Intende voci orationis meæ, Rex meus, & Deus meus: quoniam ad te orabo, Domine. **Secreta.**

Respice, quæsumus Domine, propitius ad muneris, quæ sacramus: ut tibi grata sint, & nobis salutaria semper existant. Per Dominum.

Alia Secreta, ut in Dñica præced. fol. 79.
Communio. Joann. 4. Qui biberit aquam, quam ego dabo ei, dicit Dominus, fiet in eo fons aquæ salientis in vitam æternam. **Postcommunio.**

Hujus nos, Domine, perceptio sacramenti mundet à crimine: & ad cælestia regna perducat. Per Dominum.

Alia

Alia Postcōm. ut in Dñica præced. fol. 79.

Super populum. Orémus.

Humiliáte cápita vestra Deo. Oratio.

PRæsta quæsumus omnipotens Deus: ut qui in tua protectione confidimus, cuncta nobis adversantia, te adjuvante vincamus. Per Dñm.

S A B B A T O.

Statio ad sanctam Susannam.

Introitus. Psalm. 5.



Erba mea auribus percipe Dñe, intèllige clamorem meum: intènde voci orationis meæ, Rex meus, & Deus meus.

Psalm. ibid. Quoniam ad te orabo Dñe: manè exaudies vocem meam.

Gloria Patri, &c. Oratio.

PRæsta quæsumus omnipotens Deus: ut qui se affligendo carnem, ab alimentis abstinent, sectando iustitiam, à culpa jejūnent. Per Dñm.

Alia Orationes, ut in Dñica præc. fol. 78.

Lectio Daniélis Prophætæ. Dan. 13.

IN dièbus illis: Erat vir habitans in Babilōne, & nomen ejus Joakim: & accepit uxorem nōmine Susannam, filiam Helciæ, pulchram nimis, & timentem Deum: paréntes enim illius, cū essent iusti, erudiérunt filiam suam secundum legem Mōysi. Erat autem Joakim dives valde, & erat ei pomarium vicinum domui suæ: & ad ipsum confluebant Judæi, eò quòd esset honorabilior omnium. Et constituti sunt de pōpulo duo senes iudices in illo anno: de quibus locutus est Dñus: Quia egressa est iniquitas de Babilōne à senioribus iudicibus, qui videbantur regere pōpulum. Isti frequentabant domum Joakim, & veniebant ad eos omnes, qui habebant iudicia. Cū autem pōpulus revertisset per meridiem, ingrediebatur Susanna, & deambulabat in pomario viri sui. Et videbant eam senes quotidie ingredientem, & deambulantem: & exarsérunt in concupiscéntiam ejus: & everté-

runt sensum suum, & declinaverunt oculos suos, ut non viderent cælum, neque recordarentur iudiciorum iustorum. Factum est autem, cū observarent diem aptum, ingressa est aliquādo sicut heri & nudiustertius, cum duabus solis puellis, voluitque lavari in pomario: æstus quippe erat: & non erat ibi quisquam, præter duos senes absconditos, & cōtemplantes eam. Dixit ergo puellis: Afferte mihi oleum, & smigmata, & ostia pomarii claudite, ut laver. Cū autē egressæ essent puellæ, surrexerunt duo senes, & accurrerunt ad eam, & dixerunt: Ecce ostia pomarii clausa sunt, & nemo nos videt, & nos in concupiscéntia tui sumus: quāmo brē assentire nobis, & commiscere nobiscum. Quòd si nolueris, dicemus cōtra te testimōnium, quòd fuerit tecum juvenis, & ob hanc causam miseris puellas à te. Ingemuit Susanna, & ait: Angustia sunt mihi undique: si enim hoc égero, mors mihi est: si autem non égero, non effugiam manus vestras. Sed melius est mihi absque opere incidere in manus vestras, quā peccare in conspectu Dñi. Et exclamavit voce magna Susanna: exclamaverunt autem & senes adversus eam. Et cucurrit unus ad ostia pomarii, & aperuit. Cū ergo audisset clamorem famuli domus in pomario, irruerunt per posticum, ut viderent quidnam esset. Postquam autem senes locuti sunt, erubuerunt servi vehementer: quia nunquam dictus fuerat sermo huiusmodi de Susanna. Et facta est dies crastina. Cūque venisset pōpulus ad Joakim virum ejus, venerunt & duo seniores pleni iniqua cogitatione adversus Susannam, ut interficerent eam. Et dixerunt coram pōpulo: Mittite ad Susannam filiam Helciæ uxorem Joakim. Et statim miserunt. Et venit cum paréntibus, & filiis, & universis cognatis suis. Flebāt igitur sui, & omnes qui nōverant eam. Consurgentes autem duo seniores in medio pōpuli, posuerunt manus suas super caput ejus. Quæ flens suspexit ad cælum:

erat enim cor ejus fiduciam habens in Domino. Et dixerunt seniores: Cum deambularémus in pomario soli, ingressa est hæc cum duabus puellis: & clausit ostia pomarii, & dimisit à se puellas. Venitque ad eam adolescens, qui erat absconditus, & concubuit cum ea. Porro nos cum essemus in angulo pomarii, videntes iniquitatem, cucurrimus ad eos, & vidimus eos pariter commisceri. Et illum quidem non quivimus comprehendere, quia fortior nobis erat, & apertis ostiis exiit: hanc autem cum apprehendissemus, interrogavimus, quisnam esset adolescens, & noluit indicare nobis: hujus rei testes sumus. Credidit eis multitudo quasi senibus & iudicibus populi, & condemnaverunt eam ad mortem. Exclamavit autem voce magna Susanna, & dixit: Deus æternæ, qui absconditorum es cognitor, qui nosti omnia antequam fiant, tu scis quoniam falsum testimonium tulerunt contra me: & ecce morior, cum nihil horum fecerim, quæ isti malitiose composuerunt adversum me. Exaudivit autem Dominus vocem ejus. Cumque duceretur ad mortem, suscitavit Dominus spiritum sanctum pueri junioris, cujus nomen Daniel. Et exclamavit voce magna: Mundus ego sum à sanguine hujus. Et conversus omnis populus ad eum, dixit: Quis est iste sermo, quem tu locutus es? Qui cum staret in medio eorum, ait: Sic fatui filii Israel, non judicantes, neque quod verum est cognoscetes, condemnastis filiam Israel? Revertimini ad iudicium, quia falsum testimonium locuti sunt adversus eam. Reversus est ergo populus cum festinatione. Et dixit ad eos Daniel: Separate illos ab invicem procul, & dijudicabo eos. Cum ergo divisi essent alter ab altero, vocavit unum de eis, & dixit ad eum: Inveterate dierum malorum, nunc venerunt peccata tua, quæ operabaris prius, iudicans iudicia injusta, innocentes opprimens, & dimittens noxios, dicente Domino: Innocentem & justum non interficies. Nunc er-

go si vidisti eam, dic sub qua arbore videris eos colloquentes sibi. Qui ait: Sub schino. Dixit autem Daniel: Recte mentitus es in caput tuum: Ecce enim Angelus Dei, accepta sententia ab eo, scindet te medium. Et amoto eo, iussit venire alium, & dixit ei: Semen Chanaan, & non Juda, species decipit te, & concupiscentia subvertit cor tuum: sic faciebatis filiabus Israel, & illæ timentes loquebantur vobis: sed filia Juda non sustinuit iniquitatem vestram. Nunc ergo dic mihi, sub qua arbore comprehenderis eos loquentes sibi. Qui ait: Sub prino. Dixit autem ei Daniel: Recte mentitus es & tu in caput tuum: manet enim Angelus Domini, gladium habens, ut secet te medium, & interficiat vos. Exclamavit itaque omnis coetus voce magna, & benedixerunt Deum, qui salvat sperantes in se. Et confurrexerunt adversus duos seniores (convicerat enim eos Daniel ex ore suo falsum dixisse testimonium) feceruntque eis sicut malè egerant adversus proximum, & interfecerunt eos, & salvatus est sanguis innoxius in die illa.

Graduale. Psalmus 22. Si ambulem in medio umbræ mortis, non timebo mala, quoniam tu mecum es, Domine.

Virga tua, & baculus tuus, ipsa me consolata sunt.



Sequentia sancti Evangelii secundum Joannem.

Joann. 8.

In illo tempore: Perrexit Jesus in montem Oliveti: & diluculo iterum venit in templum, & omnis populus venit ad eum, & sedens docebat eos. Adducunt autem Scribæ, & Pharisei mulierem in adultério deprehensam: & statuerunt eam in medio, & dixerunt ei: Magister, hæc mulier modò deprehensa est in adultério. In lege autem Moyses mandavit nobis hujusmodi lapidare. Tu ergo quid dicis? Hoc autem dicebant tentantes eum, ut possent accusare eum. Jesus autem inclinans se deorsum, digito scribebat in terra.

Cum

Cum ergo perseverarent interrogantes eum, erexit se, & dixit eis: Qui sine peccato est vestrum, primus in illam lapidem mittat. Et iterum se inclinans, scribebat in terra. Audiētes autem, unus post unum exibant, incipientes a senioribus: & remansit solus Jesus, & mulier in medio stans. Erigens autem se Jesus, dixit ei: Mulier, ubi sunt, qui te accusabant? Nemo te condemnavit? Quæ dixit: Nemo, Domine. Dixit autem Jesus: Nec ego te condemnabo: Vade, & jam amplius noli peccare.

Offertorium. Psalm. 118. Gressus meos dirige secundum eloquium tuum: ut non dominetur mei omnis injustitia, Domine.

Secreta.

Concède quæsumus omnipotens Deus: ut hujus sacrificii munus oblatum, fragilitatem nostram ab omni malo purget semper, & muniat. Per Dñm.

Alia Secreta, ut in Dñica præced. fol. 79.

Communio. Joann. 8. Nemo te condemnavit, mulier? Nemo Domine: nec ego te condemnabo: jam amplius noli peccare.

Postcommunio.

Quæsumus omnipotens Deus: ut inter ejus membra numeremur, cujus corpori communicamus, & sanguini. Qui tecum vivit, & regnat.

Alia Postcom. ut in Dñica præced. fol. 79.

Super populum. Oremus.

Humiliāte capita vestra Deo. **Oratio.**

Præstāde, Domine, fidelibus tuis dexteram cælestis auxilii: ut te toto corde perquirant, & quæ dignè postulant, consequi mereantur. Per Dñm.

DOMINICA QUARTA

in Quadragesima.

Statio ad S. Crucem in Jerusalem.

Introitus.

Isa. 66.



Etāre Jerúsalem, & conventum facite omnes, qui diligitis eam: gaudete cum lætitia, qui in tristitia fuistis: ut exultetis, & satiēmini ab ubéribus consolatiōnis vestræ.

Psalm. 121. Lætātus sum in his, quæ dicta sunt mihi: in domum Dñmini ibimus. **Glória Patri.** **Oratio.**

Concède quæsumus omnipotens Deus: ut qui ex merito nostræ actiōnis affligimur, tuæ gratiæ consolatiōne respirēmus. Per Dñm.

Ad poscenda suffragia Sanctorum. Oratio.

Acunctis nos, quæsumus Domine, mentis & corporis defēde periculis: & intercedēte beāta & gloriōsa semper vīrgine Dei genitrice Mariā, cum beātis Apóstolis tuis Petro & Paulo, atque beāto **N.** & omnibus Sanctis, salutem nobis tribue benignus & pacem: ut, destrūctis adversitatibus, & erroribus univérſis, Ecclesiā tua secūra tibi sērviat libertate.

Pro Vivis, & Defunctis. Oratio.

Omnipotens sempitérne Deus, qui vivórum domináris simul & mortuórum, omniumque miseréris, quos tuos fide & ópere futúros esse prænoſcis: te supplices exoramus; ut pro quibus effūdere preces decrevimus, quosque vel præsens sæculum adhuc in carne retinet, vel futúrum jam exiit corpore suscepit; intercedentibus omnibus Sanctis tuis, pietatis tuæ clemētia, omnium delictórum suórum véniam consequantur. Per Dñm.

Lectio Epistolæ beāti Pauli Apóstoli ad Gálatas. **Gal. 4. c**

Fratres, Scriptum est: Quóniam Abraham duos filios hábuit: unum de ancilla, & unum de libera. Sed qui de ancilla, secundum carnem natus est: qui autem de libera, per repromissionem: quæ sunt per allegoriā dicta. Hæc enim sunt duo testamēta. Unum quidem in monte Sina, in servitūtem generans, quæ est Agar: Sina enim mons est in Arábia, qui conjūctus est ei, quæ nunc est Jerúsalem, & servit cum filiis suis. Illa autem, quæ sursum est Jerúsalem, libera est, quæ est mater nostra. Scriptum est enim: Lætāre stérilis, quæ non paris: erúmpe, & clama, quæ non párturis: quia multi

multi filii desértæ, magis quàm ejus, quæ habet virum. Nos autem fratres secúndum Isaac promissiónis filii sumus. Sed quómodo tunc is, qui secúndum carnē natus fúerat, persequébatur eum, qui secúndum spíritum: ita & nunc. Sed quid dicit Scriptúra? Ejice ancíllam, & filium ejus: non enim hæres erit filius ancíllæ cum filio líberæ. Itaque fratres, non sumus ancíllæ filii, sed líberæ: qua libertáte Christus nos liberávit.

Graduale. Psalm. 121. Lætátus sum in his, quæ dicta sunt mihi: in domum Dómini íbimus. *✠* Fiat pax in virtúte tua: & abundántia in túrribus tuis.

Tractus. Psalm. 124. Qui confidunt in Dómino, sicut mons Sion: non commovébitur in ætérnum, qui hábitat in Jerúsalem. *✠* Montes in circúitu ejus: & Dóminus in circúitu pópuli sui, ex hoc nunc & usque in sæculum.



Sequéntia sancti Euangélíi secúndum Joánnem. Joann. 6.

IN illotémpore: Abiit Jesus trans mare Galilææ, quod est Tiberíadis: & sequebátur eum multitúdo magna, quia vidébant signa, quæ faciébat super his, qui infirmabántur. Súbiit ergo in montem Jesus: & ibi sedébat cum discípu-
lis suis. Erat autem próximum Pascha dies festus Judæórum. Cúm subleváisset ergo óculos Jesus, & vidíisset quia multitúdo máxima venit ad eum, dixit ad Philíppum: Unde emémus panes, ut mandúcent hi? Hoc autem dicébat tentans eum: ipse enim sciébat quid esset factúrus. Respóndit ei Philíppus: Ducentórum denariórum panes non sufficiunt eis, ut unusquisque módicum quid accípiat. Dicit ei unus ex discípu-
lis ejus, Andréas frater Simónis Petri: Est puer unus hic, qui habet quinque panes ordeáceos, & duos pisces: sed hæc quid sunt inter tantos? Dixit ergo Jesus: Fácite hómines discúmberé. Erat autem fœnum multum in loco. Discu-
buérunt ergo viri, número quasi quin-

que míllia. Accépit ergo Jesus panes: & cúm grátias egíisset, distribuit discum-
béntibus: similiter & ex piscibus quan-
tum volébant. Ut autem impléti sunt, dixit discípu-
lis suis: Collígite quæ su-
peravérunt fragmenta, ne péreant. Col-
legérunt ergo, & implevérunt duóde-
cim cóphinos fragmentórum ex quin-
que pánibus ordeáceis, quæ superfue-
runt his, qui manducáverant. Illi er-
go hómines cúm vidíissent quód Jesus fé-
cerat signum, dicébant: Quia hic est
verè Prophéta, qui ventúrus est in mun-
dum. Jesus ergo cúm cognovíisset quia
ventúri essent, ut ráperent eum, & fá-
cerent eum regem, fugit íterum in
montem ipse solus. **Credo.**

Offertorium. Psalmus 134. Laudáte Dóminum, quia benígnus est: psállite nómini ejus, quóniam suávis est: ómnia quæcúmque voluit, fecit in cæ-
lo & in terra. **Secreta.**

Sacrificiis præsentibus, Dómine quæsumus, inténde placátus, ut & devotióni nostræ proficiant, & salúti. Per Dóminum. **Aliæ Secretæ.**

EXáudi nos Deus salutáris noster: ut per hujus Sacraménti virtútem, à cunctis nos mentis & córporis hósti-
bus tueáris, grátiam tribuens in præ-
sénti, & glóriam in futúro.

Deus, cui soli cógnotus est núme-
rus electórum in supérna felici-
táte locándus: tribue quæsumus; ut
intercedéntibus ómnibus Sanctis tuis,
universórum, quos in oratióne com-
mendátos suscépimus, & ómnium fi-
délium nómina, beatæ prædestinatio-
nis liber adscrípta retíneat. Per Dñm.
Communio. Psalmus 121. Jerúsalem,
quæ ædificátur ut civitas, cujus par-
ticipátio ejus in idípsum: illuc enim
ascendérunt tribus, tribus Dómini,
ad confiténdum nómini tuo Dómine.

Postcommunio.

DA nobis, quæsumus miséricors
Deus: ut sancta tua, quibus in-
cessánte explémur, sinceris tractémus
obsé-

obséquiiis, & fideli semper mente sumamus. Per Dóminum.

Alia Postcommuniones.

MUndet & múniat nos, quæsumus Dómine, divini sacraménti munus oblátum: & intercedente beáta vírgine Dei genitrice María, cum beátis Apóstolis tuis Petro & Paulo, atque beáto **N.** & ómnibus Sanctis; à cunctis nos reddat & perversitatibus expiátos, & adversitatibus expeditos.

Puríficet nos, quæsumus omnipotens & miséricors Deus, sacraménta, quæ sumpsimus: & intercedentibus ómnibus Sanctis tuis, præsta; ut hoc tuum sacraméntum non sit nobis reátus ad pœnam, sed intercessio salutaris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum, atque mortuórum fidélium, remissio ómnium delictórum. Per Dñm.

F E R I A S E C U N D A .
Statio ad SS. Quatuor Coronatos.

Introitus. Psalm. 53.



Eus in nómine tuo salvum me fac, & in virtúte tua libera me: Deus exáudi orationem meam: áuribus pèrcipe verba oris mei.

Psalm. ibid. Quóniam aliéni insurrexérunt in me: & fortes quæsiérunt animam meam. **Glória Patri. Oratio.**

Præsta quæsumus omnipotens Deus: ut observatiónes sacras ánnua devotióne recoléntes, & corpore tibi placeámus & mente. Per Dóminum.

Alia Orationes, ut in Dominica præcedenti. fol. 89.

Lectio libri Regum.

3. Reg. 3. c

IN diébus illis: Venérunt duæ mulieres meretrices ad regem Salomónem, steterúntque coram eo, quarum una ait: Obsecro, mi dómine: ego & mulier hæc habitabámus in domo una, & péperi apud eam in cubículo. Tértia autem die postquam ego péperi, péperit & hæc:

& erámus simul, nullúsque álius nobiscum in domo, excéptis nobis duábus. Mórtnus est autem filius mulieris hujus nocte. Dórmienti quippe oppréssit eum. Et consúrgens intempéstæ noctis siléntio, tulit filium meum de látere meo ancillæ tuæ dormiéntis, & collocávit in sinu suo: suum autem filium, qui erat mórtnus, pósuit in sinu meo. Cúmque surrexíssem manè, ut darem lac filio meo, apparuit mórtnus: quem diligéntius íntuens clara luce, deprehénderi non esse meum, quem genúeram. Responditque áltera mulier: Non est ita ut dicis, sed filius tuus mórtnus est, meus autem vivit. Econtráriò illa dicebat: Mentiris: filius quippe meus vivit, & filius tuus mórtnus est. Atque in hunc modum contendébant coram rege. Tunc rex ait: Hæc dicit: Fílius meus vivit, & filius tuus mórtnus est. Et ista respondit: Non, sed filius tuus mórtnus est, meus autem vivit. Dixit ergo rex: Aférte mihi gládium. Cúmque attulísset gládium coram rege, Divídite, inquit, infántem vivum in duas partes, & date dimídiam partem uni, & dimídiam partem álteri. Dixit autem mulier, cujus filius erat vivus, ad regem: (commóta sunt quippe víscera ejus super filio suo:) Obsecro, dómine, date illi infántem vivum, & nolíte interficere eum. Econtráriò illa dicebat: Nec mihi, nec tibi sit, sed dividátur. Respondit rex, & ait: Date huic infántem vivum, & non occidátur: hæc est enim mater ejus. Audívit itaque omnis Israel judícium quod judicásset rex, & timuérunt regem, vidéntes sapiéntiam Dei esse in eo ad faciéndum judícium.

Graduale. Psalmus 30. Esto mihi in Deum protectórem, & in locum refúgii, ut salvum me fácias.

Psalm. 70. Deus, in te sperávi: Dómine non confundar in ætérnum.

Tractus. Psalm. 102. Dómine, non secúndum peccáta nostra, quæ fecimus nos: neque secúndum iniquitates nostras retri-

retribuas nobis. *ψ. Psalm. 78.* Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis. *Hic genuflectitur. ψ.* Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.



Sequentia sancti Evangelii secundum Joannem. *Joann. 2. c*

IN illo tempore: Propè erat Pascha Judæorum, & ascendit Jesus Jerosolymam: & invenit in templo vendentes boves, & oves, & columbas, & nummularios sedentes. Et cum fecisset quasi flagellum de funiculis, omnes eiecit de templo, oves quoque, & boves, & nummuliariorum effudit æs, & mensas subvertit. Et his, qui columbas vendebant, dixit: Auferte ista hinc, & nolite facere domum Patris mei, domum negotiationis. Recordati sunt verò discipuli ejus quia scriptum est: Zelus domus tuæ comedit me. Responderunt ergo Judæi, & dixerunt ei: Quod signum ostendis nobis quia hæc facis? Respondit Jesus, & dixit eis: Solvite templum hoc, & in tribus diebus excitabo illud. Dixerunt ergo Judæi: Quadraginta & sex annis ædificatum est templum hoc, & tu in tribus diebus excitabis illud? Ille autem dicebat de templo corporis sui. Cum ergo resurrexisset à mortuis, recordati sunt discipuli ejus, quia hoc dicebat, & crediderunt Scripturæ, & sermóni, quem dixit Jesus. Cum autem esset Jerosolymis in Pascha in die festo, multi crediderunt in nomine ejus, videntes signa ejus, quæ faciebat. Ipse autem Jesus non credebatur semetipsum eis, eò quod ipse nosset omnes, & quia opus ei non erat ut quis testimonium perhiberet de homine: ipse enim sciebat quid esset in homine.

Offertorium. Psalm. 99. Jubilate Deo

omnis terra, servite Domino in lætitia: intrate in conspectu ejus in exultatione: quia Dominus ipse est Deus. *Secreta.*

Oblatum tibi, Domine, sacrificium vivificet nos semper & muniat. Per Dominum nostrum.

Alia Secreta, ut in Dñica præced. fol. 90.

Communio. Psalmus 18. Ab occultis meis munda me Domine: & ab aliènis parce servo tuo. *Postcommunio.*

Sumptis, Domine, salutaribus sacramentis: ad redemptionis æternæ, quæsumus, proficiamus augmentum. Per Dominum nostrum.

Alia Postcôm. ut in Dñica præc. fol. 91.
Super populum. Oremus.

Humiliate capita vestra Deo. *Oratio.*

Deprecationem nostram, quæsumus Domine, benignus exaudi: & quibus supplicandi præstas affectum, tribue defensionis auxilium. Per Dominum.

F E R I A T E R T I A.

Statio ad S. Laurentium in Damaso.

Introitus. Psalm. 54.



Laudi Deus orationem meam, & ne despexeris deprecationem meam: intende in me, & exaudi me. *Psalm. ibid.* Contri-

tatus sum in exercitatione mea: & conturbatus sum à voce inimici, & à tribulatione peccatoris.

ψ. Gloria Patri, &c. Oratio.

Sacræ nobis, quæsumus Domine, observationis jejunia, & piæ conversationis augmentum, & tuæ propitiationis continuum præstent auxilium. Per Dominum nostrum.

Alia Orationes, ut in Dñica præc. fol. 89.

Lectio libri Exodi. Exodi 32. d

IN diebus illis: Locutus est Dominus ad Moysen, dicens: Descende de monte: peccavit populus tuus, quem eduxisti de Terra Aegypti. Recesserunt cito de via, quam ostendisti eis: feceruntque sibi vitulum conflatilem, & adoraverunt, atque immolantes ei hostias, dixerunt:

Isti

Isti sunt dii tui Israel, qui te eduxerunt de Terra Ægypti. Rursúmque ait Dóminus ad Móysen: Cerno quòd pópulus iste duræ cervicis sit: dímítte me, ut irascatur furor meus contra eos, & deleam eos, faciámque te in gentem magnam. Móyses autem orábat Dóminum Deum suum dicens: Cur, Dómine irascitur furor tuus contra pópulum tuum, quem eduxisti de Terra Ægypti in fortitúdine magna, & in manu robústa? Ne quæso dicant Ægyptii: Cállidè edúxit eos, ut interficeret in móntibus, & deléret è terra: quiescat ira tua, & esto placábilis super nequítia pópuli tui. Recordáre Abraham, Isaac, & Israel servórum tuórum, quibus jurásti per temetípsum, dicens: Multiplicábo semen vestrum sicut stellas cæli: & univérsum terram hanc, de qua locútus sum, dabo sémini vestro, & possidébitis eam semper. Placátusque est Dóminus ne fáceret malum, quod locútus fúerat advérsus pópulum suum.

Graduale. Psalm. 43. **E**xúrge Dómine, fer opem nobis: & libera nos propter nomen tuum. **V.** Deus, áuribus nostris audívimus: & patres nostri annuntiavérunt nobis opus, quod operátus es in diébus eórum, & in diébus antiquis.



Sequéntia sancti Euangélíi secúndum Joánnem. **Joann. 7. b**

In illo témpore: Jam die festo mediánte, ascéndit Iesus in templum, & docébat. Et mirabántur Judæi, dicétes: Quómodo hic lítteras scit, cum non didícerit? Respóndit eis Iesus, & dixit: Mea doctrína non est mea, sed ejus, qui misit me. Si quis volúerit voluntátem ejus fácere, cognóscet de doctrína, utrúm ex Deo sit, an ego à meípso loquar. Qui à semetípso loquitur, glóriam própriam quærit. Qui autem quærit glóriam ejus, qui misit eum, hic verax est, & injustítia in illo non est. Nónne Móyses dedit vobis le-

gem: & nemo ex vobis facit legem? Quid me quæritis interficere? Respóndit turba, & dixit: Dæmónium habes: quis te quærit interficere? Respóndit Iesus, & dixit eis: Unum opus feci, & omnes mirámini. Propterea Móyses dedit vobis circumcisióne: (non quia ex Móyse est, sed ex pátribus) & in Sábbato circumcéditis hóminem. Si circumcisióne accipit homo in Sábbato, ut non solvátur lex Móysi: mihi indignámini, quia totum hóminem sanum feci in Sábbato? Nolíte judicáre secúndum faciém, sed justum judícium judicáte. Dicébant ergo quidam ex Jerosólymis: Nónne hic est, quem quærunť interficere? Et ecce palám loquitur, & nihil ei dicunt. Numquid verè cognovérunt príncipes quia hic est Christus? Sed hunc scimus unde sit: Christus autem cùm vénerit, nemo scit unde sit. Clamábat ergo Iesus in templo docens, & dicens: Et me scitis, & unde sim scitis: & à meípso non veni, sed est verus, qui misit me, quem vos nescitis. Ego scio eum: quia ab ipso sum, & ipse me misit. Quærébant ergo eum apprehéndere: & nemo misit in illum manus, quia nondum vénerat hora ejus. De turba autem multi credidérunt in eum.

Offertorium. Psalm. 39. **E**xpéctans expéctávi Dóminum, & respéxit me: & exaudívit deprecationem meam: & immisit in os meum cánticum novum, hymnum Deo nostro. **Secreta.**

Hæc hóstia, Dómine, quæsumus, emúndet nostra delícta: & ad sacrificium celebrándum, subditórum tibi córpora mentésque sanctíficet. Per Dóminum nostrum.

Aliæ Secretæ, ut in Dñica præced. fol. 90.

Communio. Psalm. 19. **L**ætábimur in salutári tuo: & in nómine Dómini Dei nostri magnificábimur. **Postcommunio.**

Hujus nos, Dómine, percéptio sacraménti mündet à crimine: & ad cæléstia regna perdúcat. Per Dóminum nostrum.

Aliæ Postcóm. ut in Dñica præced. fol. 91.
Su-

*Super populum. Orémus.*Humiliáte cápita vestra Deo. *Oratio.*

Miserere, Dómine, pópulo tuo: & continuis tribulationibus laborantem, propítius respiráre concéde. Per Dóminum nostrum.

F E R I A Q U A R T A .

*Statio ad sanctum Paulum.**Introitus. Ezech. 36.*

Um sanctificátus fuero in vobis, congregábo vos de univérſis terris: & effúndam super vos aquam mundam, & mundabimini ab ómnibus inquinaméntis vestris: & dabo vobis spíritum novum.

Psalmus 33. Benedicám Dóminum in omni témpore: semper laus ejus in ore meo. *Glória Patri, &c.*

Post Kyrie eléison. dicitur Orémus. Flectámus génua. *Leváte. Oratio.*

Deus, qui & justis præmia meritórum, & peccatóribus per jejúnium véniam præbes: miserere supplicibus tuis, ut reátus nostri confésio indulgéntiam váleat percípere delictórum. Per Dóminum.

Lectio Ezechiélis Prophétæ. Ezech. 36. c.

Hæc dicit Dóminus Deus: Sanctificábo nomen meum magnum, quod pollútum est inter Gentes, quod polluístis in médio earum: ut sciant Gentes quia ego Dóminus, cùm sanctificátus fuero in vobis coram eis. Tollam quippe vos de Géntibus, & congregábo vos de univérſis terris, & addúcam vos in terram vestram. Et effúndam super vos aquam mundam, & mundabimini ab ómnibus inquinaméntis vestris, & ab univérſis idólis vestris mundábo vos. Et dabo vobis cor novum, & spíritum novum ponam in médio vestri: & éiſferam cor lapídeum de carne vestra, & dabo vobis cor cárneum. Et spíritum meum ponam in médio vestri: & fáciám ut in præcéptis meis ambulétis, & iudícia mea custodiátis, & operémini.

Et habitábitis in terra, quam dedi pátribus vestris: & éritis mihi in pópulum, & ego ero vobis in Deus: dicit Dóminus omnipotens.

Graduale. Psalm. 33. Veníte filii, audíte me: timórem Dómini docébo vos. *Accédite ad eum, & illuminámini: & fácies vestræ non confundéntur.*

Hic dicitur Dóminus vobiscum. sine Flectámus génua. Orémus. Oratio.

Præſta quæſumus omnipotens Deus: ut, quos jejúnia votíva caſtigant, ipsa quoque devótio sancta lætíficet: ut, terrénis afféctibus mitigátis, fáci- lius cæléstia capiámus. Per Dóminum.

*Aliæ Orationes, ut in Dñica præc. fol. 89.**Lectio Isaíæ Prophétæ. Isaíæ 1. d.*

Hæc dicit Dóminus Deus: Lavámini, mundi estóte, auférte malum cogitationum vestrarum ab óculis meis: quiescite ágere perversè, discite benefácere: quærite iudícium, subve- nite opprésso, iudicáte pupílló, defén- dite víduam. Et veníte, & argúite me, dicit Dóminus: si fuérint peccáta ve- stra ut cóccinum, quasi nix dealbabún- tur: & si fuérint rubra quasi vermícu- culus, velut lana alba erunt. Si volué- ritis, & audiéritis me, bona terræ co- medétis: dicit Dóminus omnipotens.

Graduale. Psalmus 32. Beáta gens, cujus est Dóminus Deus eórum: pópulus, quem elégit Dóminus in hære- ditátem sibi. *Verbo Dómini cæli firmáti sunt: & spíritu oris ejus omnis virtus eórum.*

Tractus. Psalm. 102. Dómine, non se- cúndum peccáta nostra, quæ fécimus nos: neque secúndum iniquitátes no- stras retribuas nobis. *Psalm. 78.* Dó- mine, ne memíneris iniquitátum no- strarum antiquárum: citò antícipent nos misericórdiæ tuæ, quia páuperes fá- cti sumus nimis. *Hic genuflectitur.*

Adjuva nos Deus salutáris noster: & propter glóriam nóminis tui Dómi- ne libera nos: & propítius esto peccá- tis nostris, propter nomen tuum.

Sequén-



Sequentia sancti Euangelii secundum Joannem. **Joann. 9.**

IN illo tempore: Præteriens Jesus, vidit hominem cæcum à nativitate: & interrogaverunt eum discipuli ejus: Rabbi, quis peccavit, hic, aut parentes ejus, ut cæcus nasceretur? Respondit Jesus: Neque hic peccavit, neque parentes ejus: sed ut manifestentur opera Dei in illo. Me oportet operari opera ejus, qui misit me, donec dies est: venit nox, quando nemo potest operari. Quamdiu sum in mundo, lux sum mundi. Hæc cum dixisset, expuit in terram, & fecit lutum ex sputo, & linxit lutum super oculos ejus, & dixit ei: Vade, lava in natatoria Siloe (quod interpretatur Missus.) Abiit ergo, & lavit, & venit videns. Itaque vicini, & qui viderant eum prius quia mendicus erat, dicebant: Nonne hic est, qui sedebat, & mendicabat? Alii dicebant: Quia hic est. Alii autem: Nequaquam, sed similis est ei. Ille vero dicebat: Quia ego sum. Dicebant ergo ei: Quomodo aperti sunt tibi oculus? Respondit: Ille homo, qui dicitur Jesus, lutum fecit, & unxit oculos meos, & dixit mihi: Vade ad natatoria Siloe, & lava. Et abii, lavi, & video. Et dixerunt ei: Ubi est ille? Ait: Nescio. Adducunt eum ad Phariseos, qui cæcus fuerat. Erat autem sabbatum, quando lutum fecit Jesus, & aperuit oculos ejus. Iterum ergo interrogabant eum Pharisei quomodo vidisset. Ille autem dixit eis: Lutum mihi posuit super oculos, & lavi, & video. Dicebant ergo ex Phariseis quidam: Non est hic homo à Deo, qui sabbatum non custodit. Alii autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco iterum: Tu quid dicis de illo, qui aperuit oculos tuos? Ille autem dixit: Quia Propheta est. Non crediderunt ergo Judæi de illo, quia cæcus fuisset, & vidisset, donec vocaverunt parentes ejus, qui viderat: & interrogave-

runt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? Responderunt eis parentes ejus, & dixerunt: Scimus quia hic est filius noster, & quia cæcus natus est: quomodo autem nunc videat, nescimus: aut quis ejus aperuit oculos, nos nescimus: ipsum interrogate: ætatem habet, ipse de se loquatur. Hæc dixerunt parentes ejus, quoniam timebant Judæos: jam enim conspiraverant Judæi, ut si quis eum confiteretur esse Christum, extra synagogam fieret. Propterea parentes ejus dixerunt: Quia ætatem habet, ipsum interrogate. Vocaverunt ergo rursum hominem, qui fuerat cæcus, & dixerunt ei: Da gloriam Deo. Nos scimus quia hic homo peccator est. Dixit ergo eis ille: Si peccator est, nescio: unum scio, quia cæcus cum essem, modò video. Dixerunt ergo illi: Quid fecit tibi? quomodo aperuit tibi oculos? Respondit eis: Dixi vobis jam, & audistis: quid iterum vultis audire? numquid & vos vultis discipuli ejus fieri? Maledixerunt ergo ei, & dixerunt: Tu discipulus illius sis: nos autem Moysi discipuli sumus. Nos scimus quia Moysi locutus est Deus: hunc autem nescimus unde sit. Respondit ille homo, & dixit eis: In hoc enim mirabile est quia vos nescitis unde sit, & aperuit meos oculos: scimus autem quia peccatores Deus non audit: sed si quis Dei cultor est, & voluntatem ejus facit, hunc exaudit. A sæculo non est auditum quia quis aperuit oculos cæci nati. Nisi esset hic à Deo, non poterat facere quidquam. Responderunt, & dixerunt ei: In peccatis natus es totus, & tu doces nos? Et ejecerunt eum foras. Audivit Jesus quia ejecerunt eum foras: & cum invenisset eum, dixit ei: Tu credis in Filium Dei? Respondit ille, & dixit: Quis est, Domine, ut credam in eum? Et dixit ei Jesus: Et vidisti eum, & qui loquitur tecum, ipse est. At ille ait: Credo, Domine. **Hic genuflectitur.** Et pro-cidens adoravit eum.

Offer-

Offertorium. Psalm. 65. Benedícite Gentes Dóminum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedíctus Dóminus, qui non amóvit deprecatió- nem meam, & misericórdiam suam à me.

Secreta.

Supplices te rogámus, omnipotens Deus, ut his sacrificiis peccáta nostra mundéntur: quia tunc veram nobis tribuis & mentis & corporis sanitátem. Per Dóminum.

Aliæ Secretæ, ut in Dñica præced. fol. 90.

Communio. Joann. 9. Lutum fecit ex sputo Dóminus, & linívit óculos meos: & ábii, & lavi, & vidi, & crédidi Deo.

Postcommunio.

Sacraménta, quæ sumpsimus, Dómine Deus noster: & spirituálibus nos répleant aliméntis, & corporálibus tueántur auxiliis. Per Dóminum.

Aliæ Postcóm. ut in Dñica præced. fol. 91.

Super populum. Oremus.

Humiliáte cápita vestra Deo. **Oratio.**

Pateant aures misericórdiæ tuæ, Dómine, precibus supplicántium: & ut peténtibus desideráta concédas, fac eos quæ tibi sunt plácita postuláre. Per Dóminum.

F E R I A Q U I N T A .

Statio ad SS. Silvestrum & Martinum.



Introitus. Psalm. 104. Etétur cor quærentium Dóminum: quærite Dóminum, & confirmámini: quærite faciém ejus semper. **Psalm. ibid.** Confi-

témini Dómino, & invocáte nomen ejus: annuntiáte inter Gentes ópera ejus. **Glória Patri.**

Oratio.

Præsta quæsumus omnipotens Deus: ut quos jejúnia votíva castígant, ipsa quoque devótio sancta lætíficet; ut terrenis afféctibus mitigátis, facílius cælestia capiámus. Per Dóminum nostrum.

Aliæ Orationes, ut in Dñica præced. fol. 89.

Lectio libri Regum. 4. Reg. 4. d.

IN diébus illis: Venit mulier Sunamitis ad Eliséum in montem Carméli: cumque vidisset eam vir Dei econtra, ait ad Giézi puerum suum: Ecce Sunamitis illa. Vade ergo in occúrsu ejus, & dic ei: Recténe ágitur circa te, & circa virum tuum, & circa filium tuum? Quæ respóndit: Recté. Cumque venisset ad virum Dei in montem, apprehéndit pedes ejus: & accessit Giézi ut amoveret eam. Et ait homo Dei: Dimítte illam: ánima enim ejus in amaritúdine est, & Dóminus celávit à me, & non indicávit mihi. Quæ dixit illi: Numquid petívi filium à Dómino meo? numquid non dixi tibi: Ne illúdas me? Et ille ait ad Giézi: Accínge lumbos tuos, & tolle báculum meum in manu tua, & vade. Si occurrerit tibi homo, non salútes eum: & si salutáverit te quispiam, non respóndear illi: & pones báculum meum super faciém pueri. Porro mater pueri ait: Vivit Dóminus, & vivit ánima tua, non dimíttam te. Surréxit ergo, & secútus est eam. Giézi autem præcésserat ante eos, & posúerat báculum super faciém pueri, & non erat vox, neque sensus: reversúsque est in occúrsu ejus, & nuntiávit ei, dicens: Non surréxit puer. Ingréssus est ergo Eliséus domum, & ecce puer mórtuus jacébat in lectúlo ejus: ingrésúsque clausit óstium super se, & super puerum: & orávit ad Dóminum: Et ascéndit, & incúbuit super puerum: posúitque os suum super os ejus, & óculos suos super óculos ejus, & manus suas super manus ejus, & incurvávit se super eum, & calefacta est caro pueri. At ille revérsus, deambulávit in domo, semel huc atque illuc, & ascéndit, & incúbuit super eum, & oscitávit puer sépties, aperuítque óculos. At ille vocávit Giézi, & dixit ei: Voca Sunamitidem hanc. Quæ vocáta, ingréssa est ad eum. Qui ait: Tolle filium tuum. Venit illa, & corruit ad pedes ejus, & adorávit super terram: tulítque filium suum,

suum, & egressa est, & Elisæus reversus est in Gálgala.

Graduale. Psalm. 73. Respice Domine in testamentum tuum, & ánimas páuperum tuórum ne obliviscáris in finem. **V.** Exúrge Dómine, júdica causam tuam: memor esto oppróbrii fervórum tuórum.

Sequentia sancti Euangélíi secúndum Lucam. Lucæ 7. b

IN illo témpore: Ibat Jesus in civitatē, quæ vocátur Naim: & ibant cum eo discípuli ejus, & turba copiósa. Cúm autem appropinquáret portæ civitátis, ecce defúctus efferebátur filius únicus matris suæ: & hæc vídua erat: & turba civitátis multa cum illa. Quam cùm vidisset Dóminus, misericórdia motus super eam, dixit illi: Noli flere. Et accéssit & tétigit loculum. (Hi autem, qui portábant, steterunt.) Et ait: Adolésceus, tibi dico, surge. Et resédit qui erat mórtuus, & coepit loqui. Et dedit illum matri suæ. Accépit autem omnes timor: & magnificábant Deum, dicentes: Quia prophéta magnus surrexit in nobis: & quia Deus visitávit plebem suam.

Offertorium. Psalmus 69. Dómine, ad adjuvándum me festína: confundántur omnes, qui cógitant servis tuis mala.

Secreta.

Purifica nos miséricors Deus: ut Ecclésiæ tuæ preces, quæ tibi gratæ sunt, pia múnera deferentes, fiant expiátis méntibus gratióres. Per Dñm.

Alia Secreta, ut in Dñica præced. fol. 90.

Communio. Psalm. 70. Dómine memorábor justitiæ tuæ solius: Deus docuisti me à juventúte mea, & usque in senéctam, & sénium, Deus ne derelinquas me.

Postcommunio.

Cæléstia dona capiéntibus, quæsumus Dómine, non ad júdiciū proveníre patiáris, quæ fidélibus tuis ad remédiū providisti. Per Dñm.

Alia Postcóm. ut in Dñica præced. fol. 91.

Miss.

Super populum. Orémus.


Humiliáte cápita vestra Deo. **Oratio.**

Populi tui Deus institútor & rector, peccáta, quibus impugnátur, expélle: ut semper tibi plácitus, & tuo munimine sit secúrus. Per Dóminum.

F E R I A S E X T A.

Statio ad sanctum Eusebium.

Introitus. Psalm. 18.



Editatio cordis mei in conspectu tuo semper: Dómine adjutor meus, & redemptor meus.

Psalm. ibid. Cæli enarrant glóriam Dei: & ópera mánuum ejus annúntiat firmaméntum.

V. Glória Patri, &c. Oratio.

Deus, qui ineffábilibus mundum rénovas sacraméntis: præsta quæsumus; ut Ecclésiá tuá & ætérnis proficiat institútis, & temporálibus non destituátur auxiliis. Per Dóminum.

Alia Orationes, ut in Dominica præcedenti. fol. 89.

Lectio libri Regum. 3. Reg. 17. c

IN diébus illis: Ægrotávit filius mulieris matris famíliæ, & erat languor fortíssimus, ita ut non remaneret in eo hálitus. Dixit ergo ad Eliám: Quid mihi & tibi vir Dei? Ingréssus es ad me, ut rememoraréntur iniquitátes meæ, & interficeres filium meum? Et ait ad eam Eliás: Da mihi filium tuum. Tulítque eum de sinu ejus, & portávit in cœnáculum, ubi ipse manébat, & pósuit super lectulum suum, & clamávit ad Dóminum, & dixit: Dómine Deus meus, étiam ne víduam, apud quam ego utcúmque susténtor, afflixisti, ut interficeres filium ejus? Et expándit se, atque mensus est super púerum tribus viciis, & clamávit ad Dóminum, & ait: Dómine Deus meus, revertátur óbsecro ánima púeri hujus in víscera ejus. Et exaudivit Dóminus vocem Eliæ: & revérta est ánima púeri intra eum, & revíxit. Tulítque Eliás púerū, &

G

depó-

depósuit eum de coenáculo in inferiori domum, & tradidit matri suæ, & ait illi: En vivit filius tuus. Dixitque mulier ad Eliam: Nunc in isto cognovi quoniam vir Dei es tu, & verbum Domini in ore tuo verum est.

Graduale. Psalm. 117. Bonum est confidere in Domino, quam confidere in homine. **V.** Bonum est sperare in Domino, quam sperare in principibus.

Tractus. Psalm. 102. Domine, non secundum peccata nostra, quæ fecimus nos: neque secundum iniquitates nostras retribuas nobis. **V. Psalm. 78.** Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis. **Hic genuflectitur.**

V. Adjuva nos Deus salutaris noster: & propter gloriam nominis tui Domine libera nos: & propitius esto peccatis nostris, propter nomen tuum.



Sequentia sancti Evangelii secundum Joannem. Joann. 11.

IN illo tempore: Erat quidam languens Lázarus à Bethánia, de castello Mariæ, & Marthæ sororis ejus. (María autem erat, quæ unxit Dominum unguento, & extérlit pedes ejus capillis suis: cujus frater Lázarus infirmabatur.) Misérunt ergo soróres ejus ad eum, dicentes: Domine, ecce quem amas, infirmatur. Audiens autem Jesus, dixit eis: Infirmitas hæc non est ad mortem, sed pro gloria Dei, ut glorificetur Filius Dei per eam. Diligebat autem Jesus Martham, & sorórem ejus Mariam, & Lázarum. Ut ergo audívit quia infirmabatur, tunc quidem mansit in eodem loco duobus diebus. Deinde post hæc dixit discipulis suis: Eamus in Judæam iterum. Dicunt ei discipuli: Rabbi, nunc quærebant te Judæi lapidare, & iterum vadis illuc? Respondit Jesus: Nonne duodecim sunt horæ diei? Si quis ambuláverit in die, non offéndit, quia lucem hujus mundi videt: si autemambu-

láverit in nocte, offéndit, quia lux non est in eo. Hæc ait, & post hæc dixit eis: Lázarus amicus noster dormit: sed vado ut à somno excitem eum. Dixérunt ergo discipuli ejus: Domine, si dormit, salvus erit. Díxerat autem Jesus de morte ejus: illi autem putavérunt quia de dormitióne somni diceret. Tunc ergo Jesus dixit eis manifestè: Lázarus mortuus est, & gaudeo propter vos, ut credátis, quoniam non eram ibi. Sed eamus ad eum. Dixit ergo Thomas, qui dicitur Dídymus, ad condiscipulos: Eamus & nos, ut moriamur cum eo. Venit itaque Jesus: & invénit eum quatuor dies jam in monumento habentem. (Erat autem Bethánia juxta Jerosólymam quasi stadiis quíndecim.) Multi autem ex Judæis vénerant ad Martham, & Mariam, ut consolarentur eas de fratre suo. Martha ergo ut audívit quia Jesus venit, occurrít illi: María autem domi sedébat. Dixit ergo Martha ad Jesum: Domine, si fuísses híc, frater meus non fuíffet mortuus. Sed & nunc scio, quia quæcúmque popósce- ris à Deo, dabit tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Jesus: Ego sum resurrectio & vita: qui credit in me, etiámsi mortuus fuérit, vivet: & omnis, qui vivit, & credit in me, non moriétur in ætérnum. Credis hoc? Ait illi: Utique Domine, ego credidi, quia tu es Christus Filius Dei vivi, qui in hunc mundum venísti. Et cum hæc dixíffet, abiit, & vocávit Mariam sorórem suam siléntio, dicens: Magíster adest, & vocat te. Illa ut audívit, surgit citò, & venit ad eum: nondum enim vénerat Jesus in castellum: sed erat adhuc in illo loco, ubi occurrerat ei Martha. Judæi ergo, qui erant cum ea in domo, & consolabantur eam, cum vidíssent Mariam quia citò surrexit, & exiit, secúti sunt eam, dicentes: Quia vadit ad monumentum, ut ploret ibi. María ergo, cum veníffet ubi erat Jesus, videns

videns eum, cecidit ad pedes ejus, & dicit ei: Domine, si fuisses hic, non esset mortuus frater meus. Jesus ergo, ut vidit eam plorantem, & Judæos, qui venerant cum ea, plorantes, in fremuit spiritu, & turbavit seipsum, & dixit: Ubi posuistis eum? Dicunt ei: Domine, veni, & vide. Et lacrymatus est Jesus. Dixérunt ergo Judæi: Ecce quomodo amabat eum. Quidam autem ex ipsis dixérunt: Non poterat hic, qui aperuit oculos cæci nati, facere ut hic non moreretur? Jesus ergo rursum fremens in semetipso, venit ad monumentum. Erat autem spelunca: & lapis superpositus erat ei. Ait Jesus: Tollite lapidem. Dicit ei Martha soror ejus, qui mortuus fuerat: Domine, jam foetet, quatríduanus est enim. Dicit ei Jesus: Nonne dixi tibi quoniam si crederis, videbis gloriam Dei? Tulérunt ergo lapidem: Jesus autem elevatis sursum oculis, dixit: Pater grátias ago tibi quoniam audisti me. Ego autem sciebam quia semper me audis, sed propter populum, qui circumstat, dixi: ut credant quia tu me misisti. Hæc cum dixisset, voce magna clamavit: Lázare, veni foras. Et statim prodiit qui fuerat mortuus, ligatus pedes, & manus infistis, & facies illius sudario erat ligata. Dixit eis Jesus: Solvite eum, & sinite abire. Multi ergo ex Judæis, qui venerant ad Mariam, & Martham, & viderant quæ fecit Jesus, crediderunt in eum.

Offertorium. Psalm. 17. Pópulum humilem saluum facies Domine, & oculos superbórum humiliabis: quoniam quis Deus præter te, Domine?

Secreta.

Munera nos, Domine quæsumus, oblata purificent: & te nobis jügi-ter faciant esse placatum. Per Dñm.

Aliæ Secretæ, ut in Dñica præced. fol. 90.
Communio. Joann. 11. Videns Dominus flentes sorores Lázari ad monumentum, lacrymatus est coram Judæis, & exclamavit: Lázare, veni foras: & prodiit, ligatis manibus & pedibus, qui fuerat quatríduanus mortuus.

Postcommunio.

Hæc nos, quæsumus Domine, participatio sacramenti, & à propriis reatibus indefinenter expediat, & ab omnibus tueatur adversis. Per Dominum nostrum.

Aliæ Postcōm. ut in Dñica præced. fol. 91.

Super populum. O remus.

Humiliate capita vestra Deo. Oratio.


DA nobis, quæsumus omnipotens Deus: ut qui infirmitatis nostræ conscii, de tua virtute confidimus, sub tua semper pietate gaudeamus. Per Dñm.

S A B B A T O.

Statio ad S. Nicolaum in Carcere.

Introitus.

Isaia 55.



Itientes venite ad aquas, dicit Dominus: & qui non habetis pretium, venite, & bibite cum lætitia.

Psalm. 77. Attendite popule meus legem meam: inclinate aurem vestram in verba oris mei.

Glória Patri, &c. Oratio.

Fiat, Domine quæsumus, per grátiam tuam fructuosus nostræ devotionis affectus: quia tunc nobis proderunt suscepta jejunia, si tuæ sint placita pietati. Per Dominum.

Aliæ Orationes, ut in Dñica præced. fol. 89.

Lectio Isaia Prophætæ. Isaia 49. c.

Hæc dicit Dominus: In tempore placito exaudivi te, & in die salutis auxiliatus sum tui: & servavi te, & dedi te in fœdus populi, ut suscitares terram, & possideres hæreditates dissipatas: ut diceres his, qui vincti sunt: Exite: & his, qui in tenebris: Revelamini. Super vias pascuntur, & in omnibus planis pascua eorum. Non esurient, neque sitient, & non percutiet eos æstus & sol: quia miserator eorum reget eos, & ad fontes aquarum potabit eos. Et ponam omnes montes meos in viam, & semitæ meæ exaltabuntur. Ecce isti de longè venient, & ecce illi ab Aquilone & mari, & isti de

G 2

terra

terra Austráli. Laudáte cæli, & exulta terra, jubiláte montes laudem: quia consolátus est Dóminus pópulum suum, & páuperum suórum miserébitur. Et dixit Sion: Derelíquit me Dóminus, & Dóminus oblítus est mei. Numquid oblívísci potest múlíer infántem suum, ut non misereátur filio úteri sui? & si illa oblíta fúerit, ego tamen non oblívíscar tui, dicit Dóminus omnípotens.

Graduale. Psalm. 9. T ibi Dómine derelíctus est pauper, pupíllo tu eris adjútor. **Ps.** Ut quid Dómine recessísti longè, despicis in opportunitátibus, in tribulatióne? dum supérbit impius, incénditur pauper.



Sequentia sancti Euangelii secundum Joannem. Joann. 8. b

IN illo témpore: Locútus est Jesus turbis Judæórum, dicens: Ego sum lux mundi: qui séquitur me, non ámbulat in ténebris, sed habébit lumen vitæ. Dixérunt ergo ei Pharisei: Tu de tépso testimónium pérhibes: testimónium tuum non est verum. Respóndit Jesus, & dixit eis: Et si ego testimónium pérhibeo de meípso, verum est testimónium meum: quia scio unde veni, & quò vado: vos autem nescitis unde vénio, aut quò vado. Vos secundum carnem judicátis: ego non júdico quemquam: & si júdico ego, júdicium meum verum est, quia solus non sum: sed ego, & qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium pérhibeo de meípso: & testimónium pérhibet de me, qui misit me, Pater. Dicébant ergo ei: Ubi est Pater tuus? Respóndit Jesus: Neque me scitis, neque Patrem meum: si me scirétis, fórfitan & Patrem meum scirétis. Hæc verba locútus est Jesus in gazophylácio, docens in templo: & nemo apprehéndit eum, quia necdum vénerat hora ejus.

Offertorium. Psalmus 17. Factus est Dóminus firmaméntum meum, & re-

fúgium meum, & liberátor meus: & sperábo in eum.

Secreta.

O Blatióibus nostris, quæsumus Dómine, placáre suscéptis: & ad te nostras étiam rebélles compélle propítius voluntátes. Per Dóminum.

Alia Secreta, ut in Dñica præced. fol. 90. **Communio. Psalm. 22.** Dóminus regit me, & nihil mihi déerit: in loco páscuæ ibi me collocávit: super aquam refectiúnis educávit me. **Postcommunio.**

Tua nos, quæsumus Dómine, sancta puríficent: & operatióne sua tibi plácitos esse perficiant. Per Dñm.

Alia Postcóm. ut in Dñica præced. fol. 91. **Super populum.** **O** remus.

Humiliáte cápita vestra Deo. **Oratio.**

Deus, qui sperántibus in te miseréri pótius eligis, quàm irásci: da nobis dignè flere mala quæ fécimus; ut tuæ consolatiónis grátiam inveníre mereámur. Per Dóminum.

Ante Vesperas cooperiuntur Cruces, & Imagines.

Ab hac die usque ad Sabbatum sanctum: exclusivè non dicitur Psalmus. Jibera me. ante Confessionem: neque **G**loria Patri. ad Lavábo.

D O M I N I C A
de Passione.

Statio ad sanctum Petrum.

Introitus.

Psalm. 42.



Iudica me Deus, & discérne causam meam de gente non sancta: ab hómine iníquo, & dolóso éripe me: quia tu es Deus meus, & fortitúdo mea.

Psalm. ibid. E mitte lucem tuam, & veritátem tuam: ipsa me deduxérunt, & adduxérunt in montem sanctum tuum, & in tabernácula tua. **J**udica me.

Non dicitur, Gloria Patri. ad Introitum usque ad Pascha, nisi in Missa de Festo, si occurrerit: sed finito Psalmo, absolute repetitur Introitus usque ad Psalmum. Oratio.

Quæsumus omnípotens Deus, famíliam tuam propítius réspice: ut, te lar-

largiente, regatur in corpore, & te fervante, custodiatur in mente. Per Dñm.

Ab hac die usque ad Fer. v. in Coena Dñi, in Missis ferialibus post Orationem diei dicitur, (nisi occurrat festum Simplex) vel contra persecutores Ecclesiae. Oratio.

Ecclésiæ tuæ, quæsumus Dómine, preces placatus admítte: ut destrúctis aduersitatibus & erroribus univérſis, secúra tibi sérviat libertáte. Per Dóminum nostrum.

Vel pro Papa.

Oratio.

Deus, ómnium fidélium Pastor & Rector, fámulum tuum **N.** quem Pastórem Ecclesiæ tuæ præesse volúisti, propítius réſpice: da ei, quæsumus, verbo & exémplo, quibus præest, proficere; ut ad vitam, uná cum grege sibi crédito, pervéniat sempitérnam. Per Dóminum nostrum.

Non dicitur tertia Oratio.

Lectio Epístolæ beáti Pauli Apóstoli ad Hebræos.

Hebr. 9. c

Fratres, Christus assíſtens Póntifex futurórum bonórum, per ámplius & perféctius tabernáculum non manu fáctum, idest, non hujus creatiónis: neque per sánguinem hircórum, aut vitulórum, sed per próprium sánguinem introívit semel in sancta, æténa redemptione invénta. Si enim sanguis hircórum, & taurórum, & cinis vitulæ aspérſus inquinátos sanctíficat ad emundationem carnis, quantò magis sanguis Christi, qui per Spíritum sanctum semetípsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et idéò novi testaménti mediátor est: ut morte intercedénte, in redemptionem eárum prævaricationum, quæ erant sub prióri testaménto, re-promissionem accípiant, qui vocáti sunt æternæ hæreditátis, in Christo Jesu Dómino nostro.

Graduale. Psalm. 142. Eripe me Dómine de inimícis meis: doce me fácere voluntátem tuam. *Psalm. 17.* Libe-

Miss.

rátor meus Dómine de géntibus iracúndis: ab insurgéntibus in me exaltábis me: à viro iníquo erípies me.

Tractus. Psalm. 128. Sæpè expugnáverunt me à juventúte mea. *Ps.* Dicat nunc Israel: Sæpè expugnáverunt me à juventúte mea. *Ps.* Etenim non potuérunt mihi: supra dorsum meum fabricáverunt peccátóres. *Ps.* Prolongáverunt iniquitátes suas: Dóminus justus concídet cervíces peccátórum.



Sequéntia sancti Euangélíi secúndum Joánnem. *Joann. 8. f*

In illo témpore: Dicébat Jesus turbis Judæórum: Quis ex vobis árguet me de peccáto? Si veritátem dico vobis, quare non créditois mihi? Qui ex Deo est, verba Dei audit. Proptérea vos non audítis, quia ex Deo non estis. Respondérunt ergo Judæi, & dixerunt ei: Nónne benè dícimus nos quia Samaritánus es tu, & dæmónium habes? Respóndit Jesus: Ego dæmónium non hábeo: sed honorífico Patrem meum, & vos inhonorástis me. Ego autem non quæro glóriam meam: est qui quærat, & júdicet. Amen, amen dico vobis: si quis sermónem meum serváverit, mortem non vidébit in ætérnum. Dixerunt ergo Judæi: Nunc cognóvimus quia dæmónium habes. Abraham mórtuus est, & Prophétæ: & tu dicis: Si quis sermónem meum serváverit, non gustábit mortem in ætérnum. Numquid tu major es patre nostro Abraham, qui mórtuus est? & Prophétæ mórtui sunt. Quem teípsum facis? Respóndit Jesus: Si ego glorífico meípsum, glória mea nihil est: est Pater meus, qui gloríficat me, quem vos dícitis quia Deus vester est, & non cognovístis eum: ego autem novi eum: & si díxero quia non scio eum, ero símilis vobis mendax. Sed scio eum, & sermónem ejus servo. Abraham pater vester exultávit ut vidéret diem meum: vidit, & gavísus est. Dixerút ergo Judæi ad eum: Quinquaginta

G 3

annos

annos nondum habes, & Abraham vidisti? Dixit eis Jesus: Amen, amen dico vobis, antequam Abraham fieret, ego sum. Tulerunt ergo lapides, ut jacerent in eum: Jesus autem abscondit se, & exivit de templo. **C**redo.

Offertorium. Psalm. 118. Confitebor tibi Domine in toto corde meo: retribue servo tuo, vivam, & custodiam sermones tuos: vivifica me secundum verbum tuum Domine. **Secreta.**

Hæc mûnera, quæsumus Domine, & vincula nostræ pravitatis absolvant, & tuæ nobis misericordiæ dona concilient. Per Dominum.

Altera Secreta, vel contra persecutores Ecclesiæ.

Protege nos, Domine, tuis mysteriis serviētes: ut divinis rebus inhærentes, & corpore tibi famulēmur, & mente. Per Dominum.

Vel pro Papa.

Oblatis, quæsumus Domine, placare munēribus: & famulum tuum **N.** quem Pastorem Ecclesiæ tuæ præesse voluisti, assidua protectione guberna. Per Dominum.

Præfatio de Cruce, quæ dicitur quotidie usque ad Fer. v. in Coena Domini, etiam in Missa de Festo, nisi propriam habuerit.

Communio. 1. Cor. 11. Hoc corpus, quod pro vobis tradetur: hic calix novi Testamenti est in meo sanguine, dicit Dominus: hoc facite, quotiescūque sūmitis, in meam commemorationem. **Postcommunio.**

Adesto nobis Domine Deus noster: & quos tuis mysteriis recreasti, perpētuis defēde subsidiis. Per Dominum nostrum.

Altera Postcommunio, vel contra persecutores Ecclesiæ.

Quæsumus Domine Deus noster: ut quos divina tribuis participatione gaudere, humanis non finas subiacere periculis. Per Dominum.

Vel pro Papa.


Hæc nos, quæsumus Domine, divini sacramenti percēptio protegat:

& famulum tuum **N.** quem Pastorem Ecclesiæ tuæ præesse voluisti, unā cum commissio sibi grege salvet semper, & mūniat. Per Dominum.

FERIA SECUNDA.

Statio ad sanctum Chrysogonum.

Introitus. Psalm. 55.



Miserere mei, Domine, quoniam concitavit me homo: tota die bellans tribulavit me.

Psalm. ibid. Conculcaverunt me inimici mei tota die: quoniam multi bellantes adversum me. Miserere mei. **Oratio.**

Sanctifica, quæsumus Domine, nostra jejūnia: & cunctarum nobis indulgentiam propitius largire culparum. Per Dominum nostrum.

Altera Oratio. Ecclesiæ tuæ. vel Deus omnium. ut supra in Dñica Passionis. fol. 101.


Lectio Jonæ Prophætæ. Jonæ 3.

In diebus illis: Factum est verbum Domini ad Jonam Prophētam secundū, dicens: Surge, & vade in Nīniven civitatem magnam: & prædica in ea prædicationem, quam ego loquor ad te. Et surrexit Jonas, & abiit in Nīniven juxta verbum Domini. Et Nīnive erat civitas magna itinere trium dierum. Et coepit Jonas introire in civitatem itinere diei unius: & clamavit, & dixit: Adhuc quadraginta dies, & Nīnive subvertetur. Et crediderunt viri Nīnivitæ in Deum: & prædicaverunt jejūnium, & vestiti sunt saccis à majore usque ad minorem. Et pervenit verbum ad regem Nīnive: & surrexit de solio suo, & abjecit vestimentum suum à se, & indutus est sacco, & sedit in cinere. Et clamavit, & dixit in Nīnive ex ore regis, & principum ejus, dicens: Homines, & jumenta, & boves, & pecora non gustent quidquam: nec pascantur, & aquam non bibant. Et operiantur saccis homines, & jumenta, & clament ad Dominum in fortitudine, & convertatur

tur vir à via sua mala, & ab iniquitate, quæ est in manibus eorum. Quis scit si convertatur, & ignoscat Deus: & revertatur à furóre iræ suæ, & non peribimus? Et vidit Deus ópera eorum, quia conversi sunt de via sua mala: & misertus est populo suo Dóminus Deus noster.

Graduale. Psalm. 53. Deus, exaudi orationem meam: auribus percipe verba oris mei. *ψ.* Deus in nómine tuo salvum me fac, & in virtute tua libera me.

Tractus. Psalm. 102. Dómine, non secundum peccata nostra, quæ fecimus nos: neque secundum iniquitates nostras retribuas nobis. *ψ.* **Psalm. 78.** Dómine, ne memineris iniquitatum nostrarum antiquarum: citò anticipent nos misericordiæ tuæ, quia pauperes facti sumus nimis. **Hic genuflectitur.** *ψ.* Adjuva nos Deus salutáris noster: & propter glóriam nóminis tui Dómine libera nos, & propitius esto peccatis nostris, propter nomen tuum.

 Sequéntia sancti Euangélíi secundum Joánnem. **Joann. 7. c**

In illo témpore: Misérunt Príncipes, & Pharisei ministros ut apprehenderent Jesum. Dixit ergo eis Jesus: Adhuc módicum tempus vobiscum sum: & vado ad eum, qui me misit. Quæréis me, & non inveniétis: & ubi ego sum, vos non potéstis venire. Dixerunt ergo Judæi ad semetipsos: Quò hic iturus est quia non inveniémus eum? Numquid in dispersionem Géntium iturus est, & docturus Gentes? Quis est hic sermo, quem dixit: Quæréis me, & non inveniétis: & ubi sum ego, vos non potéstis venire? In novíssimo autem die magno festivitátis stabat Jesus, & clamábat, dicens: Si quis sitit, veniat ad me, & bibat. Qui credit in me, sicut dicit Scriptúra, flúmina de ventre ejus fluent aquæ vivæ. Hoc autem dixit de Spíritu, quem accepturi erant credentes in eum.

Offertorium. Psalm. 6. Dómine convertere, & éripe ánimam meam: salvum me fac propter misericórdiam tuam.

Secreta.

Concède nobis, Dómine Deus noster: ut hæc hóstia salutáris, & nostrorum fiat purgatio delictorum, & tuæ propitiatio majestátis. Per Dóminum.

Altera Secreta, vel Prótege nos. **vel** Oblátis, quæsumus. fol. 102.

Cómunio. Psal. 23. Dóminus virtutum, ipse est Rex glóriæ. **Postcommunio.**

Sacraménti tui, quæsumus Dómine, participatio salutáris & purificatióem nobis tríbuat, & medélam. Per Dóminum nostrum.

Altera Postcommunio, vel Quæsumus, Dómine. **vel** Hæc nos, quæsumus. fol. 102.

Super populum. **Orémus.**

Humiliáte cápita vestra Deo. **Oratio.**

DA, quæsumus Dómine, populo tuo salutem mentis & corporis: ut bonis opéribus inhæréndo, tua semper mereatur protectiône defendi. Per Dóminum nostrum.

F E R I A T E R T I A .

Statio ad sanctum Cyriacum.

Introitus. Psalm. 26.



Xpécta Dóminum, viriliter age: & confortetur cor tuum, & sústine Dóminum. **Psalm. ibid.** Dóminus illuminatio mea, & salus mea: quem timébo?

Expécta Dóminum. **Oratio.**

Nostra tibi, Dómine quæsumus, sint accépta jejúnia: quæ nos & expiádo grátia tua dignos efficiant, & ad remédia perducant æterna. Per Dóminum nostrum.

Deinde vel Ecclesiæ tuæ. **vel** Deus ómnium fidélium. fol. 101.

Léctio Daniélis Prophétæ. Dan. 14. c

In diébus illis: Congregáti sunt Babyloñii ad regem, & dixerunt ei: Trade nobis Daniélem, qui Bel destrúxit, & draconem interfécit, alióquin interfici-

ficiemus te, & domum tuam. Vidit ergo rex quod irruerent in eum vehementer: & necessitate compulsus tradidit eis Daniélem. Qui miserunt eum in lacum leónum, & erat ibi diébus sex. Porro in lacu erant leones septem, & dabántur eis duo corpóra quotidie, & duæ oves: & tunc non data sunt eis, ut devorarent Daniélem. Erat autem Hábacuc Prophéta in Judæa, & ipse cóxerat pulméntum, & intríverat panes in alvéolo: & ibat in campum ut ferret messóribus. Dixítque Angelus Dómini ad Hábacuc: Fer prándium, quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, & lacum nescio. Et apprehéndit eum Angelus Dómini in vértice ejus, & portávit eum capíllo cápitis sui, posuítque eum in Babylóne supra lacum in ímpetu spíritus sui. Et clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei Deus, & non dereliquísti diligéntes te. Surgénque Dániel comédit. Porro Angelus Dómini restituit Hábacuc conféstim in loco suo. Venit ergo rex die séptimo ut lugeret Daniélem: & venit ad lacum, & introspéxit, & ecce Dániel sedens in médio leónum. Et exclamávit voce magna rex, dicens: Magnus es Dómine Deus Daniélis. Et extráxit eum de lacu leónum. Porro illos, qui perditionis ejus causa fúerant, intromísit in lacum, & devoráti sunt in moménto coram eo. Tunc rex ait: Páveant omnes habitántes in univérſa terra Deum Daniélis: quia ipse est Salvátor, fáciens signa, & mirabília in terra: qui liberávit Daniélem de lacu leónum.

Graduale. Psalm. 42. Discérne causam meam, Dómine: ab hómine iníquo & dolóso éripe me. *ps.* Emítte lucem tuam, & veritátem tuam: ipsa me deduxérunt, & adduxérunt in montem sanctum tuum.



Sequéntia sancti Euangélíi secúndum Joánnem. *Joann. 7.*

In illo témpore: Ambulábat Jesus in Galilæam, non enim volébat in Judæam ambuláre: quia quærébant eum Judæi interficere. Erat autem in próximo dies festus Judæórum, Scenopégia. Dixérunt autem ad eum fratres ejus: Transi hinc, & vade in Judæam, & discípuli tui vídeant ópera tua, quæ facis. Nemo quippe in occúlto quid facit, & quærít ipse in palám esse: si hæc facis, manifestá teípsum mundo. Neque enim fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit: quia ego testimónium perhíbeo de illo quod ópera ejus mala sunt. Vos ascéndite ad diem festum hunc, ego autem non ascéndo ad diem festum istum: quia meum tempus nondum implétum est. Hæc cùm dixísset, ipse mansit in Galilæa. Ut autem ascendérunt fratres ejus, tunc & ipse ascéndit ad diem festum, non manifestè, sed quasi in occúlto. Judæi ergo quærébant eum in die festo, & dicébant: Ubi est ille? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo tamen palám loquebátur de illo, propter metum Judæórum.

Offertorium. Psalmus 9. Sperent in te omnes qui novérunt nomen tuum Dómine: quóniam non derelínquis quæréntes te: psállite Dómino, qui hábitat in Sion, quóniam non est oblítus oratiónes páuperum. *Secreta.*

Hostias tibi, Dómine, deferimus immolándas, quæ temporálem consolatiónem significent, ut promísſa non desperémus æténa. Per Dóminum nostrum.

Deinde vel Prótege nos Dómine. **vel** Oblátis quæsumus. fol. 102.

Com-

Communio. **Psalmus 24.** **R**édime me, Deus Israel, ex ómnibus angústis meis.

Postcommunio.

DA quæsumus omnipotens Deus: ut, quæ divína sunt, júgiter exequentes, donis mereámur cælestibus propinquare. Per Dóminum.

Deinde vel Quæsumus Dómine. **vel H**æc nos quæsumus. fol. 102.

Super populum. **O**remus.

Humiliáte cápita vestra Deo. **Oratio.**

DA nobis, quæsumus Dómine, perseverántem in tua voluntáte famulátum: ut in diébus nostris, & mérito, & número pópulus tibi sérvians augeátur. Per Dóminum.

F E R I A Q U A R T A .

Statio ad sanctum Marcellum.

Intróitus. **Psalm. 17.**



Liberátor meus de géntibus iracúndis: ab insurgéntibus in me exaltábis me: à viro iníquo erípies me Dómine.

Psalm. ibid. **D**iligam te Dómine virtus mea: Dóminus firmaméntum meum, & refúgium meum, & liberátor meus.

Liberátor meus. **Oratio.**

Sanctificáto hoc jejúnio, Deus, tuórum corda fidélium miserátor illústra: & quibus devotiónis præstas afféctum, præbe supplicántibus pium benignus audítum. Per Dóminum.

Postea vel Ecclesiæ tuæ. **vel D**eus ómnium fidélium. fol. 101.

Léctio libri Levítici. **Levit. 19.**

IN diébus illis: Locútus est Dóminus ad Móysen, dicens: Lóquere ad omnem cœtum filiórum Israel, & dices ad eos: Ego Dóminus Deus vester. Non faciétis furtum. Non mentiémini, nec decípiet unusquisque próximum suum. Non perjurábis in nómine meo, nec póllues nomen Dei tui. Ego Dóminus. Non fácies calúmniam próximo tuo, nec vi ópprimes eum. Non morábitur opus mercenárii tui apud te

usque manè. Non maledíces furdo, nec coram cæco pones offendículum: sed timébis Dóminum Deum tuum, quia ego sum Dóminus. Non fácies quod iníquum est, nec injústè judicábis. Non consíderes persónam páuperis, nec honóres vultum poténtis. Justè júdica próximo tuo. Non eris criminátor, nec susúrro in pópulo. Non stabis contra ságuinem próximi tui. Ego Dóminus. Non óderis fratrem tuum in corde tuo, sed públicè árgue eum, ne hábeas super illo peccátum. Non quæras ultiónem, nec memor eris injúriæ cívium tuórum. Dlíiges amícum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale. **Psalm. 29.** **E**xaltábo te Dómine, quóniam suscepísti me: nec delectásti inimícos meos super me.

Y. Dómine Deus meus clamávi ad te, & sanásti me: Dómine, abstraxísti ab inferis ánimam meam, salvásti me à descendéntibus in lacum.

Tractus. **Psalm. 102.** **D**ómine, non secúndum peccáta nostra, quæ fecimus nos: neque secúndum iniquitátes nostras retríbuas nobis. **Y.** **Psalm. 78.** Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. **Hic genuflectitur.**

Y. Adjuva nos Deus salutáris noster: & propter glóriam nóminis tui Dómine libera nos: & propítius esto peccátis nostris, propter nomen tuum.



Sequéntia sancti Euangélíi secúndum Joánnem. **Joann. 10. d**

IN illo témpore: Facta sunt Encænia in Jerosólymis: & hiems erat. Et ambulábat Jesus in templo, in pórticu Salomónis. Circumdederunt ergo eum Judæi, & dicébant ei: Quóusque ánimam nostram tollis? si tu es Christus, dic nobis palàm. Respondit eis Jesus: Loquor vobis, & non créditis. Opera, quæ

ego

ego facio in nomine Patris mei, hæc testimonium perhibent de me: sed vos non creditis, quia non estis ex omnibus meis. Oves meæ vocem meam audiunt: & ego cognosco eas, & sequuntur me: & ego vitam æternam do eis: & non peribunt in æternum, & non rapiet eas quisquam de manu mea. Pater meus quod dedit mihi, majus omnibus est: & nemo potest rapere de manu Patris mei. Ego, & Pater unum sumus. Sustulerunt ergo lapides Judæi, ut lapidarent eum. Respondit eis Jesus: Multa bona opera ostendi vobis ex Patre meo, propter quod eorum opus me lapidatis? Respondérunt ei Judæi: De bono opere non lapidamus te, sed de blasphemia: & quia tu homo cum sis, facis te ipsum Deum. Respondit eis Jesus: Nónne scriptum est in lege vestra: quia Ego dixi, dii estis? Si illos dixit deos, ad quos sermo Dei factus est, & non potest solvi Scriptura: quem Pater sanctificavit, & misit in mundum, vos dicitis: Quia blasphemias: quia dixi, Filius Dei sum? Si non facio opera Patris mei, nolite credere mihi. Si autem facio: & si mihi non vultis credere, operibus credite, ut cognoscatis, & credatis quia Pater in me est, & ego in Patre.

Offertorium. Psalmus 58. Eripe me de inimicis meis Deus meus: & ab insurgentibus in me libera me Domine.

Secreta.

Annue misericors Deus: ut hostias placationis & laudis sincero tibi deferamus obsequio. Per Dominum nostrum Jesum Christum Filium tuum.

Deinde vel Protege nos. vel Oblatis quæsumus. fol. 102.

Communio. Psalm. 25. Lavabo inter innocentes manus meas, & circumibo altare tuum, Domine: ut audiam vocem laudis tuæ, & enarrem universa mirabilia tua.

Postcommunio.

Cælestis doni benedictione percepta, supplices te Deus omnipotens

tens deprecamur: ut hoc idem nobis & sacramenti causa sit, & salutis. Per Dominum nostrum.

Postea vel Quæsumus Domine. vel Hæc nos quæsumus. fol. 102.

Super populum. Orémus. Humiliate capita vestra Deo.


Oratio.

Adesto supplicationibus nostris omnipotens Deus: & quibus fiduciam sperandæ pietatis indulges, consuetæ misericordiæ tribue benignus effectum. Per Dominum.

F E R I A Q U I N T A.
Statio ad sanctum Apollinarem.

Introitus.

Dan. 3.



Mnia, quæ fecisti nobis Domine, in vero iudicio fecisti: quia peccavimus tibi, & mandatis tuis non obedivimus: sed da gloriam nomini tuo, & fac nobiscum secundum multitudinem misericordiæ tuæ. **Psalm. 118.** Beati immaculati in via: qui ambulant in lege Domini.

Omnia, quæ fecisti. **Oratio.** **P**ræsta quæsumus omnipotens Deus: ut dignitas conditionis humanæ per immoderantiam sauciata, medicinalis parsimoniæ studio reformetur. Per Dominum nostrum.

Postea vel Ecclesiæ tuæ. vel Deus omnium fidelium. fol. 101.

Lectio Daniélis Prophætæ.

Dan. 3. c

In diebus illis: Oravit Azariás Dominum dicens: Domine Deus noster: ne, quæsumus, tradas nos in perpetuum propter nomen tuum, & ne dissipes testamentum tuum: neque auferas misericordiã tuam à nobis propter Abraham dilectum tuum, & Isaac servum tuum, & Israel sanctum tuum: quibus locutus es pollicens quod multiplicares semen eorum sicut stellas cæli, & sicut arenam, quæ est in littore maris: quia Domine imminuti sumus plus quam omnes

omnes Gentes, sumusque humiles in universa terra hodie propter peccata nostra. Et non est in tempore hoc princeps, & dux, & propheta, neque holocaustum, neque sacrificium, neque oblatio, neque incensum, neque locus primitiarum coram te, ut possimus invenire misericordiam tuam: sed in animo contrito, & spiritu humilitatis suscipiamur. Sicut in holocausto arietum, & taurorum, & sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quoniam non est confusio confidentibus in te. Et nunc sequimur te in toto corde, & timemus te, & quærimus faciem tuam. Ne confundas nos: sed fac nobiscum juxta mansuetudinem tuam, & secundum multitudinem misericordiae tuae. Et erue nos in mirabilibus tuis, & da gloriam nomini tuo Domine: & confundantur omnes, qui ostendunt servis tuis mala, confundantur in omnipotentia tua, & robur eorum conteratur: & sciant quia tu es Dominus Deus solus, & gloriosus super orbem terrarum, Domine Deus noster.

Graduale. Psalm. 95. Tollite hostias, & introite in atria ejus: adoráte Dominum in aula sancta ejus. **Psalm. 28.** Revelabit Dominus condensa, & in templo ejus omnes dicent gloriam.



Sequentia sancti Evangelii secundum Lucam. **Lucæ 7. f**

In illo tempore: Rogabat Jesum quidam de Phariseis ut maderet cum illo. Et ingressus domum Pharisei discubuit. Et ecce mulier, quæ erat in civitate peccatrix, ut cognovit quod accubisset in domo Pharisei, attulit alabastrum unguenti: & stans retrò secus pedes ejus, lacrymis cepit rigare pedes ejus, & capillis capitis sui tergebat, & osculabatur pedes ejus, & unguento ungebat. Videns autem Phariseus, qui vocaverat eum, ait intra se, dicens: Hic si esset Propheta, sciret utique, quæ, &

qualis est mulier, quæ tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic. Duo debitores erant cuidam foeneratori: unus debebat denarios quingentos, & alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon dixit: Aestimo quia is, cui plus donavit. At ille dixit ei: Rectè judicasti. Et conversus ad mulierem, dixit Simoni: Vides hanc mulierem? Intravi in domum tuam, aquam pedibus meis non dedisti: hæc autem lacrymis rigavit pedes meos, & capillis suis tersit. Osculum mihi non dedisti: hæc autem ex quo intravit, non cessavit osculari pedes meos. Oleo caput meum non unxisti: hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et coeperunt qui simul accumbabant, dicere intra se: Quis est hic, qui etiam peccata dimittit? Dixit autem ad mulierem: Fides tua te salvam fecit, vade in pace.

Offertorium. Psalm. 136. Super flumina Babylonis illic sedimus, & flevimus, dum recordarémur tui, Sion. **Secreta.**

Domine Deus noster, qui in his potius creaturis, quas ad fragilitatis nostræ subsidium condidisti, tuo quoque nomini munera jussisti dicanda constitui: tribue quæsumus; ut & vitæ nobis præsentis auxilium, & æternitatis efficiant sacramentum. Per Dominum.

Deinde vel Protege nos. **vel** Oblatis quæsumus. fol. 102.

Communio. Psalm. 118. Memento verbi tui servo tuo, Domine, in quo mihi spem dedisti: hæc me consolata est in humilitate mea. **Postcommunio.**

Quod ore sumpsimus, Domine, pura mente capiamus: & de munere

nere temporáli fiat nobis remédium sempiternum. Per Dóminum.

Postea vel Quæsumus Dómine. vel
Hæc nos quæsumus. fol. 102.

Super populum. Orémus.
Humiliáte cápita vestra Deo. **Oratio.**

Esto, quæsumus Dómine, propítius plebi tuæ: ut quæ tibi non placent, respuéntes; tuórum pótiùs repleántur delectatióibus mandatórum. Per Dóminum nostrum.

F E R I A S E X T A.

Statio ad S. Stephanum in Celio Monte.



Introitus. Psalm. 30.
Miserere mihi Dómine, quóniam tribulor: libera me, & éripe me de mánibus inimicórum meórum, & à persequéntibus me: Dómine non confundar, quóniam invocávi te. **Psalm. ibid.** In te Dómine sperávi, non confundar in ætérnum: in iustítia tua libera me. **Miserere mihi.**

Oratio.
Cordibus nostris, quæsumus Dómine, grátiam tuam benígnus infunde: ut peccáta nostra castigatióne voluntária cohibéntes, temporáliter pótiùs macerémur, quàm supplíciis deputémur ætérnis. Per Dóminum.

Deinde vel Ecclesiæ tuæ, quæsumus. vel Deus ómnium fidélium. fol. 101.

Léctio Jeremiæ Prophætæ. Jer. 17. b

In diébus illis: Dixit Jeremías: Dómine, omnes, qui te derelinquunt, confundéntur: recedéntes à te, in terra scribéntur: quóniam dereliquerunt venam aquárum vivéntium Dóminum. Sana me, Dómine, & sanabor: saluum me fac, & salvus ero: quóniam laus mea tu es. Ecce ipsi dicunt ad me: Ubi est verbum Dómini? Véniat. Et ego non sum turbátus, te pastórem sequens: & diem hóminis non desiderávi, tu scis. Quod egréssum est de lábiis meis, retum in conspéctu tuo fuit. Non sis tu mihi formídini, spes mea tu in die

afflictiónis. Confundántur qui me persequúntur, & non confundar ego: páveant illi, & non páveam ego: induc super eos diem afflictiónis, & dúplici contritióne cóntere eos, Dómine Deus noster.

Graduale. Psalm. 34. Pacíficè loquebántur mihi inimíci mei: & in ira mólesti erant mihi. **Ps.** Vidísti Dómine, ne síleas: ne discédas à me.

Tractus. Psalm. 102. Dómine, non secúndum peccáta nostra, quæ fécimus nos: neque secúndum iniquitátes nostras retribuas nobis. **Ps.** Dómine, ne memíneris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis. **Hic genuflectitur.** **Ps.** Adjuva nos Deus salutaris noster, & propter glóriam nóminis tui Dómine libera nos: & propítius esto peccátis nostris, propter nomen tuum.



Sequéntia sancti Euangélii secúndum Joánnem. Joann. 11. f

In illo témpore: Collegérunt Pontífices & Pharisæi concílium advérsus Jesum, & dicébant: Quid fácimus, quia hic homo multa signa facit? Si dimíttimus eum sic, omnes credent in eum: & vénient Románi, & tollent nostrum locum & gentem. Unus autem ex ipsis Cáiphas nómine, cùm esset Póntifex anni illíus, dixit eis: Vos nescítis quidquam, nec cogitátis quia expedit vobis ut unus moriátur homo pro pópulo, & non tota gens péreat. Hoc autem à semetípso non dixit: sed cùm esset Póntifex anni illíus, prophetávit, quòd Jesus moritúrus erat pro gente, & non tantum pro gente, sed ut filios Dei, qui erant dispérsi, congregáret in unum. Ab illo ergo die cogitavérunt ut interficerent eum. Jesus ergo jam non in palàm ambulábat apud Judæos, sed ábiit in regiónem juxta désertum, in civitátem, quæ dicitur Ephrem, & ibi morabátur cum discípulis suis.

Offer-

Offertorium. Psalm. 118. Benedictus es Dómine, doce me justificationes tuas: & non tradas calumniántibus me superbis: & respondébo exprobrántibus mihi verbum. **Secreta.**

Praesta nobis miséricors Deus: ut dignè tuis servíre semper altáribus mereámur, & eórum perpétua participatione salvári. Per Dóminum.

Deinde vel Protege nos. **vel O** blá-tis, quæsumus. 102.

Communio. Psalm. 26. Ne tradideris me Dómine in ánimas persequéntium me: quóniam insurrexerunt in me testes iníqui, & mentíta est iniquitas sibi.

Postcommunio.

Sumpti sacrificii, Dómine, perpétua nos tuitio non derelinquat: & nóxia semper à nobis cuncta depéllat. Per Dóminum nostrum.

Postea vel Quæsumus Dómine. **vel H**æc nos quæsumus. fol. 102.

Super populum. Oremus.

Humiliáte cápita vestra Deo.

Oratio.

Concède quæsumus omnipotens Deus: ut qui protectionis tuæ grátiam quærimus, liberáti à malis ómnibus, secúra tibi mente serviamus. Per Dóminum nostrum.

S A B B A T O .

Statio ad S. Joannem ante Portam Latinam.

Introitus. Psalm. 30.



Miserere mihi Dómine, quóniam tribulor: libera me, & eripe me de manibus inimicórum meórum, & à persequéntibus me: Dómine non confundar, quóniam invocávi te. **Psalmus ibidem.** In te Dómine sperávi, non confundar in ætérnum: in justítia tua libera me.

Miserere.

Oratio.

Proficiat, quæsumus Dómine, plebs tibi dicáta piæ devotiónis afféctu: ut sacris actiónibus erudíta, quantò

majestáti tuæ fit grátior, tantò donis potióribus augeátur. Per Dóminum.

Postea vel Ecclésiæ tuæ. **vel D**eus ómnium fidélium. fol. 101.

Lectio Jeremiæ Prophétæ. **Jer. 18. c**

In diébus illis: Dixérunt impii Judæi ad invicem: Veníte, & cogitémus contra justum cogitationes: non enim peribit lex à sacerdote, neque consílium à sapiente, nec sermo à Prophéta: veníte, & percutiámus eum lingua, & non attendámus ad univérso sermónes ejus. Atténde Dómine ad me, & audi vocem adversariórum meórum. Numquid rédditur pro bono malum, quia fodérunt fóveam animæ meæ? Recordáre quòd steterim in conspéctu tuo, ut loquerer pro eis bonum, & averterem indignationem tuam ab eis. Propterea da filios eórum in famem, & deduc eos in manus gládii: fiant uxóres eórum absque liberis, & víduæ: & viri eárum interficiántur morte: júvenes eórum conficiántur gládio in prælio. Audiátur clamor de dómibus eórum: addúces enim super eos latrónem repéntè: quia fodérunt fóveam ut cáperent me, & láqueos abscondérunt pédibus meis. Tu autem Dómine scis omne consílium eórum advérsùm me in mortem: ne propitiéris iniquitáti eórum, & peccátum eórum à fácie tua non deleátur: fiant corruéntes in conspéctu tuo, in témpore furóris tui abútere eis, Dómine Deus noster.

Graduale. Psalm. 34. Pacíficè loquebántur mihi inimíci mei: & in ira mólesti erant mihi. **ps.** Vidísti Dómine, ne síleas: ne discédas à me.



Sequéntia sancti Euangélii secundum Joannem. **Joann. 12. b**

In illo témpore: Cogitavérunt príncipes sacerdotum ut & Lázarus interficerent: quia multi propter illum abibant ex Judæis, & credébant in Jesum. In crástinum autem turba multa,

quæ

quæ venerat ad diem festum, cum audissent quia venit Jesus Jerosolymam: acceperunt ramos palmârum, & processerunt obviam ei, & clamabant: Hosanna, benedictus qui venit in nomine Domini, Rex Israel. Et invenit Jesus asellum, & sedit super eum, sicut scriptum est: Noli timere filia Sion: ecce Rex tuus venit sedens super pullum asinæ. Hæc non cognoverunt discipuli ejus primum: sed quando glorificatus est Jesus, tunc recordati sunt quia hæc erant scripta de eo: & hæc fecerunt ei. Testimonium ergo perhibebat turba, quæ erat cum eo quando Lázarus vocavit de monumento, & suscitavit eum à mortuis. Propterea & obviam venit ei turba: quia audierunt eum fecisse hoc signum. Pharisei ergo dixerunt ad semetipsos: Videtis quia nihil proficimus? ecce mundus totus post eum abiit. Erant autem quidam Gentiles ex his, qui ascenderant ut adorarent in die festo. Hi ergo accesserunt ad Philippum, qui erat à Bethsáida Galilææ, & rogabant eum, dicentes: Domine, volumus Jesum videre. Venit Philippus, & dicit Andréæ: Andréas rursus & Philippus dixerunt Jesu. Jesus autem respondit eis, dicens: Venit hora, ut clarificetur Filius hominis. Amen, amen dico vobis, nisi granum frumenti cadens in terram, mortuum fuerit; ipsum solum manet: si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam æternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus. Nunc anima mea turbata est. Et quid dicam? Pater, salvifica me ex hac hora. Sed propterea veni in horam hanc. Pater, clarifica nomen tuum. Venit ergo vox de cælo: Et clarificavi, & iterum clarificabo. Turba ergo, quæ stabat, & audierat, dicebat tonitruum esse factum.

Alii dicebant: Angelus ei locutus est: Respondit Jesus, & dixit: Non propter me hæc vox venit, sed propter vos. Nunc judicium est mundi: nunc princeps hujus mundi ejicietur foras. Et ego si exaltatus fuero à terra, omnia traham ad meipsum: (hoc autem dicebat, significans quia morte esset moriturus.) Respondit ei turba: Nos audivimus ex lege, quia Christus manet in æternum: & quomodo tu dicis, Oportet exaltari Filium hominis? Quis est iste Filius hominis? Dixit ergo eis Jesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: & qui ambulat in tenebris, nescit quid vadat. Dum lucem habetis, credite in lucem, ut filii lucis sitis. Hæc locutus est Jesus: & abiit, & abscondit se ab eis.

Offertorium. Psalmus 118. Benedictus es Domine, doce me justificationes tuas: & non tradas calumniantibus me superbis: & respondebo exprobrantibus mihi verbum. **Secreta.**

A Cunctis nos, quæsumus Domine, reatibus & periculis propitiatus absolve: quos tanti mystèrii tribuis esse consortes. Per Dominum nostrum.

Deinde vel Protege nos. **vel** Oblatis, quæsumus. fol. 102.

Communio. Psalm. 26. Ne tradideris me Domine, in animas persequentium me: quoniam insurrexerunt in me testes iniqui, & mentita est iniquitas sibi. **Postcommunio.**

Divini muneris largitate satiati, quæsumus Domine Deus noster: ut hujus semper participatione vivamus. Per Dominum.

Postea vel Quæsumus Domine. **vel** Hæc nos quæsumus. fol. 102.


Super populum. Oremus. Humiliate capita vestra Deo. **Oratio.**

Tueatur, quæsumus Domine, dextera tua populum deprecantem, & purificatum dignanter erudiat: ut consolatione præsentis, ad futura bona proficiat. Per Dominum.

DOMI-

DOMINICA IN PALMIS.

Completa Tertia, & facta aspersione aquæ, more solito, Sacerdos indutus pluviali violaceo, vel sine casula, cum ministris similiter indutis, procedit ad benedicendum ramos palmarum & olivarum, sive aliarum arborum, in medio ante Altare, vel ad cornu Epistolæ positos. Et primo cantatur à Choro Antiphona. Matth. 21.



Osanna filio David: benedictus qui venit in nomine Domini. O Rex Israel: Hosanna in excelsis.

Deinde Sacerdos stans in cornu Epistolæ, non vertens se ad populum, dicit in tono Orationis Missæ ferialis: Dominus vobiscum. R. Et cum spiritu tuo. Oremus. Oratio.

Deus, quem diligere & amare, iustitia est, ineffabilis gratiæ tuæ in nobis dona multiplica: & qui fecisti nos in morte Filii tui sperare quæ credimus; fac nos eodem resurgente pervenire quod tendimus. Qui tecum vivit, &c.

Postea Subdiaconus in loco solito cantat sequentem Lectionem in tono Epistolæ, & in fine osculatur manum Sacerdotis.

Lectionis libri Exodi. Exodi 15. & 16. d

IN diebus illis: Venérunt filii Israel in Elim, ubi erant duodecim fontes aquarum, & septuaginta palmæ: & castrametati sunt juxta aquas. Profectique sunt de Elim, & venit omnis multitudo filiorum Israel in desertum Sin, quod est inter Elim & Sinai: quintodécimo die mensis secúndi, postquam egressi sunt de terra Ægypti. Et murmuravit omnis congregatio filiorum Israel contra Moysen & Aaron in solitudine. Dixeruntque filii Israel ad eos: Utinam mortui essemus per manum Domini in terra Ægypti, quando sedebamus super ollas carniū, & comedebamus panem in saturitate: cur eduxistis nos in desertum istud, ut occideretis omnem multitudinem fame? Dixit autem Dominus ad Moysen: Ecce, ego pluam vobis

panes de cælo: egrediatur populus, & colligat quæ sufficiunt per singulos dies: ut tentem eum utrum ambulet in lege mea, an non. Die autem sexto parent quod inferant: & sit duplum quam colligere solébant per singulos dies. Dixeruntque Moyses & Aaron ad omnes filios Israel: Vespere sciétis quod Dominus eduxerit vos de terra Ægypti: & manè vidébitis glóriam Domini.

Deinde cantatur pro Graduali R. Joann. 11. Collegérunt Pontífices & Pharisei concilium, & dixerunt: Quid facimus, quia hic homo multa signa facit? Si dimittimus eum sic, omnes credent in eum: * Et venient Románi, & tollent nostrum locum & gentem. V. Unus autem ex illis, Caiphas nomine, cum esset Pontifex anni illius, prophetavit, dicens: Expedi vobis, ut unus moriatur homo pro populo, & non tota gens péreat. Ab illo ergo die cogitaverunt interficere eum, dicentes. Et venient.

Vel aliud Responsorium. Matth. 26. In monte Oliveti oravit ad Patrem: Pater, si fieri potest, transeat à me calix iste. * Spiritus quidem promptus est, caro autem infirma: fiat voluntas tua. V. Vigilate, & orate, ut non intrétis in tentationem. Spiritus quidem.

Interim dum cantatur R. Diaconus ponit librum Evangeliorum super Altare: & Sacerdos, ministrante Diacono naviculam, ponit incensum in thuribulo. Deinde Diaconus dicit, Munda cor meum, accipit librum de Altari, petit benedictionem à Sacerdote: postea Subdiacono librum tenente, medius inter duos Acolythos tenentes candelabra accensa, signat librum, incensat, & cantat Evangelium, ut infra, more consueto: quo finito, Subdiaconus defert librum osculandum Sacerdoti, qui & incensatur à Diacono.



Sequentia sancti Evangelii secundum Matthæum. Matth. 21.

IN illo tempore: Cum appropinquasset Jesus Jerosolymis, & venisset Bethphage ad montem Oliveti, tunc misit

misit duos discipulos suos, dicens eis: Ite in castellum, quod contra vos est, & statim inveniētis āsinam alligatam, & pullum cum ea: solvite, & adducite mihi: & si quis vobis aliquid dixerit, dīcite quia Dōminus his opus habet: & confestim dimittet eos. Hoc autem totum factum est, ut adimpleretur quod dictum est per Prophētam, dicentem: Dīcite filiā Sion: Ecce Rex tuus venit tibi mansuetus, sedens super āsinam, & pullum filium subjugālis. Eūntes autem discipuli fecerunt sicut prācepit illis Iesus. Et adduxerunt āsinam, & pullum: & imposuerunt super eos vestimenta sua, & eum desuper sedere fecerunt. Plūrima autem turba straverunt vestimenta sua in via: alii autem cādebant ramos de arbōribus, & sternēbant in via: turbæ autem, quæ prācedēbant, & quæ sequebantur, clamābant, dicētes: Hosāna filio David: benedīctus, qui venit in nōmine Dōmini.

Post hæc benedicuntur rami. Sacerdos stans in eodem cornu Epistolæ, dicit in tono Orationis ferialis.

ψ. Dōminus vobiscum. R. Et cum spiritu tuo. Orémus. Oratio.

Auge fidem in te sperantium Deus, & supplicum preces clemēter exaudi: veniat super nos mūltiplex misericōrdia tua: bene **✠** dicantur & hi palmītes palmārum, seu olivārum: & sicut in figurā Ecclesiæ multiplicasti Noe egrediētem de arca, & Mōysen exeūntem de Ægypto cum filiis Israel: ita nos portāntes palmas, & ramos olivārum, bonis actibus occurrāmus obviam Christo: & per ipsum in gaudium introeāmus ætēnum. Qui tecum vivit, & regnat in unitate, &c.

Per omni a sæcu la sæcu lō rum.

R. Amen. ψ. Dōminus vobiscum.

R. Et cum spī ri tu tu o.

ψ. Sursum cor da. R. Ha bēmus ad

Dó mi num. ψ. Grá ti as a gāmus

Dó mi no De o no stro.

R. Di gnum & ju stum est.

Ve rè di gnum & ju stum est,

æquum & fa lu tá re, nos ti bi

semper, & ubique grá ti as áge-













re, Dómi ne sancte, Pa ter omni-

po tens æ tér ne De us. Qui glo-

ri á ris in con sí li o Sanctorum

tu ó rum. Ti bi e nim sérvunt

cre a tú ræ tu æ: qui à te so lum aucto-


 auctó rē & De um cognóscunt: &

 omnis factúra tu a te col láudat, &

 be ne dí cunt te Sancti tu i. Qui a

 illud ma gnum Uni gé ni ti tu i

 nomen coram ré gi bus & po testá-

 ti bus hu jus sæ cu li, lí be ra vo ce

 confiténtur. Cui as sístunt An ge-

 li & Archánge li, Thro ni & Do-

 mi na ti ónes: cumque omni mi lí-

 ti a cæ lé stis exérci tus, hymnum

 gló ri æ tu æ cón cinunt, si ne

 si ne dí cén tes.

Et cantatur Sanctus, à Choro.

Sanctus, Sanctus, Sanctus, Dómi-
 nus Deus Sábaoth. Pleni sunt cæli
 & terra glória tua, Hosanna in excél-
 sis.

sis. Benedictus qui venit in nómine
 Dómini. Hosanna in excélsis.

Sequitur, Dóminus vobíscum. Et
 cum spírítu tuo. Oremus. Oratio.

Petimus, Dómine sancte, Pater omní-
 potens, ætérne Deus: ut hanc crea-
 túram olívæ, quam ex ligni matéria
 prodíre iussísti, quamque colúmbe ré-
 diens ad arcam próprio pertulit ore, be-
 ne dicere, & sancti ficare digné-
 ris: ut quicumque ex ea recéperint, ac-
 cipiant sibi protectiónem animæ & cór-
 poris: fiatque, Dómine, nostræ salú-
 tis remédium, tuæ grátiae sacraméntum.
 Per Dóminum. Amen. Oremus.

Deus, qui dispérsa cóngregas, &
 congregáta consérvas: qui pópu-
 lis óbviám Jesu ramos portántibus bene-
 dixísti: béne dic étiam hos ramos
 palmæ & olívæ, quos tui sámulí ad ho-
 nórem nóminis tui fidéliter suscípiunt:
 ut in quemcúmque locum introdúcti
 fúerint, tuam benedictiónem habitató-
 res loci illius consequántur: & omni
 adversitaté effugáta, dextera tua próte-
 gat, quos redémit Jesus Christus Fílius
 tuus Dóminus noster. Qui tecum vi-
 vit & regnat. Oremus.

Deus, qui miro dispositiónis ór-
 dine, ex rebus étiam insensibílibus,
 dispensatióem nostræ salútis osténdere
 voluísti: da quæsumus; ut devóta tuó-
 rum corda fidélium salúbriter intelli-
 gant, quid mysticè désígnat in facto,
 quòd hódie cælésti lúmine affláta, Re-
 demptóri óbviám procédens, palmárum
 atque olivárum ramos vestígiis ejus tur-
 ba substrávit. Palmárum igitur rami de
 mortis príncipe triúmphos expéctant:
 súrculi verò olivárú, spírituálem uncti-
 ónem advenísse quodámmodò clamant.
 Intelléxit enim jam tunc illa hóminum
 beáta multitúdo præfigurári: quia Re-
 demptor noster humánis cóndolens mi-
 sériis, pro totíus mundi vita cum mortis
 príncipe esset pugnatúrus, ac moriéndò
 triumphatúrus. Et idéò tália óbsequens
 ministrávit, quæ in illo & triúmphos
 H victó-

viCTORIÆ, & misericordiæ pinguēdinem declararent. Quod nos quoque plena fide & factum, & significatum retinētes, te Dómine sancte, Pater omnipotens, ætérne Deus, per eúndem Dóminum nostrum Jesum Christum suppliciter exoramus: ut in ipso, atque per ipsum, cujus nos membra fieri voluisti, de mortis império victóriam reportātes, ipsius gloriósæ resurrectionis partícipes esse mereámur. Qui tecum vivit, &c.

Orémus.

DEus, qui per olivæ rami, pacem terris columbam nuntiāre jussisti: præsta quæsumus; ut hos olivæ, ceterarumque arborum ramos, cælesti benedictione sanctifices: ut cuncto populo tuo proficiant ad salutem. Per Christum Dóminum nostrum. *R.* Amen.

Orémus.

BEne *✠* dic, quæsumus Dómine, hos palmárum, seu olivárum ramos: & præsta; ut quod populus tuus in tui veneratiōem hodierna die corporaliter agit, hoc spiritaliter summa devotiōe perficiat, de hoste victóriam reportādo, & opus misericordiæ summo peré diligēdo. Per Dóminum.

Hic Celebrans ponit incensum in thuribulum, deinde ter aspergit ramos aqua benedicta, dicendo Anam. Asperges me. sine cantu, & sine Psalmo: & ter adolet incenso.

Postea dicit: Dóminus vobiscum.

R. Et cum spiritu tuo. *Orémus.*

DEus, qui Fílium tuum Jesum Christum Dóminum nostrum, pro salute nostra in hunc mundum misisti, ut se humiliáret ad nos, & nos revocáret ad te: cui étiam, dum Jerúsalem veníret, ut adimpléret Scriptúras, credentium populórum turba, fidelíssima devotiōe vestiménta sua cum ramis palmárum in via stérnēbant: præsta quæsumus; ut illi fidei viam præparémus, de qua remoto lápide offensiōis, & petra scándali, frondeant apud te ópera nostra justitiæ ramis: ut ejus vestigia sequi mereámur. Qui tecum vivit, & regnat.

Completa benedictione, dignior ex Clero accedit ad Altare, & dat ramum benedictum Celebranti, qui non genuflectit, nec osculatur manum dantis. Postea Celebrans stans ante Altare, versus ad populum, distribuit ramos, primū digniori, a quo ipse accepit, deinde Diacono & Subdiacono paratis, & aliis Clericis singulatim per ordinem: ultimò laicis: omnibus genuflectentibus, & ramum ac manum Celebrantis osculantibus, exceptis Prælati, si adsint. Et cum incœperit distribuere, a Choro cantantur sequentes Antiphonæ.

Púeri Hebræorum portantes ramos olivarum obviaverunt Dómino, clamantes, & dicentes: Hosanna in excelsis.

Alia Añā. Púeri Hebræorum vestimenta prosternebant in via, & clamabant dicentes: Hosanna filio David: benedictus qui venit in nómine Dómini.

Quæ si non sufficiant, repetantur, quousque ramorum distributio finiatur.

Deinde Sacerdos dicit ꝑ. Dóminus vobiscum. R. Et cum spiritu tuo. Orémus.

OMnipotens sempitérne Deus, qui Dóminum nostrum Jesum Christum super pullum ásinæ sedere fecisti, & turbas populórum vestiménta, vel ramos arborum in via stérnere, & Hosanna decantare in laudem ipsius docuisti: da quæsumus; ut illórum innocentiam imitari possimus, & eórum méritum cónsequi mereámur. Per eúndem Christum Dóminum nostrum. *R.* Amen.

Postea fit Processio. Et primò Celebrans imponit incensum in thuribulum: & Diaconus vertens se ad populum, dicit, Procedamus in pace. Et Chorus respondet. In nómine Christi, Amen. Præcedit thuriferarius cum thuribulo fumigante: deinde Subdiaconus paratus deferens Crucem, medius inter duos Acolythos cum candelabris accensis: sequitur Clerus per ordinem, ultimò Celebrans cum Diacono a sinistris, omnes cum ramis in manibus: & cantantur sequētes Antiphonæ; vel omnes, vel aliquæ, quousque durat Processio.

Antiphona. Matth. 21. Cum appropinquáret Dóminus Jerosólymam misit duos ex discipulis suis, dicens: Ite

in

in castellum, quod contra vos est: & inveniētis pullum asinæ alligatum, super quem nullus hominum sedit: solvite, & adducite mihi. Si quis vos interrogaverit, dicit: Opus Domino est. Solventes adduxerunt ad Jesum: & imposuerunt illi vestimenta sua, & sedit super eum: alii expandebant vestimenta sua in via: alii ramos de arboribus sternebant: & qui sequebantur, clamabant: Hosanna, benedictus qui venit in nomine Domini: benedictum regnum patris nostri David: Hosanna in excelsis: miserere nostri fili David.

Alia Antiphona. Joann. 12. Cum audisset populus, quia Jesus venit Jerosolymam, acceperunt ramos palmarum: & exierunt ei obviam, & clamabant pueri, dicentes: Hic est, qui venturus est in salutem populi. Hic est salus nostra, & redemptio Israel. Quantum est iste, cui Throni & Dominationes occurrunt? Noli timere filia Sion: ecce Rex tuus venit tibi, sedens super pullum asinæ: sicut scriptum est: Salve Rex fabricator mundi, qui venisti redimere nos.

Alia Antiphona ibidem. Ante sex dies sollemnis Paschæ, quando venit Dominus in civitatem Jerusalem, occurrerunt ei pueri: & in manibus portabant ramos palmarum, & clamabant voce magna, dicentes: Hosanna in excelsis: benedictus qui venisti in multitudine misericordiarum tuarum: Hosanna in excelsis.

Alia Antiphona. Occurrunt turbæ cum floribus & palmis Redemptori obviam: & victori triumphanti dignantur obsequia: Filium Dei ore Gentes prædicant: & in laudem Christi voces tonant per nubes: Hosanna in excelsis.

Alia Antiphona. Cum Angelis & pueris fideles inveniāmur, triumphatori mortis clamantes: Hosanna in excelsis.

Alia Antiphona. Turba multa, quæ convenerat ad diem festum, clamabat Domino: Benedictus qui venit

in nomine Domini: Hosanna in excelsis.

In reversione Processionis, duo vel quatuor cantores intrant in Ecclesiam, & clauso ostio, stantes versa facie ad Processionem, incipiunt. Gloria, laus. & decantant duos primos versus. Sacerdos verò cum aliis extra Ecclesiam repetit eosdem. Deinde qui sunt intus, cantant alios versus sequentes, vel omnes, vel partem, prout videbitur: & qui sunt extra, ad quoslibet duos versus respondent: Gloria, laus. sicut à principio.

Gloria, laus, & honor tibi sit Rex Christe Redemptor:

Cui puerile decus prompsit Hosanna pium.

R. Gloria, laus. Israel es tu Rex, Davidis & inclyta proles:

Nomine qui in Domini Rex benedictæ venis.

Cœtus in excelsis te laudat cælicus omnis,

Et mortalis homo, & cuncta creata simul.

Plebs Hebræa tibi cum palmis obviam venit,

Cum prece, voto, hymnis, adsumus ecce tibi.

Hi tibi passiro solvabant munia laudis: Nos tibi regnanti pangimus ecce melos.

Hi placuere tibi, placeat devotio nostra: Rex bone, Rex clemens, cui bona cuncta placent.

R. Gloria, laus.

Postea Subdiaconus hastili Crucis percutit portam: qua statim aperta, Processio intrat in Ecclesiam, cantando.

R. Ingremente Domino in sanctam civitatem, Hebræorum pueri resurrectionem vitæ pronuntiantes, *

Cum ramis palmarum Hosanna clamabant in excelsis.

¶ Cum audisset populus, quod Jesus veniret Jerosolymam, exierunt obviam ei.

Cum ramis.

Et non dicitur Gloria Patri, &c.

Deinde celebratur Missa, & rami tenentur in manibus dum cantatur Passio & Evangelium tantum.

Statio ad S. Joannem in Laterano.

Introitus.

Psalm. 21.



Domine, ne longè facias auxilium tuum à me, ad defensionem meam aspice: libera me de ore leonis, & à cornibus unicornium humilitatem meam. **Psalmus ibid.** Deus Deus meus, respice in me, quare me dereliquisti? longè à salute mea verba delictorum meorum. Domine, ne longè.

Oratio.

OMnipotens sempiternè Deus, qui humano generi ad imitandum humilitatis exemplum, Salvatorem nostrum carnem sumere, & crucem subire fecisti: concede propitius; ut & patientiæ ipsius habere documenta, & resurrectionis consortia mereamur. Per eundem Dominum.

Et hæc Oratio tantum dicitur.

Lectio Epistolæ beati Pauli Apostoli ad Philippenses.

Philip. 2.

FRatres, Hoc enim sentite in vobis, quod & in Christo Jesu: qui cum in forma Dei esset, non rapinam arbitratus est esse se æqualem Deo: sed semetipsum exinanivit formam servi accipiens, in similitudinem hominum factus, & habitu inventus ut homo. Humiliavit semetipsum factus obediens usque ad mortem, mortem autem crucis. Propter quod & Deus exaltavit illum, & donavit illi nomen, quod est super omne nomen: (Hic genuflectitur,) ut in nomine Jesu omne genu flectatur cælestium, terrestrium, & infernorum; & omnis lingua confiteatur, quia Dominus Jesus Christus in gloria est Dei Patris.

Graduale. Psalm. 72. Tenuisti manum dexteram meam: & in voluntate tua deduxisti me, & cum gloria assumpsisti me. Quam bonus Israel Deus rectis corde! mei autem penè moti sunt pedes, penè effusi sunt gressus mei: quia zelavi in peccatoribus, pacem peccatorum videns.

Tractus. Psalm. 21. Deus Deus meus,

respice in me, quare me dereliquisti?

Longè à salute mea verba delictorum meorum. Deus meus clamabo per diem, nec exaudies: in nocte, & non ad insipientiam mihi. Tu autem in sancto habitas, Laus Israel. In te speraverunt patres nostri: speraverunt, & liberasti eos. Ad te clamaverunt, & salvi facti sunt: in te speraverunt, & non sunt confusi. Ego autem sum vermis, & non homo: opprobrium hominum, & abjectio plebis. Omnes qui videbant me, aspernabantur me: locuti sunt labiis, & moverunt caput. Speravit in Domino, eripiat eum: salvum faciat eum, quoniam vult eum. Ipsi verò consideraverunt, & conspexerunt me: divisérunt sibi vestimenta mea, & super vestem meam miserunt sortem.

Libera me de ore leonis: & à cornibus unicornium humilitatem meam.

Qui timetis Dominum, laudate eum: universum semen Jacob magnificate eum. Annuntiabitur Domino generatio ventura: & annuntiabunt cæli iustitiam ejus. Pópulo qui nascetur, quem fecit Dominus.

Passio Domini incipitur absolute: non dicitur Munda cor meum, **non petitur benedictio, non deferuntur luminaria, nec incensum: non dicitur** Dominus vobiscum. **nec respondetur** Glória tibi Domine. & **Celebrans, seu Diaconus** dum pronuntiat, **Passio Domini nostri. non signat librum, neque seipsum. Quod & in aliis diebus servatur, quando legitur Passio.**

Passio Domini nostri Jesu Christi secundum Matthæum. **Matth. 26.**

IN illo tempore: Dixit Jesus discipulis suis: Scitis quia post bídium Pascha fiet, & Fílius hominis tradétur ut crucifigátur. **C**Tunc congregati sunt principes sacerdotum, & seniores pópuli in átrium principis sacerdotum, qui dicebátur Cáiphas: & consilium fecerunt ut Jesum dolo tenerent, & occiderét. Dicebant autem: Non in die festo, ne fortè tumultus fieret in pópulo.

Cum

C Cum autem Iesus esset in Bethánia in domo Simónis leprosi, accessit ad eum mulier habens alabastrum unguenti pretiosi, & effudit super caput ipsius recumbentis. Videntes autem discipuli, indignati sunt dicentes: **S** Ut quid perditio hæc? potuit enim istud venditari multo, & dari pauperibus. **C** Sciens autem Iesus, ait illis: **✠** Quid molesti estis huic mulieri? opus enim bonum operata est in me. Nam semper pauperes habetis vobiscum: me autem non semper habetis. Mittens enim hæc unguentum hoc in corpus meum, ad sepeliendum me fecit. Amen dico vobis, ubicumque prædicatum fuerit hoc Euangelium in toto mundo, dicetur & quod hæc fecit in memoriam ejus. **C** Tunc abiit unus de duodecim, qui dicebatur Judas Iscariotes, ad principes sacerdotum: & ait illis: **S** Quid vultis mihi dare, & ego vobis eum tradam? **C** At illi constituérunt ei triginta argenteos. Et exinde quærebat opportunitatem ut eum traderet. Prima autem die Azymorum accessérunt discipuli ad Iesum, dicentes: **S** Ubi vis paramus tibi comedere Pascha? **C** At Iesus dixit: **✠** Ite in civitatem ad quemdam, & dicite ei: Magister dicit: Tempus meum propè est, apud te facio Pascha cum discipulis meis. **C** Et fecerunt discipuli sicut constituit illis Iesus, & paraverunt Pascha. Vespere autem facto, discumbébat cum duodecim discipulis suis. Et edéntibus illis, dixit: **✠** Amen dico vobis, quia unus vestrum me traditurus est. **C** Et contristati valdè, cœperunt singuli dicere: **S** Numquid ego sum Dómine? **C** At ipse respondens, ait: **✠** Qui intíngit mecum manú in parópside, hic me tradet. Fílius quidem hóminis vadit, sicut scriptum est de illo: væ autem hómini illi, per quem Fílius hóminis tradetur: bonum erat ei, si natus non fuisset homo ille. **C** Respondens autem Judas, qui tradidit eum, dixit: **S** Numquid ego sum, Rabbi? **C** Ait illi: **✠** Tu dixisti. **C** Coenantibus autem eis, accépit Iesus pa-

Miss.

nem, & benedixit, ac fregit, deditque discipulis suis, & ait: **✠** Accípite, & comedite: hoc est corpus meum. **C** Et accípiens cálicem, grátias egit: & dedit illis, dicens: **✠** Bibite ex hoc omnes. Hic est enim sanguis meus novi testaménti, qui pro multis effundetur in remissionem peccatorum. Dico autem vobis: non bibam amodò de hoc genimine vitis usque in diem illum, cum illud bibam vobiscum novum in regno Patris mei. **C** Et hymno dicto, exierunt in montem Oliveti. Tunc dicit illis Iesus: **✠** Omnes vos scandalum patiemini in me in ista nocte. Scriptum est enim: Percutiam pastorem, & dispergentur oves gregis. Postquam autem resurrexero, præcedam vos in Galilæam. **C** Respondens autem Petrus, ait illi: **S** Et si omnes scandalizati fuerint in te, ego numquam scandalizabor. **C** Ait illi Iesus: **✠** Amen dico tibi, quia in hac nocte antequam gallus cantet, ter me negabis. **C** Ait illi Petrus: **S** Etiámsi oportuerit me mori tecum, non te negabo. **C** Similiter & omnes discipuli dixerunt. Tunc venit Iesus cum illis in villam, quæ dicitur Gethsémani, & dixit discipulis suis: **✠** Sedete híc donec vadam illuc, & orem. **C** Et assumpto Petro, & duobus filiis Zebedæi, cœpit contristari, & moestus esse. Tunc ait illis: **✠** Tristis est ánima mea usque ad mortem: sustinete híc, & vigilate mecum. **C** Et progressus pusillum, procidit in faciem suam, orans, & dicens: **✠** Pater mi, si possibile est, transeat à me calix iste. Verúmtamen non sicut ego volo, sed sicut tu. **C** Et venit ad discipulos suos, & invénit eos dormientes, & dicit Petro: **✠** Sic non potuistis una hora vigilare mecum? Vigilate, & orate ut non intrétis in tentationem. Spíritus quidem promptus est, caro autem infirma. **C** Iterum secúndò abiit, & orávit, dicens: **✠** Pater mi, si non potest hic calix transire, nisi bibam illum, fiat volúntas tua. **C** Et venit iterum, & invénit eos dormientes: erant enim óculi

H 3

eorum

eorum gravati. Et relinquit illis, iterum abiit, & oravit tertio, eundem sermonem dicens. Tunc venit ad discipulos suos, & dicit illis: **✠** Dormite jam, & requiescite: ecce appropinquavit hora, & Filius hominis tradetur in manus peccatorum. Surgite, eamus: ecce appropinquavit qui me tradet. **C** Adhuc eo loquente, ecce Judas unus de duodecim venit, & cum eo turba multa cum gladiis, & fustibus, missi a principibus sacerdotum, & senioribus populi. Qui autem tradidit eum, dedit illis signum, dicens: **S** Quemcumque osculatus fuero, ipse est, tenete eum. **C** Et confestim accedens ad Jesum, dixit: **S** Ave Rabbi. **C** Et osculatus est eum. Dixitque illi Jesus: **✠** Amice, ad quid venisti? **C** Tunc accesserunt, & manus iniecerunt in Jesum, & tenuerunt eum. Et ecce unus ex his, qui erant cum Jesu, extendens manum, exemit gladium suum, & percutiens servum principis sacerdotum, amputavit auriculam ejus. Tunc ait illi Jesus: **✠** Converterte gladium tuum in locum suum. Omnes enim, qui acceperint gladium, gladio peribunt. An putas, quia non possum rogare Patrem meum, & exhibebit mihi modò plusquam duodecim legiones Angelorum? Quomodo ergo implebuntur Scripturæ, quia sic oportet fieri? **C** In illa hora dixit Jesus turbis: **✠** Tamquam ad latronem existis cum gladiis, & fustibus comprehendere me: quotidie apud vos sedebam docens in templo, & non me tenuistis. **C** Hoc autem totum factum est, ut adimplerentur Scripturæ prophetarum. Tunc discipuli omnes, relicto eo, fugerunt. At illi tenentes Jesum, duxerunt ad Caiapham principem sacerdotum, ubi Scribæ & seniores convenerant. Petrus autem sequebatur eum à longè, usque in atrium principis sacerdotum. Et ingressus intro, sedebat cum ministris, ut videret finem. Principes autem sacerdotum, & omne concilium querebant falsum testimonium contra Jesum, ut eum morti tra-

derent: & non invenerunt, cum multi falsi testes accessissent. Novissimè autem venerunt duo falsi testes, & dixerunt: **S** Hic dixit: Possum destruere templum Dei, & post triduum reedificare illud. **C** Et surgens princeps sacerdotum, ait illi: **S** Nihil respondes ad ea, quæ isti adversum te testificantur? **C** Jesus autem tacebat. Et princeps sacerdotum ait illi: **S** Adjuro te per Deum vivum, ut dicas nobis si tu es Christus Filius Dei. **C** Dicit illi Jesus: **✠** Tu dixisti. Verumtamen dico vobis, à modò videbitis Filium hominis sedentem à dextris virtutis Dei, & venientem in nubibus cæli. **C** Tunc princeps sacerdotum scidit vestimenta sua, dicens: **S** Blasphemavit: quid adhuc egemus testibus? Ecce nunc audistis blasphemiam: quid vobis videtur? **C** At illi respondentes, dixerunt: **S** Reus est mortis. **C** Tunc expuerunt in faciem ejus, & colaphis eum cæciderunt, alii autem palmas in faciem ejus dederunt, dicentes: **S** Prophetiza nobis Christe, quis est qui te percussit? **C** Petrus verò sedebat foris in atrio: & accessit ad eum una ancilla, dicens: **S** Et tu cum Jesu Galilæo eras. **C** At ille negavit coram omnibus, dicens: **S** Nescio quid dicis. **C** Exeunte autem illo januam, vidit eum alia ancilla, & ait his, qui erant ibi: **S** Et hic erat cum Jesu Nazareno. **C** Et iterum negavit cum juramento: Quia non novi hominem. Et post pusillum accesserunt qui stabant, & dixerunt Petro: **S** Verè & tu ex illis es: nam & loquela tua manifestum te facit. **C** Tunc coepit detestari, & jurare quia non novisset hominem. Et continuo gallus cantavit. Et recordatus est Petrus verbi Jesu, quod dixerat: Priusquam gallus cantet, ter me negabis. Et egressus foras, flevit amare. Manè autem facto, consilium inierunt omnes principes sacerdotum, & seniores populi adversus Jesum, ut eum morti traderent. Et vinctum adduxerunt eum, & tradiderunt Póntio Piláto Præsidi. Tunc videns Judas, qui

eum tradidit, quod damnatus esset poenitentia ductus retulit triginta argenteos principibus sacerdotum, & senioribus, dicens: **S** Peccavi, tradens sanguinem justum. **C** At illi dixerunt: **S** Quid ad nos? Tu videris. **C** Et projectis argenteis in templo, recessit: & abiens laqueo se suspendit. Principes autem sacerdotum, acceptis argenteis, dixerunt: **S** Non licet eos mittere in carbonem: quia pretium sanguinis est. **C** Consilio autem inito, emerunt ex illis agrum figuli, in sepulturam peregrinorum. Propter hoc vocatus est ager ille, Haceldama, hoc est, ager sanguinis, usque in hodiernum diem. Tunc impletum est quod dictum est per Jeremiam Prophetam, dicentem: Et acceperunt triginta argenteos pretium appretiati, quem appretiauerunt a filiis Israel: & dederunt eos in agrum figuli, sicut constituit mihi Dominus. Jesus autem stetit ante Praesidem, & interrogavit eum Praeses, dicens: **S** Tu es Rex Iudaeorum? **C** Dicit illi Jesus: **✠** Tu dicis. **C** Et cum accusaretur a principibus sacerdotum, & senioribus, nihil respondit. Tunc dicit illi Pilatus: **S** Non audis quanta adversum te dicunt testimonia? **C** Et non respondit ei ad ullum verbum, ita ut miraretur Praeses vehementer. Per diem autem solemnem consueverat Praeses populo dimittere unum vincitum, quem voluissent. Habebat autem tunc vincitum insignem, qui dicebatur Barabbas. Congregatis ergo illis, dixit Pilatus: **S** Quem vultis dimittam vobis: Barabbam, an Jesum, qui dicitur Christus? **C** Sciebat enim quod per invidia tradidissent eum. Sedente autem illo pro tribunali, misit ad eum uxor ejus, dicens: **S** Nihil tibi, & justo illi: multa enim passa sum hodie per visum propter eum. **C** Principes autem sacerdotum, & seniores persuaserunt populis ut peterent Barabbam, Jesum vero perderent. Respondens autem Praeses, ait illis: **S** Quem vultis vobis de duobus dimitti? **C** At illi dixerunt:

S Barabbam. **C** Dicit illis Pilatus: **S** Quid igitur faciam de Jesu, qui dicitur Christus? **C** Dicunt omnes: **S** Crucifigatur. **C** Ait illis Praeses: **S** Quid enim mali fecit? **C** At illi magis clamabant, dicentes: **S** Crucifigatur. **C** Videns autem Pilatus quia nihil proficeret, sed magis tumultus fieret, accepta aqua, lavit manus coram populo, dicens: **S** Innocens ego sum a sanguine justis huius: vos videritis. **C** Et respondens universus populus, dixit: **S** Sanguis ejus super nos, & super filios nostros. **C** Tunc dimisit illis Barabbam: Jesum autem flagellatum tradidit eis ut crucifigeretur. Tunc milites Praefidis suscipientes Jesum in praetorium, congregaverunt ad eum universam cohortem: & exuentes eum, chlamydem coccineam circumdederunt ei, & plectentes coronam de spinis, posuerunt super caput ejus, & arundinem in dextera ejus. Et genu flexo ante eum, illudebant ei, dicentes: **S** Ave Rex Iudaeorum. **C** Et expuentes in eum, acceperunt arundinem, & percutiebant caput ejus. Et postquam illusérunt ei, exuerunt eum chlamyde, & induerunt eum vestimentis ejus, & duxerunt eum ut crucifigerent. Exeuntes autem invenerunt hominem Cyrenaeum, nomine Simonem: hunc angariaverunt ut tolleret crucem ejus. Et venerunt in locum, qui dicitur Gólgatha, quod est Calvariae locus. Et dederunt ei vinum bibere cum felle mistum. Et cum gustasset, noluit bibere. Postquam autem crucifixerunt eum, divisérunt vestimenta ejus, sortem mittentes: ut impleretur quod dictum est per Prophetam dicentem: Diviserunt sibi vestimenta mea, & super vestem meam miserunt sortem. Et sedentes servabant eum. Et imposuerunt super caput ejus causam ipsius scriptam: Hic est Jesus Rex Iudaeorum. Tunc crucifixi sunt cum eo duo latrones: unus a dextris, & unus a sinistris. Praetereuntes autem blasphemabant eum moventes capita sua, & dicentes: **S** Vah qui destruis

destruis templum Dei, & in triduo illud reedificas: salva te ipsum: Si Filius Dei es, descende de Cruce. **C** Similiter & principes sacerdotum, illudentes cum Scribis, & senioribus, dicebant: **S** Alios salvos fecit, seipsum non potest salvum facere: si Rex Israel est, descendat nunc de cruce, & credimus ei: confidit in Deo: liberet nunc, si vult, eum: dixit enim: quia Filius Dei sum. **C** Idipsum autem & latrones, qui crucifixi erant cum eo, improperabant ei. A sexta autem hora tenebrae factae sunt per universam terram usque ad horam nonam. Et circa horam nonam clamavit Jesus voce magna, dicens: **✠** Eli, Eli, lamma sabachthani? **C** Hoc est: **✠** Deus meus, Deus meus ut quid dereliquisti me? **C** Quidam autem illic stantes, & audientes, dicebant: **S** Eliam vocat iste. **C** Et continuo currens unus ex eis, acceptam spongiam implevit aceto, & imposuit arundini, & dabat ei bibere. Ceteri vero dicebant: **S** Sine, videamus an veniat Elias liberans eum. **C** Jesus autem iterum clamans voce magna, emisit spiritum. (**Hic genuflectitur, & pausatur aliquantulum.**) Et ecce velum templi scissum est in duas partes a summo usque deorsum, & terra mota est, & petrae scissae sunt, & monumenta aperta sunt: & multa corpora Sanctorum, qui dormierant, surrexerunt. Et exeuntes de monumentis post resurrectionem ejus, venerunt in sanctam civitatem, & apparuerunt multis. Centurio autem, & qui cum eo erant, custodientes Jesum, viso terramotu & his quae fiebant, timuerunt valde, dicentes: **S** Verè Filius Dei erat iste. **C** Erant autem ibi mulieres multae à longè, quae secutae erant Jesum à Galilaea, ministrantes ei: inter quas erat Maria Magdalene, & Maria Jacobi, & Joseph mater, & mater filiorum Zebedaei. Cum autem serò factum esset, venit quidam homo dives ab Arimathaea, nomine Joseph, qui & ipse discipulus erat Jesu. Hic accessit ad Pilatum,

& petiit corpus Jesu. Tunc Pilatus jussit reddi corpus. Et accepto corpore, Joseph involvit illud in sindone munda. Et posuit illud in monumento suo novo, quod exciderat in petra. Et advolvit saxum magnum ad ostium monumenti, & abiit. Erat autem ibi Maria Magdalene, & altera Maria, sedentes contra sepulchrum.

Hic dicitur, Munda cor meum. petitur benedictio, defertur incensum sine huminaribus, & incensatur liber: non dicitur, Dominus vobiscum. & Celebrans, aut Diaconus non signat librum, neque seipsum: & quod sequitur, cantatur in tono Evangelii: in cuius fine Celebrans osculatur librum, & incensatur. Quae omnia & in aliis Passionibus servantur, praeterquam Feria sexta in Parasceve.

A Altera autem die, quae est post Parasceven, convenérunt principes sacerdotum, & Pharisei ad Pilatum, dicentes: Domine, recordati sumus, quia seductor ille dixit adhuc vivens: Post tres dies resurgam. Jube ergo custodiri sepulchrum usque in diem tertium, ne forte veniant discipuli ejus, & furentur eum, & dicant plebi: Surrexit à mortuis: Et erit novissimus error peior priore. Ait illis Pilatus: Habetis custodiam, ite, custodite sicut scitis. Illi autem abeuntes, muniérunt sepulchrum, signantes lapidem, cum custodibus. **C**redo.

Offertorium. Psalm. 68. Improperium expectavit cor meum, & miseriam: & sustinui qui simul mecum contristaré-
tur, & non fuit: consolantem me quasi-
sivi, & non inveni: & dederunt in escam meam fel, & in siti mea potaverunt me aceto.

Secreta.

C Oncede, quaesumus Domine, ut oculis tuae majestatis munus oblatum, & gratiam nobis devotionis obtineat, & effectum beatæ perennitatis acquirat. Per Dominum nostrum.

Communio. Matth. 26. Pater, si non potest hic calix transire, nisi bibam illum; fiat voluntas tua. **Postcommunio.**

Per hujus, Domine, operationem mysterii, & vitia nostra purgantur,

tur, & iusta desideria compleantur.
Per Dominum nostrum.

In Missis privatis legitur in fine Evangelium. Cum appropinquasset. ut supra in benedictione Palmarum. fol. III.

F E R I A S E C U N D A

majoris Hebdomadæ.

Statio ad sanctam Praxedem.

Introitus.

Psalm. 34.



Udica Domine nocentes me, expugna impugnantes me: apprehende arma & scutum, & exurge in adiutorium meum, Domine virtus salutis meæ.

Psalm. ibid. Effunde frameam, & concludere adversus eos, qui persequuntur me: dic animæ meæ: Salus tua ego sum. Iudica Domine.

Oratio.

DA, quæsumus omnipotens Deus: ut qui in tot adversis ex nostra infirmitate deficimus, intercedente unigeniti Filii tui passionem respiciamus. Qui tecum vivit & regnat.

Postea vel Ecclesiæ tuæ. vel Deus omnium fidelium. fol. 101.

Lectio Isaïæ Prophætæ. Isaïæ 50. b

IN diebus illis: Dixit Isaïas: Dominus Deus aperuit mihi aurem, ego autem non contradico: retrorsum non abii. Corpus meum dedi percutientibus & genas meas vellentibus: faciem meam non averti ab increpantibus, & conspuentibus in me. Dominus Deus auxiliator meus, ideo non sum confusus: ideo posui faciem meam ut petram durissimam, & scio quoniam non confundar. Juxta est qui justificat me, quis contradicet mihi? Stemus simul. Quis est adversarius meus? accedat ad me. Ecce Dominus Deus auxiliator meus: quis est qui condemnet me? Ecce omnes quasi vestimentum conterentur, tinea comedet eos. Quis ex vobis timens Dominum, audiens vocem servi sui? qui ambulavit in tenebris, & non est lumen ei, speret in nomine Domini, & innitatur super Deum suum.

Graduale. Psalm. 34. Exurge Domine, & intende iudicio meo, Deus meus, & Dominus meus in causam meam.

Effunde frameam, & concludere adversus eos qui me persequuntur.

Tractus. Psalm. 102. Domine, non secundum peccata nostra, quæ fecimus nos: neque secundum iniquitates nostras retribuas nobis.

Psalm. 78. Domine, ne memineris iniquitatum nostrarum antiquarum: cito anticipent nos misericordiae tuæ, quia pauperes facti sumus nimis.

Hic genuflectitur. Adjuva nos Deus salutaris noster, & propter gloriam nominis tui Domine libera nos: & propitius esto peccatis nostris, propter nomen tuum.



Sequentia sancti Evangelii secundum Joannem. Joann. 12.

ANte sex dies Paschæ venit Jesus Bethaniam, ubi Lázarus fuerat mortuus, quem suscitavit Jesus. Fecerunt autem ei coenam ibi: & Martha ministrabat, Lázarus vero unus erat ex discumbentibus cum eo. María ergo accepit libram unguenti nardi pistici pretiosi, & unxit pedes Jesu, & extersit pedes ejus capillis suis: & domus impleta est ex odore unguenti. Dixit ergo unus ex discipulis ejus, Judas Iscariotes, qui erat cum traditurus: Quare hoc unguentum non vendit trecentis denariis, & datum est egenis? Dixit autem hoc, non quia de egenis pertinebat ad eum, sed quia fur erat, & loculos habens, ea, quæ mittebantur, portabat. Dixit ergo Jesus: Sinite illam, ut in diem sepulture meæ servet illud. Pauperes enim semper habetis vobiscum: me autem non semper habetis. Cognovit ergo turba multa ex Judæis quia illic est: & venerunt, non propter Jesum tantum, sed ut Lázarus viderent, quem suscitavit à mortuis.

Offertorium. Psalm. 142. Eripe me de inimicis meis Domine: ad te confugi, doce

doce me facere voluntatem tuam: quia Deus meus es tu. **Secreta.**

Haec sacrificia nos, omnipotens Deus, potenti virtute mundatos, ad suum faciant puriores venire principium. Per Dominum.

Deinde vel Protege nos Domine. **vel** Oblatis, quaesumus. fol. 102.

Communio. Psalm. 34. **E**rubescant, & revereantur simul, qui gratulantur malis meis: induantur pudore & reverentia, qui maligna loquuntur adversus me. **Postcommunio.**

Praebeant nobis, Domine, divinum tua sancta fervorem: quo eorum pariter & actu delectemur, & fructu. Per Dominum nostrum.

Postea vel Quaesumus Domine. **vel** Hæc nos quaesumus. fol. 102.

Super populum. **O**remus.

Humiliate capita vestra Deo. **Oratio.**

Adjuva nos Deus salutaris noster: & ad beneficia recolenda, quibus nos instaurare dignatus es, tribue venire gaudentes. Per Dominum.

F E R I A T E R T I A majoris Hebdomadae.

Statio ad sanctam Priscam.

Introitus.

Galat. 6.



Nos autem gloriari oportet in Cruce Domini nostri Jesu Christi: in quo est salus, vita, & resurrectio nostra: per quem salvati, & liberati sumus. **Psalm. 66.** Deus misereatur nostri, & benedicat nobis: illuminet vultum suum super nos, & misereatur nostri. **N**os autem gloriari. **Oratio.**

Omnipotens, sempiternus Deus, da nobis ita Dominae passionis sacramenta peragere: ut indulgentiam percipere mereamur. Per eundem Dominum.

Postea vel Ecclesiae tuae. **vel** Deus omnium fidelium. fol. 101.

Lectio Jeremiae Prophetæ. **Jer. 11. d.**

In diebus illis: Dixit Jeremias: Domine, demonstrasti mihi, & cognovi: tunc

ostendisti mihi studia eorum. Et ego quasi agnus mansuetus, qui portatur ad victimam: & non cognovi quia cogitaverunt super me consilia, dicentes: Mittamus lignum in panem ejus, & eradamus eum de terra viventium, & nomen ejus non memoretur amplius. Tu autem Domine Sabaoth, qui iudicas iuste, & probas renes & corda, videam ultionem tuam ex eis: tibi enim revelavi causam meam, Domine Deus meus.

Graduale. Psalmus 34. **E**go autem, dum mihi molesti essent, induebam me cilicio, & humiliabam in jejunio animam meam, & oratio mea in sinu meo convertetur. **Ps.** Iudica Domine nocentes me, expugna impugnantes me: apprehende arma, & scutum, & exurge in adiutorium mihi.

Passio Domini nostri Jesu Christi secundum Marcum. **Marc. 14.**

In illo tempore: Erat Pascha & Azyma post bidduum, & quaerebant summi sacerdotes, & Scribae quomodo Jesum dolo tenerent, & occiderent. Dicebant autem: **S** Non in die festo, ne forte tumultus fieret in populo. **C** Et cum esset Jesus Bethaniae, in domo Simonis leprosi, & recumberet: venit mulier habens alabastrum unguenti nardi spicati pretiosi, & fracto alabaistro, effudit super caput ejus. Erant autem quidam indignè ferentes intra semetipsos, & dicentes: **S** Ut quid perditio ista unguenti facta est? Poterat enim unguentum istud vendi plusquam trecentis denariis, & dari pauperibus. **C** Et fremebant in eam. Jesus autem dixit: **+** Sinite eam, quid illi molesti estis? Bonum opus operata est in me. Semper enim pauperes habetis vobiscum: & cum volueritis, potestis illis benefacere: me autem non semper habetis. Quod habuit hæc, fecit: prævenit ungere corpus meum in sepulturam. Amen dico vobis: Ubicumque prædicatum fuerit Evangelium istud in universo mundo, & quod fecit hæc, narrabitur.

tur in memoriam ejus. **C** Et Judas Iscariotes unus de duodecim abiit ad summos sacerdotes, ut pröderet eum illis. Qui audientes gavisi sunt: & promiserunt ei pecuniam se daturos. Et quærebat quomodo illum opportunè traderet. Et primo die Azymorum, quando Pascha immolabant, dicunt ei discipuli: **S** Quò vis eamus, & parèmus tibi ut manduces Pascha? **C** Et mittit duos ex discipulis suis, & dicit eis: **I**te in civitatē: & occurret vobis homo lagenam aquæ bājulans, sequimini eum: & quocūque introierit, dicite domino domus, quia magister dicit: Ubi est refectio mea, ubi Pascha cum discipulis meis manducem? Et ipse vobis demonstrabit coenaculum grande, stratum: & illic parate nobis. **C** Et abiērunt discipuli ejus, & venērunt in civitatem: & invenērunt sicut dixerat illis, & paraverūt Pascha. Vespere autem facto, venit cum duodecim. Et discumbentibus eis, & māducantibus, ait Jesus: **A**men dico vobis, quia unus ex vobis tradet me, qui manducat mecum. **C** At illi coeperunt contristari, & dicere ei singulatim: **S** Numquid ego? **C** Qui ait illis: **U**nus ex duodecim, qui intingit mecum manum in catino. Et Filius quidem hominis vadit sicut scriptum est de eo: vae autem homini illi, per quem Filius hominis tradetur. Bonum erat ei, si non esset natus homo ille. **C** Et manducantibus illis, accepit Jesus panem: & benedicens fregit, & dedit eis, & ait: **S**umite, hoc est corpus meum. **C** Et accepto calice, grātiās agens dedit eis: & bibērunt ex illo omnes. Et ait illis: **H**ic est sanguis meus novi testamēti, qui pro multis effundetur. Amen dico vobis, quia jam nō bibam de hoc genimine vitis usque in diem illum, cum illud bibam novum in regno Dei. **C** Et hymno dicto exiērunt in montem Olivarum. Et ait Jesus: **O**mnes scandalizabimini in me in nocte ista: quia scriptum est: Percutiam pastorem, & dispergentur oves. Sed postquam resurrexero, præ-

cédam vos in Galilæam. **C** Petrus autem ait illi: **S** Et si omnes scandalizati fuerint in te, sed non ego. **C** Et ait illi Jesus: **A**men dico tibi, quia tu hodie in nocte hac, priusquam gallus vocem bis dederit, ter me es negaturus. **C** At ille amplius loquebatur: **S** Et si oportuerit me simul commori tibi, non te negabo. **C** Similiter autem & omnes dicebant. Et veniunt in prædium, cui nomen Gethsémani. Et ait discipulis suis: **S**edete hic donec orem. **C** Et assūmit Petrum, & Jacobum, & Joānnem secum: & coepit pavere, & tædere. Et ait illis: **T**ristis est anima mea usque ad mortem: sustinete hic, & vigilate. **C** Et cum processisset paululum, procidit super terram: & orabat, ut si fieri posset, transiret ab eo hora: & dixit: **A**bbā Pater, omnia tibi possibilia sunt, transfer calicem hunc à me, sed non quod ego volo, sed quod tu. **C** Et venit, & invenit eos dormientes. Et ait Petro: **S**imon, dormis? non potuisti una hora vigilare? Vigilate, & orate, ut non intrētis in tentationem. Spiritus quidem promptus est, caro verò infirma. **C** Et iterum abiens oravit, eundem sermonem dicens. Et reversus, denudò invenit eos dormientes, (erant enim oculi eorum gravati) & ignorabant quid responderent ei. Et venit tertio, & ait illis: **D**ormite jam, & requiescite. Sufficient: venit hora: ecce Filius hominis tradetur in manus peccatorum. Surgite, eamus: Ecce qui me tradet, propè est. **C** Et, adhuc eo loquente, venit Judas Iscariotes, unus de duodecim, & cum eo turba multa, cum gladiis, & lignis, à summis sacerdotibus, & Scribis, & senioribus. Déderat autem traditore ejus signum eis, dicens: **Q**uemcūque osculatus fuero, ipse est, tenete eum, & ducite cautè. **C** Et cum venisset, statim accedens ad eum, ait: **A**ve Rabbi: **C** Et osculatus est eum. At illi manus iniecerunt in eum, & tenuerunt eum. Unus autem quidam de circumstantibus educens gladium, percussit servum summi sacer-

sacerdotis : & amputavit illi auriculam. Et respondens Jesus, ait illis : **✠** Tamquam ad latronem existis cum gladiis, & lignis comprehendere me? quotidie eram apud vos in templo docens, & non me tenuistis. Sed ut impleantur Scripturæ. **C** Tunc discipuli ejus relinquentes eum, omnes fugerunt. Adolenscens autem quidam sequebatur eum amictus sindone super nudo : & tenuerunt eum. At ille, rejecta sindone, nudus profugit ab eis. Et adduxerunt Jesum ad summum sacerdotem : & conveniunt omnes Sacerdotes, & Scribæ, & seniores. Petrus autem à longè secutus est eum, usque intro in atrium summi sacerdotis : & sedebat cum ministris ad ignem, & calefaciebat se. Summi verò sacerdotes, & omne concilium quærebant adversus Jesum testimonium, ut eum morti traderent, nec inveniabant. Multi enim testimonium falsum dicebant adversus eum : & convenientia testimonia non erant. Et quidam surgentes, falsum testimonium ferebant adversus eum, dicentes : **S** Quoniam nos audivimus eum dicentem : Ego dissolvam templum hoc manufactum, & per triduum aliud non manufactum ædificabo. **C** Et non erat conveniens testimonium illorum. Et exurgens summus Sacerdos in medium, interrogavit Jesum, dicens : **S** Non respondes quidquam ad ea, quæ tibi objiciuntur ab his? **C** Ille autem tacebat, & nihil respondit. Rursum summus sacerdos interrogabat eum, & dixit ei : **S** Tu es Christus Filius Dei benedicti? **C** Jesus autem dixit illi : **✠** Ego sum : & videbitis Filium hominis sedentem à dextris virtutis Dei, & venientem cum nubibus cæli. **C** Summus autem sacerdos scindens vestimenta sua, ait : **S** Quid adhuc desideramus testes? Audistis blasphemiam : quid vobis videtur? **C** Qui omnes condemnaverunt eum esse reum mortis. Et coeperunt quidam conspuere eum, & velare faciem ejus, & colaphis eum cedere, & dicere ei : **S** Prophetiza. **C** Et ministri

alapis eum cædebant. Et cum esset Petrus in atrio deorsum, venit una ex ancillis summi Sacerdotis : & cum vidisset Petrum calefacientem se, aspiciens illum, ait : **S** Et tu cum Jesu Nazaræno eras. **C** At ille negavit, dicens : **S** Neque scio, neque novi quid dicas. **C** Et exiit foras ante atrium, & gallus cantavit. Rursum autem cum vidisset illum ancilla, coepit dicere circumstantibus : Quia hic ex illis est. At ille iterum negavit. Et post pusillum rursus qui astabant, dicebant Petro : **S** Verè ex illis es : nam & Galilæus es. **C** Ille autem coepit anathematizare, & jurare : Quia nescio hominem istum, quem dicitis. Et statim gallus iterum cantavit. Et recordatus est Petrus verbi, quod dixerat ei Jesus : Priusquam gallus cantet bis, ter me negabis. Et coepit flere. Et confestim, manè consilium facientes summi sacerdotes, cum senioribus, & Scribis, & universo concilio, vincientes Jesum, duxerunt, & tradiderunt Pilato. Et interrogavit eum Pilatus : **S** Tu es Rex Judæorum? **C** At ille respondens, ait illi : **✠** Tu dicis. **C** Et accusabant eum summi sacerdotes in multis. Pilatus autem rursus interrogavit eum, dicens : **S** Non respondes quidquam? vide in quantis te accusant. **C** Jesus autem amplius nihil respondit, ita ut miraretur Pilatus. Per diem autem festum solébat dimittere illis unum ex vincitis, quemcunque petissent. Erat autem qui dicebatur Barabbas, qui cum seditionis erat vincitus, qui in seditione fecerat homicidium. Et cum ascendisset turba, coepit rogare, sicut semper faciebat illis. Pilatus autem respondit eis, & dixit : **S** Vultis dimittam vobis Regem Judæorum? **C** Sciebat enim quod per invidiam tradidissent eum summi sacerdotes. Pontifices autem concitaverunt turbam, ut magis Barabbam dimitteret eis. Pilatus autem iterum respondens, ait illis : **S** Quid ergo vultis faciam Regi Judæorum? **C** At illi iterum clamaverunt : **S** Crucifige eum. **C** Pilatus verò dicebat illis :

illis: **S** Quid enim mali fecit? **C** At illi magis clamabant: **S** Crucifige eum. **C** Pilátus autem volens pópulo satisfácere, dimísit illis Barábbam, & trádedit Jesum flagéllis cæsum, ut crucifigerétur. Mílités autem duxérunt eum in átrium prætorii, & cónvocant totam cohórtem, & induunt eum púrpura, & impónunt ei plecténtes spíneam coronam. Et cœpérunt salutáre eum: Ave Rex Judæórum. Et percutiébant caput ejus arúndine: & conspuébant eum, & ponéntes génuá, adorábant eum. Et postquam illusérunt ei, exuérunt illum púrpura, & induérunt eum vestiméntis suis: & edúcant illum, ut crucifigerent eum. Et angariavérunt prætereúntem quémpiam, Simónem Cyrenæum, veniéntem de villa, patrem Alexándri, & Rufi, ut tólleret crucem ejus. Et perdúcant illum in Gólgotha locum, quod est interpretátum Calváriæ locus. Et dabant ei bíbere myrrhátum vinum: & non accépit. Et crucifigéntes eum, divisérunt vestiménta ejus, mitténtes sortem super eis, quis quid tólleret. Erat autem hora tertia: & crucifixérunt eum. Et erat titulus causæ ejus inscriptus: Rex Judæórum. Et cum eo crucifigunt duos latrónes: unum à dextris, & álium à sinístris ejus. Et impléta est Scriptúra, quæ dicit: Et cum iníquis reputátus est. Et prætereúntes blasphemábant eum, movéntes cápita sua, & dicéntes: **S** Vah, qui destruis templum Dei, & in tribus diébus reædificas: salvum fac temetípsum descéndens de Cruce. **C** Simíliter & summi sacerdótes illudéntes, ad alterútrum cum Scribis dicébant: **S** Alios salvos fecit, seípsum non potest salvum fácere. Christus Rex Israel descéndat nunc de cruce, ut videámus, & credámus. **C** Et qui cum eo crucifixi erant, convitiábantur ei. Et facta hora sexta, ténebræ factæ sunt per totam terram, usque in horam nonam. Et hora nona exclamávit Jesus voce magna, dicens: **✠** Eloi, Eloi, lamma sabácthani? **C** Quod est

interpretátum: **✠** Deus meus, Deus meus, ut quid dereliquísti me? **C** Et quidam de circumstántibus audiéntes, dicébant: **S** Ecce Eliam vocat. **C** Currens autem unus, & implens spóngiam acéto, circumponénsque calámo, potum dabat ei, dicens: **S** Sínite, videámus, si veniat Eliás ad deponéndum eum. **C** Jesus autem emissá voce magna expirávit. (**Hic genuflectitur, & pausat aliquantulum.**) Et velum templi scissum est in duo, à summo usque deorsum. Videns autem Centúrio, qui ex advérso stabat, quia sic clamans expiráset, ait: **S** Verè hic homo Fílius Dei erat. **C** Erant autem & mulieres de longè aspiciéntes: inter quas erat María Magdaléne, & María Jacóbi minóris, & Joseph mater, & Salóme: & cum esset in Galilæa, sequebantur eum, & ministrábant ei, & áliæ multæ, quæ simul cum eo ascénderant Jerosólymam.

Quod sequitur, cantatur in tono Evangelii. & alia sunt, ut supra.

ET cum jam serò esset factum (quia erat Parasceve, quod est ante Sábbatum) venit Joseph ab Arimathæa nobílis decúrio, qui & ipse erat expéctans regnum Dei, & audácter introívit ad Pilátum, & pétiiit corpus Jesu. Pilátus autem mirabátur si jam obiisset. Et accersito Centurióne, interrogávit eum si jam mórtuus esset. Et cum cognovisset à Centurióne, donávit corpus Joseph. Joseph autem mercátus síndonem, & depónens eum invólvit sídone, & pósuit eum in monuménto, quod erat excísum de petra, & advólvit lápidem ad óstium monuménti.

Offertorium. Psalm. 139. Custódi me Dómine de manu peccatóris: & ab homínibus iníquis éripe me.

Secreta.

Sacrificia nos, quæsumus Dómine, propénsius ista restáurent: quæ medicínalibus sunt institúta jejúniis. Per Dóminum nostrum.

Dein-

Deinde vel *Prótege nos, vel O* blátis quæsumus. fol. 102.

Communio. Psalm. 68. *A*dvèrsùm me exercebántur, qui sedébant in porta: & in me pfallébant, qui bibébant vinum: ego verò orationem meam ad te Dómine: tempus benepláciti Deus in multitúdine misericórdiæ tuæ. **Postcommunio.**

Sanctificatióibus tuis, omnipotens Deus, & vítia nostra curentur: & remédia nobis sempiterna provéniant. Per Dóminum nostrum.

Postea vel *Quæsumus Dómine, vel* *Hæc nos, quæsumus.* fol. 102.

Super populum. Oremus.

Humiliáte cápita vestra Deo. **Oratio.**

Tua nos misericórdia, Deus, & ab omni subreptione vetustátis expúrget: & capáces sanctæ novitátis efficiat. Per Dóminum nostrum.

F E R I A Q U A R T A

majoris Hebdomadae.

Statio ad S. Mariam Majorem.

Introitus. Philip. 2.



Nómine Jesu omne genu flectátur, cæléstium, ter-réstium, & infernórum, quia Dóminus factus est obédiens usque ad mor-

tem, mortem autem crucis: ideo Dóminus Jesus Christus in glória est Dei Patris. **Psalmus 101.** Dómine exáudi orationem meam: & clamor meus ad te véniat. **In nómine Jesu.**

Post Kyrie eléison. dicitur Oremus. Flectámus gènu. **R.** Leváte. **Oratio.**

Præsta quæsumus omnipotens Deus: ut qui nostris excéssibus incessánter affligimur, per unigéniti Filii tui passió-nem liberémur. Qui tecum vivit, &c.

Lectio Isaíæ Prophétæ. Isaíæ 62. d

Hæc dicit Dóminus Deus: Dícite filiæ Sion: Ecce Salvátor tuus ve-nit: ecce merces ejus cum eo. Quis est iste, qui venit de Edom, tinctis véstibus de Bosra? Iste formósus in stola sua, grádiens in multitúdine fortitúdinis suæ.

Ego, qui loquor justitiam, & propugná-tor sum ad salvándum. Quare ergo ru-brum est indumentum tuum, & vesti-ménta tua sicut calcántium in torculá-ri? Tórcular calcávi solus, & de Gén-tibus non est vir mecum: calcávi eos in furóre meo, & conculcávi eos in ira mea: & aspérsus est sanguis eórum su-per vestiménta mea, & ómnia indu-ménta mea inquinávi. Dies enim ul-tiónis in corde meo, annus redemptió-nis meæ venit. Circumspéxi, & non erat auxiliátor: quæsiui, & non fuit qui adjuváret: & salvávit mihi brá-chium meum, & indignatio mea ipsa auxiliáta est mihi. Et conculcávi pópu-los in furóre meo, & inebriávi eos in in-dignatióne mea, & detráxi in terram virtútem eórum. Misératiónum Dó-mini recordábor, laudem Dómini su-per ómnibus, quæ réddidit nobis Dó-minus Deus noster.

Graduale. Psalm. 68. **N**e avértas faciém tuam à püero tuo, quóniam tribulor: velóciter exáudi me. **Ps.** Salvum me fac Deus, quóniam intravérunt aquæ usque ad ánimam meam: infixus sum in limo profúndi, & non est substantia.

Hic dicitur Dóminus vobíscum. sine Flectámus gènu. **Oratio.**

Deus, qui pro nobis Fílium tñm crucis patíbulum subíre voluísti, ut inimíci à nobis expélleres potestá-tem: concéde nobis sámulis tuis, ut resurrectiόνis grátiam consequámur. Per eúndem Dóminum nostrum.

Postea vel *Ecclesiæ tuæ, vel Deus* ómnium fidélium. fol. 101.

Lectio Isaíæ Prophétæ. Isaíæ 53.

In diébus illis: Dixit Isaías: Dómi-ne, quis crédidit auditui nostro? & bráchium Dómini cui revelátum est? Et ascéndet sicut virgúltum coram eo, & sicut radix de terra sitiénti: non est spé-cies ei, neque decor: & vídimus eum, & non erat aspéctus, & desiderávimus eum: Despéctum, & novíssimum vi-rórum, virum dolórum, & sciéntem infir-

infirmi-
tatem: & quasi absconditus vul-
tus ejus & despectus, unde nec reputa-
vimus eum. Verè languores nostros ipse
tulit, & dolores nostros ipse portavit:
& nos putavimus eum quasi leprosum,
& percussum à Deo, & humiliatum.
Ipse autem vulneratus est propter ini-
quitates nostras, attritus est propter scé-
lera nostra: disciplina pacis nostræ su-
per eum, & livore ejus sanati sumus.
Omnes nos quasi oves erravimus, unus-
quisque in viam suam declinavit: &
posuit Dominus in eo iniquitatem om-
nium nostrum. Oblatus est quia ipse
voluit, & non aperuit os suum: sicut
ovis ad occisionem ducetur, & quasi
agnus coram tondente se obmutescet,
& non aperiet os suum. De angustia,
& de iudicio sublatus est: generatio-
nem ejus quis enarrabit? Quia abscessus
est de terra viventium: propter scelus
populi mei percussus eum. Et dabit im-
pios pro sepultura, & divitem pro mor-
te sua: eo quod iniquitatem non fece-
rit, neque dolus fuerit in ore ejus. Et
Dominus voluit conterere eum in infir-
mitate: si posuerit pro peccato animam
suam, videbit semen longævum, &
voluntas Domini in manu ejus dirigetur.
Pro eo quod laboravit anima ejus,
videbit, & saturabitur: in scientia sua
justificabit ipse justus servus meus mul-
tos, & iniquitates eorum ipse portabit.
Ideo disperdiam ei plurimos: & for-
tium dividet spolia, pro eo quod tradi-
dit in mortem animam suam, & cum
sceleratis reputatus est: & ipse peccata
multorum tulit, & pro transgres-
sionibus rogavit.

Tractus. Psalm. 101. Domine exaudi
orationem meam, & clamor meus ad
te veniat. **Ps.** Ne avertas faciem tuam
à me: in quacumque die tribulor, in-
clina ad me aurem tuam.

Ps. In quacumque die invocavero te,
velociter exaudi me. **Ps.** Quia defecerunt
sicut fumus dies mei: & ossa mea
sicut in frixorio confricta sunt.

Ps. Percussus sum sicut fœnum, & aruit
cor meum: quia oblitus sum mandu-
care panem meum.

Ps. Tu exurgens Domine miserereberis
Sion: quia venit tempus miserendi ejus.

**Passio Domini nostri Jesu Christi se-
cundum Lucam. Lucæ 22.**

IN illo tempore: Appropinquabat
dies festus Azymorum, qui dicitur
Pascha: & quærebant principes sa-
cerdotum, & Scribæ, quomodo Jesum
interficerent: timebant verò plebem. In-
travit autem sathanas in Judam, qui co-
gnominabatur Iscariotes, unum de duode-
cim. Et abiit, & locutus est cum prin-
cipibus sacerdotum, & magistratibus,
quemadmodum illum traderet eis. Et
gavisi sunt, & pacti sunt pecuniam illi
dare. Et spopondit. Et quærebat op-
portunitatem ut traderet illum sine tur-
bis. Venit autem dies Azymorum, in
qua necesse erat occidi Pascha. Et misit
Petrum, & Joannem, dicens: **✠** Eun-
tes parate nobis Pascha, ut manducé-
mus. **C** At illi dixerunt: **S** Ubi vis pa-
rémus? **C** Et dixit ad eos: **✠** Ecce in-
troeuntibus vobis in civitatem, occurret
vobis homo quidam amphoram aquæ
portans: sequimini eum in domum, in
quam intrat, & dicetis patrifamilias do-
mus: Dicit tibi Magister: Ubi est diver-
sorium, ubi Pascha cum discipulis meis
manducem? Et ipse ostendet vobis co-
naculum magnum stratum, & ibi parate.
C Euntes autem, invenérunt sicut
dixit illis, & paravérunt Pascha. Et cum
facta esset hora, discubuit, & duodecim
Apóstoli cum eo. Et ait illis: **✠** Desidé-
rio desideravi hoc Pascha manducare
vobiscum, antequam patiar. Dico enim
vobis, quia ex hoc non manducabo illud,
donec impleatur in regno Dei. **C** Et ac-
cepto cálice grátias egit, & dixit: **✠** Ac-
cípите, dividite inter vos. Dico enim
vobis quod non bibam de generatione vi-
tis, donec regnum Dei veniat. **C** Et accé-
pto pane grátias egit, & fregit, & dedit
eis,

eis, dicens: ✠ Hoc est corpus meum, quod pro vobis datur: hoc facite in meam commemorationem. C Similiter & calicem, postquam coenavit, dicens: ✠ Hic est calix novum testamentum in sanguine meo, qui pro vobis fundetur. Verumtamen ecce manus tradentis me, mecum est in mensa. Et quidem Filius hominis, secundum quod definitum est, vadit: verumtamen vae homini illi, per quem tradetur. C Et ipsi coeperunt querere inter se, quis esset ex eis, qui hoc facturum esset. Facta est autem & contentio inter eos, quis eorum videretur esse major. Dixit autem eis: ✠ Reges Gentium dominantur eorum: & qui potestatem habent super eos, benefici vocantur. Vos autem non sic: sed qui major est in vobis, fiat sicut minor: & qui praecessor est, sicut ministrator. Nam quis major est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat: vos autem estis, qui permansistis mecum in tentationibus meis. Et ego dispono vobis sicut disposuit mihi Pater meus regnum, ut edatis, & bibatis super mensam meam in regno meo: & sedeatis super thronos, iudicantes duodecim tribus Israel. C Ait autem Dominus: ✠ Simon, Simon, ecce satanas expetivit vos ut cribraret sicut triticum: Ego autem rogavi pro te ut non deficiat fides tua: & tu aliquando conversus confirma fratres tuos. C Qui dixit ei: S Domine, tecum paratus sum & in carcerem, & in mortem ire. C At ille dixit: ✠ Dico tibi, Petre: Non cantabit hodie gallus, donec ter abneges nosse me. C Et dixit eis: ✠ Quando misi vos sine sacco, & pera, & calceamentis, numquid aliquid defuit vobis? C At illi dixerunt: S Nihil. C Dixit ergo eis: ✠ Sed nunc qui habet sacculum, tollat similiter & peram: & qui non habet, vendat tunicam suam, & emat gladium. Dico enim vobis, quoniam adhuc hoc, quod scriptum est, oportet impleri in me: Et cum iniquis deputatus est. Etenim

ea, quae sunt de me, finem habent. C At illi dixerunt: S Domine, ecce duo gladii hic. C At ille dixit eis: ✠ Satis est. C Et egressus ibat secundum consuetudinem in montem Olivarum. Secuti sunt autem illum & discipuli. Et cum pervenisset ad locum, dixit illis: ✠ Orate ne intratis in tentationem. C Et ipse avulsus est ab eis quantum iactus est lapidis: & positis genibus orabat, dicens: ✠ Pater, si vis, transfer calicem istum a me: verumtamen non mea voluntas, sed tua fiat. C Apparuit autem illi Angelus de caelo confortans eum. Et factus in agonia, prolixius orabat. Et factus est sudor ejus, sicut guttae sanguinis decurrentis in terram. Et cum surrexisset ab oratione, & venisset ad discipulos suos, invenit eos dormientes praeter tristitia. Et ait illis: ✠ Quid dormitis? surgite, orate, ne intratis in tentationem. C Adhuc eo loquente, ecce turba: & qui vocabatur Judas, unus de duodecim, antecederat eos: & appropinquavit Jesu ut oscularetur eum. Jesus autem dixit illi: ✠ Judas, osculo Filium hominis tradis? C Videntes autem hi, qui circa ipsum erant, quod futurum erat, dixerunt ei: S Domine, si percutimus in gladio? C Et percussit unus ex illis servum principis sacerdotum, & amputavit auriculam ejus dexteram. Respondens autem Jesus, ait: ✠ Sinite usque huc. C Et cum tetigisset auriculam ejus, sanavit eum. Dixit autem Jesus ad eos, qui venerant ad se, principes sacerdotum, & magistratus templi, & seniores: ✠ Quasi ad latronem existis cum gladiis, & fustibus? Cum quotidie vobiscum fuerim in templo, non extendistis manus in me: sed haec est hora vestra, & potestas tenebrarum. C Comprehendentes autem eum, duxerunt ad domum principis sacerdotum: Petrus vero sequebatur a longe. Accenso autem igne in medio atrii, & circumsedentibus illis, erat Petrus in medio eorum. Quem cum vidisset ancilla quaedam sedentem ad lumen, &

eum fuisset intuíta, dixit: **S** Et hic cum illo erat. **C** At ille negávit eum, dicens: **S** Múlier, non novi illum. **C** Et post pusillum álius videns eum, dixit: **S** Et tu de illis es. **C** Petrus verò ait: **S** O homo non sum. **C** Et intervállo facto quasi horæ unius, álius quidam affirmábat, dicens: **S** Verè & hic cum illo erat: nam & Galilæus est. **C** Et ait Petrus: **S** Homo, nescio quid dicis. **C** Et continuò adhuc illo loquente cantávit gallus. Et convérsus Dóminus respéxit Petrum. Et recordátus est Petrus verbi Dómini, sicut díxerat: Quia priúsq̃am gallus cantet, ter me negábis. Et egréssus foras Petrus flevit amárè. Et viri, qui tenébant illum, illudébant ei, cædéntes. Et velavérunt eum, & percutiébant faciém ejus: & interrogábant eum, dicéntes: **S** Prophetíza, quis est, qui te percússit? **C** Et ália multa blasphemántes dicébant in eum. Et ut factus est dies, convenérunt senióres plebis, & príncipes sacerdotum, & Scribæ, & duxérunt illum in concílium suum, dicéntes: **S** Si tu es Christus, dic nobis. **C** Et ait illis: **✠** Si vobis díxero, non credétis mihi: si autem & interrogávero, non respondébitis mihi, neque dimittétis. Ex hoc autem erit Fílius hóminis sedens à dextris virtútis Dei. **C** Dixérunt autem omnes: **S** Tu ergo es Fílius Dei? **C** Qui ait: **✠** Vos dicitis, quia ego sum. **C** At illi díxérunt: **S** Quid adhuc desiderámus testimónium? ipsi enim audívimus de ore ejus. **C** Et surgens omnis multitúdo eórum, duxérunt illum ad Pilátum. Cœpérunt autem illum accusáre, dicéntes: **S** Hunc invénimus subverténtem gétem nostram, & prohibéntem tribúta dari Cæsari, & dicéntem se Christum regem esse. **C** Pilátus autem interrogávit eum, dicens: **S** Tu es Rex Judæórum? **C** At ille respondens, ait: **✠** Tu dicis. **C** Ait autem Pilátus ad príncipes sacerdotum, & turbas: **S** Nihil invénio causæ in hoc hómine. **C** At illi invalescébant, dicéntes: **S** Cómmoveat pópulum, docens

Miss.

per univérsam Judæam, incípiens à Galilæa usque huc. **C** Pilátus autem áudiens Galilæam, interrogávit si homo Galilæus esset. Et ut cognóvit quòd de Heródis potestáte esset, remísit eum ad Heródem, qui & ipse Jerosólymis erat illis diébus. Heródes autem viso Jesu, gavísus est valdè. Erat enim cúpiens ex multo témpore vidére eum, eò quòd audierat multa de eo, & sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, & Scribæ constánter accusántes eum. Sprevit autem illum Heródes cum exercitu suo: & illúsit indútum veste alba, & remísit ad Pilátum. Et facti sunt amíci Heródes & Pilátus in ipsa die: nam ántea inimíci erant ad invicem. Pilátus autem convocáti príncípibus sacerdotum, & magistrátibus, & plebe, dixit ad illos: **S** Obtulistis mihi hunc hóminem, quasi averténtem pópulum, & ecce ego coram vobis intérrogans, nullam causam invénio in hómine isto ex his, in quibus eum accusátis. Sed neque Heródes: nam remísi vos ad illum, & ecce nihil dignum morte actum est ei. Emendátum ergo illum dimittam. **C** Necesse autem habébat dimittere eis per diem festum, unum. Exclamávit autem simul univérſa turba, dicens: **S** Tolle hunc, & dimítte nobis Barábbam, **C** qui erat propter seditió-nem quamdam factam in civitate & homicídium, missus in cárcerem. Iterum autem Pilátus locútus est ad eos, volens dimittere Jesum. At illi succlamábant, dicéntes: **S** Crucifige, crucifige eum. **C** Ille autem tertió dixit ad illos: **S** Quid enim mali fecit iste? nullam causam mortis invénio in eo: corripiam ergo illum, & dimittam. **C** At illi instábant vóciſus magnis postulántes ut crucifigerétur: & invalescébant voces eórum. Et Pilátus adjudicávit fieri petitió-nem eórum. Dimísit autem illis eum, qui propter homicídium,

l

& se-

& seditionem missus fuerat in carcerem, quem petebant: Jesum vero tradidit voluntati eorum. Et cum ducerent eum, apprehenderunt Simonem quemdam Cyrenensem, venientem de villa: & imposuerunt illi crucem portare post Jesum. Sequebatur autem illum multa turba populi, & mulierum: quae plangebant, & lamentabantur eum. Conversus autem ad illas Jesus, dixit: **✠** Filiae Ierusalem, nolite flere super me, sed super vos ipsas flete, & super filios vestros. Quoniam ecce venient dies, in quibus dicent: Beatae steriles, & ventres, qui non genuerunt, & ubera, quae non lactaverunt. Tunc incipient dicere montibus: Cadite super nos. Et collibus: Operite nos. Quia si in viridi ligno haec faciunt, in arido quid fiet? **C** Ducebantur autem & alii duo nequam cum eo, ut interficerentur. Et postquam venerunt in locum, qui vocatur Calvariae, ibi crucifixerunt eum: & latrones, unum a dextris, & alterum a sinistris. Jesus autem dicebat: **✠** Pater, dimitte illis: non enim sciunt quid faciunt. **C** Dividentes vero vestimenta ejus, miserunt fortes. Et stabat populus spectans, & deridebant eum principes cum eis, dicentes: **S** Alios salvos fecit, se salvum faciat, si hic est Christus Dei electus. **C** Illudebant autem ei & milites accedentes, & acetum offerentes ei, & dicentes: **S** Si tu es Rex Judaeorum, salvum te fac. **C** Erat autem & superscriptio scripta super eum litteris Graecis, & Latinis, & Hebraicis: Hic est Rex Judaeorum. Unus autem de his, qui pendebant, latronibus, blasphemabat eum, dicens: **S** Si tu es Christus, salvum fac te ipsum, & nos. **C** Respondens autem alter increpabat eum, dicens: **S** Neque tu times Deum, quod in eadem damnatione es. Et nos quidem iuste, nam digna factis recipimus: hic vero nihil mali gessit. **C** Et dicebat ad Jesum: **S** Domine, memento mei, cum veneris in regnum tuum. **C** Et dixit illis Jesus:

✠ Amen dico tibi: Hodie mecum eris in Paradiso. **C** Erat autem fere hora sexta, & tenebrae factae sunt in universam terram usque in horam nonam. Et obscuratus est sol: & velum templi scissum est medium. Et clamans voce magna Jesus, ait: **✠** Pater, in manus tuas commendo spiritum meum. **C** Et haec dicens, expiravit. (**Hic genuflectitur, & pausatur aliquantulum.**) Videns autem Centurio quod factum fuerat, glorificavit Deum, dicens: **S** Verè hic homo justus erat. **C** Et omnis turba eorum, qui simul aderant ad spectaculum istud, & videbant quae fiebant, percutientes pectora sua revertebantur. Stabant autem omnes noti ejus a longe: & mulieres, quae secutae eum erant a Galilaea, haec videntes.

Quod sequitur, legitur in tono Evangelii, & alia sunt, ut supra in Dominica.

ET ecce vir nomine Joseph, qui erat decurio, vir bonus, & justus: hic non consenserat consilio, & actibus eorum, ab Arimathaea civitate Judaeae, qui expectabat & ipse regnum Dei. Hic accessit ad Pilatum, & petiit corpus Jesu: & depositum involvit sindone, & posuit eum in monumento exciso, in quo nondum quisquam positus fuerat.

Offertorium. Psalmus 101. Domine exaudi orationem meam, & clamor meus ad te perveniat: ne avertas faciem tuam a me. **Secreta.**

Suscipe, quaesumus Domine, munus oblatum, & dignanter operare: ut quod passionis Filii tui Domini nostri mysterio gerimus, piis affectibus consequamur. Per eundem Dominum.

Deinde vel Protege nos. *vel* Oblatis quaesumus. fol. 102.

Communio. ibid. Potum meum cum fletu temperabam: quia elevans allisisti me: & ego sicut foenum arui: tu autem Domine in aeternum permanes: tu exurgens miseraberis Sion, quia venit tempus miserendi ejus.

Post-

Postcommunio.

L Argire sensibus nostris omnipotens Deus: ut, per temporalem Filii tui mortem, quam mysteria veneranda testantur, vitam te nobis dedisse perpetuam confidamus. Per eundem Dominum nostrum.

Postea vel Quæsumus Domine. vel Hæc nos, quæsumus. fol. 102.

Super populum. Orémus.

Humiliate capita vestra Deo. Oratio.

R Espice, quæsumus Domine, super hanc familiam tuam, pro qua Dominus noster Jesus Christus non dubitavit manibus tradi nocentium, & crucis subire tormentum. Qui tecum vivit.

F E R I A Q U I N T A
in Coena Domini.

Statio ad S. Joannem in Laterano.

Introitus.

Galat. 6.



N Os autem gloriari oportet in Cruce Domini nostri Jesu Christi, in quo est salus, vita, & resurrectio nostra: per quem salvati, & liberati sumus. Psalm. 66. Deus misereatur nostri, & benedicat nobis: illuminet vultum suum super nos, & misereatur nostri. Nos autem gloriari.

Dicitur Gloria in excelsis. & tunc pulsantur campanæ, & deinceps non amplius usque ad Sabbatum sanctum. Oratio.

D Deus, à quo & Judas reatus sui poenam, & confessionis suæ latro præmium sumpsit: concede nobis tuæ propitiationis effectum, ut sicut in passionem suam Jesus Christus Dominus noster diversa utrisque intulit stipendia meritum, ita nobis, ablato vetustatis errore, resurrectionis suæ gratiam largiatur. Qui tecum vivit, & regnat.

Et hæc Oratio tantum dicitur.

Lectio Epistolæ beati Pauli Apostoli ad Corinthios. I. Cor. 11. d.

F Ratres, Convenientibus vobis in Unum, jam non est Dominicam coenam manducare. Unusquisque enim

suam coenam præsumit ad manducandum. Et alius quidem esurit: alius autem ebrius est. Numquid domos non habetis ad manducandum, & bibendum? aut Ecclesiam Dei contemnitis, & confunditis eos, qui non habent? Quid dicam vobis? Laudo vos? in hoc non laudo. Ego enim accepi à Domino quod & tradidi vobis, quoniam Dominus Jesus in qua nocte tradebatur, accepit panem, & gratias agens fregit, & dixit: Accipite, & manducate: hoc est corpus meum, quod pro vobis tradetur: hoc facite in meam commemorationem. Similiter & calicem, postquam coenavit, dicens: Hic calix novum testamentum est in meo sanguine. Hoc facite quotiescunque bibetis, in meam commemorationem. Quotiescunque enim manducabitis panem hunc, & calicem bibetis: mortem Domini annuntiabitis donec veniat. Itaque quicumque manducaverit panem hunc, vel biberit calicem Domini indignè: reus erit corporis, & sanguinis Domini. Probet autem seipsum homo, & sic de pane illo edat, & de calice bibat. Qui enim manducat, & bibit indignè, judicium sibi manducat, & bibit: non judicans corpus Domini. Ideo inter vos multi infirmi & imbecilles, & dormiunt multi. Quod si nosmetipsos judicaremus, non utique judicaremur. Dum judicamur autem, à Domino corripiamur, ut non cum hoc mundo damnemur.

Graduale. Philip. 2. Christus factus est pro nobis obediens usque ad mortem, mortem autem crucis.

Propter quod & Deus exaltavit illum, & dedit illi nomen, quod est super omne nomen.



Sequentia sancti Evangelii secundum Joannem. Joann. 13.

A Nte diem festum Paschæ, sciens Jesus quia venit hora ejus ut transeat ex hoc mundo ad Patrem: cum dilexisset suos, qui erant in mundo, in finem dilexit eos. Et coena facta,

facta, cum diabolus jam misisset in cor, ut traderet eum Judas Simónis Iscariótæ: sciens quia omnia dedit ei Pater in manus, & quia à Deo exiit, & ad Deum vadit: surgit à coena, & ponit vestimenta sua: & cum accepisset linteam, præcinxit se. Deinde mittit aquam in pelvim, & coepit lavare pedes discipulorum, & extergere linteo, quo erat præcinctus. Venit ergo ad Simónem Petrum. Et dicit ei Petrus: Dómine, tu mihi lavas pedes? Respondit Jesus, & dixit ei: Quod ego facio, tu nescis modò, scies autem postea. Dicit ei Petrus: Non lavabis mihi pedes in ætérnum. Respondit ei Jesus: Si non lávero te, non habebis partem mecum. Dicit ei Simon Petrus: Dómine, non tantum pedes meos, sed & manus, & caput. Dicit ei Jesus: Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciebat enim quisnam esset qui traderet eum: propterea dixit: Non estis mundi omnes. Postquam ergo lavit pedes eorum, & accepit vestimenta sua: cum recubisset iterum, dixit eis: Scitis quid fecerim vobis? Vos vocatis me Magister, & Dómine: & benè dicitis: sum etenim. Si ergo ego lavi pedes vestros, Dóminus, & Magister: & vos debétis alter alterius lavare pedes. Exemplum enim dedi vobis, ut quemadmodum ego feci vobis, ita & vos faciátis. **Credo.**

Offertorium. Psalm. 117. Dextera Dómini fecit virtutem, dextera Dómini exaltavit me: non móriar, sed vivam, & narrábo ópera Dómini. **Secreta.**

Ipsé tibi, quæsumus Dómine sancte, Pater omnipotens, ætérne Deus, sacrificium nostrum reddat acceptum, qui discipulis suis in sui commemorationem hoc fieri hodierna traditione monstravit, Jesus Christus Filius tuus Dóminus noster: Qui tecum vivit, & regnat.

Præfatio de Cruce. Qui salutem humani generis. fol. 176.

Infra actionem.

Communicantes, & diem sacratissimum celebrantes, quo Dóminus noster Jesus Christus pro nobis est traditus: sed & memoriám venerantes, in primis gloriósæ semper vîrginis Mariæ, genitrícis ejúsdem Dei, & Dómini nostri Jesu Christi: sed & beatórum Apostolorum, ac Mártýrum tuórum, Petri, & Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis, & Thaddæi: Lini, Cleti, Clementis, Xysti, Cornélii, Cypriáni, Lauréntii, Chrysógoni, Joánnis, & Pauli, Cosmæ, & Damiáni, & ómnium Sanctorum tuorum: quorum mériti precibusque concédas, ut in ómnibus protectionis tuæ muniámur auxilio. Per eúndem Christum Dóminum nostrum. Amen.

Sequitur.

Hanc igitur oblationem servitutis nostræ, sed & cunctæ familiæ tuæ, quam tibi offerimus ob diem, in qua Dóminus noster Jesus Christus tradidit discipulis suis corporis & sanguinis sui mystéria celebranda: quæsumus Dómine, ut placatus accípias: diésque nostros in tua pace dispónas: atque ab ætérna damnatione nos erípi, & in electórum tuórum júbeas grege numerári. Per eúndem Christum Dóminum nostrum. Amen.

Quam oblationem tu Deus in ómnibus, quæsumus, bene dictam, adscríptam, ratam, rationabilem, acceptabilemque facere digneris: ut nobis Corpus, & Sanguis fiat dilectissimi Filii tui Dómini nostri Jesu Christi.

Qui pridie, quàm pro nostra ómniumque salute pateretur, hoc est, hódie: accepit panem. & reliqua ut in Canone. fol. 204.

Agnus Dei, dicitur de more, sed pax non datur. Dicuntur tamen tres confluente Orationes ante Communionem.

Hodie Sacerdos consecrat duas Hostias, quarum unam sumit, alteram reservat

servat pro die sequenti, in quo non conficitur Sacramentum: reservat etiam aliquas particulas consecratas, si opus fuerit pro infirmis: sanguinem vero totum sumit, & ante abluitionem digitorum ponit Hostiam reservatam in alio Calice, quem Diaconus palla & patena cooperit, & desuper velum expandit, & in medio Altaris collocat. Deinde fit communio, & completur Missa. Sacerdos autem genuflectit, quodcumque accedit, vel recedit a medio Altaris; vel transit ante Sacramentum in Calice reservatum: & cum dicere debet, Dominus vobiscum, non vertit se ad populum in medio Altaris, ne terga vertat Sacramento, sed a latere Evangelii: & in fine ibidem dat benedictionem, & non perficit circulum.

Communio. Joann. 13. Dominus Jesus, postquam coenavit cum discipulis suis, lavit pedes eorum, & ait illis: Scitis quid fecerim vobis ego Dominus & Magister? exemplum dedi vobis, ut & vos ita faciatis. **Postcommunio.**

Refecti vitalibus alimentis, quaesumus Domine Deus noster: ut quod tempore nostrae mortalitatis exequimur, immortalitatis tuae munere consequamur. Per Dominum.

Dicitur, Ite Missa est. & datur benedictio, & legitur Evangelium sancti Joannis; in cuius initio Sacerdos non signat Altare, sed seipsum tantum.

Hodie paratur locus aptus in aliqua Capella Ecclesiae, vel Altari, & decenter quoad fieri potest, ornatur cum velis & luminibus, ubi Calix cum Hostia ut supra reservata reponatur. Finita autem Missa, accenduntur intorticia, & fit Processio more solito, alio tamen Subdiacono parato Crucem ferente. Celebrans indutus pluviali albo, stans ante Altare, imponit incensum in duobus thuribulis absque benedictione, deinde in medio genuflexus, cum altero incensat ter Sacramentum: & accepto Calice cum Sacramento de manu Diaconi stantis, & cooperto extremitatibus veli, quo ejus humeri teguntur, procedit medius inter eundem Diaconum a dextris, & Subdiaconum a sinistris sub Baldachino, duobus Acolythis Sacramentum continue incensantibus usque ad locum Missae.

preparatum, ubi pro crastino servandum est. Interea dum fit Processio, cantatur Hymnus, Pange lingua gloriosi Corporis mysterium. Cum autem ventum fuerit ad locum paratum, Diaconus genuflexus a Sacerdote stante accipit Calicem cum Sacramento, & ponit illum primo super Altare, ubi a Sacerdote genuflexo incensatur ut supra: deinde reponit in capsula. Postea in Choro dicuntur Vesperae sine cantu. Et Sacerdos cum ministris denudat Altaria, legendo Antiphonam. Psalmus 21. Diviserunt sibi vestimenta mea: & super vestem meam miserunt sortem. cum toto Psalmo, Deus Deus meus respice in me.

Post denudationem Altarium, hora competenti facto signo cum tabula, conveniunt Clerici ad faciendum mandatum. Praelatus, seu Superior, super amictu, & alba induitur stola & pluviali violaceis, & in loco ad id deputato, ministrante Diacono, (qui paratus cum Subdiacono, ut in Missa, paramentis albis, ei assistit) imponit incensum in thuribulo: deinde Diaconus librum Evangeliorum ante pectus tenens, genuflexus ante Superiorem, petit benedictionem: qua accepta, astantibus duobus Acolythis cum candelabris accensis, & Subdiacono librum tenente, signat librum, & incensat, & cantat, ut roris est, Evangelium, Ante diem festum Paschae, ut in Missa. Quo finito, Subdiaconus portat librum apertum osculandum Superiori, & Diaconus eum de more incensat. Postea Superior exiit pluviali, & per Diaconum, & Subdiaconum praecingitur linteo, & sic praecinctus, assistentibus sibi eisdem Diacono & Subdiacono, accedit ad lotionem pedum, & per ordinem dispositis iis qui lavandi sunt, Clericis pelvim & aquam ministrantibus, Subdiacono singulorum pedem dextrum tenente, genuflectens singulis illorum pedem lavat, extergit, & osculatur, Diacono praebente linteum ad abstergendum. Et interim haec subscripta cantantur. Antiphona. Joann. 13. Mandatum novum do vobis: ut diligatis invicem, sicut dilexi vos, dicit Dominus.

Psalm. 118. Beati immaculati in via: qui ambulant in lege Domini.

Et repetitur immediate Antiphona: Mandatum novum. Et sic aliae Anti-

phona, quæ habent Psalmos, vel Versus, repetuntur. Et de quolibet Psalmo dicitur tantum primus Versus.

Antiphona. Joann. 13. Postquam surrexit Dominus à coena, misit aquam in pelvim, & coepit lavare pedes discipulorum suorum: hoc exemplum reliquit eis.

Psal. 47. Magnus Dominus, & laudabilis nimis: in civitate Dei nostri, in monte sancto ejus. Postquam surrexit.

Antiphona. Joann. 13. Dominus Jesus, postquam coenavit cum discipulis suis, lavit pedes eorum, & ait illis: Scitis quid fecerim vobis ego Dominus & Magister? Exemplum dedi vobis: ut & vos ita faciatis. **Psal. 84.** Benedixisti Domine terram tuam: avertisti captivitatem Jacob. Dominus Jesus.

Antiphona. Joann. 13. Domine, tu mihi lavas pedes? respondit Jesus, & dixit ei: Si non laverò tibi pedes, non habebis partem mecum.

¶ Venit ergo ad Simonem Petrum, & dixit ei Petrus.

Et repetitur Antiphona. Domine, tu mihi. ¶ Quod ego facio, tu nescis modò: scies autem postea.

Tertiò repetitur Antiphona. Domine, tu mihi. ¶ Si ego Dominus & Magister vester lavi vobis pedes: quantò magis debetis alter alterius lavare pedes? **Psal. 48.** Audite hæc omnes Gentes: auribus percipite qui habitatis orbem. Si ego Dominus.

Antiphona. Joann. 13. In hoc cognoscent omnes, quia discipuli mei estis, si dilectionem habueritis ad invicem.

¶ Dixit Jesus discipulis suis. In hoc cognoscent.

Antiphona. 1. Cor. 13. Manceant in vobis fides, spes, charitas, tria hæc: major autem horum est charitas.

¶ Nunc autem manent fides, spes, charitas, tria hæc: major autem horum est charitas. Manceant in vobis.

Antiphona. Benedicte sit sancta Trinitas, atque indivisa unitas: confitebimur ei, quia fecit nobiscum misericor-

diam suam. ¶ Benedicamus Patrem, & Filium cum sancto Spiritu.

Psal. 83. Quam dilecta tabernacula tua, Domine virtutum! concupiscit, & deficit anima mea in atria Domini. Benedicte sit.

Antiphona. 1. Joann. 2. 3. 4. Ubi charitas, & amor, Deus ibi est.

¶ Congregavit nos in unum Christi amor. ¶ Exultemus, & in ipso jucundemur. ¶ Timeamus, & amemus Deum vivum. ¶ Et ex corde diligamus nos sincero.

Et repetitur Antiphona. Ubi charitas, & amor, Deus ibi est. ¶ Simul ergo cum in unum congregamur.

¶ Ne nos mente dividamur, caveamus. ¶ Cessent jurgia maligna, cessent lites. ¶ Et in medio nostri sit Christus Deus.

Et repetitur Antiphona. Ubi charitas, & amor, Deus ibi est. ¶ Simul quoque cum beatis videamus, ¶ Gloriantur vultum tuum, Christe Deus. ¶ Gaudium, quod est immensum, atque probum. ¶ Sæcula per infinita sæculorum. Amen.

Post lotionem, Superior, vel qui aliis abluit pedes, lavat manus, & abstergit alio linteo: deinde rediens ad locum, ubi prius fuerat, accipit pluviale, & stans capite detecto dicit, Pater noster. secreto.

¶ Et ne nos inducas in tentationem.

R. Sed libera nos à malo. ¶ Tu mandasti mandata tua, Domine. **R.** Custodiri nimis. ¶ Tu lavasti pedes discipulorum tuorum. **R.** Opera manuum tuarum ne despicias. ¶ Domine exaudi orationem meam. **R.** Et clamor meus ad te veniat. ¶ Dominus vobiscum.

R. Et cum spiritu tuo.

Orémus.

Oratio.

Adesto, Domine quæsumus, officio servitutis nostræ: & quia tu discipulis tuis pedes lavare dignatus es, ne despicias opera manuum tuarum, quæ nobis retinenda mandasti: ut sicut hic nobis, & à nobis exteriora abluuntur inqui-

inquinaménta : sic à te ómnium nostrum interiúra lavéntur peccáta . Quod ipse præstáre dignéris , qui vivis & regnas Deus , per ómnia sæcula sæculórum . *R.* Amen .

F E R I A S E X T A
in Parasceve.

Statio ad S. Crucem in Jerusalem.

Finita Nona , Sacerdos & ministri induti paramentis nigri coloris , sine luminaribus & incenso , procedunt ad Altare : & ante illud prostrati aliquamdiu orant . Interim Acolythi unam tantum tobaleam extendunt super Altare . Sacerdos cum ministris facta oratione ascendit ad Altare , & osculatur illud in medio : deinde Lector accedit ad legendum Prophetiam , in loco ubi legitur Epistola , & incipit eam sine titulo : quam etiam Sacerdos legit submissa voce apud Altare in cornu Epistolæ .



Osee 6.
Ac dicit Dóminus : In tribulatione sua mané consurgént ad me : Veníte , & revertámur ad Dóminum ; quia ipse cepit , & sanábit nos : percútiet , & curábit nos . Vivificábit nos post duos dies : in die tértia suscitábit nos , & vivémus in conspéctu ejus . Sciémus , sequemúrque , ut cognoscámus Dóminum : quasi dilúculum præparátus est egréssus ejus , & véniet quasi imber nobis temporáneus & ferótinus terræ . Quid fáciám tibi Ephraim ? quid fáciám tibi Juda ? misericórdia vestra quasi nubes matutína , & quasi ros mané pertránsiens . Propter hoc dolávi in Prophétis , occídi eos in verbis oris mei : & iudícia tua quasi lux egrediéntur . Quia misericórdiam volui , & non sacrificium , & sciéntiam Dei plus quàm holocáusta .
Tractus . Habac . 3. Dómine audívi auditum tuum , & tímui : considerávi ópera tua , & expávi . *Ps.* In médio duórum animálium innotescéris : dum appropinquáverint anni , cognoscéris : dum advénerit tempus , ostendéris . *Ps.* In eo , dum conturbáta fúerit ánima mea : in

ira , misericórdiæ memor eris . *Ps.* Deus à Líbano véniet , & Sanctus de monte umbróso & condénso . *Ps.* Opérui cælos majéstas ejus : & laudis ejus plena est terra .

Finito Tractu, Sacerdos in cornu Epistolæ dicit, O rémus. Diaconus, Flectámus génuá. & Subdiaconus, Leváte. Oratio.

Deus , à quo & Judas reátus sui pœnam , & confessiónis suæ latro præmium sumpsit : concéde nobis tuæ propitiatiónis efféctum ; ut sicut in passióne sua Jesus Christus Dóminus noster diversa utrísque intulit stipéndia meritórum ; ita nobis , abláto vetustátis erróre , resurrectiósni suæ grátiam largiátur . Qui tecum vivit .

Subdiaconus in tono Epistolæ similiter sine titulo cantat sequentem Lectionem. Exodi 12.

IN diébus illis : Dixit Dóminus ad Móysen , & Aaron in Terra Ægypti : Mensis iste , vobis princípium ménsium : primus erit in ménsibus anni . Loquímini ad univérsum coetum filiórurn Israel , & dícite eis : Décima die mēsis hujus tollat unusquísque agnum per famílias & domos suas . Sin autem minor est númerus ut sufficere possit ad vescéndum agnum , assúmet vicínium suum qui junctus est dómui suæ , juxta númerum animárum quæ sufficere possunt ad esum agni . Erit autem agnus absque mácula , másculus , annículus : juxta quem ritum tollétis & hoedum . Et servábitis eum usque ad quartam decimam diem mēsis hujus : immolábítque eum univérsa multitúdo filiórurn Israel ad vésperam . Et sument de sanguine ejus , ac ponent super utrúmque postem , & in superlimináribus domórum in quibus cómedent illum . Et edent carnes nocte illa assas igni , & ázynos panes cum lactúcis agréstibus . Non comedétis ex eo crudum quid , nec coetum aqua , sed tantum assum igni : caput cum pédibus ejus , & intestínis vorábitis . Nec remanébit quidquam ex eo

usque manè. Si quid residuum fuerit, igne comburétis. Sic autem comedétis illum: Renes vestros accingétis, & calceaménta habébitis in pédibus, tenéntes báculos in manibus, & comedétis festinánter: est enim Phase (id est tránsitus) Dómini.

Tractus. Psalm. 139. Eripe me Dómine ab hómine malo: à viro iníquo libera me. **Ps.** Qui cogitavérunt malítias in eorde: tota die constituébant praelia.

Ps. Acuérunt linguas suas sicut serpéntis: venénium áspidum sub lábiis eórum.

Ps. Custódi me Dómine de manu peccatóris: & ab homínibus iníquis libera me.

Ps. Qui cogitavérunt supplantáre gressus meos: abscondérunt supérbi láqueum mihi. **Ps.** Et funes extendérunt in láqueum pédibus meis: juxta iter scándalum posuérunt mihi. **Ps.** Dixi Dómino, Deus meus es tu: exáudi Dómine vocem oratiónis meæ.

Ps. Dómine, Dómine virtus salútis meæ, obúmbrá caput meum in die belli. **Ps.** Ne tradas me à desidério meo peccatóri: cogitavérunt advérsus me: ne derelínquas me, ne unquam exalténtur.

Ps. Caput circúitus eórum: labor labiórum ipsórum opériet eos. **Ps.** Verúmtamen iusti confitebúntur nómini tuo: & habitábunt recti cum vultu tuo.

Finis Tractus, dicitur Passio super nudum pulpitum: quam Celebrans submissa voce legit in cornu Epistolæ.

Passio Dómini nostri Jesu Christi secundum Joánnem. **Joann. 18.**

In illo témpore: Egréssus est Jesus cum discipulis suis trans torréntem Cedron, ubi erat hortus, in quem introívit ipse, & discipuli ejus. Sciébat autem & Judas, qui tradébat eum, locum: quia frequénter Jesus convénierat illuc cum discipulis suis. Judas ergo cum accepisset cohórtem, & à Pontificibus, & Pharisæis ministros, venit illuc cum latérnis, & fécibus, & armis. Jesus itaque sciens ómnia, quæ ventúra erant su-

per eum, procéssit, & dixit eis: **+** Quem quæritis? **C** Respondérunt ei: **S** Jesum Nazarénum. **C** Dicit eis Jesus: **+** Ego sum. **C** Stabat autem & Judas, qui tradébat eum, cum ipsis. Ut ergo dixit eis: Ego sum, abiérunt retrórsú, & cecidérunt in terram. Iterum ergo interrogávit eos:

+ Quem quæritis? **C** Illi autem dixerunt: **S** Jesum Nazarénum. **C** Respondit Jesus: **+** Dixi vobis, quia ego sum. Si ergo me quæritis, sínite hos abire. **C** Ut implerétur sermo, quem dixit: Quia quos dedísti mihi, non perdidí ex eis quem-

quam. Simon ergo Petrus habés gládium edúxit eum: & percússit Pontificis servum, & abscídit aurículam ejus dexteram. Erat autem nomen servo Malchus. Dixit ergo Jesus Petro: **+** Mitte gládium tuum in vagínam. Cálicem, quem dedit mihi Pater, non bibam illum? **C** Cohors ergo, & tribúnus, & ministri Judæórum comprehendérunt Jesum, & ligavérunt eum: & adduxérunt eum ad Annam primum, erat enim focer Cáiphæ, qui erat Póntifex anni illius. Erat autem Cáiphas, qui consílium dederat Judæis: Quia expedit, unum hóminem mori pro pópulo: Sequebátur autem Jesum Simon Petrus, & álius discipulus. Discipulus autem ille erat notus Pontífici, & introívit cum Jesu in átrium Pontificis. Petrus autem stabat ad óstium foris. Exívit ergo discipulus álius, qui erat notus Pontífici, & dixit ostiáriæ, & introduxit Petrum. Dicit ergo Petro ancílla ostiária: **S** Numquid & tu ex discipulis es hóminis istius? **C** Dicit ille: **S** Non sum. **C** Stabant autem servi, & ministri ad prunas, quia frigus erat, & calefaciébant se: erat autem cum eis & Petrus stans, & calefaciens se. Póntifex ergo interrogávit Jesum de discipulis suis, & de doctrína ejus. Respondit ei Jesus: **+** Ego palám locútus sum mundo: ego semper dócui in synagóga, & in templo, quò omnes Judæi convéniunt: & in occúlto locútus sum nihil. Quid me intérogas? intéroga eos, qui audierunt quid locútus sim ipsis: ecce hi sciunt quæ

quæ dixerim ego. **C** Hæc autem cum dixisset, unus assistens ministrorum dedit alapam Jesu, dicens: **S** Sic respondes Pontifici? **C** Respondit ei Jesus: **+** Si malè locutus sum, testimonium perhibe de malo: si autem benè, quid me cædis? **C** Et misit eum Annas ligatum ad Capham Pontificem. Erat autem Simon Petrus stans, & calefaciens se. Dixerunt ergo ei: **S** Numquid & tu ex discipulis ejus es? **C** Negavit ille, & dixit: **S** Non sum. **C** Dicit ei unus ex servis Pontificis, cognatus ejus, cujus abscedit Petrus auriculam: **S** Nonne ego te vidi in horto cum illo? **C** Iterum ergo negavit Petrus: & statim gallus cantavit. Adducunt ergo Jesum à Capha in prætorium. Erat autem manè: & ipsi non introierunt in prætorium, ut non contaminarentur, sed ut māducarent Pascha. Exiit ergo Pilatus ad eos foras, & dixit: **S** Quā accusationē affertis adversus hominem hunc? **C** Respondērunt, & dixerunt ei: **S** Si non esset hic malefactor, non tibi tradidissēmus eum. **C** Dixit ergo eis Pilatus: **S** Accipite eum vos, & secundum legem vestram judicate eum. **C** Dixerunt ergo ei Judæi: **S** Nobis non licet interficere quemquam. **C** Ut sermo Jesu impleretur, quem dixit, significans qua morte esset moriturus. Introivit ergo iterum in prætorium Pilatus, & vocavit Jesum, & dixit ei: **S** Tu es Rex Judæorum? **C** Respondit Jesus: **+** A temetipso hoc dicis, an alii dixerunt tibi de me? **C** Respondit Pilatus: **S** Numquid ego Judæus sum? Gens tua, & Pontifices tradiderunt te mihi: quid fecisti? **C** Respondit Jesus: **+** Regnum meum non est de hoc mundo: Si ex hoc mundo esset regnum meum, ministri mei utique decertarent ut non traderer Judæis: nunc autem regnum meum non est hinc. **C** Dixit itaque ei Pilatus: **S** Ergo rex es tu? **C** Respondit Jesus: **+** Tu dicis quia Rex sum ego. Ego in hoc natus sum, & ad hoc veni in mundum, ut testimonium perhibeam veritati: omnis, qui est ex veritate, audit vocem

meam. **C** Dicit ei Pilatus: **S** Quid est veritas? **C** Et cum hoc dixisset, iterum exiit ad Judæos, & dicit eis: **S** Ego nullam invenio in eo causam. Est autem consuetudo vobis ut unum dimittam vobis in Pascha: vultis ergo dimittam vobis Regem Judæorum? **C** Clamaverunt ergo rursus omnes, dicentes: **S** Non hunc, sed Barabbam. **C** Erat autem Barabbas latro. Tunc ergo apprehendit Pilatus Jesum, & flagellavit. Et milites plectentes coronam de spinis, imposuerunt capiti ejus: & veste purpurea circumdederunt eum. Et veniebant ad eum, & dicebant: **S** Ave Rex Judæorum. **C** Et dabant ei alapas. Exiit ergo iterum Pilatus foras, & dicit eis: **S** Ecce adduco vobis eum foras, ut cognoscatis quia nullam invenio in eo causam. **C** (Exiit ergo Jesus portans coronam spineam, & purpureum vestimentum:) Et dicit eis: **S** Ecce homo. **C** Cum ergo vidissent eum Pontifices, & ministri, clamabant, dicentes: **S** Crucifige, crucifige eum. **C** Dicit eis Pilatus: **S** Accipite eum vos, & crucifigite: ego enim non invenio in eo causam. **C** Respondērunt ei Judæi: **S** Nos legem habemus, & secundum legem debet mori, quia Filium Dei se fecit. **C** Cum ergo audisset Pilatus hunc sermonem, magis timuit. Et ingressus est prætorium iterum: & dixit ad Jesum: **S** Unde es tu? **C** Jesus autem responsum non dedit ei. Dicit ergo ei Pilatus: **S** Mihi non loqueris? nescis quia potestatem habeo crucifigere te, & potestatem habeo dimittere te? **C** Respondit Jesus: **+** Non haberes potestatem adversum me ullam, nisi tibi datum esset desuper. Propterea qui me tradidit tibi, majus peccatum habet. **C** Et exinde quærebat Pilatus dimittere eum. Judæi autem clamabant, dicentes: **S** Si hunc dimittis, non es amicus Cæsaris. Omnis enim, qui se regem facit, contradicit Cæsari. **C** Pilatus autem cum audisset hos sermones, adduxit foras Jesum: & sedit pro tribunali, in loco,

co, qui dicitur Lithostrótos, Hebráicè autem Gábbatha. Erat autem Parasceve Paschæ, hora quasi sexta, & dicit Judæis: **S** Ecce Rex vester. **C** Illi autem clamabant: **S** Tolle, tolle, crucifige eum. **C** Dicit eis Pilátus: **S** Regem vestrum crucifigam? **C** Respondérunt Pontífices: **S** Non habemus regem, nisi Cæsarem. **C** Tunc ergo tradidit eis illum ut crucifigeretur. Susciperunt autem Jesum, & eduxerunt. Et bájulans sibi crucem exivit in eum, qui dicitur Calváriæ, locum, Hebráicè autem Gólgotha: ubi crucifixerunt eum, & cum eo álios duos, hinc, & hinc, médium autem Jesum. Scripsit autem & titulum Pilátus: & posuit super crucem. Erat autem scriptum: Jesus Nazaréus Rex Judæorum. Hunc ergo titulum multi Judæorum legérunt: quia propè civitatem erat locus, ubi crucifixus est Jesus. Et erat scriptum Hebráicè, Græcè, & Latínè. Dicebant ergo Pilátó Pontífices Judæorum: **S** Noli scribere Rex Judæorum: sed quia ipse dixit: Rex sum Judæorum. **C** Respondit Pilátus: **S** Quod scripsi, scripsi. **C** Milites ergo cum crucifixissent eum, acceperunt vestimenta ejus, (& fecerunt quatuor partes, unicuique militi partem) & tunicam. Erat autem túnica inconsútilis, desuper contéxta per totum. Dixérunt ergo ad invicem: **S** Non scindámus eam, sed sortiámur de illa cujus fit. **C** Ut Scriptúra impleretur, dicens: Partiti sunt vestimenta mea sibi: & in vestem meam miserunt sortem. Et milites quidem hæc fecerunt. Stabant autem juxta crucem Jesu mater ejus, & soror matris ejus María Cléophæ, & María Magdaléne. Cum vidisset ergo Jesus matrem, & discipulum stantem, quem diligebat, dicit matri suæ: **M**ulier, ecce filius tuus. **C** Deinde dicit discipulo: **E**cce mater tua. **C** Et ex illa hora accepit eam discipulus in sua. Postea sciens Jesus quia ómnia consummata sunt, ut consummaretur Scriptúra, dixit:

Sitio. **C** Vas ergo erat posítum aceto plenum. Illi autem spongiam plenam aceto, hyssopo circumponentes, obtulerunt ori ejus. Cum ergo accepisset Jesus acetum, dixit: **C**onsummátum est. **C** Et inclinató capite tradidit spiritum. (*Hic genuflectitur, & pausatur aliquantulum.*) Judæi ergo, (quóniam Parasceve erat) ut non remanérunt in cruce corpore sabbato (erat enim magnus dies ille sabbati) rogaverunt Pilátum, ut frangerentur eorum crura, & tollerentur. Venérunt ergo milites: & primi quidem fregérunt crura, & altérius, qui crucifixus est cum eo. Ad Jesum autem cum venissent, ut viderunt eum jam mórtuum, non fregérunt ejus crura, sed unus militum lancea latus ejus aperuit, & continuo exivit sanguis, & aqua. Et qui vidit, testimónium perhibuit: & verum est testimónium ejus. Et ille scit quia vera dicit: ut & vos credátis. Facta sunt enim hæc, ut Scriptúra impleretur: Os non comminuetis ex eo. Et iterum ália Scriptúra dicit: Vidébunt in quem transfixerunt.

Quod sequitur, legitur in tono Evangelii: & dicitur, Munda cor meum. sed non petitur benedictio, & non deferuntur luminaria, neque incensum, & Celebrans in fine non osculatur librum.

Post hæc autem rogavit Pilátum Joseph ab Arimathæa, (eò quòd esset discipulus Jesu, occultus autem propter metum Judæorum) ut tólleret corpus Jesu. Et permísit Pilátus. Venit ergo, & tulit corpus Jesu. Venit autem & Nicodémus, qui vénerat ad Jesum nocte primùm, ferens mixturam myrrhæ, & aloes, quasi libras centum. Acceperunt ergo corpus Jesu, & ligaverunt illud línteis cum aromátibus, sicut mos est Judæis sepelíre. Erat autem in loco, ubi crucifixus est, hortus: & in horto monuméntum novum, in quo nondum quisquam posítus erat. Ibi ergo propter Parasceven Judæorum, quia juxta erat monuméntum, posuerunt Jesum.

Dein-

Deinde Sacerdos stans in cornu Epistolæ, incipit absolute junctis manibus.



O rémus, di lectíssi mi nobis, pro




Ecclé si a sancta De i: ut e am



De us & Dó mi nus nos ter, pa-



ci fi cá re, a du ná re, & cu sto dí-



re digné tur to to or be terrá rum:




sub ji ci ens e i princi pá tus, &



po te stá tes: detque no bis qui é-



tam & tranquíllam vi tam de génti-




bus, glo ri fi cá re De um Pa-



trem omni po tén tem. O rémus.



Diaconus. Fle ctá mus gé nu a.



Subdiaconus. R. Le vá te.

Oratio cantatur in tono feriali Oratio-
nis Missæ, extensis manibus. Et hic mo-
dus servatur in subsequentibus.

OMnipotens sempitérne Deus, qui
glóriam tuam ómnibus in Christo
géntibus revelásti: custódi ópera miseri-
córdiæ tuæ; ut Ecclesiá tua toto orbe
diffúsa, stábili fide in confessióne tui nó-
minis perseveret. Per eúmdem Dómi-
num nostrum, &c. **R.** Amen.

ORémus & pro beatíssimo Papa no-
stro **N.** ut Deus & Dóminus no-
ster, qui elégit eum in órdine Episco-
pátus, saluum atque incólumem custó-
diat Ecclesiæ suæ sanctæ, ad regén-
dum pópulum sanctum Dei.

O rémus. Fle ctá mus gé nua.

R. Levá te.

OMnipotens sempitérne Deus, cu-
jus iudício univérsa fundántur:
réspice propítius ad preces nostras,
& eléctum nobis Antístitem tua pie-
táte consérva; ut Christiána plebs,
quæ te gubernátur auctóre, sub tan-
to Pontífice, credulitátis suæ méritis
augeátur. Per Dóminum. **R.** Amen.

ORémus & pro ómnibus Episcopis,
Presbyteris, Diaconibus, Subdia-
conibus, Acólythis, Exorcístis, Le-
ctóribus, Ostiáriis, Confessóribus,
Virgínibus, Víduis, & pro omni pó-
pulo sancto Dei.

O rémus. Fle ctá mus gé nua. **R.** Levá te.

OMnipotens sempitérne Deus, cujus
spíritu totum corpus Ecclesiæ san-
ctificátur & régitur: exáudi nos pro
univér sis ordinibus supplicántes; ut
grátia tuæ múnere, ab ómnibus tibi
grádibus fidéliter serviátur. Per Dómi-
num nostrum Jesum Christum.

R. Amen.

Si non est coronatus, dicatur, elécto
Imperátore.

ORémus & pro Christianíssimo Im-
perátore nostro **N.** ut Deus, &
Dóminus noster súbditas illi fáciat
omnes bárbaras natiónes, ad nostram
perpétuam pacem.

O ré-

Oremus. Flectamus genua. *R.* Levate.

OMnipotens sempiternus Deus, in cuius manu sunt omnium potestates, & omnium jura regnorum: respice ad Romanum benignus Imperium; ut gentes, quæ in sua feritate confidunt, potentiae tuae dextera comprimantur. Per Dominum nostrum. *R.* Amen.

Oremus & pro catechumenis nostris: ut Deus & Dominus noster aperiat aures praecordiorum ipsorum, januamque misericordiae; ut per lavacrum regenerationis accepta remissione omnium peccatorum, & ipsi inveniuntur in Christo Jesu Domino nostro.

Oremus. Flectamus genua. *R.* Levate.

OMnipotens sempiternus Deus, qui Ecclesiam tuam nova semper prole fecundas: auge fidem & intellectum catechumenis nostris; ut renati fonte baptismatis, adoptionis tuae filiis aggregentur. Per Dominum nostrum. *R.* Amen.

Oremus, dilectissimi nobis, Deum Patrem omnipotentem: ut cunctis mundum purget erroribus: morbos auferat: famem depellat: aperiat carceres: vincula dissolvat: peregrinantibus reditum: infirmantibus sanitatem: navigantibus portum salutis indulgeat.

Oremus. Flectamus genua. *R.* Levate.

OMnipotens sempiternus Deus, moestorum consolatio, laborantium fortitudo: perveniant ad te preces de quacumque tribulatione clamantium; ut omnes sibi in necessitatibus suis misericordiam tuam gaudeant adfuisse. Per Dominum nostrum. *R.* Amen.

Oremus & pro haereticis, & schismaticis: ut Deus & Dominus noster eruat eos ab erroribus universis: & ad sanctam matrem Ecclesiam Catholicam atque Apostolicam revocare dignetur.

Oremus. Flectamus genua. *R.* Levate.

OMnipotens sempiternus Deus, qui salvas omnes, & neminem vis perire: respice ad animas diabólica fraude decéptas; ut omni haeretica pravita-

te depósita, errantium corda resipiscant, & ad veritatis tuae redeant unitatem. Per Dominum nostrum. *R.* Amen.

Oremus & pro perfidis Judæis: ut Deus & Dominus noster auferat velamen de cordibus eorum: ut & ipsi agnoscant Jesum Christum Dominum nostrum. *Non respondetur Amen, sed statim dicitur:*

OMnipotens sempiternus Deus, qui etiam Judaicam perfidiam à tua misericordia non repellis: exaudi preces nostras, quas pro illius populi obcaecatione deferimus; ut, agnita veritatis tuae luce, quæ Christus est, à suis tenebris eruantur. Per eundem Dominum nostrum. *R.* Amen.

Oremus & pro paganis: ut Deus omnipotens auferat iniquitatem à cordibus eorum: ut relictis idolis suis, convertantur ad Deum vivum & verum, & unicum Filium ejus Jesum Christum Deum & Dominum nostrum.

Oremus. Flectamus genua. *R.* Levate.

OMnipotens sempiternus Deus, qui non mortem peccatorum, sed vitam semper inquiris: suscipe propitius orationem nostram: & libera eos ab idolorum cultura: & aggrega Ecclesiae tuae sanctae ad laudem & gloriam nominis tui. Per Dominum. *R.* Amen.

¶ Completis Orationibus, Sacerdos depósita catula accedit ad cornu Epistolae, & ibi in posteriori parte anguli Altaris accipit à Diacono Crucem jam in Altari preparatam: quam, versa facie ad populum, à summitate parum discooperit, incipiens solus Antiphonam. Ecce lignum Crucis, ac deinceps in reliquis juvatur in cantu à Ministris usque ad Venite, adoremus. Choro autem cantante, Venite, adoremus, omnes se prosternunt, excepto Celebrante. Deinde procedit ad anteriorem partem anguli ejusdem cornu Epistolae: & discooperiens brachium dextrum Crucis, & caput figurae Crucifixi, elevansque eam paulisper, altius quam primò, incipit, Ecce lignum Crucis, aliis cantantibus, & adorantibus, ut supra.

Dein-

Deinde Sacerdos procedit ad medium Altaris, & discooperiens Crucem totaliter, ac elevans eam, tertio altius incipit, Ecce lignum Crucis, aliis cantantibus, & adorantibus, ut supra.

E cce li gnum Cru-
cis, in quo fa lus mun-
di pe pen dit.
Chorus R. Ve ní te,
a do ré mus.

Postea Sacerdos solus portat Crucem ad locum ante Altare præparatum, & genuflexus ibidem eam locat: mox depositis calceamentis, accedit ad adorandam Crucem, ter genua flectens antequam eam deosculetur. Hoc facto revertitur, & accipit calceamenta & casulam. Postmodum ministri Altaris, deinde alii Clerici, & laici, bini & bini, ter genibus flexis, ut dictum est, Crucem adorant. Interim, dum fit adoratio Crucis, cantantur impropria, & alia quæ sequuntur; vel omnia, vel pars eorum, prout multitudo adorantium vel paucitas requirit, hoc modo.

Duo cantores in medio Chori cantant.
V. Pópule meus, usque ad Agios ò Theós.
V. Pópule meus, quid feci tibi? aut in quo contristavi te? responde mihi.
V. Quia eduxi te de terra Ægypti: parasti crucem Salvatori tuo.

Unus Chorus cantat, Agios ò Theós.
Alius Chorus respondet, Sanctus Deus.
Primus Chorus. Agios ischyros.
Secundus Chorus. Sanctus fortis.
Primus Chorus. Agios athánatos eléi-
fon imás.

Secundus Chorus. Sanctus immortalis miserere nobis.

Postea duo de secundo Choro cantant.
V. Quia eduxi te per désertum quadraginta annis: & manna cibavi te, & introduxi te in terram satis bonam, parasti crucem Salvatori tuo.

Chori respondent alternatim, Agios ò Theós, &c. Sanctus Deus, &c. ita tamen, ut primus Chorus semper repetat, Agios.

Deinde duo de primo Choro cantant.
V. Quid ultra debui facere tibi, & non feci? Ego quidem plantavi te vineam meam speciosissimam: & tu facta es mihi nimis amara: aceto namque sitim meam potasti: & lancea perforasti latus Salvatori tuo.

Item Chori alternatim respondent, Agios ò Theós, &c. Sanctus Deus, &c.

Versus sequentis improprii à duobus cantoribus alternatim cantantur, utroque Choro simul repetente post quemlibet versum: Pópule meus. fol. 132. usque ad Quia eduxi te de terra Ægypti.

Duo de secundo Choro cantant V. Ego propter te flagellavi Ægyptum cum primogenitis suis: & tu me flagellatum tradidisti. Chorus repetit. Pópule meus.

Duo de primo Choro. V. Ego eduxi te de Ægypto, demerso Pharaone in Mare rubrum: & tu me tradidisti Principibus sacerdotum. Chorus. Pópule meus.

Duo de secundo Choro. V. Ego ante te aperui mare: & tu aperuisti lancea latus meum. Chorus. Pópule meus.

Duo de primo Choro. V. Ego ante te præivi in columna nubis: & tu me duxisti ad prætorium Pilati.

Chorus. Pópule meus.

Duo de secundo Choro. V. Ego te pavi manna per désertum: & tu me cecidisti alapis & flagellis. Chorus. Pópule meus.

Duo de primo Choro. V. Ego te potavi aqua salutis de petra: & tu me potasti felle & aceto. Chorus. Pópule meus.

Duo de secundo Choro. V. Ego propter te Chananeorum reges percussi: & tu percussisti arundine caput meum.

Chorus. Pópule meus.

Duo de primo Choro. V. Ego dedi tibi sceptrum regale: & tu dedisti capiti meo spineam coronam. Chorus. Pópule meus.

Duo de secundo Choro. V. Ego te exaltavi magna virtute: & tu me suspendisti in patibulo crucis. Chorus. Pópule meus.

Dein-

Deinde cantatur cōmuniter Antiphona. Crucem tuam adoramus Dōmine: & sanctam resurrectionem tuam laudamus, & glorificamus: ecce enim propter lignum venit gaudium in universo mundo.

Psalmus 66. Deus misereatur nostri, & benedicat nobis: illuminet vultum suum super nos, & misereatur nostri.

Et repetitur immediate Añā. Crucem tuam.

Postea cantatur v. Crux fidelis. **cum Hymno.** Pange lingua gloriosi. & post quemlibet ejus versum repetitur, Crux fidelis. vel, Dulce lignum. eo modo, quo inferius notatur.

Crux fidelis inter omnes arbor una nobilis: nulla silva talem profert, fronde, flore, germine. Dulce lignum, dulces clavos, dulce pondus sustinet.

Hymnus. Pange lingua gloriosi lauream certaminis, & super Crucis trophæo dic triumphum nobilem: qualiter Redemptor orbis immolatus vicerit.

Repetitur. Crux fidelis. usque ad Dulce lignum. **Et sic fit quoties repetitur,** Crux fidelis.

v. De Parentis protoplasti fraude Factor condolens, quando pomi noxialis in necem morfu ruit: ipse lignum tunc notavit, damna ligni ut solveret.

Repetitur. Dulce lignum.

v. Hoc opus nostræ salutis ordo depoposcera, multiformis proditoris ars ut artem falleret; & medellam ferret inde, hostis unde læserat. **Repetitur.** Crux fidelis.

v. Quando venit ergo sacri plenitudo temporis, missus est ab arce Patris Natus, orbis Conditor; atque ventre virginali carne amictus prodiit. **Repetitur.** Dulce lignum.

v. Vagit infans inter arcta conditus præsepia: membra pannis involuta Virgo Mater alligat: & Dei manus pedesque stricta cingit fascia. **Repetitur.** Crux fidelis.

v. Lustra sex qui jam perégit, tempus implens corporis, sponte libera Redemptor passioni deditus, Agnus in Crucis levatur immolandus stipite. **Repetitur.** Dulce lignum.

v. Felle potus ecce languet, spina, clavi, lancea mite corpus perforarunt, unda manat, & cruor: terra, pontus, astra, mundus, quo lavantur flumine.

Repetitur. Crux fidelis.

v. Flecte ramos arbor alta, tensa laxa viscera, & rigor lentescat ille, quem dedit nativitas: & superni membra Regis ten-

de miti stipite. **Repetitur.** Dulce lignum. **v.** Sola digna tu fuisti ferre mundi victimam: atque portum præparare arca mundo naufrago, quam sacer cruor perunxit, fusus Agni corpore. **Repetitur.** Crux fidelis. **v.** Sempiterna sit beatæ Trinitati gloria, æqua Patri, Filioque, par decus Paráclito: Unius, Trinique nomen laudet universitas. Amen.

Repetitur. Dulce lignum.

¶ Circa finem adorationis Crucis accenduntur candelæ super Altare, & Diaconus accipiens bursam corporalium, extendit corporale more solito, & juxta illud ponit purgatorium: & finita adoratione, Crucem reverenter accipit, & reportat ad Altare. Postea ordinatur Processio ad locum, ubi pridie Sacramentum repositum fuerat. Præcedit Subdiaconus cum Cruce inter duos Acolythos deferentes candelabra cum cereis accensis: & Clerus per ordinem, ultimus Sacerdos cum Ministris. Cum perventum fuerit ad locum Sacramenti, accenduntur intorticia, quæ non extinguuntur nisi post sumptionem Sacramenti: & Sacerdos genuflectit ante Sacramentum, & orat aliquantulum: Diaconus interim aperit capsulam, in qua reconditum est corpus Domini: Postea Sacerdos surgens, absque benedictione imponit incensum in duobus thuribulis, Diacono naviculam ministrante, & genuflexus incensat Sacramentum: tum Diaconus extrahens Calicem cum Sacramento de capsula, dat ad manus Sacerdotis, & tegit extremitatibus veli, quod humeros illius circumdat: & procedunt ordine quo venerunt: deferitur baldachinum super Sacramentum, & duo Acolythi cum thuribulis continuè Sacramentum incensant: interim cantatur Hymnus. Vexilla Regis prædeunt.

Cum venerit Sacerdos ad Altare, posito super illud Calice genuflexus rursum incensat, & accedens deponit Hostiam ex Calice super Patenam, quam Diaconus tenet: & accipiens Patenam de manu Diaconi, Hostiam sacram ponit super corporale, nihil dicens. Si tetigerit Sacramentum, digitos abluat in aliquo vase. Interim Diaconus imponit vinum in Calicem, & Subdiaconus aquam, quam Sacerdos non benedicit, nec dicit super eam Orationem consuetam: sed accipiens

cipiens Calicem à Diacono, ponit super Altare, nihil dicens: & Diaconus illum cooperit palla: deinde imponit incensum in thuribulo absque benedictione, & incensat oblata, & altare more solito, genuflectens ante, & post, & quodcumque transit ante Sacramentum.

Cum incensat oblata, dicit:

Incensum istud à te benedictum, ascendant ad te, Domine: & descendat super nos misericordia tua.

Cum incensat Altare, dicit:

Dirigatur Domine oratio mea, sicut incensum in conspectu tuo: elevatio manuum mearum sacrificium vespertinum. Pone Domine custodiam ori meo, & ostium circumstantiae labiis meis: ut non declinet cor meum in verba malitiae, ad excusandas excusationes in peccatis.

Quando reddit thuribulum Diacono, dicit:

Accendat in nobis Domine ignem sui amoris, & flammam aeternae charitatis. Amen.

Et ipse non incensatur.

Postea aliquantulum extra Altare in cornu Epistolae lavat manus, nihil dicens: deinde in medio Altaris inclinat, junctis manibus, dicit submissa, sed intelligibili voce.

In spiritu humilitatis, & in animo contrito suscipiamur à te Domine: & sic fiat sacrificium nostrum in conspectu tuo hodie, ut placeat tibi, Domine Deus.

Deinde versus ad populum in cornu Evangelii, dicit more solito:

Orate fratres: ut meum ac vestrum sacrificium acceptabile fiat apud Deum Patrem omnipotentem.

Et per eandem viam revertitur, non perficiens circulum: & consequenter omissis aliis, dicit:

Oremus. Præceptis salutariibus

moniti, & divina institutione

formati, addeamus dicere.

Pater noster, qui es in caelis: San-

cti fi cetur nomen tuum: Advēni at

regnum tuum: Fi at vo luntas tu a,

fic ut in cae lo, & in ter ra. Pa-

nem no strum quo ti di a num

da no bis ho di e: Et dimit te

no bis de bi ta no stra, sic ut

& nos di mit ti mus de bi to-

ri bus no stris. Et ne nos in-

dú cas in ten ta ti o nem.

R. Sed lí be ra nos à ma lo.

Sacerdos, sub silentio dicto Amen. ea-

dem voce, qua dixit, **P**ater noster, ab-

solutè sine **O**remus. in tono Orationis

Missae ferialis dicit:

Libera nos, quaesumus Domine, ab om-
nibus malis, praeteritis, praesentibus, &
futuris, & intercedente beata & gloriósa
semper virgine Dei genitrice Maria, cum
beatis Apóstolistuis Petro & Paulo, atque
Andréa, & omnibus Sanctis, (**Non signat**
se)

sepatena,) da propitius pacem in diebus nostris: ut ope misericordiae tuae adiuti, & a peccato simus semper liberi, & ab omni perturbatione securi. Per eundem Dominum nostrum Jesum Christum Filium tuum: Qui tecum vivit & regnat in unitate Spiritus sancti Deus, per omnia secula seculorum. **Chorus altē respondet Amen.**

Tunc Celebrans, facta reverentia usque ad terram, supponit patenam Sacramento, quod in dextera accipiens, elevat, ut videri possit a populo: & statim supra Calicem dividit in tres partes, quarum ultimam mittit in Calicem more solito, nihil dicens: **Pax Domini.** non dicitur, nec **Agnus Dei.** neque pacis osculum datur. Postmodum pratermissis duabus primis Orationibus, dicit secretē tantum sequentem.

Percēptio Corporis tui, Domine Jesu Christe, quod ego indignus sumere praesumo, non mihi proveniat in iudicium, & condemnationem: sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia secula seculorum. Amen.

Tum genuflectit, & accipit patenam cum Corpore Christi, & maxima humilitate, ac reverentia dicit: Panem caelestem accipiam, & nomen Domini invocabo.

Percutit pectus suum, ter dicens: Domine non sum dignus, ut intres sub tectum meum: sed tantum dic verbo, & sanabitur anima mea.

Postea signat se Sacramento, dicens: Corpus Domini nostri Jesu Christi custodiat animam meam in vitam aeternam, Amen.

Et sumit Corpus reverenter.

Deinde, omissis omnibus, quae dici solent ante sumptionem Sanguinis, immediate particulam Hostiae cum vino reverenter sumit de Calice. Et more solito facta ablutione digitorum, & sumpta purificatione, in medio Altaris inclinatus, manibus junctis dicit: **Q**uod ore sumpsimus, Domine, pura mente capiamus: & de munere temporali fiat nobis remedium sempiternum.

Non dicitur: Corpus tuum Domine, nec Postcommunio, nec Placeat tibi, nec datur benedictio: sed facta reverentia Altari, Sacerdos cum ministris discedit: & dicitur **Vesperae sine cantu, & denudatur Altare.**

SABBATO SANCTO.

Statio ad S. Joannem in Laterano.



Ora competenti cooperiuntur Altaria, & dicuntur Horae, candelis Altaris extinctis usque ad principium Missae. Interim excutitur ignis de lapide foris Eccle-

siam, & ex eo accenduntur carbones. Dicta Nona, Sacerdos indutus amictu, alba, cingulo, stola, & pluviali violaceo, vel sine casula, astantibus sibi ministris cum Cruce, aqua benedicta, & incenso, ante portam Ecclesiae, si commodè potest, vel in ipso aditu Ecclesiae benedicit novum ignem, dicens **✠**. Dominus vobiscum. **R.** Et cum spiritu tuo. **Oremus.** **Oratio.**

Deus, qui per Filium tuum, angularem scilicet lapidem, claritatis tuae ignem fidelibus contulisti: productum ē silice, nostris profuturum usibus, novum hunc ignem sanctifica: & concede nobis, ita per haec festa Paschalia caelestibus desideriis inflammari; ut ad perpetuae claritatis, puris mentibus, valeamus festa pertingere. Per eundem Christum Dominum nostrum.

R. Amen. **Oremus.**

Domine Deus, Pater omnipotens, lumen indeficiens, qui es conditor omnium luminum: bene **✠** dic hoc lumen, quod a te sanctificatum atque benedictum est, qui illuminasti omnem mundum; ut ab eo lumine accendāmur, atque illuminemur igne claritatis tuae: & sicut illuminasti Moysen exeuntem de Aegypto, ita illumines corda & sensus nostros: ut ad vitam & lucem aeternam pervenire mereāmur. Per Christum Dominum nostrum.

R. Amen. **Oremus.**

Domine sancte, Pater omnipotens, aeternae Deus: benedicientibus nobis hunc ignem in nomine tuo, & unigeniti Filii tui Dei ac Domini nostri Jesu Christi, & Spiritus sancti, cooperari digneris: & adjuva nos contra ignita tela inimici, & illustra gratia caelesti. Qui vivis & regnas cum eodem Unigenito

nito tuo, & Spíritu sancto, Deus,
per omnia sæcula sæculorum,

R. Amen.

Deinde benedicit quinque grana incensi ponenda in Cereo, dicens absolute hanc Orationem.

Veniat, quæsumus omnipotens Deus super hoc incensum larga tuæ bene-
dictionis infusio: & hunc nocturnum splendorem invisibilis regenerátor accende; ut non solum sacrificium, quod hac nocte litatum est, arcana luminis tui admixtione refulgeat; sed in quocúmque loco ex hujus sanctificationis mysterio aliquid fuerit deportatum, expulsa diabolicæ fraudis nequitia, virtus tuæ majestatis assístat. Per Christum Dóminum nostrum.

R. Amen.

Dum benedicit grana incensi, Acolythus assumens de carbonibus benedictis ponit in thuribulo: & finita Oratione supradicta, Sacerdos de navicula ponit incensum in thuribulo, benedicens illud more solito: deinde prædicta grana incensi, & ignem ter aspergit aqua benedicta, dicens: Asperges me Dómine. sine cantu, & sine Psalmo, & ter adoleat incenso. Interim omnia luminaria Ecclesiæ extinguuntur, ut de igne benedicto postmodum accendantur: tum Diaconus indutus dalmatica albi coloris, accipit arundinem cum tribus candelis in summitate illius triangulo distinctis. Præcedit thuriferarius cum Acolytho deferente in vase quinque grana incensi: sequitur Subdiaconus cum Cruce, & Clerus per ordinem: deinde Diaconus cum arundine, post eum Celebrans. Cum Diaconus ingressus est Ecclesiam, inclinat arundinem, & Acolythus deferens candelam accensam de novo igne, accendit unam ex illis tribus candelis desuper positis: & Diaconus elevans arundinem, genuflectit, similiter & omnes alii cum eo, præter Subdiaconum Crucem ferentem: & cantat solus, Lumen Christi. R. Deo grátias.

Et procedens ad medium Ecclesiæ, ibi accenditur alia candela: & iterum genuflexus, ut supra, alius cantat: Lumen Christi. R. Deo grátias.

Miss.

Tertiò procedit ante Altare, ubi accenditur tertia candela: & rursus genuflexus, ut prius, adhuc alius dicit: Lumen

Christi. R. Deo grátias.

Deinde Celebrans ascendit ad Altare in cornu Epistolæ, & Diaconus dat arundinem uni Acolytho: & accipiens librum, petit à Celebrante benedictionem, ut sit ad Evangelium, Sacerdote dicente, Dóminus sit in corde tuo, & in lábiis tuis: ut dignè, & competenter annunties suum Paschále præcónium: in nómine Patris, & Filii, & Spíritus sancti, Amen.

Postea vadit ad pulpitum, & ponit super eo librum, & incensat. A dextris Diaconi stet Subdiaconus cum Cruce, & thuriferarius: à sinistris, duo Acolythi, ille qui tenet arundinem, & alius tenens in vase quinque grana incensi benedicti figenda in Cereo. Tunc, surgentibus omnibus, & stantibus, ut sit ad Evangelium, Diaconus cantat:



EXúl tet jam Angé li ca turba



cæ ló rum: exúl tent di ví na my-



sté ri a: & pro tanti Re gis victó-



ri a. tu ba ínson. fi lu tá ris.




Gén de at & tel lus tan tis ir ra-



di á ta fulgó ribus: & æ té rni Re-



gis splendó re il lustrá ta, to tí us



K

orbis

orbis se sen ti at a mi sisse ca li-
 gi nem. Læ te tur & ma ter Ecclé-
 si a, tanti lúmi nis adorná ta fulgó-
 ri bus : & magnis popu ló rum vó-
 ci bus hæc au la re súl tet.

Quapró pter adstántes vos, fratres
 charí ssimi, ad tam mi ram hu jus
 sancti lúmi nis clá ri tá tem, uná
 me cum, quæ so, De i omni po tén-
 tis mi se ri córdi am invo cá te :

Ut qui me non me is mé ri tis
 íntra Le vi tá rum núme rum di-
 gná tus est aggre gá re : lúmi nis

fu i cla ri tá tem infun dens, Cé-
 re i hu jus laudem implé re perfí-
 ci at. Per Dó mi num nostrum Je-
 sum Chri stum Fí li um su um :
 qui cum e o vi vit & regnat in
 uni tá te Spí ri tus sancti De us.

Per ómni a sæcu la sæcu ló rum.

R. Amen. *V.* Dómi nus vo bís-
 cum. *R.* Et cum spí ri tu tu o.

V. Sursum cor da. *R.* Ha bé mus
 ad Dó mi num. *V.* Grá ti as agá-
 mus Dó mi no De o no stro.

R. Di gnum & ju stum est. *V.* Verè

Ve rè di gnum & jū stum est,
 invi sí bi lem De um Patrem om-
 ni po tén tem, Fi li úmque e jus
 u ni gé ni tum, Dómi num no-
 strum Je sum Chri stum, to to cor-
 dis ac mentis af fē ctu, & vo cis
 mi nistē ri o per soná re. Qui pro
 no bis æ téno Pa tri, Adæ dé bi-
 tum sol vit & vé te ris pi ácu li cau-
 ti ó nem pi o cruo re detér sit.
 Hæc sunt enim festa Pa schá li a,
 in quibus ve rus il le Agnus oc cí-
 di tur, cu jus sán gui ne postes fidé-
 li um consecrántur. Hæc nox est,

in qua primùm patres nostros, fi-
 li os Isra el edúctos de Æ gy pto,
 Ma re ru brum sicco vestí gi o
 transí re fē cí sti. Hæc í gi tur nox
 est, quæ pecca tó rum té nebras, co-
 lúmnae illumi na ti ó ne purgá-
 vit. Hæc nox est, quæ hó di e per
 u ni vērsum mundum, in Christo
 cre dén tes, à ví ti is sæ cu li, &
 ca lí gi ne pecca tó rum segre gá-
 tos, red dit grá ti æ, só ci at
 sancti tá ti. Hæc nox est, in
 qua destrúctis víncu lis mor tis,
 Christus ab ínfe ris vi ctor ascén-
 dit.

dit. Ni hil e nim no bis na fci
 pro fu it, ni si ré di mi pro fu íf-
 fet. O mi ra circa nos tu æ pi e-
 ta tis digná ti o! O in æ sti-
 má bi lis di lé cti o cha ri tá tis:
 ut fervum ré dí me res, Fí li um
 tra di dí sti! O certè ne ces sá-
 ri um Adæ pec cá tum, quod
 Chri sti mor te de lé tum est!
 O fe lix cul pa, quæ ta lem ac tan-
 tum mé ru it há bé re re demp-
 rem! O ve rè be á ta nox,
 quæ so la mé ru it fci re tempus &
 ho ram, in qua Chri stus ab ín fe-

ris re furré xit! Hæc nox est, de
 qua fcri ptum est: Et nox sic ut
 di es il lumi ná bi tur: Et nox il-
 lumi ná ti o me a in de lí ci is
 me is. Hu jus í gi tur fan cti fi cá-
 ti o no cti s, fu gat scé le ra,
 culpas la vat, & reddit inno cén-
 ti am la pfi s, & mœ sti s læ ti ti am.
 Fu gat ó di a, concórdi am
 pa rat, & cur vat impé ri a.

Hic Diaconus infigit quinque grana
 incensi benedicti in Cereo in
 modum Crucis.

In hu jus í gi tur no cti s grá ti a, sú-
 fci pe fan cte Pa ter, incenfi hu jus
 sacri fi ci um vesper tí num: quod
 tibi

ti bi in hac Cére i obla ti óne fo-
 lénni, per mi nistró rum ma nus
 de o pé ri bus a pum, sacro sán-
 cta red dit Ecclé si a. Sed jam co-
 lúmnae hu jus præcó ni a nó vi-
 mus, quam in ho nó rem De i
 rú ti lans i gnis ac cén dit.

*Hic Diaconus accendit Cereum cum una
 ex tribus candelis in arun-
 dine positis.*

Qui li cét sit di ví sus in par tes,
 mu tu á ti tamen lúmi nis de trā-
 mén ta non no vit. A li tur e nim
 li quán ti bus ce ris, quas in
 substā ti am præ ti ó fæ hu jus
 lámpa dis, a pis ma ter e dú xit.
 Miss.

*Hic accen-
 duntur lam-
 pades.*

O verè be á ta nox, quæ
 expo li ávit Æ gy pti os, di tá vit
 Hebræ os. Nox, in qua ter rénus
 cæ lé sti a, humá nis di ví na
 jungún tur. Orá mus ergo te Dó-
 mi ne: ut Cé re us i ste in honó rem
 tu i nó mi nis con se crá tus, ad
 noctis hu jus ca lí gi nem destru én-
 dam, inde fi ci ens per se vé ret.
 Et in odó rem su a vi tá tis ac cé-
 ptus, su pérnis lúmi ná ri bus mi-
 sce á tur. Flam mas e jus lú ci fer
 ma tu tí nus invé ni at. Ille, in-
 quam, lú ci fer; qui ne scit occá-
 sum.

fum. Il le, qui regréssus ab ín fe-
 ris, humano gé ne ri fe ré nus il-
 lú xit. Precámur ergo te Dó mi-
 ne : ut nos fámulos tuos, omnémque
 clerum, & devotíssimū pó pu lum,
 unà cum be a tíssimo Papa nostro
 N. & Antí sti te nostro N.
 qui é te témpo rum con cés sa, in
 his Paschá li bus gáudi is, así du a
 pro tecti ó ne ré ge re, guberná-
 re, & conser vá re di gné ris.
 Réspi ce é ti am ad de vo tíssimū
 Si non est cor-
 natus, dicatur ele-
 ctum Imperatorem.
 Impe ra tórem nostrum
 N. cu jus tu De us desidéri i vota


prænóscens, in ef fá bi li pi e tá-
 tis & mi se ri córdi æ tu æ mú-
 ne re, tranquillū perpé tu æ pa-
 cis ac cómmo da : & cæ léstem vi-
 ctó ri am cum omni pó pu lo su o.
 Per e úm dem Dó mi num no-
 strum Je sum Christum Fí li um
 tu um : Qui tecum vi vit & re-
 gnat in uni tá te Spí ri tus sancti
 De us, per ómni a sæcu la sæ-
 cu ló rum. R. Amen.

Completa benedictione Cerei, Diaconus,
 depositis albis, sumit violacea paramenta,
 & vadit ad Celebrantem, qui exiit plu-
 viali, & sumit manipulum & casulam vio-
 lacei coloris. Postea leguntur Prophetiæ sine
 titulo : & Celebrans legit eas submissa voce
 ad Altare in cornu Epistolæ. In fine Prophe-
 tiarum dicuntur Orationes modo subscripto.
 Antè, vel interim dum Prophetiæ legun-
 tur, Presbyteri catechizent catechumenos
 baptizandos, & præparent ad baptismum.

Pro-

Prophetia prima.

Gen. 1. & 2.



IN principio creavit Deus cælum, & terram. Terra autem erat inanis & vacua, & tenebræ erant super faciem abyssi: & Spiritus Dei ferebatur super aquas. Dixitque Deus: Fiat lux. Et facta est lux. Et vidit Deus lucem quod esset bona: & divisit lucem à tenebris. Appellavitque lucem Diem, & tenebras Noctem, factumque est vespere & manè, dies unus. Dixit quoque Deus: Fiat firmamentum in medio aquarum: & dividat aquas ab aquis. Et fecit Deus firmamentum, divisitque aquas quæ erant sub firmamento, ab his quæ erant super firmamentum. Et factum est ita. Vocavitque Deus firmamentum, Cælum: & factum est vespere & manè, dies secundus. Dixit verò Deus: Congregentur aquæ, quæ sub cælo sunt, in locum unum: & appareat arida. Et factum est ita. Et vocavit Deus aridam, Terram, congregationesque aquarum appellavit Mária. Et vidit Deus quod esset bonum. Et ait: Germinet terra herbam virentem, & facientem semen, & lignum pomiferum faciens fructum juxta genus suum, cujus semen in semetipso sit super terram. Et factum est ita. Et protulit terra herbam virentem, & facientem semen juxta genus suum, lignumque faciens fructum, & habens unumquodque sementem secundum speciem suam. Et vidit Deus quod esset bonum. Et factum est vespere & manè, dies tertius. Dixit autem Deus: Fiant luminaria in firmamento cæli, & dividant diem ac noctem, & sint in signa, & tempora, & dies, & annos: ut luceant in firmamento cæli, & illuminent terram. Et factum est ita. Fecitque Deus duo luminaria magna, luminare majus, ut præesset diæ: & luminare minus, ut præesset nocti: & stellas. Et posuit eas in firmamento cæli, ut lucerent super terram, & præessent diæ ac nocti, & dividerent lucem ac tenebras.

Et vidit Deus quod esset bonum. Et factum est vespere & manè, dies quartus. Dixit etiam Deus: Producant aquæ reptile animæ viventis, & volatile super terram sub firmamento cæli. Creavitque Deus Cete grándia, & omnem animam viventem atque motabilem, quam produxerant aquæ in species suas, & omne volatile secundum genus suum. Et vidit Deus quod esset bonum. Benedixitque eis, dicens: Crescite, & multiplicamini, & replète aquas maris: avesque multiplicentur super terram. Et factum est vespere & manè, dies quintus. Dixit quoque Deus: Producat terra animam viventem in genere suo, jumenta, & reptilia, & bestias terræ secundum species suas. Factumque est ita. Et fecit Deus bestias terræ juxta species suas, & jumenta, & omne reptile terræ in genere suo. Et vidit Deus quod esset bonum, & ait: Faciamus hominem ad imaginem & similitudinem nostram: & præsit piscibus maris, & volatilibus cæli, & bestiis, universæque terræ, omni que reptili quod movetur in terra. Et creavit Deus hominem ad imaginem suam: ad imaginem Dei creavit illum: masculum & feminam creavit eos. Benedixitque illis Deus, & ait: Crescite, & multiplicamini, & replète terram, & subjícite eam, & dominamini piscibus maris, & volatilibus cæli, & universis animantibus, quæ moventur super terram. Dixitque Deus: Ecce dedi vobis omnem herbam afferentem semen super terram, & universa ligna quæ habent in semetipsis sementem generis sui, ut sint vobis in escam: & cunctis animantibus terræ, omni que volucri cæli, & universis quæ moventur in terra, & in quibus est anima vivens, ut habeant ad vescendum. Et factum est ita. Viditque Deus cuncta quæ fecerat: & erant valde bona. Et factum est vespere & manè, dies sextus. Igitur perfecti sunt cæli & terra, & omnis ornatus eorum. Complevitque Deus dies septimo opus suum quod fecerat:

& requievit die séptimo ab univérso opere quod patrarat.

Qua completa, Sacerdos dicit: O remus. Diaconus, Flectamus gēua. & Subdiaconus, Levate. Oratio.

DEus, qui mirabiliter creásti hóminem, & mirabilius redemísti: da nobis, quæsumus, contra oblectamēta peccati, mentis ratione persistere; ut mereámur ad ætérna gaudia pervenire. Per Dóminum.

Prophetia secunda. Gen. 5. & 6.

NOe verò cū quingentórum esset annórum, genuit Sem, Cham, & Japheth. Cūque cœpissēt hómines multiplicári super terram, & filias procreássent, vidētes filii Dei filias hóminum quòd essent pulchræ, acceperūt sibi uxóres ex ómnibus, quas elégerant. Dixitque Deus: Non permanébit spíritus meus in hómine in ætérnum, quia caro est: erúntque dies illius centum viginti annórum. Gigántes autem erant super terram in diébus illis. Postquàm enim ingressi sunt filii Dei ad filias hóminum, illæque genuerunt, isti sunt potētes à sæculo viri famósi. Videns autem Deus quòd multa malitia hóminum esset in terra, & cuncta cogitatio cordis intēta esset ad malum omni tēpore, pœnituit eum quòd hóminem fecissēt in terra. Et tactus dolore cordis intrínsecus: Delébo, inquit, hóminem, quem creávi, à fácie terræ, ab hómine usque ad animántia, à réptili usque ad volúres cæli. Poenitet enim me fecisse eos. Noe verò invénit grátiā coram Dómino. Hæ sunt generatióes Noe: Noe vir justus atque perfectus fuit in generatióibus suis, cum Deo ambulávit. Et genuit tres filios, Sem, Cham, & Japheth. Corrupta est autem terra coram Deo, & repléta est iniquitate. Cūque vidisset Deus terram esse corruptam (omnis quippe caro corrúperat viam suam super terram) dixit ad Noe: Finis univérse carnis venit coram me: repléta est terra iniquitate à fácie eórum, & ego dispéram eos

cum terra. Fac tibi arcam de lignis lævigátis: mansiúnculas in arca fácies, & bitumine línies intrínsecus & extrínsecus. Et sic fácies eam: Trecentórū cubitórum erit longitúdo arcæ, quinquaginta cubitórum latitúdo, & triginta cubitórum altitúdo illius. Fenéstram in arca fácies, & in cubito consummábis summitátem ejus: óstium autem arcæ pones ex latere: deórsum, coenácula, & trístega fácies in ea. Ecce ego addúcā aquas dilúvii super terram, ut interficiam omnem carnem, in qua spíritus vitæ est subter cælum: Univérsa, quæ in terra sunt, consuméntur. Ponámque fœdus meum tecum: & ingrediéris arcam tu & filii tui, uxor tua, & uxóres filiórū tuórum, tecum. Et ex cunctis animántibus univérse carnis bina indúces in arcam, ut vivant tecum: masculíni sexus & feminíni. De volúcribus juxta genus suum, & de juméntis in génere suo, & ex omni réptili terræ secúndum genus suum: bina de ómnibus ingreditúr tecum, ut possint vívere. Tolle igitur tecum ex ómnibus escis, quæ mandí possunt, & comportábis apud te: & erunt tam tibi, quàm illis in cibum. Fecit igitur Noe ómnia, quæ præcéperat illi Deus. Erátque sexcentórum annórum quando dilúvii aquæ inundavérunt super terram. Rupti sunt omnes fontes abyssi magnæ, & cataráctæ cæli apértæ sunt: & facta est plúvia super terram quadraginta diébus & quadraginta nóctibus. In artículo diéi illius ingressus est Noe, & Sem, & Cham, & Japheth, filii ejus; uxor illius, & tres uxóres filiórū ejus cum eis, in arcam: ipsi & omne animal secúndum genus suum, univérsaque juménta in génere suo, & omne quod movétur super terram in génere suo, cunctúmque volátile secúndum genus suum. Porrò arca ferebátur super aquas. Et aquæ prævaluerunt nimis super terram: opertique sunt omnes montes excélsi sub univérso cælo. Quíndecim cúbitis áltior fuit aqua super montes, quos operúerat. Consumptaque est omnis caro quæ movebátur

batur super terram, volucrum, animantium, bestiarum, omniumque reptilium, quæ reptant super terram. Remansit autem solus Noe, & qui cum eo erant in arca. Obtinueruntque aquæ terram centum quinquaginta diebus. Recordatus autem Deus Noe, cunctorumque animantium, & omnium jumentorum, quæ erant cum eo in arca, adduxit spiritum super terram, & imminutæ sunt aquæ. Et clausi sunt fontes abyssi, & cataractæ cæli: & prohibitæ sunt pluviae de cælo. Reversæque sunt aquæ de terra euntes & redeuntes: & coeperunt minui post centum quinquaginta dies. Cumque transissent quadraginta dies, aperiens Noe fenestram arcæ, quam fecerat, dimisit corvum: qui egrediebatur, & non revertebatur, donec siccaréntur aquæ super terram. Emisit quoque columbam post eum, ut videret si jam cessassent aquæ super faciem terræ. Quæ cum non invenisset ubi requiesceret pes ejus, reversa est ad eum in arcam: aquæ enim erant super universam terram: extenditque manum, & apprehensam intulit in arcam. Expectatis autem ultra septem diebus aliis, rursum dimisit columbam ex arca. At illa venit ad eum ad vespèram, portans ramos olivæ viréntibus foliis in ore suo. Intelléxit ergo Noe quod cessassent aquæ super terram. Expectavitque nihilominus septem alios dies: & emisit columbam, quæ non est reversa ultra ad eum. Locutus est autem Deus ad Noe, dicens: Egrede de arca, tu & uxor tua, filii tui, & uxóres filiorum tuorum tecum. Cuncta animantia quæ sunt apud te, ex omni carne, tam in volatilibus, quam in bestiis, & universis reptilibus, quæ reptant super terram, educ tecum, & ingredimini super terram: crescite, & multiplicamini super eam. Egressus est ergo Noe, & filii ejus, uxor illius, & uxóres filiorum ejus, cum eo. Sed & omnia animantia, jumenta, & reptilia quæ reptant super terram, secundum

genus suum, egressa sunt de arca. Edificavit autem Noe altare Dómino: & tollens de cunctis pecoribus & volúcribus mundis, obtulit holocausta super altare. Odoratúsque est Dóminus odorem suavitatis. **O**remus. Flectamus genua. **R.** Leváte. **Oratio.**

Deus incommutabilis virtus, & lumen ætérnum: respice propítius ad totius Ecclesiæ tuæ mirabile sacramentum, & opus salutis humanæ, perpétuæ dispositionis effectum tranquillius operare: totúsque mundus experiatur, & videat, dejécta érigi, inveterata renovári, & per ipsum redire omnia in íntegrum, à quo sumpsere princípium, Dóminum nostrum Jesum Christum Fílium tuum: Qui tecum vivit.

Prophetia tertia.

Gen. 22.

IN diebus illis: Tentavit Deus Abraham, & dixit ad eum: Abraham, Abraham. At ille respondit: Adsum. Ait illi: Tolle filium tuum unigénitum, quem diligis, Isaac, & vade in terram visionis: atque ibi offereseum in holocaustum super unum montium quem monstrávero tibi. Igitur Abraham de nocte consurgens, stravit ásinum suum, ducens secum duos júvenes, & Isaac filium suum: Cumque concidisset ligna in holocaustum, abiit ad locum quem præcéperat ei Deus. Die autem tertio, elevátis óculis, vidit locum procul: dixitque ad púeros suos: Expectáte híc cum ásino: ego & puer illuc usque properántes, postquam adoravérimus, revertémur ad vos. Tulit quoque ligna holocausti, & impósuit super Isaac filium suum: ipse verò portábat in manibus ignem & gládium. Cumque duo pergerent simul, dixit Isaac patri suo: Pater mi. At ille respondit: Quid vis fili? Ecce, inquit, ignis & ligna: ubi est víctima holocausti? Dixit autem Abraham: Deus providébit sibi víctimam holocausti, fili mi. Pergébant ergo páriter, & venerút ad locum quem osténderat ei Deus, in quo edificávit altare, & desuper ligna compósuit: cumque alligasset Isaac filiú suú, posuit

fuit eum in altare super struem lignorum. Extenditque manum, & arripuit gladium, ut immolaret filium suum. Et ecce Angelus Domini de caelo clamavit, dicens: Abraham, Abraham. Qui respondit: Adsum. Dixitque ei: Non extends manum tuam super puerum, neque facias illi quidquam: nunc cognovi quod timeas Deum, & non pepercisti unigenito filio tuo propter me. Levavit Abraham oculos suos, viditque post tergum arietem inter vepres haerentem cornibus, quem assumens obtulit holocaustum pro filio. Appellavitque nomen loci illius, Dominus videt. Unde usque hodie dicitur: In monte Dominus videbit. Vocavit autem Angelus Domini Abraham secundum de caelo, dicens: Per memetipsum iuravi, dicit Dominus: quia fecisti hanc rem, & non pepercisti filio tuo unigenito propter me: benedicam tibi, & multiplicabo semen tuum sicut stellas caeli, & velut arenam quae est in littore maris: possidebit semen tuum portas inimicorum suorum, & benedicentur in semine tuo omnes gentes terrae, quia obedisti voci meae. Reversus est Abraham ad pueros suos, abieruntque Bersabee simul, & habitavit ibi. **O remus. Flectamus genua.**

R. Levate.

Oratio.

Deus, fidelium Pater summe, qui in toto orbe terrarum, promissionis tuae filios diffusa adoptionis gratia multiplicas: & per Paschale sacramentum, Abraham puerum tuum universarum, sicut iurasti, Gentium efficis patrem: da populis tuis digne ad gratiam tuae vocationis introire. Per Dominum.

Prophetia quarta. Exodi 14. f & 15.

In diebus illis: Factum est in vigilia matutina, & ecce respiciens Dominus super castra Aegyptiorum per columnam ignis & nubis, interfecit exercitum eorum: & subvertit rotas currum, ferebanturque in profundum. Dixérunt ergo Aegyptii: Fugiamus Israelem: Dominus enim pugnat pro eis contra nos. Et

ait Dominus ad Moysen: Extende manum tuam super mare, ut revertantur aquae ad Aegyptios super currus & equites eorum. Cumque extendisset Moyses manum contra mare, reversum est primo diluculo ad priorem locum: fugientibusque Aegyptiis occurrerunt aquae, & involvit eos Dominus in mediis fluctibus. Reversaeque sunt aquae, & operuerunt currus & equites cuncti exercitus Pharaonis, qui sequentes ingressi fuerant mare: nec unus quidem superfuit ex eis. Filii autem Israel perrexerunt per medium sicci maris, & aquae eis erant quasi pro muro a dextris & a sinistris: liberavitque Dominus in die illa Israel de manu Aegyptiorum. Et viderunt Aegyptios mortuos super littus maris, & manum magnam quam exercuerat Dominus contra eos: timuitque populus Dominum, & crediderunt Domino, & Moysi servo ejus. Tunc cecinit Moyses & filii Israel carmen hoc Domino, & dixerunt.

Tractus. Ibidem. Cantemus Domino: gloriosè enim honorificatus est: equum & ascensorem projecit in mare: adiutor & protector factus est mihi in salutem.

V. Hic Deus meus, & honorificabo eum: Deus patris mei, & exaltabo eum. **V.** Dominus conterens bella: Dominus nomen est illi. **O remus. Flectamus genua. R. Levate.**

Oratio.

Deus, cujus antiqua miracula etiam nostris saeculis coruscare sentimus: dum quod uni populo a persecutione Aegyptiaca liberando, dexteræ tuæ potentia contulisti, id in salutem Gentium per aquam regenerationis operaris: praesta, ut in Abraham filios, & in Israeliticam dignitatem, totius mundi transeat plenitudo. Per Dominum.

Prophetia quinta. Isaia 54. g & 55.

Haec est hereditas servorum Domini, & iustitia eorum apud me, dicit Dominus. Omnes sitièntes venite ad aquas: & qui non habetis argentum, properate, emite, & comedite: venite, emite absque argento, & absque ulla

com-

commutatiōne vinum & lac. Quare ap-
pēditis argēntum non in pānibus, &
labōrem vestrū non in saturitatē? Au-
dīte audiētes me, & comēdite bonum,
& delectābitur in crassitudīne ānima ve-
stra. Inclinatē aurem vestrā, & venī-
te ad me: audīte, & vivet ānima vestrā,
& fēriam vobiscum pactum sempitēr-
num, misericōrdias David fidēles. Ecce
testem pōpulis dedi eum, ducem ac prae-
ceptōrem Gētibus. Ecce gentem, quam
nesciēbas, vocābis: & Gentes, quā te
non cognovērunt, ad te current propter
Dōminum Deum tuum, & sanctum
Israel, quia glorificāvit te. Quārite Dō-
minum, dum inveniri potest: invocāte
eum, dum propē est. Derelinquat im-
pius viam suā, & vir iniquus cogita-
tiōnes suas, & revertātur ad Dōminum,
& miserēbitur ejus, & ad Deum no-
strum: quōniam multus est ad ignoscē-
dum. Non enim cogitatiōnes meae, co-
gitatiōnes vestrāe: neque viā vestrā, viā
meā, dicit Dōminus. Quia sicut exal-
tāntur cāli à terra, sic exaltatāe sunt viā
meā à viis vestris, & cogitatiōnes meae
à cogitatiōnibus vestris. Et quōmodo
descēdit imber, & nix de cālo, & illuc
ultrā non revērtitur, sed inēbriat terram,
& infūdit eam, & germināre eam fa-
cit, & dat semen ferēti, & panem co-
medēti: Sic erit verbum meum, quod
egrediētur de ore meo: non revertētur
ad me vācuū, sed faciēt quaecūque
vōlui, & prosperābitur in his, ad quā
misi illud: dicit Dōminus omnipotens.

Oremus. Flectāmus gēnua.

Re. Levāte.

Oratio.

Omnipotens sempitērne Deus, multi-
plica in honōrem nōminis tui, quod
patrum fidei spondidisti, & promissiō-
nis filios sacra adoptiōne dilāta: ut, quod
priōres Sancti non dubitavērunt futū-
rum, Ecclesiā tua magna jam ex parte
cognōscat implētum. Per Dōminum.

Prophetia sexta.

Baruch 3. c

Audi Israel mandata vitāe: auribus
pērcipe, ut scias prudētiā. Quid

est Israel quod in terra inimicōrum es?
inveterāsti in terra aliēna, coinquinātus
es cum mōrtuis: deputātus es cum de-
scendētibz in infērum. Dereliquisti
fontem sapiētiā. Nam si in via Dei am-
bulāsses, habitāsses utique in pace sempi-
tēna. Disce ubi sit prudētia, ubi sit vir-
tus, ubi sit intellēctus, ut scias simul, ubi
sit longitūrnitas vitāe & victus, ubi sit
lumen oculōrum, & pax. Quis invēnit
locum ejus? & quis intrāvit in thesau-
ros ejus? Ubi sunt principes Gēntium,
& qui domināntur super bēstias, quā
sunt super terram? qui in āvibus cāli lu-
dunt, qui argēntum thesaurizant, &
aurum, in quo confidunt hōmines, &
non est finis acquisitiōnis eōrum? qui
argēntum fabricant & solīciti sunt, nec
est invēntio ōperum illōrum? Extermi-
nāti sunt, & ad infēros descendērunt,
& ālii loco eōrum surrexērunt. Jūvenes
vidērunt lumen, & habitavērunt super
terram: viā autem disciplināe ignora-
vērunt, neque intellexērunt sēmitas ejus,
neque filii eōrum suscepērūt eam, à faciē
ipsōrum longē facta est: non est audita in
Terra Chānaan, neque visa est in The-
man. Filii quoque Agar, qui exquirunt
prudētiā, quā de terra est, negotiatō-
res Merrhā, & Theman, & fabulatōres,
& exquisitōres prudētiā & intelligen-
tiā: viā autem sapiētiā nesciērunt,
neque commemorāti sunt sēmitas ejus.
O Israel, quā magna est domus Dei, &
ingēs locus possessiōnis ejus! Magnus est,
& non habet finem: excēlsus & immēn-
sus. Ibi fuērunt gigāntes nomināti illi, qui
ab initio fuērunt statūra magna, sciētes
bellum. Non hos elēgit Dōminus, neque
viā disciplināe invenērunt: propterea
perierunt. Et quōniam non habuērunt
sapiētiā, interiērunt propter suā in-
sapiētiā. Quis ascēdit in cālum, &
accēpit eam, & edūxit eam de nūbibus?
Quis transfretāvit mare, & invēnit illam?
& attulit illam super aurum elēctum?
Non est qui possit scire vias ejus, neque
qui exquirat sēmitas ejus: sed qui scit

uni-

universa, novit eam, & adinvenit eam prudentia sua: qui praeeparavit terram in aeterno tempore, & replevit eam pecudibus, & quadrupedibus: qui emittit lumen, & vadit: & vocavit illud, & obedit illi in tremore. Stellae autem dederunt lumen in custodiis suis, & laetatae sunt: vocatae sunt, & dixerunt: Adsumus: & luxerunt ei cum jucunditate, qui fecit illas. Hic est Deus noster, & non aestimabitur alius adversus eum. Hic adinvenit omnem viam disciplinae, & tradidit illam Jacob puero suo, & Israel dilecto suo. Post haec in terris visus est, & cum hominibus conversatus est.

Oremus. Flectamus genua.

R. Levate.

Oratio.

Deus, qui Ecclesiam tuam semper Gentium vocatione multiplicas: concede propitius; ut quos aqua baptismatis abluis, continua protectione tuearis. Per Dominum.

Prophetia septima.

Ezech. 37.

In diebus illis: Facta est super me manus Domini, & eduxit me in spiritu Domini: & dimisit me in medio campi, qui erat plenus ossibus: Et circumdixit me per ea in gyro: erant autem multa valde super faciem campi, siccaque vehementer. Et dixit ad me: Fili hominis putasne vivent ossa ista? Et dixi: Domine Deus, tu nosti. Et dixit ad me: Vaticinare de ossibus istis: & dices eis: Ossa arida audite verbum Domini: Haec dicit Dominus Deus ossibus his: Ecce ego intromittam in vos spiritum, & vivetis. Et dabo super vos nervos, & succrescere faciam super vos carnes, & superextendam in vobis cutem: & dabo vobis spiritum, & vivetis, & sciatis quia ego Dominus. Et prophetavi sicut praeceperat mihi: factus est autem sonitus, prophetante me, & ecce commotio: & accesserunt ossa ad ossa, unumquodque ad juncturam suam. Et vidi, & ecce super ea nervi, & carnes ascenderunt: & extenta est in eis cutis desuper, & spiritum non habebant. Et dixit ad me: Vaticinare

ad spiritum, vaticinare fili hominis, & dices ad spiritum: Haec dicit Dominus Deus: A quatuor ventis veni spiritus, & insuffla super interfectos istos, & reviviscant. Et prophetavi sicut praeceperat mihi: & ingressus est in ea spiritus, & vixerunt: steteruntque super pedes suos exercitus grandis nimis valde. Et dixit ad me: Fili hominis, ossa haec universa, domus Israel est: ipsi dicunt: Aruerunt ossa nostra, & periit spes nostra, & abscissi sumus. Propterea vaticinare, & dices ad eos: Haec dicit Dominus Deus: Ecce ego aperiam tumulos vestros, & educam vos de sepulchris vestris populus meus: & inducam vos in terram Israel. Et sciatis quia ego Dominus, cum aperiero sepulchra vestra, & educero vos de tumulis vestris popule meus: & dederam spiritum meum in vobis, & vixeritis, & requiescere vos faciam super humum vestram, dicit Dominus omnipotens. **O**remus. Flectamus genua.

R. Levate.

Oratio.

Deus, qui nos ad celebrandum Paschale sacramentum, utriusque testamenti paginis instruis: da nobis intelligere misericordiam tuam; ut ex perceptione praesentium munerum, firma sit expectatio futurorum. Per Dominum.

Prophetia octava.

Isaie 4.

Apprehendent septem mulieres virum unum in die illa, dicentes: Panem nostrum comedemus, & vestimentis nostris operiemur, tantummodo invocetur nomen tuum super nos, aufer opprobrium nostrum. In die illa erit germen Domini in magnificentia, & gloria, & fructus terrae sublimis, & exultatio his, qui salvati fuerint de Israel. Et erit: Omnis qui relictus fuerit in Sion, & residuus in Jerusalem, sanctus vocabitur, omnis qui scriptus est in vita in Jerusalem. Si abluerit Dominus sordes filiarum Sion, & sanguinem Jerusalem laverit de medio ejus in spiritu iudicii, & spiritu ardoris. Et creabit Dominus super omnem locum montis Sion,

Sion, & ubi invocatus est, nubem per diem, & fumum & splendorem ignis flammantis in nocte: super omnem enim gloriam protectio. Et tabernaculum erit in umbraculum diei ab aestu, & in securitatem, & absconsionem à turbine, & à pluvia.

Tractus. Isaia 5. Vinea facta est dilecto in cornu, in loco uberi.

v. Et maceriam circumdedit, & circumfodit: & plantavit vineam Sorec, & edificavit turrin in medio ejus.

v. Et torcular fodit in ea: vinea enim Domini Sabaoth, domus Israel est.

Oremus. Flectamus genua.

R. Levate.

Oratio.

Deus, qui in omnibus Ecclesiae tuae filiis, sanctorum Prophetarum voce manifestasti, in omni loco dominationis tuae, fatorem te bonorum seminum, & electorum palmitum esse cultorem: tribue populis tuis, qui & vinearum apud te nomine censentur & segetum; ut spinarum & tribulorum squalore ressecato, digna efficiantur fruge fecundi. Per Dominum.

Prophetia nona.

Exod. 12.

In diebus illis: Dixit Dominus ad Moysen, & Aaron in Terra Aegypti: Mensis iste, vobis principium mensium, primus erit in mensibus anni. Loquimini ad universum coetum filiorum Israel, & dicite eis: Decima die mensis hujus tollat unusquisque agnum per familias & domos suas. Sin autem minor est numerus ut sufficere possit ad vescendum agnum, assumet vicinum suum qui junctus est domui suae, juxta numerum animarum quae sufficere possunt ad esum agni. Erit autem agnus absque macula, masculus, anniculus: juxta quem ritum tollétis & hoedum. Et servabitis eum usque ad quartam decimam diem mensis hujus: immolabitque eum universa multitudo filiorum Israel ad vespéram. Et sument de sanguine ejus, ac ponent super utrumque postem, & in superliminariis domorum, in quibus comedent il-

lum. Et edent carnes nocte illa assas igni, & azymos panes cum lactucis agréstitibus. Non comedétis ex eo crudum quid, nec coctum aqua, sed tantum assum igni: caput cum pedibus ejus & intestinis vorabitis. Nec remanebit quidquam ex eo usque manè. Si quid residuum fuerit, igne comburetis. Sic autem comedétis illum: Renes vestros accingétis, & calceamenta habebitis in pedibus, tenentes baculos in manibus, & comedétis festinanter: est enim Phasé (idest transitus) Domini.

Oremus. Flectamus genua.

R. Levate.

Oratio.

OMnipotens sempiternus Deus, qui in omnium operum tuorum dispensatione mirabilis es: intelligant redempti tui, non fuisse excellentius, quod initio factus est mundus, quam quod in fine saeculorum Pascha nostrum immolatus est Christus. Qui tecum vivit, &c.

Prophetia decima.

Jonæ 3.

In diebus illis: Factum est verbum Domini ad Jonam Prophetam secundo, dicens: Surge, & vade in Niniven civitatem magnam, & praedica in ea praedicationem, quam ego loquor ad te. Et surrexit Jonas, & abiit in Niniven juxta verbum Domini: & Ninive erat civitas magna itinere dierum trium. Et coepit Jonas introire in civitatem itinere diei unius: & clamavit, & dixit: Adhuc quadraginta dies, & Ninive subvertetur. Et crediderunt viri Ninivitæ in Deum: & praedicaverunt jejunium, & vestiti sunt saccis à majore usque ad minorem. Et pervenit verbum ad regem Ninive: & surrexit de solio suo, & abjecit vestimentum suum à se, & indutus est sacco, & sedit in cinere. Et clamavit, & dixit in Ninive ex ore regis & principum ejus, dicens: Homines, & jumenta, & boves, & pecora non gustent quidquam: nec pascantur, & aquam non bibant. Et operiantur saccis homines, & jumenta, & clament ad Dominum in fortitudine, & convertatur vir à via sua mala, & ab iniquitate, quae

quæ est in manibus eorum. Quis scit si convertatur, & ignoscat Deus: & revertatur à furóre iræ suæ, & non peribimus? Et vidit Deus opera eorum, quia conversi sunt de via sua mala: & misertus est populo suo Dominus Deus noster. **Oremus.** Flectamus genua.

R. Levate.

Oratio.

Deus, qui diversitatem Gentium in confessione tui nominis adunasti: da nobis & velle & posse quæ præcipis; ut, populo ad æternitatem vocato, una sit fides mentium, & pietas actionum. Per Dominum.

Prophetia undecima. Deut. 31. f

IN diebus illis: Scripsit Moyses canticum, & docuit filios Israel. Præcepitque Dominus Josue filio Nun, & ait: Confortare, & esto robustus: tu enim introduces filios Israel in terram, quam pollicitus sum, & ego ero tecum. Postquam ergo scripsit Moyses verba legis hujus in volumine, atque complèvit: præcepit Levitis, qui portabant arcam foederis Domini, dicens: Tollite librum istum, & pónite eum in latere arcæ foederis Domini Dei vestri: ut sit ibi contra te in testimonium. Ego enim scio contentionem tuam, & cervicem tuam durissimam. Adhuc vivente me, & ingrediente vobiscum, semper contentiosè egistis contra Dominum: quanto magis cum mortuus fuero? Congregate ad me omnes majores natu per tribus vestras, atque doctores, & loquar audientibus eis sermones istos, & invocabo contra eos cælum & terram. Novi enim quod post mortem meam iniquè agétis, & declinabitis citò de via, quam præcepi vobis: & occurrerent vobis mala in extremo tempore, quando feceritis malum in conspectu Domini, ut irritetis eum per opera manuum vestrarum. Locutus est ergo Moyses, audiente universo coetu Israel, verba carminis hujus, & ad finem usque complèvit.

Tractus. Deut. 32. Attende cælum, & loquar: & audiat terra verba ex ore meo.

Ps. Expectetur sicut pluvia eloquium meum: & descendant sicut ros verba mea. **Ps.** Sicut imber super gramen, & sicut nix super fœnum: quia nomen Domini invocabo. **Ps.** Date magnitudinem Deo nostro: Deus, vera opera ejus, & omnes viæ ejus iudicia.

Ps. Deus fidelis, in quo non est iniquitas: justus & sanctus Dominus.

Oremus. Flectamus genua.

R. Levate.

Oratio.

Deus, celsitudo humilium, & fortitudo rectorum: qui per sanctum Moysen puerum tuum, ita erudire populum tuum sacri carminis tui decantatione voluisti, ut illa legis iteratio fieret etiam nostra directio: excita in omnem justificatarum Gentium plenitudinem potentiam tuam, & da lætitiā, mitigando terrorem; ut omnium peccatis tua remissione delétis, quod denuntiātum est in ultionem, transeat in salutem. Per Dominum.

Prophetia duodecima. Dan. 3.

IN diebus illis: Nabuchodonosor rex fecit statuam auream altitudine cubitorum sexaginta, latitudine cubitorum sex, & statuit eam in campo Dura provinciae Babylonis. Itaque Nabuchodonosor rex misit ad congregandos satrapas, magistratus, & iudices, duces, tyrannos, & præfectos, omnesque principes regionum, ut convenirent ad dedicationem statuæ, quam erexerat Nabuchodonosor rex. Tunc congregati sunt satrapæ, magistratus, & iudices, duces, & tyranni, & optimates, qui erant in potestatibus constituti, & universi principes regionum, ut convenirent ad dedicationem statuæ, quam erexerat Nabuchodonosor rex. Stabant autem in conspectu statuæ, quam posuerat Nabuchodonosor rex: & præco clamabat valenter: Vobis dicitur populis, tribubus, & linguis: In hora, qua audieritis sonitum tubæ, & fistulæ, & citharæ, sambucæ, & psalterii, & symphoniarum, & universi generis musicorum, cadentes adoráte statuatam

tuam auream, quam constituit Nabuchodonosor rex. Si quis autem non prostratus adoraverit, eadem hora mittetur in fornacem ignis ardentis. Post hæc igitur statim ut audierunt omnes populi sonitum tubæ, fistulæ, & citharæ, sambucæ, & psalterii, & symphoniarum, & omnis generis musicorum: cadentes omnes populi, tribus, & linguæ adoraverunt statuam auream, quam constituerat Nabuchodonosor rex. Statimque in ipso tempore accedentes viri Chaldaei accusaverunt Judæos: dixeruntque Nabuchodonosor regi: Rex in æternum vive: tu rex posuisti decretum, ut omnis homo, qui audierit sonitum tubæ, fistulæ, & citharæ, sambucæ, & psalterii, & symphoniarum, & universi generis musicorum, prosternat se, & adoret statuam auream: si quis autem non procidens adoraverit, mittatur in fornacem ignis ardentis. Sunt ergo viri Judæi, quos constituisti super opera regionis Babylonis, Sidrach, Misach, & Abdénago: viri isti contempserunt, rex, decretum tuum: deos tuos non colunt, & statuam auream, quam erexisti, non adorant. Tunc Nabuchodonosor in furore, & in ira præcepit ut adducerentur Sidrach, Misach, & Abdénago: qui confestim adducti sunt in conspectu regis. Pronuntiânsque Nabuchodonosor rex, ait eis: Verene Sidrach, Misach, & Abdénago deos meos non colitis, & statuam auream, quam constitui, non adoratis? Nunc ergo si estis parati, quacumque hora audieritis sonitum tubæ, fistulæ, citharæ, sambucæ, & psalterii, & symphoniarum, omnisque generis musicorum, prosternite vos, & adorâte statuam, quam feci: quod si non adoraveritis, eadem hora mittemini in fornacem ignis ardentis: & quis est Deus, qui eripiet vos de manu mea? Respondentes Sidrach, Misach, & Abdénago, dixerunt regi Nabuchodonosor: Non oportet nos de hac re respondere tibi. Ecce enim Deus noster, quem colimus, potest eripere nos de camino ignis ar-

dentis, & de manibus tuis, ô rex, liberare. Quod si noluerit, notum sit tibi rex, quia deos tuos non colimus, & statuam auream, quam erexisti, non adoramus. Tunc Nabuchodonosor repletus est furore: & aspectus faciei illius immutatus est super Sidrach, Misach, & Abdénago: & præcepit ut succenderetur fornax septuplum quam succendi consueverat. Et viris fortissimis de exercitu suo iussit, ut ligatis pedibus Sidrach, Misach, & Abdénago, mitterent eos in fornacem ignis ardentis. Et confestim viri illi vincti cum braccis suis, & tiaris, & calceamentis, & vestibus missi sunt in medium fornacis ignis ardentis, nam iussio regis urgebat: fornax autem succensa erat nimis. Porro viros illos, qui miserant Sidrach, Misach, & Abdénago, interfecit flamma ignis. Viri autem hi tres, idest, Sidrach, Misach, & Abdénago, ceciderunt in medio camino ignis ardentis, colligati. Et ambulabant in medio flammæ laudantes Deum, & benedicentes Domino.

Hic dicitur, Oremus.

Oratio.

OMnipotens sempiternus Deus, spes unica mundi, qui Prophetarum tuorum præconio, præsentium temporum declarasti mysteria: auge populi tui vota placatus; quia in nullo fidelium, nisi ex tua inspiratione, proveniunt quarumlibet incrementa virtutum. Per Dominum nostrum.

His expletis, si Ecclesia habuerit Fontem Baptismalem, Sacerdos benedicturus Fontem; accipit pluviale violaceum, & præcedente Cruce cum candelabris, & Cereo benedicto accenso, descendit cum Clero & ministris paratis ad Fontem: & interim cantatur sequens Tractus. Psalm. 41. Sicut cervus desiderat ad fontes aquarum: ita desiderat anima mea ad te, Deus. Sitivit anima mea ad Deum vivum: quando veniam, & apparebo ante faciem Dei?

¶ Fuérunt mihi lacrymæ meæ panes die

die ac nocte, dum dicitur mihi per singulos dies: Ubi est Deus tuus?

Deinde Sacerdos, antequam intret ad benedictionem Fontis, dicit hanc Orationem juxta Fontem.

Ps. Dominus vobiscum. R. Et cum spiritu tuo. Orémus. Oratio.

OMnipotens sempiternus Deus, respice propitius ad devotionem populi renascentis, qui, sicut cervus, aquarum tuarum expetit fontem: & concede propitius; ut fidei ipsius sitis, baptismatis mysterio animam corpusque sanctificet. Per Dominum nostrum, *R. Amen.*

Postea procedit ad benedictionem Fontis, dicens: Ps. Dominus vobiscum.

R. Et cum spiritu tuo.

Orémus.

Oratio.

OMnipotens sempiternus Deus, adesto magnæ pietatis tuæ mysteriis, adesto sacramentis: & ad recreandos novos populos, quos tibi fons baptismatis parit, Spiritum adoptionis emitte: ut quod nostræ humilitatis gerendum est ministerio, virtutis tuæ impleatur effectu. Per Dominum nostrum, in unitate ejusdem Spiritus sancti Deus.

Elevans vocem in modum Præfationis prosequitur junctis manibus.

Per omni a sæcula sæculorum.

R. Amen. Ps. Dominus vo bíf-

cum. R. Et cum spí ri tu tu o.

Ps. Sursum cor da. R. Habémus

ad Dó minum. Ps. Grá ti as agá-

mus Dó mi no De o no stro.

R. Di gnum & ju stum est.

Ve rè di gnum & ju stum est,

æquum & fa lu tá re, nos ti bi sem-

per, & ubí que grá ti as áge re: Dó-

mi ne san cte, Pa ter omní po tens,

æ tér ne D eus. Qui in vi síbi li

po tén ti a, sacramen tó rum tu o-

rum mi ra bí li ter ope rá ris ef fe-

ctum: Et licet nos tan tis my-

sté ri is exequendis si mus in dí-

gni: tu tamen grá ti æ tu æ do-

na non dé se rens, é ti am ad no-

stras pre ces, au res tu æ pi e tá-

tis

tis in cli nas. De us, cu jus Spi-
 ri tus su per aquas, in ter ip sa
 mundi primordi a fe re ba tur: ut
 jam tunc virtu tem sancti fi ca ti o-
 nis aqua rum na tu ra concí pe ret.
 De us, qui nocén tis mundi crími-
 na per aquas ab lu ens, rege ne ra-
 ti ó nis spéci em in ipsa di lúvi i
 ei fu si ó ne lignasti: ut u ní us
 e jusdémque e le ménti my sté-
 ri o, & fi nis ef fet ví ti is, &
 o rí go vir tú ti bus. Ré spi ce
 Dómi ne in fá ci em Ecclé si æ
 tu æ, & mul tí pli ca in e a re-
 Miss.

genera ti ó nes tu as, qui grá ti æ
 tu æ afflu éntis ímpetu læ tí fi cas
 ci ví tá tem tu am: fontémque ba-
 ptísma tis á pe ris to to or be ter-
 rá rum Gén ti bus inno vándis,
 ut tu æ ma jestá tis impé ri o,
 su mar U ni gé ni ti tu i grá-
 ti am de Spi ri tu sancto.

Hic Sacerdos manu extensa dividit aquam
 in modum crucis, & eam statim
 linteo extergit, dicens:

Qui hanc aquam rege ne rándis ho-
 míni bus præ pa rá tam, arcá na su i
 númi nis ad mixti ó ne fecúndet:
 ut sancti fi ca ti ó ne concépta, ab
 imma cu lá to di ví ni fontis úte-
 ro,

ro, in novam rená ta cre a túram,
 pro gēni es cæ lé stis emér gat. Et
 quos aut sexus in córpore, aut ætas
 discér nit in tém po re, omnes in
 unam pá ri at grá ti a ma ter
 infán ti am. Procul er go hinc,
 ju bente te Dó mi ne, omnis spí-
 ri tus immún dus ab scé dat:
 pro cul to ta ne quí ti a di a bó-
 li cæ frau dis ab sí stat. Ni hil
 híc loci há be at contrá ri æ virtú-
 tis ad míc ti o: non in sí di ándo
 circúm vo let: non la téndo sub ré-
 pat: non infi ci éndo corrúmpat.

Aquam ma-
 nu tangit.

Sit hæc sancta & inno-
 cens cre a tú ra, lí be ra ab omni
 impugna tó ris in eúr su, & to tí us
 nequí ti æ pur gá ta di scéf fu. Sit
 fons vi vus, a qua re gé ne rans,
 un da pu rí ficans: ut omnes hoc
 la vá cro fa lu tí fe ro di lu én di, o-
 pe rán te in e is Spí ri tu sancto,
 per fectæ pur ga ti ó nis in dul-
 gén ti am con se quántur.

Facit tres Cruces supra fontem,
 dicens:

Unde be ne dí co te cre a tú ra
 aquæ, per De um ✠ vi vum,
 per De um ✠ ve rum, per
 Deum

De um * sanctum : per D eum ,
 qui te in princí pi o , verbo se-
 pa rá vit ab á ri da , cu jus spí-
 ri tus su per te fe re bá tur .

*Hic manu aquam dividit , & effundit
 eam versus quatuor mundi
 partes , dicens :*

Qui te de pa ra dí si fonte maná-
 re fe cit , & in quá tu or flumí ni-
 bus to tam ter ram ri gá re præ-
 cepit . Qui te in de sérto a má-
 ram , su a vi táte ín dí ta fecit ef fe
 po tá bi lem , & si ti énti pó pulo de
 pe tra prodú xit . Be * ne dí co
 te & per Je sum Chri stum Fí-
 li um e jus ú ni cum , Dómi num

nostrum , qui te in Ca na Ga li-
 læ æ signo admi rá bi li , su a po-
 ténti a convér tit in vinum . Qui
 pé di bus super teambu lá vit : & à
 Jo á nne in Jordá ne in te ba pti zá-
 tus est . Qui te una cum sá ngui ne
 de lá te re su o prodú xit : & di scí-
 pu lis su is iussit , ut credéntes ba-
 pti za réntur in te , di cens : I te , do-
 cé te omnes Gentes , ba pti zán-
 tes e os in nó mi ne Pa tris , &
 Fí li i , & Spí ri tus san cti .

*Mutat vocem , & prosequitur in
 tono Lectionis :*

HÆc nobis præcépta servántibus ,
 tu Deus omnipotens , clemens
 adésto : tu benígnus adspíra .

Halat ter in aquam in modum Crucis, dicens: Tu has simplices aquas tuo ore benedícito: ut præter naturalem emundationem, quam lavandis possunt adhibere corporibus, sint etiam purificandis mentibus efficaces.

Hic Sacerdos paululum demittit Cereum in aquam: & resumens tonum Præfationis, dicit:

Descéndat in hanc ple ni tú di nem
fontis, vir tus Spí ri tus sancti.

Deinde extractum Cereum de aqua, iterum profundius mergit, aliquantò altius repetens, D escéndat in hanc.

Postea Cereum rursus de aqua extractum, tertio immergens usque ad fundum, altiori adhuc voce repetit, D escéndat, ut supra.

Et deinde sufflans ter in aquam secundum hanc figuram ✠, prosequitur.

Totámque huius aquæ substánti am
re ge ne rándi fe cündet ef fe ctu.

Hic tollitur Cereus de aqua, & prosequitur:

Hic ómni um peccató rum má cu-
læ de le ántur: hic na túra ad imá-
gi nem tu am cón di ta, & ad ho-
nó rem su i re for má ta prin ci-

pi i, cunctis ve tú sta tis squa ló ri-
bus emundé tur: ut omnis homo
sacraméntum hoc regene ra ti ó nis
ingrés sus, in ve ræ inno cénti æ
no vam in fan ti am re na sca tur.

Sequentia dicit legendo.

Per Dóminum nostrum Jesum Chri-
stum Filium tuum: qui venturus est
judicáre vivos & mórtuos, & sæcu-
lum per ignem. **R.** Amen.

**Deinde per assistentes Sacerdotes spargi-
tur de ipsa aqua benedicta super populum.
Et interim unus ex ministris Ecclesiæ acci-
pit in vase aliquo de eadem aqua, ad asper-
gendum in domibus, & aliis locis. His per-
actis, Sacerdos qui benedixit Fontem, in-
fundit de oleo Catechumenorum in aquam
in modum crucis, intelligibili voce dicens:**
Sanctificétur, & fecundétur fons iste
óleo salutis renascéntibus ex eo, in
vitam ætérnam. **R.** Amen.

**Deinde infundit de Chrismate, mo-
do quo supra, dicens: I**nfusio Chrís-
matis Dómini nostri Jesu Christi, &
Spíritus sancti Parácliti, fiat in nómi-
ne Sanctæ Trinitátis. **R.** Amen.

**Postea accipit ambas ampullas dicti olei
sancti & Chrismatis, & de utroque simul
in modum Crucis infundendo, dicit:**
Commixtio Chrísmatis sanctificatió-
nis, & olei unctiónis, & aquæ baptís-
matis, páriter fiat, in nómine Pa tris,
& Fi lii, & Spíritus sancti.
R. Amen.

Tunc miscet ipsum oleum cum aqua, & spargit

spargit manu sua per omnem Fontem. Si
aderunt baptizandi, eos baptizat more
consueti. Deinde revertentibus Sacerdo-
te & ministris ad Altare, cantantur Lita-
niæ à duobus Clericis, & Chorus idem
simul repetit, ut dicitur infra.

Ubi verò non est Fons Baptismalis,
finita ultima Prophetia cum sua Oratio-
ne, Celebrans casulam deponit, & cum
ministris ante Altare procumbit: & aliis
omnibus genuflexis, cantantur Litanie
in medio Chori à duobus cantoribus,
utroque Choro idem simul responden-
te. Cum autem perventum fuerit ad
✠. Peccatores, te rogamus. Sacerdos &
ministri surgunt, & accedentes ad Sa-
cristiam, induuntur paramentis albi co-
loris pro Missa solemniter celebranda: &
interim accenduntur luminaria in Altari.
In fine Litaniarum cantantur solemniter,
Kyrie eleison. & repetuntur, ut in
Missa moris est.

Kyrie eleison. Chri ste elei-

son. Kyrie eleison. Chri ste

audi nos. Chri ste exaudi nos.

Pater de cælis Deus, Mi se ré re

nobis. Fi li Redemptor mundi De-

us, Mi se ré re nobis. Spí ri tus

san cte Deus, Mi se ré re nobis.

Sancta Trí ni tas unus Deus,
Miss. Mon.

Mi se ré re no bis.

Sancta Ma rí a, Ora pro nobis.

Sancta Dei Génitrix, ora.

Sancta Virgo Virginum, ora.

Sancte Michael, ora.

Sancte Gábríel, ora.

Sancte Ráphael, ora.

Omnes Sancti Angeli & Archángeli,
oráte pro nobis.

Omnes sancti beatórum Spirituum
órdines, oráte pro nobis.

Sancte Joánnes Baptísta, ora.

Sancte Joseph, ora.

Omnes sancti Patriárchæ & Prophé-
tæ, oráte pro nobis.

Sancte Petre, ora.

Sancte Paule, ora.

Sancte Andréa, ora.

Sancte Joánnes, ora.

Omnes sancti Apóstoli & Euangeli-
stæ, oráte pro nobis.

Omnes sancti Discípuli Dómini, orá-
te pro nobis.

Sancte Stéphané, ora.

Sancte Lauréti, ora.

Sancte Vincéti, ora.

Omnes sancti Mártýres, oráte pro
nobis.

Sancte Silvéster, ora.

Sancte Gregóri, ora.

Sancte Augustíne, ora.

Omnes sancti Pontífices & Confes-
sóres, oráte pro nobis.

Omnes sancti Doctóres, oráte pro nobis.

Sancte Antóni, ora.

Sancte Benedícte, ora.

Sancte Domínice, ora.

Sancte Francíscé, ora.

Omnes sancti Sacerdótes & Levítæ,
oráte pro nobis.

Omnes sancti Mónachi & Eremitæ,
oráte pro nobis.

Sancta María Magdaléna, ora.

Sancta Agnes, ora.
 Sancta Cæcilia, ora.
 Sancta Agatha, ora.
 Sancta Anastasia, ora.
 Omnes sanctæ Virgines & Viduæ,
 orate pro nobis.
 Omnes Sancti & Sanctæ Dei, Inter-
 cédite pro nobis.



Propitius esto, Parce nobis Dómine.
 Propitius esto, Exáudi nos Dómine.
 Ab omni malo, Libera nos Dómine.
 Ab omni peccato, libera.
 A morte perpétua, libera.
 Per mystérium sanctæ Incarnatiónis
 tuæ, libera.
 Per Advéntum tuum, libera.
 Per Nativitatem tuam, libera.
 Per Baptísmum & sanctum Jejúnium
 tuum, libera.
 Per Crucem & Passiónem tuam, libera.
 Per Mortem & Sepultúram tuam,
 libera nos Dómine.
 Per sanctam Resurrectiõem tuam,
 libera nos Dómine.
 Per admirabilem Ascensiõem tuam,
 libera nos Dómine.
 Per advéntum Spíritus sancti Parácli-
 ti, libera nos Dómine.
 In die Iudicii, libera nos Dómine.



Pecca tó res, Te ro gámus audi nos.



Ut nobis parcas, Te ro gámus audi nos.
 Ut Ecclesiám tuam sanctam régere &
 conservare dignéris, te ro gámus.
 Ut domnum Apostólicum, & omnes Ec-
 clesiásticos órdenes in sancta religi-
 one conservare dignéris, te ro gámus.
 Ut inimicos sanctæ Ecclesiæ humiliá-
 re dignéris, te ro gámus.
 Ut Régibus & Principibus Christiánis

pacem & veram concórdiam doná-
 re dignéris, te ro gámus.
 Ut nosmetipsos in tuo sancto servitio
 confortare & conservare dignéris,
 te ro gámus audi nos.
 Ut ómnibus benefactoribus nostris sem-
 piterna bona retríbuas, te ro gámus.
 Ut fructus terræ dare & conservare
 dignéris, te ro gámus.
 Ut ómnibus fidelibus defunctis ré-
 quem æternam donare dignéris, te
 ro gámus audi nos.
 Ut nos exaudire dignéris, te ro gámus
 audi nos.



Agnus De i, qui tol lis peccá ta



mun di, Parce no bis Dó mi ne.

A gnus Dei, qui tollis peccáta mundi,
 Exáudi nos Dómine.

A gnus Dei, qui tollis peccáta mundi,
 Miserere nobis.



Chri ste au di nos.



Chri ste ex au di nos.

Hic Cantores solemniter incipiunt, Kyrie
 eleison. Christe eleison. Kyrie eleison. &
 ter singula repetuntur. Interim Sacerdos
 cum ministris in paramentis albis accedit
 ad Altare; & dicto Psalmo, Iúdica me
 Deus. cum Gloria Patri. facit Confessio-
 nem, ut moris est, in loco consueto:
 deinde ascendens, osculatur Altare, in-
 censat more solito; & finitis à Choro,
 Kyrie eleison. incipit solemniter, Gloria
 in excelsis. & pulsantur campanæ.

Postea Sacerdos dicit: Dóminus vo-
 bíscum. R. Et cum spíritu tuo.

O rémus.

Oratio.

D eus, qui hanc sacratíssimam no-
 etem glória Domínicæ resurre-
 ctiónis

etionis illústras: conserva in nova familiæ tuæ progénie adoptionis Spíritum, quem dedisti; ut corpore & mente renovati, puram tibi exhibeant servitútem. Per eúndem Dóminum.

Lectio Epistolæ beati Pauli Apóstoli ad Colossenses. **Coloss. 3.**

Fratres, Si confurrexistis cum Christo, quæ sursum sunt quærite, ubi Christus est in dextera Dei sedens: quæ sursum sunt sápite, non quæ super terram. Mórui enim estis, & vita vestra est abscondita cum Christo in Deo. Cum Christus apparuerit, vita vestra: tunc & vos apparebitis cum ipso in glória.

Finita Epistola Celebrans incipit:



Al le lu ja

Et totum decantat ter, elevando vocem gradatim: & Chorus post quamlibet vicem, in eodem tono repetit illud idem.

Postea Chorusprosequitur. Psalm. 117.

✠. Confitemini Dómino, quóniam bonus: quóniam in sæculum misericórdia ejus.

Deinde dicitur Tractus. Psalmus 116.

Laudáte Dóminum omnes Gentes: & collaudáte eum omnes pópuli.

✠. Quóniam confirmata est super nos misericórdia ejus: & veritas Dómini manet in ætérnum.

Ad Evangelium non portantur luminaria, sed tantum incensum: petitur benedictio, & alia fiunt de more.

✠ **S**equéntia sancti Evangelii secundum Matthæum. **Matth. 28.**

Vespere autem sabbati, quæ lucéscit in prima sabbati, venit María Magdaléne, & áltera María vidére sepúlchrum. Et ecce terrémótus factus est magnus. Angelus enim Dómini descendit de cælo: & accédens revólvit lápidem, & sedébat super eum: erat autem aspéctus ejus sicut

fulgur: & vestiméntum ejus sicut nix. Præ timóre autem ejus extérriti sunt custódes, & facti sunt velut mórui. Respóndens autem Angelus dixit muliéribus: Nolíte timére vos: scio enim, quòd Jesum, qui crucifixus est, quæritis: non est híc: furrexit enim, sicut dixit. Veníte, & vidéte locum, ubi pósitus erat Dóminus. Et citò eúntes, dícite discíplis ejus quia furrexit: & ecce præcédit vos in Galilæam: ibi eum vidébitis. Ecce prædixi vobis.

Non dicitur Credo. sed finito Evangelio Sacerdos dicit: Dóminus vobíscum.

Postea, Oremus. Non dicitur Offertorium. Ad Lavabo. dicitur, Glória Patri. Secreta.

Suscipe, quæsumus Dómine, preces pópuli tui, cum oblationibus hostiárum: ut Paschálibus initiata mystériis, ad æternitátis nobis medélam, te operánte, proficiant. Per Dóminum nostrum.

Præfatio. Te quidem, Dómine, omni témpore, sed in hac potíssimùm nocte. **ut infra. fol. 169.**

Infra actionem.

Communicántes, & noctem sacratíssimam celebrántes Resurrectiónis Dómini nostri Jesu Christi secundum carnem: sed & memóriam venerántes, in primis gloriósæ semper virginis Mariæ, Genitrícis ejúsdem Dei & Dómini nostri Jesu Christi: sed & beatórum, &c. **ut infra. fol. 170.**

Hanc igitur oblationem servitútis nostræ, sed & cunctæ familiæ tuæ, quam tibi offérimus pro his quoque, quos regeneráre dignátus es ex aqua & Spíritu sancto, tribuens eis remissionem ómnium peccatórum, quæsumus Dómine, ut placátus accípias, &c.

Dicitur, Pax Dómini sit semper vobíscum: **sed pacis osculum non datur; Agnus Dei, non dicitur, nec Postcommunio: dicuntur tamen tres consuetae Orationes ante Communionem.**

Post sumptionem Sacramenti, pro Vespere

esperis in Choro cantatur Antiphona.
Allelúja, allelúja, allelúja. & Psalmus.
Laudate Dóminum omnes Gentes, cum
Glória Patri. in fine; & post repetitur
eadem Antiphona. Capitulum, Hym-
nus, & Versus non dicuntur, sed sta-
tim Celebrans in cantu incipit Antipho-
nam ad Magnificat.



Vé spe rè au tem sáb ba ti,

Et prosequitur Chorus, quæ lucéscit
in prima sabbati: venit María Mag-
daléne, & áltera María vidére sepúl-
chrum, allelúja.

Deinde cantatur Magnificat. cum G ló-
ria Patri. in fine; & fit incensatio, ut
aliàs in Vesperis.

Reperita Antiphona, Celebrans dicit:
Dóminus vobíscum.

℞. Et cum spíritu tuo.

O rémus.

S Píritum nobis, Dómine, tuæ cha-
ritátis infúnde: ut, quos sacra-
méntis Paschálibus satiásti, tua fá-
cias pietáte concórdes. Per Dóminum
nostrum. in unitáte ejúsdem Spíritus
sancti Deus.

Deinde dicit: Dóminus vobíscum.

Et Diaconus vertens se ad popu-
lum, cantat:



I te Mis fa est, al le lú ja,

al le lú ja

℞. Deo grátias, allelúja, allelúja.

Et dicitur usque ad Sabbatum in Al-
bis inclusivè.

Et Sacerdos dicto, Pláceat tibi sancta
Trínitas, dat benedictionem more solito:



ORDOMISSÆ

169

Sacerdos paratus cum ingreditur ad Altare, facta illi debita reverentia, signat se signo Crucis à fronte ad pectus, & clara voce dicit:



In nómine Patris, & Filii, & Spiritus sancti, Amen.

Deinde junctis manibus ante pectus, incipit Añam.

Introibo ad altare Dei.

Ministri R. Ad Deum qui lætíficat juventutem meam.

Postea alternatim cum ministris dicit sequentem Psalmum. **Psalmus 42.**

Judica me Deus, & discerne causam meam de gente non sancta, ab homine iniquo, & doloso erue me.

M. Quia tu es Deus fortitudo mea: quare me repulisti, & quare tristis incedo, dum affligit me inimicus?

S. E mitte lucem tuam, & veritatem tuam: ipsa me deduxerunt, & adduxerunt in montem sanctum tuum, & in tabernacula tua.

M. Et introibo ad altare Dei, ad Deum qui lætíficat juventutem meam.

S. Confitebor tibi in cithara Deus, Deus meus: quare tristis es anima mea, & quare conturbas me?

M. Spera in Deo, quoniam adhuc confitebor illi: salutare vultus mei, & Deus meus.

S. Gloria Patri, & Filio, & Spiritui sancto.

M. Sicut erat in principio, & nunc, & semper, & in sæcula sæculorum, Amen.

S. repetit Antiphonam. Introibo ad altare Dei. **R.** Ad Deum qui lætíficat juventutem meam.

Signat se dicens V. Adjutorium nostrum in nómine Domini.

R. Qui fecit ealum & terram.

Deinde junctis manibus profunde inclinatus facit Confessionem.

In Missis Defunctorum, & in Missis de Tempore à Dominica Passionis usque ad Sabbatum sanctum exclusivè, omittitur Psalmus. **J**udica me Deus, cum Gloria Patri. & repetitione Antiphonæ: sed dicto, **I**n nómine Patris, **I**ntroibo. & **A**djutorium. fit Confessio, ut sequitur:

Confiteor Deo omnipotenti, beatæ Mariæ semper virgini, beato Michaeli

Archangelo, beato Joanni Baptistæ, Sanctis Apóstolis Petro & Paulo, beato Patri Nostro Benedicto, omnibus Sanctis, & vobis fratres, quia peccavi nimis cogitatione, verbo, & opere: **(Percutit sibi pectus ter, dicens:)** mea culpa, mea culpa, mea máxima culpa. Ideo precor beatam Mariam semper virginem, beatum Michaellem Archangelum, beatum Joannem Baptistam, Sanctos Apóstolos Petrum & Paulum, beatum Patrem Nostrium Benedictum, omnes Sanctos, & vos fratres, orare pro me ad Dóminum Deum nostrum.

Ministri R. Misereatur tui omnipotens Deus, & dimissis peccatis tuis, perducatur te ad vitam æternam.

Sacerdos dicit, Amen. Et erigit se.

Deinde ministri repetunt Confessionem: & ubi à Sacerdote dicebatur, vobis fratres, & vos fratres, à ministris dicitur, tibi pater, & te pater.

Postea Sacerdos junctis manibus facit absolutionem, dicens:

Misereatur vestri omnipotens Deus, & dimissis peccatis vestris, perducatur vos ad vitam æternam. **R.** Amen.

Signat se signo Crucis, dicens:

Indulgentiam, absolutionem, & remissionem peccatorum nostrorum, tribuat nobis omnipotens & misericors Dñs. **R.** Amen.

Et inclinatus prosequitur, V. Deus tu conversus vivificabis nos.

R. Et plebs tua lætabitur in te: **V.** Ostende nobis Dómine misericordiam tuam.

R. Et salutare tuum da nobis. **V.** Dómine exaudi orationem meam. **R.** Et clamor meus ad te veniat. **V.** Dóminus vobiscum.

R. Et cum spiritu tuo.

Et extendens, ac jungens manus, clara voce dicit, **O**remus. & ascendens ad Altare, dicit secreto:

Aufer à nobis, quæsumus Dómine, iniquitates nostras: ut ad Sancta sanctorum puris mereamur mentibus introire. Per Christum Dóminum nostrum. Amen.

Deinde manibus junctis super Altare, inclinatus dicit:

Oramus te, Dómine, per mérita Sanctorum tuorum, **O**culatur Altare

re in medio, quorum reliquæ hæc sunt, & omnium Sanctorum: ut indulgere digneris omnia peccata mea, Amen.

In Missa solemni, Celebrans antequam legat Introitum, benedicit incensum, dicens: **A** b illo bene * dicaris, in cuius honore cremaberis. Amen.

Et accepto thuribulo à Diacono, incensat Altare nihil dicens.

Postea Diaconus, recepto thuribulo à Celebrante, incenset illum tantum.

Deinde Celebrans signans se signo Crucis, incipit Introitum: quo finito, junctis manibus alternatim cum ministris dicit:


K yrie eleison. **K** yrie eleison. **K** yrie eleison. **C** hriste eleison. **C** hriste eleison. **C** hriste eleison. **K** yrie eleison. **K** yrie eleison. **K** yrie eleison.

Postea in medio Altaris extendens, & jungens manus, caputque aliquantulum inclinans, dicit, si dicendum est, Glória in excelsis Deo, & prosequitur junctis manibus. Cum dicit, **A** doramus te. **G** ratias agimus tibi. & **J**esu Christe. & **S**uscipe deprecationem. inclinat caput: & in fine dicens, **C**um sancto Spiritu. signat se à fronte ad pectus.


In Duplicibus & Solemnibus diebus.




In Missis beatæ Mariæ.



In Dominicis, Festis Semiduplicibus, & infra Octavas, quæ non sunt B. Mariæ.



In Festis Simplicibus.



Et in terra pax hominibus bonæ voluntatis. **L**audamus te, **B**enedicimus te, **A**doramus te, **G**lorificamus te. **G**ratias agimus tibi propter magnam glóriam tuam. **D**omine Deus Rex cælestis, Deus Pater omni-

potens. **D**omine Fili unigenite Jesu Christe. **D**omine Deus, Agnus Dei, Filius Patris. **Q**ui tollis peccata mundi, miserere nobis. **Q**ui tollis peccata mundi, suscipe deprecationem nostram. **Q**ui sedes ad dexteram Patris, miserere nobis. **Q**uoniam tu solus sanctus, **T**u solus Dominus, **T**u solus altissimus, Jesu Christe, **C**um sancto Spiritu in glória Dei Patris, Amen.

Sic dicitur, Glória in excelsis, etiam in Missis beatæ Mariæ, quando dicenda est.

Deinde osculatur Altare in medio, & versus ad populum dicit **V.** Dominus vobiscum. **R.** Et cum spiritu tuo. postea dicit, **O**remus.

& **O**rationes, unam aut plures, ut ordo **O**fficii postulat: sequitur **E**pístola, **G**raduale, **T**ractus, vel **A**llelúja, cum **V**ersu, aut **S**equéntia, ut tempus postulat. His finitis, si est Missa solemnis, Diaconus deponit librum Evangeliorum super medium Altaris, & Celebrans benedicit incensum, ut supra: deinde Diaconus genuflexus ante Altare, manibus junctis dicit:

Munda cor meum, ac labia mea, omnipotens Deus, qui labia Isaïæ Prophætæ cálculo mundasti ignito: ita me tua grata miseratione dignare mundare, ut sanctum Evangelium tuum dignè váleam nuntiare. Per Christum Dominum nostrum, Amen.

Postea accipit librum de Altari, & rursus genuflexus petit benedictionem à Sacerdote, dicens: Jube domne benedicere.

Sacerdos respondet:

Dominus sit in corde tuo, & in labiis tuis: ut dignè & competenter annunties Evangelium suum: In nomine Patris, & Filii, & Spiritus sancti, Amen.

Et accepta benedictione, osculatur manum Celebrantis: & cum aliis ministris, incenso & luminaribus, accedens ad locum Evangelii, stans junctis manibus dicit **V.** Dominus vobiscum. **R.** Et cum spiritu tuo. Et pronuntians, **S**equéntia sancti Evangelii secundum **N.** sive **I**nítium. pollice dextræ manus signat librum in principio Evangelii, quod est lecturus, deinde seipsum in fronte, ore, & pectore: & dum ministri respondent, Glória tibi Domine. incensat ter librum, postea prosequitur Evangelium junctis manibus. Quo finito, Subdiaconus defert librum Sacerdoti, qui osculatur Evangelium, dicens: Per Evangelica dicta deleantur nostra delicta.

Deinde Sacerdos incensatur à Diacono.

Si

Si verò Sacerdos sine Diacono & Subdiacono celebrat, delato libro ad aliud cornu Altaris, inclinatus in medio, junctis manibus dicit: Munda cor meum. ut suprâ, & Jube Dómine benedicere. Dóminus sit in corde meo, & in lábiis meis: ut dignè & competenter annuntiem Euangelium suum, Amen.

Deinde conversus ad librum, junctis manibus dicit *ψ*. Dóminus vobiscum. *R.* Et cum spíritu tuo. & pronuntians. Initium, sive Sequéntia sancti Evangelii, &c. signat librum, & se in fronte, ore, & pectore, & legit Euangelium, ut dictum est. Quo finito, respondet minister, Laus tibi Christe. & Sacerdos osculatur Euangelium, dicens: Per Evangelica dicta, ut suprâ.

In Missis Defunctorum dicitur, Munda cor meum; sed non petitur benedictio, non deferuntur luminaria, nec Celebrans osculatur librum.

Deinde ad medium Altaris extendens, elevans, & jungens manus, dicit, si dicendum est, Credo in unum Deum. & prosequitur junctis manibus. Cùm dicit: Deum, caput Crucis inclinat: quod similiter facit, cùm dicit, Jesum Christum, & simul adoratur. Ad illa autem verba, Et incarnatus est, genuflectit usque dum dicatur, Et homo factus est. In fine ad Et vitam venturi sæculi, signat se signo Crucis à fronte ad pectus.



Cre do in u num De um.

Patrem omnipotentem, factorem cæli & terræ, visibilibus omnium, & invisibilibus. Et in unum Dóminum Jesum Christum, Fílium Dei unigenitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Génitum, non factum, consubstantialem Patri: per quem omnia facta sunt. Qui propter nos homines, & propter nostram salutem descendit de celis. (Hic genuflectitur.) Et incarnatus est de Spíritu sancto ex Mariá virgine: Et homo factus est. Crucifixus etiam pro nobis: sub Póntio Piláto passus, & sepúltus est. Et resurrexit tertia die, secundum Scripturas. Et ascendit in cælum: sedet ad dexteram Patris. Et iterum venturus est cum glória ju-

dicare vivos, & mórtuos: cujus regni non erit finis. Et in Spíritum sanctum, Dóminum & vivificantem: qui ex Patre Fílioque procedit. Qui cum Patre & Fílio simul adoratur, & conglorificatur: qui locutus est per Prophétas. Et unam, sanctam, Cathólicam & Apostólicam Ecclesiám. Confiteor unum baptísma in remissionem peccatorum. Et expecto resurrectionem mortuorum. Et vitam venturi sæculi, Amen.

Deinde osculatur Altare, & versus ad populum, dicit *ψ*. Dóminus vobiscum. *R.* Et cum spíritu tuo. Postea dicit, Orémus. & Offertorium. Quo dicto, si est Missa sollemnis, Diaconus porrigit Celebranti patenam cum Hostia: si privata, Sacerdos ipse accipit patenam cum Hostia, quam offerens, dicit:

Uscipe sancte Pater, omnipotens æternus Deus, hanc immaculatam Hostiam, quam ego indignus famulus tuus offero tibi Deo meo vivo & vero, pro innumerabilibus peccatis & offensionibus & negligentis meis, & pro omnibus circumstantibus, sed & pro omnibus fidelibus Christianis vivis atque defunctis: ut mihi & illis proficiat ad salutem in vitam æternam. Amen.

Deinde faciens Crucem cum eadem patena, deponit Hostiam super corporale. Diaconus ministrat vinum, Subdiaconus aquam in Calice: vel si privata est Missa, utrumque infundit Sacerdos, & aquam miscendam in Calice benedicit, & dicens:

Deus, qui humanæ substantiæ dignitatem mirabiliter condidisti, & mirabilius reformasti: da nobis per hujus aquæ & vini mysterium, ejus divinitatis esse consortes, qui humanitatis nostræ fieri dignatus est particeps, Jesus Christus Fílius tuus Dóminus noster: Qui tecum vivit & regnat in unitate Spíritus sancti Deus, per omnia sæcula sæculorum. Amen.

In Missis pro Defunctis dicitur prædicta Oratio, sed aqua non benedicitur.

Postea accipit Calicem, & offert, dicens: Offerimus tibi Dómine calicem salutaris, tuam deprecantes clementiam: ut in conspectu divinae majestatis tuæ, pro nostra & totius mundi salute cum odore suavitatis ascendat. Amen.

Deinde facit signum Crucis cum Calice, & illum ponit super corporale, & palla

palla cooperit: tum junctis manibus super Altare, aliquantulum inclinatus dicit:

IN spiritu humilitatis, & in animo contrito suscipiamur à te, Domine: & sic fiat sacrificium nostrum in conspectu tuo hodie, ut placeat tibi, Domine Deus.

Erectus expandit manus, easque in altum porrectas jungens, elevatis ad cælum oculis, & statim demissis, dicit:

Veni sanctificator omnipotens æternæ Deus: **Benedicit oblata, prosequendo**, & bene ✱ dic hoc sacrificium tuo sancto nomini præparatum.

Postea, si solemniter celebrat, benedicit incensum, dicens:

Per intercessionem beati Michaelis Archangeli stantis à dextris altaris incensi, & omnium electorum suorum, incensum istud dignetur Dominus bene ✱ dicere, & in odorem suavitatis accipere. Per Christum Dominum nostrum. Amen.

Et accepto thuribulo à Diacono, incensat oblata, modo in Rubricis generalibus præscripto, dicens:

Incensum istud à te benedictum, ascendant ad te Domine, & descendant super nos misericordia tua.

Deinde incensat Altare, dicens:

Dirigatur Domine oratio mea, sicut incensum in conspectu tuo: elevatio manuum mearum sacrificium vespertinum. Pone Domine custodiam ori meo, & ostium circumstantiæ labiis meis: ut non declinet cor meum in verba malitiæ, ad excusandas excusationes in peccatis.

Dum reddit thuribulum Diacono, dicit:

Accendat in nobis Dominus ignem sui amoris, & flammam æternæ charitatis. Amen.

Postea incensatur Sacerdos à Diacono, deinde alii per ordinem. Interim Sacerdos lavat manus, dicens: Psalmus 25.

Lavabo inter innocentes manus meas: & circumdabo altare tuum Domine:

Ut audiam vocem laudis, & enarrem universa mirabilia tua.

Domine dilexi decorem domus tuæ, & locum habitationis gloriæ tuæ.

Ne perdas cum impiis Deus animam meam: & cum viris sanguinum vitam meam.

In quorum manibus iniquitates sunt: dextera eorum repléta est munèribus.

Ego autem in innocentia mea ingressus sum: redime me, & miserere mei.

Pes meus stetit in directo: in Ecclesiis benedicam te Domine.

Gloria Patri, & Filio, & Spiritui sancto. Sicut erat in principio, & nunc, & semper, & in sæcula sæculorum, Amen.

In Missis pro Defunctis, & tempore Passionis in Missis de Tempore omittitur, Gloria Patri. Deinde aliquantulum inclinatus in medio Altaris, junctis manibus super eo, dicit:

Suscipe sancta Trinitas, hanc oblationem, quam tibi offerimus ob memoriam passionis, resurrectionis, & ascensionis Jesu Christi Domini nostri: & in honorem beatæ Mariæ semper virginis, & beati Joannis Baptistæ, & Sanctorum Apostolorum Petri & Pauli, & istorum, & omnium Sanctorum: ut illis proficiat ad honorem, nobis autem ad salutem: & illi pro nobis intercedere dignentur in cælis, quorum memoriam agimus in terris. Per eundem Christum Dominum nostrum. Amen.

Postea osculatur Altare, & versus ad populum, extendens & jungens manus, voce paululum elevata, dicit:

Orate fratres: ut meum ac vestrum sacrificium acceptabile fiat apud Deum Patrem omnipotentem.

Minister, seu circumstantes respondent: alioquin ipsemet Sacerdos.

Suscipiat Dominus sacrificium de manibus tuis, (vel meis) ad laudem, & gloriam nominis sui, ad utilitatem quoque nostram, totiusque Ecclesiæ suæ sanctæ.

Sacerdos submissa voce dicit, Amen.

Deinde manibus extensis absolute sine Orémus, subjungit Orationes secretas. Quibus finitis, cum pervenerit ad conclusionem, clara voce dicit: Per omnia sæcula sæculorum, cum Præfatione, ut in sequentibus. Præfatio incipitur ambobus manibus positis hinc inde super Altare: quas aliquantulum elevat, cum dicit: Sursum corda. Jungit eas ante pectus, & caput inclinat, cum dicit, Grátias agamus Domino Deo nostro.

Deinde disjungit manus, & disjunctas tenet usque ad finem Præfationis: qua finita, iterum jungit eas, & inclinatus dicit, Sanctus. Et cum dicit, Benedictus qui venit; signum Crucis sibi producit à fronte ad pectus.

P R Æ.

PRÆFATIONES

PER TOTUM ANNUM CUM NOTIS.

Sequens Præfatio cum suo cantu dicitur à Nativitate Domini usque ad Epiphaniam (præterquam in die Octav. sancti Joannis Apostoli) & in Purificatione beatæ Mariæ : & in festo Corporis Christi, & per Octavam, nisi in ea occurrat Festum, quod propriam Præfationem habeat : & in Transfiguratione Domini, ac in festo SS. Nominis Jesu.

Per omni a sæ cu la sæ cu ló rum.

R. Amen. **V.** Dómi nus vo bís-

cum. **R.** Et cum spí ri tu tu o.

V. Sur sum cor da.

R. Ha bé mus ad Dó mi num.

V. Grá ti as agá mus Dó mi-
no De o no stro.

R. Di gnum & ju stum est.

Ve ré di gnum & ju stum est,

æ quum & fa lu tá re, nos

ti bi semper, & u bíque grá ti as

á ge re: Dómi ne san cte, Pa ter

omní po tens, æ térne De us.

Qui a per incarna ti Verbi my-

sté ri um, no va men tis nò stræ

ó cu lis lux tu æ cla ri tá tis

in ful sit: ut dum vi si bí li ter

De um co gnó scimus, per hunc in

in vi si bí li um amó rem ra pi á-

mur. Et í de ò cum Ange lis &

Ar chán ge lis, cum Thro nis &
Domi-

Do mi na ti ó ni bus, cumque
 omni mi lí ti a cæ léstis ex ér ci-
 tus, hymnum gló ri æ tu æ cá-
 nimus, si ne fi ne di cén-tes.

Infra actionem.

Communicantes, & diem sacratís-
 simum celebrantes, quo beátæ
 Mariæ intemerata virginitas huic mun-
 do édedit Salvatorem. Sed & memó-
 riam venerantes, in primis ejúsdem
 gloriósæ semper virginis Mariæ, geni-
 trícis ejúsdem Dei & Dómini nostri Je-
 su Christi: sed & beatorum Apostoló-
 rum, ac Mártýrum tuórum, Petri &
 Pauli, Andréæ, Jacóbi, Joánnis, Tho-
 mæ, Jacóbi, Philíppi, Bartholomæi,
 Matthæi, Simónis & Thaddæi: Lini,
 Cleti, Cleméntis, Xysti, Cornélii, Cy-
 priáni, Lauréntii, Chrysógoni, Joánnis
 & Pauli, Cosmæ & Damiáni, & óm-
 nium Sanctórum tuórum; quorum mérit-
 is precibúsq; concédas, ut in ómnibus
 protectiónis tuæ muniámur auxílio.

Jungit manus. Per eúndem Chri-
 stum Dóminum nostrum. Amen.

*H*anc igitur oblationem, &c.

In prima verò Missa dicitur, noctem
 sacratíssimam celebrantes, qua: *deinde*
semper dicitur, diem sacratíssimum, quo:
 usque ad *Octavam Nativitatis Domini*
 inclusivè, & non ultrà.

Sequens Præfatio cum suo cantu dicitur
in Epiphania Domini, & per Octavam.

Per ómni a sæcu la sæcu ló rum.

R. Amen. *V.* Dóminus vo bís-
 cum. *R.* Et cum spí ri tu tu o.
V. Sur sum cor da. *R.* Habé mus
 ad Dóminum. *V.* Grá ti as agá-
 mus Dó mi no De o no stro.
R. Di gnum & ju stum est.
*V*e rè di gnum & ju stum est,
 æ quum & sa lu tá re, nos
 ti bi semper, & ubique grá ti as
 á gere: Dómi ne sancte, Pa ter
 omni po tens, æ tér ne De us.
Qui a cùm Uni gé ni tus tu us
 in substán ti a no stræ mor ta li-
 tá tis ap pá ru it, no ya nos
 immor-

immor ta li tá tis su æ lu ce
re pa rá vit. Et í de ò
cum Ange lis & Archán ge lis,
cum Thro nis & Domi na ti ó-
ni bus, cumque omni mi lí-
ti a cæ lé stis e xér ci tus,
hymnum gló ri æ tu æ cá ni-
mus, si ne fi ne di cén tes.

Infra actionem.

Communicantes, & diem sacratís-
simum celebrantes, quo Unigéni-
tus tuus in tua tecum glória coætérnus,
in veritate carnis nostræ visibíliter cor-
porális apparuit. Sed & memóriam ve-
nerantes, in primis gloriósæ semper
vírginis Mariæ, genitricis ejúsdem Dei
& Dómini nostri Jesu Christi: sed &
beatorum Apostolorum, ac Mártyrum
tuorum, Petri & Pauli, Andréæ, Jacó-
bi, Joánnis, Thomæ, Jacóbi, Philíp-
pi, Bartholomæi, Matthæi, Simónis
& Thaddæi: Lini, Cleti, Cleméntis,
Xysti, Cornélii, Cypriáni, Laurén-
tii, Chrysógoni, Joánnis & Pauli,
Cosmæ & Damiáni, & ómnium San-
ctórum tuorum; quorum méritis preci-
búsque concédas, ut in ómnibus prote-
ctiónis tuæ muniámur auxílio.

Jungit manus. Per eúmdem Chri-
stum Dóminum nostrum. Amen.

Hanc igitur oblationem, &c.

Et dicitur per totam Octavam.

Sequens Præfatio cum suo cantu dici-
tur in Dominicis Quadragesimæ, & in Fe-
stis Duplicibus & Semiduplicibus in ea oc-
currentibus, usque ad Dominicam Passio-
nis, nisi in Festis propria assignetur.

Per ómni a sæ cu la sæ cu ló rum.

R. Amen. *V.* Dómi nus vo bís-

cum. *R.* Et cum spí ri tu tu o.

V. Sur sum cor da.

R. Ha bé mus ad Dó mi num.

V. Grá ti as a gá mus Dó mi no

De o no stro. *R.* Di gnum

& ju stum est. *V.* e rè di gnum &

ju stum est, æquum & sa lu tá-

re, nos ti bi semper, & u bíque grá-

ti as á ge re: Dómi ne sancte, Pa-
ter

ter omni po tens, ætérne De us.
 Qui corpo rá li je jú ni o ví ti a
 cómpimis, mentem é levas, vir-
 tú tem largí ris & præmi a: Per
 Chri stum Dó mi num nostrum.
 Per quem ma je stá tem tu am lau-
 dant Angeli, adórant Domina ti ó-
 nes, tremunt Po te stá tes. Cæ li,
 cæ lo rúmque virtú tes, ac be á-
 ta Sé raphim, só ci a exul ta ti ó-
 ne concé lebrant. Cum qui bus &
 nostras vo ces, ut admít ti jú be as
 depre cá mur, súp pli ci con-
 fes si ó ne di cén tes.

Sequens Præfatio cum suo cantu di-
 citur in Dominica Passionis, in Domi-
 nica Palmarum, in Feria v. in Coena
 Domini, & in Festis Duplicibus & Se-
 miduplicibus eo tempore occurrentibus
 (nisi in Festis propria assignetur) & in
 solemnitatibus sanctæ Crucis.

Per omni a sæ cu la sæ cu ló rum.
 Amen. V. Dó mi nus vo bíscum.
 R. Et cum spí ri tu tu o. V. Sur sum
 cor da. R. Ha bé mus ad Dó mi-
 num. V. Grá ti as a gá mus Dó mi-
 no De o no stro. R. Di gnum &
 ju stum est. V. e rè di gnum & ju-
 stum est, æquum & sa lu tá re,
 nos tibi semper, & ubí que grá ti as
 á ge re: Dó mi ne san cte, Pa ter
 omni po tens, æ tér ne De us.
 Qui sa lí tem hu má ni gé ne ris
 in

in ligno Crucis consti tu í fti :
 ut unde mors ori e bá tur ,
 inde vi ta re súr geret : & qui
 in ligno vin cé bat , in li gno
 quoque vince ré tur : per Chri-
 stum Dó minum nostrum . Per
 quem ma jestá tem tu am laudant
 Ange li , adó rant Domi na ti ó-
 nes , tremunt Po te stá tes .
 Cæ li , cæ lo rúm que vir tú-
 tes , ac be á ta Sé raphim ,
 só ci a e xulta ti ó ne con-
 cé le brant . Cum qui bus & no-
 stras vo ces , ut admít ti jú be as
 Miss.

depre cá mur , súp pli ci con-
 fessi ó ne di cén tes .

Sequens Præfatio cum suo cantu di-
 citur à Vigilia Paschæ usque ad Oкта-
 vam , & in Dominicis usque ad Ascen-
 sionem : & in Festis Duplicibus & Se-
 miduplicibus eo tempore occurrentibus,
 nisi in eis propria assignetur . In Missa
 Sabbati sancti dicitur , in hac potissi-
 mum nocte , in die Paschæ usque ad Sab-
 batum in Albis inclusivè , in hac potif-
 simum die : & deinceps , in hoc potissi-
 mum gloriosius prædicare .

Er ómni a sæ cu la sæ cu-
 lo rum . *R.* Amen .
V. Dó mi nus vo bís cum .
R. Et cum spí ri tu tu o .
V. Sur sum cor da .
R. Ha bé mus ad Dó mi num .
V. Grá ti as a gá mus Dó mi no
 De o no stro . *R.* Di gnum
 & ju-

& ju stum est. **V**e rè di gnum
 & ju stum est, æ quum & sa-
 lu tá re. **T**e qui dem Dómi-
 ne om ni témpo re, sed in hæc
 po tís simum di e glo ri ó fi ús
 prædi cá re, cum Paicha nostrum
 immo la tus est Chri stus. Ipse
 e nim ve rus est Agnus, qui ab-
 stu lit pec cá ta mun di. Qui
 mortem nostram mori éndo destrú-
 xit, & vi tam resurgéndo re pa-
 rá vit. Et í de ò cum Ange lis
 & Ar chán ge lis, cum Thro-
 nis & Domi na ti ó ni bus;

cumque om ni mi lí ti a cæ lé-
 stis e xér ci tus, hymnum
 gló ri æ tu æ cá ni mus, si ne
 fi ne di cén tes.

Infra actionem.

Communicantes, & diem sacratís-
 simum celebrantes Resurrectiónis
 Dómini nostri Jesu Christi secundum
 carnem. Sed & memóriam venerantes,
 in primis gloriósæ semper virginis Ma-
 riæ, genitrícis ejúsdem Dei & Dómini
 nostri Jesu Christi: sed & beatorum Apo-
 stolórum, ac Mátyrum tuórum, Petri
 & Pauli, Andréæ, Jacóbi, Joánnis,
 Thomæ, Jacóbi, Philíppi, Bartholo-
 mæi, Matthæi, Simónis & Thaddæi:
 Lini, Cleti, Cleméntis, Xysti, Corné-
 lii, Cypriáni, Lauréntii, Chrysógoni,
 Joánnis & Pauli, Cosmæ & Damiáni,
 & ómnium Sanctorum tuórum; quo-
 rum méritis precibúsq; concédas, ut
 in ómnibus protectiónis tuæ muniá-
 mur auxilio.

Jungit manus. Per eúmdem Christum
 Dóminum nostrum. Amen.

**Tenens manus expansas super oblata
 dicit:** Hanc igitur oblationem servitú-
 tis nostræ, sed & cunctæ familiæ tuæ,
 quam tibi offerimus pro his quoque,
 quos regenerare dignátus es ex aqua &
 Spíritu sancto, tribuens eis remissionem
 ómnium peccatórum, quæsumus Dó-
 mine, ut placátus accípias, diésque no-
 stros in tua pace dispónas, atque ab
 æterna damnatione nos éripi, & in
 electórum tuórum júbeas grege nu-
 merári.

Jungit manus. Per Christum Dómi-
num nostrum. Amen.

Quam oblationem tu, Deus, &c.

**Sic dicitur à Vigilia Paschæ usque ad
Sabbatum in Albis inclusive. Sed in
Missâ Sabbati sancti dicitur, & noctem
sacratissimam celebrantes.**

**Sequens Præfatio cum suo cantu dicitur
in die Ascensionis usque ad Vigiliam
Pentecostes exclusive, & in Festis tunc oc-
currentibus, nisi propriam habuerint.**

Per ómni a fæ cu la fæ cu-
lò rum. **Rz.** Amen.

Dómi nus vo bís cum.

Rz. Et cum spí ri tu tu o.

Rz. Sur sum cor da.

Rz. Ha bé mus ad Dó mi num.

Rz. Grá ti as a gá mus Dó-

mi no De o no stro.

Rz. Di gnum & ju stum est.

Ve rè di gnum & ju stum est,

æquum & sa lu tá re :

nos ti bi semper, & u bíque grá-

ti as á ge re : Dómi ne sancte,

Pa ter omní po tens, æ tér ne

De us, per Chri stum Dó mi-

num no strum. Qui post resurre-

cti ónem su am óm nibus discípu-

lis su is ma ni féstus ap pá ru it,

& ip sis cernéntibus est ele vá tus

in cæ lum, ut nos di vi ni tá tis

su æ tribú e ret ef se par tí-

ci pes. Et í de ò cum Ange lis

& Ar chánge lis, cum Thro nis

& Do mi na ti ó ni bus, cum-
M 2 que



Infra actionem.



Communicantes , & diem sacratís-
simum celebrantes , quo Dóminus
noster , Unigénitus Fílius tuus , uní-
tam sibi fragilitátis nostræ substántiam
in glóriæ tuæ dextera collocávit . Sed
& memóriam venerantes , in primis
gloriósæ semper vírginis Mariæ , ge-
nitricis ejúsdem Dei & Dómini nostri
Jesu Christi : sed & beatorum Apo-
stolorum , ac Mátyrum tuorum , Petri
& Pauli , Andréæ , Jacóbi , Joánnis ,
Thomæ , Jacóbi , Philíppi , Bartholo-
mæi , Matthæi , Simónis & Thaddæi :
Lini , Cleti , Cleméntis , Xysti , Corné-
lii , Cypriáni , Lauréntii , Chrysógoni ,
Joánnis & Pauli , Cosmæ & Damiáni ,
& ómnium Sanctórum tuorum ; quo-
rum méritis precibúsq; concédas , ut
in ómnibus protectiónis tuæ muniá-
mur auxílio .

Jungit manus. Per eúmdem Christum
Dóminum nostrum . Amen .

Hanc igitur oblatiónem , &c.

Et dicitur per totam Octavam.

*Sequens Præfatio cum suo cantu di-
citur à Vigilia Pentecostes usque ad
sequens Sabbatum inclusivè .*



Qui ascēdens super omnes cæ-
los, se dēnsque ad dēx te ram
tu am, pro mīf sum Spī ri tum
sanctum ho di ér na di e in fi-
li os ado pti ó nis ef fu dit.
Qua própter pro fū sis gáu di-
is, to tus in orbe ter rá rum mun-
dus e xúl tat. Sed & su pēr-
næ vir tú tes, at que An gé-
li cæ po te stá tes, hym num
gló ri æ tu æ cón ci nunt,
fi ne ti ne di cén tes.

Infra actionem.

Communicantes, & diem sacratissi-
mum Pentecostes celebrantes, quo
Spīritus sanctus Apóstolis innúmeris lin-
guis apparuit. Sed & memóriam vene-
Miss.

rantes, in primis gloriósæ semper vírgi-
nis Mariæ, genitrícis Dei & Dómini no-
stri Jesu Christi: sed & beatórum Apo-
stolorum, ac Mátyrum tuórum, Petri
& Pauli, Andréæ, Jacóbi, Joánnis,
Thomæ, Jacóbi, Philíppi, Bartholo-
mæi, Matthæi, Simónis & Thaddæi:
Lini, Cleti, Cleméntis, Xysti, Corné-
lii, Cypriáni, Lauréntii, Chrysógoni,
Joánnis & Pauli, Cosmæ & Damiáni,
& ómnium Sanctórum tuórum; quo-
rum méritis precibúsq; concédas, ut
in ómnibus protectiónis tuæ muniá-
mur auxilio.

Jungit manus. Per eúmdem Christum
Dóminum nostrum. Amen.

**Tenens manus expansas super oblata
dicit:** Hanc igitur oblatiónem servitú-
tis nostræ, sed & cunctæ familiæ tuæ,
quam tibi offerimus pro his quoque,
quos regenerare dignátus es ex aqua &
Spīritu sancto, tribuens eis remissionem
ómnium peccatórum, quæsumus Dó-
mine, ut placátus accípias, diésque no-
stros in tua pace dispónas, atque ab
æterna damnatióne nos éripi, & in
electórum tuórum júbeas grege nu-
merári.

Jungit manus. Per Christum Dómi-
num nostrum. Amen.

Quam oblatiónem tu, Deus, &c.

**Et dicitur usque ad sequens Sabbatum
inclusivè.**

**¶ Sequens Præfatio cum suo cantu dici-
tur in festo SS. Trinitatis; nec non & in
omnibus Dominicis per Annum, nisi pro-
priam Præfationem habuerint: Ex De-
creto S. R. Congr. die 3. Januarii 1759.**

Per ómni a sæcu la sæcu ló rum.
R. Amen. **V.** Dóminus vo bíscum.
M 3 **R.** Et

R. Et cum spí ri tu tu o .

V. Sur sum cor da .

R. Ha bé mus ad Dó mi num .

V. Grá ti as a gá mus Dó mi-
no De o no stro .

R. Di gnum & ju stum est .

V. e rè di gnum & ju stum est .
æ quum & sa lu tá re , nos ti bi

semper , & u bí que grá ti as á-
gere : Dómine fan cte , Pater om-
ní po tens , æ tér ne De us .

Qui cum u ni gé ni to Fí li o
tu o , & Spí ri tu fan cto , unus

es De us , u nus es Dó mi-

nus : non in u ní us sin gu-

la ri tá te per só næ ,

sed in u ní us Tri ni tá te sub-

stán ti æ . Quod e nim de tu a
gló ri a , re ve lán te te cré-

di mus , hoc de Fí li o tu o ,

hoc de Spí ri tu fan cto , si ne
dif fe rén ti a discre ti ó nis

sentí mus . Ut in con fes si ó-
ne ve ræ , sempi ter næ que De-

i tá tis , & in per só nis
pro prí e tas , & in es sén-

ti a ú ni tas , & in ma je stá-
te a do ré tur æquá li tas .

Quam

Quam lau dant An ge li , atque
Ar chán ge li , Ché ru bim quo-
que ac Sé ra phim : qui non
ces sant cla má re quo tí di e ,
u na vo ce di cén tes .

Sequens Præfatio cum suo cantu dicitur
in Festis B. Mariæ, (excepto Festo Purifica-
tionis, in quo dicitur de Nativit. Domini)
& per eorum Oct., etiam in Festis infra eas
occurrentibus, si propriam non habuerint.
Dicitur autem vel, Et te in Annuntia-
tione, vel Visitatione, vel Assumptione,
vel Nativitate, vel Præsentatione, vel
Conceptione, secundum denominationem
Festi: & in Dedicatione S. Mariæ ad Ni-
ves, & in Festo SS. ejusdem Nominis, &
de Mercede dicitur, Et te in Festivitate.
In Festo septem Dolorum dicitur, Et te in
Transfixione. In Festo de Monte Carme-
lo, Et te in Commemoratione. In Festo
SS. Rosarii, Et te in Solemnitate.

Per ómni a sæ cu la sæ cu-
ló rum . **R.** Amen .
V. Dó mi nus vo bís cum .
R. Et cum spí ri tu tu o .

V. Sur sum cor da .
R. Ha bé mus ad Dó mi num .
V. Grá ti as agá mus Dó-
mi no De o no stro .
R. Di gnum & ju stum est ;
Ve rè di gnum & ju stum est , æ-
quum & fa lu tá re , nos ti bi sem-
per , & u bíque grá ti as á ge-
re : Dó mi ne san cte , Pa ter om-
ní po tens , æ tér ne De us :
Et te in *** be á tæ Ma rí æ
sem per vír gi nis collau dá-
re , be ne dí ce re , & præ-
di cá re : Quæ & Uni gé ni-
tum

tum tu um sancti Spí ri tus
 ob umbra ti ó ne con cé pit :
 & vir gini tá tis gló ri a per ma-
 nén te , lu men æ tér num mun-
 do ef fú dit , Je sum Chri-
 stum Dó mi num no strum .
 Per quem ma je stá tem tu am
 laudant An ge li , adó rant Do-
 mi na ti ó nes , tre munt Po-
 te stá tes . Cæ li , cæ lo rúm-
 que vir tú tes , ac be á ta Sé ra-
 phim , só ci a exul ta ti ó ne
 con cé le brant . Cum qui bus
 & nostras vo ces , ut admít ti júr-

be as de pre cá mur , súp pli ci
 con fef si ó ne di cén tes .

Sequens Præfatio cum suo cantu di-
 citur in Festis Apostolorum & Evange-
 listarum (præterquam in die S. Joannis
 Apostoli) & per Octavas eorum , & in
 Festis infra eas occurrentibus , nisi in eis
 propria assignetur .

P Er ómni a sæ cu la sæ cu-
 ló rum . *R.* Amen .
V. Dó mi nus vo bís cum .
R. Et cum spí ri tu tu o .
V. Sur sum cor da .
R. Ha bé mus ad Dó mi num .
V. Grá ti as a gá mus Dó-
 mi no De o no stro .
R. Di gnum & ju stum est .
 Ve rè di gnum & ju stum est ,
 æquum

æquum & fa lu tá re :

Te Dó mi ne sup plí ci ter

ex o rá re , ut gregem tu-

um pa stor æ té r ne non

dé fe ras : sed per be á-

tos A pó sto los tu os con-

tí nu a pro te cti ó ne cu-

sto di as . Ut i ís dem re cto-

ri bus gu ber né tur , quos

ó pe ris tu i vi cá ri os e í-

dem contu lí sti præ éf fe

pa sto res . Et íd e ò cum

An ge lis & Ar chán ge lis ,

cum Thro nis & Do mi na-

ti ó ni bus , cum que om-

ni mi lí ti a cæ lé stis e-

xér ci tus , hymnum gló ri æ

tu æ cá ni mus , fi ne

fi ne di cén tes .

Sequens Præfatio cum suo cantu di-
citur in omnibus Festis Duplicibus , &
per Octavas eorum , & in omnibus Se-
miduplicibus , ubi propria non ha-
betur.

Per ómni a sæ cu la sæ cu ló-
rum . **R.** Amen .

V. Dó mi nus vo bís cum .

R. Et cum spí ri tu tu o .

V. Sur sum cor da .

R. Ha bé mus ad Dó mi num .

V. Grá ti as a gá mus Dó-
mino

mi no De o no stro .

R. Di gnum & ju stum est .

Ve rè di gnum & ju stum est ,

æquum & fa lu tá re , nos ti-

bi semper , & ubi que grá ti as

á ge re : Dómi ne san cte , Pa ter

omní po tens , atér ne De us ,

per Chri stum Dóminum nostrum .

Per quem ma je stá tem tu am lau-

dant Ange li , a dó rant Dómi-

na ti ó nes , tre munt Po testá-

tes . Cæ li , cæ lo rúm que virtú-

tes , ac be á ta Sé raphim , só-

ci a exul ta ti ó ne con cé le-

brant . Cum qui bus & nostras

vo ces , ut ad mít ti jú be as de-

pre cá mur , súp pli ci con-

fel si ó ne di cén tes .

Sequens Præfatio cum suo cantu di-
citur in diebus Ferialibus Quadragesi-
mæ , à quarta Feria Cinerum usque
ad Sabbatum ante Dominicam Passio-
nis inclusive .

P Er ómni a fæ cu la fæ cu-

ló rum . *R.* Amen .

V. Dómi nus vo bís cum .

R. Et cum spí ri tu tu o .

V. Sur sum cor da .

R. Ha bé mus ad Dó mi num .

V. Grá ti as a gá mus Dó-

mi no De o no stro .

R. Di gnum & ju stum est .
V. e rè di gnum & ju stum est ,
 æquum & sa lu tá re , nos ti bi
 semper , & u bíque grá ti as á ge-
 re : Dómi ne san cte , Pa ter omní-
 po tens , æ té r ne De us . *Qui* cor-
 po rá li je jú ni o ví ti a có mprimis ,
 men tem é le vas , vir tú tem lar gí-
 ris & præ mi a : Per Chri stum Dó-
 mi num nostrum . Per quem ma-
 jestá tem tu am laudant Ange lí ,
 adó rant Do mi na ti ó nes , tremunt
 Po te stá tes . Cæ li , cæ lo rúmque
 vir tú tes , ac be á ta Sé raphim ,

só ci a e xul ta ti ó ne concé-
 le brant . Cum quibus & nostras
 vo ces , ut ad mít ti jú be as
 de pre cá mur , súp pli ci con-
 fes si ó ne di cén tes .

*Sequens Prefatio cum suo cantu di-
 citur in diebus Ferialibus à Dominica
 Passionis usque ad Feriam quintam in
 Coena Domini exclusivè : & in Missis
 votivis de sancta Cruce.*

P. Er ómni a sæ cu la sæ cu ló rum.
R. Amen . *V.* Dó mi nus vo bís-
 cum . *R.* Et cum spí ri tu tu o .
V. Sur sum cor da .
R. Ha bé mus ad Dó mi num .
V. Grá ti as a gá mus Dó-
 mi no De o no stro .
R. Di-

R. Di gnum & ju stum est.
 Ve rè di gnum & ju stum est,
 æquum & sa lu tá re, nos ti-
 bi semper, & ubi que grá ti as
 á ge re: Dómi ne san cte, Pa ter
 omní po tens, ætér ne De us.
 Qui sa lú tem humá ni gé ne ris
 in li gno Crucis consti tu í sti: ut
 unde mors o ri e bá tur, inde vi-
 ta re súr ge ret: & qui in li gno
 vin cé bat, in ligno quoque vin-
 ce ré tur: per Christum Dó mi-
 num no strum. Per quem ma-
 je stá tem tu am laudant Ange-

li, a dó rant Domi na ti ó nes,
 tre munt Po te stá tes. Cæ-
 li, cæ lo rúm que vir tú tes,
 ac be á ta Sé raphim, só ci a
 exul ta ti ó ne con cé le-
 brant. Cum qui bus & nostras
 vo ces, ut ad mít ti jú be as de-
 pre cá mur, súp pli ci con-
 fes si ó ne di cén tes.

Sequens Præfatio cum suo cantu di-
 citur in diebus Ferialibus, & in Festis
 Simplicibus, ab Octava Paschæ usque
 ad Ascensionem.

P Er ómni a sæ cu la sæ cu-
 ló rum. R. Amen.
 V. Dó mi nus vo bís cum.

R. Et

Re. Et cum spí ri tu tu o .

V. Sur sum cor da .

Re. Ha bé mus ad Dó mi num .

V. Grá ti as a gá mus Dó-

mi no De o no stro .

Re. Di gnum & ju stum est .

V. e rè di gnum & ju stum est ,

æquum & sa lu tá re . *T*e quidem

Dómi ne omni témpore , sed in

hoc potíssimùm glo ri ó si ùs præ-

di cá re , cùm Pascha nostrum im-

mo lá tus est Chri stus . Ipse enim

verus est Agnus , qui ab stu lit

pec cá ta mundi . Qui mortem no-

stram mo ri éndo de strúxit , &

vi tam re surgéndo re pa rá vit .

Et í de ò cum Ange lis & Ar-

chán ge lis , cum Thro nis &

Domi na ti ó ni bus , cumque

omni mi lí ti a cæ léstis exér ci-

tus , hymnum gló ri æ tu æ cá-

ni mus , si ne fi ne di céntes .

Sequens Præfatio cum suo cantu dici-
tur in Missis votivis de SS. Trinitate.

*P*er ómni a sæcu la sæcu ló rum.

Re. Amen. *V.* Dóminus vo bíscum.

Re. Et cum spí ri tu tu o . *V.* Sursum

cor da . *Re.* Ha bé mus ad Dó-

mi num . *V.* Grá ti as a gá mus Dó-

Dó mi no De o no stro .

R. Di gnum & ju stum est .

Ve rè di gnum & ju stum est ,

æquum & fa lu tá re , nos ti-

bi semper , & ubí que grá ti as

á ge re : Dó mi ne fan cte , Pa ter

omní po tens , atér ne De us .

Qui cum Uni gé ni to Fí li o

tu o , & Spí ri tu fan cto , u nus

es De us , u nus es Dó mi nus :

non in u ní us sin gu la ri tá te

per só næ , sed in u ní us Tri ni tá-

te sub stán ti æ . Quod e nim

de tu a gló ri a , re ve lán te

te cré dimus , hoc de Fí li o tu o ,

hoc de Spí ri tu fan cto , si ne diffe-

rén ti a discre ti ó nis sen tí mus .

Ut in con fes si ó ne ve ræ ,

sempi ternæ que De i tá tis , &

in persó nis proprí e tas , & in

essén ti a ú ni tas , & in ma jestá te

a do ré tur æquá li tas . Quam

laudant Ange li , atque Archán-

ge li , Ché rubim quoque ac Sé ra-

phim : qui non cessant clamá re

quo tí di e , u na vo ce di cén tes .

Sequens Præfatio cum suo cantu dicitur in Missis votivis de Spiritu sancto .

P Er ómni a sæ cu la sæ cu ló rum ,

R. Amen .

R. Amen. *V.* Dóminus vo bís cum.

R. Et cum spí ri tu tu o. *V.* Sursum

cor da. *R.* Ha bé mus ad Dó mi-

num. *V.* Grá ti as a gá mus Do-

mi no De o no stro. *R.* Di gnum

& ju stum est. *V.* e rè di gnum &

ju stum est, æ quum & fa lu tá re,

nos ti bi semper, & u bí que grá-

ti as á ge re: Dó mi ne san cte, Pa-

ter omní po tens, æ té r ne De us,

per Christum Dó minum nostrum.

Qui ascéndens su per omnes cæ-

los, se dénsque ad dex te ram

tu am, pro míl sum Spí ri tum

san ctum in fi li os a dopti ó-

nis ef fudit. Qua pró pter pro-

fú sis gáu dí is, to tus in orbe

ter rá rum mundus ex úl tat. Sed

& su pér næ vir tú tes, at que

An gé li cæ po te stá tes, hym-

num gló ri æ tu æ cón ci nunt,

fi ne fi ne di cén tes.

Sequens Præfatio cum suo cantu di-
citur in Missis votivis de B. Maria.

Per ómni a sæ cu la sæ cu ló rum.









R. Amen. *V.* Dóminus vo bís cum.





R. Et cum spí ri tu tu o. *V.* Sursum

cor da. *R.* Ha bé mus ad Dó mi-

num. *V.* Grá ti as a gá mus

Dó-


 Dó mi no De o no stro . *R.* Di-

 gnum & ju stum est . *V.* e rè di-

 gnum & ju stum est , æ quum

 & sa lutá re , nos ti bi semper , &

 ubique grá ti as á ge re : Dómine

 fan cte , Pa ter omní po tens , æ-

 rér ne De us . *E.* t te in Ve ne ra-

 ti ó ne be á tæ Ma rí æ semper

 Vír gi nis col lau dá re , be ne dí-


 ce re , & præ di cá re . Quæ &

 Uni gé ni tum tu um fan cti Spí-

 ri tus ob um bra ti ó ne con cé-

 pit : & vír gi ni tá tis gló ri a

 per ma nén te , lumen æ tér num


 mundo ei fú dit , Je sum Christum

 Dómi num nostrum . Per quem ma-


 je stá tem tu am laudant Ange li ,

 a dó rant Dómi na ti ó nes , tre-


 munt Po te stá tes . Cæ li , cæ lo-

 rúmque vir tú tes , ac be á ta Sé-

 raphim , só ci a e xul ta ti ó ne

 con cé le brant . Cum quibus &

 no stras vo ces , ut admít ti jú-

 be as de pre cá mur , sú pli ci

 confes si ó ne di cén tes .

 Sequens Præfatio cum suo cantu dici-
 tur in Missis votivis de Apostolis.


P Er ómni a sæcu la sæcu lo rum .

R. Amen . *V.* Dóminus vo bís cum .
R. Et

R. Et cum spí ri tu tu o . *V.* Sursum
cor da . *R.* Há bé mus ad Dó mi-
num . *V.* Grá ti as agá mus Dó mi-
no De o nostro . *R.* Di gnum &
justum est . *V.* e rè di gnum & ju-
stum est , æquum & fá lu tá re :
*T*e Dómine suppliciter exo rá re,
ut gregem tu um pastor æté rne
non dé se ras : sed per be á tos Apó-
sto los tu os contí nu a pro tecti ó ne
cu stó di as . Ut i ídem rectóribus
gubernétur , quos ó pe ris tu i vi cá-
ri os e í dem contu lí sti præ éf se
pa stó res . Et í de ò cum Ange-
Miss.

lis & Archánge lis, cum Thronis
& Domina ti ó ni bus, cumque
omni mi lí ti a cæ lé stis exérci-
tus, hymnum gló ri æ tu æ cá-
ni mus, fi ne fi ne di cén tes .

¶ Sequens Præfatio cum suo cantu di-
citur in festis Simplicibus, & in diebus
Ferialibus, ubi propria non habetur, &
in omnibus Missis Defunctorum.

*P*er ómni a sæcu la sæcu ló rum .
R. Amen . *V.* Dóminus vo bís-
cum . *R.* Et cum spí ri tu tu o .
V. Sur sum cor da .
R. Há bé mus ad Dó mi num .
V. Grá ti as a gá mus Dó-
mi no De o no stro .
N *R.* Di-

B. Di gnum & ju stum est .
Ve rè di gnum & ju stum est ,
 æquum & fa lè tá re , nos
 ti bi sem per , & u bí que
 grá ti as á ge re : Dó mi ne
 san cte , Pa ter om ní po-
 tens , æ té r ne De us :
 Per Christum Dómi num nostrum .
 Per quem ma je stá tem tu am
 laudant Ange li , adó rant Domi-

na ti ó nes , tre munt Po te-
 stá tes . Cæ li , cæ lo rúm que
 virtú tes , ac be á ta Sé raphim ,
 só ci a e xul ta ti ó ne con-
 cé le brant . Cum qui bus & ro-
 stras vo ces , ut admít ti jú be as ,
 depre cá mur , súp pli ci con-
 fef si ó ne di cén tes .

Sanctus , **S**anctus , **S**anctus , Dó-
 minus Deus Sábaoth .
Pleni sunt cæli & terra glória tua ,
Hosánna in excélsis .
Benedíctus qui venit in nómine Dó-
 mini ,
Hosánna in excélsis .



PRÆFATIONES

PER TOTUM ANNUM SINE NOTIS.

IN NATIVITATE DOMINI.

Sequens Præfatio dicitur à Nativitate Domini usque ad Epiphaniam (præterquam in die Octava sancti Joannis Apostoli) & in Purificatione beatæ Mariæ: & in festo Corporis Christi, & per Octavam, nisi in ea occurrat Festum, quod propriam Præfationem habeat: & in Transfiguratione Domini, ac in festo SS. Nominis Jesu, necnon in Missis votivis de Sanctissimo Sacramento.

Per omnia sæcula sæculorum.
R. Amen. **V.** Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agámus Dómino Deo nostro. **R.** Dignum & justum est.

Verè dignum & justum est, æquum & salutáre, nos tibi semper, & ubique grátias ágere: Dómine sancte, Pater omnipotens, ætérne Deus.

Quia per incarnáti Verbi mystérium, nova mentis nostræ óculis lux tuæ claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ideo cum Angelis & Archángelis, cum Thronis & Dominationibus, cumque omni militiæ cæléstis exércitus, hymnum glóriæ tuæ cánimus, sine fine dicétes.

Sanctus, **S**anctus, **S**anctus, Dóminus Deus Sábaoth. **P**leni sunt cæli & terra glória tua, **H**osánna in excélsis.

Benedíctus qui venit in nómine Dómini, **H**osánna in excélsis.

Infra actionem.

Communicántes, & diem sacratíssimum celebrántes, quo beatæ Mariæ intemeráta virginitas huic mun-

do édedit Salvatórem. Sed & memóriam venerántes, in primis ejúsdem gloriósæ semper vírginis Mariæ, genitrícis ejúsdem Dei & Dómini nostri Jesu Christi: sed & beatórum Apostolórum, ac Mártýrum tuórum, Petri & Pauli, Andréæ, Jacóbi, Joánnis, Thomæ, Jacóbi, Philíppi, Bartholomæi, Matthæi, Simónis & Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis & Pauli, Cosmæ & Damiani, & ómnium Sanctórum tuórum; quorum méritis precibúsq; concedas, ut in ómnibus protectiónis tuæ muniámur auxílio.

Jungit manus. Per eúndem Christum Dóminum nostrum. Amen.

Tenens manus expansas super oblata, dicit: Hanc igitur, &c. ut in Canone.

In prima verò Missa Nativitatis dicitur, & noctem sacratíssimam celebrántes, qua, **deinde semper dicitur,** diem sacratíssimum, quo, **usque ad Octavam Nativitatis Domini inclusivè, & non ultrà.**

IN EPIPHANIA DOMINI.

Sequens Præfatio dicitur in Epiphania Domini, & per Octavam.

Per omnia sæcula sæculorum.

R. Amen. **V.** Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agámus Dómino Deo nostro. **R.** Dignum & justum est.

Verè dignum & justum est, æquum & salutáre, nos tibi semper, & ubique grátias ágere: Dómine sancte Pater omnipotens, ætérne Deus.

Quia cùm Unigénitus tuus in substantia nostræ mortalitátis apparuit, nova

nos immortalitatis suæ luce reparavit. Et ideo cum Angelis & Archangelis, cum Thronis & Dominationibus, cumque omni militia cælestis exercitus, hymnum gloriæ tuæ cāimus sine fine dicentes.

Sanctus, **S**anctus, **S**anctus, &c.

Infra actionem.

Communicantes, & diem sacratissimum celebrantes, quo Unigenitus tuus in tua tecum gloriā coæternus, in veritate carnis nostræ visibilter corporalis apparuit. Sed & memoriam venerantes, in primis gloriosæ semper virginis Mariæ, genitricis ejusdem Dei & Domini nostri Jesu Christi: sed & beatorum Apostolorum, ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis & Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis & Pauli, Cosmæ & Damiáni, & omnium Sanctorum tuorum; quorum meritis precibusque concedas, ut in omnibus protectionis tuæ muniāmur auxilio.

Et dicitur per totam Octavam.

IN QUADRAGESIMA.

¶ Sequens Præfatio dicitur à Feria iv. Cinerum usque ad Sabbatum ante Dominicam Passionis inclusivè, nisi in Festis propria assignetur.

Per omnia sæcula sæculorum.

R. Amen. **V.** Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agamus Dómino Deo nostro.

R. Dignum & justum est.

Verè dignum & justum est, æquum & salutäre, nos tibi semper, & ubique

grátias ágere: Dómine sancte, Pater omnipotens, æterne Deus.

Qui corporáli jejúnio vítia cōprimis, mentem elevas, virtutem largiris, & præmia: per Christum Dóminum nostrum. Per quem majestatem tuam laudant Angeli, adorant Dominationes, tremunt Potestates. Cæli, cælorumque virtutes, ac beata Séraphim, sócia exultatione concélebrant. Cum quibus & nostras voces, ut admitti jubeas deprecámur, supplici confessione dicentes.

Sanctus, **S**anctus, **S**anctus, &c.

**IN PASSIONE, ET MISSIS
DE SANCTA CRUCE.**

¶ Sequens Præfatio dicitur in Dominica Passionis, in Dominica Palmarum, in Feria v. in Coena Domini, & in Festis eo tempore occurrentibus (nisi in Festis propria assignetur) & in Missis de S. Cruce, & de Passione.

Per omnia sæcula sæculorum.

R. Amen. **V.** Dominus vobiscum.

R. Et cum spiritu tuo. **V.** Sursum corda.

R. Habemus ad Dominum.

V. Grátias agamus Dómino Deo nostro.

R. Dignum & justum est.

Verè dignum & justum est, æquum & salutäre, nos tibi semper, & ubique grátias ágere: Dómine sancte, Pater omnipotens, æterne Deus.

Qui salutem humáni géneris in ligno Crucis constituisti: ut unde mors oriebatur, inde vita resurgeret: & qui in ligno vincebat, in ligno quoque vinceretur: per Christum Dóminum nostrum. Per quem majestatem tuam laudant Angeli, adorant Dominationes, tremunt Potestates. Cæli, cælorumque virtutes, ac beata Séraphim, sócia exultatione concélebrant. Cum quibus & nostras voces, ut admitti jubeas deprecámur, supplici confessione dicentes.

Sanctus, **S**anctus, **S**anctus, &c.

IN

IN PASCHATE.

¶ Sequens Præfatio dicitur à Vigilia Paschæ usque ad Ascensionem, & in Festis eo tempore occurrentibus, nisi in eis propria assignetur. In Missa Sabbati Sancti dicitur, in hac potissimum nocte, in die Paschæ usque ad Sabbatum in Albis inclusivè, in hac potissimum die, & deinceps, in hoc potissimum gloriôsius prædicare.

Per omnia sæcula sæculorum.
R. Amen. **V.** Dominus vobiscum.
R. Et cum spiritu tuo.
V. Sursum corda.
R. Habemus ad Dominum.
V. Grátias agamus Domino Deo nostro.

R. Dignum & justum est.
Verè dignum & justum est, æquum & salutare:

Te quidem Domine, omni tempore, sed in hac potissimum die **vel** (in hoc potissimum) gloriôsius prædicare, cum Pascha nostrum immolatus est Christus, Ipse enim verus est Agnus, qui abstulit peccata mundi. Qui mortem nostram moriendo destruxit, & vitam resurgendo reparavit. Et ideo cum Angelis & Archangelis, cum Thronis & Dominationibus, cumque omni militiæ cælestis exercitus, hymnum gloriæ tuæ cāimus sine fine dicentes.

Sanctus, **S**anctus, **S**anctus, &c.

Infra actionem.

Communicantes, & diem sacratissimum celebrantes Resurrectionis Domini nostri Jesu Christi secundum carnem. Sed & memoriam venerantes, in primis gloriôsæ semper virginis Mariæ, genitricis ejusdem Dei & Domini nostri Jesu Christi: sed & beatorum Apostolorum, ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simonis & Thaddæi: Lini, Cleti, Clementis, Xysti, Cornélii, Cypriani, Miss.

Laurentii, Chrysógoni, Joannis & Pauli, Cosmæ & Damiáni, & omnium Sanctorum tuorum; quorum méritis precibusque concédas, ut in omnibus protectionis tuæ muniámur auxilio.

Jungit manus. Per eundem Christum Dominum nostrum. Amen.

Hanc igitur oblationem servitutis nostræ, sed & cunctæ familiæ tuæ, quam tibi offerimus pro his quoque, quos regenerare dignatus es ex aqua, & Spiritu sancto, tribuens eis remissionem omnium peccatorum, quæsumus Domine, ut placatus accipias: diésque nostros in tua pace dispónas, atque ab æterna damnatione nos eripi, & in electorum tuorum júbeas grege numerári.

Jungit manus. Per Christum Dominum nostrum. Amen.

Quam oblationem tu Deus, &c.

Sic dicitur à Vigilia Paschæ usque ad Sabbatum in Albis inclusivè. Sed in Missa Sabbati sancti dicitur, & noctem sacratissimam celebrantes.

IN ASCENSIONE DOMINI.

¶ Sequens Præfatio dicitur in die Ascensionis usque ad Vigiliam Pentecostes exclusivè, & in Festis tunc occurrentibus, nisi propriam habuerint.

Per omnia sæcula sæculorum.
R. Amen. **V.** Dominus vobiscum.
R. Et cum spiritu tuo.
V. Sursum corda.
R. Habemus ad Dominum.
V. Grátias agamus Domino Deo nostro.

R. Dignum & justum est.
Verè dignum & justum est, æquum & salutare, nos tibi semper, & ubique grátias ágere: Domine sancte, Pater omnipotens, æternæ Deus: per Christum Dominum nostrum.

Qui post resurrectionem suam omnibus discipulis suis manifestus apparuit,

N ;

& ipsis

& ipsis cernentibus est elevatus in cælum, ut nos divinitatis suæ tribueret esse partícipes. Et ideo cum Angelis & Archangelis, cum Thronis & Dominationibus, cumque omni militiæ cælestis exercitus, hymnum gloriæ tuæ cānimus, sine fine dicentes.

Sanctus, Sanctus, Sanctus, &c.

Infra actionem.

Communicantes, & diem sacratissimum celebrantes, quo Dominus noster, Unigenitus Filius tuus, unitam sibi fragilitatis nostræ substantiam, in gloriæ tuæ dextera collocavit. Sed & memoriam venerantes, in primis gloriosæ semper virginis Mariæ, genitricis ejusdem Dei & Domini nostri Jesu Christi: sed & beatorum Apostolorum, ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis & Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis & Pauli, Cosmæ & Damiáni, & omnium Sanctorum tuorum; quorum méritis precibusque concedas, ut in omnibus protectionis tuæ muniámur auxilio.

Et dicitur per totam Octavam.

IN PENTECOSTE.

¶ Sequens Præfatio dicitur à Vigilia Pentecostes usque ad sequens Sabbatum inclusive: & in Missis votivis de Spiritu sancto, sed omisso, hodierna die.

Per omnia sæcula sæculorum.
R. Amen. **V.** Dominus vobiscum.
R. Et cum spiritu tuo.
V. Sursum corda.
R. Habemus ad Dominum.
V. Grátias agamus Domino Deo nostro.
R. Dignum & justum est.

Verè dignum & justum est, æquum & salutare, nos tibi semper, & ubique grátias ágere: Domine sancte, Pater omnipotens, æterne Deus: per Christum Dominum nostrum.

Qui ascendens super omnes cælos, sedensque ad dexteram tuam, promissum Spiritum sanctum (hodierna die) in filios adoptionis effudit. Quapropter profúsis gaudiis, totus in orbe terrarum mundus exultat. Sed & supernæ virtutes, atque Angeli potestates, hymnum gloriæ tuæ concinunt, sine fine dicentes.

Sanctus, Sanctus, Sanctus, &c.

Infra actionem.

Communicantes, & diem sacratissimum Pentecostes celebrantes, quo Spiritus sanctus Apostolis innúmeris linguis apparuit. Sed & memoriam venerantes, in primis gloriosæ semper virginis Mariæ, genitricis Dei, & Domini nostri Jesu Christi: sed & beatorum Apostolorum, ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis & Thaddæi: Lini, Cleti, Clementis, Xysti, Cornélii, Cypriani, Laurentii, Chrysogoni, Joannis & Pauli, Cosmæ & Damiáni, & omnium Sanctorum tuorum; quorum méritis precibusque concedas, ut in omnibus protectionis tuæ muniámur auxilio.

Jungit manus. Per eundem Christum Dominum nostrum. Amen.

Hanc igitur oblationem servitutis nostræ, sed & cunctæ familiæ tuæ, quam tibi offerimus pro his quoque, quos regenerare dignatus es ex aqua & Spiritu sancto, tribuens eis remissionem omnium peccatorum, quæsumus Domine, ut placatus accipias, diésque nostros in tua pace disponas, atque ab æterna damnatione nos eripi,

pi, & in electorum tuorum jubeas grege numerari.

Jungit manus. Per Christum Dominum nostrum. Amen.

Quam oblationem tu, Deus, &c.

Et dicitur usque ad sequens Sabbatum inclusive.

IN FESTO SS. TRINITATIS, ET IN DOMINICIS PER ANNUM.

¶ Sequens Præfatio dicitur in festo SS. Trinitatis, & in Missis votivis de SS. Trinitate: nec non & in omnibus Dominicis per Annum, nisi propriam Præfationem habuerint: ex Decr. Sac. Rit. Congr. die 3. Januarii 1759.

Per omnia sæcula sæculorum.
R. Amen. V. Dominus vobiscum.

R. Et cum spiritu tuo.

V. Sursum corda.

R. Habemus ad Dominum.

V. Grátias agamus Domino Deo nostro.

R. Dignum & justum est.

Vere dignum & justum est, æquum & salutare, nos tibi semper, & ubique grátias agere: Domine sancte, Pater omnipotens, æterne Deus.

Qui cum Unigénito Filio tuo, & Spiritu sancto, unus es Deus, unus es Dominus: non in unius singularitate personæ, sed in unius Trinitate substantiæ. Quod enim de tua glória, revelante te credimus, hoc de Filio tuo, hoc de Spiritu sancto, sine differentia discretiónis sentimus. Ut in confessione veræ, sempiternæque Deitatis, & in personis proprietas, & in essentia unitas, & in maiestatem adoratur æqualitas. Quam laudant Angeli, atque Archàngeli, Cherubim quoque ac Séraphim: qui non cessant clamare quotidie una voce dicentes.

S anctus, S anctus, S anctus, &c.

IN FESTIS ET MISSIS VOTIVIS DE B. V. MARIA.

¶ Sequens Præfatio dicitur in Festis beatæ Mariæ, excepto Festo Purificationis, in quo dicitur de Nativitate Domini, & per eorum Octavas, etiam in Festis infra eas occurrentibus, si propriam non habuerint, & in Missis votivis de beata Maria. Dicitur autem vel, Et te in Annuntiatione, vel Visitatione, vel Assumptione, vel Nativitate, vel Præsentatione, vel Conceptione, secundum denominationem Festi: & in Dedicatione sanctæ Mariæ ad Nives, & in Festo SS. ejusdem Nominis, & de Mercede dicitur, Et te in festivitate. In festo septem Dolorum dicitur, Et te in Transfixione. In festo de Monte Carmelo, Et te in Commemoratione. In festo SS. Rosarii, Et te in Solemnitate.

In Missis votivis, & in Sabbato dicitur, Et te in Veneratione.

Per omnia sæcula sæculorum.

R. Amen. V. Dominus vobiscum.

R. Et cum spiritu tuo. V. Sursum corda.

R. Habemus ad Dominum.

V. Grátias agamus Domino Deo nostro.

R. Dignum & justum est.

Vere dignum & justum est, æquum & salutare, nos tibi semper, & ubique grátias agere: Domine sancte, Pater omnipotens, æterne Deus.

Et te in *** beatæ Mariæ semper virginis collaudare, benedicere, & prædicare. Quæ & Unigénitum tuum sancti Spiritus obumbratione concépit: & virginitatis glória permanente, lumen æternum mundo effudit, Jesum Christum Dominum nostrum. Per quem maiestatem tuam laudant Angeli, adorant Dominationes, tremunt Potestates. Cæli, cælorumque virtutes, ac beata Séraphim, sócia exultatione concélebrant. Cum quibus & nostras voces, ut admitti jubeas deprecámur, supplici confessione dicentes.

S anctus, S anctus, S anctus, &c.

IN FESTIS APOSTOLORUM.

¶ Sequens Præfatio dicitur in Festis Apostolorum & Euangelistarum (præterquam in die sancti Joannis Apostoli.) & per Octavas eorum, & in Festis infra eas occurrentibus, nisi in eis propria assignetur, & in Missis votivis de Apostolis.

Per omnia sæcula sæculorum.
R. Amen. **V.** Dóminus vobiscum.
R. Et cum spíritu tuo.
V. Sursum corda.
R. Habémus ad Dóminum.
V. Grátias agámus Dómino Deo nostro.
R. Dignum & justum est.

Verè dignum & justum est, æquum & salutäre:

Te Dómine, suppliciter exoräre, ut gregem tuum pastor æternæ non deseras: sed per beátos Apóstolos tuos continúa protectióne custódias. Ut iisdem rectoribus gubernetur, quos óperis tui Vicários eidem contulisti præesse pastóres. Et ideo cum Angelis & Archángelis, cum Thronis & Dominationibus, cumque omni milítia cælestis exercitus, hymnum glóriæ tuæ cánimus, sine fine dicentes:

Sanctus, **S**anctus, **S**anctus, &c.

IN FESTIS, ET FERIIS
PER ANNUM.

¶ Sequens Præfatio dicitur per Annum in omnibus Festis, & Feriis, quæ propriam non habent, & in omnibus Missis Defunctorum.

Per omnia sæcula sæculorum.
R. Amen. **V.** Dóminus vobiscum.
R. Et cum spíritu tuo. **V.** Sursum corda.
R. Habémus ad Dóminum.
V. Grátias agámus Dómino Deo nostro.
R. Dignum & justum est.


Verè dignum & justum est, æquum & salutäre, nos tibi semper, & ubique grátias ágere: Dómine sancte, Pater omnipotens, æternæ Deus: per Christum Dóminum nostrum. Per quem majestátem tuam laudant Angeli, adorant Dominationes, tremunt Potestates: Cæli, cælorumque virtutes, ac beáta Séraphim, sócia exultatióne concélebrant. Cum quibus & nostras voces, ut admitti jubeas deprecámur, supplicí confessione dicentes.

Sanctus, **S**anctus, **S**anctus, Dóminus Deus Sábaoth.

Pleni sunt cæli & terra glória tua,
Hosánna in excélsis.

Benedíctus qui venit in nómine Dómini,
Hosánna in excélsis.





203

C A N O N M I S S A E.

Sacerdos extendens & jungens manus, elevans ad cælum oculos, & statim demittens, profundè inclinatus ante Altare, manibus super eo positis, dicit:



E igitur, clementissime Pater, per Jesum Christum Filium tuum Dominum nostrum, supplices rogâmus ac pétimus, **Osculatur Altare**, uti accepta hábeas, & benedicas, **Jungat manus**, deinde **signet terra super oblata**, hæc ✠ dona, hæc ✠ múnera, hæc ✠ sancta sacrificia illibáta, **Extensis manibus prosequitur**: in primis quæ tibi offerimus pro Ecclesiâ tua sancta Catholica: quam pacificâre, custodire, adunâre, & régere digneris toto orbe terrarum: unâ cum famulo tuo Papa nostro **N.** & Antistite nostro **N.** & omnibus orthodoxis, atque Catholicæ & Apostolicæ fidei cultoribus.

Commemoratio pro vivis.

Méménto, Dómine, famulorum, famularumque

tuarum **N.** & **N.** Jungit manus, orat aliquantulum pro quibus orare intendit: deinde manibus extensis prosequitur: Et omnium circumstantium, quorum tibi fides cognita est, & nota devotio, pro quibus tibi offerimus: vel qui tibi offerunt hoc sacrificium laudis pro se, suisque omnibus: pro redemptione animarum suarum, pro spe salutis & incolumitatis suæ: tibi que reddunt vota sua ætérno Deo, vivo & vero.

Infra actionem.

Communicantes, & memoriam venerantes, in primis gloriôsæ semper virginis Mariæ, genitricis Dei & Domini nostri Jesu Christi: sed & beatorum Apostolorum ac Martyrum tuorum, Petri & Pauli, Andréæ, Jacobi, Joannis, Thomæ, Jacobi, Philippi, Bartholomæi, Matthæi, Simónis & Thaddæi: Lini, Cleti, Clementis, Xysti, Cornelii, Cypriani, Laurentii, Chrysógoni, Joannis & Pauli, Cosmæ & Damiani: & omnium

nium Sanctórum tuórum: quorum méritis precibúsq; concedas, ut in ómnibus protectionis tuæ muniámur auxílio.

Jungit manus. Per eúndem Christum Dóminum nostrum, Amen.

Tenens manus expansas super oblata, dicit:

HAnc igitur oblationem fervitútis nostræ, sed & cunctæ famíliæ tuæ, quæsumus Dómine, ut placátus accípias: diésque nostros in tua pace disponas, atque ab æterna damnatione nos éripi, & in electórum tuórum júbeas grege numerári. **Jungit manus.** Per Christum Dóminum nostrum, Amen.

Quam oblationem tu Deus in ómnibus, quæsumus, **Signat ter super oblata,** bene ✠ dictam, adscri ✠ ptam, ra ✠ tam, rationábilem, acceptabilémque fácere dignéris: **Signat semel super Hostiam, & semel super Calicem:** ut nobis Cor ✠ pus, & San ✠ guis, fiat dilectíssimi Fílii tui Dómini nostri Jesu Christi.

Qui pridie quàm pateretur, **Accipit Hostiam:** accépit panem in sanctas, ac venerábiles manus suas: **Elevat oculos ad cælum:** & elevátis óculis in cælum, ad te Deum Patrem suum omnipoténtem, tibi grátias agens,

Signat super Hostiam, bene ✠ díxit, fregit, deditque discípulis suis, dicens: Accípите, & manducáte ex hoc omnes.

Tenens ambabus manibus Hostiam inter indices & pollices, profert verba consecrationis secretè, distinctè, & attentè:

Hoc est enim Corpus meum.

Prolatis verbis consecrationis, statim Hostiam consecratam genuflexus adorat: surgit, ostendit populo, reponit super Corporale, iterum adorat: & non disjungit pollices & indices, nisi quando Hostia tractanda est, usque ad ablutionem digitorum.

Tunc detecto Calice, dicit:

Simili modo postquam cœnátum est, **Ambabus manibus accipit Calicem,** accípiens & hunc præclárum Cálicem in Sanctas, ac venerábiles manus suas: item tibi grátias agens, **Sinistra tenens Calicem, dextera signat super eum.** bene ✠ díxit, deditque discípulis suis, dicens: Accípите, & bíbite ex eo omnes.

Pro-

Profert verba consecrationis se-
cretè super Calicem, tenens il-
lum parum elevatum.

Hic est enim Ca-
lix sanguinis mei,
novi & æterni te-
stamenti : myste-
rium fidei : qui
pro vobis & pro
multis effundetur
in remissionem
peccatorum.

Prolatis verbis consecrationis
deponit Calicem super Cor-
porale, & dicens secretè :
Hæc quotiescúmque feceritis,
in mei memóriam faciétis.

Genuflexus adorat, surgit,
ostendit populo, deponit, coo-
perit, & iterum adorat. Dein-
de disjunctis manibus dicit :

UNde & memores, Dó-
mine, nos servi tui,
sed & plebs tua sancta, ejús-
dem Christi Fílii tui Dómini
nostri tam beátæ passiónis,
necnon & ab inferis resurre-
ctiónis, sed & in cælos glo-
riósæ ascensionis : offerimus

præclæræ majestáti tuæ de tuis
donis ac datis.

Jungit manus, & signat ter su-
per Hostiam & Calicem simul :
Hóstiám ✠ puram, hóstiám
✠ sanctam, hóstiám ✠ im-
maculatam, Signat semel super
Hostiam, & semel super Cali-
cem : Panem ✠ sanctum vitæ
æternæ, & Calicem ✠ salutis
perpétuæ.

Extensis manibus profe-
quitur :

Supra quæ propítio ac feré-
no vultu respícere dignéris :
& accépta habére, sicuti accé-
pta habére dignátus es mún-
era púeri tui justí Abel, & sacri-
ficium Patriárchæ nostri Abra-
hæ : & quod tibi obtulit sum-
mus facérdos tuus Melchíse-
dech, sanctum sacrificium, im-
maculatam hóstiám.

Profundè inclinatus junctis ma-
nibus, & super Altare positus
dicit :

Supplices te rogámus, omni-
potens Deus : jube hæc per-
ferri per manus sancti Angeli tui
in sublíme altáre tuum, in con-
spéctu divínæ majestátis tuæ : ut
quotquot, **Osculatur Altare**, ex
hac altáris participatióne, sacro-
sánctum Fílii tui, **Jungit ma-
nus, & signat semel super Ho-
stiam, & semel super Calicem.**
Cor ✠ pus, & San ✠ guinem
sumpsérimus, **Seipsum signat,**
om-

omni benedictione cælesti, & gratia repleamur. Per eundem Christum Dominum nostrum. Amen.

Commemoratio pro Defunctis.

Memento etiam, Domine, famulorum, famularumque tuarum **N.** & **N.** qui nos præcesserunt cum signo fidei, & dormiunt in somno pacis.

Jungit manus, orat aliquantulum pro iis defunctis, pro quibus orare intendit, deinde extensis manibus prosequitur: Ipsis, Domine, & omnibus in Christo quiescentibus, locum refrigerii, lucis & pacis, ut indulgeas, deprecamur.

Jungit manus, & caput inclinât: Per eundem Christum Dominum nostrum. Amen.

Manu dextera percutit sibi pectus, elata parum voce dicens:

Nobis quoque peccatoribus famulis tuis, de multitudi-
ne miserationum tuarum sperantibus partem aliquam & societatem donare digneris, cum tuis sanctis Apóstolis & Martyribus: cum Joanne, Stéphano, Mathía, Bárnaba, Ignátio, Alexándro, Marcellíno, Petro, Felicitate, Perpétua, Agatha, Lúcia, Agnéte, Cæcília, Anastásia, & omnibus Sanctis tuis, intra quorum nos consortium, non æstimátor méri-

ti, sed vénia, quæsumus, largitor admítte. *Jungit manus.* Per Christum Dominum nostrum.

Per quem hæc omnia, Domine, semper bona creas, Signat ter super Hostiam. & Calicem simul, dicens: Sancti ✠ ficas, vivi ✠ ficas, bene ✠ dicis, & præstas nobis.

Discooperit Calicem, genuflectit, accipit Sacramentum dextera, tenens sinistra Calicem: signat cum Hostia ter à labio ad labium Calicis, dicens: Per ip ✠ sum, & cum ip ✠ so, & in ip ✠ so, bis signat inter Calicem & pectus, est tibi Deo Patri ✠ omnipotenti, in unitate Spíritus ✠ sancti, *Elevans parum Calicem cum Hostia, dicit:* omnis honor & glória. *Reponit Hostiam, cooperit Calicem, genuflectit, surgit, & dicit:*

P Er omni a sæcu la sæcu lo rum.

Re. Amen.

Jungit manus.

O ré mus. Præ cé ptis sa lu tá ri bus
mó ni ti, & di ví na in sti tu ti ó ne
for-

Canon Missæ.

207

Sequens cantus dicitur in festis Sim-
plicibus & diebus Ferialibus, & in Mis-
sis Defunctorum.

formá ti audé mus dí ce re .

Extendit manus .

Pater noster, qui es in cæ lis :

Sancti fi cé tur no men tu um :

Advé ni at regnum tu um: Fi at

vo lún tas tu a , sic ut in cæ-

lo , & in ter ra . Pa nem no-

strum quo ti di á num da no bis

hó di e : Et dimít te no bis dé-

bi ta nó stra , sic ut & nos di-

mít ti mus de bi tó ri bus no-

stris : Et ne nos in dú cas in ten-

ta ti ó nem .

R. Sed lí be ra nos à ma lo ,

Sacerdos seeretè dicit, Amen.

Per ómni a sæcu la sæculó rum .

R. Amen . **O**ré mus . Præ cé ptis

sa lu tá ri bus mó ni ti , & di-

ví na insti tu ti ó ne formá ti

au dé mus dí ce re .

Pater no ster , qui es in cæ-

lis : San cti ficé tur no men tu-

um : Advé ni at regnum tu um:

Fi at vo lún tas tu a , sic ut in

cæ lo , & in ter ra . Pa nem no-

strum quo ti di á num da no bis

hó di e : Et dimít te nobis dé bi ta

no stra , sic ut & nos di mít timus de-

de bi to ri bus nostris : Et ne nos
in dú cas in tenta ti o nem .
R. Sed lí be ra nos à ma lo .

Sacerdos submissa voce dicit, Amen.
Deinde accipit Patenam inter indicem
& medium digitos, & dicit:

Libera nos, quæsumus Dómine, ab
ómnibus malis præteritis, præsen-
tibus, & futuris: & intercedente beata
& gloriósa semper vírgine Dei genitri-
ce María, cum beátis Apóstolis tuis
Petro & Paulo, atque Andréa, &
ómnibus Sanctis. Signat se cum Patena
à fronte ad pectus, & eam osculatur:
da propítius pacem in diébus nostris:
ut ope misericórdiæ tuæ adjúti, & à
peccáto simus semper líberi, & ab om-
ni perturbatióne secúri.

Submittit Patenam Hostiæ, discoope-
rit Calicem, genuflectit, surgit, acci-
pit Hostiam, frangit eam super Cali-
cem per medium, dicens: Per eúndem
Dóminum nostrum Jesum Christum Fi-
lium tuum.

Partem, quæ in dextera est, ponit super
Patenam. Deinde ex parte quæ in fini-
stra remansit, frangit particulam, di-
cens: Qui tecum vivit & regnat in uni-
tate Spíritus sancti Deus.

Aliam mediam partem cum ipsa fini-
stra ponit super Patenam, & dextera
tenens particulam super Calice, sinistra
Calicem, dicit:

Pax
Et ómni a sæcu la sæcu ló rum .

Amen .

Cum ipsa particula signat ter super
Calicem, dicens:

Pax ✠ Dó mi ni fit ✠ fem-
per vo bís ✠ cum .
R. Et cum spí ri tu tu o

Particulam ipsam immittit in Calicem,
dicens secrète:

Hæc commixtio & consecratio
Corporis & Sanguinis Dómini
nostri Jesu Christi, fiat accipientibus
nobis in vitam ætérnam, Amen.

Cooperit Calicem, genuflectit, surgit,
& inclinatus Sacramento, junctis mani-
bus, & ter pectus percutiens, dicit:

Agnus Dei, qui tollis peccáta mun-
di, miserere nobis.

Agnus Dei, qui tollis peccáta mun-
di, miserere nobis.

Agnus Dei, qui tollis peccáta mun-
di, dona nobis pacem.

Missis pro Defunctis non dicitur,
miserere nobis. sed ejus loco, dona eis ré-
quiem. & in tertio additur, sempitérnam.

Deinde junctis manibus super Altare,
inclinatus dicit sequentes Orationes.

Domine Jesu Christe, qui dixisti
Apóstolis tuis: Pacem relinquo
vobis, pacem meam do vobis: ne re-
spicias peccáta mea, sed fidem Ecclé-
siæ tuæ: eámque secúndum voluntá-
tem tuam pacificáre & coadunáre di-
gnéris. Qui vivis & regnas Deus, per
omnia sæcula sæculórum. Amen.

Si danda est pax, osculatur Altare, &
dans pacem, dicit: Pax tecum. R. Et cum
spíritu tuo. In Missis Defunctorum non da-
tur pax, neque dicitur præcedens Oratio.

Domine Jesu Christe, Fili Dei vi-
vi, qui ex voluntáte Patris, coope-
rante Spíritu sancto, per mortem tuam
mundum vivificásti: libera me per hoc
sacro-

facrosanctum Corpus, & Sanguinem tuum, ab omnibus iniquitatibus meis, & universis malis: & fac me tuis semper inhærere mandatis, & à te nunquam separari permittas. Qui cum eodem Deo Patre & Spiritu sancto vivis & regnas Deus in sæcula sæculorum, Amen.

Percéptio Corporis tui, Dómine Jesu Christe, quod ego indignus sumere præsumo, non mihi provéniat in iudicium & condemnationem, sed pro tua pietate profit mihi ad tutamentum mentis & corporis, & ad medelam percipiendam. Qui vivis & regnas cum Deo Patre in unitate Spiritus sancti Deus, per omnia sæcula sæculorum, Amen.

Genuflectit, surgit, & dicit:

Panem cælestem accipiam, & nomen Dómini invocábo.

Deinde parum inclinatus, accipit ambas partes Hostiæ inter pollicem & indicem sinistræ manus, & Patenam inter eundem indicem & medium, & dextera percutiens pectus, elevata aliquantulum voce, dicit ter devotè & humiliter:

Domine, non sum dignus, ut intres sub tectum meum: sed tantum dic verbo, & sanabitur anima mea.

Postea dextera se signans cum Hostia super Patenam, dicit:

Corpus Dómini nostri Jesu Christi custódiat animam meam in vitam æternam, Amen.

Sumit reverenter ambas partes Hostiæ, iungit manus, & quiescit aliquantulum in meditatione Sanctissimi Sacramenti. Deinde discooperit Calicem, genuflectit, colligit fragmenta, si quæ sint, extergit Patenam super Calicem, interim dicens:

Quid retribuam Dómino pro omnibus, quæ retribuit mihi? Cálicem salutáris accipiam, & nomen Dómini invocábo. Laudans invocábo Dóminum, & ab inimicis meis salvus ero.

Accipit Calicem manu dextera, & eo se signans, dicit:

Sanguis Dómini nostri Jesu Christi custódiat animam meam in vitam æternam, Amen.

Miss.

Sumit totum sacramentum cum particula. Quo sumpto, si qui sunt communicandi, eos communicet, antequam se purificet. Postea dicit:

Quod ore sumpsimus, Dómine, pura mente capiamus, & de munere temporáli fiat nobis remédium sempiternum.

Interim porrigit Calicem ministro, qui infundit in eo parum vini, quo se purificat: deinde prosequitur:

Corpus tuum, Dómine, quod sumpsi, & Sanguis, quem potavi, adhæreat visceribus meis: & præsta; ut in me non remaneat scelerum macula, quem pura & sancta refecerunt sacramenta. Qui vivis & regnas in sæcula sæculorum, Amen.

Abluit digitos, extergit, & sumit ablu-tionem: extergit os, & Calicem, quem operit, & plicato Corporali, collocat in Altari ut prius: deinde prosequitur Missam.

Dicto, post ultimam Orationem, Dóminus vobiscum. R. Et cum spiritu tuo. dicit pro Missæ qualitate, vel I te Missa est, vel Benedicamus Dómino.

R. Deo grátias.

In Missis Defunctorum dicit, Requiéscant in pace. R. Amen.

Tempore Paschali, hoc est, à Missa Sabbati sancti usque ad Sabbatum in Albis inclusivè.

I te Mis sa est, al le lu ja,

al le lu ja.

In Festis solemnibus.

I te e e

e e Mis sa est.

O la

In festis Duplicibus.



In Missis Beatæ Mariæ.




In Dominicis infra Annum, in Festis Semiduplicibus, & infra Octavas, quæ non sunt B. Mariæ.




In Festis Simplicibus.



In Dominicis Adventus, & Quadragesimæ.




In Feriis.



In Missa Vigilæ Nativitatis Domini, & in Festo Sanctorum Innocentium.



In Missis Defunctorum.




Dicto, Ite Missa est, vel Benedicamus Dómino. Sacerdos inclinat se ante medium Altaris, & manibus junctis super illud, dicit:

Pláceat tibi sancta Trínitas obsequium servitutis meæ, & præsta: ut sacrificium, quod óculis tuæ majestátis indignus obtuli, tibi sit acceptabile, mihiq; & ómnibus, pro quibus illud obtuli, sit, te miserante, propitiabile. Per Christum Dóminum nostrum, Amen.

Deinde osculatur Altare: & elevatis oculis, extendens, elevans, & jungens manus, caputque Cruci inclinans, dicit: Benedicat vos omnipotens Deus: & versus ad populum, semel tantum benedicens, etiam in Missis solemnibus, prosequitur: Pater, & Fílius, & Spíritus sanctus. R. Amen.

In Missa Pontificali ter benedicitur, ut in Pontificali habetur. Deinde in cornu Evangelii, dicto, Dóminus vobíscum, & Initium, vel Sequéntia sancti Evangelii, signans Altare, vel librum, & se, ut supra in Evangelio Missæ, legit Evangelium secundum Joannem. In principio erat Verbum, vel aliud Evangelium, ut dictum est in Rubricis generalibus. Cum dicit, Et Verbum caro factum est, genuflectit. In fine R. Deo grátias.

In Missis Defunctorum non datur benedictio, sed dicto, R equiescant in pace. dicit: Pláceat tibi sancta Trínitas. deinde osculato Altari legit Evangelium S. Joannis; quo finito, discedens ab Altari, pro gratiarum accióne dicit Antiphonam. Trium puerórum. cum reliquis, ut habetur in principio Missalis.





DOMINICA

RESURRECTIONIS.

213

Statio ad S. Mariam Majorem :

Introitus. Psalm. 138.



Esurrexi, & adhuc tecum sum, allelúja : posuisti super me manum tuam, allelúja : mirabilis facta est sciéntia tua, allelúja, allelúja.

Psalm. ibid. Dómine probasti me, & cognovisti me : tu cognovisti sessionem meam, & resurrectionem meam.

V. Glória Patri, &c. Oratio.

Deus, qui hodierna die per Unigenitum tuum, æternitatis nobis áditum devicta morte reſerasti : vota nostra, quæ præveniéndo aspiras, étiam adjuvándo proséquere. Per eúndem Dóminum.

Lectio Epistolæ beati Pauli Apóstoli ad Corinthios. 1. Cor. 5. c.

Fratres, Expurgáte vetus fermentum, ut sitis nova conspérſio, sicut estis ázymi. Etenim Pascha nostrum immolátus est Christus. Itaque epulémur, non in fermento vétéri, neque in fermento malitiæ & nequitiae : sed in ázymis sinceritátis, & veritátis.

Graduale. Psalmus 117. Hæc dies, quam fecit Dóminus : exultémus, & lætémur in ea.

V. Confitémini Dómino, quóniam bonus : quóniam in sæculum misericórdia ejus. Allelúja, allelúja.

V. 1. Cor. 5. Pascha nostrum immolátus est Christus.

Sequentia.

Victimæ Pascháli laudes immolent Christiáni.

Agnus redémit oves : Christus innocens Patri reconciliávit peccatóres

Miss.

Mors & vita, duéllo conflixére mirándo : dux vitæ, mórtuus regnat vivus.

Dic nobis María, quid vidísti in via? Sepúlchrum Christi vivéntis : & glóriam vidi resurgéntis :

Angélicos testes, sudárium & vestes. Surrexit Christus spes mea : præcédet vos in Galilæam.

Scimus Christum surrexísse à mórtuis verè : tu nobis victor Rex miserére, Amen. Allelúja.

Sequentia dicitur usque ad Sabbatum in Albis inclusivè.



Sequentia sancti Euangélii secundum Marcum. Marci 16.

In illo témpore : María Magdaléne, & María Jacóbi, & Salóme emérunt arómata, ut veniéntes úngerent Jesum. Et valde manè una sabbatórum, véniunt ad monuméntum, orto jam sole. Et dicébant ad invicem : Quis revólvet nobis lápidem ab óstio monuménti? Et respiciéntes vidérunt revolútum lápidem. Erat quipè magnus valde. Et introeúntes in monuméntum vidérunt júvenem sedéntem in dextris, coopértum stola cándida, & obstupuérunt. Qui dicit illis : Nolite expavescere : Jesum quæritis Nazarénum, crucifixum : surrexit, non est híc, ecce locus ubi posuérunt eum. Sed ite, dicite discipulis ejus, & Petro, quia præcédit vos in Galilæam : ibi eum vidébitis, sicut dixit vobis. **C**redo.

Offertorium. Psalm. 75. Terra trémuit, & quiévit, dum resúrgeret in iudicio Deus, allelúja.

Secreta.

Suscipe, quæsumus Dómine, preces pópuli tui cum oblationibus hostiarum :

O 3

stiarum: ut Paschaliibus initiata myste-
riis, ad æternitatis nobis medelam, te
operante, proficiant. Per Dominum.

Præfatio. Te quidem Domine omni
tempore, sed in hac potissimum die glo-
riosis prædicare. *ut in Præfat. Paschatis.*

Infra actionem. Communicantes, &
Hanc igitur oblationem. *ut supra.* Et
sic dicitur usque ad Sabbatum in Albis
inclusivè.

Communio. 1. Cor. 5. Pascha no-
strum immolatus est Christus, alle-
lúja: itaque epulemur in ázymis sin-
ceritatis & veritatis, allelúja, allelúja,
allelúja.

Postcommunio.

Spiritus nobis, Domine, tuæ chari-
tatis infunde: ut quos sacramentis
Paschaliibus satiasti, tua facias pietate
concordes. Per Dominum. in unitate
eiusdem Spiritus sancti Deus.

Post Dominus vobiscum, **dicitur**,
Ite Missa est, allelúja, allelúja.

Deo grátias, allelúja, allelúja.

*Et sic dicitur usque ad Sabbatum in
Albis inclusivè.*

*Infra Octavam Paschæ non fit de ali-
quo Festo Duplici vel Semiduplici, sed
post Octavam celebrantur. De Simpli-
cibus autem occurrentibus post hoc tri-
duum fit tantum commemoratio.*

F E R I A S E C U N D A .

Statio ad sanctum Petrum.

Introitus. *Exod. 13.*



Introduxit vos Dominus
in terram fluentem lac &
mel, allelúja: & ut lex
Domini semper sit in ore
vestro, allelúja, allelúja.

Psalmus 104. Confitemini Domino,
& invocáte nomen ejus: annuntiáte
inter Gentes ópera ejus.

Gloria Patri, &c. **Oratio.**

Deus, qui solemnitate Paschali mun-
do remédia contulisti: populum
tuum, quæsumus, cælesti dono prosé-
quere; ut & perfectam libertatem con-
sequi mereatur, & ad vitam proficiat
sempiternam. Per Dominum.

Lectio Actuum Apostolorum. Act. 10. f

In diebus illis: Stans Petrus in médio
plebis, dixit: Viri fratres, vos scitis
quod factum est verbum per universam
Judæam: incipiens enim à Galilæa,
post baptismum, quod prædicavit Joán-
nes, Jesum à Nazareth: quomodo unxit
eum Deus Spiritu sancto, & virtute,
qui pertransiit benefaciendo & sanando
omnes oppressos à diabolo, quoniam
Deus erat cum illo. Et nos testes sumus
omnium, quæ fecit in regione Judæo-
rum, & Jerúsalem, quem occiderunt su-
spendentes in ligno. Hunc Deus suscitá-
vit tertia die, & dedit eum manifestum
fieri, non omni populo, sed testibus præ-
ordinatis à Deo: nobis, qui manducá-
vimus & bibimus cum illo, postquam
resurrexit à mortuis. Et præcepit nobis
prædicare populo, & testificari, quia ipse
est, qui constitutus est à Deo iudex vi-
vorum & mortuorum. Huic omnes
Prophætæ testimonium perhibent, re-
missionem peccatorum accipere per no-
men ejus omnes, qui credunt in eum.

Graduale. Psalm. 117. Hæc dies, quam
fecit Dominus: exultemus, & lætemur
in ea. **V.** Dicat nunc Israel, quoniam
bonus: quoniam in sæculum misericór-
dia ejus. **Allelúja, allelúja.**

V. Matth. 28. Angelus Domini descen-
dit de cælo: & accedens revolvit lápi-
dem, & sedebat super eum.

Sequentia. Victimæ Paschali. cum Allel.
in fine, ut supra in Dñica Paschæ. fol. 213.

Sequentia sancti Evangelii secun-
dum Lucam. Luc. 24. b

In illo tempore: Duo ex discipulis
Jesu ibant ipsa die in castellum, quod
erat in spatio stadiorum sexaginta
ab Jerúsalem, nomine Emmaus. Et
ipsi loquebantur ad invicem de his óm-
nibus, quæ acciderant. Et factum est,
dum fabularéntur, & secum quære-
rent: & ipse Jesus appropinquans ibat
cum illis: óculi autem illorum tene-
bantur ne eum agnóscerent. Et ait ad
illos:

illos: Qui sunt sermões, quos confertis ad invicem ambulantes, & estis tristes? Et respondens unus, cui nomen Cléophas, dixit ei: Tu solus peregrinus es in Jerúsalem, & non cognovisti quæ facta sunt in illa his diébus? Quibus ille dixit: Quæ? Et dixerunt: De Jesu Nazaréno, qui fuit vir Prophéta, potens in ópere, & sermóne coram Deo, & omni pópulo: Et quómodo eum tradiderunt summi sacerdotes, & príncipes nostri in damnationem mortis, & crucifixerunt eum. Nos autem sperabamus quia ipse esset redempturus Israel: & nunc super hæc ómnia, tértia dies est hódie, quòd hæc facta sunt. Sed & mulieres quædam ex nostris terruerunt nos, quæ ante lucem fuerunt ad monumentum, & non invénto corpore ejus, venerunt, dicentes se étiam visionem Angelórum vidisse, qui dicunt eum vivere. Et abiérunt quidam ex nostris ad monumentum: & ita invenerunt sicut mulieres dixerunt, ipsum verò non invenerunt. Et ipse dixit ad eos: O stulti, & tardi corde ad credendum in ómnibus, quæ locuti sunt Prophætæ! Nónne hæc oportuit pati Christum, & ita intrare in glóriam suam? Et incipiens à Móyse, & ómnibus Prophétis, interpretabatur illis in ómnibus Scriptúris, quæ de ipso erant. Et appropinquaverunt castéllo, quò ibant: & ipse se finxit longius ire. Et coegerunt illum, dicentes: Mane nobiscum, quóniam advesperáscit, & inclinata est jam dies. Et intrávit cum illis. Et factum est, dum recumberet cum eis, accépit panem, & benedixit, ac fregit, & porrigébat illis. Et apérti sunt óculi eórum, & cognoverunt eum: & ipse evánuit ex óculis eórum. Et dixerunt ad invicem: Nónne cor nostrum ardens erat in nobis dum loqueretur in via, & aperiret nobis Scriptúras? Et surgéntes eádém hora regréssi sunt in Jerúsalem: & invenerunt congregátos undecim, & eos, qui cum illis erant,

dicentes: Quòd surrexit Dóminus verè, & apparuit Simóni. Et ipsi narrabant quæ gesta erant in via: & quómodo cognoverunt eum in fractione panis. **Credo.**

Offertorium. Matth. 28. Angelus Dómini descendit de cælo, & dixit mulieribus: Quem quæritis, surrexit sicut dixit, allelúja. **Secreta.**

Suscipe, quæsumus Dómine, preces pópuli tui cum oblationibus hostiarum: ut Paschálibus initiata mystériis, ad æternitatis nobis medélam, te operante, proficiant. Per Dóminum.

Communio. Lucæ 24. Surrexit Dóminus, & apparuit Petro, allelúja.

Postcommunio.

Spíritum nobis, Dómine, tuæ charitatis infunde: ut quos sacraméntis Paschálibus satiásti, tua fácias pietate concordes. Per Dóminum nostrum. in unitate ejúsdem Spíritus sancti Deus.

F E R I A T E R T I A .

Statio ad sanctum Paulum.

Introitus. Eccli. 15.



Qua sapiéntiæ potávit eos, allelúja: firmábitur in illis, & non flectétur, allelúja: & exaltábit eos in ætérnum, allelúja, allelúja.

Psal. 104. Confitémini Dómino, & invocáte nomen ejus: annuntiáte inter gentes ópera ejus.

V. Glória Patri, &c.

Oratio.

Deus, qui Ecclesiám tuam novo semper foetu multiplicas: concede famulis tuis; ut sacraméntum vivendo téneant, quod fide percepérunt. Per Dóminum nostrum.

Lectio Actuum Apostolorum. Act. 13.d

In diébus illis: Surgens Paulus, & manu siléntium indicens, ait: Viri fratres, filii géneris Abraham, & qui in vobis timent Deum, vobis verbum salutis hujus missum est. Qui enim habitabant Jerúsalem, & príncipes ejus ignorantes Jesum, & voces Prophetarum,

quæ per omne sabbatum leguntur, iudicantes, impleverunt: & nullam causam mortis inveniētes in eo, petierunt à Pilato, ut interficerent eum. Cumque consummasset omnia, quæ de eo scripta erant, deponētes eum de ligno, posuerunt eum in monumento. Deus verò suscitavit eum à mortuis tertia die: qui visus est per dies multos his, qui simul ascēderant eum eo de Galilæa in Ierusalem: qui usque nunc sunt testes ejus ad plebem. Et nos vobis annuntiāmus eam, quæ ad patres nostros repromissio facta est: quoniam hanc Deus adimplevit filiis nostris, resuscitans Jesum Christum Dominum nostrum.

Graduale. Psalm. 117. Hæc dies, quam fecit Dominus: exultemus, & lætemur in ea. **Psalm. 106.** Dicant nunc, qui redempti sunt à Domino, quos redemit de manu inimici, & de regionibus congregavit eos. **Alleluya, alleluya.**

Psalm. 117. Surrexit Dominus de sepulchro, qui pro nobis pepēdit in ligno.

Sequentia. Victimæ Paschali. fol. 213.

Sequentia sancti Evangelii secundum Lucam. Lucæ 24. e

In illo tempore: Stetit Jesus in medio discipulorum suorum, & dicit eis: Pax vobis: ego sum, nolite timere. Conturbati verò, & conterriti, existimabant se spiritum videre. Et dicit eis: Quid turbati estis, & cogitationes ascēdunt in corda vestra? Videte manus meas, & pedes, quia ego ipse sum: palpate, & videte: quia spiritus carnem, & ossa non habet, sicut me videtis habere. Et cum hoc dixisset, ostendit eis manus, & pedes. Adhuc autem illis non credentibus, & mirantibus præ gaudio, dixit: Habētis hic aliquid, quod manducetur? At illi obtulerunt ei partem piscis assi, & favum mellis. Et cum manducasset coram eis, sumens reliquias dedit eis. Et dicit ad eos: Hæc sunt verba, quæ locutus sum ad vos, cum adhuc essem vobis-

cum, quoniam necesse est impleri omnia, quæ scripta sunt in lege Moysi, & Prophetis, & Psalmis de me. Tunc aperuit illis sensum ut intelligerent Scripturas. Et dixit eis: Quoniam sic scriptum est, & sic oportebat Christum pati, & resurgere à mortuis tertia die: & prædicari in nomine ejus poenitentiam, & remissionem peccatorum in omnes Gentes. **Credo.**

Offertorium. Psalm. 17. Intonuit de cælo Dominus, & Altissimus dedit vocem suam: & apparuerunt fontes aquarum, alleluya. **Secreta.**


Suscipe, Domine, fidelium preces cum oblationibus hostiarum, ut per hæc piæ devotionis officia, ad cælestem gloriam transeamus. Per Dominum.

Communio. Coloss. 3. Si consurrexistis cum Christo, quæ sursum sunt querite, ubi Christus est in dextera Dei sedens, alleluya: quæ sursum sunt sapite, alleluya. **Postcommunio.**

Concede, quæsumus omnipotens Deus: ut Paschalis perceptio sacramenti continua in nostris mentibus perseveret. Per Dominum.

F E R I A Q U A R T A .
Statio ad S. Laurentium extra muros.

Introitus. Matth. 25.



Enite benedicti Patris mei, percipite regnum, alleluya: quod vobis paratum est ab origine mundi, alleluya, alleluya, alleluya.

Psalmus 95. Cantate Domino canticum novum: cantate Domino omnis terra. **Psalm. 95.** Gloria Patri, &c.

Oratio.

Deus, qui nos Resurrectionis Dominicæ annua solemnitate lætificas: concede propitius; ut per temporalia festa quæ agimus, pervenire ad gaudia æterna mereāmur. Per eundem Dominum.

Ab hac die usque ad Sabbatum in Albis inclusivè, post Orationem dici dicitur una

una ex sequentibus Orationibus tantum, nisi facienda sit commemoratio alicujus Festi Simplicis occurrentis, quia tunc erit omittenda illa Ecclesie, vel pro Papa.

Contra persecutores Ecclesie. Oratio.

Ecclésiæ tuæ, quæsumus Domine, preces placatus admitte: ut, destructis adversitatibus, & erroribus universis, secūra tibi serviāt libertate. Per Dominum nostrum.

Vel pro Papa. Oratio.

Deus omnium fidelium pastor & rector, famulum tuum **N.** quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unā cum grege sibi credito, perveniat sempiternam. Per Dominum nostrum.

Lectio Actuum Apostolorum.

Act. 3. b

In diebus illis: Apertis Petrus os suum, dixit: Viri Israelitæ, & qui timetis Deum, audite: Deus Abraham, & Deus Isaac, & Deus Jacob, Deus patrum nostrorum glorificavit Filium suum Jesum, quem vos quidem tradidistis, & negastis ante faciem Pilati, judicante illo dimitti. Vos autem sanctum, & justum negastis, & petistis virum homicidam donari vobis: auctorem verò vitæ interfecistis, quem Deus suscitavit à mortuis, cujus nos testes sumus. Et nunc fratres scio quia per ignorantiam fecistis, sicut & principes vestri. Deus autem, quæ prænuntiavit per os omnium Prophetarum, pati Christum suum, sic implevit. Poenitemini igitur, & convertimini ut deleantur peccata vestra.

Graduale. Psalm. 117. Hæc dies, quam fecit Dominus: exultemus, & lætemur in ea. **V.** Dextera Domini fecit virtutem, dextera Domini exaltavit me. **A**llelúja, allelúja.

V. Lucæ 24. Surrexit Dominus verè, & apparuit Petro.

Sequentia. Victimæ Paschali. fol. 213.



Sequentia sancti Evangelii secundum Joannem. **Joann. 21.**

In illo tempore: Manifestavit se iterum Jesus discipulis ad mare Tiberiadis. Manifestavit autem sic. Erant simul Simon Petrus, & Thomas, qui dicitur Didymus, & Nathanael, qui erat à Cana Galilææ, & filii Zebedæi, & alii ex discipulis ejus duo. Dicit eis Simon Petrus: Vado piscari. Dicunt ei: Venimus & nos tecum. Et exierunt, & ascenderunt in navim: & illa nocte nihil prederunt. Manè autem facto stetit Jesus in littore: non tamen cognoverunt discipuli quia Jesus est. Dixit ergo eis Jesus: Pueri numquid pulmentarium habetis? Responderunt ei: Non. Dicit eis: Mittere in dexteram navigii rete, & invenietis. Miserunt ergo: & jam non valebant illud trahere præ multitudinem piscium. Dixit ergo discipulus ille, quem diligebat Jesus, Petro: Dominus est. Simon Petrus cum audisset quia Dominus est, tunica succinxit se (erat enim nudus) & misit se in mare. Alii autem discipuli navigio venerunt: (non enim longè erant à terra, sed quasi cubitis ducèntis) trahentes rete piscium. Ut ergo descenderunt in terram, viderunt prunas positas, & piscem superpositum, & panem. Dicit eis Jesus: Afferte de piscibus, quos prederistis nunc. Ascendit Simon Petrus, & traxit rete in terram, plenum magnis piscibus centum quinquaginta tribus. Et cum tanti essent, non est scissum rete. Dicit eis Jesus: Venite, prandete. Et nemo audèbat discumbentium interrogare eum: Tu quis es? scientes quia Dominus est. Et venit Jesus, & accipit panem, & dat eis, & piscem similiter. Hoc jam tertio manifestatus est Jesus discipulis suis cum resurrexisset à mortuis. **C**redo.

Offertorium. Psalm. 77. Portas cæli aperuit Dominus: & pluit illis manna, ut ederent: panem cæli dedit eis: panem Angelorum manducavit homo, allelúja.

Secre-

Secreta.

Sacrificia, Dómine, Paschálibus gaudiis immolámus: quibus Ecclésia tua mirábiliter & páscitur & nutritur. Per Dóminum.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus inhæréntes, & corpore tibi famulémur, & mente. Per Dóminum.

Vel pro Papa.

Secreta.

Oblátis, quæsumus Dómine, placare munéribus: & famulum tuum **N.** quem pastórem Ecclesiæ tuæ præesse voluisti, assídua protectióne gubérna. Per Dóminum.

Communio. Rom. 6. Christus resurgens ex mórtuis, jam non móritur, allelúja: mors illi ultrá non dominábitur, allelúja, allelúja. **Postcommunio.**

Abonni nos, quæsumus Dómine, vetustáte purgátos, sacraménti tui veneránda percéptio in novam transférat creatúram. Qui vivis & regnas.

Contra persecutores Ecclesiæ. Postcomm.

Quæsumus Dómine Deus noster: ut quos divína tribuis participatióne gaudere, humanis non finas subjacere periculis. Per Dóminum.

Vel pro Papa.

Postcommunio.

Hæc nos, quæsumus Dómine, divini sacraménti percéptio protégat: & famulum tuum **N.** quem pastórem Ecclesiæ tuæ præesse voluisti, uná cum commisso sibi grege, salvet semper, & múniat. Per Dóminum.

F E R I A Q U I N T A .
Statio ad SS. duodecim Apostolos.

Introitus.

Sap. 10.



Vétricem manum tuam, Dómine, laudavérunt páriter, allelúja: quia sapiéntia aperuit os mutum, & linguas infántium fecit disertas, allelúja, allelúja. **Psalmus 97.** Cantáte Dómino canticum novum: quia mirabilia fecit. ✠ Glória Patri, &c.

Oratio.

Deus, qui diversitátem Géntium in confessióne tui nóminis adunásti: da, ut renátis fonte baptísmatis, una sit fides méntium, & pietas actiónum. Per Dóminum nostrum.

Secunda Oratio. Ecclesiæ tuæ. vel Deus ómnium fidélium. fol. 217.

Lectio Actuum Apostolorum. Act. 8. c.

In diébus illis: Angelus Dómini locútus est ad Philíppum, dicens: Surge, & vade contra meridiánum ad viam, quæ descendit ab Jerúsalem in Gazam: hæc est desérta. Et surgens abiit. Et ecce vir Æthiops eunúchus, potens Candácis reginæ Æthiopum, qui erat super omnes gazas ejus, vénerat adorare in Jerúsalem: & revertebátur sedens super currum suum, legénsque Isaíam Prophétam. Dixit autem Spíritus Philíppo: Accéde, & adjúnge te ad currum istum. Accúrrens autem Philíppus, audívit eum legéntem Isaíam Prophétam, & dixit: Putásne intélligis quæ legis? Qui ait: Et quómodo possum, si non aliquis osténderit mihi? Rogavítque Philíppum ut ascénderet, & sederet secum. Locus autem Scripturæ, quam legébat, erat hic: Tamquam ovis ad occisiónem ductus est, & sicut agnus coram tondénte se, sine voce, sic non apéruit os suum. In humilitáte judícium ejus sublátum est. Generatióne ejus quis enarrábit, quóniam tollétur de terra vita ejus? Respóndens autem Eunúchus Philíppo, dixit: Obsécro te, de quo Prophéta dicit hoc? de se, an de alio aliquo? Apériens autem Philíppus os suum, & incípiens à Scriptúra ista, Euangelizávit illi Jesum. Et dum irent per viam, venérunt ad quamdam aquam: & ait Eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo Fílium Dei esse Jesum Christum. Et jussit stare currum: & descendérunt uterque in aquam, Philíppus & Eunúchus, & baptizávit eum. Cum autem ascéndissent de aqua, Spíritus Dómini rápuit

Phi-

Philippum, & amplius non vidit eum Eunuchus. Ibat autem per viam suam gaudens. Philippus autem inventus est in Azoto, & pertransiens euangelizabat civitatibus cunctis (donec veniret Cæsaream) nomen Domini Jesu Christi.

Graduale. Psalmus 117. Hæc dies, quam fecit Dominus: exultemus, & lætemur in ea. **V.** Lapidem, quem reprobaverunt ædificantes, hic factus est in caput anguli: à Domino factum est istud, & est mirabile in oculis nostris. **A**llelúja, allelúja. **V.** Surrexit Christus, qui creávit omnia: & misertus est humano generi.

Sequentia. Victimæ Paschali. fol. 213.

Sequentia sancti Evangelii secundum Joannem. Joann. 20. b

IN illo tempore: María stabat ad monumentum foris, plorans. Dum ergo fleret, inclinavit se, & prospexit in monumentum: & vidit duos Angelos in albis, sedentes, unum ad caput, & unum ad pedes, ubi positum fuerat corpus Jesu. Dicunt ei illi: Mulier, quid ploras? Dicit eis: Quia tulérunt Dominum meum: & nescio ubi posuerunt eum. Hæc cum dixisset, conversa est retrorsum, & vidit Jesum stantem: & non sciebat quia Jesus est. Dicit ei Jesus: Mulier quid ploras? quem quæris? Illa existimans quia hortulanus esset, dicit ei: Domine, si tu sustulisti eum, dicito mihi ubi posuisti eum: & ego eum tollam. Dicit ei Jesus: María. Conversa illa, dicit ei: Rabbóni (quod dicitur Magister.) Dicit ei Jesus: Noli me tangere, nondum enim ascendi ad Patrem meum: vade autem ad fratres meos, & dic eis: Ascendo ad Patrem meum, & Patrem vestrum, Deum meum, & Deum vestrum. Venit María Magdalène annuntians discipulis: Quia vidi Dominum, & hæc dixit mihi. **Credo.**

Offertorium. Exodi 13. In die solemnitatis vestræ, dicit Dominus, in-

dúcam vos in terram fluentem lac & mel, allelúja.

Secreta.

Suscipe, quæsumus Domine, munerum populorum tuorum propitius: ut confessione tui nominis, & baptisate renovati, sempiternam beatitudinem consequantur. Per Dominum.

Altera Secreta, vel Protege nos, **vel** Oblatis. **ut in Feria iv. præcedenti.** fol. 218.

Communio. 1. Petri 2. Populus acquisitionis, annuntiáte virtutes ejus, allelúja: qui vos de tenebris vocavit in admirabile lumen suum, allelúja.

Postcommunio.

Exaudi Domine preces nostras: ut redemptionis nostræ sacrosancta commercia, & vitæ nobis conferant præsentis auxilium, & gaudia sempiterna concilient. Per Dominum.

Altera Postcommunio, vel Quæsumus, Domine, **vel** Hæc nos, quæsumus. **ut in Feria quarta præcedenti.** fol. 218.

F E R I A S E X T A.

Statio ad S. Mariam ad Martyres.

Introitus.

Psalm. 77.



Duxit eos Dominus in spe, allelúja: & inimicos eorum operuit mare, allelúja, allelúja, allelúja.

Psalm. ibid. Attendite popule meus legem meam: inclináte aurem vestram in verba oris mei.

V. Glória Patri, &c.

Oratio.

Omnipotens sempiternus Deus, qui Paschale sacramentum in reconciliationis humanæ foedere contulisti: da mentibus nostris; ut quod professione celebramus, imitemur effectu. Per Dominum nostrum.

Secunda Oratio, vel Ecclesiæ tuæ, **vel** Deus omnium fidélium. **ut in quarta Feria præcedenti.** fol. 217.

Lectio Epistolæ beati Petri Apostoli.

1. Petri 3. d

Charissimi, Christus semel pro peccatis nostris mortuus est, justus pro iniustis, ut nos offerret Deo, mortificá-

tificatus quidem carne, vivificatus autem spiritu. In quo & his, qui in carcere erant, spiritibus veniens predicavit: qui increduli fuerant aliquando, quando expectabant Dei patientiam in diebus Noe, cum fabricaretur arca: in qua pauci, id est octo animae salvae factae sunt per aquam. Quod & vos nunc similis formae salvos facit baptisma: non carnis depositio sordium, sed conscientiae bonae interrogatio in Deum per resurrectionem Jesu Christi Domini nostri, qui est in dextera Dei.

Graduale. Psalm. 117. Hæc dies, quam fecit Dominus: exultemus, & lætemur in ea. *V.* Benedictus qui venit in nomine Domini: Deus Dominus, & illuxit nobis. Alleluya, alleluya.

V. Psalm. 95. Dicite in Gentibus: quia Dominus regnavit à ligno.

Sequentia. Victimæ Paschali. fol. 213.

Sequentia sancti Evangelii secundum Matthæum. Matth. 28. d

IN illo tempore: Undecim discipuli abiierunt in Galilæam in montem, ubi constituerat illis Jesus. Et videntes eum adoraverunt, quidam autem dubitaverunt. Et accedens Jesus locutus est eis, dicens: Data est mihi omnis potestas in cælo, & in terra. Eúntes ergo docete omnes Gentes: baptizantes eos in nomine Patris, & Filii, & Spiritus sancti: docentes eos servare omnia, quaecúmque mandavi vobis: & ecce ego vobiscum sum omnibus diebus usque ad consummationem sæculi. **Credo.**

Offertorium. Exodi 12. Erit vobis hæc dies memorialis, alleluya: & diem festum celebrabitis solèmnem Domino in progenies vestras: legitimum sempiternum diem, alleluya, alleluya, alleluya. **Secreta.**

Hostias, quæsumus Domine, placatus assume: quas & pro reatorum expiatione peccati deferimus, & pro acceleratione cælestis auxilii. Per Dominum nostrum.

Altera Sacreta, vel Protege nos Domine. **vel Oblatis, quæsumus. ut in Feria quarta præcedenti.** fol. 218.

Communio. Matth. 28. Data est mihi omnis potestas in cælo, & in terra, alleluya: eúntes docete omnes Gentes, baptizantes eos in nomine Patris, & Filii, & Spiritus sancti, alleluya, alleluya. **Postcommunio.**


Respice, quæsumus Domine, populum tuum: & quem æternis dignatus es renovare mysteriis, à temporalibus culpis dignanter absolve. Per Dominum nostrum.

Altera Postcommunio, vel Quæsumus Domine. **vel Hæc nos, quæsumus. ut in Feria quarta præcedenti.** fol. 218.

SABBATO IN ALBIS.

Statio ad S. Joannem in Laterano.

Introitus. Psalm. 104.



Duxit Dominus populum suum in exultatione, alleluya: & electos suos in lætitia, alleluya, alleluya.

Psalm. ibid. Confitemini Domino, & invocate nomen ejus: annuntiante inter Gentes opera ejus.

V. Gloria Patri, &c. **Oratio.**

Concede quæsumus omnipotens Deus: ut qui festa Paschalia venerando egimus, per hæc contingere ad gaudia æterna mereamur. Per Dñm.

Secunda Oratio, vel Ecclesiae tuæ. vel Deus omnium fidelium. ut in Feria quarta præcedenti. fol. 217.

Lectio Epistolæ beati Petri Apostoli.

1. Petri 2.

Charissimi: Deponentes igitur omnem malitiam, & omnem dolum, & simulationes, & invidias, & omnes detractiones, sicut modò geniti infantes, rationabile, sine dolo lac concupiscite: ut in eo crescatis in salutem: si tamen gustastis quoniam dulcis est Dominus. Ad quem accedentes lapidem vivum, ab hominibus quidem reprobatum, à Deo autem electum, & honorificatum: & ipsi tamquam lapides

des vivi superædificamini, domus spiritalis, sacerdotium sanctum, offerre spirituales hostias, acceptabiles Deo per Jesum Christum. Propter quod continet Scriptura: Ecce pono in Sion lapidem summum angularem, electum, pretiosum: & qui crediderit in eum, non confundetur. Vobis igitur honor credentibus: non credentibus autem, lapis quem reprobaverunt ædificantes, hic factus est in caput anguli: & lapis offensionis, & petra scandali, his qui offendent verbo, nec credunt in quo & positi sunt. Vos autem genus electum, regale sacerdotium, gens sancta, populus acquisitionis: ut virtutes annuntiatis ejus, qui de tenebris vos vocavit in admirabile lumen suum. Qui aliquando non populus, nunc autem populus Dei: qui non consecuti misericordiam, nunc autem misericordiam consecuti.

¶ Ab hac die usque ad Octavam Pentecostes, tam in Officio de Tempore, quam de Sanctis, non dicitur Graduale; sed ejus loco dicuntur duo Versus cum quatuor Alleluya, ordine infra scripto: præterquam in Missis Rogationum, & Vigiliæ Pentecostes, in quibus dicitur unum Alleluya, cum uno Versu: similiter & post quamlibet Lectionem in Sabbato Quatuor Temporum post Pentecosten. Alio tempore usque ad Septuagesimam, quando dicitur Graduale, dicuntur tria Alleluya, post Graduale, bis ante Versum, & semel post Versum: cum autem dicitur Sequentia, Alleluya, quod dicendum esset post Versum, dicitur post Sequentiam. Alleluya, alleluya.

✠ Psalmus 117. Hæc dies, quam fecit Dominus: exultemus & lætemur in ea. Alleluya.

✠ Psalmus 112. Laudate pueri Dominum, laudate nomen Domini.

Sequentia. Victimæ Paschali. fol. 213.

✠ Sequentia sancti Evangelii secundum Joannem. Joann. 20.

IN illo tempore: Una sabbati Maria Magdalene venit manè, cum adhuc

tenebræ essent, ad monumentum: & vidit lapidem sublatum à monumento. Cucurrit ergo, & venit ad Simonem Petrum, & ad alium discipulum, quem amabat Jesus, & dicit illis: Tulerunt Dominum de monumento, & nescimus ubi posuerunt eum. Exiit ergo Petrus, & ille alius discipulus, & venerunt ad monumentum. Currebant autem duo simul, & ille alius discipulus præcucurrit citius Petro, & venit primus ad monumentum. Et cum se inclinasset, vidit posita lintheamina, non tamen introivit. Venit ergo Simon Petrus sequens eum, & introivit in monumentum, & vidit lintheamina posita, & sudarium, quod fuerat super caput ejus, non cum lintheaminibus positum, sed separatim involutum in unum locum. Tunc ergo introivit & ille discipulus, qui venerat primus ad monumentum: & vidit, & credidit: nondum enim sciebant Scripturam, quia oportebat eum à mortuis resurgere. **Credo.**

Offertorium. Psalmus 117. Benedictus qui venit in nomine Domini: benediximus vobis de domo Domini: Deus Dominus, & illuxit nobis, alleluya, alleluya. **Secreta.**

Concède, quæsumus Domine, semper nos per hæc mysteria Paschalia gratulari: ut continua nostræ reparationis operatio, perpetuæ nobis fiat causa lætitiæ. Per Dominum nostrum.

Alia Secreta, vel Protegenos, vel Oblatis. ut in Feria quarta præcedenti. fol. 218.

Communio. Galat. 3. Omnes qui in Christo baptizati estis, Christum induistis, alleluya.

Postcommunio.

Redemptionis nostræ munere vegetati, quæsumus Domine: ut hoc perpetuæ salutis auxilio, fides semper vera proficiat. Per Dominum.

Altera Postcommunio, vel Quæsumus Domine, vel Hæc nos, quæsumus Domine. ut in Feria iv. præcedenti. fol. 218. DOMI-

DOMINICA IN ALBIS,
in Octava Paschæ.

Statio ad sanctum Pancratium.

Introitus.

1. Petr. 2.



Uasi modò geniti infantes, allelúja : rationábiles, sine dolo lac concupiscite, allelúja, allelúja, allelúja.

Psalmus 80. Exultáte Deo adiutori nostro : jubiláte Deo Jacob.

V. Glória Patri, &c.

Oratio.

Praesta quæsumus omnipotens Deus : ut qui Paschália festa perégimus ; hæc, te largiente, moribus & vita teneamus. Per Dóminum nostrum.

Lectio Epistolæ beati Joánnis Apostoli.

1. Joann. 5.

Charíssimi : Omne, quod natum est ex Deo, vincit mundum : & hæc est victória, quæ vincit mundum, fides nostra. Quis est, qui vincit mundum, nisi qui credit quóniam Jesus est Filius Dei ? hic est, qui venit per aquam & sanguinem, Jesus Christus, non in aqua solum, sed in aqua & sanguine. Et spíritus est, qui testificatur, quóniam Christus est veritas. Quóniam tres sunt, qui testimonium dant in cælo : Pater, Verbum, & Spíritus sanctus : & hi tres unum sunt. Et tres sunt, qui testimonium dant in terra : Spíritus, & aqua, & sanguis : & hi tres unum sunt. Si testimonium hóminum accipimus, testimonium Dei majus est : quóniam hoc est testimonium Dei, quod majus est, quóniam testificatus est de Filio suo. Qui credit in Filium Dei, habet testimonium Dei in se.

Allelúja, allelúja. **V.** **Matth. 28.** In die resurrectionis meæ, dicit Dóminus, præcedam vos in Galilæam, allelúja.

V. **Joann. 20.** Post dies octo, januis clausis stetit Jesus in medio discipulorum suorum, & dixit : Pax vobis. Allelúja.



Sequéntia sancti Euangélii secundum Joánnem. **Joann. 20. c.**

In illo tempore : Cum serò esset die illo, una sabbatorum, & fores essent clausæ, ubi erant discipuli congregati propter metum Judæorum : venit Jesus, & stetit in medio, & dixit eis : Pax vobis. Et cum hoc dixisset, ostendit eis manus, & latus. Gavisi sunt ergo discipuli, viso Dómino. Dixit ergo eis iterum : Pax vobis. Sicut misit me Pater, & ego mitto vos. Hæc cum dixisset, insufflavít : & dixit eis : Accípíte Spíritum sanctum : quorum remisérítis peccáta, remittúntur eis, & quorum retinuérítis, retenta sunt. Thomas autem unus ex duodecim, qui dicitur Dídymus, non erat cum eis quando venit Jesus. Dixérunt ergo ei alii discipuli : Vidimus Dóminum. Ille autem dixit eis : Nisi videro in manibus ejus fixuram clavórum, & mittam digitum meum in locum clavórum, & mittam manum meam in latus ejus, non credam. Et post dies octo, iterum erant discipuli ejus intus, & Thomas cum eis. Venit Jesus januis clausis, & stetit in medio, & dixit : Pax vobis. Deinde dicit Thomæ : Infer digitum tuum huc, & vide manus meas, & affer manum tuam, & mitte in latus meum : & noli esse incredulus, sed fidelis. Respondit Thomas, & dixit ei : Dóminus meus, & Deus meus. Dixit ei Jesus : Quia vidísti me Thomas, credidísti : beati qui non viderunt, & crediderunt. Multa quidem & alia signa fecit Jesus in conspectu discipulorum suorum, quæ non sunt scripta in libro hoc. Hæc autem scripta sunt, ut credátis, quia Jesus est Christus Filius Dei : & ut credentes, vitam habeátis in nómine ejus. **Credo.**

Offertorium. **Matth. 28.** Angelus Dómini descendit de cælo, & dixit mulieribus : Quem quæritis, surrexit sicut dixit, allelúja.

Secre-

Secreta.

Suscipe múnera, Dómine quæsumus, exultántis Ecclesiæ: & cui causam tanti gáudii præstitisti, perpétuæ fructum concéde lætitiæ. Per Dóminum.

Communio. Joann. 20. Mitte manum tuam, & cognósce loca clavórum, allelúja: & noli esse incredulus, sed fidélis, allelúja, allelúja. **Postcommunio.**

Quæsumus Dómine Deus noster: ut sacrosáncta mystéria, quæ pro reparatiónis nostræ munimine contulisti, & præsens nobis remédium esse facias, & futurum. Per Dóminum.

A Feria secunda post Octavam Paschæ usque ad Ascensionem, post Oracionem dici dicuntur Oraciones sequentes, nisi sit Festum Duplex.

De beata Maria. Oratio.

Concéde nos famulos tuos, quæsumus Dómine Deus, perpétua mentis & corpóris sanitate gaudere: & gloriósa beatæ Mariæ semper virginis intercessiône, à præsentí liberári tristitia, & æterna pèrfrui lætítia.

Contra persecutores Ecclesiæ. Oratio.

Ecclésiæ tuæ, quæsumus Dómine, preces placátus admítte: ut, destrúctis adversitatibus, & erroribus univérslis, secúra tibi sèrviat libertate. Per Dóminum nostrum.

Vel pro Papa. Oratio.

Deus, ómnium fidélium pastor & rector, famulum tuum **N.** quem pastórem Ecclesiæ tuæ præesse voluisti, propítius respice: da ei, quæsumus, verbo & exémplo, quibus præest, proficere; ut ad vitam, unà cum grege sibi crédito, pervéniat sempitèrnam. Per Dóminum nostrum.

De beata Maria. Secreta.

Tua Dómine propitiatióne, & beatæ Mariæ semper virginis intercessiône, ad perpétuam atque præsentem hæc oblátio nobis proficiat prosperitatem & pacem.

Contra persecutores Ecclesiæ. Secreta.

Prótege nos, Dómine, tuis mystériis serviéntes: ut divínis rebus in-

hæréntes, & corpore tibi famulémur, & mente. Per Dóminum.

Vel pro Papa. Secreta.

Oblátis, quæsumus Dómine, placare munéribus: & famulum tuum **N.** quem pastórem Ecclesiæ tuæ præesse voluisti, assídua protectiône gubérna. Per Dóminum.

De beata Maria. Postcommunio.

Sumptis, Dómine, salutis nostræ subsidiis: da quæsumus, beatæ Mariæ semper virginis patrociniis nos ubique prótegi, in cujus veneratióne hæc tuæ obtúlimus majestati.

Contra persecutores Ecclesiæ. Postcommunio.


Quæsumus Dómine Deus noster: ut quos divína tribuis participatióne gaudere, humanis non finas subiacere periculis. Per Dóminum.

Vel pro Papa. Postcommunio.

Hæc nos, quæsumus Dómine, divini sacraménti percéptio próte- gat: & famulum tuum **N.** quem pastórem Ecclesiæ tuæ præesse voluisti, unà cum commisso sibi grege, salvet semper, & múniat. Per Dóminum.

DOMINICA SECUNDA

post Pascha. Introitus. Psalm. 12.



Misericórdia Dómini plena est terra, allelúja: verbo Dómini cæli firmati sunt, allelúja, allelúja.

Psalm. ibid. Exultáte justi in Dómino: rectos decet collaudatio.

Glória Patri.

Oratio.

Deus, qui in Filii tui humilitate jacentem mundum erexisti: fidélibus tuis perpétuam concéde lætítiam; ut quos perpétuæ mortis eripuisti cásibus, gaudiis facias pèrfrui sempitèrnis. Per eúndem Dóminum nostrum.

Aliæ Oraciones. Concéde nos famulos tuos. & Ecclesiæ tuæ. **vel Deus ómnium.** **ut supra post Octavam Paschæ.** fol. 223.

Lectio Epístolæ beati Petri Apóstoli.

1. Petri 2. d

Charíssimi: Christus passus est pro nobis, vobis relínquens exémpulum ut

ut sequamini vestigia eius. Qui peccatum non fecit, nec inventus est dolus in ore eius: qui cum malediceretur, non maledicebat: cum pateretur, non comminabatur: tradebat autem iudicanti se injuste: qui peccata nostra ipse pertulit in corpore suo super lignum: ut peccatis mortui, iustitiae vivamus: cuius livore sanati estis. Eratis enim sicut oves errantes, sed conversi estis nunc ad pastorem, & episcopum animarum vestrarum.

Allelúja, allelúja. *ps. Lucæ 24.* Cognoverunt discipuli Dominum Jesum in fractione panis. Allelúja.

ps. Joann. 10. Ego sum pastor bonus, & cognosco oves meas, & cognoscunt me meae. Allelúja.



Sequentia sancti Evangelii secundum Joannem. *Joann. 10. b*

IN illo tempore: Dixit Jesus Pharisæis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum pastor bonus: & cognosco meas, & cognoscunt me meae. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor. **Credo.**

Offertorium. Psal. 62. Deus Deus meus, ad te de luce vigilo: & in nomine tuo levabo manus meas, allelúja. **Secreta.**

Benedictionem nobis, Domine, conferat salutarem sacra semper oblatio: ut, quod agit mysterio, virtute perficiat. Per Dominum.

Alia Secreta. Tua, Domine. & Prote-

ge nos. **vel** Oblatis, quæsumus. *ut supra post Octavam Paschæ. fol. 223.*

Communio. Joann. 10. Ego sum pastor bonus, allelúja: & cognosco oves meas, & cognoscunt me meae, allelúja, allelúja. **Postcommunio.**

Presta nobis, quæsumus omnipotens Deus: ut vivificationis tuæ gratiam consequentes, in tuo semper munere gloriemur. Per Dominum.

Alia Postcommuniones. Sumptis, Domine. & Quæsumus Domine. **vel** Hæc nos, quæsumus Domine. fol. 223.

DOMINICA TERTIA

post Pascha. **Introitus. Psalm. 65.**



Ubilate Deo omnis terra, allelúja: psalmum dicite nomini ejus, allelúja: date gloriam laudi ejus, allelúja, allelúja, allelúja.

Psalm. ibid. Dicite Deo, quam terribilia sunt opera tua Domine! in multitudine virtutis tuæ mentientur tibi inimici tui. *ps. Gloria Patri.* **Oratio.**

Deus, qui errantibus, ut in viam possint redire iustitiæ, veritatis tuæ lumen ostendis: da cunctis, qui Christiana professione censentur, & illa respuere, quæ huic inimica sunt nomini; & ea, quæ sunt apta, sectari. Per Dominum nostrum.

Alia Orationes. Concède nos famulos tuos. & Ecclesiæ tuæ, **vel** Deus omnium. *ut supra post Octavam Paschæ. fol. 223.*

Lectio Epistolæ beati Petri Apostoli.

1. Petri 2. b

Charissimi: Obsecro vos tamquam cadenas & peregrinos abstinere vos à carnalibus desideriis, quæ militant adversus animam, conversationem vestram inter Gentes habentes bonam: ut in eo, quod detractant de vobis tamquam de malefactoribus, ex bonis operibus vos considerantes, glorificent Deum in die visitationis. Subiecti igitur estote omni humanæ creaturæ propter Deum: sive regi quasi præcellenti: sive ducibus tamquam ab eo missis ad vindictam male-

lesactorum, laudem vero bonorum: quia sic est voluntas Dei, ut beneficientes obmutescere faciatis imprudentium hominum ignorantiam: quasi liberi, & non quasi velamen habentes malitiae libertatem, sed sicut servi Dei. Omnes honorate: fraternitatem diligite: Deum time: Regem honorificate. Servi subditi estote in omni timore dominis, non tantum bonis & modestis, sed etiam dyscolis. Hæc est enim gratia: in Christo Jesu Domino nostro. Allelúja, allelúja. *Psalm. 110.* Redemptionem misit Dominus populo suo. Allelúja. *Luc. 24.* Oportebat pati Christum, & resurgere a mortuis: & ita intrare in gloriam suam. Allelúja.

✠ Sequentia sancti Evangelii secundum Joannem. *Joann. 16. b*

IN illo tempore: Dixit Jesus discipulis suis: Modicum, & jam non videbitis me: & iterum modicum, & videbitis me: quia vado ad Patrem. Dixérunt ergo ex discipulis ejus ad invicem: Quid est hoc, quod dicit nobis: Modicum, & non videbitis me: & iterum modicum, & videbitis me, & quia vado ad Patrem? Dicebant ergo: Quid est hoc, quod dicit, Modicum? nescimus quid loquitur. Cognovit autem Jesus, quia volebant eum interrogare, & dixit eis: De hoc queritis inter vos, quia dixi: Modicum, & non videbitis me: & iterum modicum, & videbitis me. Amen, amen dico vobis: quia plorabitis, & flebitis vos, mundus autem gaudet: vos vero contristabimini, sed tristitia vestra vertetur in gaudium. Mulier cum parit, tristitiam habet, quia venit hora ejus: cum autem pepererit puerum, jam non meminit pressuræ propter gaudium: quia natus est homo in mundum. Et vos igitur nunc quidem tristitiam habetis, iterum autem videbo vos, & gaudet cor vestrum: & gaudium vestrum nemo tollet a vobis. **C**redo.

Miss.

Offertorium. Psalm. 145. Lauda anima mea Dominum: laudabo Dominum in vita mea: psallam Deo meo quamdiu ero, allelúja. **Secreta.**

His nobis, Domine, mysteriis conferatur, quod terræna desideria mitigantes, discamus amare cælestia. Per Dominum nostrum.


Alia Secreta. Tua Domine. & **P**rotege nos. **vel** Oblatis, quaesumus. **ut supra post Octavam Paschæ.** fol. 223.

Communio. Joann. 16. Modicum, & non videbitis me, allelúja: iterum modicum, & videbitis me, quia vado ad Patrem, allelúja, allelúja. **Postcommunio.**

Sacramenta, quæ sumpsimus, quaesumus Domine, & spiritalibus nos instaurent alimentis, & corporalibus tueantur auxiliis. Per Dominum.

Alia Postcommuniones. Sumptis, Domine. & **Q**uaesumus Domine. **vel** Hæc nos, quaesumus Domine. fol. 223.

DOMINICA QUARTA post Pascha. Introitus. Psalm. 97.



Antate Domino canticum novum, allelúja: quia mirabilia fecit Dominus, allelúja: ante conspectum Gentium revelavit justitiam suam, allelúja, allelúja, allelúja.

Psalm. ibid. Salvavit sibi dexteram ejus: & brachium sanctum ejus.

Glória Patri.

Oratio.

Deus, qui fidelium mentes unius efficis voluntatis: da populis tuis id amare quod præcipis, id desiderare quod promittis; ut inter mundanas varietates ibi nostra fixa sint corda, ubi vera sunt gaudia. Per Dominum.

Alia Orationes. Concède nos, & **E**cclésiæ tuæ. **vel** Deus omnium. fol. 223.

Lectio Epistolæ beati Jacobi Apostoli. **Jacobi 1. c**

Charissimi: Omne datum optimum, & omne donum perfectum desursum est, descendens à Patre luminum, apud quem non est transmutatio, nec vicissitudinis obumbratio. Voluntarie enim

P

genuit

genuit nos verbo veritatis, ut simus initium aliquod creaturæ ejus. Scitis fratres mei dilectissimi. Sit autem omnis homo velox ad audiendum: tardus autem ad loquendum, & tardus ad iram. Ira enim viri justitiam Dei non operatur. Propter quod abjicientes omnem immunditiam, & abundantiam malitiæ, in mansuetudine suscipite insitum verbum, quod potest salvare animas vestras.

Allelúja, allelúja. Psalm. 117. Dextera Domini fecit virtutem: dextera Domini exaltavit me. Allelúja.

Rom. 6. Christus resurgens ex mortuis, jam non moritur: mors illi ultra non dominabitur. Allelúja.



Sequentia sancti Evangelii secundum Joannem. **Joann. 16. c.**

In illo tempore: Dixit Jesus discipulis suis: Vado ad eum, qui misit me; & nemo ex vobis interrogat me, Quò vadis? Sed quia hæc locutus sum vobis, tristitia implevit cor vestrum. Sed ego veritatem dico vobis: expedit vobis ut ego vadam: si enim non abiero, Paráclitus non veniet ad vos: si autem abiero, mittam eum ad vos. Et cum venerit ille, arguet mundum de peccato, & de justitia, & de judicio. De peccato quidem quia non crediderunt in me: de justitia verò, quia ad Patrem vado, & jam non videbitis me: de judicio autem, quia princeps hujus mundi jam judicatus est. Adhuc multa habeo vobis dicere: sed non potestis portare modò. Cum autem venerit ille Spiritus veritatis, docebit vos omnem veritatem. Non enim loquetur à semetipso: sed quæcúmque audiet, loquetur, & quæ ventura sunt annuntiabit vobis. Ille me clarificabit: quia de meo accipiet, & annuntiabit vobis. **Credo.**

Offertorium. Psalm. 65. Jubilate Deo universa terra, psalmum dicite nomini ejus: Venite, & audite, & narrá-

bo vobis, omnes qui timetis Deum, quanta fecit Dominus animæ meæ, allelúja. **Secreta.**

Deus, qui nos per hujus sacrificii veneranda commercia, unius summa divinitatis participes effecisti: præsta quæsumus; ut sicut tuam cognoscimus veritatem, sic eam dignis moribus assequámur. Per Dominum.

Alia Secreta. Tua, Domine, propitiatione. & Protege nos Domine. vel Oblatis, quæsumus Domine. fol. 223. Communio. Joann. 16. Cum venerit Paráclitus Spiritus veritatis, ille arguet mundum de peccato, & de justitia, & de judicio, allelúja, allelúja.

Postcommunio.

Adesto nobis, Domine Deus noster: ut per hæc, quæ fideliter sumpsimus, & purgemur à vitiis, & à periculis omnibus eruámur. Per Dominum nostrum.

Alia Postcommuniones. Sumpsis, Domine. & Quæsumus Domine. vel Hæc nos, quæsumus Domine. fol. 223.

DOMINICA QUINTA post Pascha. Introitus. **Isaia. 43.**



Vocem jucunditatis annuntiáte, & audiatur, allelúja: annuntiáte usque ad extrémum terræ: liberávit Dominus populum suum, allelúja, allelúja. **Psalm. 65.** Jubilate Deo omnis terra: psalmum dicite nomini ejus, date glóriam laudi ejus.

Glória Patri, &c. Oratio.

Deus, à quo bona cuncta procedunt, largire supplicibus tuis: ut cogitemus, te inspirante, quæ recta sunt, & te gubernante, eadem faciamus. Per Dominum nostrum.

Alia Orationes. Concède nos. & Ecclesiæ tuæ. vel Deus omnium. fol. 223.

Lectio Epistolæ beati Jacobi Apostoli. Jacobi 1. d.

Charissimi: Estote factores verbi, & non auditores tantum, fallentes vosmet-

vosmetipsos. Quia si quis auditor est verbi, & non factor: hic comparabitur viro consideranti vultum nativitatis suae in speculo: consideravit enim se, & abiit, & statim oblitus est qualis fuerit. Qui autem perspexerit in legem perfectam libertatis, & permanserit in ea, non auditor oblivisus factus, sed factor operis: hic beatus in facto suo erit. Si quis autem putat se religiosum esse, non refrænans linguam suam, sed seducens cor suum, huius vana est religio. Religio munda, & immaculata apud Deum & Patrem, hæc est: Visitare pupillos, & viduas in tribulatione eorum, & immaculatum se custodire ab hoc sæculo.

Allelúja, allelúja. *v.* Surrexit Christus, & illuxit nobis, quos redemit sanguine suo. Allelúja.

v. **Joann. 16.** Exivi à Patre, & veni in mundum: iterum relinquo mundum, & vado ad Patrem. Allelúja.

Sequencia sancti Evangelii secundum Joannem. Joann. 16. c.

In illo tempore: Dixit Jesus discipulis suis: Amen, amen dico vobis: si quid petieritis Patrem in nomine meo, dabit vobis. Usque modò non petistis quidquam in nomine meo: Petite, & accipietis, ut gaudium vestrum sit plenum. Hæc in proverbiis locutus sum vobis. Venit hora, cum jam non in proverbiis loquar vobis, sed palam de Patre annuntiabo vobis. In illo die in nomine meo petetis: & non dico vobis quia ego rogabo Patrem de vobis: ipse enim Pater amat vos, quia vos me amastis, & credidistis, quia ego à Deo exivi. Exivi à Patre, & veni in mundum: iterum relinquo mundum, & vado ad Patrem. Dicunt ei discipuli ejus: Ecce nunc palam loqueris, & proverbium nullum dicis. Nunc scimus quia scis omnia, & non opus est tibi ut quis te interroget: in hoc credimus quia à Deo existi. **Credo.**

Offertorium. Psalmus 65. Benedicite Gentes Dóminum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedictus Dóminus, qui non amovit deprecationem meam, & misericordiam suam à me, allelúja.

Secreta. **S**uscipe, Dómine, fidélium preces cum oblationibus hostiarum: ut per hæc piæ devotionis officia, ad cælestem glóriam transeamus. Per Dóminum nostrum.

Alia Secreta. **T**ua Dómine. & **P**rotegenos. **vel O**blatis, quæsumus. fol. 223.

Communio. Psalm. 95. **C**antáte Dómino, allelúja: cantáte Dómino, & benedicite nomen ejus: benè nuntiáte de die in diem salutare ejus, allelúja, allelúja.

Postcommunio. **T**ribue nobis, Dómine, cælestis mensæ virtute satiatis, & desiderare quæ recta sunt, & desiderata percipere. Per Dóminum nostrum.

Alia Postcommuniones. **S**umptis Dómine. & **Q**uæsumus Dómine. **vel H**æc nos, quæsumus Dómine. fol. 223.

IN LITANIIS MAJORIBUS.

In festo S. Marci Evangelistæ, Statio ad sanctum Petrum. Et in minoribus ante Ascensionem, Feria ii. Rogationum. Statio ad sanctam Mariam Majorem. Feria tertia. Statio ad sanctum Joannem in Laterano. Feria quarta. Statio ad S. Petrum.

Sequens Missa, dicitur in Litanis majoribus, & minoribus ad Processionem, sine commemoratione Festi occurrentis: In Feriis autem Rogationum, in Missis privatis, si dicitur de Sancto, fit commemoratio Rogationum: si dicitur de Rogationibus, fit commemoratio Festi occurrentis. Feria verò iii. si Festum non occurrat, dicatur Missa de Rogationibus, sine Gloria in excelsis. licet in Officio dictum sit, Te Deum. & Oratio Dominica.



Introitus. Psalm. 17.

Xauidívit de templo sancto
suo vocem meam, alle-
lúja: & clamor meus in
conspéctu ejus introívit
in aures ejus, allelúja,
allelúja. **Psalm. ibid.** Diligam te Dó-
minae virtus mea: Dóminus firmamén-
tum meum, & refúgium meum, & li-
berátor meus. **Glória Patri, &c.**

In hac Missa non dicitur Glória in ex-
celsis. neque Credo. **Oratio.**

PRæsta quæsumus omnipotens De-
us: ut qui in afflictione nostra de
tua pietate confidimus, contra advér-
sa ómnia, tua semper protectione mu-
niámur. Per Dóminum.

Alia Orationes. Concède nos. & Ecclesiæ
tuæ. **vel** Deus ómnium fidélium. fol. 223.

Lectio Epistolæ beati Jacobi Apó-
stoli. **Jacobi 5. d**

CHaríssimi: Confitémini alterutrum
peccáta vestra, & oráte pro invi-
cem ut salvémini: multum enim valet
deprecátio justí assídua. Elías homo
erat similis nobis passibilis: & oratione
orávit ut non plúeret super terram, &
non pluit annos tres, & menses sex. Et
rursúm orávit: & cælum dedit plúviam,
& terra dedit fructum suum. Fratres
mei, si quis ex vobis erráverit à veritatē,
& convérterit quis eum: scire de-
bet quóniam qui convérte fecerit pec-
catórem ab errore viæ suæ, salvábit
ánimam ejus à morte, & opériet mul-
titudinem peccatórum.

Allelúja. Psal. 117. Confitémini
Dómino; quóniam bonus: quóniam
in sæculum misericórdia ejus.



Sequéntia sancti Euangélii secún-
dum Lucam. **Lucæ 11.**

IN illo témpore: Dixit Jesus discipu-
lis suis: Quis vestrum habébit amí-
cum, & ibit ad illum média nocte,
& dicet illi: Amice, comoda mihi
tres panes, quóniam amicus meus ve-
nit de via ad me, & non hábeo quod

ponam ante illum, & ille deíntus respón-
dens, dicat: Noli mihi moléstus esse,
jam óstium clausum est, & púeri mei
mecum sunt in cubili, non possum súr-
gere, & dare tibi. Et si ille perseverá-
verit pulsans: dico vobis, & si non da-
bit illi surgens, eò quòd amicus ejus
sit, propter improbitatem tamen ejus
surget, & dabit illi quotquot habet ne-
cessários. Et ego dico vobis: Pétite,
& dábitur vobis: quærite, & inveni-
tis: pulsáte, & aperiétur vobis. Omnis
enim, qui petit, áccipit: & qui quæ-
rit, invenit: & pulsánti aperiétur.
Quis autem ex vobis patrem petit pa-
nem, numquid lápidem dabit illi? Aut
piscem: numquid pro pisce serpéntem
dabit illi? Aut si petserit ovum, num-
quid pórriget illi scorpíonem? Si ergo
vos cum sitis mali, nostis bona data
dare filiis vestris: quantò magis Pater
vester de cælo dabit spíritum bonum
peténtibus se?

Offertorium. Psalm. 108. Confitébor
Dómino nimis in ore meo: & in mé-
dio multórum laudábo eum, quia ásti-
tit à dextris páuperis: ut salvam fá-
ceret à persequéntibus ánimam meam,
allelúja.

Secreta.

HÆc múnera, quæsumus Dómine,
& víncula nostræ pravitatís absól-
vant, & tuæ nobis misericórdiæ dona
concílient. Per Dóminum.

Alia Secreta. Tua Dómine. **ut supra &**
Protege nos. vel Oblátis. fol. 223.

Et dicitur Præfatio Paschalis.

Comunio. Luc. 11. Pétite, & accipiétis:
quærite, & inveniétis: pulsáte, & ape-
riétur vobis: omnis enim qui petit, ácci-
pit: & qui quærit, invenit: & pulsánti
aperiétur, allelúja. **Postcommunio.**

VOta nostra, quæsumus Dómine,
pio favóre proséquere: ut dum
dona tua in tribulatione percípimus,
de consolatione nostra in tuo amore
crescámus. Per Dóminum.

Alia Postcommuniones. Sumptis Dómi-
ne. & Quæsumus. **vel** Hæc nos. fol. 223.

IN

IN VIGILIA ASCENSIONIS.

Si hodie occurrat Festum Simplex, fit de ipso tantum commem. Si occurrat Festum Duplex, vel Semiduplex, Missa dicitur de Festo, cum commem. Vigiliæ, & Rogationum. Sed in Ecclesiis Collegiatis, præter Missam de Rogationibus, dicuntur duæ Missæ, una de Festo, & alia de Vigilia.

Introitus. Isaia 48.



Ocem jucunditatis annuntiæ, & audiatur, allelûja: annuntiæ usque ad extremum terræ: liberavit Dóminus pópulum suum, allelûja, allelûja.

Psalm. 65. Jubilate Deo omnis terra: psalmum dicite nómini ejus, date glóriam laudi ejus. v. Glória Patri, &c.

Et dicitur Glória in excelsis.

Oratio.

Deus, à quo bona cuncta procedunt, largire supplcibus tuis: ut cogitemus, te inspirante, quæ recta sunt; & te gubernante, eadem faciamus. Per Dóminum.

Secunda de Rogationibus. Oratio.

Præsta quæsumus omnipotens Deus: ut qui in afflictione nostra de tua pietate confidimus, contra adversa omnia, tua semper protectione muniamur. Per Dóminum.

*Tertia de sancta Maria. C*oncède nos famulos. fol. 223.

In Ecclesiis autem Collegiatis, ubi dicitur alia quoque Missa de Rogationibus, secunda Oratio erit de B. Maria: tertia, Ecclesiæ tuæ. vel Deus omnium. fol. 223.

Lectio Epistolæ beati Pauli Apóstoli ad Ephésios. Ephes. 4. b

Fratres: Unicuique nostrum data est grátia secundum mensuram donationis Christi. Propter quod dicit: Ascendens in altum captivam duxit captivitatem: dedit dona hominibus. Quod autem ascendit, quid est, nisi quia & descendit primum in inferiores partes terræ? Qui descendit, ipse est & qui ascendit super omnes cælos, ut impleret omnia. Et ipse dedit quosdam Miss.

quidem Apóstolos, quosdam autem Prophétas, alios verò Euangelistas, alios autem pastores, & doctores, ad consummationem sanctorum in opus ministerii, in ædificationem corporis Christi: donec occurramus omnes in unitatem fidei, & agnitionis filii Dei, in virum perfectum, in mensuram ætatis plenitudinis Christi.

Allelûja, allelûja. *v. Surrexit Christus, & illuxit nobis, quos redemit sanguine suo. Allelûja.*

v. Joann. 16. Exivi à Patre, & veni in mundum: iterum relinquo mundum, & vado ad Patrem. Allelûja.



Sequentia sancti Evangelii secundum Joannem. *Joann. 17.*

In illo tempore: Sublevatis Jesus oculis in cælum, dixit: Pater venit hora, clarifica Filium tuum, ut Filius tuus clarificet te. Sicut dedisti ei potestatem omnis carnis, ut omne, quod dedisti ei, det eis vitam æternam. Hæc est autem vita æterna: Ut cognoscant te, solum Deum verum, & quem misisti Jesum Christum. Ego te clarificavi super terram: opus consummavi, quod dedisti mihi ut faciam: & nunc clarifica me tu Pater apud te ipsum, claritate, quam habui priusquam mundus esset, apud te. Manifestavi nomen tuum hominibus, quos dedisti mihi de mundo. Tui erant, & mihi eos dedisti: & sermonem tuum servaverunt. Nunc cognoverunt quia omnia, quæ dedisti mihi, abs te sunt: quia verba, quæ dedisti mihi, dedi eis: & ipsi acceperunt, & cognoverunt verè quia à te exivi, & crediderunt quia tu me misisti. Ego pro eis rogo: Non pro mundo rogo, sed pro his, quos dedisti mihi: quia tui sunt: & mea omnia tua sunt, & tua mea sunt: & clarificatus sum in eis. Et jam non sum in mundo, & hi in mundo sunt, & ego ad te venio.

Offertorium. Psalmus 65. Benedicite
P ; Gen-

Gentes Dóminum Deum nostrum, & obaudite vocem laudis ejus: qui posuit animam meam ad vitam, & non dedit commoveri pedes meos: benedictus Dóminus, qui non amovit deprecationem meam, & misericórdiam suam à me, allelúja.

Secreta.

Suscipe, Dómine, fidélium preces cum oblationibus hostiarum: ut per hæc piæ devotiónis officia, ad cælestem glóriam transeámus. Per Dóminum nostrum.

Secunda de Rogationibus. Secreta.

Hæc múnera, quæsumus Dómine, & víncula nostræ pravitatís absolvant, & tuæ nobis misericórdiæ dona concílient.

*Tertia de sancta Maria. T*ua Dómine propitiatióne. fol. 223.

In Ecclesiis Collegiatis, ut supra, secunda erit de sancta Maria: tertia, Protege nos. vel pro Papa. fol. 223.

Communio. Psalmus 95. Cantáte Dómino, allelúja: cantáte Dómino, & benedicite nomen ejus: benè nuntiáte de die in diem salutáre ejus, allelúja, allelúja.

Postcommunio.

Tribue nobis, Dómine, cælestis mensæ virtúte satiátis, & desideráre quæ recta sunt, & desideráta percípere. Per Dóminum.

*Secunda de Rogationibus.**Postcommunio.*

Vota nostra, quæsumus Dómine, pio favóre proséquere: ut dum dona tua in tribulatióne percípimus, de consolatióne nostra in tuo amore crescámus.

*Tertia de sancta Maria. S*umptis Dómine. fol. 223.

*In Collegiatis, ut supra, secunda erit de sancta Maria, S*umptis Dómine, *tertia verò contra persecutores Ecclesiæ, Q*uæsumus Dómine, *vel pro Papa, fol. 223.*



I N D I E ASCENSIONIS D O M I N I

Statio ad sanctum Petrum.

Introitus.

Act. 1.



Veni Galilæi, quid admiramini aspicientes in cælum? allelûja: quemadmodum vidistis eum ascendentem in cælum, ita veniet, allelûja, allelûja, allelûja.

Psalmus 46. Omnes Gentes plaudite manibus: jubilate Deo in voce exultationis.

Gloria Patri.

Oratio.

Concède quæsumus omnipotens Deus: ut qui hodierna die Unigenitum tuum Redemptorem nostrum ad cælos ascendisse credimus, ipsi quoque mente in cælestibus habitemus. Per eundem Dominum.

Lectio Actuum Apostolorum. Act. 1.

Primum quidem sermonem feci de omnibus, o Theophile, quæ coepit Iesus facere, & docere, usque in diem, qua præcipiens Apostolis per Spiritum sanctum, quos elegit, assumptus est: quibus & præbuit seipsum vivum post passionem suam in multis argumentis, per dies quadraginta apparens eis, & loquens de regno Dei. Et convalescens, præcepit eis ab Jerosolymis ne discederent, sed expectarent promissionem Patris, quam audistis (inquit) per os meum: quia Joannes quidem baptizavit aqua, vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Domine, si in tempore hoc restitues regnum

Israel? Dixit autem eis: Non est vestrum nosse tempora vel momenta, quæ Pater posuit in sua potestate: sed accipietis virtutem superveniētis Spiritus sancti in vos, & eritis mihi testes in Jerusaleme, & in omni Judæa, & Samaria, & usque ad ultimum terræ. Et cum hæc dixisset, videntibus illis, elevatus est, & nubes suscepit eum ab oculis eorum. Cumque intuerentur in cælum euntem illum, ecce duo viri astiterunt juxta illos in vestibus albis, qui & dixerunt: Viri Galilæi quid statis aspicientes in cælum? Hic Iesus, qui assumptus est à vobis in cælum, sic veniet, quemadmodum vidistis eum euntem in cælum.

Allelûja, allelûja. Psalm. 46. Ascendit Deus in jubilatione, & Dominus in voce tubæ. *Allelûja.*

Psalm. 67. Dominus in Sina in sancto, ascendens in altum, captivam duxit captivitatem. *Allelûja.*



Sequentia sancti Evangelii secundum Marcum. Marc. 16. c

In illo tempore: Recumbentibus undecim discipulis, apparuit illis Iesus: & exprobravit incredulitatem eorum & duritiam cordis: quia iis, qui viderant eum resurrexisse, non crediderunt. Et dixit eis: Euntes in mundum universum, prædicæ Evangelium omni creaturæ. Qui crediderit, & baptizatus fuerit, salvus erit: qui vero non crediderit, condemnabitur. Signa autem eos, qui crediderint, hæc sequentur: In nomine meo dæmonia ejicient: linguis

linguis loquuntur novis: serpentes tolerant: & si mortiferum quid biberint, non eis nocēbit: super ægros manus impōnent, & benē habēbunt. Et Dōminus quidem Iesus, postquā locūtus est eis, assūptus est in cælum, & sedet à dextris Dei. Illi autem profecti prädicaverunt ubique, Dōmino cooperante, & sermōnem confirmante, sequentibus signis.

Dicto Evangelio extinguitur Cereus Paschalis, nec ulterius accenditur, nisi in Sabbato Pentecostes ad Benedictionem Fontis. Credo.

Offertorium. Psalm. 46. A scēdit Deus in jubilatione: & Dōminus in voce tubæ, allelūja.

Secreta.

Suscipe, Dōmine, mūnera, quæ pro Filii tui gloriōsa Ascensione deferimus: & concede propitius; ut à præsētibz periculis liberemur, & ad vitam perveniamus æternam. Per eūdem Dōminum nostrum Iesum Christum Filium tuum.

Præfatio ut in Præfat. Ascensionis. Qui post resurrectionem suam, omnibus discipulis suis. Et dicitur usque ad Vigiliam Pentecostes exclusivē.

Infra actionem. Communicantes & diem sacratissimum. ut supra.

Et dicitur per Octavam tantum.

*Communio. Psalm. 67. P*sallete Dōmino, qui ascēdit super cælos cælorum ad Orientem, allelūja.

Postcommunio.

Præsta nobis, quæsumus omnipotens & misericors Deus: ut quæ visibilibz mystēriis sumēda percēpimus, invisibili consequāmur effectu. Per Dōminum nostrum.

*Infra Octavam Ascensionis dicitur Missa de Ascensione, nisi occurrat Festum Duplex, vel Semiduplex, de quo tunc fit cum commemoratione Octavæ: de simplici autem fit tantum commemoratio. Post Orationem diei dicitur secunda Oratio de sancta Maria, C*oncede nos. & tertia, Ecclesiæ tuæ. *vel D*eus omnium fideliū. fol. 223.

D O M I N I C A
infra Octavam Ascensionis.

Introitus. Psalm. 26.



Xaudi Dōmine vocem meam, qua clamavi ad te, allelūja: tibi dixit cor meum, quæsi vultum tuum, vultum tuum Dōmine requiram: ne avētas faciē tuam à me, allelūja, allelūja.

Psalmus ibid. Dōminus illuminatio mea, & salus mea: quem timēbo?

Gloria Patri, &c. Oratio.

Omnipotens sempiternus Deus, fac nos tibi semper, & devotam gerere voluntatem, & majestati tuæ sincero corde servire. Per Dōminum.

Et fit commemoratio de Ascensione.

Concede quæsumus. fol. 231.

Lectio Epistolæ beati Petri Apostoli.

1. Petr. 4. b

Charissimi: Estote prudentes, & vigilate in orationibus. Ante omnia autem, mutuam in vobismetipsis charitatem continuam habentes: quia charitas operit multitudinem peccatorum. Hospitales invicem sine murmuratione. Unusquisque, sicut accepit gratiam, in alterutrum illam administrantes, sicut boni dispensatores multiformis gratiæ Dei. Si quis loquitur, quasi sermones Dei: si quis ministrat, tamquam ex virtute, quam administrat Deus: ut in omnibus honorificetur Deus per Iesum Christum Dōminum nostrum.

*Allelūja, allelūja. Psalm. 46. R*egnabit Dōminus super omnes Gentes: Deus sedet super sedem sanctam suam. Allelūja.

*Joann. 14. N*on vos relinquam orphanos: vado & venio ad vos, & gaudebit cor vestrum. Allelūja.

Sequentia sancti Evangelii secundum Joannem. *Joann. 15. d*

In illo tempore: Dixit Iesus discipulis suis: Cum venerit Paráclitus, quem ego mittam vobis à Patre, Spíritum veritatis, qui à Patre procedit, ille

ille testimonium perhibebit de me: & vos testimonium perhibebitis, quia ab initio mecum estis. Hæc locutus sum vobis, ut non scandalizemini. Absque synagogis facient vos: sed venit hora, ut omnis qui interficit vos, arbitretur obsequium se præstare Deo. Et hæc facient vobis, quia non novērunt Patrem, neque me. Sed hæc locutus sum vobis: ut cum venerit hora eorum, reminiscamini, quia ego dixi vobis. **Credo.**

Offertorium. Psalmus 46. Ascendit Deus in jubilatione: & Dominus in voce tubæ, allelúja. **Secreta.**

Sacrificia nos, Domine, immaculata purificent: & mentibus nostris supernæ gratiæ dent vigorem. Per Dñm.

Pro Ascensione. Suscipe Domine munera. ut supra. fol. 232.

Communio. Joann. 17. Pater, cum essem cum eis, ego servabam eos, quos dedisti mihi, allelúja: nunc autem ad te venio: non rogo ut tollas eos de mundo, sed ut serves eos à malo, allelúja, allelúja. **Postcommunio.**

Repleti, Domine, muneribus sacris: da quæsumus; ut in gratiarum semper actione maneamus. Per Dñm.

Pro Ascensione. Præsta nobis, quæsumus. ut supra. fol. 232.

In Octava Ascensionis dicitur Missa sicut in die, cum una tantum Oratione, nisi occurrat festum Simplex.

Feria vi. post Octavam Ascensionis, si non fuerit Festum Duplex, vel Semiduplex, etiam translatum, Missa dicitur de Dominica præterita, cum commem. de S. Maria, Concède nos. & Ecclesiæ tuæ. vel Deus omnium. fol. 223. de Simplici fit tantum commemoratio. Et non dicitur Credo.

SABBATO IN VIGILIA

Pentecostes.

Statio ad S. Joannem in Laterano.



Dicta Nona, Sacerdos & ministri induti paramentis violacei coloris, accedunt ad Altare, & facta reverentia Sacerdos illud osculatur in medio. Deinde leguntur Prophetiæ sine ti-

tulo, candelis Altaris extinctis usque ad principium Missæ, sicut in Sabbato Sancto. Sacerdos legit eas submissa voce ad Altare in cornu Epistolæ. In fine Prophetiarum dicuntur Orationes sine Flectamus genua.

Prophetia prima. In diebus illis: Tentavit Deus Abraham. ut supra in Sabbato Sancto. fol. 153. qua finita, Sacerdos dicit: **Oremus.** **Oratio.**

Deus, qui in Abraham famuli tui opere, humano generi obedientiæ exempla præbisti: concède nobis, & nostræ voluntatis pravitatem frangere, & tuorum præceptorum reformationem in omnibus adimplere. Per Dominum nostrum.

Prophetia secunda. In diebus illis: Factum est in vigilia matutina. & **Tractus.** Cantemus Domino. ut in Sabbato Sancto. fol. 154. **Oremus.** **Oratio.**

Deus, qui primis temporibus impleta miracula, novi testamenti luce referasti, ut & mare rubrum forma sacri fontis existeret, & liberata plebs ab Egyptiaca servitute, Christiani populi sacramenta præferret: da, ut omnes gentes Israël privilegium merito fidei consecutæ, Spiritus tui participatione regenerentur. Per Dominum nostrum. in unitate ejusdem Spiritus sancti Deus.

Prophetia tertia. In diebus illis: Scripsit Moyses canticum. & **Tractus.** Attende cælum, & loquar: & audiat. fol. 158.

Oremus. **Oratio.**

Deus, glorificatio fidelium, & vita justorum, qui per Moysen famulum tuum nos quoque modulatione sacri carminis erudisti: universis Gentibus misericordiæ tuæ munus operare, tribuendo beatitudinem, auferendo terrorem: ut quod pronuntiatum est ad supplicium, in remedium transferatur æternum. Per Dominum.

Prophetia quarta. Apprehendent septem mulieres. **Tractus.** Vineam facta est. ut in Sabbato Sancto. fol. 156. **Oremus.** **Oratio.**

Omnipotens sempiternus Deus, qui per unicum Filium tuum, Ecclesiæ tuæ demonstrasti te esse cultorem: omnem

nem palmitem, fructum in eodem Christo tuo, qui vera vitis est, afferentem, clementer excolens, ut fructus afferat ampliores: fidelibus tuis, quos velut vineam ex Aegypto per fontem baptismi transtulisti, nullae peccatorum spinæ prævaleant: ut Spiritus tui sanctificatione muniti, perpétua fruge dententur. Per eundem Dominum. in unitate ejusdem Spiritus sancti Deus.

Prophetia quinta. A udi Israel mandata vitæ. ut in Sabbato sancto. fol. 155.

Oremus.

Oratio.

Deus, qui nobis per Prophetarum ora præcepisti temporalia relinquere, atque ad æterna festinare: da famulis tuis, ut quæ à te iussa cognovimus, implere cælesti inspiratione valeamus. Per Dominum.

Prophetia sexta. In diebus illis: Facta est super me manus Domini. ut in Sabbato sancto. fol. 156.

Oremus.

Oratio.

Domine Deus virtutum, qui collapsa reparas, & reparata conservas: auge populos in tui nominis sanctificatione renovandos: ut omnes, qui sacro baptismo diluuntur, tua semper inspiratione dirigantur. Per Dominum nostrum.

His expletis, Celebrans accipit pluviale violaceum, & descendendo ad fontem cantatur Tractus. Psalm. 41: Sicut cervus desiderat ad fontes aquarum: ita desiderat anima mea ad te, Deus.

ψ. Sitivit anima mea ad Deum vivum: quando veniam, & apparebo ante faciem Dei? ψ. Fuérunt mihi lacrymæ meæ panes die ac nocte, dum dicitur mihi per singulos dies: Ubi est Deus tuus?

Deinde Sacerdos antequam intret ad benedictionem fontis, dicit ψ. Dominus vobiscum. R. Et cum spiritu tuo.

Oremus.

Oratio.

Concède quæsumus omnipotens Deus: ut, qui solemnitatem doni sancti Spiritus colimus, cælestibus desi-

deriis accensi, fontem vitæ sitiāmus. Per Dominum nostrum. in unitate ejusdem Spiritus sancti Deus, &c.

Deinde proceditur ad benedictionem fontis, ut supra in Sabbato sancto. f. 160.

*¶ Ubi vero non fuerint fontes, finita sexta Prophetia cum sua Oratione, Celebrans deponit casulam, & cum ministris ante Altare procumbit: & aliis omnibus genuflexis, cantantur Litanie à duobus cantoribus in medio chori, utroque choro idem simul respondente. Cum autem perventum fuerit ad ψ. Peccatores, Terogamus. Sacerdos & ministri surgunt, & accedentes ad Sacristiam, induuntur paramentis rubeis, & accenduntur luminaria circa Altare. In fine Litaniarum cantatur solemniter K yrie eléison. pro Missa, & repetuntur, ut moris est. Quo incepto, Sacerdos cum ministris procedit ad Altare, & facit Confessionem: deinde ascendens, illud osculatur, & incensat more solito. Finitis K yrie eléison. incipit solemniter, Gloria in excelsis. Et campanæ pulsan-
tur.*

Oratio.

Præsta quæsumus omnipotens Deus, ut claritatis tuæ super nos splendor effulgeat: & lux tuæ lucis, corda eorum, qui per grātam tuam renati sunt, sancti Spiritus illustratione confirmet. Per Dominum. in unitate ejusdem Spiritus sancti Deus.

Lectio Actuum Apostolorum. Act. 19.

In diebus illis: Factum est, cum Apóllo esset Corinthi, ut Paulus peragratis superioribus partibus veniret Ephesum, & inveniret quosdam discipulos: dixitque ad eos: Si Spiritum sanctum accepistis credentes? At illi dixerunt ad eum: Sed neque si Spiritus sanctus est, audivimus. Ille vero ait: In quo ergo baptizati estis? Qui dixerunt: In Joannis baptismo. Dixit autem Paulus: Joannes baptizavit baptismo poenitentiae populum, dicens: In eum, qui venturus esset post ipsum, ut crederent, hoc est, in Jesum. His auditis, baptizati sunt in nomine Domini Jesu. Et cum imposuisset illis manus Paulus, ve-

nit Spiritus sanctus super eos, & loquebantur linguis, & prophetabant. Erant autem omnes viri ferè duodecim. Introgressus autem synagoga, cum fiducia loquebatur per tres menses, disputans, & suadens de regno Dei.

Allelúja. Psal. 106. Confitemini Dómino, quóniam bonus: quóniam in sæculum misericórdia ejus. **Non repetitur, Allelúja. sed immediatè sequitur Tractus, Psal. 116.** Laudate Dóminum omnes Gentes: & collaudate eum omnes pópuli. **Ps.** Quóniam confirmata est super nos misericórdia ejus: & veritas Dómini manet in ætérnum.

Ad Euangelium non portantur luminaria, sed incensum tantum.

Sequéntia sancti Euangélíi secúndum Joánnem. Joann. 14. b

In illo tēpore: Dixit Jesus discipulis suis: Si diligitis me, mandata mea servate. Et ego rogábo Patrem, & álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accíperé, quia non videt eum, nec scit eum. Vos autem cognoscétis eum: quia apud vos manébit, & in vobis erit. Non relínquam vos órphanos: véniam ad vos. Adhuc módicum: & mundus me jam non videt. Vos autem vidétis me: quia ego vivo, & vos vivétis. In illo die vos cognoscétis quia ego sum in Patre meo, & vos in me, & ego in vobis. Qui habet mandata mea, & servat ea: ille est qui diligit me. Qui autem diligit me, diligétur à Patre meo: & ego diligam eum, & manifestábo ei meípsum.

Non dicitur Credo.

Offertorium. Psalmus 103. Emítte Spíritum tuum, & creabúntur, & renovábis fáciem terræ: sit glória Dómini in sæcula, allelúja.

Secreta.

Munera, quæsumus Dómine, oblata sanctifica: & corda nostra sancti Spíritus illustratióne emúnda. Per Dóminum. in unitate ejúsdem Spíritus sancti Deus, &c.

Præfatio. Qui ascéndens super omnes cælos. **ut in Præfat. Pentec.**

Infra actionem. Communicantes, & diem sacratíssimum Pentecóstes celebrantes. **& Hanc igitur oblationem. ut supra.**

Et dicuntur usque ad sequens Sabbatum inclusivè.

Communio. Joann. 7. Ultimo festivitatis die dicebat Jesus: Qui in me credit, flúmina de ventre ejus fluent aquæ vivæ: hoc autem dixit de Spíritu, quem accepturi erant credentes in eum, allelúja, allelúja.

Postcommunio.

Sancti Spíritus, Dómine, corda nostra mundet infúsió: & sui roris íntima aspersiône fecúndet. Per Dóminum nostrum. in unitate ejúsdem Spíritus sancti Deus, &c.

In Missis privatis hujus Vigiliæ, omíssis Prophetiis, Orationibus, & Litaníis, Missa absolutè incipitur ab Introitu, ut infra.

Introitus. Ezech. 36.



Um sanctificátus fuero in vobis, congregábo vos de univérsls terris: & effúndam super vos aquam mundam, & mundabímini ab ómnibus inquinaméntis vestris: & dabo vobis spíritum novum, allelúja, allelúja. **Psalm. 33.** Benedicam Dóminum in omni tēpore: semper laus ejus in ore meo.

Ps. Glória Patri, & Fílio, &c.

Deinde dicitur Kyrie eléison.

Glória in excélsis. Oratio. Præsta, quæsumus. **& alia ut supra. fol. 234.**

IN DOMINICA PENTECOSTES.

Statio ad sanctum Petrum.

Introitus.

Sap. 1.



Spiritus Dómini replévit orbem terrarum, allelúja : & hoc quod contémnet ómnia, sciéntiam habet vocis, allelúja, allelúja, allelúja.

Psalmus 67. **E**xúrgat Deus, & dissipéntur inimíci ejus : & fúgiant qui odérunt eum, à fácie ejus.

Glória Patri, &c.

Oratio.

Deus, qui hodiérna die corda fidélium sancti Spíritus illustratióne docuísti : da nobis in eódem Spíritu recta sápere, & de ejus semper consolatiónne gaudére. Per Dóminum. in unitáte ejúsdem Spíritus sancti Deus.

Lectio Actuum Apostolorum. Act. 2.

CUm compleréntur dies Pentecóstes, erant omnes discipuli páriter in eódem loco : & factus est repéntè de cælo sonus, tamquam adveniéntis spíritus veheméntis, & replévit totam domum ubi erant sedéntes. Et apparuerunt illis dispertitæ linguæ tamquam ignis, sedítque supra singulos eórum : & repléti sunt omnes Spíritu sancto, & cœpérunt loqui váriis linguis, prout Spiritus sanctus dabat éloqui illis. Erant autem in Jerúsalem habitántes Judæi, viri religiósí ex omni natióne, quæ sub cælo est. Facta autem hac voce, convénit multitúdo, & mente confúsa est, quóniam audiébat unusquisque lingua sua illos loquéntes. Stupébant autem omnes, & mirabántur, dicéntes : Nónne ecce omnes isti, qui loquúntur, Galilæi sunt ? & quómodo nos audívimus

unusquisque linguam nostram, in qua nati sumus ? Parthi, & Medi, & Ælamítæ, & qui hábitant Mesopotámiam, Judæam, & Cappadóciám, Pontum, & Ásiam, Phrygiám, & Pamphylíam, Ægyptum, & partes Líbyæ, quæ est circa Cyréne, & ádvenæ Románi, Judæi quoque, & Prosélyti, Cretes, & Arabes : audívimus eos loquéntes nostris linguis magnália Dei.

Allelúja, allelúja.

Psalm. 103. **E**mitte Spíritum tuum, & creabúntur : & renovábis fáciem terræ. *Allelúja.*

Hic genuflectitur. **V**eni sancte Spíritus, reple tuórum corda fidélium : & tui amóris in eis ignem accénde.

Sequentia.

Veni sancte Spíritus, & emítte cælitus lucis tuæ rádiu.

Veni pater páuperum, veni dator múnierum, veni lumen córdium.

Consolátor óptime, dulcis hospes ánimæ, dulce refrigerium.

In labóre réquies, in æstu tempéries, in fletu solátium.

O lux beatíssima, reple cordis íntima tuórum fidélium.

Sine tuo nímine, nihil est in hómine, nihil est innóxiu.

Lava quod est sórdidum, riga quod est áridum, sana quod est saucium.

Flecte quod est rígídum, fove quod est frígídum, rege quod est dévium.

Da tuis fidélibus, in te confidéntibus, sacrum septenárium.

Da virtútis méritum, da salútis éxitum, da perénne gáudium. Amen. *Allelúja.*

Et dicitur quotidie usque ad sequens Sabbatum inclusivè.

Se-



Sequentia sancti Euangelii secundum Joannem. **Joann. 14. c**

IN illo tempore: Dixit Jesus discipulis suis: Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus: qui non diligit me, sermones meos non servat. Et sermonem quem audistis, non est meus; sed ejus, qui misit me, Patris. Hæc locutus sum vobis, apud vos manens. Paráclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia, quaecumque dixerō vobis. Pacem relinquo vobis, pacem meam do vobis: non quomodo mundus dat, ego do vobis. Non turbetur cor vestrum, neque formidet. Audistis quia ego dixi vobis: Vado, & venio ad vos. Si diligereitis me, gauderetis utique, quia vado ad Patrem: quia Pater major me est. Et nunc dixi vobis priusquam fiat: ut cum factum fuerit, credatis. Jam non multa loquar vobiscum. Venit enim princeps mundi hujus, & in me non habet quidquam. Sed ut cognoscat mundus quia diligo Patrem, & sicut mandatum dedit mihi Pater, sic facio. **Credo.**

Offertorium. Psalm. 67. Confirma hoc Deus, quod operatus es in nobis: a templo tuo, quod est in Jerusalem, tibi offerent reges munera, allelúja. **Secreta.**

Munera, quæsumus Domine, oblata sanctifica: & corda nostra sancti Spiritus illustratione emunda. Per Dominum. in unitate ejusdem Spiritus.

Præfatio. Qui ascendens. **Communiantes,** & diem. **& Hanc igitur. ut in Præfat. Pentecostes.**

Communio. Act. 2. Factus est repente de cælo sonus tamquam advenientis spiritus vehementis, ubi erant sedentes, allelúja: & replati sunt omnes Spiritu sancto, loquentes magnalia Dei, allelúja, allelúja.

Postcommunio.

Sancti Spiritus, Domine, corda nostra mundet infusio: & sui roris intima asperione fecundet. Per Dominum. in unitate ejusdem Spiritus sancti Deus.

Infra Oct. Pentecostes non fit de aliquo Festo Duplici, vel Semiduplici: sed post Oct. celebrantur: de Simplici occurrenti post triduum fit commemoratio tantum.

F E R I A S E C U N D A
post Pentecosten.

Statio ad S. Petrum ad Vincula.

Introitus. Psalm. 80.



Ibavit eos ex adipe frumenti, allelúja: & de petra, melle saturavit eos, allelúja, allelúja.

Psalm. ibid. Exultate Deo adjutori nostro: jubilate Deo Jacob.

Glória Patri.

Oratio.

Deus, qui Apóstolis tuis sanctum dedisti Spiritum: concede plebi tuæ piæ petitionis effectum, ut quibus dedisti fidem, largiaris & pacem. Per Dominum. in unitate ejusdem Spiritus.

Lectio Actuum Apostolorum. Act. 10. f

IN diebus illis: Apériens Petrus os suum dixit: Viri fratres, nobis præcepit Dominus prædicare populo, & testificari, quia ipse est, qui constitutus est à Deo iudex vivorum & mortuorum. Huic omnes Prophætæ testimonium perhibent, remissionem peccatorum accipere per nomen ejus omnes, qui credunt in eum. Adhuc loquente Petro verba hæc, cecidit Spiritus sanctus super omnes qui audiebant verbum. Et obstupuerunt ex circumcissione fideles, qui venerant cum Petro: quia & in nationes grátia Spiritus sancti effusa est. Audiebant enim illos loquentes linguis, & magnificantes Deum. Tunc respondit Petrus: Numquid aquam quis prohibere potest, ut non baptizentur hi, qui Spiritum sanctum acceperunt sicut & nos? & jussit eos baptizari in nomine Domini Jesu Christi.

Alle-

Allelúja, allelúja. *Ps. Act. 2.* Loquebántur váriis linguis Apóstoli magnália Dei. Allelúja. *Hic genuflectitur.*
V. Veni sancte Spíritus, reple tuórum cor da fidélium: & tui amóris in eis ignem accénde.

*Sequentia. V*eni sancte Spíritus. *ut supra in Dominica Pentecostes.* fol. 236.



Sequentia sancti Euangélíi secúndum Joánnem. Joann. 3. b

IN illo témpore: Dixit Iesus Nicodémo: Sic Deus diléxit mundum, ut Filium suum unigénitum daret: ut omnis, qui credit in eum, non péreat, sed hábeat vitam ætérnam. Non enim misit Deus Filium suum in mundum, ut júdicet mundum, sed ut salvétur mundus per ipsum. Qui credit in eum, non júdicátur: qui autem non credit, jam júdicátus est: quia non credit in nómine unigeniti Fílii Dei. Hoc est autem júdicium: quia lux venit in mundum, & dilexérunt hómines magis ténebras, quàm lucem: erant enim eórum mala ópera. Omnis enim, qui malè agit, odit lucem, & non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta. *Credo.*

Offertorium. Psalmus 17. Intónuit de cælo Dóminus, & Altíssimus dedit vocem suam: & apparuérunt fontes aquárum, allelúja.

Secreta.

Propítius, Dómine quæsumus, hæc dona sanctífica: & hóstiæ spiritalis oblatióne suscépta, nosmetipsos tibi pérfice munus ætérnum. Per Dóminum.

Communio. Joann. 14. Spíritus sanctus docébit vos, allelúja: quæcúmque díxero vobis, allelúja, allelúja.

Postcommunio.

Adéstó, quæsumus Dómine, póculo tuo: & quem mystériis cæléstibus imbúisti, ab hóstium furóre defénde. Per Dóminum.

F E R I A T E R T I A post Pentecosten.

Statio ad sanctam Anastasiam.

Introitus.

4. Esdr. 2.



Ccípíte jucunditátem glóriæ vestræ, allelúja: grátias ágéntes Deo, allelúja: qui vos ad cæléstia regna vocávit, allelúja, allelúja, allelúja.

Psalm. 77. **A**tténdite pópule meus legem meam: inclináte aurem vestram in verba oris mei.

Glória Patri, &c.

Oratio.

Adíst nobis, quæsumus Dómine, virtus Spíritus sancti: quæ & corda nostra cleménter expúrget, & ab ómnibus tueátur advérsis. Per Dóminum. in unitáte ejúsdem Spíritus sancti Deus.

Lectio Actuum Apostolorum. Act. 8. c

IN diébus illis: Cúm audíssent Apóstoli, qui erant Jerosólymis, quòd recepíssent Samaría verbum Dei, misérunt ad eos Petrum & Joánnem. Qui cùm veníssent, oravérunt pro ipsis ut accíperent Spíritum sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, & accipiébant Spíritum sanctum.

Allelúja, allelúja. *Ps. Joann. 14.* Spíritus sanctus docébit vos, quæcúmque díxero vobis. Allelúja. *Hic genuflectitur.* *V.* Veni sancte Spíritus, reple tuórum corda fidélium: & tui amóris in eis ignem accénde.

*Sequentia. V*eni sancte Spíritus. *ut supra in Dominica Pentecostes.* fol. 236.



Sequentia sancti Euangélíi secúndum Joánnem. Joann. 10.

IN illo témpore: Dixit Iesus Pharisæis: Amen, amen dico vobis: qui non intrat per óstium in ovile óvium, sed ascéndit aliúnde: ille fur est, & latro. Qui autem intrat per óstium, pastor est óvium. Huic ostiárius áperit, & oves vocem ejus áaudiunt, & próprias oves vocat nominátim, & edúcit eas.

Et

Et cum proprias oves emisit, ante eas vadit: & oves illum sequuntur, quia sciunt vocem ejus. Alienum autem non sequuntur, sed fugiunt ab eo: quia non novērunt vocem alienōrum. Hoc proverbium dixit eis Jesus. Illi autem non cognovērunt quid loqueretur eis. Dixit ergo eis iterum Jesus: Amen, amen dico vobis, quia ego sum ostium ovium. Omnes quotquot vērunt, fures sunt, & latrones, & non audierunt eos oves. Ego sum ostium. Per me si quis introierit, salvabitur: & ingredietur, & egredietur, & pascua inveniet. Fur non venit nisi ut furetur, & mactet, & perdat. Ego veni ut vitam habeant, & abundantius habeant. **Credo.**

Offertorium. Psalmus 77. Portas cæli aperuit Dominus, & pluit illis manna, ut ederent: panem cæli dedit eis, panem Angelorum manducavit homo, allelūja. **Secreta.**

Purificet nos, quæsumus Domine, muneris præsentis oblatio: & dignos sacra participatione efficiat. Per Dominum nostrum.

Comunio. Joann. 15. 16. 17. Spiritus, qui à Patre procedit, allelūja: ille me clarificabit, allelūja, allelūja. **Postcommunio.**

Mentes nostras, quæsumus Domine, Spiritus sanctus divinis reparet sacramentis: quia ipse est remissio omnium peccatorum. Per Dominum. in unitate ejusdem Spiritus sancti Deus.

F E R I A Q U A R T A

Quatuor Temporum Pentecostes.

Statio ad S. Mariam Majorem.

Introitus. Psalm. 67.

Deus, dum egredereris coram populo tuo, iter faciens eis, habitans in illis, allelūja: terra mota est, cæli distillaverunt, allelūja, allelūja. **Psalm. ibid.** Exurgat Deus, & dissipentur inimici ejus: & fugiant, qui oderunt eum, à facie ejus. **V.** Glória Patri, & Filio, &c.

Post K. yrie eléison. **dicitur, Orémus.** & non dicitur: Flectamus genua.

Oratio.

Mentes nostras, quæsumus Domine, Paráclitus, qui à te procedit, illuminet: & inducat in omnem, sicut tuus promissit Filius, veritatem. Qui tecum vivit, & regnat in unitate ejusdem Spiritus sancti Deus, &c.

Lectio Actuum Apostolorum. Act. 2. b

In diebus illis: Stans Petrus cum undecim, levavit vocem suam, & locutus est eis: Viri Judæi, & qui habitatis Jerusalem universi, hoc vobis notum sit, & auribus percipite verba mea. Non enim, sicut vos aestimatis, hi ebrii sunt, cum sit hora diei tertia: sed hoc est, quod dictum est per Prophetam Joel: Et erit in novissimis diebus (dicit Dominus) effundam de Spiritu meo super omnem carnem: & prophetabunt filii vestri, & filiae vestrae, & juvenes vestri visiones videbunt, & seniores vestri somnia somniant. Et quidem super servos meos, & super ancillas meas in diebus illis effundam de Spiritu meo, & prophetabunt: & dabo prodigia in cælo sursum, & signa in terra deorsum, sanguinem, & ignem, & vaporem fumi. Sol convertetur in tenebras, & luna in sanguinem, antequam veniat dies Domini magnus & manifestus. Et erit: Omnis, quicumque invocaverit nomen Domini, salvus erit.

Allelūja. & Psalm. 32. Verbo Domini cæli firmati sunt: & spiritu oris ejus omnis virtutis eorum. **Hic dicitur, Glória in excelsis.**

& postea, Dominus vobiscum. Oratio.

Praesta quæsumus omnipotens & misericors Deus: ut Spiritus sanctus adveniens, templum nos gloriæ suæ dignanter inhabitando perficiat. Per Dominum. in unitate ejusdem Spiritus sancti Deus.

Ab hac die usque ad Sabbatum sequens inclusivè, post Orationem diei dicitur,

Contra persecutores Ecclesiæ. Oratio.

Ecclésiæ tuæ, quæsumus Domine, preces placatus admitte: ut, destruis

Etis adversitatibus, & erroribus universis, secūra tibi serviāt libertate. Per Dñm.

Vel pro Papa.

Oratio.

Deus omnium fideliū pastor, & rector, famulum tuum **N.** quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unā cum grege sibi credito, perveniat sempiternam. Per Dñm.

Occurrente Festo Simplici, omittitur Ecclesiæ, vel pro Papa.

Lectio Actuum Apostolorum. Act. 5. b

In diebus illis: Per manus autem Apostolorum fiebant signa, & prodigia multa in plebe. Et erant unanimiter omnes in porticu Salomonis. Ceterorum autem nemo audebat se coniungere illis: sed magnificabat eos populus. Magis autem augebatur credentium in Dñmo multitudo virorum, ac mulierum, ita ut in plateas ejicerent infirmos, & ponerent in lectulis ac grabatis, ut veniente Petro, saltem umbra illius obumbraret quemquam illorum, & liberarentur ab infirmitatibus suis. Concurrēbat autem & multitudo vicinarum civitatum Jerusalem, afferentes ægros, & vexatos a spiritibus immundis: qui curabantur omnes.

Allelūja, allelūja.

Hic genuflectitur. ✠. Veni sancte Spiritus, reple tuorum corda fidelium: & tui amoris in eis ignem accende.

Sequentia. Veni sancte Spiritus. ut in Dominica Pentecostes. fol. 236.

✠ *Sequentia sancti Evangelii secundum Joannem. Joann. 6. c*

In illo tempore: Dixit Jesus turbis Judæorum: Nemo potest venire ad me, nisi Pater, qui misit me, traxerit eum: & ego resuscitabo eum in novissimo die. Est scriptum in Prophetis: Et erunt omnes docibiles Dei. Omnis, qui audit a Patre, & didicit, venit ad me. Non quia Patrem vidit quis-

quam, nisi is, qui est à Deo, hic vidit Patrem. Amen, amen dico vobis: Qui credit in me, habet vitam æternam. Ego sum panis vitæ. Patres vestri manducaverunt manna in deserto, & mortui sunt. Hic est panis de cælo descendens: ut si quis ex ipso manducaverit, non moriatur. Ego sum panis vivus, qui de cælo descendi. Si quis manducaverit ex hoc pane, vivet in æternum: & panis, quem ego dabo, caro mea est pro mundi vita. *Credo.*

Offertorium. Psalm. 118. Meditabor in mandatis tuis, quæ dilexi valde: & levabo manus meas ad mandata tua, quæ dilexi, allelūja. Secreta.

Accipe, quæsumus Dñme, munus oblātum: & dignanter operare; ut quod mysteriis agimus, piis effectibus celebremus. Per Dñm. *Alia Secreta.*
Protege nos, Dñme, tuis mysteriis serviētes: ut divinis rebus inhærentes, & corpore tibi famulemur, & mente. Per Dñm.

Vel pro Papa.

Secreta.

Oblatis, quæsumus Dñme, placare munibus: & famulum tuum **N.** quem pastorem Ecclesiæ tuæ præesse voluisti, assidua protectione gubernare. Per Dñm.

Communio. Joann. 14. Pacem relinquo vobis, allelūja: pacem meam do vobis, allelūja, allelūja. Postcommunio.

Sumētes, Dñme, cælestia sacramenta, quæsumus clementiam tuam: ut quod temporaliter gerimus, æternis gaudiis consequamur. Per Dñm.

Alia Postcommunio.

Quæsumus Dñme. Deus noster: ut quos divina tribui participatione gaudere, humanis non finas subiacere periculis. Per Dñm.

Vel pro Papa.

Postcommunio.

Hæc nos, quæsumus Dñme, divini sacramenti perceptio protegat: & famulum tuum **N.** quem pastorem Ecclesiæ tuæ præesse voluisti, unā cum commisso sibi grege, salvet semper & muniat. Per Dñm.

F E-

F E R I A Q U I N T A

post Pentecosten.

Statio ad S. Laurentium extra muros.

Introitus.

Sap. 1.



Spiritus Domini replévit orbem terrarum, allelúja : & hoc quod continet omnia, sciéntiam habet vocis, allelúja, allelúja, allelúja.

Psalm. 67. Exúrgat Deus, & dissipéntur inimíci ejus : & fúgiant, qui odérunt eum, à fácie ejus.

Gloria Patri, &c. Oratio.

Deus, qui hodiérna die corda fidélium sancti Spíritus illustratióne docuísti : da nobis in eódem Spíritu recta sápere, & de ejus semper consolatióne gaudére. Per Dóminum. in unitáte ejúsdem Spíritus, &c.

Alia Oratio. Ecclésiæ tuæ. **vel D**eus omnium fidélium. fol. 239.

Lectio Actuum Apostolorum. **Act. 8.**

In diébus illis : Philíppus descéndens in civitátem Samariæ, prædicábat illis Christum. Intendébant autem turbæ his, quæ à Philíppo dicebantur, unánimiter audiéntes, & vidéntes signa quæ faciébat. Multi enim eórum, qui habébant spíritus immúndos, clamántes voce magna exíbant. Multi autem paralytici, & claudi curáti sunt. Factum est ergo gáudium magnum in illa civitáte.

Allelúja, allelúja. **Psalm. 103.** Emítte Spíritum tuum, & creabúntur : & renovábis fáciem terræ. Allelúja.

Hic genuflectitur. **V**eni sancte Spíritus, reple tuórum corda fidélium, & tui amóris in eis ignem accénde.

Sequentia. Veni sancte Spíritus. **ut supra in Dominica Pentecostes.** fol. 236.



Sequentia sancti Euangélíi secúndum Lucam. **Lucæ 9.**

In illo témpore : Convocáti Jesus duódecim Apóstolis, dedit illis virtútem, & potestátem super omnia dæmónia, & ut languóres curárent. Et

Miss.

misit illos prædicáre regnum Dei, & sanáre infirmos. Et ait ad illos : Nihil tulérítis in via, neque virgam, neque peram, neque panem, neque pecúniám, neque duas túnica habéatis. Et in quamcúmque domum intravérítis, ibi manéte, & inde ne exeátis. Et quicumque non recéperint vos : exéúntes de civitáte illa, étiam pulverem pedum vestrórum excútite in testimónium supra illos. Egréssi auté circuíbant per castélla, euangelizántes, & curántes ubique. **Credo.**

Offertorium. Psalm. 67. Confirma hoc Deus, quod operátus es in nobis : à templo tuo, quod est in Jerúsalem, tibi ófferent reges múnera, allelúja. **Secreta.**

Munera, quæsumus Dómine, obláta sanctífica : & corda nostra sancti Spíritus illustratióne emúnda. Per Dóminum. in unitáte ejúsdem Spíritus sancti Deus, &c.

Altera Secreta. **P**rótege. **vel O**blátis. fol. 240.

Communio. Act. 2. Factus est repéntè de cælo sonus tamquam adveniéntis spíritus veheméntis, ubi erant sedéntes, allelúja : & repléti sunt omnes Spíritu sancto, loquéntes magnália Dei, allelúja, allel. **Postcommunio.**

Sancti Spíritus, Dómine, corda nostra mundet infúfusio : & sui roris íntima aspersiône fecúndet. Per Dóminum. in unitáte ejúsdem Spíritus sancti Deus.

Alia Postcommunio. Quæsumus Dómine. **vel H**æc nos, quæsumus. fol. 240.

F E R I A S E X T A

Quatuor Temporum Pentecostes.

Statio ad sanctos duodecim Apostolos.

Introitus.

Psalm. 70.



Epleátur os meum laude tua, allelúja : ut possim cantáre, allelúja : gaudebunt lábia mea, dum cantávero tibi, allelúja, allelúja.

Psalm. ibid. In te Dómine sperávi, non confundar in ætérnum : in justítia tua libera me, & éripe me.

Gloria Patri, &c.

Q

Ora-

Oratio.

DA, quæsumus, Ecclesiæ tuæ misericors Deus: ut sancto Spiritu congregata, hostili nullatenus incurfione turbetur. Per Dominum. in unitate ejusdem Spiritus.

Secunda Oratio. Ecclesiæ tuæ. **vel** Deus omnium. **ut supra in Feria quarta.** fol. 239.

Lectio Joëlis Prophætæ.

Jol. 2. e

Hæc dicit Dominus Deus: Exultate filii Sion, & lætâmini in Domino Deo vestro: quia dedit vobis doctorem justitiæ, & descendere faciet ad vos imbrem matutinum & serotinum, sicut in principio. Et implebuntur aræ frumento, & redundabunt torcularia vino, & oleo. Et comedetis vescentes, & saturabimini: & laudabitis nomen Domini Dei vestri, qui fecit mirabilia vobiscum: & non confundetur populus meus in sempiternum. Et sciētis quia in medio Israel ego sum: & ego Dominus Deus vester, & non est amplius: & non confundetur populus meus in æternum, ait Dominus omnipotens.

Allelûja, allelûja. **Ps. Sap. 12.** O quam bonus, & suavis est, Domine, Spiritus tuus in nobis. **Allelûja.** **Hic genuflectitur.** **Veni sancte Spiritus, reple tuorum corda fidelium: & tui amoris in eis ignem accende.**

Sequentia. Veni sancte Spiritus. **ut supra in Dominica Pentecostes.** fol. 236.



Sequentia sancti Evangelii secundum Lucam.

Lucæ 5. c

IN illo tempore: Factum est in una diebus, & Jesus sedebat docens. Et erant Pharisei sedentes, & legis doctores, qui venerant ex omni castello Galilææ, & Judææ, & Jerusalem: & virtus Domini erat ad sanandum eos. Etece viri portantes in lecto hominem, qui erat paralyticus: & quærebant eum inferre, & ponere ante eum. Et non inveniētes qua parte illum inferrent præ turba, ascenderunt supra tectum,

& per tegulas submisērunt eum cum lecto in medium ante Jesum. Quorum fidem ut vidit, dixit: Homo remittuntur tibi peccata tua. Et coeperunt cogitare Scribæ, & Pharisei, dicentes: Quis est hic, qui loquitur blasphemias? Quis potest dimittere peccata, nisi solus Deus? Ut cognovit autem Jesus cogitationes eorum, respondens dixit ad illos: Quid cogitatis in cordibus vestris? Quid est facilius dicere: Dimitte tibi peccata; an dicere: Surge, & ambula? Ut autem sciatis quia Filius hominis habet potestatem in terra dimittendi peccata, (ait paralytico) Tibi dico, surge, tolle lectum tuum, & vade in domum tuam. Et confestim consurgens coram illis, tulit lectum, in quo jacebat: & abiit in domum suam, magnificans Deum. Et stupor apprehendit omnes, & magnificabant Deum. Et replēti sunt timore, dicentes: Quia vidimus mirabilia hodie. **Credo.**

Offertorium. Psalmus 145. Lauda anima mea Dominum: laudabo Dominum in vita mea: psallam Deo meo, quāmdiu ero, allelûja. **Secreta.**

Sacrificia, Domine, tuis oblata conspēctibus, ignis ille divinus absumat, qui discipulorum Christi Filii tui per Spiritum sanctum corda succendit. Per eundem Dominum. in unitate ejusdem Spiritus.

Alia Secreta. Protege nos. **vel** Oblatis, quæsumus. **ut in Feria quarta.** fol. 240.

Communio. Joann. 14. Non vos relinquam orphanos: veniam ad vos iterum, allelûja: & gaudēbit cor vestrum, allelûja. **Postcommunio.**

Sumpsimus, Domine, sacri dona mysterii, humiliter deprecantes: ut quæ in tui commemorationem nos facere præcepisti, in nostræ proficiant infirmitatis auxilium. Qui vivis, & regnas in unitate ejusdem.

Altera Postcommunio. Quæsumus Domine. **vel** Hæc nos, quæsumus. **ut in Feria quarta.** fol. 240.

S A B B A T O

Quatuor Temporum Pentecostes.
Statio ad sanctum Petrum.

Introitus. **Rom. 5.** Háritas Dei diffúsa est in
córdibus nostris, allelúja :
per inhabitántem Spíri-
tum ejus in nobis, allelúja,
allelúja. **Psalm. 102. B** éne-

dic ánima mea Dómino : & ómnia
quæ intra me sunt, nómini sancto ejus.

Glória Patri, & Filio, &c.

Post K yrie eléison. **dicitur O** rémus.
tantum; & similiter ad Orationes se-
quentes. **Oratio.**

Mentibus nostris, quæsumus Dó-
mine, Spíritum sanctum benignus
infúnde : cujus & sapiéntia cónditi su-
mus, & providéntia gubernámur. Per
Dóminum. in unitáte ejúsdem.

Léctio Joélis Prophétæ.

Joelis 2. f

Hæc dicit Dóminus Deus : Effúndam
spíritum meum super omnem
carnem : & prophetábunt filii vestri, &
filiae vestrae : senes vestri sómnia som-
niábunt, & júvenes vestri visiónes vi-
debunt. Sed & super servos meos, &
ancillas in diébus illis effúndam spíri-
tum meum. Et dabo prodígia in cælo,
& in terra, sánguinem, & ignem, &
vapórem fumi. Sol convertétur in téne-
bras, & luna in sánguinem : ántequam
véniat dies Dómini magnus, & horri-
bilis. Et erit : Omnis qui invocáverit
nomen Dómini, salvus erit.

Allelúja. **Joann. 6.** Spíritus est, qui
vivificat : caro autem non prodest quid-
quam. **O** rémus. **Oratio.**

Illo nos igne, quæsumus Dómine,
Spíritus sanctus inflámmet : quem
Dóminus noster Jesus Christus misit
in terram, & vóluit veheménter ac-
céndi. Qui tecum vivit, & regnat in
unitáte ejúsdem Spíritus.

Léctio libri Levítici.

Lev. 23. b

In diébus illis : Locútus est Dóminus
ad Móysen, dicens : Lóquere filiis
Israel, & dices ad eos : Cúm ingréssi

fuéritis terram, quam ego dabo vobis,
& messuérítis ségetem, ferétis maníp-
ulos spicárum, primitias messis vestrae ad
sacerdótem : qui elevábit fascículum co-
ram Dómino, ut acceptábile sit pro vo-
bis, áltero die Sábbati, & sanctificábit
illum. Numerábitis ergo ab áltero die
Sábbati, in quo obtulistis manípulum
primitiarum, septem hebdómadas ple-
nas, usque ad álteram diem expletiónis
hebdómadae séptimæ, idest, quinquá-
ginta dies : & sic offerétis sacrificium no-
vum Dómino ex ómnibus habitáculis
vestris, panes primitiarum duos de duá-
bus décimis similæ fermentatæ, quos co-
quétis in primitias Dómini. Et vocábi-
tis hunc diem celebérrimum, atque san-
ctíssimum : omne opus servíle non faciétis
in eo. Legítimum sempitérnum erit
in cunctis habitáculis, & generatióibus
vestris, dicit Dóminus omnipotens.

Allelúja. **Job 26.** Spíritus ejus or-
navit cælos.

O rémus.

Oratio.

Deus, qui ad animárum medélam
jejúnii devotióne castigári cörpera
præcepísti : concéde nobis propítius, &
mente & cörpero tibi semper esse devó-
tos. Per Dóminum nostrum.

Léctio libri Deuteronomii.

Deut. 26.

In diébus illis : Dixit Móyses filius
Israel : Audi Israel, quæ ego præci-
pio tibi hódie. Cúm intráveris Terram,
quam Dóminus Deus tuus tibi datúrus
est possidéndam, & obtinúeris eam,
atque habitáveris in ea : tolles de cun-
ctis frúgibus tuis primitias, & pones in
cartállo, pergésque ad locum, quem
Dóminus Deus tuus elégerit, ut ibi in-
vocétur nomen ejus : accedésque ad sa-
cerdótem, qui fúerit in diébus illis, &
dices ad eum : Profiteor hódie coram
Dómino Deo tuo, qui exaudivit nos,
& respéxit humilitátem nostram, & la-
bórem, atque angústiam : & edúxit nos
de Ægypto in manu forti, & bráchio
exténto, in ingénti pavóre, in signis at-
que porténtis : & introduxit ad locum
istum,

istum, & tradidit nobis Terram lacte & melle manantem. Et idcirco nunc offero primitias frugum Terræ, quam Dominus dedit mihi. Et dimittes eas in conspectu Domini Dei tui, & adorato Domino Deo tuo. Et epulaberis in omnibus bonis, quæ Dominus Deus tuus dederit tibi.

Allelúja. v. Act. 2. Cum complerentur dies Pentecostes, erant omnes pariter sedentes.

Orémus.

Oratio.

PRæsta quæsumus omnipotens Deus: ut salutariis jejuniis eruditi, ab omnibus etiam vitiis abstinentes, propitiationem tuam facilius impetremus. Per Dominum nostrum.

Lectio libri Levitici.

Levit. 26.

IN diebus illis: Dixit Dominus ad Moysen: Loquere filiis Israel, & dices ad eos: Si in præceptis meis ambulaveritis, & mandata mea custodieritis, & feceritis ea: dabo vobis pluvias temporibus suis, & terra gignet germen suum, & pomis arbores replebuntur. Apprehendet messium trituram vindemiam, & vindemia occupabit seminem: & comedetis panem vestrum in saturitate, & absque pavore habitabitis in terra vestra. Dabo pacem in finibus vestris: dormietis, & non erit qui exterreat. Auferam malas bestias: & gladius non transibit terminos vestros. Persequimini inimicos vestros, & corruent coram vobis. Persequuntur quinque de vestris centum alienos, & centum de vobis decem millia: cadent inimici vestri gladio in conspectu vestro. Respiciam vos, & crescere faciam: multiplicabimini, & firmabo pactum meum vobiscum. Comedetis vetustissima veterum, & vetera novis supervenientibus projicietis. Ponam tabernaculum meum in medio vestri, & non abiciet vos anima mea. Ambulabo inter vos, & ero Deus vester, vosque eritis populus meus, dicit Dominus omnipotens.

Allelúja. Hic genuflektur. v. Veni sancte Spiritus, reple tuorum corda fidelium: & tui amoris in eis ignem accende.

Orémus.

Oratio.

PRæsta, quæsumus omnipotens Deus, sic nos ab epulis carnalibus abstinere: ut à vitiis irruentibus pariter jejunemus. Per Dominum.

Lectio Daniélis Prophætæ. Dan. 3. e

IN diebus illis: Angelus Domini descendit cum Azaria, & sociis ejus in fornacem: & excussit flammam ignis de fornace, & fecit medium fornacis quasi ventum roris flantem. Flamma autem effundebatur super fornacem cubitis quadraginta novem: & erupit, & incendit quos reperit juxta fornacem de Chaldeis ministros regis, qui eam incendebant. Et non tetigit eos omnino ignis, neque contristavit, nec quidquam molestiæ intulit. Tunc hi tres quasi ex uno ore laudabant, & glorificabant, & benedicabant Deum in fornace, dicentes.

Hic non respondetur Deo gratias.

Allelúja. v. Ibid. Benedictus es Domine Deus patrum nostrorum, & laudabilis in sæcula.

Finis Versu dicitur Gloria in excelsis.

Deinde Dominus vobiscum.

B. Et cum spiritu tuo.

Orémus.

Oratio.

Deus, qui tribus pueris mitigasti flammam ignium: concede propitius; ut nos famulos tuos non exurat flamma vitiorum. Per Dominum.

Secunda Oratio. Ecclesiæ tuæ. vel Deus omnium. ut supra in Feria quarta. fol. 239.

Lectio Epistolæ beati Pauli Apostoli ad Romanos. Rom. 5.

Fratres, Justificati ex fide, pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriæ filiorum Dei. Non solum autem, sed & gloriamur in tribulationibus: scientes quod tribulatio patientiam

tiam operatur: patientia autem probationem, probatio vero spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

Tractus. Psalm. 116. Laudate Dominum omnes Gentes: & collaudate eum omnes populi. **Ps.** Quoniam confirmata est super nos misericordia eius: & veritas Domini manet in æternum.

Sequentia. Veni sancte Spiritus. ut supra in Dominica Pentecostes. fol. 223. sed in fine non dicitur Allelúja.

Sequentia sancti Euangelii secundum Lucam. Lucæ 4. f.

IN illo tempore: Surgens Iesus de Synagoga, introiit in domum Simonis. Socrus autem Simonis tenebatur magnis febribus, & rogaverunt illum pro ea. Et stans super illam, imperavit febre: & dimisit illam. Et continuo surgens ministrabat illis. Cum autem sol occidisset, omnes, qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia à multis clamantia, & dicentia: Quia tu es Filius Dei: & increpans non sinebat ea loqui: quia sciebant ipsum esse Christum. Facta autem die, egressus ibat

in desertum locum, & turbæ requirebant eum, & venerunt usque ad ipsum: & detinebant illum ne discederet ab eis. Quibus ille ait: Quia & aliis civitatibus oportet me euangelizare regnum Dei: quia ideo missus sum. Et erat prædicans in synagogis Galilææ. **Credo.**

Offertorium. Psalmus 87. Domine Deus salutis meæ; in die clamavi, & nocte coram te: intret oratio mea in conspectu tuo Domine, allelúja.

Secreta.

UT accepta tibi sint, Domine, nostra jejunia: præsta nobis quæsumus, huius munere sacramenti purificatum tibi pectus offerre. Per Dominum nostrum.

Altera Secreta. Protege nos. vel Oblatis, quæsumus. ut in Feria quarta. fol. 240.

Communio. Joann. 3. Spiritus ubi vult spirat: & vocem ejus audis, allelúja, allelúja: sed nescis unde veniat, aut quò vadat, allelúja, allelúja, allelúja. **Postcommunio.**

PRæbeant nobis, Domine, divinum tua sancta fervorem: quo eorum pariter & actu delectemur, & fructu. Per Dominum.

Altera Postcommunio. Quæsumus Domine. vel Hæc nos, quæsumus. fol. 240. Post Missam expirat tempus Paschale.



I N F E S T O SS. TRINITATIS.

Introitus. *Tobia 12.*



Benedicta sit sancta Trinitas, atque indivisa unitas: confitebimur ei, quia fecit nobiscum misericordiam suam.

Psalm. 8. Domine Dominus noster, quam admirabile est nomen tuum in universa terra!

v. Gloria Patri, &c.

Oratio.

Omnipotens sempiterne Deus, qui dedisti famulis tuis in confessione verae fidei, aeternae Trinitatis gloriam agnoscere, & in potentia maiestatis adorare unitatem: quaesumus; ut ejusdem fidei firmitate, ab omnibus semper muniamur adversis. Per Dominum.

Deinde fit commemoratio de Dominica prima post Pentecosten.

Oratio.

Deus in te sperantium fortitudo, adesto propitius invocationibus nostris: & quia sine te nihil potest mortalis infirmitas, praesta auxilium gratiae tuae; ut in exequendis mandatis tuis, & voluntate tibi & actione placeamus. Per Dominum.

Lectio Epistolae beati Pauli Apostoli ad Romanos. *Rom. 11. d*

O altitudo divitiarum sapientiae, & scientiae Dei: quam incomprehensibilia sunt iudicia ejus, & investigabiles viae ejus! Quis enim cognovit sensum Domini? Aut quis consiliarius ejus fuit? Aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia: ipsi honor & gloria, in saecula, Amen.

Graduale. *Dan. 3.* Benedictus es Domine, qui intuëris abyssos, & sedes super Cherubim.

v. Benedictus es Domine in firmamento caeli, & laudabilis in saecula,

Allelúja, allelúja. *v.* Benedictus es Domine Deus patrum nostrorum, & laudabilis in saecula. Allelúja.



Sequentia sancti Evangelii secundum Matthaeum. *Matth. 28. d*

In illo tempore: Dixit Jesus discipulis suis: Data est mihi omnis potestas in caelo, & in terra. Eúntes ergo docete omnes gentes: baptizantes eos in nomine Patris, & Filii, & Spiritus sancti: docentes eos servare omnia quaecúmque mandavi vobis. Et ecce ego vobiscum sum omnibus diebus, usque ad consummationem saeculi. **C**redo.

Offertorium. *Tobia 12.* Benedictus sit Deus Pater, Unigenitusque Dei Filius, sanctus quoque Spiritus: quia fecit nobiscum misericordiam suam. **Secreta.**

Sanctifica, quaesumus Domine Deus noster, per tui sancti nominis invocationem, hujus oblationis hostiam: & per eam nosmetipsos tibi perfice munus aeternum. Per Dominum.

Pro Dominica.

Secreta.

Hostias nostras, quaesumus Domine, tibi dicatas placatus assúme: & ad perpetuum nobis tribue provenire subsidium. Per Dominum.

Praefatio. Qui cum Unigenito. *ut in Praefat. Trinitatis.*

Communio. *Tobia 12.* Benedicimus Deum caeli, & coram omnibus viventibus confitebimur ei: quia fecit nobiscum misericordiam suam.

Postcommunio.

Proficiat nobis ad salutem corporis & animae, Domine Deus noster, hujus sacramenti susceptio: & sempiternae sanctae Trinitatis, ejusdemque individae unitatis confessio. Per Dñm.

Pro

Pro Dominica. Postcommunio.
Tantis, Dómine, repléti munéri-
 bus, præsta quæsumus: ut & sa-
 lutária dona capiámus, & à tua num-
 quam laude cessémus. Per Dóminum.

In fine Missæ legitur sequens Euangelium.

✠ Sequéntia sancti Euangélíi se-
 cundum Lucam. *Lucæ. 6. d*

In illo témpore: Dixit Iesus discípu-
 lis suis: Estóte misericórdes sicut &
 Pater vester misericors est. Nolíte
 judicare, & non judicabimini: nolíte
 condemnare, & non condemnabimini.
 Dimittite, & dimittémini. Date,
 & dabitur vobis: mensúram bonam,
 & confértam, & coagitátam, & super-
 effluéntem dabunt in sinum vestrum.
 Eadém quippe mensúra, qua mensi fué-
 ritis, remetiétur vobis. Dicébat autem
 illis & similitúdinem: Numquid potest
 cæcus cæcum dúcere? nóne ambo in
 fóveam cadunt? Non est discípulus su-
 per magístrum: perféctus autem omnis
 erit, si sit sicut magíster ejus. Quid
 autem vides festúcam in óculo fratris
 tui, trabem autem, quæ in óculo tuo
 est, non considéras? Aut quómodo
 potes dicere fratri tuo: Frater, sine
 ejiciam festúcam de óculo tuo: ipse
 in óculo tuo trabem non videns? Hy-
 pócrita éjice primùm trabem de ócu-
 lo tuo: & tunc perspícies ut edúcas
 festúcam de óculo fratris tui.

✠. Deo grátias.

DOMINICA PRIMA post Pentecosten.

Introitus. Psalm. 12.
Domine, in tua misericór-
 dia sperávi, exultávit cor
 meum in salutári tuo:
 cantábo Dómino, qui
 bona tribuit mihi.

Psalmus ibid. Usquequò Dómine obli-
 visceris me in finem? Usquequò aver-
 tis fáciem tuam à me?

✠. Glória Patri, & Fílio, &c.

Oratio.

Deus in te sperántium fortitúdo,
 adésto propítius invocatióibus
 nostris: & quia sine te nihil potest
 mortális infirmitas, præsta auxílium
 grátiae tuæ; ut in exequéndis mandá-
 tis tuis, & voluntáte tibi & actióne
 placeámus. Per Dóminum.

Ad poscenda suffragia Sanctorum.

Oratio.

Acunctis nos, quæsumus Dómine,
 mentis & córporis defénde perí-
 culis: & intercedénte beáta & gloriósa
 semper vírgine Dei Genitríce María,
 cum beátis Apóstolis tuis Petro & Pau-
 lo, atque beáto **N.** & ómnibus San-
 ctis, salutem nobis tribue benígnus &
 pacem; ut destrúctis adversitatibus,
 & erróribus univérſis, Ecclesiá tua se-
 cúra tibi sérviat libertáte.

*Et dicitur in Missis tam de Tempore,
 quam de Sanctis, usque ad Adventum,
 nisi sit Duplex, vel infra Octavam.*

*Tertia verò Oratio dicatur ad libitum
 Sacerdotis.*

*Lectio Epístolæ beáti Joánnis Apó-
 stoli.*

1. Joann. 4. b

Charíſſimi, Deus cháritas est. In
 hoc apparuit cháritas Dei in nobis,
 quóniam Fílium suum Unigénitum mi-
 sit Deus in mundum, ut vivámus per
 eum. In hoc est cháritas: non quasi
 nos dilexérimus Deum, sed quóniam
 ipse prior diléxit nos, & misit Fílium
 suum propitiatióem pro peccátis no-
 stris. Charíſſimi, si sic Deus diléxit
 nos: & nos debémus altérutrum dili-
 gere. Deum nemo vidit umquam. Si
 diligámus invicem, Deus in nobis ma-
 net, & cháritas ejus in nobis perfécta
 est. In hoc cognóſcimus quóniam in eo
 manémus, & ipse in nobis: quóniam
 de Spíritu suo dedit nobis. Et nos vídi-
 mus, & testificámur quóniam Pater
 misit Fílium suum Salvatórem mundi.
 Quisquis conféssus fúerit quóniam Je-
 sus est Fílius Dei, Deus in eo manet, &
 ipse in Deo. Et nos cognóvimus, & cre-
 didimus charitati, quam habet Deus.

in nobis. Deus charitas est, & qui manet in charitate, in Deo manet, & Deus in eo. In hoc perfecta est charitas Dei nobiscum, ut fiduciam habeamus in die iudicii: quia sicut ille est, & nos sumus in hoc mundo. Timor non est in charitate: sed perfecta charitas foras mittit timorem, quoniam timor poenam habet. Qui autem timet, non est perfectus in charitate. Nos ergo diligamus Deum, quoniam Deus prior dilexit nos. Si quis dixerit quoniam diligo Deum, & fratrem suum oderit, mendax est. Qui enim non diligit fratrem suum, quem videt, Deum, quem non videt, quomodo potest diligere? Et hoc mandatum habemus a Deo: ut qui diligit Deum, diligit & fratrem suum.

Graduale. Psalm. 40. Ego dixi, Domine, miserere mei: sana animam meam, quia peccavi tibi.

Psalm. 145. Beatus qui intelligit super egenum, & pauperem: in die mala liberabit eum Dominus.

Alleluja, alleluja.

Psalm. 5. Verba mea auribus percipe, Domine, intellige clamorem meum. Alleluja.



Sequentia sancti Evangelii secundum Lucam. **Lucæ 6. d**

IN illo tempore: Dixit Jesus discipulis suis: Estote misericordes sicut & Pater vester misericors est. Nolite iudicare, & non iudicabimini: nolite condemnare, & non condemnabimini. Dimittite, & dimittimini. Date, & dabitur vobis: mensuram bonam, & confertam, & coagitatam, & supereffluentem dabunt in sinum vestrum. Eadem quippe mensura, qua mensi fueritis, remetiatur vobis. Dicebat autem illis & similitudinem: Numquid potest cæcus cæcum ducere? nonne ambo in foveam cadunt? Non

est discipulus super magistrum: perfectus autem omnis erit, si sit sicut magister ejus. Quid autem vides festucam in oculo fratris tui, trabem autem, quæ in oculo tuo est, non consideras? Aut quomodo potes dicere fratri tuo: Frater, sine ejciam festucam de oculo tuo: ipse in oculo tuo trabem non videns? Hypocrita ejice primum trabem de oculo tuo: & tunc perspicies ut educas festucam de oculo fratris tui.

Offertorium. Psalmus 5. Intende voci orationis meæ, Rex meus, & Deus meus: quoniam ad te orabo Domine.

Secreta.

Hostias nostras, quæsumus Domine, tibi dicatas placatus assume: & ad perpetuum nobis tribue provenire subsidium. Per Dominum.

Ad poscenda suffragia Sanctorum.

Secreta.

EXaudi nos Deus salutaris noster: ut per hujus sacramenti virtutem, a cunctis nos mentis & corporis hostibus tuearis, gratiam tribuens in presenti, & gloriam in futuro.

Tertia ad libitum Sacerdotis.

Communio. Psalm. 9. Narrabo omnia mirabilia tua: lætabor, & exultabo in te: psallam nomini tuo, Altissime.

Postcommunio.

Tantis, Domine, replenti muneribus, præsta quæsumus: ut & salutaria dona capiamus, & a tua numquam laude cessemus. Per Dominum.

Ad poscenda suffragia Sanctorum.

Postcommunio.

Mundet & muniat nos, quæsumus Domine, divini sacramenti munus oblatum: & intercedente beata virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatus, & adversitatibus expeditos.

Tertia ad libitum Sacerdotis.

CORPORIS CHRISTI.



Introitus. Psalm. 80.

Ibavit eos ex adipē frumēti, allelūja: & de petra melle saturavit eos, allelūja, allelūja, allelūja.

Psalm. ibid. Exultate Deo adiutori nostro: jubilate Deo Jacob.

Glória Patri, &c. Oratio.

Deus, qui nobis sub Sacramēto mirabili passiōis tuæ memoriā reliquisti: tribue quæsumus, ita nos Corporis & Sanguinis tui sacra mysteria venerari; ut redemptionis tuæ fructum in nobis iūgiter sentiamus. Qui vivis, & regnas, &c.

Lectio Epistolæ beati Pauli Apostoli ad Corinthios. 1. Cor. 11. d

Fratres, Ego enim accēpi à Dōmino quod & tradidi vobis, quoniam Dōminus Iesus in qua nocte tradebatur, accēpit panem, & grātiās agens, fregit, & dixit: Accipite, & manducate: hoc est corpus meum, quod pro vobis tradetur: hoc facite in meam commemoratiōem. Similiter & calicem, postquam cōnavit, dicens: Hic calix novum testamētum est in meo sanguine. Hoc facite quotiescūque bibētis, in meam commemoratiōem. Quotiescūque enim manducābitis panem hunc, & calicem bibētis: mortem Dōmini annuntiābitis donec veniat. Itaque quicūque manducāverit panem hunc, vel biberit calicem Dōmini indignē: reus erit corporis, & sanguinis Dōmini. Probet autem seipsum homo: & sic de pane illo edat, & de calice bibat. Qui enim manducat, & bibit indignē, iudicium sibi manducat, & bibit: non dijudicans corpus Dōmini.

Graduale. Psalm. 144 Oculi omnium in te sperant Dōmine: & tu das illis escam in tēpore opportūno.

ȳ. Aperis tu manum tuam, & imple omne animal benedictiōe.

Allelūja, allelūja. ȳ. Joann. 6. Caro mea verē est cibus, & sanguis meus verē est potus: qui manducat meam carnem, & bibit meum sanguinem, in me manet, & ego in eo.

Sequentia.

Lauda Sion Salvatorem, lauda ducem & pastorem in hymnis & canticis.

Quantum potes, tantum aude: quia major omni laude, nec laudare sufficis.

Laudis thema specialis, panis vivus & vitalis hodie proponitur.

Quem in sacre mensae cenae, turbae fratrum duodenae datum non ambigitur.

Sit laus plena, sit sonora, sit jucunda, sit decora mentis jubilatio.

Dies enim sollemnis agitur, in qua mensae prima recolitur hujus institutio.

In hac mensa novi Regis, novum Pascha novae legis, Phase vetus terminat.

Vetustatem novitas, umbram fugat veritas, noctem lux eliminat.

Quod in cena Christus gessit, faciendum hoc exprēssit in sui memoriā.

Docti sacris institutis, panem, vinum in salutis consecramus hostiam.

Dogma datur Christianis, quod in carnem transit panis, & vinum in sanguinem.

Quod non capis, quod non vides, animosa firmat fides, praeter rerum ordinem.

Sub diversis speciebus, signis tantum, & non rebus, latent res eximiae.

Caro cibus, sanguis potus: manet tamen Christus totus sub utraque specie.

Asumente non concisus, non confractus non divisus, integer accipitur.

Sumit unus, sumunt mille: quantum isti tantum ille: nec sumptus consumitur.

Sumunt

Sumunt boni, sumunt mali: forte tamen inæquáli, vitæ vel intéritus.

Mors est malis, vita bonis: vide paris sumptionis, quàm sit dispar éxitus.

Fracto demum Sacraménto, ne vacilles, sed meménto, tantum esse sub fragmento, quantum toto tégitur.

Nulla rei fit scissúra: signi tantum fit fractúra: qua nec status, nec statúra signáti minúitur.

Ecce panis Angelórum, factus cibus viatórum: verè panis filiórum, non mitténdus cánibus.

In figuris præsignáture, cum Isaac immoláture: Agnus Paschæ deputáture: datur manna pátribus.

Bone pastor, panis vere, Jesu nostri miserere: tu nos pasce, nos tuere: tu nos bona fac videre in terra vivéntium.

Tu, qui cuncta scis & vales: qui nos pascis híc mortáles: tuos ibi commensáles, cohærédes, & sodáles fac sanctorum civium, Amen. Allelúja.



Sequéntia sancti Euangélii secundum Joánnem. *Joann. 6. f*

IN illo témpore: Dixit Jesus turbis Judæórum: Caro mea, verè est cibus, & sanguis meus, verè est potus. Qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem: & qui manducat me, & ipse vivet propter me. Hic est panis, qui de cælo descendit. Non sicut manducavérunt patres vestri manna, & mórtui sunt. Qui manducat hunc panem, vivet in ætérnum. **C**redo.

Offertorium. Levit. 21. Sacerdótes Dómini incénsus & panes offerunt Deo: & idéò sancti erunt Deo suo, & non pólluent nomen ejus, allelúja.

Secreta.

Ecclésiæ tuæ, quæsumus Dómine, unitátis & pacis propítius dona concede: quæ sub oblátis munéribus mysticè designántur. Per Dóminum.

Præfatio de Nativitate. Quia per incarnáti Verbi mystérium. fol. 173.

Et dicitur per totam Octavam.

Communio. 1. Cor. 11. Quotiescúmque manducábitis panem hunc, & cálicem bibétis, mortem Dómini annuntiábitis, donec véniat: itaque quicúmque manducáverit panem, vel bíberit cálicem Dómini indignè, reus erit córporis & ságuinis Dómini, allelúja.

Postcommunio.

Fac nos, quæsumus Dómine, divinitátis tuæ sempitérna fruitióne repléri, quam pretiósi Córporis & Sanguinis tui temporális percéptio præfigurat. Qui vivis & regnas.

¶ Infra Oct. dicitur hæc eadem Missa, & non fit de aliquo Sancto, nisi fuerit Duplex occurrens, non autem translatum, & nisi sit primæ, vel ii. Class. In die Oct. non fit nisi de festo S. Jo: Baptiste, & SS. Apostolorum Petri & Pauli, si occurrant, cum commem. Oct. Infra Oct. secunda Oratio de S. Maria, C oncedenós. tertia, Ecclesiæ tuæ. vel Deus ómnium fidélium. ut suprà. fol. 223.

Et si in ea venerit Vigilia, fit de Octava cum commemoratione Vigiliæ.

D O M I N I C A

infra Octavam Corporis Christi, secunda post Pentecosten.

Introitus. Psalm. 17.



Actus est Dóminus protéctor meus, & edúxit me in latitúdinem: saluum me fecit, quóniam voluit me.

Psalmus ibid. Diligam te Dómine virtus mea: Dóminus firmaméntum meum, & refúgium meum, & liberátor meus.

¶ Glória Patri.

Oratio.

Sancti nóminis tui, Dómine, timórem páriter & amórem fac nos habere perpétuum: quia numquam tua gubernatióne destítuis, quos in soliditate tuæ dilectiósinis institúis. Per Dóminum.

Deinde fit commem. de Oct. Corporis Christi tantum. Oratio. Deus, qui nobis sub Sacraménto mirábili. fol. 249.

Lectio

Lectio Epistolæ beati Joannis Apostoli.

1. Joann. 3. b

Charissimi: Nolite mirari, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte: omnis, qui odit fratrem suum, homicida est. Et scitis quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit: & nos debemus pro fratribus animam ponere. Qui habuerit substantiam huius mundi, & viderit fratrem suum necessitatem habere, & clausit viscera sua ab eo: quomodo charitas Dei manet in eo? Filii mei, non diligamus verbo, neque lingua, sed opere & veritate.

Graduale. Psalm. 119. Ad Dominum, cum tribulärer, clamavi, & exaudivit me. **V.** Domine, libera animam meam à labiis iniquis, & à lingua dolosa. **A**llelúja, allelúja. **V. Psalm. 7.** Domine Deus meus, in te speravi: saluum me fac ex omnibus persequentibus me, & libera me. Allelúja.

Sequentia sancti Evangelii secundum Lucam. Lucæ 14. d

In illo tempore: Dixit Jesus Phariseis parabolam hanc: Homo quidam fecit coenam magnam, & vocavit multos. Et misit servum suum hora coenæ dicere invitatis ut venirent, quia jam parata sunt omnia. Et coeperunt simul omnes excusare. Primus dixit ei: Villam emi, & necesse habeo exire, & videre illam: rogo te habe me excusatum. Et alter dixit: Jugu boum emi quinque, & eo probare illa: rogo te habe me excusatum. Et alius dixit: Uxorem duxi, & ideo non possum venire. Et reversus servus nuntiavit hæc domino suo. Tunc iratus paterfamilias, dixit servo suo: Exi cito in plateas, & vicos civitatis: & pauperes, ac debiles, & cæcos, & clau-

dos intròduc huc. Et ait servus: Domine, factum est ut imperasti, & adhuc locus est. Et ait dominus servo: Exi in vias, & sepes: & compelle intrare, ut impleatur domus mea. Dico autem vobis, quod nemo virorum illorum, qui vocati sunt, gustabit coenam meam. **Credo. Offertorium. Psalm. 6.** Domine convertere, & eripe animam meam: saluum me fac propter misericordiam tuam. **Secreta.**

Oblatio nos, Domine, tuo nomini dicanda purificet: & de die in diem ad cælestis vitæ transferat actionem. Per Dominum nostrum.

De Octava Corporis Christi. Secreta. Ecclesiæ tuæ, quæsumus. fol. 250.


Communio. Psalm. 12. Cantabo Domino, qui bona tribuit mihi: & psallam nomini Domini Altissimi.

Postcommunio.

Sumptis munèribus sacris, quæsumus Domine, ut cum frequentatione mystèrii, crescat nostræ salutis effectus. Per Dominum.

De Octava Corporis Christi. Postcomm. Fac nos, quæsumus Domine. fol. 250.

DOMINICA TERTIA post Pentecosten. Introitus. Psal. 24.



Espice in me, & miserere mei Domine, quoniam unicus, & pauper sum ego: vide humilitatem meam, & laborem meum: & dimitte omnia peccata mea, Deus meus.

Psalm. ibid. Ad te Domine levavi animam meam: Deus meus in te confido, non erubescam.

V. Gloria Patri.

Oratio.

Protector in te sperantium Deus, si ne quo nihil est validum, nihil sanctum: multiplica super nos misericordiam tuam; ut te rectore, te duce, sic transeamus per bona temporalia, ut non amittamus æterna. Per Dominum.

Secunda Oratio. A cunctis nos, ut in Dominica prima post Pentecosten. f. 247. Tertia ad libitum Sacerdotis.

Lectio

Lectio Epistolæ beati Petri Apostoli.

1. Petri 5. b

Charissimi, Humiliamini sub potenti manu Dei, ut vos exaltet in tempore visitationis: omnem sollicitudinem vestram projicientes in eum, quoniam ipsi cura est de vobis. Sobrii estote, & vigilate: quia adversarius vester diabolus tamquam leo rugiens circuit, querens quem devoret: cui resistite fortes in fide: scientes eandem passionem ei, quæ in mundo est, vestræ fraternitati fieri. Deus autem omnis gratiæ, qui vocavit nos in æternam suam gloriam in Christo Jesu, modicum passos ipse perficiet, confirmabit, solidabitque. Ipsi gloria, & imperium in sæcula sæculorum. Amen.

Graduale. Psalm. 54. Iacta cogitatum tuum in Domino: & ipse te enutriet.

V. Dum clamarem ad Dominum, exaudivit vocem meam ab his, qui appropinquant mihi.

Allelúja, allelúja. V. Psalm. 7. Deus iudex justus, fortis, & patiens, numquid irascitur per singulos dies? Allelúja.

Sequentia sancti Evangelii secundum Lucam. Lucæ 15.

In illo tempore: Erant appropinquantes ad Jesum publicani, & peccatores, ut audirent illum. Et murmurabant Pharisei, & Scribæ dicentes: Quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo, qui habet centum oves: & si perdidit unam ex illis, nonne dimittit nonaginta novem in deserto, & vadit ad illam, quæ perierat, donec inveniat eam? Et cum invenerit eam, imponit in humeros suos gaudens: & veniens domum, convocat amicos, & vicinos, dicens illis: Congratulamini mihi, quia inveni ovem meam, quæ perierat? Dico vobis, quod ita gaudium erit in cælo super uno peccatore poenitentiam agente, quam super nonaginta novem justis, qui non indigent poenitentia. Aut quæ

mulier habens drachmas decem, si perdidit drachmam unam, nonne accendit lucernam, & everrit domum, & querit diligenter, donec inveniat? Et cum invenerit, convocat amicas, & vicinas, dicens: Congratulamini mihi, quia inveni drachmam, quam perdideram? Ita dico vobis, gaudium erit coram Angelis Dei super uno peccatore poenitentiam agente. **Credo.**

Offertorium. Psalmus 9. Sperent in te omnes, qui novērunt nomen tuum Domine: quoniam non derelinquis querentes te: psallite Domino, qui habitat in Sion: quoniam non est oblitus orationem pauperum. **Secreta.**

Respice Domine muneris supplicantis Ecclesiæ: & salutis credentium perpetua sanctificatione sumenda concede. Per Dominum nostrum.

Alia Secreta. Exaudi nos Deus. fol. 248.

Tertia ad libitum.

Communio. Lucæ 15. Dico vobis: Gaudium est Angelis Dei super uno peccatore poenitentiam agente. **Postcomm.**

Sancta tua nos, Domine sumpta vivificent: & misericordiæ sempiternæ præparent expiātos. Per Dominum.

Alia Postcommunio. Mundet & muniat. fol. 248. **Tertia ad libitum.**

DOMINICA QUARTA post Pentecosten. Introitus. Psal. 26.



Ominus illuminatio mea, & salus mea, quem timebo? Dominus defensor vitæ meæ, a quo trepidabo? qui tribulant me inimici mei, ipsi infirmati sunt, & ceciderunt.

Psalm. ibid. Si consistent adversum me castra: non timebit cor meum.

V. Gloria Patri, &c. **Oratio.**

Da nobis, quæsumus Domine, ut & mundi cursus pacifice nobis tuo ordine dirigatur: & Ecclesiæ tua tranquilla devotione lætetur. Per Dominum.

Secunda Oratio. A cunctis nos. fol. 247.

Tertia ad libitum.

Lectio

Lectio Epistolæ beati Pauli Apostoli
ad Romanos. **Rom. 8. d**

Fratres, Existimo, quod non sunt
condignæ passiones hujus temporis
ad futuram gloriam, quæ revelabitur
in nobis. Nam expectatio creaturæ re-
velationem filiorum Dei expectat. Va-
nitati enim creatura subiecta est non vo-
lens, sed propter eum, qui subiecit eam
in spe: quia & ipsa creatura liberabitur
à servitute corruptionis, in libertatem
gloriæ filiorum Dei. Scimus enim
quod omnis creatura ingemiscit, &
parturit usque adhuc. Non solum au-
tem illa, sed & nos ipsi primitias spiri-
tus habentes, & ipsi intra nos gēmi-
mus, adoptionem filiorum Dei expe-
ctantes, redemptionem corporis nostri,
in Christo Jesu Domino nostro.

Graduale. Psal. 78. Propitius esto, Dō-
mine, peccatis nostris: nequādo di-
cant Gentes, Ubi est Deus eorum?

Y. Adjuva nos Deus salutaris noster,
& propter honorem nominis tui Dōmi-
ne libera nos. **Allelūja, allelūja.**

Y. Psalm. 9. Deus, qui sedes super thro-
num, & iudicas æquitatem, esto refū-
gium pauperum in tribulatione. **Allelūja.**

✠ Sequentia sancti Evangelii secūn-
dum Lucam. **Lucæ 5.**

IN illo tempore: Cum turbæ irruē-
rent in Jesum, ut audirent verbum
Dei, & ipse stabat secus stagnum
Genēsareth. Et vidit duas naves stantes
secus stagnum: piscatores autem descēn-
derant, & lavabant retia. Ascēdens
autem in unam navim, quæ erat Simō-
nis, rogavit eum à terra reducere pusil-
lum. Et sedens docebat de navicula
turbas. Ut cessavit autem loqui, dixit
ad Simōnem: Duc in altum, & laxā-
te retia vestra in capturam. Et respon-
dens Simon, dixit illi: Præceptor, per
totam noctem laborantes, nihil cepi-
mus, in verbo autem tuo laxabo rete.
Et cum hoc fecissent, conclusérunt pi-
scium multitudinem copiosam, rum-

pebatur autem rete eorum. Et annue-
runt sociis, qui erant in alia navi, ut
venirent, & adjuvarent eos. Et venē-
runt, & impleverunt ambas navículas,
ita ut penè mergerentur. Quod cum vi-
deret Simon Petrus, prōcidit ad gēnua
Jesu, dicens: Exi à me, quia homo pec-
cator sum, Dōmine. Stupor enim cir-
cumdederat eum, & omnes, qui cum
illo erant, in captura piscium, quam
ceperant: similiter autem Jacobum, &
Joānnem, filios Zebedæi, qui erant socii
Simonis. Et ait ad Simōnem Jesus: Noli
timere: ex hoc jam homines eriscapiens.
Et subductis ad terram navibus, relēctis
omnibus, secuti sunt eum. **Credo.**

Offertorium. Psalm. 12. Illumina ocu-
los meos, ne umquam obdormiam in
morte: nequādo dicat inimicus meus:
Prævalui adversus eum. **Secreta.**

Oblationibus nostris, quæsumus Dō-
mine, placare susceptis: & ad te
nostras etiam rebelles compelle propi-
tius voluntates. Per Dōminum.

Alia Secreta. Exaudi nos Deus. fol. 248.

Tertia ad libitum.

Communio. Psalm. 17. Dōminus fir-
mamentum meum, & refūgium me-
um, & liberator meus, Deus meus,
adjutor meus. **Postcommunio.**

Mysteria nos, Dōmine quæsu-
mus, sumpta purificent, & suo
mūnere tueantur. Per Dōminum.

Alia Postcommunio. Mundet & mū-
niat. fol. 248. **Tertia ad libitum.**

DOMINICA QUINTA post Pentecosten. Introitus. Psal. 26.



Xaudi Dōmine vocem me-
am, qua clamavi ad te: ad-
jutor meus esto, ne derelin-
quas me, neque despicias
me Deus salutaris meus.

Psalm. ibid. Dōminus illuminatio mea,
& salus mea: quem timēbo?

Y. Glória Patri.

Oratio.

Deus, qui diligentibus te bona invi-
sibilia præparasti: infunde cōrdibus
nostris

nostris tui amoris affectum; ut te in omnibus, & super omnia diligentes, promissiones tuas, quæ omne desiderium superant, consequamur. Per Dominum nostrum.

Secunda Oratio. A cunctis nos. fol. 247.

Tertia ad libitum.

Lectio Epistolæ beati Petri Apostoli.

1. Petr. 3. b

Charissimi, Omnes unanimes in oratione estote, compatiētes, fraternitatis amatores, misericordes, modesti, humiles: non reddētes malum pro malo, nec maledictum pro maledicto, sed ē contrārio benedicētes: quia in hoc vocāti estis, ut benedictionem hereditate possideatis. Qui enim vult vitam diligere, & dies vidēre bonos, coerceat linguam suam à malo, & labia ejus ne loquantur dolum. Declinet à malo, & faciat bonum: inquirit pacem, & sequatur eam. Quia oculi Domini super justos, & aures ejus in preces eorum: vultus autem Domini super facientes mala. Et quis est qui vobis noceat, si boni æmulatores fueritis? Sed & si quid patimini propter justitiam, beati. Timorem autem eorum ne timeatis, & non conturbemini. Dominum autem Christum sanctificate in cordibus vestris.

Graduale. Psalm. 83. Protector noster aspice Deus: & respice super servos tuos. **V.** Domine Deus virtutum, exaudi preces servorum tuorum. **A**lleluya, alleluya. **V. Psalm. 20.** Domine in virtute tua lætabitur Rex: & super salutare tuum exultabit vehementer. Alleluya.

Sequētia sancti Evangelii secundum Matthæum. **Matth. 5. c**

In illo tempore: Dixit Jesus discipulis suis: Nisi abundaverit justitia vestra plus quam Scribarum, & Phariseorum, non intrabitis in regnum cælorum. Audistis quia dictum est antiquis: Non occides: qui autem occiderit, reus erit iudicio. Ego autem dico vobis: quia omnis, qui irascitur fratri suo, reus erit

iudicio. Qui autem dixerit fratri suo, raca: reus erit concilio. Qui autem dixerit, fatue: reus erit gehennæ ignis. Si ergo offers munus tuum ad altare, & ibi recordatus fueris quia frater tuus habet aliquid adversum te: relinque ibi munus tuum ante altare, & vade prius reconciliari fratri tuo: & tunc veniens offeres munus tuum. **C**redo.

Offertorium. Psalmus 15. Benedicam Dominum, qui tribuit mihi intellectum: providebam Deum in conspectu meo semper: quoniam à dextris est mihi, ne commovear. **Secreta.**

Propitiare Domine supplicationibus nostris: & has oblationes famulorum famularumque tuarum benignus assume; ut, quod singuli obtulerunt ad honorem nominis tui, cunctis proficiat ad salutem. Per Dominum.

Alia Secreta. E xaudi nos Deus. fol. 248.

Tertia ad libitum.

Communio. Psalm. 26. Unam petii à Domino, hanc requiram: ut inhabitem in domo Domini omnibus diebus vitæ meæ. **Postcommunio.**

Quos cælesti, Domine, dono satiasti: præsta quæsumus; ut à nostris mundemur occultis, & ab hostium liberemur insidiis. Per Dominum.

Alia Postcommunio. M undet & muniat. fol. 248. **Tertia ad libitum.**

DOMINICA SEXTA

post Pentecosten. **Introitus. Psal. 27.**

Dominus fortitudo plebis suæ, & protector salutarium Christi sui est: saluum fac populum tuum Domine, & benedic hereditati tuæ, & rege eos usque in sæculum. **Psalm. ibid. A**d te Domine clamabo, Deus meus ne sileas à me: nequando taceas à me, & assimilabor descendētib; in lacum. **V.** Gloria Patri.

Oratio.

Deus virtutum, cujus est totum quod est optimum: insere pectoribus

bus nostris amorem tui nominis, & præsta in nobis religionis augmentum; ut quæ sunt bona, nutrias, ac pietatis studio, quæ sunt nutrita, custodias. Per Dominum.

Secunda Oratio. A cunctis nos. fol. 247.
Tertia ad libitum.

Lectio Epistolæ beati Pauli Apostoli ad Romanos. **Rom. 6.**

FRatres, Quicumque baptizati sumus in Christo Iesu, in morte ipsius baptizati sumus. Consepulti enim sumus cum illo per baptismum in mortem: ut quomodo Christus surrexit à mortuis per gloriam Patris, ita & nos in novitate vitæ ambulemus. Si enim complantati facti sumus similitudini mortis ejus: simul & resurrectionis erimus. Hoc scientes, quia vetus homo noster simul crucifixus est, ut destruat corpus peccati, & ultra non serviamus peccato. Qui enim mortuus est, justificatus est à peccato. Si autem mortui sumus cum Christo: credimus quia simul etiam vivemus cum Christo: scientes quod Christus resurgens ex mortuis jam non moritur, mors illi ultra non dominabitur. Quod enim mortuus est peccato, mortuus est semel, quod autem vivit, vivit Deo. Ita & vos existimate, vos mortuos quidem esse peccato, viventes autem Deo, in Christo Iesu Domino nostro.

Graduale. Psalm. 89. **C**onvertere Domine aliquantulum: & deprecare super servos tuos. **V.** Domine refugium factus es nobis, à generatione & progenie. **A**llelúja, allelúja.

V. Psalm. 30. In te Domine speravi, non confundar in ætérnum: in justitia tua libera me, & eripe me: inclina ad me aurem tuam; accelera, ut eripias me. **A**llelúja.



Sequéntia sancti Evangelii secundum Marcum. **Marci 8.**

IN illo tempore: Cum turba multa esset cum Iesu, nec haberent quod man-

ducarent, convocatis discipulis, ait illis: Misereor super turbam: quia ecce jam triduo sustinent me, nec habent quod manducent: & si dimiserò eos jejunos in domum suam, deficient in via: quidam enim ex eis de longè venerunt. Et responderunt ei discipuli sui: Unde illos quis poterit hic saturare panibus in solitudine? Et interrogavit eos: Quot panes habetis? Qui dixerunt: Septem. Et præcepit turbæ discumbere super terram. Et accipiens septem panes, grátias agens fregit, & dabat discipulis suis, ut apponerent, & apposuerunt turbæ. Et habebant pisciculos paucos: & ipsos benedixit, & jussit apponi. Et manducaverunt, & saturati sunt, & sustulerunt quod superaverat de fragmentis, septem sportas. Erant autem qui manducaverant, quasi quattuor millia: & dimisit eos. **Credo.**

Offertorium. Psalm. 16. **P**erfice gressus meos in semitis tuis, ut non moveantur vestigia mea: inclina aurem tuam, & exaudi verba mea: mirifica misericordias tuas, qui salvos facis sperantes in te, Domine. **Secreta.**

Propitiare, Domine, supplicationibus nostris, & has populi tui oblationes benignus assúme: & ut nullus sit irritum votum, nullus vácuá postulatio, præsta; ut quod fideliter pétimus, efficaciter consequámur. Per Dominum nostrum.

Alia Secreta. **E**xaudi nos Deus. fol. 248.
Tertia ad libitum.

Communio. Psalm. 26. **C**ircuibó, & immolábo in tabernáculo ejus hóstiam jubilatiónis: cantábo, & psalmum dicam Domino.

Postcommunio.

Repléti sumus, Domine, munéribus tuis: tribue quæsumus; ut eórum & mundémur effectú, & muniamur auxilio. Per Dominum.

Alia Postcommunio. **M**undet & muniat. fol. 248.

Tertia ad libitum.

DOMINICA VII.
post Pentecosten. Introitus. Psal. 46.

Mnes Gentes plaudite manibus: jubiláte Deo in voce exultationis.

Psal. ibid. Quoniam Dominus excelsus, terribilis: Rex magnus super omnem terram.

v. Gloria Patri, &c. Oratio.

Deus, cujus providentia in sui dispositione non fallitur: te supplices exoramus; ut noxia cuncta submóveas, & omnia nobis profutura concedas. Per Dominum.

Secunda Oratio. A cunctis nos. fol. 247.

Tertia ad libitum.

Lectio Epistolæ beati Pauli Apostoli ad Romanos. **Rom. 6. d**

Fratres, Humánum dico, propter infirmitatem carnis vestræ: sicut enim exhibuistis membra vestra servire immunditiæ, & iniquitati ad iniquitatem; ita nunc exhibete membra vestra servire iustitiæ in sanctificationem. Cum enim servi essetis peccati, liberi fuistis iustitiæ. Quem ergo fructum habuistis tunc in illis, in quibus nunc erubescitis? Nam finis illorum mors est. Nunc verò liberati à peccato, servi autem facti Deo, habetis fructum vestrum in sanctificationem, finem verò vitam æternam. Stipendia enim peccati, mors. Grátia autem Dei, vita æterna, in Christo Jesu Domino nostro.

Graduale. Psalm. 33. Venite filii, audite me: timorem Domini docebo vos.

v. Accedite ad eum, & illuminamini: & facies vestræ non confundentur.

Allelúja, allelúja.

v. Psalmus 46. Omnes Gentes plaudite manibus: jubiláte Deo in voce exultationis. Allelúja.



Sequentia sancti Evangelii secundum Matthæum. **Matth. 7. c**

In illo tempore: Dixit Jesus discipulis suis: Attendite à falsis prophetis,

qui veniunt ad vos in vestimentis ovium, intrinsecus autem sunt lupi rapaces: à fructibus eorum cognoscetis eos. Numquid colligunt de spinis uvas, aut de tribulis ficus? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus facere: neque arbor mala bonos fructus facere. Omnis arbor, quæ non facit fructum bonum, excidetur, & in ignem mittetur. Igitur ex fructibus eorum cognoscetis eos. Non omnis, qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis est, ipse intrabit in regnum cælorum. **Credo.**

Offertorium. Dan. 3. Sicut in holocaustis arietum, & taurorum, & sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quia non est confusio confidentibus in te Domine.

Secreta.

Deus, qui legalium differentiam hostiarum unius sacrificii perfectione sanxisti: accipe sacrificium à devotis tibi famulis, & pari benedictione, sicut munera Abel, sanctifica; ut quod singuli obtulerunt ad maiestatis tuæ honorem, cunctis proficiat ad salutem. Per Dominum.

Alia Secra. Exaudi nos Deus salutaris. fol. 248.

Tertia ad libitum.

Communio. Psalm. 30. Inclina aurem tuam, accelera, ut eripias me.

Postcommunio.

Tua nos, Domine, medicinalis operatio, & à nostris perversitatibus clementer expediat, & ad ea, quæ sunt recta, perducat. Per Dominum nostrum Jesum Christum Filium tuum, &c.

Alia Postcommunio. Mundet & muniat. fol. 248.

Tertia ad libitum.

DOMINICA VIII.
post Pentecosten. Introitus. Psal. 47.

Uscépiamus Deus misericórdiam tuam in médio templi tui: secúndum nomen tuum Deus, ita & laus tua in fines terræ: iustitia plena est dextera tua.

Psalmus ibid. Magnus Dóminus, & laudábilis nimis: in civitate Dei nostri, in monte sancto ejus.

✠. Glória Patri, &c. **Oratio.**

L Argre nobis, quæsumus Dómine, semper spíritum cogitandi quæ recta sunt, propítius & agéndi: ut qui sine te esse non póssumus, secúndum te vivere valeámus. Per Dóminum.

Secunda Oratio. A cunctis nos. fol. 247.

Tertia ad libitum.

Lectio Epístolæ beáti Pauli Apóstoli ad Romános. **Rom. 8. c**

Fratres, Debitóres sumus non carni, ut secúndum carnem vivámus. Si enim secúndum carnem vixeritis, moriémmini: si autem spíritu facta carnis mortificaveritis, vivétis. Quicúmque enim spíritu Dei agúntur, ii sunt filii Dei. Non enim accepístis spíritum servitútis iterum in timóre, sed accepístis spíritum adoptiónis filiórum, in quo clamámus: Abba (Pater). Ipse enim Spíritus testimonium reddit spíritui nostro, quód sumus filii Dei. Si auté filii, & hærédes: hærédes quidem Dei, cohærédes autem Christi.

Graduale. Psalm. 30. Esto mihi in Deum protectórem, & in locum refúgii, ut salvum me fácias. ✠. Deus inte sperávi: Dómine non confúndar in ætérnum. **A**llelúja, allelúja.

✠. **Psalm. 47.** Magnus Dóminus, & laudábilis valde, in civitate Dei nostri, in monte sancto ejus. Allelúja.

✠ **S**equéntia sancti Euangélíi secúndum Lucam. **Lucæ 16.**

In illo témpore: Dixit Iesus discipulis suis parábolam hanc: Homo quidam erat dives, qui habébat villicum: Miss.

& hic diffamátus est apud illum quasi dissipáset bona ipsius. Et vocávit illum, & ait illi: Quid hoc áudio de te? redde ratióne villicatióis tuæ: jam enim non póteris villicáre. Ait autem villicus intra se: Quid fáciam quia dóminus meus aufert à me villicatióne? fódere non váleo, mendicáre erubésco. Scio quid fáciam, ut, cùm amótus fuero à villicatióne, recípiant me in domos suas. Convocátis itaque singulis debitóribus dómini sui, dicebat primo: Quantum debes dómīno meo? At ille dixit: Centum cados olei. Dixitque illi: Accipe cautióne tuam: & sede citò, scribe quinquaginta. Deinde álii dixit: Tu verò quantum debes? Qui ait: Centum coros tritici. Ait illi: Accipe lītteras tuas, & scribe octoginta. Et laudávit Dóminus villicum iniquitátis, quia prudenter fecisset: quia filii hujus sæculi prudentiōres filiis lucis in generatiōe sua sunt. Et ego vobis dico: fácite vobis amīcos de mammona iniquitátis: ut, cū defeceritis, recípiant vos in ætérna tabernacula. **C**redo.

Offertorium. Psalm. 17. Pópulum humilem salvum fácies Dómine, & óculos superbórum humiliabis: quóniam quis Deus præter te Dómine? **Secreta.**

Suscipe, quæsumus Dómine, mūnera, quæ tibi de tua largitate deférimus: ut hæc sacrosáncta mystéria, grátiae tuæ operánte virtúte, & præsentis vitæ nos conversatiōe sanctificent, & ad gáudia sempitérna perducant. Per Dóminum nostrum.

Alia Secreta. Exáudi nos Deus. fol. 248.

Tertia ad libitum.

Communio. Psalm. 33. Gustáte, & vidéte, quóniam suávis est Dóminus: beátus vir, qui sperat in eo.

Postcommunio.

Sit nobis, Dómine, reparatió mentis & corpóris cæléste mystérium: ut, cujus exéquimur cultum, sentiámus effectum. Per Dóminum.

Alia Postcommunio. Mundet & muniat. fol. 248. **Tertia ad libitum.**

R

DO

DOMINICA IX.
post Pentecosten. Introitus. Psal. 53.

Cce Deus áduvat me, & Dóminus fuscéptor est ánimæ meæ: avérte mala inimícis meis, & in veritate tua dispérde illos, protéctor meus Dómine.

Psal. ibid. Deus in nómine tuo saluum me fac: & in virtúte tua líbera me.

Glória Patri, &c. **Oratio.**

PAteant aures misericórdiæ tuæ, Dómine, précibus supplicántium: & ut peténtibus desideráta concédas, fac eos, quæ tibi sunt plácita, postuláre. Per Dóminum.

Secunda Oratio. A cunctis nos. fol. 247.

Tertia ad libitum.

Léctio Epístolæ beáti Pauli Apóstoli ad Corínthios. **1. Cor. 10. b**

FRatres, Non simus concupiscéntes malórum, sicut & illi concupiérunt. Neque idololátræ efficiámini, sicut quidam ex ipsis: quemádmódum scriptum est: Sedit pópulus manducáre, & bíbere, & surrexérunt lúdere. Neque fornicémur, sicut quidam ex ipsis fornicáti sunt, & cecidérunt una die vigínti tria míllia. Neque tentémus Christum: sicut quidam eórum tentavérunt, & à serpéntibus perierunt. Neque murmuravéritis, sicut quidam eórum murmuravérunt, & perierunt ab exterminatóre. Hæc autem ómnia in figúra contingébant illis: scripta sunt autem ad correptionem nostram, in quos fines sæculórum devenérunt. Itaque qui se exístimat stare, vídeat ne cadat. Tentátio vos non apprehéndat, nisi humana: fidélis autem Deus est, qui non patiéitur vos tentári supra id, quod potéstis, sed fáciat étiam cum tentatióne provéntum, ut possitis sustinére.

Graduale. Psal. 8. Dómine Dóminus noster, quàm admirábile est nomen tuum in univérsa terra! **Ps.** Quóniam eleváta est magnificéntia tua super cælos.

Allelúja, allelúja. **Psalm. 58.** Eripe me de inimícis meis Deus meus: & ab insurgéntibus in me líbera me. Allelúja.



Sequéntia sancti Euangélíi secúndum Lucam. **Lucæ 19. f**

IN illo témpore: Cúm appropinquáret Iesus Jerúsalem, videns civitátem flevit super illam, dicens: Quia si cognovísses & tu, & quidem in hac die tua, quæ ad pacem tibi, nunc autem abscondita sunt ab óculis tuis. Quia vénient dies in te: & circúmdabunt te inimíci tui vallo, & circúmdabunt te: & coangustábunt te úndique: & ad terram prostérnent te, & filios tuos, qui in te sunt, & non relínquent in te lápidem super lápidem: eò quòd non cognóveris tempus visitatiónis tuæ. Et ingressus in templum, cœpit ejícere vendéntes in illo, & eméntes, dicens illis: Scriptum est: Quia domus mea domus oratiónis est. Vos autem fecístis illam spelúncam latrónum. Et erat docens quotidie in templo. **Credo.**

Offertorium. Psal. 18. Iustítiæ Dómini rectæ, lætificántes corda, & iudícia ejus dulcióra super mel & favum: nam & servus tuus custódit ea. **Secreta.**

Concède nobis, quæsumus Dómine, hæc dignè frequentáre mystéria: quia quóties hujus hóstiæ commemorátio celebrátur, opus nostræ redemptiόνis exercétur. Per Dóminum.

Alia Secreta. E xáudi nos Deus. fol. 248.

Tertia ad libitum.

Communio. Joann. 6. Qui mandúcat meam carnem, & bibit meum ságuinem, in me manet, & ego in eo, dicit Dóminus. **Postcommunio.**

Tui nobis, quæsumus Dómine, commúnio sacraménti, & purificatióne cónferat, & tríbuat unitátem. Per Dóminum nostrum.

Alia Postcommunio. Mundet & múníat. fol. 248. **Tertia ad libitum.**

DO-

D O M I N I C A X.
post Pentecosten. Introitus. Psal. 54.



Um clamárem ad Dóminum, exaudivit vocem meam, ab his qui appropinquant mihi: & humiliávit eos, qui est ante sæcula, & manet in ætérnum: jacta cogitátum tuum in Dómino, & ipse te enútriet. *Psalms ibid.* Exáudi Deus orationem meam, & ne despéxeris deprecationem meam: inténde mihi, & exáudi me.

Glória Patri.

Oratio.

DEus, qui omnipoténtiam tuam parcéndo máximè, & miserándo manifestas: multiplica super nos misericórdiam tuam; ut ad tua promissa currétes, cæléstium bonórum fácias esse consórtes. Per Dóminum.

Secunda Oratio. A cunctis nos. fol. 247.

Tertia ad libitum.

Lectio Epístolæ beáti Pauli Apóstoli ad Corínthios. 1. Cor. 12.

FRatres, Scitis quóniam cùm Gentes essétis, ad simulácula muta prout ducebámini eúntes. Ideò notum vobis fácio, quòd nemo in Spíritu Dei loquens, dicit anáthema Jesu. Et nemo potest dicere, Dóminus Jesus, nisi in Spíritu sancto. Divisiónes verò gratiarum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem verò Deus, qui operátur ómnia in ómnibus. Unicuique autem datur manifestátio Spíritus ad utilitatem. Alii quidem per Spíritum datur sermo sapiéntiæ: álii autem sermo sciéntiæ secúndum eúndem Spíritum: álii fides in eódem Spíritu: álii grátia sanitátum in uno Spíritu: álii operátio virtútum, álii prophetía, álii discretio spirítuum, álii génera linguarum, álii interpretátio sermónum. Hæc autem ómnia operátur unus atque idem Spíritus, dívidens singulis prout vult.

Graduale. Psalm. 16. Custódi me Dó-

mine ut pupíllam óculi: sub umbra alárum tuárum prótege me. *Ps.* De vultu tuo iudícium meum pródeat: óculi tui vídeant æquitátem. *Allelúja, allelúja.*

Psalmus 64. Te decet hymnus Deus in Sion: & tibi reddétur votum in Jerúsalem. *Allelúja.*



Sequéntia sancti Euangélíi secúndum Lucam. Lucæ 18. b

IN illo témpore: Dixit Jesus ad quosdam, qui in se confidébant tamquam iusti, & aspernabántur céteros, parábolam istam: Duo hómines ascendérunt in templum ut orárent: unus Pharisæus, & alter Publicánus. Pharisæus stans, hæc apud se orábat: Deus, grátias ago tibi quia non sum sicut céteri hóminum: raptóres, injústi, adulteri: velut étiam hic publicánus. Jejúno bis in sábbato: décimas do ómnium, quæ possídeo. Et publicánus à longè stans, nolébat nec óculos ad cælum leváre: sed percutiébat pectus suum, dicens: Deus propítius esto mihi peccatóri. Dico vobis, descéndit hic justificátus in domum suam ab illo: quia omnis, qui se exáltat, humiliábitur: & qui se humiliat, exaltábitur. *Credo.*

Offertorium. Psalmus 24. **A**d te Dómine levávi ánimam meam: Deus meus in te confido, non erubéscam: neque irrideant me inimíci mei: étenim univérsti qui te expéctant, non confundéntur. *Secreta.*

TIbi Dómine sacrificia dicáta redántur: quæ sic ad honórem nóminis tui deferénda tribuísti, ut eadem remédia fieri nostra præstáres. Per Dóminum nostrum.

Alia Secreta. Exáudi nos Deus. fol. 248.

Tertia ad libitum.

Communio. Psalm. 50. **A**cceptábis sacrificium iustitiæ, oblatiões & holocausta super altáre tuum, Dómine.

Postcommunio.

QUæsumus Dómine Deus noster: ut quos divínis reparáre non désinis

R 2

sacra-

i sacramentis, tuis non destituas benignus auxiliis. Per Dominum nostrum.

Alia Postcommunio. Mundet & muniat. fol. 248. *Tertia ad libitum.*

D O M I N I C A X I.
post Pentecosten. Introitus. Psal. 67.



Eus in loco sancto suo: Deus, qui inhabitare facit unanimes in domo: ipse dabit virtutem & fortitudinem plebi suae.

Psalm. ibid. Exurgat Deus, & dissipentur inimici ejus: & fugiant qui odérunt eum, à facie ejus.

Gloria Patri, &c. Oratio.

OMnipotens sempiternus Deus, qui abundantia pietatis tuae & mérita supplicum excedis & vota: effunde super nos misericordiam tuam; ut dimittas quae conscientia metuit, & adjicias quod oratio non praesumit. Per Dominum nostrum.

Secunda Oratio. A cunctis nos. fol. 247. *Tertia ad libitum.*

Lectio Epistolae beati Pauli Apostoli ad Corinthios. 1. Cor. 15.

FRatres, Notum vobis facio Evangelium, quod praedicavi vobis, quod & accepistis, in quo & statis, per quod & salvamini: qua ratione praedicaverim vobis, si tenetis, nisi frustra credidistis. Tradidi enim vobis in primis, quod & accépi: quoniam Christus mortuus est pro peccatis nostris secundum Scripturas: & quia sepultus est, & quia resurrexit tertia die secundum Scripturas: & quia visus est Cephæ, & post hoc undecim. Deinde visus est plus quam quingentis fratribus simul: ex quibus multi manent usque adhuc, quidam autem dormierunt. Deinde visus est Jacobo, deinde Apostolis omnibus: novissime autem omnium tamquam abortivo, visus est & mihi. Ego enim sum minimus Apostolorum, qui non sum dignus vocari Apostolus, quoniam persecutus sum Ecclesiam Dei. Grátia autem

Dei sum id quod sum, & grátia ejus in me vacua non fuit.

Graduale. Psalm. 27. In Deo speravit cor meum, & adjutus sum: & refloruit caro mea: & ex voluntate mea confitebor illi. *Ps.* Ad te Domine clamavi: Deus meus ne sileas: ne discedas à me. *Allelúja, allelúja.*

Psalm. 80. Exultate Deo adjutori nostro, jubilate Deo Jacob: sumite psalmum jucundum cum cithara. *Allelúja.*



Sequentia sancti Evangelii secundum Marcum. Marci 7. d

IN illo tempore: Exiens Jesus de finibus Tyri, venit per Sidonem ad mare Galilaeae inter medios fines Decapoleos. Et adducunt ei surdum, & mutum, & deprecabantur eum, ut imponat illi manum. Et apprehendens eum de turba seorsum, misit digitos suos in aurículas ejus: & expuens, tetigit linguam ejus: & suspiciens in caelum, ingemuit, & ait illi: Ephphetha, quod est adaperire. Et statim apertae sunt aures ejus, & solutum est vinculum linguae ejus, & loquebatur recte. Et praecipit illis ne cui dicerent. Quanto autem eis praecipiebat, tanto magis plus praedicabant: & eo amplius admirabantur, dicentes: Bene omnia fecit: & surdos fecit audire, & mutos loqui. *Credo.*

Offertorium. Psalm. 29. Exaltabo te Domine, quoniam suscepisti me, nec delictasti inimicos meos super me: Domine clamavi ad te, & sanasti me. *Secreta.*

Respice, Domine quaesumus, nostram propitius servitutem: ut quod offerimus, sit tibi munus acceptum; & sit nostrae fragilitatis subsidium. Per Dominum nostrum.

Alia Secreta. Exaudi nos Deus. fol. 248. *Tertia ad libitum.*

Communio. Prov. 3. Honora Dominum de tua substantia, & de primitiis frugum tuarum: & implebuntur horrea tua saturitate, & vino torcularia redundabunt.

Post-

Postcommunio.

Sentiámus, quæsumus Dómine, tui perceptione sacraménti, subsidium mentis & corporis: ut in utroque salvati, cælestis remédii plenitudine gloriémur. Per Dóminum nostrum.

Alia Postcommunio. Mundet & muniat. fol. 248. *Tertia ad libitum.*

DOMINICA XII.
post Pentecosten. Introitus. Psal. 69.

Eus in adiutorium meum intende: Dómine ad adiuvándum me festína: confundántur & reveleántur inimíci mei, qui quærunt ánimam meam.

Psalm. ibid. Avertántur retrórsim, & erubéscant, qui cógitant mihi mala.

Gloria Patri, &c. Oratio.

Omnípotens & misericors Deus, de cuius múnere venit, ut tibi à fidelibus tuis dignè & laudabíliter serviátur: tribue quæsumus nobis; ut ad promissíones tuas sine offensíone currámus. Per Dóminum.

Secunda Oratio. A cunctis nos. fol. 247. *Tertia ad libitum.*

Lectio Epístolæ beati Pauli Apóstoli ad Corínthios. 2. Cor. 3. b

Fratres, Fidúciam talem habémus per Christum ad Deum: non quòd sufficiéntes simus cogitare aliquid à nobis, quasi ex nobis: sed sufficiéntia nostra ex Deo est: qui & idóneos nos fecit minístros novi testaménti, non littera, sed Spíritu: littera enim occídít, Spíritus autem vivíficat. Quòd si ministrátio mortis litteris deformáta in lapídibus, fuit in glória; itaut non possent inténdere filii Israel in fáciem Móysi, propter glóriam vultus ejus, quæ evacuátur: quómodo non magis ministrátio Spíritus erit in glória? Nam si ministrátio damnationis glória est: multò magis abundat minístérium justitiæ in glória.

Graduale. Psalm. 33. Benedícam Dó-
Miss.

minum in omni témpore: semper laus ejus in ore meo. *Ps.* In Dómino laudábitur ánima mea: áudiant mansuétí, & læténtur. *Allelúja, allelúja.*

Psalmus 87. Dómine Deus salutis meæ, in die clamávi, & nocte coram te. *Allelúja.*



Sequéntia sancti Euangélíi secúndum Lucam. Lucæ 10. d

In illo témpore: Dixit Iesus discípulis suis: Beátí óculi, qui vident quæ vos vidétis. Dico enim vobis, quòd multi Prophétæ, & reges voluerunt vidére quæ vos vidétis, & non viderunt: & audíre quæ auditis, & non audierunt. Et ecce quidam Legisperitus surrexit tentans illum, & dicens: Magíster quid faciéndò vitam ætérnam possidébo? At ille dixit ad eum: In lege quid scriptum est? quómodo legis? Ille respóndens dixit: Díliges Dóminum Deum tuum ex toto corde tuo, & ex tota ánima tua, & ex ómnibus víribus tuis, & ex omni mente tua: & próximum tuum sicut teípsum. Dixítque illi: Rectè respóndísti: hoc fac, & vives. Ille autem volens justificáre seípsum, dixit ad Iesum: Et quis est meus próximus? Suscípiens autem Iesus, dixit: Homo quidam descendébat ab Jerúsalem in Jéricho, & incidit in latrónes, qui étiam despoliáverunt eum: & plagis impósitis abiérunt semivívo relícto. Accidit autem ut fácerdos quidam descendéret eádém via: & viso illo præterívit. Simíliter & Levíta, cum esset secus locum, & vidéret eum, pertránsiit. Samaritánus autem quidam iter fáciens, venit secus eum: & videns eum, misericórdia motus est. Et apprópians, alligávit vúlnera ejus, infúndens óleum, & vinum: & impónens illum in jumentum suum, duxit in stábulum, & curam ejus egit. Et áltera die protulit duos denários, & dedit stabulário, & ait: Curam illíus habe: & quodcúmque supererogáveris, ego cum reddero reddam tibi. Quis horum trium

R 3

vidé-

videtur tibi proximus fuisse illi, qui incidit in latrones? At ille dixit: Qui fecit misericordiam in illum. Et ait illi Jesus: Vade, & tu fac similiter. **Credo.**

Offertorium. Exodi 32. Precatus est Moyses in conspectu Domini Dei sui, & dixit: Quare Domine irasceris in populo tuo? Parce irae animae tuae: memento Abraham, Isaac, & Jacob, quibus jurasti dare terram fluentem lac & mel: & placatus factus est Dominus de malignitate, quam dixit facere populo suo.

Secreta.

Hostias, quaesumus Domine, propitius intende, quas sacris altaribus exhibemus: ut nobis indulgentiam largiendo, tuo nomini dent honorem. Per Dominum.

Alia Secreta. Exaudi nos Deus. fol. 248.

Tertia ad libitum.

Communio. Psalmus 103. De fructu operum tuorum, Domine, satiabitur terra: ut educaas panem de terra, & vinum letificet cor hominis: ut exhilaret faciem in oleo, & panis cor hominis confirmet.


Postcommunio.

Vivificet nos, quaesumus Domine, hujus participatio sancta mysteriorum: & pariter nobis expiationem tribuat, & munimen. Per Dominum.

Alia Postcommunio. Mundet & muniat. fol. 248.

Tertia ad libitum.

D O M I N I C A X I I I .
post Pentecosten. Introitus. Psal. 73.



Especte Domine in testamentum tuum, & animas pauperum tuorum ne derelinquas in finem: exurge Domine, & iudica causam tuam; & ne obliviscaris voces querentium te. **Psalm. ibid.** Ut quid Deus repulisti in finem: iratus est furor tuus super oves pascuae tuae?

Glória Patri, &c. Oratio.

Omnipotens sempiterna Deus, da nobis fidei, spei, & charitatis augmentum: & ut mereamur assequi

quod promittis, fac nos amare quod praecipis. Per Dominum.

Secunda Oratio. A cunctis nos. fol. 247.

Tertia ad libitum.

Lectio Epistolae beati Pauli Apostoli ad Galatas. Galat. 3. c.

Fratres, Abraham dictae sunt promissiones, & semini ejus. Non dicit: Et seminibus, quasi in multis: sed quasi in uno: Et semini tuo, qui est Christus. Hoc autem dico, testamentum confirmatum a Deo: quae post quadringentos & triginta annos facta est lex, non irritum facit ad evacuandam promissionem. Nam si ex lege haereditas, jam non ex promissione. Abraham autem per repromissionem donavit Deus. Quid igitur lex? Propter transgressionem posita est, donec veniret semen, cui promiserat, ordinata per Angelos in manu mediatoris. Mediator autem unus non est: Deus autem unus est. Lex ergo adversus promissa Dei? Absit. Si enim data esset lex, quae posset vivificare, verè ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus.

Graduale. Psal. 73. Respice Domine in testamentum tuum: & animas pauperum tuorum ne obliviscaris in finem. **Psal. 80.** Domine refugium factus es nobis a generatione & progénie. Allelúja.



Sequentia sancti Evangelii secundum Lucam. Lucæ 17. c.

In illo tempore: Dum iret Jesus in Jerusalem, transibat per mediam Samariam, & Galilaeam. Et cum ingrederetur quoddam castellum, occurrerunt ei decem viri leprosi, qui steterunt a longè: & levaverunt vocem, dicentes: Jesu praceptor, miserere nostri. Quos ut vidit, dixit: Ite, ostendite vos sacerdotibus. Et factum est, dum irent,

irent, mundati sunt. Unus autem ex illis, ut vidit quia mundatus est, regressus est, cum magna voce magnificans Deum, & cecidit in faciem ante pedes ejus, gratias agens: & hic erat Samaritanus. Respondens autem Jesus, dixit: Nonne decem mundati sunt? & novem ubi sunt? Non est inventus qui rediret, & daret gloriam Deo, nisi hic alienigena. Et ait illi: Surge, vade: quia fides tua te salvum fecit. **Credo.**

Offertorium. Psalm. 30. In te speravi Domine: dixi: Tu es Deus meus, in manibus tuis tempora mea. **Secreta.**

Propitiare Domine populo tuo, propitiare munerebus: ut hac oblatione placatus, & indulgentiam nobis tribuas, & postulata concedas. Per Dominum nostrum.

Alia Secreta. Exaudi nos Deus. fol. 248.

Tertia ad libitum.

Communio. Sap. 16. Panem de caelo dedisti nobis, Domine, habentem omne delectamentum, & omnem saporem suavitatis. **Postcommunio.**

Sumptis, Domine, caelestibus sacramentis, ad redemptionis aeternae, quaesumus, proficiamus augmentum. Per Dominum nostrum.

Alia Postcommunio. Mundet & muniat. fol. 248. **Tertia ad libitum.**

D O M I N I C A X I V.
post Pentecosten. **Introitus. Psalm. 83.**



Rotector noster aspice Deus, & respice in faciem Christi tui: quia melior est dies una in atriis tuis super millia. **Psalm. ibid.** Quam

dilecta tabernacula tua Domine virtutum! concupiscit, & deficit anima mea in atria Domini. **Glória Patri. Oratio.**

Custodi, Domine quaesumus, Ecclesiam tuam propitiatione perpetua: & quia sine te labitur humana mortalitas, tuis semper auxiliis & abstrahatur a noxiis, & ad salutaria dirigatur. Per Dominum.

Secunda Oratio. A cunctis nos. fol. 247.

Tertia ad libitum.

Lectio Epistolae beati Pauli Apostoli ad Galatas. Galat. 5. c.

Fratres, Spiritu ambulate, & desideria carnis non perficietis. Caro enim concupiscit adversus spiritum: spiritus autem adversus carnem: haec enim sibi invicem adversantur: ut non quaecumque vultis, illa faciatis. Quod si spiritu ducimini, non estis sub lege. Manifesta sunt autem opera carnis: quae sunt fornicatio, immunditia, impudicitia, luxuria, idolorum servitus, veneficia, inimicitiae, contentiones, emulationes, irae, rixae, dissensiones, sectae, invidiae, homicidia, ebrietates, comestiones, & his similia, quae praedico vobis, sicut praedixi: quoniam qui talia agunt, regnum Dei non consequentur. Fructus autem Spiritus est: caritas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam crucifixerunt cum vitiis, & concupiscentiis.

Graduale. Psalm. 117. Bonum est confidere in Domino, quam confidere in homine. **V.** Bonum est sperare in Domino, quam sperare in principibus. **Alleluja, alleluja. V. Psalm. 94.** Venite, exultemus Domino: jubilemus Deo salutari nostro. Alleluja.



Sequentia sancti Evangelii secundum Matthaeum. Matth. 6. c.

In illo tempore: Dixit Jesus discipulis suis: Nemo potest duobus dominis servire: aut enim unum odio habebit, & alterum diliget: aut unum sustinebit, & alterum contemnet. Non potestis Deo servire, & mammonae. Ideo dico vobis, ne solliciti sitis animae vestrae quid manducetis, neque corpori vestro quid induamini. Nonne anima plus est quam esca: & corpus plus quam vestimentum? Respiciate volatilia caeli, quoniam

niam non ferunt, neque metunt, neque congregant in hórrea: & Pater vester cæléstis pascit illa. Nónne vos magis pluris estis illis? Quis autem vestrum cogitans, potest adjicere ad statúram suam cúbitum unum? Et de vestiménto quid solíciti estis? Consideráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fœnum agri, quod hódie est, & cras in cli- banum míttitur, Deus sic vestit: quan- tò magis vos módicæ fidei? Nolite ergo solíciti esse, dicéntes: Quid manducábi- mus, aut quid bibémus, aut quo ope- riémur? hæc enim ómnia Gentes inquil- runt. Scit enim Pater vester, quia his ómnibus indigétis. Quærite ergo pri- mùm regnum Dei, & iustítiam ejus: & hæc ómnia adjiciéntur vobis. **Credo.**

Offertorium. Psalm. 33. Immíttet An- gelus Dómini in circúitu tíméntium eum, & erípiet eos: gustáte & vidéte, quóniam suávis est Dóminus. **Secreta.**

Concède nobis, Dómine quæsumus, ut hæc hóstia salutáris, & nostró- rum fiat purgátio delictórum, & tuæ propitiátio potestátis. Per Dóminum.

Alia Secreta. E xáudi nos Deus. fol. 248.

Tertia ad libitum.

Communio. Matth. 6. P rimùm quærite regnum Dei & ómnia adjiciéntur vo- bis, dicit Dóminus. **Postcommunio.**

Puríficent semper & múniant tua sa- craménta nos Deus: & ad perpétuæ ducant salvatiónis efféctum. Per Dñm.

Alia Postcommunio. M undet & mún- iat. fol. 248. **Tertia ad libitum.**

D O M I N I C A X V.
post Pentecosten. **Introitus. Psalm. 85.**



Inclína Dómine aurem tuam ad me, & exáudi me: salvum fac servum tuum Deus meus sperán- tem in te: miserére mihi Dómine, quóniam ad te clamávi to-

ta die. **Psalm. ibid.** Lætífica ánimam servi tui: quia ad te Dómine áni- mam meam levávi.

Glória Patri, &c.

Oratio.

Ecclésiám tuam, Dómine, misera- tío continuáta mundet & múniat: & quia sine te non potest salva con- sistere, tuo semper múnere guberné- tur. Per Dóminum nostrum.

Secunda Oratio. A cunctis nos. fol. 247.

Tertia ad libitum.

Lectio Epístolæ beáti Pauli Apóstoli ad Gálatas. **Galat. 5. d & 6.**

Fratres, Si spírítu vívimus, spírítu & ambulémus. Non efficiámur inánis glóriæ cúpidi, invicem provocántes, in- vicem invidéntes. Fratres, & si præoc- cupátus fúerit homo in áliquo delicto, vos, qui spírítuáles estis, hujúsmodi instrúite in spírítu lenitátis, conside- rans teípsum, ne & tu tentéris. Alter altérius ónera portáte, & sic adimplébi- tis legem Christi. Nam si quis existi- mat se áliquid esse, cùm nihil sit, ipse se sedúcit. Opus autem suum probet unusquísque, & sic in semetípso tan- tùm glóriam habébit, & non in áltero. Unusquísque enim onus suum portábit. Communícet autem is, qui catechizá- tur verbo, ei, qui se catechizat, in óm- nibus bonis. Nolíte erráre: Deus non irridétur. Quæ enim semináverit ho- mo, hæc & metet. Quóniam qui sé- minat in carne sua, de carne & metet corruptiónem: qui autem séminat in spí- ritu, de spírítu metet & vitam ætérnam. Bonum autem faciéntes, non deficiá- mus: témpore enim suo metémus, non deficiéntes. Ergo dum tempus habé- mus, operémur bonum ad omnes, má- ximè autem ad domésticos fidei.

Graduale. Psalmus 91. B onum est confitéri Dómino: & psállere nó- mini tuo, Altíssime.

Ad annuntiándum manè misericór- diam tuam, & veritátem tuam per noctem. A llelúja, allelúja.

Psalm.

Psalm. 94. Quoniam Deus magnus Dominus, & Rex magnus super omnem terram. Allelúja.



Sequentia sancti Evangelii secundum Lucam. Lucæ 7. b

IN illo tempore: Ibat Jesus in civitatem, quæ vocatur Naim: & ibant cum eo discipuli ejus, & turba copiosa. Cum autem appropinquaret portæ civitatis, ecce defunctus efferebatur filius unicus matris suæ: & hæc vidua erat: & turba civitatis multa cum illa. Quam cum vidisset Dominus, misericordia motus super eam, dixit illi: Noli flere. Et accessit, & tetigit loculum: (Hi autem, qui portabant, steterunt.) Et ait: Adolescens, tibi dico, surge. Et resedit qui erat mortuus, & coepit loqui. Et dedit illum matri suæ. Accipit autem omnes timor: & magnificabant Deum, dicentes: Quia Propheta magnus surrexit in nobis: & quia Deus visitavit plebem suam. **C**redo.

Offertorium. Psalmus 39. Expectans expectavi Dominum, & respexit me: & exaudivit deprecationem meam, & immisit in os meum canticum novum, hymnum Deo nostro. **Secreta.**

Tua nos Domine sacramenta custodiant: & contra diabólicos semper tueantur incursus. Per Dominum nostrum.

Alia Secreta. Exaudi nos Deus. fol. 248. **Tertia ad libitum.**

Communio. Joann. 6. Panis, quem ego dedero, caro mea est pro sæculi vita. **Postcommunio.**

Mentes nostras & corpora possideat, quæsumus Domine, doni cælestis operatio: ut non noster sensus in nobis, sed jûgiter ejus præveniat effectus. Per Dominum nostrum.

Alia Postcommunio. Mundet & miniat. fol. 248.

Tertia ad libitum.

DOMINICA XVI.

post Pentecosten. Introitus. Psalm. 85.



Miserere mihi Domine, quoniam ad te clamavi tota die: quia tu Domine suavis ac mitis es, & copiosus in misericordia omnibus invocantibus te.

Psalm. ibid. Inclina Domine aurem tuam mihi, & exaudi me: quoniam inops & pauper sum ego. **Gloria Patri. Oratio.**

Tua nos, quæsumus Domine, grátia semper & præveniat, & sequatur: ac bonis operibus jûgiter præstet esse intentos. Per Dominum.

Secunda Oratio. A cunctis nos. fol. 247. **Tertia ad libitum.**

Lectio Epistolæ beati Pauli Apostoli ad Ephésios. **Ephes. 3. c**

Fratres, Obsecro vos, ne deficiatis in tribulationibus meis pro vobis: quæ est glória vestra. Hujus rei grátia flecto genua mea ad Patrem Domini nostri Jesu Christi, ex quo omnis paternitas in cælis, & in terra nominatur, ut det vobis secundum divitias glóriæ suæ, virtute corroborari per Spiritum ejus in interiorum hominem, Christum habitare per fidem in cordibus vestris: in charitate radicati, & fundati, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum: scire etiam supereminentem scientiæ charitatem Christi; ut impleamini in omnem plenitudinem Dei. Ei autem, qui potens est omnia facere superabundanter quam petimus, aut intelligimus, secundum virtutem, quæ operatur in nobis: Ipsi glória in Ecclesia, & in Christo Jesu in omnes generationes sæculi sæculorum. Amen.

Graduale. Psalm. 101. Timebunt Gentes nomen tuum Domine, & omnes reges terræ glóriam tuam. **Quoniam ædificavit Dominus Sion: & videbitur in majestáte sua. Allelúja, allelúja.**

Psalm. 97. Cantate Domino canticum novum: quia mirabilia fecit Dominus. Allel.

Sequen-



Sequentia sancti Euangelii secundum Lucam: **Lucæ 14.**

IN illo tempore: Cum intraret Jesus in domum cuiusdam principis Phariseorum sabbato manducare panem, & ipsi observabant eum. Et ecce homo quidam hydrópicus erat ante illum. Et respondens Jesus, dixit ad Legisperitos, & Phariseos, dicens: Si licet sabbato curare? At illi tacuerunt. Ipse verò apprehensum sanavit eum, ac dimisit. Et respondens ad illos, dixit: Cujus vestrum asinus, aut bos in puteum cadet, & non continuo extrahet illum die sabbati? Et non poterant ad hæc respondere illi. Dicebat autem & ad invitatos parabolam, intendens quomodo primos accubitus eligerent, dicens ad illos: Cum invitatus fueris ad nuptias, non discumbas in primo loco, ne forte honoratior te sit invitatus ab illo, & veniens is, qui te & illum vocavit, dicat tibi: Da huic locum: & tunc incipias cum rubore novissimum locum tenere. Sed cum vocatus fueris, vade, recumbe in novissimo loco; ut, cum venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis, qui se exaltat, humiliabitur: & qui se humiliat, exaltabitur. **Credo.**

Offertorium. Psalm. 39. Domine, in auxilium meum respice: confundantur & reveantur, qui quaerunt animam meam, ut auferant eam: Domine in auxilium meum respice. **Secreta.**

Munda nos, quaesumus Domine, sacrificii praesentis effectu: & perfice miseratus in nobis, ut ejus mereamur esse participes. Per Dominum.

Alia Secreta. Exaudi nos Deus. fol. 248. **Tertia ad libitum.**

Communio. Psalmus 70. Domine, memorabor justitiae tuae solius: Deus docuisti me à juventute mea, & usque in senectam & senium, Deus ne derelinquas me.

Postcommunio.

Purifica, quaesumus Domine, mentes nostras benignus, & renova caelestibus sacramentis: ut consequenter & corporum praesens pariter & futurum capiamus auxilium. Per Dominum.

Alia Postcommunio. Mundet & muniat. fol. 248. **Tertia ad libitum.**

DOMINICA XVII.

post Pentecosten. **Introitus. Psalm. 118.**



Ustus es Domine, & rectum iudicium tuum: fac cum servo tuo secundum misericordiam tuam.

Psalm. ibid. Beati immaculati in via: qui ambulant in lege Domini.

Gloria Patri.

Oratio.

DA, quaesumus Domine, populo tuo diabólica vitare contagia: & te solum Deum pura mente sectari. Per Dominum.

Secunda Oratio. A cunctis nos. fol. 247. **Tertia ad libitum.**

Lectio Epistolae beati Pauli Apostoli ad Ephésios. Ephes. 4.

FRatres, Obsecro vos ego vinctus in Domino, ut dignè ambulétis vocatione, qua vocati estis, cum omni humilitate, & mansuetudine, cum patientia, supportantes invicem in charitate, solliciti servare unitatem Spiritus in vínculo pacis. Unum corpus, & unus Spiritus, sicut vocati estis in una spe vocationis vestrae. Unus Dominus, una fides, unum baptisma. Unus Deus & Pater omnium, qui est super omnes, & per omnia, & in omnibus nobis. Qui est benedictus in saecula saeculorum. Amen.

Graduale. Psalm. 32. Beata gens, cuius est Dominus Deus eorum: populus, quem elegit Dominus in hereditatem sibi. **V.** Verbo Domini caeli firmati sunt: & spiritu oris ejus omnis virtus eorum. **Allelúja, allelúja.**

V. Psalm. 101. Domine exaudi orationem

nem meam : & clamor meus ad te perveniat . Allelúja .



Sequéntia sancti Euangélíi secúndum Matthæum . **Matth. 22. d**

IN illo témpore : Accessérunt ad Jesum Pharisei , & interrogávit eum unus ex eis legis doctor , tentans eum : Magister , quod est mandátum magnum in lege ? Ait illi Jesus : Díliges Dóminum Deum tuum ex toto corde tuo , & in tota ánima tua , & in tota mente tua . Hoc est máximum , & primum mandátum . Secúndum autem símile est huic : Díliges próximum tuum sicut teípsum . In his duóbus mandátis univérfa lex pendet , & Prophétæ . Congregátis autem Phariseis , interrogávit eos Jesus , dicens : Quid vobis vidétur de Christo ? cujus filius est ? Dicunt ei : David . Ait illis : Quómodo ergo David in spíritu vocat eum Dóminum , dicens : Dixit Dóminus Dómino meo : Sede à dextris meis , donec ponam inimicos tuos scabéllum pedum tuórum ? Si ergo David vocat eum Dóminum , quómodo filius ejus est ? & nemo póterat ei respondére verbum : neque ausus fuit quisquam ex illa die eum ampliùs interrogáre . **Credo.**

Offertorium . Dan. 9. Orávi Deum meum ego Dániel , dicens : Exáudi Dómine preces servi tui : illúmina fáciem tuam super sanctuárium tuum : & propitius inténde pópulum istum , super quem invocátum est nomen tuum , Deus .

Secreta .

MAjestátem tuam , Dómine , suppliciter deprecámur : ut hæc sancta quæ gérimus , & à præteritis nos delictis éxuant , & futúris . Per Dóminum .

Alia Secreta . Exáudi nos Deus . fol. 248.

Tertia ad libitum .

Communio . Psalmus 75. Vovéte , & réddite Dómino Deo vestro omnes , qui in circúitu ejus affértis múnera : terríbili & ei , qui aufert spíritum princípum : terríbili apud omnes reges terræ .

Postcommunio .

SAnctificatióibus tuis , omnipotens Deus , & vítia nostra curéntur , & remédia nobis æténa provéniant . Per Dóminum nostrum .

Alia Postcommunio . Mundet & múníat . fol. 248. **Tertia ad libitum .**

F E R I A Q U A R T A
Quatuor Temporum Septembris .

Statio ad S. Mariam Majorem .

Introitus . Psalm. 80.



Xultáte Deo adjutóri nostro , jubiláte Deo Jacob : súmite psalmum jucúndum cum cíthara : cánite in initio mensis tuba , quia præcéptum in Israel est , & júdicium Deo Jacob .

Psalm. ibid. Testimónium in Joséph pónit illud , cùm exíret de terra Ægypti : linguam , quam non nóverat , audívit .
Glória Patri , & Fílio , &c.

Post Kyrie eléison . dicitur O rémus .
Flectámus génuá . **R.** Leváte .

Oratio .

Misericórdiæ tuæ remédiis , quæsumus Dómine , fragílitas nostra subsístat : ut quæ sua conditióne attéritur , tua cleméntia reparétur . Per Dóminum nostrum .

Lectio Amos Prophétæ . Amos 9. d

Hæc dicit Dóminus Deus : Ecce dies véniunt : & comprehéndet arátor messórem , & calcátor uvæ miténtem semen : & stillábunt montes dulcédinem , & omnes colles culti erunt . Et convértam captivitátem pópuli mei Israel : & ædificábunt civitates desértas , & inhabitábunt : & plantábunt vineas , & bibent vinum earum : & fácient hortos , & cómedent fructus eórum . Et plantábo eos super humum suam : & non evéllam eos ultrá de terra sua , quam dedi eis , dicit Dóminus Deus tuus .

Graduale . Psalm. 112. Quis sicut Dóminus Deus noster , qui in altis hábitat :

tat: & humilia respicit in cælo & in terra? *Ps.* Suscitans à terra inopem: & de stercore erigens pauperem.

Hic dicitur, Dominus vobiscum.

Orémus.

Oratio.

PRæsta, quæsumus Domine, familiæ tuæ supplicanti: ut dum à cibis corporalibus se abstinet, à vitiis quoque mente jejūnet. Per Dominum.

Secunda Oratio. A cunctis nos. fol. 247.

Tertia ad libitum.

Lectio libri Esdræ. Neh. vel 2. Esd. 8.

IN diebus illis: Congregatus est omnis populus quasi vir unus, ad plateam, quæ est ante portam aquarum: & dixerunt Esdræ scribæ, ut afferret Librum legis Moysi, quam præceperat Dominus Israël. Attulit ergo Esdras sacerdos legem coram multitudinem virorum & mulierum, cunctisque qui poterant intelligere, in die prima mensis septimi. Et legit in eo apertè in platea, quæ erat ante portam aquarum, de manè usque ad mediam diem, in conspectu virorum & mulierum, & sapientium: & aures omnis populi erant erectæ ad Librum. Stetit autem Esdras scriba super gradum ligneum, quem fecerat ad loquendum. Et aperuit Librum coram omni populo: super universum quippe populum eminebat: & cum aperuisset eum, stetit omnis populus. Et benedixit Esdras Domino Deo magno: & respondit omnis populus: Amen, Amen: elevans manus suas. Et incurvati sunt, & adoraverunt Deum proni in terram. Porro Levitæ silentium faciebant in populo ad audiendam legem: populus autem stabat in gradu suo. Et legērunt in Libro legis Dei distinctè, & apertè ad intelligendum: & intellexerunt cum legeretur. Dixit autem Nehemias, & Esdras sacerdos & scriba, & Levitæ interpretantes universo populo: Dies sanctificatus est Domino Deo nostro: nolite lugere, & nolite flere. Et dixit eis: Ite, comedite pingua,

& bibite mulsum, & mittite partes his qui non præparaverunt sibi: quia sanctus dies Domini est, & nolite contristari: gaudium etenim Domini est fortitudo nostra.

Graduale. Psalmus 32. Beata gens, cujus est Dominus Deus eorum: populus quem elegit Dominus in hereditatem sibi. Ps. Verbo Domini cæli firmati sunt: & spiritu oris ejus omnis virtus eorum.



Sequentia sancti Evangelii secundum Marcum. Marci 9. c

IN illo tempore: Respondens unus de turba, dixit ad Jesum: Magister, attuli filium meum ad te habentem spiritum mutum: qui ubicumque eum apprehenderit, allidit illum, & spumat, & stridet dentibus, & arcescit: & dixi discipulis tuis ut ejicerent illum, & non potuerunt. Qui respondens eis, dixit: O generatio incredula, quamdiu apud vos ero? quamdiu vos patiar? afferite illum ad me. Et attulerunt eum. Et cum vidisset eum, statim spiritus conturbavit illum: & elusus in terram, volutabatur spumans. Et interrogavit patrem ejus: Quantum temporis est ex quo ei hoc accidit? At ille ait: Ab infanzia: & frequenter eum in ignem, & in aquas misit ut eum perderet. Sed si quid potes, adjuva nos, misertus nostri. Jesus autem ait illi: Si potes credere, omnia possibilia sunt credenti. Et continuo exclamans pater pueri, cum lacrymis agebat: Credo, Domine: adjuva incredulitatem meam. Et cum videret Jesus concurrentem turbam, comminatus est spiritui immundo, dicens illi: Surde, & mute spiritus, ego præcipio tibi, exi ab eo: & amplius ne introeas in eum. Et exclamans, & multum discerpens eum, exiit ab eo, & factus est sicut mortuus, ita ut multi dicerent: Quia mortuus est. Jesus autem tenens manum ejus, elevavit eum, & surrexit. Et cum introisset in domum, discipuli

scípuli ejus secretò interrogábant eum: Quare nos non potuimus ejicere eum? Et dixit illis: Hoc genus in nullo potest exire, nisi in oratione, & jejúnio.

Offertorium. Psalm. 118. Meditabor in mandátis tuis, quæ diléxi valdè: & levábo manus meas ad mandáta tua, quæ diléxi.

Secreta.

HÆc hóstia, Dómine quæsumus, Hemúndet nostra delícta: & ad sacrificium celebrándum, subditórum tibi córpora, mentésque sanctíficet. Per Dóminum nostrum.

Alia Secreta. Exáudi nos Deus. fol. 248.

Tertia ad libitum.

Communio. 2. Esdr. 8. Comédite pín-guia, & bíbite mulsam, & míttite partes his, qui non præparáverunt sibi: sanctus enim dies Dómini est, nolíte contristári: gáudium etenim Dómini est fortitúdo nostra.

Postcommunio.

SUméntes Dómine dona cæléstia, suppliciter deprecámur: ut quæ sé-dula servitute donánte te gérimus, dignis sénsibus tuo múnere capiámus. Per Dóminum nostrum.

Alia Postcommunio. Mundet & mú-niat. fol. 248. **Tertia ad libitum.**

F E R I A S E X T A

Quatuor Temporum Septembris.

Statio ad sanctos duodecim Apostolos.

Introitus. Psalm. 104.



Etétur cor quæréntium Dóminum: quærite Dómi-num, & confirmámini: quærite fáciem ejus sem-per. **Psalm. ibid.** Confité-

mini Dómino, & invocáte nomen ejus: annuntiáte inter Gentes ópera ejus. **V.** Glória Patri. **Oratio.**

PRæsta quæsumus omnipotens De-us: ut observatiónes sacras ánnua devotióne recoléntes, & corpore tibi placeámus, & mente. Per Dóminum.

Secunda Oratio. A cunctis nos. fol. 247.

Tertia ad libitum.

Lectio Osée Prophétæ.

Osée 14.

HÆc dicit Dóminus Deus: Convé-tere Israel ad Dóminum Deum tuum: quóniam corruísti in iniquitate tua. Tóllite vobíscum verba, & conver-timini ad Dóminum: & dícite ei: Om-nem aufer iniquitatem, áccipe bonum: & reddémus vítulos labiórum nostró-rum. Assur non salvábit nos, super equum non ascendémus, nec dicémus ultrà: Dii nostri ópera mánuum nostrá-rum: quia ejus, qui in te est, miserébe-ris pupilli. Sanábo contritiónes eórum, díligam eos spontáneè: quia avérsus est furor meus ab eis. Ero quasi ros, Israel germinábit sicut lílium, & erúm-pet radix ejus ut Líbani. Ibunt rami ejus, & erit quasi olíva glória ejus: & odor ejus ut Líbani. Converténtur se-déntes in umbra ejus: vivent trítico, & germinábunt quasi vínea: memoriále ejus sicut vinum Líbani. Ephraim quid mihi ultrà idóla? Ego exáudiam, & dírigam eum ego ut abíetem viréntem: ex me fructus tuus invéntus est. Quis sápiens, & intélliget ista? intélligens, & sciet hæc? quia rectæ viæ Dómini, & justí ambulábunt in eis: prævarica-tóres verò corruent in eis.

Graduale. Psalm. 89. Convérttere Dó-mine aliquántulúm, & deprecáre su-per servos tuos.

V. Dómine refúgium factus es nobis, à generatióne, & progénie.



Sequéntia sancti Euangélíi secún-dum Lucam. **Lucæ 7. f.**

IN illo témpore: Rogábat Jesum qui-dam de Pharisæis, ut manducáret cum illo. Et ingrédessus domum Pha-risæi, discúbuit. Et ecce múlíer, quæ erat in civitáte peccátrix, ut cognóvit quòd accubuisset in domo Pharisæi, áttulit alabástrum unguénti: & stans retrò se-cus pedes ejus, lácrymis coepit rigáre pe-des ejus, & capillis cápitis sui tergébat, & osculabátur pedes ejus, & unguénto ungébat. Videns autem Pharisæus, qui vocá-

vocáverat eum, ait intra se, dicens: Hic si esset Prophéta, sciret útique, quæ, & qualis est mûlier, quæ tangit eum: quia peccátrix est. Et respóndens Iesus, dixit ad illum: Simon, hábeo tibi áliquid dicere. At ille ait: Magíster, dic. Duo debítores erant cuídam foeneratori: unus debébat denários quingéntos, & álius quinquaginta. Non habéntibus illis unde rédderent, donávit utrísque. Quis ergo eum plus díligit? Respóndens Simon, dixit: Æstimo quia is, cui plus donávit. At ille dixit ei: Rectè judicásti. Et convérsus ad mulierem, dixit Simóni: Vides hanc mulierem? Intrávi in domum tuam, aquam pedibus meis non dedísti: hæc autem lácrymis rigávit pedes meos, & capillis suis terpsit. Osculum mihi non dedísti: hæc autem ex quo intrávit, non cessávit osculári pedes meos. Oleo caput meum non unxísti: hæc autem unguénto unxit pedes meos. Propter quod dico tibi: Remittúntur ei peccáta multa, quóniam dílexit multum. Cui autem minus dimíttitur, minús díligit. Dixit autem ad illam: Remittúntur tibi peccáta. Et coépérunt qui simul accumbébant, dicere intra se: Quis est hic, qui étiam peccáta dimíttit? Dixit autem ad mulierem: Fides tua te salvam fecit: vade in pace.

Offertorium. Psalm. 102. Benedic ánima mea Dómino, & noli oblivísci omnes retributiónes ejus: & renovábitur sicut áquilæ juvéntus tua. **Secreta.**

Accépta tibi sint, Dómine quæsumus, nostri dona jejúnii: quæ & expiándo nos tua grátia dignos efficiant, & ad sempitérna promíssa perducant. Per Dóminum nostrum.

Alia Secreta. Exáudi nos Deus. fol. 248.

Tertia ad libitum.

Communio. Psalm. 118. Aufer à me oppróbrium & contéptum, quia mandáta tua exquisívi, Dómine: nam & testimónia tua meditatio mea est.

Postcommunio.

Quæsumus omnipotens Deus: ut de percéptis munéribus grátias

exhibéntes, beneficia potióra sumámus. Per Dóminum nostrum.


Alia Postcommunio. Mundet & múniat. fol. 248. **Tertia ad libitum.**

S A B B A T O

Quatuor Temporum Septembris.

Statio ad sanctum Petrum.

Introitus. Psalm. 94.



Eníte, adorémus Deum, & procidámus ante Dóminum, plorémus ante eum qui fecit nos: quia ipse est Dóminus Deus noster.

Psalm. ibid. Veníte, exultémus Dómino: jubilémus Deo salutári nostro.

G. Glória Patri, & Fílio, &c.

Post Kyrie eléison. dicitur **O**rémus. Flectámus génua. **R.** Leváte. **Oratio.**

Omnipotens sempitérne Deus, qui per continéntiam salutárem, corpóribus medéris & méntibus: majestátem tuam súpplices exorámus; ut pia jejunántium deprecatione placátus, & præsentia nobis subsidia tríbuas, & futura. Per Dóminum.

Léctio libri Levítici. Levit. 23. d

IN diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, & vocábitur sanctus: affligetísque ánimas vestras in eo, & offerétis holocáustum Dómino. Omne opus servíle non faciétis in témpore diéi hujus: quia dies propitiatiónis est, ut propitiétur vobis Dóminus Deus vester. Omnis ánima, quæ afflícta non fúerit die hac, períbit de pópulis suis: & quæ óperis quídpian fécit, delébo eam de pópulo suo. Nihil ergo óperis faciétis in eo: legítimum sempitérnum erit vobis in cunctis generatióibus, & habitatióibus vestris. Sábbatum requietiúnis est, & affligétis ánimas vestras die nono mensis: A véspera usque ad vésperam celebrábitis sábbata vestra, dicit Dóminus omnipotens.

Graduale. Psalm. 78. Propítius esto Dó-

Dómine peccáti nostris: nequándo dicant Gentes: Ubi est Deus eórum?

V. Adjuva nos Deus salutáris noster: & propter honórem nóminis tui Dómine libera nos. **O** rémus. Flectámus génua.

R. Leváte.

Oratio.

DA nobis, quæsumus omnipotens Deus: ut jejunádo, tua grátia satiémur; & abstinédo, cunctis efficiámur hóstibus fortióres. Per Dóminum.

Léctio libri Levítici. **Levit. 23. f.**

IN diébus illis: Locútus est Dóminus ad Móysen, dicens: A quinto decimo die mensis séptimi, quando congregáveritis omnes fructus terræ vestræ, celebrábitis férias Dómini septem diébus. Die primo, & die octávo erit sabbatum, idest réquies. Sumetísque vobis die primo fructus árboris pulchérissimæ, spatuláque palmárum, & ramos ligni densárum fróndium, & sálices de torrente, & lætabímini coram Dómino Deo vestro. Celebrabitísque solemnitátem ejus septem diébus per annum: legítimum sempitérnum erit in generationibus vestris. Mense séptimo festa celebrábitis, & habitábitis in umbráculis septem diébus. Omnis, qui de genere est Israel, manébit in tabernáculis: ut discant pósteri vestri, quòd in tabernáculis habitáre fécerim filios Israel, cùm edúcerem eos de terra Ægypti: Ego Dóminus Deus vester.

Graduale. Psalm. 82. Protéctor noster aspice Deus: & réspice super servos tuos. **V.** Dómine Deus virtútum exaudi preces servórum tuórum.

O rémus. Flectámus génua.

R. Leváte.

Oratio.

TUére, quæsumus Dómine, familiam tuam: ut salutis æternæ remédia, quæ te inspiránte requírimus, te largiénte consequámur. Per Dñm.

Léctio Michææ Prophétæ. **Mich. 7. c.**

Domine Deus noster, pasce pópulum tuum in virga tua, gregem hæreditátis tuæ, habitántes solos in saltu, juxta dies antiquos. Vidébunt Gentes,

& confundéntur super omni fortitúdine sua. Quis Deus símilis tui, qui auferis iniquitátem, & transis peccátum reliquiárum hæreditátis tuæ? Non imíttet ultrà furórem suum, quóniam volens misericórdiam est. Revertétur, & miserébitur nostri: depónet iniquitates nostras, & projíciet in profúndum maris ómnia peccáta nostra. Dabis veritátem Jacob, misericórdiam Abraham: quæ jurásti pátribus nostris à diébus antiquis: Dómine Deus noster. **Graduale. Psal. 89. C**onvértere Dómine aliquántulum: & deprecáre super servos tuos. **V.** Dómine refúgium factus es nobis à generatióne & progénie. **O** rémus. Flectámus génua.

R. Leváte.

Oratio.

PRæsta, quæsumus Dómine, sic nos ab épulis abstinére carnálibus: ut à vítiis irruéntibus páriter jejunémus. Per Dóminum.

Léctio Zachariæ Prophétæ. **Zach. 8. c.**

IN diébus illis: Factum est verbum Dómini ad me, dicens: Hæc dicit Dóminus exercítium: Sicut cogitávi ut afflígerem vos, cùm ad iracúndiam provocáissent patres vestri me, dicit Dóminus, & non sum misértus: sic convérsus cogitávi in diébus istis ut benefáciam dómui Juda, & Jerúsalem: nolíte timére. Hæc sunt ergo verba, quæ faciétis: Loquímini veritátem unusquísque cum próximo suo: veritátem, & júdiciu pacis judicáte in portis vestris. Et unusquísque malum contra amicum suum ne cogitéti in córdibus vestris: & juraméntum mendax ne diligáti: ómnia enim hæc sunt, quæ odi, dicit Dóminus. Et factum est verbum Dómini exercítium ad me, dicens: Hæc dicit Dóminus exercítium: Jejúnium quarti, & jejúnium quinti, & jejúnium séptimi, & jejúnium decimi erit dómui Juda in gáudium & lætítiam, & in solemnitates præcláras: veritátem tantum, & pacem diligite: dicit Dóminus exercítium.

Graduale. Psalm. 140. Dirigátur oratio

tio mea, sicut incensum in conspectu tuo Dómine. *✠* Elevatio mánuum meárum sacrificium vespertinum.

*O*remus. Flectámus génua.

R. Leváte.

Oratio.

UT nobis, Dómine, tribuis solemne tibi deferre jejúnium: sic nobis, quæsumus, indulgentiæ præsta subsidium. Per Dóminum.

*L*ectio Daniélis Prophætæ. *Dan. 3. e*

IN diébus illis: Angelus Dómini descendit cum Azaría, & sóciis ejus in fornacem: & excussit flammam ignis de fornace, & fecit médium fornacis quasi ventum roris flantem. Flamma autem effundebátur super fornacem cubitis quadragintanóvem: & erúpit, & incendit quos réperit juxta fornacem de Chaldæis ministros regis, qui eam incendebant. Et non tétigit eos omnino ignis, neque contristávit, nec quidquam moléstiae intulit. Tunc hi tres quasi ex uno ore laudábant, & glorificábant, & benedicébant Deum in fornace, dicentes:

Hic non responderetur, Deo grátias.

Hymnus.

Ibid.

Benedíctus es Dómine Deus patrum nostrórum. Et laudábilis & gloriósus in sæcula.

Et benedíctum nomen glóriæ tuæ, quod est sanctum. Et laudábile & gloriósum in sæcula.

Benedíctus es in templo sancto glóriæ tuæ. Et laudábilis & gloriósus in sæcula.

Benedíctus es super thronum sanctum regni tui. Et laudábilis & gloriósus in sæcula.

Benedíctus es super sceptrum divinitatis tuæ. Et laudábilis & gloriósus in sæcula.

Benedíctus es qui sedes super Chérubim, intuens abyssos. Et laudábilis & gloriósus in sæcula.

Benedíctus es qui ámbulas super pennas ventórum, & super undas maris. Et laudábilis & gloriósus in sæcula.

Benedícant te omnes Angeli, &

Sancti tui. Et laudent te, & glorificent in sæcula.

Benedícant te cæli, terra, mare, & ómnia quæ in eis sunt. Et laudent te, & glorificent in sæcula.

Gloria Patri, & Filio, & Spíritui sancto. Et laudábili & glorióso in sæcula.

Sicut erat in principio, & nunc, & semper, & in sæcula sæculórum, Amen. Et laudábili & glorióso in sæcula.

Benedíctus es Dómine Deus patrum nostrórum. Et laudábilis & gloriósus in sæcula.

Hic dicitur ✠. Dóminus vobíscum.

Oratio.

Deus, qui tribus púeris mitigásti flammam ignium: concéde propítius; ut nos fámulos tuos non exúrat flamma vitiórum. Per Dóminum.

Secunda Oratio. A cunctis nos. fol. 247.

Tertia ad libitum.

*L*ectio Epístolæ beáti Pauli Apóstoli ad Hebræos. *Hebr. 9.*

FRatres, Tabernáculum factum est primum, in quo erant candelábra, & mensa, & propositio panum, quæ dicitur Sancta. Post velaméntum autem secundum, tabernáculum, quod dicitur Sancta sanctorum: áureum habens thuríbulum, & arcam testaménti circumtéctam ex omni parte auro, in qua urna áurea habens manna, & virga Aaron, quæ frondúerat, & tábulæ testaménti, superque eam erant Chérubim glóriæ obumbrántia propitiatórium: de quibus non est modò dicéndum per síngula. His verò ita compósitis: in prióri quidem tabernáculo semper introibant sacerdotes, sacrificiórum officia consummántes: in secúndo autem semel in anno solus Póntifex, non sine ságuine, quem offert pro sua, & pópuli ignorántia: hoc significánte Spíritui sancto, nondum propalátam esse sanctorum viam, adhuc prióre tabernáculo habénte statum. Quæ parabola est témporis instantis: juxta quam múnera, & hóstiæ offerúntur, quæ non possunt juxta consciéntiam perfe-

perfectum facere servientem, solummodò in cibis, & in potibus, & variis baptismatibus, & iustitiis carnis usque ad tempus correctionis impositis. Christus autem assistens Pontifex futurorum bonorum, per amplius & perfectius tabernaculum non manufactum, idest, non huius creationis; neque per sanguinem hircorum, aut vitulorum, sed per proprium sanguinem introivit semel in Sancta, æterna redemptione inventa.

Tractus. Psalm. 116. Laudate Dominum omnes Gentes: & collaudate eum omnes populi. **¶** Quoniam confirmata est super nos misericordia eius: & veritas Domini manet in æternum.

✠ **Sequentia sancti Evangelii secundum Lucam. Lucæ 13.**

IN illo tempore: Dicebat Jesus turbis hanc similitudinem: Arborem ficu habebat quidam plantatam in vinea sua, & venit quærens fructum in illa, & non invenit. Dixit autem ad cultorem vineæ: Ecce anni tres sunt ex quo venio quærens fructum in ficulnea hac, & non invenio: succide ergo illam: ut quid etiam terram occupat? At ille respondens, dicit illi: Domine dimitte illam & hoc anno, usque dum fodiam circa illam, & mittam stercora: & si quidem fecerit fructum: sin autem, in futurum succides eam. Erat autem docens in synagoga eorum sabbatis. Et ecce mulier, quæ habebat spiritum infirmitatis annis decem & octo: & erat inclinata, nec omnino poterat sursum respicere. Quam cum videret Jesus, vocavit eam ad se, & ait illi: Mulier, dimissa es ab infirmitate tua. Et imposuit illi manus, & confestim erecta est, & glorificabat Deum. Respondens autem Archisynagogus, indignans quia sabbato curasset Jesus, dicebat turbæ: Sex dies sunt, in quibus oportet operari: in his ergo venite, & curamini, & non in die sabbati. Respondens autem

Miss. Monast.

ad illum Dominus, dixit: Hypocritæ, unusquisque vestrum sabbato non solvit bovem suum, aut asinum à præsepio, & ducit ad aquam? Hanc autem filiam Abraham, quam alligavit satanas ecce decem & octo annis, non oportuit solvi à vinculo isto die sabbati? Et cum hæc diceret, erubescébant omnes adversarii ejus: & omnis populus gaudébat in universis, quæ gloriose fiebant ab eo.

Offertorium. Psalm. 87. Domine Deus salutis meæ, in die clamavi, & nocte coram te: intret oratio mea in conspectu tuo, Domine.

Secreta.

Concède quæsumus omnipotens Deus: ut oculis tuæ majestatis munus oblatum, & gratiam nobis devotionis obtineat, & effectum beatæ perennitatis acquirat. Per Dominum.

Alia Secreta. Exaudi nos Deus. fol. 248.

Tertia ad libitum.

Communio. Levit. 23. Mense septimo festa celebrabitis, cum in tabernaculis habitare fecerim filios Israel, cum educerem eos de terra Ægypti, ego Dominus Deus vester.

Postcommunio.

Perficiant in nobis, Domine quæsumus, tua sacramenta quod continent: ut quæ nunc specie gerimus, rerum veritate capiamus. Per Dominum.

Alia Postcommunio. Mundet & muniat. fol. 248.

Tertia ad libitum.

DOMINICA XVIII.

post Pentecosten. Introitus. Eccli. 16.



A pacem, Domine, iustinentibus te, ut Prophetæ tui fideles inveniántur, exaudi preces servi tui: & plebis tuæ Israel.

Psalm. 121. Lætatus sum in his, quæ dicta sunt mihi: in domum Domini ibimus, **¶** Gloria Patri.

Oratio.

Dirigat corda nostra, quæsumus Domine, tuæ miserationis operatio: quia tibi sine te placere non possumus. Per Dominum nostrum.

S

Se

Secunda Oratio. A cunctis nos. fol. 247.

Tertia ad libitum.

Lectio Epistolæ beati Pauli Apostoli ad Corinthios. **1. Cor. 1.**

Fratres, Grátias ago Deo meo semper pro vobis in grátia Dei, quæ data est vobis in Christo Jesu: quòd in ómnibus divites facti estis in illo, in omni verbo, & in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, expectántibus revelatióem Dómini nostri Jesu Christi, qui & confirmábit vos usque in finem sine crimine, in die adventus Dómini nostri Jesu Christi.

Graduale. Psalm. 121. Lætátus sum in his quæ dicta sunt mihi: in domum Dómini ibimus. **Ps.** Fiat pax in virtúte tua, & abundantia in túrribus tuis.

Allelúja, allelúja. Psal. 101. Timébunt Gentes nomen tuum Dómine: & omnes reges terræ glóriam tuam. Allel.



Sequéntia sancti Euangélii secundum Matthæum. **Matth. 9.**

In illo témpore: Ascéndens Jesus in navículam, transfretávit, & venit in civitátem suam. Et ecce offerébant ei paralyticum jacéntem in lecto. Et videns Jesus fidem illórum, dixit paralytico: Confide fili, remittúntur tibi peccáta tua. Et ecce quidam de Scribis dixerunt intra se: Hic blasphemát. Et cum vidisset Jesus cogitatióes eórum, dixit: Ut quid cogitátis mala in córdibus vestris? Quid est facílius dicere: Dimittúntur tibi peccáta tua: an dicere: Surge, & ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytico: Surge, tolle lectum tuum, & vade in domum tuam. Et surrexit, & ábiit in domum suam. Vidéntes autem turbæ timuérunt, & glorificavérunt Deum, qui dedit potestátem talem homínibus. **Credo.**

Offertorium. Exodi 24. Sanctificávit Móyses altáre Dómino, offerens super

illud holocáusta, & immolans víctimas: fecit sacrificium vespertínium in odórem suavitátis Dómino Deo, in conspéctu filiórum Israel. **Secreta.**

Deus, qui nos per hujus sacrificii veneránda commércia, unius summae divinitátis partícipes éfficis: præsta quæsumus; ut sicut tuam cognóscimus veritátem, sic eam dignis móribus assequámur. Per Dóminum.

Alia Secreta. Exáudi nos Deus. fol. 248.

Tertia ad libitum.

Communio. Psalm. 95. Tóllite hóstias, & introíte in átria ejus: adoráte Dóminum in aula sancta ejus. **Postcómunio.**


Grátiastibi reférimus, Dómine, sacro múnere vegetáti, tuam misericórdiam deprecántes: ut dignos nos ejus participatióne perficias. Per Dóminum.

Altera Postcommunio. Mundet & múniat. fol. 248. **Tertia ad libitum.**

DOMINICA XIX.

post Pentecosten.

Introitus.



Alus pópuli ego sum, dicit Dóminus: de quacúmque tribulatióne clamáverint ad me, exáudiam eos: & ero illórum Dóminus in perpétuum. **Psalm. 77.** Atténdite pópule meus legem meam: inclináte aurem vestram in verba oris mei.

Glória Patri, &c.

Oratio.

Omnípotens & misericors Deus, universa nobis adversántia propitiátus excludé: ut mente & corpore páriter expediti, quæ tua sunt, liberis méntibus exequámur. Per Dóminum.

Secunda Oratio. A cunctis nos. fol. 247.

Tertia ad libitum.

Lectio Epistolæ beati Pauli Apostoli ad Ephésios. **Ephes. 4. c**

Fratres, Renovámini spírítu mentis vestrae, & induíte novum hóminem, qui secundum Deum créatus est in justítia, & sanctitate veritátis. Propter quod deponéntes mendácium, loquimini veritátem unusquísque cum próximo

ximo suo: quoniam sumus invicem membra. Irascimini, & nolite peccare: sol non occidat super iracundiam vestram. Nolite locum dare diabolo: qui furabatur, jam non furatur: magis autem laboret, operando manibus suis quod bonum est, ut habeat unde tribuat necessitatem patienti.

Graduale. Ps. 140. Dirigatur oratio mea, sicut incensum in conspectu tuo Domine.

V. Elevatio manuum mearum, sacrificium vespertinum. **A**llelúja, allelúja.

V. Psalm. 104. Confitemini Domino, & invocate nomen ejus: annuntiáte inter Gentes ópera ejus. Allelúja.



Sequéntia sancti Evangelii secundum Matthæum. **Matth. 22.**

IN illo tempore: Loquebatur Jesus principibus sacerdotum, & Pharisæis in parabolis, dicens: Simile factum est regnum cælorum homini Regi, qui fecit nuptias filio suo. Et misit servos suos vocare invitatos ad nuptias, & nolébant venire. Iterum misit alios servos, dicens: Dícite invitatis: Ecce prándium meum paravi, tauri mei, & altília occísa sunt, & ómnia paráta: veníte ad nuptias. Illi autem neglexérunt: & abiérunt, alius in villam suam, alius verò ad negotiatióem suam: reliqui verò tenuérunt servos ejus, & contuméliis affectos occidérunt. Rex autem cum audíffet, irátus est: & missis exercítibus suis, pérdidit homicidas illos, & civitátem illórum succéndit. Tunc ait servis suis: Nuptiæ quidem paratæ sunt: sed qui invitati erant, non fuérunt digni. Ite ergo ad éxitus viarum, & quoscúmque invenéritis, vocáte ad nuptias. Et egréssi servi ejus in vias, congregavérunt omnes quos invenérunt malos & bonos: & implétæ sunt nuptiæ discumbéntium. Intrávit autem Rex ut vidéret discumbéntes, & vidit ibi hóminem non vestítum veste nuptiáli. Et ait illi: Amice quómodo huc intrásti non habens vestem nuptiá-

lem? At ille obmutuit. Tunc dixit rex ministris: Ligátis manibus, & pedibus ejus, míttite eum in ténebras exteriores: ibi erit fletus, & stridor dentium. Multi enim sunt vocati, pauci verò electi. **Credo.**

Offertorium. Psalm. 137. Si ambulávero in médio tribulatióis, vivificábis me Domine: & super iram inimicórum meórum extédes manum tuam, & salvum me faciet dextera tua.

Secrera.

Hæc múnera, quæsumus Domine, quæ óculis tuæ majestátis offerimus, salutária nobis esse concede. Per Dóminum nostrum.

Alia Secreta. E xáudi nos Deus. fol. 248.

Tertia ad libitum.


Communio. Psalm. 118. Tu mandásti mandata tua custodíri nimis: útinam dirigántur viæ meæ, ad custodiéndas justificationes tuas. **Postcommunio.**

Tua nos, Domine, medicínalis operatio, & à nostris perversitatibus cleménter expédíat, & tuis semper faciat inhærere mandátis. Per Dñm.

Alia Postcommunio. Mundet & muniat. fol. 248. **Tertia ad libitum.**

DOMINICA XX.

post Pentecosten. **Introitus. Dan. 3.**



Mnia, quæ fecísti nobis Domine, in vero judicio fecísti: quia peccávimus tibi, & mandátis tuis non obedívimus: sed da glóriam nómini tuo, & fac nobíscum secundum multitudínem misericórdiæ tuæ. **Psalm. 118.** Beáti immaculáti in via: qui ámbulant in lege Dómini.

V. Glória Patri, &c.

Oratio.

Largíre, quæsumus Domine, fídelibus tuis indulgéntiam placátus & pacem: ut páriter ab ómnibus mündentur offénsis, & secúra tibi mente deserviant. Per Dóminum.

Secunda Oratio. A cunctis nos. fol. 247.

Tertia ad libitum.

S 2

Lectio

Lectio Epistolæ beati Pauli Apostoli
ad Ephésios. **Ephes. 5. d**

Fratres, Videte quomodo cautè ambulétis: non quasi insipientes, sed ut sapientes: redimèntes tempus, quoniam dies mali sunt. Propterea nolite fieri imprudentes: sed intelligentes quæ sit voluntas Dei. Et nolite inebriari vino, in quo est luxúria: sed implèmini Spíritu sancto, loquèntes vobismetipsis in psalmis, & hymnis, & canticis spirituales, cantantes, & psallentes in cordibus vestris Domino, grátias agentes semper pro omnibus, in nomine Domini nostri Jesu Christi, Deo & Patri. Subjècti invicem in timóre Christi.

Graduale. Psalm. 144. Oculi omnium in te sperant Domine: & tu das illis escam in tempore opportuno.

✠. Aperis tu manum tuam, & imple omne animal benedictione.

Allelúja, allelúja.

✠. **Psalmus 107.** Paratum cor meum Deus, paratum cor meum: cantabo, & psallam tibi, glória mea. Allelúja.



Sequentia sancti Evangelii secundum Joannem. **Joann. 4. f**

In illo tempore: Erat quidam Régulus, cujus filius infirmabatur Capernaum. Hic cum audisset quia Jesus adveniret à Judæa in Galilæam, abiit ad eum: & rogabat eum ut descenderet, & sanaret filium ejus: incipiebat enim mori. Dixit ergo Jesus ad eum: Nisi signa, & prodigia videritis, non creditis. Dicit ad eum Régulus: Domine, descende priusquam moriatur filius meus. Dicit ei Jesus: Vade, filius tuus vivit. Credidit homo sermóni quem dixit ei Jesus, & ibat. Jam autem eo descendente, servi occurrerunt ei, & nuntiaverunt dicentes, quia filius ejus viveret. Interrogabat ergo horam ab eis, in qua melius habuerit. Et dixerunt ei: Quia heri hora septima reliquit eum febris. Cognovit ergo pater, quia illa hora erat, in qua dixit ei Je-

sus: Filius tuus vivit: & credidit ipse; & domus ejus tota. **Credo.**

Offertorium. Psalm. 136. Super flumina Babylónis illic sedimus & flevimus, dum recordarémur tui Sion. **Secreta.**

Cælestem nobis præbeant hæc mysteria, quæsumus Domine, medicinam: & vitia nostri cordis expurgent. Per Dominum nostrum.

Alia Secreta. Exaudi nos Deus. fol. 248.

Tertia ad libitum.

Communio. Psal. 118. Memento verbi tui servo tuo Domine, in quo mihi spem dedisti: hæc me consolata est in humilitate mea. **Postcommunio.**

Ut sacris, Domine, reddamur digni munèribus: fac nos, quæsumus, tuis semper obedire mandatis. Per Dominum nostrum.

Alia Postcommunio. Mundet & miniat. fol. 248. **Tertia ad libitum.**

D O M I N I C A X X I.
post Pentecosten. **Introitus. Esth. 13.**



In voluntate tua, Domine, universa sunt posita: & non est qui possit resistere voluntati tuæ: tu enim fecisti omnia, cælum & terram, & universa quæ cæli ambitu continentur: Dominus universorum tu es. **Psalm. 118.** Beati immaculati in via, qui ambulant in lege Domini.

✠. Glória Patri, &c. **Oratio.**

Familiam tuam, quæsumus Domine, continua pietate custodi: ut à cunctis adversitatibus, te protegente, sit libera, & in bonis actibus tuo nomini sit devota. Per Dominum.

Secunda Oratio. A cunctis nos. fol. 247.

Tertia ad libitum.

Lectio Epistolæ beati Pauli Apostoli ad Ephésios. **Ephes. 6. b**

Fratres, Confortamini in Domino, & in potentia virtutis ejus. Induite vos armaturam Dei, ut possitis stare adversus insidias diaboli. Quoniam non est nobis colluctatio adversus carnem

nem & sanguinem: sed adversus principes, & potestates, adversus mundi rectores tenebrarum harum, contra spiritalia nequitiæ, in cælestibus. Propterea accipite armaturam Dei, ut possitis resistere in die malo, & in omnibus perfecti stare. State ergo succincti lumbos vestros in veritate, & induti loriceam justitiæ, & calceati pedes in præparatione Euangelii pacis: in omnibus sumentes scutum fidei, in quo possitis omnia tela nequissimi ignea extinguere: & galeam salutis assumite: & gladium spiritus, quod est verbum Dei.

Graduale. Psalmus 89. Domine refugium factus es nobis à generatione & progénie. *Ps.* Priusquam montes fierent, aut formarétur terra, & orbis: à sæculo, & usque in sæculum tu es Deus. **Allelúja, allelúja.** *Ps.* **Psalm. 113.** In exitu Israel de Ægypto, domus Jacob de pópulo bárbaro. Allelúja.

✠ Sequéntia sancti Euangelii secúndum Matthæum. **Matth. 18. c.**

In illo témpore: Dixit Jesus discipulis suis parabolam hanc: Assimilatum est regnum cælórum hómini regi, qui voluit rationem pónere cum servis suis. Et cum cœpisset rationem pónere, oblatus est ei unus, qui debébat ei decem millia talénta. Cum autem non haberet unde rédderet, iussit eum dominus ejus venúmdari, & uxórem ejus, & filios, & omnia quæ habébat, & reddi. Prócidentem autem servus ille, orábat eum, dicens: Patiéntiam habe in me, & omnia reddam tibi. Misértus autem dominus servi illius, dimísit eum, & débitum dimísit ei. Egréssus autem servus ille, invénit unum de consérvs suis, qui debébat ei centum denários: & tenens suffocábat eum, dicens: Redde quod debes. Et prócidentem consérvus ejus, rogábat eum, dicens: Patiéntiam habe in me, & omnia reddam tibi. Ille autem noluit: sed abiit, & misit eum in cárceré donec rédderet débitum. Vidéntes autem con-

Miss.

servi ejus quæ fiébant, contristati sunt valdè: & venerunt, & narraverunt domino suo omnia, quæ facta fuerant. Tunc vocavit illum dominus suus, & ait illi: Serve nequam, omne débitum dimísi tibi quóniam rogásti me: nónne ergo oportuit & te miseréri consérvs tui, sicut & ego tui misértus sum? Et irátus dominus ejus, tradidit eum tortóribus, quoadúsque rédderet univérsum débitum. Sic & Pater meus cælestis faciet vobis, si non remisérís unusquisque fratri suo de córdibus vestris. **Credo.**

Offertorium. Job 1. Vir erat in terra Hus nómine Job, simplex & rectus, ac timens Deum: quem Satan pétit, ut tentáret: & data est ei potéstas à Dómino in facultates & in carnem ejus, perdiditque omnem substantiam ipsius, & filios: carnem quoque ejus gravi ulcere vulnerávit. **Secreta.**

Suscipe Dñe, propítius hóstias, quibus & te placári voluísti: & nobis salutem poténti pietáte restitue. Per Dñm.

Alia Secreta. Exáudi nos Deus. fol. 248.

Tertia ad libitum.

Communio. Psalm. 118. In salutári tuo ánima mea, & in verbum tuum sperávi: quando fácies de persecúntibus me iudícium? iníqui persecúti sunt me, ádjuva me Dómine Deus meus. **Postcommunio.**

Immortalitátis alimóniam consecúti, quæsumus Dómine; ut quod ore percépimus, pura mente sectémur. Per Dóminum nostrum.

Altera Postcommunio. Mundet & múniat. fol. 248. **Tertia ad libitum.**

DOMINICA XXII.

post Pentecosten. Introitus. Psal. 129.



In iniquitates observáveris Dómine, Dómine quis sustinébit? quia apud te propitiatio est, Deus Israel.

Psalm. ibid. De profúndis clamávi ad te Dómine: Dómine exáudi vocem meam. *Ps.* Glória Patri.

S 3

Ora-

Oratio.

Deus refugium nostrum, & virtus: adesto piis Ecclesiae tuae precibus, auctor ipse pietatis, & presta; ut quod fideliter petimus, efficaciter consequamur. Per Dominum.

Secunda Oratio. A cunctis nos. fol. 247.

Tertia ad libitum.

Lectio Epistolae beati Pauli Apostoli ad Philippenses. Philipp. 1.

Fratres, Confidimus in Domino Jesu, quia qui coepit in vobis opus bonum, perficiet usque in diem Christi Jesu. Sicut est mihi justum hoc sentire pro omnibus vobis: eo quod habeam vos in corde, & in vinculis meis, & in defensione, & confirmatione Evangelii, socios gaudii mei omnes vos esse. Testis enim mihi est Deus, quomodo cupiam omnes vos in visceribus Jesu Christi. Et hoc oro ut charitas vestra magis ac magis abundet in scientia, & in omni sensu: ut probetis potiora, ut sitis sinceri, & sine offensa in diem Christi, replati fructu iustitiae per Jesum Christum, in gloriam & laudem Dei.

Graduale. Psalm. 132. Ecce quam bonum, & quam jucundum habitare fratres in unum. *Ps.* Sicut unguentum in capite, quod descendit in barbam, barbam Aaron. Allel. allel. *Ps.* Qui timent Dominum, sperent in eo: adiutor & protector eorum est. Alleluja.



Sequentia sancti Evangelii secundum Matthaeum. Matth. 22. b

In illo tempore: Abeuntes Pharisei, consilium iniierunt ut caperent Jesum in sermone. Et mittunt ei discipulos suos cum Herodianis, dicentes: Magister, scimus quia verax es, & viam Dei in veritate doces, & non est tibi cura de aliquo: non enim respicis personam hominum: dic ergo nobis quid tibi videtur, licet censum dare Caesari, an non? Cognita autem Jesus nequitia eorum, ait: Quid me tentatis hypocritae? ostendite mihi numisma census. At illi

obtulerunt ei denarium. Et ait illis Jesus: Cujus est imago haec, & superscriptio? Dicunt ei: Caesaris. Tunc ait illis: Reddite ergo quae sunt Caesaris, Caesari: & quae sunt Dei, Deo. Credo.

Offertorium. Esther 14. Recordare mei Domine, omni potentatui dominans: & da sermonem rectum in os meum, ut placeant verba mea in conspectu principis. Secreta.

DA misericors Deus: ut haec salutaris oblatio & a propriis nos reatibus indefinenter expediat, & ab omnibus tueatur adversis. Per Dominum.

Alia Secreta. Exaudi nos Deus. fol. 248.

Tertia ad libitum.

Communio. Psalm. 16. Ego clamavi, quoniam exaudivisti me Deus: inclina aurem tuam, & exaudi verba mea.

Postcommunio.

Sumpsimus, Domine, sacri dona mysterii, humiliter deprecantes: ut, quae in tui commemorationem nos facere praecipisti, in nostrae proficiant infirmitatis auxilium. Qui vivis & regnas.

Altera Postcommunio. Munder & muniat. fol. 248. Tertia ad libitum.

DOMINICA XXIII.

post Pentecosten, quando non fuerit ultima post Pentec. quia si erit ultima, tunc loco vigesima tertie ponetur quae inferius est xxiv. & Missa xxiii. dicetur in Sabbato praecedenti non impedito Festo Duplici, vel Semidupl. ut dictum est in Dominica prima Epiphaniae. fol. 34. alioquin in alia praecedenti Feria similiter non impedita.

Innoctus.

Jer. 29.



Icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis.

Psalm. 84. Benedixisti Domine terram tuam: avertisti captivitatem Jacob.

Ps. Gloria Patri, &c. Oratio.

Absolve, quaesumus Domine, tuorum delicta populorum: ut a peccato-

catórum nexibus, quæ pro nostra fragilitate contraximus, tua benignitate liberémur. Per Dóminum.

Secunda Oratio. A cunctis nos. fol. 247.

Tertia ad libitum.

*L*ectio Epistolæ beati Pauli Apóstoli ad Philippenses. *Philip. 3. d.*

Fratres, Imitatores mei estote, & observate eos, qui ita ambulant, sicut habetis formam nostram. Multi enim ambulant, quos sæpè dicebam vobis (nunc autem & flens dico) inimicos crucis Christi: quorum finis interitus: quorum Deus venter est: & glória in confusione ipsorum, qui terréna sapiunt. Nostra autem conversatio in cælis est: unde etiam Salvatorem expectamus Dóminum nostrum Jesum Christum, qui reformabit corpus humilitatis nostræ, configuratum corpori claritatis suæ, secundum operationem, qua etiam possit subicere sibi omnia. Itaque fratres mei charissimi, & desideratissimi, gaudium meum, & coróna mea: sic stete in Dómino, charissimi: Evodiam rogo, & Syntychem deprecor idipsum sapere in Dómino. Etiam rogo & te germáne compar, adjuva illas, quæ mecum laboraverunt in Euangelio cum Clemente, & ceteris adiutoribus meis, quorum nomina sunt in libro vitæ.

Graduale. *Psal. 43.* *L*iberasti nos Dómine ex affligentibus nos: & eos qui nos oderunt, confudisti. *Ps.* In Deo laudabimur tota die: & in nomine tuo confitebimur in sæcula. *A*llelúja, allelúja. *Psalm. 129.* De profundis clamavi ad te Dómine, Dómine exaudi orationem meam. Allelúja.

✠ *S*equéntia sancti Euangelii secundum Matthæum. *Matth. 9. c.*

In illo tempore: Loquente Jesu ad turbas, ecce princeps unus accessit, & adorabat eum, dicens: Dómine, filia mea modò defuncta est: sed veni, impone manum tuam super eam, & vivet. Et surgens Jesus sequebatur

eum, & discipuli ejus. Et ecce mulier, quæ sanguinis fluxum patiebatur duodecim annis, accessit retrò, & tetigit fimbriam vestimenti ejus. Dicebat enim intra se: Si tetigero tantum vestimentum ejus, salva ero. At Jesus conversus, & videns eam, dixit: Confide filia, fides tua te salvam fecit. Et salva facta est mulier ex illa hora. Et cum venisset Jesus in domum principis, & vidisset tibicines, & turbam tumultuantem, dicebat: Recedite; non est enim mortua puella, sed dormit. Et deridebant eum. Et cum ejecta esset turba, intravit: & tenuit manum ejus. Et surrexit puella. Et exiit fama hæc in universam terram illam. *Credo.*

Offertorium. *Psal. 129.* De profundis clamavi ad te Dómine, Dómine exaudi orationem meam: de profundis clamavi ad te Dómine. *Secreta.*

Pro nostræ servitutis augmento sacrificium tibi Dómine, laudis offerimus: ut quod imméritis contulisti, propitius exequaris. Per Dóminum.

Alia Secreta. Exaudi nos Deus. fol. 248.

Tertia ad libitum.

Communio. *Marc. 11.* Amen dico vobis, quidquid orantes pétitis, credite quia accipietis, & fiet vobis.

Postcommunio.

Quæsumus omnipotens Deus: ut quos divina tribuis participatione gaudere, humanis non finas subiacere periculis. Per Dóminum.

Alia Postcommunio. Mundet & muniat. fol. 248. *Tertia ad libitum.*

¶ Si Dominicæ post Pentecosten fuerint plures vigintiquatuor, tunc post xxiii. resumantur (quoad Orationes, Epistolas, & Evangelia) Missæ Dominicarum, quæ superfuerunt post Epiphaniam (ut infra post Dominicam xxiv.) hoc ordine.

Si Dominicæ fuerint xxv. in Dominica xxiv. dicitur Missa Dominicæ vi. post Epiphaniam.

Si fuerint xxvi. in Dñica xxiv. dicitur Missa Dominicæ v. post Epiphaniam: & in

vigesimaquinta, Missa Dominica sextæ.
Si fuerint xxvii. in Dominica xxiv. dicitur Missa Dominica iv. post Epiphaniam: in vigesimaquinta, Dominica v. & in vigesima sexta, Dominica sextæ.

Si fuerint xxviii. in Dominica xxiv. dicitur Missa Dominica tertiæ post Epiphaniam: in vigesimaquinta, Dominica iv. in vigesima sexta, Dominica quintæ, in Dominica vigesima septima, Dominica sextæ.

Et ultimo loco semper ponitur Missa Dominica xxiv. post Pentecosten.

¶ Introitus autem, Graduale, Offertor. & Communio in prædictis Dominicis semper dicuntur ut in Dominica vigesima tertia.

DOMINICA XXIV. & ultima post Pentecosten.

Introitus.

Jer. 29.



Icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis.

Psalm. 84. Benedixisti Domine terram tuam: avertisti captivitatem Jacob.

v. Gloria Patri, &c. **Oratio.**

EXcita, quæsumus Domine, tuorum fidelium voluntates: ut divini operis fructum propensius exequentes, pietatis tuæ remedia maiora percipiant. Per Dominum. **Secunda Oratio.**

ACunctis nos, quæsumus Domine, mentis & corporis defende periculis: & intercedente beata & gloriosa semper virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem; ut, destructis adversitatibus & erroribus universis, Ecclesia tua securâ tibi serviat libertate.

Tertia ad libitum.

Lectio Epistolæ beati Pauli Apostoli ad Colossenses. **Coloss. i. b**

FRatres, Non cessamus pro vobis orantes, & postulantes, ut impleamini agnitione voluntatis Dei, in omni

sapiëntia, & intellectu spiritali: ut ambulētis dignè Deo per omnia placentes: in omni opere bono fructificantes: & crescentes in scientia Dei: in omni virtute confortati secundum potentiam claritatis ejus, in omni patientia, & longanimitate cum gaudio, gratias agentes Deo Patri, qui dignos nos fecit in partem sortis Sanctorum in lumine: qui eripuit nos de potestate tenebrarum, & transtulit in regnum Filii dilectionis suæ: in quo habemus redemptionem per sanguinem ejus, remissionem peccatorum.

Graduale. Psalm. 43. Liberasti nos Domine ex affligentibus nos: & eos qui nos oderant, confudisti. **v.** In Deo laudabimur tota die, & in nomine tuo confitebimur in sæcula. **A**llelûja, allelûja. **v.** **Psalm. 129.** De profundis clamavi ad te Domine, Domine exaudi orationem meam. Allelûja.



Sequentia sancti Evangelii secundum Matthæum. Matth. 24. b

IN illo tempore: Dixit Jesus discipulis suis: Cum videritis abominationem desolationis, quæ dicta est à Daniele Propheta, stantem in loco sancto, qui legit, intelligat: tunc qui in Iudæa sunt, fugiant ad montes: & qui in tecto, non descendat tollere aliquid de domo sua: & qui in agro, non revertatur tollere tunicam suam. Væ autem prægnantibus, & nutriendis in illis diebus. Orate autem ut non fiat fuga vestra in hieme, vel sabbato. Erit enim tunc tribulatio magna, qualis non fuit ab initio mundi usque modo, neque fiet. Et nisi breviati fuissent dies illi, non fieret salva omnis caro: sed propter electos breviabuntur dies illi. Tunc si quis vobis dixerit: Ecce hic est Christus, aut illic: nolite credere. Surgent enim pseudochristi, & pseudoprophetæ: & dabunt signa magna, & prodigia, ita ut in errorem inducantur (si fieri potest) etiam electi. Ecce prædixi vobis. Si ergo dixerint vobis: Ecce in deserto est, nolite exire:

exire: Ecce in penetrabilibus, nolite credere. Sicut enim fulgur exit ab Oriente & paret usque in Occidentem: ita erit & adventus Filii hominis. Ubi cumque fuerit corpus, illic congregabuntur & aquilae. Statim autem post tribulationem dierum illorum sol obscurabitur, & luna non dabit lumen suum, & stellae cadent de caelo, & virtutes caelorum commovebuntur: & tunc parabit signum Filii hominis in caelo: & tunc plangent omnes tribus terrae: & videbunt Filium hominis venientem in nubibus caeli cum virtute multa, & maiestate. Et mittet Angelos suos cum tuba, & voce magna: & congregabunt electos ejus a quatuor ventis, a summis caelorum usque ad terminos eorum. Ab arbore autem fici discite parabolam: cum jam ramus ejus tener fuerit, & folia nata, scitis quia prope est aestas: ita & vos cum videritis haec omnia, scitote quia prope est in januis: Amen dico vobis, quia non praeteribit generatio haec, donec omnia haec fiant. Caelum, & terra transibunt, verba autem mea non praeteribunt. **Credo.**

Offertorium. Psalm. 129. De profundis clamavi ad te Domine, Domine exaudi orationem meam: de profundis clamavi ad te Domine. **Secreta.**

Propitius esto, Domine, supplicationibus nostris: & populi tui oblationibus, precibusque susceptis, omnium nostrum ad te corda converte; ut a terrenis cupiditatibus liberati, ad caelestia desideria transeamus. Per Dominum nostrum. **Alia Secreta.**

Exaudi nos Deus salutaris noster: ut per hujus sacramenti virtutem a cunctis nos mentis & corporis hostibus tuearis, gratiam tribuens in praesenti, & gloriam in futuro.

Tertia ad libitum.

Communio. Marc. 11. Amen dico vobis, quidquid orantes petitis, credite quia accipietis, & fiet vobis.

Postcommunio.

Concede nobis, quaesumus Domine: ut per haec sacramenta quae

sumpsimus, quidquid in nostra mente vitiosum est, ipsorum medicationis dono curetur. Per Dominum.

Altera Postcommunio.

Mundet & muniat nos, quaesumus Domine, divini sacramenti munus oblatum: & intercedente beata virgine Dei Genitrice Maria, cum beatis Apostolis tuis Petro & Paulo, atque beato N. & omnibus Sanctis; a cunctis nos reddat & perversitatibus expiatis, & adversitatibus expeditos.

Tertia ad libitum.

DOMINICA TERTIA,
quae superfuit post Epiphaniam ponenda secundum superiorem Rubricam.

Introitus.

Jer. 29.



Icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis.

Psalm. 84. Benedixisti Domine terram tuam: avertisti captivitatem Jacob.

Glória Patri, &c.

Oratio.

Omnipotens sempiternus Deus, infirmitatem nostram propitius respice: atque ad protegendum nos, dexteram tuam maiestatis extende. Per Dominum.

Secunda Oratio. A cunctis nos. fol. 280.

Tertia ad libitum.

Lectio Epistolae beati Pauli Apostoli ad Romanos.

Rom. 12. d

Fratres, Nolite esse prudentes apud vosmetipsos: Nulli malum pro malo reddentes: providentes bona non tantum coram Deo, sed etiam coram omnibus hominibus. Si fieri potest, quod ex vobis est, cum omnibus hominibus pacem habentes: Non vosmetipsos defendentes, charissimi, sed date locum irae. Scriptum est enim: Mihi vindicta; ego retribuam, dicit Dominus. Sed si esurierit inimicus tuus, ciba illum: si sitit, potum da illi: hoc enim faciens, carbones ignis congeres super

super caput ejus. Noli vinci à malo, sed vince in bono malum.

Graduale. Psalm. 43. Liberasti nos Domine ex affligentibus nos: & eos qui nos oderunt, confudisti. **Ps.** In Deo laudabimur tota die, & in nomine tuo confitebimur in sæcula. **Allelúja, allelúja. Ps.** **Psalm. 129.** De profundis clamavi ad te Domine, Domine exaudi orationem meam. Allelúja.

Sequentia sancti Evangelii secundum Matthæum. Matth. 8.

IN illo tempore: Cum descendisset Jesus de monte, sequuntur eum turbæ multæ: & ecce leprosus veniens, adorabat eum, dicens: Domine, si vis, potes me mundare. Et extendens Jesus manum, tetigit eum, dicens: Volo, Mundare: Et confestim mundata est lepra ejus. Et ait illi Jesus: Vide, nemini dixeris: sed vade, ostende te sacerdoti, & offer munus, quod præcepit Moyses, in testimonium illis. Cum autem introisset Capharnaum, accessit ad eum Centurio, rogans eum, & dicens: Domine, puer meus jacet in domo paralyticus, & male torquetur. Et ait illi Jesus: Ego veniam, & curabo eum. Et respondens Centurio, ait: Domine, non sum dignus ut intres sub tectum meum: sed tantum dic verbo, & sanabitur puer meus. Nam & ego homo sum sub potestate constitutus, habens sub me milites, & dico huic: Vade, & vadit: & alii, Veni, & venit: & servo meo, Fac hoc, & facit. Audiens autem Jesus, miratus est, & sequentibus se dixit: Amen dico vobis, non inveni tantam fidem in Israel. Dico autem vobis, quod multi ab Oriente, & Occidente venient, & recumbent cum Abraham, & Isaac, & Jacob in regno cælorum: filii autem regni ejicientur in tenebras exteriores: ibi erit fletus, & stridor dentium. Et dixit Jesus Centurioni: Vade, & sicut credidisti, fiat tibi. Et sanatus est puer in illa hora. **C**redo.

Offertorium. Psalm. 129. De profundis clamavi ad te Domine, Domine exaudi orationem meam: de profundis clamavi ad te Domine. **Secreta.**

HÆc hostia, Domine quaesumus, emundet nostra delicta: & ad sacrificium celebrandum, subditorum tibi corpora mentesque sanctificet. Per Dominum nostrum.

Alia Secreta. Exaudi nos Deus. fol. 281. **Tertia ad libitum.**

Communio. Marc. 11. Amen dico vobis, quidquid orantes petitis, credite quia accipietis, & fiet vobis.

Postcommunio.

Quos tantis, Domine, largiris uti mysteriis: quaesumus, ut effectibus nos eorum veraciter aptare digneris. Per Dominum nostrum.

Alia Postcommunio. Mundet & muniat. fol. 281. **Tertia ad libitum.**

DOMINICA QUARTA, quæ superfuit post Epiphaniam.

Introitus. Jer. 29.

Dicit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis.

Psalm. 84. Benedixisti Domine terram tuam: avertisti captivitatem Jacob.

Glória Patri, &c. Oratio.

DEus, qui nos in tantis periculis constitutos, pro humana scis fragilitate non posse subsistere: da nobis salutem mentis & corporis; ut ea quæ pro peccatis nostris patimur, te adjuvante vincamus. Per Dominum.

Secunda Oratio. A cunctis nos. fol. 280. **Tertia ad libitum.**

Lectio Epistolæ beati Pauli Apostoli ad Romanos. **Rom. 13. b**

FRatres, Nemini quidquam debeatis, nisi ut invicem diligatis: qui enim diligit proximum, legem implevit. Nam: Non adulterabis: Non occides: Non

Non furaberis : Non falsum testimonium dices : Non concupisces : & si quod aliud mandatum, in hoc verbo instauratur : Diliges proximum tuum sicut teipsum . Dillectio proximi malum non operatur . Plenitudo ergo legis est dilectio .

Graduale. Psal. 43. Liberasti nos Domine ex affligentibus nos : & eos , qui nos oderunt , confudisti . **✠** In Deo laudabimur tota die , & in nomine tuo confitebimur in secula . **Allelúja , allelúja .**
✠. Psalm. 129. De profundis clamavi ad te Domine : Domine exaudi orationem meam . **Allelúja .**

✠ Sequentia sancti Evangelii secundum Matthæum . **Matth. 8. c.**

IN illo tempore : Ascendente Jesu in naviculam , secuti sunt eum discipuli ejus : & ecce motus magnus factus est in mari , ita ut navicula operiretur fluctibus , ipse verò dormiebat . Et accesserunt ad eum discipuli ejus , & suscitaverunt eum , dicentes : Domine , salva nos , perimus . Et dicit eis Jesus : Quid timidi estis modicæ fidei ? Tunc surgens , imperavit ventis & mari , & facta est tranquillitas magna . Porro homines mirati sunt , dicentes : Qualis est hic , quia venti & mare obediunt ei ? **Credo.**

Offertorium. Psalm. 129. De profundis clamavi ad te Domine , Domine exaudi orationem meam : de profundis clamavi ad te Domine . **Secreta .**

Concède quæsumus omnipotens Deus : ut hujus sacrificii munus oblatum , fragilitatem nostrā ab omni malo purget semper & muniat . Per Dñm .

Alia Secreta . Exaudi nos Deus . fol. 281.

Tertia ad libitum.

Communio. Marc. 11. Amen dico vobis : quidquid orantes petitis , credite quia accipietis , & fiet vobis .

Postcommunio.

Munera tua nos Deus à delectationibus terrenis expédiant : &

cælestibus semper instaurent alimentis . Per Dominum nostrum .

Altera Postcommunio. Mundet & muniat . fol. 281. **Tertia ad libitum.**

DOMINICA QUINTA,
quæ superfuit post Epiphaniam.

Introitus.

Jer. 29.



Icit Dominus , Ego cogito cogitationes pacis , & non afflictionis : invocabitis me , & ego exaudiam vos : & reducam captivitatem vestram de cunctis locis .

Psalm. 84. Benedixisti Domine terram tuam : avertisti captivitatem Jacob .

✠ Gloria Patri , &c.

Oratio .

Familiam tuam , quæsumus Domine , continua pietate custodi : ut quæ in sola spe gratiæ cælestis innitur , tua semper protectione muniatur . Per Dominum nostrum .

Secunda Oratio . A cunctis nos . fol. 280.

Tertia ad libitum.

Lectio Epistolæ beati Pauli Apostoli ad Colossenses . **Coloss. 3. b**

Fratres , Induite vos sicut electi Dei , sancti , & dilecti , viscera misericordiæ , benignitatem , humilitatem , modestiam , patientiam : supportantes invicem , & donantes vobismet ipsis , si quis adversus aliquem habet querelam : sicut & Dominus donavit vobis , ita & vos . Super omnia autem hæc , charitatem habete , quod est vinculum perfectionis : & pax Christi exaltet in cordibus vestris , in qua & vocati estis in uno corpore : & grati estote . Verbum Christi habitet in vobis abundanter , in omni sapientia , docentes , & commonentes vosmetipsos , psalmis , hymnis , & canticis spiritalibus , in gratia cantantes in cordibus vestris Deo . Omne , quodcumque facitis in verbo aut in opere , omnia in nomine Domini Jesu Christi , gratias agentes Deo & Patri , per Jesum Christum Dominum nostrum .

Gra-

Graduale. Psalm. 43. Liberasti nos Domine ex affligentibus nos: & eos qui nos oderunt, confudisti. *Ps.* In Deo laudabimur tota die, & in nomine tuo confitebimur in sæcula. *A.* Allelúja, allelúja. *Ps.* **Psalm. 129.** De profundis clamavi ad te Domine, Domine exaudi orationem meam. Allelúja.



Sequentia sancti Euangelii secundum Matthæum. Matth. 13.

In illo tempore: Dixit Jesus turbis parabolam hanc: Simile factum est regnum cælorum homini, qui seminavit bonum semen in agro suo. Cum autem dormirent homines, venit inimicus ejus, & superfeminavit zizania in medio tritici, & abiit. Cum autem crevisset herba, & fructum fecisset, tunc apparuerunt & zizania. Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, & colligimus ea? Et ait: Non: ne forte colligentes zizania, eradicetis simul cum eis & triticum. Sinite utraque crescere usque ad messem, & in tempore messis dicam messoribus: Colligite primum zizania, & alligate ea in fasciculos ad comburendum, triticum autem congregate in horreum meum. **Credo.**

Offertorium. Psalm. 129. De profundis clamavi ad te Domine, Domine exaudi orationem meam: de profundis clamavi ad te Domine.

Secreta.

Hostias tibi, Domine, placationis offerimus: ut & delicta nostra miseratus absolvas, & nutantia corda tu dirigas. Per Dominum.

Alia Secreta. Exaudi nos Deus. fol. 281.

Tertia ad libitum.

Communio. Marc. 11. Amen dico vobis, quidquid orantes petitis, credite quia accipietis, & fiet vobis.

Postcommunio.

Quæsumus omnipotens Deus: ut illius salutaris capiamus effectum, cujus per hæc mysteria pignus accepimus. Per Dominum nostrum.

Alia Postcommunio. Mundet & muniat. fol. 281. **Tertia ad libitum.**

DOMINICA SEXTA,
quæ superfuit post Epiphaniam.

Introitus.

Jer. 29.



Icit Dominus, Ego cogito cogitationes pacis, & non afflictionis: invocabitis me, & ego exaudiam vos: & reducam captivitatem vestram de cunctis locis.

Psalm. 84. Benedixisti Domine terram tuam: avertisti captivitatem Jacob.

Ps. **Gloria Patri, &c.**

Oratio.

Præsta quæsumus omnipotens Deus: ut semper rationabilia meditantes, quæ tibi sunt placita, & dictis exequamur, & factis. Per Dominum.

Secunda Oratio. A cunctis nos. fol. 280.

Tertia ad libitum.

Lectio Epistolæ beati Pauli Apostoli ad Thessalonicenses. **1. Thess. 1.**

Fratres, Grátias ágimus Deo semper pro omnibus vobis, memoriam vestri facientes in orationibus nostris sine intermissione, memores operis fidei vestræ, & laboris, & charitatis, & sustinentiæ spei Domini nostri Jesu Christi, ante Deum, & Patrem nostrum: scientes, fratres dilecti à Deo, electionem vestram: quia Euangelium nostrum non fuit ad vos in sermone tantum, sed & in virtute, & in Spiritu sancto, & in plenitudine multa, sicut scitis quales fuérimus in vobis propter vos. Et vos imitatores nostri facti estis, & Domini, excipientes verbum in tribulatione multa, cum gaudio Spiritus sancti: itaut facti sitis forma omnibus credentibus in Macedonia, & in Acháia. A vobis enim diffamatus est sermo Domini, non solum in Macedonia,

nia, & in Acháia, sed in omni loco fides vestra, quæ est ad Deum, profecta est, itaut non sit nobis necesse quidquam loqui. Ipsi enim de nobis annuntiant qualem introitum habuerimus ad vos: & quomodo conversi estis ad Deum à simulacris, servire Deo vivo, & vero, & expectare Filium ejus de cælis (quem suscitavit ex mortuis) Jesum, qui eripuit nos ab ira ventura.

Graduale. Psalm. 43. Liberasti nos Domine ex affligentibus nos: & eos qui nos oderunt, confudisti.

✠ In Deo laudabimur tota die, & in nomine tuo confitebimur in sæcula. **Allelúja, allelúja.**

✠ **Psalm. 129.** De profundis clamavi ad te Domine: Domine exaudi orationem meam. **Allelúja.**

✠ **Sequentia sancti Evangelii secundum Matthæum. Matth. 13. d**

IN illo tempore: Dixit Jesus turbis parabolam hanc: Simile est regnum cælorum grano sinapis, quod accipiens homo seminavit in agro suo, quod minimum quidem est omnibus seminibus: cum autem creverit, majus est omnibus oléribus, & fit arbor, itaut volucres cæli véniant, & habitent in ramis ejus. Aliam parabolam locutus est eis. Simile est regnum cæ-

lorum fermento, quod acceptum mulier abscondit in farinæ satis tribus, donec fermentatum est totum. Hæc omnia locutus est Jesus in parabolis ad turbas: & sine parabolis non loquebatur eis: ut impleretur quod dictum erat per Prophétam dicentem: Apéram in parabolis os meum, eructabo abscondita à constitutione mundi. **Credo.**

Offertorium. Psalm. 129. De profundis clamavi ad te Domine, Domine exaudi orationem meam: de profundis clamavi ad te Domine.

Secreta.

HÆc nos oblatio, Deus, mundet quæsumus, & renovet, gubernet, & protégat. Per Dominum.

Alia Secreta. Exaudi nos Deus. fol. 281.

Tertia ad libitum.

Communio. Marc. 11. Amen dico vobis, quicquid orantes pétitis, créde quia accipietis, & fiet vobis.

Postcommunio.

CÆléstibus, Domine, pasti deliciis: quæsumus, ut semper eadem, per quæ veraciter vivimus, appetamus. Per Dominum.

Alia Postcommunio. Mundet & muniat. fol. 281. **Tertia ad libitum.**

✠ **Dominica xxviii. & ultima post Pentecosten, quæ superius posita est in ordine xxiv.**



P R O P R I U M MISSARUM DE SANCTIS.

FESTA NOVEMBRIS.

Die xxvii. Novembris.

IN FESTO S. ODONIS

Abbatis, Missa. Os justi, ut in Comuni Abbatum. fol. xvii.

Die xxviii. Novembris.

IN FESTO S. GREGORII

Thaumaturgi Episcopi & Confess.

Introitus. Eccli. 45.



Statuit ei Dominus testamentum pacis, & principem fecit eum: ut sit illi Sacerdotii dignitas in æternum.

Psal. 131. Memento

Domine David: & omnis mansuetudinis ejus. *Glória Patri. Oratio.*

DA, quæsumus omnipotens Deus: ut beati Gregorii Confessoris tui atque Pontificis veneranda sollemnitas, & devotionem nobis augeat, & salutem. Per Dominum nostrum.

Si fuerit in Adventu, fit commem. Fer.

Lectio libri Sapientie. Eccli. 44. d & 45.

ECce sacerdos magnus, qui in diebus suis placuit Deo, & inventus est justus: & in tempore iracundie factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu Regum: & dedit illi

coronam gloriæ. Statuit illi testamentum æternum, & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo.

Non est inventus similis illi, qui conservaret legem Excelsi. Alleluya, alleluya.

Psal. 109. Tu es sacerdos in æternum, secundum ordinem Melchisedech. Alleluya.



Sequentia sancti Evangelii secundum Marcum. Marci 11. c

IN illo tempore: Respondens Jesus discipulis suis, ait illis: Habete fidem Dei. Amen dico vobis, quia quicumque dixerit huic monti: Tollere, & mittere in mare, & non hæsitaverit in corde suo, sed crediderit, quia quodcumque dixerit, fiat, fiet ei. Propterea dico vobis: omnia quæcumque orantes petitis, credite quia accipietis, & evenient vobis.

Offertor. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. Secreta.

Sancti tui, quæsumus Domine, nos ubique lætificent: ut dum eorum merita recolimus, patrocina sentiamus. Per Dominum nostrum.

Communio. Lucæ 12. Fidelis servus & prudens, quem constituit dominus super familiam suam: ut det illis in tempore tristici mensuram. Postcommunio.

PRæsta quæsumus omnipotens Deus: ut de perceptis muneribus gratias exhibentes, intercedente beato Gregorio Con-

Confessore tuo atque Pontifice, beneficia potiora sumamus. Per Dominum.

Die xxix. Novembris.

IN FESTO S. JOANNIS

à Cruce, Confessoris.

Missa. Os iusti. de Communi Confessoris non Pontificis, præter Orationem sequentem. Oratio.

Deus, qui sanctum Joannem Confessorem tuum, perfectæ sui abnegationis, & Crucis amatorem eximium effecisti: concede; ut ejus imitationi jûgiter inhærentes, gloriâ assequamur æternam. Per Dominum.

Si venerit in Adventu, fit commemor. Feriæ. fol. i.

De Vigilia S. Andreæ Apostoli fit commemor. cum Orationibus ex Missa propria, ut infra.

Postea fit commemor. S. Saturnini martyris. Oratio.

Deus, qui nos beati Saturnini martyris tui concedis natalitio perfrui: ejus nos tribue meritis adjuvâri. Per Dominum nostrum. Secreta.

Munera, Domine, tibi dicata sanctifica: & intercedente beato Saturnino martyre tuo, per hæc eadem nos placatus inténde. Per Dominum.

Postcommunio.

Sanctificet nos, quæsumus Domine, tui perceptio Sacramenti: & intercessione Sanctorum tuorum tibi reddat acceptos. Per Dominum.

In fine Missæ legitur Evangelium Vigiliæ, nisi fuerit in Adventu, quia tunc dicendum erit S. Joannis: quod etiam servatur quando de Vigilia fit commemor. in Adventu, Quadragesima ac Quatuor Temporibus.

¶ Si verò cantentur duæ Missæ, scilicet, una de Festo S. Joannis à Cruce, & alia de Vigilia; in Missa Festi fit commemor. S. Saturnini martyris; & si fuerit ante Adventum, tertia Oratio erit, A cunctis. In Missa verò Vigiliæ, ante Adventum, secunda Oratio erit, Concede nos, tertia, Ecclesiæ tuæ, vel pro Papa. In Adventu autem secunda Oratio de Feriâ: tertia de sancta Maria, Deus, qui de beatæ. fol. i. & in utraque in fine legitur Evangelium S. Joannis.

MISSA DE VIGILIA S. ANDREÆ

Apostoli.

Introitus.

Matth. 4.



Ominus secus mare Galileæ vidit duos fratres Petrum, & Andréam, & vocavit eos: Venite post me: faciam vos fieri piscatores hominum. Psalm. 18. Cæli enarrant gloriâ Dei: & opera manuum ejus annuntiat firmamentum.

¶ Gloria Patri.

Oratio.

Quæsumus omnipotens Deus, ut beatus Andréas Apostolus, cujus prævenimus festivitatem, tuum pro nobis impleret auxilium: ut à nostris reatibus absoluti, à cunctis etiam periculis eruamur. Per Dominum.

Lectio libri Sapientiæ. Eccli. 44. d & 45.

Benedictio Domini super caput iusti. Ideo dedit illi Dominus hæreditatem, & divisit illi partem in tribubus duodecim: & invenit gratiam in conspectu omnis carnis. Et magnificavit eum in timore inimicorum, & in verbis suis monstra placavit. Glorificavit illum in conspectu regum; & jussit illi coram populo suo, & ostendit illi gloriâ suam. In fide, & lenitate ipsius sanctum fecit illum, & elegit eum ex omni carne. Et dedit illi coram præcepta, & legem vitæ, & disciplinæ: & excelsum fecit illum. Statuit ei testamentum æternum, & circumcinxit eum zona justitiæ: & induit eum Dominus coronam gloriæ.

Graduale. Psalm. 138. Nimis honorati sunt amici tui Deus: nimis confortatus est principatus eorum. ¶ Dinumerabo eos: & super arénam multiplicabuntur.



Sequentia sancti Evangelii secundum Joannem. Joann. i. c.

In illo tempore: Stabat Joannes, & ex discipulis ejus duo. Et respiciens Jesum ambulâtem, dicit: Ecce Agnus Dei. Et audierunt eum duo discipuli loquentem, & secuti sunt Jesum. Conversus autem Jesus, & videns eos sequentes se, dicit eis: Quid queritis? Qui dixerunt ei: Rabbi (quod dicitur inter-

pre-

pretatum Magister) ubi habitas? Dicit eis: Venite, & videte. Venerunt, & viderunt ubi maneret, & apud eum manserunt die illo: hora autem erat quasi decima. Erat autem Andreas frater Simonis Petri, unus ex duobus, qui audierant a Joanne, & secuti fuerant eum. Invenit hic primum fratrem suum Simonem, & dicit ei: Invenimus Messiam (quod est interpretatum Christus.) Et adduxit eum ad Jesum. Intuitus autem eum Jesus, dixit: Tu es Simon filius Jonæ: tu vocaberis Cephæ, quod interpretatur Petrus. In crastinum voluit exire in Galilæam, & invenit Philippum. Et dicit ei Jesus: Sequere me. Erat autem Philippus à Bethsaida, civitate Andree, & Petri. Invenit Philippus Nathanael, & dicit ei: Quem scripsit Moyses in lege, & Prophetæ, invenimus Jesum filium Joseph à Nazareth. Et dixit ei Nathanael: A Nazareth potest aliquid boni esse? Dicit ei Philippus: Veni, & vide. Vidit Jesus Nathanael venientem ad se, & dicit de eo: Ecce verè Israelita, in quo dolus non est. Dicit ei Nathanael: Unde me nosti? Respondit Jesus, & dixit ei: Priusquam te Philippus vocaret, cum esses sub ficu, vidi te. Respondit ei Nathanael, & ait: Rabbi, tu es Filius Dei, tu es Rex Israel. Respondit Jesus, & dixit ei: Quia dixi tibi: Vidi te sub ficu, credis: majus his videbis. Et dicit ei: Amen, amen dico vobis, videbitis cælum apertum, & Angelos Dei ascendentes, & descendentes supra Filium hominis.

Offertorium. Psalm. 8. Gloria & honore coronasti eum: & constituisti eum super opera manuum tuarum, Domine.

Secreta.

Sacrandum tibi, Domine, munus offerimus: quo beati Andree Apostoli solèmnia recolentes, purificationem quoque nostris mentibus imploramus. Per Dominum nostrum.

Communio. Joann. 1. Dicit Andreas Simoni fratri suo: Invenimus Messiam, qui dicitur Christus: & adduxit eum ad Jesum.

Postcommunio.

Percéptis, Domine, sacramentis suppliciter exoramus: ut, intercedente beato Andree Apostolo tuo, quæ pro illius veneranda gerimus passione, nobis proficiant ad medelam. Per Dominum.

¶ Si festum S. Andree venerit in Dominica, transfertur in sequentem diem Festo Duplici, vel Semiduplici non impeditam: quod & de aliis Festis Duplicibus in Dominicis Adventus occurrentibus servatur; & in illis semper fit commemoratio de Adventu. De Simplicibus autem toto Adventu fit tantum commemoratio.

Die xxx. Novembris.

IN FESTO S. ANDREÆ

Apostoli. Introitus. Psalm. 138.



Ihi autem nimis honorati sunt amici tui Deus: nimis confortatus est principatus eorum.

Psalm. ibid. Domine probasti me, & cognovisti me: ut cognovisti sessionem meam, & resurrectionem meam.

Glória Patri.

Oratio.

Majestatem tuam, Domine, suppliciter exoramus: ut sicut Ecclesiæ tuæ beatus Andreas Apostolus extitit prædicator & rector; ita apud te sit pro nobis perpetuus intercessor. Per Dominum.

Si fuerit in Adventu, fit commem. Feriæ. Lectio Epistolæ beati Pauli Apostoli ad Romanos. Rom. 10. b

Fratres, Corde enim creditur ad justitiam: ore autem confessio fit ad salutem. Dicit enim Scriptura: Omnis, qui credit in illum, non confundetur. Non enim est distinctio Judæi & Græci: nam idem Dominus omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo verò prædicabunt, nisi mittantur? sicut scriptum

ptum est: Quàm speciosí pedes euangelizantium pacem, euangelizantium bona! Sed non omnes obédiunt Euangelio. Isaias enim dicit: Dómine, quis crédidit audítui nostro? Ergo fides ex audítu, audítus autem per verbum Christi. Sed dico: Numquid non audierunt? Et quidem in omnem terram exívit sonus eórum, & in fines orbis terræ verba eórum.

Graduale. Psal. 44. Constitues eos principes super omnem terram: mémoires erunt nóminis tui, Dómine.

✠ Pro pátribus tuis nati sunt tibi filii: propterea pópuli confitebúntur tibi.

Allelúja, allelúja. ✠ Diléxit Andréam Dóminus in odórem suavitátis. Allelúja.

✠ **Sequéntia sancti Euangelii secundum Matthæum. Matth. 4. c**

In illo témpore: Ambulans Iesus juxta mare Galilææ, vidit duos fratres, Simónem, qui vocátur Petrus, & Andréam fratrem ejus, mittentes rete in mare (erant enim piscatóres) & ait illis: Veníte post me, & fáciam vos fieri piscatóres hóminum. At illi continuò, relíctis rétibus, secúti sunt eum. Et procedens inde vidit álios duos fratres, Jacobum Zebedæi, & Joánnem fratrem ejus, in navi cum Zebedæo patre eórum, reficientes rétia sua: & vocávit eos. Illi autem statim relíctis rétibus, & patre, secúti sunt eum. **Credo.**

Offertorium. Psalm. 138. Mihi autem nimis honoráti sunt amíci tui, Deus: nimis confortátus est principátus eórum. **Secreta.**

Sacrificium nostrum tibi, Dómine, quæsumus, beáti Andréæ Apóstoli precátio sancta concíliet: ut in cujus honóre solémniter exhibétur, ejus méritis efficiátur accéptum. Per Dóminum.

Præfatio de Apostolis. fol. 184.

Communio. Matth. 4. Veníte post me, fáciam vos fieri piscatóres hóminum: at illi continuò, relíctis rétibus, secúti sunt Dóminum. **Postcommunio.**

Sumpsimus, Dómine, divína mystéria, beáti Andréæ festivitáte læ-
Miss Monast.

tántes: quæ sicut tuis sanctis ad glóriam, ita nobis quæsumus, ad véniam prodéssé perficias. Per Dóminum.

FESTA DECEMBRIS.

Die ii. Decembris.

IN FESTO S. BIBIANÆ
virg. & mart. **Introitus. Psal. 118.**



Expectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis.

Psalm. ibid. Beáti immaculáti in via: qui ámbulant in lege Dómini.

✠ Glória Patri.

Oratio.

Deus, ómnium largitor bonórum, qui in sámula tua Bibiana cum virginitátis flore martyrii palmam conjunxisti: mentes nostras ejus intercessióne tibi charitáte conjúge; ut amóris perículis, præmia consequámur æterna. Per Dóminum.

Si celebretur in Adventu, secunda Oratio erit de Adventu; tertia de sancta Maria, Deus, qui de beátæ Mariæ Virginitatis útero. fol. 11. quæ terminatur sic: Per eúndem Dóminum nostrum Iesum Christum Fílium tuum: Qui tecum vivit.

Lectio libri Sapientiae. Eccli. 1. b

Domine Deus meus, exaltásti super terram habitatióem meam, & pro morte defluente deprecáta sum. Invocávi Dóminum Patrem Dómini mei, ut non derelínquat me in die tribulationis meæ, & in témpore superbórum sine adjutório. Laudábo nomen tuum assidue, & collaudábo illud in confessióne, & exaudíta est oratio mea. Et liberásti me de perditíone, & eripulsti me de témpore iníquo. Propterea confitebor, & laudem dicam tibi, Dómine Deus noster.

Graduale. Psalm. 45. Adjuvabit eam Deus vultu suo: Deus in médio ejus, non commovébitur. ✠ Flúminis impetus lætíficat civitátem Dei: sanctificávit tabernáculum suum Altíssimus.

T

Alle-

Allelúja, allelúja. *✠*. Hæc est virgo sapiens, & una denúmero prudentum. Allelúja.



Sequéntia sancti Euangélíi secúndum Matthæum. *Matth. 13. f*

In illo témpore: Dixit Iesus discipulis suis parabolam hanc: Símile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérsa quæ habet, & emit agrum illum. Iterum símile est regnum coelórum hómini negotiatóri quærénti bonas margaritas. Inventa autem una pretiósa margarita, ábiit, & vendidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegerunt bonos in vasa, malos autem foras miserunt. Sicerit in consummatione sæculi: Exibunt Angeli, & separábunt malos de médio iustórum, & mittent eos in caminum ignis: ibi erit fletus, & stridor dentium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno coelórum, similis est hómini patrifamílias, qui profert de thesauro suo nova & vétera.

Offertorium. Psalm. 44. Diffusa est grátia in lábiis tuis, propterea benedixit te Deus in ætérnum, & in sæculum sæculi.

Secreta.

Hostias tibi, Dómine, beátæ Bibiánæ vírginis & mártiris tuæ dicátas méritis, benígnus asúme: & ad perpétuum nobis tribue proveníre subsidium. Per Dóminum.

Communio. Psalm. 118. Feci iudícium, & iustítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis odio hábui.

Postcommunio.

Divini múnieris largitáte satiáti, quæsumus Dómine Deus noster: ut, intercedente beáta Bibiána vírgine & mártire tua, in ejus semper participatióne vivámus. Per Dóminum.

Die iii. Decembris.

IN FESTO S. FRANCISCI

Xaverii Confessoris.

Introitus.

Psalm. 118.



Oquébar de testimoniis tuis in conspéctu regum; & non confundébar: & meditábar in mandatis tuis, quæ diléxi nimis.

Psalm. 116.

Laudáte Dóminum omnes Gentes: laudáte eum omnes pópuli: quóniam confirmáta est super nos misericórdia ejus, & veritas Dómini manet in ætérnum.

✠. Glória Patri.

Oratio.

Deus, qui Indiárum Gentes beati Francisci prædicatione & miraculis Ecclesiæ tuæ aggregare voluisti: concède propitius; ut cujus gloriósa mérita venerámur, virtutum quoque imitémur exémpa. Per Dóminum.

Fit commemoratio Feriæ.

Lectio Epístolæ beati Pauli Apóstoli ad Romános. *Rom. 10. b*

Fratres, Corde enim créditur ad iustítiam: ore autem conféssio fit ad salutem. Dicit enim Scriptúra: Omnis, qui credit in illum, non confundetur. Non enim est distinctio Judæi & Græci: nam idem Dóminus ómnium, dives in omnes, qui invocant illum. Omnis enim, quicumque invocáverit nomen Dómini, salvus erit. Quomodo ergo invocábunt, in quem non crediderunt? Aut quomodo credent ei, quem non audierunt? Quomodo autem audient sine prædicante? Quomodo verò prædicábunt, nisi mittántur? sicut scriptum est: Quàm speciósi pedes euangelizántium pacem, euangelizántium bona! Sed non omnes obédiunt Euangélio. Isaias enim dicit: Dómine, quis credidit auditui nostro? Ergo fides ex auditu, auditus autem per verbum Christi. Sed dico: Numquid non audierunt? Et quidem in omnem terram exívit sonus eórum, & in fines orbis terræ verba eórum.

Graduale. Psalm. 91. Iustus ut palma florebit: sicut cedrus Libani multiplicabitur in

in domo Dómini. *Y.* Ad annuntiandum manè misericórdiam tuam, & veritatem tuam per noctem. *A.* llelúja, allelúja.

Y. Jac. 1. Beátus vir, qui suffert tentationem: quóniam cum probátus fuerit, accipiet coronam vitæ. Allelúja.



*S*equéntia sancti Euangélíi secúndum Marcum. *Marci 16. c.*

IN illo témpore: Dixit Iesus discipulis suis: Eúntes in mundum univérsum, prædicáte Euangélium omni creaturæ. Qui crediderit, & baptizátus fuerit, salvus erit: qui verò non crediderit, condemnábitur. Signa autem eos, qui crediderint, hæc sequéntur. In nómine meo dæmónia ejicient: linguis loquéntur novis: serpéntes tollent: & si mortíferum quid biberint, non eis nocébit: super ægros manus impónent, & benè habébunt.

Offertorium. Psal. 88. V. éritas mea, & misericórdia mea cum ipso: & in nómine meo exaltábitur cornu ejus. *Secreta.*

Præsta nobis, quæsumus, omnipotens Deus: ut nostræ humilitátis oblatio, & pro tuórum tibi grata sit honóre Sanctórum, & nos corpore páriter, & mente purificet. Per Dóminum.

Communio. Matth. 24. B. eátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

Quæsumus, omnipotens Deus: ut qui coeléstia aliménta percépimus, intercedente beáto Francíscō Confessóre tuo, per hæc contra ómnia adversa muniámur. Per Dóminum.

Die iv. Decembris.

IN FESTO S. PETRI CHRYSOLOGI

Episcopi & Confessoris.

Introitus.

Eccli. 15.



IN médio Ecclésiæ apérúit os ejus: & implévit eum Dóminus spírítu sapiéntiæ & intelléctus: stolam glóriæ induit eum.

Psal. 91. B. onum est confitéri Dómi-

no: & psállere nómini tuo, Altíssime.

Y. Glória Patri.

Oratio.

Deus, qui beátum Petrum Chrysologum, Doctórem egrégium, divinitus præmonstrátum, ad regéndam, & instruéndam Ecclésiám tuam éligi voluísti: præsta, quæsumus; ut quem Doctórem vitæ habuimus in terris, Intercessórem habére mereámur in coelis. Per Dóminum.

Deinde fit commemoratio Feriæ.

Posteà S. Barbaræ virginis & martyris.

Oratio.

Deus, qui inter cétera poténtiæ tuæ miracula, étiam in sexu fragili victóriam martyrii contulísti: concede propítius; ut qui beátæ Bárbaræ virginis, & mártiris tuæ natalítia cólimus, per ejus ad te exémpa gradiámur. Per Dóminum nostrum.

*L*ectio Epístolæ beáti Pauli Apóstoli ad Timótheum. *2. Tim. 4.*

Charíssime, Testificor coram Deo, & Jesu Christo, qui judicáturus est vivos & mórtuos, per advéntum ipsius, & regnum ejus: prædica verbum, insta opportúnè, importúnè: argue, óbseca, increpa in omni paciéntia, & doctrína. Erit enim tempus, cum sanam doctrínam non sustinébunt: sed ad sua desidéria coacervábunt sibi magístros, pruriéntes auribus, & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Euangelístæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solúm autem mihi, sed & iis, qui díligunt advéntum ejus.

Graduale. Eccli. 44. E. cce facérdos magnus, qui in diébus suis plácuít Deo.

Y. Non est invéntus similis illi, qui cōserváret legem Excélsi. *A.* llelúja, allelúja.

Y. Psal. 109. Tu es facérdos in ætérnum, secúndum órđinem Melchisedech. Allelúja.



Sequentia sancti Evangelii secundum Matthæum. **Matth. 5. b**

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum: ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. **Dicitur Credo.**

Offertorium. Psalm. 91. Justus ut palma florebit: sicut cedrus, quæ in Libano est, multiplicabitur. **Secreta.**

Sancti tui Petri Chrysologi, nobis Domine, pia non desit oratio: quæ & mûnera nostra conciliet, & tuam nobis indulgentiam semper obtineat. Per Dñm.

Deinde fit commemoratio Ferie.

Postea S. Barbaræ virg. Secreta.

Suscipe, Domine, mûnera, quæ in beatæ Barbaræ virginis & martyris tuæ solemnitate deferimus: cujus nos confidimus patrocínio liberari. Per Dñm.

Communio. Matth. 24. Domine, quinquæ talenta tradidisti mihi, ecce alia quinquæ superlucratus sum: euge serve bone & fidelis: quia in pauca fuisti fidelis, supra multa te constituam, intra in gaudium domini tui. **Postcommunio.**

Ut nobis, Domine, tua sacrificia dent salutem: beatus Petrus Chrysologus, Pontifex tuus, & Doctor egregius, quæsumus, precator accedat. Per Dñm.

Deinde fit commemoratio Ferie.

Postea de S. Barbara. Postcommunio.

Auxilientur nobis, Domine, sumpta mysteria: & intercedente beata Barbara virgine & martyre tua, sempiterna faciant protectione gaudere. Per Dñm nostrum.

Die v. Decembris.

Pro commemoratione S. Sabbæ Abbatis. Oratio.


Intercessio nos, quæsumus, Domine, beati Sabbæ Abbatis commendet: ut quod nostris meritis non valemus, ejus patrocínio assequamur. Per Dñm. **Secreta.**

Sacris altaribus, Domine, hostias superpositas sanctus Sabbas, quæsumus, in salutem nobis provenire deposcat. Per Dñm. **Postcommunio.**

Protegat nos, Domine, cum tuiperceptione sacramenti beatus Sabbas pro nobis intercedendo: ut & conversationis ejus experiâmur insignia, & intercessionis percipiamus suffragia. Per Dñm nostrum.

Die vi. Decembris.

I N F E S T O S. N I C O L A I
Episc. & Confess. Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in æternum. **Psalm. 131.** Memento Domine David, & omnis mansuetudinis ejus.

v. Gloria Patri. Oratio.
Deus, qui beatum Nicolæum Pontificem innúmeris decorasti miraculis: tribue, quæsumus; ut ejus meritis, & precibus à gehennæ incendiis liberemur. Per Dñm.

Et fit commemoratio Ferie.
Lectio Epistolæ beati Pauli Apostoli ad Hebræos. **Hebr. 13. b**

Fratres, Mementote præpositorum vestrorum, qui vobis locuti sunt verbum Dei: quorum intuentes exitum conversationis, imitâmini fidem. Jesus Christus heri, & hodie: ipse & in sæcula. Doctrinis variis, & peregrinis nolite

te abduci. Optimum est enim gratia stabilis recor, non escis, quæ non profuerunt ambulātib; in eis. Habemus altare, de quo edere non habent potestatem, qui tabernaculo deserviunt. Quorum enim animālium infertur sanguis pro peccato in Sancta per Pontificem, horum corpora cremantur extra castra. Propter quod & Jesus, ut sanctificaret per suum sanguinem populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem, sed futuram inquirimus. Per ipsum ergo offeramus hostiam laudis semper Deo, id est, fructum labiorum confitentium nomini ejus. Beneficentiæ autem, & communionis nolite oblivisci: talibus enim hostiis promeretur Deus. Obedite præpositis vestris, & subjacete eis. Ipsi enim pervigilant, quasi rationem pro animabus vestris reddituri.

Graduale. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. *Ps.* Nihil proficiet inimicus in eo, & filius iniquitatis non nocēbit ei. **A**lleluja, alleluja.

Psal. 91. Justus ut palma florebit: sicut cedrus Libani multiplicabitur. Alleluja.



Sequentia sancti Evangelii secundum Matthæum. **Matth. 25.**

IN illo tempore: Dixit Jesus discipulis suis parabolam hanc: Homo peregre proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii vero unum, unusquisque secundum propriam virtutem, & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam domini sui. Post multum vero temporis venit dominus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens:

Miss. Monast.

Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone & fidelis, quia super pauca fuisti fidelis, super multa te constituam, intra in gaudium domini tui. Accessit autem & qui duo talenta acceperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone & fidelis, quia super pauca fuisti fidelis, super multa te constituam, intra in gaudium domini tui.

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Sanctifica, quæsumus, Domine Deus, hæc munera, quæ in solemnitate sancti Antistitis tui Nicolai offerimus: ut per ea, vita nostra inter adversa & prospera ubique dirigatur. Per Dominum.

Communio. ibid. Semel juravi in sancto meo: semen ejus in æternum manebit: & sedes ejus sicut sol in conspectu meo, & sicut luna perfecta in æternum: & testis in cælo fidelis. **Postcommunio.**

Sacrificia, quæ sumpsimus, Domine, pro solemnitate sancti Pontificis tui Nicolai, sempiterna nos protectione conservent. Per Dominum.

Die vii. Decembris.

IN FESTO S. AMBROSII
Episc. Confess. & Ecclesie Doctoris.

Introitus. Eccli. 15.



IN medio Ecclesie aperuit os ejus: & implevit eum Dominus spiritu sapientie & intellectus: stolam glorie induit eum.

Psal. 91. Bonum est confiteri Domino: & psallere nomini tuo, Altissime. *Ps.* Gloria Patri.

Oratio.

Deus, qui populo tuo æternæ salutis beatum Ambrosium ministrum tribuisti: præsta quæsumus; ut quem Doctorem vitæ habuimus in terris, Intercessorem habere mereamur in cælis. Per Dominum.

Et fit commemoratio Ferie.

T 3

Le

Lectio Epistolæ beati Pauli Apostoli
ad Timotheum. **2. Tim. 4.**

Charissime, Testificor coram Deo,
& Jesu Christo, qui iudicaturus est
vivos & mortuos, per adventum ipsius,
& regnum ejus: prædica verbum, instā
opportune, importune: argue, obsecra,
increpa in omni patientia, & doctrina.
Erit enim tempus, cum sanam doctrinam
non sustinebunt: sed ad sua desideria co-
cervabunt sibi magistros, pruriētes auri-
bus, & a veritate quidem auditum aver-
tent, ad fabulas autem convertentur. Tu
verò vigila, in omnibus labora, opus fac
Evangelistæ, ministerium tuum imple.
Sobrius esto. Ego enim jam delibor, &
tempus resolutionis meæ instat. Bonum
certamen certavi, cursum consumma-
vi, fidem servavi. In reliquo repōita
est mihi corona justitiæ, quam reddet
mihi Dominus in illa die, justus iudex:
non solum autem mihi, sed & iis, qui
diligunt adventum ejus.

Graduale. Eccli. 44. Ecce sacerdos ma-
gnus, qui in diebus suis placuit Deo.

Psalm. 109. Juravit Dominus, & non
poenitebit eum: Tu es sacerdos in
æternum, secundum ordinem Melchi-
sedech. Alleluya.

Sequētia sancti Evangelii secun-
dum Matthæum. **Matth. 5. b**

In illo tempore: Dixit Jesus discipulis
suis: Vosestis sal terræ. Quod si sal
evanuerit, in quo salietur? ad nihil-
lum valet ultra, nisi ut mittatur foras, &
conculcetur ab hominibus. Vosestis lux
mundi. Non potest civitas abscondi su-
pra montem posita. Neque accendunt lu-
cernam, & ponunt eam sub modio, sed
super candelabrum: ut luceat omnibus
qui in domo sunt. Sic luceat lux vestra co-
ram hominibus, ut videant opera vestra
bona, & glorificent Patrem vestrum, qui
in coelis est. Nolite putare quoniam veni
solvere legem, aut Prophetas: non veni
solvere, sed adimplere. Amen quippe
dico vobis, donec transeat coelum & ter-

ra, iota unum, aut unus apex non præte-
rbit à lege, donec omnia fiant. Qui ergo
solverit unum de mandatis istis minimis,
& docuerit sic homines, minimus voca-
bitur in regno coelorum: qui autem fe-
cerit & docuerit, hic magnus vocabi-
bitur in regno coelorum. **Credo.**

Offertorium. Psalm. 88. Veritas mea, &
misericordia mea cum ipso: & in nomine
meo exaltabitur cornu ejus. **Secreta.**

Omnipotens sempiternæ Deus, mū-
nera tuæ majestati oblata, per inter-
cessionem beati Ambrosii Confessoris
tui atque Pontificis, ad perpetuam nobis
fac provenire salutem. Per Dominum.

Communio. ibid. Semel juravi in sancto
meo: semen ejus in æternum manebit: &
sedes ejus sicut sol in conspectu meo, &
sicut luna perfecta in æternum: & testis
in coelo fidelis. **Postcommunio.**

Sacramenta salutis nostræ suscipien-
tes, concede quaesumus, omnipotens
Deus: ut beati Ambrosii Confessoris tui
atque Pontificis nos ubique oratio adju-
vet, in cujus veneratione hæc tuæ ob-
tulimus majestati. Per Dominum.

Die viii. Decembris.

IN CONCEPTIONE Beatæ Mariæ Virginis.

Introitus. Sedulius.



Alve sancta parens, eni-
xa puérpera Regem: qui
coelum terramque regit in
sæcula sæculorum.

Psalm. 44. Eructavit cor
meum verbum bonum:

dico ego opera mea Regi.

Glória Patri.

Oratio.

Famulis tuis, quaesumus Domine,
coelestis gratiæ munus impertire:
ut quibus beatæ Virginis partus extitit
salutis exordium, Conceptionis ejus
votiva sollemnitas, pacis tribuat incre-
mentum. Per Dominum.

Et fit commemoratio Feriæ.

Lectio libri Sapientiae. Prov. 8. c

Dominus possedit me in initio vi-
arum suarum, antequam quidquam
faceret à principio. Ab æterno ordinata
sum,

DIE VIII DECEMBRIS IN SOLEMNITATE

IMMACULATAE CONCEPTIONIS

BEATISSIMAE VIRGINIS MARIAE

EREMITARUM CAMALDULENSIUM MONTIS CORONAE
PRINCIPALIS PATRONAE.

Introitus.

Egredimini, et videte, filiae Sion, Reginam vestram, quam laudant astra matutina: cujus pulchritudinem sol, et luna mirantur; et jubilent omnes filii Dei.

Psalm. 83. Quam dilecta tabernacula tua, Domine virtutum! concupiscit, et deficit anima mea in atria Domini.
V. Gloria Patri.

Oratio.

Deus, qui per Immaculatam Virginis Conceptionem dignum Filio tuo habitaculum praeparasti: quaesumus; ut, qui ex morte ejusdem Filii sui praevisa, eam ab omni labe praeservasti; nos quoque mundos, ejus intercessionem, ad te pervenire concedas. Per eundem Dominum.

Deinde fit commemoratio. Feriae occurrentis.
Lectio libri Sapientiae Prov. 8.

Dominus possedit me in initio viarum suarum, antequam quidquam faceret a

principio. Ab aeterno ordinata sum, et ex antiquis, antequam terra fieret. Nondum erant abyssi, et ego jam concepta eram: necdum fontes aquarum eruperant; necdum montes gravi mole constiterant ante colles ego parturiebar: adhuc terram non fecerat, et flumina, et cardines orbis terrae. Quando praeparabat coelos, aderam: quando certa lege, et gyro vallabat abyssos; quando aethera firmabat sursum, et librabat fontes aquarum: quando circumdabat mari terminum suum, et legem ponebat aquis, ne transirent fines suos: quando appendebat fundamenta terrae. Cum eo eram, cuncta componens; et delectabar per singulos dies, ludens coram eo omni tempore, ludens in orbe terrarum; et deliciae meae, esse cum filiis hominum. Nunc ergo, filii, audite me: Beati qui custodiunt vias meas. Audite disciplinam, et estote sapientes, et nolite abjicere eam. Beatus homo, qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino.

Graduale. Qualis est dilecta nostra, charissimi? Qualis est Mater, dicite, Domini? qualis, et quanta sit soror, et sponsa Christi.

℣. Dilecta nostra candida, immaculata quasi aurora consurgens. Alleluja, alleluja.

℣. Veni, Regina nostra; veni, Domina, in hortum odoris super omnia aromata, Alleluja.

Tempore Paschali omittitur Graduale, et additur sequens ℣. Virga Jesse floruit; Virgo Deum, et hominem genuit: pacem Deus reddidit, in se reconcilians ima summis. Alleluja.

Post Septuag. omissis Alleluja, et ℣. seq. dicitur Tractus. Gaude, Maria Virgo, cunctas haereses sola interemisti.

℣. Quae Gabrielis Archangeli dictis credidisti.

℣. Dum virgo Deum, et hominem genuisti et post partum virgo inviolata permansisti.

℣. Dei genitrix, intercede pro nobis.
✙ Sequentia sancti Evangelii secundum Lucam. Luc. 11. d.

In illo tempore: Loquente Jesu ad turbas, extollens vocem quaedam mulier de turba, dixit illi: Beatus venter, qui te portavit, et ubera, quae suxisti. At ille dixit: Quinimo beati, qui audiunt verbum Dei, et custodiunt illud. Credo, et dicitur per totam Octavam, etiam in Festis infra eam occurrentibus.

Offertorium. Hortus conclusus, fons signatus, emissiones tuae paradus, o Maria: manus tuae stillaverunt myrrham, mellifluoque facti sunt coeli, dum manu Domini fabricata es Mater tanti Dei.

Secreta.

Suscipere digneris per te ipsum benignitatis auctorem, rogamus, Domine, Martis, ac domus tuae zelatorum devotas cum hilaritate supplicationes: ut, sicut ipsa, tua gratia praeveniente, mundo (hodie) immunis apparuit; ita ipsi

mundam de tuae Matris munere, te concedente, exhibeant gratiarum actionem. Per te ipsum Jesum Christum Filium ejus: Qui vivis, et regnas cum Deo Patre, etc.

Illud (hodie) hic, et in Postcommunione omittitur extra Octavam, ac etiam in Officio per Annum, et in votivo.

Praefatio de beata Maria Virg. Et te in Conceptione Immaculata, quae dicitur per totam Octavam, etiam in Festis non habentibus propriam; et quando fit Offic. per Ann. insab., Sac in Missis votiv.

Communio. Gloriosa dicta sunt de te, Maria: quia fecit tibi magna, qui potens est.

Postcommunio.

Odorem, Domine, sacrificii hujus suscipe suavitatis, et praesta: ut, qui (hodie) Mariae Conceptionem Immaculatam jubilando celebrant; ejus salubri oratione, fructum centuplum suae devotionis accipiant. Per Dominum.

Infra Octav. Immaculae Conceptionis B. M. V. secunda Oratio dicitur de Feria, tertia de Spiritu sancto, nisi occurrat Festum Duplex, aut Semiduplex, quia tunc fit de eo cum commemorat. Octavae et Feriae.

Quando vero in Sabbato per Annum fit Offic. de Immaculata Conceptione, secunda Oratio erit de Spiritu sancto, tertia Ecclesiae; vel pro Papa; et si occurrat commemoratio alicujus Sancti, ea ponitur secundo loco, et tertia Oratio erit illa, quae alias secundo loco dicenda erat.

Die XV Decembris.

IN OCTAVA IMMACULATAE
CONCEPTIONIS B. MARIAE V.

Missa, ut in die, cum commemoratione Feriae.

Si hodie occur. Fer. iv. Quat. Temp. in Eccles. ubi dicuntur duae Missae, erit una de Oct., altera de Fer. cum Orationib. assignatis, et in hac Missa, et sequentibus Quatuor Temp. dicitur semper Praefatio communis.

sum, & ex antiquis, antequam terra fieret. Nondum erant abyssi, & ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terra non fecerat, & flumina, & cardines orbis terrae. Quando praeparabat coelos, aderam: quando certa lege, & gyro vallabat abyssos: quando aethera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terrae. Cum eo eram, cuncta componens, & delectabar per singulos dies, ludens coram eo omni tempore, ludens in orbe terrarum: & deliciae meae, esse cum filiis hominum. Nunc ergo, filii, audite me: Beati, qui custodiunt vias meas. Audite disciplinam, & estote sapientes, & nolite abjicere eam. Beatus homo, qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem a Domino.

Graduale. Benedicta, & venerabilis es, virgo Maria: quae sine tactu pudoris inventa es Mater Salvatoris.

✠. Virgo Dei Genitrix, quem totus non capit orbis, in tua se clausit viscera, factus homo. **Alleluja, alleluja.**

✠. Felix es, sacra virgo Maria, & omni laude dignissima: quia ex te ortus est sol justitiae, Christus Deus noster. **Alleluja.**

✠ **Initium sancti Evangelii secundum Matthaeum. Matth. 1.**

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit

Jesse. Jesse autem genuit David regem. David autem rex genuit Salomonem ex ea, quae fuit Uriae. Salomon autem genuit Roboam. Roboam autem genuit Abiam. Abias autem genuit Asa. Asa autem genuit Josaphat. Josaphat autem genuit Joram. Joram autem genuit Oziam. Ozias autem genuit Joatham. Joatham autem genuit Achaz. Achaz autem genuit Ezechiam. Ezechias autem genuit Manassén. Manasses autem genuit Amon. Amon autem genuit Josias. Josias autem genuit Jechoniam, & fratres ejus in transmigratione Babylonis. Et post transmigrationem Babylonis: Jechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Joseph virum Mariae, de qua natus est Jesus, qui vocatur Christus.

Crede. Et dicitur per totam Octavam, etiam in Festis infra eam occurrentibus.

Offertorium. Beata es, virgo Maria, quae omnium portasti Creatorem: genuisti, qui te fecit, & in aeternum permanes virgo. **Secreta.**

Unigeniti tui, Domine, nobis succurrat humanitas: ut, qui natus de Virgine, matris integritatem non minuit, sed sacravit; in Conceptionis ejus sollemniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit, & regnat.

Praefatio de B. Virgine. Et in Conceptione. fol. 183. **Et dicitur etiam in Festis infra Octavam.**

Communio. Beata viscera Mariae virginis, quae portaverunt aeterni Patris Filium. **Postcommunio.**

Sumpimus, Domine, celebritatis annuae votiva sacramenta: praesta, quaesumus; ut & temporalis vitae nobis remedia praebeant, & aeternae. Per Dominum.

Die ix. Decembris.

Infra Oct. Concept. B. Mariæ, & in die Oct. dicitur Missa sicut in die Festi, sed infra Oct. dicitur secunda Oratio Ferialis, tertia de Spiritu sancto, nisi hæc occurrat dici de aliquo Festo Simplici.

Die x. Decembris.

Pro commemoratione S. Melchiadis Papæ, & martyris. **Oratio.**

Infirmi-
tatem nostram respice omnipotens Deus: & quia pondus propriæ actionis gravat, beati Melchiadis martyris tui atque Pontificis intercessio gloriosa nos protegat. Per Dominum.

Secreta.

Hostias tibi, Domine, beati Melchiadis martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum.

Postcommunio.

Refecti participatione muneris sacri, quæsumus, Domine Deus noster: ut cuius exequimur cultum, intercedente beato Melchiade martyre tuo atque Pontifice, sentiamus effectum. Per Dominum.

Die xi. Decembris.

IN FESTO S. DAMASI
Papæ & Confessoris.

Introitus. Psal. 131.

Acerdotes tui, Domine, induant iustitiam, & Sancti tui exultent: propter David servum tuum non avertas faciem Christi tui.

Psal. ibid. Memento, Domine, David, & omnis mansuetudinis ejus. **V.** Gloria Patri.

Oratio.

Exaudi Domine, preces nostras, & interveniente beato Damaso Confessore tuo atque Pontifice, indulgentiam nobis tribue placatus, & pacem. Per Dominum.

Et sit commemor. de Oct. Conceptionis B. Mariæ. Famulis tuis. fol. 294. & Ferialis.

Lectio Epistolæ beati Pauli Apostoli ad Hebræos. **Hebr. 7. d**

Fratres, Plures facti sunt sacerdotes, idcirco quod morte prohiberentur permanere: Jesus autem, eo quod maneat in æternum, sempiternum habet sacerdotium. Unde & salvare in perpetuum potest accedentes per semetipsum ad Deum: semper vivens ad interpellandum pro nobis. Talis enim decebat, ut nobis esset Pontifex, sanctus, innocens, impollutus, segregatus a peccatoribus, & excelsior coelis factus: qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel, seipsum offerendo, Jesus Christus Dominus noster.

Graduale. Eccli. 44. Ecce sacerdos magnus, qui in diebus suis placuit Deo. **V.** Non est inventus similis illi, qui conservaret legem Excelsi. **A**llelúja, allelúja. **V.** Tu es sacerdos in æternum, secundum ordinem Melchisedech. Allelúja.



Sequentia sancti Evangelii secundum Matthæum. **Matth. 24. d**

In illo tempore: Dixit Jesus discipulis suis: Vigiláte, quia nescitis, qua hora Dominus vester venturus sit. Illud autem scitote, quoniam si sciret paterfamilias, qua hora fur venturus esset, vigilaret utique, & non sineret perfodi domum suam. Ideo & vos estote parati: quia qua nescitis hora Filius hominis venturus est. Quis, putas, est fidelis servus, & prudens, quem constituit dominus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum. **C**redo.

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Accépta tibi sit, Domine, sacratæ plebis oblatio, pro tuorum honore

re Sanctorum: quorum se meritis percipisse de tribulatione cognoscit auxilium. Per Dominum nostrum.

Pro Octava Conceptionis. Unigeniti tui. fol. 295.

Communio. Matth. 25. Domine, quinque talenta tradidisti mihi, ecce alia quinque superlucratus sum: euge serve bone, & fidelis: quia in pauca fuisti fidelis, supra multa te constituam: intra in gaudium domini tui. **Postcommunio.**

DA, quaesumus, Domine, fidelibus populis, Sanctorum tuorum semper veneratione laetari: & eorum perpetua supplicatione muniri. Per Dominum nostrum.

Pro Octava Conceptionis. Sumpsimus, Domine. fol. 295.

Die xiii. Decembris.

I N F E S T O S. L U C I Æ

virginis & mart. Introitus. Psal. 44.



Dilexisti iustitiam, & odisti iniquitatem: propterea unxit te Deus, Deus tuus, oleo laetitiae praesortibus tuis. **Psal. ibid. E**ructavit cor meum verbum bo-

num: dico ego opera mea Regi.

Glória Patri. Oratio.

EXaudi nos, Deus salutaris noster: ut sicut de beatæ Luciae virginis, & martyris tuæ festiuitate gaudemus, ita piæ devotionis erudiāmur affectu. Per Dominum nostrum.

Pro Oct. Concept. B. Mariæ. Famulis tuis. fol. 294. & **Feriæ.**

Lectio Epistolæ beati Pauli Apostoli ad Corinthios. **2. Cor. 10. d & 11.**

Fratres, Qui gloriatur, in Domino gloriatur. Non enim, qui seipsum commendat, ille probatus est: sed quem Deus commendat. Utinam sustineretis modicum quid insipientiæ meæ: sed & supportate me. Æmulor enim vos Dei æmulatione. Despondi enim vos uni viro virginem castam exhibere Christo.

Graduale. Psal. 44. Dilexisti iustitiam, & odisti iniquitatem. **Ps.** Propterea unxit te Deus, Deus tuus, oleo laetitiae.

Allelúja, allelúja. **Ps.** Diffusa est grátia in lábiis tuis, propterea benedixit te Deus in ætérnum. Allelúja.



Sequéntia sancti Euangélíi secúndum Matthæum. **Matth. 13. f**

IN illo tēpore: Dixit Iesus discipulis suis parabolam hanc: Símile est regnum cœlórú thesauro abscondito in agro: quem qui inuenit homo, abscondit, & præ gaudio illius vadit, & vendit uniuersa quæ habet, & emit agrum illum. Iterum símile est regnum cœlórú hómini negotiatóri quærenti bonas margaritas. Inuenta autem una pretiosa margarita, abiit, & vendidit omnia quæ habuit, & emit eam. Iterum símile est regnum cœlórú sagénæ missæ in mare, & ex omni genere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras miserunt. Sic erit in consummatione sæculi: Exibunt Angeli, & separábunt malos de médio iustórum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cœlórú, símilis est hómini patrifamílias, qui profert de thesauro suo nova & vétera.

Credo.

Offertorium. Psalm. 44. Afferéntur Regi vírgines post eam, próximæ ejus afferéntur tibi in lætítia, & exultatione: adducéntur in templum Regi Dómino.

Secreta.

Accépta tibi sit, Domine, sacratæ plebis oblátio, pro tuórum honóre Sanctorum: quorum se meritis percipisse de tribulatione cognoscit auxilium. Per Dominum nostrum.

Pro Oct. Concept. Unigeniti tui. fol. 295.

Communio. Psal. 118. Principes persecuti sunt me grátis, & à verbis tuis formidávit cor meum: lætabor ego super elóquia tua, quasi qui inuenit spolia multa. **Postcommunio.**

Satiásti, Domine, familiam tuam muneribus sacris: ejus, quaesumus, semper

per interventióne nos réfove, cuius so-
lémnia celebrámus. Per Dóminum.

*Pro Oct. Conceptionis. Súmplimus,
Dómine. fol. 295.*

Die xiv. Decembris.

IN FESTO SANCTI DOMINICI

*Abbatis Silensis, Missa. Os justi, ut
in Comuni Abbatum excepta pri-
ma Oratione. Oratio.*

Deus, qui Ecclesiám tuam beáti
Domínici Confessóris tui præcláris
vitæ méritis decorásti, & in liberándis
captívis, gloriósis lætificásti miraculis:
concéde nobis fámulis tuis; ut & ipsius
instruámur exémpis, & ab omni vi-
tíorum servitúte, ejus patrocínio libe-
rémur. Per Dóminum.

*Et fit commem. Conceptionis B. Mariæ
Virginis, & Feriæ. Dicitur Credo.
ratione Octavæ.*

Die xv. Decembris.

*In Octav. Concept. B. Mariæ, Missa
ut in die, cum commem. Feriæ tantum.*

*Si hodie occurrat Feria Quatuor
Temporum, in Ecclesiis Cathedralibus,
& Collegiatis dicuntur duæ Missæ, una
de Octava sine commem. altera de Feria
cum Orationibus assignatis; & in hac
Missa & sequentibus Quatuor Temp.
dicitur semper Præfatio Communis.*

Die xvi. Decembris.

IN FESTO S. EUSEBII

Episcopi Vercellensis, & mart.

*Missa. Sacerdotes Dei, ut in Cōiunius
Mart. Pontif. cum commem. Feriæ.*

Die xx. Decembris.

IN VIGILIA S. THOMÆ


*dicitur Missa, Ego autem sicut oli-
va. de Comuni, in Vigilia unius
Apostoli. fol. i. cum commemoratio-
ne Feriæ Adventus: & in ea serve-
tur Rubrica posita in Vigilia sancti
Andree. fol. 288.*

*Si autem hæc Vigilia venerit in
Quatuor Temporibus, de ea fit tan-
tum commemoratio.*

Die xxi. Decembris.

IN FESTO S. THOMÆ

Apostoli. Introitus. Psal. 138.



Mhi autem nimis honorati
sunt amici tui Deus: nimis
confortatus est principá-
tus eórum.

*Psal. ibid. Dómine probá-
sti me, & cognovisti me:
tu cognovisti sessionem meam, & resur-
rectionem meam. V. Glória Patri.*

Oratio.

DA nobis, quæsumus, Dómine, beá-
ti Apostoli tui Thomæ solemni-
tátibus gloriári: ut ejus semper & patro-
cínis sublevémur, & fidem congrua de-
votíone sectémur. Per Dóminum.

Et fit commemoratio Feriæ.

*Lectio Epistolæ beati Pauli Apostoli
ad Ephésios. Ephes. 2. d*

FRatres, Jam non estis hóspites, &
ádivenæ: sed estis cives Sanctórum,
& doméstici Dei: superædificáti super
fundaméntum Apostolorum, & Prophe-
tárum, ipso summo angulári lapide Chri-
sto Jesu: in quo omnis ædificatio con-
strúcta crescit in templum sanctum in
Dómino: in quo & vos coædificámini
in habitáculum Dei, in Spíritu.

*Graduale. Psal. 138. Nimis honorati sunt
amici tui, Deus: nimis confortatus est
principátus eórum. V. Dinumerábo eos:
& super arénam multiplicabúntur.*

*Allelúja, allel. V. Ps. 32. Gaudéte justi in
Dño: rectos decet collaudátio. Allelúja.*



*Sequentia sancti Evangelii secún-
dum Joánnem. Joann. 20. f*

IN illo témpore: Thomas, unus de
duódecim, qui dicitur Dídyms, non
erat cum eis, quando venit Jesus.
Dixerunt ergo ei álíi discípuli: Vídimus
Dóminum. Ille autem dixit eis: Nisi ví-
dero in mánibus ejus fixúram clavórum,
& mittam dígitum meum in locú clavó-
rum, & mittam manum meam in latus
ejus, non credam. Et post dies octo, íte-
rùm erant discípuli ejus intus, & Thomas
cum eis. Venit Jesus jánuis clausis, & ste-
tit in médio, & dixit: Pax vobis. Deínde
dicit

dicit Thomæ: Infer digitum tuum huc: & vide manus meas, & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Dominus meus, & Deus meus. Dixit ei Jesus: Quia vidisti me, Thoma, credidisti: beati, qui non viderunt, & crediderunt. **Credo.**

Offertorium. Psal. 18. In omnem terram exiit sonus eorum: & in fines orbis terræ verba eorum. **Secreta.**

Debitum tibi, Domine, nostræ reddimus servitutis, suppliciter exorantes: ut suffragiis beati Thomæ Apostoli in nobis tua mûnera tuearis, cujus honoranda confessione, laudis tibi hostias immolamus. Per Dominum.

Præfatio de Apostolis. fol. 184.

Cômunio. Joan. 20. Mitte manum tuam, & cognosce loca clavorum: & noli esse incredulus, sed fidelis. **Postcommunio.**

Adesto nobis, misericors Deus: & intercedente pro nobis beato Thoma Apostolo, tua circa nos propitiatus dona custodi. Per Dominum.

FESTA JANUARIi.

Die xi. Januarii.

¶ Pro commemoratione S. Hygini Papæ & martyris. Oratio.

Infirmitatem nostram respice omnipotens Deus: & quia pondus propriæ actionis gravat, beati Hygini martyris tui atque Pontificis intercessio gloriosa nos protegat.

Tertia Oratio dicitur de S. Maria, nisi venerit in Dominica.

Deus, qui salutis æternæ, beatæ Mariæ virginitate foecunda, humano generi præmia præstitisti: tribue, quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum. Qui tecum vivit.

Pro sancto Hygino. Secreta.

Hostias tibi, Dñe, beati Hygini martyristui atque Pontificis dicatas meritis, benignus assûme: & ad perpetuum nobis tribue provenire subsidium.

De sancta Maria. Secreta.

Muneribus nostris, quæsumus, Domine, precibusque susceptis: & coeléstibus nos munda mysteriis, & clementer exaudi. Per Dominum.

Pro sancto Hygino. Postcommunio.

Refecti participatione muneris facri, quæsumus, Domine Deus noster: ut cujus exequimur cultum, intercedente beato Hygino martyre tuo atque Pontifice, sentiamus effectum.

De sancta Maria. Postcommunio.

Hæc nos commûnio, Domine, purget à crimine, & intercedente beata virgine Dei Genitrice Maria, coeléstis remédii faciat esse còsortes. Per eundem Dominum.

Die xii. Januarii.

Fit de Oct. Epiphaniæ, cum cõmem. S. Benedicti Abbatis in Anglia. Oratio.

Deus, cujus virtute beatus Benedictus Confessor tuus contra mundi illécebras viriliter decertavit in terris: concede propitius; ut ejus exempla sectantes, cum ipso coronari mereamur in coelis. Per Dominum.

Reliquæ Oratione s, ut in Cõi Abbatum.

Dominica secunda po Epiphaniam.

IN FESTO SS. NOMINIS JESU.

Introitus. Phil. 2.

In nomine Jesu omne genu flectatur, celéstium, terrestrium, & infernorum: & omnis lingua confiteatur, quia Dominus Jesus Christus in glória est Dei Patris. **Psalm. 8.** Domine Dominus noster, quàm admirabile est nomen tuum in univérfa terra!

Glória Patri. Oratio.

Deus, qui Unigénitum Filium tuum constituisti humani generis Salvatorem, & Jesum vocari iussisti: concede propitius; ut cujus sanctum Nomen veneramur in terris, ejus quoque aspectu perfruamur in coelis. Per eundem Dominum nostrum.

Deinde fit commemoratio Dominicæ.

Lé-

Lectio Actuum Apostolorum. **Act. 4.**

In diebus illis: Petrus Spiritu sancto repletus, dixit: Principes populi, & seniores audite: Si nos hodie dijudicamur in beneficio hominis infirmi, in quo iste salvus factus est: notum sit omnibus vobis, & omni plebi Israel, quia in nomine Jesu Christi Nazaréni, quem vos crucifixistis, quem Deus suscitavit à mortuis, in hoc iste astat coram vobis sanus. Hic est lapis, qui reprobatus est à vobis aedificantibus: qui factus est in caput anguli: & non est in alio aliquo salus. Nec enim aliud nomen est sub coelo datum hominibus, in quo oporteat nos salvos fieri.

Graduale. Psal. 105. Salvos fac nos Domine Deus noster, & congrega nos de nationibus: ut confiteamur nomini sancto tuo, & gloriemur in gloria tua.

Ps. 118. 63. Tu Domine, pater noster, & redemptor noster, à sæculo nomen tuum. **A**llelúja, allelúja.

Ps. 144. Laudem Domini loquatur os meum, & benedicat omnis caro nomen sanctum ejus. **A**llelúja.

Post Septuagesimam, omittis Allelúja, & ps. sequenti, dicitur Tractus. Psal. 79. & Cant. 2.

Domine Deus virtutum converte nos: & ostende faciem tuam, & salvi erimus: sonet vox tua in auribus meis. **Ps. Cant. 2.** Vox enim tua dulcis, & facies decora nimis.

Ps. Cant. 1. Oleum effusum nomen tuum Jesu: ideo adolescentulæ dilexerunt te.



Sequentia sancti Evangelii secundum Lucam. Luc. 2. c

In illo tempore: Postquam consummati sunt dies octo, ut circumcideretur puer: vocatum est nomen ejus Jesus, quod vocatum est ab Angelo priusquam in útero conciperetur. **C**redo.

Offertorium. Psalm. 85. Confitebor tibi Domine Deus meus in toto corde meo: & glorificabo nomen tuum in ætérnum. Quoniam tu Domine suavis & mitis es, & multæ misericordiæ omnibus invocantibus te, allelúja. **Secreta.**

Benedictio tua, clementissime Deus, qua omnis viget creatúra, sanctifi-

cet, quæsumus, hoc sacrificium nostrum, quod ad glóriam nominis Filii tui Domini nostri Jesu Christi offerimus tibi: ut majestati tuæ placere possit ad laudem, & nobis proficere ad salutem. Per eundem Dominum.

Deinde fit commem. Dominicæ.

Præfatio de Nativitate. fol. 173.

Communio. ibid. Omnes gentes quacumque fecisti, vénient, & adorabunt coram te Domine, & glorificabunt nomen tuum, quoniam magnus es tu, & faciens mirabilia: tu es Deus solus, allelúja. **Postcommunio.**

Omnipotens ætérne Deus, qui creasti, & redemisti nos, respice propitius vota nostra: & sacrificium salutáris hostiæ, quod in honorem Nominis Filii tui Domini nostri Jesu Christi, majestati tuæ obtulimus; placido & benigno vultu suscipere digneris: ut grátia tua nobis infusa, sub glorioso nomine Jesu, æternæ prædestinationis título gaudeamus nomina nostra scripta esse in cœlis. Per eundem Dominum nostrum.

Comem. Dñicæ & in fine Evang. ejusd.

Die xiv. Januarii.

IN FESTO SANCTI PETRI

Urseoli Confess. Introitus. Psal. 36.



S justi meditabuntur sapiéntiam, & lingua ejus loquétur judicium: lex Dei ejus in corde ipsius.

Psalm. ibid. Noli æmulári in malignántibus: neque zeláveris facientes iniquitatem.

Glória Patri.

Oratio.

Deus, qui beátum Petrum Ducem coelésti Regno terrénium postponere docuisti: da nobis, quæsumus, ejus intercessióne & exémplo terréna despícere, atque ætérna sectári. Per Dominum nostrum.

Et fit commem. S. Felicis mart. Oratio.

Concede, quæsumus, omnipotens Deus: ut ad meliorem vitam Sanctorum tuorum exémpula nos provocent: quatenus quorum solémnia ágimus, étiam actus imitemur. Per Dominum.

Lectio

Lectio libri Sapientiae.

Eccli. 31.

Beatus vir, qui inventus est sine macula, & qui post aurum non abiit, nec speravit in pecunia, & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus, facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

Graduale. Psal. 91. Justus ut palma florebit: sicut cedrus Libani multiplicabitur in domo Domini. **V.** Ad annuntiandum manere misericordiam tuam, & veritatem tuam per noctem. **A.** Alleluja, alleluja.

V. Jac. 1. Beatus vir, qui suffert tentationem: quoniam cum probatus fuerit, accipiet coronam vitae. Alleluja.

Sequentia sancti Evangelii secundum Matthaeum. Matth. 19. d

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suae, sedebitis & vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit.

Offertor. Psal. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Laudis tibi Domine, hostias immolamus in tuorum commemoratione sanctorum: quibus nos & praesentibus exui malis confidimus, & futuris. Per Dominum nostrum.

Pro S. Felice.

Secreta.

Hostias tibi Domine, beati Felicis martyris tui dicatas meritis benignus assume, & ad perpetuum nobis tribue provenire subsidium. Per Dominum.

Communio. Matth. 24. Beatus servus,

quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo potuque coelesti, Deus noster, te supplices exoramus: ut in cuius haec commemoratione percipimus, ejus muniamur & precibus. Per Dominum nostrum.

Pro S. Felice.

Postcommunio.

Quæsumus Domine salutariis repleti Mysteriis: ut beati Felicis Martyristui, cuius solennia celebramus, orationibus adjuvemur. Per Dominum.


Die xv. Januarii.

IN FESTO S. MAURI

Abbatis.

Introitus.

Psal. 36.



Justi meditabitur sapientiam, & lingua ejus loquetur iudicium: lex Dei ejus in corde ipsius.

Psal. ibid. Noli æmulari in malignantibus: neque ze-

laveris facientes iniquitatem.

V. Gloria Patri.

Oratio.

Deus, qui beatum Maurum Abbatem ad imitandum obedientiae exemplum sicco pede super aquas ambulare fecisti: concede; ut & virtutum ipsius implere documenta, & praemiorum obtinere consortia mereamur. Per Dominum nostrum.

Lectio libri Sapientiae.

Eccli. 45.

Dilectus Deo, & hominibus, cuius memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide, & lenitate ipse sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram praecipua, & legem vitae, & disciplinæ.

Graduale. Psal. 20. Domine praeventisti eum in benedictionibus dulcedinis: posuisti in capite ejus coronam de lapide pre-

pretioso. *Ps.* Vitam petiit à te, & tribuisti ei longitudinem dierum in sæculum sæculi. *A.* Allelúja, allelúja.

Ps. 91. Justus ut palma florébit: sicut cedrus Libani multiplicábitur. Allelúja.

Post Septuagesimam, omisiss Allelúja, & *Versu seq. dicitur Tractus. Psal. 111.*

B. eatus vir, qui timet Dóminum: in mandátis ejus cupit nimis.

Ps. Potens in terra erit semen ejus: generatio rectórum benedicétur.

Ps. Glória, & divitiæ in domo ejus: & justitia ejus manet in sæculum sæculi.



*S*equéntia sancti Euangélii secúndum Matthæum. *Matth. 19. d*

*I*N illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne, cum séderit Filius hóminis in sede majestátis suæ, sedébitis & vos super sedes duódecim, judicántes duódecim tribus Israel. Et ómnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, & vitam ætérnam possidébit.

Dicitur C. redo.

Offertorium. Psalmus 20. *D*esidérium animæ ejus tribuisti ei Dómine, & voluntáte labiórum ejus non fraudásti eum: posuisti in cápite ejus corónam de lápide pretioso. *Secreta.*

*S*acris altáribus, Dómine, hóstias superpósitas sanctus Maurus Abbas, quæsumus, in salutem nobis provenire depóscat. Per Dóminum.


Communio. Luc. 12. *F*idélis servus, & prudens, quem constituit dóminus super familiam suam: ut det illis in témpore tritici mensúram. *Postcommunio.*

*P*rotegat nos, Dómine, cum tui perceptiône sacraménti beátus Maurus Abbas, pro nobis intercedéndo: ut & conversatiónis ejus experiámur insignia, & intercessiόνis percipiámus suffrágia. Per Dóminum.

Die xvi. Januarii.

IN FESTO S. MARCELLI

Papæ & mart. Introitus. Eccli. 45.



Tátuit ei Dóminus testaméntum pacis, & príncipem fecit eum: ut sit illi sacerdótii dignitas in ætérnum. *Psal. 131. M* emén-

to, Dómine, David: & ómnis mansuetúdinis ejus.

Ps. Glória Patri.

Oratio.

*P*Reces pópuli tui, quæsumus Dómine, cleménter exáudi: ut beáti Marcelli má tyris tui atque Pontíficis méritis adjuvémur, cujus passióne lætámur. Per Dóminum.

*L*ectio Epístolæ beáti Pauli Apóstoli ad Corínthios. *2. Cor. 1.*

*F*Ratres, Benedíctus Deus, & Pater Dómini nostri Jesu Christi, Pater misericordiárum, & Deus totíus consolatiónis, qui consolátur nos in ómni tribulatióne nostra: ut possimus & ipsi consolári eos, qui in ómni pressúra sunt, per exhortatióne, quia exhortámur & ipsi à Deo. Quóniam sicut abundánt passiónes Christi in nobis: ita & per Christum abundat consolátio nostra. Sive autem tribulámur pro vestra exhortatióne & salute, sive consolámur pro vestra consolatióne, sive exhortámur pro vestra exhortatióne & salute, quæ operátur tolerántiam earúndem passiónum, quas & nos pátimur: ut spes nostra firma sit pro vobis: sciéntes quòd sicut sócii passiónum estis, sic éritis & consolatiónis: in Christo Jesu Dómino nostro.

*Graduale. Psal. 88. I*nveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. *Ps.* Nihil proficiet inimícus in eo: & filius iniquitátis non nocébit ei. *A.* Allelúja, allelúja.

Psalm. 109. Tu es sacerdos in ætérnum, secúndum órđinem Melchisedech. Allelúja.

Post Septuagesimam, omisiss Allelúja, & *Versu sequenti, dicitur Tractus. Psal. 20.* *D*esidérium animæ ejus tribuisti ei: & voluntáte labiórum ejus non frau-

fraudasti eum. *Ps.* Quoniam praevenisti eum in benedictionibus dulcedinis.

Ps. Posuisti in capite ejus coronam de lapide pretioso.

Sequentia sancti Evangelii secundum Matthaeum. *Matth. 16. d*

IN illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animae vero suae detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. *Psal. 88. V*eritas mea, & misericordia mea cum ipso: & in nomine meo exaltabitur cornu ejus. **Secreta.**

Suscipe, quaesumus Domine, munera dignanter oblata: & beati Marcelli martyris tui atque Pontificis suffragantibus meritis, ad nostrae salutis auxilium provenire concede. Per Dominum.

Communio. *Matth. 25. D*omine, quinque talenta tradidisti mihi, ecce alia quinque superlucratus sum: euge serve bone, & fidelis: quia in pauca fuisti fidelis, supra multa te constituam: intra in gaudium Domini tui. **Postcommunio.**

Satiasti Domine, familiam tuam muneribus sacris: ejus quaesumus, semper interventione nos refove, cujus sollemnia celebramus. Per Dominum.

Die xvii. Januarii.

IN FESTO S. ANTONII
Abbatis. Introitus. *Psal. 36.*



Qusti meditabitur sapientiam, & lingua ejus loquetur judicium: lex Dei ejus in corde ipsius.

Psal. ibid. Noli aemulari in malignantibus: neque zelaveris facientes iniquitatem. *Ps.* Gloria Patri.

Oratio.

Intercessio nos, quaesumus Domine, beati Antonii Abbatis commendet: ut quod nostris meritis non valemus, ejus patrocinio assequamur. Per Dominum nostrum.

Lectio libri Sapientiae. *Eccli. 45.*

Dilectus Deo, & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram praecipua, & legem vitae, & disciplinam.

Graduale. *Psal. 20. D*omine, praevenisti eum in benedictionibus dulcedinis: posuisti in capite ejus coronam de lapide pretioso. *Ps.* Vitam petiit a te, & tribuisti ei longitudinem dierum in saeculum saeculi. **Alleluja, alleluja.**

Ps. 91. Justus ut palma florebit: sicut cedrus Libani multiplicabitur. **Alleluja.**

Post Septuag. omittis Alleluja, & *Ps. seq.* dicitur Tractus. *Psal. 111.* Beatus vir, qui timet Dominum: in mandatis ejus cupit nimis. *Ps.* Potens in terra erit semen ejus: generatio rectorum benedicetur. *Ps.* Gloria & divitiae in domo ejus: & justitia ejus manet in saeculum saeculi.

Sequentia sancti Evangelii secundum Lucam. *Luc. 12. c*

IN illo tempore: Dixit Jesus discipulis suis: Sint lumbi vestri praecincti, & lucernae ardentes in manibus vestris: & vos similes hominibus expectantibus dominum suum, quando revertatur a nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, & faciet illos discumbere, & transiens ministrabit illis. Et si venerit in secunda vigilia, & si in tertia

tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati; quia qua hora non putatis, Filius hominis veniet.

Offertorium. Psal. 20. Desiderium anime ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso. **Secreta.**

Sacris altaribus, Domine, hostias superpositas sanctus Antonius Abbas, quaesumus, in salutem nobis provenire deposcat. Per Dominum.

Communio. Luc. 12. Fidelis servus, & prudens, quem constituit dominus super familiam suam: ut det illis in tempore tritici mensuram. **Postcommunio.**

Protegat nos, Domine, cum tui perceptione sacramenti beatus Antonius Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

Die xviii. Januarii.

**IN FESTO CATHEDRÆ
S. Petri, qua Romæ primum sedit.**

Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in æternum.

Psalm. 131. Memento Domine David: & omnis mansuetudinis ejus. **V. Gloria Patri. Oratio.**

Deus, qui beato Petro Apostolo tuo, collatis clavibus regni cœlestis, ligandi, atque solvendi Pontificium tradidisti: concede; ut intercessionis ejus auxilio, à peccatorum nostrorum nexibus liberemur. Qui vivis, & regnas.

Et fit commemor. de sancto Paulo ante quascunque commemorationes, etiam Dominicæ; quod & servatur in commemor. sancti Petri, quæ fit in Festis sancti Pauli.

Oratio.

Deus, qui multitudinem Gêntium beati Pauli Apostoli prædicatione docuisti: da nobis, quaesumus, ut cujus commemorationem colimus, ejus apud te patrocinia sentiamus.

Deinde fit commemor. S. Priscæ virginis & martyris. Oratio.

DA, quaesumus omnipotens Deus, ut qui beatæ Priscæ virginis & martyris tuæ natalitia colimus, & annua solemnitate lætemur, & tantæ fidei proficiamus exemplo. Per Dominum.

Lectio Epistolæ beati Petri Apostoli. 1. Petr. 1.

Petrus Apostolus Jesu Christi, electis advenis dispersionis Ponti, Galatiæ, Cappadociæ, Asiæ, & Bithyniæ, secundum præscientiam Dei Patris, in sanctificationem Spiritus, in obedientiam, & asperionem sanguinis Jesu Christi: Gratiavobis, & pax multiplicetur. Benedictus Deus, & Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hæreditatem incorruptibilem, & incontaminatam, & immarcescibilem, conservatam in cœlis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestræ fidei multo pretiosior auro (quod per ignem probatur) inveniatur in laudem, & gloriâ, & honorem, in revelatione Jesu Christi Domini nostri.

Graduale. Psalm. 106. Exaltent eum in Ecclesia plebis: & in cathedra seniorum laudent eum. **V. Confiteantur Domino misericordiae ejus: & mirabilia ejus filiis hominum.**

Allelûja, allelûja. V. Matth. 16. Tu es Petrus, & super hanc petram ædificabo Ecclesiam meam. **Allelûja.**

Post Septuagesimam, omittis Allelûja, & Versu sequenti, dicitur Tractus. ibid.

Tu es Petrus, & super hanc petram ædificabo Ecclesiam meam.

V. Et

✠ Et portæ inferi non prævalébunt ad-
vêrsus eam, & tibi dabo claves regni cœ-
lôrum. ✠ Quodcûmque ligáveris super
terram, erit ligátum & in cœlis.

✠ Et quodcûmque sólveris super ter-
ram, erit solútum & in cœlis.

✠ Sequéntia sancti Euangélîi secun-
dum Matthæum. *Matth. 16. b*

IN illo tēpore: Venit Iesus in partes
Cæsará Philippi: & interrogábat
discípulos suos, dicens: Quem dicunt
hómînes esse Fílium hómînis? At illi di-
xérunt: Alii Joánnem Baptístam, álii
autem Ellam, álii verò Jeremíam, aut
unum ex Prophétis. Dicit illis Iesus: Vos
autem quem me esse dicitis? Respóndens
Simon Petrus, dixit: Tu es Christus,
Fílius Dei vivi. Respóndens autem Iesus,
dixit ei: Beátus es Simon Bar-Jóna: quia
caro, & sanguis non revelávit tibi, sed
Pater meus, qui in cœlis est. Et ego di-
co tibi, quia tu es Petrus, & super hanc
petram ædificábo Ecclésiám meam, &
portæ inferi non prævalébunt advêrsus
eam. Et tibi dabo claves regni cœlô-
rum. Et quodcûmque ligáveris super
terram, erit ligátum & in cœlis: &
quodcûmque sólveris super terram, erit
solútum & in cœlis. *Credo.*

Offertorium. Ibid. Tu es Petrus, &
super hanc petram ædificábo Ecclésiám
meam: & portæ inferi non prævalé-
bunt advêrsus eam: & tibi dabo cla-
ves regni cœlôrum. *Secreta.*

ECclésiæ tuæ, quæsumus Dómine,
preces, & hóstias beáti Petri Apó-
stoli comméndet orátio: ut quod pro
illius glória celebrámus, nobis profit
ad véniam. Per Dóminum.

Pro S. Paulo. Secreta.

APóstoli tui Pauli précibus, Dómi-
ne, plebis tuæ dona sanctífica: ut
quæ tibi tuo grata sunt institúto, gra-
tíora fiant patrocínio supplicántis.

Pro S. Prisca. Secreta.

HÆc hóstia, quæsumus Dómine,
quam Sanctórum tuórum nata-
lita recenséntes offerimus, & víncula
nostræ pravitatís absólvat, & tuæ no-
Miss. Monast.

bis misericórdiæ dona concíliet. Per
Dóminum nostrum.

Præfatio de Apostolis. fol. 184.

Communio. Ibid. Tu es Petrus, & su-
per hanc petram ædificábo Ecclésiám
meam. *Postcommunio.*

Lætíficet nos, Dómine, munus
oblátum: ut, sicut in Apóstolo tuo
Petro, te mirábilem prædicámus, sic
per illum tuæ sumámus indulgéntiæ
largitatē. Per Dóminum.

Pro S. Paulo. Postcommunio.

Sanctíficáti, Dómine, salutári my-
stério: quæsumus; ut nobis ejus
non desit orátio, cujus nos donásti
patrocínio gubernári.

Pro S. Prisca. Postcommunio.

Quæsumus, Dómine, salutáribus
repléti mystériis: ut, cujus solém-
nia celebrámus, ejus orationibus adju-
vémur. Per Dóminum.

Die xix. Januarii.

IN FESTO S. AGATHONIS

Papæ & Conf. Introitus. Psal. 131.



Acerdótes tui, Dómine, ín-
duant justítiam, & sancti
tui exúltent: propter Da-
vid servum tuum, non
avértas faciē Christi tui.

Psal. ibid. Memento Dó-

mine David, & omnis mansuetúdinis
ejus. ✠ Glória Patri. *Oratio.*

Pateant aures misericórdiæ tuæ, Dó-
mine, précibus supplicántium: &
contínuis tribulatióibus laborántes, ín-
tercedēte beáto Agathóne Confessóre
tuo atque Pontífice, propítius respiráre
concéde. Per Dóminum.

*Et fit commem. SS. Marii & sociorum
martyrum, cum Orationibus, ut in Mis-
sa propria eorundem, infra. fol. 306.*

*Lectio Epístolæ beáti Pauli Apóstoli
ad Hebræos. Hebr. 7. d*

FRatres, Plures facti sunt sacerdótes,
idcirco quod morte prohiberéntur
permanére: Iesus autem eo quod máneat
in ætérnum, sempitérnum habet sacer-
dótium. Unde & salváre in perpétuum
potest accedéntes per semetípsum ad
Deum:

Deum: semper vivens ad interpellandum pro nobis. Talis enim decēbat ut nobis esset pōntifex, sanctus, innocens, impollutus, segregatus à peccatoribus, & excelsior coelis factus: qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi: hoc enim fecit semel, seipsum offerendo, Iesus Christus Dōminus noster.

Graduale. Psalm. 131. Sacerdotes ejus induam salutari: & sancti ejus exultatione exultabunt. *ψ.* Illuc producam cornu David, paravi lucernam Christo meo.

Alleluya, alleluya. ψ. Psalm. 109. Juravit Dōminus, & non poenitebit eum: Tu es sacerdos in ætēnum, secundum ordinem Melchisedech. Alleluya.

Post Septuagesimam, omissis Alleluya, & Versu sequenti, dicitur Tractus.

Psalm. 111. Beatus vir, qui timet Dōminum: in mandatis ejus cupit nimis.

ψ. Potens in terra erit semen ejus: generatio rectorum benedicetur.

ψ. Glória & divitiæ in domo ejus: & justitia ejus manet in sæculum sæculi.

Sequentia sancti Euangelii secundum Matthæum. Matth. 25.

IN illo tempore: Dixit Iesus discipulis suis parabolam hanc: Homo peregrè proficiscens, vocavit servos suos, & tradidit illis bona sua. Et uni dedit quinque talēta, alii autem duo, alii verò unum, unusquisque secundum propriam virtutem, & profectus est statim. Abiit autem qui quinque talēta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam dōmini sui. Post multum verò temporis venit dōminus servorum illorum, & posuit rationem cum eis. Et accedens qui quinque talēta acceperat, obtulit alia quinque talēta, dicens: Dōmine, quinque talēta tradidisti mihi, ecce alia quinque superlucratus sum. Ait illi dōminus ejus: Euge serve bone & fidelis, quia super pauca fuisti fidelis, su-

per multa te constituam, intra in gaudium dōmini tui. Accessit autem & qui duo talēta acceperat, & ait: Dōmine, duo talēta tradidisti mihi, ecce alia duo lucratus sum. Ait illi dōminus ejus: Euge serve bone & fidelis, quia super pauca fuisti fidelis, super multa te constituam, intra in gaudium dōmini tui.

Offertorium. Psalm. 88. Veritas mea, & misericordia mea cum ipso: & in nōmine meo exaltabitur cornu ejus. **Secreta.**

Sancti Agathonis Confessoris tui atque Pontificis, quæsumus Dōmine, annua solēmnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dōminum.

Et fit commemor. SS. mart. Marii &c.

Communio. Matth. 24. Beatus servus, quem, cum venerit dōminus, invenerit vigilātem: amen dico vobis, super omnia bona sua constituet eum. **Postcommunio.**

Deus fidelium remunerator animarum, præsta: ut beati Agathonis Confessoris tui atque Pontificis, cujus venerandam celebrāmus festivitatem, precibus indulgentiam consequamur. Per Dōminum nostrum.

Et fit commemor. SS. mart. Marii &c.

MISSA SS. MARI, MARTHE, Audifacis, & Abachum martyrum.

Introitus. Psalm. 67.



Usti epulentur, & exultent in conspectu Dei, & delectentur in lætitia.

Psalm. ibid. Exurgat Deus, & dissipentur inimici ejus: & fugiant, qui oderunt eum, à facie ejus. *ψ.* Glória Patri. **Oratio.**

Exaudi, Dōmine, populum tuum, cum Sanctorum tuorum patrocinio supplicātem: ut & temporālīs vitæ nos tribuas pace gaudere, & æternæ reperire subsidium. Per Dōminum.

Epistola. R. Rememorāmini pristinōs dies, de Communi plurim. **Martyrum.** fol. x.

Graduale. Sap. 3. Justorum animæ in manu Dei sunt: & non tanget illos tormentum.

mentum malitiæ. *Psalm. 67.* Vili sunt oculis insipientium mori: illi autem sunt in pace.

Allelúja, allelúja.

Psalm. 67. Mirabilis Deus noster in sanctis suis. *Allelúja.*

Si hoc Festum venerit post Septuagesimam, omittis Allelúja, & Versu sequenti, dicitur Tractus. Psalm. 125. Qui seminant in lacrymis, in gaudio metent. *Psalm. 125.* Eúntes ibant & flebant, mittentes semina sua.

Veniétes autem venient cum exultatione, portantes manipulos suos.

Euangelium. Sedente Jesu super montem. *de Comuni plurim. Mart. fol. x.*

Offertorium. Psalm. 123. Anima nostra, sicut passer, erepta est de laqueo venantium: laqueus contritus est, & nos liberati sumus. *Secreta.*

Preces, Domine, tuorum respice, oblationesque fidelium: ut & tibi grata sint pro tuorum festiuitate Sanctorum, & nobis conferant tuæ propitiationis auxilium. Per Dominum.

Communio. Luc. 12. Dico autem vobis amicis meis: ne terreamini ab his, qui vos persequuntur.

Postcommunio.

Sanctorum tuorum, Domine, intercessione placatus, præsta quaesumus: ut quæ temporali celebramus actione, perpétua salvatione capiamus. Per Dominum nostrum.

Die xx. Januarii.

IN FESTO SS. FABIANI
& Sebastiani martyrum.

Introitus. Psalm. 78.



Ntret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem Sanctorum tuorum,

qui effusus est. Psalm. ibid. Deus venerunt Gentes in hereditatem tuam, polluerunt templum sanctum tuum: posuerunt Ierusalem in pomorum custodiam.

Gloria Patri.

Oratio.

Infirmiuitatem nostram respice omnipotens Deus: & quia pondus propriæ

actionis gravat, beatorum martyrum tuorum Fabiani, & Sebastiani intercessio gloriosa nos protegat. Per Dominum.

Lectio Epistolæ beati Pauli Apostoli ad Hebræos. Hebr. 11. f.

*F*ratres, Sancti per fidem vicerunt regna, operati sunt iustitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii, convaluerunt de infirmitate, fortes facti sunt in bello, castra vertebant exterorum: acceperunt mulieres de resurrectione mortuos suos: alii autem distenti sunt, non suscipientes redemptionem, ut meliorem invenirent resurrectionem. Alii vero ludibria, & verbera experti, insuper & vincula, & carceres; lapidati sunt, secti sunt, tentati sunt, in occisione gladii mortui sunt: circueverunt in melotis, in pellibus caprinis, egentes, angustati, afflicti: quibus dignus non erat mundus: in solitudinibus errantes, in montibus, & speluncis, & in cavernis terræ. Et hi omnes testimonio fidei probati inventi sunt: in Christo Jesu Domino nostro.

Graduale. Exodi 15. Gloriosus Deus in sanctis suis: mirabilis in maiestate, faciens prodigia. *Psalm. 144.* Dextera tua, Domine, glorificata est in virtute: dextera manus tua confrigit inimicos.

Allelúja, allelúja.

Psalm. 144. Sancti tui Domine benedicent te: gloriam regni tui dicent. *Allelúja.*

Post Septuagesimam omittis Allelúja, & Ps. seq. dicitur Tractus. Psalm. 125.

Qui seminant in lacrymis, in gaudio metent. Psalm. 125. Eúntes ibant & flebant, mittentes semina sua.

Veniétes autem venient cum exultatione, portantes manipulos suos.

Sequentia sancti Evangelii secundum Lucam. Lucæ 6. c.

*I*n illo tempore: Descendens Iesus de monte, stetit in loco campèstri, & turba discipulorum ejus, & multitudo copiosa plebis ab omni Iudæa, & Ierusalem, & maritima, & Tyri, &

Sidónis, qui vénérent ut audirent, eum & sanarentur à languoribus suis. Et qui vexabantur à spiritibus immúndis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati qui nunc esuritis: quia saturabimini. Beati qui nunc fletis: quia ridebitis. Beati eritis cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in cœlo.

Offertorium. Psal. 31. Lætâmini in Domino, & exultate iusti: & gloriâmini omnes recti corde.

Secreta.

Hostias tibi, Domine, beatorum martyrum tuorum Fabiani & Sebastiani dicâtas méritis, benignus assûme: & ad perpétuum nobis tribue provenire subsidium. Per Dominum.


Communio. Lucæ 6. Multitúdo languentium, & qui vexabantur à spiritibus immúndis, veniebant ad eum: quia virtus de illo exibat, & sanabat omnes.

Postcommunio.

Refecti participatione muneris facti, quæsumus Domine Deus noster: ut, cujus exequimur cultum, intercedentibus Sanctis martyribus tuis Fabiano & Sebastiano, sentiâmus effectum. Per Dominum.

Die xxi. Januarii.

IN FESTO S. AGNETIS
virg. & mart. Introitus. Psal. 118.



Expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis.

Psal. ibid. Beati immaculati in via: qui ambulant in lege Domini.

Gloria Patri.

Oratio.

Omnipotens sempiternus Deus, qui infirma mundi eligis, ut fortia quæ-

que confundas: concède propitius; ut qui beatæ Agnetis virginis & martyris tuæ solémnia colimus, ejus apud te patrocínia sentiâmus. Per Dominum.

Lectio libri Sapiéntiæ.

Eccli. 51.

Confitebor tibi, Domine Rex, & colaudabo te Deum Salvatorem meum. Confitebor nómini tuo: quóniam adjutor, & protector factus es mihi, & liberasti corpus meum à perditione, à laqueo linguæ iniquæ, & à labiis operantium mendacium, & in conspectu astantium factus es mihi adjutor. Et liberasti me secundum multitudinem misericordiæ nóminis tui à rugientibus, præparatis ad escam, de manibus quærentium animam meam, & de portis tribulationum, quæ circumdederunt me: à pressura flammæ, quæ circumdedit me, & in medio ignis non sum æstuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injusta: laudabit usque ad mortem anima mea Dominum, quóniam eruis sustinentes te, & liberas eos de manibus Géntium, Domine Deus noster.

Graduale. Psalm. 44. Diffusa est grátia in labiis tuis: propterea benedixit te Deus in ætérnum.

Propter veritatem, & mansuetudinem, & justitiam, & deducet te mirabiliter dextera tua.

Allelúja, allelúja.

Matth. 25. Quinque prudentes virgines acceperunt óleum in vasis suis cum lampadibus: média autem nocte clamor factus est, Ecce sponsus venit, exite obviam Christo Domino. Allelúja.

Post Septuagesimam, omittis Allelúja,

& Versu sequenti, dicitur Tractus.

Veni sponsa Christi, accipe coronam, quam tibi Dominus præparavit in ætérnum: pro cujus amore sanguinem tuum fudisti.

Psal. 44. Dilexisti justitiam, & odisti iniquitatem: propterea unxit te Deus, Deus tuus, óleo lætitiæ præ consortibus tuis.

Spécie tua, & pulchritudine tua, inténde, prospere procede, & regna.

Se-



Sequentia sancti Euangelii secundum Matthæum. **Matth. 25.**

In illo tempore: Dixit Iesus discipulis suis parabolam hanc: Simile erit regnum cœlorum decem virginibus: quæ accipientes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpsérunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitavérunt omnes, & dormiérunt. Média autem nocte clamor factus est: Ecce sponsus venit, exite obviam ei. Tunc surrexérunt omnes virgines illæ, & ornavérunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Respondérunt prudentes, dicentes: Ne fortè non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intravérunt cum eo ad nuptias, & clausa est janua. Novissime verò veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psalm. 44. Afferentur Regi virgines post eam: proximæ ejus afferentur tibi in lætitiâ, & exultatione: adducentur in templum Regi Domino.

Secreta.

Hostias, Domine, quas tibi offerimus, propitius suscipe: & intercedente beata Agnète virgine, & martyre tua vincula peccatorum nostrorum absolve. Per Dominum.

Communio. Matth. 25. Quinque prudentes virgines acceperunt oleum in vasis suis cum lampadibus: média autem nocte clamor factus est, Ecce sponsus venit, exite obviam Christo Domino, allelúja.

Postcommunio.

Refecti cibo potuque cœlesti, Deus noster, te supplices exoramus: ut in cujus hæc commemoratióne per-

Miss. Monast.

cépimus, ejus muniámur & precibus: Per Dominum nostrum.

Die xxii. Januarii.

IN FESTO SS. VINCENTII

& Anastasii mart. Introitus. Psalm. 78.



Vntret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem sanctorum tuorum, qui effusus est. **Psalm. ibid.** Deus venerunt Gentes in hæreditatem tuam, polluerunt templum sanctum tuum: posuerunt Jerúsalem in pomorum custodiam.

Glória Patri. Oratio.

Adesto, Domine, supplicationibus nostris: ut qui ex iniquitate nostra reos nos esse cognoscimus, beatorum martyrum tuorum Vincentii, & Anastasii intercessiõe liberemur. Per Dominum.

Lectio libri Sapientie.

Sap. 3.

Justorum animæ in manu Dei sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum: & quod à nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis benè disponuntur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt iusti, & tamquam scintillæ in arundinetis discurrent. Judicabunt nationes, & dominabuntur populis, & regnabit Dominus illorum in perpetuum.

Graduale. Exod. 15. Gloriosus Deus in sanctis suis: mirabilis in maiestate, faciens prodigia. **V.** Dextera tua, Domine, glorificata est in virtute: dextera manus tua confrégit inimicos. **A**llelúja, allelúja. **V. Eccli. 44.** Corpora sanctorum in pace sepulta sunt: & nomina eorum vivent in generatione, & generationem. Allelúja.

Post Septuagesimam, omissis Allelúja, & Versu sequenti, dicitur Tractus.

Psalm. 125. Qui seminant in lacrymis, in

gáudio metent. *Ps.* Eúntes ibant & flebant, mitténtes sémina sua.

Ps. Veniéntes autem vénient cum exultatióne, portántes manipulos suos.

✠ *S*equéntia sancti Euangélíi secúndum Lucam. *Lucæ 21. b*

IN illo témpore: Dixit Iesus discipulis suis: Cúm audiéritis prælia, & seditiónes, nolite terréri: opórtet primúm hæc fieri, sed nondum statim finis. Tunc dicébat illis: Surget gens contra gentem, & regnum advérsus regnum. Et terrémótus magni erunt per loca, & pestiléntiæ, & fames, terrorésque de cœlo, & signa magna erunt. Sed ante hæc ómnia injicient vobis manus suas, & persequéntur, tradéntes in synagógas & custódias, trahéntes ad reges & præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os & sapiéntiam, cui non póterunt resistere & contradícere omnes adversárii vestri. Tradémini autem a paréntibus, & fratribus, & cognátis, & amicis, & morte afficient ex vobis: & éritis ódio ómnibus propter nomen meum: & capillus de cápite vestro non peribit. In paciéntia vestra possidébitis ánimas vestras.

Offertorium. Psal. 67. Mirábilis Deus in Sanctis suis: Deus Israel, ipse dabit virtutem, & fortitudinem plebi suæ: benedictus Deus, allelúja. *Secreta.*

MUnera tibi, Dómine, nostræ devotiónis offérimus: quæ & pro tuórum tibi grata sint honóre justórum, & nobis salutária, te miseránte, reddántur. Per Dóminum.


Communio. Sap. 3. Et sicoram homínibus torménta passi sunt, Deus tentávit eos, & tamquam aurum in fornáce probávit eos, & quasi holocáusta accépit eos. *Postcommunio.*

Quæsumus omnipotens Deus: ut qui cœléstia aliménta percépimus: intercedéntibus beátis martyribus tuis Vincéntio, & Anastásio, per hæc contra ómnia advérsa muniámur. Per Dóminum.

Die xxiii. Januarii.

IN FESTO DESPONSATIONIS

B. V. Mariæ. Introitus. Sedulius.



Alve, sancta parens, eníxa puérpera Regem: qui cœlum, terrámque regit in sæcula sæculórum.

Psalm. 44. Eructávit cor meum verbum bonum:

dico ego ópera mea Regi.

Ps. Glória Patri.

Oratio.

FAmulis tuis, quæsumus Dómine, cœléstis grátiae munus impertíre: ut quibus beátæ Vírginis partus éxitit salutis exórdium: Desponsatiónis ejus votíva solémnitas, pacis tribuat incrementum. Per Dóminum nostrum.

Et fit commemoratio S. Joseph, si concessa est, ante quascumque commemoraciones; etiam Dominicæ.

Oratio.

Sanctíssimæ Genitrícis tuæ Sponsi, quæsumus Dómine, méritis adjuvémur: ut quod possibilitas nostra non obtinet, ejus nobis intercessióne donétur.

Pro commemor. S. Emerentianæ.

Oratio.

Indulgéntiam nobis, quæsumus Dómine, beáta Emerentiána virgo, & martyr implóret: quæ tibi grata semper éxitit, & mérito castitátis, & tuæ professióne virtútis. Per Dóminum.

Lectio libri Sapientiae. Prov. 8. c

Dominus possédit me in iníitio viárum suárum, ántequam quidquam fáceret a princípío. Ab ætérno ordináta sum, & ex antiquis, ántequam terra fieret. Nondum erant abyssi, & ego jam concépta eram: necdum fontes aquárum erúperant: necdum montes gravi mole constíterant: ante colles ego parturiébar: adhuc terram non fécerat, & flúmina, & cárdines orbis terræ. Quando præparábat cœlos áderam: quando certa lege, & gyro vallábat abyssos: quando æthera firmábat fursum, & librábat fontes aquárum: quando circúmdabat mari términum suum, & legem ponébat aquis, ne transírent fines suos: quando appendébat fundaménta terræ. Cum eo eram,

eram, cuncta componens: & delectabar per singulos dies: ludens coram eo omni tempore: ludens in orbe terrarum: & deliciae meae esse cum filiis hominum. Nunc ergo filii audite me: Beati, qui custodiunt vias meas. Audite disciplinam, & estote sapientes, & nolite abjicere eam. Beatus homo, qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem a Domino.

Graduale. Benedicta, & venerabilis es, Virgo Maria: quae sine tactu pudoris inventa es mater Salvatoris.

✠ Virgo Dei Genitrix, quem totus non capit orbis, in tua se clausit viscera factus homo. **Alleluya, alleluya.**

✠ Felix es, sacra Virgo Maria, & omni laude dignissima: quia ex te ortus est sol iustitiae Christus Deus noster. **Alleluya.**

Post Septuages. omittis Alleluya, & ✠ seq. dicitur Tractus. Gaude Maria virgo, cunctas haeresees sola interemisti.

✠ Quae Gabriëlis Archangeli dictis credidisti. ✠ Dum virgo Deum & hominem genuisti: & post partum, Virgo, inviolata permansisti.

✠ Dei Genitrix intercede pro nobis.

✠ **Sequentia sancti Evangelii secundum Matthaeum. Matth. 1. c**

Cum esset desponsata mater Jesu Maria Joseph, antequam convenirent, inventa est in utero habens de Spiritu sancto. Joseph autem vir ejus cum esset justus, & nollet eam traducere: voluit occulte dimittere eam. Haec autem eo cogitante, ecce Angelus Domini apparuit in somnis ei, dicens: Joseph fili David, noli timere accipere Mariam conjugem tuam: quod enim in ea natum est, de Spiritu sancto est. Pariet autem filium: & vocabis nomen ejus Jesum: ipse enim salvum faciet populum suum a peccatis eorum.

Dicitur Credo.

Offertorium. Beata es, Virgo Maria, quae omnium portasti Creatorem: ge-

nuisti, qui te fecit, & in aeternum permanes virgo. **Secreta.**

Unigeniti tui, Domine, nobis succurrat humanitas: ut, qui natus de Virgine, matris integritatem non minuit, sed sacravit, in Desponsationis ejus solenniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit, & regnat, &c.

Pro S. Joseph.

Secreta.

Debitum tibi, Domine, nostrae redimus servitutis, suppliciter exorantes: ut suffragiis beati Joseph Sponsi genitricis Filii tui Jesu Christi Domini nostri, in nobis tua munera tuearis; ob cujus venerandam commemorationem, laudis tibi hostias immolamus.

Pro sancta Emerentiana.

Secreta.

Hostias tibi, Domine, beatae Emerentianae virginis, & martyris tuae dicatas meritis, benignus assume: & ad perpetuum nobis tribue provenire subsidium. Per Dominum nostrum Jesum Christum, &c.

Præfatio. Et te in Desponsatione. fol. 183.

Communio. Beata viscera Mariae Virginis, quae portaverunt aeterni Patris Filium. **Postcommunio.**

Sumpsimus, Domine, celebritatis annuae votiva Sacramenta: praesta, quaesumus; ut & temporalis vitae nobis remedia praebeant, & aeternae. Per Dominum nostrum.

Pro S. Joseph.

Postcommunio.

Adesto nobis, quaesumus, misericors Deus: & intercedente pro nobis beato Joseph Confessore, tua circa nos propitius dona custodi.

Pro sancta Emerentiana.

Postcommunio.

Divini muneris largitate satiati, quaesumus Domine Deus noster: ut intercedente beata Emerentiana virgine, & martyre tua, in ejus semper participatione vivamus. Per Dominum nostrum Jesum Christum Filium tuum, &c.

Die xxiv. Januarii.

IN FESTO S. TIMOTHEI

Episcopi & martyris.

Introitus. Eccli. 45.



Tátuit ei Dóminus testaméntum pacis, & príncipem fecit eum: ut sit illi sacerdotii dignitas in ætérnum. **Psal. 131.** Meménto, Dómine David, & omnis mansuetúdinis ejus.

Gloria Patri.

Oratio.

Infirmitátem nostram respice omnipotens Deus: & quia pondus propriæ actiõnis gravat, beáti Timóthei mártiris tui atque Pontíficis intercessio gloriósa nos protégat. Per Dóminum nostrum Jesum Christum, &c.

Lectio Epístolæ beáti Pauli Apóstoli ad Timótheum. **1. Tim. 6. c.**

Charissime, Sectáre justítiam, pietátem, fidem, charitátem, patiéntiam, mansuetúdinem. Certa bonum certámen fidei, apprehénde vitam ætérnam, in qua vocátus es, & confésus bonam confessiõnem coram multis téstibus. Præcipio tibi coram Deo, qui vivificat ómnia, & Christo Jesu, qui testimónium reddidit sub Póntio Piláto, bonam confessiõnem: ut serves mandátum sine mácula, irreprehensibile, usque in advéntum Dómini nostri Jesu Christi, quem suis temporibus osténdet beátus, & solus potens, Rex regum, & Dóminus dominántium, qui solus habet immortalitatem, & lucem inhábitat inaccessibilem: quem nullus hóminum vidit, sed nec vidére potest: cui honor, & impérium sempitérnum. Amen.

Grauale. Psalmus 88. **I**nveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Nihil proficiet inimicus in eo: & filius iniquitátis non nocébit ei.**

Allelúja, allelúja.

Psalm 109. Tu es sacerdos in ætérnum, secúndum ordinem Melchisédech. Allelúja.

Post Septuagesimam, omíssis Allelúja, & Versu sequenti, dicitur Tract. Psal. 20.

Desidérium animæ ejus tribuísti ei: & voluntáte labiõrum ejus non fraudásti eum. **Quóniam prævenísti eum in benedictiõibus dulcédinis.** **Posuísti in cápite ejus corónam de lapide pretiόso.**

Sequentia sancti Euangélíi secúndum Lucam. Lucæ 14. f

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quisenim ex vobis volens turrim ædificáre, non prius sedens cõputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incipiant illúdere ei, dicéntes: Quia hic homo cœpit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cõgitat, si possit cum decem millibus occurrere ei, qui cum viginti millibus venit ad se? alióquin adhuc illo longè agente, legatiõnem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discipulus.

Offertorium. Psal. 88. Veritas mea, & misericórdia mea cum ipso: & in nómine meo exaltábitur cornu ejus. **Secreta.**

Hostias tibi, Dómine, beáti Timóthei mártiris tui atque Pontíficis dicátas méritis, benígnus asúme: & ad perpétuum nobis tribue proveníre subsídiu. Per Dóminu.

Communio. ibid. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum, & testis in cœlo fidélis.

Postcommunio.

Refécti participatiõe múnieris sacri, quæsumus Dómine Deus noster: ut,

ut, cuius exequimur cultum, intercedente beato Timotheo martyre tuo atque Pontifice, sentiamus effectum. Per Dominum nostrum.

Die xxv. Januarii.

IN CONVERSIONE

Sancti Pauli Apostoli.

Introitus. 2. Tim. 1.



Cio cui credidi, & certus sum, quia potens est depositum meum servare in illum diem, justus iudex.

Psalm. 138. D. Domine, probasti me, & cognovisti me: tu cognovisti sessionem meam, & resurrectionem meam.

Gloria Patri.

Oratio.

Deus, qui universum mundum beati Pauli Apostoli predicatione docuisti: da nobis, quaesumus; ut qui ejus hodie Conversionem colimus, per ejus ad te exempla gradiamur. Per Dominum.

Et sit commem. de S. Petro. Oratio.

Deus, qui beato Petro Apostolo tuo, collatis clavibus regni coelestis, ligandi atque solvendi Pontificium tradidisti: concede; ut intercessionis ejus auxilio, a peccatorum nostrorum nexibus liberemur. Qui vivis & regnas.

Lectio Actuum Apostolorum. Actor. 9.

In diebus illis: Saulus adhuc spirans iminarum, & caedis in discipulos Domini, accessit ad principem sacerdotum, & petiit ab eo epistolas in Damascum ad synagogas: ut, si quos invenisset hujus viae viros ac mulieres, victos perduceret in Jerusalem. Et cum iter faceret, contigit, ut appropinquaret Damasco: & subito circumfulsit eum lux de coelo. Et cadens in terram, audivit vocem dicentem sibi: Saule, Saule, quid me perséqueris? Qui dixit: Quis es, Domine? Et ille: Ego sum Jesus, quem tu perséqueris. Durum est tibi contra stimulum calcitrare. Et tremens, ac stupens, dixit: Domine, quid me vis facere? Et Dominus ad eum: Surge, & ingredere civitatem, & ibi dicetur tibi, quid te oporteat facere. Viri

autem illi, qui comitabantur cum eo, stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat. Ad manus autem illum trahentes, introduxerunt Damascum. Et erat ibi tribus diebus non viciens, & non manducavit; neque bibit. Erat autem quidam discipulus Damasci, nomine Ananias: & dixit ad illum in visu Dominus: Anania. At ille ait: Ecce ego, Domine. Et Dominus ad eum: Surge, & vade in vicum, qui vocatur Rectus, & quære in domo Judae Saulum, nomine Tarsensem: ecce enim orat. (Et vidit virum, Ananiam nomine, introeuntem, & imponentem sibi manus, ut visum recipiat.) Respondit autem Ananias: Domine, audivi à multis de viro hoc, quanta mala fecerit Sanctis tuis in Jerusalem: & hic habet potestatem à principibus sacerdotum alligandi omnes, qui invocant nomen tuum. Dixit autem ad eum Dominus: Vade, quoniam vas electionis est mihi iste, ut portet nomen meum coram Gentibus, & regibus, & filiis Israel. Ego enim ostendam illi, quanta oporteat eum pro nomine meo pati. Et abiit Ananias, & introivit in domum: & imponens ei manus, dixit: Saule frater, Dominus misit me Jesus, qui apparuit tibi in via, qua veniebas, ut videas, & implearis Spiritu sancto. Et confestim ceciderunt ab oculis ejus tamquam squamæ, & visum recepit: & surgens baptizatus est. Et cum accepisset cibum, confortatus est. Fuit autem cum discipulis, qui erant Damasci, per dies aliquot. Et continuo in synagogis predicabat Jesum: quoniam hic est Filius Dei. Stupébant autem omnes, qui audiebant, & dicebant: Nonne hic est, qui expugnabat in Jerusalem eos, qui invocabant nomen istud: & huc ad hoc venit, ut victos illos duceret ad principes sacerdotum? Saulus autem multo magis convalescebat, & confundebat Judæos, qui habitabant Damasci, affirmans quoniam hic est Christus.

Graduale. Gal. 2. Qui operatus est Petro in

in Apostolatum, operatus est & mihi inter Gentes: & cognoverunt gratiam Dei, quæ data est mihi. *Ps.* Grátia Dei in me vacua non fuit: sed grátia ejus semper in me manet. *Allelúja, allelúja.* *Ps.* Magnus sanctus Paulus vas electiónis, verè dignè est glorificandus, qui & mèruit thronum duodècimum possidère. *Allelúja.*

Post Septuagesimam, omissis Allelúja, & Versu seq. dicitur Tractus. Tu es vas electiónis, sancte Paule Apóstole: verè dignè es glorificandus. *Ps.* Prædicátor veritátis, & Doctor Géntium in fide, & veritate. *Ps.* Per te omnes Gentes cognoverunt grátiam Dei. *Ps.* Intercède pro nobis ad Deum, qui te elégit.

Sequentia sancti Evangelii secundum Matthæum. Matth. 19. d

IN illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit. *Dicitur Credo.*

Offertorium. Psalm. 138. Mihi autem nimis honorati sunt amici tui Deus: nimis confortatus est principatus eorum.

Secreta.

Apostoli tui Pauli precibus, Domine, plebistuxæ dona sanctifica: ut quæ tibi tuo grata sunt instituto, gratiora fiant patrocinio supplicantis. Per Dñm.

Pro S. Petro. Secreta.

Ecclésiæ tuæ, quæsumus Domine, preces, & hostias beati Petri Apóstoli commendet oratio: ut quod pro illius glória celebramus, nobis profit ad veniam. Per Dominum.

Præfatio de Apostolis. fol. 184.

Cómunio. Matth. 19. Amen dico vobis: quod vos, qui reliquistis omnia, & secuti

estis me, centuplum accipietis: & vitam æternam possidebitis. *Postcommunio.*

Sanctificati, Domine, salutari mysterio: quæsumus; ut nobis ejus non desit oratio, cujus nos donasti patrocinio gubernari. Per Dominum.


Pro S. Petro. Postcommunio.

Lætificet nos Domine, munus oblatum: ut, sicut in Apóstolo tuo Petro, te mirabilem prædicamus, sic per illum tuæ sumamus indulgentiæ largitatem. Per Dominum.

Die xiv. Januarii.

IN FESTO S. POLYCARPI
Episcopi & martyris.

Introitus. Dan. 3.



Acerdotes Dei benedicite Dominum, Sancti, & humiles corde laudate Deum. *Dan. ibid.* Benedicite omnia opera Domini Domino, laudate & superexaltate eum in sæcula. *Ps.* Glória Patri.

Oratio.

Deus, qui nos beati Polycarpi martyris tui atque Pontificis annua solemnitate lætificas: concede propitius; ut cujus natalitia colimus, de ejusdem etiam protectione gaudeamus. Per Dominum nostrum.

Lectio libri Apocalypsis beati Joannis Apóstoli. Joann. 3.

Charissimi, Omnis qui non est justus, non est ex Deo, & qui non diligit fratrem suum: quoniam hæc est annuntiatio, quam audistis ab initio: ut diligatis alterutrum. Non sicut Cain, qui ex maligno erat, & occidit fratrem suum. Et propter quid occidit eum? Quoniam opera ejus maligna erant: fratris autem ejus justa. Nolite mirari fratres, si odit vos mundus. Nos scimus, quoniam translatus sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam

mam suam pro nobis posuit: & nos debemus pro fratribus animas ponere.

Graduale. Psal. 8. Gloria & honore coronasti eum. *Ps.* Et constituisti eum super opera manuum tuarum Domine.

Allelúja, allelúja. *Ps.* Hic est sacerdos, quem coronasti Dominus. Allelúja.

Post Septuagesimam, omittis Allelúja, & Versu sequenti, dicitur Tract. Psal. 111.

Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Gloria & divitiæ in domo ejus: & justitia ejus manet in sæculum sæculi.

Sequencia sancti Evangelii secundum Matthæum. Matth. 10. c.

In illo tempore: Dixit Jesus discipulis suis: Nihil est opertum, quod non revelabitur: & occultum, quod non sciatur. Quod dico vobis in tenebris, dicite in lumine: quod in aure auditis, prædicare super tecta. Et nolite timere eos, qui occidunt corpus, animam autem non possunt occidere: sed potius timete eum, qui potest & animam & corpus perdere in gehennam. Nonne duo passeris asseverunt: & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in coelis est.

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Munera tibi Domine, dicata sanctifica: & intercedente beato Polycarpo martyre tuo atque Pontifice, per eadem nos placatus intende. Per Dominum nostrum.

Communio. Psalm. 20. Posuisti Domine in capite ejus coronam de lapide pretioso.

Postcommunio.

Refecti participatione muneris sacri, quæsumus Domine Deus no-

ster: ut, cujus exequimur cultum, intercedente beato Polycarpo martyre tuo atque Pontifice sentiamus effectum. Per Dominum nostrum.

Die xxvii. Januarii.

IN FESTO S. JOANNIS

Chrysostomi Episcopi & Confess.

Introitus.

Eccli. 15.



N medio Ecclesiæ aperuit os ejus: & implevit eum Dominus spiritu sapientiæ & intellectus: stolam gloriæ induit eum.

Psal. 91. Bonum est confiteri Domino: & psallere nomini tuo, Altissime. *Ps.* Gloria Patri.

Oratio.

Eccliam tuam, quæsumus Domine, gratia coelestis amplifcet: quam beati Joannis Chrysostomi Confessoris tui atque Pontificis illustrare voluisti gloriosis meritis & doctrinis. Per Dominum.

Lectio Epistolæ beati Pauli Apostoli ad Timotheum.

2. Tim. 4.

Charissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, in sta opportunè, importunè: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt: sed ad sua desideria coarcebunt sibi magistros, prurièntes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo repõsita est mihi corona justitiæ, quam reddet mihi Dominus in illa die, justus judex: non solum autem mihi, sed & iis, qui diligunt adventum ejus.

Graduale. Eccli. 44. Ecce sacerdos magnus, qui in diebus suis placuit Deo.

Ps. Non est inventus similis illi, qui conservaret legem Excelsi.

Allelúja, allelúja.

Ps. Jac. 1.

Ps. Jac. 1. Beatus vir, qui suffert tentationem: quoniam cum probatus fuerit, accipiet coronam vitae. Alleluja.

Post Septuagesimam, omittis Alleluja, & Versu sequenti, dicitur Tract. Psal. 111.

Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Gloria, & divitiae in domo ejus: & justitia ejus manet in saeculum saeculi.

Sequentia sancti Evangelii secundum Matthaeum. Matth. 5. b

IN illo tempore: Dixit Jesus discipulis suis: Vosestis sal terrae. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum: ut luceat omnibus, qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. **Credo.**

Offertorium. Psalm. 91. Justus ut palma florebit: sicut cedrus, quae in Libano est, multiplicabitur.

Secreta.

Sancti Pontificis tui Joannis Chrysostomi nobis, Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dominum.

Communio. Lucae 12. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

UT nobis, Domine, tua sacrificia dent salutem: beatus Joannes Chrysostomus Pontifex tuus & Doctor egregius, quaesumus, precator accedat. Per Dñm.

Die xxviii. Januarii.

I N F E S T O S. P A U L I
primi Eremitae. Introitus. Psal. 91.



Justus ut palma florebit: sicut cedrus Libani multiplicabitur: plantatus in domo Domini, in atriis domus Dei nostri. **Psal. ibid. Bonum est confiteri Domino:**

& psallere nomini tuo, Altissime. **Ps. Gloria Patri. Oratio.**

Deus, qui nos beati Pauli Confessoris tui annua solemnitate laetificas: concede propitius; ut cujus natalitia colimus, etiam actiones imitemur. Per Dominum nostrum.

Et fit commemor. S. Agnetis, secundo.

Oratio.

Deus, qui nos annua beatae Agnetis virginis & martyris tuae solemnitate laetificas: da quaesumus; ut quam veneramur officio, etiam pie conversationis sequamur exemplo. Per Dominum.

Lectio Epistolae beati Pauli Apostoli ad Philippenses. Phil. 3. b

Fratres, Quae mihi fuerunt lucra, haec arbitratus sum propter Christum detrimenta. Verumtamen existimo omnia detrimentum esse propter eminentem scientiam Jesu Christi Domini mei: propter quem omnia detrimentum feci, & arbitror, ut stercora, ut Christum lucrificiam, & inveniar in illo non habens meam justitiam, quae ex lege est, sed illam, quae ex fide est, Christi Jesu: quae ex Deo est justitia in fide, ad cognoscendum illum, & virtutem resurrectionis ejus, & societatem passionum illius: configuratus morti ejus. Si quo modo occurram ad resurrectionem, quae est ex mortuis: non quod jam acceperim, aut jam perfectus sim: sequor autem, si quo modo comprehendam, in quo & comprehensus sum a Christo Jesu.

Gra-

Graduale. Psal. 91. Justus ut palma florébit: sicut cedrus Libani multiplicabitur in domo Domini. **V.** Ad annuntiandum manè misericordiam tuam, & veritatem tuam per noctem. **Allelúja, allelúja.**

V. Osee 14. Justus germinabit sicut lilium: & florébit in ætérnum ante Dñm. **Allel.**

Post Septuagesimam, omissis Allelúja, & Versu sequenti, dicitur Tractus.

Psalm. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicetur.

V. Glória & divítiæ in domo ejus: & justitia ejus manet in sæculum sæculi.



Sequentia sancti Evangelii secundum Matthæum. Matth. 11. d.

IN illo témpore respondens Jesus, dixit: Confiteor tibi Pater, Dómine cœli & terræ, quia abscondisti hæc à sapiéntibus, & prudentibus, & revelasti ea párvulis. Ita Pater: quóniam sic fuit plácitum ante te. Omnia mihi tradita sunt à Patre meo. Et nemo novit Filium, nisi Pater: neque Patrem quis novit, nisi Filius, & cui voluerit Filius revelare. Veníte ad me omnes, qui laborátis, & oneráti estis, & ego reficiam vos. Tóllite jugum meum super vos, & discite à me, quia mitis sum, & húmilis corde: & inveniétis réquiem animabus vestris. Jugum enim meum suáve est, & onus meum leve.

Offertorium. Psalm. 20. In virtúte tua Dómine lætábitur justus: & super salutáre tuum exultábit veheménter: desiderium animæ ejus tribuisti ei. **Secreta.**

LAudis tibi Dómine, hóstias immolámus, in tuórum commemoratióne Sanctorum: quibus nos & præsentibus exui malis confidimus, & futuris. Per Dóminum nostrum.

Procommem. S. Agnetis, secundo.

Secreta.

Super has, quæsumus Dómine, hóstias benedictio copiósa descendat: quæ & sanctificatióem nobis cleménter operétur, & de Mátyrum nos solemnitáte lætíficet. Per Dóminum.

Communio. Psal. 63. Lætábitur justus in Dómino, & sperábit in eo: & laudabúntur omnes recti corde.

Postcommunio.

Refécti cibo potúque cœlesti, Deus noster, te supplices exorámus: ut in cujus hæc commemoratióne percépimus, ejus muniámur & précibus. Per Dóminum nostrum.

Procommem. S. Agnetis, secundo.

Postcommunio.

Sumpsimus, Dómine, celebritátis annuæ votíva sacraménta: præsta quæsumus; ut & temporális vitæ nobis remédia præbeant, & æternæ. Per Dóminum.

Die xxix. Januarii.

IN FESTO S. FRANCISCI Salesii Episcopi & Confessoris, Missa. Státuit ei Dóminus. de Comuni Confess. Pontif. fol. xii. Oratio.

DEus, qui ad animárum salutem beátum Franciscum Confessórem tuum atque Pontíficem, ómnibus ómnia factum esse voluisti: concéde propítius; ut charitátis tuæ dulcedine perfúsi, ejus dirigéntibus mónitis, ac suffragátibus méritis, æterna gáudia consequámur. Per Dñm.

Die xxx. Januarii.

IN FESTO S. ADELELMI Abbatis, Missa. Os justí. de Comuni Abbatum. fol. xvii. Oratio.

DEus, qui nos beáti Adelélmi Abbatis præcláris virtútum exémples erudíri voluisti: concéde propítius; ut quod te donánte, devótè promísimus, ejúsdem patrocínio fidéliter adimplére valeámus. Per Dóminum.

Die xxxi. Januarii.

IN FESTO S. PETRI Nolasci Conf. Missa. Justus ut palma. ut in Comuni Confessoris non Pontificis. fol. xvi. præter Orationem. Oratio.

DEus, qui in tuæ charitátis exémplo ad fidélium redemptionem, sanctum Petrum Ecclesiám tuam nova prole secundáre divínitas do-


docuisti: ipsius nobis intercessione concede, à peccati servitute solutis, in cœlesti patria perpétua libertate gaudere. Qui vivis, & regnas, &c.

FESTA FEBRUARII.

Die i. Februarii.

IN FESTO S. IGNATII

Episc. & mart. Introitus. Galat. 6.



Ihi autem absit gloriari, nisi in cruce Domini nostri Jesu Christi: per quem mihi mundus crucifixus est, & ego mundo.

Psalm. 131. Memento Domine David: & omnis mansuetudinis ejus. **Gloria Patri.** **Oratio.**

Infirmitatem nostram respice omnipotens Deus: & quia pondus propriæ actionis gravat, beati Ignatii martyris tui atque Pontificis intercessio gloriosa nos protegat. Per Dominum.

Lectio Epistolæ beati Pauli Apostoli ad Romanos. **Rom. 8. f.**

Fratres, Quis nos separabit à charitate Christi? Tribulatio, an angustia, an fames, an nuditas, an periculum, an persecutio, an gladius? (sicut scriptum est: Quia propter te mortificamur tota die, æstimati sumus sicut oves occisionis.) Sed in his omnibus superamus propter eum, qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Jesu Domino nostro.

Graduale. Eccli. 44. Ecce sacerdos magnus, qui in diebus suis placuit Deo.

Psalm. 101. Non est inventus similis illi, qui conservaret legem Excelsi.

Allelúja, allelúja. **Gal. 2.** Christo confixus sum cruci: vivo ego, jam non ego, vivit verò in me Christus. Allelúja.

Post Septuagesimam, omissis Allelúja, & Versu sequenti, dicitur Tract. Psalm. 20. Desiderium animæ ejus tribuisti ei, & vo-

luntate labiorum ejus non fraudasti eum. **Psalm. 101.** Quoniam prævenisti eum in benedictionibus dulcedinis. **Psalm. 101.** Posuisti in capite ejus coronam de lapide pretioso.



Sequentia sancti Evangelii secundum Joannem. **Joann. 12. d**

In illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit, ipsum solum manet. Si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam æternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus.

Offertorium. Psalm. 8. Gloria & honore coronasti eum: & constituisti eum super opera manuum tuarum, Domine. **Secreta.**

Hostias tibi, Domine, beati Ignatii martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dominum.

Communio. Frumentum Christi sum, dentibus bestiarum molar, ut panis mundus inveniar. **Postcommunio.**

Refecti participatione muneris sacri, quæsumus Domine, Deus noster: ut, cujus exequimur cultum, intercedente beato Ignatio martyre tuo atque Pontifice, sentiamus effectum. Per Dominum nostrum.

Die ii. Februarii.

IN FESTO PURIFICATIONIS B. MARIE VIRGINIS.

Si hoc Festum venerit in Dominicis Septuagesimæ, Sexagesimæ, vel Quinquagesimæ, fit tantum benedictio & distributio Candelabrum, & Processio: & Missa dicitur de Dominica. Missa verò Festi transfertur in sequentem diem.

¶ Finita Tertia, Sacerdos indutus Pluviali violaceo, vel sine casula, cum ministris similiter indutis, procedit ad benedicendum Candelas in medio ante Altare, vel ad cornu Epistolæ positas: & ipse ibidem stans versus ad Altare, dicit in tono Orationis Missæ Ferialis: Dominus vobiscum. R. Et cum spiritu tuo.

Oremus.

Oratio.

Domine sancte, Pater omnipotens æternæ Deus, qui omnia ex nihilo creasti, & jussu tuo per opera apum, hunc liquorem ad perfectionem cerei venire fecisti: & qui hodierna die petitionem justî Simeonis implisti: te humiliter deprecamur, ut has Candelas ad usus hominum, & sanitatem corporum & animarum, siue in terra, siue in aquis, per invocationem tui sanctissimi nominis, & per intercessionem beatæ Mariæ semper virginis, cujus hodie festa devotè celebrantur, & per preces omnium Sanctorum tuorum, bene **✠** dicere, & sancti **✠** ficare digneris: & hujus plebis tuæ, quæ illas honorificè in manibus desiderat portare, teque cantando laudare, exaudias voces de coelo sancto tuo, & de sede majestatis tuæ: & propitius sis omnibus clamantibus ad te, quos redemisti pretioso sanguine Filii tui. Qui tecum vivit & regnat in unitate Spiritus sancti Deus, per omnia sæcula sæculorum.

R. Amen.

Oremus.

Omnipotens sempiternæ Deus, qui hodierna die Unigenitum tuum ulnis sancti Simeonis in templo sancto tuo suscipiendum præsentasti: tuam supplices deprecamur clementiam: ut has Candelas, quas nos famuli tui, in tui nominis magnificentiam suscipientes, gestare cupimus luce accensas, bene **✠** dicere, & sancti **✠** ficare, atque lumine supernæ benedictionis accendere digneris: quatenus eas tibi Domino Deo nostro offerendo, digni, & sancto igne dulcissimæ charitatis tuæ succensi, in templo sancto gloriæ tuæ representari mereamur. Per eundem Dominum nostrum. **R. Amen.**

Oremus.

Domine Jesu Christe, lux vera, qui illuminas omnem hominem venientem in hunc mundum: effunde bene **✠** dictionem tuam super hos Cereos, & sancti **✠** fica eos lumine gratiæ tuæ, & concede propitius: ut, sicut hæc luminaria igne visibili accensa, nocturnas depellant tenebras: ita corda nostra invisibili igne, idest, sancti Spiritus splendore illustrata, omnium vitiorum cæcitate careant: ut, purgato mentis oculo, ea cernere possimus, quæ tibi sunt placita, & nostræ salutis utilia: quatenus, post hujus sæculi caliginosa discrimina, ad lucem indeficientem pervenire mereamur. Per te, Christe Jesu Salvator mundi, qui in Trinitate perfecta vivis & regnas Deus, per omnia sæcula sæculorum.

R. Amen.

Oremus.

Omnipotens sempiternæ Deus, qui per Moysen famulum tuum, purissimum olei liquorem, ad luminaria ante conspectum tuum jûgiter concinnanda, præparari jussisti: bene **✠** dictionis tuæ gratiam super hos Cereos benignus infunde: quatenus sic administrent lumen exteriùs, ut te donante, lumen Spiritus tui, nostris non desit mentibus interiùs. Per Dominum in unitate ejusdem Spiritus sancti. **R. Amen.**

Oremus.

Domine Jesu Christe, qui hodierna die in nostræ carnis substantia inter homines apparens, à parentibus in templo es præsentatus: quem Simeon venerabilis senex lumine Spiritus tui irradiatus, agnovit, suscepit, & benedixit: præsta propitius; ut ejusdem Spiritus sancti gratia illuminati atque edocti, te veraciter agnoscamus, & fideliter diligamus. Qui cum Deo Patre, in unitate ejusdem Spiritus sancti vivis & regnas Deus, per omnia sæcula sæculorum. **R. Amen.**

¶ Finitis Orationibus, Celebrans ponit incensum in thuribulum, deinde ter aspergit Candelas aqua benedicta, dicendo Antiphonam, Asperges me. sine cantu, & sine Psalmo: & ter adolet incenso. Tum dignior ex Clero accedit ad Altare, & ab eo Celebrans accipit Candelam non genu-

genuflectens, nec osculans manum illius. Postea Celebrans stans in medio ante Altare, versus ad populum distribuit Candelas, primum digniori, à quo ipse acceperat: deinde Diacono & Subdiacono paratis, & aliis Clericis singulatim per ordinem, ultimò laicis: omnibus genuflectentibus. Candelam & manum Celebrantis osculantibus, exceptis Prælati, si adsint. Et cum incœperit distribuere Candelas, à Choro cantatur *Añā.*

Lucæ 2. Lumen ad revelatiōem Géntium: & glóriam plebis tuæ Israel.

Canticum. ibid. Nunc dimittis servum tuum, Dómine, secúndum verbum tuum in pace. *Deinde repetitur tota Antiphona.* Lumen ad revelatiōem Géntium.

quæ similiter repetitur post quemlibet Versum. Quia viderunt oculi mei salutáre tuum. *Antiphona.* Lumen ad revelatiōem Géntium. *¶* Quod parasti ante faciē omnium populórum.

Antiphona. Lumen. *¶* Glória Patri, & Fílio, & Spíritui sancto.

Antiphona. Lumen. *¶* Sicut erat in principio, & nunc, & semper, & in sæcula sæculórum. Amen. *Antiphona.* Lumen.

His expletis cantatur Antiph. Psalm. 43.

Exúrge, Dómine, adjuva nos: & libera nos propter nomen tuum. Psalm. ibid. Deus, áuribus nostris audivimus: patres nostri annuntiavérunt nobis. *¶* Glória Patri.

Et repetitur, Exúrge, Dómine.

Deinde Sacerdos dicit: Orémus. Et si fuerit post Septuagesimam, & non in die Dominica, Diaconus dicit: Flectámus gēnua. ¶ Leváte. Oratio.

*E*Xáudi quæsumus Dómine, plebem tuam: & quæ extrínsecus ánnua tribus devotiōe venerári, intérius ássequi grátiae tuæ luce concéde. Per Christum Dóminum nostrum. *¶ Amen.*

Deinde fit Processio. Et primò Celebrans imponit incensum in thuribulum: postea Diaconus vertens se ad populum, dicit: Procedámus in pace. Et chorus respondet: In nómine Christi, Amen.

Præcedit thuriferarius cum thuribulo fumigante: deinde Subdiaconus paratus, deferens Crucem, medius inter duos

Acolythos cum candelabris accensis: sequitur Clerus per ordinem, ultimò Celebrans cum Diacono à sinistris, omnes cum Candelis accensis in manibus: & cantantur Antiphonæ sequentes, Añā. Adórna thálamum tuum Sion, & súscipe Regem Christum: ampléctere Mariam, quæ est coeléstis porta: ipsa enim portat Regem glóriæ novi lúminis: subsistit Virgo, addúcens manibus Fílium ante lucíferum génitum: quem accípiens Símeon in ulnas suas, prædicávit popúlis Dóminum eum esse vitæ & mortis, & Salvatórem mundi.

Alia Antiphona. Lucæ 2. Respónsum accépit Símeon à Spíritui sancto, non visúrum se mortem, nisi vidéret Christum Dómini: & cum inducerent púerum in templum, accépit eum in ulnas suas, & benedíxit Deum, & dixit: Nunc dimittis servum tuum Dómine in pace. *¶* Cum inducerent púerum Jesum paréntes ejus, ut fácerent secúndum consuetúdinem legis pro eo: ipse accépit eum in ulnas suas.

Et ingrediendo Ecclesiam, cantatur R. Obtulérunt pro eo Dómino par túrturum, aut duos pullos columbárum: ** Sicut scriptum est in lege Dómini. ¶* Postquam impléti sunt dies purgatiōnis Mariæ secúndum legem Móysi, tulerunt Jesum in Jerúsalem, ut sisterent eum Dómino. Sicut scriptum est.

¶ Glória Patri, & Fílio, & Spíritui sancto. Sicut scriptum est.

¶ Finita Processione, Celebrans & ministri, depositis violaceis, accipiunt paramenta alba pro Missa. Et candelæ tenentur in manibus accensæ, dum legitur Evangelium, & iterum ad elevationem Sacramenti usque ad Communionem.

A D M I S S A M.



Introitus. Psalm. 47.

*U*scépiamus Deus misericórdiam tuam in médio templi tui: secúndum nomen tuum Deus, ita & laus tua in fines terræ: iustitia plena est dextera tua.

*Psalm. ibid. M*agnus Dóminus, & laudábilis

bilis nimis: in civitate Dei nostri, in monte sancto ejus. *✠* Glória Patri.

Oratio.

OMnipotens sempiternus Deus, majestatem tuam supplices exoramus: ut sicut Unigenitus Filius tuus hodierna die cum nostrae carnis substantia in templo est praesentatus; ita nos facias purificatis tibi mentibus praesentari. Pereundem Dominum nostrum.

Lectio Malachiae Prophetae. **Mal. 3.**

Haec dicit Dominus Deus: Ecce ego mitto Angelum meum, & preparabit viam ante faciem meam. Et statim veniet ad templum suum Dominator, quem vos quaeritis, & Angelus testamenti, quem vos vultis. Ecce venit, dicit Dominus exercituum: & quis poterit cogitare diem adventus ejus? & quis stabit ad videndum eum? Ipse enim quasi ignis conflans, & quasi herba fullonum: & sedebit conflans, & emundans argentum, & purgabit filios Levi, & colabit eos quasi aurum, & quasi argentum, & erunt Domino offerentes sacrificia in justitia. Et placebit Domino sacrificium Juda & Jerusalem, sicut dies saeculi, & sicut anni antiqui: dicit Dominus omnipotens.

Graduale. Psalm. 47. Suscepimus Deus, misericordiam tuam in medio templi tui: secundum nomen tuum Deus, ita & laus tua in fines terrae. *✠* Sicut audivimus, ita & vidimus in civitate Dei nostri, in monte sancto ejus. **A**llelúja, allelúja.

✠ Senex puerum portabat: puer autem senem regébat. Allelúja.

Si hoc festum venerit post Septuagesimam, omittis Allelúja, & Versu sequenti, dicitur Tractus. Lucæ 2. Nunc dimittis servum tuum Domine, secundum verbum tuum in pace. *✠* Quia viderunt oculi mei salutare tuum. *✠* Quod parasti ante faciem omnium populorum. *✠* Lumen ad revelationem Gentium, & gloriam plebis tuae Israel.



Sequentia sancti Evangelii secundum Lucam.

Lucæ 2. c

IN illo tempore: Postquam impléti sunt dies purgationis Mariae secundum

Miss. Monast.

dum legem Moysi, tulerunt Jesum in Jerusalem, ut sisterent eum Domino, sicut scriptum est in lege Domini: Quia omne masculinum adaperiens vulvam, sanctum Domino vocabitur. Et ut darent hostiam, secundum quod dictum est in lege Domini, par turturum, aut duos pullos columbarum. Et ecce homo erat in Jerusalem, cui nomen Simeon; & homo iste justus, & timoratus, expectans consolationem Israel, & Spiritus sanctus erat in eo. Et responsum acceperat à Spiritu sancto, non visurum se mortem, nisi prius videret Christum Domini. Et venit in spiritu in templum. Et cum inducerent puerum Jesum parentes ejus, ut facerent secundum consuetudinem legis pro eo: & ipse accepit eum in ulnas suas, & benedixit Deum, & dixit: Nunc dimittis servum tuum Domine, secundum verbum tuum in pace: Quia viderunt oculi mei salutare tuum: Quod parasti ante faciem omnium populorum: Lumen ad revelationem Gentium, & gloriam plebis tuae Israel. **Credo.**

Offertorium. Psal. 44. Diffusa est gratia in labiis tuis, propterea benedixit te Deus in æternum, & in sæculum saeculi.

Secreta.

EXaudi Domine, preces nostras: & ut digna sint munera, quae oculis tuae majestatis offerimus, subsidium nobis tuae pietatis impende. Per Dominum.

Praefatio de Nativitate Domini. Quia per incarnati Verbi. fol. 173.

Communio. Lucæ 2. Responsum accepit Simeon à Spiritu sancto, non visurum se mortem, nisi videret Christum Domini.

Postcommunio.

Quæsumus, Domine Deus noster: ut sacrosancta mysteria, quae pro reparationis nostrae munimine contulisti, intercedente beata Maria semper virgine, & praesens nobis remedium esse facias, & futurum. Per Dominum.

Die iii. Februarii.

IN FESTO S. ILDEFONSI

Episcopi & Confess. Missa. In medio Ecclesiae. fol. xiv.

X

Ora.

Oratio.

DEus, qui per gloriosissimam Filii tui Matrem beatum Ildesum Confessorem tuum atque Pontificem, misso de thesauris coelestibus munere decorasti: concede propitius; ut per ejus preces & merita, munera capiamus aeterna. Per eundem Dominum.

Et sit commem. S. Blasii Episc. & mart. cum Orationibus ex Missa. Sacerdotes Dei. de Communi unius Martyris Pontificis. fol. iii.

Die iv. Februarii.

IN FESTO S. ANDREAE
Corfini Episc. & Confess. Missa. S. tatus ei.
ut in Communi Confess. Pontif. fol. xii.
præter Orationem sequentem. Oratio.

DEus, qui in Ecclesia tua nova semper instauras exempla virtutum: da populo tuo beati Andreæ Confessoris tui, atque Pontificis, ita sequi vestigia, ut assequatur & præmia. Per Dominum.

Die v. Februarii.

IN FESTO S. AGATHÆ
virginis & martyris. Introitus.



Audeamus omnes in Domino, diem festum celebrantes sub honore beatæ Agathæ virginis & martyris: de cujus passione gaudent Angeli, & collaudant

Filium Dei. **Psalm. 44. E** ructavit cor meum verbum bonum: dico ego opera mea Regi. **Glória Patri. Oratio.**

DEus, qui inter cetera potentie tue miracula, etiam in sexu fragili victoriam martyrii contulisti: concede propitius; ut, qui beatæ Agathæ virginis & martyris tue natalitia colimus, per ejus ad te exempla gradiamur. Per Dominum.

Lectio Epistolæ beati Pauli Apostoli ad Corinthios. 1. Cor. 1. d

FRatres, Videte vocationem vestram, quia non multi sapientes secundum carnem, non multi potentes, non multi habiles: sed quæ stulta sunt mundi, elegit Deus, ut confundat sapientes: & infirma mundi elegit Deus, ut confundat fortia:

& ignobilia mundi, & contemptibilia elegit Deus, & ea quæ non sunt, ut ea quæ sunt, destrueret: ut non gloriatur omnis caro in conspectu ejus. Ex ipso autem vos estis in Christo Jesu, qui factus est nobis sapientia à Deo, & justitia, & sanctificatio, & redemptio: ut quemadmodum scriptum est: Qui gloriatur, in Domino gloriatur.

Graduale. Psalm. 45. A djuvabit eam Deus vultu suo: Deus in medio ejus, non commovebitur.

Fluminis impetus lætificat civitatem Dei: sanctificavit tabernaculum suum Altissimus. Allelúja, allelúja.

Psalm. 118. Loquabar de testimoniis tuis in conspectu regum, & non confundabar. Allelúja.

Post Septuagesimam, omittis Allelúja, & Versu sequenti, dicitur Tract. Psal. 125. Qui seminant in lacrymis, in gaudio metent. **E**untes ibant, & flebant, mittentes semina sua.

Veniētes autem venient cum exultatione, portantes manipulos suos.

Sequentia sancti Evangelii secundum Matthæum. Matth. 19.

IN illo tempore: Accesserunt ad Jesum Pharisei tentantes eum, & dicentes: Si licet homini dimittere uxorem suam quacumque ex causa? Qui respondens, ait eis: Non legistis, quia qui fecit hominem ab initio, masculum, & feminam fecit eos? & dixit: Propter hoc dimittet homo patrem, & matrem, & adhærebit uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Dicunt illi: Quid ergo Moyses mandavit dare libellum repudii, & dimittere? Ait illis: Quoniam Moyses ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, & aliam duxerit, moechatur: & qui dimissam duxerit, moechatur. Dicunt ei discipuli ejus: Si ita est causa hominis cum uxore, non expedit

nū-

núbere. Qui dixit illis: Non omnes capiunt verbum istud, sed quibus datum est. Sunt enim eunúchi, qui de matris útero sic nati sunt: & sunt eunúchi, qui facti sunt ab homínibus: & sunt eunúchi, qui seipsos castraverunt propter regnum coelorum. Qui potest capere, capiat.

Offertorium. Psalm. 44. Afferéntur Regis vírgines post eam: próximæ ejus afferéntur tibi. **Secreta.**

Suscipe, Dómine, múnera quæ in beatæ Agathæ vírginis & mártiris tuæ solemnitáte deferimus: cujus nos confidimus patrocínio liberári. Per Dóminum. **Communio.** Qui me dignátus est ab omni plaga curáre, & mamíllam meam meo pectori restituere: ipsum invoco Deum vivum. **Postcommunio.**

Auxiliéntur nobis, Dómine, sumpta mystéria: & intercedente beata Agatha vírgine & mártire tua, sempitérna protectióne confirment. Per Dóminum.

Die vi. Februarii.

IN FESTO S. LAURENTII
Episcopi & Confess. Missa. Státuit ei. de **Communi Confess. Pontif.** fol. xii.
Et fit commemor. S. Dorotheæ virg. & mart. cum Orationibus ex Missa. Me expectavérunt. de **Communi Virginum & Martyrum.** fol. xix.

Die vii. Februarii.

IN FESTO S. ROMUALDI
Abbatis, Missa. Os justi meditábitur. de **Communi Abbatum** fol. xvii.

Die viii. Februarii.

IN FESTO S. JOANNIS
de **Mattha Confess. Missa.** Os justi. **ut in Cói Confess. non Pontif.** fol. xv. **præter Orationem sequentem.** **Oratio.**

Deus, qui per sanctum Joánnem, Ordinem sanctíssimæ Trinitátis ad rediméndum de potestáte Saracenórum captivos coelitus institúere dignátus es: præsta quæsumus; ut ejus suffragántibus méritis, à captivitate corporis, & animæ te adjuvante liberémur. Per Dóminum nostrum.

Die ix. Februarii.

IN FESTO S. HILARII
Episc. & Confess. Missa. In médio Ecclésiæ. de **Communi Doctorum:** sed non dicitur **Credo.**

Et fit commemor. S. Apolloniæ virg. & mart. cum Orationibus ex Missa. Loquébar de testimoniis tuis. de **Communi Virginum & Martyr.** ut infra. fol. xviii.

Die x. Februarii.

IN FESTO S. SCHOLASTICÆ
virginis. Introitus. Psalm. 44.



Ilexisti justitiam, & odisti iniquitatem: propterea unxit te Deus, Deus tuus, óleo lætitiæ præ consortibus tuis.

Psalm. ibid. Eructávit cor meum verbum bonum: dico ego ópera mea Regi.

Glória Patri, & Fílio, &c.

Oratio.

Deus, qui ánimam beatæ vírginis tuæ Scholásticæ, ad ostendendam innocentiae viam, in columbæ spécie coelum penetráre fecisti: da nobis ejus méritis & précibus ita innocenté vivere; ut ad æterna mereámur gaudia pervenire. Per Dóminum.

Lectio Epístolæ beati Pauli Apóstoli ad Corínthios. **1. Cor. 10.**

Fratres, Qui gloriátur, in Dómino gloriétur. Non enim, qui seipsum comméndat, ille probátus est: sed quem Deus coméndat. Utinam sustinerétis módicum quid insipientiæ meæ: sed & supportáte me. Æmulor enim vos Dei æmulatione. Despóndi enim vos uni viro vírginem castam exhibére Christo.

Graduale. Psalm. 44. Spécie tua, & pulchritúdine tua inténde, prospere procéde, & regna. **Ps.** Propter veritatem, & mansuetúdinem, & justitiam: & dedúcet te mirabíliter dextera tua.

Allelúja, allelúja.

Ps. Adducéntur Regi vírgines post eam: próximæ ejus afferéntur tibi in lætítia. **Allelúja.**

Post Septuagesimam, omittis Allelúja, & Versu sequenti. dicitur Tractus, ibid.

Audi filia, & vide, & inclina aurem tuam: quia concupivit Rex spem tuam.

V. Vultum tuum deprecabuntur omnes divites plebis: filia regum in honore tuo.

V. Adducuntur Regi virgines post eam: proxima ejus afferuntur tibi.

V. Afferuntur in lætitia, & exultatione: adducuntur in templum Regis.



Sequentia sancti Evangelii secundum Matthæum. **Matth. 25.**

In illo tempore: Dixit Jesus discipulis suis parabolam hanc: Simile erit regnum coelorum decem virginibus: quæ accipientes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpsérunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornavérunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne forte non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissime verò veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Dicitur Credo.

Offertorium. Psalm. 44. Filia regum in honore tuo, astitit regina à dextris tuis in vestitu deaurato, circumdata varietate.

Secreta.

Accepta tibi sit, Domine, sacrata plebis oblatio, pro tuorum honore Sanctorum: quorum se meritis

de tribulatione percepisse cognoscit auxilium. Per Dominum nostrum.

Communio. Matth. 25. Quinque prudentes virgines acceperunt oleum in vasis suis cum lampadibus: média autem nocte clamor factus est: ecce sponsus venit, exite obviam Christo Domino.

Postcommunio.

Satiasti, Domine, familiam tuam munéribus sacris: ejus, quæsumus semper interventione nos refove, cujus solémnia celebramus. Per Dominum nostrum.

¶ Infra Octav. sanctæ Scholasticæ dicitur eadem Missa sicut in Festo, secunda Oratio de sancta Maria; tertia, Ecclesiæ tuæ, vel pro Papa. fol. 223.

In Quadragesima verò, dicitur Missa principalis de Feria occurrenti, in qua, color violaceus: secunda Oratio de Octava; & tertia, A cunctis nos. fol. 280.

Die xiii. Februarii.

**IN FESTO S. GREGORII
Secundi Papæ & Confessoris.**

Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in æternum. **Psalm. 131.** Memento Domine David, & omnis

mansuetudinis ejus. **V. Gloria. Oratio.**

Deus, qui beatum Gregorium Confessorem tuum atque Pontificem, fidei defensorem & Apostolicæ sapientiæ, ac firmitatis exemplum in Ecclesiâ tuâ constituisti: largire nobis quæsumus, ut omnia adversa pro nominis tui gloria humili corde sustinentes, æternitatis gloriam consequamur. Per Dominum.

Et sit commemor. Octavæ S. Scholasticæ, & Feriæ.

Lectio libri Sapientiæ. Eccli. 44. c

Ecce sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideò jurejurando fecit illum Dominus crescere

re in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam glorie. Statuit illi testamentum æternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo.

Ps. Non est inventus similis illi, qui conservaret legem Excelsi. **Allelúja, allelúja.**

Ps. 109. Tu es sacerdos in æternum secundum ordinem Melchisedech. **Allelúja.**

Post Septuag. omittis Allelúja, & v. seq. dicitur Tractus. Psal. 111. Beatus vir, qui timet Dominum: in mandatis ejus cupit nimis. **Ps.** Potens in terra erit semen ejus: generatio rectorum benedicetur.

Ps. Gloria & divitiæ in domo ejus: & justitia ejus manet in sæculum sæculi.



Sequentia sancti Evangelii secundum Matthæum. **Matth. 24. c**

In illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias qua hora fur venturus esset, vigilaret utique, & non sineret perfodi domum suam. Ideo & vos estote parati: quia quia nescitis hora, Filius hominis venturus est. Quis, putas, est fidelis servus & prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Psal. 88. Inveni David servum meum, oleo sancto meo unxi eum: manus enim mea auxiliabitur ei: & brachium meum confortabit eum. **Secreta.**

Sancti tui nos, Domine quaesumus, ubique lætificent: ut dum eorum Miss. Monast.

mèrita recolimus; patrocinia sentiamus. Per Dominum nostrum.

Communio. Lucæ 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Presta quaesumus omnipotens Deus: ut de perceptis muneribus gratias exhibentes, intercedente beato Gregorio Confessore tuo atque Pontifice, beneficia potiora sumamus. Per Dominum.

Die xiv. Februarii.

SANCTI VALENTINI

Presbyteri & martyris.

Missæ. In virtute tua. de Comuni unius Martyris. fol. iii. Orationes verò erunt sequentes. Oratio.

Presta quaesumus, omnipotens Deus: ut, qui beati Valentini martyris tui natalitia colimus, à cunctis malis imminèntibus, ejus intercessione liberemur. Per Dominum. **Secreta.**

Oblatis, quaesumus Domine, placare munèribus: & intercedente beato Valentino martyre tuo, à cunctis nos defende periculis. Per Dominum nostrum. **Postcommunio.**

Sit nobis, Domine, reparatio mentis, & corporis coelèste mystèrium: ut, cujus exequimur actionem, intercedente beato Valentino martyre tuo, sentiamus effectum. Per Dominum.

Die xv. Februarii.

SS. MARTYRUM FAUSTINI

& Jovite, Missæ. Salus autem. de Comuni plurim. Marc. fol. x. Oratio.

Deus, qui nos annua Sanctorum martyrum tuorum Faustini & Jovite solemnitate lætificas: concede propitius; ut quorum gaudemus mèritis, accendá-mur exèmplis. Per Dominum. **Secreta.**

Oblatis, quaesumus Domine, placare munèribus: & intercedentibus Sanctis martyribus tuis Faustino & Jovita, à cunctis nos defende periculis. Per Dominum nostrum. **Postcommunio.**

Hæc nos communiò, Domine, purget à crimine: & intercedentibus

sanctis martyribus tuis Faustino & Iovita, coelestis remedii faciat esse consortes. Per Dominum:

Die xvii. Februarii.

In Octava S. Scholasticæ Virginis, Missa ut in die; sed in Quadrag. cum commemor. Feriæ, & ejusdem Evangel. in fine.

Die xviii. Februarii.

IN FESTO S. HELLADII
Episc. & Conf. Missa. In medio Ecclesiæ.
de Communi Doctorum. xiv. Oratio.

Deus, qui populo tuo æternæ salutis beatum Helladium ministrum concessisti: præsta, quæsumus; ut qui executor mandatorum tuorum extitit in terris, intercessor noster semper esse dignetur in coelis. Per Dominum.

Et fit commemoratio Feriæ, si venerit in Quadrages. & postea S. Simeonis Episc. & Martyris, Oratio. Infirmi-tatem. ut in Communi unius Mart. Pontif. fol. ii. Non dicitur Credo.

Die xx. Februarii.

IN FESTO S. CANUTI
martyris. Introitus. Psalm. 20.



In virtute tua, Domine, lætabitur justus: & super salutare tuum exultabit vehementer: desiderium animæ ejus tribuisti ei.

Psalm. ibid. Quoniam prævenisti eum in benedictionibus dulcedinis: posuisti in capite ejus coronam de lapide pretioso.

Glória Patri, & Filio, &c.

Oratio.

Deus, qui ad illustrandam Ecclesiam tuam beatum Canutum Regem martyrii palma, & gloriósus miraculis decorare dignatus es: concede propitius; ut sicut ipse Domínice passionis imitator fuit, ita nos per ejus vestigia gradientes, ad gaudia sempiterna pervenire mereamur. Per eundem Dominum nostrum.

Deinde fit commemoratio Feriæ, si venerit in Quadragesima.

I ectio libri Sapientiae. Sap. 10. b

Iustum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complévit labores illius. In fraude circumvenientium illum affuit illi, & honestum fecit illum. Custodivit illum ab inimicis, & a seductoribus tutavit illum, & certamen forte dedit illi, ut vinceret, & sciret, quoniam omnium poténtior est sapientia. Hæc venditum iustum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & poténtiam adversus eos, qui eum deprimebant: & mendaces ostendit, qui maculaverunt illum: & dedit illi claritatem æternam, Dominus Deus noster.

Graduale. Psalm. 111. Beatus vir, qui timet Dominum: in mandatis ejus cupit nimis. Potens in terra erit semen ejus: generatio rectorum benedicetur.

Allelúja, allelúja. Psalm. 20. Posuisti Domine super caput ejus coronam de lapide pretioso. Allelúja.

Post Septuagesimam, omittis Allelúja, & Versu sequenti, dicitur Tractus, ibid. Desiderium animæ ejus tribuisti ei: & voluntate labiorum ejus non fraudasti eum. Quoniam prævenisti eum in benedictionibus dulcedinis.

Posuisti in capite ejus coronam de lapide pretioso.

Sequentia sancti Evangelii secundum Matthæum. Matth. 6. d

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum

cum Angelis suis: & tunc reddet unicuique secundum opera eius.

Offertor. Psal. 8. Glória & honore coronasti eum; & constituisti eum super opera manuum tuarum, Domine. **Secreta.**

Muneribus nostris, quaesumus Domine, precibusque susceptis: & coelestibus nos mundi mysteriis, & clementer exaudi. Per Dominum.

Communio. Matth. 16. Qui vult venire post me, abneget semetipsum: & tollat crucem suam, & sequatur me.

Postcommunio.

DA, quaesumus Domine Deus noster: ut sicut tuorum commemoratione sanctorum, temporali gratulamur officio, ita perpetuo laetemur aspectu. Per Dominum.

Die xxi. Februarii.

IN FESTO S. RAYMUNDI
de Peñafort Confess. Missa. Os justide
Communi Confess. non Pontif. fol. xv.
Prima Oratio sequens.

DEus, qui beatum Raymundum poenitentiae Sacramenti insignem ministrum elegisti, & per maris undas mirabiliter traduxisti: concede; ut ejus intercessionem dignos poenitentiae fructus facere, & ad aeternae salutis portum pervenire valeamus. Per Dominum.

Die xxii. Februarii.

IN FESTO CATHEDRAE
Antiochenae sancti Petri.

Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in aeternum. **Psal. 131.** Memento Domine, David: &

omnis mansuetudinis ejus.

Glória Patri.

Oratio.

DEus, qui beato Petro Apostolo tuo, collatis clavibus regni coelestis, ligandi atque solvendi Pontificium tradidisti: concede; ut intercessionis ejus auxilio, a peccatorum nostrorum nexibus liberemur. Qui vivis & regnas, &c.

Procommem. S. Pauli Apostoli. Oratio.

DEus, qui multitudinem Gentium beati Pauli Apostoli praedicatione docuisti: da nobis quaesumus; ut cujus commemorationem colimus, ejus apud te patrocinia sentiamus. Per Dominum.

Si fuerit in Quadrag. fit commem. Ferial.

Lectio Epistolae beati Petri Apostoli.

1. Petr. 1.

Petrus Apostolus Jesu Christi, electis advenis dispersionis Ponti, Galatiae, Cappadociae, Asiae, & Bithyniae, secundum praescientiam Dei Patris, in sanctificationem Spiritus, in obedientiam, & asperisionem sanguinis Jesu Christi: Gratia vobis, & pax multiplicetur. Benedictus Deus, & Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in haereditatem incorruptibilem, & incontaminatam, & immarcescibilem, conservatam in coelis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior auro (quod per ignem probatur) inveniatur in laudem, & gloriam, & honorem, in revelatione Jesu Christi Domini nostri.

Graduale. Psalm. 106. Exaltent eum in Ecclesia plebis: & in cathedra seniorum laudent eum. **V.** Confiteantur Domino misericordiae ejus: & mirabilia ejus filiis hominum.

Tractus. Matth. 16. Tu es Petrus, & super hanc petram aedificabo Ecclesiam meam.

V. Et portae inferi non praevalerunt adversus eam, & tibi dabo claves regni coelorum. **V.** Quodcumque ligaveris super terram, erit ligatum & in coelis.

V. Et quodcumque solveris super terram, erit solutum & in coelis.



Sequentia sancti Evangelii secundum Matthaeum. Matth. 1. b

In illo tempore: Venit Jesus in partes Caesareae Philippi: & interrogabat discipulos.

discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii verò Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Jesus, dixit ei: Beatus es Simon Bar-Jóna: quia caro, & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalébunt adversus eam. Et tibi dabo claves regni coelorum. Et quodcúmque ligáveris super terram, erit ligátum & in coelis: & quodcúmque sólveris super terram, erit solútum & in coelis. **Credo.**

Offertorium. ibid. Tu es Petrus, & super hanc petram ædificabo Ecclesiam meam: & portæ inferi non prævalébunt adversus eam: & tibi dabo claves regni coelorum. **Secreta.**

Ecclésiæ tuæ, quæsumus Dómine, preces, & hóstias beáti Petri Apostoli comméndet orátio: ut quod pro illius glória celebrámus, nobis profit ad véniam. Per Dóminum.

Pro sancto Paulo. Secreta.

Apóstoli tui Pauli précibus, Dómine, plebis tuæ dona sanctifica: ut quæ tibi tuo grata sunt institúto, gratióra fiant patrocínio supplicántis. Per Dóminum nostrum.

Præfatio de Apostolis. fol. 184.

Communio. ibid. Tu es Petrus, & super hanc petram ædificabo Ecclesiam meam. **Postcommunio.**

Lætificet nos, Dómine, munitis oblátum: ut, sicut in Apóstolo tuo Petro te miráblem prædicámus, sic per illum tuæ sumámus indulgentiæ largitatem. Per Dóminum.

Pro S. Paulo. Postcommunio.

Sanctificáti, Dómine, salutári mystério: quæsumus, ut nobis ejus non desit orátio, cujus nos donásti patrocínio gubernári. Per Dóminum.

¶ Notandum, quòd dies crastina, scili-

**cet 23. Februarii, nisi fuerit Dominica, in Italia tantum fit de Festo S. Margari-
tæ de Cortona sub ritu Semiduplici, pro qua, Missa propria ponitur circa
finem Missalis inter Missas Sanctorum
pro aliquibus Locis.**


Die xxiii. vel xxiv. Februarii.

**¶ In Vigilia S. Mathiæ. Missa. Ego au-
tem sicut olíva. de Comuni, in Vigi-
lia unius Apostoli. fol. i.**

**Si hæc Vigilia venerit in Quadrag. fit de
ea tantum commemoratio in Missa.**

Die xxiv. vel xxv. Februarii.

**IN FESTO S. MATHIÆ
Apostoli. Introitus. Psal. 138.**



Ihi autem nimis honoráti sunt amici tui Deus: nimis confortátus est principátus eorum. **Psal. ibid. Dómi-
ne, probásti me, & cogno-
vísti me: tu cognovísti ses-**

sionem meam, & resurrectionem meam. **¶ Glória Patri. Oratio**

Deus, qui beátum Mathiam Apostolorum tuorum collégio sociásti: tribue quæsumus; ut ejus interven-
tione, tuæ circa nos pietátis semper víscera sentiámus. Per Dóminum.

In Quadages. fit commem. Feriæ.

Lectio Actuum Apostolorum. **Act. 1. c**

In diebus illis: Exúrgens Petrus in mé-
dio fratrum, dixit (erat autem turba
hóminum simul ferè centum viginti:)
Viri fratres, opórtet impleri Scriptúram,
quam prædixit Spíritus sanctus per os
David de Juda, qui fuit dux eorum, qui
comprehenderunt Jesum: qui connume-
rátus erat in nobis, & sortitus est sortem
ministérii hujus. Et hic quidem possédit
agrum de mercéde iniquitátis, & suspén-
sus crépuit médius: & diffusa sunt ómnia
víscera ejus. Et notum factum est ómni-
bus habitántibus Jerúsalem, ita ut appel-
larétur ager ille, lingua eorum Hacélda-
ma, hoc est, ager sanguíinis. Scriptum
est enim in libro Psalmórum: Fiat com-
morátio eorum desérta, & non fit qui in-
hábitet in ea: & episcopátum ejus acci-
piat.

piat alter. Opórtet ergo ex his viris, qui nobiscum sunt congregati in omni tempore, quo intravit, & exivit inter nos Dóminus Jesus, incipiens à baptismo Joánnis, usque in diem, qua assumptus est à nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est Justus, & Mathiam. Et orantes dixerunt: Tu Dómine, qui corda nosti omnium; ostende, quem elegeris ex his duobus unum, accipere locum ministerii hujus, & Apostolatus, de quo prævaticatus est Judas, ut abiret in locum suum. Et dederunt sortes eis, & cecidit fors super Mathiam, & annumeratus est cum undecim Apóstolis.

Graduale. Psal. 138. Nimis honorati sunt amici tui Deus: nimis confortatus est principatus eorum. *✠* Dinumerabo eos: & super arenam multiplicabuntur.

Tractus. Psalm. 20. Desiderium animæ ejus tribuisti ei, & voluntate labiorum ejus non fraudasti eum. *✠* Quoniam prævenisti eum in benedictionibus dulcedinis. *✠* Posuisti in capite ejus coronam de lapide pretioso.



Sequentia sancti Evangelii secundum Matthæum. **Matth. 11. d**

In illo tempore respondens Jesus, dixit: Confiteor tibi Pater, Dómine coeli & terræ, quia abscondisti hæc à sapientibus, & prudentibus, & revelasti ea parvulis. Ita Pater: quoniam sic fuit placitum antequam. Omnia mihi tradita sunt à Patre meo. Et nemo novit Filium, nisi Pater: neque Patrem quis novit, nisi Filius, & cui voluerit Filius revelare. Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde: & inveniatis requiem animabus vestris. Jugum enim meum suave est, & onus meum leve. **C**redo.

Offertorium. Psalm. 44. Constitues eos principes super omnem terram: memores erunt nominis tui Dómine, in omni progénie, & generatione.

Secreta.

Hostias tibi, Dómine, quas nómni tuo sacrandas offerimus, sancti Mathiæ Apóstoli tui prosequatur oratio: per quam nos expiari facias, & defendi. Per Dóminum.

Præfatio de Apostolis. fol. 184.

Communio. Matth. 19. Vos, qui secuti estis me, sedebitis super sedes, judicantes duodecim tribus Israel. **Postcommunio.**

Præsta quæsumus omnipotens Deus: ut per hæc sancta, quæ sumpsimus, interveniente beato Mathiæ Apóstolo tuo, veniam consequamur & pacem. Per Dóminum.

Die xxvi. Februarii.

IN FESTO S. MARTINÆ
virginis & martyris, **Missa.** Loquébar.
de **Communi Virg. & Mart.** fol. xviii.
In Quadragesima fit commem. Ferie.

Die xxvii. Februarii.

IN FESTO S. LEANDRI
Episcopi Confessoris & Doctoris,
Missa. In medio. de **Communi Do-**
ctorum. fol. xiv. **Oratio.**

Deus, qui Arianam pravitatem beati Leandri Confessoris tui atque Pontificis doctrina & meritis ab Hispânia repulisti: da plebi tuæ, ut ejus intercessione, ab omni errorum ac vitiorum labe semper liberi conservemur. Per Dóminum.

Fit commem. Ferie, si venerit in Quadr.
Et dicitur Credo.

FESTA MARTII.

Die i. Martii.

IN FESTO S. RUDESINDI
Episcopi & Confess. **Missa.** Sacerdotes.
de **Communi Conf. Pontificis.** fol. xiii.

Oratio.

Propitiare, quæsumus Dómine, nobis famulis tuis per sancti Confessoris tui atque Pontificis Rudesindi merita gloriosa; ut ejus pia intercessione ab omnibus semper protegámur adversis. Per Dóminum.

Et fit cōmem. Ferie, si venerit in Quadr.
Euan-

Euangelium. Sint lumbi vestri. ut in Communi Confess. non Pontif. fol. xvi.

Die ii. Martii.

IN FESTO S. SUITBERTI

Episcopi & Confess. Missa. S. tātuit ei. de Communi Confess. Pontif. fol. xii.

Oratio.

EXaudi, quæsumus Dómine, preces nostras: & intercedente beato Suitbérto Confessóre tuo atque Pontífice, supplicatiónes nostras placátus inténde. Per Dóminum.

Et fit commem. Ferie, si fuerit in Quadr.

Die iii. Martii.

IN FESTO S. ANSELMI

Abbatis, Missa. O s just. de Communi Abbatum. fol. xvii. & fit commemor.

Ferie, si venerit in Quadragesima.

Die iv. Martii.

IN FESTO S. CASIMIRI

Confessoris. Introitus. Psal. 36.



S justi meditábitur sapiéntiam, & lingua ejus loquétur iudícium: lex Dei ejus in corde ipsius.

*Psal. ibid. N*oli æmulári in malignántibus: neque zeláveris faciéntes iniquitátem.

v. Glória Patri.

Oratio.

Deus, qui inter regáles delicias, & mundi illécebras, sanctum Casimír-um virtúte constántiæ roborásti: quæsumus; ut ejus intercessiône fideles tui terréna despícient, & ad coeléstia semper aspírent. Per Dóminum.

In Quadrages. fit commem. Ferie.

Pro commemorat. S. Lucii Papæ & martyris.

Oratio.

Deus, qui nos beáti Lúcii mártiris tui atque Pontíficis ánnua solemnitáte lætíficas: concéde propítius; ut cujus natalítia cólimus, de ejúsdem étiam protectiône gaudeámus. Per Dóminum nostrum.

Léctio libri Sapiéntiæ.

Eccli. 31.

Beátus vir, qui invéntus est sine mácula, & qui post aurum non ábiit,

nec sperávit in pecúnia & thesáuris. Quis est hic, & laudábimus eum? fecit enim mirabília in vita sua. Qui probátus est in illo, & perféctus est, erit illi glória æténa: qui pótuit transgredi, & non est transgréssus; fácere mala, & non fecit: ideo stabilita sunt bona illius in Dómino, & elemósynas illius enarrábit omnis Ecclésia sanctórum.

*Graduale. Psal. 91. J*ustus ut palma florebit: sicut cedrus Libani multiplicábitur in domo Dómini. *v.* Ad annuntiándum manè misericórdiam tuam, & veritátem tuam per noctem.

*Tractus. Psal. 111. B*eátus vir, qui timet Dóminum: in mandátis ejus cupit nimis. *v.* Potens in terra erit semen ejus: generátio rectórum benedicétur.

v. Glória & divítiæ in domo ejus: & justítia ejus manet in sæculum sæculi.



*S*equéntia sancti Euangélíi secúndum Lucam. *Lucæ 12. c*

In illo témpore: Dixit Jesus discípu-
lis: Sint lumbi vestri præcíncti, &
lucérnæ ardéntes in má nibus vestris:
& vos símiles homínibus expectántibus
dóminum suum, quando revertátur à
núptiis: ut, cùm vénerit, & pulsáverit,
conféstim apériant ei. Beáti servi illi,
quos, cùm vénerit dóminus, invénerit
vigilántes: amen dico vobis, quòd præ-
cínget se, & fáciet illos discúmbere, &
transiens ministrábit illis. Et si vénerit in
secúnda vigília, & si in tértia vigília véne-
rit, & ita invénerit, beáti sunt servi illi.
Hoc autem scitóte, quóniam si sciret pa-
terfámílias, qua hora fur veníret, vigilá-
ret útique, & non sínere tperfodi domum
suam. Et vos estóte paráti, quia qua
hora non putátis, Fílius hóminis véniet.

*Offertorium. Psal. 88. V*eritas mea, &
misericórdia mea cum ipso: & in nó-
mine meo exaltábitur cornu ejus.

Secreta.

Laudis tibi Dómine, hóstias immo-
lámus in tuórum commemoratió-
ne Sanctórum: quibus nos & præsen-
tibus éxui malis confidimus, & futú-
ris. Per Dóminum nostrum.

Pro

Pro S. Lucio.

Secreta.

MUnera tibi Dómine, dicata sanctifica: & intercedente beato Lúcio mártire tuo atque Pontífice, per eadem nos placatus inténde. Per Dóminum.

Communio. Matth. 24. Beatus servus, quem, cum vénerit dóminus, invenerit vigilátem: amen dico vobis, super omnia bona sua constituet eum.

Postcommunio.

Refecti cibo potúque coelésti, Deus noster, te supplices exoramus: ut in cuius hæc commemoratione percépimus, ejus muniámur & precibus. Per Dóminum.

Pro S. Lucio.

Postcommunio.

Hæc nos communio Dómine, purget à crimine: & intercedente beato Lúcio mártire tuo atque Pontífice, coeléstis remédii fáciat esse cónsortes. Per Dóminum.

Die v. Martii.

IN FESTO S. CHUNEGUNDIS

Romanorum Imperatricis Augustæ, virginis, Missa. Dilexisti. de Comuni Virg. non mart. fol. xx.

Oratio.

Deus, qui beatæ Chunegúndi virgini tuæ, terréna despícere, & ad coeléstis Impérii culmen anhelare tribuisti: concède quæsumus; ut ejus imitatione, calcatis mundi illécebris, ad gaudia æterna secúri pervenire valeámus. Per Dñm.

In Quadrages. fit commem. Feriæ.

Die vii. Martii.

IN FESTO S. THOMÆ

de Aquino Confessoris, & Ecclesiæ Doctoris. Introitus. Eccli. 15.



In médio Ecclesiæ aperuit os ejus: & implevit eum Dóminus spiritu sapiéntiæ, & intelléctus: stolam glóriæ induit eum. Ps. 91. Bonum est confiteri Dómi-

no: & psállere nómini tuo, Altíssime.

v. Glória Patri.

Oratio.

Deus, qui Ecclesiám tuam beáti Thomæ Confessoris tui mira eruditóne clarificas, & sancta operatióne foecundas: da nobis quæsumus, & quædócuit,

intelléctu conspícere; & quæ egit, imitatione complére. Per Dóminum.

Et fit commemor. Feriæ, si venerit in Quadragesima; & postea SS. Perpetuæ & Felicitatis martyrum. Oratio.

DA nobis, quæsumus Dómine Deus noster, sanctárum mártýrum tuárum Perpetuæ & Felicitatis palmas incessábili devotióne venerári: ut quas digna mente non póssumus celebráre, humilibus saltem frequentémus obséquiiis. Per Dóminum.

Lectio libri Sapiéntiæ.

Sap. 7.

Optavi, & datus est mihi sensus: & invocávi, & venit in me spíritus sapiéntiæ: & præpósui illam regnis & sédibus, & divítias nihil esse duxi in comparatióne illius: nec comparávi illi lápidem pretiósium: quóniam omne aurum in comparatióne illius, aréna est exígua, & tamquam lutum æstimábitur argéntum in conspéctu illius. Super salutem & spéciem diléxi illam, & propósui pro luce habére illam: quóniam inextinguibile est lumen illius. Venérunt autem mihi omnia bona páriter cum illa, & innumerábilis honéstas per manus illius, & lætátus sum in ómnibus: quóniam antecedebat me ista sapiéntia, & ignorábam quóniam horum ómnium mater est. Quam sine fictiône didici, & sine invídia comunico, & honestátem illius non abscondo. Infínitus enim thesáurus est homínibus: quo qui usi sunt, partícipes facti sunt amicitiae Dei, propter disciplinæ dona commendáti.

Graduale. Psalm. 36. Os justí meditábitur sapiéntiam, & lingua ejus loquétur judícium. v. Lex Dei ejus in corde ipsius, & non supplantabúntur gressus ejus.

Tractus. Psal. 111. Beátus vir, qui timet Dóminum: in mandátis ejus cupit nimis. v. Potens in terra erit semen ejus: generatio rectórum benedicétur.

v. Glória & divítiae in domo ejus: & justitia ejus manet in sæculum sæculi.



Sequéntia sancti Euangélii secúndum Matthæum. Matth. 5. b

In illo témpore: Dixit Jesus discipulis suis: Vos estis sal terræ. Quod si sal eva-

evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. **Credo.**

Offertorium. Psalm. 91. Justus ut palma florebit: sicut cedrus, quae in Libano est, multiplicabitur. **Secreta.**

Sancti Thomae Confessoris tui atque Doctoris nobis, Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dominum.

Pro sanctis martyribus Perpetua & Felicitate. Secreta.

Intende, quaesumus Domine, munera altaribus tuis pro sanctarum martyrum Perpetuae & Felicitatis festivitate proposita: ut sicut per haec beata mysteria illis gloriam contulisti; ita nobis indulgentiam largiaris. Per Dominum.

Communio. Lucae 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Ut nobis, Domine, tua sacrificia dent salutem: beatus Thomas Confessor tuus & Doctor egregius, quaesumus, precator accedat. Per Dominum.

Pro SS. Martyribus. Postcommunio.

Praesta nobis, quaesumus Domine, intercedentibus sanctis martyribus tuis Perpetua & Felicitate: ut quod

ore contingimus, pura mente capiamus. Per Dominum nostrum.

Die viii. Martii.

IN FESTO S. VEREMUNDI

Abbatis, Missa. Os justi. de Comuni Abbatum. fol. xvii.

Et fit commemor. Feriae, si venerit in Quadragesima.

Die ix. Martii.

IN FESTO S. FRANCISCAE

Viduae, Missa. Cognovi. de Comuni nec Vig. nec Mart. fol. xxiii. praeter Orationem sequentem.


Oratio.

Deus, qui beatam Franciscam famulam tuam, inter cetera gratiae tuae dona, familiari Angeli consuetudine decorasti: concede quaesumus; ut intercessionis ejus auxilio Angelorum consortium consequi mereamur. Per Dominum.

In Quadragesima fit commemor. Feriae.

Die x. Martii.

IN FESTO SS. QUADRAGINTA Martyrum. Introitus. Psal. 33.



Lamaverunt iusti, & Dominus exaudivit eos: & ex omnibus tribulationibus eorum liberavit eos.

Psal. ibid. Benedicam Dominum in omni tempore:

semper laus ejus in ore meo.

Glória Patri, & Filio, &c.

Oratio.

Praesta quaesumus omnipotens Deus: ut, qui gloriosos martyres, fortes in sua confessione cognovimus, pios apud te in nostra intercessionem sentiamus. Per Dominum.

Deinde fit commemor. Feriae: & Oratio tertia, A cunctis. fol. 280.

Sed si fuerit infra Hebdom. Passionis, Oratio iii. erit, Ecclesiae. vel pro Papa. fol. 223.

Lectio Epistolae beati Pauli Apostoli ad Hebraeos. Hebr. 11. f

Fratres, Sancti per fidem vicerunt regna, operati sunt iustitiam, ad-

pti

pti sunt repromissiones, obturaverunt ora leonum, extinxerunt impetum ignis, effugerunt aciem gladii, convalescerunt de infirmitate, fortes facti sunt in bello, castra verterunt exterorum: acceperunt mulieres de resurrectione mortuos suos: alii autem distenti sunt, non suscipientes redemptionem, ut meliorem invenirent resurrectionem. Alii vero ludibria, & verbera experti, insuper & vincula, & carceres; lapidati sunt, secti sunt, tentati sunt, in occisione gladii mortui sunt: circueverunt in melotis, in pellis caprinis, egentes, angustii, afflicti: quibus dignus non erat mundus: in solitudinibus errantes, in montibus, & speluncis, & in cavernis terrae. Et hi omnes testimonio fidei probati inventi sunt: in Christo Jesu Domino nostro.

Graduale. Psalm. 132. Ecce quam bonum, & quam jucundum, habitare fratres in unum.

V. Sicut unguentum in capite: quod descendit in barbam, barbam Aaron.

Tractus. Psalm. 125. Qui seminant in lacrymis, in gaudio metent. **V.** Euntes ibant & flebant, mittentes semina sua.

V. Venientes autem venient cum exultatione, portantes manipulos suos.



Sequentia sancti Evangelii secundum Lucam. **Luc. 6. c**

IN illo tempore: Descendens Jesus de monte, stetit in loco campestri, & turba discipulorum ejus, & multitudo copiosa plebis ab omni Judaea, & Jerusalem, & maritima, & Tyri, & Sidonis, qui venerant, ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quaerebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, & cum separaverint vos, & exprobra-

verint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in coelo.

Offertorium. Psalm. 31. L. aetamini in Domino, & exultate justi: & gloriamini omnes recti corde.

Secreta.

Sacrificiis praesentibus, quaesumus Domine, intende placatus: ut intercedentibus sanctis Martyribus tuis, & devotioni nostrae proficiant, & saluti. Per Dominum.

¶ Si hoc Festum venerit in Feria quinta post Cineres, tunc Secreta pro commem. Feriae debet mutari, quia est eadem cum Secreta SS. Martyrum, supra, & debet sumi Secreta ex Missa Feriae sextae sequentis, nempe, Sacrificium, Domine, &c.

Communio. Matth. 12. Quicumque fecerit voluntatem Patris mei, qui in coelis est: ipse meus frater, & soror, & mater est, dicit Dominus.

Postcommunio.

Quaesumus omnipotens Deus, ut illius salutaris capiamus effectum, cujus per haec mysteria pignus accipimus. Per Dominum.

Die xi. Martii.

IN FESTO S. VINCENTII

Abbatis martyris, Missa. In virtute de Communi unius Martyris. fol. iii.

Evangelium. Si quis vult post me venire. fol. iii.

Oratio.

Preces populi tui, quaesumus Domine, clementer exaudi: ut beati Vincentii martyris tui atque Abbatis meritis adjuvemur, cujus passione laetamur. Per Dominum.

Et sit commemoratio Feriae.

Postea Sancti Eulogii martyris.

Oratio.

Praesta, quaesumus omnipotens Deus, ut qui beati Eulogii martyris tui natalitia colimus, intercessionem ejus in tui nominis amore roborémur. Per Dominum.

Reliquae Orationes ut in Missa. L. aetabitur. fol. iv.

Die

Die xii. Martii.

IN FESTO S. GREGORII

Papæ Confess. & Ecclesiæ Doctoris.

Introitus.

Dan. 3.

Acerdotes Dei benedicite
Dóminum: Sancti & húmi-
les corde laudate Deum.Dan. ibid. Benedicite ómnia
ópera Dómini Dómino:
laudate & superexaltateeum in sæcula. *Glória Patri. Oratio.*

DEus, qui animæ famuli tui Gregó-
rii, æternæ beatitudinis præmia
contulisti: concède propitius; ut, qui
peccatorum nostrorum pondere premi-
mur, ejus apud te precibus sublevé-
mur. Per Dóminum.

Deinde fit commemoratio Feriæ.

Lectio Epistolæ beati Pauli Apóstoli
ad Timótheum. *1. Tim. 4.*

Charissime, Testificor coram Deo,
& Jesu Christo, qui judicaturus est
vivos & mórtuos, per adventum ipsius,
& regnum ejus: prædica verbum, insta
opportúnè, importúnè: argue, óbsecra,
increpa in omni patientia, & doctrína.
Erit enim tempus, cum sanam doctrinam
non sustinébunt: sed ad sua desidéria co-
cervábunt sibi magistros, pruriéntes áuri-
bus, & à veritate quidem auditum avér-
tent, ad fábulas autem converténtur. Tu
verò vígila, in ómnibus labóra, opus fac
Euangelistæ, ministérium tuum imple.
Sóbrius esto. Ego enim jam delibor, &
tempus resolutionis meæ instat. Bonum
certámen certávi, cursum consummá-
vi, fidem servávi. In réliquo repósita
est mihi coróna justitiæ, quam reddet
mihi Dóminus in illa die, justus judex:
non solum autem mihi, sed & iis, qui
diligunt adventum ejus.

Graduale. Psal. 109. Jurávit Dóminus, &
non poenitébit eum: tu es sacerdos in
æternum, secundum ordinem Melchi-
sedech. *Glória.* Dixit Dóminus Dómino
meo: Sede à dextris meis.

Traetus. Psal. 111. Beátus vir, qui timet
Dóminum: in mandátis ejus cupit nimis.

Glória. Potens in terra erit semen ejus: ge-
neratio rectórum benedicétur.

Glória. & divitiæ in domo ejus: &
justitia ejus manet in sæculum sæculi.



Sequéntia sancti Euangélii secun-
dum Matthæum. *Matth. 5. b*

IN illo témpore: Dixit Jesus discipulis
suis: Vos estis sal terræ. Quòd si sal
evanúerit, in quo salietur? ad níhi-
lum valet ultra, nisi ut mittátur foras, &
conculcétur ab homínibus. Vos estis lux
mundi. Non potest civitas abscondi su-
pra montem pósita. Neque accéndunt lu-
cérnam, & ponunt eam sub módio, sed
super candelábrum: ut luceat ómnibus,
qui in domo sunt. Sic luceat lux vestra co-
ram homínibus, ut videant ópera vestra
bona, & glorificent Patrem vestrum, qui
in coelis est. Nolíte putáre quóniam veni
sólvere legem, aut Prophétas: non veni
sólvere, sed adimplére. Amen quippe
dico vobis, donec tránseat coelum & ter-
ra, ióta unum, aut unus apex non præte-
rbit à lege, donec ómnia fiant. Qui ergo
sólverit unum de mandátis istis mínimis,
& docúerit sic homínibus, mínimus vocá-
bitur in regno coelórum: qui autem fé-
cerit & docúerit, hic magnus vocábi-
bitur in regno coelórum. *Credo.*

Offertorium. Psal. 88. V éritas mea, & mi-
sericórdia mea cum ipso: & in nómine
meo exaltábitur cornu ejus. *Secreta.*

Annue nobis, quæsumus Dómi-
ne, ut intercessióne beati Gregó-
rii hæc nobis profit oblátio: quam im-
molándo totius mundi tribuísti relaxá-
ri delicta. Per Dóminum.

Communio. Lucæ 12. Fidélis servus &
prudens, quem constituit dóminus super
familiam suam: ut det illis in témpore
tritici mensúram. *Postcommunio.*

DEus, qui beátum Gregórium Pon-
tificem, Sanctórum tuórum méri-
tis coæquásti: concède propitius; ut,
qui commemoratiónis ejus festa percó-
limus, vitæ quoque imitémur exem-
pla. Per Dóminum nostrum.

*¶ Si dies crastina fuerit Feria sexta
post Dominicam Passionis, tunc agen-
dum erit de Festo Septem Dolorum
B. V. Mariæ, cujus Missa propria ha-
betur*

betur in fine Missarum Sanctorum huius Mensis, infra. fol. 340.

Die xiii. Martii.

IN FESTO SS. RAMIRI & sociorum martyr. Missa. Intret. de Comuni plurim. Mart. fol. viii. Oratio.

Deus, qui nos concedis sanctorum martyrum tuorum Ramiri & sociorum ejus natalitia colere: da nobis, in aeterna beatitudine de eorum societate gaudere. Per Dominum.

Et fit commemoratio Ferie.

Die xiv. Martii.

IN FESTO S. JOANNIS de Deo Confess. Introitus Psal. 36.



Qusti meditabitur sapientiam, & lingua ejus loquetur iudicium: lex Dei ejus in corde ipsius. **Psal. ibid.**

Noli emulari in malignantibus: neque zelaveris facientes iniquitatem. **V. Gloria Patri. Oratio.**

Deus, qui beatum Joannem, tuo amore succensum, inter flammam innoxium incedere fecisti, & per eum Ecclesiam tuam nova prole fecundasti: presta, ipsius suffragantibus meritis; ut igne charitatis tuae vitia nostra curentur, & remedia nobis aeterna proveniant. Per Dominum.

In Quadrages. fit commem. Ferie.

Lectio libri Sapientiae. Eccli. 31.

Beatus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus; facere mala, & non fecit: ideo stabilita sunt bona illius in Domino, & elemosynas illius enarrabit omnis Ecclesia sanctorum.

Graduale. Psal. 91. Iustus ut palma florebit: sicut cedrus Libani multiplicabitur in domo Domini. **V. Ad annuntiandum manere misericordiam tuam, & veritatem tuam per noctem.**

Tractus. Psal. 111. Beatus vir, qui timet Dominum: in mandatis ejus cupit nimis.

V. Potens in terra erit semen ejus: generatio rectorum benedicetur.

V. Gloria, & divitiae in domo ejus: & justitia ejus manet in saeculum saeculi.



Sequentia sancti Evangelii secundum Matthaeum. **Matth. 22. d**

In illo tempore: Accesserunt ad Jesum Pharisei: & interrogavit eum unus ex eis legis doctor, tentans eum: Magister, quod est mandatum magnum in lege? Ait illi Jesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est maximum, & primum mandatum. Secundum autem simile est huic: Diliges proximum tuum, sicut teipsum. In his duobus mandatis universa lex pendet, & Prophetarum. Congregatis autem Phariseis, interrogavit eos Jesus, dicens: Quid vobis videtur de Christo? cujus filius est? Dicunt ei: David. Ait illis: Quomodo ergo David in spiritu vocat eum Dominum, dicens: Dixit Dominus Domino meo: Sede a dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius ejus est? & nemo poterat ei respondere verbum: neque ausus fuit quisquam ex illa die eum amplius interrogare.

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Laudis tibi, Domine, hostias immolamus in tuorum commemoratione Sanctorum: quibus nos & presentibus exui malis confidimus & futuris. Per Dominum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum. **Postcomm.**

Refectio cibo potuque coelesti, Deus noster, te supplices exoramus: ut, in cujus haec commemoratione percipimus, ejus muniamur & precibus. Per Dominum.

Die

Die xviii. Martii.

IN FESTO S. PATRITII
Episcopi & Confessoris, Missa. Státuit
ei Dóminus. ut in Comuni Confes-
soris Pontif. fol. xii. Oratio.

DEus, qui ad prædicándam Génti-
bus glóriam tuam beátum Patri-
tium Confessórem, atque Pontíficem
mittere dignátus es: ejus méritis, &
intercessióne concéde; ut quæ nobis
agenda præcipis, te miseránte adim-
plere possimus. Per Dóminum.

Et fit commem. Ferie.

Si fuerit infra Hebdom. Passionis, Ora-
tio iii. erit, Ecclesiæ. vel pro Papa. fol. 223.

Die xix. Martii.

IN FESTO S. JOSEPH
Sponsi B. V. Mariæ, Confessoris.
Introitus. Psal. 91.



Ustus ut palma florébit: sic-
ut cedrus Líbani multipli-
cábitur: plantátus in domo
Dómini, in átriis domus
Dei nostri. Psal. ibid. Eo-
num est confitéri Dómi-
no: & psállere nómini tuo, Altíssime.

Glória Patri. Oratio.

SANCTÍSSIMÆ Genitrícis tuæ Sponsi,
quæsumus Dómine, méritis adjuvémur:
ut, quod possibilitas nostra non
óbtinet, ejus nobis intercessióne donétur.
Qui vivis & regnas cum Deo Patre.

Si celebretur in Quadrag. fit cōmem. Fer.
Lectio libri Sapiéntiæ. Eccli. 45.

DILECTUS Deo & homínibus, cujus
memória in benedictióne est. Si-
mitem illum fecit in glória sanctórum,
& magnificávit eum in timóre inimicó-
rum, & in verbis suis monstra placávit.
Glorificávit illum in conspéctu regum,
& jussit illi coram pópulo suo, & ostén-
dit illi glóriam suam. In fide & lenitá-
te ipsius sanctum fecit illum, & elégit
eum ex omni carne. Audívit enim eum,
& vocem ipsius, & indúxit illum in
nubem. Et dedit illi coram præcepta,
& legem vitæ, & disciplinæ.

Graduale. Psal. 20. Dómine, prævenísti
eum in benedictiónibus dulcédinis: po-

fuísti in cápite ejus coronam de lápide
pretiósó. Vitam pétíit à te, & tribuísti
ei longitudinem diérum in sæculū sæculi.

Tractus. Psal. 111. Beátus vir, qui timet
Dóminum: in mandátis ejus cupit nimis.
Potens in terra erit semen ejus: gene-
rátio rectórum benedicétur.

Glória & divítiæ in domo ejus: &
justítia ejus manet in sæculum sæculi.

Post Pascha, omíssis Grad & Tractu, di-
citur Allelúja, allelúja. Eccli. 45. Amá-
vit eum Dñs, & ornávit eum: stolam gló-
riæ induit eum. Allelúja. Osee 14. Ju-
stus germinábit sicut lílium: & florébit in
ætérum ante Dóminum. Allelúja.



Sequéntia sancti Euangélii secún-
dum Matthæum. Matth. 1. c

CUM esset desponsáta Mater Jesu
Mariá Joseph, ántequam conven-
rent, invénta est in útero habens
de Spíritu sancto. Joseph autem vir ejus
cúm esset justus, & nollet eam tradú-
cere, voluit occultè dímítere eam. Hæc
autem eo cogitánte, ecce Angelus Dó-
mini apparuit in somnis eis, dicens: Jo-
seph fili David, noli timére accípere
Mariám cójugem tuam: quod enim in
ea natum est, de Spíritu sancto est. Pá-
riet autem filium, & vocábis nomen ejus
Jesum: ipse enim salvum fáciét pópulum
suum à peccátis eórum.


Offertorium. Psalm. 88. Véritas mea, &
misericórdia mea cum ipso: & in nómine
meo exaltábitur cornu ejus. Secreta.

DEBITUM tibi, Dómine, nostræ reddi-
mus servitútis, suppliciter exorán-
tes: ut suffrágiis beáti Joseph Sponsi Geni-
trícis Filii tui Jesu Christi Dómini nostri,
in nobis tua múnera tueáris: ob cujus ve-
nerándam festivitátem, laudistibi hóstias
immolámus. Per eúndem Dóminum.

Communio. Matth. 1. Joseph fili David,
noli timére accípere Mariám cójugem
tuam: quod enim in ea natum est, de Spí-
ritu sancto est. Postcommunio.

ADÉSTO nobis, quæsumus, miséricors
Deus: & intercedénte pro nobis
beáto Joseph Confessóre, tua circa nos
propitiátus dona custódi. Per Dñm.

DIE





S. P. N. BENEDICTI

A B B A T I S.

Introitus.



Audeamus omnes in Dómino, diem festum celebrantes, sub honore sancti Benedicti Abbátis: de cuius solemnitate gaudent Angeli, & collaudant Fílium Dei. **Psalm. 47.** Magnus Dóminus, & laudábilis nimis: in civitate Dei nostri, in monte sancto ejus.

Glória Patri.

Oratio.

OMnipotens sempitérne Deus, qui hodiérna die, carnis eductum ergástulo beatíssimum Confessórem tuum Benedictum sublevásti ad cælum: concede quæsumus, hæc festa tuis famulis celebrántibus, cunctórum véniam delictórum; ut qui exultántibus ánimis ejus claritati congáudent, ipso apud te interveniente consociéntur & méritis. Per Dóminum nostrum.

In Quadragesima fit commemor. Feriæ.

Lectio libri Sapientiae.

Eccli. 50.

Ecce Cōfessor magnus, qui in vita sua suffulsi domum, & in diébus suis corroborávit templum. Templi étiam altitúdo ab ipso fundata est, duplex ædificatio & excelsi parietes templi. In diébus ipsius emanavérunt putei aquarum, & quasi mare adimpléti sunt supra modum. Qui curávit gentem suam, & liberávit eam à perditione. Qui præváluit amplificáre civitatem, qui adéptus est glóriam in conversatióne gentis: & ingressum domus & atrii amplificávit. Qui quasi stella matutína in médio nébulæ, & quasi luna plena in diébus suis lucet. Et quasi sol refúlgens, sic iste effulsi in templo Dei. Quasi arcus refúlgens inter nébulas glóriæ, & quasi flos rosarum in diébus vernis, & quasi lília, quæ sunt in tránsito aquæ, & quasi thus redolens in

Miss. Monast.

diébus æstátis. Quasi ignis effúlgens, & thus ardens in igne. Quasi vas auri sólídum, ornátum omni lápide pretiósó. Quasi olíva púllulans, & quasi cypressus in altitúdinem se extóllens. Circa illum coróna fratrum, & quasi plantatio cedri in monte Líbano: sic circa illum steterunt quasi rami palmæ, & omnes filii Aaron in glória sua.

Graduale. Psalm. 20. Dómine, prævenisti eum in benedictiónibus dulcedinis: posuisti in cápite ejus corónam de lápide pretiósó. **V.** Vitam petiit à te, & tribuisti ei longitudinē diérum in sæculum sæculi.

Tractus. Psalm. 111. Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectórum benedicetur.

V. Glória & divitiæ in domo ejus: & justitia ejus manet in sæculum sæculi.

Tempore Paschali, omittitur Graduale, & Tractus, & dicitur Allelúja, allelúja.

V. Psalm. 91. Justus ut palma florébit: sicut cedrus Líbani multiplicábitur. Allelúja.

V. Osee 14. Justus germinábit sicut lílium: & florébit in ætérnum ante Dóminum.

Sequentia.

Læta quies magni Ducis,
Dona ferens novæ lucis,
Hódie recólitur.

Charis datur piæ menti,
Corde sonet in ardenti
Quicquid foris prómítur.

Hunc per callem oriéntis
Admirémur ascendéntis
Patriarchæ spéciem.

Amplum semen magnæ prolis
Illum fecit instar solis,
Abrahæ persímilem.

Corum cernis ministrántem,
Hinc Eliám latitántem
Specu nosce párvulo.

Eliséus dignoscátur,

Y

Cum

Cum securis revocatur
De torrentis alveo.

Illum Joseph candor morum,
Illum Jacob futurorum
Mens effecit conscia.

Ipse memor suæ gentis
Nos perducatur in manentis
Semper Christi gaudia. Amen.

Tempore Paschali additur Allelúja.

✠ Sequéntia sancti Euangélii secun-
dum Matthæum. *Matth. 19. d*

IN illo tempore: Dixit Petrus ad Je-
sum: Ecce nos reliquimus omnia, &
secuti sumus te: quid ergo erit no-
bis? Jesus autem dixit illis: Amen dico
vobis, quod vos, qui secuti estis me, in
regeneratione, cum sederit Filius homi-
nis in sede maiestatis suæ, sedebitis &
vos super sedes duodecim, iudicantes duode-
cim tribus Israel. Et omnis, qui reli-
querit domum, vel fratres, aut sorores,
aut patrem, aut matrem, aut uxorem,
aut filios, aut agros propter nomen
meum, centuplum accipiet, & vitam
æternam possidebit. *Dicitur Credo.*

*Offertorium. Psal. 20. Desiderium animæ
ejus tribuisti ei Domine, & voluntate
labiorum ejus non fraudasti eum: po-
suisti in capite ejus coronam de lapide
pretioso. Secreta.*

Oblatis, Domine, ad honorem beá-
ti Confessoris tui Benedicti placare
muneribus: & ipsius interventu famu-
lis tuis tribue indulgentiam peccato-
rum. Per Dominum nostrum.

*Communio. Lucæ 12. Fidelis servus, &
prudens, quem constituit dominus super
familiam suam: ut det illis in tempore
tritici mensuram. Postcommunio.*

Preceptis Domine Deus noster, salu-
taribus sacramentis, humiliter de-
precamur: ut intercedente beato Bene-
dicto Confessore tuo, quæ pro illius ve-
neranda gerimus solemnitate, nobis pro-
ficient ad salutem. Per Dominum.

✠ *Prædicta Missa propria recitari debet
non solum ab omnibus militantibus sub
Regula S. Benedicti, sed etiam ab aliis
Sacerdotibus tum Sæcularibus, tum Re-*

*gularibus confluentibus in die Festo ad
Ecclesiastam Monachorum, quàm Mo-
nialium Ordinis S. Benedicti, juxta De-
cretum S. R. C. die 10. Februarii 1727.*

*Infra Octavam Missa principalis, &
privatæ debent dici de Feria cum com-
memor. Octavæ, & tertia Oratione,
Concede. ante Dominicam Passionis;
& post Dominicam Passionis sine tertia
Oratione; S. R. C. 23. Junii 1736. & de
S. Benedicto non potest dici, nisi Missa
Votiva, sicuti aliæ Votivæ.*

*In Dominica Passionis non fit comme-
mor. de Octava S. Benedicti. S. R. C. 23.
Junii 1736.*

*Quando autem transfertur prædictum
Festum post Pascha, tunc infra Octa-
vam dicitur eadem Missa, in qua se-
cunda Oratio, Concede. tertia, Ecclé-
siæ. vel pro Papa. fol. 223.*

¶ *De Festis Duplicibus & Semiduplici-
bus, quæ veniunt à Dominica Palmarum
usque ad Octavam Paschæ, nihil fit; sed
post Octavam celebrantur: & tunc in fine
Introitus ante Psalmum dicuntur duo
Allelúja, & in fine Offertorii, & Com-
munionis unum Allelúja. Post Epistolâ
non dicitur Graduale, sed dicuntur duo
Versus cum quatuor Allelúja, ut nota-
tum est in Sabbato in Albis. Et hoc idem
observatur in omnibus Festis, quæ cele-
brantur inter Pascha & Pentecosten.*

Die xxv. Martii.

IN F E S T O ANNUNTIATIONIS B. Mariæ Virginis.

Introitus. Psal. 44.



Ultum tuum deprecabun-
tur omnes divites plebis:
adducuntur Regi virgines
post eam: proximæ ejus
adducuntur tibi in lætitia,
& exultatione.

*Psal. ibid. Eructavit cor meum verbum
bonum: dico ego opera mea Regi.*

y. Glória Patri.

Oratio.

Deus, qui de beatæ Mariæ virginis
útero, Verbum tuum, Angelo nun-
tiantē,

tiante, carnem suscipere voluisti: præsta supplicibus tuis; ut qui verè eam Genitricem Dei credimus, ejus apud te intercessionibus adjuvemur. Per eundem Dóminum.

Lectio Isaiaæ Prophetae. **Isaia 7. b**

IN diébus illis: Locutus est Dóminus ad Achaz, dicens: Pete tibi signum à Dómino Deo tuo in profúndum inférni, sive in excélsu supra. Et dixit Achaz: Non petam, & non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis & Deo meo? Propter hoc dabit Dóminus ipse vobis signum. Ecce virgo concipiet, & páriet filium, & vocábitur nomen ejus Emmánuel. Butyrum, & mel cómedet, ut sciat reprobáre malum, & elígere bonum.

Graduale. Psalm. 44. Diffúsa est grátia in lábiis tuis: propterea benedíxit te Deus in ætérnum. **Ps.** Propter veritátem, & mansuetúdinem, & justítiam, & dedúcet te mirabíliter dextera tua.

Tractus. ibid. Audi filia, & vide, & inclína aurem tuam: quia concupívit Rex spéciem tuam. **Ps.** Vultum tuum deprecabúntur omnes divites plebis: filia regum in honóre tuo. **Ps.** Adducéntur Regi virgines post eam: próximæ ejus afferétur tibi. **Ps.** Adducéntur in lætítia, & exultatione: adducéntur in templum Regis.

Post Pascha omittitur Graduale & Tractus, & dicitur Allelúja, allelúja.

Lucæ 1. Ave María, grátia plena, Dóminus tecum: Benedícta tu in muliéribus. Allelúja. **Ps.** Virga Jesse floruit: Virgo Deum, & hominem genuit: pacem Deus reddidit, in se reconcilians ima summis. Allelúja.



Sequéntia sancti Euangélii secundum Lucam.

Lucæ 1. c

IN illo témpore: Missus est Angelus Gábriel à Deo in civitátem Galilææ, cui nomen Názareth, ad víginem desponsátam viro, cui nomen erat Joseph, de domo David, & nomen Víginis María. Et ingressus Angelus ad eam,

dixit: Ave grátia plena: Dóminus tecum: benedícta tu in muliéribus. Quæ cum audíisset, turbáta est in sermóne ejus, & cogitábat, qualis esset ista salutátio. Et ait Angelus ei: Ne tímeas María, invenísti enim grátiam apud Deum: ecce concípies in útero, & páries filium, & vocábis nomen ejus Jesum. Hic erit magnus, & Fílius Altíssimi vocábitur, & dabit illi Dóminus Deus sedem David patris ejus: & regnabit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognósko? Et respóndens Angelus, dixit ei: Spíritus sanctus supervéniet in te, & virtus Altíssimi obumbrábit tibi. Ideoque, & quod nascétur ex te Sanctum, vocábitur Fílius Dei. Et ecce Elísabeth cognáta tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossíbile apud Deum omne verbum. Dixit aurem María: Ecce ancilla Dómini, fiat mihi secundum verbum tuum. **Credo.**

Offertorium. ibid. Ave María, grátia plena, Dóminus tecum: Benedícta tu in muliéribus, & benedíctus fructus ventris tui.

Secreta.

IN méntibus nostris quæsumus Dómine, veræ fidei sacraménta confirma: ut, qui concéptum de Vírgine Deum verum, & hominem confitémur, per ejus salutíferæ resurrectiónis poténtiam, ad ætérnam mereámur pervenire lætítiam. Per eundem Dóminum.

Præfatio de beata Maria. fol. 183.

Cómunio. Isaia 7. Ecce Virgo concipiet, & páriet filium: & vocábitur nomen ejus Emmánuel.

Postcommunio.

Gratiam tuam, quæsumus Dómine, méntibus nostris infúnde: ut, qui Angelo nuntiánte, Christi Fílii tui incarnationem cognóvimus, per passióem ejus, & crucem, ad resurrectiónis glóriam perducámur. Per eundem Dóminum.

Die xxviii. Martii.

Octava S. Patris Nostri Benedicti, Missa ut supra in die Festo.

V 2

Fe-

*Feria vi. post Dominicam Passionis.*MISSA DE SEPTEMDOLORIBUS
beatae Mariae virginis.

Introitus. Joann. 19.

Tabant juxta Crucem Jesu
Materejus, & soror Matris
ejus, Maria Cléophæ, &
Salóme, & Maria Magda-
léne. **Versic. ibid. M**ulier,

ecce filius tuus, dixit Jesus;

ad discipulum autem: Ecce Mater tua.

✠. Glória Patri. Oratio.

Deus, in cujus Passióne, secundum
Simeónis prophetiam, dulcissimam
animam gloriósæ virginis & matris Ma-
riæ doloris gladius pertransiuit: concé-
de propitius; ut qui transfixiónem ejus
& passiónem venerádo recólimus, glo-
riósus méritis & précibus ómnium San-
ctórum Cruci fidéliter astántium inter-
cedéntibus, passiónis tuæ effectum feli-
cem consequámur. Qui vivis & regnas
cum Deo Patre.

Deinde fit commemoratio Feriæ.

Lectio libri Judith. Judith 13.

Benedixit te Dóminus in virtúte sua,
quia per te ad nihilum redégit inimi-
cos nostros. Benedícta es tu filia à Dó-
mino Deo excélsso, præ ómnibus mulié-
ribus super terram. Benedíctus Dómi-
nus, qui creávit cœlum & terram: quia
hódie nomen tuum ita magnificávit, ut
non recédât laus tua de ore hóminum,
qui mémoires fúerint virtútis Dómini in
ætérum: pro quibus non pepercísti áni-
mæ tuæ propter angústias & tribulatió-
nem géneris tui, sed subvenísti ruínæ
ante conspéctum Dei nostri.**Graduale. D**olorósa & lacrymábilis es
virgo María, stans juxta Crucem Dó-
mini Jesu filii tui Redemptóris.✠. Virgo Dei Génitrix, quem totus
non capit orbis, hoc Crucis fert sup-
plícium vitæ factus homo.**Tractus. Joann. 19. S**tabat sancta María,
cœli Regína, & mundi Dómina, juxta
Crucem Dómini nostri Jesu Christi do-
lorósa. ✠. **Thren. 1.** O vos omnes, qui
transítis per viam, atténdite, & vidéte
si est dolor sicut dolor meus.

Sequentia in Votis omittenda.

Stabat Mater dolorósa
Juxta Crucem lacrymósa,
Dum pendébat Filius.**C**ujus ánimam geméntem,
Contristátam & doléntem,
Pertransiuit gladius.**O** quàm tristis & afflícta
Fuit illa benedícta
Mater Unigéniti!**Q**uæ moerébat, & dolébat,
Pia Mater dum vidébat
Nati poenas ínclýti.**Q**uis est homo qui non fleret,
Matrem Christi si vidéret
In tanto supplicio?**Q**uis non posset contristári,
Christi Matrem contemplári
Doléntem cum Filio?**P**ro peccátis suæ gentis
Vidit Jesum in torméntis,
Et flagéllis súbditum.**V**idit suum dulcem Natum
Moriéndo desolátum,
Dum emísit spíritum.**E**ja Mater fons amoris,
Me sentíre vim doloris
Fac, ut tecum lúgeam.**F**ac ut árdeat cor meum
In amándo Christum Deum,
Ut sibi compláceam.**S**ancta Mater istud agas,
Crucifixi fige plagas
Cordi meo válidè.**T**ui Nati vulneráti,
Tam dignáti pro me pati,
Poenas mecum dívide.**F**ac me tecum piè flere,
Crucifixo condolére,
Donec ego víxero.**J**uxta Crucem tecum stare,
Et me tibi sociáre
In planctu desídero.**V**irgo víginum præclára,
Mihi jam non sis amára,
Fac me tecum plángere.**F**ac ut portem Christi mortem,
Passiónis fac consórtem,
Et plagas recólere.**F**ac me plagis vulnerári,

Fac

Fac me Cruce inebriari,
Et cruore Filii.

Flammis ne urar succensus,
Per te Virgo sim defensus
In die Iudicii.

Christe, cum sit hinc exire,
Da per Matrem me venire
Ad palmam victoriæ.

Quando corpus morietur,
Fac ut animæ donetur
Paradisi gloria. Amen.

Sequentia sancti Euangelii secundum Joannem. Joann. 19. c

In illo tempore: Stabant juxta Crucem Jesu Mater ejus, & soror Matris ejus Maria Cleophæ, & Maria Magdalene. Cum vidisset ergo Jesus Matrem, & discipulum stantem, quem diligebat, dicit Matri suæ: Mulier, ecce filius tuus. Deinde dicit discipulo: Ecce Mater tua. Et ex illa hora accepit eam discipulus in sua.

Dicitur Credo.

Offertorium. Recordare virgo Mater Dei, dum steteris in conspectu Domini, ut loquaris pro nobis bona, & ut avertat indignationem suam a nobis.

Secreta.

Offerimus tibi preces & hostias, Domine Jesu Christe, humiliter supplicantes: ut qui transfixionem dulcissimi spiritus beatæ Mariæ matris tuæ precibus recensemus; suæ suorumque sub Cruce Sanctorum consortium multiplicato piissimo interventu, meritis mortis tuæ, meritum cum beatis habeamus. Qui vivis & regnas cum Deo Patre in unitate spiritus sancti Deus.

Præfatio. Et te in transfixione. fol. 183.

Communio. Felices sensus beatæ Mariæ virginis, qui sine morte meruerunt martyrii palmam sub Cruce Domini.

Postcommunio.

Sacrificia quæ sumpsimus, Domine Jesu Christe, transfixionem Matris tuæ & virginis devotè celebrantes, nobis impetrent apud clementiam tuam omnis boni salutaris effectum. Qui vivis & regnas cum Deo Patre.

Miss. Monast.

FESTA APRILIS.

Die ii. Aprilis.

IN FESTO S. FRANCISCI
de Paula Confessoris.

Introitus. Psal. 91.



Ustus ut palma florebit:
sicut cedrus Libani multiplicabitur: plantatus in domo Domini, in atriis domus Dei nostri.

Psal. ibid. Bonum est confiteri Domino: & psallere nomini tuo, Altissime. **Glória Patri.**

Oratio.

Deus humilium celsitudo, qui beatum Franciscum Confessorem, Sanctorum tuorum gloria sublimasti: tribue, quæsumus; ut ejus meritis & imitatione, promissa humilibus præmia feliciter consequamur. Per Dominum.

Si venerit in Quadragesima, fit commemoratio Ferie.

Lectio Epistolæ beati Pauli Apostoli ad Philippenses. **Phil. 3. b**

Fratres, Quæ mihi fuerunt lucra, hæc arbitratus sum propter Christum detrimenta. Verumtamen existimo omnia detrimentum esse propter eminentem scientiam Jesu Christi Domini mei: propter quem omnia detrimentum feci, & arbitror, ut stercora, ut Christum lucrificiam, & inveniar in illo non habens meam justitiam, quæ ex lege est, sed illam, quæ ex fide est, Christi Jesu: quæ ex Deo est justitia in fide, ad cognoscendum illum, & virtutem resurrectionis ejus, & societatem passionum illius: configuratus morti ejus. Si quo modo occurram ad resurrectionem, quæ est ex mortuis: non quod jam acceperim, aut jam perfectus sim: sequor autem, si quo modo comprehendam, in quo & comprehensus sum à Christo Jesu.

Graduale. Psal. 36. Os justi meditabitur sapientiam, & lingua ejus loquetur judicium. **Lex Dei ejus in corde ipsius, & non supplantabuntur gressus ejus.**

Tractus. Psal. 111. Beatus vir, qui timet Dominum: in mandatis ejus cupit nimis.

Potens in terra erit semen ejus: generá-

neratio rectorum benedicetur. *v.* Gloria, & divitiæ in domo ejus: & justitia ejus manet in sæculum sæculi.

Tempore Paschali, omittitur Graduale, & Tractus, & dicitur Allelúja, allelúja.
v. ibid. Beatus vir, qui timet Dóminum: in mandátis ejus cupit nimis. Allelúja.
v. Osee 14. Justus germinabit sicut lílium: & florebit in ætérnum ante Dóminum. Allelúja.



Sequéntia sancti Euangélíi secúndum Lucam. **Lucæ 12. d**

In illo témpore: Dixit Jesus discipulis suis: Nolite timere pusillus grex, quia complácuít Patri vestro dare vobis regnum. Véndite, quæ possidétis, & date eleemósynam. Fácite vobis sácculos, qui non veteráscunt, thesáurum non deficientem in coelis: quò fur non apprópiat, neque tinea corrumpit. Ubi enim thesáurus vester est, ibi & cor vestrum erit.

Offertorium. Psal. 20. 1 n virtúte tua, Dómine, lætábitur justus, & super salutáre tuum exultábit veheménter: desidérium animæ ejus tribuísti ei. **Secreta.**

Hæc dona devótæ plebis, Dómine, quibus tua cumulámus altária, beáti Francísci méritis, tibi grata, nobisque salutária, te miseránte, redántur. Per Dóminum.

Communio. Matth. 19. Amen dico vobis: quòd vos qui reliquistis ómnia, & secúti estis me, céntuplum accipiétis, & vitam ætérnam possidébítis.

Postcommunio.

Sumpta Dómine, sacraménta coeléstia, beáto Francíscò Confessóre tuo intercedénte precámur; ut & temporális vitæ subsidia nobis cónferant, & ætérnæ. Per Dóminum.

Die iv. Aprilis.

I N F E S T O S. I S I D O R I

Episcopi Confess. & Doctoris.

Missa. In médio Ecclésiæ. de Communi Doctorum. fol. xiv. **Oratio.**

Deus, qui pópulo tuo ætérnæ salutis beátum Isidórum mínistrum tri-

búisti: præsta quæsumus; ut quem Dóctórem vitæ habuimus in terris, Intercessórem habére mereámur in coelis. Per Dóminum nostrum.

Deinde, si fuerit in Quadragesima, fit commem. Feriæ. Et dicitur Credo.

Die v. Aprilis.

I N F E S T O S. V I N C E N T I I

Ferrerii Confessoris, Missa. O s just. de Cói Confess. non Pontif. fol. xv. præter Orationem sequentem. **Oratio.**

Deus, qui Ecclésiám tuam beáti Vincéntii Confessóris tui méritis & prædicatione illustráre dignátus es: concéde nobis fámulis tuis; ut & ipsius instruámur exémpis, & ab ómnibus ejus patrocínio liberémur advérsis. Per Dóminum nostrum.

Si fuerit in Quadrag. fit commem. Fer.

Die xi. Aprilis.

I N F E S T O S. L E O N I S I.

Papæ Confess. & Ecclesiæ Doctoris.

Introitus. Eccli. 15.

In médio Ecclésiæ aperuit os ejus: & implévit eum Dóminus spírítu sapiéntiæ & intelléctus: stolam glóriæ induit eum.

Psalm. 91. Bonum est confitéri Domino, & psállere nómini tuo, Altíssime. *v.* Gória Patri. **Oratio.**

Exáudi, quæsumus Dómine, preces nostras, quas in beáti Leónis Confessóris tui atque Pontíficis solemnitate deferimus: & qui tibi dignè méruit famulári, ejus intercedéntibus méritis, ab ómnibus nos absólve peccátis. Per Dóminum.

Si fuerit in Quadrag. fit cōmem. Feriæ.

Lectio libri Sapiéntiæ. **Eccli. 29.**

Justus cor suum tradet ad vigilándum dilúculò ad Dóminum, qui fecit illum, & in conspéctu Altíssimi deprecábitur. A périet os suum in oratione, & pro delictis suis deprecábitur. Si enim Dóminus magnus volúerit, spírítu intelligéntiæ replébit illum, & ipse tamquam imbres mittet elóquia sapiéntiæ suæ, & in oratione confitébitur Dómino, & ipse diriget consílium

ssilium ejus, & disciplinam, & in absconditis suis consiliabitur. Ipse palam faciet disciplinam doctrinae suae, & in lege testamenti Domini gloriabitur. Colaudabunt multi sapientiam ejus, & usque in saeculum non delebitur. Non recedet memoria ejus, & nomen ejus requireretur a generatione in generationem. Sapientiam ejus enarrabunt Gentes, & laudem ejus enuntiabit Ecclesia.

Graduale. Psal. 36. Os justi meditabitur sapientiam: & lingua ejus loquetur iudicium. *Ps.* Lex Dei ejus in corde ipsius: & non supplantabuntur gressus ejus.

Alleluja, alleluja. Ps. Eccli. 45. Amavit eum Dominus, & ornavit eum: stolam glorie induit eum. Alleluja.

Post Septuagesimam, omittis Alleluja, & Versu sequenti, dicitur Tractus. Psal. 111. Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Gloria & divitiae in domo ejus: & justitia ejus manet in saeculum saeculi.

Tempore Paschali, omittitur Graduale & ejus loco dicitur Alleluja, alleluja.

Ps. Eccli. 45. Amavit eum Dominus, & ornavit eum, stolam glorie induit eum. Alleluja. *Ps. Osee 14.* Justus germinabit sicut lilium: & florebit in aeternum ante Dominum. Alleluja.

Sequentia sancti Evangelii secundum Matthaeum. Matth. 16. b

IN illo tempore: Venit Jesus in partes Caesareae Philippi: & interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptista, alii autem Eliam, alii vero Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Jesus, dixit ei: Beatus es Simon Bar-Jona: quia caro, & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram aedificabo Ecclesiam meam, &

portae inferi non praevalent adversus eam. Et tibi dabo claves regni coelorum. Et quodcumque ligaveris super terram, erit ligatum & in coelis: & quodcumque solveris super terram, erit solutum & in coelis. **Credo.**

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti Leonis Confessoris tui atque Pontificis, quaesumus Domine, annua sollemnitas pietati tuae nos reddat acceptos: ut per haec pie placationis officia, & illum beata retributio comitetur, & nobis gratiae tuae dona conciliet. Per Dominum nostrum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Deus, fidelium remunerator animarum: praesta; ut beati Leonis Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum nostrum.

Die xiii. Aprilis.

I N F E S T O B. I D A E virginis. Introitus. Psal. 44.



Ultum tuum deprecabuntur omnes divites plebis: adducuntur Regi virgines post eam: proximae ejus adducuntur tibi in laetitia, & exultatione.

Psal. ibid. Eruetavit cor meum verbum bonum: dico ego opera mea Regi.

Ps. Gloria Patri.

Oratio.

Deus, qui beatam Idae virginis corpori, tuorum vulnerum Stigmata igneo amoris stylo impressisti: praesta quaesumus, ejus intercessione, sic nos tuae Passionis Mystéria in terris contemplari, ut redemptionis praemia in coelo mereamur. Qui vivis & regnas.

Si fuerit in Quadrages. fit comem. feriae.

Lectio Epistolæ beati Pauli Apostoli
ad Corinthios.

1. Cor. 7. c

FRatres, De virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo ergo hoc bonum esse propter instantem necessitatem, quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acceperis uxorem, non peccasti. Et si nupserit virgo, non peccavit. Tribulationem tamen carnis habebunt huiusmodi. Ego autem vobis parco. Hoc itaque dico, fratres: Tempus breve est: reliquum est, ut & qui habent uxores, tamquam non habentes sint: & qui flent, tamquam non flentes: & qui gaudent, tamquam non gaudentes: & qui emunt, tamquam non possidentes: & qui utuntur hoc mundo, tamquam non utantur: præterit enim figura huius mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & divisus est. Et mulier innupta, & virgo, cogitat quæ Domini sunt; ut sit sancta corpore & spiritu: in Christo Jesu Domino nostro.

Graduale. Psalm. 44. Concupivit Rex decorem tuum, quoniam ipse est Dominus Deus tuus. *Ps.* Audi filia, & vide, & inclina aurem tuam.

Tractus. ibid. Audi filia, & vide, & inclina aurem tuam: quia concupivit Rex speciem tuam. *Ps.* Vultum tuum deprecabuntur omnes divites plebis: filia regum in honore tuo. *Ps.* Adducuntur Regi virgines posteam: proximæ ejus afferentur tibi. *Ps.* Afferentur in lætitia, & exultatione: adducuntur in templum Regis.

Tempore Paschali, omittis Graduali, & Tractu, dicitur Allelúja, allelúja.

Ps. Hæc est virgo sapiens, & una de numero prudentum. Allelúja.

Sap. 4. O quam pulchra est casta generatio cum claritate! Allelúja.



Sequentia sancti Evangelii secundum Matthæum. **Matth. 25.**

IN illo tempore: Dixit Jesus discipulis suis parabolam hanc: Simile erit regnum coelorum decem virginibus: quæ accipientes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpsérunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitaverunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexerunt omnes virgines illæ, & ornavérunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extinguuntur. Responderunt prudentes, dicentes: Ne fortè non sufficiat nobis & vobis, ite potius ad vendentes, & emite vobis. Dum autem irent emere, venit sponsus: & quæ paratæ erant, intraverunt cum eo ad nuptias, & clausa est janua. Novissime verò veniunt & reliquæ virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertor. Psal. 44. Afferentur Regi virgines posteam: proximæ ejus afferentur tibi in lætitia & exultatione: adducuntur in templum Regi Domino. **Secreta.**

Accépta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Cōmunio. Matth. 13. Simile est regnum coelorum homini negotiatori, querenti bonas margaritas: inventa autem una pretiosa margarita, dedit omnia sua, & comparavit eam. **Postcommunio.**

Satiasti Domine familiam tuam munibus sacris: ejus quæsumus semper interventione nos refove, cujus solemnia celebramus. Per Dominum.

Die xiv. Aprilis.

IN FESTO S. HERMENEGILDI
martyris. Introitus. Psal. 20.

N virtutet tua, Dómine, lætábitur justus: & super salutáre tuum exultábit vehementer: desiderium animæ ejus tribuisti ei.

Psal. ibid. Quóniam prævenisti eum in benedictionibus dulcedinis: posuisti in capite ejus coronam de lapide pretioso.

Gloria Patri.

Oratio.

Deus, qui beátum Hermenegildum mártirem tuum cœlesti Regno terrénium postpónere docuisti: da quæsumus, nobis ejus exémplo cadúca despícere, atque ætérna sectári. Per Dóminum nostrum.

In Quadragesima fit commem. Feriæ. Postea fit commem. SS. Tiburtii, Valeriani, & Maximi, cum Orationibus ex sequenti Missa propria.

Lectio libri Sapientiae. Sap. 10. b

Justum deduxit Dóminus per vias reétas, & osténdit illi regnum Dei, & dedit illi sciéntiam Sanctorum: honestávit illum in labóribus, & complévit labóres illius. In fraude circumveniéntium illum affuit illi, & honestum fecit illum. Custodívit illum ab inimicis, & a seductóribus tutávit illum, & certámen forte dedit illi, ut vínceret, & sciret, quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum: descenditque cum illo in sóveam, & in vinctulis non derelíquit illum, donec afferret illi sceptrum regni, & poténtiam advérsus eos, qui eum deprimébant: & mendáces osténdit, qui maculáverunt illum: & dedit illi claritátem ætérnam, Dóminus Deus noster.

Graduale. Psal. 111. Beátus vir, qui timet Dóminum: in mandátis ejus cupit nimis. **v.** Potens in terra erit semen ejus: generatio rectorum benedicetur.

Tractus. Psalm. 20. Desiderium animæ ejus tribuisti ei, & voluntáte labiórum ejus non fraudásti eum.

v. Quóniam prævenisti eum in benedictionibus dulcedinis. **v.** Posuisti in capite ejus coronam de lapide pretioso.



Sequentia sancti Evangelii secundum Lucam. Lucæ 14. f

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & foróres, adhuc autem & animam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens computat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incípiant illúdere ei, dicéntes: Quia hic homo cœpit ædificáre, & non pótuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occurrere ei, qui cum viginti millibus venit ad se? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus quæ pössidet, non potest meus esse discipulus.

Offertor. Ps. 8. G lória, & honóre coronásti eum: & constituísti eum super ópera mánuum tuárum, Dómine. **Secreta.**

Muneribus nostris, quæsumus Dómine, precibúisque susceptis, & cœlestibus nos munda mystériis, & cleménter exáudi. Per Dóminum.

Communio. Matth. 16. Qui vult vénire post me, abneget semetípsum: & tollat crucem suam, & sequáthur me.

Postcommunio.

DA, quæsumus Dómine Deus noster: ut sicut tuórum commemoratióne Sanctorum, temporáli gratulamur officio, ita perpétuo lætémur aspéctu. Per Dóminum nostrum.

¶ Si verò celebretur tempore Paschali, dicitur Missa, Protexisti me Deus. ut in Comuni Martyrum tempore Paschali.

schali. fol. vi. cum Orationibus & Euangelio supradictis.

MISSA SS. MARTYRUM
Tiburtii, Valeriani, & Maximi.

Si venerit in Quadragesima, fit de eis commem. tantum. Si autem post Pascha, dicitur sequens Missa. Quod & in similibus servatur. Introitus. Psal. 144.



Ancti tui Domine, benedicent te: gloriam regni tui dicent, alleluya, alleluya. Psal. ibid. Exaltabo te, Deus meus Rex: & benedicam nomini tuo in saeculum, & in saeculum saeculi. Gloria Patri. Oratio.

Praesta quaesumus omnipotens Deus: ut qui Sanctorum martyrum tuorum Tiburtii, Valeriani, & Maximi solemnia colimus, eorum etiam virtutes imitemur. Per Dominum.

Epistola. Stabunt iusti. de Comuni. vi. Alleluya, alleluya. Gloria Patri. Sancti tui Domine, flore bunt sicut lilium, & sicut odor balsami erunt ante te. Alleluya.

Psalm. 115. Pretiosa in conspectu Domini mors sanctorum ejus. Alleluya.

Euangelium. Ego sum vitis vera: & Pater. de Comuni. vi.

Offertorium. Psal. 31. Laetamini in Domino, & exultate iusti: & gloriamini omnes recti corde, alleluya, alleluya. Secreta.

Haec hostia quaesumus Domine, quam Sanctorum Martyrum tuorum natalitia recensentes offerimus, & vincula nostrae pravitatis absolvat, & tuae nobis misericordiae dona conciliet. Per Dominum nostrum.

Communio. Psal. 32. Gaudete iusti in Domino, alleluya: rectos decet collaudatio, alleluya. Postcommunio.

Sacro munere satiati, supplices te, Domine, deprecamur: ut quod debita servitutis celebramus officio, salvationis tuae fentiamus augmentum. Per Dominum nostrum.

Die xvi. Aprilis.

IN FESTO S. TURIBII
Episcopi & Confess. Missa. Statuit ei. de Comuni Conf. Pontificis. fol. xii.

Oratio.

Deus, qui beati Turibii doctrina & praedicatione Priscilliani haeresim in Hispania extinxisti: concede propitius; ut ipso pro nobis intercedente, quod fideliter credimus, operibus comprobemus. Per Dominum.

Die xvii. Aprilis.

SANCTI ANICETI PAPAE
& martyris. Introitus. Psal. 63.



Rotexisti me Deus, a conventu malignantium, alleluya: a multitudinem operantium iniquitatem, allel. allel. Psal. ibid. Exaudi Deus orationem meam, cum deprecor: a timore inimici eripe animam meam.

Gloria Patri. Oratio.

Deus, qui nos beati Aniceti martyris tui atque Pontificis annua solemnitate laetificas: concede propitius; ut cujus natalitia colimus, de ejusdem etiam protectione gaudeamus. Per Dominum nostrum.

Lectio libri Sapientiae. Sap. 5.

Stabunt iusti in magna constantia adversus eos, qui se angustiarunt, & qui abstulerunt labores eorum. Videntes turbabuntur timore horribili, & mirabuntur in subitatione insperatae salutis, dicentes intra se, poenitentiam agentes, & prae angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter Sanctos fors illorum est.

Alleluya, alleluya.

Psalm. 88. Confitebuntur coeli mirabilia tua Domine, etenim veritatem tuam in Ecclesia Sanctorum. Alleluya.

Psalm. 20. Posuisti Domine super caput ejus coronam de lapide pretioso. Alleluya.



Sequentia sancti Evangelii secundum Joannem. Joann. 16. c.

In illo tempore: Dixit Jesus discipulis suis: Amen, amen dico vobis: quia plora-

plorábitis, & flébitis vos, mundus autem gaudébit: vos verò contristabimini, sed tristitia vestra vertetur in gaudium. Mulier cum parit, tristitiam habet, quia venit hora ejus: cum autem pepererit puerum, jam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis; iterum autem videbimus vos, & gaudébit cor vestrum: & gaudium vestrum nemo tollet à vobis.

Offertorium. Psalm. 88. Confitebuntur coeli mirabilia tua Dómine: & veritatem tuam in Ecclesia Sanctorum, allelúja, allelúja.

Secreta.

Munera tibi Dómine, dicata sanctifica: & intercedente beato Aniceto martyre tuo atque Pontifice, per eadem nos placatus inténde. Per Dóminum.

Communio. Psalm. 63. Lætabitur justus in Dómino, & sperabit in eo: & laudabuntur omnes recti corde, allelúja, allelúja.

Postcommunio.

Hæc nos communio Dómine, purget à crimine: & intercedente beato Aniceto martyre tuo atque Pontifice, coelestis remédii faciat esse consortes. Per Dóminum.

Die xxi. Aprilis.

**IN FESTO S. ANSELMI
Episcopi Confess. & Doctoris.**

Introitus. Eccli. 15.



An medio Ecclesiæ aperuit os ejus: & implevit eum Dóminus spiritu sapientiæ, & intelléctus: stolam glóriæ induit eum, allelúja, allelúja. **Psalm. 91.** Bonum est confiteri Dómino: & psállere nómini tuo, Altissime. **Gloria Patri. Oratio.**

Ecclésiā tuā quæsumus Dómine, benignus illústra: ut beati Anselmi Confessoris tui, atque Pontificis illuminata doctrinis, ad dona perveniat sempiterna. Per Dóminum.

Lectio Epistolæ beati Pauli Apostoli ad Timotheum. 2. Tim. 4.

Charissime, Testificor coram Deo, & Jesu Christo, qui judicaturus est

vivos & mortuos, per adventum ipsius, & regnum ejus: prædica verbum, insta opportunè, importunè: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt: sed ad sua desideria coercabunt sibi magistros, pruriéntes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo repósita est mihi corona justitiæ, quam reddet mihi Dóminus in illa die, justus iudex: non solum autem mihi, sed & iis, qui diligunt adventum ejus.

Allelúja, allelúja. Ps. Eccli. 45. Amavit eum Dóminus, & ornávit eum: stolam glóriæ induit eum. Allelúja.

Ps. Osee 14. Justus germinabit sicut lilium: & florébit in ætérnum ante Dóminum. Allelúja.



Sequéntia sancti Evangelii secundum Matthæum. **Matth. 5. b**

In illo tempore: Dixit Jesus discipulis suis: Vos estis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, & ponunt eam sub módio, sed super candelabrum: ut luceat omnibus, qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit,

rit, hic magnus vocabibitur in regno
coelorum. **Et dicitur Credo.**

Offertorium Psal. 91. Justus ut palma flo-
rebit: sicut cedrus, quæ in Libano est,
multiplicabitur, allelúja. **Secreta.**

Sancti tui Anselmi nobis Dómine,
Spia non desit oratio: quæ & múnera
nostra conciliet, & tuam nobis indulgén-
tiam semper obtíneat. Per Dóminum.

Communio. Lucæ 12. Fídelis servus &
prudens, quem constituit dóminus super
familiam suam: ut det illis in témpore
tritici mensúram. **Postcommunio.**

UT nobis Dómine, tua sacrificia dent
salútem: beátus Anselmus Con-
fessor tuus, & Doctor egregius, pre-
cator accédât. Per Dóminum.

Die xxii. Aprilis.

IN FESTO SS. SOTERIS, ET CAJI

Pontificum & martyrum.

Introitus. Psal. 144.



Ancti tui Dómine, benedi-
cent te: glóri. m regni tui
dicent, allelúja, allelúja.

Psal. ibid. Exaltábo te Deus
meus Rex: & benedicam
nómini tuo in sæculú, & in

sæculum sæculi. **Glória Patri. Oratio.**

Beatórum mártýrum, paritérque
Pontíficum Sotéris, & Caji nos
quæsumus Dómine, festa tueántur: &
eórum comméndet oratio veneránda.
Per Dóminum nostrum.

Léctio libri Apocalypsis beáti Joánnis
Apóstoli. **Apoc. 19.**

IN diébus illis: Post hæc ego Joánnes
audívi, quasi vocem turbárum multá-
rum in coelo, dicéntium: Allelúja: Sa-
lus, & glória, & virtus Deo nostro est:
quia vera, & iusta sunt iudícia ejus, qui ju-
dicávit de meretríce magna, quæ corrú-
pit terram in prostitutióne sua, & vindi-
cávit sánguinem servórum suórum de
mánibus ejus. Et iterúm dixerunt: Alle-
lúja. Et fumus ejus ascéndit in sæcula sæ-
culórum. Et ceciderunt seniores viginti-
quátuor, & quátuor animália, & adora-
vérunt Deum sedéntem super thronum,
dicéntes: Amen: Allelúja. Et vox de

throno exívit, dicens: Laudem dicite
Deo nostro omnes servi ejus: & qui timé-
tis eum, pusílli & magni. Et audívi quasi
vocem turbæ magnæ, & sicut vocem
aquárum multárum, & sicut vocem toni-
truórum magnórum, dicéntium: Allelúja:
quóniam regnávit Dóminus Deus no-
ster omnipotens. Gaudeámus & exulté-
mus, & demus glóriam ei: quia venérunt
núptiæ Agni, & uxor ejus præparávit se.
Et datum est illi, ut coopériat se byssino
splendénti, & cándido. Byssinum enim
justificatiónes sunt Sanctórum. Et dixit
mihi: Scribe: Beáti qui ad coenam nu-
ptiárum Agni vocáti sunt.

Allelúja, allelúja. **Sancti tui Dó-
mine** florébunt sicut lílium, & sicut
odor bálсами erunt ante te. Allelúja.
Psalm. 115. Pretiósá in conspéctu Dó-
mini mors Sanctórum ejus. Allelúja.



Sequéntia sancti Euangélíi secún-
dum Joánnem. **Joann. 15.**

IN illo témpore: Dixit Jesus discipulis
suis: Ego sum vitis, vos pálmities: qui
manet in me, & ego in eo, hic fert fru-
ctum multum: quia sine me nihil potésti
fácere. Si quis in me non mánserit: mitté-
tur foras sicut palmes, & aréscet, & cól-
ligent eum, & in ignem mittent, & ardet.
Si manséritis in me, & verba mea in vo-
bis mánserint: quodcúmque voluéritis
petétis, & fiet vobis. In hoc clarificátus
est Pater meus, ut fructum plúrimum
afferátis, & efficiámini mei discipuli. Sicut
diléxit me Pater, & ego diléxi vos. Mané-
te in dilectiône mea. Si præcépta mea ser-
vavéritis, manébitis in dilectiône mea,
sicut & ego Patris mei præcépta servávi,
& máneo in ejus dilectiône. Hæc locútus
sum vobis, ut gáudium meum in vobis
sit, & gáudium vestrum impleátur.

Offertorium. Psal. 31. Lætámini in Dó-
mino, & exultáte iusti: & gloriámini
omnes recti corde, allelúja, allelúja.

Secreta.

ADesto, Dómine, supplicatióne
nostris, quas in Sanctórum tuó-
rum commemoratióne deférimus: ut qui
nostræ justitiæ fidúciám non habémus
eórum,

eorum, qui tibi placuerunt, méritis adjuvémur. Per Dóminum.

Communio. *Psal. 32.* **G**audéte iusti in Dómino, allelúja: rectos decet collaudátio, allelúja. **Postcommunio.**

Quæsumus Dómine, salutáribus repléti mystériis; ut quorum solémnia celebrámus, eorum oratióibus adjuvémur. Per Dóminum.

¶ **Si hoc Festum transferatur post Pentecosten, tunc Missa erit.** Intret in conspéctu tuo. **Oratio.** Beatorum mártirum. **de Comuni plurimorum Mártirum extra tempus Paschale.** fol. viii.

Die xxiii. Aprilis.

IN FESTO S. GEORGII
martyris. **Introitus.** *Psal. 63.*



Rotexisti me Deus à conventu malignántium, allelúja: à multitudíne operántium iniquitátem, allelúja, allelúja.

Psal. ibid. **E**xáudi Deus, oratióem meam, cùm deprecor, à timóre inimíci éripe ánimam meam.

Glória Patri.

Oratio.

Deus, quinos beáti Geórgii mártiris tui méritis, & intercessióne lætíficas: concéde propítius; ut qui tua per eum beneficia póscimus, dono tuæ grátiæ consequámur. Per Dóminum.

Lectio Epístolæ beáti Pauli Apóstoli ad Timótheum. **2. Tim. 2. b**

Charíssime, Memor esto Dóminum Jesum Christum resurrexisse à mortuis ex sémine David, secúndum Euan-gélium meum, in quo labóro usque ad víncula, quasi malè óperans: sed verbum Dei non est alligátum. Ideò ómnia sustíneo propter eléctos, ut & ipsi salutem cósequántur, quæ est in Christo Jesu, cum glória coelésti. Tu autem affecútus es meam doctrínam, institutióem, propósitum, fidem, longanimitátem, dilectiόem, paciéntiam, persecutiόes, passiόes: quália mihi facta sunt Antio-chiæ, Iconii, & Lystris: quales persecutiόes sustínui, & ex ómnibus erípuít me Dóminus. Et omnes qui piè volunt

vivere in Christo Jesu, persecutiόem paciéntur. **A**llelúja, allelúja.

Psalm. 88. Confitebúntur coeli mirabília tua Dómine, étenim veritátem tuam in Ecclésia Sanctórum. Allelúja.

Psalm. 20. Posuísti Dómine super caput ejus corónam de lápide pretiόso. Allelúja.



Sequéntia sancti Euan-gélii secúndum Joánnem. **Joann. 15.**

In illo témpore: Dixit Jesus discíplis suis: Ego sum vitis vera: & Pater meus agricóla est. Omnem pálmitem in me non feréntem fructum, tollet eum: & omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit: mittétur foras sicut palmes, & aréscet, & colligent eum, & in ignem mittent, & ardet. Si manséritis in me, & verba mea in vobis mánserint: quodcúm-que voluéritis, petétis, & fiet vobis.

Offertorium. *Psal. 88.* **C**onfitebúntur coeli mirabília tua Dómine: & veritátem tuam in ecclésia Sanctórum, allelúja, allelúja. **Secreta.**

Munera Dómine, obláta sanctífi-ca: & intercedénte beáto Geórgio mártire tuo, nos per hæc à peccatórum nostrórum máculis emúnda. Per Dóminum nostrum.

Communio. *Psal. 63.* **L**ætábitur iustus in Dómino, & sperábit in eo: & laudabúntur omnes recti corde, allelúja, allelúja.

Postcommunio.

Supplices te rogámus, omnipotens Deus: ut, quos tuis réficis sacra-méntis, intercedénte beáto Geórgio mártire tuo, tibi étiam plácitis móribus dignánter tríbuas deservíre. Per Dóminum nostrum.

¶ **Si**

¶ Si prædictum Festum transferatur post Dominicam Trinitatis Missa erit, In virtute. de Comuni. fol. iii. cum Orationibus ex Missa, Protexisti. ut supra. Euangelium. Si quis venit. fol. ii.

Die xxiv. Aprilis.

IN FESTO S. MELLITI

Episcopi & Confessoris.

Missa. Statuit ei Dominus. de Comuni Confessoris Pontificis. fol. xii.

Oratio. Exaudi, quaesumus. ex Missa. Sacerdotes tui. fol. xiii.

Die xxv. Aprilis.

IN FESTO S. MARCI

Euangelistæ. Litanie majores.

Statio ad sanctum Petrum.

Ad Processionem dicitur Missa de Rogationibus. fol. 227. sine commemoratione sancti Marci: & si contingat transferri festum sancti Marci, non tamen transfertur Processio, nisi quando prædictum Festum occurreret in die Paschatis, tunc enim in Feriam tertiam sequentem transferatur.

Introitus

Psal. 67.



Protexisti me, Deus, à conventu malignantium, allelúja: à multitudine operantium iniquitatem, allelúja, allelúja.

Psal. ibid. Exaudi Deus orationem meam, cum deprecor: à timore inimici eripe animam meam.

Glória Patri.

Oratio.

Deus, qui beatum Marcum Euangelistam tuum, euangelicæ prædicationis gratia sublimasti: tribue quaesumus, ejus nos semper, & eruditione proficere, & oratione defendi. Per Dominum.

Lectio Ezechiélis Prophætæ. Ezech. i. c.

Similitudo vultus quatuor animalium: S facies hominis, & facies leónis à dextris ipsorum quatuor: facies autem bovis à sinistris ipsorum quatuor, & facies aquilæ desuper ipsorum quatuor. Facies eorum, & pennæ eorum exténtæ desuper: duæ pennæ singulorum jungebantur, & duæ tegébant corpora eorum: & unum-

quodque eorum coram facie sua ambulabat: ubi erat impetus spiritus, illuc gradientur, nec revertebantur, cum ambularent. Et similitudo animalium, aspectus eorum quasi carbonum ignis ardentium, & quasi aspectus lampadarum. Hæc erat visio discurrens in medio animalium, splendor ignis, & de igne fulgur egradiens. Et animalia ibant, & revertebantur in similitudinem fulguris coruscantis.

Allelúja, allelúja.

Psalm. 88. Confitebuntur coeli mirabilia tua Domine, etenim veritatem tuam in Ecclesia Sanctorum. Allelúja.

Psalm. 20. Posuisti Domine, super caput ejus coronam de lapide pretioso. Allelúja.



Sequentia sancti Evangelii secundum Lucam. Luca 10.

In illo tempore: Designavit Dominus & alios septuaginta duos: & misit illos binos ante faciem suam, in omnem civitatem, & locum quod erat ipse venturus. Et dicebat illis: Messis quidem multa, operarii autem pauci. Rogate ergo dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, & neminem per viam salutaveritis. In quamcumque domum intraveritis, primum dicite: Pax huic domui: & si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes & bibentes quæ apud illos sunt; dignus est enim operarius mercede sua. Nolite transire de domo in domum. Et in quamcumque civitatem intraveritis, & susceperint vos, manducate quæ apponuntur vobis: & curate infirmos, qui in illa sunt, & dicite illis: Appropinquavit in vos regnum Dei. Credo.

Offertorium. Psalm. 88. Confitebuntur coeli mirabilia tua Domine: & veritatem tuam in ecclesia Sanctorum, allelúja, allelúja.

Secreta.

Beati Marci Evangelistæ tui solemnitate, tibi munera deferentes, quaesumus

sumus Dómine, ut, sicut illum prædicatio euangélica fecit gloriósum; ita nos ejus intercessio, & verbo, & ópere tibi reddat acceptos. Per Dóminum.

Præfatio de Apostolis. fol. 184.

Communio. *Psal. 63.* Lætábitur justus in Dómino, & sperábit in eo: & laudabuntur omnes recti corde, allelúja, allelúja.

Postcommunio.

TRibuant nobis, quæsumus Dómine, continuum tua sancta præsidium: quo beáti Marci Euangelistæ tui precibus, nos ab ómnibus semper tueantur advérsis. Per Dóminum.

Die xxvi. Aprilis.

**IN FESTO SS. CLETI,
& Marcellini Pontificum & mart.**

Introitus. Psal. 144.



Sancti tui Dómine, benediceant te: glóriam regni tui dicent, allelúja, allelúja.

Psal. ibid. Exaltábo te, Deus meus Rex: & benedicam nómini tuo in sæculum, & in sæculum sæculi.

Glória Patri, &c.

Oratio.

Beatórum mártýrum, paritérque Pontíficum Cleti, & Marcellini nos, Dómine, foveat pretiósa confessio: & pia júgiter intercessio tueatur. Per Dóminum nostrum.

Lectio Epístolæ beáti Petri Apóstoli.

1. Petr. 1.

Benedíctus Deus, & Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hæreditatem incorruptibilem, & incontaminatam, & immarcescibilem, conservátam in cœlis in vobis, qui in virtúte Dei custodimini per fidem in salutem, parátam revelári in témpore novíssimo. In quo exultábitis, módicum nunc si opórtet contristari in váriis tentationibus: ut probatio vestræ fidei multò pretiósiore auro (quod per ignem probatur) inveniatur in laudem, & glóriam, & honó-

rem in revelatione Jesu Christi Dómini nostri.

Allelúja, allelúja. *Sancti tui Dómine, florébunt sicut lílium, & sicut odor bálсами erunt ante te. Allelúja.*

Psalm. 115. Pretiósa in conspéctu Dómini mors sanctórum ejus. Allelúja.



Sequéntia sancti Euangélii secúndum Joánnem. *Joann. 15.*

In illo témpore: Dixit Jesus discipulis suis: Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis facere. Si quis in me non mánserit: mittetur foras sicut palmes, & aréscet, & colligent eum, & in ignem mittent, & ardet. Si manséritis in me, & verba mea in vobis mánserint: quodcúmque voluéritis, petétis, & fiet vobis. In hoc clarificátus est Pater meus, ut fructum plúrimum afferátis, & efficiámini mei discipuli. Sicut diléxit me Pater, & ego diléxi vos. Manéte in dilectione mea. Si præcépta mea servavéritis, manébitis in dilectione mea, sicut & ego Patris mei præcépta servávi, & máneo in ejus dilectione. Hæc locútus sum vobis, ut gáudium meum in vobis sit, & gáudium vestrum impleatur.

Offertorium. *Psal. 31.* Lætámini in Dómino, & exultáte justí: & gloriámini omnes recti corde, allelúja, allelúja.

Secreta.

Adesto, Dómine, supplicationibus nostris, quas in Sanctórum tuórum commemoratione deférimus: ut qui nostræ justitiæ fidúciā non habémus, eórum, qui tibi placuérunt, méritis adjuvémur. Per Dóminum.

Communio. *Psal. 32.* Gaudéte justí in Dómino, allelúja: rectos decet collaudatio, allelúja.

Postcommunio.

Quæsumus Dómine, salutáribus repléti mysteriis; ut quorum solémnia celebrámus, eórum orationibus adjuvémur. Per Dóminum.

¶ Extra tempus Paschale, Missa erit, Intret in conspéctu. Oratio. Beatórum mártýrum. *de Comuni plurim. Martýr. extra tempus Paschale. fol. viii.*

Die

Die xxviii. Aprilis.

S. VITALIS MARTYRIS.

Introitus. Psal. 63.



Rotexisti me Deus, à conventu malignantium, allelúja: à multitudìne operantium iniquitatem, allelúja, allelúja.

Psal. ibid. Exaudi Deus orationem meam, cum deprecor: à timóre inimici éripe animam meam.

v. Glória Patri.

Oratio.

Præsta quæsumus, omnipotens Deus: ut qui beati Vitalis mártiris tui natalítia cólimus, intercessióne ejus in tui nóminis amore roborémur. Per Dóminum nostrum.

Lectio libri Sapientiae.

Sap. 5.

Stabunt iusti in magna constantia adversus eos, qui se angustiaverunt, & qui abstulerunt labores eorum. Videntes turbabuntur timóre horribili, & mirabuntur in subitacione insperatæ salutis, dicentes intra se, poenitentiam agentes, & præ angustia spíritus gementes: Hi sunt, quos habuimus aliquando in derisum, & in similitudinem improperii. Nos insensati vitam illórum æstimabamus insaniam, & finem illórum sine honóre: ecce quómodo computati sunt inter filios Dei, & inter Sanctos fors illórum est.

Allelúja, allelúja. **v. Psal. 88.** Confitebuntur coeli mirabilia tua Dómine, etenim veritatem tuam in Ecclesia Sanctorum. Allelúja. **v. Psal. 20.** Posuisti Dómine, super caput ejus coronam de lapide pretioso. Allelúja.



Sequentia sancti Evangelii secundum Joannem.

Joann. 15.

In illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit

in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, & arcescet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque volueritis, petetis, & fiet vobis.

Offertorium. Psal. 88. Confitebuntur coeli mirabilia tua Dómine: & veritatem tuam in ecclesia Sanctorum, allelúja, allelúja.

Secreta.

Muneribus nostris quæsumus Dómine, precibusque susceptis, & coelestibus nos munda mysteriis, & clementer exaudi. Per Dóminum.

Communio. Psal. 63. Lætabitur iustus in Dómino, & sperabit in eo: & laudabuntur omnes recti corde, allelúja, allelúja.

Postcommunio.

DA, quæsumus Dómine Deus noster: ut sicut tuorum commemoratione Sanctorum temporali gratulamur officio, ita perpetuo lætemur aspectu. Per Dóminum.

Die xxix. Aprilis.

IN FESTO S. ROBERTI
Abbatis, Missa. Os iusti. ut in Comuni Abbatum. fol. xvii.

Die xxx. Aprilis.

IN FESTO S. CATHARINÆ
Senensis virginis.

Introitus.

Psal. 44.



Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis, allelúja, allelúja.

Psal. ibid.

Eructavit cor meum verbum bonum: dico ego opera mea Regi. **v. Glória Patri.**

Oratio.

DA, quæsumus omnipotens Deus: ut qui beatæ Catharinæ virginis tuæ natalítia cólimus, & annua solemnitáte lætemur, & tantæ virtutis proficiamus exemplo. Per Dóminum.

L é-

Lectio Epistolæ beati Pauli Apostoli
ad Corinthios. **2. Cor. 10. d**

Fratres, Qui gloriatur, in Domino
gloriatur. Non enim, qui seipsum
commendat, ille probatus est: sed quem
Deus commendat. Utinam sustineretis
modicum quid insipientiæ meæ: sed &
supportate me. Æmulor enim vos Dei
æmulatione. Despondi enim vos uni vi-
ro virginem castam exhibere Christo.

Allelúja, allelúja. **Psalm. 44.** Adducuntur
Regi virgines post eam: proximæ ejus
afferuntur tibi in lætitia. Allelúja.

Psalm. Spécies tua, & pulchritudine tua, inten-
de, prospere procede, & regna. Allelúja.



Sequentia sancti Evangelii secun-
dum Matthæum. **Matth. 25.**

In illo tempore: Dixit Jesus discipulis
suis parabolam hanc: Simile erit re-
gnum coelorum decem virginibus:
quæ accipientes lampades suas, exierunt
obviâ sponso, & sponsæ. Quinque au-
tem ex eis erant fatuæ, & quinque pru-
dentes: sed quinque fatuæ, acceptis lam-
pádibus, non sumpsérunt oleum secum:
prudentes verò accepérunt oleum in va-
sis suis cum lampádibus. Moram autem
faciente sponso, dormitavérunt omnes,
& dormiérunt. Média autem nocte cla-
mor factus est: Ecce sponsus venit,
exite obviâ ei. Tunc surrexérunt om-
nes virgines illæ, & ornavérunt lám-
pades suas. Fatuæ autem sapiéntibus di-
xérunt: Date nobis de oleo vestro: quia
lampades nostræ extinguntur. Respon-
dérunt prudentes, dicentes: Ne fortè
non sufficiat nobis & vobis, ite potius
ad vendentes, & émite vobis. Dum
autem irent émere, venit sponsus: &
quæ paratæ erant, intravérunt cum eo
ad nuptias, & clausa est janua. Novissi-
mè verò veniunt & reliquæ virgines,
dicentes: Domine, Domine, áperi no-
bis. At ille respondens, ait: Amen
dico vobis, nescio vos. Vigilate itaque,
quia nescitis diem, neque horam.

Offertor. Psalm. 44. Filia regum in honore
tuo, ástitit regina à dextris tuis in vestitu
deaurato, circumdata varietate, allelúja.

Miss Monast.

Secreta.

Ascendant ad te Domine, quas in
beatæ Catharinæ solemnitáte of-
ferimus, preces, & hostia salutáris, virgi-
neo fragrans odore. Per Dominum.

Communio. Matth. 25. Quinque pru-
dentes virgines accepérunt oleum in va-
sis suis cum lampádibus: média autem
nocte clamor factus est, ecce sponsus ve-
nit, exite obviâ Christo Domino,
allelúja.

Postcommunio.

Aternitatem nobis Domine, con-
ferat, qua pasti sumus, mensa
coeléstis, quæ beatæ Catharinæ virgi-
nis vitam étiam áluit temporálem. Per
Dominum nostrum.

FESTA MAJI.

Die i. Maji.

IN FESTO SS. APOSTOLORUM

Philippi & Jacobi.

Introitus.

2. Esd. 9.



Lamavérunt ad te Domi-
ne, in tempore afflictionis
suæ: & tu de coelo exau-
disti eos, allelúja, allelúja.

Psalm. 32. Exultate justi
in Domino: rectos decet

collaudatio. **Psalm.** Glória Patri. **Oratio.**

Deus, qui nos ánnua Apostolorum
tuorum Philippi & Jacobi solem-
nitáte lætíficas: præsta quæsumus; ut
quorum gaudemus méritis, instruámur
exémplis. Per Dominum.

Lectio libri Sapientiae.

Sap. 5.

Stabunt justi in magna constantia ad-
versus eos, qui se angustiavérunt, &
qui abstulérunt labores eorum. Videntes
turbabuntur timóre horribili, & mira-
buntur in subitatione insperatæ salutis,
dicentes intra se, poenitentiam agentes,
& præ angustia spiritus gementes: Hi
sunt, quos habuimus aliquando in deri-
sum, & in similitudinem improperii. Nos
insensati vitam illorum æstimabamus in-
sániam, & finem illorum sine honore: ec-
ce quomodo computati sunt inter filios
Dei, & inter Sanctos fors illorum est.

Allelúja, allelúja.

Z

Psalm.

Psalm. 88. Confitebuntur coeli mirabilia tua Domine, etenim veritatem tuam in Ecclesia Sanctorum. Alleluja.

Joann. 14. Tanto tempore vobiscum sum, & non cognovistis me? Philippe, qui videt me, videt & Patrem meum. Alleluja.

Sequentia sancti Evangelii secundum Joannem. **Joann. 14.**

In illo tempore: Dixit Jesus discipulis suis: Non turbetur cor vestrum. Creditis in Deum, & in me credite. In domo Patris mei mansiones multae sunt. Si quod minus dixissem vobis: Quia vado parare vobis locum. Et si abiero, & preparavero vobis locum: iterum venio, & accipiam vos ad meipsum, ut ubi sum ego, & vos sitis. Et quod ego vado scitis, & viam scitis. Dicit ei Thomas: Domine, nescimus, quod vadis: & quomodo possumus viam scire? Dicit ei Jesus: Ego sum via, veritas, & vita. Nemo venit ad Patrem, nisi per me. Si cognovissetis me, & Patrem meum utique cognovissetis: & a modo cognoscetis eum, & vidistis eum. Dicit ei Philippus: Domine, ostende nobis Patrem, & sufficit nobis. Dicit ei Jesus: Tanto tempore vobiscum sum: & non cognovistis me? Philippe, qui videt me, videt & Patrem. Quomodo tu dicis: Ostende nobis Patrem? Non creditis, quia ego in Patre, & Pater in me est? Verba, quae ego loquor vobis, a meipso non loquor. Pater autem in me manens, ipse facit opera. Non creditis, quia ego in Patre, & Pater in me est? Alioquin propter opera ipsa credite. Amen, amen dico vobis: qui credit in me, opera quae ego facio, & ipse faciet, & maiora horum faciet: quia ego ad Patrem vado. Et quodcumque petieritis Patrem in nomine meo, hoc faciam. **Credo.**

Offertorium. Psalm. 88. Confitebuntur coeli mirabilia tua Domine: & veritatem tuam in ecclesia Sanctorum, alleluja, alleluja.

Secreta.

Munera Domine, quae pro Apostolorum tuorum Philippi, & Jacobi

solemnitate deferimus, propitius suscipe: & mala omnia, quae meremur, averte. Per Dominum.

Præfatio de Apostolis. fol. 184.

Communio. Joann. 14. Tanto tempore vobiscum sum, & non cognovistis me? Philippe, qui videt me, videt & Patrem meum, alleluja: non credis, quia ego in Patre, & Pater in me est? alleluja, alleluja.

Postcommunio.

Quæsumus Domine, salutaribus replenti mysteriis; ut quorum solemnia celebramus, eorum orationibus adjuvemur. Per Dominum.

¶ Si hoc Festum transferendum sit post Pentecosten, dicitur Missa ut supra, præter Epistolam, Graduale, & Offertorium, quæ sumuntur ex Missa votiva SS. Apostolorum Petri, & Pauli. fol. xxix.

Die ii. Maji.

IN FESTO S. ATHANASII
Episc. & Confess. Introitus. Eccli. 15.



In medio Ecclesiae aperuit os ejus: & implevit eum Dominus spiritu sapientiae, & intellectus: stolam gloriæ induit eum, alleluja, alleluja.

Psalm. 91. Bonum est confiteri Domino: & psallere nomini tuo, Altissime.

Glória Patri.

Oratio.

Exaudi quæsumus Domine, preces nostras, quas in beati Athanasii Confessoris tui atque Pontificis solemnitate deferimus: & qui tibi digne meruit famulari, ejus intercedentibus meritis, ab omnibus nos absolve peccatis. Per Dominum.

Lectio Epistolæ beati Pauli Apostoli ad Corinthios. **2. Cor. 4. b**

Fratres, Non nosmetipsos prædicamus, sed Jesum Christum Dominum nostrum; nos autem servos vestros per Jesum: quoniam Deus, qui dixit de tenebris lucem splendescere, ipse illuxit in cordibus nostris, ad illuminationem scientiæ claritatis Dei, in facie Christi Jesu. Habemus autem thesaurum istum

in

in vasis fictilibus: ut sublimitas sit virtutis Dei, & non ex nobis. In omnibus tribulationem patimur, sed non angustiamur: aporiamur, sed non destituimur: persecutionem patimur, sed non derelinquimur: deicimur, sed non perimus: semper mortificationem Jesu in corpore nostro circumferentes, ut & vita Jesu manifestetur in corporibus nostris. Semper enim nos, qui vivimus, in mortem tradimur propter Jesum: ut & vita Jesu manifestetur in carne nostra mortali. Ergo mors in nobis operatur, vita autem in vobis. Habentes autem eundem spiritum fidei, sicut scriptum est: Credidi, propter quod locutus sum: & nos credimus, propter quod & loquimur: scientes, quoniam qui suscitavit Jesum, & nos cum Jesu suscitabit, & constituet vobiscum.

Allelúja, allelúja. Psal. 109. Tu es sacerdos in ætérnum, secundum ordinem Melchisedech. Allelúja.

Ps. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelúja.



Sequentia sancti Evangelii secundum Matthæum. **Matth. 10. c.**

IN illo tempore: Dixit Jesus discipulis suis: Cum persequerentur vos in civitate ista, fugite in aliam. Amen dico vobis, non consummabitis civitates Israel, donec veniat Filius hominis. Non est discipulus super magistrum, nec servus super dominum suum. Sufficit discipulo, ut sit sicut magister ejus, & servo, sicut dominus ejus. Si patrem familias Beelzebub vocaverunt: quanto magis domesticos ejus? ne ergo timueritis eos: nihil enim est opertum, quod non revelabitur; & occultum, quod non sciatur. Quod dico vobis in tenebris, dicite in lumine: & quod in aure auditis, predicat super tecta. Et nolite timere eos, qui occidunt corpus, animam autem non possunt occidere: sed potius timeate eum, qui potest & animam & corpus perdere in gehennam. **Credo.**

Offertorium. Psal. 88. Inveni David ser-

vum meum, oleo sancto meo unxi eum: manus enim mea auxiliabitur ei, & brachium meum confortabit eum, allelúja.

Secreta.

Sancti Athanasii Confessoris tui atque Pontificis, quaesumus Domine, annua sollemnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dominum.

Communio. Matth. 10. Quod dico vobis in tenebris, dicite in lumine, dicit Dominus: & quod in aure auditis, predicat super tecta, allelúja.


Postcommunio.

Deus, fidelium remunerator animarum, præsta: ut beati Athanasii Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum.

Die iii. Maji.

IN FESTO INVENTIONIS

sanctæ Crucis. Introitus. Gal. 6.



Os autem gloriari oportet in Cruce Domini nostri Jesu Christi: in quo est salus, vita, & resurrectio nostra: per quem salvati, & liberati sumus, allelúja, allelúja.

Psal. 66. Deus misereatur nostri, & benedicat nobis: illuminet vultum suum super nos, & misereatur nostri.

Ps. Gloria Patri.

Oratio.

Deus, qui in præclara salutiferæ Crucis Inventionem, passionis tuæ miracula suscitasti: concede; ut vitalis ligni pretio, æternæ vitæ suffragia consequamur. Qui vivis & regnas cum Deo Patre.

In Missis privatis pro commem. SS. Alexandri, Eventii, & Theoduli martyrum, ac Juvenalis Episcopi & Confessoris.

Oratio.

Præsta quaesumus omnipotens Deus: ut qui Sanctorum tuorum Alexandri, Eventii, Theoduli, atque Juvenalis natalitia colimus, à cunctis malis imminuentibus, eorum intercessionibus liberemur. Per Dominum.

Z 2

Lectio

Lectio Epistolæ beati Pauli Apostoli
ad Philippenses. **Phil. 2.**

Fratres, Hoc enim sentite in vobis,
quod & in Christo Jesu, qui cum in
forma Dei esset, non rapinam arbitratus
est esse se æqualem Deo: sed semetipsum
exinanivit, formam servi accipiens, in si-
militudinem hominum factus, & habitu
inventus ut homo. Humiliavit semet-
ipsum, factus obediens usque ad mortem,
mortem autem Crucis. Propter quod
& Deus exaltavit illum: & donavit illi
nomen, quod est super omne nomen:
[**Hic genuflectitur.**] ut in nomine Jesu
omne genu flectatur cœlestium, terrê-
strium, & infernorum; & omnis lingua
confiteatur, quia Dominus Jesus Chri-
stus in gloria est Dei Patris.

Allelûja, allelûja. **Psal. 95.** Dicite in
Gentibus: quia Dominus regnavit à li-
gno. Allelûja. **Psal. 95.** Dulce lignum, dulces
clavos, dulcia ferens pondera: quæ sola
fuisse digna sustinere Regem cœlorum,
& Dominum. Allelûja.



Sequentia sancti Evangelii secun-
dum Joannem. **Joann. 3.**

In illo tempore: Erat homo ex Pha-
risæis, Nicodémus nomine, prin-
ceps Judæorum. Hic venit ad Jesum
nocte, & dixit ei: Rabbi, scimus, quia
à Deo venisti magister: nemo enim po-
test hæc signa facere, quæ tu facis, nisi
fuerit Deus cum eo. Respondit Jesus, &
dixit ei: Amen, amen dico tibi: nisi quis
renatus fuerit denuò, non potest videre
regnum Dei. Dicit ad eum Nicodémus:
Quomodo potest homo nasci, cum sit
senex? numquid potest in ventrem ma-
tris suæ iteratò introire, & renasci? Re-
spondit Jesus: Amen, amen dico tibi:
nisi quis renatus fuerit ex aqua, & Spiri-
tu sancto, non potest introire in regnum
Dei. Quod natum est ex carne, caro
est: & quod natum est ex spiritu, spiri-
tus est. Non mireris, quia dixi tibi:
oportet vos nasci denuò. Spiritus, ubi
vult, spirat: & vocem ejus audis, sed
nescis, unde veniat, aut quò vadat: sic
est omnis, qui natus est ex spiritu. Re-

spondit Nicodémus, & dixit ei: Quo-
modo possunt hæc fieri? Respondit Je-
sus, & dixit ei: Tu es magister in Israel,
& hæc ignoras? Amen, amen dico ti-
bi: quia quod scimus, loquimur, &
quod vidimus, testamur, & testimò-
nium nostrum non accipitis. Si terræna
dixi vobis, & non creditis: quomodo,
si dixerò vobis cœlestia, credetis? Et ne-
mo ascendit in cœlum, nisi qui descen-
dit de cœlo, Filius hominis, qui est in
cœlo. Et sicut Moyses exaltavit serpen-
tem in deserto; ita exaltari oportet Fi-
lium hominis: ut omnis, qui credit in
ipsum, non pereat, sed habeat vitam
æternam. **Credo.**

Offertorium. Psal. 117. Dextera Domini
fecit virtutem, dextera Domini exaltavit
me: non moriar, sed vivam, & narrabo
opera Domini, allelûja. **Secreta.**

Sacrificium, Domine, quod tibi im-
molamus, placatus intende: ut ab
omni nos eruat bellorum nequitia, & per
vexillum sanctæ Crucis Filii tui, ad con-
terendas potestatis adversæ insidias,
nos in tuæ protectionis securitate con-
stituatur. Per eundem Dominum.

Pro SS. Alexandro, & sociis. Secreta.

Super has hostias, quæsumus Domi-
ne, benedictio copiosa descendat:
quæ & sanctificationem nobis clemen-
ter operetur, & de Sanctorum nos so-
lemnitate lætificet. Per Dominum.

Præfatio de Cruce. Qui salutem hu-
mani generis. fol. 176.

Communio. Per signum Crucis, de ini-
micis nostris libera nos, Deus noster,
allelûja. **Postcommunio.**

Repleti alimonia cœlesti, & spirita-
li poculo recreati, quæsumus om-
nipotens Deus: ut ab hoste maligno
defendas, quos per lignum sanctæ Cru-
cis Filii tui, arma justitiæ pro salute
mundi, triumphare jussisti. Per eum-
dem Dominum nostrum.

**Pro SS. Alexandro, Eventio, & Theo-
dulo martyribus, ac Juvenale Episcopo
& Confessore. Postcommunio.**

Refecti participatione muneris sacri,
quæsumus, Domine Deus noster:
ut

ut cuius exequimur cultum, intercedentibus Sanctis tuis Alexandro, Euentio, Theodulo, & Iuvenale, sentiamus effectum. Per Dominum.

¶ Sed si Festum Inventionis S. Crucis contigerit transferri post Pentecosten, tunc omnia sumenda erunt ex Festo Exaltationis 14. Septembris. Sed Orationes, Euangelium, & Offertorium erunt ex Missa Inventionis, supra.

Die iv. Maji.

IN FESTO S. MONICÆ
Viduæ. Introitus. Psal. 118.



Ognovi Domine, quia æquitas iudicia tua, & in veritate tua humiliasti me: confige timore tuo carnes meas, à mandatis tuis timui, allelúja, allelúja.

Psalm. ibid. Beati immaculati in via: qui ambulant in lege Domini.

v. Gloria Patri.

Oratio.

Deus, moerentium consolator, & in te sperantium salus, qui beatæ Monicæ piæ lachrymas in Conversione filii sui Augustini misericorditer suscepisti: da nobis utriusque interventu peccata nostra deplorare, & gratiæ tuæ indulgentiam invenire. Per Dominum nostrum.

Lectio Epistolæ beati Pauli Apostoli ad Timotheum. 1. Tim. 5.

Charissime, Viduas honora, quæ verè viduæ sunt. Si qua autem vidua filios, aut nepotes habet: discat primum domum suam regere, & mutuam vicem reddere parentibus: hoc enim acceptum est coram Deo. Quæ autem verè vidua est, & desolata, speret in Deum, & instet obsecrationibus, & orationibus nocte, ac die. Nam quæ in deliciis est, vivens mortua est. Et hoc præcipe, ut irreprehensibiles sint. Si quis autem suorum, & maxime domesticorum curam non habet, fidem negavit, & est infideli deterior. Vidua eligatur non minus sexaginta annorum, quæ fuerit unus viri uxor, in operibus bonis testimonium habens, si filios educavit, si hospitio rece-

Miss. Monast.

pit, si sanctorum pedes lavit, si tribulationem patientibus subministravit, si omne opus bonum subsecuta est.

Allelúja, allelúja.

v. Psal. 44. Spécie tua, & pulchritudine tua, intende, prospere procede, & regna. Allelúja.

v. Propter veritatem, & mansuetudinem, & iustitiam: & deducet te mirabiliter dextera tua. Allelúja.



Sequentia sancti Evangelii secundum Lucam. **Lucæ 7. b**

In illo tempore: Ibat Jesus in civitatem, quæ vocatur Naim: & ibant cum eo discipuli ejus, & turba copiosa. Cum autem appropinquaret portæ civitatis: ecce defunctus efferebatur filius unicus matris suæ: & hæc vidua erat: & turba civitatis multa cum illa. Quam cum vidisset Dominus, misericordia motus super eam, dixit illi: Noli flere. Et accessit, & tetigit loculum. (Hi autem, qui portabant, steterunt.) Et ait: Adolescentis, tibi dico, surge. Et resedit, qui erat mortuus, & cœpit loqui. Et dedit illum matri suæ. Accipit autem omnes timor: & magnificabant Deum, dicentes: Quia Propheta magnus surrexit in nobis: & quia Deus visitavit plebem suam.

Offertorium. Psalmus 44. Diffusa est gratia in labiis tuis: propterea benedixit te Deus in æternum, & in sæculum sæculi, allelúja. **Secreta.**

Accepta tibi sit Domine, sacratæ plebis oblatio, pro tuorum honore Sanctorum: quorum se meritis percepisse de tribulatione cognoscit auxilium. Per Dominum.

Communio. ibid. Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis, allelúja.

Postcommunio.

Satiasti Domine, familiam tuam munere sacris: ejus quæsumus, semper interventione nos refove, cujus solèmnia celebramus. Per Dominum nostrum Jesum Christum, &c.

Z 3

Die

Die v. Maji.

IN FESTO S. PII QUINTI

Papæ & Confess. Missa. Statuit ei Dominus. de Communi Confess. Pontificis. fol. xii. præter primam Orationem, quæ dicitur ut infra. Oratio.


DEus, qui ad conterendos Ecclesiæ tuæ hostes, & ad divinum cultum reparandum, beatum Pium Pontificem maximum eligere dignatus es: fac nos ipsius defendi præsiis, & ita tuis inherere obsequiis; ut omnium hostium superatis insidiis, perpetua pace lætemur. Per Dominum.

Die vi. Maji.

IN FESTO S. JOANNIS

ante Portam Latinam.

Introitus. Psal. 63.



Rotexisti me Deus, à conventu malignantium, allelúja: à multitudinem operantium iniquitatem, allelúja, allelúja.

Psal. ibid. Exaudi Deus

orationem meam, cum deprecor: à timore inimici eripe animam meam.

Glória Patri. Oratio.

DEus, qui conspicias, quia nos undique mala nostra perturbant: præsta quæsumus; ut beati Joannis Apostoli tui, & Evangelistæ intercessio gloriosa nos protegat. Per Dominum.

Lectio libri Sapientiae. Sap. 5.

Stabunt justi in magna constantia adversus eos, qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis, dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter Sanctos fors illorum est.

Allelúja, allelúja. Psal. 91. Justus ut palma florebit: sicut cedrus Libani multiplicabitur. Allelúja.

Ps. Osee 14. Justus germinabit sicut lilium: & florebit in æternum ante Dominum. Allelúja.



Sequentia sancti Evangelii secundum Matthæum. Matth. 20. c

In illo tempore: Accessit ad Jesum mater filiorum Zebedæi cum filiis suis, adorans, & petens aliquid ab eo. Qui dixit ei: Quid vis? Ait illi: Dic, ut sedeant hi duo filii mei, unus ad dexteram tuam, & unus ad sinistram in regno tuo. Respondens autem Jesus, dixit: Nescitis, quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dexteram meam, vel sinistram, non est meum dare vobis, sed quibus paratum est à Patre meo. *Credo.*

Offertorium. Psalm. 88. Confitebuntur coeli mirabilia tua Domine: & veritatem tuam in ecclesia Sanctorum, allelúja, allelúja. Secreta.

Muneribus nostris, quæsumus Domine, precibusque susceptis, & coelestibus nos munda mysteriis, & clementer exaudi. Per Dominum.

Præfatio de Apostolis. fol. 184.

Communio. Psal. 63. Lætabitur justus in Domino, & sperabit in eo: & laudabuntur omnes recti corde, allelúja, allelúja. Postcommunio.

Refecti Domine, pane coelesti, ad vitam, quæsumus, nutriamur æternam. Per Dominum.

Si contigerit Festum S. Joannis transferri post Pentecosten, tunc Missa sumatur ex alio Festo ejusdem sancti, Mense Decembri, fol. 20. Orationes verò & Evangelium ut supra in hoc Festo.

Die vii. Maji.

IN FESTO S. STANISLAI

Episc. & mart. Introitus. Psal. 63.



Rotexisti me Deus, à conventu malignantium, allelúja: à multitudinem operantium iniquitatem, allelúja, allelúja.

Psal. ibid. Exaudi Deus orationem meam, cum deprecor: à timore ini-

mici

mici éripe ánimam meam. *ψ.* Glória Patri.

Oratio.

DEus, pro cuius honóre gloriósus Póntifex Stanisláus gládiis impiórum occúbuit: præsta quæsumus; ut omnes, qui ejus implórant auxílium, petitiónis suæ salutárem consequántur effectum. Per Dóminum.

Lectio libri Sapientiae.

Sap. 5.

STabunt iusti in magna constantia adversus eos, qui se angustiaverunt, & qui abstulerunt labores eorum. Videntes turbabuntur timóre horribili, & mirabuntur in subitacione insperatæ salutis, dicentes intra se, poenitentiam agentes, & præ angustia spíritus gementes: Hi sunt, quos habuimus aliquando in derisum, & in similitudinem impropérii. Nos insensati vitam illorum æstimabamus insaniam, & finem illorum sine honóre: ecce quomodo computati sunt inter filios Dei, & inter Sanctos fors illorum est.

Allelúja, allelúja.

ψ. Psalm. 88. Confitebuntur coeli mirabilia tua Dómine, etenim veritatem tuam in Ecclesia Sanctorum. Allelúja.

ψ. Psal. 20. Posuisti Dómine super caput ejus coronam de lapide pretioso. Allelúja.



Sequentia sancti Evangelii secundum Joannem.

Joann. 15.

IN illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, & arascet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

Offertorium. Psalm. 88. Confitebuntur coeli mirabilia tua Dómine: & veritatem tuam in ecclesia Sanctorum, allelúja, allelúja.

Secreta.

MUnera Dómine, oblata sanctifica: & intercedente beato Stanisláo mártire tuo atque Pontífice, per eadem nos placatus intende. Per Dóminum.

Communio. Psal. 63. Lætabitur justus in Dómino, & sperabit in eo: & laudabuntur omnes recti corde, allelúja, allelúja.

Postcommunio.

Hæc nos communio Dómine, purget à crimine: & intercedente beato Stanisláo mártire tuo atque Pontífice, coelstis remédii faciat esse consortes. Per Dóminum.

¶ Sic hoc Festum celebrari contigerit post Pentecosten, tunc dicitur Missa, Sacerdotes Dei. de Comuni unius Martyris Pontificis secundo loco. fol. ii. Orationes verò suprà positæ.

¶ Notandum, quòd si Festum Apparitionis S. Michaelis, vel aliquod ex Festis sequentibus, sive Duplex, sive Semiduplex, inciderit in Feriam sextam post Octav. Ascensionis, tunc in Missa de Festo fit commemor. de Feria sexta prædicta, cum Orationibus ex Missa Dominicæ infra Octavam Ascensionis: idem agatur etiam si contigerit fieri de aliquo Festo translato, dummodò non sit primæ vel secundæ Classis, quia tunc nulla commem. facienda erit.

Die viii. Maji.

IN APPARITIONE sancti Michaelis Archangeli.

Introitus. Psalm. 102.



Benedicite Dóminum omnes Angeli ejus: potentes virtute, qui facitis verbum ejus, ad audiendam vocem sermonum ejus, allelúja, allelúja.

Psal. ibid. **B**enedic anima mea Dómino: & omnia, quæ intra me sunt, nómini sancto ejus. *ψ.* Glória Patri. *Oratio.*

DEus, qui miro ordine, Angelorum ministéria, hominúmque dispén-

fas: concède propitius; ut à quibus tibi ministrantibus in cœlo semper assistitur, ab his in terra vita nostra muniat. Per Dñm nostrum.

Lectio libri Apocalypsis beati Joannis Apostoli. **Apoc. i.**

IN diebus illis: Significavit Deus, quæ oportet fieri citò, mittens per Angelum suum servo suo Joanni, qui testimonium perhibuit verbo Dei, & testimonium Jesu Christi, quæcúmque vidit. Beatus, qui legit, & audit verba prophetiæ hujus: & servat ea, quæ in ea scripta sunt: tempus enim propè est. Joannes septem Ecclesiis, quæ sunt in Asia. Grátia vobis, & pax ab eo, qui est, & qui erat, & qui venturus est: & à septem spirítibus, qui in conspectu throni ejus sunt, & à Jesu Christo, qui est testis fidelis, primogénitus mortuorum, & princeps regum terræ: qui diléxit nos, & lavit nos à peccátis nostris in sanguine suo. **Allelúja, allelúja.**

V. Sancte Michael Archángele, defende nos in prælio: ut non pereamus in tremendo judicio. **Allelúja.**

V. Concússum est mare, & contrémuit terra, ubi Archángelus Michael descendit de cœlo. **Allelúja.**



Sequentia sancti Euangelii secundum Matthæum. **Matth. 18.**

IN illo tempore: Accesserunt discipuli ad Jesum, dicentes: Quis putas, major est in regno cœlorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum cœlorum. Quicumque ergo humiliaverit se sicut parvulus iste, hic est major in regno cœlorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris. Væ mundo à scandalis. Necesse est enim, ut veniant scandala: verumtamen væ homini illi, per quem scandalum venit.

Si autem manus tua, vel pes tuus scandalizat te; abscide eum, & projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem mitti in gehennam ignis. Videte, ne contemnatis unum ex his pusillis: dico enim vobis, quia Angeli eorum in cœlis semper vident faciem Patris mei, qui in cœlis est. **Credo.**

Offertoriū. Apoc. 8. Stetit Angelus juxta aram templi, habens thuribulum aureum in manu sua: & data sunt ei incensa multa: & ascendit fumus aromatum in conspectu Dei, allelúja. **Secreta.**

Hostias tibi Dñe, laudis offerimus, suppliciter deprecantes: ut easdem, Angélico pro nobis interveniente suffragio, & placatus accipias, & ad salutem nostram provenire concedas. Per Dñm.

Communio. Dan. 3. Benedicite omnes Angeli Dñi Dñm: hymnum dicite, & superexaltate eum in sæcula, allelúja. **Postcommunio.**

Beati Archángeli tui Michaélis intercessione suffulti, supplices te Dñe, deprecamur: ut quod ore prosequimur, contingamus & mente. Per Dñm nostrum.

¶ Quando Festum prædictum transferri contigerit post Pentecosten, tunc Missa sumatur ex Festo Dedicationis ejusdem die 29. Septembris, infra.

Die ix. Maji.

IN FESTO S. GREGORII Nazianzeni Episcopi, & Confess.

Introitus. Eccli. 15.

IN medio Ecclesiæ aperuit os ejus: & implevit eum Dñus spiritu sapientiæ, & intellectus: stolam gloriæ induit eum, allelúja, allelúja.

Psal. 91. Bonum est confiteri Dñino: & psal-

& psállere nómini tuo; Altíssime.

Glória Patri.

Oratio.

DEus, qui pópulo tuo æternæ salutis beátum Gregórium ministrum tribuisti: præsta quæsumus; ut quem Doctórem vitæ habuimus in terris, intercessórem habere mereámur in coelis. Per Dóminum.

Lectio libri Sapiéntiæ.

Eccli. 39.

Justus cor suum tradet ad vigilandum dilúculo ad Dóminum, qui fecit illum, & in conspéctu Altíssimi deprecábitur. Apériet os suum in oratione, & pro delictis suis deprecábitur. Si enim Dóminus magnus volúerit, spíritu intelligéntiæ replébit illum: & ipse tamquam imbres mittet elóquia sapiéntiæ suæ, & in oratione confitébitur Dómino: & ipse diriget consílium ejus, & disciplinam, & in absconditis suis consiliábitur. Ipse palàm faciet disciplinam doctrinæ suæ, & in lege testaménti Dómini gloriábitur. Colaudábunt multi sapiéntiam ejus, & usque in sæculum non delébitur. Non recedet memória ejus, & nomen ejus requirétur à generatióne in generatióem. Sapiéntiam ejus enarrábunt gentes, & laudem ejus enuntiábit Ecclésia.

Allelúja, allelúja. **Ps. Eccli. 45.** Amávit eum Dóminus, & ornávit eum: stolam glóriæ induit eum. Allelúja.

Ps. Osee 14. Justus germinábit sicut lílium: & florébit in ætérnum ante Dóminum. Allelúja.

Extra tempus Paschale, Graduale.

Psalm. 36. Os justí meditábitur sapiéntiam, & lingua ejus loquétur judícium.

Ps. Lex Dei ejus in corde ipsíus: & non supplantabúntur gressus ejus.

Allelúja, allelúja.

Ps. Eccli. 45. Amávit eum Dóminus, & ornávit eum: stolam glóriæ induit eum. Allelúja.



Sequéntia sancti Euangélíi secúndum Matthæum. **Matth. 5. b**

IN illo témpore: Dixit Jhésus discípulis suis: Vosestis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras,

& conculcétur ab homínibus. Vos estis lux mundi. Non potest civitas abscondi supra montem pólita. Neque accéndunt lucérnam, & ponunt eam sub módio, sed super candelábrum: ut lúceat ómnibus, qui in domo sunt. Sic lúceat lux vestra coram homínibus, ut videant ópera vestra bona, & gloríficent Patrem vestrum, qui in coelis est. Nolíte putáre quóniam veni sólvere legem, aut Prophétas: non veni sólvere, sed adimplére. Amen quippè dico vobis, donec tránseat cœlum & terra, ióta unum, aut unus apex non præteribit à lege, donec ómnia fiant. Qui ergo sólverit unum de mandátis istis mínimis, & docúerit sic homines, mínimus vocábitur in regno cœlórum: qui autem fécerit & docúerit, hic magnus vocábitur in regno cœlórum. **Credo.**

Offertorium. Psal. 91. Justus ut palma florébit: sicut cedrus, quæ in Líbano est, multiplicábitur, allelúja. **Secreta.**

Sancti tui Gregórii nobis Dómine, pia non desit orátio: quæ & múnere nostra concíliet, & tuam nobis indulgéntiam semper obtíneat. Per Dóminum.

Communio. Lucæ 12. Fidélis servus & prudens, quem constituit dóminus super familiam suam: ut det illis in témpore tritici mensúram, allelúja.

Postcommunio.

UT nobis Dómine, tua sacrificia dent salutem: beátus Gregórius Confessor tuus, & Doctór egrégíus, precátor accédát. Per Dóminum.

Die x. Maji.

IN FESTO S. ANTONINI
Episcopi & Conf. Missa. **S**tátuit ei Dóminus. **ut in Cõi Conf. Pontif. fol. xii. præter Orationem.** **Oratio.**

Sancti Antoníni Dómine, Confessoris tui atque Pontíficis méritis adjuvémur: ut sicut te in illo mirábilem prædicámus, ita in nos misericórdem fuisse gloriémur. Per Dóminum.

Et fit commemor. SS. martyr. Gordiani & Epimachi ut infra; tertia Oratio.
Concede. fol. 223.

MIS-

MISSA SS. GORDIANI & EPIMACHI
martyrum.



Introitus. Psal. 144.
Ancti tui Dómine, benedi-
cent te : glóriam regni tui
dicent , allelúja , allelúja.

Psal. ibid. Exaltábo te
Deus meus Rex : & be-
nedicam nómini tuo in sæ-
culum , & in sæculum sæculi.

Gloria Patri.

Oratio.

DA , quæsumus omnipotens Deus :
ut qui beatórum mártýrum tuó-
rum Gordiáni , & Epímachi solémnia
cólimus , eórum apud te intercessióni-
bus adjuvémur . Per Dóminum.

Lectio libri Apocalypsis beáti Joánnis
Apóstoli.

Apoc. 19.

IN diébus illis : Post hæc ego Joánnes
audívi , quasi vocem turbárum multá-
rum in celo , dicéntium : Allelúja : Sa-
lus , & glória , & virtus Deo nostro est :
quia vera , & iusta sunt iudícia ejus , qui ju-
dicávit de meretríce magna , quæ corrú-
pit terram in prostitutióne sua , & vindi-
cávit sánguinem servórum suórum de
mánibus ejus . Et iterum dixerunt : Alle-
lúja . Et fumus ejus ascéndit in sæcula sæ-
culórum . Et ceciderunt seniores viginti-
quátuor , & quátuor animália , & adora-
vérunt Deum sedéntem super thronum ,
dicéntes : Amen : Allelúja . Et vox de
throno exívit , dicens : Laudem dicite
Deo nostro omnes servi ejus : & qui ti-
métis eum , pusilli & magni . Et audí-
vi quasi vocem turbæ magnæ , & sic-
ut vocem aquárum multárum , & sicut
vocem tonitruórum magnórum , dicén-
tium : Allelúja : quóniam regnávit Dó-
minus Deus noster omnipotens . Gau-
deámus & exultémus , & demus gló-
riam ei : quia venérunt nuptiæ Agni ,
& uxor ejus præparávit se . Et datum
est illi , ut coopériat se byssino splen-
dénti , & cándido . Byssinum enim ju-
stificatiónes sunt Sanctórum . Et dixit
mihi : Scribe : Beáti qui ad coenam nu-
ptiárum Agni vocáti sunt .

Allelúja , allelúja . **Gloria Patri.** Sancti tui Dó-
mine florébunt sicut lílium , & sicut
odor bálsami erunt ante te . Allelúja .

Psal. 115. Pretiósá in conspéctu Dó-
mini mors Sanctórum ejus . Allelúja .

Euangelium. E go sum vitis ; vos pál-
mites . **de Communi.** fol. viii.

Offertorium. Psal. 31. Lætámini in Dó-
mino , & exultáte iusti : & gloriámini
omnes recti corde , allelúja , allelúja .

Secreta.

Hostias tibi Dómine , beatórum
mártýrum tuórum Gordiáni , &
Epímachi dicátas méritis , benígnus assú-
me : & ad perpétuum nobis tribue pro-
veníre subsidium . Per Dóminum.

Communio. Psal. 32. Gaudéte iusti in
Dómino , allelúja : rectos decet collau-
datio , allelúja .

Postcommunio.

Quæsumus omnipotens Deus : ut
qui coeléstia aliménta percépimus ,
intercedéntibus sanctis martyribus tuis
Gordiáno & Epímacho , per hæc contra
ómnia advérsa muniámur . Per Dñm.

Die xi. Maji.

IN FESTO SANCTI PETRI

martyris.

Introitus.

Psal. 63.



Rotexisti me Deus , à con-
vénitu malignántium , alle-
lúja : à multitudíne ope-
rántium iniquitátem , al-
lelúja , allelúja .

Psal. ibid. Exáudi Deus oratióem
meam , cùm deprecor : à timóre ini-
míci éripe ánimam meam .

Gloria Patri.

Oratio.

Præsta quæsumus omnipotens Deus ,
ut beáti Petri mártýris tui fidem cón-
grua devotióne sectémur : qui pro ejús-
dem fidei dilatatióne , martyrii palmam
mérui obtinére . Per Dóminum.

Lectio Epístolæ beáti Pauli Apóstoli
ad Timótheum .

2. Tim. 2. b

Charíssime , Memor esto Dómi-
num Jesum Christum resurrexíse à
mórtuis ex sémíne David , secúndum
Euangélium meum , in quo labóro usque
ad víncula , quasi malè operans : sed ver-
bum Dei non est alligátum . Ideò ómnia
sustíneo propter eléctos , ut & ipsi salú-
tem consequántur , quæ est in Christo
Jesu , cum glória coeléstí . Tu autem
affectu-

affecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: quæ mihi facta sunt Antiochiæ, Iconii, & Lystris: quales persecutiones sustinui, & ex omnibus eripuit me Dominus. Et omnes qui pie volunt vivere in Christo Jesu, persecutionem patientur.

Allelúja, allelúja. *Psalm. 88.* Confitebuntur cœli mirabilia tua Domine, etenim veritatem tuam in Ecclesia Sanctorum. Allelúja. *Psalm. 20.* Posuisti Domine super caput ejus coronam de lapide pretioso. Allelúja.



Sequentia sancti Evangelii secundum Joannem. *Joann. 15.*

In illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

Offertorium. Psalm. 88. Confitebuntur cœli mirabilia tua Domine: & veritatem tuam in ecclesia Sanctorum, allelúja, allelúja. *Secreta.*

Preces, quas tibi Domine, offerimus, intercedente beato Petro martyre tuo, clementer intende: & propugnatores fidei sub tua protectione custodi. Per Dominum.

Communio. Psalm. 63. Lætabitur justus in Domino, & sperabit in eo: & laudabuntur omnes recti corde, allelúja, allelúja.

Postcommunio.

Fidèles tuos Domine, custodiant sacramenta, quæ sumpsimus: & intercedente beato Petro martyre tuo, contra omnes adversos tueantur incursus. Per Dominum nostrum.

Quando Festum hoc transferendum sit post Festum Trinitatis, tunc dicitur Missa, Lætabitur justus. de Communi unius Martyris non Pontificis. fol. iv. præter Orationes propriæ, ut supra, & Evangelium. Si quis vult post me venire. fol. iii.

Die xii. Maji.

IN FESTO SS. NEREI, Achillei, & Domitillæ virginis, atque Pancratii mart. Introitus. *Psalm. 32.*



Cœci oculi Domini super timētes eum, sperantes in misericordia ejus, allelúja: ut eripiat à morte animas eorum: quoniam adiutor, & protector noster est, allelúja, allelúja. *Psalm. ibid.*

Exultate justii in Domino: rectos decet collaudatio. *Oratio.*

Semper nos Domine, martyrum tuorum Nerei, Achillei, Domitillæ; atque Pancratii foveat, quæsumus, beata sollemnitas: & tuo dignos reddat obsequio. Per Dominum.

Lectio libri Sapientiae.

Sap. 5.

Stabant iusti in magna constantia adversus eos, qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum aestimabamus insaniam, & finem illorum sine honore: ecce quomodo computati sunt inter filios Dei, & inter Sanctos fors illorum est. Allelúja, allelúja.

Hæc est vera fraternitas, quæ vicit mundi crimina: Christum secuta est, inclyta tenens regna cœlestia. Allelúja.

Te

✠ Te Mártyrum candidátus laudat
exercitus, Dómine. Allelúja.

✠ Sequéntia sancti Euangélíi secún-
dum Joánnem. Joann. 4. f

In illo témpore: Erat quidam Régulus,
cujus filius infirmabátur Caphár-
naum. Hic cùm audisset, quia Jesus
adveníret à Judæa in Galilæam, abiit ad
eum, & rogábat eum, ut descenderet,
& sanáret filium ejus: incipiebat enim
mori. Dixit ergo Jesus ad eum: Nisi si-
gna, & prodígia videritis, non créditis.
Dicit ad eum Régulus: Dómine, descén-
de, priúsqvam moriátur filius meus. Di-
cit ei Jesus: Vade, filius tuus vivit. Cré-
didit homo sermóni, quem dixit ei Jesus,
& ibat. Jam autem eo descendente, servi
occurrerunt ei, & nuntiaverunt dicén-
tes, quia filius ejus viveret. Interrogá-
bat ergo horam ab eis, in qua mélius
habuerit. Et dixerunt ei: Quia heri ho-
ra séptima reliquit eum febris. Cognó-
vit ergo pater, quia illa hora erat, in
qua dixit ei Jesus: Filius tuus vivit: &
credidit ipse, & domus ejus tota.

Offertorium. Psalm. 88. C onfitebúntur
coeli mirabília tua Dómine: & veritatem
tuam in ecclésia Sanctórum, allelúja,
allelúja.

Secreta.

Sanctórum mártýrum tuórum, quæ-
sumus Dómine, Nérei, Achílleí,
Domitíllæ, atque Pancrátii sit tibi gra-
ta conféssio: quæ & múnera nostra
comméndet, & tuam nobis indulgén-
tiam semper implóret. Per Dóminum.

Communio. Psalm. 32. G audéte iusti in
Dómino, allelúja: rectos decet collau-
dátio, allelúja. **Postcommunio.**

Quæsumus Dómine, ut beatórum
mártýrum tuórum Nérei, Achílleí,
Domitíllæ, atque Pancrátii deprecatió-
nibus, sacraménta sancta, quæ sumpsi-
mus, ad tuæ nobis proficiant placatió-
nis augméntum. Per Dóminum.

¶ Si verò hoc Festum celebretur post
Pentecosten, dicitur Missa, S apiéntiam.
ut in Comuni plurimorum Marty-
rum. fol. ix. exceptis Orationibus &
Euangelio propriis, ut suprà.

Die xiv. Maji.

SANCTI BONIFACII
martyris. **Introitus. Psalm. 63.**



Rotexísti me Deus, à con-
vénitu malignántium, alle-
lúja: à multitudíne ope-
rántium iniquitátem, al-
lelúja, allelúja.

Psalm. ibid. E xáudi Deus
oratióem meam, cùm deprecor: à ti-
móre inimíci éripe ánimam meam.

✠ Glória Patri.

Oratio.

DA, quæsumus omnipotens Deus:
ut qui beáti Bonifácii mártýris tui
solémnia cólimus, ejus apud te interces-
sionibus adjuvémur. Per Dóminum.

Lectio libri Sapiéntiæ.

Sap. 5.

Stabunt iusti in magna constantia ad-
versus eos, qui se angustiaverunt, &
qui abstulerunt labores eórum. Vidéntes
turbabúntur timóre horribili, & mira-
búntur in subitatióne insperatæ salutis,
dicéntes intra se, poeniténtiam ágéntes,
& præ angústia spíritus geméntes: Hi
sunt, quos habuimus aliquándó in derí-
sum, & in similitúdinem inpropérii. Nos
insensáti vitam illórum æstimabámus in-
sániam, & finem illórum sine honóre: ec-
ce quómodo computáti sunt inter filios
Dei, & inter Sanctos fors illórum est.
Allelúja, allelúja.

✠ **Psalm. 88.** Confitebúntur coeli mirabília
tua Dómine: étenim veritatem tuam
in Ecclésia Sanctórum. Allelúja.

✠ **Psalm. 20.** Posuísti Dómine, super caput
ejus corónam de lápide pretiósó. Allelúja.

✠ Sequéntia sancti Euangélíi secún-
dum Joánnem. Joann. 15.

In illo témpore: Dixit Jesus discipulis
suis: Ego sum vitis vera: & Pater meus
agrícola est. Omnem pálmitem in
me non feréntem fructum, tollet eum: &
omnem qui fert fructum, purgábit eum,
ut fructum plus áfferat. Jam vos mundi
estis propter sermónem, quem locútus
sum vobis. Manéte in me: & ego in vobis.
Sicut palmes non potest ferre fructum à
semetípso, nisi mánserit in vite: sic nec
vos, nisi in me manséritis. Ego sum vitis,

VOS

vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & cólligent eum, & in ignem mittent, & ardet. Si mánseritis in me, & verba mea in vobis mánserint: quodcúmque voluéritis, petétis, & fiet vobis.

Offertorium. Psalmus 88. Confitebúntur coeli mirabilia tua Dómine: & veritatem tuam in Ecclesia Sanctorum, allelúja, allelúja.

Secreta.

MUnéribus nostris quæsumus Dómine, precibúque suscéptis, & coeléstibus nos munda mystériis, & cleménte exáudi. Per Dóminum.

Communio. Psal. 63. Lætábitur justus in Dómino, & sperábit in eo: & laudabúntur omnes recti corde, allelúja, allelúja.

Postcommunio.

Refécti participatióne mýneris sacri, quæsumus, Dómine Deus noster: ut cujus exequimur cultum, intercedente beáto Bonifácio mártire tuo sentiámus effectum. Per Dóminum.

Die xvi. Maji.

IN FESTO S. UBALDI

Episcopi & Confess. Missa. Statuit ei Dóminus. **de Cói Confess. Pontif.** fol. xii.

præter Orationem sequentem. Oratio.

Auxílium tuum nobis Domine, quæsumus, placátus impénde: & intercessióne beáti Ubaldi Confessóris tui atque Pontificis contra omnes diabólinequítias dexteram super nos tuæ propitiatiónis exténde. Per Dóminum.

Die xviii. Maji.

IN FESTO S. VENANTII

martyris.

Introitus.

Psal. 63.



Rotexisti me Deus à convéntu malignántium, allelúja: à multitudíne operántium iniquitatem, allelúja, allelúja.

Psal. ibid. Exáudi Deus orationem meam, cum deprecor: à timóre inimíci éripe ánimam meam.

v. Glória Patri, &c.

Oratio.

DEus, qui hunc diem beáti Venántii Mártiris tui triúmpho consecrásti: exáudi preces pópuli tui, & præsta; ut qui ejus mérita venerámur, fidei constantiam imitémur. Per Dóminum.

Lectio libri Sapiéntiæ.

Sap. 5.

Stabunt justí in magna constantia adversus eos, qui se angustia véerunt, & qui abstulérunt labóreseórum. Vidéntes turbabúntur timóre horríbili, & mirabúntur in subitatióne insperatæ salutis dicéntes intra se, poeniténtiam ágéntes, & præ angústia spíritus geméntes: Hi sunt, quos habuimus aliquádo in derisum, & in similitúdinem impropérii. Nos insensáti vitam illórum æstimabámus insániam, & finem illórum sine honóre: ecce quómodo computáti sunt inter filios Dei, & inter Sanctos fors illórum est. Allelúja, allelúja.

v. Psalm. 88. Confitebúntur coeli mirabilia tua Dómine, étenim veritatem tuam in Ecclesia Sanctorum. Allelúja.

v. Psalm. 20. Posuísti Dómine, super caput ejus corónam de lapide pretiósso. Allelúja.



Sequéntia sancti Euangélii secundum Joánnem.

Joann. 15.

In illo témpore: Dixit Jesus discipulis suis: Ego sum vitis vera: & Pater meus agrícola est. Omnem pálmitem in me non feréntem fructum, tollet eum: & omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me mánseritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & cólligent eum, & in ignem mittent, & ardet. Si mánseritis in me, & verba mea in vobis mánserint: quodcúmque voluéritis, petétis, & fiet vobis.

Offer

Offertorium. Psalm. 88. Confitebuntur coeli mirabilia tua Domine: & veritatem tuam in ecclesia Sanctorum, alleluja, alleluja.

Secreta.

Hanc oblationem, omnipotens Deus, beati Venantii merita tibi reddant acceptam; ut ipsius subsidiis adjuti, glorie ejus consortes efficiamur. Per Dominum nostrum.

Communio. Psalm. 63. Laetabitur justus in Domino, & sperabit in eo: & laudabuntur omnes recti corde, alleluja, alleluja.

Postcommunio.

Summissimus Domine, aeternae vitae Sacramenta, te humiliter deprecantes, ut beato Venantio martyre tuo pro nobis deprecante, veniam nobis concilient, & gratiam. Per Dominum.

Si autem celebretur extra tempus Paschale, Missa. In virtute tua Domine. ut in Comuni unius Martyris non Pontificis. fol. iii. **Orationes ut supra, & Euangel.** Si quis venit ad me, &c. de Comuni Martyris Pontificis. fol. ii.

¶ Similiter si aliquod ex sequentibus Festis venerit tempore Paschali, Missa dicitur ut in Comuni temporis Paschalis. Si vero celebretur post Octavam Pentecostes, dicitur ut infra assignatur.

Die xix. Maji.

IN FESTO S. PETRI Coelestini Papae & Confessoris.

Introitus.

Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in aeternum. **Psalm. 131.** Memento Domine David, &

omnis mansuetudinis ejus.

¶ Gloria Patri.

Oratio.

Deus, qui beatum Petrum Coelestinum ad summi Pontificatus apicem sublimasti, quique illum humilitati postponere docuisti: concede propitius; ut ejus exemplo cuncta mundi despiciere, & ad promissa humilibus praemia pervenire feliciter mereamur. Per Dominum.

Deinde fit commem. S. Pudencianae.

Oratio.

Exaudi nos, Deus salutaris noster: ut sicut de beatae Pudencianae virginis tuae festivitate gaudemus; ita pia devotionis erudiamur affectu. Per Dominum.

Lectio libri Sapientiae.

Eccli. 44.

Ecce sacerdos magnus, qui in diebus suis placuit Deo, & inventus est justus: & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam, & invenit gratiam coram oculis Domini. Magnificavit eum in conspectu regum: & dedit illi coronam gloriae. Statuit illi testamentum aeternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo. **¶.** Non est inventus similis illi, qui conservaret legem Excelsi. **A**lleluja, alleluja. **¶.** **Psalm. 109.** Tu es sacerdos in aeternum, secundum ordinem Melchisedech. **A**lleluja.

Tempore Paschali omittitur Graduale, & ejus loco dicitur, Alleluja, alleluja.

¶. **Psalm. ibid.** Tu es sacerdos in aeternum secundum ordinem Melchisedech. **A**lleluja. **¶.** Hic est sacerdos, quem coronavit Dominus. **A**lleluja.



Sequentia sancti Evangelii secundum Matthaeum. Matth. 19. d

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suae, sedebitis

débiteris & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

Offertorium. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **Secreta.**

Sancti tui, quæsumus Domine, nos ubique lætificent: ut dum eorum merita recolimus, patrocina sentiamus. Per Dominum nostrum.

Pro S. Pudentiana. Secreta.

Accēpta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Communio. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Præsta quæsumus omnipotens Deus: ut de perceptis muneribus gratias exhibentes, intercedente beato Petro Cœlestino Confessore tuo atque Pontifice, beneficia potiora sumamus. Per Dominum nostrum.

Pro S. Pudentiana. Postcommunio.

Satiasti, Domine, familiam tuam muneribus sacris: ejus, quæsumus, semper interventione nos refove, cujus solœmnia celebramus. Per Dominum.

Die xx. Maji.

IN FESTO S. BERNARDINI Senensis Confess. Introitus. Psal. 36.



Qui justus meditabitur sapientiam, & lingua ejus loquetur judicium: lex Dei ejus in corde ipsius.

Psal. ibid. Noli æmulari in malignantibus: neque zelaveris facientes iniquitatem.

Glória Patri.

Oratio.

Domine Jesu, qui beato Bernardino Confessori tuo eximium sancti

Nominis tui amorem tribuisti: ejus, quæsumus, meritis & intercessionem, Spiritum nobis tuæ dilectionis benignus infunde. Qui vivis & regnas cum Deo Patre in unitate ejusdem Spiritus sancti Deus, per omnia sæcula sæculorum.

Lectio libri Sapientiae.

Eccli. 21.

Beatus vir, qui inventus est sine macula: & qui post aurum non abiit, nec speravit in pecunia, & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia sanctorum.

Graduale. Psal. 91. Justus ut palma florebit: sicut cedrus Libani multiplicabitur in domo Domini. **Ad annuntiandum manẽ misericordiam tuam, & veritatem tuam per noctem. Allelûja, allelûja.**

Ps. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelûja.

Tempore Paschali omittitur Graduale, & ejus loco dicitur, Allelûja, allelûja. **Ps. Jac. 1.** Beatus vir, qui suffert tentationem: quoniam cum probatus fuerit, accipiet coronam vitæ. Allelûja.

Ps. Eccli. 45. Amavit eum Dominus, & ornavit eum: stolam gloriæ induit eum. Allelûja.



Sequentia sancti Evangelii secundum Matthæum. Matth. 23. d

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offer-

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Laudis tibi, Domine, hostias immolamus in tuorum commemoratione Sanctorum: quibus nos & presentibus exui malis confidimus, & futuris. Per Dominum nostrum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo, potuque coelesti, Deus noster, te supplices exoramus: ut in cujus haec commemoracione percipimus, ejus muniamur & precibus. Per Dominum.


¶ Notandum, quod dies crastina, scilicet xxi. hujus Mensis, in tota Italia, & Insulis adjacentibus celebratur Festum S. Felicis à Cantalicio Conf. sub ritu Semiduplici, pro quo, Missa propria ponitur circa finem Missalis inter Missas Sanctorum pro aliquibus Locis.

Die xxii. Maji.

IN FESTO S. ROMANI
Abbatis, Missa. Os justi. ut in Comuni Abbatum. fol. xvii.

Die xxv. Maji.

IN FESTO S. GREGORII VII.
Papae & Confess. Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in aeternum. **Psal. 131.** Memen-
to Domine David, & omnis mansuetudinis ejus.

¶ Gloria Patri.

Oratio.

Deus, in te sperantium fortitudo, qui beatum Gregorium Confessorem tuum atque Pontificem, pro tuenda Ecclesiae libertate virtute constantiae roborasti: da nobis ejus exemplo, & intercessionem omnia adversanti fortiter superare. Per Dominum.

Pro commemoratione S. Urbani Papae & martyris. Oratio.

DA quaesumus omnipotens Deus: ut qui beati Urbani martyris tui atque Pontificis sollemnia colimus, ejus apud te intercessionibus adjuvemur. Per Dñm.

Lectio libri Sapientiae. Eccli. 44. c

Ecce sacerdos magnus, qui in diebus suis placuit Deo, & inventus est justus: & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam, & invenit gratiam coram oculis Domini. Magnificavit eum in conspectu regum: & dedit illi coronam gloriae. Statuit illi testamentum aeternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo. **¶.** Non est inventus similis illi, qui conservaret legem Excelsi. **A**llelúja, allelúja. **¶.** **Psal. 109.** Tu es sacerdos in aeternum, secundum ordinem Melchisedech. Allelúja.

Tempore Paschali omittitur Graduale, & ejus loco dicitur Allelúja, allelúja. **¶.** **Psal. 109.** Tu es sacerdos in aeternum secundum ordinem Melchisedech. Allelúja. **¶.** Hic est sacerdos, quem coronavit Dominus. Allelúja.



Sequentia sancti Evangelii secundum Matthaeum. **Matth. 24. d**

IN illo tempore: Dixit Jesus discipulis suis: Vigilate, quia nescitis qua hora Dominus vester venturus sit. Illud autem scitote, quoniam si sciret paterfamilias, qua hora fur venturus esset, vigilaret utique, & non sineret perfodiri domum suam. Ideo & vos estote parati: quia qua nescitis hora, Filius hominis ventu-

venturus est. Quis, putas, est fidelis servus & prudens, quem constituit dominus suus super familiam suam, ut det illis cibum in tempore? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quaesumus Domine, nos ubique laetificent: ut dum eorum merita recolimus, patrocina sentiamus. Per Dominum nostrum.

Pro S. Urbano.

Secreta.

Haec hostia, Domine quaesumus, hemundet nostra delicta: & ad sacrificium celebrandum, subditorum tibi corpora, mentesque sanctificet. Per Dominum nostrum.

Communio. Lucæ 12. Fidelis servus & prudens, quem constituit dominus super familiam suam: ut det illis in tempore tritici mensuram.

Postcommunio.

Praesta quaesumus omnipotens Deus: ut de perceptis muneribus gratias exhibentes, intercedente beato Gregorio Confessore tuo atque Pontifice, beneficia potiora sumamus. Per Dominum nostrum.

Pro S. Urbano. Postcommunio.

Refecti participatione muneris sacri, quaesumus Domine Deus noster: ut cujus exequimur cultum, intercedente beato Urbano martyre tuo atque Pontifice, sentiamus effectum. Per Dominum.

Die xxvi. Maji.

IN FESTO S. AUGUSTINI
Episcopi & Confessoris, Missa. Sacer-
dotes. de Communi Confess. Ponti-
ficis. fol. xiii. cum commemor. sancti
Eleutherii Papæ & martyris.

Oratio. Infirmitatem. **ut in Commu-**
ni unius Mart. fol. ii.

Miss. Monast.

Die xxvii. Maji.

IN FESTO SANCTI BEDÆ

Presbyteri Confess. & Doctoris, Missa.

In medio Ecclesiæ. de Communi Do-
ctorum. fol. xiv. Prima Oratio sequens.

Deus, qui Ecclesiam tuam beati Bedæ Confessoris tui atque Doctoris eruditione clarificas: concede propitius famulistuis, ejus semper illustrari sapientia, & meritis adjuvari. Per Dominum.

Et sit cōmem. S. Joannis Papæ & mart.

Oratio. Deus, qui nos. **ut in Missa. Sacer-**
dotes. ex Communi unius Martyris
Pontificis. fol. iii. Et dicitur Credo.

Die xxviii. Maji.

IN FESTO S. BONIFACII IV.

Papæ & Confess. Introitus Eccli. 45.



Statuit ei Dominus testamētum pacis, & principem fecit eum: ut sit illi sacerdotii dignitas in ætēnum. **Psal. 131. Memento**

Domine David, & omnis mansuetudinis ejus. **V. Gloria Patri. Oratio.**

Deus, qui populo tuo in multis periculis constituto, beati Bonifacii Confessoris tui atque Pontificis mira vigilantia providisti: concede propitius; ut cujus gloriosa veneramur merita, perennibus auxiliis muniamur. Per Dominum.

Lectio libri Sapientiae. Eccl. 44. c.

Ecce sacerdos magnus, qui in diebus suis placuit Deo, & inventus est iustus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamētum suum confirmavit super caput ejus. Agnovit eum in benedictionibus suis: conservavit illi misericordiam suam, & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamētum ætēnum: & dedit illi sacerdotium magnum: & beatificavit illum in glória. Fungi sacerdotio, & habere laudem in

A a

nómi-

nómine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo.

Ps. Non est inventus similis illi, qui conservaret legem Excelsi. **A**llelúja, allelúja.

Ps. 109. Tu es sacerdos in ætérnum, secundum ordinem Melchisedech. Allelúja.

Tempore Paschali omittitur Graduale, & ejus loco dicitur, Allelúja, allelúja.

Ps. 109. Tu es sacerdos in ætérnum secundum ordinem Melchisedech.

Allelúja. Ps. Hic est sacerdos, quem coronavit Dóminus. Allelúja.



Sequéntia sancti Euangélii secundum Matthæum. **Matth. 25.**

In illo tempore: Dixit Jesus discipulis suis parabolam hanc: Homo peregrè proficiscens, vocavit servos suos, & tradidit illis bona sua. Et uni dedit quinque talénta, alii autem duo, alii verò unum, unicuique secundum propriam virtutem, & profectus est statim. Abiit autem qui quinque talénta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam dómini sui. Post multum verò temporis venit dóminus servorum illorum, & posuit rationem cum eis. Et accedens qui quinque talénta acceperat, obtulit alia quinque talénta, dicens: Dómine, quinque talénta tradidisti mihi, ecce alia quinque superlucratus sum. Ait illi dóminus ejus: Euge serve bone & fidelis, quia super pauca fuisti fidelis, super multa te constituam, intra in gaudium dómini tui. Accessit autem & qui duo talénta acceperat, & ait: Dómine, duo talénta tradidisti mihi, ecce alia duo lucratus sum. Ait illi dóminus ejus: Euge serve bone & fidelis, quia super pauca fuisti fidelis, super multa te constituam, intra in gaudium dómini tui.

Offertorium. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quæsumus Dómine, nos ubique lætificent: ut dum eorum mérita recólimus, patrocínia sentiamus. Per Dóminum.

Communio. Luc. 12. Fidelis servus & prudens, quem constituit dóminus super familiam suam: ut det illis in tempore tritici mensuram. **Postcommunio.**

Praesta quæsumus omnipotens Deus: ut de perceptis munéribus grátias exhibéntes, intercedente beato Bonifacio Confessore tuo atque Pontífice, beneficia potiúra sumámus. Per Dóminum.

Die xxix. Maji.

IN FESTO S. GENNADII

Episcopi & Confess. Missa. Státuit ei de Comuni Conf. Pontificis. fol. xii.

Die xxx. Maji.

IN FESTO S. MARIE MAGDALENÆ de Pazzis virginis.

Missa. Dilexisti justitiam. **de Comuni Virginum, præter Orationem sequentem. Oratio.**

Deus virginitatis amátor, qui beatam Mariam Magdalénam virginem, tuo amore succénsam, coeléstibus donis decorásti: da, ut, quam festiva celebritate venerámur, puritate & charitate imitémur. Per Dóminum.

Et fit commemor. S. Felicis Papæ & mart. cum Orationibus ex Missa, Státuit ei Dóminus. de Comuni unius Martyris. fol. ii.

Die xxxi. Maji.

IN FESTO S. PHILIPPI NERII

Confessoris. Introitus. Rom. 5.



Haritas Dei diffusa est in cordibus nostris per inhabitantem spiritum ejus in nobis. **Ps. 102.** Benedic anima mea Dómino: & omnia quæ intra me sunt, nómini sancto ejus. **Ps. Glória Patri.**

Oratio.

Deus, qui beatum Philippum Confessorem tuum sanctorum tuorum

rum glória sublimásti: concéde propitius, ut, cujus solemnitáte lætámur, ejus virtútum proficiámus exémplo. Per Dóminum nostrum.

Et fit commem. S. Petronillæ virginis.

Oratio.

EXáudi nos Deus salutáris noster: ut sicut de beatæ Petronillæ virginis tuæ festivitáte gaudémus; ita piæ devotiõnis erudiámur affectu. Per Dóminum nostrum.

Lectio libri Sapientiae.

Sap. 7.

Optávi, & datusest mihi sensus: & invocávi, & venit in me spíritus sapientiae: & præpósui illam regnis & sedibus, & divítias nihil esse duxi in comparatiõe illius: nec comparávi illi lápidem pretiósium: quóniam omne aurum in comparatiõe illius, aréna est exigua, & tamquam lutum æstimábitur argéntum in conspéctu illius. Super salutem & spéciem diléxi illam, & propósui pro luce habére illam: quóniam inextinguibile est lumen illius. Venerunt autem mihi ómnia bona páriter cum illa, & innumerábilis honestas per manus illius, & lætátus sum in ómnibus: quóniam antecedebat me ista sapientia, & ignorábam quóniam horum ómnium mater est. Quam sine fictiõe didici, & sine invidia commúnico: & honestátem illius non abscondo. Infinitus enim thesáurus est hominibus: quo qui usi sunt, participes facti sunt amicitiae Dei, propter disciplinæ dona commendáti.

*Graduale. Psal. 33. V*eníte filii, audíte me: timórem Dómini docébo vos.

℣. Accédite ad eum, & illuminámini: & fácies vestræ non confundéntur.

*A*llelúja, allelúja.

℣. Thren. 1. De excélso misit ignem in óssibus meis, & erudívit me. Allelúja.

*Tempore Paschali omíssis Graduali & Versu, dicitur A*llelúja, allelúja.

℣. ibid. De excélso misit ignem in óssibus meis, & erudívit me. Allelúja.

℣. Psalm. 38. Concáluit cor meum intra me: & in meditatiõe mea exardescet ignis. Allelúja.



Sequéntia sancti Euangélíi secúndum Lucam. Lucæ 12. c

In illo témpore: Dixit Iesus discípulis suis: Sint lumbi vestri præcíncti, & lucernæ ardéntes in manibus vestris: & vos símiles homínibus expectántibus dóminum suum, quando revertátur à nuptiis: ut, cum vénerit, & pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quòd præcínget se, & fáciat illos discumbere, & tránsiens ministrábit illis. Et si vénerit in secúnda vigília, & si in tértia vigília vénerit, & ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, & non síneret perfodi domum suam. Et vos estóte paráti, quia qua hora non putátis, Fílius hóminis veniet. *Offertorium. Psalm. 118. V*iam mandatórum tuórum cucúrri, cum dilatásti cor meum.

Secreta.

Sacrificiis præsentibus, quæsumus Dómine, inténde placátus: & præsta, ut illo nos igne Spíritus sanctus inflámmet, quo beáti Philíppi cor mirabíliter penetrávit. Per Dóminum nostrum. in unitáte ejúsdem Spíritus.

Pro commem. S. Petronillæ virginis.

Secreta.

Accepta tibi sit, Dómine, sacratæ plebis oblátio, pro tuórum honóre sanctórum: quorum se méritis de tribulatiõe percepísse cognóscit auxílium. Per Dóminum.

*Communio. Psalm. 83. C*or meum, & caro mea exultavérunt in Deum vivum.

Postcommunio.

Coeléstibus, Dómine, pasti delíciis, quæsumus: ut beáti Philíppi Confessóris tui méritis & imitatiõe, semper éadem, per quæ veráciter vivimus, appetámus. Per Dóminum.

Pro commem. S. Petronillæ virginis.

Postcommunio.

Satiásti, Dómine, famíliam tuam muneribus sacris: ejus, quæsumus semper

per intervenciónem nos réfove, cujus so-
lémnia celebrámus. Per Dóminum.

FESTA JUNII.

Die i. Junii.

IN FESTO S. ENNECONIS

Abbatis, Missa. Os justi. **ut in Com-**
muni Abbatum. fol. xvii. **Oratio.**

Propitiare, quæsumus Dómine, no-
bis famulis tuis per sancti Confessó-
ris tui Enneconis mérita gloriósa: ut ejus
pia intercessióne ab ómnibus semper
protegámur advérsis. Per Dóminum.

Euangelium. Nolite timére. **ut in Com-**
muni Confess non Pontificis. xvii.

Die ii. Junii.

SANCTORUM MARTYRUM

Marcellini, Petri, atque Erasmi.

Introitus. **Psal. 33.**



Lamavérunt justi, & Dó-
minus exaudivit eos: &
ex ómnibus tribulatióni-
bus eórum liberávit eos.

Psal. ibid. Benedicam Dó-
minum in omni témpore:

semper laus ejus in ore meo.

Glória Patri. **Oratio.**

Deus, qui nos ánnua beatórum
mátyrum tuórum Marcellini,
Petri, atque Erasmi solemnitáte læti-
ficas: præsta quæsumus; ut quorum
gaudémus méritis, accendámur exem-
plis. Per Dóminum nostrum.

Lectio Epístolæ beáti Pauli Apóstoli
ad Romános. **Rom. 8. d**

Fratres, Non sunt condígnæ passió-
nes hujus témporis ad futúram gló-
riam, quæ revelábitur in nobis. Nam
expectatio creatúre revelatióem filió-
rum Dei expéctat. Vanitati enim crea-
tura subjécta est non volens, sed pro-
pter eum, qui subjécit eam in spe; quia
& ipsa creatúra liberábitur à servitúte
corruptionis, in libertátem glóriæ filió-
rum Dei. Scimus enim, quòd omnis
creatura ingemiscit, & párturit usque
adhuc. Non solum autem illa, sed &
nos ipsi primitias spíritus habéntes: &
ipsi intra nos gémmus, adoptiõem

Dei expectántes, redemptiõem cór-
poris nostri.

Graduale. Psalm. 33. **C**lamavérunt ju-
sti, & Dóminus exaudivit eos: & ex
ómnibus tribulatióibus eórum liberá-
vit eos. **V.** Juxtà est Dóminus his, qui
tribuláto sunt corde: & húmiles spíri-
tu salvábit. **A**llelúja, allelúja.

V. Joann. 15. Ego vos elégi de mundo:
ut eátis, & fructum afferátis, & fru-
ctus vester máneat. Allelúja.



Sequéntia sancti Euangélii secún-
dum Lucam. **Lucæ 21. f**

In illo témpore: Dixit Jesus discipu-
lis suis: Cúm audiéritis prælia, &
seditióes, nolite terréri: opórtet
primùm hæc fieri, sed nondum statim
finis. Tunc dicébat illis: Surget gens
contra gentem, & regnum advérsus re-
gnum. Et terræmótus magni erunt per
loca, & pestiléntiæ, & fames, terrorés-
que de cœlo, & signa magna erunt. Sed
ante hæc ómnia injiciént vobis manus
suas, & persecuéntur, tradéntes in sy-
nagógas, & custódias, trahéntes ad re-
ges, & præfides propter nomen meum:
contínget autem vobis in testimónium.
Pónite ergo in córdibus vestris non præ-
meditári, quemádmódum respondeátis.
Ego enim dabo vobis os, & sapiéntiam,
cui non póterunt resistere, & contradí-
cere omnes adversárii vestri. Tradémi-
ni autem à paréntibus, & frátribus, &
cognátis, & amícis, & morte afficiént
ex vobis: & éritis ódio ómnibus pro-
pter nomen meum: & capillus de cá-
pite vestro non peribit. In paciéntia
vestra possidébitis ánimas vestras.

Offertorium. Psal. 31. **L**ætámini in Dó-
mino, & exultáte justi: & gloriámini
omnes recti corde. **Secreta.**

Hæc hóstia, quæsumus Dómine,
quam Sanctorum Mátyrum tuó-
rum natalítia recenséntes offerimus, &
víncula nostræ pravitátis absólvat, &
tuæ nobis misericórdiæ dona concíliet.
Per Dóminum nostrum.

Communio Sap. 3. **J**ustórum ánime in
manu Dei sunt, & non tanget illos tor-
mén-

méntum malitiæ: visi sunt oculis infipientium mori, illi autem sunt in pace.

Postcommunio.

S Acro múnere satiati, supplices te Dómine deprecámur: ut quod débitæ servitutis celebrámus officio, salvatiónis tuæ sentiámus augméntum. Per Dñm.

Die v. Junii.

IN FESTO S. BONIFACII
Episcopi & martyris, Missa. Státuit ei.
de Communi Pontificis & Mart. fol. ii.

Die vi. Junii.

IN FESTO S. NORBERTI
Episcopi & Confessoris, Missa. Státuit
ei Dóminus. de Communi Confessoris
Pontificis. fol. xii. Oratio.

D Eus, qui beátum Norbértum Confessórem tuum, atque Pontíficem, verbi tui præcónem exímium effecisti, & per eum Ecclesiám tuam nova prole fecundásti: præsta quæsumus; ut ejúsdem suffragántibus méritis, quod ore simul & ópere dócuit, te adjuvánte exercére valeámus. Per Dóminum.

Die ix. Junii.

SS. MARTYRUM PRIMI
& Feliciani. Introitus. Eccli. 44.



Apiéntiam Sanctorum narrent pópuli, & laudes eorum nuntiet ecclésia: nómína autem eorum vivent in sæculum sæculi.

Psal. 32. E xultáte justi in Dómino: rectos decet collaudatio.

v. Glória Patri.

Oratio.

F Ac nos, quæsumus Dómine, sanctorum mártýrum tuorum Primi & Feliciáni semper festa sectári: quorum suffrágiis, protectiόνis tuæ dona sentiámus. Per Dóminum.

Lectio libri Sapientiae.

Sap. 5. c

J Usti autem in perpétuum vivent, & apud Dóminum est merces eorum, & cogitatio illorum apud Altíssimum. Ideo accipient regnum decóris, & diadéma speciéi de manu Dómini: quóniam dextera sua teget eos, & bráchio sancto suo

Miss. Monast.

deféndet illos. Accipiet armatúram zelus illius, & armábit creatúram ad uliónem inimicorum. Induet pro thoráce justitiam, & accipiet pro gálea iudícium certum. Sumet scutum inexpugnábile æquitátem.

Graduale. Psal. 88. C onfitebúntur coeli mirabilia tua Dómine, étenim veritátem tuam in Ecclesiá Sanctorum.

v. Misericórdias tuas Dómine, in ætérnum cantábo, in generatióne, & progénie. Allelúja, allelúja.

v. Hæc est vera fraternitas, quæ vicit mundicrimina: Christum secúta est, inclýta tenens regna coeléstia. Allelúja.



Sequéntia sancti Euangélíi secúndum Matthæum. Matth. 11. d

I N illo témpore respóndens Jesus, dixit: Confiteor tibi Pater, Dómine coeli & terræ, quia abscondísti hæc à sapiéntibus, & prudentibus, & revelásti ea párvulis. Ita Pater: quóniam sic fuit plácitum antete. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me omnes, qui laborátis, & onerátí estis, & ego reficiam vos. Tóllite jugum meum super vos, & discite à me, quia mitis sum, & húmilis corde: & inveniétis réquiem animabus vestris. Jugum enim meum suáve est, & onus meum leve.

Offertorium. Psal. 67. M irabilis Deus in Sanctis suis: Deus Israel ipse dabit virtútem, & fortitúdinem plebi suæ: benedíctus Deus, allelúja.

Secreta.

F iat tibi, quæsumus Dómine, hóstia sacránda placábilis, pretiósí celebratate martyrii, quæ & peccáta nostra purificet, & tuorum tibi vota conciliet famulorum. Per Dóminum.

Communio. Joann. 15. E go vos elégi de mundo, ut eátis, & fructum afferátis, & fructus vester máneat.

Postcommunio.

Q uæsumus, omnipotens Deus: ut sanctorum mártýrum tuorum Primi & Feliciáni coeléstibus mystériis celebráta solémnitas, indulgéntiam nobis

Aa 3

tuæ

tuae propitiationis acquirat. Per Dóminum nostrum.

Die x. Junii.

IN FESTO S. MARGARITÆ

Reginæ Scotiæ, Missa. Cognóvi. de Comuni nec Virginis nec Martyris. fol. xxiii. Prima Oratio sequens.

DEus, qui beatam Margaritam Reginam, eximia in páuperes charitate mirabilem effecisti: da, ut ejus intercessióne & exémplo tua in córdibus nostris charitas júgiter augeatur. Per Dóminum nostrum.

Si fuerit Feria vi. post Oct. Ascensionis sit de ea commemor. cum Orationibus Dominicæ præced. & Oratio tertia erit de B. Maria, Concède nos. fol. 216.

Si verò fuerit post Pentecosten; secunda Oratio, A eunéctis. fol. 268.

Tertia ad libitum.

Die xi. Junii.

IN FESTO S. BARNABÆ

Apostoli.

¶ Si hoc festum celebretur tempore Paschali, Missa dicitur ut in Festo S. Marci. fol. 350. præter Orationes, Epistolam, & Evangelium, ex sequenti Missa.

¶ Si autem venerit extra tempus Paschale, dicitur Missa sequens.

Introitus. Psalm. 138.



Ihi autem nimis honorati sunt amici tui, Deus: nimis confortatus est principatus eorum. Psalm. ibid. Dómine, probasti me, & cognovisti me: tu cognovisti

sessiónem meam, & resurrectionem meam. V. Glória Patri. Oratio.

DEus, qui nos beati Barnabæ Apostoli tui méritis & intercessióne lætíficas: concède propítius; ut qui tua per eum beneficia póscimus, dono tuæ grætiæ consequámur. Per Dóminum.

Lectio Actuum Apostolorum.

Act. 12. c

IN diébus illis: Multus númerus crederentium, Antiochiæ conversus est ad Dóminum. Pervénit autem sermo ad

aures Ecclesiæ, quæ erat Jerosólymis, super istis: & miserunt Barnabam usque ad Antiochiám. Qui cum pervenisset, & vidisset grátiam Dei, gávisus est: & hortabátur omnes in propósito cordis permanére in Dómino: quia erat vir bonus, & plenus Spíritu sancto, & fide. Et appósita est multa turba Dómino. Profectus est autem Barnabas Tarsum, ut quæreretur Saulum: quem cum invenisset, perduxit Antiochiám. Et annum totum conversati sunt ibi in Ecclesiá: & docuerunt turbam multam, ita ut cognominarentur primùm Antiochiæ discipuli, Christiáni. Erant autem in Ecclesiá, quæ erat Antiochiæ, Prophætæ, & doctóres, in quibus Barnabas, & Simon, qui vocabátur Niger, & Lúcius Cyrenénsis, & Mánahen, qui erat Heródis Tetrárchæ collactáneus, & Saulus. Ministrántibus autem illis Dómino, & jejunántibus, dixit illis Spíritus sanctus: Segregáte mihi Saulum & Barnabam in opus, ad quod assúmpsi eos. Tunc jejunántes, & orántes, imponentesque eis manus, dimiserunt illos.

Graduale. Psalm. 18. In omnem terram exívit sonus eorum: & in fines orbis terræ verba eorum. V. Coeli enarrant glóriam Dei: & ópera mánuum ejus annúntiat firmaméntum.

Allelúja, allelúja.

V. Joan. 15. Ego vos elégi de mundo, ut eátis, & fructum afferátis, & fructus vester máneat. Allelúja.



Sequéntia sancti Euangélii secundum Matthæum. Matth. 10. b

IN illo tempore: Dixit Jesus discipulis suis: Ecce ego mitto vos sicut oves in médio lupórum. Estóte ergo prudentes sicut serpéntes, & simplices sicut colúmbæ. Cavéte autem ab homínibus. Tradent enim vos in concíliis, & in synagógis suis flagellábunt vos: & ad præfides, & reges ducémini propter me in testimonium illis, & Géntibus. Cum autem tradent vos, nolite cogitare, quómodo, aut quid loquámini: dábitur enim vobis in illa hora quid loquámini.

Non

Non enim vos estis, qui loquimini, sed Spiritus Patris vestri, qui loquitur in vobis. Tradet autem frater fratrem in mortem, & pater filium: & insurgent filii in parentes, & morte eos afficient: & eritis odio omnibus propter nomen meum: qui autem perseveraverit usque in finem, hic salvus erit. **Credo.**

Offertorium. Psalm. 44. Constitues eos principes super omnem terram: memores erunt nominis tui, Domine, in omni progenie, & generatione.

Secreta.

Munera, Domine, oblata sanctifica: & intercedente beato Barnaba Apostolo tuo, nos per hæc a peccatorum nostrorum maculis emunda. Per Dominum nostrum.

Præfatio de Apostolis. fol. 184.

Communio. Matth. 19. Vos, qui secuti estis me, sedebitis super sedes: iudicantes duodecim tribus Israel.

Postcommunio.

Supplices te rogamus, omnipotens Deus: ut quos tuis reficis sacramentis, intercedente beato Barnaba Apostolo tuo, tibi etiam placitis moribus dignanter tribuas deservire. Per Dominum.

Die xii. Junii.

IN FESTO S. LEONIS III.

Papæ & Confess. Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in æternum. **Psalm. 131. M**emento Domine David, &

omnis mansuetudinis ejus.

V. Gloria Patri.

Oratio.

Deus, qui beatum Leonem Confessorem tuum atque Pontificem virtute constantiæ in exercendo pastoralis munere contra sæculi potestates corroborasti: tribue, quæsumus, nobis famulis tuis, & ejus apud te intercessionibus adjuvari, & ab omni hostium impugnatione defendi. Per Dominum.

Et fit commemoratio SS. Basilidis & sociorum martyrum, ut in sequenti Missa.

Lectio libri Sapientiae.

Eccli. 44. e

Ecce sacerdos magnus, qui in diebus suis placuit Deo, & inventus est justus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam, & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum æternum: & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo. V. Non est inventus similis illi, qui conservaret legem Excelsi. A. Alleluya, alleluya. V. Psalm. 109. Tu es sacerdos in æternum, secundum ordinem Melchisedech. Alleluya.



Sequentia sancti Evangelii secundum Matthæum. **Matth. 25**

In illo tempore: Dixit Jesus discipulis suis parabolam hanc: Homoperegre proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, & profectus est statim. Abiit autem qui quinque talenta acceperat, & operatus est in eis, & lucratus est alia quinque. Similiter & qui duo acceperat, lucratus est alia duo. Qui autem unum acceperat, abiens fodit in terram, & abscondit pecuniam domini sui. Post multum vero temporis venit dominus servorum illorum, & posuit rationem cum eis. Et accedens qui quinque talenta acceperat, obtulit alia quinque talenta, dicens: Domine, quinque talenta tradidisti mihi, ecce alia quinque superlucratus sum.

Aa 4

Ait

Ait illi dominus ejus: Euge serve bone & fidelis, quia super pauca fuisti fidelis, super multa te constituam, intra in gaudium domini tui. Accessit autem & qui duo talenta acceperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone & fidelis, quia super pauca fuisti fidelis, super multa te constituam, intra in gaudium domini tui.

Offertorium. Psal. 88. Invēni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Sancti tui, quæsumus Domine, nos ubique lætificent: ut dum eorum merita recolimus, patrocinia sentiamus. Per Dominum.

Communio. Lucæ 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Præsta quæsumus omnipotens Deus: ut de perceptis muneribus gratias exhibentes, intercedente beato Bonifacio Confessore tuo atque Pontifice, beneficia potiora sumamus. Per Dominum.

MISSA SS. BASILIDIS, CYRINI, Naboris, & Nazarii martyrum.

Introitus. Psal. 78.



Ineret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem Sanctorum tuorum, qui effusus est.

Psal. ibid. Deus venerunt Gentes in hereditatem tuam, polluerunt templum sanctum tuum: posuerunt Jerusalem in pomorum custodiam.

Glória Patri.

Oratio.

Sanctorum martyrum tuorum Basilidis, Cyrini, Naboris, atque Nazarii, quæsumus Domine, natalitia nobis votiva resplendeant: & quod illis contulit excellentia sempiterna, fructibus nostræ devotionis accrescat. Per Dominum nostrum.

Lectio Epistolæ beati Pauli Apostoli ad Hebræos. **Hebr. 10. f**

Fratres, Rememoramini pristinos dies, in quibus illuminati magnum certamen sustinistis passionum: & in altero quidem opprobriis, & tribulationibus spectaculum facti: in altero autem socii taliter conversantium effecti. Nam & vincitis compassi estis, & rapinam bonorum vestrorum cum gaudio suscepistis, cognoscētes vos habere meliorem, & manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Justus autem meus ex fide vivit.

Graduale. Psalm. 78. Vindica Domine, sanguinem Sanctorum tuorum, qui effusus est. **Ps.** Posuerunt mortalia servorum tuorum, escas volatilibus cœli, carnes Sanctorum tuorum bestiis terræ. **Allelûja, allelûja. Ps. Eccli. 44.** Corpora Sanctorum in pace sepulta sunt, & nomina eorum vivent in generatione, & generationem. Allelûja.



Sequētia sancti Evangelii secundum Matthæum. **Matth. 14.**

In illo tempore: Sedente Jesu super montem Oliveti, accesserunt ad eum discipuli secreto, dicentes: Dic nobis, quando hæc erunt? & quod signum adventus tui, & consummationis sæculi? Et respondens Jesus, dixit eis: Videte, ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis prælia, & opiniones præliorum. Videte, ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum, & erunt pestilentiae, & fames, & terræmotus per loca. Hæc autem omnia initia sunt dolorum. Tunc tradent vos in tribulationem, & occident vos: & eritis odio omnibus gentibus propter nomen meum. Et tunc scan-

scandalizabuntur multi, & invicem tradent, & odio habebunt invicem. Et multi pseudoprophetae surgent, & seducunt multos. Et quoniam abundavit iniquitas, refrigeret caritas multorum. Qui autem perseveraverit usque in finem, hic salvus erit.

Offertorium: Psalm. 149. Exultabunt Sancti in gloria, laetabuntur in cubilibus suis: exaltationes Dei in faucibus eorum.

Secreta.

Pro sanctorum tuorum Basilidis, Cyrini, Naboris, atque Nazarii sanguine venerando, hostias tibi Domine, solemniter immolamus, tua mirabilia pertractantes: per quem talis est perfecta victoria. Per Dominum.

Communio: Psal. 78. Posuerunt mortalia servorum tuorum, Domine, escas volatilibus coeli, carnes Sanctorum tuorum bestiis terrae: secundum magnitudinem brachii tui posside filios morte punitorum.

Postcommunio.

Semper, Domine, sanctorum martyrum tuorum Basilidis, Cyrini, Naboris, atque Nazarii solennia celebrantes, praesta quaesumus; ut eorum patrocinia jugiter sentiamus. Per Dominum nostrum.

Die xiii. Junii.

IN FESTO S. ANTONII de Padua Confess. Introitus. Psal. 36.



Justi meditabitur sapientiam: & lingua ejus loquetur judicium: lex Dei ejus in corde ipsius.

Psalm. ibid. Noli aemulari in malignantibus: neque zelaveris facientes iniquitatem.

Gloria Patri.

Oratio.

Eccliam tuam, Deus, beati Antonii Confessoris tui sollemnitas votiva laetificet: ut spiritualibus semper muniatur auxiliis, & gaudiis perfrui mereatur aeternis. Per Dominum.

Lectio Epistolae beati Pauli Apostoli ad Corinthios.

1. Cor. 4. b

Fratres, Spectaculum facti sumus mundo, & Angelis, & hominibus.

Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphiscædimur, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos charissimos moneo: In Christo Jesu Domino nostro.

Graduale. Psalm. 91. Justus ut palma florēbit: sicut cedrus Libani multiplicabitur in domo Domini.

Ps. Ad annuntiandum manē misericordiam tuam, & veritatem tuam per noctem.

Alleluya, alleluya.

Ps. Eccli. 45. Amavit eum Dominus, & ornavit eum: stolam gloriæ induit eum. Alleluya.



Sequētia sancti Evangelii secundum Lucam, **Lucæ 12. c**

In illo tempore: Dixit Jesus discipulis suis: Sint lumbi vestri praecincti, & lucernæ ardentes in manibus vestris: & vos similes hominibus expectantibus dominum suum, quando revertatur a nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati, quia qua hora non putatis, Filius hominis veniet.

Offertorium. Psalmus. 88. Veritas mea, & misericordia mea cum ipso: & in nomine meo exaltabitur cornu ejus.

Se-

Secreta.

Praesens oblatio fiat, Domine, populo tuo salutaris: pro quo dignatus es Patri tuo te viventem hostiam immolare. Qui cum eodem Deo Patre, & Spiritu sancto vivis & regnas Deus, per omnia saecula saeculorum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Divinis, Domine, muneribus satiati: quaesumus, ut beati Antonii Confessoris tui meritis & intercessione, salutaris sacrificii sentiamus effectum. Per Dominum nostrum.

Die xiv. Junii.

IN FESTO S. FELICIS
martyris, Missa, Laetabitur. de Comuni unius Martyr. fol. iv.

Oratio.

Deus tuorum fortitudo Sanctorum, qui beatum Felicem illustri martyrio honorare dignatus es: te supplices exoramus; ut ipso pro nobis intercedente, fidem ejus sectemur in terris, & gloriae participes efficiamur in caelis. Per Dominum nostrum Jesum Christum Filium tuum, &c.

Evangelium. Si quis vult post me venire. ut in eodem Comuni. iii.

Die xv. Junii.

IN FESTO S. JOANNIS A. S. FACUNDO
Confess. Missa. Os justi. de Comuni Confessor. non Pontif. fol. xv. praeter Orationem.

Oratio.

Deus auctor pacis, & amator charitatis, qui beatum Joannem Confessorem tuum mirifica dissidentes componendi gratia decorasti: ejus meritis, & intercessione concede; ut in tua charitate firmati, nullis a te tentationibus separeremur. Per Dominum nostrum.

Et fit commemor. SS. Viti, Modesti atque Crescentiae martyrum, cum Orationibus ex Missa propria, ut sequitur.

MISSA SS. VITI, MODESTI
atque Crescentiae martyrum.

Introitus.

Psal. 33.



Ultae tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psal. ibid. Benedicam Dominum in omni tempore: semper laus ejus in ore meo.

Gloria Patri.

Oratio.

DA Ecclesiae tuae, quaesumus Domine, sanctis martyribus tuis Vito, Modesto, atque Crescentia intercedentibus, superbe non sapere, sed tibi placita humilitate proficere: ut prava despiciens, quaecumque recta sunt, libera exerceat charitate. Per Dominum.

Lectio libri Sapientiae.

Sap. 2.

Justorum animae in manu Dei sunt, & non tanget illos tormentum mortis. Viti sunt oculis insipientium mori: & aestimata est afflictio exitus illorum: & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis bene disponuntur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt justi, & tamquam scintillae in arundine discurrent. Judicabunt nationes, & dominabuntur populis, & regnabit Dominus illorum in perpetuum.

Graduale. Psal. 149. Exultabunt Sancti in gloria: laetabuntur in cubilibus suis.

Ps. Cantate Domino canticum novum: laus ejus in ecclesia Sanctorum. Alleluja, alleluja. **Ps.** Psal. 144. Sancti tui, Domine, benedicent te: gloriam regni tui dicent. Alleluja.



Sequentia sancti Evangelii secundum Lucam. Lucae 10. c

In illo tempore: Dixit Jesus discipulis suis: Qui vos audit, me audit: & qui

qui vos spernit, me spernit. Qui autem me spernit, spernit eum, qui misit me. Réversí sunt autem septuaginta duo cum gaudio, dicentes: Dómine, étiam dæmónia subjiciúntur nobis in nómine tuo. Et ait illis: Vidébam Sátanam sicut fulgur de coelo cadéntem. Ecce dedi vobis potestatem calcándi supra serpentes, & scorpiones, & super omnem virtutem inimici: & nihil vobis nocébit. Verúmtamen in hoc nolíte gaudere, quia spíritus vobis subjiciúntur: gaudéte autem, quòd nómina vestra scripta sunt in coelis.

Offertorium. Psalm. 67. Mirábilis Deus in Sanctis suis: Deus Israel, ipse dabit virtutem, & fortitudinem plebi suæ: benedíctus Deus. **Secreta.**

Sicut glóriam divínæ poténtiæ múnera pro Sanctis oblata testántur: sic nobis effectum, Dómine, tuæ saluationis impendant. Per Dóminum.

Communio. Sap. 3. Justórum animæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace. **Postcommunio.**

Repléti, Dómine, benedictióne solemni, quæsumus: ut per intercessionem Sanctórum mártyrum tuórum Viti, Modéstí, & Crescéntiæ, medicina sacraménti, & corpóribus nostris profit, & méntibus. Per Dóminum.

Die xvi. Junii.

IN FESTO SANCTI BASILII

Episcopi & Confessoris.



Introitus. Eccli. 15.

In médio Ecclésiæ aperuit os ejus: & implévit eum Dóminus spíritu sapiéntiæ, & intelléctus: stolam glóriæ induit eum.

Psalm. 91. Bonum est confiteri Dómino: & psállere nómini tuo, Altíssime. **Glória Patri. Oratio.**

Exáudi quæsumus Dómine, preces nostras, quas in beáti Basilii Confessoris tui atque Pontíficis solemnitáte deferimus: & qui tibi dignè méruit

famulári, ejus intercedéntibus méritis, ab ómnibus nos absólve peccátis. Per Dóminum nostrum.

Lectio Epístolæ beáti Pauli Apóstoli ad Timótheum. 2. Tim. 4.

Charíssime, Testíficor coram Deo, & Jesu Christo, qui judicáturus est vivos & mórtuos, per advéntum ipsius, & regnum ejus: prædica verbum, insta opportúnè, importúnè: argue, óbsecra, increpa in omni paciéntia, & doctrína. Erit enim tempus, cum sanam doctrinam non sustinébunt: sed ad sua desidéria coacervábunt sibi magístros, pruriéntes áuribus, & à veritate quidem audítum avértent, ad fábulas autem converténtur. Tu verò vígila, in ómnibus labóra, opus fac Euangelistæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die, justus judex: non solúm autem mihi, sed & iis, qui dilígunt advéntum ejus.

Graduale. Psalm. 36. Os justí meditábitur sapiéntiam, & lingua ejus loquétur júdicium. **V.** Lex Dei ejus in corde ipsius: & non supplantabúntur gressus ejus. **A**llelúja, allelúja.

V. Psalm. 88. Invéni David servum meum, óleo sancto meo unxi eum. **A**llelúja.



Sequentia sancti Evangelii secundum Lucam. Lucæ 14.

In illo témpore: Dixit Jesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & animam suam, non potest meus esse discípulus. Et qui non bájulat crucem suam, & venit post me, non potest meus esse discípulus. Quis enim ex vobis volens turrim ædificáre, non prius sedens cóputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incípiant illúdere ei, dicentes: Quia hic

hic homo coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus, quæ possidet, non potest meus esse discipulus. Bonum est sal. Si autem sal evanuerit, in quo condietur? Neque in terram, neque in sterquilinum utile est: sed foras mittetur. Qui habet aures audiendi, audiat. **Credo.**

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Sancti Basilii Confessoris tui atque Pontificis, quæsumus Domine, annua sollemnitas pietati tuæ nos reddat acceptos: ut per hæc piæ placationis officia, & illum beata retributio committetur, & nobis gratiæ tuæ dona conciliet. Per Dominum.

Communio. Lucæ 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Deus, fidelium remunerator animarum, præsta: ut beati Basilii Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum nostrum.

Die xviii. Junii.

SS. MARCI ET MARCELLIANI
martyrum. Introitus. Psalm. 36.



Alus autem justorum à Domino: & protector eorum est in tempore tribulationis. **Psalm. ibid.** Noli æmulari in malignantibus: neque zelaveris facientes iniquitatem. **Glória Patri.**

Præsta, quæsumus, omnipotens Deus: ut qui Sanctorum martyrum tuorum Marci & Marcelliani natalitia

colimus: à cunctis malis imminentibus eorum intercessionibus liberemur. Per Dominum nostrum.

Lectio Epistolæ beati Pauli Apostoli ad Romanos. Rom. 5.

Fratres, Justificati ex fide; pacem habeamus ad Deum per Dominum nostrum Jesum Christum: per quem & habemus accessum per fidem in gratiam istam, in qua stamus, & gloriamur in spe gloriæ filiorum Dei. Non solum autem, sed & gloriamur in tribulationibus: scientes, quod tribulatio patientiam operatur: patientia autem probationem, probatio verò spem, spes autem non confundit: quia charitas Dei diffusa est in cordibus nostris per Spiritum sanctum, qui datus est nobis.

Graduale. Sap. 3. Justorum animæ in manu Dei sunt, & non tanget illos tormentum malitiæ. **V.** Visi sunt oculis insipientium mori: illi autem sunt in pace. **A**llelúja, allelúja.

V. Hæc est vera fraternitas, quæ numquam potuit violari certamine: qui effuso sanguine secuti sunt Dominum. Allelúja.



Sequentia sancti Evangelii secundum Lucam. Lucæ 11. f.

In illo tempore: Dicebat Jesus Scribis, & Phariseis: Væ vobis, qui ædificatis monumenta Prophetarum: patres autem vestri occiderunt illos. Profectò testificamini, quod consentitis operibus patrum vestrorum: quoniam ipsi quidem eos occiderunt, vos autem ædificatis eorum sepulchra. Propterea & sapientia Dei dixit: Mittam ad illos Prophetas, & Apostolos, & ex illis occident, & persequuntur. Ut inquiratur sanguis omnium Prophetarum, qui effusus est à constitutione mundi à generatione ista, à sanguine Abel, usque ad sanguinem Zachariæ, qui periit inter altare, & ædem. Ita dico vobis, requiratur ab hac generatione.

Offertorium. Psalm. 123. Anima nostra, sicut passer erepta est de laqueo venantium: laqueus contritus est, & nos liberati sumus.

Se-

Secreta.

MUnera tibi, Dómine, dicata sanctifica: & intercedéntibus Sanctis martyribus tuis Marco & Marcelliano, per eadem nos placatus inténde. Per Dóminum nostrum.

Communio. Matth. 25. Amen dico vobis: quod uni ex minimis meis fecistis, mihi fecistis: venite benedicti Patris mei, possidete paratum vobis regnum ab initio sæculi. **Postcommunio.**

Salutáris tui, Dómine, múnere satiáti, súplices exorámus: ut cujus lætámur gustu, intercedéntibus Sanctis martyribus tuis Marco & Marcelliano, renovémur efféctu. Per Dóminum.

Die xix. Junii.

IN FESTO S. JULIANÆ de Falconeriis virginis, Missa. Dilexisti justitiam. **de Comuni Virginum.** fol. xx. **præter Orationem sequentem. Oratio.**

Deus, qui beatam Juliánam Virginem tuam extremo morbo laborantem pretioso Filii tui Corpore mirabiliter recreare dignatus es: concede quæsumus; ut, ejus intercedéntibus méritis, nos quoque eodem in mortis agóne refécti, ac roboráti ad coeléstem pátriam perducámur. Per eundem Dóminum nostrum.

Deinde fit commemoratio de Sanctis Gervasio & Protasio mart. cum Orationibus ut in sequenti Missa propria.

MISSA SS. GERVASII ET PROTASII martyrum. Introitus. Psal. 84.



Oquetur Dóminus pacem in plebem suam, & super Sanctos suos: & in eos, qui convertúntur ad ipsum.

Psalmus ibid. Benedixisti Dómine terram tuam, avertisti captivitatem Jacob.

Glória Patri. Oratio.

Deus, qui nos annua Sanctórum mártýrum tuórum Gervásii & Protásii solemnitate lætíficas: concede propítius; ut quorum gaudémus méritis, accendámur exémpis. Per Dóminum.

Lectio Epístolæ beati Petri Apóstoli.

1. Pet. 4. c

Charíssimi, Communicántes Christi passiönibus, gaudete, ut & in revelatióne glóriæ ejus gaudeátis exultántes. Si exprobrámini in nómine Christi, beátí éritis: quóniam, quod est honóris, glóriæ, & virtútis Dei, & qui est ejus Spíritus, super vos requiescit. Nemo autem vestrum patiátur ut homicida, aut fur, aut malédicus, aut alienórum appetitor. Si autem ut Christiánus, non erubéscat: gloríficet autem Deum in isto nómine. Quóniam tempus est, ut incípiat judícium à domo Dei. Si autem primum à nobis, quis finis eórum, qui non credunt Dei Euangélio? Et si justus vix salvábitur, impius & peccátor ubi parébunt? Itaque & hi, qui patiúntur secúndum voluntátem Dei, fidéli Creatóri comméndent ánimas suas in benefáctis. **Graduale. Exod. 15. G**loriosus Deus in Sanctis suis, mirábilis in majestáte, faciens prodígia.

V. Dextera tua, Dómine, glorificáta est in virtúte: dextera manus tua confrégit inimícos.

Allelúja, allelúja.

V. Hæc est vera fraternitas, quæ vicit mundi crimina: Christum secúta est, inclyta tenens regna coeléstia. Allelúja.



Sequéntia sancti Euangélii secúndum Lucam. **Lucæ 6. c**

In illo témpore: Descéndens Jesus de monte, stetit in loco campéstri, & turba discipulórum ejus, & multitúdo copiósa plebis ab omni Judæa, & Jerúsalem, & marítima, & Tyri, & Sidónis, qui vénerant, ut audírent eum, & sanaréntur à languóribus suis. Et qui vexabántur à spirítibus immúndis, curabántur. Et omnis turba quærébat eum tângere: quia virtus de illo exíbat, & sanábat omnes. Et ipse elevátis óculis in discipulos suos, dicebat: Beátí páuperes: quia vestrum est regnum Dei. Beátí, qui nunc esurítis: quia saturabímini. Beátí, qui nunc fletis: quia ridébitis. Beátí éritis cum vos óderint hómines, & cum sepa-

rave-

rauerint vos, & exprobraverint, & egerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in coelo.

Offertorium. Psal. 31. L ætæmini in Domino, & exultate iusti: & gloriâmini omnes recti corde.

Secreta.

O Blatis, quæsumus Domine, placare munëribus, & intercedentibus sanctis martyribus tuis, à cunctis nos defende periculis. Per Dominum.

Communio. Psal. 78. P osuerunt mortalia servorum tuorum, Domine, escas volatilibus coeli, carnes Sanctorum tuorum bestiis terræ: secundum magnitudinem brachii tui posside filios morte punitorum.

Postcommunio.

Hæc nos communio, Domine, purget à crimine: & intercedentibus sanctis martyribus tuis Gervasio & Protasio, coelestis remedii faciat esse consortes. Per Dominum.

Die xx. Junii.

SANCTÆ FLORENTINÆ Virginis.

Oratio. Exaudi nos. ut in Communi Virginum. fol. xxi.

Eodem Die.

S. SILVERII PAPÆ & mart. Introitus. Eccli. 45.



Tatuit ei Dominus testamentum pacis, & principem fecit eum: ut sit illi sacerdotii dignitas in æternum. **Psal. 131. M**emento

Domine David, & omnis mansuetudinis ejus. **Glória Patri. Oratio.**

Infirmi-tatem nostram respice, omnipotens Deus: & quia pondus propriæ actionis gravat, beati Silverii martyris tui atque Pontificis intercessio gloriosa nos protegat. Per Dominum.

Lectio Epistolæ beati Judæ Apostoli.

Charissimi, Memores estote verborum, quæ prædicta sunt ab Apostolis Domini nostri Jesu Christi, qui dicebant vobis, quoniam in novissimo

tẽpore venient illusores, secundum desideria sua ambulantes in impietatibus. Hi sunt, qui segregant semetipsos, animales, spiritum non habentes. Vos autem, charissimi, superædificantes vosmetipsos sanctissimæ vestræ fidei, in Spiritu sancto orantes, vosmetipsos in dilectione Dei servate, expectantes misericordiam Domini nostri Jesu Christi in vitam æternam.

Graduale. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Y. Nihil proficiet inimicus in eo: & filius iniquitatis non nocēbit ei.

Allelúja, allelúja. **Y. Psalm. 109.** Tu es sacerdos in æternum, secundum ordinem Melchisedech. Allelúja.



Sequentia sancti Evangelii secundum Lucam. **Lucæ 14. f**

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; ne, posteaquam posuerit fundamentum, & non potuerit perficere, omnes qui vident, incipiant illudere ei, dicentes: Quia hic homo coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renuntiat omnibus, quæ possidet, non potest meus esse discipulus.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Se.

Secreta.

Hostias tibi, Dómine, beáti Silvérii mártiris tui atque Pontíficis dicátas méritis, benígnus asúme: & ad perpétuum nobis tribue proveníre sub sídium. Per Dóminum.

Communio. ibid. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfécta in ætérnum: & testis in coelo fidélis. **Postcommunio.**

Refécti participatióne múnieris sacri, quæsumus Dómine Deus noster: ut cujus exequimur cultum, intercedente beáto Silvério mártire tuo atque Pontífice, sentiámus effectum. Per Dóminum nostrum.

¶ Notandum, quod dies crastina, scilicet xxi. hujus Mensis, in tota Italia & Insulis adjacentibus fit de Festo S. Aloyfii Gonzagæ sub ritu Duplici, pro quo Missa propria ponitur circa finem Missalis inter Missas Sanctorum pro aliquibus Locis.

Die xxii. Junii.

SANCTI PAULINI
Episc. & Confess. Introitus. Psal. 131.



Acerdotes tui Dómine, induant justitiam, & Sancti tui exúltent: propter David servum tuum, non avértas faciém Christi tui.

Psal. ibid. Memento Dómine

David: & omnis mansuetúdinis ejus. **¶ Glória Patri. Oratio.**

DA, quæsumus omnipotens Deus: ut beáti Paulini Confessóris tui atque Pontíficis veneránda solémnitas & devotióne nobis áugeat, & salutem. Per Dóminum.

Lectio Epístolæ beáti Pauli Apóstoli ad Corínthios. **2. Cor. 8. b**

FRatres, Scitis grátiam Dómini nostri Jesu Christi, quóniam propter vos egénus factus est, cum effet dives, ut illius inópia vos dívites essétis. Et consílium in hoc do: hoc enim vobis útile est, qui non solum fácere, sed & velle coépístis ab anno prióre: nunc verò & factó perficite:

ut quemádmódum promptus est ánimus voluntátis, ita sit & perficiéndi ex eo, quod habétis. Si enim volúntas prompta est, secúndum id, quod habet, accépta est, non secúndum id, quod non habet: non enim, ut áliis sit remíssio, vobis autem tribulatio, sed ex æqualitáte. In præsénti témpore vestra abundántia illórum inópiam suppleat: ut & illórum abundántia vestræ inópiæ sit suppleméntum: ut fiat æquálitas, sicut scriptum est: Qui multum, non abundávit: & qui módicum, non minorávit.

Graduale. Eccli. 44. Ecce sacerdos magnus, qui in diébus suis plácuít Deo.

¶ Non est invéntus similis illi, qui conserváret legem Excélsi.

Allelúja, allelúja. ¶ Psalm. 109. Tu es sacerdos in ætérnum, secúndum ordinem Melchisedech. Allelúja.



Sequéntia sancti Euangélíi secúndum Lucam. Lucæ 12. d

In illo témpore: Dixit Jesus discípu lis: Nolíte timére pusíllus grex, quia complácuít Patri vestro dare vobis regnum. Véndite quæ possidé tis, & date eleemósynam. Fácite vobis sácculos, qui non veteráscunt, thesáurum non deficiéntem in coelis: quò fur non apprópiat, neque tinea corrumpit. Ubi enim thesáurus vester est, ibi & cor vestrum erit.

Offertorium. Psal. 88. Invéni David servum meum, óleo sancto meo unxi eum: manus enim mea auxiliábitur ei, & brá chium meum confortábit eum. **Secreta.**

Sancti tui, quæsumus Dómine, nos Subíque lætíficent: ut dum eórum mérita recolimus, patrocínia sentiámus. Per Dóminum.

Communio. Lucæ 12. Fidélis servus & prudens, quem constituit dóminus super familiam suam: ut det illis in témpore trítici mensúram. **Postcommunio.**

Præsta quæsumus omnipotens Deus: ut de percéptis munéribus grátias exhibéntes, intercedente beáto Paulino Confessóre tuo atque Pontífice, benefi cia potióra sumámus. Per Dóminum.

Die


Die xxiii. Junii.

IN VIGILIA S. JOANNIS

Baptistæ.

Introitus.

Lucæ 1.



Ne timeas Zacharia: exaudita est oratio tua, & Elisabeth uxor tua pariet tibi filium, & vocabis nomen ejus Joannem: & erit magnus coram Domino, & Spiritu sancto replébitur adhuc ex útero matris suæ: & multi in nativitate ejus gaudébunt. **Psal. 20.** Domine in virtute tua lætábitur rex: & super salutare tuum exultábit vehementer.

v. Glória Patri.

Oratio.

Præsta quæsumus omnipotens Deus, ut familia tua per viam salutis incédât: & beati Joannis præcursoris hortamenta sectando, ad eum, quem prædixit, secúra perveniat, Dominum nostrum Jesum Christum Filium tuum. Qui tecum vivit & regnat.

Deinde fit commemoratio S. Ediltrudis virginis.

Oratio.

Exáudinos, Deus salutáris noster: ut sicut de beatæ Ediltrudis virginis tuæ festivitáte gaudémus; ita piæ devotiónis erudiámur affectu. Per Dominum.

De beata Maria.

Oratio.

Concède nos famulos tuos, quæsumus Domine Deus, perpétua mentis, & corporis sanitáte gaudere: & gloriósa beatæ Mariæ semper virginis intercessióne, à præsentí liberári tristitia, & æterna pèrfrui lætítia.

Contra persecutores Ecclesiæ.

Oratio.

Ecclésiæ tuæ, quæsumus Domine, preces placatus admitte: ut destrúctis adversitatibus, & erroribus univér-sis, secúra tibi sérviat libertáte. Per Dominum nostrum.

Vel pro Papa.

Oratio.

Deus ómnium fidélium pastor & rector, famulum tuum **N.** quem pastórem Ecclesiæ tuæ præesse voluisti, propítius respice: da ei, quæsumus, verbo, & exémplo, quibus præest, proficere; ut ad vitam, uná cum grege sibi crédito, perveniat sempiternam. Per Dominum.

Lectio Jeremiæ Prophætæ.

Jer. 1.

In diébus illis: Factum est verbum Domini ad me, dicens: Prúsqvam te formárem in útero, novite: & ántequam exíres de vulva, sanctificávi te, & Prophétam in Géntibus dedi te. Et dixi, A, a, a, Domine Deus: ecce nescio loqui, quia puer ego sum. Et dixit Dominus ad me: Noli dicere: Puer sum; quóniam ad ómnia, quæ mittam te, ibis: & univér-sa, quæcúmque mandávero tibi, loqueris. Ne timeas à faciè eórum: quia tecum ego sum, ut éruam te, dicit Dominus. Et misit Dominus manum suam, & tétigit os meum: & dixit Dominus ad me: Ecce dedi verba mea in ore tuo: ecce constitui te hódie super Gentes, & super regna, ut evéllas, & déstruas, & dispérdas, & dissipes, & ædifices, & plantes: dicit Dominus omnipotens.

Graduale. Joann. 1. Fuit homo missus à Deo, cui nomen erat Joannes.

v. Hic venit, ut testimónium perhiberet de lumine, parare Domino plebem perfectam.



Initium sancti Evangelii secundum Lucam.

Lucæ 1.

Fuit in diébus Heródis regis Judææ, sacerdos quidam nómine Zacharias, de vice Abia, & uxor illius de filiabus Aaron, & nomen ejus, Elisabeth. Erant autem justí ambo ante Deum, incedéntes in ómnibus mandátis, & justificatióibus Domini sine queréla, & non erat illis filius, eò quòd esset Elisabeth stérilis, & ambo processissent in diébus suis. Factum est autem, cùm sacerdotio fungeretur in órdine vicis suæ ante Deum, secundum consuetudinem sacerdotii, sorte exiit, ut incénsu póneret, ingressus in templum Domini, & omnis multitúdo pópuli erat orans foris hora incénsi. Appáruit autem illi Angelus Domini stans à dextris altáris incénsi. Et Zacharias turbátus est, videns, & timor irruiit super eum. Ait autem ad illum Angelus: Ne timeas Zacharia, quóniam exaudita est deprecátio tua: & uxor tua Elisabeth pariet tibi filium, &

vocabis nomen ejus Joannem: & erit gaudium tibi, & exultatio, & multi in nativitate ejus gaudébunt: erit enim magnus coram Domino: & vinum, & siceram non bibet, & Spiritu sancto replébatur adhuc ex útero matris suæ: & multos filiorum Israel convertet ad Dominum Deum ipsorum: & ipse præcedet ante illum in spiritu, & virtute Eliæ: ut convertat corda patrum in filios, & incredulos ad prudentiam justorum, parere Domino plebem perfectam.

Offertorium. Psal. 8. Glória & honore coronasti eum, & constituisti eum super opera manuum tuarum, Domine.

Secreta.

Munera, Domine, oblata sanctifica: & intercedente beato Joanne Baptista, nos per hæc a peccatorum nostrorum maculis emunda. Per Dominum.

Pro commem. S. Ediltrudis. Secreta.

Accepta tibi sit Domine, sacratæ plebis oblatio, pro tuorum honore Sanctorum: quorum se meritis percepisse de tribulatione cognoscit auxilium.

De sancta Maria. Secreta.

Tua, Domine, propitiatione, & beatæ Mariæ semper virginis intercessionem, ad perpetuam atque præsentem hæc oblatio nobis proficiat prosperitatem, & pacem.

Contra persecutores Ecclesiæ.

Secreta.

Protege nos, Domine, tuis mysteriis serviéntes: ut divinis rebus inhærentes, & corpore tibi famulémur, & mente. Per Dominum.

Vel pro Papa. Secreta.

Oblatis, quæsumus Domine, placare munéribus: & famulum tuum **N.** quem Pastorem Ecclesiæ tuæ præesse voluisti, assidua protectione guberna. Per Dominum.

Communio. Psal. 20. Magna est glória ejus in salutari tuo: glóriam, & magnum decorem impones super eum, Domine.

Postcommunio.

Beati Joannis Baptistæ nos Domine, præclara comitetur oratio: & quem venturum esse prædixit, poscat Miss. Monast.

nobis fore placatum; Dominum nostrum Jesum Christum Filium tuum. Qui tecum vivit & regnat in unitate Spiritus sancti Deus.

Pro commem. S. Ediltrudis. Postcomm.

Satiasti Domine, familiam tuam munéribus sacris: ejus quæsumus, semper interventione nos réfove, cujus solémnia celebramus. Per Dominum.

De S. Maria. Postcommunio.

Sumptis, Domine, salutis nostræ subsidiis: da, quæsumus, beatæ Mariæ semper virginis patrocinis nos ubique protegi, in cujus veneratione, hæc tuæ obtulimus majestati.

Contra persecutores Ecclesiæ.

Postcommunio.

Quæsumus Domine Deus noster: ut quos divina tribuis participatione gaudere, humanis non sinas subjacere periculis. Per Dominum nostrum Jesum Christum Filium tuum.

Vel pro Papa. Postcommunio.

Hæc nos, quæsumus Domine, divini sacramenti perceptio protegat: & famulum tuum **N.** quem Pastorem Ecclesiæ tuæ præesse voluisti, unâ cum commissso sibi grege, salvet semper, & muniat. Per Dominum nostrum.

Die xxiv. Junii.

I N N A T I V I T A T E

sancti Joannis Baptistæ.

Introitus. Isaia 49.



De ventre matris meæ vocavit me Dominus nomine meo: & posuit os meum ut gladium acutum: sub tegumento manus suæ protexit me, & posuit me quasi sagittam electam.

Psal. 91. Bonum est confiteri Domino, & psallere nomini tuo, Altissime. **v.** Glória Patri.

Oratio.

Deus, qui præsentem diem honorabilem nobis in beati Joannis nativitate fecisti: da populis tuis spiritualium gratiam gaudiorum, & omnium fidelium mentes dirige in viam salutis æternæ. Per Dominum.

Bb

Lé.

Lectio Isaiæ Prophætæ. *Isaiæ 49.*

Audite Insulæ, & attendite populi
de longè: Dominus ab útero vocá-
vit me, de ventre matris meæ recordátus
est nóminis mei. Et posuit os meum quasi
gládium acútum: in umbra manus suæ
protéxit me, & posuit me sicut sagittam
eléctam: in pháretra sua abscondit me.
Et dixit mihi: Servus meus es tu Israel,
quia in te gloriabor. Et nunc dicit Dómi-
nus, formans me ex útero servum sibi:
Ecce dedite in lucem Géntium, ut sis sa-
lus mea usque ad extrémum terræ. Re-
ges vidébunt, & consúrgent príncipes,
& adorábunt propter Dóminum, &
Sanctum Israel, qui elégit te.

Graduale. Jer. i. Priusquam te formárem
in útero, novi te: & ántequam exíres
de ventre, sanctificávi te. *Ps.* Misit Dó-
minus manum suam, & tétigit os meum:
& dixit mihi. *Allelúja, allelúja.*

Ps. Lucæ i. Tu puer, Prophéta Altíssimi
vocáberis: præibis ante Dóminum pa-
ráre vias ejus. *Allelúja.*



Sequéntia sancti Euangélíi secún-
dum Lucam. *Lucæ i. f.*

Elisabeth implétum est tempus pa-
riéndi, & péperit filium. Et au-
diérunt vicini, & cognáti ejus,
quia magnificávit Dóminus misericór-
diam suam cum illa, & congratulabán-
tur ei. Et factum est in die octávo, vené-
runt circumcidere púerum, & vocábant
eum nómine patris sui Zachariám. Et res-
póndens mater ejus, dixit: Nequáquam,
sed vocábitur Joánes. Et dixerunt ad il-
lá: Quia nemo est in cognatióne tua, qui
vocétur hoc nómine. Innuébant autem
patri ejus, quem vellet vocári eum. Et
póstulans pugillárem, scripsit, dicens:
Joánes est nomen ejus. Et miráti sunt
univérsti. Apértum est autem illic os
ejus, & lingua ejus, & loquebátur, be-
nedicens Deum. Et factus est timor su-
per omnes vicínos eórum: & super
omnia montána Judææ divulgabántur
omnia verba hæc: & posuérunť omnes,
qui audierant in corde suo, dicéntes:
Quis, putas, puer iste erit? Etenim ma-

nus Dómini erat cum illo. Et Zachariás
pater ejus replétus est Spíritu sancto:
& prophetávit, dicens: Benedíctus Dó-
minus Deus Israel, quia visitávit, &
fecit redemptionem plebis suæ.

**Non dicitur Credo, nisi in Ecclesia
propria: vel nisi venerit in Dominica,
aut infra Octavam Corporis Christi:
sed in die Octava dicitur, propter Octa-
vam Apostolorum.**

Offertorium. Psalm. 91. Justus ut palma
florébit: sicut cedrus, quæ in Libano
est, multiplicábitur. *Secreta.*

Tua Dómine, munéribus altária cu-
mulámus; illius nativitátem honóre
débito celebrátes, qui Salvatórem mun-
di & cécinit adfutúrum, & adesse mon-
strávit, Dóminum nostrum Jesum Chri-
stum Filium tuum: Qui tecum vivit.

Communio. Luc. i. Tu puer, Prophéta
Altíssimi vocáberis: præibis enim ante
faciem Dómini paráre vias ejus.

Postcommunio.

Sumat Ecclesiá tua, Deus, beáti Joán-
nis Baptístæ generatióne lætítiam:
per quem suæ regeneratiónis cognóvit
auctórem, Dóminum nostrum Jesum
Christum Filium tuum: Qui tecum vivit.

**¶ Infra Octavam S. Joannis, & in ipso
die Octavæ fit idem Officium quod in
die. Sed infra Octavam post Orationem
diei dicitur secunda Oratio de S. Maria,
Concede nos. tertia contra persecuto-
res Ecclesiæ, vel pro Papa. fol. 384.**

Die xxv. Junii.

**IN FESTO S. GULIELMI
Abbatis. Introitus. Psalm. 36.**



S justi meditábitur sapién-
tiam, & lingua ejus lo-
quétur judícium: lex Dei
ejus in corde ipsíus.

Psalm. ibid. Noli æmulári
in malignántibus: neque

zeláveris faciéntes iniquitátem.

Ps. Glória Patri. *Oratio.*

Intercéssio nos quæsumus Dómine,
beáti Gulielmi Abbátis comméndet:
ut quod nostris méritis non valémus, ejus
patrocínio assequámur. Per Dóminum.

Pro

Pro commem. S. Joannis Baptistæ.

Oratio.

Deus, qui præsentem diem honorabilem nobis in beati Joannis nativitate fecisti: da populis tuis spiritualium gratiam gaudiorum; & omnium fidelium mentes dirige in viam salutis æternæ. Per Dominum.

Lectio libri Sapientie. Eccli. 45.

Dilectus Deo, & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ, & disciplinæ.

Graduale. **Psal. 20.** Domine prævenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit à te, & tribulasti ei longitudinem dierum in sæculum sæculi. **A.** Allelúja, allelúja.

V. Psal. 91. Justus ut palma florebit, sicut cedrus Libani multiplicabitur. Allelúja.



Sequentia sancti Evangelii secundum Matthæum. **Matth. 19. d**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertoriū. **Psal. 20.** Desiderium animæ ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas sanctus Gulielmus Abbas, quæsumus, in salutem nobis provenire deposcat. Per Dominum.

Pro S. Joanne Baptista. Secreta.

Tua, Domine, muneribus altaria cumulamur; illius nativitatem honore debito celebrantes, qui Salvatorem mundi & cecinit adfuturum, & adesse monstravit, Dominum nostrum Jesum Christum Filium tuum. Qui tecum vivit.

Communio. **Lucæ 12.** Fidelis servus & prudens, quem constituit Dominus super familiam suam: ut det illis in tempore tritici mensuram. **Postcommunio.**

Protegat nos, Domine, cum tui perceptione sacramenti, beatus Gulielmus Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.


Pro S. Joanne Baptista. Postcomm.

Sumat Ecclesia tua, Deus, beati Joannis Baptistæ generatione lætitiā: per quem suæ regenerationis cognovit auctorem, Dominum nostrum Jesum Christum Filium tuum. Qui tecum vivit.

Die xxvi. Junii.

IN FESTO SS. JOANNIS

& Pauli mart. **Introitus.** **Psal. 33.**



Ultæ tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psal. ibid. Benedicam Dominum in omni tempore: semper laus ejus in ore meo.

V. Gloria Patri.

Oratio.

Quæsumus, omnipotens Deus: ut nos geminata lætitiā hodiernæ festivitatis excipiat, quæ de beatorum Joannis & Pauli glorificatione procedit: quos eadem fides, & passio verè fecit esse germanos. Per Dominum.

De S. Joanne.

Oratio.

Deus, qui præsentem diem honorabilem nobis in beati Joannis nativitate

tate fecisti: da populis tuis spiritalium gratiam gaudiorum; & omnium fidelium mentes dirige in viam salutis eternae. Per Dominum nostrum.

Lectio libri Sapientiae. Eccli. 44. b

HI viri misericordiae sunt; quorum pietates non defuerunt: cum semine eorum permanent bona, haereditas sancta nepotes eorum, & in testamentis stetit semen eorum: & filii eorum propter illos in aeternum manent: semen eorum, & gloria eorum non derelinquetur. Corpora ipsorum in pace sepulta sunt, & nomen eorum vivit in generationem, & generationem. Sapientiam ipsorum narrent populi, & laudem eorum nuntiet Ecclesia.

Graduale. Psal. 132. Ecce quam bonum, & quam jucundum, habitare fratres in unum. ¶ Sicut unguentum in capite, quod descendit in barbam, barbam Aaron. Alleluya, alleluya.

¶ Hæc est vera fraternitas, quæ vicit mundicrimina: Christum secuta est, inclyta tenens regna coelestia. Alleluya.



Sequentia sancti Evangelii secundum Lucam. Lucæ 12.

In illo tempore: Dixit Jesus discipulis suis: Attendite à fermento Phariseorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam, quæ in tenebris dixistis, in lumine dicentur: & quod in aurem locuti estis in cubiculis, predicabitur in tetis. Dico autem vobis amice meis: Ne terreamini ab his, qui occidunt corpus, & post hæc non habent amplius, quid faciant. Ostendam autem vobis, quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeris veneunt dipondio, & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis quicumque confessus fuerit me coram hominibus,

& Filius hominis confitebitur illum coram Angelis Dei.

Offertorium. Psal. 5. Gloriabuntur in te omnes, qui diligunt nomen tuum, quoniam tu, Domine, benedices justo: Domine, ut scuto bonæ voluntatis tuæ, coronasti nos. Secreta.

Hostias tibi, Domine, Sanctorum martyrum tuorum Joannis & Pauli dicatas meritis, benignus assume: & ad perpetuum nobis tribue provenire subsidium. Per Dominum nostrum Jesum Christum Filium tuum: Qui tecum vivit & regnat in unitate Spiritus sancti, &c.

De S. Joanne. Secreta.

Tua, Domine, muneribus altaria cumulamus; illius nativitatem honore debito celebrantes, qui Salvatorem mundi & cecinit adfuturum, & adesse monstravit, Dominum nostrum Jesum Christum Filium tuum: Qui tecum vivit.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos. Postcommunio.

Sumpsimus, Domine, Sanctorum martyrum tuorum Joannis & Pauli solennia celebrantes, sacramenta coelestia: præsta quæsumus; ut quod temporaliter gerimus, æternis gaudiis consequamur. Per Dominum.

De S. Joanne Baptista. Postcommunio. Sumat Ecclesia tua, Deus, beati Joannis Baptistæ generatione lætitiā: per quem suæ regenerationis cognovit auctorem, Dominum nostrum Jesum Christum Filium tuum: Qui tecum vivit.

¶ **Si sequens festum sancti Leonis venerit in Dominica, transfertur post Octavam Apostolorum: & Missa dicitur de Dominica cum commemoratione sancti Joannis: & in Sabbato præcedenti dicitur Missa de Vigilia Apostolorum: secunda Oratio de sancto Joanne, tertia de beata Maria, C**oncede nos famulos tuos. fol. 384.

Quocumque verò alio die venerit festum sancti Leonis, fit de eo, cum commemoratione Octavæ sancti Joannis,

annis, & Vigiliæ. In Ecclesiis autem Collegiatis dicuntur duæ Missæ, una de Festo, cum commemoratione sancti Joannis, & beatæ Mariæ; alia de Vigilia, cum commemoratione beatæ Mariæ, Concede nos. & Ecclesiæ tuæ. vel pro Papa, Deus omnium. fol. 384.

Die xxviii. Junii.

IN FESTO S. LEONIS PAPÆ
& Confessoris. Introitus. Psal. 131.



Acerdotes tui, Dómine, induant justitiam, & sancti tui exultent: propter David servum tuum, non avértas faciém Christi tui.

Psal. ibid. Meménto Dómine

David: & omnis mansuetúdinis ejus.

Glória Patri.

Oratio.

Deus, qui beátum Leónem Pontíficem, Sanctórum tuórum méritis coæquásti: concede propítius; ut qui commemorationis ejus festa percólimus, vitæ quoque imitémur exémp-la. Per Dóminum nostrum.

Pro commemor. Octavæ S. Joannis.

Oratio.

Deus, qui præsentem diem honoráblem nobis in beáti Joánnis nativitate fecísti: da pópulis tuis spirituálium grátiam gaudiórum; & ómnium fidélium mentes dirige in viam salutis æternæ.

Pro commemorat. Vigiliæ. Oratio.

Præsta quæsumus omnipotens Deus: ut nullis nos permittas perturbatióibus concuti, quos in Apostólicæ confesiónis petra solidásti. Per Dóminum.

Lectio Epístolæ beáti Pauli Apóstoli ad Hebræos. Hebr. 7. d

Fratres, Plures facti sunt sacerdotes, idcirco quod morte prohiberéntur permanere: Jesus autem eo quod máneat in ætérnum, sempitérnum habet sacerdotium. Unde & salváre in perpétuú potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset pón-tifex, sanctus, innocens, impollútus, segregátus à peccatóribus, & excélsior cœlis factus: qui non habet necessitatem

Miss. Monast.

quotidie, quemádmódú sacerdotes, prius pro suis delictis hóstias offerre, deinde pro pópuli: hoc enim fecit semel, seípsum offerendo, Jesus Christus Dóminus noster. Graduale. Psal. 131. Sacerdotes ejus induam salutári: & Sancti ejus exultatióne exultábunt.

Illuc producam cornu David: parávi lucérnam Christo meo.

Allelúja, allelúja. Psal. 109. Jurávit Dóminus, & non poenitébit eum: Tu es sacerdos in ætérnum, secúndum ór-dinem Melchisedech. Allelúja.



Sequéntia sancti Euangélii secúndum Matthæum. Matth. 25.

In illo témpore: Dixit Jesus discipulis suis parábolam hanc: Homo péregre proficiscens, vocávit servos suos, & trádidit illis bona sua. Et uni dedit quinque talénta, álíi autem duo, álíi verò unum, unicuíque secúndum próp-riam virtútem, & profectus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniám dómini sui. Post multum verò témporis venit dóminus servórum illórum, & pósuit ratió-nem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constituam, intra in gáudium dómini tui. Accéssit autem & qui duo talénta accéperat, & ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constituam, intra in gáudium dómini tui.

Offertorium. Psal. 88. Véritas mea, & misericórdia mea cum ipso: & in nómine meo exaltábitur cornu ejus. Secreta.

Annue nobis, quæsumus Dómine, ut intercessióne beáti Leonis hæc

nobis proſit oblátio: quam immolán-
do, totius mundi tribuſti relaxári de-
lícita. Per Dóminum.

Pro S. Joanne.

Secreta.

Tua, Dómine, munéribus altária
cumulámus; illius nativitátem ho-
nóre débito celebrátes, qui Salvató-
rem mundi & cécinit adfutúrum, &
adéſſe monſtrávit, Dóminum noſtrum
Jeſum Chriſtum Fílium tuum.

Pro Vigilia.

Secreta.

MUnus pópuli tui, quæſumus Dó-
mine, Apoſtólica interceſſiône
ſanctífica: noſque à peccatórum noſtró-
rum máculis emúnda. Per Dóminum.

Communio. *Marth. 24.* Beátus ſervus,
quem, cūm vénerit dóminus, invéne-
rit vigilántem: amen dico vobis, ſuper
omnia bona ſua conſtituet eum.

Postcommunio.

Deus, qui ánimæ fámuli tui Leónis,
ætérnæ beatitúdinis præmia contu-
liſti: concéde propítius; ut qui peccatórum
noſtrórum póndere prémimur, ejus apud
te précibus ſublevémur. Per Dóminum.

Pro S. Joanne.

Postcommunio.

Sumat Eccléſia tua, Deus, beáti
Joánnis Baptiſtæ generatióne læti-
tiam: per quem ſuæ regeneratiónis co-
gnóvit auctórem, Dóminum noſtrum
Jeſum Chriſtum Fílium tuum.

Pro Vigilia.

Postcommunio.

Quos coeléſti Dómine, aliménto
ſatiáſti: Apoſtolicis interceſſióni-
bus ab omni adverſitate cuſtodi. Per
Dóminum noſtrum.

Die xxviii. Junii.

IN VIGILIA APOSTOLORUM

Petri & Pauli.

Introitus.

Joann. 21.



Icit Dóminus Petro: Cūm
eſſes júnior, cingébas te, &
ambulábas, ubi volébas:
cūm autem ſenúeris, extén-
des manus tuas, & álius te
cinget, & ducet, quò tu
non vis: hoc autem dixit, ſignificans
qua morte clarificatúrus eſſet Deum.

Pſalm. 18. Coeli enarrant glóriam Dei:

& ópera mánuum ejus annúntiat fir-
maméntum. *Ps. Glória Patri.*

Non dicitur Glória in excelsis.

Oratio.

Præſta quæſumus omnipotens Deus,
ut nullis nos permíttas perturbatióni-
bus concuti, quos in Apoſtolicæ confeſ-
ſiónis petra ſolidáſti. Per Dóminum.

*Secunda Oratio, & tertia ut in ſu-
periori Rubrica notatur. fol. 384.*

Lectio Actuum Apostolorum. Act. 3.

In diébus illis: Petrus & Joánnes aſcen-
debant in templum ad horam oratiónis
nonam. Et quidam vir, qui erat claudus
ex útero matris ſuæ, bajulabátur; quem
ponébant quotidie ad portam templi,
quæ dícitur Specióſa, ut péteret eleemó-
ſynam ab introeúntibus in templum. Is
cūm vidíſſet Petrum, & Joánnem inci-
piéntes introíre in templum, rogábat, ut
eleemóſynam accíperet. Intuens autem
in eum Petrus cum Joánnē, dixit: Réſ-
pice in nos. At ille intendébat in eos, ſpe-
rans ſe áliquíd acceptúrum ab eis. Petrus
autem dixit: Argéntum, & aurum non
eſt mihi; quod autem hábeo, hoc tibi
do: In nómine Jeſu Chriſti Nazaréni ſur-
ge, & ámbula. Et apprehénſa manu
ejus dextera, allevávit eum, & prótinus
conſolidátæ ſunt baſes ejus, & plantæ.
Et exíliens ſtetit, & ambulábat: & in-
trávit cum illis in templum, ámbulans,
& exíliens, & laudans Deum. Et vidit
omnis pópulus eum ambulántem, &
laudántem Deum. Cognoscébant au-
tem illum, quòd ipſe erat, qui ad ele-
móſynam ſedébat ad Specióſam portam
templi: & impléti ſunt ſtupóre, &
éxtaſi, in eo quod contígerat illi.

Graduale. Pſal. 18. In omnem terram
exívit ſonus eórum: & in fines orbis
terræ verba eórum. *Ps. Coeli enarrant
glóriam Dei: & ópera mánuum ejus
annúntiat firmaméntum.*



*Sequéntia ſancti Euangélíi ſecún-
dum Joánnem. Joann. 21. c*

In illo témpore: Dixit Jeſus Simóni
Petro: Simon Joánnis diligis me plus
his? Dicit ei: Etiam, Dómine, tu
ſcis,

scis, quia amo te. Dicit ei: Pasce agnos meos. Dicit ei iterum: Simon Joannis, diligis me? Ait illi: Etiam, Domine, tu scis, quia amo te. Dicit ei: Pasce agnos meos. Dicit ei tertio: Simon Joannis amas me? Contristatus est Petrus, quia dixit ei tertio: Amas me? & dixit ei: Domine, tu omnia nosti: tu scis, quia amo te. Dixit ei: Pasce oves meas. Amen, amen dico tibi: cum esses junior, cingebas te, & ambulabas ubi volebas: cum autem senueris, extendes manus tuas, & alius te cinget, & ducet, quod tu non vis. Hoc autem dixit, significans quia morte clarificaturus esset Deum.

Offertorium. Psalm. 138. Mihi autem nimis honorati sunt amici tui Deus: nimis confortatus est principatus eorum.

Secreta.

M Unus populi tui, quaesumus Domine, Apostolica intercessione sanctifica: nosque a peccatorum nostrorum maculis emunda. Per Dominum.

Communio. Joann. 21. Simon Joannis, diligis me plus his? Domine, tu omnia nosti: tu scis, Domine, quia amo te.

Postcommunio.

Q Uos coelesti, Domine, alimento satiasti: Apostolicis intercessionibus ab omni adversitate custodi. Per Dominum nostrum.

Die xxix. Junii.

IN FESTO SS. APOSTOLORUM Petri & Pauli. Introitus. Act. 12.



Nunc scio verè, quia misit Dominus Angelum suum: & eripuit me de manu Herodis, & de omni expectatione plebis Judæorum.

Psalm. 138. Domine probasti me, & cognovisti me: tu cognovisti sessionem meam, & resurrectionem meam.

Gloria Patri.

Oratio.

Deus, qui hodiernam diem Apostolorum tuorum Petri & Pauli martyrio consecrasti: da Ecclesiae tuae, eorum in omnibus sequi praeceptum, per quos religionis sumpsit exordium. Per Dominum nostrum.

Et non fit commemoratio de S. Paulo, quia Oratio est communis: nec de Octava S. Joannis.

Lectio Actuum Apostolorum. Act. 12.

IN diebus illis: Misit Herodes rex marinus, ut affligeret quosdam de Ecclesia. Occidit autem Jacobum fratrem Joannis gladio. Videns autem, quia placeret Judæis, apposuit ut apprehenderet & Petrum. Erant autem dies Azymorum. Quem cum apprehendisset, misit in carcerem, tradens quatuor quaternionibus militum custodiendum, volens post Pascha producere eum populo. Et Petrus quidem servabatur in carcere. Oratio autem fiebat sine intermissione ab Ecclesia ad Deum pro eo. Cum autem producturus eum esset Herodes, in ipsa nocte erat Petrus dormiens inter duos milites, vinctus catenis duabus: & custodes ante ostium custodiebant carcerem. Et ecce Angelus Domini astitit: & lumen refulsit in habitaculo: percussitque latere Petri, excitavit eum, dicens: Surge velociter. Et ceciderunt catenae de manibus ejus. Dixit autem Angelus ad eum: Praecingere, & calcea te caligas tuas. Et fecit sic. Et dixit illi: Circumda tibi vestimentum tuum, & sequere me. Et exiens sequebatur eum, & nesciebat, quia verum est quod fiebat per Angelum: existimabat autem se visum videre. Transeuntes autem primam, & secundam custodiam, venerunt ad portam ferream, quae ducit ad civitatem: quae ultro aperta est eis. Et exeuntes processerunt vicum unum: & continuo discessit Angelus ab eo. Et Petrus ad se reversus, dixit: Nunc scio verè, quia misit Dominus Angelum suum, & eripuit me de manu Herodis, & de omni expectatione plebis Judæorum.

Graduale. Psalm. 44. Constitues eos principes super omnem terram: memores erunt nominis tui, Domine.

Pro patribus tuis nati sunt tibi filii: propterea populi confitebuntur tibi.

Alleluya, alleluya. Matth. 16. Tu es Petrus: & super hanc petram aedificabo Ecclesiam meam. Alleluya.



Sequentia sancti Evangelii secundum Matthaeum. *Matth. 16.*

In illo tempore: Venit Jesus in partes Caesareae Philippi: & interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Elsam, alii vero Jeremiam, aut unum ex Prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Jesus, dixit ei: Beatus es Simon Bar-Jona: quia caro, & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram aedificabo Ecclesiam meam, & portae inferi non prevalebunt adversus eam. Et tibi dabo claves regni coelorum. Et quodcumque ligaveris super terram, erit ligatum & in coelis: & quodcumque solveris super terram, erit solutum & in coelis. *Credo.*

*Offertorium. Psalm. 44. C*onstitues eos principes super omnem terram: memores erunt nominis tui Domine, in omni progenie, & generatione. *Secreta.*

Hostias, Domine, quas nomini tuo sacrandas offerimus, Apostolica prosequatur oratio: per quam nos expiari tribuas, & defendi. Per Dominum.


Præfatio de Apostolis. fol. 184.

*Communio. Matth. 16. T*u es Petrus: & super hanc petram aedificabo Ecclesiam meam. *Postcommunio.*

Quos coelesti Domine, alimento satiasti: Apostolicis intercessionibus ab omni adversitate custodi. Per Dñm.

Die xxx. Junii.

IN COMMEMORATIONE
S. Pauli Apostoli. Introitus. 2. Tim. 1.



Scio, cui credidi, & certus sum, quia potens est depositum meum servare in illum diem, justus iudex.

*Psal. 138. D*omine probasti me, & cognovisti me: tu cognovisti sessionem meam, & resurrectionem meam. *Glória Patri.*

Oratio.

Deus, qui multitudinem Gentium beati Pauli Apostoli praedicatione docuisti: da nobis, quaesumus; ut cujus natalitia colimus, ejus apud te patrocinia sentiamus. Per Dominum.

Fit commemor. S. Petri Apostoli. Oratio.

Deus, qui beato Petro Apostolo tuo, collatis clavibus regni coelestis, ligandi atque solvendi Pontificium tradidisti: concede, ut intercessionis ejus auxilio, a peccatorum nostrorum nexibus liberemur.

Deinde de S. Joanne, praeterquam in Ecclesia propria S. Pauli. Oratio.

Deus, qui praesentem diem honorabilem nobis in beati Joannis nativitate fecisti: da populis tuis spiritualium gratiam gaudiorum; & omnium fidelium mentes dirige in viam salutis aeternae. Per Dominum.

Lectio Epistolae beati Pauli Apostoli ad Galatas. Gal. 1. b.

Fratres, Notum vobis facio Evangelium, quod evangelizatum est a me, quia non est secundum hominem: neque enim ego ab homine accepi illud, neque didici, sed per revelationem Jesu Christi. Audistis enim conversationem meam aliquando in Iudaismo: quoniam supra modum persequabar Ecclesiam Dei, & expugnabam illam, & proficiebam in Iudaismo supra multos coetaneos meos in genere meo, abundantius aemulator existens patrum meorum traditionum. Cum autem placuit ei, qui me segregavit ex utero matris meae, & vocavit per gratiam suam, ut revelaret Filium suum in me, ut evangelizarem illum in Gentibus, continuo non acquievi carni, & sanguini: neque veni Ierosolymam ad antecessores meos Apostolos: sed abii in Arabiam: & iterum reversus sum Damascum: deinde post annos tres veni Ierosolymam videre Petrum, & mansi apud eum diebus quindecim: alium autem Apostolorum vidi neminem, nisi Jacobum fratrem Domini. Quae autem scribo vobis, ecce coram Deo, quia non mentior.

Gra-

Oratio.


Deus qui nos per Beatos Apostolos
tuos ad agnitionem tui Nominis veni-
re tribuisti, da nobis eorum gloriam sem-
piternam, et proficundo celebrare, et celebra-
do proficere. Per Dominum &c.

Secreta.

^{Domine}
Gloriam Sanctorum Apostolorum tuorum
perpetuam in eorum Commemoratione recensenti-
tes, rogamus: ut eam Sacris mysteriis ex-
piati dignius celebremus. Per Dom: &c.

Post Communio.

Preceptis Domine Sacramentis suppliciter
exoramus, ut intercedentibus Beatis Ap^lis
tuis, quæ pro illorum veneranda gerimus com-
memoratione, nobis proficiant ad medelam.
Per Dominum: &c.



Graduale. Gal. 2. Qui operatus est Petro in Apostolatū, operatus est & mihi inter Gentes: & cognoverunt gratiam Dei, quæ data est mihi.

✠. 1. Cor. 15. Grátia Dei in me vácuá non fuit: sed grátia ejus semper in me manet. **A**llelúja, allelúja.

✠. Sancte Paule Apóstole, prædicátor veritátis, & Doctor Géntium, intercede pro nobis. Allelúja.

✠ Sequéntia sancti Euangélíi secúndum Matthæum. **Matth. 10. b**

In illo témpore: Dixit Jesus discipulis suis: Ecce ego mitto vos sicut oves in médio lupórum. Estóte ergo prudentes sicut serpéntes, & simplices sicut columbæ. Cavéte autem ab homínibus. Tradent enim vos in conciliis, & in synagógis suis flagellábunt vos: & ad præsides, & reges ducémini propter me in testimonium illis, & Géntibus. Cúm autem tradent vos, nolíte cogitare, quómodo, aut quid loquámini: dábitur enim vobis in illa hora, quid loquámini. Non enim vos estis, qui loquámini, sed Spíritus Patris vestri, qui loquitur in vobis. Tradet autem frater fratrem in mortem, & pater filium: & insúrgent filii in parentes, & morte eos afficient: & éritis odio ómnibus propter nomen meum: qui autem perseveráverit usque in finem, hic salvus erit. **C**redo.

Offertor. Psal. 138. Mihi autem nimis honoráti sunt amici tui Deus: nimis confortátus est principátus eórum. **Secreta.**

Apóstoli tui Pauli præcibus Dómine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis. Per Dóminum nostrum.

Pro S. Petro. Secreta.

Ecclésiæ tuæ quæsumus Dómine, preces, & hóstias beáti Petri Apóstoli comméndet orátio: ut quod pro illius glória celebrámus, nobis profit ad véniam.

Pro S. Joanne. Secreta.

Tua, Dómine, munéribus altária cumulámus; illius nativitátem honóre

débito celebránte, qui Salvatórem mundi & cécinit adfutúrum, & adesse monstrávit, Dóminum nostrum Jesum Christum Filium tuum. Qui tecum vivit.

Præfatio de Apostolis. fol. 184.

Communio. Matth. 19. Amen dico vobis: quod vos, qui reliquistis ómnia, & secúti estis me, centuplum accipietis, & vitam æternam possidebitis.

Postcommunio.

Perceptis, Dómine, sacraméntis, beáto Paulo Apóstolo tuo interveniente deprecámur: ut quæ pro illius celebráta sunt glória, nobis proficiant ad medélam. Per Dóminum.

Pro S. Petro. Postcommunio.

Lætíficet nos, Dómine, munus oblátum: ut sicut in Apóstolo tuo Petro te mirábilem prædicámus, sic per illum tuæ sumámus indulgéntiæ largitatem.

Pro S. Joanne. Postcommunio.

Sumat Ecclésiá tua, Deus, beáti Joannis Baptístæ generatióne lætítiam: per quem suæ regeneratiónis cognóvit auctórem, Dóminum nostrum Jesum Christum Filium tuum. Qui tecum vivit.

FESTA JULII.

Die i. Julii.

IN OCTAVA S. JOANNIS

Baptistæ. Introitus. Isaia 49.



E ventre matris meæ vocávit me Dóminus nómine meo: & pósuit os meum ut gládium acútum: sub tegumento manus suæ protéxit me, & pósuit me quasi sagittam electam. **Psal. 91. B.** onum est confitéri Dómino, & psállere nómini tuo, Altíssime. **✠. Glória Patri. Oratio.**

Deus, qui præsentem diem honorábilem nobis in beáti Joannis nativitáte fecísti: da pópulis tuis spiritalium grátiam gaudiórum; & ómnium fidélium mentes dirige in viam salutis æternæ. Per Dóminum.

Pro commem. Apostolorum. Oratio.

Deus, qui hodiérnam diem Apostolorum tuórum Petri & Pauli martyrio

tyrio

tyrio consecrasti: da Ecclesiae tuae, eorum in omnibus sequi praeceptum, per quos religionis sumpsit exordium. Per Dominum nostrum.

Lectio Isaiae Prophetae. **Isaiae 40.**

Audite insulae, & attendite populi de longe: Dominus ab utero vocavit me, de ventre matris meae recordatus est nominis mei. Et posuit os meum quasi gladium acutum: in umbra manus suae protexit me, & posuit me sicut sagittam electam: in pharetra sua abscondit me. Et dixit mihi: Servus meus es tu Israel, quia in te gloriabor. Et nunc dicit Dominus, formans me ex utero servum sibi: Ecce dedi te in lucem Gentium, ut sis salus mea usque ad extremum terrae. Reges videbunt, & consurgent principes, & adorabunt propter Dominum, & Sanctum Israel, qui elegit te.

Graduale. Jer. 1. Priusquam te formarem in utero, novi te: & antequam exires de ventre, sanctificavi te. **Ps.** Misit Dominus manum suam, & tetigit os meum: & dixit mihi. **Alleluja, alleluja.**

Ps. Lucae 1. Tu puer, Propheta Altissimi vocaberis: praebis ante Dominum parare vias ejus. **Alleluja.**



Sequentia sancti Evangelii secundum Lucam. Lucae 1. f

Elisabeth impleretur est tempus pariendi, & peperit filium. Et audierunt vicini, & cognati ejus, quia magnificavit Dominus misericordiam suam cum illa, & congratulabantur ei. Et factum est in die octavo, venerunt circumcidere puerum, & vocabant eum nomine patris sui Zachariam. Et respondens mater ejus, dixit: Nequaquam, sed vocabitur Joannes. Et dixerunt ad illam: Quia nemo est in cognatione tua, qui vocetur hoc nomine. Innuabant autem patri ejus, quem vellet vocari eum. Et postulans pugillarem, scripsit, dicens: Joannes est nomen ejus. Et mirati sunt universi. Apertum est autem illico os ejus, & lingua ejus, & loquebatur, benedicens Deum. Et factus est timor super omnes vicinos eorum: & super

omnia montana Judaeae divulgabantur omnia verba haec: & posuerunt omnes, qui audierant in corde suo, dicentes: Quis, putas, puer iste erit? Etenim manus Domini erat cum illo. Et Zacharias pater ejus repletus est Spiritu sancto: & prophetavit, dicens: Benedictus Dominus Deus Israel, quia visitavit, & fecit redemptionem plebis suae.

Dicitur Credo. ratione Octavae SS. Apostolorum Petri & Pauli.

Offertorium. Psalm. 91. Justus ut palma florebit: sicut cedrus, quae in Libano est, multiplicabitur. **Secreta.**

Tua Domine, muneribus altaria cumulamur; illius nativitatem honore debito celebrantes, qui Salvatorem mundi & cecinit adfuturum, & adesse monstravit, Dominum nostrum Jesum Christum Filium tuum. Qui tecum vivit.

Pro SS. Apostolis. Secreta.

Hostias Domine, quas nomini tuo sacrandas offerimus, Apostolica prosequatur oratio: per quam nos expiari tribuas, & defendi. Per Dominum.

Praefatio de Apostolis. fol. 184.

Communio. Luc. 1. Tu puer, Propheta Altissimi vocaberis: praebis enim ante faciem Domini parare vias ejus.

Postcommunio.

Sumat Ecclesia tua, Deus, beati Joannis Baptistae generatione laetitiam: per quem suae regenerationis cognovit auctorem, Dominum nostrum Jesum Christum Filium tuum. Qui tecum vivit.


De SS. Apostolis. Postcommunio.

Quos coelesti, Domine, alimento satiasti: Apostolicis intercessionibus ab omni adversitate custodi. Per Dominum nostrum.

Die ii. Julii.

IN FESTO VISITATIONIS

B. M. Virginis. Introitus. Sedulius.



Alve sancta parens, enixa puerpera Regem: qui coelum, terramque regit in saecula saeculorum. **Psalm. 44.** Eructavit cor meum verbum bonum: dico ego opera mea Regi. **Ps.** Gloria Patri.

Ora.

Oratio.

FAmulis tuis, quæsumus Dómine, coeléstis grátiae munus impertire: ut quibus beatæ Virginis partus extitit salutis exórdium, Visitationis ejus votiva solémnitas, pacis tribuat incrementum. Per Dóminum.

Pro commemor. SS. Apostolorum Petri & Pauli.

Oratio.

DEus, qui hodiernam diem Apostolorum tuorum Petri & Pauli martyrio consecrasti: da Ecclesiæ tuæ, eorum in omnibus sequi præceptum, per quos religionis sumpsit exórdium.

Pro SS. martyribus Processo & Martiniano.

Oratio.

DEus, qui nos Sanctorum martyrum tuorum Processi & Martiniani gloriosis confessionibus circumdas, & protegis: da nobis, & eorum imitatione proficere, & intercessione gaudere. Per Dóminum nostrum.

Lectio libri Sapientiae.

Cant. 2. b

ECce iste venit saliens in montibus, transiliens colles, similis est dilectus meus capreae, hinnuloque cervorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, propera amica mea, columba mea, formosa mea, & veni. Jam enim hiems transiit, imber abiit, & recessit. Flores apparuerunt in terra nostra, tempus putationis advenit: vox turturis audita est in terra nostra: ficus protulit grossos suos: vineæ floréntes dederunt odorem suum. Surge, amica mea, speciosa mea, & veni: columba mea in foraminibus petrae, in caverna maceriae, ostende mihi faciem tuam, sonet vox tua in auribus meis: vox enim tua dulcis, & facies tua decora.

Graduale. Benedicta, & venerabilis es, virgo María: quæ sine tactu pudoris inventa es Mater Salvatoris.

✠. Virgo Dei Génitrix, quem totus non capit orbis, in tua se clausit viscera factus homo. **Allelúja, allelúja.**

✠. Felix es sacra virgo María, & omni laude dignissima: quia ex te ortus est sol iustitiæ Christus Deus noster. **Allelúja.**



Sequéntia sancti Euangélíi secundum Lucam.

Lucæ 1. d

IN illo tempore: Exurgens María, abiit in montanacum festinatione in civitatem Juda: & intravit in domum Zachariæ, & salutavit Elísabeth. Et factum est, ut audivit salutationem Mariæ Elísabeth, exultavit infans in utero ejus: & repleta est Spíritu sancto Elísabeth: & exclamavit vocem magna, & dixit: Benedicta tu inter mulieres, & benedictus fructus ventris tui. Et unde hoc mihi, ut veniat Mater Dómini mei ad me? Ecce enim ut facta est vox salutationis tuæ in auribus meis, exultavit in gaudio infans in utero meo. Et beata, quæ credidisti, quoniam perficiuntur ea, quæ dicta sunt tibi à Dómino. Et ait María: Magnificat ánima mea Dóminum: & exultavit spíritus meus in Deo salutári meo. **Credo.**

Offertorium. Beata es, Virgo María, quæ omnium portasti Creatorem: genuisti, qui te fecit, & in ætérnum permanes virgo.

Secreta.

UNigéniti tui, Dómine, nobis succurrat humanitas: ut qui natus de Virgine, matris integritatem non minuit, sed sacravit, in Visitationis ejus solémniis, nostris nos piaculis exuens, oblationem nostram tibi faciat acceptam Jesus Christus Dóminus noster. Qui tecum, &c.

Pro SS. Apostolis Petro & Paulo. Secreta.

Hostias, Dómine, quas nómini tuo sacrandas offerimus, Apostolica prosequatur oratio: per quam nos expiari tribuas, & defendi.

Pro SS. marty. Processo & Martiniano.

Secreta.

Suscipe Dómine, preces & múnera: quæ, ut tuo sint digna conspectu, Sanctorum tuorum precibus adjuvémur. Per Dóminum.

Præfatio de beata María. Et te in Visitatione. fol. 183.

Communio. Beata viscera Mariæ virginis, quæ portaverunt ætérni Patris Filium.

Post-

Postcommunio.

Sumpſimus Dómine, celebritátis ánnuæ votíva sacraménta: præſta quæſumus; ut temporális vitæ nobis remédia præbeant, & æternæ. Per Dóminum noſtrum.

Pro Sanctis Apostolis Petro & Paulo.**Postcommunio.**

Quos cœléſti Dómine, alimento ſatiáſti: Apoſtolicis interceſſiónibus ab omni adverſitate cuſtodi.

Pro SS. martyr. Proceſſo & Martiniano.**Postcommunio.**

Corporis ſacri, & pretioſi ſánguinis repléti libámine, quæſumus Dómine Deus noſter: ut quod pia devotíone gérimus, certa redemptione capiámus. Per eúndem Dóminum.

Die iii. Julii.

IN FRA OCTAVAM**SS. Apostolorum Petri & Pauli.****Introitus.**

Pſal. 138.



Ihí autem nimis honoráti ſunt amíci tui Deus: nimis confortátus eſt principátus eórum.

Pſal. ibid. Dómine probáſti me, & cognoviſti me:

tu cognoviſti ſeſſiónem meam, & reſurrectionem meam.

v. Glória Patri.

Oratio.

Deus, qui hodiérnam diem Apoſtolórum tuórum Petri & Pauli martyrio conſecráſti: da Ecclésiæ tuæ, eórum in ómnibus ſequi præcéptum, per quos religionis ſumpſit exórdium. Per Dóminum noſtrum.

Secunda Oratio de S. Maria, Concède nos. tertia, Ecclésiæ tuæ. Vel pro Papa: Deus ómnium. fol. 384.

Lectio Actuum Apostolorum. Act. 5. b

In diébus illis: Per manus Apoſtolórum fiébant ſigna, & prodígia multa in plebe. Et erant unanimíter omnes in pórticu Salomónis. Ceterórum autem nemo audébat ſe conjúgere illis: ſed magnificábat eoſpópulus. Magis autem augebátur credéntium in Dómino multitúdo virórum, ac mulierum, ita ut in plateás ejíce-

rent infirmos, & pónerent in léctulis, ac grabátis, ut, veniente Petro, ſaltem umbra illíus obumbráret quemquam illórum, & liberaréntur ab infirmitátibus ſuis. Concurrébat autem & multitúdo vicinárum civitátum Jerúſalem, afferéntes ægros, & vexátos à ſpíritibus im-múndis: qui curabántur omnes.

Graduale. Pſal. 44. Conſtitues eos príncipes ſuper omnem terram: mémores erunt nóminis tui Dómine.

v. Pro pátribus tuis nati ſunt tibi filii: propterea pópuli conſitebúntur tibi.

Allelúja, allelúja.

v. **Luc. 22.** Rogávi pro te Petre, ut non deficiat fides tua: & tu aliquándo convérſus, confirma fratres tuos. **Allelúja.**



Sequéntia ſancti Euangélii ſecúndum Matthæum. Matth. 13. d

In illo témpore: Dixit Petrus ad Jeſum: Ecce nos reliquimus ómnia, & ſecúti ſumus te: quid ergo erit nobis? Jeſus autem dixit illis: Amen dico vobis, quòd vos, qui ſecúti eſtis me, in regeneratione, cùm ſederit Fílius hóminis in ſede majeſtátis ſuæ, ſedébitis & vos ſuper ſedes duódecim, judicántes duódecim tribus Iſrael. Et omnis, qui reliquerit domum, vel fratres, aut ſoróres, aut patrem, aut matrem, aut uxórem, aut filios, aut agros propter nomen meum, céntuplum accípiet, & vitam æternam poſſidebit.

Credo.

Offertorium. Pſal. 18. In omnem terram exívit ſonuseórum: & in fines orbis terræ verba eórum.

Secreta.

Hoſtias Dómine, quas nómini tuo ſacrándas offerimus, Apoſtólica proſequáthur orátio: per quam nos expiári tríbuas, & deféndi. Per Dóminum.

Secunda Secreta, Tua, Dómine. **tertia, Prótege nos. vel Oblátis.** fol. 385.

Præfatio de Apoſtolis. fol. 184.

Communio. Matth. 19. Vos, qui ſecúti eſtis me, ſedébitis ſuper ſedes, judicántes duódecim tribus Iſrael.

Postcommunio.

Quos cœléſti Dómine, alimento ſatiáſti: Apoſtolicis interceſſiónibus ab

ab omni adversitate custodi. Per Dóminum nostrum.

Secunda Postcommunio: Sumptis, Dómine. **tertia,** Quæsumus Dómine. **vel** Hæc nos, quæsumus. fol. 385.

Die vi. Julii.

IN OCTAVA APOSTOLORUM

Petri & Pauli. Introitus. Eccli 44.



Apiéntiam Sanctórum narrent pópuli, & laudes eórum nuntiet ecclésia: nómina autem eórum vivent in sæculum sæculi.

Psal. 32. Exultáte iusti in Dómino: rectos decet collaudatio.

Gloria Patri.

Oratio.

Deus, cujus dextera beátum Petrum ambulátem in fluctibus, ne mergeretur, erexit: & coapóstolum ejus Paulum tertio naufragátem, de profundo pélagi liberávit: exáudi nos propitius, & concède; ut ambórum méritis, æternitátis glóriam consequámur. Qui vivis & regnas cum Deo Patre in unitate Spíritus sancti Deus.

Lectio libri Sapiéntiæ. Eccli. 44. b

Hi viri misericórdiæ sunt, quorum pietates non defuerunt: cum semine eórum permanent bona, hæreditas sancta nepotes eórum, & in testaméntis stetit semen eórum: & filii eórum propter illos usque in ætérnum manent: semen eórum, & glória eórum non derelinquétur. Córpora ipsórum in pace sepúlta sunt, & nomen eórum vivit in generatióem, & generatióem. Sapiéntiam ipsórum narrent pópuli, & laudem eórum nuntiet ecclésia.

Graduale. Sap. 3. Iustórum animæ in manu Dei sunt, & non tanget illos tormentum malitiæ.

V. Visi sunt oculis insipientium mori: illi autem sunt in pace.

Allelúja, allelúja.

V. Lucæ 22. Vos estis, qui permansistis mecum in tentationibus meis: & ego dispóno vobis regnum, ut sedeatis super thronos, judicantes duódecim tribus Israel. Allelúja.



Sequéntia sancti Euangélii secúndum Matthæum. Matth. 14. c

In illo témpore: Compulit Jesus discipulos ascéndere in navículam, & præcedere eum trans fretum, donec dimitteret turbas. Et dimissa turba, ascéndit in montem solus orare. Vespere autem facto, soluserat ibi. Navícula autem in médio mari jaçtabátur fluctibus: erat enim contrárius ventus. Quarta autem vigilia noctis venit ad eos, ámbulans super mare. Et vidéntes eum super mare ambulátem turbati sunt, dicéntes: Quia phantásma est. Et præ timóre clamavérunt. Statimque Jesus locútus est eis, dicens: Habéte fidúciám: ego sum, nolíte timére. Respóndens autem Petrus, dixit: Dómine, si tu es, jube me ad te veníre super aquas. At ipse ait: Veni. Et descéndens Petrus de navícula, ambulábat super aquam, ut veníret ad Jesum. Videns verò ventum válidum, tímuit: & cùm coépisset mergi, clamávit, dicens: Dómine, salvum me fac. Et continuò Jesus exténdens manum, apprehéndit eum: & ait illi: Módicæ fidei, quare dubitásti? Et cùm ascendisset in navículam, cessávit ventus. Qui autem in navícula erant, venérunt, & adoravérunt eum, dicéntes: Verè Fílius Dei es. **Credo.**

Offertorium. Psal. 149. Exultábunt Sancti in glória, lætabúntur in cubilibus suis, exaltatióes Dei in fáucibus eórum.

Secreta.

Offerimus tibi Dómine, preces, & múnera: quæ, ut tuo sint digna conspéctu, Apostolórum tuórum Petri, & Pauli précibus adjuvémur. Per Dóminum nostrum.

Præfatio de Apostolis. fol. 184.

Communio. Sap. 3. Iustórum animæ in manu Dei sunt, & non tanget illos tormentum malitiæ: visi sunt oculis insipientium mori; illi autem sunt in pace.

Postcommunio.

Prótege Dómine, pópulum tuum: & Apostolórum tuórum Petri, & Pauli patrocínio confidétem, perpétua, defénsiõe consérva. Per Dóminum.

Die

Die vii. Julii.

IN FESTO S. WILLEBALDI
Episcopi & Confessoris.Missæ. S tâtuit ei. de Comuni Conf.
Pontif. fol. xii. Oratio.

DA, quæsumus omnipotens Deus: ut qui beati Willebaldi Confessoris tui, atque Pontificis solémnia cõlimus, ejus apud te intercessionibus adjuvémur. Per Dóminum nostrum Jesum Christum Fílium tuum: Qui tecum.

Die viii. Julii.

IN FESTO SANCTI CHILLIANI
Episc. & mart. Missæ. S tâtuit ei Dómi-

nus. de Comuni unius Mart. Pont. fol. ii.

Die ix. Julii.

IN FESTO S. ELISABETH

Reginæ Portugalliæ viduæ, Missæ. Cognóvi. ut in Comuni nec Virginum nec Martyrum. Oratio.

Clementissime Deus, qui beatam Elisabeth Reginam, inter ceteras egregias dotes, bellici furoris sedandi prærogativa decorasti: da nobis ejus intercessione post mortális vitæ, quam suppliciter pétimus, pacem, ad æterna gaudia pervenire. Per Dóminum.

Die x. Julii.

IN FESTO SS. SEPTEM FRATRUM,

ac Rufinæ & Secundæ virginum & martyrum. Introitus. Psal. 112.



Audáte púeri Dóminum, laudáte nomen Dómini: qui habitare facit stérilem in domo, matrem filiorum lætántem.

Psalm. ibid. S it nomen Dómini benedictum: ex hoc nunc, & usque in sæculum.

✠. Glória Patri.

Oratio.

PRæsta quæsumus omnipotens Deus: ut qui gloriosos Mártyres, fortes in sua confessione cognóvimus, pios apud te in nostra intercessione sentiámus. Per Dóminum.

Lectio libri Sapiéntiæ. Prov. 31. b.

Mulserem fortem quis invéniet? procul, & de últimis finibus præ-tium ejus. Confidit in ea cor viri sui, &

spóliis non indigébit. Reddet ei bonum, & non malum, omnibus diébus vitæ suæ. Quæsiuit lanam, & linum, & operata est consilio mánuum suárum. Facta est quasi navis institoris, de longè portans panem suum. Et de nocte surrexit, deditque prædam domésticis suis, & cibária ancillis suis. Consideravit agrum, & emit eum: de fructu mánuum suárum plantavit vineam. Accinxit fortitudine lumbos suos, & roboravit bráchium suum. Gustavit, & vidit, quia bona est negotiatio ejus: non extinguétur in nocte lucerna ejus. Manum suam misit ad fortia, & dígití ejus apprehendérunt fustum. Manum suam aperuit inopi, & palmas suas extendit ad páuperem. Non timebit domui suæ à frigóribus nivis; omnes enim domestici ejus vestiti sunt duplícibus. Stragulátam vestem fecit sibi; byssus, & púrpura indumentum ejus. Nóbilis in portis vir ejus, quando séderit cum senatoribus terræ. Síndonem fecit, & vendidit, & cingulum tradidit Chananæo. Fortitúdo, & decor indumentum ejus, & ridebit in die novíssimo. Os suum aperuit sapiéntiæ, & lex cleméntiæ in lingua ejus. Consideravit sémitas domus suæ, & panem otíosa non comédit. Surrexérunt filii ejus, & beatíssimam prædicavérunt; vir ejus, & laudávit eam. Multæ filiæ congregavérunt divítias: tu supergréssa es univérsas. Fallax grátia, & vana est pulchritúdo: mulier timens Dóminum, ipsa laudábitur. Date ei de fructu mánuum suárum: & laudent eam in portis ópera ejus.

Graduale. Psal. 123. A nima nostra; sicut passer, erépta est de láqueo venántium. ✠. Láqueus cõtritus est, & nos liberáti sumus: adjutórium nostrum in nómine Dómini, qui fecit cælum, & terram. **A**llelúja, allelúja. ✠. Hæc est vera fraternitas, quæ vicit mundi crimina: Christum secuta est, inclyta tenens regna cœléstia. Allelúja.



Sequéntia sancti Euangélii secundum Matthæum. **Matth. 12. d**

IN illo témpore: Loquente Jesu ad turbas, ecce mater ejus, & fratres sta-

stabant foris, quærentes loqui ei. Dixit autem ei quidam: Ecce mater tua, & fratres tui foris stant, quærentes te. At ipse respondens dicenti sibi, ait: Quæ est mater mea, & qui sunt fratres mei? Et extendens manum in discipulos suos, dixit: Ecce mater mea, & fratres mei. Quicumque enim fecerit voluntatem Patris mei, qui in coelis est: ipse meus frater, & soror, & mater est.

Offertorium. Psal. 123. Anima nostra, sicut passer, erepta est de laqueo venantium: laqueus contritus est, & nos liberati sumus.

Secreta.

Sacrificiis præsentibus, quæsumus, Domine, intende placatus: & intercedentibus Sanctis tuis, devotioni nostræ proficiant, & salutem. Per Dominum.

Communio. Matth. 12. Quicumque fecerit voluntatem Patris mei, qui in coelis est: ipse meus frater, & soror, & mater est, dicit Dominus.

Postcommunio.

Quæsumus, omnipotens Deus: ut, intercedentibus Sanctis tuis, illius salutæris capiamus effectum, cujus per hæc mysteria pignus accepimus. Per Dominum nostrum.

Die xi. Julii.

SANCTI PII PAPÆ
& martyris dicitur Missa. Statuit ei Dominus. ut in Comuni unius Martyris Pontificis. fol. ii.

Die xii. Julii.

INFESTO S. JOANNIS
Gualberti Abbatis. Introitus. Psal. 36.



Qusti meditabitur sapientiam, & lingua ejus loquetur judicium: lex Dei ejus in corde ipsius.

Psal. ibid. Noli æmulari in malignantibus: neque

zelaveris facientes iniquitatem.

Glória Patri.

Oratio.

Intercessio nos, quæsumus, Domine, beati Joannis Abbatis commendet: ut quod nostris meritis non valemus, ejus patrocinio assequamur. Per Dominum nostrum.

Pro commemoratione SS. Naboris & Felicis martyrum. Oratio.

Præsta quæsumus, Domine, ut sicut nos Sanctorum martyrum tuorum Naboris, & Felicis natalitia celebranda non deserunt: ita jugiter suffragiis comitentur. Per Dominum.

Lectio libri Sapientiae.

Eccli. 45.

Dilectus Deo, & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ, & disciplinæ.

Graduale. Psal. 20. Domine, prævenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit à te, & tribuisti ei longitudinem dierum in sæculum sæculi. **A**llelúja, allelúja.

V. Psal. 91. Justus ut palma florébit, sicut cedrus Libani multiplicabitur. Allelúja.



Sequentia sancti Evangelii secundum Matthæum. **Matth. 5. g**

In illo tempore: Dixit Jesus discipulis suis: Audistis, quia dictum est: Diliges proximum tuum, & odio habebis inimicum tuum. Ego autem dico vobis: Diligite inimicos vestros, benefacite his, qui odérunt vos: & oráte pro persequentibus, & calumniantibus vos: ut sitis filii Patris vestri, qui in coelis est, qui solem suum oriri facit super bonos, & malos, & pluit super justos, & injustos. Si enim diligitis eos, qui vos diligunt, quam mercedem habebitis? nonne & publicani hoc faciunt? Et si salutaveritis fratres vestros tantum, quid amplius facitis? nonne & ethnici hoc faciunt? Estote ergo vos perfecti, sicut & Pater vester coelestis perfectus est.

Offertorium. Psal. 20. Desiderium animæ

mæ ejus tribulasti ei, Dómine, & voluntate labiõrum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Dómine, hostias superpositas sanctus Joannes Abbas quæsumus, in salutem nobis provenire deprecatur. Per Dóminum.

Pro SS. Nabore & Felice martyribus.

Secreta.

Munera plebis tuæ quæsumus, Dómine, Sanctorum martyrum tuorum Naboris, & Felicis fiant grata suffragiis: & quorum triumphis tuo nomini offeruntur, ipsorum digna perficiantur & meritis. Per Dóminum.

Communio. Luc. 12. Fidelis servus, & prudens, quem constituit Dóminus super familiam suam: ut det illis in tempore tritici mensuram.

Postcommunio.

Protegat nos, Dómine, cum tui perceptione sacramenti beatus Joannes Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dóminum.

Pro sanctis Nabore & Felice martyribus.


Postcommunio.

Natalitiis sanctorum tuorum quæsumus Dómine, & sacramenti munere vegetati: bonis, quibus per tuam gratiam nunc fovemur, perfruamur æternis. Per Dóminum.

Die xiii. Julii.

IN FESTO S. ANACLETI PAPÆ & martyris.

Introitus. Dan. 3.



Acerdotes Dei benedicite Dóminum: Sancti, & humiles corde laudate Deum. **Dan. ibid.** Benedicite omnia opera Dómini Dómino: laudate,

& superexaltate eum in sæcula.

v. Glória Patri.

Oratio.

Deus, qui nos beati Anacleti martyristui atque Pontificis annua sollemnitate lætificas: concede propitius; ut cujus natalitia colimus, de ejusdem etiam protectione gaudeamus. Per Dóminum.

Lectio Epistolæ beati Pauli Apostoli ad Corinthios.

2. Cor. 1.

Fratres, Benedictus Deus, & Pater Dómini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, qua exhortamur & ipsi à Deo. Quoniam sicut abundant passionnes Christi in nobis: ita & per Christum abundat consolatio nostra. Sive autem tribulamur pro vestra exhortatione, & salute, sive consolamur pro vestra consolatione, sive exhortamur pro vestra exhortatione, & salute, quæ operatur tolerantiam earundem passionum, quas & nos patimur: ut spes nostra firma sit pro vobis: scientes, quod sicut socii passionum estis, sic eritis & consolationis: in Christo Jesu Dómino nostro.

Graduale. Psal. 8. Glória & honore coronasti eum. **v.** Et constituisti eum super opera manuum tuarum, Dómine.

Allelúja, allelúja. **v.** Hic est sacerdos, quem coronavit Dóminus. Allelúja.



Sequentia sancti Evangelii secundum Lucam. Lucæ 14. f

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non bajulat crucem suam, & venit post me, non potest meus esse discipulus. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum; ne, posteaquam posuerit fundamentum, & non potuerit perficere, omnes qui vident, incipiant illudere ei, dicentes: Quia hic homo coepit ædificare, & non potuit consummare? Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se? alioquin adhuc illo longè agente, legationem mittens

mittens, rogat ea quæ pacis sunt. Sic ergo omnis ex vobis, qui non renúnciat omnibus, quæ possidet, non potest meus esse discipulus.

Offertorium. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **Secreta.**

M Unera tibi Dómine, dicata sanctifica: & intercedente beato Anacleto mártire tuo, atque Pontífice, per eadem nos placatus inténde. Per Dñm.

Communio. Psalm. 20. Posuisti Dómine, in capite ejus coronam de lapide pretioso. **Postcommunio.**

Hæc nos communio, Dómine, purget à crimine: & intercedente beato Anacleto mártire tuo atque Pontífice, coeléstis remédii faciat esse consórtes. Per Dóminum.

Die xiv. Julii.

IN FESTO S. BONAVENTURÆ
Episcopi & Confessoris.

Introitus. Eccli. 15.



In medio Ecclesiæ aperuit os ejus: & implévit eum Dóminus spiritu sapiéntiæ & intelléctus: stolam glóriæ induit eum.

Psal. 91. Bonum est confiteri Dómino: & psállere nómini tuo, Altíssime. **Oratio.**

Deus, qui pópulo tuo æternæ salutis beátum Bonaventúram ministrum tribuisti: præsta quæsumus; ut quem Doctórem vitæ habuimus in terris, intercessórem habere mereámur in coelis. Per Dóminum.

Lectio Epístolæ beati Pauli Apóstoli ad Timótheum. **2. Tim. 4.**

Charíssime, Testificor coram Deo, & Jesu Christo, qui judicáturus est vivos & mórtuos, per advéntum ipsius, & regnum ejus: prædica verbum, instat oportúnè, importúnè: argue, óbsecra, increpa in omni paciéntia, & doctrína. Erit enim tempus, cum sanam doctrinam non sustinébunt: sed ad sua desidéria coacervábunt sibi magístros, pruriéntes áuri. Miss. Monast.

bus, & à veritate quidem audítum avértent, ad fábulas autem converténtur. Tu verò vígila, in omnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coroná justítiæ, quam reddet mihi Dóminus in illa die, justus judex: non solúm autem mihi, sed & iis, qui dilígunt advéntum ejus.

Graduale. Psal. 36. Os justí meditábitur sapiéntiam, & lingua ejus loquétur júdicium. **V.** Lex Dei ejus in corde ipsíus: & non supplantabúntur gressus ejus.

Allelúja, allelúja. **V. Psal. 109.** Jurávit Dóminus, & non poenitébit eum: Tu es sacerdos in ætérnum, secúndum ór-dinem Melchisedech. Allelúja.



Sequéntia sancti Euangélíi secúndum Matthæum. **Matth. 5. b**

In illo témpore: Dixit Jesus discíplis suis: Vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculetur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum: ut luceat omnibus, qui in domo sunt. Sic luceat lux vestra coram homínibus, ut vídeant ópera vestra bona, & gloríficent Patrem vestrum, qui in coelis est. Nolíte putáre quóniam veni sólvere legem, aut Prophétas: non veni sólvere, sed adimplére. Amen quippè dico vobis, donec tránseat coelum & terra, ióta unum, aut unus apex non præteríbit à lege, donec ómnia fiant. Qui ergo sólverit unum de mandátis istis mínimis, & docúerit sic homines, mínimus vocábitur in regno coelórum: qui autem fécerit & docúerit, hic magnus vocábitur in regno coelórum. **C**redo.

Offertorium. Psalm. 88. V éritas mea, & misericórdia mea cum ipso: & in nómine meo exaltábitur cornu ejus.

Cc

Se-

Secreta.

SAncti Bonaventuræ Confessoris tui atque Pontificis, quæsumus Dómine, annua solémnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dóminum.

Communio. Lucæ 2. Fídelis servus & prudens, quem constituit dóminus super familiam suam: ut det illis in tēpore tritici mensuram.

Postcommunio.

Deus, fídelium remunerátor animarum, præsta: ut beati Bonaventuræ Confessoris tui atque Pontificis, cujus venerandam celebramus festivitatem, precibus indulgéntiam consequámur. Per Dóminum.

Die xv. Julii.

IN FESTO S. HENRICI
Confessoris. **Missa.** Os justi. **ut in Comuni Confess. non Pontif. fol. xv. præter Orationem sequentem.** **Oratio.**

Deus, qui hodierna die beátum Henricum Confessorem tuum, è terrēni cúlmine Impérii ad regnum ætérnum transtulisti: te supplices exorámus; ut sicut illum, gratiæ tuæ ubertate præventum, illécebras sæculi superáre fecisti; ita nos fácias, ejus imitatione, mundi hujus blandiménta vitáre, & ad te puris méntibus pervenire. Per Dóminum.

Die xvi. Julii.

IN FESTO COMMÉMORATIONIS
solemnis beatissimæ virginis Mariæ de Monte Carmelo. **Introitus.**



Audeámus omnes in Dómino, diem festum celebrántes, sub honóre beátæ Mariæ vírginis: de cujus sollemnitate gaudent Angeli, & colláudant Fílium Dei. **Psal. 44.** Eruetávit cor meum verbum bonum: dico ego ópera mea Regi.

v. Glória Patri.

Oratio.

Deus, qui beatissimæ semper vírginis & Genitricis tuæ Mariæ singulári

título Carméli Ordinem decorásti: concéde propítius; ut cujus hódie commemoratióem solémni celebrámus officio, ejus muniti præsidis, ad gáudia sempitérna pervenire mereámur. Qui vivis & regnas.

Lectio libri Sapiéntiæ. **Eccli. 24. c.**

EGo quasi vitis fructificávi suavitatem odóris: & flores mei fructus honóris, & honestátis. Ego mater pulchræ dilectiōis, & timóris, & agnitiónis, & sanctæ spei. In me grátia omnis viæ & veritátis, in me omnis spes vitæ & virtútis. Transíte ad me omnes qui concupiscitis me, & à generatiōibus meis implémini. Spíritus enim meus super mel dulcis, & hæreditas mea super mel, & favum. Memória mea in generatiōes sæculórum. Qui edunt me, adhuc esúrient: & qui bibunt me, adhuc sitient. Qui audit me, non confundetur: & qui operántur in me, non peccábunt. Qui elúcidant me, vitam ætérnam habébunt.

Graduale. Benedícta & venerábilis es virgo María, quæ sine tactu pudóris, inventa es Mater Salvatóris. **v.** Virgo, Dei Génitrix, quem totus non capit orbis, in tua se clausit víscera, factus homo. **Allelúja, allelúja.**

v. Per te Dei Génitrix nobis est vita pérdita data: quæ de cœlo suscepisti prolem; & mundo genuisti Salvátorem. **Allelúja.**



Sequentia sancti Euangélii secundum Lucam. Lucæ 11.

IN illo tēpore: Loquente Jesu ad turbas, extóllens vocem quædam mulier de turba, dixit illi: Beátus venter qui te portávit, & úbera quæ suxisti. At ille dixit: Quinimò beati, qui audiunt verbum Dei, & custódiunt illud. **Credo.**

Offertorium. Recordáre virgo Mater, in conspéctu Dei, ut loquáris pro nobis bona: & ut avértat indignatióem suam à nobis. **Secreta.**

Sanctifica, Dómine quæsumus, oblásta libámina: & beátæ Dei Genitricis Ma-

Mariae saluberrima intercessione, nobis salutaria fore concede. Per eundem Dominum.

Præfatio. Et te in Commemoratione beatae Mariae. fol. 183.

Communio. Regina mundi dignissima, Maria virgo perpetua, intercede pro nostra pace & salute, quæ genuisti Christum Dominum Salvatorem omnium.

Postcommunio.

Adjuvet nos, quæsumus Domine, gloriæ tuæ Genitricis, semperque virginis Mariæ intercessio veneranda: ut quos perpetuis cumulavit beneficiis, à cunctis periculis absolutos sua faciat pietate concordes. Qui vivis & regnas, &c.

Die xvii. Julii.

IN FESTO S. LEONIS IV.

Papæ & Confessoris.


Missa. S. tatus. **de Comuni Confess. Pontificis.** fol. xii. **Oratio.**

Preces populi tui supplicantis, quæsumus Domine, propitius respice: & intercessione beati Leonis Confessoris tui atque Pontificis, cujus hodie solennia colimus, flagella tuæ iracundiæ, quæ pro peccatis nostris meremur, averte. Per Dominum.

Die xviii. Julii.

IN FESTO SANCTI ALEXII

Confessoris. Introitus. Psal. 36.



O justi meditabitur sapientiam: & lingua ejus loquetur judicium: lex Dei ejus in corde ipsius.

Psal. ibid. Noli æmulari in malignantibus: neque zelaveris facientes iniquitatem.

v. Gloria Patri. Oratio.

Deus, qui nos beati Alexii Confessoris tui annua solemnitate lætificas: concede propitius; ut cujus natalitia colimus, etiam actiones imitemur. Per Dominum nostrum.

Et fit commem. S. Symphoræ cum septem Filiis martyribus, Orationes sumantur ex Missa propria, ut infra.

Lectio Epistolæ beati Pauli Apostoli ad Timotheum. **1. Tim. 6. b**

Charissime, Est quæstus magnus pietas cum sufficientia. Nihil enim intulimus in hunc mundum: haud dubium, quod nec auferre quid possumus. Habentes autem alimenta, & quibus tegamur, his contenti sumus. Nam qui volunt divites fieri, incidunt in tentationem, & in laqueum diaboli, & desideria multa inutilia, & nociva, quæ mergunt homines in interitum, & perditionem. Radix enim omnium malorum est cupiditas: quam quidam appetentes, erraverunt à fide, & inseruerunt se doloribus multis. Tu autem, o homo Dei, hæc fuge, sedare verò justitiam, pietatem, fidem, charitatem, patientiam, mansuetudinem. Certa bonum certamen fidei, apprehende vitam æternam.

Graduale. Psal. 91. Justus ut palma florebit: sicut cedrus Libani multiplicabitur in domo Domini. **v.** Ad annuntiandum manè misericordiam tuam, & veritatem tuam per noctem. **A**llelúja, allelúja. **v. Jac. 1.** Beatus vir, qui suffert tentationem: quoniam cum probatus fuerit, accipiet coronam vitæ. Allelúja.



Sequentia sancti Evangelii secundum Matthæum. **Matth. 19. d**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Laudis tibi, Domine, hostias immolamus, in tuorum commemoratione Sanctorum: quibus nos & presentibus

tibus exui malis confidimus, & futuris. Per Dóminum.

Communio. *Matth. 24.* Beátus servus, quem, cum vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

Refécti cibo, potúque coelésti, Deus noster, te súpplices exorámus: ut in cuius hæc commemoratióne percépimus, ejus muniámur & précibus. Per Dóminum nostrum.

MISSA SANCTÆ SYMPHOROSÆ cum Septem Filiis martyribus.

Introitus. *Psal. 33.*



Lamavérunt justí, & Dóminus exaudivit eos: & ex ómnibus tribulatióibus eórum liberávit eos.

Psalms ibid. Benedícam Dóminum in omni témpore: semper laus ejus in ore meo.

Gloria Patri. **Oratio.**

Deus, qui nos concédis Sanctórum mártýrum tuórum, Symphorósæ, & filiórum ejus, natalítia cólere: da nobis in æténa beatitúdine de eórum societáte gaudére. Per Dóminum.

Epístola. Sancti per fidem, ut in festo SS. Fabiani & Sebastiani 20. Januarii.

Graduale. *Psal. 132.* Ecce quàm bonum, & quàm jucúndum habitáre fratres in unum. **V.** Sicut unguéntum in cápite, quod descéndit in barbam, barbam Aaron. **A.** llelúja, allelúja.

V. Hæc est vera fraternitas, quæ vicit mundi crimina: Christum secúta est, inclyta tenens regna coeléstia. Allelúja.

Euangelium. Atténdite à fermento. ut in festo SS. Dionysii & sociorum martyr die 9. Octobris.

Offertorium. *Psal. 31.* Lætámini in Dómino, & exultáte justí: & gloriámini omnes recti corde. **Secreta.**

Munera tibi, Dómine, nostræ devotiónis offerimus: quæ & pro tuórum tibi grata sint honóre justórum, & nobis salutária, te miseránte, redántur. Per Dóminum.

Communio. *Matth. 12.* Quicumque fécerit voluntátem Patris mei, qui in coelis est: ipse meus frater, & soror, & mater est, dicit Dóminus.

Postcommunio.

Præsta nobis, quæsumus Dómine, intercedéntibus sanctis martyribus tuis Symphorósa & filiis ejus: ut, quod ore contíngimus, pura mente capíamus. Per Dóminum.

Die xix. Julii.

IN FESTO SANCTI VINCENTII

à Paulo, Confessoris.

Missa. Os justí. de Comuni Confessoris non Pontificis. fol. xv. præter Oratiónem, & Euangelium. **Oratio.**

Deus, qui ad euangelizándum pauperibus, & Ecclesiástici Ordinis decórem promovéndum, beátum Vincentium Apostólica virtúte roborásti: præsta, quæsumus; ut, cuius pia mérita venerámur, virtútum quoque instruímur exémpis. Per Dóminum.

Euangelium. Designávit Dóminus, ut in Festo S. Ignatii Confessoris, die 31. hujus Mensis.

Die xx. Julii.

SANCTÆ MARGARITÆ

virginis & martyris, dicitur Missa.

Me expectavérunt. de Comuni Virginum & Martyrum. fol. xvii.

Die xxi. Julii.

S. PRAXEDIS VIRGINIS.

Introitus. *Psal. 118.*



Oquébar de testimoniis tuis in conspéctu regum, & non confundébar: & meditábar in mandátis tuis, quæ diléxi nimis.

Psal. ibid. Beáti immaculáti in via, qui ámbulant in lege Dómini.

Gloria Patri. **Oratio.**

Exáudi nos Deus salutár is noster: ut sicut de beátæ Praxedis virginis tuæ festivitáte gaudémus, ita piæ devotiónis crudiámur afféctu. Per Dóminum.

Epístola. De Virgínibus præcéptum Dómini. de Comuni.

Gra-

Graduale. Psal. 44. Dilexisti iustitiam, & odisti iniquitatem. *Ps.* Propterea unxit te Deus, Deus tuus, oleo lætitiæ. Allelúja, allelúja. *Ps.* Spécie tua, & pulchritudine tua, inténde, prospere procéde, & regna. Allelúja.

Euangelium. Simile est regnum cœlorum thesauro abscondito. *ut in Comuni Virg. & Martyr. fol. xx.*

Offertorium. Psal. 44. Diffusa est grátia in lábiis tuis: propterea benedixit te Deus in ætérnum, & in sæculum sæculi. *Secreta.*

Accépta tibi sit, Dómine, sacratæ plebis oblátio, pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum.

Cómunio. Matth. 13. Simile est regnum cœlorum hómini negotiátóri, quærénti bonas margarítas: invénta una pretiósa margaríta, dedit ómnia sua, & comparávit eam. *Postcommunio.*

Satiásti, Dómine, familiam tuam munéribus sacris: ejus, quæsumus semper interventióne nos réfove, cujus solémnia celebrámus. Per Dóminum.

Die xxii. Julii.

**IN F E S T O S. M A R I Æ
Magdalenæ. Introitus. Psal. 118.**



Expectavérunt peccátóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis.

Psal. ibid. Beáti immaculáti in via: qui ámbulant in lege Dómini.

Ps. Glória Patri. *Oratio.*

Beatæ Mariæ Magdalénæ, quæsumus, Dómine, suffrágis adjuvémur: cujus précibus exorátus, quatríduanum fratrem Lázarum vivum ab ínferis resuscitásti. Qui vivis & regnas cum Deo Patre.

Lectio libri Sapiéntiæ. *Cant. 3.*

Surgam, & circuibo civitatem: per vicos, & plateas quæram, quem diligit anima mea: quæsi vi illum, & non invéni. Invenérunt me vígiles, qui custó-

Miss. Monast.

diunt civitatem: Num quem diligit anima mea, vidístis? Paululum cum pertransissem eos, invéni, quem diligit anima mea: tenui eum, nec dimittam, donec introducam illum in domum matris meæ, & in cubiculum genitrícis meæ. Adjúro vos, filiæ Jerúsalem, per cápreas, cervósque campórum, ne fuscitétis, neque evigilare faciátis dilectam, donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors dilectio: dura sicut inférnus æmulatio: lámpades ejus, lámpades ignis, atque flammárum. Aquæ multæ non potuerunt extingueré charitatem, nec flúmina óbrent illam: si dederit homo omnem substantiam domus suæ pro dilectióne, quasi nihil despiciet eam.

Graduale. Psal. 44. Dilexisti iustitiam, & odisti iniquitatem. *Ps.* Propterea unxit te Deus, Deus tuus, oleo lætitiæ.

Allelúja, allelúja. Ps. Diffusa est grátia in lábiis tuis: propterea benedixit te Deus in ætérnum. Allelúja.



Sequéntia sancti Euangélíi secúndum Lucam. *Lucæ 7. f*

In illo témpore: Rogábat Jesum quidam de Pharisæis, ut manducáret cum illo. Et ingressus domum Pharisei discubuit. Et ecce múlíer, quæ erat in civitate peccátrix: ut cognóvit, quòd accubuíssset in domo Pharisei, attulit alabástrum unguénti: & stans retrò secus pedes ejus, lácrymis coepit rigáre pedes ejus, & capillis capitis sui tergébat, & osculabátur pedes ejus, & unguénto ungebát. Videns autem Phariseus, qui vocáverat eum, ait intra se, dicens: Hic si esset Prophéta, sciret útique, quæ, & qualis est múlíer, quæ tangit eum: quia peccátrix est. Et respóndens Jesus, dixit ad illum: Simon, hábeo tibi áliquíd dicere. At ille ait: Magíster, dic. Duo debitóres erant cuídám scénératori: unus debébat denários quingéntos, & álius quinquaginta. Non habéntibus illis unde rédderent, donávit utrísque. Quis ergo eum plus diligit? Respóndens Simon, dixit: Æstimo, quia is, cui plus doná-

donavit. At ille dixit ei: Rectè judicasti. Et conversus ad mulierem, dixit Simóni: Vides hanc mulierem? Intravi in domum tuam, aquam pedibus meis non dedisti: hæc autem lacrymis rigavit pedes meos, & capillis suis terxit. Osculum mihi non dedisti: hæc autem, ex quo intravit, non cessavit osculari pedes meos. Oleo caput meum non unxisti: hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata tua. Et coeperunt qui simul accumbabant, dicere intra se: Quis est hic, qui etiam peccata dimittit? Dixit autem ad mulierem: Fides tua te salvam fecit: vade in pace. **Dicitur Credo.**

Offertorium. Psalm. 44. Filia regum in honore tuo: astitit regina à dextris tuis in vestitu deaurato, circumdata varietate. **Secreta.**

Munera nostra, quæsumus Domine, beatæ Mariæ Magdalænæ gloriosa mérita tibi reddant accepta: cujus oblationis obsequium Unigenitus Filius tuus clementer suscepit impensum. Qui tecum vivit & regnat.

Communio. Psal. 118. Feci iudicium, & justitiam Domine, non calumniéntur mihi superbi: ad omnia mandata tua dirigébar, omnem viam iniquitatis odio habui. **Postcommunio.**

Sumpto quæsumus, Domine, único ac salutari remedio, corpore & sanguine tuo pretioso: ab omnibus malis, sanctæ Mariæ Magdalænæ patrocinis, eruamur. Qui vivis & regnas.

Die xxiii. Julii.

IN FESTO S. APOLLINARIS

Episc. & mart. Introitus. Dan. 3.



Acerdotes Dei benedicite Dominum: Sancti, & humiles corde laudate Deum. **Dan. ibid.** Benedicite omnia opera Domini Domino: laudate, & superexaltate eum in sæcula.

Glória Patri.

Oratio.

Deus, fidélium remunerátor animárum, qui hunc diem beáti Apollináris sacerdotis tui martyrio consecrásti: tribue nobis, quæsumus, famulis tuis; ut cujus venerándam celebrámus festivitátem, précibus ejus indulgéntiam consequámur. Per Dóminum.

Pro commemor. S. Libotii. Oratio.

DA, quæsumus omnipotens Deus: ut beáti Libórii Confessoris tui atque Pontíficis veneránda solémnitas, & devotiónem nobis áugeat & salútem. Per Dóminum nostrum.

Lectio Epístolæ beáti Petri Apóstoli.

1. Petri 5.

Charíssimi, Seniores, qui in vobis sunt, obsecro, consénior, & testis Christi passiónum: qui & ejus, quæ in futuro revelánda est, glóriæ comunicátor: páscite, qui in vobis est, gregem Dei, providéntes non coáctè, sed spontáneè secúndum Deum: neque turpis lucri grátra, sed voluntáriè: neque ut dominántes in cleris, sed forma facti gregis ex ánimo. Et cum apparúerit princeps pastórum, percipiétis immarcescibilem glóriæ coronam. Simíliter adoléscentes súbditi estóte seníoribus. Omnes autem invicem humilitátem insinuáte, quia Deus superbis resístit, humílibus autem dat grátiam. Humiliámini igitur sub poténti manu Dei, ut vos exáltet in témpore visitatiónis: omnem sollicitúdinem vestram projiciéntes in eum, quoniam ipsi cura est de vobis. Sóbrii estóte, & vigiláte: quia adversárius vester diábolus, tamquam leo rúgiens circuit, quærens quem devoret: cui resístite fortes in fide: sciéntes eámdem passiónem ei, quæ in mundo est, vestræ fraternitati fieri. Deus autem omnis grátiae, qui vocávit nos in ætérnam suam glóriam in Christo Jesu, módicum passos ipse perficiet, confirmábit, solidabítque. Ipsi glória, & impérium in sæcula sæculórum. Amen.

Graduale. Psal. 88. Inveni David servum meum, oleo sancto meo unxi eum: manus enim mea auxiliábitur ei, & bráchium meum confortábit eum. **¶ Nihil pro-**

proficiet inimicus in eo, & filius iniquitatis non nocébit ei. **A**llelúja, allelúja.

Psalmus 109. Jurávit Dóminus, & non pœnitébit eum: Tu es sacerdos in ætérnum, secúndum órđinem Melchisedech. Allel.



Sequéntia sancti Euangélíi secúndum Lucam. Lucæ 22. c

IN illo témpore: Facta est conténtio inter discipulos, quis eórum viderétur esse major. Dixit autem eis Iesus: Reges Géntium dominántur eórum: & qui potestátem habent super eos, benéfíci vocántur. Vos autem non sic: sed qui major est in vobis, fiat sicut minor: & qui præcéssor est, sicut ministrátor. Nam quis major est, qui recúmbit, an qui ministrat? nóne, qui recúmbit? Ego autem in médio vestrúm sum, sicut qui ministrat: vos autem estis, qui permansístis mecum in tentatiónibus meis. Et ego dispóno vobis, sicut dispósuit mihi Pater meus regnum, ut edátis, & bibátis super mensám meam in regno meo: & sedeátis super thronos, judicántes duódecim tribus Israel.

Offertorium. Psalmus 88. Véritas mea, & misericórdia mea cum ipso: & in nómine meo exaltábitur cornu ejus. **Secreta.**

Respice, Dómine, propítius super hæc múnera, quæ pro beáti Sacerdótis & mártiris tui Apollínaris commemoratione deferimus, & pro nostris offensionibus immolámus. Per Dóminum.

Pro S. Liborio. Secreta. Sancti tui, quæsumus, Dómine, nos ubique lætificent: ut dum eórum mérita recólimus, patrocínia sentiámus. Per Dóminum.

Communio. Matthæus 25. Dómine, quinque talénta tradidísti mihi, ecce ália quinque superlucrátus sum: euge, serve bone, & fidélis: quia in pauca fuísti fidélis, supra multa te constituam: intra in gáudium Dómini tui. **Postcommunio.**

Tua sancta suméntes, quæsumus, Dómine, ut beáti Apollínaris nos foveant continuáta præsídia: quia non desinis propítius intueri quos talibus auxiliis concesseris adjuvári. Per Dóminum.

Pro S. Liborio. Postcommunio.

Præsta quæsumus omnipotens Deus: ut de percéptis munéribus grátias exhibéntes, intercedente beáto Libório Confessóre tuo atque Pontífice, beneficia potióra sumámus. Per Dóminum.

¶ Si festum S. Jacobi venerit FERIA II. de ejus Vigilia fiat commemoratio in Sab-bato, in quo celebratur festum S. Apollínaris, cum commemoratione dictæ Vigiliæ ut infra, & S. Liborii, pro quo tunc dicatur Oratio. **E**xáudi quæsumus. de Comuni Confessoris Pontificis. fol. xiii. propter identitatem Orationis dictæ Vigiliæ, cum ejus Euangelio in fine Missæ. In Ecclesiis autem Cathedralibus & Collegiatis dicuntur duæ Missæ, una de S. Apollinare cum commemoratione S. Liborii; & altera de Vigilia, Oratio II. de B. M. **C**oncède nos. tertia, Ecclesiæ. Vel pro Papa: & in fine utriusque Euangelium S. Joannis.

Die xxiv. Julii.

IN VIGILIA S. JACOBI

Apostoli.

Introitus.

Psalmus 51.



Ego autem sicut olíva fructífera in domo Dómini, sperávi in misericórdia Dei mei: & expectábo nomen tuum, quóniam bonū est ante conspéctum Sanctórum tuórum. **Psalmus ibid.** Quid gloriáris in malítia, qui potens es in iniquitate? **G**lória Patri.

Non dicitur Glória in excélsis. Oratio. DA, quæsumus omnipotens Deus: ut beáti Jacóbi Apóstoli tui, quam prævenimus, veneránda solémnitas, & devotiónem nobis áugeat, & salútem. Per Dóminum nostrum.

Pro commem. sanctæ Christinæ virginis & martyris. Oratio.

Indulgéntiam nobis quæsumus Dómine, beáta Christína virgo & mártyr implóret: quæ tibi grata semper extitit & mérito castitátis, & tuæ professione virtútis.

De beata Maria. Oratio.

Concède nos famulos tuos, quæsumus Dómine Deus, perpétua mentis,

tis, & corporis sanitate gaudere: & gloriosa beatæ Mariæ semper virginis intercessione, à præsentis liberari tristitia, & æterna perfrui lætitia. Per Dñm.

Lectio libri Sapientie. **Eccli. 44 d**

Benedictio Dñi super caput iusti. Ideò dedit illi Dñus hæreditatem, & divisit illi partem in tribubus duodecim: & invenit gratiam in conspectu omnis carnis. Et magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Et dedit illi coram præcepta, & legem vitæ & disciplinæ: & excelsum fecit illum. Statuit ei testamentum æternum, & circumcinxit eum zona iustitiæ: & induit eum Dñus coronam gloriæ.

Graduale. Psal. 91. Justus ut palma florebit: sicut cedrus Libani multiplicabitur in domo Dñi. **v.** Ad annuntiandum manè misericordiam tuam, & veritatem tuam per noctem.



Sequentia sancti Evangelii secundum Joannem. **Joann. 15. b**

In illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid faciat dominus ejus. Vos autem dixi amicos: quia omnia, quæcúmque audivi à Patre meo, nota feci vobis. Non vos me elegistis: sed ego elegi vos, & posui vos, ut eatis, & fructum afferatis, & fructus vester maneat: ut quodcúmque petieritis Patrem in nomine meo, det vobis.

Offertorium. Psalm. 8. Gloria & honore coronasti eum: & constituisti eum super opera manuum tuarum, Dñe.

Secreta.

Apostolici reverentia culminis offerentes tibi sacra mysteria, Dñe

mine, quæsumus: ut beati Jacobi Apostoli tui suffragiis, cujus natalitia prævenimus, plebs tua semper & sua vota deprómat, & desiderata percipiat. Per Dñm.

Pro S. Christina. Secreta.

Hostias tibi, Dñe. beatæ Christinæ virginis & martyris tuæ dicatas méritis benignus assume: & ad perpetuum nobis tribue provenire subsidium.

De sancta Maria. Secreta.

Tua, Dñe. propitiatióne, & beatæ Mariæ semper virginis intercessióne ad perpetuam, atque præsentem hæc oblatio nobis proficiat prosperitatem, & pacem. Per Dñm.

Communio. Psal. 20. Magna est gloria ejus in salutari tuo: gloriam, & magnum decorem impones super eum Dñe.

Postcommunio.

Sancti Apostoli tui Jacobi quæsumus, Dñe, supplicatióne placatus: & veniam nobis tribue, & remédia sempiterna concede. Per Dñm.

Pro S. Christina. Postcommunio.

Divini muneris largitate satiati, quæsumus Dñe Deus noster: ut, intercedente beatá Christina virgine & martyre tua, in ejus semper participatione vivamus.

De S. Maria. Postcommunio.

Sumptis, Dñe, salutis nostræ subsidiis: da quæsumus, beatæ Mariæ semper virginis patrocinis nos ubique protegi, in cujus veneratione, hæc tuæ obtulimus majestati. Per Dñm.

¶ Si festum sancti Jacobi venerit Feria secunda, de Vigilia sit commemoratio in Sabbato in Missa sancti Apollinaris, & de S. Christina in Dominica.

Die xxv. Julii.

I N F E S T O S . J A C O B I

Apostoli. Introitus. Psal. 138.



Ihi autem nimis honorati sunt amici tui Deus: nimis confortatus est principatus eorum.

Psal. ibid. Dñe probasti me, & cognovisti me: tu cognovisti sessio-

feffionem meam, & resurrectionem meam. *Glória Patri.* *Oratio.*

E Sto, Domine, plebi tuæ sanctificator, & custos: ut Apostoli tui Jacobi munita præsidiis, & conversatione tibi placeat, & secūra mente deserviat. Per Dominum.

In Missis privatis pro commemor. S. Christophori martyris. *Oratio.*

Praesta quæsumus omnipotens Deus: ut qui beati Christophori martyris tui natalitia colimus, intercessionem ejus in tui nominis amore roborémur. Per Dñm.

Lectio Epistolæ beati Pauli Apostoli ad Corinthios. *1. Cor. 4. b*

Fratres, Puto, quod Deus nos Apostolos novissimo ostendit, tamquam morti destinatos: quia spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam & esurimus, & sitimus, & nudi sumus, & colaphis cedimur, & instabiles sumus, & laboramus operantes manibus nostris: maledicimur & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos charissimos moneo. Nam si decem millia paedagogorum habeatis in Christo, sed non multos patres. Nam in Christo Jesu per Evangelium ego vos genui.

Graduale. Psal. 44. Constitues eos principes super omnem terram: memores erunt nominis tui, Domine.

Pro patribus tuis nati sunt tibi filii: propterea populi confitebuntur tibi.

Allelúja, allelúja. Joan. 15. Ego vos elegi de mundo, ut eatis, & fructum afferatis, & fructus vester maneat. Allelúja.

Sequentia sancti Evangelii secundum Matthæum. Matth. 20. c

In illo tempore: Accessit ad Jesum mater filiorum Zebedæi cum filiis suis, adorans, & petens aliquid ab

eo. Qui dixit ei: Quid vis? Ait illi: Dic, ut sedeant hi duo filii mei, unus ad dexteram tuam, & unus ad sinistram in regno tuo. Respondens autem Jesus, dixit: Nescitis, quid petatis. Potestis bibere calicem, quem ego bibiturus sum? Dicunt ei: Possumus. Ait illis: Calicem quidem meum bibetis: sedere autem ad dexteram meam, vel sinistram non est meum dare vobis, sed quibus paratum est à Patre meo. **Credo.**

Offertorium. Psal. 18. In omnem terram exivit sonus eorum: & in fines orbis terræ verba eorum. *Secreta.*

Oblationes populi tui, quæsumus Domine, beati Jacobi Apostoli passio beata conciliet: & quæ nostris non aptæ sunt meritis, fiant tibi placitæ ejus deprecatione. Per Dominum.

Pro S. Christophoro mart. Secreta.

Muneribus nostris, quæsumus Domine, precibusque susceptis: & celestibus nos munda mysteriis, & clementer exaudi. Per Dominum.

Præfatio de Apostolis. fol. 184.

Communio. Matth. 19. Vos, qui secuti estis me, sedebitis super sedes, judicantes duodecim tribus Israel.

Postcommunio.

Beati Apostoli tui Jacobi, quæsumus Domine, intercessionem nos adjuva: pro cujus festivitate percipimus tua sancta lætantes. Per Dominum.

Pro S. Christophoro. Postcommunio.

Da, quæsumus Domine Deus noster: ut, sicut tuorum commemoratione Sanctorum, temporali gratulamur officio, ita perpetuo lætemur aspectu. Per Dominum.

Die xxvi. Julii.

I N F E S T O S. A N N Æ
Matris beatæ Mariæ Virginis.

Introitus.



Audeamus omnes in Domino, diem festum celebrantes sub honore beatæ Annæ: de cujus solemnitate gaudent Angeli, & collaudant Filium Dei.

Psal.

Psalmus 44. Eructavit cor meum verbum bonum: dico ego opera mea Regi. *ψ.* Glória Patri.

Oratio.

Deus, qui beatæ Annæ grâtiâ conferredignatus es, ut Genitrîcis Unigéniti Fîlii tui Mater effici mereretur: concède propitius; ut cujus solémnia celebrâmus, ejus apud te patrocîniis adjuvémur. Per eundem Dóminum.

Lectio libri Sapientiae. **Prov. 31. b**

Mulierem fortem quis invéniet? Procul, & de últimis finibus pretium ejus. Confidit in ea cor viri sui, & spóliis non indigebit. Reddet ei bonum, & non malum, omnibus diébus vitæ suæ. Quæsit lanam, & linum, & operata est consilio manuum suarum. Facta est quasi navis institóris, de longè portans panem suum. Et de nocte surrexit, deditque prædam domésticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit, & vidit, quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fulum. Manum suam aperuit inopi, & palmas suas extendit ad pauperem. Non timebit domui suæ à frigoribus nivis: omnes enim domestici ejus vestiti sunt duplicibus. Stragulatam vestem fecit sibi; byssus, & purpura indumentum ejus. Nóbilis in portis vir ejus, quando sederit cum senatoribus terræ. Sindonem fecit, & vendidit, & cingulum tradidit Chanaanæo. Fortitudo, & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt; vir ejus, & laudavit eam. Multæ filiæ congregaverunt divitias: tu supergressa es universas. Fallax grâtiâ, & vana est pulchritudo: mulier timens Dóminum, ipsa laudabitur. Date ei

de fructu manuum suarum: & laudent eam in portis opera ejus.

Graduale. Psalm. 44. Dilexisti justitiam, & odisti iniquitatem. *ψ.* Propterea unxit te Deus, Deus tuus, oleo lætitiæ. **A**llelúja, allelúja. *ψ.* Diffusa est grâtiâ in labiis tuis: propterea benedixit te Deus in ætérnum. Allelúja.



Sequentia sancti Evangelii secundum Matthæum. **Matth. 13. f**

In illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cœlorum homini negotiadori quærenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cœlorum sagænæ missæ in mare, & ex omni genere piscium congreganti. Quam, cum impleta esset, educéntes, & secus littus sedéntes, elegerunt bonos in vasa, malos autem foras miserunt. Sic erit in consummatione sæculi: Exibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cœlorum, similis est homini patrifamiliæ, qui profert de thesauro suo nova & vetera.

Offertorium. Psalm. 44. Filiæ regum in honore tuo, æstitit regina à dextris tuis in vestitu deaurato, circumdata varietate.

Secreta.

Sacrificiis præsentibus, quæsumus, Dómine, placatus inténde: ut per intercessionem beatæ Annæ, quæ Genitrîcis Fîlii tui Dómini nostri Jesu Christi mater extitit, & devotiõni nostræ proficiant, & salutí. Qui tecum vivit & regnat.

Communio. ibid. Diffusa est grâtiâ in labiis tuis, propterea benedixit te Deus in ætérnum, & in sæculum sæculi.

Post.

Postcommunio.

COElestibus sacramentis vegetati, quæsumus Dómine Deus noster: ut intercessiōe beátæ Annæ, quam Genitrícis Fílii tui matrem esse voluisti, ad ætérnam salútem pervenire mereámur. Qui tecum vivit & regnat.

Die xxvii. Julii.

¶ **Sancti Pantaleonis martyris, Missa.**
Lætábitur justus. de Comuni unius Martyris. fol. iv.

Die xxviii. Julii.

IN FESTO SS. NAZARII,
Celsi & Victoris mart. ac Innocen-
tii Papæ & Confessoris.

Introitus. Psal. 78.



Intrét in conspéctu tuo, Dómine, gémitus compeditórum: redde vicinis nostris séptuplum in sinu eórum: vñdica sánguinem Sanctorum tuorum, qui effúsus est. **Psalm. ibid.** Deus venerunt Gentes in hæreditátem tuam, polluerunt templum sanctum tuum: posuerunt Jerúsalem in pomorum custódiam.

¶ Glória Patri. Oratio.

Sanctorum tuorum nos Dómine, Nazarii, Celsi, Victoris, & Innocéntii conféssio beáta commúniat: & fragilitáti nostræ subsidium dignánte exóret. Per Dóminum nostrum.

Léctio libri Sapiéntiæ. Sap. 10. b

REddidit Deus justis mercédem laborum suorum, & deduxit illos in via mirabili: & fuit illis in velamento diéi, & in luce stellárum per noctem: tránstulit illos per Mare rubrum, & transvéxit illos per aquam nímiam. Inimicos autem illórum demérsit in mare, & ab altitúdine inferórum eduxit illos. Ideo justí tulérunt spólia impiórum, & decantavérunt, Dómine, nomen sanctum tuum, & victricem manum tuam laudavérunt páriter, Dómine Deus noster.

Graduale. Exod. 15. G loriósus Deus in Sanctis suis: mirabilis in maiestáte,

fáciens prodígia. **¶** Dextera tua Dómine, glori ficáta est in virtúte: dextera manus tua confrégit inimicos.

Allelúja, allelúja. **¶ Eccli. 44.** Corpora Sanctorum in pace sepúlta sunt: & nómina eórum vivent in generatióne, & generatióne. Allelúja.



Sequéntia sancti Euangélii secundum Lucam. **Lucæ 21. c**

IN illo témpore: Dixit Jesus discipulis suis: Cúm audiéritis prælia, & seditiónes, nolíte terréri: opórtet primúm hæc fieri, sed nondum statim finis. Tunc dicébat illis: Surget gens contra gentem, & regnum advérsus regnum. Et terræmótus magni erunt per loca, & pestiléntiæ, & fames, terrorésque de coelo, & signa magna erunt. Sed ante hæc ómnia injíciant vobis manus suas, & persequéntur, tradéntes in synagógas & custódias, trahéntes ad reges & præsides propter nomen meum: contínget autem vobis in testimónium. Pónite ergo in córdibus vestris non præmeditári quemádmódum respondeátis. Ego enim dabo vobis os & sapiéntiam, cui non póterunt resistere & contradicere omnes adversárii vestri. Tradémini autem a paréntibus, & frátribus, & cognátis, & amicis, & morte afficient ex vobis: & éritis ódio ómnibus propter nomen meum: & capillus de capite vestro non peribit. In paciéntia vestra possidebitis ánimas vestras.

Offertorium. Psal. 67. Mirábilis Deus in Sanctis suis: Deus Israel ipse dabit virtútem, & fortitúdinem plebi suæ: benedíctus Deus, allelúja.

Secreta.

Concède nobis, omnipotens Deus: ut his munéribus, quæ in Sanctorum tuorum Nazarii, Celsi, Victoris, & Innocéntii honóre deférimus, & te placémus exhibitis, & nos vivificémur accéptis. Per Dóminum.

Communio. Sap. 3. Et si coram hominibus torménta passi sunt, Deus tentávit eos: tamquam aurum in fornáce probávit eos, & quasi holocáusta accépit eos.

Post.

Postcommunio.

Sanctorum Nazarii, Celsi, Victoris, & Innocentii, Domine, intercessionem placatus: presta quaesumus; ut quod temporali celebramus actione, perpetua salvatione capiamus. Per Dominum nostrum.

Die xxix. Julii.

IN FESTO S. MARTHÆ virginis.

Introitus.

Psal. 44



Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis. **Psal. ibid.** Eructavit cor meum verbum bonum: dico ego opera mea Regi.

Glória Patri. **Oratio.**

Exaudi nos Deus salutaris noster: ut, sicut de beatæ Marthæ virginis tuæ festivitatem gaudemus, ita piæ devotionis erudiamur affectu. Per Dominum.

Pro commemor. SS. Felicis, Simplicii, Faustini, & Beatricis martyrum. Oratio.

Presta quaesumus Domine: ut sicut populus Christianus martyrum tuorum Felicis, Simplicii, Faustini, & Beatricis temporali solemnitate congruet, ita perfruatur æterna: & quod votis celebrat, comprehendat effectu.

Ad poscenda suffragia Sanctorum. Oratio.

Acunctis nos, quaesumus Domine, mentis & corporis defende periculis: & intercedente beatâ & gloriôsâ semper virgine Dei Genitrice Mariâ, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus, & pacem; ut destructis adversitatibus & erroribus universis, Ecclesia tua secûra tibi serviât libertate. Per eundem Dominum.

Lectio Epistolæ beati Pauli Apostoli ad Corinthios. **2. Cor. 10. d**

Fratres, Qui gloriatur, in Domino gloriatur. Non enim, qui seipsum commendat, ille probatus est: sed quem Deus commendat. Utinam sustineretis modicum quid insipientiæ meæ, sed &

supportate me. Emulor enim vos Dei æmulatione. Respondi enim vos uni viro virginem castam exhibere Christo.

Graduale. Psal. 44 Specie tua, & pulchritudine tua intende, prospere procede, & regna. **Ps.** Propter veritatem, & mansuetudinem, & iustitiam: & deducet te mirabiliter dextera tua.

Allelûja, allelûja. Ps. Adducuntur Regi virgines post eam: proximæ ejus afferentur tibi in lætitia. Allelûja.



Sequentia sancti Evangelii secundum Lucam. Lucæ 10. g

In illo tempore: Intravit Jesus in quoddam castellum: & mulier quædam, Martha nomine, excepit illum in domum suam, & huic erat soror nomine Maria, quæ etiam sedens secus pedes Domini, audiebat verbum illius. Martha autem satagebat circa frequens ministerium: quæ stetit, & ait: Domine, non est tibi curæ, quod soror mea reliquit me solam ministrare? dic ergo illi, ut me adjuvet. Et respondens, dixit illi Dominus: Martha, Martha, sollicita es, & turbaris erga plûrimum. Porro unum est necessarium. Maria optimam partem elegit, quæ non auferetur ab ea.

Offertorium. Psalm. 44. Filiæ regum in honore tuo: assistit regina à dextris tuis in vestitu deaurato, circumdata varietate. **Secreta.**

Accepta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Pro SS. martyribus Felice, Simplicio, Faustino, & Beatrice. Secreta.

Hostias tibi, Domine, pro Sanctorum martyrum tuorum, Felicis, Simplicii, Faustini, & Beatricis commemoratione deferimus, suppliciter deprecantes: ut indulgentiam nobis pariter conferant, & salutem.

Ad poscenda suffragia Sanctorum. Secreta.

Exaudi nos Deus salutaris noster: ut per hujus sacramenti virtutem, a cun-

cunctis nos mentis & corporis hostibus tuearis, gratiam tribuens in presenti, & gloriam in futuro. Per Dominum.

Communio. *Matth. 25.* Quinque prudentes virgines acceperunt oleum in vasis suis cum lampadibus: media autem nocte clamor factus est, ecce sponsus venit, exite obviam Christo Domino.

Postcommunio.

Satiasti, Domine, familiam tuam munere sacris: ejus, quæsumus, semper interventione nos refove, cujus sollemnia celebramus. Per Dominum.

Pro SS. martyribus Felice, Simplicio, Faustino, & Beatrice. **Postcommunio.**

Præsta quæsumus, omnipotens Deus: ut Sanctorum martyrum tuorum, Felicis, Simplicii, Faustini, & Beatricis, coelestibus mysteriis celebrata sollemnitas, indulgentiam nobis tuæ propitiationis acquirat.

Ad poscenda suffragia Sanctorum.

Postcommunio.

Mundet & muniat nos, quæsumus Domine, divini sacramenti munus oblatum: & intercedente beata virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatis, & adversitatibus expeditos. Per eundem Dominum.

Die xxx. Julii.

SS. ABDON ET SENNEN
martyrum. **Introitus.** *Psal. 78.*



Ntret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem Sanctorum tuorum, qui effusus est. *Psal. ibid.* Deus venerunt Gentes in hereditatem tuam, polluerunt templum sanctum tuum: posuerunt Jerusalem in pomorum custodiam.

Gloria Patri. **Oratio.**

Deus, qui sanctis tuis Abdon & Sennen ad hanc gloriam veniendi copiosum munus gratiæ contulisti: da famu-

lis tuis suorum veniam peccatorum; ut, Sanctorum tuorum intercedentibus meritis, ab omnibus mereamur adversitatibus liberari. Per Dominum.

Lectio Epistolæ beati Pauli Apostoli ad Corinthios. *2. Cor. 6.*

Fratres, Exhibeamus nosmetipsos sicut Dei ministros, in multa patientia, in tribulationibus, in necessitatibus, in angustis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non ficta, in verbo veritatis, in virtute Dei, per arma justitiæ a dextris, & a sinistris, per gloriam, & ignobilitatem; per infamiam, & bonam famam: ut seductores, & veraces, sicut qui ignoti, & cogniti: quasi morientes, & ecce vivimus: ut castigati, & non mortificati: quasi tristes, semper autem gaudentes: sicut egentes, multos autem locupletantes: tamquam nihil habentes, & omnia possidentes.

Graduale. *Exod. 15.* **G**loriosus Deus in Sanctis suis: mirabilis in maiestate, faciens prodigia. *ψ.* Dextera tua, Domine, glorificata est in virtute: dextera manus tua confrégit inimicos.

Allelúja, allelúja.

ψ. Sap. 3. Justorum animæ in manu Dei sunt, & non tanget illos tormentum malitiæ. **Allelúja.**

Evangelium. *V*idens Jesus turbas. *ut in Festo Omnium SS. die 1. Novembris.*

Offertorium. *Psal. 67.* **M**irabilis Deus in Sanctis suis: Deus Israel ipse dabit virtutem, & fortitudinem plebi suæ: benedictus Deus.

Secreta.

Hæc hostia, quæsumus, Domine, quam sanctorum Martyrum tuorum natalitia recensentes offerimus, & vincula nostræ pravitatis absolvat, & tuæ nobis misericordiæ dona conciliet. Per Dominum.

Communio. *Psal. 78.* **P**osuerunt mortalia servorum tuorum, Domine, escas volatilibus coeli, carnes Sanctorum tuorum bestiis terræ: secundum magnitudinem brachii tui posside filios morte punitorum.

Post-

Postcommunio.

Per hujus, Dómine, operationem mystérii, & vicia nostra purgéntur, & intercedéntibus sanctis martyribus tuis Abdon & Sennen, iusta desideria compleántur. Per Dóminum.

Die xxxi. Julii.

IN FESTO S. IGNATII
Confessoris. Introitus. Philip. 2.

In nómine Jesu omne genu flectátur, coeléstium, terréstrium, & infernórum: & omnis lingua confiteátur, quia Dóminus Jesus Christus in glória est Dei Patris. **Psal. 5.** **G**loriabúntur in te omnes, qui díligunt nomen tuum, quóniam tu benedíces iusto. **V.** Glória Patri.

Oratio.

Deus, qui ad majórem tui nóminis glóriam propagándam, novo per beátum Ignátium subsidio militántem Ecclesiám roborásti: concéde; ut ejus auxilio & imitatione certántes in terris, coronári cum ipso mereámur in coelis. Per Dóminum.

Lectio Epístolæ beáti Pauli Apóstoli ad Timótheum. **2. Tim. 2.**

Charíssime, Memor esto Dóminum Jesum Christum resurrexísse à mortuis ex sémine David secúndum Euangélium meum, in quo labóro usque ad víncula, quasi malè óperans: sed verbum Dei non est alligátum. Ideò ómnia sustíneo propter eléctos, ut & ipsi salútem consequántur, quæ est in Christo Jesu, cum glória coelésti. Tu autem affecúsus es meam doctrínam, institutionem, propósitum, fidem, longanimitátem, dilectionem, patientiam, persecutiónes, passiones: quália mihi facta sunt Antiochiæ, Iconii, & Lystri: quales persecutiónes sustínui, & ex ómnibus eripuit me Dóminus. Et omnes, qui piè volunt vívere in Christo Jesu, persecutiónem patientur.

Graduale. Psalm. 91. **I**ustus ut palma florébit: sicut cedrus Libani multiplicábitur in domo Dómini.

V. Ad annuntiándum manè misericórdiam tuam, & veritátem tuam per noctem. **A**llelúja, allelúja,

V. Jac. 1. Beátus vir qui suffert tentatióem: quóniam cum probátus fúerit; accípiet coronam vitæ. Allelúja.



Sequéntia sancti Euangélíi secúndum Lucam. **Lucæ 10.**

In illo témpore: Designávit Dóminus & álios septuagínta duos. Et misit illos binos ante faciém suam, in omnem civitátem & locum, quò erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messém suam. **Ite:** ecce ego mitto vos sicut agnos inter lupos. Nolíte portáre sácculum, neque peram, neque calceaménta: & néminem per viam salutavéritis. In quamcúmque domum intravéritis, primùm dícite: Pax huic domui: & si ibi fúerit filius pacis, requiescet super illum pax vestra: sin autem, ad vos revertétur. In eadém autem domo manéte, edéntes, & bibéntes quæ apud illos sunt: dignus est enim operárius mercéde sua. Nolíte transire de domo in domum. Et in quamcúmque civitátem intravéritis, & suscéperint vos, manducáte quæ apponúntur vobis: & curáte infirmos, qui in illa sunt, & dícite illis: Appropinquávit in vos regnum Dei.

Offertorium. Psalm. 88. **V**éritas mea, & misericórdia mea cum ipso: & in nómine meo exaltábitur cornu ejus.

Secreta.

Adsint, Dómine Deus, oblatiónibus nostris sancti Ignatii benígna suffrágia: ut sacrosáncta mystéria, in quibus omnis sanctitátis fontem constituísti, nos quoque in veritáte sanctificent. Per Dóminum.

Communio. Lucæ 12. **I**gnem veni mittere in terram, & quíd volo, nisi ut accendátur?

Postcommunio.

Laudis hóstia, Dómine, quam pro sancto Ignatio grátias ágéntes obtulimus, ad perpétuam nos Majestátis tuæ

tuæ laudationem, ejus intercessione
perducatur. Per Dominum.

FESTA AUGUSTI.

Die i. Augusti.

IN FESTO S. PETRI
ad Vincula. Introitus. Act. 12.

Unc scio verè, quia misit
Dóminus Angelum suum:
& eripuit me de manu He-
ródis, & de omni expecta-
tione plebis Judæorum.

Psalm. 138. Dómine, pro-
básti me, & cognovísti me: tu cogno-
vísti sessionem meam, & resurrecti-
onem meam.

✠ Glória Patri.

Oratio.

DEus, qui beátum Petrum Apó-
stolum à vinculis absolutum, il-
læsum abire fecísti: nostrorum, quæ-
sumus, absolve vincula peccatorum;
& ómnia mala à nobis propitiatus ex-
clúde. Per Dóminum nostrum.

Et sit commemoratio sancti Pauli.

Oratio.

DEus, qui multitudinem Géntium
beáti Pauli Apóstoli prædicati-
one docuísti: da nobis, quæsumus; ut
cujus commemorationem cólimus, ejus
apud te patrocínia sentiámus.

Deinde SS. Machabæorum mar-
tyrum. Oratio.

FRatérna nos, Dómine, mártýrum
tuórum coróná lætificet: quæ &
fidei nostræ præbeat incrementa vir-
tutum: & múltiplici nos suffrágio con-
solétur. Per Dóminum.

Lectio Actuum Apostolorum. Act. 12.

IN diébus illis: Misit Heródes rex ma-
nus, ut affligeret quosdam de Ecclé-
sia. Occidit autem Jacóbum fratrem Joán-
nis gládio. Videns autem, quia placé-
ret Judæis, appósuit ut apprehénderet
& Petrum. Erant autem dies azymó-
rum. Quem cum apprehendisset, misit
in cárcerem, tradens quátuor quaterni-
onibus militum custodiéndum, volens
post Pascha producere eum pópulo. Et
Petrus quidem servabatur in cárcere.

Oratio autem fiebat sine intermissione
ab Ecclésia ad Deum pro eo. Cum au-
tem producturus eum esset Heródes, in
ipsa nocte erat Petrus dormiens inter
duos milites, vinctus caténis duabus: &
custódes ante óstium custodiébant cár-
cerem. Et ecce Angelus Dómini ástitit:
& lumen refúlfit in habitáculo: percús-
sóque latere Petri, excitávit eum, di-
cens: Surge velociter. Et ceciderunt ca-
ténæ de manibus ejus. Dixit autem An-
gelus ad eum: Præcingere, & calcea te
cáligas tuas. Et fecit sic. Et dixit illi:
Circúmda tibi vestiméntum tuum, & sé-
quere me. Et éxiens sequebátur eum, &
nesciébát, quia verum est quod fiebat
per Angelum: existimábat autem se vi-
sum vidére. Transeúntes autem pri-
mam, & secúndam custódiam, vené-
runt ad portam férream, quæ ducit ad
civitátem: quæ ultrò apértá est eis. Et
exeúntes processérunt vicum unum: &
continúo discessit Angelus ab eo. Et Pe-
trus ad se revérsum, dixit: Nunc scio ve-
rè, quia misit Dóminus Angelum suum,
& eripuit me de manu Heródis, & de
omni expectatióne plebis Judæorum.

Graduale. Psalm. 44. Cónstitues eos
principes super omnem terram: mé-
mores erunt nóminis tui, Dómine.

✠ Pro pátribus tuis nati sunt tibi filii:
propterea pópuli confitebúntur tibi.

Allelúja, allelúja

✠ Solve jubente Deo terrarum, Petre,
caténas: qui facis, ut páteant coelé-
stia regna beátis. Allelúja.

Sequéntia sancti Euangélíi secún-
dum Matthæum. Matth. 16. d

IN illo témpore: Venit Jesus in partes
Cæsaráe Philíppi: & interrogábat
discípulos suos, dicens: Quem dicunt
hómines esse Fílium hóminis? At illi di-
xérunt: Alii Joánnem Baptístam, alii au-
tem Eliám, alii verò Jeremiám, aut unum
ex Prophétis. Dicit illis Jesus: Vos autem
quem me esse dicitis? Respóndens Simon
Petrus, dixit: Tu es Christus, Fílius Dei
vivi. Respóndens autem Jesus, dixit ei:
Beátuses Simon Bar-Jóna: quia caro, &
san-

sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc petram ædificabo Ecclesiam meam, & portæ inferi non prævalébunt adversus eam. Et tibi dabo claves regni coelorum. Et quodcúmque ligáveris super terram, erit ligátum & in coelis: & quodcúmque sólveris super terram, erit solútum & in coelis. **Credo.**

Offertorium. Psalm. 44. Constitues eos principes super omnem terram: memores erunt nóminis tui, Dómine, in omni progénie, & generatióne.

Secreta.

Oblátum tibi, Dómine, sacrificium, intercedente beáto Petro Apóstolo tuo, vivíficet nos semper, & múniat. Per Dóminum.

Pro sancto Paulo. Secreta.

Apóstoli tui Pauli précibus, Dómine, plebis tuæ dona sanctífica: ut quæ tibi tuo grata sunt institúto, gratióra fiant patrocínio supplicántis.

Pro SS. Machabæis. Secreta.

Mystéria tua, Dómine, pro Sanctórum mártýrum tuórum honore devóta mente tractémus: quibus & præsidium nobis crescat, & gáudium. Per Dóminum.

Præfatio de Apostolis. fol. 184.

Communio. Matth. 16. Tu es Petrus: & super hanc petram ædificabo Ecclesiam meam. **Postcommunio.**

Corporis sacri, & pretiósí sángxinis repléti libámine, quæsumus, Dómine Deus noster: ut quod pia devotióne gérimus, certa redemptione capiamus. Per eúmdem Dóminum.

Pro S. Paulo. Postcommunio.


Percéptis, Dómine, sacraméntis, beáto Paulo Apóstolo tuo interveniente deprecámur: ut quæ pro illius celebráta sunt glória, nobis proficiant ad medélam.

Pro SS. Machabæis. Postcommunio.

Præsta, quæsumus, omnipotens Deus: ut quorum memóriam, sacraménti participatióne recólimus, fidem quoque proficiendo lectémur. Per Dóminum.

Die ii. Augusti.

S. STEPHANI PAPÆ & martyris. Introitus. Psal. 131.



Acerdótes ejus induam salutári, & Sancti ejus exultatióne exultábunt.

Psal. ibid. Memento, Dómine David: & omnis mansuetúdinis ejus.

Glória Patri.

Oratio.

Deus, qui nos beáti Stéphaní mártýristui, atque Pontíficis ánnua solemnitate lætíficas: concéde propítius; ut cujus natalítia cólimus, de ejúsdem étiam protectiόne gaudeámus. Per Dóminum.

Lectio Actuum Apostolorum.

Act. 20. d

In diébus illis: A Miléto Paulus mittens Ephesum, vocávit Majóres natu Ecclesiæ. Qui cùm veníssent ad eum, & simul essent, dixit eis: Vos scitis à prima die, qua ingressus sum in Asiam, quáliter vobíscum per omne tempus fúerim, serviens Dómino cum omni humilitate, & lácrymis, & tentatióibus, quæ mihi acciderunt ex insídiis Judæórum: quómodo nihil subtráxerim utilium, quò minús annuntiárem vobis, & docérem vos públicè, & per domos, testíficans Judæis, atque Gentilibus in Deum poeniténtiam, & fidem in Dóminum nostrum Jesum Christum.

Graduale. Eccli. 44. Ecce sacerdos magnus, qui in diébus suis plácuít Deo.

Non est inventus similis illi, qui conserváret legem Excélsi.

Allelúja, allelúja. Psalm. 109. Tu es sacerdos in ætérnum, secúndum órđinem Melchisedech. Allelúja.

Sequéntia sancti Euangélii secúndum Matthæum. Matth. 16. d

In illo témpore: Dixit Jesus discipulis suis: Si quis vult post me veníre, abneget semetípsum, & tollat crucem suam, & sequátur me. Qui enim volúerit ánimam suam salvam fácere, perdet eam. Qui autem perdiderit ánimam suam propter me, invéniet eam. Quid enim prodest hómíni, si mundum univérsum lucré-

lucrétur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in glória Patris sui cum Angelis suis: & tunc reddet unicuique secundum opera ejus.

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Munera tibi, Dómine, dicata sanctifica: & intercedente beato Stéphano mártire tuo atque Pontífice, per eadem nos placatus inténde. Per Dñm.

Communio. Matth. 25. Dómine, quinque talenta tradidisti mihi, ecce alia quinque superlucratus sum: euge, serve bone, & fidélis: quia in pauca fuisti fidélis, supra multa te constituam: intra in gaudium Dómini tui.

Postcommunio.

Hæc nos commúnio, Dómine, purget à crimine: & intercedente beato Stéphano mártire tuo atque Pontífice, coeléstis remédii faciát esse consórtes. Per Dóminum.

Die iii. Augusti.

IN INVENTIONE S. STEPHANI

Protomartyris. Introitus. Psalm. 118.



Edérunt principes, & adversum me loquebantur: & iniqui persecúti sunt me: adjuva me, Dómine Deus meus, quia servus tuus exercebatur in tuis justificationibus.

Psalm. ibid. Beati immaculati in via: qui ambulant in lege Dómini.

Gloria Patri.

Oratio.

DA nobis, quæsumus, Dómine, imitari, quod colimus, ut discamus & inimicos diligere: quia ejus Inventionem celebramus, qui novit etiam pro persecutoribus exorare, Dóminum nostrum Jesum Christum Filium tuum. Qui tecum vivit, &c.

Secunda Oratio. A cunctis nos, fol. 412.

Tertia ad libitum.

Miss. Monast.

Lectio Actuum Apostolorum. Act. 6.6

IN diébus illis: Stéphanus plenus grátia & fortitudine, faciebat prodigia & signa magna in pópulo. Surrexerunt autem quidam de synagóga, quæ appellátur Libertinórum, & Cyrenénsium, & Alexandrinórum, & eórum, qui erant à Cilícia, & Asia, disputantes cum Stéphano: & non póterant resistere sapiéntiæ, & Spíritui, qui loquebátur. Audiéntes autem hæc, dissecabántur córdibus suis, & stridébant déntibus in eum. Cúm autem esset Stéphanus plenus Spíritu sancto, inténdens in cœlum, vidit glóriam Dei, & Jesum stantem à dextris Dei. Et ait: Ecce video cœlos apértos, & Filium hominis stantem à dextris Dei. Exclamántes autem voce magna continuérunt aures suas, & ímpetum fecérunt unánimiter in eum. Et ejicientes eum extra civitátem lapidábant: & testes deposuérunt vestimenta sua secus pedes adolescentis, qui vocabátur Saulus. Et lapidábant Stéphánnum invocántem, & dicéntem: Dómine Jesu, suscipe spíritum meum. Pósitis autem génibus, clamávit voce magna, dicens: Dómine, ne státuas illis hoc peccátum. Et cùm hoc dixisset, obdormívit in Dómino.

Graduale. Psalm. 118. S. edérunt principes, & adversum me loquebantur: & iniqui persecúti sunt me.

Adjuva me, Dómine Deus meus, saluum me fac propter misericórdiam tuam. Allelúja, allelúja.

Act. 7. Video cœlos apértos, & Jesum stantem à dextris virtútis Dei. Allelúja.



Sequéntia sancti Euangélíi secundum Matthæum. **Matth. 23. d**

IN illo témpore: Dicébat Jesus Scribis, & Phariséis: Ecce ego mitto ad vos Prophétas, & Sapiéntes, & Scribas, & ex illis occidétis, & crucifigétis, & ex eis flagellábitis in synagógis vestris, & persequémini de civitáte in civitátem: ut véniat super vos omnis sanguis justus, qui effúsus est super terram, à ságuine Abel justí usque ad ságuinem Zachariæ, filii

D d

Bara-

Barachiae, quem occidistis inter templum, & altare. Amen dico vobis, venient haec omnia super generationem istam. Ierusalem, Ierusalem, quae occidis Prophetas, & lapidas eos, qui ad te missi sunt, quoties volui congregare filios tuos, quemadmodum gallina congregat pullos suos sub alas, & noluisti? Ecce relinquetur vobis domus vestra deserta. Dico enim vobis, non me videbitis amodo, donec dicatis: Benedictus, qui venit in nomine Domini.

Offertorium. Act. 6. & 7. Elegérunt Apostoli Stephanum levitam, plenum fide, & Spiritu sancto: quem lapidaverunt Iudaei orantem, & dicentem: Domine Jesu, accipe spiritum meum, alleluja. **Secreta.**

Suscipe, Domine, munera pro tuorum commemoratione Sanctorum: ut sicut illos passio gloriosos effecit, ita nos devotio reddat innocuos. Per Dñm.

Secunda Secreta. Exaudi nos. fol. 412.

Tertia ad libitum.

Communio. Act. 7. Video coelos apertos, & Jesum stantem a dextris virtutis Dei: Domine Jesu, accipe spiritum meum, & ne statuas illis hoc peccatum.

Postcommunio.

Auxiliéntur nobis, Domine, sumpta mysteria: & intercedente beato Stephano martyre tuo, sempiterna protectione confirmet. Per Dominum.

Secunda Postcommunio. Mundet, & muniat. fol. 413. **Tertia ad libitum.**

Die iv. Augusti.

IN FESTO S. DOMINICI
Confessoris. Introitus. Psal. 36.



S justi meditabitur sapientiam, & lingua ejus loquetur judicium: lex Dei ejus in corde ipsius.

Psalm. ibid. Noli æmulari in malignantibus: neque zelaveris facientes iniquitatem.

Glória Patri.

Oratio.

Deus, qui Ecclesiam tuam beati Dominici Confessoris tui illuminare dignatus es meritis, & doctrinis: concede; ut ejus intercessione, temporalibus non

destituatur auxiliis, & spiritalibus semper proficiat incrementis. Per Dominum.

Lectio Epistolæ beati Pauli Apostoli ad Timotheum. 2. Tim. 4.

Charissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, instat opportunè, importunè: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt: sed ad sua desideria coercabunt sibi magistros, pruriéntes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam delibor, & tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die, justus judex: non solum autem mihi, sed & iis, qui diligunt adventum ejus.

Graduale. Psal. 91. Justus ut palma florebit: sicut cedrus Libani multiplicabitur in domo Domini. **Ad annuntiandum manè misericordiam tuam, & veritatem tuam per noctem. Alleluja, alleluja.**

Osée 14. Justus germinabit sicut liliolum: & florebit in æternum ante Dominum. Alleluja.



Sequentia sancti Evangelii secundum Lucam. Lucæ 12.6

In illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris: & vos similes hominibus expectantibus dominum suum quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod præcinctet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfa-

terfamilias, qua hora fur veniret, vigilaret utique, & non sineret perfodi domum suam. Et vos estote parati, quia qua hora non putatis, Filius hominis veniet.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Munera tibi, Domine, dicata sanctifica: ut meritis beati Domini Confessoris tui, nobis proficiant ad medelam. Per Dominum.

Communio. Luc. 12. Fidelis servus, & prudens, quem constituit Dominus super familiam suam: ut det illis in tempore tritici mensuram. **Postcommunio.**

Concede, quaesumus, omnipotens Deus: ut qui peccatorum nostrorum pondere premimur, beati Domini Confessoris tui patrocinio sublevemur. Per Dominum nostrum.

Die v. Augusti.

IN DEDICATIONE

Sanctae Mariae ad Nives.

Introitus.

Sedulius.



Alve sancta parens, enixa puerpera Regem: qui coelum, terramque regit in saecula saeculorum.

Psal. 44. Eruclavit cor meum verbum bonum: dico ego opera mea Regi. **Glória Patri.**

Oratio.

Concede nos famulos tuos, quaesumus Domine Deus, perpetua mentis, & corporis sanitate gaudere: & gloriosa beatae Mariae semper Virginis intercessione, a praesenti liberari tristitia, & aeterna perfrui laetitia. Per Dominum.

Lectio libri Sapientiae. Eccli. 24.

Ab initio, & ante saecula creata sum, & usque ad futurum saeculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei haereditas illius, & in plenitudine Sanctorum detentio mea.

Graduale. Benedicta, & venerabilis es, Virgo Maria: quae sine tactu pudoris, inventa es Mater Salvatoris.

Virgo Dei Genitrix, quem totus non capit orbis, in tua se clausit viscera factus homo. **Alleluja, alleluja.**

Post partum, Virgo, inviolata permansisti: Dei Genitrix, intercede pro nobis. **Alleluja.**



Sequentia sancti Evangelii secundum Lucam. Lucae 11. d.

In illo tempore: Loquente Jesu ad turbas, extollens vocem quaedam mulier de turba, dixit illi: Beatus venter, qui te portavit; & ubera, quae suxisti. At ille dixit: Quinimo beati, qui audiunt verbum Dei, & custodiunt illud.

Et dicitur Credo.

Offertorium. Luc. 1. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

Tua, Domine, propitiatione, & beatae Mariae semper Virginis intercessione ad perpetuam, atque praesentem haec oblatio nobis proficiat prosperitatem, & pacem. Per Dominum.

Praefatio de sancta Maria. Et te in festivitate beatae Mariae. fol. 183.

Communio. Beata viscera Mariae Virginis, quae portaverunt aeterni Patris Filium. **Postcommunio.**

Sumptis, Domine, salutis nostrae subsidiis: da, quaesumus, beatae Mariae semper Virginis patrocinii nos ubique protegi, in cujus veneratione, haec tuae obtulimus majestati. Per Dominum.

Die vi. Augusti.

IN FESTO TRANSFIGURATIONIS Domini Nostri Jesu Christi.

Introitus.

Psal. 76.



Luxerunt coruscationes tuae orbi terrae: commota est, & contrémuit terra.

Psal. 83. Quam dilecta tabernacula tua, Domine virtutum! concupiscit, & deficit anima mea in atria Domini.

D d 2

Gló-

Glória Patri.

Oratio.

DEus, qui fidei sacramenta, in Unigéniti tui gloriósa Transfiguratióne, patrum testimonio roborásti, & adoptionem filiorum perfectam, voce delápsa in nube lúcida, mirabiliter præsignásti: concéde propítius; ut ipsius Regis glóriæ nos cohærédes efficias, & ejúsdem glóriæ tribuas esse consórtes. Per eúmdem Dóminum nostrum.

Pro commem. SS. Xysti, Felicissimi, & Agapiti martyrum.

Oratio.

DEus, qui nos concédis Sanctórum mátyrum tuórum Xysti, Felicissimi, & Agapiti natalítia cólere: da nobis in æténa beatitúdine de eórum societáte gaudére. Per Dóminum.

Lectio Epístolæ beati Petri Apóstoli.

2. Pet. 1. c.

Charíssimi, Non doctas fábulas secúti, notam fecimus vobis Dómini nostri Jesu Christi virtútem, & præsentiam: sed speculatóres facti illius magnitúdinis. Accípiens enim à Deo Patre honórem, & glóriam, voce delápsa ad eum hujuscémodi à magnífica glória: Hic est Fílius meus diléctus, in quo mihi complácu, ipsum audíte. Et hanc vocem nos audívimus de celo allátam, cùm essemus cum ipso in monte sancto. Et habémus firmiorem prophéticum sermónem: cui benè facitis attendéntes quasi lucérnæ lucénti in caliginóso loco, donec dies elucéscat, & lucifer oriátur in córdibus vestris.

Graduale. Psal. 44. Speciosus forma præ filiis hóminum: diffusa est grátia in lábiis tuis. V. Eructávit cor meum verbum bonum: dico ego ópera mea Regi.

Allelúja, allelúja.

V. Sap. 7. Candor est lucis æternæ, spéculum sine mácula, & imágo bonitátis illius. Allelúja.



Sequéntia sancti Euangélíi secúndum Matthæum. Matth. 17.

In illo témpore: Assúmpsit Jesus Petrum, & Jacóbum, & Joánnem fratrem ejus, & duxit illos in montem excélsu seórsum: & transfigurátus est ante eos. Et resplénduit fácies ejus sicut

sol: vestiménta autem ejus facta sunt alba sicut nix. Et ecce apparuerunt illis Móyses & Elías cum eo loquéntes. Respóndens autem Petrus, dixit ad Jesum: Dómine, bonum est nos híc esse: si vis, faciámus híc tria tabernácula, tibi unum, Móysi unum, & Elíæ unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi benè complácu: ipsum audíte. Er audiéntes discipuli, ceciderunt in faciém suam, & timuerunt valdè. Et accéssit Jesus, & tétigit eos, dixítque eis: Súrgite, & nolíte timére. Levántes autem óculos suos, néminem viderunt, nisi solum Jesum. Et descendéntibus illis de monte, præcépit eis Jesus, dicens: Némini dixeritis visióne, donec Fílius hóminis à mórtuis resúrgat. *Credo.*

Offertorium. Psal. 111. Glória, & divítiae in domo ejus, & justítia ejus manet in sæculum sæculi, allelúja. Secreta.

Obláta quæsumus Dómine, múnera, gloriósa Unigéniti tui Transfiguratióne sanctífica: nosque à peccatórum máculis, splendóribus ipsius illustratiónis emúnda. Per eúmdem Dóminum.

Pro SS. martyribus Xysto, &c. Secreta.

Munera tibi, Dómine, nostræ devotiónis offérimus: quæ & pro tuórum tibi grata sint honóre justórum, & nobis salutária, te miseránte, reddántur. Per Dóminum.

Præfatio de Nativitate Domini. Quia per incarnáti Verbi mystérium. fol. 173.

Communio. Matth. 17. Visiónem, quam vidístis, némini dixeritis, donec à mórtuis resúrgat Fílius hóminis.

Postcommunio.

Præsta quæsumus omnipotens Deus: ut sacrosáncta Fílii tui Transfiguratiónis mystéria, quæ solémni celebrámus officio, purificatæ mentis intelligéntia consequámur. Per eúmdem Dóminum.

Pro sanctis martyribus Xysto, &c.

Postcommunio.

Præsta nobis quæsumus Dómine, intercedéntibus sanctis martyribus tuis Xysto, Felicissimo, & Agapito:


ut

ut quod ore contingimus, pura mente
capiamus. Per Dominum.

Die vii. Augusti.

IN FESTO S. CAJETANI

Confessoris. Introitus. Psalm 36.



S justi meditabitur sapien-
tiam, & lingua ejus lo-
quetur iudicium: lex Dei
ejus in corde ipsius.

Psalm. ibid. Noli æmulari
in malignantibus: neque

zelaveris facientes iniquitatem.

Glória Patri. Oratio.

Deus, qui beato Cajetano Confes-
sori tuo Apostolicam vivendi for-
mam imitari tribuisti: da nobis ejus
intercessione, & exemplo in te sem-
per confidere, & sola coelestia deside-
rare. Per Dominum nostrum.

Pro commemoratione sancti Donati
Episcopi & martyris. Oratio.

Deus, tuorum gloria Sacerdotum:
præsta quæsumus, ut sancti már-
tyris tui & Episcopi Donati, cujus
festa gerimus, sentiamus auxilium.
Per Dominum nostrum.

Lectio libri Sapientiae.

Eccli. 31.

Beatus vir, qui inventus est sine
macula, & qui post aurum non
abiit, nec speravit in pecunia, & the-
sauris. Quis est hic, & laudabimus
eum? fecit enim mirabilia in vita sua.
Qui probatus est in illo, & perfectus
est, erit illi gloria æterna: qui potuit
transgredi, & non est transgressus;
facere mala, & non fecit: ideo sta-
bilita sunt bona illius in Domino, &
elemosynas illius enarrabit omnis Ec-
clesia Sanctorum.

Graduale. Psalm. 91. Justus ut palma
florébit: sicut cedrus Libani multipli-
cabitur in domo Domini.

Ad annuntiandum manè misericor-
diam tuam, & veritatem tuam per no-
ctem. Allelúja, allelúja.

Jac. 1. Beatus vir, qui suffert tenta-
tionem: quoniam cum probatus fuerit,
accipiet coronam vitæ. Allelúja.

Miss. Monast.



Sequencia sancti Evangelii secun-
dum Matthæum. Matth. 6. c

In illo tempore: Dixit Jesus discipulis
suis: Nemo potest duobus dominis
servire: aut enim unum odio habebit,
& alterum diligit: aut unum sustinebit,
& alterum contemnet. Non potestis Deo
servire, & mammonæ. Ideo dico vobis, ne
solliciti sitis animæ vestræ, quid mandu-
cetis, neque corpori vestro, quid indua-
mini. Nonne anima plus est, quam esca:
& corpus plus, quam vestimentum? Re-
spicite volatilia coeli, quoniam non serunt,
neque metunt, neque congregant in hor-
rea: & Pater vester coelestis pascit illa.
Nonne vos magis pluris estis illis? Quis
autem vestrum cogitans, potest adjicere
ad staturam suam cubitum unum? Et de
vestimento, quid solliciti estis? Considerate
lilia agri, quomodo crescunt: non labo-
rant, neque nent. Dico autem vobis: quo-
niam nec Salomon in omni gloria sua
coopertus est sicut unum ex istis. Si au-
tem foenum agri, quod hodie est, & cras
in clibanum mittitur, Deus sic vestit:
quantò magis vos modicæ fidei? Nolite
ergo solliciti esse, dicentes: Quid manu-
cābimus, aut quid bibemus, aut quo ope-
riemur? hæc enim omnia Gentes inqu-
runt. Scit enim Pater vester, quia his
omnibus indigetis. Quærite ergo pri-
mum regnum Dei, & justitiam ejus,
& hæc omnia adjicientur vobis.

Offertorium. Psal. 88. Veritas mea, & mi-
sericordia mea cum ipso: & in nomine
meo exaltabitur cornu ejus. Secreta.

Præsta nobis, quæsumus omnipo-
tens Deus: ut nostræ humilitatis
oblatio, & pro tuorum tibi grata sit ho-
nóre sanctorum, & nos corpore pariter
& mente purificet. Per Dominum.

Pro sancto Donato Episc. & martyre.

Secreta.

Præsta, quæsumus, Domine: ut
sancti martyris tui & Episcopi Do-
nati intercessione, quem ad laudem
nominis tui dicatis munéribus hono-
ramus, piæ nobis fructus devotionis
accrescat. Per Dominum.

Dd 3

Com-

Communio. *Matth. 24.* Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Quæsumus omnipotens Deus: ut, qui coelestia alimenta percipimus, intercedente beato Cajetano Confessore tuo, per hæc contra omnia adversa muniamur. Per Dominum.

Pro S. Donato. Postcommunio.

Omnipotens, & misericors Deus, qui nos sacramentorum tuorum & participes efficis, & ministros: præsta, quæsumus; ut intercedente beato Donato martyre tuo atque Pontifice, ejusdem proficiamus & fidei consortio, & digno servitio. Per Dominum.


Die viii. Augusti.

IN FESTO SS. CYRIACI,

Largi, & Smaragdi martyrum.

Introitus.

Psal. 33.



Imète Dominum omnes Sancti ejus, quoniam nihil deest timéntibus eum: divites eguerunt, & esuriérunt: inquirentes autem

Dominum, non deficient omnibono. **Psal. ibid.** Benedicam Dominum in omni tempore: semper lausejus in ore meo. **V.** Glória Patri. **Oratio.**

Deus, qui nos annua Sanctorum martyrum tuorum Cyriaci, Largi, & Smaragdi solemnitate lætificas: concede propitius; ut quorum natalitia colimus, virtutem quoque passionis imitemur. Per Dominum.

Lectio Epistolæ beati Pauli Apostoli ad Thessalonicenses. **1. Thess. 2. c.**

Fratres, Grátias ágimus Deo sine intermissi ne: quoniam cum accepissetis à nobis verbum auditis Dei, accepistis illud, non ut verbum hominum, sed (sicut est verè) verbum Dei, qui operatur in vobis, qui credidistis. Vos enim imitatores facti estis, fratres, Ecclesiarum Dei, quæ sunt in Judæa in Christo Jesu: quia eadem passi estis, & vos à contriùlibus vestris, sicut & ipsi à Judæis,

qui & Dominum occiderunt Jesum, & Prophetas, & nos persecuti sunt, & Deo non placent, & omnibus hominibus adversantur; prohibentes nos Gentibus loqui, ut salvæ fiant, ut impleant peccata sua semper: pervenit enim ira Dei super illos usque in finem.

Graduale. *Psal. 33.* Timete Dominum omnes Sancti ejus: quoniam nihil deest timéntibus eum. **V.** Inquirentes autem Dominum, non deficient omni bono. **Allelúja, allelúja.** **V. Sap. 3.** Fulgebunt justi: & tamquam scintillæ in arundinetò discurrent in ætérnum. **Allelúja.**

Sequentia sancti Evangelii secundum Marcum. **Marc. 16. c.**

In illo tempore: Dixit Jesus discipulis suis: Eúntes in mundum univérsum, prædicáte Euangélium omni creaturæ. Qui crediderit, & baptizátus fuerit, salvus erit: qui verò non crediderit, condemnabitur. Signa autem eos, qui crediderint, hæc sequéntur: In nómine meo dæmónia ejicient: linguis loquéntur novis: serpentes tollent: & si mortíferum quid biberint, non eis nocébit: super ægros manus impónent, & benè habébunt.

Offertorium. *Psal. 31.* Lætámini in Domino, & exultáte justi: & gloriámini omnes recti corde. **Secreta.**

Accepta sit in conspéctu tuo, Domine, nostra devótio: & eorum nobis fiat supplicatióne salutáris, pro quorum solemnitate defértur. Per Dominum.

Communio. *Marc. 16.* Signa autem eos, qui in me credunt, hæc sequéntur: dæmónia ejicient: super ægros manus impónent, & benè habébunt. **Postcōmunio.**

Refecti participatióne múnieris sacri, quæsumus, Dñe Deus noster: ut cujus exequimur cultū, intercedéntibus sanctis martyribus tuis, Cyriaco, Largo, & Smaragdo, sentiámus effectū. Per Dñm.

Die ix. Augusti.

IN FESTO S. STEPHANI,

& Ducentorum Monachorum mar-

tyrum, Missa. **I**ntret in conspéctu.

de Comuni plur. Martyr. fol. viii.

Ora-

Oratio.

PRæsta, quæsumus, omnipotens Deus: ut qui gloriosos martyres Stephanum Abbatem, & socios ejus monachos, fortes in sua confessione cognovimus; pios apud te in nostra intercessionem sentiamus. Per Dominum.

Pro commemor. Vigiliæ S. Laurentii, Oratio. Adesto, Domine. ut infra in ejus Missa propria.

Pro S. Romano martyre. Oratio.

PRæsta, quæsumus omnipotens Deus: ut intercedente beato Romano martyre tuo, & a cunctis adversitatibus liberemur in corpore, & a pravis cogitationibus mundemur in mente. Per Dominum nostrum.

Pro cõmem. Vigiliæ S. Laurentii, Secreta.

Hóstias, Domine. ut infra. 424.

Pro S. Romano. Secreta.

MUnéribus nostris, quæsumus Domine, precibusque susceptis: & coeléstibus nos munda mystériis, & clementer exaudi. Per Dominum.

Pro cõmem. Vigiliæ S. Laurentii, Postcommunio. Da, quæsumus. ut infra. 424.

Pro S. Romano. Postcommunio.

QUæsumus omnipotens Deus: ut, qui coeléstia aliménta percépimus, intercedente beato Romano martyre tuo, per hæc contra ómnia adversa muniamur. Per Dominum.

In fine legitur Evangelium Vigiliæ.

¶ Sed si cantentur duæ Missæ, una de Festo S. Stephani, & soc. mart. cum commemor. S. Romani mart. tantum: altera de Vigilia, ut infra: & in fine utriusque legitur Evangelium S. Joannis.

MISSA VIGILIÆ S. LAURENTII

martyris. Introitus. Psal. 111.



Dispérsit, dedit pauperibus: justitia ejus manet in sæculum sæculi: cornu ejus exaltabitur in glória.

Psal. ibid. Beátus vir, qui timet Dominum: in mandátis ejus cupit nimis. ¶ Glória Patri.

Oratio.

ADesto, Domine, supplicationibus nostris: & intercessionem beati Laurentii martyristui, cujus prævenimus fe-

stivitatem; perpétuam nobis misericórdiam benignus impende. Per Dominum.

Secunda Oratio de B. Maria, Concède nos. Tertia, Ecclesiæ tuæ. Vei pro Papa, Deus ómnium fidélium. fol. 384.

Lectio libri Sapiéntiæ. Eccli. 51.

Confitébortibi Domine Rex, & claudábo te Deum Salvatórem meum. Confitebor nómini tuo: quóniam adjutor, & protéctor factuses mihi, & liberásti corpus meum à perditione, à láqueo linguæ iniquæ, & à lábiis operántium mendácium, & in conspéctu astántium factus es mihi adjutor. Et liberásti me secundum multitudinem misericórdiæ nóminis tui à rugiéntibus, præparátis ad escam, de manibus quæréntium animam meam, & de portis tribulationum, quæ circumdedérunt me, à pressúra flammæ quæ circumdedit me, & in médio ignis non sum æstuátus: de altitudine ventris inferi, & à lingua coinquináta, & à verbo mendácii, à rege iniquo, & à lingua injústa: laudábit usque ad mortem ánima mea Dominum, quóniam éruis sustinéntes te, & líberas eos de manibus géntium, Domine Deus noster.

Graduale. Psal. 111. Dispérsit, dedit pauperibus: justitia ejus manet in sæculum sæculi. ¶ Potens in terra erit semen ejus: generatio rectórum benedicétur.



Sequéntia sancti Evangelii secundum Matthæum. Matth. 16. d

IN illo témpore: Dixit Jesus discipulis suis: Si quis vult post me veníre, abneget semetípsum, & tollat crucem suam, & sequátur me. Qui enim volúerit animam suam salvam fácere, perdet eam. Qui autem perdiderit animam suam propter me, invéniet eam. Quid enim prodest hómini, si mundum univérsum lucrétur, animæ verò suæ detriméntum patiátur? Aut quam dabit homo commutationem pro ánima sua? Fílius enim hóminis ventúrus est in glória Patris sui cum Angelis suis: & tunc reddet unicuique secundum ópera ejus.

Offertorium. Job 16. Oratio mea munda est: & ideo peto, ut detur locus voci

meæ in cœlo: quia ibi est iudex meus, & cōscius meus in excelsis: ascēdat ad Dōminum deprecatio mea. **Secreta.**

Hostias, Dōmine, quas tibi offērimus, propitius sūscipe: & intercedēte beāto Laurēntio mārtyre tuo, vīcula peccatōrum nostrōrum absolve. Per Dōminum.

Secunda Secreta de beata Maria, Tua Dōmine. **Tertia, P**rotege nos. **Vel pro Papa, O** blātis, quæsumus. fol. 385.

Communio. Matth. 16. Qui vult venīre post me, abneget semetipsum: & tollat crucem suam, & sequatur me.

Postcommunio.

DA, quæsumus Dōmine Deus noster: ut, sicut beāti Laurēntii mārtyris tui commemoratiōe, temporālī gratulamur officio; ita perpētuo latēmur aspēctu. Per Dōminum.

Secunda Postcommunio de B. Maria, Sumptis Dōmine. **Tertia, Q**uæsumus Dōmine. **Vel pro Papa, H**æc nos. fol. 385. **In fine legitur Euangelium S. Joannis.**

Die x. Augusti.

IN FESTO SANCTI LAURENTII

Martyris.

Introitus.

Psal. 95.



Confessio, & pulchritudo in conspectu ejus: sanctitas, & magnificentia in sanctificatione ejus.

Psal. ibid. Cantate Dōmino canticum novum: cantate Dōmino omnis terra.

Glōria Patri.

Oratio.

DA, nobis, quæsumus omnipotens Deus, vitiōrum nostrōrum flammās extingūere: qui beāto Laurēntio tribuisti tormentōrum suōrum incēdia superāre. Per Dōminum.

Lectio Epistolæ beāti Pauli Apōstoli ad Corīnthios. **2. Cor. 9. b**

FRatres, Qui parce sēminat, parce & metet: & qui sēminat in benedictionibus, de benedictionibus & metet. Unusquisque prout destināvit in corde suo, non ex tristitia, aut ex necessitate: hilarem enim datōrem diligit Deus. Potens est autem Deus omnem

gratiam abundāre facere in vobis: ut in omnibus semper omnem sufficiētiā habētes, abundētis in omne opus bonum, sicut scriptum est: Dispēsit, dedit paupēribus: justitia ejus manet in sēculum sēculi. Qui autem administrat semen semināti: & panem ad manducāndum pręstabit, & multiplicabit semen vestrum, & augēbit incrementa frugum justitię vestrę.

Graduale. Psalm 16. Probasti, Dōmine, cor meum, & visitasti nocte.

Y. Igne me examinasti: & non est inventa in me iniquitas.

Allelūja, allelūja. **Y.** Levīta Laurēntius bonum opus operatus est, qui per signum crucis cæcos illumināvit. Allelūja.

Sequentia sancti Evangelii secundum Joānnem. Joann 12. d

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit: ipsum solum manet. Si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam æternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus.

Non dicitur Credo, nisi in Ecclesia propria, vel nisi venerit in Dominica.

Offertorium. Psalm 95. Confessio, & pulchritudo in conspectu ejus: sanctitas, & magnificentia in sanctificatione ejus.

Secreta.

ACcipe, quæsumus, Dōmine, mūnera dignāter oblata: & beāti Laurēntii suffragantibus mēritis ad nostrę salutis auxilium provenīre concede. Per Dōminum nostrum.

Communio. Joann. 12. Qui mihi ministrat, me sequatur: & ubi ego sum, illic & minister meus erit.

Postcommunio.

Sacro mūnere satiati, supplices te, Dōmine, deprecāmur: ut quod debita

bitæ servitutis celebramus officio, intercedente beato Laurentio martyre tuo, saluationis tuæ sentiāmus augmentum. Per Dōminum nostrum.

¶ Infra Octavam sancti Laurentii dicitur eadem Missa sicut in ejus Festo, & post Orationem diei fit commemoratio de Festo Simplici occurrente, & tertia Oratio dicitur de B. Maria. Concede nos. fol. 223. Sed si occurrat dies Dominica, secunda Oratio erit de Octava, & tertia de Sanctis.

Die xi. Augusti.

¶ Pro commemoratione SS. Tiburtii & Susannæ martyrum.

Oratio.

Sanctorum martyrum tuorum Tiburtii, & Susannæ, nos Dōmine, foveant continuata præsidia: quia non desinis propitius intuēri, quos talibus auxiliis concesseris adjuvāri.

Secreta.

Adesto, Dōmine, precibus populi tui, adesto munēribus: ut, quæ sacris sunt oblata mystēriis, tuorum tibi placeant intercessiōne Sanctorum.

Postcommunio.

Sumpsimus, Dōmine, pignus redemptionis æternæ: quod sit nobis, quæsumus, interveniētibz Sanctis Martyribz tuis, vitæ præsēntis auxilium pariter, & futuræ.

Die xii. Augusti.

IN FESTO S. CLARÆ Virginis. Introitus. Psalm. 44.



Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis.

Psalm. ibid. Eructavit cor meum verbum bonum: dico ego opera mea Regi.

¶ Gloria Patri.

Oratio.

Exaudi nos, Deus salutaris noster: ut, sicut de beatæ Claræ virginis tuæ festivitāte gaudemus, ita piæ devotiōis erudiāmur affectu. Per Dōminum.

Et fit commemoratio Octavæ sancti Laurentii. Oratio.

DA nobis, quæsumus, omnipotens Deus, vitiōrum nostrorum flammās extingūere: qui beato Laurentio tribuisti tormentorum suorum incēdia superāre. Per Dōminum.

Lectio Epistolæ beati Pauli Apostoli ad Corinthios. **2. Cor. 10. d**

Fratres, Qui gloriatur, in Dōmino gloriētur. Non enim qui seipsum commendat, ille probatus est; sed quem Deus commendat. Utinam sustinerētis modicum quid insipientiæ meæ, sed & supportate me. Æmulor enim vos Dei æmulatione. Despondienim vos uni viro virginem castam exhibere Christo.

Graduale. Psalm. 44. Specie tua, & pulchritudine tua intēde, prospere procede, & regna. **¶** Propter veritatem, & mansuetudinem, & iustitiam: & deducet te mirabiliter dextera tua.

Allelūja, allelūja.

¶ Adducētur Regi virgines post eam: proximæ ejus afferentur tibi in lætitia. Allelūja.

✠ Sequētia sancti Euangēlii secundum Matthæum. Matth. 25.

In illo tempore: Dixit Jesus discipulis suis parabolam hanc: Simile erit regnum cœlorum decem virginibus: quæ accipiētes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpsērunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitavērunt omnes, & dormiērunt. Mēdia autem nocte clamor factus est: Ecce sponsus venit, exite obviam ei. Tunc surrexērunt omnes virgines illæ, & ornavērunt lampades suas. Fatuæ autem sapientibus dixerunt: Date nobis de oleo vestro: quia lampades nostræ extingūntur. Responderunt prudentes, dicētes: Ne forte non sufficiat nobis & vobis, ite potius ad vendētes, & emite vobis. Dum autem

autem irent emere; venit sponsus: & quæ paratæ erant, intraverunt cum eo ad nuptias, & clausa est janua. Novissimè verò veniunt & reliquæ virgines, dicentes: Dómine, Dómine, áperi nobis. At ille respondens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psalm. 44. Filiæ regum in honore tuo, ástitit regina à dextris tuis in vestitu deaurato circumdata varietate.

Secreta.

Accépta tibi sit, Dómine, sacratæ plebis oblátio, pro tuorum honore Sanctorum: quorum se méritis de tribulatione percepisse cognoscit auxilium. Per Dóminum.

Pro S. Laurentio. Secreta.

Accipe, quæsumus, Dómine, múnera dignanter oblata: & beati Laurentii suffragantibus méritis, ad nostræ salutis auxilium provenire concede. Per Dóminum nostrum.

Communio. Matth. 25. Quinque prudentes virgines acceperunt óleum in vasis suis cum lampadibus: média autem nocte clamor factus est, ecce sponsus venit, exíte obviam Christo Dómino.

Postcommunio.

Satiásti, Dómine, familiam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

Pro S. Laurentio. Postcommunio.

Sacro múnere satiáti, supplices te, Dómine, deprecámur: ut quod débitæ servitútis celebrámus officio, intercedente beato Laurentio mártire tuo, salvatiónis tuæ sentiámus augmentum. Per Dóminum.

Die xiii. Augusti.

¶ Pro commem. SS. Hippolyti & Cassiani martyrum.

Oratio.

DA, quæsumus, omnipotens Deus: ut beatorum mártirum tuorum Hippolyti & Cassiani veneranda solémnitas & devotiónem nobis áugeat, & salutem.

Secreta.

Respice, Dómine, múnera pópuli tui, Sanctorum festivitáte votíva: & tuæ testificatio veritátis nobis proficiat ad salutem.

Postcommunio.

Sacramentorum tuorum, Dómine, communio sumpta nos salvet, & in tuæ veritátis luce confirmet.

Die xiv. Augusti.

IN VIGILIA ASSUMPTIONIS
Beatæ Mariæ Virginis.

Introitus. Psalm. 44.



Ultum tuum deprecabuntur omnes dívites plebis: adducéntur Regi vírgines post eam: próximæ ejus adducéntur tibi in lætítia, & exultatióne.

Psalm. ibid. Eructávit cor meum verbum bonum: dico ego ópera mea Regi.

¶ Glória Patri, & Filio, &c.

Non dicitur Glória in excelsis.

Oratio.

Deus, qui virginálem aulam beatæ Mariæ, in qua habitáres, eligere dignátus es: da, quæsumus; ut sua nos defensióne munitos, jucundos fácias suæ interéssé festivitáti. Qui vivis & regnas cum Deo Patre.

Et fit commem. Octavæ S. Laurentii.

Oratio.

DA nobis, quæsumus, omnipotens Deus, vitiórum nostrorum flammæ extingueré: qui beato Laurentio tribuísti tormentorum suorum incéndia superáre.

Deinde sancti Eusebii Confessoris.

Oratio.

Deus, qui nos beati Eusebii Confessoris tui ánnua solemnitáte lætíficas: concede propítius; ut cujus natalítia cólimus, per ejus ad te exéempla gradiámur. Per Dóminum.

Lectio libri Sapientiae. Eccli. 24.c

EGo quasi vitis fructificávi suavitátem odóris: & flores mei, fructus honóris, & honestátis. Ego mater pulchræ dilectiónis, & timóris, & agnitiónis, & sanctæ spei. In me grátia omnis

omnis viæ & veritatis, in me omnis spes vitæ & virtutis. Transite ad me omnes, qui concupiscitis me, & à generationibus meis implèmini: Spiritus enim meus super mel dulcis, & hæreditas mea super mel, & favum. Memoria mea in generationes sæculorum. Qui edunt me, adhuc esuriunt: & qui bibunt me, adhuc sitient. Qui audit me, non confundetur: & qui operantur in me, non peccabunt. Qui elúcidant me, vitam æternam habebunt.

Graduale. Benedicta, & venerabilis es, Virgo María, quæ sine tactu pudoris, inventa es Mater Salvatoris.

V. Virgo Dei Genitrix, quem totus non capit orbis, in tua se clausit viscera factus homo.



Sequentia sancti Evangelii secundum Lucam. **Lucæ 11. d**

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter, qui te portavit, & úbera, quæ suxisti. At ille dixit: Quinimò beati qui audiunt verbum Dei, & custodiunt illud.

Offertorium. Beata es, Virgo María, quæ omnium portasti Creatorem: genuisti, qui te fecit, & in æternum permanes Virgo.

Secreta.

Munera nostra, Domine, apud clementiam tuam Dei Genitricis commendet oratio: quam idcirco de præsentis sæculo transtulisti, ut pro peccatis nostris apud te fiducialiter intercedat. Per eundem Dominum no-

strum Jesum Christum Filium tuum: Qui tecum vivit, & regnat, &c.

Pro S. Laurentio.

Secreta.

Accipe, quæsumus Domine, munera dignanter oblata: & beati Laurentii suffragantibus meritis, ad nostræ salutis auxilium provenire concede.

Pro S. Eusebio.

Secreta.

Laudis tibi, Domine, hostias immolamus, in tuorum commemoratione sanctorum: quibus nos & presentibus exui malis confidimus, & futuris. Per Dominum nostrum.

Præfatio communis. fol. 193.

Communio. Beata viscera Mariæ Virginis, quæ portaverunt æterni Patris Filium.

Postcommunio.

Concede, misericors Deus, fragilitati nostræ præsidium: ut qui sanctæ Dei Genitricis festivitatem prævenimus, intercessionis ejus auxilio, à nostris iniquitatibus resurgamus. Per eundem Dominum nostrum.

Pro S. Laurentio. Postcommunio.

Sacro munere satiati, supplices te, Domine, deprecamur: ut quod debitæ servitutis celebramus officio, intercedente beato Laurentio martyre tuo, salvationis tuæ sentiamus augmentum.

Pro S. Eusebio. Postcommunio.

Refecti cibo potuque cœlesti, Deus noster, te supplices exoramus; ut in cujus hæc commemoratio percipimus, ejus muniamur & precibus. Per Dominum nostrum Jesum Christum Filium tuum: Qui tecum vivit.

IN ASSUMPTIONE

B. MARIÆ VIRGINIS.

Introitus.



Audeamus omnes in Domino, diem festum celebrantes sub honore beatae Mariæ Virginis: de cuius Assumptione gaudent Angeli, & collaudant Filium Dei.

Psal. 44. Eructavit cor meum verbum bonum: dico ego opera mea Regi.

V. Gloria Patri.

Oratio.

Familorum tuorum, quaesumus Domine, delictis ignosce: ut qui tibi placere de actibus nostris non valemus, Genitricis Filii tui Domini nostri intercessionem salvemur. Qui tecum vivit.

Lectio libri Sapientiae. Eccli. 24.

In omnibus requiem quaesivi, & in hereditate Domini morabor. Tunc praecepit, & dixit mihi Creator omnium: & qui creavit me, requievit in tabernaculo meo, & dixit mihi: In Iacob inhabitata, & in Israel hereditare, & in electis meis mitte radices. Et sic in Sion firmata sum, & in civitate sanctificata similiter requievi, & in Ierusalem potestas mea. Et radicavi in populo honorificato, & in parte Dei mei hereditas illius, & in plenitudine Sanctorum detentio mea. Quasi cedrus exaltata sum in Libano, & quasi cypressus in monte Sion: quasi palma exaltata sum in Cades, & quasi plantatio rosae in Iericho. Quasi oliva speciosa in campis, & quasi platanus exaltata sum iuxta aquam in plateis. Sicut cinnamomum, & balsamum aromatizans, odorem dedi: quasi myrrha electa dedi suavitatem odoris.

Graduale. Psal. 44. Propter veritatem, & mansuetudinem, & iustitiam, & deducet te mirabiliter dextera tua.

V. Audi filia, & vide, & inclina aurem tuam: quia concupivit Rex speciem tuam.

Alleluya, alleluya.

V. Assumpta est Maria in coelum, gaudet exercitus Angelorum. Alleluya.



Sequentia sancti Evangelii secundum Lucam. Lucae 10. d

In illo tempore: Intravit Jesus in quoddam castellum: & mulier quaedam, Martha nomine, excepit illum in domum suam: & huic erat soror, nomine Maria, quae etiam sedens secus pedes Domini, audiebat verbum illius. Martha autem satagebat circa frequens ministerium: quae stetit, & ait: Domine, non est tibi curae, quod soror mea reliquit me solam ministrare? dic ergo illi ut me adjuvet. Et respondens, dixit illi Dominus: Martha, Martha, sollicita es, & turbaris erga plurima. Porro unum est necessarium. Maria optimam partem elegit, quae non auferetur ab ea.

Dicitur Credo. etiam in Festis infra Octavam occurrentibus.

Offertorium. Assumpta est Maria in coelum: gaudent Angeli, collaudantes benedicunt Dominum, alleluya.

Secreta.

Subveniat, Domine, plebi tuae, Dei Genitricis oratio: quam etsi pro conditione carnis migrasse cognoscimus; in coelesti gloria apud te pro nobis intercedere sentiamus. Per eundem Dominum nostrum.

Præfatio de B. Maria. Et te in Assumptione. fol. 183. **Et dicitur per totam Octavam etiam in Festis.**

Communio. Lucae 10. Optimam partem elegit sibi Maria: quae non auferetur ab ea in æternum.

Post.

Postcommunio.

Mensæ coelestis participes effecti, imploramus clementiam tuam, Domine Deus noster: ut, qui Assumptionem Dei Genitricis colimus, à cunctis malis imminētibus, ejus intercessiōe liberemur. Per eundem Dōminum.

¶ Infra Octavam Assumptionis B. Mariæ, & in ejus die Octava fit idem Officium quod in die Festi. Et infra Octavam dicitur secunda Oratio de Spiritu sancto, Deus, qui corda fidelium. tertia, Ecclesiæ tuæ. vel pro Papa. fol. 432.

Dominica infra Octavam Assumpt. B.V. Mariæ.
FIT DE FESTO S. JOACHIM

Confess. & Patris B. virg. Mariæ.

Si prædicta Dominica impedita fuerit à die Octava S. Laurentii, vel à die Octava Assumptionis, tunc Festum S. Joachim transferatur in aliam diem.

Introitus. Psalm. 111.



Dispēsit, dedit paup̄ribus: justitia ejus manet in sæculum sæculi: cornu ejus exaltabitur in gl̄ria.

Psalm. ibid. Beatus vir, qui timet Dōminum: in

mandātis ejus cupit nimis.

¶ Gl̄ria Patri.

Oratio.

Deus, qui præ omnibus Sanctis tuis beatum Joachim Genitricis Filii tui Patrem esse voluisti: concede quaesumus; ut cujus festa veneramur, ejus quoque perpetuò patrocīnia sentiāmus. Per eundem Dōminum.

Et fit commemoratio Dominicæ occurrentis; & postea de Octavis, nisi Festum S. Joachim transferatur post omnes Octavas.

Lectio libri Sapiētiæ.

Eccli. 31.

Beatus vir, qui inventus est sine macula: & qui post aurum non abiit, nec speravit in pecunia & thesauris. Quis est hic, & laudābimus eum? fecit enim mirabilia in vita sua. Qui probatus est in illo, & perfectus est, erit illi gl̄ria æterna: qui potuit transgredi, & non est transgressus; facere mala, & non fecit: ideo sta-

bilis sunt bona illius in Dōmino, & eleemōsynas illius enarrabit omnis Ecclesiā Sanctorum.

Graduale. Psalm. 111. Dispēsit, dedit paup̄ribus: justitia ejus manet in sæculum sæculi. **¶** Potens in terra erit semen ejus: generatio rectorum benedicetur. **Allelūja, allelūja.**

¶ O Joachim, sanctæ conjux Annæ, Pater almæ Virginis, hīc famulis confer salutis opem. **Allelūja.**



Initium sancti Euangelii secundum Matthæum. **Matth. 1.**

Liber generatiōnis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, & fratres ejus. Judas autem genuit Phares, & Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naasson. Naasson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomonem ex ea quæ fuit Uriæ. Salomon autem genuit Roboam. Roboam autem genuit Abiam. Abias autem genuit Aza. Aza autem genuit Josaphat. Josaphat autem genuit Joram. Joram autem genuit Ozias. Ozias autem genuit Joatham. Joatham autem genuit Achaz. Achaz autem genuit Ezechias. Ezechias autem genuit Manassē. Manassēs autem genuit Amon. Amon autem genuit Josias. Josias autem genuit Jechoniam, & fratres ejus in transmigratiōe Babylōnis. Et post transmigratiōem Babylōnis: Jechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Elisacim. Elisacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem

tem genuit Joseph virum Mariæ; de qua natus est Jesus, qui vocatur Christus.

Dicitur Credo. ratione Dominicæ, & Octavæ Assumptionis; aliàs numquam dicitur, nisi in Ecclesiâ propria. Offertor. Psal. 8 Gloria & honore coronasti eum: & constituisti eum super opera manuum tuarum, Domine. **Secreta.**

Suscipe clementissime Deus sacrificiū in honorem sancti Patriarchæ Joachim, Patris Mariæ virginis, majestati tuæ oblātum: ut ipso cum conjuge sua & beatissima prole intercedēte, perfectam consequi mereāmur remissionem peccatorū, & gloriā sempiternā. Per Dñm.

Et sit commemor. Dominicæ occurrentis, & Octavæ, ut supra.

Et dicitur Præfatio de B. V. Maria. Et te in Assumptione. fol. 183. nisi Festum S. Joachim transferatur post Octavā Assumptionis, quia tunc dicitur Præfatio communis.

Communio. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Quæsumus omnipotens Deus: ut per hæc sacramenta quæ sumpsimus, intercedentibus meritis & precibus beati Joachim Patris Genitricis dilecti Filii tui Domini nostri Jesu Christi, tuæ gratiæ in præsentī, & æternæ gloriæ in futuro participes esse mereāmur. Per eundem Dñm.

Die xvi. Augusti.

IN FESTO S. HYACINTHI

Confessoris. Introitus. Psal. 36.



S justi meditabitur sapientiam, & lingua ejus loquetur judicium: lex Dei ejus in corde ipsius.

Psal. ibid. Noli æmulari in malignantibus: neque

zelaveris facientes iniquitatem.

v. Gloria Patri.

Oratio.

Deus, qui nos beati Hyacinti Confessoris tui annua solemnitate lætificas: concede propitius; ut cujus natalitia colimus, etiam actiones imitemur. Per Dñm nostrum.

De Octava Assumpt. B. Mariæ. Oratio.

Famulorum tuorum, quæsumus Domine, delictis ignosce: ut qui tibi placere de actibus nostris non valēmus, Genitricis Filii tui Domini nostri intercessione salvemur.

De Octava S. Laurentii. Oratio.

Da nobis quæsumus, omnipotens Deus, vitiōrum nostrorum flammās extinguere: qui beato Laurentio tribuisti tormentorum suorum incendia superare. Per Dñm.

Lectio libri Sapientiæ. Eccli. 31.

Beatus vir, qui inventus est sine macula, & qui post aurum non abiit, nec speravit in pecunia, & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus: facere mala, & non fecit: ideo stabilita sunt bona illius in Dñmo, & eleemosynas illius enarrabit omnis Ecclesiā sanctorum.

Graduale. Psalm. 91. Iustus ut palma florebit: sicut cedrus Libani multiplicabitur in domo Domini.

v. Ad annuntiandum manē misericordiam tuam, & veritatem tuam per noctem. Allelūja, allelūja.

v. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelūja.



Sequētia sancti Evangelii secundum Lucam. **Lucæ 12. c**

In illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris: & vos similes hominibus expectantibus dominum suum, quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod præcinctet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamī-

familias, qua hora sur veniret; vigilaret utique, & non sinneret perfodi domum suam. Et vos estote parati, quia qua hora non putatis, Filius hominis veniet. **Credo.**

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Laudis tibi, Domine, hostias immolamus, in tuorum commemoratione Sanctorum: quibus nos & presentibus exui malis confidimus, & futuris. Per Dominum.

Pro Octava Assumptionis. Secreta.

Subveniat, Domine, plebi tuae Dei Genitricis oratio: quam etsi pro conditione carnis migrasse cognoscimus; in coelesti gloria apud te pro nobis intercedere sentiamus.

Pro S. Laurentio. Secreta.

Accepe, quaesumus, Domine, munera dignanter oblata: & beati Laurentii suffragantibus meritis, ad nostrae salutis auxilium provenire concede. Per Dominum nostrum.

Præfatio de B. Maria. Et te in Assumptione. fol. 183.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo, potuque coelesti, Deus noster, te supplices exoramus: ut in cujus hæc commemoratio- ne percipimus, ejus muniamur & precibus. Per Dominum.

Pro Octava Assumptionis. Postcomm.

Mensæ coelestis participes effecti, imploramus clementiam tuam, Domine Deus noster: ut, qui Assumptionem Dei Genitricis colimus, à cunctis malis imminetibus, ejus intercessionem liberemur.

Pro S. Laurentio. Postcommunio.

Sacro munere satiati, supplices te, Domine, deprecamur: ut quod debita servitutis celebramus officio, intercedente beato Laurentio martyre tuo, salvationis tuae sentiamus augmentum. Per Dominum.

Die xvii. Augusti.

IN OCTAVA S. LAURENTII.

Introitus

Psalm. 16:



Robasti, Domine, cor meum, & visitasti nocte: igne me examinasti, & non est inventa in me iniquitas.

Psalm. ibid. Exaudi, Domine, justitiam meam: in-

tende deprecationem meam.

V. Gloria Patri.

Oratio.

Excita, Domine, in Ecclesia tua Spiritum, cui beatus Laurentius levita servivit: ut eodem nos replenti, studeamus amare quod amavit, & opere exercere quod docuit. Per Dominum nostrum. in unitate ejusdem.

Pro Octava Assumptionis B. Mariæ.

Oratio.

Famulorum tuorum, quaesumus Domine, delictis ignosce: ut, qui tibi placere de actibus nostris non valemus, Genitricis Filii tui Domini nostri intercessionem salvemur. Qui tecum vivit, & regnat, &c.

Lectio Epistolæ beati Pauli Apostoli ad Corinthios. 2. Cor. 9. b

Fratres, Qui parce seminat, parce & metet: & qui seminat in benedictionibus, de benedictionibus & metet. Unusquisque prout destinavit in corde suo, non ex tristitia, aut ex necessitate: hilarem enim datorem diligit Deus. Potens est autem Deus omnem gratiam abundare facere in vobis: ut in omnibus semper omnem sufficientiam habentes, abundetis in omne opus bonum, sicut scriptum est: Dispexit, dedit pauperibus: justitia ejus manet in sæculum sæculi. Qui autem ministrat semen seminanti: & panem ad manducandum præstabit, & multiplicabit semen vestrum, & augébit incrementa frugum justitiæ vestrae.

Graduale. Psalm. 8. Gloria, & honore coronasti eum, Domine. **V. Et constitui eum super opera manuum tuarum.**

Allelúja, allelúja. V. Levita Laurentius bonum opus operatus est, qui per signum crucis cæcos illuminavit. Allelúja.

Se-



Sequentia sancti Evangelii secundum Joannem. *Joan. 12. d*

IN illo tempore: Dixit Jesus discipulis suis: Amen, amen dico vobis, nisi granum frumenti cadens in terram, mortuum fuerit: ipsum solum manet. Si autem mortuum fuerit, multum fructum affert. Qui amat animam suam, perdet eam: & quis odit animam suam in hoc mundo, in vitam æternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus. *Credo.*

Offertorium. Psalm. 20. In virtute tua, Domine, lætabitur justus, & super salutare tuum exultabit vehementer: desiderium animæ ejus tribuisti ei.

Secreta.

Sacrificium nostrum tibi, Domine, quæsumus, beati Laurentii precatio sancta conciliet: ut cujus honore sollemniter exhibetur, ejus meritis efficiatur acceptum. Per Dominum.

Pro Assumpt. B. Mariæ. Secreta.

Subveniat, Domine, plebi tuæ Dei Genitricis oratio, quam etsi pro conditione carnis migrasse cognoscimus; in cœlesti gloria apud te pro nobis intercedere sentiamus. Per eundem Dominum nostrum.

Et dicitur Præfatio de B. Maria. Et te in Assumptione. fol. 183.

Communio. Matth. 16. Qui vult venire post me, abneget semetipsum: & tollat crucem suam, & sequatur me.

Postcommunio.

Supplices te rogamus omnipotens Deus: ut quos donis cœlestibus satiasti, intercedente beato Laurentio martyre tuo, perpétua protectione custodias. Per Dominum.

De Octava Assumpt. Postcommunio.

Mensæ cœlestis participes effecti, Imploramus clementiam tuam, Domine Deus noster: ut, qui Assumptionem Dei Genitricis colimus, à cunctis malis imminéntibus, ejus intercessionem liberemur. Per eundem Dominum.

Die xviii. Augusti.

Pro commem. S. A. ap. li. martyris.

Oratio.

Lætetur Ecclesia tua, Deus, beati Agapiti martyris tui confisa suffragiis: atque ejus precibus gloriosis & devota permâneat, & secúra consistat.

De Spiritu sancto. Oratio.

Deus, qui corda fidélium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. Per Dominum nostrum. in unitate ejusdem.

Nisi venerit in Dominica: quia tunc secunda de Octava, & tertia de Sancto.

Pro S. Agapito. Secreta.

Suscipe, Domine, múnera, quæ in Jesus tibi solemnitate deferimus, cujus nos confidimus patrocinio liberári.

De Spiritu sancto. Secreta.

Munera, quæsumus Domine, oblata sanctifica: & corda nostra sancti Spiritus illustratione emunda. Per Dominum. in unitate ejusdem Spiritus.

Pro S. Agapito. Postcommunio.

Satiasti, Domine, familiam tuam munéribus sacris: ejus, quæsumus, semper interventione nos réfove, cujus solémnia celebramus.

De Spiritu sancto. Postcommunio.

Sancti Spiritus, Domine, corda nostra mundet infusio: & sui roris íntima aspersione foecundet. Per Dominum nostrum. in unitate ejusdem Spiritus.

Die xix. Augusti.

DE OCTAVA ASSUMPTIONIS.

De Spiritu sancto. Oratio.

Deus, qui corda fidélium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere.

Contra persecutores Ecclesiæ. Oratio.

Ecclésiæ tuæ, quæsumus, Domine, preces placatus admítte: ut destrúctis adversitatibus, & erroribus univérſis, secúra tibi sérviat libertáte. Per Dominum.

Vel pro Papa. Oratio.

Deus, ómnium fidélium pastor, & rector, famulum tuum **N.** quem pasto-

pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dñm.

De Spiritu sancto. Secreta.

MUnera, quæsumus; Dñme, oblata sanctifica: & corda nostra sancti Spiritus illustratione emunda.

Contra persecutores Ecclesiæ. Secreta.

Protege nos, Dñme, tuis mystèriis servièntes: ut divinis rebus inhærentes, & corpore tibi famulémur & mente. Per Dñm.

Vel pro Papa. Secreta.

Oblatis, quæsumus, Dñme, placare munèribus, & famulum tuum

N. quem pastorem Ecclesiæ tuæ præesse voluisti, assidua protectione gubernâ. Per Dñm.

De Spiritu sancto. Postcommunio.

Sancti Spiritus, Dñme, corda nostra mundet infusio: & sui roris intima aspersione fecundet.

Contra persecut. Eccles. Postcomm.


Quæsumus, Dñme Deus noster: ut quos divina tribuis participatione gaudere, humanis non sinas subiacere periculis. Per Dñm.

Vel pro Papa. Postcommunio.

Hæc nos, quæsumus, Dñme, divini sacramenti perceptio protegat: & famulum tuum **N.** quem pastorem Ecclesiæ tuæ præesse voluisti, unâ cum commisso sibi grege, salvet semper, & muniat. Per Dñm.

Die xx. Augusti.

IN FESTO S. BERNARDI
Abbatis. Introitus. Psal. 36.



Qui justus meditabitur sapientiam: & lingua ejus loquetur judicium: lex Dei ejus in corde ipsius.

Psal. ibid. **N**oli æmulari in malignantibus: neque

zelaveris facientes iniquitatem.

Glória Patri.

Oratio.

Intercessio nos, quæsumus, Dñme, beati Bernardi Abbatis commendet: ut
Miss. Monast.

quod nostris meritis non valémus, ejus patrocínio assequámur. Per Dñm.

Et sit commem. de Octav. Assumptionis. Oratio.

Famulorum tuorum, quæsumus Dñme, delictis ignosce: ut qui tibi placere de actibus nostris non valémus, Genitricis Filii tui Dñmini nostri intercessionem salvémur. Qui tecum vivit.

Lectio libri Sapientiae. Eccli. 39.

Justus cor suum tradet ad vigilandum diluculo ad Dñm, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dñmus magnus voluerit, spiritu intelligentiæ replebit illum: & ipse tamquam imbres mittet eloquia sapientiæ suæ, & in oratione confitebitur Dño: & ipse diriget consilium ejus, & disciplinam, & in absconditis suis consiliabitur. Ipse palam faciet disciplinam doctrinæ suæ, & in lege testamenti Dñmini gloriabitur. Collaudabunt multi sapientiam ejus, & usque in sæculum non delebitur. Non recedet memoria ejus, & nomen ejus requirètur à generatione in generationem. Sapientiam ejus enarrabunt Gentes, & laudem ejus enuntiabit ecclesia.

Graduale. Psal. 20. Dñme, prævenisti eum in benedictionibus dulcedinis: posuisti in capite ejus coronam de lapide pretioso. *Ps.* Vitam petiit à te, & tribuisti ei longitudinem dierum in sæculum sæculi. *Allelúja, allelúja.*

Psal. 91. Justus ut palma florebit: sicut cedrus Libani multiplicabitur. *Allelúja.*



Sequentia sancti Evangelii secundum Matthæum. *Matth. 19. d*

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut

Ee

ma-

matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Et dicitur Credo.

Offertorium. Psalm. 20. Desiderium animæ ejus tribuisti ei, Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas sanctus Bernardus Abbas, quaesumus, in salutem nobis provenire deprecatur. Per Dominum.

Pro Octava Assumptionis. Secreta.

Subveniat, Domine, plebi tuæ Dei Genitricis oratio: quam etsi pro conditione carnis migrasse cognoscimus; in coelesti gloria apud te pro nobis intercedere sentiamus. Per eundem Dominum.

Et dicitur Prefatio de B. Maria. Et te in Assumptione. fol. 183.

Communio. Lucæ 12. Fidelis servus, & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos, Domine, cum tuiperceptione sacramenti beatus Bernardus Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.


Pro Octava Assumpt. Postcommunio.

Mensæ coelestis participes effecti, Imploramus clementiam tuam, Domine Deus noster: ut, qui Assumptionem Dei Genitricis colimus, à cunctis malis imminentibus, ejus intercessionem liberemur. Per eundem Dominum.

Die xxi. Augusti.

**IN FESTO B. BERNARDI
Ptolomæi Abbatis.**

Introitus. Psalm. 36.



Qusti meditabitur sapientiam, & lingua ejus loquetur judicium: lex Dei ejus in corde ipsius.

Psalm. ibid. Noli æmulari in malignantibus: neque zelaveris facientes iniquitatem.

Glória Patri.

Oratio.

Deus, qui per beatum Bernardum, novum anachoreticæ vitæ genus in Ecclesia tua exordiri voluisti: concede, quaesumus; ut ejus vestigiis insistentes, æternæ vitæ præmia consequi mereamur. Per Dominum.

Pro commemoratione Octavæ Assumptionis.

Oratio.

Famulorum tuorum, quaesumus Domine, delictis ignosce: ut qui tibi placere de actibus nostris non valemus, Genitricis Filii tui Domini nostri intercessionem salvemur. Qui tecum vivit.

Lectio libri Sapientiae.

Ecclesi. 45.

Dilectus Deo, & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & jussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ, & disciplinæ.

Graduale. Psalm. 20. Domine, prævenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit à te, & tribuisti ei longitudinem dierum in sæculum sæculi. **Allelúja, allelúja.**

V. Psalm. 91. Justus ut palma florebit: sicut cedrus Libani multiplicabitur. **Allelúja.**



Sequentia sancti Evangelii secundum Matthæum. **Matth. 19. d**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros pro-

propter nomen meum, cēntuplum accipiet, & vitam ætērnā possidēbit.

Et dicitur **C**redo.

Offertorium. *Psalm. 20.* **D**esiderium animæ ejus tribuisti ei, Dōmine, & voluntate labiōrum ejus non fraudasti eum: posuisti in capite ejus coronam de lapide pretioso.

Secreta.

Sacris altāribus, Dōmine, hōstias superpositas sanctus Bernārdus Abbas, quæsumus, in salutē nobis provenire depōscat. Per Dōminum.

Pro Octava Assumptionis. **Secreta.**

Subveniat, Dōmine, plebi tuæ Dei Genitricis oratio: quametsi pro conditione carnis migrasse cognoscimus; in cœlesti glōria apud te pro nobis intercedere sentiāmus. Per eūndem Dōminum.

Præfatio de B. Maria. Et te in Assumptione. fol. 183.

Communio. *Lucæ 12.* **F**idēlis servus & prudens, quem constituit dōminus super familiam suam: ut det illis in tēpore tritici mensuram.

Postcommunio.

Protegat nos, Dōmine, cum tui perceptione sacramēti beātus Bernārdus Abbas, pro nobis intercedēdo: ut & conversationis ejus experiāmur insignia, & intercessionis percipiāmus suffragia. Per Dōminum.

Pro Octava Assumptionis.

Postcommunio.

Mensæ cœlestis partīpes effecti, implorāmus clemētiā tuā, Dōmine Deus noster: ut, qui Assumptionem Dei Genitricis cōlimus, à cunctis malis imminētibus, ejus intercessionē liberēmur. Per eūndem Dōminum.

Die xxii. Augusti.

In Octava Assumptionis B. Mariæ, Missa ut in die, cum commem. SS. Timothei, Hippolyti, & Symphoriani mart.

Oratio.

Auxilium tuum nobis, Dōmine, quæsumus, placatus impēde: & intercedētibus beātis martyribus tuis Timōtheo, Hippolyto, & Symphorianō, dexteram super nos tuæ propitiationis extēde. Per Dōminum.

Secreta.

Accēpta tibi sit, Dōmine, sacratæ plebis oblatio, pro tuōrum honore Sanctorum: quorum semeritis percepisse de tribulatione cognoscit auxilium. Per Dōminum.

Postcommunio.

Divini muneris largitate satiati, quæsumus, Dōmine Deus noster: ut intercedētibus Sanctis martyribus tuis Timōtheo, Hippolyto, & Symphorianō, in ejus semper participatione vivamus. Per Dōminum.

Die xxiii. Augusti.

IN FESTO S. PHILIPPI

Benitii Confess. Missa. Justus ut palma. de Communi Conf. non Pontif. fol. xvi. **Prima Oratio ut sequitur.**

Oratio.

Deus, qui per beātum Philippum Confessorem tuum eximium nobis humilitatis exemplum tribuisti: da fanulis tuis prospera Mundi ex ejus imitatione despiciere, & cœlestia semper inquirere. Per Dōminum.

Deinde fit commemorat. **Vigiliæ S. Bartholomæi**, ubi festum ipsius celebratur die xxiv.

¶ Si sequens Vigilia S. Bartholomæi celebretur in die Octava Assumptionis, vel in festo S. Philippi, in Ecclesiis Cathedralibus & Collegiatis dicuntur duæ Missæ, una de Octava, vel de S. Philippo, sine commemor. Vigiliæ; & altera de Vigilia, in qua dicitur Præfatio communis.


Die xxiii. vel xxiv. Augusti.

IN VIGILIA S. BARTHOLOMÆI

Apostoli.

Introitus.

Psalm. 51.



Go autem sicut olīva fructifera in domo Dōmini, speravi in misericordia Dei mei: & expectābo nomen tuum, quoniam bonum est ante conspectum

Sanctorum tuorum. *Psalm. ibid.* Quid gloriāris in malitia: qui potens es in iniquitate? **Glória Patri.**

Oratio.

DA, quæsumus omnipotens Deus, ut beāti Bartholomæi Apostoli tui,

Ec 2

quam

quam prævenimus, veneranda sollemnitas, & devotionem nobis augeat, & salutem. Per Dóminum.

Secunda Oratio. **C**oncède nos. **tertia,** **E**cclésiæ tuæ. **Vel pro Papa.** **D**eus, omnium fidélium. fol. 384.

Lectio libri Sapiéntiæ. **Eccli. 44. d & 45.**

Benedictio Dómini supercaput iusti. Ideò dedit illi Dóminus hæreditatē, & divisit illi partem in tribus duodecim: & invenit grátiam in conspéctu omnis carnis. Et magnificávit eum in timóre inimicórum, & in verbis suis monstra placávit. Glorificávit illum in conspéctu regum, & iussit illi coram pópulo suo, & osténdit illi glóriam suam. In fide, & lenitate ipsius sanctum fecit illum, & elégit eum ex omni carne. Et dedit illi coram præcepta, & legem vitæ, & disciplinæ: & excelsum fecit illum. Stáuit ei testaméntum ætérnum, & circumcinxit eum zona iustitiæ: & induit eum Dóminus coronam glóriæ.

Graduale. **Psal. 91.** Iustus ut palma florébit: sicut cedrus Libani multiplicábitur in domo Dómini. **v.** Ad annuntiándum manè misericórdiam tuam, & veritatem tuam per noctem.



Sequéntia sancti Euangélii secundum Joánnem. **Joann. 15. b**

In illo témpore: Dixit Iesus discipulis suis: Hoc est præceptum meum, ut diligátis invicem, sicut diléxi vos. Majórem hac dilectiónem nemo habet, ut ánimam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid fáciat dóminus ejus. Vos autem dixi amicos: quia ómnia, quæcúmque audivi à Patre meo, nota feci vobis. Non vos meelegístis: sed ego elégi vos, & pòsui vos, ut eátis, & fructum afferátis, & fructus vester máneat: ut quodcúmque petieritis Patrem in nómine meo, det vobis.

Offertorium. **Psal. 8.** **G**loria, & honóre coronásti eum: & constituísti eum super ópera mánuum tuárum, Dómine.

Secreta.

Apostólici reveréntia cúlminis offeréntes tibi sacra mystéria, Dómine, quæsumus: ut beáti Bartholomæi Apóstoli tui suffrágiis, cujus natalitia prævenimus, plebs tua semper & sua vota deprómat, & desideráta percípiat. Per Dóminum nostrum.

Secunda Secreta. **T**ua, Dómine. **tertia,** **P**rótege nos. **vel O**blátis. fol. 385.

Communio. **Psal. 20.** **M**agna est glória ejus in salutári tuo: glóriam, & magnum decórem impónes super eum, Dómine.

Postcommunio.

Sancti Apóstoli tui Bartholomæi, quæsumus, Dómine, supplicatióne placátus: & véniam nobis tribue, & remédia sempitérna concède. Per Dóminum.


Secunda Postcommunio. **S**umptis, Dómine. & **Q**uæsumus, Dómine. **vel H**æc nos, quæsumus. **ut suprà.** fol. 385.

¶ Sequens festum S. Bartholomæi celebratur secundum consuetudinem locorum, vel xxiv. vel xxv. Augusti. Romæ celebratur xxv. & de S. Ludovico fit die xxvi. cum commem. S. Zephyrini.

Die xxiv. vel xxv. Augusti.

IN FESTO S. BARTHOLOMÆI

Apostoli. Introitus. Psal. 138.



Ihí autem nimis honoráti sunt amici tui, Deus: nimis confortátus est principátus eórum.

Psal. ibid. **D**ómine, probásti me, & cognovísti me: tu cognovísti sessiónem meam, & resurrectionem meam.

v. Glória Patri. **Oratio.**

Omnipotens sempitérne Deus, qui hujus diéi venerándam, sanctámque lætítiam, in beáti Apóstoli tui Bartholomæi festivitáte tribuísti: da Ecclésiæ tuæ, quæsumus, & amáre quod credidit, & prædicáre quod dócuit. Per Dóminum nostrum.

Lectio Epístolæ beáti Pauli Apóstoli ad Corínthios. **1. Cor. 12. d**

Fratres, Vos estis corpus Christi, & membra de membro. Et quosdam qui-

quidem posuit Deus in Ecclesia, primum Apostolos, secundo Prophetas, tertio Doctores, deinde virtutes, exinde gratias curationum, opitulationes, gubernationes, genera linguarum, interpretationes sermonum. Numquid omnes Apostoli? numquid omnes Prophetæ? numquid omnes Doctores? numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur? Æmulamini autem charismata meliora.

Graduale. Psalm. 44. Constitues eos principes super omnem terram: memores erunt nominis tui, Domine.

V. Pro patribus tuis nati sunt tibi filii: propterea populi confitebuntur tibi.

Allelúja, allelúja.

V. Te gloriosus Apostolorum chorus laudat Domine. Allelúja.



Sequentia sancti Evangelii secundum Lucam. **Lucæ 6. b**

In illo tempore: Exiit Jesus in montem orare, & erat pernoctans in oratione Dei. Et cum dies factus esset, vocavit discipulos suos: & elegit duodecim ex ipsis (quos & Apostolos nominavit) Simónem, quem cognominavit Petrum, & Andréam fratrem ejus, Jacobum, & Joannem, Philippum, & Bartholomæum, Matthæum, & Thomam, Jacobum Alphæi, & Simónem, qui vocatur Zelotes, & Judam Jacobi, & Judam Iscariotem, qui fuit proditor. Et descendens cum illis, stetit in loco campestri, & turba discipulorum ejus, & multitudo copiosa plebis ab omni Judæa, & Jérusalem, & maritima, & Tyri, & Sidonis, qui venerant, ut audirent eum, & sanarentur a languoribus suis. Et qui vexabantur a spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. **C**redo.

Offertorium. Psalm. 138. **M**ihi autem nimis honorati sunt amici tui, Deus: nimis confortatus est principatus eorum.

Miss. Monast.

Secreta.

Beati Apostoli tui Bartholomæi sollemniter recensentes, quæsumus, Domine: ut ejus auxilio tua beneficia capiamus, pro quo tibi laudis hostias immolamus. Per Dominum.

Præfatio de Apostolis. fol. 184.

Communio. Matth. 19. **V**os, qui secuti estis me, sedebitis super sedes, judicantes duodecim tribus Israel, dicit Dominus.

Postcommunio.

Sumptum, Domine, pignus redemptionis æternæ, sit nobis, quæsumus, interveniente beato Bartholomæo Apostolo tuo, vitæ præsentis auxilium pariter & futuræ. Per Dominum.

Die xxv. Augusti.

IN FESTO S. LUDOVICI

Confessoris. Introitus. Psalm. 36.



O justi meditabitur sapientiam, & lingua ejus loquetur judicium: lex Dei ejus in corde ipsius.

Psalm. ibid. **N**oli æmulari in malignantibus: neque

zelaveris facientes iniquitatem.

V. Glória Patri.

Oratio.

Deus, qui beatum Ludovicum Confessorem tuum, de terreno regno ad cœlestis regni glóriam transtulisti: ejus, quæsumus, meritis & intercessione, Regis regum Jesu Christi Filii tui facias nos esse consortes. Qui tecum vivit & regnat in unitate Spiritus sancti Deus, per omnia sæcula sæculorum.

Lectio libri Sapientiae.

Sap. 10. b

Justum deduxit Dominus per vias rectas, & ostendit illi regnum Dei, & dedit illi scientiam Sanctorum: honestavit illum in laboribus, & complavit labores illius. In fraude circumvenientium illum affuit illi, & honestum fecit illum. Custodivit illum ab inimicis, & a seductoribus tutavit illum, & certamen forte dedit illi, ut vinceret, & sciret, quoniam omnium potentior est sapientia. Hæc venditum justum non dereliquit, sed a peccatoribus liberavit eum: descenditque cum illo in foveam, & in vinculis

Ee 3

non

non dereliquit illum, donec afferret illi sceptrum regni, & potentiam adversus eos, qui eum deprimebant: & mendaces ostendit, qui maculaverunt illum: & dedit illi claritatem æternam, Dominus Deus noster.

Graduale. Psalm. 91. Justus ut palma florebit: sicut cedrus Libani multiplicabitur in domo Domini.

Ad annuntiandum manè misericordiam tuam, & veritatem tuam per noctem. Allelúja, allelúja.

Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelúja.

Sequentia sancti Evangelii secundum Lucam. Lucæ 19. b

In illo tempore: Dixit Jesus discipulis suis parabolam hanc: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mnas, & ait ad illos: Negotiamini, dum venio. Cives autem ejus oderant eum: & miserunt legationem post illum, dicentes: Nolumus hunc regnare super nos. Et factum est, ut rediret accepto regno: & jussit vocari servos, quibus dedit pecuniam, ut sciret, quantum quisque negotiatus esset. Venit autem primus, dicens: Domine, mna tua decem mnas acquisivit. Et ait illi: Euge, bone serve, quia in modico fuisti fidelis, eris potestatem habens super decem civitates. Et alter venit, dicens: Domine, mna tua fecit quinque mnas. Et huic ait: Et tu esto super quinque civitates. Et alter venit, dicens: Domine, ecce mna tua, quam habui repositam in sudario: timui enim te, quia homo austerus es: tollis quod non posuisti, & metis quod non seminasti. Dicit ei: De ore tuo te iudico, serve nequam. Sciebas quod ego homo austerus sum, tollens quod non posui, & metens quod non seminavi: & quare non dedisti pecuniam meam ad mensam, ut ego veniens, cum usuris utique exegissem illam? Et astantibus dixit: Auferte ab illo mnam, & date illi, qui

decem mnas habet. Et dixerunt ei: Domine, habet decem mnas. Dico autem vobis, quia omni habenti dabitur, & abundabit: ab eo autem, qui non habet, & quod habet, auferetur ab eo.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Præsta quæsumus omnipotens Deus: ut, sicut beatus Ludovicus Confessor tuus, spretis mundi oblectamentis, soli Regi Christo placere studuit: ita ejus oratio nos tibi reddat acceptos. Per eundem Dominum nostrum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio.

Deus, qui beatum Confessorem tuum Ludovicum mirificasti in terris, & gloriosum in coelis fecisti: eundem, quæsumus, Ecclesiæ tuæ constitue defensorem. Per Dominum.

Die xxvi. Augusti.

SANCTI ZEPHYRINI PAPÆ & martyris. Introitus. Dan. 3.



Acerdotes Dei benedicite Dominum: Sancti, & humiles corde laudate Deum.

Dan. ibid. Benedicite omnia opera Domini Domino: laudate, & superexaltate eum in sæcula. **Glória Patri.**

Oratio.

Præsta quæsumus omnipotens Deus: ut beati Zephyrini martyris tui atque Pontificis, cujus gaudemus meritis, instruamur exemplis. Per Dominum.

Lectio Epistolæ beati Pauli Apostoli ad Corinthios. **2. Cor. 1.**

Fratres, Benedictus Deus, & Pater Domini nostri Jesu Christi, Pater misericordiarum, & Deus totius consolationis, qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, qua exhortamur & ipsi a Deo.

Deo. Quoniam sicut abundant passionēs Christi in nobis: ita & per Christum abundat consolatio nostra. Sive autem tribulamur pro vestra exhortatione, & salute, sive consolamur pro vestra consolatione, sive exhortamur pro vestra exhortatione, & salute, quæ operatur tolerantiam earundem passionum, quas & nos patimur, ut spes nostra firma sit pro vobis: scientes, quod sicut socii passionum estis, sic eritis & consolationis: in Christo Jesu Domino nostro.

Graduale. Psalm. 8. Gloria, & honore coronasti eum. *Ps.* Et constituisti eum super opera manuum tuarum, Domine. Alleluya, alleluya. *Ps.* Hic est sacerdos, quem coronavit Dominus. Alleluya.

Sequentia sancti Evangelii secundum Matthæum. Matth. 16.

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Psalm. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Secreta.

Munera tibi, Domine, dicata sanctifica: & intercedente beato Zephyrino martyre tuo atque Pontifice, per eadem nos placatus intende. Per Dominum nostrum.

Communio. Psalm. 20. Posuisti, Domine, in capite ejus coronam de lapide pretioso. **Postcommunio.**

Hæc nos communio, Domine, purget à crimine: & intercedente beato Zephyrino martyre tuo at-

que Pontifice, coelestis remedii faciat esse consortes. Per Dominum.

Die xxviii. Augusti.

IN FESTO S. AUGUSTINI
Episcopi & Confessoris, & Ecclesiæ
Doctōris. Introitus. Eccli. 15.



In medio Ecclesiæ aperuit os ejus: & implevit eum Dominus spiritu sapientiæ, & intellectus: stolam gloriæ induit eum.

Psalm. 91. Bonum est confiteri Domino: & psallere nomini tuo, Altissime. *Ps.* Gloria Patri.

Oratio.

Ad esto supplicationibus nostris, omnipotens Deus: & quibus fiduciam sperandæ pietatis indulges, intercedente beato Augustino Confessore tuo, atque Pontifice, consuetae misericordiæ tribue benignus effectum. Per Dominum.

Pro commem. S. Hermetis mart. Oratio.

Deus, qui beatum Hermetem martyrem tuum, virtute constantiæ in passione roborasti: ex ejus nobis imitatione tribue, pro amore tuo prospera mundi despiciere, & nulla ejus adversa formidare. Per Dominum.

Lectio Epistolæ beati Pauli Apostoli ad Timotheum. 2. Tim. 4.

Charissime, Testificor coram Deo, & Jesu Christo, qui judicaturus est vivos & mortuos, per adventum ipsius, & regnum ejus: prædica verbum, in opportune, importune: argue, obsecra, increpa in omni patientia, & doctrina. Erit enim tempus, cum sanam doctrinam non sustinebunt: sed ad sua desideria coercabunt sibi magistros, pruriētes auribus, & à veritate quidem auditum avertent, ad fabulas autem convertentur. Tu verò vigila, in omnibus labora, opus fac Evangelistæ, ministerium tuum imple. Sobrius esto. Ego enim jam desinor, & tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die, justus judex:

non solum autem mihi, sed & iis, qui diligunt adventum ejus.

Graduale. Psal. 36. Os justus meditabitur sapientiam, & lingua ejus loquetur iudicium. **V.** Lex Dei ejus in corde ipsius: & non supplantabuntur gressus ejus.

Allelúja, allelúja.

V. Psal. 88. Inveni David servum meum: oleo sancto meo unxi eum. Allelúja.



Sequentia sancti Evangelii secundum Matthæum. Matth. 5. b

In illo tempore: Dixit Jesus discipulis suis: Vosestis sal terræ. Quod si sal evanuerit, in quo salietur? ad nihilum valet ultra, nisi ut mittatur foras, & conculcetur ab hominibus. Vos estis lux mundi. Non potest civitas abscondi supra montem posita. Neque accendant lucernam, & ponunt eam sub modio, sed super candelabrum: ut luceat omnibus, qui in domo sunt. Sic luceat lux vestra coram hominibus, ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non præteribit à lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. **C**redo.

Offertorium. Psal. 91. Justus ut palma florebit: sicut cedrus, quæ in Libano est, multiplicabitur. **Secreta.**

Sancti Confessoris tui Augustini nobis, Domine, pia non desit oratio: quæ & muneribus nostra conciliet, & tuam nobis indulgentiam semper obtineat. Per Dominum.

Pro S. Hermete. Secreta.

Sacrificium tibi, Domine, laudis offerimus in tuorum commemoratione Sanctorum: da, quæsumus; ut quod illis contulit gloriam, nobis proficit ad salutem. Per Dominum.

Communio. Lucæ 12. Fidelis servus, & prudens, quem constituit Dominus super familiam suam; ut det illis in tempore tritici mensuram. **Postcommunio.**

Ut nobis, Domine, tua sacrificia dent salutem: beatus Confessor tuus Augustinus & Pontifex, quæsumus, precator accedat. Per Dominum.

Pro S. Hermete. Postcommunio.

Repleti, Domine, benedictione coelesti, quæsumus, clementiam tuam: ut, intercedente beato Hermete martyre tuo, quæ humiliter gerimus, salubriter sentiamus. Per Dominum.

Die xxix. Augusti.

IN DECOLLATIONE sancti Joannis Baptistæ.

Introitus. Psalm. 118.



Oquebar de testimoniis tuis in conspectu regum, & non confundebam: & meditabar in mandatis tuis, quæ dilexi nimis.

Psal. 91. Bonum est confiteri Domino: & psallere nomini tuo, Altissime. **V.** Gloria Patri. **Oratio.**

Sancti Joannis Baptistæ præcursoris & martyris tui, quæsumus, Domine, veneranda festività, salutaris auxilii nobis præstet effectum. Qui vivis & regnas cum Deo Patre.

Procommem. S. Sabinæ mart. Oratio.

Deus, qui inter cetera potentie tue miracula, etiam in sexu fragili victoriam martyrii contulisti: concede propitius; ut qui beatæ Sabinæ martyris tue natalitia colimus, per ejus ad te exempla gradiamur. Per Dominum.

Lectio Jeremiæ Prophætæ. Jer. 1. d

In diebus illis: Factum est verbum Domini ad me, dicens: Accinge lumbos tuos, & surge, & loquere ad Juda omnia, quæ ego præcipio tibi. Ne formides à facie eorum: nec enim timere te faciam vultum eorum. Ego quippe dedi te hodie in civitatem munitam, & in columnam ferream, & in murum æreum, super omnem terram, regibus Juda, principibus ejus, & sacerdotibus, & populo terræ.

Die 11. Augusti.

IN FESTO

S. ALPHONSI MARIAE DE LIGORIO

FUNDATORIS CONGREGATIONIS
SS. REDEMPTORIS

Introitus.

Spiritus Domini super me, propter quod unxit me, evangelizare pauperibus misit me, sanare contritos corde. Lucae 4. 18.

Psalm. Attendite Popule meus legem meam: inclinate aurem vestram in verba oris mei. Gloria Patri etc. Psalm. 77.

Oratio.

Deus qui per B. Alphonsum Mariam Confessorem tuum, atque Pontificem animarum zelo succensum Ecclesiam tuam nova prole foecundasti; quaesumus, ut ejus salutaribus monitis edocti, et exemplis roborati, ad Te pervenire feliciter valeamus. Per Dominum nostrum etc.

Lectio Epistolae B. Pauli Apostoli ad Timotheum.

Ad Timotheum 2. 1.

Carissime, confortare in gratia, quae est in Christo Jesu, et quae audisti a me per multos testes, haec commenda fidelibus hominibus, qui idonei erunt et alios docere. Labora, sicut bonus miles Christi Jesu. Nemo militans Deo, implicat se negotiis saecularibus, ut ei placeat, cui se probavit. Nam et qui certat

in agone, non coronatur, nisi legitime certaverit. Laborantem Agricola oportet primum de fructibus percipere. Intellige, quae dico; dabit enim tibi Dominus in omnibus intellectum.

Graduale.

Psalm. 118. 52. Memor fui a saeculo, Domine, et consolatus sum; defectio tenuit me pro peccatoribus derelinentibus legem tuam.

Psalm. 39. 10. Justitiam tuam non abscondi in corde meo; veritatem tuam, et salutare tuum dixi. Alleluja, Alleluja.

Ecclesi. 49. 3. 4. Ipse est directus divinitus, in poenitentiam gentis et tulit abominationem impietatis: et gubernavit ad Dominum cor ipsius; et in diebus peccatorum corroboravit pietatem. All.

Si celebretur post Septuagesimam, omittis Alleluja, et versu sequenti, dicitur Tractus.

Psalm. 34. 10. Ego autem cum mihi molesti essent, induebar cilicio; humiliabam in jejuniis animam meam: et oratio mea in sinu meo convertetur.

Psalm. 22. 5. Parasti in conspectu meo mensam adversus eos, qui tribulant me; impinguasti in oleo caput meum, et calix meus inebrians quam praeclarus est.

1. ad Corinth. 9. 22. Factus sum infirmis infirmus, ut infirmos lucrificarem.

*Tempore Paschali omittitur Graduale, et
ejus loco dicitur Alleluja. Alleluja.*

℣. Psalm. 132. 1. et 2. Ecce
quam bonum, et quam jucundum
habitare fratres in unum, sicut un-
guentum in capite, quod descen-
dit in barbam, barbam Aaron. Al-
leluja.

℣. Joannis 15. 16. Posui vos,
ut eatis. et fructum afferatis, et fru-
ctus vester maneat. Alleluja.

Sequentia sancti Evangelii
secundum Lucam 10.

In illo tempore: Designavit Do-
minus et alios septuaginta duos, et
misit illos binos ante faciem suam
in omnem civitatem, et locum, quo
erat ipse venturus. Et dicebat illis:
Messis quidem multa, operarii au-
tem pauci. Rogate ergo dominum
messis, ut mittat operarios in mes-
sem suam. Ite: ecce ego mitto vos
sicut agnos inter lupos. Nolite por-
tare sacculum, neque peram, neque
calceamenta: et neminem per viam
salutaveritis. In quamcumque do-
mum intraveritis, primum dicite:
Pax huic domui: et si ibi fuerit fi-
lius pacis, requiescet super illum
pax vestra: sin autem, ad vos re-
vertetur. In eadem autem domo
manete, edentes et bibentes, quae
apud illos sunt: dignus est enim o-
perarius mercede sua. Nolite tran-
sire de domo in domum. Et in
quamcumque civitatem intraveritis,

et susceperint vos, manducate, quae
apponuntur vobis: et curate infir-
mos, qui in illa sunt, et dicite il-
lis: Appropinquavit in vos regnum
Dei. *Credo.*

Offertorium Prov. 3. 9. 27.

Honora Dominum de tua substan-
tia, et de primitiis omnium frugum
tuarum da ei. Noli prohibere be-
nefacere eum, qui potest: si vales,
et ipse benefac.

Secreta.

Coelesti Domine Jesu Christe sa-
crificii igne corda nostra in odo-
rem suavitatis exure, qui Beato Al-
phonso Mariae tribuisti et haec My-
steria celebrare, et per eandem ho-
stiam Tibi sanctam seipsum exhi-
bere. Qui vivis etc.

Communio. Eccles. 50. 1. 9.

Sacerdos magnus, qui in vita
sua suffulsit domum, et in diebus
suis corroboravit templum quasi
ignis effulgens, et thus ardens in
igne.

Post-Communio.

Deus, qui Beatum Alphonsum
Mariam Confessorem tuum, atque
Pontificem, fidelem divini Mysie-
rii dispensatorem, et praeconem
effecisti, ejus meritis, precibusque
concede, ut fideles tui et frequen-
ter percipiant, et percipiendo si-
ne fine collaudent. Per Domi-
num etc.

terrae. Et bellabunt adversum te, & non praevalébunt: quia ego tecum sum, ait Dóminus, ut liberem te.

Graduale. Psal. 91. Iustus ut palma florébit: sicut cedrus Libani multiplicábitur in domo Dómini. **Ps.** Ad annuntiándum manè misericórdiam tuam, & veritátem tuam per noctem.

Allelúja, allelúja. Ps. Osee 14. Iustus germinábit sicut lílium: & florébit in aeternum ante Dóminum. Allelúja.

Sequentia sancti Euangelii secundum Marcum. Marc. 6. c

In illo témpore: Misit Heródes, ac tenuit Joánnem, & vinxit eum in cárcere, propter Herodíadem uxórem Philíppi fratris sui, quia dúxerat eam. Dicebat enim Joánnes Heródi: Non licet tibi habére uxórem fratris tui. Heródias autem insidiabátur illi: & volébat occidere eum, nec póterat. Heródes enim metuébat Joánnem, sciens eum virum iustum, & sanctum: & custodiébat eum, & audito eo, multa faciébat, & libénter eum audiébat. Et cum dies opportunus accidisset, Heródes natális sui cenam fecit principibus, & tribúnis, & primis Galilææ. Cumque introisset filia ipsius Herodíadis, & saltáset, & placuisset Heródi, simulque recumbéntibus; rex ait puellæ: Pete à me quod vis, & dabo tibi, & iurávit illi: Quia quidquid petieris, dabo tibi, licet dimidiũ regni mei. Quæ cum exisset, dixit matri suæ: Quid petam? At illa dixit: Caput Joánnis Baptístæ. Cumque introisset statim cum festinacióné ad regem, petívit, dicens: Volo, ut prótinus des mihi in disco caput Joánnis Baptístæ. Et contristátus est rex propter iusjurándum, & propter simul discumbéntes, noluit eam contristáre: sed misso spiculátore præcepit afférri caput ejus in disco. Et decollávit eum in cárcere: & áttulit caput ejus in disco, & dedit illud puellæ, & puella dedit matri suæ. Quo audito, discipuli ejus venérunt, & tulérunt corpus ejus, & posuérunt illud in monumento.

Offertorium Psal. 20. In virtúte tua, Dómine, lætábitur iustus, & super salutáre

tuum exultábit veheménter: desidérium animæ ejus tribuísti ei. **Secreta.**

Munera, quæ tibi, Dómine, pro sancti mártiris tui Joánnis Baptístæ passióne deférimus, quæsumus; ut ejus obténtu, nobis proficiant ad salutem. Per Dóminum.

Pro S. Sabina martyre. Secreta. Hostias tibi, Dómine, beátæ Sabinae mártiris tuæ dicátas méritis, benignus asúme: & ad perpétuum nobis tribue proveníre subsidium. Per Dóminum.

Communio. Psalm. 20. Posuísti, Dómine, in cápite ejus corónam de lapide pretiósó. **Postcommunio.**

Conferat nobis, Dómine, sancti Joánnis Baptístæ solémnitas: ut & magnífica sacraménta, quæ sumpsimus, significáta venerémur, & in nobis potiùs édita gaudeámus. Per Dóminum.

Pro S. Sabina. Postcommunio. Divíni múnieris largitáte satiáti, quæsumus, Dómine Deus noster: ut intercedente beáta Sabina mártire tua, in ejus semper participatióne vivámus. Per Dóminum.

Die xxx. Augusti.

IN FESTO S. ROSÆ A S. MARIA virg. Limanæ. Missa. Dilexísti. de Comuni Virginum. fol. xx. Oratio.

Bonórum ómnium largitor, omnipotens Deus, qui beátam Rosam, coeléstis grátiae rore prævéntam, virginitátis & paciéntiæ decóre Indis floréscere voluísti: da nobis fámulis tuis; ut in odórem suavitátis ejus currétes, Christi bonus odor éffici mereámur. Qui tecum vivit, & regnat.

Et fit commemor. SS. Felicis & Adaucti martyrum, ut in sequenti Missa propria.

MISSA SS. FELICIS ET ADAUCTI martyrum. Introitus. Eccli. 44.



Apiéntiam Sanctorum narrent pópuli: & laudes eórum nuntiet ecclésia: nómina autem eórum vivent in sæculum sæculi.

Psal. 32. Exultáte iusti in Dómino: re-ctos decet collaudátio. **Ps.** Glória Patri.

Ora-

Oratio.

MAjestatem tuam, Domine, supplices exoramus: ut sicut nos iugiter Sanctorum tuorum commemoratione laetificas, ita semper supplicatione defendas. Per Dominum.

Lectio libri Sapientiae. **Sap. 10. c.**

REddidit Deus justis mercedem laborum suorum, & deduxit illos in via mirabili: & fuit illis in velamento diei, & in luce stellarum per noctem: transtulit illos per mare rubrum, & transvexit illos per aquam nimiam. Inimicos autem illorum demersit in mare, & ab altitudine inferorum eduxit illos. Ideo justi tulerunt spolia impiorum, & decantaverunt, Domine, nomen sanctum tuum, & victricem manum tuam laudaverunt pariter, Domine Deus noster.

Graduale. Sap. 3. Justorum animae in manu Dei sunt: & non tanget illos tormentum malitiae. **V.** Visi sunt oculis insipientium mori: illi autem sunt in pace.

Alleluja, alleluja. V. Fulgebunt justi, & tamquam scintillae in arundinetis discurrent in aeternum. Alleluja.



Sequentia sancti Evangelii secundum Lucam. **Lucae 10. c.**

IN illo tempore: Dixit Jesus discipulis suis: Qui vos audit, me audit: & qui vos spernit, me spernit. Qui autem me spernit, spernit eum, qui misit me. Reversi sunt autem septuaginta duo cum gaudio, dicentes: Domine, etiam demonia subjiciuntur nobis in nomine tuo. Et ait illis: Videbam satanam sicut fulgur de caelo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici: & nihil vobis nocabit. Verumtamen in hoc nolite gaudere, quia spiritus vobis subjiciuntur: gaudete autem, quod nomina vestra scripta sunt in coelis.

Offertorium. Psal. 31. Letamini in Domino, & exultate justi: & gloriamini omnes recti corde. **Secreta.**

Hostias, Domine, tuae plebis intende: & quas in honore Sanctorum tuorum

rum devota mente celebrat, proficere sibi sentiat ad salutem. Per Dominum.

Communio. Matth. 10. Quod dico vobis in tenebris, dicite in lumine, dicit Dominus: & quod in aure auditis, praedicante super te. **Postcommunio.**

REpleti, Domine, muneribus sacris, quaesumus: ut intercedentibus Sanctis tuis, in gratiarum semper actione maneamus. Per Dominum.

Die xxxi. Augusti.

IN FESTO S. RAYMUNDI
Nonnati Confessoris, Missa. Os just.
ut in Communi Confessoris non Pontificis. fol. xv. praeter primam Orationem hic propriam. Oratio.

DEus, qui in liberandis fidelibus tuis ab impiorum captivitate beatum Raymundum Confessorem tuum mirabilem effecisti: ejus nobis intercessionem concede; ut a peccatorum vinculis absoluti, quae tibi sunt placita, liberis mentibus exequamur. Per Dominum.

FESTA SEPTEMBRIS.

Die i. Septembris.

IN FESTO S. AEGIDII
Abbatis. Introitus. Psalm. 36.



S justi meditabitur sapientiam: & lingua ejus loquetur iudicium: lex Dei ejus in corde ipsius.

Psalm. ibid. Noli aemulari in malignantibus: neque

zelaveris facientes iniquitatem.

V. Gloria Patri. Oratio.

Intercessio nos, quaesumus, Domine, beati Aegidii Abbatis commendet: ut quod nostris meritis non valemus, ejus patrocinio assequamur. Per Dominum.

Procommem. SS. martyrum duodecim Fratrum. Oratio.

Fraterna nos, Domine, Martyrum tuorum corona laetificet: quae & fidei nostrae praebeat incrementa virtutum, & multiplici nos suffragio consoletur.

Ad poscenda suffragia SS. Oratio.

Acunctis nos, quaesumus Domine, mentis & corporis defende per-

periculis: & intercedente beata & gloriosa semper virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus, & pacem: ut, destructis adversitatibus & erroribus universis, Ecclesia tua secura tibi serviat libertate. Per eundem Dñm.

Lectio libri Sapientiae.

Eccli. 45.

Dilectus Deo, & hominibus, cujus memoria in benedictione est. Similem illum fecit in gloria Sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide, & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram precepta, & legem vitae, & disciplinæ.

Graduale. Psalm. 20. Domine, praevenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit a te, & tribuisti ei longitudinem dierum in saeculum saeculi. **A**lleluya, alleluya.

V. Psalm. 91. Justus ut palma florebit: sicut cedrus Libani multiplicabitur. Alleluya.



Sequentia sancti Evangelii secundum Matthaeum. **Matth. 19. d**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suae, sedebitis & vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit.

Offertorium. Psalmus 20. Desiderium animae ejus tribuisti ei, Domine, & voluntate labiorum ejus non fraudasti

eum: posuisti in capite ejus coronam de lapide pretioso.

Secreta.

Sacris altaribus, Domine, hostias superpositas sanctus Aegidius Abbas, quaesumus, in salutem nobis provenire deprecatur. Per Dominum.

Pro commem. SS. martyrum duodecim Fratrum.

Secreta.

Mysteria tua, Domine, pro Sanctorum Martyrum tuorum commemoratione, devota mente tractemus: quibus nobis & praesidium crescat, & gaudium.

Ad polcenda suffragia SS.

Secreta.

Exaudi nos, Deus salutaris noster: ut per huius sacramenti virtutem, a cunctis nos mentis, & corporis hostibus tuearis, gratiam tribuens in praesenti, & gloriam in futuro. Per Dominum.

Communio. Lucae 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Protegat nos, Domine, cum tu perceptione sacramenti beatus Aegidius Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum.

Pro commem. SS. martyrum duodecim Fratrum.

Postcommunio.

Praesta quaesumus omnipotens Deus: ut quorum memoriam sacramenti participatione recolimus, fidem quoque proficiendo sectemur.

Ad polcenda suffragia Sanctorum.

Postcommunio.

Mundet & muniat nos, quaesumus Domine, divini sacramenti munus oblatum: & intercedente beata Virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis; a cunctis nos reddat & perversitatibus expiatus, & adversitatibus expeditos. Per eundem Dominum.

Die ii. Septembris.

IN FESTO S. NONNOSI Abbatis, Missa. Os just. ut in Comuni Abbatum. fol. xvii.

Die

Die iii. Septembris.

IN FESTO S. STEPHANI
Hungariæ Regis Confessoris.

Introitus. Psal. 36.

S justi meditabitur sapien-
tiam, & lingua ejus lo-
quetur iudicium: lex Dei
ejus in corde ipsius.Psal. ibid. Noli æmulari
in malignantibus: neque
zelaveris facientes iniquitatem.

V. Glória Patri. Oratio.

Concède, quæsumus, Ecclesiæ tuæ
omnipotens Deus: ut beatum Sté-
phanum Confessorem tuum, quem re-
gnantem in terris propagatorem habuit,
propugnatorem habere mereatur glo-
riosum in coelis. Per Dóminum.

Secunda Oratio. A cunctis nos. fol. 442.

Tertia ad libitum.

Lectio libri Sapiéntiæ. Eccli. 31.

Beatus vir, qui inventus est sine má-
cula, & qui post aurum non abiit,
nec speravit in pecunia, & thesauris.
Quis est hic, & laudabimus eum? fecit
enim mirabilia in vita sua. Qui probá-
tus est in illo, & perfectus est, erit illi
glória æterna: qui potuit transgredi,
& non est transgressus: facere mala, &
non fecit: ideo stabilita sunt bona illius
in Dómino, & eleemosynas illius enar-
rabit omnis Ecclesiá sanctorum.Graduale. Psal. 91. Justus ut palma
florébit: sicut cedrus Líbani multipli-
cabitur in domo Dómini.V. Ad annuntiandum mané misericór-
diam tuam, & veritatem tuam per
noctem. Allelúja, allelúja.V. Jac. 1. Beatus vir, qui suffert tenta-
tiónem: quóniam cum probatus fuerit,
accipiet coronam vitæ. Allelúja.Sequéntia sancti Euangélii secún-
dum Lucam. Lucæ 19. d**I**n illo témpore: Dixit Jesus discipulis
suis parabolam hanc: Homo quidam
nobilis abiit in regiónem longinquam
accipere sibi regnum, & revérti. Vocá-
tis autem decem servis suis, dedit eis de-
cem mnas, & ait ad illos: Negotiamini,dum vénio. Cives autem ejus óderant
eum: & miserunt legationem post illum,
dicentes: Nolumus hunc regnare super
nos. Et factum est, ut rediret accepto
regno: & jussit vocari servos, quibus de-
dit pecuniam, ut sciret, quantum quis-
que negotiatus esset. Venit autem pri-
mus, dicens: Dómine, mna tua decem
mnas acquisivit. Et ait illi: Euge, bone
serve, quia in módico fuisti fidelis, eris
potestatem habens super decem civitá-
tes. Et alter venit, dicens: Dómine, mna
tua fecit quinque mnas. Et huic ait: Et
tu esto super quinque civitates. Et alter
venit, dicens: Dómine, ecce mna tua,
quam habui repositam in sudário: tímui
enim te, quia homo austérus es: tollis
quod non posuisti, & metis quod non
feminasti. Dicit ei: De ore tuo te iudico,
serve nequam. Sciébas quod ego homo
austérus sum, tollens quod non posui,
& metens quod non seminavi: & quare
non dedisti pecuniam meam ad men-
sam, ut ego véniens, cum usúris útique
exegissem illam? Et astantibus dixit:
Aufer te ab illo mnam, & date illi, qui
decem mnas habet. Et dixerunt ei: Dó-
mine, habet decem mnas. Dico autem
vobis, quia omni habenti dabitur, &
abundabit: ab eo autem, qui non ha-
bet, & quod habet, auferetur ab eo.Offertorium. Psal. 88. V éritas mea, &
misericórdia mea cum ipso: & in nómine
meo exaltabitur cornu ejus. Secreta.**R**espice, quas offerimus hóstias, om-
nipotens Deus, & præsta: ut qui Pas-
sionis Domínice mystéria celebramus,
imitémur quod ágimus. Per Dóminum.

Secunda Secreta. Exáudi nos. fol. 443.

Tertia ad libitum.

Cómunio. Matth. 24. B eatus servus, quē,
cum vénerit dóminus, invénerit vigilán-
tem: amen dico vobis, super ómnia bona
sua constituet eum. Postcommunio.**P**ræsta quæsumus omnipotens Deus:
ut beati Stéphaní Confessoris tui fi-
dem congrua devotióne sectémur: qui
ejúsdem fidei dilatatióne, de terréno
regno ad coeléstis regni glóriam méruit
pervenire. Per Dóminum.

Se-

Secunda Postcommunio. Mundet, & muniat. fol. 443. **Tertia ad libitum.**

Die v. Septembris.

IN FESTO S. LAURENTII
Justiniani Episcopi & Confess. Missa.
Státuit. ei. de **Communi Confessoris**
Pontificis. fol. xi.

Die viii. Septembris.

IN NATIVITATE
B. MARIE VIRGINIS.

Introitus. Sedulius.



Alve sancta parens, enixa
puérpera Regem: qui cœ-
lum, terrámque regit in
sæcula sæculorum.

Psal. 44. Eructávit cor me-
um verbum bonum: dico
ego ópera mea Regi. **v.** Glória Patri.

Oratio.

Famulis tuis, quæsumus, Dómine,
cœléstis grátie munus impertire: ut
quibus beatæ Virginitatis partus exstitit sa-
lútis exórdium, Nativitátis ejus votí-
va solémnitas, pacis tribuat incremén-
tum. Per Dóminum.

**In Missis privatis pro commemoratio-
ne S. Adriani martyris.** **Oratio.**

Præsta quæsumus omnipotens Deus:
ut qui beati Adriani mártiris tui na-
talítia cólimus, intercessióne ejus in tui
nóminis amore roborémur. Per Dóminum.

Lectio libri Sapientie.

Prov. 8. c

Dominus possédit me in initio viá-
rum suárum, ántequam quidquam
fáceret à principio. Ab ætérno ordináta
sum, & ex antiquis ántequam terra fie-
ret. Nondum erant abyssi, & ego jam
concépta eram: necdum fontes aquá-
rum erúperant: necdum montes gravi
mole constitèrant: ante colles ego par-
turiébar: adhuc terram non fécerat, &
flúmina, & cárdines orbis terræ: Quan-
do præparábat cœlos, áderam: quando
certa lege, & gyro vallábat abyssos:
quando æthera firmábat sursum, & li-
brábat fontes aquárum: quando circúm-
dabat mari términum suum, & legem

ponébat aquis, ne transirent fines suos:
quando appendébat fundaménta terræ.
Cum eo eram, cuncta compónens: &
delectábar per singulos dies, ludens co-
ram eo omni témpore, ludens in orbe
terrárum: & delíciæ meæ, effecum filiis
hóminum. Nunc ergo filii audíte me:
Beáti, qui custódiunt vias meas. Audi-
te disciplinam, & estóte sapiéntes, &
nolite abjícere eam. Beátus homo, qui
audit me, & qui vígilat ad fores meas
quotídie, & obsérvat ad postes óstii
mei. Qui me invénerit, invéniet vitam,
& háuriet salútem à Dómino.

Graduale. Benedícta, & venerábilis
es, Virgo María: quæ sine tactu pu-
doris, invénta es Mater Salvatóris.

v. Virgo Dei Génitrix, quem totus
non capit orbis, in tua se clausit ví-
scera factus homo. **A**llelúja, allelúja.

v. Felix es, sacra Virgo María, & omni
laude digníssima: quia ex te ortus est sol
justítiæ Christus Deus noster. Allelúja.



Inítium sancti Euangélíi secún-
dum Matthæum. **Matth. 1.**

Liber generatiónis Jesu Christi filii
David, filii Abraham. Abraham
genuit Isaac. Isaac autem genuit
Jacob. Jacob autem genuit Judam, &
fratres ejus. Judas autem genuit Phares,
& Zaram de Thamar. Phares autem gé-
nuit Efron. Efron autem genuit Aram.
Aram autem genuit Amínadab. Amí-
nadab autem genuit Naásson. Naásson
autem genuit Salmon. Salmon autem
genuit Booz de Rahab. Booz autem gé-
nuit Obed ex Ruth. Obed autem genuit
Jesse. Jesse autem genuit David regem.
David autem rex genuit Salomónem ex
ea quæ fuit Uriæ. Sálomon autem gé-
nuit Róboam. Róboam autem genuit
Abías. Abías autem genuit Afa. Afa
autem genuit Jósaphat. Jósaphat autem
genuit Joram. Joram autem genuit
Ozías. Ozías autem genuit Jóatham.
Jóatham autem genuit Achaz. Achaz
autem genuit Ezechías. Ezechías au-
tem genuit Manáffen. Manáffes autem
genuit Amon. Amon autem genuit Jo-
slam.

slam. Josias autem genuit Jechoniam, & fratres ejus in transmigratiōe Babylōnis. Et post transmigratiōem Babylōnis: Jechonias genuit Salathiel. Salathiel autem genuit Zorobabel. Zorobabel autem genuit Abiud. Abiud autem genuit Eliacim. Eliacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleazar. Eleazar autem genuit Mathan. Mathan autem genuit Jacob. Jacob autem genuit Joseph virum Mariæ, de qua natus est Jesus, qui vocatur Christus.

Credo. etiam in Festis infra Octavam occurrentibus.

Offertorium. Beata es, Virgo Maria, quæ omnium portasti Creatorem: genuisti, qui te fecit, & in ætérnum permanes Virgo.

Secreta.

UNigéniti tui, Dómine, nobis succurrat humanitas: ut qui natus de Virgine, matris integritatem non minuit, sed sacravit: in Nativitatis ejus solénnis, nostris nos piaculis exuens, oblationem nostram tibi faciat acceptam Jesus Christus Dóminus noster. Qui tecum vivit & regnat.

Pro S. Adriano.

Secreta.

MUnéribus nostris, quæsumus, Dómine, precibusque susceptis: & coeléstibus nos munda mystériis, & cleménter exaudi. Per Dóminum.

Præfatio de beata Maria. Et te in Nativitate. fol. 183. Quæ dicitur per totam Octavam etiam in Festis, nisi habuerint propriam.

Communio. Beata viscera Mariæ Virginis, quæ portaverunt ætérni Patris Fílium.

Postcommunio.

Sumpsimus, Dómine, celebritatis annuæ votiva sacramenta: præsta, quæsumus; ut & temporális vitæ nobis remédia præbeant, & ætérnæ. Per Dóminum.

Pro S. Adriano.

Postcommunio.

DA quæsumus, Dómine Deus noster: ut sicut tuorum commemoratione Sanctorum, temporáli gratulamur officio, ita perpétuo lætemur aspéctu. Per Dóminum.

¶ Infra Octavam Nativitatis B. Mariæ, & in die Octava, dicitur Missa sicut in die Festi: sed infra Octavam, quando non fit commemoratio Festi Simplicis, dicitur secunda Oratio de Spiritu sancto, Deus, qui corda fidélium. Tertia, Ecclesiæ tuæ. Vel pro Papa, Deus omnium. fol. 432.

DOMINICA

Infra Octavam Nativitatis B. Mariæ Virginis celebratur festum SS. Nominis ejusdem beatæ Mariæ virginis.

Introitus. Psal. 44.



Ultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia, & exultatione.

Psal. ibid. Eructavit cor meum verbum bonum: dico ego ópera mea Regi. **✠. Glória Patri.**

Oratio.

Concède, quæsumus, omnipotens Deus, ut fideles tui, qui sub sanctissimæ Virginis Mariæ Nómine, & protectione lætantur: ejus pia intercessione, à cunctis malis liberentur in terris, & ad gaudia ætérna pervenire mereantur in coelis. Per Dóminum.

Et fit commem. Dominicæ occurrentis.

Lectio libri Sapientiae.

Eccli. 24.

EGo quasi vitis fructificavi suavitatem odoris: & flores mei, fructus honoris & honestatis. Ego Mater pulchræ dilectionis, & timoris, & agnitionis, & sanctæ spei. In me grátia omnis viæ & veritatis, in me omnis spes vitæ & virtutis. Transite ad me omnes, qui concupiscitis me, & à generationibus meis adimplémini. Spíritus enim meus super mel dulcis, & hæreditas mea super mel & favum. Memória mea in generationes sæculorum. Qui edunt me, adhuc esúrient: & qui bibunt me, adhuc sitient. Qui audit me, non confundetur: & qui operantur in me, non peccabunt. Qui elúcidant me, vitam ætérnam habebunt.

Graduale. Benedicta, & venerabilis es, Vir-

Virgo María: quæ sine tactu pudoris, inventa es Mater Salvatoris.

✠ Virgo Dei Génitrix, quem totus non capit orbis, in tua se clausit viscera factus homo. Allelúja, allelúja.

✠ Post partum, Virgo, inviolata permansisti: Dei Génitrix, intercède pro nobis. Allelúja.

✠ Sequéntia sancti Euangelii secundum Lucam. *Lucæ 1.*

IN illo tempore: Missus est Angelus Gábriel à Deo in civitatem Galilææ, cui nomen Náza-reth, ad Virginem desponsatam viro, cui nomen erat Joseph, de domo David, & nomen Virginis María. Et ingressus Angelus ad eam, dixit: Ave, grátia plena: Dóminus tecum: Benedícta tu in mulieribus. Quæ cum audisset, turbata est in sermone ejus, & cogitabat, qualis esset ista salu-tatio. Et ait Angelus ei: Ne timeas Ma-ria; invenisti enim grátiam apud Deum: ecce concípies in útero, & páries filium, & vocábis nomen ejus Jesum. Hic erit magnus, & Fílius Altissimi vocábitur, & dabit illi Dóminus Deus sedem David patris ejus: & regnabit in domo Jacob in ætérnum, & regni ejus non erit finis. Dixit autem María ad Angelum: Quómodo fiet istud, quóniam virum non cognosco? Et respondens Angelus, dixit ei: Spíritus sanctus supervéniet in te, & virtus Altissimi obumbrábit tibi. Ideoque & quod nascétur ex te sanctum, vocábitur Fílius Dei. Et ecce Elísabeth cognata tua, & ipsa concépit filium in senectúte sua: & hic mensis sextus est illi, quæ vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secundum verbum tuum. *Credo.*

Offertorium. Lucæ 1. Ave María, grátia plena: Dóminus tecum: Benedícta tu in mulieribus, & benedíctus fructus ventris tui.

Secreta.

Tua, Dómine, propitiatióne, & beatæ Mariæ semper virginis intercessióne, ad perpétuam atque præ-

sentem hæc oblátio nobis proficiat prosperitatem, & pacem. Per Dóminum.

Deinde fit commem. Dominicæ.

Præfatio de B. Maria Virgine. Et te in Festivitate. fol. 183.

Communio. Beata viscera Mariæ virginis, quæ portaverunt æterni Patris Fílium. *Postcommunio.*

Sumptis, Dómine, salutis nostræ subsidiiis: da quæsumus, beatæ Mariæ semper virginis patrociniiis nos ubique protégi, in cujus veneratióne, hæc tuæ obtulimus majestati. Per Dóminum.

Deinde fit commem. Dominicæ.

In fine Missæ legitur Euangelium Dominicæ.

Die ix. Septembris.

¶ *Pro commemoratione S. Gorgonii martyris. Oratio.*

Sanctus tuus, Dómine, Gorgónius sua nos intercessióne lætíficet: & pia fáciat solemnitáte gaudere.

Tertia Oratio de Spiritu sancto.

Deus, qui corda fidélium sancti Spíritus illustratióne docuisti: da nobis in eodem Spíritu recta sápere, & de ejus semper consolatióne gaudere. Per Dñm nostrum. in unitate ejusdem Spíritus.

Nisi venerit in Dominica: tunc enim Missa erit de SS. Nomine B. Mariæ ut supra, secunda Oratio de Dominica cum Euangelio in fine, & tertia de Sancto.

Pro sancto Gorgonio. Secreta.

Grata tibi sit, Dómine, nostræ servitútis oblátio: pro qua sanctus Gorgónius martyr intervéntor exístat.

De Spiritu sancto. Secreta.

Munera, quæsumus Dómine, oblata sanctífica: & corda nostra sancti Spíritus illustratióne emúnda. Per Dóminum nostrum. in unitate ejusdem.

Pro S. Gorgonio. Postcommunio.

Familiam tuam, Deus, suávitás ætérna contíngat, & végetet: quæ in mártire tuo Gorgónio, Christi Fílii tui bono júgiter odóre pascátur.

De Spiritu sancto. Postcommunio.

Sancti Spíritus, Dómine, corda nostra smundet infúsió: & sui roris íntima asper-

asperfione fecundet. Per Dóminum.
in unitate ejúsdem Spíritus, &c.

Die x. Septembris.

IN FESTO S. NICOLAI
de Tolentino. Introitus. Psal. 91.



Ustus ut palma florébit, sic
ut cedrus Líbani multi-
plicábitur: plantátus in
domo Dómini, in átriis
domus Dei nostri.

Psal. ibid. Bonum est con-
fiteri Dómino: & psállere nómini tuo,
Altíssime. **Glória Patri. Oratio.**

Adésto, Dñe, supplicationibus no-
stris, quas in B. Nicolái Confessóris
tui solemnitate deférimus: ut qui nostræ
justitiæ fiduciã non habémus, ejus qui tibi
placuit, précibus adjuvémur. Per Dñm.

Pro commemor. Octavæ Nativitatis
beatæ Mariæ. Oratio.

Famulis tuis, quæsumus Dómine,
coeléstis grátie munus impertire:
ut quibus beatæ Vírginis partus éxitit
salútis exórdium, Nativitátis ejus vo-
tíva solémnitas, pacis tríbuat incre-
méntum. Per Dóminum.

Léctio Epístolæ beáti Pauli Apóstoli
ad Corínthios. 1. Cor. 4. b

FRatres, Spectáculum facti sumus
mundo, & Angelis, & homínibus.
Nos stulti propter Christum, vos autem
prudéntes in Christo: nos infirmi, vos au-
tem fortes: vos nóbiles, nos autem ignó-
biles. Usque in hanc horam & esurimus,
& sitimus, & nudi sumus, & colaphis cæ-
dimur, & instábiles sumus, & laborá-
mus operántes má nibus nostris: maledí-
cimur, & benedicimus: persecutió nem
pátimur, & sustinémus: blasphemámur,
& obsecrámus: tamquam purgaménta
hujus mundi facti sumus, ómnium pe-
ripséma usque adhuc. Non ut confún-
dam vos, hæc scribo, sed ut filios
meos charíssimos móneo: in Christo
Jesu Dómino nostro.

Graduale. Psal. 36. Os justí meditábitur
sapientiã, & lingua ejus loquétur ju-
diciũ. **Lex Dei ejus in corde ipsius:**
& non supplantabúntur gressus ejus.

Allelúja, allelúja. Psal. 111. Beátus
vir, qui timet Dóminum: in mandá-
tis ejus cupit nimis. Allelúja.



**Sequéntia sancti Euangélíi secún-
dum Lucam. Lucæ 12. d**

In illo témpore: Dixit Jesus discípulis
suis: Nolíte timére pusíllus grex, quia
compláuit Patri vestro dare vobis
regnum. Véndite, quæ possidéti, & date
elemósynam. Fácite vobis sácculos, qui-
non veteráscunt, thesáurum non deficién-
tem in coelis: quòd fur non apprópiat, ne-
que tinea corrúmpit. Ubi enim thesáurus
vester est, ibi & cor vestrum erit. **Credo.**

Offertorium. Psal. 20. In virtúte tua, Dó-
mine, lætábitur justus, & super salutare
tuum exultábit veheménter: desidérium
anímae ejus tribuísti ei. **Secreta.**

Præsta nobis, quæsumus omnípo-
tens Deus: ut nostræ humilitátis
oblátio, & pro tuórum tibi grata sit honó-
re Sanctórum, & nos corpore páriter &
mente puríficet. Per Dóminum.

Pro commemor. Octavæ Nativitatis
beatæ Mariæ. Secreta.

Unigéniti tui, Dómine, nobis succúr-
rat humanitas: ut qui natus de Vír-
gine, matris integritátem non mínuit,
sed sacrávit: in Nativitátis ejus solénnis,
nostris nos piáculis éxuens, oblatiõem
nostram tibi fáciat accéptam Jesus Chri-
stus Dóminus noster. Qui tecum vivit.

**Præfatio de B. Maria. Et te in Nati-
vitáte. fol. 183.**

Communio. Matth. 19. Amen dico vo-
bis, quòd vos qui reliquistis ómnia, & se-
cúti estis me: céntuplum accipiétis, & vi-
tam ætérnam possidébitis. **Postcomm.**

Quæsumus omnipotens Deus; ut
qui coeléstia aliménta percépimus,
intercedénte beáto Nicoláo Confessó-
re tuo, per hæc contra ómnia advérsa
muniámur. Per Dóminum.

Pro Octava Nativitatis beatæ Mariæ.
Postcommunio.

Sumpsimus Dómine celebritátis án-
nuæ votíva sacraménta: præsta quæ-
sumus; ut & temporális vitæ nobis remé-
dia præbeant, & ætérnae. Per Dóminum.

Die xi. Septembris.

Pro commem. SS. Proti, & Hyacinthi martyrum. Oratio.

Beatórum mártýrum tuórum Proti & Hyacínthi nos, Dómine, fóveat pretiósa conféssio: & pia júgiter intercéssio tueátur.

Tertia Oratio, De Spiritu sancto. Deus, qui corda fidélium. *ut supra.* fol. 432.

Pro sanctis Proto & Hyacintho.

Secreta.

Pro sanctórum mártýrum tuórum Proti & Hyacínthi commemoratióne, múnere tibi, Dómine, quæ debémus, exsolvimus; præsta quæsumus; ut remédium nobis perpétuæ salutis operéntur.

De Spiritu sancto, Secreta. Múnere, quæsumus. *ut supra.* fol. 433.

Pro sanctis Proto & Hyacintho.

Postcommunio.

Ut percépta nos, Dómine, tua sancta purificent, beatórum mártýrum tuórum Proti & Hyacínthi, quæsumus, implóret oratio.

De Spiritu sancto, Postcomm. Sancti Spíritus Dómine. *ut supra.* fol. 433.

Die xiv. Septembris.

IN FESTO EXALTATIONIS S. Crucis. Introitus. Galat. 6.



Os autem gloriári: opórtet in Cruce Dómini nostri Jesu Christi: in quo est salus, vita, & resurrectio nostra: per quem salváti, & liberáti sumus. **Psal. 66. Deus** mi-

sereátur nostri, & benedicat nobis: illúminet vultum suum super nos, & misereátur nostri. **Glória Patri. Oratio.**

Deus, qui nos hodiérna die Exaltatiónis sanctæ Crucis ánnua sollemnitate lætíficas: præsta quæsumus; ut cujus mystérium in terra cognóvimus, ejus redemptionis præmia in cœlo mereámur. Qui tecum vivit.

Pro commem. Octavæ Nativitatis beatæ Mariæ. Oratio.

Famulis tuis, quæsumus Dómine, coeléstis grátiae munus impertíre: ut quibus beatæ Víriginis partus éxitit Miss. Monast.

salútis exórdium, Nativitátis ejus votíva solémnitas, pacis tribuat incrementum. Per Dóminum.

Lectio Epístolæ beáti Pauli Apóstoli ad Philippénfes. **Phil. 2.**

Fratres, Hoc enim sentíte in vobis, quod, & in Christo Jesu: qui cùm in forma Dei esset, non rapínam arbitrátus est esse se æquálem Deo: sed semetípsum exinanívit, formam servi accípiens in similitúdinem hóminum factus, & hábitu invéntus ut homo. Humiliávit semetípsum, factus obédiens usque ad mortem mortem autem crucis. Propter quod & Deus exaltávit illum, & donávit illi nomen, quod est super omne nomen: [**Hic genuflectitur.**] ut in nómine Jesu omne genu flectátur, coeléstium, terréstrium, & infernórum, & omnis lingua confiteátur, quia Dóminus Jesus Christus in glória est Dei Patris.

Graduale. ibid. Christus factus est pro nobis obédiens usque ad mortem: mortem autem crucis. **Propter quod & Deus exaltávit illum, & dedit illi nomen, quod est super omne nomen.**

Allelúja, allelúja.

Dulce lignum, dulces clavos, dulcia ferens póndera: quæ sola fuísti digna sustinére Regem coelórum, & Dóminum. Allelúja.



Sequéntia sancti Euangélii secundum Joánnem. **Joann. 12. c**

In illo témpore: Dixit Jesus turbis Judæórum: Nunc judícium est mundi: nunc princeps hujus mundi ejiciétur foras. Et ego, si exaltátus fuéro à terra, ómnia traham ad meípsum: (hoc autem dicébat, significans qua morte esset moritúrus.) Respondit ei turba: Nos audívimus ex lege, quia Christus manet in ætérnum: & quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Jesus: Adhuc módicum lumen in vobis est. Ambuláte dum lucem habétis, ut non vos ténebræ comprehédant: & qui ámbulat in ténebris, nescit quò vadat. Dum lucem habétis, créдите in lucem, ut filii lucis sitis. **C**redo.

Ff

Offer.

Offertorium. *P*rotege, Dómine, plebem tuam per signum sanctæ Crucis, ab insidiis inimicorum omnium: ut tibi gratam exhibeamus servitutem, & acceptabile fiat sacrificium nostrum, allelúja.

Secreta.

Jesu Christi Dómini nostri corpore & sanguine saginandi, per quem Crucis est sanctificatum vexillum, quæsumus, Dómine Deus noster: ut sicut illud adorare meruimus, ita perenniter ejus gloriæ salutáris potiámur effectú. Per eundem Dóminum.

De Octava.

Secreta.

Unigéniti tui, Dómine, nobis succurrat humanitas; ut qui natus de Virgine, matris integritatem non minuit, sed sacravit, in Nativitatis ejus solémniis, nostris nos piaculis exuens, oblationem nostram tibi faciat acceptam Jesus Christus Dóminus noster. Qui tecum vivit.

Præfatio de Cruce. Qui salutem humani generis. fol. 187.

Communio. *P*er signum Crucis de inimicis nostris libera nos, Deus noster.

Postcommunio.

Adesto nobis, Dómine Deus noster, & quos sanctæ Crucis lætari facis honore, ejus quoque perpétuis defende subsidiis. Per Dóminum.

De Octava.

Postcommunio.

Sumpsimus, Dómine, celebritatis annuæ votiva sacramenta: præsta quæsumus; ut & temporális vitæ nobis remédia præbeant, & æternæ. Per Dóminum.

Die xv. Septembris.

In Octava Nativitatis B. Mariæ, Missa ut in die, cum commemoratione S. Nicomedis martyris.

¶ Si hodie occurrat Feria iv. Quatuor Temp. in Ecclesiis Cathedralib. & Collegiatis dicuntur duæ Missæ, una de Octav. cum commem. S. Nicomedis tantum, altera de Feria cum Orationibus assignatis; & in hac Missa, & sequentibus Quatuor Temporum dicitur semper Præfatio communis. fol. 200. **Oratio.**

Adesto, Dómine, pópulo tuo: ut beati Nicomedis mártiris tui mé-

rita pæclára suscipiens, ad impetrándam misericórdiam tuam semper ejus patrocíniis adjuvétur. Per Dóminum.

Secreta.

Suscipe, Dómine, múnera propítius oblata: quæ majestáti tuæ, beati Nicomedis mártiris comméndet orátio. Per Dóminum.

Postcommunio.

Purificent nos Dómine sacramenta, quæ sumpsimus: & intercedente beato Nicomede mártire tuo, à cunctis efficiant vítiis absolutos. Per Dóminum.

¶ Si sequens festum SS. Cornelii, & Cypriani venerit in Dominica, transfertur in primam diem non impeditam, sed commem. SS. Euphemie, &c. fit in Dominica. Si verò occurrat Feria iv. Quatuor Temporum: fit commemor. primùm de Feria, postea de SS. Euphemia, &c. Et in Ecclesiis Cathedralibus & Collegiatis dicuntur duæ Missæ, una de SS. Cornelio & Cypriano, in qua fit commem. SS. Euphemie, &c. altera de dicta Feria, sine commemor. Sanctorum.

Die xvi. Septembris.

IN FESTO SS. CORNELII & Cypriani Pontif. & martyrum.

Introitus.

Psal. 78.



Ntret in conspéctu tuo, Dómine, gémitus compeditórum: redde vicinis nostris séptuplum in sinu eórum: vindica sanguinem Sanctorum tuorum, quief-

fusus est. **Psal. ibid.** Deus venerunt Gentes in hæreditatem tuam, polluerunt templum sanctum tuum: posuerunt Jerusalem in pomorum custodiam.

v. Glória Patri.

Oratio.

Beatórum mártirum, paritérque Pontificum Cornélii & Cypriani, nos quæsumus Dómine, festa tueantur, & eórum comméndet orátio veneranda. Per Dóminum.

Et fit commem. S. Edithæ virginis.

Oratio.

Deus, qui nos annua beatæ Edithæ virginis tuæ solmnitate lætificas: da,

da, ut quam veneramur officio, etiam
piæ conversationis sequamur exemplo.

*Deinde commemor. SS. Euphemie &
sociorum martyrum. Oratio.*

PRæsta, Dómine, precibus nostris
cum exultatione provéntum: ut san-
ctorum mátyrum Euphémie, Lúciæ,
& Geminiáni, quorum diem passiónis
ánna devotíone recólimus, etiam fi-
dei constántiam subsequámur.

Ad poscenda suffragia Sanctorum.

Oratio.

ACunctis nos, quæsumus Dómine,
mentis & corporis defénde pericu-
lis: & intercedente beáta & gloriósa sem-
per vírgine Dei Genitríce María, cum
beátis Apóstolis tuis Petro & Paulo, at-
que beáto **N.** & omnibus Sanctis, salú-
tem nobis tribue benígnus & pacem; ut
destrúctis adversitatibus & erroribus
univérſis, Ecclesiá tua secúra tibi sérviat
libertáte. Per eúndem Dóminum.

Lectio libri Sapientie. Sap. 3.

Justorum animæ in manu Dei sunt, &
non tanget illos tormentum mortis.
Vili sunt oculis insipientium mori: &
æstimata est afflictio exitus illorum: &
quod a nobis est iter, exterminium: illi
autem sunt in pace. Et si coram homini-
bus tormenta passi sunt, spes illorum im-
mortalitate plena est. In paucis vexati, in
multis benè disponuntur: quoniam Deus
tentavit eos, & invenit illos dignos se.
Tamquam aurum in fornace probavit
illos, & quasi holocausti hostiam accepit
illos, & in tempore erit respectus illorum.
Fulgébunt iusti, & tamquam scintillæ in
arundinetis discurrent. Judicabunt natio-
nes, & dominabuntur populis, & regná-
bit Dóminus illorum in perpétuum.

*Graduale. Exodi 15. G*loriosus Deus
in Sanctis suis: mirabilis in maiestate,
faciens prodigia. *Ps.* Dextera tua, Dó-
mine, glorificata est in virtute: dex-
tera manus tua confrégit inimicos.

*A*llelúja, allelúja.

Ps. Eccli. 44. Corpora Sanctorum in
pace sepulta sunt: & nomina eorum
vivent in generatione, & generatio-
nem. Allelúja.



*Sequentia sancti Evangelii secun-
dum Lucam. Lucæ 21. c*

IN illo tempore: Dixit Iesus discipu-
lis suis: Cum audieritis praelia, & se-
ditiones, nolite terreri: oportet pri-
mum hæc fieri, sed nondum statim fi-
nis. Tunc dicebat illis: Surget gens con-
tra gentem, & regnum adversus re-
gnum. Et terræmótus magni erunt per
loca, & pestilentie, & fames, terrorés-
que de coelo, & signa magna erunt. Sed
ante hæc omnia injicient vobis manus
suas, & persequentur, tradentes in sy-
nagogas, & custodias, trahentes ad re-
ges, & præfides propter nomen meum:
continget autem vobis in testimonium.
Ponite ergo in cordibus vestris non præ-
meditari quemadmodum respondeatis.
Ego enim dabo vobis os, & sapientiam,
cui non poterunt resistere, & contradi-
cere omnes adversarii vestri. Trademini
autem a parentibus, & fratribus, & co-
gnatis, & amicis, & morte afficient ex
vobis: & eritis odio omnibus propter
nomen meum: & capillus de capite ve-
stro non peribit. In patientia vestra pos-
sidentis animas vestras.

*Offertorium. Psal. 67. M*irabilis Deus in
Sanctis suis: Deus Israel, ipse dabit vir-
tutem & fortitudinem plebi suæ: bene-
dictus Deus, allelúja. *Secreta.*

ADesto Dómine, supplicationibus
nostris, quas in Sanctorum tuó-
rum commemoratione deferimus: ut
qui nostræ justitiæ fiduciam non habé-
mus, eorum qui tibi placuerunt, mé-
ritis adjuvemur. Per Dóminum.

Deinde fit commemor. S. Edithæ.

Secreta.

ACcepta tibi sit, Dómine, sacratæ
plebis oblatio, pro tuorum honore
Sanctorum: quorum se méritis percepisse
de tribulatione cognoscit auxilium.

Postea de SS. Euphemie, &c.

Secreta.

VOta populi tui, quæsumus Dó-
mine, propitius inténde: & quo-
rum nos tribuis solémnia celebrare,
fac gaudere suffragiis.

Ff 2

Ad

Ad poscenda suffragia Sanctorum.

Secreta.

EXaudi nos Deus salutaris noster: ut per huius sacramenti virtutem, a cunctis nos mentis & corporis hostibus tuearis, gratiam tribuens in presenti, & gloriam in futuro. Per Dominum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Quæsumus Domine, salutaribus replenti mysteriis: ut quorum sollemnia celebramus, eorum orationibus adjuvemur. Per Dominum.

Deinde fit cōmem. S. Edithæ. Postcomm.

Satiasti, Domine, familiam tuam munere sacris: ejus, quæsumus, semper interventione nos refove, cujus sollemnia celebramus.

Postea de SS. Euphemia, &c. Postcomm.

EXaudi, Domine, preces nostras: & Sanctorum martyrum tuorum Euphemiæ, Luciæ, & Geminiani, quorum festa sollemniter celebramus, continuis foveamur auxiliis.

Ad poscenda suffragia Sanctorum.

Postcommunio.

Mundet & muniat nos, quæsumus Domine, divini sacramenti munus oblatum: & intercedente beata virgine Dei Genitrice Maria, cum beatis Apostolis tuis Petro & Paulo, atque beato N. & omnibus Sanctis, a cunctis nos reddat & perversitatibus expiatis, & adversitatibus expeditos. Per eundem Dominum.

¶ Si Festa sequentia occurrant in Feriis Quatuor Temporum, in Ecclesiis Cathedralibus & Collegiatis dicuntur duæ Missæ; una de Festo, & altera de Feria.

Die xvii. Septembris.

IN FESTO S. COLUMBÆ
virginis & martyr. Missa. Loquēbar. de
Cōi Virginum & mart. fol. xviii. Oratio.

Omnipotens sempiternus Deus, qui infirma mundi eligis, ut fortia quæque confundas: concede propitius; ut

qui beatæ Columbæ virginis & martyris tuæ sollemnia colimus, ejus apud te patrocinia sentiamus. Per Dominum.

Die xviii. Septembris.

IN FESTO S. THOMÆ
de Villanova Episcopi & Confessoris.
Missa. Statuit ei Dominus. de Comuni Confess. Pontif. fol. xii. Oratio.

Deus, qui beatum Thomam Pontificem insignis in pauperes misericordiæ virtute decorasti: quæsumus, ut ejus intercessione in omnes, qui te deprecantur, divitias misericordiæ tuæ benignus effundas. Per Dominum.


¶ Si hoc Festum inciderit in Feriam sextam Quatuor Temporum Septembris, tunc mutanda erit Postcomm. Festi, quia est eadem cum Postcommunione Feriæ; & pro Festo S. Thomæ sumenda erit Postcommunio ex Missa, Sacerdotes tui. de eodem Comuni secundo loco, nempe Deus fidelium remunerator, &c. fol. xiv.

Die xix. Septembris.

IN FESTO SS. MARTYRUM
Januarii Episcopi & sociorum.

Introitus.

Psal. 36.



Alus autem justorum a Domino: & protector eorum est in tempore tribulationis. Psal. ibid. Noli æmulari in malignantibus: neque zelaveris facientes iniquitatem. v. Gloria Patri. Oratio.

Deus, qui nos annua sanctorum martyrum tuorum Januarii & sociorum ejus solemnitate lætificas: concede propitius; ut quorum gaudemus meritis, accendāmur exemplis. Per Dominum.

Et fit cōmem. S. Theodori Episcopi & Confessoris. Oratio.

EXaudi quæsumus Domine, preces nostras, quas in beati Theodori Confessoris tui atque Pontificis solemnitate deferimus: & qui tibi digne meruit famulari, ejus intercedentibus meritis, ab omnibus nos absolve peccatis. Per Dominum nostrum.

Lé-

Lectio Epistolæ beati Pauli Apostoli
ad Hebræos. **Hebr. 10. f**

FRatres, Rememoramini pristinos dies, in quibus illuminati, magnum certamen sustinulistis passionum: & in altero quidem opprobriis & tribulationibus spectaculum facti: in altero autem socii taliter conversantium effecti. Nam & vinetis compassi estis, & rapinam bonorum vestrorum cum gaudio suscepistis, cognoscetes vos habere meliorem & manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Justus autem meus ex fide vivit.

Graduale. Psal. 33. Clamaverunt iusti, & Dominus exaudivit eos: & ex omnibus tribulationibus eorum liberavit eos.

V. Juxta est Dominus his, qui tribulato sunt corde: & humiles spiritu salvabit.

Allelûja, allelûja.

V. Te Martyrum candidatus laudat exercitus, Domine. **Allelûja.**



Sequentia sancti Evangelii secundum Matthæum. **Matth. 24.**

IN illo tempore: Sedente Jesu super montem Oliveti, accesserunt ad eum discipuli secretò, dicentes: Dic nobis, quando hæc erunt? & quod signum adventus tui, & consummationis sæculi? Et respondens Jesus, dixit eis: Videte, ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis praelia, & opiniones praeliorum. Videte, ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum, & erunt pestilentiæ, & fames, & terræ motus per loca. Hæc autem omnia initia sunt dolorum. Tunc tradent vos in tribulationem, & occident vos: & eritis odio omnibus gentibus propter nomen meum. Et tunc scandalizabuntur multi, & invicem tradent: & odio habebunt in-

Miss. Monast.

vicem. Et multi pseudoprophetae surgent: & seducunt multos. Et quoniam abundavit iniquitas, refrigeret charitas multorum. Qui autem perseveraverit usque in finem, hic salvus erit.

Offertorium. Sap. 3. Justorum animæ in manu Dei sunt, & non tanget illos tormentum mortis: visi sunt oculis insipientium mori; illi autem sunt in pace, allelûja.

Secreta.

Oblatis, quæsumus, Domine, placare munibus: & intercedentibus sanctis martyribus tuis Januario & sociis, à cunctis nos defende periculis. Per Dominum.

Deinde fit cõmem. S. Theodori. Secreta.

Sancti Theodori Confessoris tui atque Pontificis, quæsumus Domine, annua sollemnitas pietati tuæ nos reddat acceptos: ut per hæc piæ placationis officia, & illum beata retributio comitetur, & nobis gratiæ tuæ dona conciliet. Per Dominum.

Communio. Matth. 10. Quod dico vobis in tenebris, dicite in lumine, dicit Dominus: & quod in aure auditis, prædicæ super tecta.

Postcommunio.

Hæc nos communiõ, Domine, purget à crimine: & intercedentibus sanctis martyribus tuis Januario & sociis ejus, coelæstis remèdii faciat esse consortes. Per Dominum.

Deinde fit commemor. S. Theodori.

Postcommunio.

Deus, fidelium remunerator animarum, præsta: ut beati Theodori Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum.

¶ Si sequens festum SS. Eustachii & sociorum venerit in Dominica, in Sabbato præcedenti, in quo celebratur festum SS. Januarii & sociorum, fit cõmem. Quatuor Temporum, Vigiliæ S. Matthæi ac S. Theodori. In Ecclesiis verò Cathedralibus & Collegiatis dicuntur duæ Missæ; una de Sanctis, sine cõmem. Quatuor Temporum & Vigiliæ; sed tantum sancti Theodori: & altera de Quatuor Temporibus, in qua non fit cõmemor.

Ff 3


San-

Sanctorum, sed Vigiliæ S. Matthæi; & tertia Oratio, A cunctis nos. fol. 451. Quocumque verò alio die venerit festum SS. Eustachii & sociorum, fit de eo, cum commem. Vigiliæ. Sed in Ecclesiis Cathedralibus & Collegiatis dicuntur duæ Missæ.

Die xx. Septembris.

IN FESTO SS. EUSTACHII
& sociorum martyrum.

Introitus. Eccli. 44.



Apiéntiam Sanctorum narrent populi: & laudes eorum nuntiet ecclesia: nomina autem eorum vivent in sæculum sæculi.

Psalm. 32. Exultate iusti in

Dómino: rectos decet collaudatio.

V. Glória Patri.

Oratio.

DEus, qui nos concedis Sanctorum martyrum tuorum Eustachii & sociorum ejus natalitia colere: da nobis in æterna beatitudine de eorum societate gaudere. Per Dóminum.

Et fit commem. Vigiliæ S. Matthæi Apostoli, cum Orationibus ex sequenti Missa propria, ut infra.

Lectio libri Sapientiae.

Sap. 5. c

Justi autem in perpetuum vivent, & apud Dóminum est merces eorum, & cogitatio illorum apud Altíssimum. Ideo accipient regnum decóris, & diadema speciæ de manu Dómini: quoniam dextera sua teget eos, & brachio sancto suo defendet illos. Accipiet armaturam zelus illius, & armabit creaturam ad ultionem inimicorum. Induet pro thorace justitiam, & accipiet pro galea iudicium certum. Sumet scutum inexpugnabile, æquitatem.

Graduale. Psalm. 123. Anima nostra, sicut passer, crepta est de láqueo venantium.

V. Láqueus contritus est, & nos liberati sumus: adiutorium nostrum in nomine Dómini, qui fecit coelum, & terram. **A**llelúja, allelúja.

V. Psalm. 67. Iusti epulentur, & exultent in conspectu Dei: & delectentur in lætitia. Allelúja.



Sequentia sancti Evangelii secundum Lucam. **Lucæ 6. c**

IN illo tempore: Descendens Iesus de monte, stetit in loco campèstri, & turba discipulorum ejus, & multitudo copiosa plebis ab omni Judæa, & Jerúsalem, & marítima, & Tyri, & Sidónis, qui venerant, ut audirent eum, & sanarentur à languoribus suis. Et qui vexabantur à spiritibus immúndis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in coelo.

Offertorium. Psalm. 149. Exultabunt Sancti in glória, lætabuntur in cubilibus suis: exaltationes Dei in faucibus eorum, allelúja.

Secreta.

Munera tibi, Dñe, nostræ devotionis offerimus: quæ & pro tuorum tibi grata sint honore justorum, & nobis salutaria, te miserante, reddantur. Per Dñm.

Communio. Lucæ 11. Dico autem vobis amicis meis: ne terreamini ab his, qui vos persequuntur. **Postcommunio.**

Præsta nobis, quæsumus, Dñe, intercedentibus sanctis martyribus tuis Eustachio & sociis: ut quod ore contingimus, pure mente capiamus. Per Dñm.

Die xx. Septembris.

IN VIGILIA S. MATTHÆI
Apostoli & Evangelistæ.

Introitus.

Psalm. 51.



Ego autem, sicut olíva fructífera in domo Dómini, speravi in misericórdia Dei mei: & expectabo nomen tuum, quoniam bonum est ante conspectum Sanctorum tuorum.

Psalm.

Psal. ibid. Quid gloriaris in malitia: qui potens es in iniquitate?

Glória Patri.

Oratio.

DA, quæsumus, omnipotens Deus: ut beati Matthæi Apóstoli tui, & Euangelistæ, quam prævenimus, veneranda sollemnitas & devotionem nobis augeat, & salutem. Per Dóminum.

De sancta Maria. **Oratio.**

Concède nos famulos tuos, quæsumus, Dómine Deus, perpétua mentis & corporis sanitate gaudere: & gloriósa beatæ Mariæ semper Virginis intercessióne, à præsentí liberári tristitia, & æterna perfrui lætitia.

Contra persecutores Ecclesiæ. **Oratio.**

Ecclésiæ tuæ, quæsumus, Dómine, preces placatus admítte: ut destrúctis adversitatibus, & erroribus universis, securá tibi serviát libertate. Per Dñm.

Vel pro Papa. **Oratio.**

Deus, ómnium fidélium pastor, & rector, famulum tuum **N** quem pastórem Ecclesiæ tuæ præesse voluísti, propítius respice: da ei, quæsumus, verbo & exémplo, quibus præest, proficere; ut ad vitam, uná cum grege sibi crédito, perveniat sempiternam. Per Dóminum.

Lectio libri Sapientie. **Eccli. 44. d**

Benedictio Dómini super caput iusti. Ideò dedit illi Dóminus hæreditatem, & divisit illi partem in tribubus duodecim: & invenit gratiam in conspectu omnis carnis. Et magnificavit eum in timóre inimicórum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi glóriam suam. In fide, & lenitate ipsius sanctum fecit illum, & elegit eum ex omni carne. Et dedit illi coram præcepta, & legem vitæ, & disciplinæ: & excelsum fecit illum. Státuit ei testaméntum ætérnum, & circumcinxit eum zona iustitiæ: & induit eum Dóminus coronam glóriæ.

Graduale. Psal. 91. Iustus ut palma florebit: sicut cedrus Libani multiplicabitur in domo Dómini. **Ad annuntiandum manè misericórdiam tuam, & veritatem tuam per noctem.**



Sequéntia sancti Euangélii secundum Lucam.

Lucæ 5. c

In illo témpore: Vidit Iesus publicánium, nómine Levi, sedéntem ad telónium: & ait illi: Séquere me. Et relictis ómnibus, surgens secútus est eum. Et fecit ei convívium magnum Levi in domo sua: & erat turba multa publicánorum, & aliórum, qui cum illis erant discumbéntes. Et murmurábant Pharisæi, & Scribæ eórum, dicéntes ad discipulos ejus: Quare cum publicánis, & peccatóribus manducátis, & bibitis? Et respóndens Iesus, dixit ad illos: Non egent, qui sani sunt, médico, sed qui malè habent. Non veni vocáre iustos, sed peccátóres ad poeniténtiam.

Offertorium. Psal. 8. Glória, & honóre coronásti eum: & constituísti eum super ópera mánuum tuárum, Dómine.

Secreta.

Apostólici reveréntia cúlminis offeréntes tibi sacra mystéria, Dómine, quæsumus: ut beati Matthæi Apóstoli tui & Euangelistæ suffrágiis, cujus natalítia prævenimus, plebs tua semper & sua vota deprómat, & desideráta percípiat. Per Dóminum.

De sancta Maria. **Secreta.**

Tua, Dómine, propitiatióne, & beatæ Mariæ semper virginis intercessióne, ad perpétuam atque præsentem hæc oblátio nobis proficiat prosperitatem, & pacem.

Contra persecutores Ecclesiæ. **Secreta.**

Protege nos, Dómine, tuis mystériis serviéntes: ut divinis rebus inhæréntes, & corpore tibi famulémur, & mente. Per Dóminum.

Vel pro Papa. **Secreta.**

Oblátis, quæsumus Dómine, placare munéribus, & famulum tuum **N** quem pastórem Ecclesiæ tuæ præesse voluísti, assídua protectióne guberná. Per Dóminum.

Communio. Psal. 20. Magna est glória ejus in salutári tuo: glóriam & magnum decórem impónes super eum, Dómine.

Postcommunio.

SAncti Apostoli tui & Euangelistæ Matthæi, quæsumus Dómine, supplicatione placatus, & véniam nobis tribue, & remédia sempiterna concede. Per Dóminum nostrum.

Pro S. Maria. Postcommunio.

Sumptis, Dómine, salutis nostræ subsidii: da quæsumus, beatæ Mariæ semper virginis patrocinii nos ubique protégi; in cuius veneratione hæc tuæ obtulimus majestati.

Contra persecutores Ecclesiæ.

Postcommunio.

Quæsumus Dómine Deus noster: ut quos divina tribuis participatione gaudere, humanis non finas subjacere periculis. Per Dóminum.

Vel pro Papa. Postcommunio.

Hæc nos, quæsumus Dómine, divini sacramenti percéptio protégat: & famulum tuum **N.** quem pastorem Ecclesiæ tuæ præesse voluisti, unâ cum commisso sibi grege, salvet semper & muniat. Per Dóminum.

Die xxi. Septembris.

IN FESTO S. MATTHÆI
Apostoli & Euangelistæ.

Introitus. Psalm. 36.



Qui justus meditabitur sapientiam: & lingua ejus loquetur iudicium: lex Dei ejus in corde ipsius.

Psalm. ibid. Noli æmulari in malignantibus: neque zelaveris facientes iniquitatem.

Glória Patri. Oratio.

Beati Apostoli & Euangelistæ Matthæi, Dómine, precibus adjuvemur: ut quod possibilitas nostra non obtinet, ejus nobis intercessione donetur. Per Dóminum nostrum.

Lectio Ezechiélis Prophætæ.

Ezech. 1. c.

Similitudo vultus quatuor animalium: facies hominis, & facies leónis à dextris ipsorum quatuor: facies autem bovis à sinistris ipsorum quatuor, & facies aquilæ desuper ipsorum quatuor. Facies

eorum, & pennæ eorum exténtæ desuper: duæ pennæ singulorum jungébantur, & duæ tegébant corpora eorum: & unumquodque eorum coram facie sua ambulabat: ubi erat impetus spiritus, illuc gradiebántur, nec revertébántur cum ambularent. Et similitudo animalium, aspéctus eorum quasi carbonum ignis ardéntium, & quasi aspéctus lampadarum. Hæc erat visio discurrens in medio animalium, splendor ignis, & de igne fulgur egrédiens. Et animalia ibant, & revertébántur in similitudinem fulguris coruscantis.

Graduale. Psalm. 111. Beatus vir, qui timet Dóminum: in mandatis ejus cupit nimis.

Ps. Potens in terra erit semen ejus, generatio rectorum benedicetur.

Allelúja, allelúja.

Ps. Te gloriósus Apostolorum chorus laudat, Dómine. Allelúja.



Sequéntia sancti Euangelii secundum Matthæum. **Matth. 9. d**

In illo tempore: Vidit Jesus hominem sedentem in telonio, Matthæum nomine. Et ait illi: Séquere me. Et surgens, secutus est eum. Et factum est discumbente eo in domo, ecce multi publicani & peccatores venientes discumbébant cum Jesu, & discipulis ejus. Et videntes Pharisei, dicebant discipulis ejus: Quare cum publicanis & peccatoribus manducat Magister vester? At Jesus audiens, ait: Non est opus valentibus medicus, sed malè habentibus. Eúntes autem discite quid est: Misericórdiam volo, & non sacrificium. Non enim veni vocare justos, sed peccatores. **C**redo.

Offertorium. Psalm. 20. Posuísti, Dómine, in capite ejus coronam de lapide pretioso: vitam petiit à te, & tribuísti ei, allelúja.

Secreta.

Supplicationibus beati Matthæi Apostoli & Euangelistæ, quæsumus Dómine, Ecclesiæ tuæ commendetur oblatio: cujus magnificis prædicationibus eruditur. Per Dóminum.

Præfatio de Apostolis. fol. 184.

Communio. ibid. Magna est glória ejus in

in salutari tuo: gloriam & magnum decorem impones super eum, Domine.

Postcommunio.

Perceptis, Domine, sacramentis, beato Matthæo Apóstolo tuo & Euangelista interveniente, deprecamur: ut, quæ pro ejus celebrata sunt gloria, nobis proficiant ad medelam. Per Dominum.

Die xxii. Septembris.

IN FESTO IMPRESSIONIS**Sacrorum Stigmatum in corpore beati Francisci.****Introitus. Galat. 6.**

Ihi autem absit gloriari, nisi in cruce Domini nostri Jesu Christi: per quem mihi mundus crucifixus est, & ego mundo.

Psalm. 141. Voce mea ad Dominum clamavi: voce mea ad Dominum deprecatus sum.

Glória Patri.

Oratio.

Domine Jesu Christe, qui frigescente mundo, ad inflammandum corda nostra tui amoris igne, in carne beatissimi Francisci passionis tuæ sacra Stigmata renovasti: concede propitius; ut ejus meritis & precibus crucem jûgiter feramus, & dignos fructus poenitentiae faciamus. Qui vivis & regnas cum Deo Patre.

Et fit commem. SS. Mauritii & socior. mart. cum Orationibus desumendis ex Missa propria eorundem, ut infra.

Lectio Epistolæ beati Pauli Apóstoli ad Gálatas.

Galat. 6. d

Fratres, Mihi autem absit gloriari, nisi in cruce Domini nostri Jesu Christi: per quem mihi mundus crucifixus est, & ego mundo. In Christo enim Jesu neque circumcisio aliquid valet, neque præputium, sed nova creatura. Et quicumque hanc regulam secuti fuerint, pax super illos, & misericordia, & super Israel Dei. De cetero nemo mihi molestus sit, ego enim Stigmata Domini Jesu in corpore meo porto. Grátia Domini nostri Jesu Christi, cum spiritu vestro, fratres. Amen.

Graduale. Psalm. 36. Os justi meditabitur

sapiéntiam, & lingua ejus loquétur judicium. **Ps.** Lex Dei ejus in corde ipsius: & non supplantabuntur gressus ejus.

Allelúja, allelúja. **Ps.** Franciscus pauper & humilis, coelum dives ingreditur, hymnis coeléstibus honorátur. Allelúja.



Sequéntia sancti Euangelii secundum Matthæum. **Matth. 10. d**

In illo tempore: Dixit Jesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucrétur, animæ verò suæ detrimentum patiátur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Munera tibi, Domine, dicata sanctifica: & intercedente beato Francisco, ab omni nos culpárum labe purifica. Per Dominum.

Communio. Lucæ 12. Fidelis servus, & prudens, quem constituit Dominus super familiam suam: ut det illis in tempore tritici mensuram. **Postcommunio.**

Deus, qui mira crucis mysteria in beato Francisco Confessore tuo multifórmiter demonstrasti: da nobis, quæsumus, devotionis suæ semper exempla sectari, & assidua ejusdem crucis meditatione muniri. Per Dominum.

MISSA SS. MARTYRUM MAURITII & sociorum ejus. Introitus. Psalm. 78.



Ntret in conspectu tuo, Domine, gemitus compeditorum: redde vicinis nostris septuplum in sinu eorum: vindica sanguinem Sanctorum tuorum, qui effusus est.

Psalm. ibid. Deus venerunt Gentes in hæreditá-

reditatem tuam, polluérunt templum sanctum tuum: posuérunt Jerúsalem in pomorum custodiam.

Glória Patri.

Oratio.

Annue, quæsumus omnipotens Deus: ut sanctorum martyrum tuorum Mauricii & sociorum ejus, nos lætificet festiva sollemnitas: ut, quorum suffragiis nitimur, eorum natalitiis gloriemur. Per Dominum.

Lectio libri Apocalypsis beati Joannis Apostoli.

Apoc 7. c

In diebus illis: Respondit unus de senioribus, & dixit mihi: Hi, qui amicti sunt stolis albis, qui sunt? & unde venerunt? Et dixi illi: Domine mi, tu scis. Et dixit mihi: Hi sunt, qui venerunt de tribulatione magna, & laverunt stolas suas, & dealbaverunt eas in sanguine Agni. Ideo sunt ante thronum Dei, & serviunt ei die ac nocte in templo ejus: & qui sedet in throno, habitabit super illos. Non esurient, neque sitient amplius, neccadet super illos sol neque ullus estus: quoniam Agnus, qui in medio throni est, reget illos, & deducet eos ad vitæ fontes aquarum, & absterget Deus omnem lacrymam ab oculis eorum.

Graduale. Exodi 15. Gloriosus Deus in Sanctis suis: mirabilis in maiestate, faciens prodigia. *Ps.* Dextera tua, Domine, glorificata est in virtute: dextera manus tua confrégit inimicos.

Allelúja, allelúja.

Eccli. 44. Corpora Sanctorum in pace sepulta sunt: & nomina eorum vivent in generatione, & generationem. Allelúja.

Euangelium. Cum audieritis. *ut in Communi. ix.*

Offertorium. Psalm. 67. Mirabilis Deus in Sanctis suis: Deus Israel, ipse dabit virtutem & fortitudinem plebi suæ: benedictus Deus, allelúja.

Secreta.

Respice, quæsumus Domine, munera, quæ in sanctorum martyrum tuorum Mauricii & sociorum ejus, commemoratione deferimus, & præsta: ut quorum honore sunt grata, eorum nobis fiant intercessione perpétua. Per Dñm.

Communio. Sap. 3. Et si coram homini-

bus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Coelestibus refecti sacramentis, & gaudiis, supplices te rogamus, Domine; ut quorum gloriamur triumphis, protegámur auxiliis. Per Dominum.

Die xxiii. Septembris.

IN FESTO S. LINI PAPÆ

& martyris.

Introitus. Eccli. 45.



Tátuit ei Dominus testamentum pacis, & principem fecit eum: ut sit illi sacerdotii dignitas in æternum. *Psal. 131. M*emento Domine David, & omnis

mansuetudinis ejus. *Glória Patri.*

Oratio.

Deus, qui nos beati Lini martyris tui, atque Pontificis annua solemnitáte lætificas: concede propitius; ut cujus natalitia colimus, de ejusdem etiam protectione geudeamus. Per Dominum.

Et fit commem. S. Theclæ virg. & mart. nisi fuerit Dñica: quia tunc commem. S. Theclæ fit in Dñica, & festum S. Lini transfertur in aliam diem.

Oratio.

Da quæsumus omnipotens Deus: ut qui beatæ Theclæ virginis & martyris tuæ natalitia colimus, & annua solemnitáte lætemur, & tantæ fidei proficiamus exemplo.

Ad poscenda suffragia Sanctorum.

Oratio.

Acunctis nos, quæsumus Domine, mentis & corporis defende periculis: & intercedente beata & gloriosa semper virgine Dei Genitrice Maria, cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus & pacem; ut destructis adversitatibus & erroribus universis, Ecclesia tua secúra tibi seruiat libertate. Per eundem Dominum.

Lectio Epistolæ beati Jacobi Apostoli.

Jac. 1. b

Charissimi, Beatus vir, qui suffert tentationem: quoniam cum probatus

tus fuerit, accipiet coronam vitæ, quam repromisit Deus diligentibus se. Nemo cum tentatur, dicat quoniam à Deo tentatur: Deus enim intentator malorum est: ipse autem neminem tentat. Unusquisque verò tentatur à concupiscentia sua abstractus, & illéctus. Deinde concupiscentia cum concéperit, parit peccatum: peccatum verò cum consummatum fuerit, generat mortem. Nolite itaque errare, fratres mei dilectissimi. Omne datum optimum, & omne donum perfectum desursum est, descendens à Patre luminum, apud quem non est transmutatio, nec vicissitudinis obumbratio. Voluntariè enim genuit nos verbo veritatis, ut simus initium aliquod creaturæ ejus.

Graduale. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **✠** Nihil proficiet inimicus in eo, & filius iniquitatis non nocébit ei. **Allelúja, allelúja.**

✠. Psalm. 109. Tu es sacerdos in ætérnum, secundum ordinem Melchisedech. **Allelúja.**



Sequéntia sancti Euangélíi secundum Lucam. **Lucæ 14. f**

In illo tempore: Dixit Jesus turbis: Si quis venit ad me, & non odit patrem suum, & matrem, & uxorem, & filios, & fratres, & soróres, adhuc autem & animam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens computat sumptus, qui necessarij sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incipiant illúdere ei, dicéntes: Quia hic homo coepit ædificáre, & non potuit consummáre? Aut quis rex itúrus committere bellum adversus álium regem, non sedens prius cógitat, si possit cum decem míllibus occurrere ei, qui cum viginti míllibus venit ad se? alióquin

adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus, quæ possidet, non potest meus esse discipulus.

Offertorium. Psal. 88. Veritas mea, & misericórdia mea cum ipso: & in nómine meo exaltábitur cornu ejus. **Secreta.**

Munera tibi, Dómine, dicata sanctifica: & intercedente beáto Lino mártire tuo atque Pontífice, per eádem nos placatus inténde. Per Dóminum.

Pro S. Thecla. Secreta.

Suscipe, Dómine, múnera, quæ in beátæ Theclæ virginis & mártiris tuæ solemnitate deferimus: cujus nos confidimus patrocínio liberári.

Ad poscenda suffragia Sanctorum.

Secreta.

Exaudi nos Deus salutaris noster: ut per hujus sacraménti virtutem, à cunctis nos mentis & corporis hóstibus tueáris, grátiam tribuens in præsenti, & glóriam in futuro. Per Dóminum.

Communio. Psal. 88. Semel jurávi in sancto meo: semen ejus in ætérnum manébit: & sedes ejus sicut sol in conspéctu meo, & sicut luna perfecta in ætérnum, & testis in cœlo fidelis. **Postcommunio.**

Hæc nos commúnio, Dómine, purget à crimine: & intercedente beáto Lino mártire tuo atque Pontífice, coeléstis remédii fáciat esse cósortes. Per Dóminum.

Pro S. Thecla. Postcommunio.

Auxiliéntur nobis, Dómine, sumpta mystéria: & intercedente beáta Thecla vírgine & mártire tua, sempitérna fáciant protectióne gaudere.

Ad poscenda suffragia Sanctorum.

Postcommunio.

Mundet & múniat nos, quæsumus Dómine, divíni sacraménti munus oblátum: & intercedente beáta vírgine Dei Genitríce María, cum beátis Apóstolis tuis Petro & Paulo, atque beáto **N.** & ómnibus Sanctis, à cunctis nos reddat & perversitatibus expiátos, & adversitatibus expeditos. Per eúndem Dóminum.

Die

Die xxiv. Septembris.

IN FESTO BB. VIRGINIS
Mariæ de Mercede.**Missâ.** Salve sancta parens. ut in festo
ad Nives 5. Augusti. fol. 419. præter
Orationem sequentem. **Oratio.****D**eus, qui per gloriosissimam Filii tui
Matrem ad liberandos Christi fide-
les à potestate Paganorum nova Ecclé-
siam tuam prole amplificare dignatus es:
præsta quæsumus; ut quam piè venera-
mur tanti operis Institutricem, ejus pá-
riter méritis & intercessione à peccatis
ómnibus, & captivitate dæmonis libe-
rémur. Per eúmdem Dóminum.


Die xxv. Septembris.

IN FESTO S. GERARDI
Episcopi & martyri. **Missâ.** Stáuit.
de Communi unius Martyri. fol. ii.

Die xxvi. Septembris.

SS. CYPRIANI, ET JUSTINÆ
Martyrum.**Missâ.** Salus autem justorum. de Com-
muni plurimor. Martyri. fol. x. **Oratio.****B**eatórum mártýrum Cypriani & Ju-
stinæ nos, Dómine, foveant conti-
nuata præsidia: quia non desinis propi-
tius intuéri quos talibus auxiliis concé-
feris adjuvâri. Per Dñm. **Secreta.****M**unera tibi, Dómine, nostræ devo-
tiónis offerimus: quæ & pro tuó-
rum tibi grata sint honóre justórum, &
nobis salutária, te miserante, reddántur.
Per Dóminum. **Postcommunio.****P**ræsta nobis, quæsumus Dómine, in-
tercedéntibus sanctis martyribus tuis
Cypriano & Justina: ut, quod ore contín-
gimus, pura mente capiámus. Per Dñm.

Die xxvii. Septembris.

IN FESTO SS. MARTYRUM
Cosmæ & Damiani.**Introitus.** **Eccli. 44.**Apiéntiam Sanctórum nar-
rent pópuli: & laudes eó-
rum nuntiet ecclésia: nó-
mina autem eórum vivent
in sæculum sæculi.**Psal. 32.** Exultate justi in Dómino:
rectos decet collaudatio.**Glória Patri.****Oratio.****P**ræsta quæsumus omnipotens Deus:
ut qui sanctórum mártýrum tuórum
Cosmæ & Damiani natalitia cólimus,
à cunctis malis imminéntibus eórum in-
tercessiónibus liberémur. Per Dñm.**Lectio libri Sapientiae.****Sap. 5. c.****J**usti autem in perpétuum vivent, &
apud Dóminum est merces eórum,
& cogitatio illórum apud Altíssimum.
Ideò accipient regnum decóris, & dia-
déma specièi de manu Dómini: quó-
niam dextera sua teget eos, & bráchio
sancto suo defendet illos. Accipiet ar-
matúram zelus illius, & armábit crea-
túram ad ultiónem inimicórum. In-
duet pro thorace justitiam, & accipiet
pro gálea judícium certum. Sumet scu-
tum inexpugnábile æquitatem.**Graduale. Psal. 33.** Clamavérunt justi,
& Dóminus exaudivit eos: & ex ómni-
bus tribulatióibus eórum liberávit eos.
Allelúja, allelúja.**Hæc est vera fraternitas, quæ vicit
mundi crimina: Christum secuta est, ín-
clyta tenens regna coeléstia. Allelúja.****Sequentia sancti Evangelii secún-
dum Lucam.****Lucæ 6. c.****I**n illo témpore: Descéndens Jesus de
monte, stetit in loco campéstri, &
turba discipulórum ejus, & multi-
túdo copiósa plebis ab omni Judæa, &
Jerúsalem, & marítima, & Tyri, & Si-
dónis, qui vénerant, ut audírent eum,
& sanaréntur à languóribus suis. Et qui
vexabántur à spirítibus immúndis, cura-
bántur. Et omnis turba quærébat eum
tángere: quia virtus de illo exíbat, &
sanábat omnes. Et ipse elevátis óculis in
discípulos suos, dicébat: Beáti páupe-
res: quia vestrum est regnum Dei. Beá-
ti, qui nunc esuritis: quia saturabimini.
Beáti, qui nunc fletis: quia ridébitis.
Beáti éritis, cùm vos óderint hómines,
& cùm separáverint vos, & exprobrá-
verint,

verint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in coelo.

Offertorium. Psal. 5. Gloriabuntur in te omnes, qui diligunt nomen tuum: quoniam tu Domine, benedices justo: Domine ut scuto bonae voluntatis tuae coronasti nos.

Secreta.

Sanctorum tuorum nobis, Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dominum.

Communio. Psal. 78. Posuerunt mortalia servorum tuorum, Domine, escas volatilibus coeli, carnes Sanctorum tuorum bestiis terrae: secundum magnitudinem brachii tui posside filios morte punitorum.

Postcommunio.

Protegat, quae sumus Domine, populum tuum, & participatio coelestis indulta convivii, & deprecatio collata Sanctorum. Per Dominum.

Die xxviii. Septembris.

IN FESTO S. WENCESLAI

Ducis & martyris, Missa. In virtute. de Comuni unius Mart. fol. iii. **Oratio.**

Deus, qui beatum Wenceslaum per martyrii palmam a terreno Principatu ad coelestem gloriam transtulisti: ejus precibus nos ab omni adversitate custodi, & ejusdem tribue gaudere consortio. Per Dominum.

Evangelium. Si quis vult post me venire. ut in prima Missa de Comuni unius Martyris. fol. iii.

Die xxix. Septembris.

IN DEDICATIONE

Sancti Michaelis Archangeli.

Introitus.

Psal. 102.



Benedicite Dominum omnes Angeli ejus: potentes virtute, qui facitis verbum ejus, ad audiendam vocem sermonum ejus.

Psal. ibid. Benedic anima mea Domino: & omnia quae intra me sunt, nomini sancto ejus.

Glória Patri.

Oratio.

Deus, qui miro ordine Angelorum ministeria, hominumque dispensas: concede propitius; ut, a quibustibi ministrantibus in coelo semper assistitur, ab his in terra vita nostra muniat. Per Dominum nostrum.

Lectio libri Apocalypsis beati Joannis Apostoli.

Apoc. 1.

In diebus illis: Significavit Deus, quae oportet fieri cito, mittens per Angelum suum servo suo Joanni, qui testimonium perhibuit verbo Dei, & testimonium Jesu Christi, quaecumque vidit. Beatus, qui legit, & audit verba prophetiae hujus: & servat ea, quae in ea scripta sunt. Tempus enim propè est. Joannes septem Ecclesiis, quae sunt in Asia. Gratia vobis, & pax ab eo, qui est, & qui erat, & qui venturus est: & a septem spiritibus, qui in conspectu throni ejus sunt, & a Jesu Christo, qui est testis fidelis, primogenitus mortuorum, & princeps regum terrae, qui dilexit nos, & lavit nos a peccatis nostris in sanguine suo.

Graduale. Psal. 102. Benedicite Dominum omnes Angeli ejus: potentes virtute, qui facitis verbum ejus. **V.** Benedic anima mea Dominum, & omnia interiora mea nomen sanctum ejus. **A.** Allelúja, allelúja. **V.** Sancte Michael Archangele, defende nos in praelio: ut non pereamus in tremendo judicio. Allelúja.



Sequentia sancti Evangelii secundum Matthaeum. Matth. 18.

In illo tempore: Accesserunt discipuli ad Jesum, dicentes: Quis putas, major est in regno coelorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum coelorum. Quicumque ergo humiliaverit se sicut parvulus iste, hic est major in regno coelorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in

in profundum maris. Væ mundo à scándalis. Necesse est enim, ut véniant scándala: verúmtamen væ hómini illi, per quem scándalum venit. Si autem manus tua, vel pes tuus scandalízat te, abscinde eum, & prójice abs te: bonum tibi est ad vitam ingredi débilem, vel claudum, quam duas manus, vel duos pedes habentem mitti in ignem ætérnum. Et si óculus tuus scandalízat te, érue eum, & prójice abs te: bonum tibi est cum uno óculo in vitam intráre, quàm duos óculos habentem mitti in gehénnam ignis. Vidéte ne contemnátis unum ex his pusillis: dico enim vobis, quia Angeli eórum in coelis semper vident fáciem Patris mei, qui in coelis est. **Credo.**

Offertorium. Apoc. 8. Stetit Angelus juxta aram templi, habens thuribulum áureum in manu sua: & data sunt ei incénsa multa: & ascendit fumus arómatum in conspéctu Dei, allelúja. **Secreta.**

Hostias tibi, Dómine, laudis offéri-mus, suppliciter deprecántes: ut eásdem Angélico pro nobis interveniéntem suffrágio, & placátus accípias, & ad salutem nostram proveníre concé-das. Per Dóminum.

Communio. Dan. 3. Benedícite omnes Angeli Dómini Dóminum: hymnum dícite, & superexaltáte eum in sæcula.

Postcommunio.

Beati Archángeli tui Michaélis intercessióne suffúlti, súpplices te, Dómine, deprecámur: ut quod ore proséquimur, contingámus & mente. Per Dóminum nostrum.

Die xxx. Septembris.

IN FESTO S. HIERONYMI
Presbyteri & Confessoris, & Ecclesiæ
Doctóris. Introitus. Eccli. 15.



In médio Ecclesiæ apérui os ejus: & implévit eum Dóminus spíritu sapiéntiæ, & intelléctus: stolam glóriæ induit eum.

Psal. 91. Bonum est confitéri Dómino, & psállere nómini tuo, Altíssime. **Glória Patri.**

Oratio.

Deus, qui Ecclesiæ tuæ in exponéndis sacris Scriptúris beátum Hierónymum Confessórem tuum, Doctórem máximum providére dignátus es: præsta quæsumus; ut ejus suffragántibus méritis, quod ore simul & ópere dócuit, te adjuvánte exercére valeámus. Per Dóminum. **Léctio Epístolæ beati Pauli Apóstoli ad Timótheum. 2. Tim. 4.**

Charíssime, Testificor coram Deo, & Jesu Christo, qui judicáturus est vivos & mórtuos, per adventum ipsíus, & regnum ejus: prædica verbum, insta opportunè, importunè: árgue, óbseca, increpa in omni paciéntia, & doctrína. Erit enim tempus, cum sanam doctrinam non sustinébunt: sed ad sua desidéria coacervábunt sibi magístros, pruriéntes áuribus, & à veritate quidem auditum avértent, ad fábulas autem converténtur. Tu verò vígila, in ómnibus labóra, opus fac Euangelistæ, ministérium tuum imple. Sóbrius esto. Ego enim jam delíbor, & tempus resolutionis meæ instat. Bonum certámen certávi, cursum consummávi, fidem servávi. In réliquo repósita est mihi coróna justitiæ, quam reddet mihi Dóminus in illa die, justus judex: non solum autem mihi, sed & iis, qui diligunt adventum ejus.

Graduale. Psal. 36. Os justí meditábitur sapiéntiam, & lingua ejus loquétur júdicium. **V.** Lex Dei ejus in corde ipsíus: & non supplantabúntur gressus ejus.

Allelúja, allelúja. **V. Eccli. 45.** Amávit eum Dóminus, & ornávit eum: stolam glóriæ induit eum. Allelúja.

Sequéntia sancti Euangélii secúndum Matthæum. Matth. 5. b

In illo témpore: Dixit Jesus discípulis suis: Vos estis sal terræ. Quòd si sal evanúerit, in quo salietur? ad níhilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, & ponunt eam sub módio, sed super candelábrum: ut lúceat ómni-

omnibus; qui in domo sunt. Sic luceat lux vestra coram hominibus; ut videant opera vestra bona, & glorificent Patrem vestrum, qui in coelis est. Nolite putare quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat coelum & terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit & docuerit, hic magnus vocabitur in regno coelorum. **Credo.**

Offertorium. Psal. 91. Justus ut palma florebit: sicut cedrus, quae in Libano est, multiplicabitur. **Secreta.**

Donis coelestibus da nobis, quaesumus Domine, libera tibi mente servire: ut munera, quae deferimus, interveniente beato Hieronymo Confessore tuo, & medelam nobis operentur, & gloriam. Per Dominum.

Communio. Lucae 12. Fidelis servus, & prudens, quem constituit Dominus super familiam suam: ut det illis in tempore tritici mensuram. **Postcommunio.**


Repleti alimonia coelesti, quaesumus Domine: ut interveniente beato Hieronymo Confessore tuo, misericordiae tuae gratiam consequi mereamur. Per Dominum.

FESTA OCTOBRIS.

Dominica prima Octobris.

IN SOLEMNITATE SS. ROSARII

B. Mariae virg. Introitus. Sedulius.



Alve sancta parens, enixa puerpera Regem: qui coelum, terramque regit in saecula saeculorum.

Psal. 44. Eructavit cor meum verbum bonum:

dico ego opera mea Regi.

Glória Patri.

Oratio.

Deus, cujus Unigenitus, per Vitam, Mortem, & Resurrectionem suam, nobis salutis aeternae praemia comparavit: concede quaesumus, ut haec my-

steria Sanctissimo beatae Mariae Virginis Rosario recolentes, & imitemur, quod continent; & quod promittunt, assequamur. Per eundem Dominum.

Et fit commemor. Dominicae occurr.

Lectio libri Sapientiae. Eccli. 24. b

AB initio, & ante saecula creata sum, & usque ad futurum saeculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei haereditas illius, & in plenitudine sanctorum detentio mea.

Graduale. Benedicta & venerabilis es virgo Maria: quae sine tactu pudoris, inventa es mater Salvatoris. V. Virgo Dei Genitrix, quem totus non capit orbis, in tua se clausit viscera factus homo.

Alleluja, alleluja. **V. Post partum, Virgo, inviolata permansisti: Dei Genitrix intercede pro nobis. Alleluja.**



Sequentia sancti Evangelii secundum Lucam. Lucae 11. d

IN illo tempore: Loquente Jesu ad turbas: extollens vocem quaedam mulier de turba, dixit illi: Beatus venter, qui te portavit; & ubera, quae suxisti. At ille dixit: Quinimodo beati, qui audiunt verbum Dei, & custodiunt illud. **Credo.**

Offertorium. Lucae 1. Ave Maria, gratia plena: Dominus tecum: Benedicta tu in mulieribus: & benedictus fructus ventris tui. **Secreta.**

Fac nos quaesumus, Domine, his muneribus offerendis convenienter aptari, & per Sanctissimi Rosarii mysteria sic Vitam, Passionem, & gloriam Unigeniti tui recolere, ut ejus digni promissionibus efficiamur. Per eundem Dominum nostrum.

Deinde fit commemor. Dominicae.

Praefatio. Et te in solemnitate beatae Mariae semper virginis. fol. 183.

Communio. Beata viscera Mariae virginis, quae portaverunt tibi Patris Filium.

Post-

Postcommunio.

Sanctissimæ Genitricis tuæ, cujus Rosarium celebramus, quæsumus Domine, precibus adjuvemur; ut & mysteriorum, quæ recolimus, virtus percipiatur, & Sacramentorum, quæ sumpsimus, obtineatur effectus. Qui vivis, & regnas. *Deinde fit commemor. Dominicæ: & in fine legitur Evangelium ejusdem.*

Die i. Octobris.

S. REMIGII EPISCOPI
& Confess. Missa. S. tâtuit ei Dominus. de Communi Confess. Pontif. fol. xii.

Die ii. Octobris.

IN FESTO SS. ANGELORUM
Custodum. Introitus. Psal. 102.



Benedicite Dominum omnes Angeli ejus: potentes virtute, qui facitis verbum ejus, ad audiendam vocem sermonum ejus.

Psal. ibid. Benedic anima

mea Domino: & omnia quæ intra me sunt, nomini sancto ejus.

v. Gloria Patri.

Oratio.

Deus, qui ineffabili providentia sanctos Angelos tuos ad nostram custodiam mittere dignaris: largire supplicibus tuis, & eorum semper protectione defendi, & æterna societate gaudere. Per Dominum.

Lectio libri Exodi.

Exodi 23. d

Hæc dicit Dominus Deus: Ecce ego mittam Angelum meum, qui præcedat te, & custodiat in via, & introducat in locum, quem paravi. Observa eum, & audi vocem ejus, nec contemnendum putes: quia non dimittet, cum peccaveris, & est nomen meum in illo. Quod si audieris vocem ejus, & feceris omnia, quæ loquor, inimicus ero inimicis tuis, & affligam affligentes te: præcedetque te Angelus meus.

Graduale. Psal. 90. Angelis suis Deus mandavit de te, ut custodiant te in omnibus viis tuis. v. In manibus portabunt te, ne umquam offendas ad lapidem pedem tuum. Allelúja, allelúja.

v. Psal. 102. Benedicite Domino omnes virtutes ejus: ministri ejus, qui facitis voluntatem ejus. Allelúja.

Post Septuagesimam, omittis: Allelúja. & v. sequenti, dicitur Tractus. Psal. 102.

Benedicite Dominum omnes Angeli ejus: potentes virtute, qui facitis verbum ejus. *v. Benedicite Domino omnes virtutes ejus: ministri ejus, qui facitis voluntatem ejus. v. Benedicite Domino omnia opera ejus: in omni loco dominationis ejus, benedic anima mea Domino.*

Tempore Paschali omittitur Graduale, & ejus loco dicitur, Allelúja, allelúja.

v. Psalm. 137. In conspectu Angelorum psallam tibi: adorabo ad templum sanctum tuum, & confitebor nomini tuo. Allelúja.

v. Matth. 28. Angelus Domini descendit de coelo, & accedens revolvit lapidem, & sedebat super eum. Allelúja.

✠ *Sequentia sancti Evangelii secundum Matthæum. Matth. 18.*

In illo tempore: Accesserunt discipuli ad Jesum, dicentes: Quis, putas, major est in regno coelorum? Et advocans Jesus parvulum, statuit eum in medio eorum, & dixit: Amen dico vobis, nisi conversi fueritis, & efficiamini sicut parvuli, non intrabitis in regnum coelorum. Quicumque ergo humiliaverit se sicut parvulus iste, hic est major in regno coelorum. Et qui susceperit unum parvulum talem in nomine meo, me suscipit. Qui autem scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris. Væ mundo à scandalis. Necesse est enim, ut veniant scandala: verumtamen væ homini illi, per quem scandalum venit. Si autem manus tua, vel pes tuus scandalizat te; abscede eum, & projice abs te: bonum tibi est ad vitam ingredi debilem, vel claudum, quam duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te: bonum tibi est cum uno oculo in vitam intrare, quam duos oculos habentem

tem mitti in gehénnam ignis. Vidéte ne contemnátis unum ex his pusillis: dico enim vobis, quia Angeli eórum in coelis semper vident fáciem Patris mei, qui in coelis est. **C**redo.

Offertorium. Psal. 102. Benedícite Dóminum omnes Angeli ejus: minístri ejus, qui fácitis verbum ejus, ad audiéndam vocem sermónum ejus. **Secreta.**

Suscipe, Dómine, múnera, quæ pro Sanctórum Angelórum tuórum veneratióne deférimus: & concéde propítius; ut perpétuis eórum præsídiis, à præsentibus periculis liberémur, & ad vitam perveniámus ætérnam. Per Dóminum.

Communio. Dan. 3. Benedícite omnes Angeli Dómini Dóminum: hymnum dicite, & superexaltáte eum in sæcula.

Postcommunio.

Sumpsimus, Dómine, divína mystéria Sanctórum Angelórum tuórum festivitáte lætantes: quæsumus; ut eórum protectiône ab hóstium júgiter liberémur insídiis, & contra ómnia advérfa muniámur. Per Dóminum.

Die iv. Octobris.

IN FESTO S. FRANCISCI
Confessoris. Introitus. Galat. 6.



Ihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo.

Psal. 141. Voce mea ad Dóminum clamávi: voce mea ad Dóminum deprecátus sum.

V. Glória Patri. Oratio.

Deus, qui Ecclesiám tuam beati Francisci méritis, foetu novæ prolis amplíficas: tribue nobis, ex ejus imitatióne terréna despícere, & coeléstium donórum semper participatióne gaudére. Per Dóminum nostrum.

Lectio Epístolæ beati Pauli Apóstoli ad Gálatas. Galat. 6. d

Fratres, Mihi autem absit gloriári, nisi in cruce Dómini nostri Jesu Christi: per quem mihi mundus crucifixus est, & ego mundo. In Christo Miss. Monast.

enim Jesu neque circumcísio áliquid valet, neque præpútium, sed nova creatúra. Et quicumque hanc régulam secúti fúerint, pax super illos, & misericórdia, & super Israel Dei. De cétero nemo mihi moléstus sit: ego enim Stigmata Dómini Jesu in corpore meo porto. Grátia Dómini nostri Jesu Christi, cum spíritu vestro, fratres. Amen.

Graduale. Psal. 36. Os justí meditábitur sapiéntiam, & lingua ejus loquétur judícium. **V.** Lex Dei ejus in corde ipsíus: & non supplantabúntur gressus ejus.

Allelúja, allelúja. V. Franciscus pauper & húmilis, coelum dives ingreditur, hymnis coeléstibus honorátur. Allelúja.



Sequéntia sancti Euangélii secúndum Matthæum. **Matth. 11. d**

In illo témpore: Respóndens Jesus, dixit: Confíteor tibi Pater, Dómine cœli & terræ, quia abscondísti hæc à sapiéntibus & prudéntibus, & revelásti ea párvulis. Ita Pater: quóniam sic fuit plácitum antete. Omnia mihi trádicta sunt à Patre meo. Et nemo novit Fílium, nisi Pater: neque Patrem quis novit, nisi Fílius, & cui volúerit Fílius reveláre. Veníte ad me omnes, qui laborátis, & onerátí estis, & ego reficiam vos. Tóllite jugum meum super vos, & díscite à me, quia mitis sum, & húmilis corde: & inveniétis réquiem animábus vestris. Jugum enim meum suáve est, & onus meum leve.

Offertorium. Psal. 88. Veritas mea, & misericórdia mea cum ipso: & in nómine meo exaltábitur cornu ejus. **Secreta.**

Munera tibi, Dómine, dicáta sanctífica, & intercedénte beáto Francisco, ab omni nos culpárum labe purífica. Per Dóminum.

Communio. Lucæ 12. Fidélis servus & prudens, quem constituit dóminus super familiám suam: ut det illis in témpore trítici mensúram. **Postcommunio.**

Ecclésiám tuam, quæsumus Dómine, grátia coeléstis amplíficet: quam beati Francisci Confessóris tui illumináre volúisti gloriósis méritis & exémpis. Per Dóminum.

Gg

Die

Die v. Octobris.

IN F E S T O
SS. P L A C I D I

& sociorum mart. Introitus. Psal. 36.



Alus autem justorum à Dómino: & protéctor eorum est in tēpore tribulatiōnis. **Psal. ibid.** Noli æmulārī in malignāntibus: neque zelāveris faciētes iniquitatem. **Ps.** Glória Patri. **Oratio.**

DEus, qui beatum Placidum in aquis pen ē demersum mirabiliter eripulisti, ut fidem inde, quam cum pluribus sociis coram persecutoribus confessus est, proprio sanguine confirmaret: ipsorum nobis intercessiōe concēde; ut animas nostras propter te pēdere non timētes, eas apud te feliciter invenīre mereāmur. Per Dóminum.

In Missis privatis tantum fit commemor. S. Attilani, seu Attiliani Episc. & Confessoris. **Oratio.**

DA, quæsumus, omnipotens Deus: ut beati Attilani Confessoris tui atque Pontificis veneranda solēmnitas, & devotiōnem nobis augeat & salutē. Per Dñm. **Lectio** Epistolæ beati Pauli Apóstoli ad Hebræos. **Hebr. 10. f.**

FRatres, Rememorāmini pristinōs dies, in quibus illumināti, magnum certāmen sustinūstis passiōum: & in áltero quidem opprobriis & tribulatiōnibus spectāculum facti: in áltero autem socii tāliter conversāntium effēcti. Nam & vinctis compāssi estis, & rapinam bonorum vestrorum cum gaudio suscepistis, cognoscētes vos habēre meliōrem & manēntem substantiam. Nolite itaque amittere confidentiam vestram, quæ magnam habet remuneratiōnem. Patiētia enim vobis necessāria est: ut voluntātem Dei faciētes, reportētis promissiōnem. Adhuc enim módicum aliquāntulum, qui ventūrus est, veniet, & non tardābit. Justus autem meus ex fide vivit.

Graduale. Psalm. 33. Clamaverunt iusti, & Dóminus exaudivit eos: & ex ómnibus tribulatiōnibus eorum liberāvit eos.

Ps. Juxtā est Dóminus his, qui tribulāto sunt corde: & hūmiles spīritu salvābit. **A.** llelúja, allelúja.

Ps. Te Mártyrum candidātus laudat exercitus, Dómine. Allelúja.



Sequētia sancti Euangélii secūndum Joānnem. **Joann. 12. d.**

IN illo tēpore: Dixit Jesus discipulis suis: Amen, amen dico vobis, nisi granum frumēti cadens in terram, mórtuum fūerit, ipsum solum manet. Si autem mórtuum fūerit, multum fructum affert. Qui amat animam suam, perdet eam: & qui odit animam suam in hoc mundo, in vitam ætēnam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministrāverit, honorificābit eum Pater meus. **Credo.**

Offertorium. Sap. 3. Iustorum animæ in manu Dei sunt, & non tanget illos tormentum malitiæ: visi sunt oculis insipientium mori: illi autem sunt in pace, allelúja. **Secreta.**

MUnera tibi, Dómine, nostræ devotiōnis offerimus: quæ & pro tuorum tibi grata sint honore justorum, & nobis salutária, te miserānte, redāntur. Per Dóminum.

Pro commemor. S. Attilani. Secreta.

Sancti tui, quæsumus Dómine, nos subique lætificent: ut dum eorum mérita recólimus, patrocínia sentiāmus. Per Dóminum nostrum.

Communio. Matth. 10. Quod dico vobis in ténebris, dicite in lúmine, dicit Dóminus: & quod in aure auditis, prædicāte super tecta. **Postcommunio.**

PRæsta nobis, quæsumus Dómine, intercedētibz sanctis martyribz tuis Plácido & sociis ejus: ut, quod ore contíngimus, pura mente capiāmus. Per Dóminum nostrum.

Pro commemor. S. Attilani. Postcomm.

PRæsta, quæsumus, omnipotens Deus: ut de percēptis munēribz grátias exhibētes, intercedēte beato Attilano Confessore tuo atque Pontífice, beneficia potiōra sumāmus. Per Dóminum.

Die

Die vi. Octobris.

IN FESTO S. BRUNONIS

Confessoris. Introitus. Psal. 36.



O justi meditabitur sapien-
tiam, & lingua ejus lo-
quetur iudicium: lex Dei
ejus in corde ipsius.

Psalm ibid. Noli æmulari
in malignantibus: neque
zelaveris facientes iniquitatem.

Gloria Patri. **Oratio.**

Sancti Brunonis Confessoris tui,
quaesumus Domine, intercessionibus
adjuvemur: ut qui Majestatem
tuam graviter delinquendo offendimus,
ejus meritis, & precibus nostrorum
delictorum veniam consequamur.
Per Dominum nostrum.

Lectio libri Sapientiae. **Eccli. 31.**

Beatus vir, qui inventus est sine ma-
cula, & qui post aurum non abiit,
nec speravit in pecunia, & thesauris.
Quis est hic, & laudabimus eum? fecit
enim mirabilia in vita sua. Qui probatus
est in illo, & perfectus est, erit illi
gloria æterna: qui potuit transgredi,
& non est transgressus: facere mala, &
non fecit: ideo stabilita sunt bona illius
in Domino, & eleemosynas illius enar-
rabit omnis Ecclesia sanctorum.

Graduale. Psalm. 91. Justus ut palma
florabit: sicut cedrus Libani multipli-
cabitur in domo Domini.

**Ad annuntiandum manè misericor-
diam tuam, & veritatem tuam per
noctem. Allelúja, allelúja.**

Jac. 1. Beatus vir, qui suffert ten-
tationem: quoniam cum probatus fue-
rit, accipiet coronam vitæ. Allelúja.



Sequentia sancti Evangelii secun-
dum Lucam. **Lucæ 12. c**

In illo tempore: Dixit Jesus discipulis
suis: Sint lumbi vestri præcincti, &
lucernæ ardentes in manibus vestris:
& vos similes hominibus expectantibus
dominum suum, quando revertatur à
nuptiis: ut, cum venerit, & pulsaverit,
confestim aperiant ei. Beati servi illi,
quos, cum venerit dominus, invenerit

vigilantes: amen dico vobis; quod præ-
cincti se, & faciet illos discumbere, &
transiens ministrabit illis. Et si venerit in
secunda vigilia, & si in tertia vigilia vene-
rit, & ita invenerit, beati sunt servi illi.
Hoc autem scitote, quoniam si sciret pater-
familias, qua hora fur veniret, vigilaret
utique, & non sineret perfodi domum
suam. Et vos estote parati, quia qua ho-
ra non putatis, Filius hominis veniet.

Offertorium. Psalm. 88. Veritas mea, &
misericordia mea cum ipso: & in nomi-
ne meo exaltabitur cornu ejus.

Secreta.

Laudis tibi, Domine, hostias im-
molamus, in tuorum commemo-
ratione Sanctorum: quibus nos &
presentibus exui malis confidimus,
& futuris. Per Dominum.

Communio. Matth. 24. Beatus servus,
quem, cum venerit dominus, invene-
rit vigilantem: amen dico vobis, super
omnia bona sua constituet eum.


Postcommunio.

Quaesumus, omnipotens Deus: ut
qui coelestia alimenta percipimus,
intercedente beato Brunone Confesso-
re tuo, per hæc contra omnia adversa
muniamur. Per Dominum.

Die vii. Octobris.

IN FESTO S. JUSTINÆ
Virginis & Martyris.

Introitus. Psalm. 118.



Ioquebar de testimoniis
tuis in conspectu regum,
& non confundabar: &
meditabar in mandatis
tuis, quæ dilexi nimis.

Psalm. ibid. Beati immacu-
lāti in via, quia ambulant in lege Domini.

Gloria Patri. **Oratio.**

Deus, qui nos annua beatæ Justinæ
virginis & martyris tuæ solemni-
tate lætificas: da, ut quam veneramur
officio, etiam piæ conversationis sequa-
mur exemplo. Per Dominum.

Procommem. S. Marci Papæ. Oratio.

Exaudi, Domine, preces nostras: &
interveniente beato Marco Confes-
sore

sore tuo atque Pontífice, indulgentiam nobis tribue placatus, & pacem.

Procommem. SS. Sergii, Bacchi, Marcelli, & Apuleji martyrum. Oratio.

Sanctorum martyrum tuorum nos, Domine, Sergii, Bacchi, Marcelli, & Apuleji beata mérita prosequantur: & tuo semper faciant amore ferventes. Per Dominum nostrum.

Lectio libri Sapientiae. Eccli. 51.

Confitebor tibi, Domine Rex, & collaudabo te Deum Salvatorem meum. Confitebor nómini tuo: quóniam adjutor, & protector factus es mihi, & liberasti corpus meum à perditione, à láqueo linguæ iniquæ, & à lábiis operantium mendacium, & in conspectu astantium factus es mihi adjutor. Et liberasti me secundum multitudinem misericordiæ nóminis tui à rugientibus, præparatis ad escam, de manibus quærentium animam meam, & de portis tribulationum, quæ circumdederunt me: à pressura flammæ, quæ circumdedit me, & in medio ignis non sum aestuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injústa: laudabit usque ad mortem anima mea Dominum, quóniam éruis sustinentes te, & liberas eos de manibus Géntium, Domine Deus noster.

Graduale. Psal. 44. Dilexisti justitiam, & odisti iniquitatem. **Ps.** Propterea unxit te Deus, Deus tuus, óleo lætitiæ.

Allelúja, allelúja. **Ps.** Adducéntur Regi vírgines post eam: proximæ ejus afferéntur tibi in lætítia. Allelúja.

Sequentia sancti Evangelii secundum Matthæum. Matth. 25.

In illo tempore: Dixit Jesus discipulis suis parabolam hanc: Simile erit regnum cœlorum decem virgínibus: quæ accipientes lámpades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lámpadibus, non sumpsérunt óleum secum: prudentes verò acceperunt óleum in vas suis cum lámpadibus. Moram autem

faciente sponso, dormitavérunt omnes, & dormiérunt. Média autem nocte clamor factus est: Ecce sponsus venit, exíte obviam ei. Tunc surrexérunt omnes vírgines illæ, & ornavérunt lámpades suas. Fatuæ autem sapientibus dixerunt: Date nobis de óleo vestro: quia lámpades nostræ extinguúntur. Responderunt prudentes, dicentes: Ne fortè non sufficiat nobis & vobis, ite pótilis ad vendentes, & émite vobis. Dum autem irent émere, venit sponsus: & quæ paratæ erant, intravérunt cum eo ad núptias, & clausa est jánuas. Novíssimè verò veniunt & reliquæ vírgines, dicentes: Domine, Domine, áperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offert. Psal. 44. Afferéntur Regi vírgines post eam: proximæ ejus afferéntur tibi in lætítia & exultatione, adducéntur in templum Regi Dómino. **Secreta.**

Suscipe, Domine, múnera, quæ in beatæ Justínæ virginis & mártiris tuæ solemnitate deférimus: cujus nos confidimus patrocínio liberári. Per Dominum.

Pro S. Marco Papa & Confess. Secreta.

Accepta tibi sit, Domine, sacratæ plebis oblátio, pro tuorum honore Sanctorum: quorum se méritis percepisse de tribulatione cognóscit auxílium.

Pro SS. Sergio, Baccho, Marcello, & Apulejo martyribus. Secreta.

Majestatem tuam nobis, Domine quæsumus, hæc hóstia reddat immolánda placatam, tuorum digna postulatióne Sanctorum. Per Dominum.

Communio. Psal. 118. Confundántur superbi, quia injústè iniquitatem fecerunt in me: ego autem in mandátis tuis exercébor, in tuis justificatióibus, ut non confundar. **Postcommunio.**

Auxiliéntur nobis, Domine, sumpta mystéria: & intercedente beata Justína vírgine & mártire tua, sempiterna faciant protectiône gaudere. Per Dñm.

Pro S. Marco Papa. Postcommunio.

DA, quæsumus Domine, fidelibus pópulis Sanctorum tuorum semper vene-

veneratione lætari: & eorum perpétua supplicatione muniri.

Pro SS. Sergio, Baccho, Marcello, & Apulejo mart. Postcommunio.

Sacramentis, Dómine, muniámur acceptis, & sanctorum mártýrum tuorum Sérpii, Bacchi, Marcelli, & Apuléji intercessióne, contra omnes nequítias irruéntes, armis coeléstibus protegámur. Per Dóminum.

Die viii. Octobris.

IN FESTO S. BIRGITTÆ

Viduæ. Introitus. Psal. 118.



Ognóvi, Dómine, quia æquitas iudicia tua, & in veritate tua humiliásti me: confige timóre tuo carnes meas, à mandátis tuis tímui.

Psalm. ibid. Beáti immaculáti in via, qui ámbulant in lege Dómini.

v. Glória Patri. Oratio.

Domine Deus noster, qui beátæ Birgittæ per Filium tuum Unigénitum secréta coeléstia revelásti: ipsius pia intercessióne da nobis fámulis tuis, in revelatióne sempitérnæ glóriæ tuæ gaudere lætántes. Per eúndem Dóminum nostrum Jesum Christum.

Lectio Epístolæ beáti Pauli Apóstoli ad Timótheum. 1. Tim. 5.

Charíssime, Víduas honóra, quæ verè viduæ sunt. Si qua autem vídua filios, aut nepótes habet: discat primùm domum suam régere, & mútuam vicem reddere paréntibus: hoc enim accéptum est coram Deo. Quæ autem verè vídua est, & desoláta, speret in Deum, & instet obsecrationibus & orationibus nocte ac die. Nam quæ in deliciis est, vivens mórtua est. Et hoc præcipe, ut irreprehensibilesint. Si quis autem suorum, & máximè domesticorum, curam non habet, fidem negávit, & est infideli detérior. Vídua eligátur non minús sexaginta annórum, quæ fúerit unius viri uxor, in opéribus bonis testimónium habens, si filios educávit, si hospítio recépit, si Sanctorum pedes lavit, si tribula-

Miss. Monast.

tionem patiéntibus subministrávit, si omne opus bonum subsecúta est.

Graduale. Psal. 44. Diffúsa est grátia in lábiis tuis, propterea benedíxit te Deus in ætérnum. **v. Propter veritatem, & mansuetúdinem, & iustítiam: & dedúcet te mirabiliter dextera tua.**

Allelúja, allelúja. v. Spécie tua, & pulchritúde tua inténde, prospere procéde, & regna. Allelúja.



Sequéntia sancti Euangélii secúndum Matthæum. Matth. 13. f

In illo témpore: Dixit Jesus discipulis suis parábolam hanc: Símile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérsa quæ habet, & emit agrum illum. Iterum símile est regnum coelórum hómini negotiatóri quærénti bonas margarítas. Invénta autem una pretiósa margaríta, abiit, & vendidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni génere píscium congregánti. Quam, cum impléta esset, educéntes, & secus littus sedéntes, elegérunt bonos in vasa, malos autem foras misérunt. Sic erit in consummatione sæculi: Exibunt Angeli, & separábunt malos de médio iustórum, & mittent eos in camínium ignis: ibi erit fletus, & stridor dentium. Intellexístis hæc ómnia? Dicunt ei: Etiam. Ait illis: Ideò omnis scriba doctus in regno coelórum, similis est hómini patrifámiliæ, qui profert de thesauro suo nova & vétera.

Offertorium. Psalm. 44. Diffúsa est grátia in lábiis tuis: propterea benedíxit te Deus in ætérnum, & in sæculum sæculi.

Secreta.

Accepta tibi sit, Dómine, sacrætæ plebis oblátio pro tuorum honóre Sanctorum: quorum se méritis de tribulatione percepisse cognóscit auxílium. Per Dóminum nostrum Jesum Christum Filium tuum, &c.

Communio. ibid. Dilexísti iustítiam, & odísti iniquitatem: propterea unxit te

G g 3

Deus,


Deus, Deus tuus, oleo lætitiæ præcon-
sортibus tuis. *Postcommunio.*

Satiasti, Domine, familiam tuam mu-
neribus sacris: ejus, quæsumus, sem-
per interventione nos refove, cujus so-
lemnia celebramus. Per Dominum.

Die ix. Octobris.

IN FESTO SS. MARTYRUM
Dionysii, Rustici, & Eleutherii.

Introitus. Eccli. 44.



Apientiam Sanctorum nar-
rent populi: & laudes eo-
rum nuntiet ecclesia: no-
mina autem eorum vivent
in sæculum sæculi.

Psal. 32. Exultate justi in

Domino: rectos decet collaudatio.

Glória Patri.

Oratio.

Deus, qui hodierna die beatum Dio-
nysium martyrem tuum atque
Pontificem virtute constantiæ in passio-
ne roborasti: quique illi ad prædicandum
Gentibus gloriam tuam, Rusticum &
Eleutherium sociare dignatus es: tribue
nobis, quæsumus, eorum imitatione
pro amore tuo prospera mundi despi-
cere, & nulla ejus adversa formidare.
Per Dominum nostrum.

Lectio Actuum Apostolorum. Act. 17. c

In diebus illis: Stans Paulus in medio
Areopagi, ait: Viri Athenienses, per
omnia quasi superstitiones vos video.
Præteriens enim, & videns simulacra ve-
stra, inveni & aram, in qua scriptum erat:
Ignoto Deo. Quod ergo ignorantes colitis,
hoc ego annuntio vobis. Deus, qui
fecit mundum, & omnia, quæ in eo sunt,
hic cæli, & terræ cum sit Dominus, non
in manufactis templis habitat, nec mani-
bus humanis colitur, indigens aliquo, cum
ipse det omnibus vitam, & inspirationem,
& omnia: fecitque ex uno omne genus
hominum inhabitare super universam fa-
ciem terræ, definiens statuta tempora, &
terminos habitationis eorum, quærere
Deum, si forte attraherent eum, aut inven-
niant, quamvis non longè sit ab unoquo-
que nostrum. In ipso enim vivimus, &
movemur, & sumus: sicut & quidam ve-

strorum Poetarum dixerunt: Ipsius enim
& genus sumus. Genus ergo cum simus
Dei, non debemus æstimare, auro, aut
argento, aut lapidi, sculpturæ artis, & co-
gitationis hominis, Divinum esse simile.
Et tempora quidem hujus ignorantia de-
spiciens Deus, nunc annuntiat homini-
bus, ut omnes ubique penitentiam agant,
eò quod statuit diem, in quo judicaturus
est orbem in æquitate, in viro, in quo sta-
tuit, fidem præbens omnibus, suscitans
eum à mortuis. Cum audissent autem re-
surrectionem mortuorum, quidam qui-
dem irridebant, quidam verò dixerunt:
Audiemus te de hoc iterum. Sic Paulus
exivit de medio eorum. Quidam verò vi-
ri adhærentes ei, crediderunt: in quibus
& Dionysius Areopagita, & mulier no-
mine Damaris, & alii cum eis.

Graduale. Psal. 123. Anima nostra, sicut

passer, erepta est de laqueo venantium.
Laqueus contritus est, & nos liberati

sumus: adiutorium nostrum in nomine
Domini, qui fecit cælum, & terram.
Alleluya, alleluya. Psal. 67. Justi epu-

lèntur, & exultent in conspectu Dei:
& delectentur in lætitia. Alleluya.



Sequentia sancti Evangelii secun-
dum Lucam. Lucæ 12.

In illo tempore: Dixit Jesus discipulis
suis: Attendite à fermento Phariseo-
rum, quod est hypocrisis. Nihil autem
opertum est, quod non reveletur: neque
absconditum, quod non sciatur. Quo-
niam quæ in tenebris dixistis, in lumine
dicentur: & quod in aurem locuti estis
in cubiculis, prædicabitur in tectis. Dico
autem vobis amicis meis: Ne terreamini
ab his, qui occidunt corpus, & post hæc
non habent amplius quid faciant. Ostén-
dam autem vobis quem timeatis: time-
te eum, qui postquam occiderit, habet po-
testatem mittere in gehennam. Ita dico
vobis, hunc time-
te. Nonne quinque pas-
seres véneunt dipondio, & unus ex illis
non est in oblivione coram Deo? Sed &
capilli capitis vestri omnes numerati
sunt. Nolite ergo timere: multis pas-
seribus pluris estis vos. Dico autem vobis:

Omnis,

Omnis, quicumque confessus fuerit me coram hominibus, & Filius hominis confitebitur illum coram Angelis Dei.

Offertorium. Psalm. 149. Exultabunt Sancti in gloria, laetabuntur in cubilibus suis: exaltationes Dei in faucibus eorum, allelúja. **Secreta.**

Oblata tibi, Domine, munera populi tui, pro tuorum honore Sanctorum, suscipe propitius, quaesumus: & eorum nos intercessionem sanctifica. Per Dominum nostrum.

Communio. Lucae 12. Dico autem vobis amicis meis: ne terreamini ab his, qui vos persequuntur. **Postcommunio.**

Sumptis, Domine, sacramentis, quaesumus: ut intercedentibus beatis martyribus tuis Dionysio, Rustico, & Eleuthério, ad redemptionis aeternae proficiamus augmentum. Per Dominum.

Die x. Octobris.

IN FESTO S. PAULINI
Episc. & Confessoris, Missa. Sacerdotes.
de Communi Confess. Pontif. fol. xiii.
praeter Orationem sequentem. **Oratio.**

Exaudi, quaesumus Domine preces nostras: & intercedente beato Paulino Confessore tuo atque Pontifice, supplicationes nostras placatus intende. Per Dominum nostrum.

Die xi. Octobris.

IN FESTO S. FRANCISCI
Borgiae Confess. **Introitus. Psalm. 36.**



Susti meditabitur sapientiam, & lingua ejus loquetur iudicium: lex Dei ejus in corde ipsius.

Psalm. ibid. Noli aemulari in malignantibus, neque zelaveris facientes iniquitatem.

Glória Patri.

Oratio.

Domine Jesu Christe, verae humilitatis & exemplar, & praemium: quaesumus; ut sicut beatum Franciscum in terreni honoris contemptu imitorem tui gloriosum effecisti; ita nos ejusdem imitationis & gloriae tribuas esse consortes. Qui vivis & regnas.

Lectio libri Sapientiae.

Eccli. 31.

Beatus vir, qui inventus est sine macula, & qui post aurum non abiit, nec speravit in pecunia, & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria aeterna: qui potuit transgredi, & non est transgressus; facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia Sanctorum.

Graduale. Psalm. 91. Justus ut palma florebit: sicut cedrus Libani multiplicabitur in domo Domini.

Ad annuntiandum mane misericordiam tuam, & veritatem tuam per noctem. Allelúja, allelúja.

Jac. 1. Beatus vir, qui suffert tentationem: quoniam cum probatus fuerit, accipiet coronam vitae. Allelúja.



Sequentia sancti Evangelii secundum Matthaeum. **Matth. 19.**

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suae, sedebitis & vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam aeternam possidebit.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Laudis tibi, Domine, hostias immolamus in tuorum commemoratione sanctorum: quibus nos & praesentibus exui malis confidimus, & futuris. Per Dominum nostrum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Gg 4

Post.

Postcommunio.

Refecti cibo potuque coelesti, Deus noster, te supplices exoramus; ut in cuius hæc commemoratione percipimus, ejus muniamur & precibus. Per Dominum nostrum.

Die xiii. Octobris.

IN FESTO S. EDUARDI

Confess. Missa. Os justi. de Comuni Confess. non Pontif. fol. xv. Oratio.

Deus, qui beatum regem Eduardum Confessorem tuum æternitatis gloria coronasti: fac nos quæsumus, ita eum venerari in terris, ut cum eo regnare possimus in coelis. Per Dominum.

Die xiv. Octobris.

IN FESTO S. CALLISTI

Papæ & martyris. Introitus. Dan. 3.



Acerdotes Dei benedicite Dominum: Sancti, & humiles corde laudate Deum.

Dan. ibid. Benedicite omnia opera Domini Domino: laudate, & superexaltate eum in sæcula.

Glória Patri. Oratio.

Deus, qui nos conspicias ex nostra infirmitate deficere: ad amorem tuum nos misericorditer per Sanctorum tuorum exempla restaura. Per Dominum.

Lectio Epistolæ beati Pauli Apostoli ad Hebræos. Hebr. 5.

Fratres, Omnis Pontifex ex hominibus assumptus, pro hominibus constituitur in iis, quæ sunt ad Deum, ut offerret dona & sacrificia pro peccatis: qui condolare possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quisquam sumit sibi honorem, sed qui vocatur à Deo, tamquam Aaron.

Graduale. Psal. 88. Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

Nihil proficiet inimicus in eo, & filius iniquitatis non nocēbit ei.

Allelúja, allelúja. **Eccli. 45.** Amavit eum Dominus, & ornavit eum: stolam gloriæ induit eum. Allelúja.



Sequentia sancti Evangelii secundum Matthæum. **Matth. 10. c**

In illo tempore: Dixit Jesus discipulis suis: Nihil est opertum, quod non revelabitur: & occultum, quod non sciatur. Quod dico vobis in tenebris, dicite in lumine: & quod in aure auditis, prædicite super tecta. Et nolite timere eos, qui occidunt corpus, animam autem non possunt occidere: sed potius timeate eum, qui potest & animam & corpus perdere in gehennam. Nonne duo passeret asse veniunt: & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in coelis est.

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus. **Secreta.**

Mystica nobis, Domine, pro sit oblatio: quæ nos & à reatibus nostris expediat, & perpétua salvatione confirmet. Per Dominum.

Communio. Matth. 24. Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum. **Postcommunio.**

Quæsumus, omnipotens Deus: ut reatus nostros muneribus sacra purificent; & recte vivendi nobis operentur effectum. Per Dominum.

Die xv. Octobris.

IN FESTO S. TERESIAE

Virginis. Introitus. **Psal. 44.**



Illexisti justitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis. **Psal. ibid.** Eructavit cor meum verbum bonum: dico ego opera mea Regi.

Glória Patri.

Ora-

Oratio.

EXaudi nos Deus salutaris noster: ut sicut de beatæ Teresiæ virginis tuæ festivitâte gaudemus; ita coelâstis ejus doctrinæ pábulo nutriámur, & piæ devotiônis erudiámur afféctu. Per Dóminum nostrum.

Pro commem. S. Brunonis Episc. & mart. ac S. Theclæ virg. Oratio.

Concède quæsumus omnipotens Deus: ut ad meliorem vitam Sanctorum tuorum exempla nos provocent: quatenus quorum solémnia ágimus, etiam actus imitemur. Per Dóminum.

Lectio Epistolæ beati Pauli Apóstoli ad Corínthios. **2. Cor. 10. d**

FRatres, Qui gloriatur, in Dómino gloriétur. Non enim, qui se ipsum commendat, ille probatus est; sed quem Deus commendat. Utinam sustinerétis modicum quid insipientiæ meæ, sed & supportâte me. Æmulor enim vos Dei æmulatione. Despondi enim vos uni viro virginem castam exhibere Christo.

Graduale. Psalm. 44. S pécie tua, & pulchritúdine tua inténde, prospère procéde, & regna. **Ps.** Propter veritatem, & mansuetúdinem, & justitiam, & deducet te mirabiliter dextera tua.

Allelúja, allelúja. **Ps.** Adducéntur Regi virgines post eam: proximæ ejus afferéntur tibi in lætítia. Allelúja.

Sequentia sancti Evangelii secundum Matthæum. Matth. 25.

IN illo tempore: Dixit Jesus discipulis suis parabolam hanc: Simile erit regnum coelorum decem virginibus: quæ accipientes lámpades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lámpadibus, non sumpsérunt óleum secum: prudentes verò acceperunt óleum in vasis suis cum lámpadibus. Moram autem faciente sponso, dormitavérunt omnes, & dormiérunt. Média autem nocte clamor factus est: Ecce spon- sus venit, exite obviam ei. Tunc surre-

xerunt omnes virgines illæ, & ornavérunt lámpades suas. Fatuæ autem sapiéntibus dixerunt: Date nobis de óleo vestro: quia lámpades nostræ extinguiúntur. Responderunt prudentes, dicentes: Ne fortè non sufficiat nobis & vobis, ite potiùs ad vendentes, & émite vobis. Dum autem irent émere, venit sponsus: & quæ paratæ erant, intravérunt cum eo ad núptias, & clausa est jánuar. Novissimè verò veniunt & reliquæ virgines, dicentes: Dómine, Dómine, áperi nobis. At ille respondens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psalm. 44. Filiæ regum in honóre tuo, ástitit regina à dextris tuis in vestitu deaurato, circumdata varietate. **Secreta.**

Accépta tibi sit, Dómine, sacratæ plebis oblátio pro tuorum honóre Sanctorum: quorum se méritis de tribulatione percepisse cognóscit auxilium. Per Dóminum.

Pro SS. Brunone, & Thecla. Secreta.

Hostias tibi, Dómine, Sanctorum tuorum, dicâtas méritis benignus assume, & ad perpétuum nobis tribue provenire subsidium. Per Dóminum.

Communio. Matth. 25. Quinque prudentes virgines acceperunt óleum in vasis suis cum lámpadibus: média autem nocte clamor factus est: ecce sponsus venit, exite obviam Christo Dómino.

Postcommunio.

Satiásti, Dómine, familiam tuam munéribus sacris: ejus quæsumus, semper interventióne nos réfove, cujus solémnia celebrámus. Per Dóminum.

Pro SS. Brunone, & Thecla.

Postcommunio.

Quæsumus Dómine salutaribus repléti Mystériis, Sanctorum tuorum, quorum solémnia celebrámus, oratióibus adjuvémur. Per Dóminum.

Die xvi. Octobris.

I N F E S T O S. G A L L I

Abbatis, Missa. O s just. ut in Comuni Abbatum. fol. xvii.

Die

Die xvii. Octobris.

IN FESTO S. HEDWIGIS

Reginæ Poloniæ viduæ; Missa. Cognó-
vi Dómine. de Comuni nec Virginis
nec Martyris. fol. xxiii. præter Ora-
tionem sequentem. Oratio.

DEus, qui beatam Hedvigem à sæ-
culi pompa ad humilem tuæ crucis
sequelam toto corde transire docuisti:
concede; ut ejus méritis & exémplo dis-
cāmus perituras mundi calcāre delicias,
& in ampléxu tuæ crucis ómnia nobis
adversántia superāre. Qui vivis & re-
gnas cum Deo Patre.

Die xviii. Octobris.

IN FESTO SANCTI LUCÆ

Euangelistæ. Introitus. Psal. 138.



Ihi autem nimis honorāti
sunt amici tui Deus: nimis
confortātus est principā-
tus eorum. Psal. ibid. Dó-
mine probāsti me, & co-
gnovisti me: tu cognovisti
fessionem meam, & resurrectionem
meam. Ps. Glória Patri. Oratio.

Intervéniat pro nobis, quæsumus Dó-
mine, sanctus tuus Lucas Euange-
lista: qui crucis mortificationem júgi-
ter in suo corpore, pro tui nóminis
honóre portávit. Per Dóminum.

Lectio Epistolæ beati Pauli Apóstoli
ad Corínthios. 2. Cor. 8. c.

Fratres, Grátias ago Deo, qui dedit
eāmdem sollicitudinem pro vobis in
corde Titi, quóniam exhortationem qui-
dem suscepit: sed cum solictior esset, sua
voluntáte profectus est ad vos. Missimus
etiam cum illo fratrem, cujus laus est in
Euangelio per omnes Ecclesiās: non so-
lūm autem, sed & ordinātus est ab Ecclē-
siis comes peregrinationis nostræ in hanc
grátiam, quæ ministratur à nobis ad Dó-
mini glóriam, & destinātam voluntātem
nostram: devitāntes hoc, ne quis nos vi-
tuperet in hac plenitudine, quæ ministra-
tur à nobis. Providemus enim bona non
solūm coram Deo, sed etiam coram ho-
minibus. Missimus autem cum illis & fra-
trem nostrum, quem probāvimus in mul-

tis sæpè sollicitum esse: nunc autem mul-
tò solictiorem, confidentia multa in vos
sive pro Tito, qui est sócius meus, & in
vobis adjutor, sive fratres nostri. Apó-
stoli Ecclesiārum, glória Christi. Osten-
sionem ergo, quæ est charitátis vestræ,
& nostræ glóriæ pro vobis, in illos ostén-
dite in faciē Ecclesiārum.

Graduale. Psalm. 18. In omnem terram
exiit sonus eorum: & in fines orbis terræ
verba eorum. Ps. Coeli enarrant glóriam
Dei, & ópera mánuum ejus annúntiat
firmamētum. Allelúja, allelúja.

Ps. Joann. 15. Ego vos elégi de mundo,
ut eátis, & fructum afferátis: & fru-
ctus vester máneat. Allelúja.



Sequētia sancti Euangelii secūn-
dum Lucam. Lucæ 10.

In illo témpore: Designávit Dómi-
nus & álios septuaginta duos. Et misit
illos binos ante faciem suam in om-
nem civitatem, & locum, quod erat ipse
venturus. Et dicebat illis: Messis quidem
multa, operárii autem pauci. Rogáte er-
go dóminum messis, ut mittat operários
in messem suam. Ite: ecce ego mitto vos
sicut agnos inter lupos. Nolite portāre
sacculum, neque pēram, neque calcea-
ménta, & néminem per viam salutaveri-
tis. In quamcūque domum intraveri-
tis, primūm dícite: Pax huic dómui: &
si ibi fúerit filius pacis, requiescet super
illum pax vestra: sin autem, ad vos re-
vertétur. In eādem autem domo mané-
te, edéntes, & bibéntes, quæ apud illos
sunt: dignus est enim operárius mercéde
sua. Nolite transire de domo in domum.
Et in quamcūque civitatem intraveri-
tis, & suscepérint vos, manducáte quæ
apponúntur vobis: & curáte infirmos,
qui in illa sunt, & dícite illis: Appro-
pinquávit in vos regnum Dei. Credo.

Offertorium. Psalm. 138. M Ihi autem ni-
mis honorāti sunt amici tui, Deus: ni-
mis confortātus est principātus eorum.

Secreta.

Donis coeléstibus da nobis, quæsu-
mus Dómine, libera tibi mente
servire: ut múnera, quæ deférimus, in-
terve-

terveniēte beāto Euangelīsta tuo Luca, & medēlam nobis operentur, & glóriam. Per Dóminum.

Præfatio de Apostolis. fol. 184.

Communio. Matth. 19. Vos, qui secūti estis me, sedēbitis super sedes, iudicātes duodecim tribus Israel. *Postcommunio.*

P Ræsta quæsumus omnipotens Deus: ut quod de sancto altāri tuo accēpimus, précibus beāti Euangelīstæ tui Lucæ, sanctīficet ánimas nostras: per quod tuti esse possimus. Per Dóminum.

Die xix. Octobris.

I N F E S T O S. P E T R I
de Alcantara Conf. Introitus. Psal. 91.



Ustus ut palma florēbit, sicut cedrus Líbani multiplicābitur: plantātus in domo Dómini, in átriis domus Dei nostri.

Psal. ibid. Bonum est confitēri Dómino: & psállere nómini tuo Altíssime. *Glória Patri.* *Oratio.*

D Eus, qui beātum Petrum Confessórem tuum admirābilis poenitētiæ, & altíssimæ contemplatiónis múnere illustrāre dignātus es: da nobis, quæsumus; ut ejus suffragántibus méritis, carne mortificāti, facilius coeléstia capiamus. Per Dóminum nostrum.

Lectio Epístolæ beāti Pauli Apóstoli ad Philippēses. *Philip. 3. b*

F Ratres, Quæ mihi fuērunt lucra, hæc arbitrātus sum propter Christum detrimenta. Verúmtamen exístimo ómnia detrimentum esse propter eminentem sciéntiam Jesu Christi Dómini mei: propter quem ómnia detrimentum feci, & árbitor ut stercora, ut Christum lucrifaciam: & invēniar in illo, non habens meam justítiam, quæ ex lege est, sed illam, quæ ex fide est, Christi Jesu: quæ ex Deo est justítia in fide ad cognoscendum illum, & virtutem resurrectiōnis ejus, & societatem passiōum illius: configurātus mortie ejus: si quo modo occurrā ad resurrectiōnem, quæ est ex mortuis: non quod jam accēperim, aut jam perfectus sim: sequor autem, si quo

modo comprehendam, in quo & comprehensus sum à Christo Jesu.

Graduale. Psal. 36. Os justī meditābitur sapiéntiam, & lingua ejus loquétur iudiciū. *Lex Dei ejus in corde ipsius: & non supplantabúntur gressus ejus.*

Allelúja, allelúja. Psal. 111. Beātus vir, qui timet Dóminum: in mandátis ejus cupit nimis. Allelúja.



Sequētia sancti Euangélii secundum Lucam. Lucæ 12. d

I N illo témpore: Dixit Jesus discipulis suis: Nolite timere pusillus grex, quia complácuit Patri vestro dare vobis regnum. Véndite, quæ possidētis, & date eleemósynam. Fácite vobis sácculos, qui non veteráscunt, thesáurum non deficientem in coelis: quò fur non apprópiat, neque tinea corrumpit. Ubi enim thesáurus vester est, ibi & cor vestrum erit.

Offertorium. Psal. 20. In virtúte tua, Dómine, lætābitur justus: & super salutāre tuum exultābit vehemēter: desidérium animæ ejus tribuísti ei. *Secreta.*

P Ræsta nobis, quæsumus omnipotens Deus: ut nostræ humilitátis oblátio, & pro tuórum tibi grata sit honóre Sanctórum, & nos corpore páriter & mente puríficet. Per Dóminum.

Communio. Matth. 19. Amen dico vobis, quòd vos, qui reliquistis ómnia, & secūti estis me: centuplum accipiētis, & vitam ætérnam possidēbitis. *Postcommunio.*

Q Uæsumus omnipotens Deus: ut qui coeléstia alimēta percēpimus, intercedēte beāto Petro Confessóre tuo, per hæc contra ómnia advérsa muniāmur. Per Dóminum.

Die xxi. Octobris.

S A N C T I H I L A R I O N I S
Abbatis. Introitus. Psal. 36.



S justī meditābitur sapiéntiam, & lingua ejus loquétur iudiciū: lex Dei ejus in corde ipsius.

Psal. ibid. Noli æmulári in malignántibus, neque zeláveris faciētes iniquitatem. *Glória Patri.*

Ora-

Oratio.

INtercessio nos, quæsumus Dómine, beáti Hilariónis Abbátis comméndet: ut quod nostris méritis non valémus, ejus patrocínio assequámur. Per Dóminum.

Pro cōmem. SS. Ursulæ & sociar. Oratio.

DA nobis, quæsumus Dómine Deus noster, sanctárum vírginum & mártýrum tuárum, Ursulæ & sociárum ejus, palmas incessábili devotiōne venerári: ut quas digna mente non pōsumus celebráre, humilibus saltem frequentémus obséquiiis.

Tertia Oratio. A cunctis nos. fol. 458.

Lectio libri Sapientie.

Eccli. 45.

Dilectus Deo & homínibus, cujus memória in benedictiōne est. Similem illum fecit in glória Sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi coram pópulo suo, & osténdit illi glóriam suam. In fide & lenitate ipsius sanctum fecit illum, & elégit eum ex omni carne. Audívit enim eum, & vocem ipsius, & indúxit illum in nubem. Et dedit illi coram præcepta, & legem vitæ, & disciplinæ.

Graduale. Psal. 20. Dómine, prævenisti eum in benedictiōnibus dulcedinis: posuisti in cápite ejus coronam de lapide pretiōso. **V.** Vitam petiit à te, & tribuisti ei longitudinem diérum in sæculum sæculi. **Allelúja, allelúja.**

V. Psal. 91. Justus ut palma florébit: sicut cedrus Libani multiplicábitur. **Allelúja.**

Sequentia sancti Euangélíi secundum Matthæum. Matth. 19. d

IN illo tēpore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratiōne, cum sēderit Filius hominis in sede majestátis suæ, sedébitis & vos super sedes duódecim, judicantes duódecim tribus Israel. Et omnis, qui reliquerit domum, vel fratres, aut soróres, aut patrem, aut matrem, aut uxórem, aut filios, aut agros

propter nomen meum, centuplum accipiet, & vitam æternam possidébit.

Offertorium. Psal. 20. Desiderium animæ ejus tribuisti ei, Dómine, & voluntate labiōrum ejus non fraudasti eum: posuisti in cápite ejus coronam de lapide pretiōso. **Secreta.**

Sacris altáribus, Dómine, hostias superpósitas, sanctus Hiláron Abbas, quæsumus, in salutem nobis provenire depóscat. Per Dóminum.

Pro cōmem. SS. Ursulæ & sociar. Secreta.

INtēde, quæsumus Dómine, múnera altáribus tuis pro sanctárum vírginum & mártýrum tuárum, Ursulæ & sociárum ejus festivitáte propósita: ut sicut per hæc beáta mystéria illis glóriam contulisti, ita nobis indulgentiam largiáris.

Alia Secreta. E xáudi nos, Deus. fol. 459.

Communio. Lucæ 12. Fidélis servus & prudens, quem constituit Dóminus super familiam suam: ut det illis in tēpore tritici mensuram. **Postcommunio.**

Próteget nos, Dómine, cum tui perceptiōne sacraménti beátus Hiláron Abbas, pro nobis intercedendo: ut & conversatiōnis ejus experiámur insignia, & intercessiōnis percipiámus suffrágia. Per Dóminum.

Pro SS. Ursula & sociis. Postcommunio.

Præsta nobis, quæsumus Dómine, intercedéntibus sanctis virgínibus & mártýribus tuis: ut quod ore contingimus, pura mente capiámus.

Tertia Postcomm. Mundet. fol. 459.

Die xxv. Octobris.

SANCTORUM MARTYRUM

Chrysanthi & Dariae.

Introitus.

Psal. 78.

INtret in conspéctu tuo, Dómine, gémitus compeditórum: redde vicínis nostris séptuplum in sinu eórum: vindica sánguinem Sanctórum tuórum, qui effusus est.

Psal. ibid. Deus venerunt Gentes in hæreditatem tuam, polluerunt templum sanctum tuum: posuerunt Jerúsalem in pomórum custódiam.

V. Glória Patri.

Ora-

Oratio.

Beatórum mártýrum tuórum, Dómine, Chrysánthi & Daríæ, quæsumus, adsit nobis oratio: ut quos venerámur obséquio, eórum píum júgiter experiamur auxílium. Per Dóminum.

Lectio Epístolæ beáti Pauli Apóstoli ad Corínthios. **2. Cor. 6.**

Fratres, Exhibeámus nosmetipsos sicut Dei minístris, in multa patiéntia, in tribulatióibus, in necessitatibus, in angústis, in plagis, in cárceribus, in seditióibus, in labóribus, in vigiliis, in jejuniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtúte Dei, per arma justitiæ à dextris, & à sinístris, per glóriam, & ignobilitatem; per infámiam, & bonam famam: ut seductóres, & veraces, sicut qui ignóti, & cóniti: quasi moriéntes, & ecce vivimus: ut castigáti, & non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, & ómnia possidéntes.

Graduale. Ex 6 di 15. **G**loriosus Deus in Sanctis suis, mirábilis in majestáte, faciéns prodigia. **ψ.** Dextera tua, Dómine, glori ficata est in virtúte: dextera manus tua confrégit inimicos. **A**llelúja, allelúja.

ψ. Eccli. 44. Corpora Sanctórum in pace sepúlta sunt: & nómina eórum vivent in generatióne, & generatióne. Allelúja.

✠ **S**equéntia sancti Euangélii secúndum Lucam. **Lucæ 11. f**

In illo témpore: Dicebat Jesus Scribis & Pharisæis: Væ vobis, qui ædificátis monuménta Prophetárum: patres autem vestri occidérunt illos. Profécit testificámini, quòd consentís opéribus patrum vestrórum: quóniam ipsi quidem eos occidérunt, vos autem ædificátis eórum sepúlchra. Propterea & sapiéntia Dei dixit: Mittam ad illos Prophétas, & Apóstolos, & ex illis occident, & persequéntur. Ut inquirátur sanguis ómnium Prophetárum, qui effusus est à constitutióne mundi à generatióne ista, à sánguine

ne Abel usque ad ságuinem Zachariæ, qui périit inter altáre & ædem. Ita dico vobis, requirétur ab hac generatióne.

Offertorium. Psal. 67. **M**irábilis Deus in Sanctis suis: Deus Israel, ipse dabit virtútem & fortitudinem plebi suæ: benedíctus Deus, allelúja. **Secreta.**

Populi tui, quæsumus Dómine, tibi grata sit hóstia: quæ in natalitiis Sanctórum mártýrum tuórum Chrysánthi & Daríæ solémniter immolá-tur. Per Dóminum nostrum.

Communio. Sap. 3. **E**t si coram homínibus torménta passi sunt; Deus tentávit eos: tamquam aurum in fornáce probávit eos, & quasi holocáusta accépit eos.

Postcommunio.

Mysticis, Dómine, repléti sumus votis & gaudiis: præsta quæsumus; ut intercessiόνibus sanctórum mártýrum tuórum Chrysánthi & Daríæ, quæ temporáliter ágimus, spiri-tuáliter consequámur. Per Dóminum.

Die xxvi. Octobris.


¶ Sancti Euaristi Papæ & martyris, Missa. Státuit ei Dóminus. de Communi unius Martyris Pontificis. fol. ii.

Die xxvii. Octobris.

IN VIGILIA SS. APOSTOLORUM

Simonis & Judæ.

Introitus. Psalm. 78.



Ntret in conspéctu tuo, Dómine, gémitus compe-ditórum: redde vicinis nostris séptuplum in sinu eórum: víndica ságuinem Sanctórum tuórum, qui

effusus est. **Psalm. ibid.** **D**eus venérunt Gentes in hæreditatem tuam, polluérent templum sanctum tuum: posuérent Jerúsalem in pomórum custódiam.

ψ. Glória Patri.

Oratio.

Concède, quæsumus, omnipotens Deus: ut sicut Apostolórum tuórum Simónis & Judæ gloriósa natalítia prævenimus; sic ad tua beneficia promerenda majestatem tuam pro nobis ipsi præveniant. Per Dóminum.

Secun-

Secunda Oratio, Concède nos. **tertia, Ecclesiæ tuæ. Vel pro Papa, D**eus, omnium fidélium. fol. 455.

Lectio Epistolæ beati Pauli Apóstoli ad Corínthios. **1. Cor. 4. b**

Fratres, Spectáculum facti sumus mundo, & Angelis, & homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam & esurimus, & sitimus, & nudi sumus, & colaphis cædimur, & instábiles sumus, & laborámus operántes má nibus nostris: maledícimur, & benedícimus: persecutió nem pátimur, & sustinémus: blasphemámur, & obsecrámus: tamquam purgamenta huius mundi facti sumus, omnium peripséma usque adhuc. Non ut confundam vos, hæc scribo, sed ut filios meos charíssimos moneo: in Christo Jesu Dómino nostro.

Grad. Psal. 78. V indica, Dómine, sá nguinem Sanctórum tuórum, qui effúsus est. **Ps.** Posuerunt mortália servórum tuórum, Dómine, escas volatilibus cœli: carnes Sanctórum tuórum béstiis terræ.



Sequéntia sancti Euangélii secúndum Joánnem. **Joann. 15.**

In illo témpore: Dixit Jesus discipulis suis: Ego sum vitis vera: & Pater meus agricola est. Omnem pálmitem in me non feréntem fructum, tollet eum: & omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: & ego in vobis. Sicut palmes non potest ferre fructum à semetípso, nisi mánserit in vite: sic nec vos, nisi in me manséritis. Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fá cere. Si quis in me non mánserit, mittétur foras sicut palmes, & aréscet, & cól ligent eum, & in ignem mittent, & ardet. Si manséritis in me, & verba mea in vobis mánserint: quodcúmque volueritis, petétis, & fiet vobis.

Offertor. Psal. 149. Exultábunt Sancti in glória, letabúntur in cubílibus suis: exaltatió nes Dei in fáucibus eórum. **Secreta.**

Munéribus nostris, Dómine, sanctórum Apóstolorum tuórum Simónis & Judæ festa præcedimus, te suppliciter deprecántes: ut quæ consciéntiæ nostræ præpediúntur obstáculis, illórum méritis grata reddántur. Per Dóminum.

Alia Secreta, Tua, Dómine, & **P**rótege nos. **Vel pro Papa, O** blátis. fol. 455.

Communio. Psal. 78. Posuerunt mortália servórum tuórum, Dómine, escas volatilibus cœli, carnes Sanctórum tuórum béstiis terræ, secúndum magnitú dinem bráchii tui pösside filios morte punitórum. **Postcommunio.**

Sumpto, Dómine, sacraménto, suppliciter deprecámur: ut intercedéntibus beátis Apóstolis tuis Simóne & Judæ, quod temporáliter gérimus, ad vitam capiámus ætérnam. Per Dóminum.

Alia Postcommunio, Sumptis, Dómine, & **Q**uæsumus, Dómine. **Vel pro Papa, H**æc nos, quæsumus. fol. 456.

Die xxviii. Octobris.

IN FESTO SS. APOSTOLORUM Simonis & Judæ. Introitus. Psal. 138.



Mihi autem nimis honoráti sunt amici tui Deus: nimis confortátus est principátus eórum. **Psal. ibid. D**ómine probásti me, & cognovísti me: tu cognovísti sessi ónem meam, & resurrecti ónem meam.

Glória Patri.

Oratio.

Deus, qui nos per beátos Apóstolos tuos Simónem & Judam, ad agnitiónem tui nóminis veníre tribuísti: da nobis, eórum glóriam sempitérnam & proficiéndo celebráre, & celebrándo proficere. Per Dóminum.

Lectio Epistolæ beati Pauli Apóstoli ad Ephésios. **Ephes. 4. b**

Fratres, Unicuique nostrum data est grátia secúndum mensúram donati ónis Christi. Propter quod dicit: Ascéndens in altum, captívam duxit captivitátem, dedit dona homínibus. Quòd autem ascén-

ascendit, quid est, nisi quia & descendit primum in inferiores partes terrae? Qui descendit, ipse est & qui ascendit super omnes coelos, ut impleret omnia. Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores, & doctores, ad consummationem Sanctorum in opus ministerii, in aedificationem corporis Christi: donec occurramus omnes in unitatem fidei, & agnitionis Filii Dei, in virum perfectum, in mensuram aetatis plenitudinis Christi.

Graduale. Psalm. 44. Constitues eos principes super omnem terram: memores erunt nominis tui, Domine.

V. Pro patribus tuis nati sunt tibi filii: propterea populi confitebuntur tibi.

Allelúja, allelúja.

V. Psalm. 138. Nimis honorati sunt amici tui Deus: nimis confortatus est principatus eorum. Allelúja.

Sequentia sancti Evangelii secundum Joannem. Joan. 15.c

In illo tempore: Dixit Jesus discipulis suis: Hæc mando vobis, ut diligatis invicem. Si mundus vos odit, scitote quia me priorem vobis odio habuit. Si de mundo fuissetis, mundus quod suum erat, diligeret: quia vero de mundo non estis, sed ego elegi vos de mundo, propterea odit vos mundus. Mementote sermonis mei, quem ego dixi vobis: Non est servus major Domino suo. Si me persecuti sunt, & vos persequantur: si sermonem meum servaverunt, & vestrum servabunt. Sed hæc omnia facient vobis propter nomen meum: quia nesciunt eum, qui misit me. Si non venissem, & locutus fuisset eis, peccatum non haberent: nunc autem excusationem non habent de peccato suo. Qui me odit, & Patrem meum odit. Si opera non fecissem in eis, quæ nemo alius fecit, peccatum non haberent: nunc autem & viderunt, & oderunt & me, & Patrem meum. Sed ut adimpleatur sermo, qui in lege eorum scriptus est: Quia odio habuerunt me gratis. **Credo.**

Offertorium. Psalm. 18. In omnem terram

exiit sonus eorum: & in fines orbis terræ verba eorum.

Secreta.

Gloriam, Domine, sanctorum Apostolorum tuorum Simonis & Judæ perpetuam venerantes, quaesumus: ut eam, sacris mysteriis expiati, dignius celebremus. Per Dominum nostrum.

Præfatio de Apostolis. fol. 184.

Communio. Matth. 19. Vos, qui secuti estis me, sedebitis super sedes, judicantes duodecim tribus Israel. **Postcommunio.**

Perceptis, Domine, sacramentis, suppliciter exoramus: ut intercedentibus beatis Apostolis tuis Simone & Juda, quæ pro illorum veneranda gerimus passione, nobis proficiant ad medelam. Per Dñm.

Die xxx. Octobris.

IN COMMEMORATIONE

SS. Martyrum, & aliorum Sanctorum, quorum Reliquiæ in Ecclesiis nostri Ordinis asservantur.

Introitus. Psalm. 33.



Multæ tribulationes iustorum, & de his omnibus liberavit eos Dominus: Dominus custodit omnia ossa eorum: unum ex his non conteretur. **Psalm. 36.** Non derelin-

quet Dominus Sanctos suos: in æternum conservabuntur. **V. Gloria Patri. Oratio.**

Deus, qui hanc sacrosanctam Ecclesiam tot voluisti Sanctorum decorari Reliquiis: auge in nobis resurrectionis fidem, & fac nos immortalis gloriæ participes, cujus in eorum cineribus pignora veneramur. Per Dominum.

Lectio libri Sapientiae. Eccli. 44.

Hi sunt viri misericordiae, quorum iustitiæ oblivionem non acceperunt. Cum semine eorum permanent bona: Hæreditas sancta nepotes eorum. Et in testamentis stetit semen eorum. Et filii eorum propter eos in æternum manent. Generatio eorum, & gloria eorum non derelinquetur. Corpora eorum in pace sepulta sunt: & nomina eorum vivent in sæcula. Sapientiam eorum narrent omnes populi, & laudem eorum pronuntiet omnis Ecclesia Sanctorum.

Gra-

Graduale. Isa. 26. Ezech. 37. & ad Col. 3.

Laudate qui habitatis in pulvere: cum eduxero vos de tumulis vestris, sciatis quia ego Dñs. *Ps.* Cum Christus apparuerit vita vestra, tunc & vos apparebitis cum ipso in gloria. **Allelúja**, allelúja. *Ps.* Prov. 11. & 12. & Eccli. 46. Iusti quasi virens folium germinabunt, non commovebitur radix eorum: sit memoria iustorum in benedictione: & ossa eorum pullulent de loco suo. **Allelúja**.



Sequentia sancti Evangelii secundum Lucam. *Luc. 6. c*

In illo tempore: Descendens Jesus de monte, stetit in loco campestri, & turba discipulorum ejus: & multitudo copiosa plebis ab omni Judæa, & Jerúsalem, & marítima, & Tyri, & Sidónis, qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati qui nunc fletis: quia ridebitis. Beati eritis cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis. Gaudete in illa die, & exultate: ecce enim merces vestra multa est in celo.

Offertorium. *Luc. 21.* Capillus de capite vestro non peribit: in patientia vestra possidebitis animas vestras. **Secreta.**

Donis coelestibus da nobis, quæsumus Domine, libera tibi mente servire: ut mûnera, quæ in Sanctorum tuorum commemoratione deferimus, eorum interventu, & medelam nobis operentur, & gloriâ. Per Dominum.

Communio. *Dan. 12. Isai. 66.* Dormiunt in terræ pulvere, evigilabunt in vitam æternam, & ossa eorum quasi herba germinabunt. **Postcommunio.**

Tribuant nobis, quæsumus Domine, continuum tua sancta præsidium, quo Sanctorum tuorum præci-

bus, nos ab omnibus semper tueantur adversis. Per Dominum.

¶ Si Festum Omnium Sanctorum venerit in Feriam secundam, tunc Sabbatum præcedens, idest, die 30. Octobr. facienda erit commemoratio de eorumdem Vigilia: & in fine Missæ non legitur Evangel. Vigiliæ, quia lectum est in Missa SS. Reliquiarum, sed S. Joannis. In principio erat Verbum. Ita decrevit S. R. C. 5. Maji 1736.

Die xxxi. Octobris.

IN VIGILIA OMNIUM Sanctorum. Introitus. Sap. 3.



Udicant Sancti Gentes, & dominantur populis: & regnabit Dominus Deus illorum in perpetuum. *Psal. 32.* **E**xultate iusti in Domino: rectos decet collaudatio. *Ps.* Gloria Patri.

Non dicitur Gloria in excelsis. Oratio.

Domine Deus noster, multiplica super nos gratiam tuam: & quorum prævenimus gloriosa solèmnia, tribue subsequi in sancta professione lætitiâ. Per Dominum.

De Spiritu sancto. Oratio.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere.

Contra persecutores Ecclesiæ. Oratio.

Ecclésiæ tuæ, quæsumus, Domine, preces placatus admitte: ut destructis adversitatibus, & erroribus universis, securâ tibi serviat libertate. Per Dominum.

Vel pro Papa. Oratio.

Deus, omnium fidelium pastor, & rector, famulum tuum **N.** quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dominum.

Lectio libri Apocalypsis beati Joannis Apostoli. *Apoc. 5. b*

In diebus illis: Ecce ego Joannes vidi in medio throni, & quatuor animalium, & in medio seniorum, Agnum stantem tamquam occisum, habentem cornua septem,

ptem, & oculos septem, qui sunt septem spiritus Dei, missi in omnem terram. Et venit, & accepit de dextera sedentis in throno librum. Et cum aperuisset librum, quatuor animalia, & vigintiquatuor seniores ceciderunt coram Agno, habentes singuli citharas, & phialas aureas plenas odorum, quæ sunt orationes Sanctorum: & cantabant canticum novum, dicentes: Dignus es, Domine, accipere librum, & aperire signacula ejus: quoniam occisus es, & redemisti nos Deo in sanguine tuo ex omni tribu, & lingua, & populo, & natione: & fecisti nos Deo nostro regnum, & sacerdotes; & regnabimus super terram. Et vidi, & audivi vocem Angelorum multorum in circuitu throni, & animalium, & seniorum: & erat numerus eorum millia millium, dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem, in sæcula sæculorum. Amen.

Graduale. Psal. 149. Exultabunt Sancti in gloria, lætabuntur in cubilibus suis. **V.** Cantate Domino canticum novum: laus ejus in Ecclesia Sanctorum.



Sequentia sancti Evangelii secundum Lucam. Lucæ 6.c

IN illo tempore: Descendens Jesus de monte, stetit in loco campèstri, & turba discipulorum ejus, & multitudo copiosa plebis ab omni Judæa, & Jerúsalem, & maritima, & Tyri, & Sidonis, qui venerant, ut audirent eum, & sanarentur à languoribus suis. Et qui vexabantur à spiritibus immundis, curabantur. Et omnis turba quærebat eum tangere: quia virtus de illo exibat, & sanabat omnes. Et ipse elevatis oculis in discipulos suos, dicebat: Beati pauperes: quia vestrum est regnum Dei. Beati, qui nunc esuritis: quia saturabimini. Beati, qui nunc fletis: quia ridebitis. Beati eritis, cum vos oderint homines, & cum separaverint vos, & exprobraverint, & ejecerint nomen vestrum tamquam malum, propter Filium hominis.

Miss. Monast.

Gaudete in illa die, & exultate: ecce enim merces vestra multa est in coelo.

Offertor. Psal. 149. Exultabunt Sancti in gloria, lætabuntur in cubilibus suis: exaltationes Dei in faucibus eorum. **Secreta.**

Altare tuum, Dñe, munéribus cumulamus oblatis: da quæsumus; ut ad salutem nostram, omnium Sanctorum tuorum precatióneproficiant, quorum solémnia ventúra præcurrimus. Per Dñm.

De Spiritu sancto. Secreta.

Munera, quæsumus Domine, oblata sanctifica: & corda nostra sancti Spiritus illustratióne emunda.

Contra persecutores Ecclesiæ. Secreta.

Protege nos, Domine, tuis mystériis serviéntes: ut divinis rebus inhærentes, & corpore tibi famulémur, & mente. Per Dominum.

Vel pro Papa. Secreta.

Oblatis, quæsumus Domine, placare munéribus, & famulũ tuum **N.** quẽ pastorem Ecclesiæ tuæ præesse voluisti, assidua protectiõne guberna. Per Dñm.

Communio Sap. 3. Iustorum animæ in manu Dei sunt, & non tanget illos tormentum malitiæ: visi sunt oculis insipientium mori: illi autem sunt in pace.

Postcommunio.

Sacraméntis, Domine, & gaudiis optatæ celebritatis explétis, quæsumus; ut eorum precibus adjuvémur, quorum recordatiõnibus exhibéntur. Per Dominum nostrum.

De Spiritu sancto. Postcommunio.

Sancti Spiritus, Domine, corda nostra mundet infusio: & sui roris intima aspersiõne fecundet.

Contra persecut. Eccles. Postcommunio.

Quæsumus Domine Deus noster: ut quos divina tribuis participatiõne gaudere, humanis non finas subjacere periculis. Per Dominum.

Vel pro Papa. Postcommunio.

Hæc nos, quæsumus Domine, divini sacraménti percéptio protégat: & famulum tuum **N.** quem pastorem Ecclesiæ tuæ præesse voluisti, unã cum commisso sibi grege, salvet semper & muniat. Per Dominum.

Hh

FE-

FESTA NOVEMBRIS.

Die i. Novembris.

I N F E S T O
OMNIUM SANCTORUM.

Introitus.



Audeamus omnes in Dómino, diem festum celebrantes sub honore sanctorum omnium: de quorum solemnitate gaudent Angeli, & collaudant Fílium Dei. **Psal. 32.** Exultate iusti in Dómino: rectos decet collaudatio.

v. Glória Patri.

Oratio.

OMnipotens sempiternus Deus, qui nos omnium Sanctorum tuorum mérita sub una tribuisti celebritate venerari: quæsumus; ut desideratam nobis tuæ propitiationis abundantiam, multiplicatis intercessoribus largiaris. Per Dóminum nostrum.

Lectio libri Apocalypsis beati Joannis Apóstoli. **Apoc. 7.**

IN diébus illis: Ecce ego Joannes vidi álium Angelum ascendentem ab ortu solis, habentem signum Dei vivi: & clamavit voce magna quatuor Angelis, quibus datum est nocere terræ, & mari, dicens: Nolite nocere terræ, & mari, neque arboribus, quoadúsque signemus servos Dei nostri in fróntibus eorum. Et audi vi númerum signatorum, centum quadraginta quatuor millia signati, ex omni tribu filiorum Israel. Ex tribu Juda duodecim millia signati. Ex tribu Ruben duodecim millia signati. Ex tribu Gad duodecim millia signati. Ex tribu Aser duodecim millia signati. Ex tribu Néphthali duodecim millia signati. Ex tribu Manásse duodecim millia signati. Ex tribu Símeon duodecim millia signati. Ex tribu Levi duodecim millia signati. Ex tribu Issachar duodecim millia signati. Ex tribu Zábulon duodecim millia signati. Ex tribu Joseph duodecim millia signati. Ex tribu Bénjamin

duodecim millia signati. Post hæc vidi turbam magnam, quam dinumerare nemo póterat ex ómnibus Géntibus, & tribubus, & pópulis, & linguis, stantes ante thronum, & in conspéctu Agni amícti stolis albis, & palmæ in mánibus eorum: & clamabant voce magna, dicentes: Salus Deo nostro, qui sedet super thronum, & Agno. Et omnes Angeli stabant in circúitu throni, & seníorum, & quatuor animalium: & ceciderunt in conspéctu throni in fácies suas, & adoraverunt Deum, dicentes, Amen. Benedíctio, & cláritas, & sapiéntia, & gratiarum áctio, honor, & virtus, & fortitúdo Deo nostro, in sæcula sæculórum. Amen.

Graduale. Psal. 33. Iméte Dóminum omnes Sancti ejus, quóniam nihil deest timéntibus eum.

v. Inquiréntes autem Dóminum, non deficient omni bono.

Allelúja, allelúja.

v. Matth. 11. Veníte ad me omnes, qui laborátis, & oneráti estis, & ego reficiam vos. Allelúja.



Sequéntia sancti Euangélíi secúndum Matthæum. **Matth. 5.**

IN illo témpore: Videns Jesus turbas, ascendit in montem, & cum sedisset, accesserunt ad eum discipuli ejus, & apériens os suum, docébat eos, dicens: Beati páuperes spírítu: quóniam ipsórum est regnum coelórum. Beati mites: quóniam ipsi possidébunt terram. Beati, qui lugent: quóniam ipsi consolabúntur. Beati, qui esúriunt, & sitiunt justitiam: quóniam ipsi saturabúntur. Beati misericórdes: quóniam ipsi misericórdiam consequéntur. Beati mundo corde: quóniam ipsi Deum vidébunt. Beati páccífici: quóniam filii Dei vocabúntur. Beá-

Beati, qui persecutionem patiuntur propter justitiam: quoniam ipsorum est regnum coelorum. Beati estis, cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete & exultate, quoniam merces vestra copiosa est in coelis.

Dicitur Credo.

Offertorium. Sap. 3. Justorum animae in manu Dei sunt, & non tanget illos tormentum malitiae: visi sunt oculis insipientium mori: illi autem sunt in pace.

Secreta.

Munera tibi, Domine, nostrae devotionis offerimus: quae & pro cunctorum tibi grata sint honore justorum, & nobis salutaria, te miserante, reddantur. Per Dominum.

Communio. Matth. 5. Beati mundo corde, quoniam ipsi Deum videbunt: beati pacifici, quoniam filii Dei vocabuntur: beati qui persecutionem patiuntur propter justitiam, quoniam ipsorum est regnum coelorum.

Postcommunio.

DA, quaesumus Domine, fidelibus populis, omnium Sanctorum semper veneratione laetari, & eorum perpetua supplicatione muniri. Per Dominum nostrum.

Infra Octavam Missa dicitur sicut in die Festi: Oratio secunda de Spiritu sancto, Deus, qui corda fidelium. Tertia, Ecclesiae tuae. Vel pro Papa, Deus omnium fidelium. ut supra. 480.

Et dicitur Credo.

Die ii. Novembris.

Secunda die fit Commemor. omnium fidelium Defunctorum: & dicitur Missa, Requiem aeternam. quae est prima pro Defunctis, circa finem Missalis.

Sed in Ecclesiis Cathedralibus & Collegiatis dicuntur duae Missae, una de Octava post Tertiam, altera principalis pro Defunctis post Nonam.

Si autem secunda die fuerit Dominica, dicta Commemoratio Defunctorum fit sequenti Feria secunda.

Die iv. Novembris.

IN FESTO S. CAROLI

Episcopi & Confessoris.

Introitus.

Eccli. 45.



Statu it ei Dominus testamentum pacis, & principem fecit eum: ut sit illi sacerdotii dignitas in aeternum.

Psal. 131. Memento Domine David:

& omnis mansuetudinis ejus. **Gloria Patri.**

Oratio.

Eccliam tuam, Domine, sancti Caroli Confessoris tui atque Pontificis continua protectione custodi: ut sicut illum Pastoralis sollicitudo gloriosum reddidit, ita nos ejus intercessio in tuo semper faciat amore ferventes. Per Dominum nostrum.

Pro Octava Omnium Sanctorum.

Oratio.

Omnipotens sempiternus Deus, qui nos omnium Sanctorum tuorum merita sub una tribuisti celebritate venerari: quaesumus; ut desideratam nobis tuae propitiationis abundantiam, multiplicatis intercessoribus largiaris.

Pro commem. SS. Vitalis & Agricolae martyrum.

Oratio.

Praesta quaesumus omnipotens Deus: ut qui sanctorum martyrum tuorum Vitalis & Agricolae solennia colimus, eorum apud te intercessionibus adjuvemur. Per Dominum.

Lectio libri Sapientiae. Eccli. 44. & 45.

Ecce sacerdos magnus, qui in diebus suis placuit Deo, & inventus est justus, & in tempore iracundiae factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum, & dedit illi coronam gloriae. Statuit illi testamentum aeternum, & dedit illi sacerdotium ma-

H h 2

gnum:

gnum: & beatificavit illum in glória. Fungi sacerdotio, & habere laudem in nómine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diébus suis plácuít Deo.

Y. Non est inventus similis illi, qui conserváret legem Excélsi.

Allelúja, allelúja.

Y. Psalm. 109. Tu es sacerdos in ætérnum, secúndum órđinem Melchisedech. Allelúja.

Sequéntia sancti Euangélíi secúndum Matthæum. Matth. 25.

IN illo témpore: Dixit Iesus discipulis suis parábolam hanc: Homo péregre proficiscens, vocávit servos suos, & tradidit illis bona sua. Et uni dedit quinque talénta, álii autem duo, álii verò unum, unicuique secúndum própriam virtútem, & profectus est statim. Abiit autem qui quinque talénta accéperat, & operátus est in eis, & lucrátus est ália quinque. Simíliter & qui duo accéperat, lucrátus est ália duo. Qui autem unum accéperat, ábiens fodit in terram, & abscondit pecúniám dómini sui. Post multum verò témporis venit dóminus servórum illórum, & pósuit ratióem cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constituam, intra in gáudium dómini tui. Accessit autem & qui duo talénta accéperat, & ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone & fidélis, quia super pauca fuísti fidélis, super multa te constituam, intra in gáudium dómini tui.

Dicitur Credo. ratione Octavæ.

Offertorium. Psalmus 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum.

Secreta.

SAncti tui, quæsumus Dómine, nos Subíque lætíficent: ut dum eórum mérita recólimus, patrocínia sentiámus. Per Dóminum nostrum.

Pro Octava Omnium Sanctorum.

Secreta.

Muneratibi, Dómine, nostræ devotiónis offerimus, quæ & pro cunctorum tibi grata sint honóre justórum, & nobis salutária, te miseránte, reddántur.

Pro SS. martyribus Vitale & Agricola.

Secreta.

Oblátis, quæsumus Dómine, placare munéribus, & intercedéntibus sanctis martyribus tuis Vitale & Agricola, à cunctis nos defénde periculis. Per Dóminum nostrum.

Communio. Luc. 12. Fidelis servus & prudens, quem constituit dóminus super familiam suam: ut det illis in témpore tritici mensúram. **Postcommunio.**

Præsta quæsumus omnipotens Deus, ut de percéptis munéribus grátias exhibéntes, intercedénte beáto Cárolo Confessóre tuo atque Pontífice, beneficia potióra sumámus. Per Dóminum.

Pro Octava Omnium Sanctorum.

Postcommunio.

DA, quæsumus Dómine, fidélibus pópulis, ómnium Sanctorum semper veneratióne lætári: & eórum perpétua supplicatióne muníri.

Pro SS. martyribus Vitale & Agricola.

Postcommunio.

Hæc nos commúnio, Dómine, purget à crimine, & intercedéntibus sanctis martyribus tuis Vitale & Agricola, coeléstis remédii fáciat esse consórtes. Per Dóminum.

Die viii. Novembris.

In Octava Omnium Sanctorum dicitur Missa sicut in die, cum commem. SS. mart. Quatuor Coronatorum. Oratio.

Præsta quæsumus omnipotens Deus: ut qui gloriósos Mártyres fortes in sua confessiόne cognóvimus, pios apud te in nostrá intercessiόne sentiámus. Per Dóminum nostrum.

Se-

Secreta.


Benedictio tua, Dómine, larga descendat: quæ & múnera nostra, deprecántibus Sanctis martyribus tuis, tibi reddat accépta, & nobis sacraméntum redemptionis efficiat. Per Dóminum nostrum. **Postcommunio.**

COElestibus refécti sacraméntis, & gaudiis, súpplices te, Dómine, deprecámur, ut quorum gloriámur triúmphis, protegámur auxiliis. Per Dóminum nostrum.

Die ix. Novembris.

IN DEDICATIONE
Basilicæ Salvatoris.

Introitus. Gen. 28.



Erríbilis est locus iste: hic domus Dei est, & porta cœli: & vocábitur aula Dei. **Psalmus 83.** Quàm dilécta tabernácula tua Dómine virtútum! concu-

píscit, & déficit ánima mea in átria Dómini. **Glória Patri.** **Oratio.**

Deus, qui nobis per singulos annos, hujus sancti templi tui consecrationis réparas diem, & sacris semper mystériis repræsentas incólumes: exáudi preces pópuli tui, & præsta; ut, quisquis hoc templum beneficia petiturus ingreditur, cuncta se impetráffe lætetur. Per Dóminum nostrum.

Pro commemoratione S. Theodori martyris. **Oratio.**

Deus, qui nos beáti Theodóri mártiris tui confessióne gloriósa circumdas, & prótegis: præsta nobis ex ejus imitatione proficere, & oratióne fulciri. Per Dóminum.

Léctio libri Apocalypsis beáti Joánnis Apóstoli. **Apoc. 21.**

IN diébus illis: Vidi sanctam civitatem Jerúsalem novam descendéntem de cœlo à Deo parátam, sicut sponsam ornátam viro suo. Et audivi vocem magnam de throno dicéntem: Ecce tabernáculum Dei cum homínibus, & habitábit cum eis. Et ipsi pópulus ejuserunt, & ipse Deus cum eis erit eórum Deus: & abster-

Miss. Monast.

get Deus omnem lácrymam ab óculis eórum: & mors ultrà non erit, neque luctus: neque clamor, neque dolor erit ultrà, quia prima abiérunt. Et dixit qui sedébat in throno: Ecce nova fácio ómnia.

Graduale. Locus iste à Deo factus est; inæstimábile sacraméntum, irreprehensíbilis est.

Ps. Deus, cui adstat Angelórum chorus, exáudi preces servórum tuórum.

Allelúja, allelúja. **Psalm. 137.** Adorábo ad templum sanctum tuum: & confitébor nómini tuo. Allelúja.



Sequéntia sancti Euangélíi secundum Lucam. **Lucæ 19.**

IN illo témpore: Ingréssus Jesus perambulábat Jéricho. Et ecce vir nómine Zachæus: & hic princeps erat publicanórum, & ipse dives: & quærébat vidére Jesum, quis esset: & non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret eum: quia inde erat transiturus. Et cùm venisset ad locum, suspiciens Jesus vidit illum, & dixit ad eum: Zachæe, festínans descénde: quia hódie in domo tua opórtet me manére. Et festínans descéndit, & excépit illum gaudens. Et cùm vidérent omnes, murmurábant, dicéntes, quòd ad hóminem peccatórem divertíffet. Stans autem Zachæus, dixit ad Dóminum: Ecce dimídium bonórum meórum, Dómine, do paupéribus, & si quid áliquem defraudávi, reddo quádruplum. Ait Jesus ad eum: Quia hódie salus dómui huic facta est: eò quòd & ipse filius sit Abrahæ. Venit enim Fílius hóminis quærere, & salvum fácere, quod perierat. **Credo.**

Offertorium. 1. Paral. 29. Dómine Deus, in simplicitáte cordis mei lætus obtuli univérfa: & pópulum tuum, qui repértus est, vidi cum ingénti gáudio: Deus Ísrael, custódi hanc voluntátem, allelúja.

Extra Ecclesiam propriam dedicatam omittitur tota parenthesis. **Secreta.**

ANnue, quæsumus Dómine, préci-
bus nostris: (ut quicumque intra
templi hujus, cujus anniversárium dedi-
catio-

cationis diem celebramus, ambitum continemur, plena tibi atque perfecta corporis & animæ devotione placeamus:) ut, dum hæc vota præsentia reddimus, ad æterna præmia, te adjuvante, pervenire mereamur. Per Dominum.

Pro commem. S. Theodori. Secreta.

Suscipe, Domine, fidelium preces cum oblationibus hostiarum: & intercedente beato Theodoro martyre tuo, per hæc piæ devotionis officia, ad coelestem gloriam transeamus. Per Dominum.

Communio. Matth. 21. Domus mea domus orationis vocabitur, dicit Dominus: in ea omnis qui petit, accipit: & qui quaerit, invenit: & pulsanti aperiatur.

Postcommunio.

Deus, qui de vivis, & electis lapidibus æternum majestati tuæ præparas habitaculum: auxiliare populo tuo supplicanti; ut quod Ecclesiæ tuæ corporalibus proficit spatiis, spiritualibus amplificetur augmentis. Per Dominum.

Pro commemoratione sancti Theodori.

Postcommunio.

Præsta nobis, quæsumus Domine, intercedente beato Theodoro martyre tuo: ut quod ore contingimus, pura mente capiamus. Per Dominum.

Die x. Novembris.

IN FESTO SANCTI JUSTI

Episcopi & Conf. Missa. Státuit ei Dominus. de Communi Conf. Pontificis.

Et fit commem. SS. Tryphonis, Respicii, & Nymphæ martyr. cum Orationibus ex Missa propria eorundem, ut sequitur.

MISSA SS. MART. TRYPHONIS, Respicii & Nymphæ virginis.

Introitus. Psalm. 33.



Lamaverunt iusti, & Dominus exaudivit eos: & ex omnibus tribulationibus eorum liberavit eos.

Psalm. ibid. Benedicam Dominum in omni tempore:

semper laus ejus in ore meo.

Glória Patri.

Oratio.

Fac nos, quæsumus Domine, Sanctorum martyrum tuorum Trypho-

nis, Respicii, & Nymphæ semper festa sectari: quorum suffragiis, protectionis tuæ dona sentiamus. Per Dominum nostrum.

Lectio Epistolæ beati Pauli Apostoli ad Romanos. Rom. 8. d

Fratres, Non sunt condignæ passionis hujus temporis ad futuram gloriam, quæ revelabitur in nobis. Nam expectatio creaturæ revelationem filiorum Dei expectat. Vanitati enim creatura subiecta est, non volens, sed propter eum, qui subiecit eam in spe: quia & ipsa creatura liberabitur à servitute corruptionis in libertatem gloriæ filiorum Dei. Scimus enim, quod omnis creatura ingemiscit, & parturit usque adhuc. Non solum autem illa, sed & nos ipsi primitias spiritus habentes: & ipsi intra nos gemimus, adoptionem filiorum Dei expectantes, redemptionem corporis nostri.

Graduale. Psalm. 78. V indica, Domine, sanguinem Sanctorum tuorum, qui effusus est.

V. Posuerunt mortalia servorum tuorum Domine, escas volatilibus coeli, carnes Sanctorum tuorum bestiis terræ.

Allelúja, allelúja.

V. Psalm. 115. Pretiosa in conspectu Domini, mors Sanctorum ejus. Allelúja.



Sequentia sancti Evangelii secundum Lucam. Lucæ 12.

In illo tempore: Dixit Jesus discipulis suis: Attendite à fermento Phariseorum, quod est hypocrisis. Nihil autem opertum est, quod non reveletur: neque absconditum, quod non sciatur. Quoniam quæ in tenebris dixistis, in lumine dicentur: & quod in aurem locuti estis in cubiculis, prædicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque passeris véneunt dipondio, & unus ex illis non est in oblivione coram Deo? Sed &

capit.

capilli capitis vestri omnes numerati sunt. Nolite ergo timere: multis passibus pluris estis vos. Dico autem vobis: Omnis, quicumque confessus fuerit me coram hominibus, & Filius hominis confitebitur illum coram Angelis Dei.

Offertorium. Psal. 31. Lætamini in Domino, & exultate iusti: & gloriâmini omnes recti corde. **Secreta.**

Muneratibi, Domine, nostræ devotionis offerimus: quæ & pro tuorum tibi grata sint honore iustorum, & nobis salutaria, te miserante, redantur. Per Dominum.

Communio. Matth. 12. Quicumque fecerit voluntatem Patris mei, qui in cælis est: ipse meus frater, & soror, & mater est, dicit Dominus.

Postcommunio.

Præsta nobis, quæsumus Domine, intercedentibus sanctis martyribus tuis, Tryphone, Respicio, & Nympha: ut quod ore contingimus, pure mente capiamus. Per Dominum.

Die xi. Novembris.

IN FESTO S. MARTINI Episcopi & Confessoris.

Introitus. Eccli. 45.



Statu it ei Dominus testamentum pacis, & principem fecit eum: ut sit illi Sacerdotii dignitas in æternum. **Psal. 131.** Memento Domine David: & omnis mansuetudinis ejus.

Glória Patri.

Oratio.

Deus, qui conspicias, quia ex nulla nostra virtute subsistimus: concede propitius; ut intercessione beati Martini Confessoris tui atque Pontificis, contra omnia adversa muniamur. Per Dominum nostrum.

Pro commem. S. Mennæ martyris.

Oratio.

Præsta quæsumus omnipotens Deus: ut qui beati Mennæ martyris tui natalitia colimus, intercessione ejus in tui nominis amore roborémur. Per Dominum nostrum.

Lectio libri Sapientiae. Eccli. 44. d & 45.

Ecce sacerdos magnus, qui in diebus suis placuit Deo, & inventus est iustus: & in tempore iracundiæ factus est reconciliatio. Non est inventus similis illi, qui conservavit legem Excelsi. Ideo iurejurando fecit illum Dominus crescere in plebem suam. Benedictionem omnium Gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in conspectu regum: & dedit illi coronam gloriæ. Statuit illi testamentum æternum, & dedit illi sacerdotium magnum: & beatificavit illum in gloria. Fungi sacerdotio, & habere laudem in nomine ipsius, & offerre illi incensum dignum, in odorem suavitatis.

Graduale. Eccli. 44. Ecce sacerdos magnus, qui in diebus suis placuit Deo. **V.** Non est inventus similis illi, qui conservaret legem Excelsi.

Allelúja, allelúja.

V. Beatus vir sanctus Martinus, urbis Turonis Episcopus, requievit: quem suscepérunt Angeli, atque Archangeli, Throni, Dominationes, & Virtutes. Allelúja.



Sequentia sancti Evangelii secundum Lucam. **Lucæ 11. e**

In illo tempore: Dixit Jesus discipulis suis: Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant. Lucerna corporis tui, est oculus tuus. Si oculus tuus fuerit simplex, totum corpus tuum lucidum erit: si autem nequam fuerit, etiam corpus tuum tenebrosum erit. Vide ergo, ne lumen, quod in te est, tenebræ sint. Si ergo corpus tuum totum lucidum fuerit, non habens aliquam partem tenebrarum, erit lucidum totum, & sicut lucerna fulgoris illuminabit te.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

DA, miséricors Deus: ut hæc nos salutáris oblátio, & à propriis reátibus indefinenter expédíat, & ab ómnibus tueátur advérsis. Per Dóminum.

¶ Si Festum S. Martini inciderit in Dominica xxii. post Pentecosten, debet mutari Secreta Dominicæ, quia est eadem cum Secreta S. Martini, & sumi debet Secreta Dominicæ xxiii. sequentis, nempe, Pro nostræ servitutis, &c.

Pro S. Menna martyre. Secreta.

MUnéribus nostris, quæsumus Dómine, precibúsque suscéptis, & coeléstibus nos munda mystériis, & cleménte exáudi. Per Dóminum.

Communio. Matth. 24. B eátus servus, quem, cum vénerit dóminus, invénerit vigilátem: amen dico vobis, super ómnia bona sua constituet eum. **Postcómunio.**

PRæsta, quæsumus Dómine Deus noster: ut, quorum festivitáte votiva sunt sacraménta, eórum intercessióne salutária nobis reddántur. Per Dóminum.

Pro sancto Menna martyre. Postcomm.

DA, quæsumus Dómine Deus noster: ut, sicut tuórum commemoratióne Sanctórum, temporáli gratulamur officio, ita perpétuo lætémur aspéctu. Per Dóminum nostrum.

Die xii. Novembris.

IN FESTO S. ÆMILIANI

Abbatis, Missa. Os justi meditábitur sapiéntiam. ut in Cõi Abbatum. fol. xvii.

Die xiii. Novembris.

IN FESTO
OMNIUM SANCTORUM
MONACHORUM

Ordinis S. P. Benedicti.

Introitus.



Audeámus omnes in Dómino, diem festum celebrántes sub honóre sanctórum Monachórum: de quorum solemnitate gaudent Angeli, & collaudant Fílium Dei.

Psalmus 32. E xultáte iusti in Dómino: rectos decet collaudátio.

¶ Glória Patri.

Oratio.

Concède, quæsumus, omnipotens Deus: ut ad meliorem vitam Sanctórum Monachórum exémpa nos próvocent: quatenus quorum solémnia ágimus, étiam actiões imitémur. Per Dóminum nostrum.

Lectio Epístolæ beáti Pauli Apóstoli ad Corinthios. **2. Cor. 6.**

FRatres, Exhibeámus nosmetipsos sicut Dei minístros, in multa patiéntia, in tribulatióibus, in necessitatibus, in angústis, in plagis, in cárceribus, in seditióibus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu sancto, in charitate non ficta, in verbo veritátis, in virtute Dei, per arma justitiæ à dextris, & à sinistris, per glóriam, & ignobilitatem; per infámiam, & bonam famam: ut seductóres, & veraces, sicut qui ignóti, & cógnoti: quasi moriéntes, & ecce vívimus: ut castigáti, & non mortificáti: quasi tristes, semper autem gaudentes: sicut egéntes, multos autem locupletántes: tamquam nihil habéntes, & ómnia possidentes.

Graduale. Psalm. 33. T iméte Dóminum omnes Sancti ejus, quóniam nihil deest timéntibus eum.

¶ Inquirentes autem Dóminum, non deficient omni bono.

Allelúja, allelúja. **¶ Matth. 11.** Veníte ad me omnes, qui laborátis, & oneráti estis, & ego reficiam vos. Allelúja.

✠ Sequéntia sancti Euangélíi secúndum Matthæum. Matth. 19. c

IN illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne, cum séderit Fílius hóminis in sede majestátis suæ, sedébitis & vos super sedes duódecim, judicántes duódecim tribus Israel. Et omnis, qui reliquerit domum, vel fratres, aut soróres, aut patrem, aut ma-

matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Dicitur Credo.

Offertor. Sap. 3. Justorum animæ in manu Dei sunt, & non tanget illos tormentum mortis: visi sunt oculis insipientium mori: illi autem sunt in pace. **Secreta.**

Hostias tibi, Domine, Sanctorum Monachorum tuorum dicatas meritis benignus assume: & ad perpetuum nobis tribue provenire subsidium. Per Dominum nostrum.

Communio. Matth. 5. Beati mundo corde, quoniam ipsi Deum videbunt: beati pacifici, quoniam filii Dei vocabuntur: beati qui persecutionem patiuntur propter justitiam, quoniam ipsorum est regnum coelorum. **Postcommunio.**

Quæsumus, Domine, salutaribus repleti mysteriis, ut Sanctorum tuorum Monachorum, quorum sollemnia celebramus, orationibus adjuvemur. Per Dominum.

¶ Notandum, quod dies xiv. celebratur Commemoratio sollemnis omnium, Patrum, & Fratrum Defunctorum Congregationis Nostræ sub ritu Duplici; qua die, etiam si occurrerit aliquod Festum Duplex, Missa unica dicitur de Festo; Missa verò tam sollemnis, quam etiam reliquæ omnes privatæ pro Defunctis dicuntur in paramentis nigri coloris, ut fit in Commemoratione Omnium Defunctorum die 2. Novembris, cum Oratione unica, scilicet, Deus veniæ largitor. sed verba, Propinquos, & Benefactores. erunt omittenda, & sic in Secreta, & Postcommunione.

Si autem dies xiv. fuerit Dominica, dicta Commemoratio Defunctorum fit sequenti Feria secunda, etiam si occurrerit aliquod Festum Duplex, eo modo prout supra dictum est.

Die xiv. Novembris.

IN FESTO S. ANDREÆ Avellini, Confessoris, Missa. O sjusti. **de Communi Confessoris non Pontificis, præter Orationem sequentem.**

Oratio.

DEus, qui in corde beati Andréæ Confessoris tui per arduum quotidie in virtutibus proficiendi votum admirabiles ad te ascensiones disposuisti: concede nobis ipsius meritis, & intercessione, ita ejusdem gratiæ participes fieri, ut perfectiora semper exequentes, ad gloriæ tuæ fastigium feliciter perducamur. Per Dominum.

Die xv. Novembris.

IN FESTO S. MARTINI

Papæ & martyris.

Introitus.

Dan. 3.



Acerdotes Dei benedicite Dominum: Sancti, & humiles corde laudate Deum. **Dan. ibid. B**enedicite omnia opera Domini Domino: laudate, &

superexaltate eum in sæcula.

¶. Gloria Patri.

Oratio.

DEus, qui nos beati Martini martyris tui atque Pontificis annua sollemnitate lætificas: concede propitius; ut cujus natalitia colimus, de ejusdem etiam protectione gaudeamus. Per Dominum nostrum.

Lectio Epistolæ beati Petri Apostoli.

1. Petri 4. c

Charissimi, Communicantes Christi passionibus gaudete, ut & in revelatione gloriæ ejus gaudeatis exultantes. Si exprobramini in nomine Christi, beati eritis: quoniam quod est honoris, gloriæ, & virtutis Dei, & qui est ejus Spiritus, super vos requiescit. Nemo autem vestrum patiatur, ut homicida, aut fur, aut malédicus, aut alienorum appetitor. Si autem ut Christianus, non erubescat: glorificet autem Deum in isto nomine. Quoniam tempus est, ut incipiat judicium à domo Dei. Si autem primum à nobis: quis finis eorum, qui non credunt Dei Evangelio? Et si justus vix salvabitur, impius & peccator ubi parébunt? Itaque & hi qui patiuntur secundum voluntatem Dei, fideli Creatori commendent animas suas in benefactis.

Gra-

Graduale. Psal. 8. Glória & honóre coronásticum. *✠* Et constituísticum super ópera mánuum tuárum, Dómine.

Allelúja, allelúja. *✠* Hic est sacerdos, quem coronávit Dóminus. Allelúja.

✠ **S**equéntia sancti Euangélíi secúndum Lucam. **Lucæ 14. f**

In illo témpore: Dixit Iesus turbis: Si quis venit ad me, & non odit patrem suum, & matrem, & uxórem, & filios, & fratres, & soróres, adhuc autem & ánimam suam, non potest meus esse discipulus. Et qui non bájulat crucem suam, & venit post me, non potest meus esse discipulus. Quis enim ex vobis volens turrim ædificáre, non prius sedens cóputat sumptus, qui necessárii sunt, si hábeat ad perficiéndum; ne, posteaquam posúerit fundaméntum, & non potúerit perficere, omnes qui vident, incipiant illúdere ei, dicéntes: Quia hic homo cœpit ædificáre, & non potuit consummáre? Aut quis rex itúrus committere bellum advérsus álium regem, non sedens prius cógitat, si possit cum decem millibus occurrere ei, qui cum viginti millibus venit ad se? alióquin adhuc illo longè agente, legationem mittens, rogat ea quæ pacis sunt. Sic ergo omnis ex vobis, qui non renúnciat ómnibus, quæ pössidet, non potest meus esse discipulus.

Offertor. Psal. 88. Inveni David servum meum, óleo sancto meo unxi eum: manus enim mea auxiliábitur ei, & bráchium meum confortábit eum. **Secreta.**

Munera tibi, Dómine, dicáta sanctífica: & intercedénte beáto Martino mártire tuo atque Pontífice: per éadem nos placátus inténde. Per Dóminum nostrum.

Communio. Psalm. 20. Posuísti, Dómine, in cápite ejus coronam de lápide pretióso. **Postcommunio.**

Hæc nos commúnio, Dómine, purget à crimine: & intercedénte beáto Martino mártire tuo atque Pontífice, cœléstis remédii fáciat esse consórtes. Per Dóminum.

Die xvi. Novembris.

IN FESTO S. DIDACI

Confessoris. Introitus. Psal. 91.



Ustus ut palma florébit: sicut cedrus Líbani multiplicábitur: plantátus in domo Dómini, in átriis domus Dei nostri.

Psal. ibid. Bonum est confitéri Dómino: & psállere nómini tuo, Altíssime. *✠* Glória Patri. **Oratio.**

Omnípotens sempitérne Deus, qui dispositióne mirábili infirma mundi éligis, ut fórtia quæque confúndas: concede propítius humilitáti nostræ; ut piis beáti Didaci Confessoris tui préci-bus, ad perénnem in cœlis glóriam sublimári mereámur. Per Dóminum.

Lectio Epístolæ beáti Pauli Apóstoli ad Corínthios. **1. Cor. 4. b**

Fratres, Spectáculum facti sumus mundo, & Angelis, & homínibus. Nos stulti propter Christum, vos autem prudentes in Christo: nos infirmi, vos autem fortes: vos nóbiles, nos autem ignóbiles. Usque in hanc horam & esurimus, & sitimus, & nudi sumus, & cólaphis cædimur, & instábiles sumus, & laborámus operántes máribus nostris: maledícimur, & benedícimus: persecutióne patimur, & sustinémus: blasphemámur, & obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, hæc scribo, sed ut filios meos charíssimos moneo: in Christo Iesu Dómino nostro.

Graduale. Psal. 36. Os iusti meditábitur sapiéntiam, & lingua ejus loquétur iudícium. *✠* Lex Dei ejus in corde ipsius: & non supplantabúntur gressus ejus.

Allelúja, allelúja. *✠* **Psal. 111.** Beátus vir, qui timet Dóminum: in mandátis ejus cupit nimis. Allelúja.

✠ **S**equéntia sancti Euangélíi secúndum Lucam. **Lucæ 12. d**

In illo témpore: Dixit Iesus discipulis suis: Nolite timére pusillus grex, quia complácuít Patri vestro dare vobis regnum.

regnum. Véndite, quæ possidétis, & date eleemósynam. Fácite vobis sácculos, qui non veteráscunt, thesáurum non deficientem in cœlis: quò fur non appropiat, neque tinea corrumpit. Ubi enim thesáurus vester est, ibi & cor vestrum erit.

Offertorium. Psal. 20. In virtúte tua, Dómine, lætábitur justus: & super salutáre tuum exultábit veheménter: desidérium animæ ejus tribuísti ei. **Secreta.**

PRæsta nobis, quæsumus omnípotens Deus: ut nostræ humilitátis oblátio, & pro tuórum tibi grata sit honóre Sanctorum, & nos corpore páriter & mente puríficet. Per Dóminum.

Communio. Matth. 19. Amen dico vobis, quòd vos, qui reliquistis ómnia, & secúti estis me: centuplum accipiétis, & vitam ætérnam possidébitis. **Postcommunio.**

Quæsumus omnípotens Deus: ut qui cœléstia aliménta percépimus, intercedénte beáto Dídaco Confessóre tuo, per hæc contra ómnia advérsa muniámur. Per Dóminum.

Die xvii. Novembris.

IN FESTO S. GERTRUDIS
Virginis. Missa. Dilexisti justitiam.
de Comuni Virginum. xx. præter
Orationem sequentem. Oratio.

DEus, qui in puríssimo corde beátæ Gertrúdis virginis tuæ jucúndā tibi habitationem præparásti: ejus méritis & intercessióne cordis nostri máculas cleménter abstérge; ut digna divínæ majestátis tuæ habitatio éffici mereátur. Per Dñm.

Die xviii. Novembris.

IN DEDICATIONE
Basilicæ SS. Apostolorum Petri & Pauli
Missa. Terribilis est locus. de Cõi De-
dicat. Ecclesiæ. fol. xxi. Dicitur Credo.

Die xix. Novembris.

IN FESTO S. ELISABETH VIDUÆ
Reginæ Hungariæ. Introitus. Ps. 118.



Ognóvi Dómine, quia æquitas judícia tua, & in veritáte tua humiliásti me: confige timóre tuo carnes meas, à mandátis tuis tímui.

Psal. ibid. B. eáti immaculáti in via, qui ámbulant in lege Dómini.

v. Glória Patri.

Oratio.

TUórum corda fidélium, Deus miserátor illústra: & beátæ Elísabeth précibus gloriósis fac nos próspéra mundi despícere, & cœlésti semper consolatione gaudére. Per Dóminum.

Pro commem. S. Pontiani.

Oratio.

Infirmitátem nostram respice omnípotens Deus: & quia pondus propriæ actiónis gravat, beáti Pontiani mártiris tui atque Pontíficis intercessio gloriósa nos próteget. Per Dóminum.

Lectio libri Sapientiae.

Prov. 31. b

Mulíerem fortem quis invéniet? procul, & de últimis finibus pretium ejus. Confidit in ea cor viri sui, & spóliis non indigébit. Reddet ei bonum, & non malum, ómnibus diébus vitæ suæ. Quæsivit lanam, & linum, & operáta est consilio mánuum suárum. Facta est quasi navis institoris, de longè portans panem suum. Et de nocte surréxit, deditque prædam domésticis suis, & cibária ancillis suis. Considerávit agrum, & emit eum: de fructu mánuum suárum plantávit vineam. Accinxit fortitúdine lumbos suos, & roborávit bráchium suum. Gustávit, & vidit, quia bona est negotiátio ejus: non extingúetur in nocte lucérna ejus. Manum suam misit ad fórtia, & dígití ejus apprehendérunt fustum. Manum suam aperuit inopi, & palmas suas exténdit ad páuperem. Non timébit dómui suæ à frigóribus nivis: omnes enim doméstici ejus vestíti sunt duplícibus. Stragulátam vestem fecit sibi: byssus, & púrpura indumentum ejus. Nóbilis in portis vir ejus, quando séderit cum senatóribus terræ. Síndonem fecit, & véndidit, & cíngulum trádídít Chananæo. Fortitúdo, & decor indumentum ejus, & ridébit in die novíssimo. Os suum aperuit sapientiae: & lex cleméntiae in lingua ejus. Considerávit sémitas domus suæ, & panem otíosa non comédit. Surrexérunt filii ejus, & beatíssimam prædicavérunt; vir ejus, & laudávit eam. Multæ filiae congregavérunt divítias: tu supergréssa es univérsas. Fallax

lax grátia, & vana est pulchritúdo: mulier timens Dóminum, ipsa laudábitur. Date ei de fructu mánuum suárum: & laudent eam in portis ópera ejus.

Graduale. Psal. 44. Diffúsa est grátia in lábiis tuis, propterea benedíxit te Deus in ætérnum. *Ps.* Propter veritátem, & mansuetúdinem, & justítiam: & dedúcet te mirabíliter dextera tua. **A.** llelúja, allelúja. *Ps.* Spécies tua, & pulchritúde tua inténde, prospere procéde, & regna. Allelúja.

Sequentia sancti Evangelii secundum Matthæum. Matth. 13. f.

IN illo témpore: Dixit Jesus discipulis suis parabolam hanc: Símile est regnum coelórum thesauro abscondito in agro: quem qui invenit homo, abscondit, & præ gáudio illius vadit, & vendit univérsa quæ habet, & emit agrum illum. Iterum símile est regnum coelórum hómini negotiátóri quærenti bonas margarítas. Inventa autem una pretiósa margaríta, abiit, & vendidit ómnia quæ hábuit, & emit eam. Iterum símile est regnum coelórum sagénæ missæ in mare, & ex omni genere píscium congregánti. Quam, cum impléta esset, educéntes, & secus littus sedéntes, elegerunt bonos in vasa, malos autem foras miserunt. Sic erit in consummatione sæculi: Exibunt Angeli, & separábunt malos de medio justórum, & mittent eos in camínium ignis: ibi erit fletus, & stridor dentium. Intellexístis hæc ómnia? Dicunt ei: Etiam. Ait illis: Ideo omnis scriba doctus in regno coelórum, símilis est hómini patrifamílias, qui profert de thesauro suo nova & vétera.

Offert. Psal. 44. Diffúsa est grátia in lábiis tuis: propterea benedíxit te Deus in ætérnum, & in sæculum sæculi. **Secreta.**

ACcepta tibi sit, Dómine, sacratæ plebis oblátio pro tuórum honóre Sanctórum: quorum se méritis de tribulatione percepisse cognóscit auxílium. Per Dóminum nostrum.

Pro S. Pontiano Papa & mart. Secreta.

Hostias tibi, Dómine, beáti Pontiani mártiris tui atque Pontificis

dicátas méritis, benígnus asúme: & ad perpétuum nobis tribue proveníre subsidium. Per Dóminum.

Communio. ibid. Dilexísti justítiam, & odísti iniquitátem: propterea unxit te Deus, Deus tuus, óleo lætitiæ præ consortibus tuis. **Postcommunio.**

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum.

Pro sancto Pontiano. Postcommunio.

Refecisti participatióne muneris sacri, quæsumus Dómine Deus noster: ut cujus exequimur cultum, intercedente beáto Pontiano mártire tuo atque Pontífice, sentiamus effectum. Per Dóminum nostrum.

Die xx. Novembris.

IN FESTO S. FELICIS de Valois Confessoris, Missa. Justus ut palma. ut in Communi Confessoris non Pontificis. fol. xv. Oratio.

Deus, qui beátum Felicem Confessorem tuum ex erémo ad munus rediméndi captivos coelitus vocare dignátus es: præsta quæsumus; ut per grátiam tuam ex peccatórum nostrórum captivitate, ejus intercessióne liberáti, ad coeléstem pátriam perducámur. Per Dóminum nostrum.

Die xxi. Novembris.

IN FESTO PRÆSENTATIONIS B. V. MARIÆ.

Introitus. Sedulius.



Alve sancta parens, enixa puerpera Regem, qui cœlum terramque regit in sæcula sæculórum.

Psal. 44. Eructávit cor meum verbum bonum:

dico ego ópera mea Regi.

Ps. Glória Patri.

Oratio.

Deus, qui beátam Mariam semper Virginem Spíritus sancti habitaculum, hodiérna die in templo præsentári voluísti: præsta quæsumus; ut ejus inter-

cessione, in templo gloriæ tuæ præsentari mereamur. Per Dñm nostrum. in unitate ejusdem Spiritus sancti Deus.

Lectio libri Sapientie. Eccli. 24. b

Abinio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Jerusalem potestas mea. Et radicavi in populo honorificato, & in parte Dei mei hæreditas illius, & in plenitudine sanctorum detentio mea.

Graduale. Benedicta & venerabilis es virgo Maria: quæ sine tactu pudoris, inventa es mater Salvatoris.

V. Vigo Dei Genitrix, quem totus non capit orbis, in tua seclausit viscera factus homo. **A**llelúja, allelúja. **V.** Post partum, Virgo, inviolata permansisti: Dei Genitrix intercede pro nobis. Allelúja.

Sequentia sancti Evangelii secundum Lucam. Lucæ 11. d

In illo tempore: Loquente Jesu ad turbas: extollens vocem quædam mulier de turba, dixit illi: Beatus venter, qui te portavit; & úbera, quæ fuxisti. At ille dixit: Quinimò beati, qui audiunt verbum Dei, & custodiunt illud. **C**redo.

Offertorium. Lucæ 1. Ave Maria, gratia plena: Dñs tecum: Benedicta tu in mulieribus: & benedictus fructus ventris tui. **Secreta.**

Tua, Dñe, propitiatione, & beatæ Mariæ semper virginis intercessionem, ad perpetuam atque præsentem hæc oblatio nobis proficiat prosperitatem & pacem. Per Dñm.

Præfatio de beata Maria. Et te in Præsentatione. fol. 183.

Communio. Beata viscera Mariæ virginis, quæ portaverunt æterni Patris Filium. Postcommunio.

Sumptis, Dñe, salutis nostræ subsidiiis: da, quæsumus, beatæ Mariæ semper Virginis patrocinii nos ubique protegi: in cujus veneratione, hæc tuæ obtulimus majestati. Per Dñm.

Die xxii. Novembris.

IN FESTO S. CÆCILIAE
virginis & martyris.

Introitus. Psal. 118.



Oquebar de testimoniis tuis in conspectu regum, & non confundabar: & meditabar in mandatis tuis, quæ dilexi nimis.

Psalm. ibid. Beati immaculati in via: qui ambulant in lege Dñi.

Gloria Patri.

Oratio.

Deus, qui nos annua beatæ Cæcilie virginis & martyris tuæ solemnitate lætificas: da, ut, quam veneramur officio, etiam piæ conversationis sequamur exemplo. Per Dñm.

Lectio libri Sapientie. Eccli. 51. b

Domine Deus meus, exaltasti super terram habitationem meam, & pro morte defluente deprecata sum. Invocaui Dñm Patrem Dñi mei, ut non derelinquat me in die tribulationis meæ, & in tempore superborum sine adiutorio. Laudabo nomen tuum assidue, & collaudabo illud in confessione, & exaudita est oratio mea: & liberaisti me de perditione, & eripuisti me de tempore iniquo. Propterea confitebor, & laudem dicam tibi, Dñe Deus noster.

Graduale. Psal. 44. Audi filia, & vide, & inclina aurem tuam: quia concupivit rex speciem tuam. **V.** Specie tua, & pulchritudine tua, intende, prospere procede, & regna. **A**llelúja, allelúja.

V. Matth. 25. Quinque prudentes virgines acceperunt oleum in vasis suis cum lampadibus: media autem nocte clamor factus est: ecce sponsus venit, exite obviam Christo Dño. Allelúja.



Sequentia sancti Evangelii secundum Matthæum. Matth. 25.

In illo tempore: Dixit Jesus discipulis suis parabolam hanc: Simile erit regnum coelorum decem virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ, acceptis

céptis lampádibus, non sumpsérunt óleum secum: prudentes verò acceperunt óleum in vasis suis cum lampádibus. Moram autem faciente sponso, dormitavérunt omnes, & dormiérunt. Média autem nocte clamor factus est: Ecce sponsus venit, exíte obviam ei. Tunc surrexérunt omnes vírgines illæ, & ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extingúuntur. Respondérunt prudentes, dicéntes: Ne fortè non sufficiat nobis & vobis, ite potiùs ad vendéntes, & émite vobis. Dum autem irent émere, venit sponsus: & quæ parátæ erant, intravérunt cum eo ad nuptias, & clausa est jánuar. Novíssimè verò véniunt & réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertor. Psal. 44. Afferéntur Regi vírgines post eam: próximæ ejus afferéntur tibi in lætítia & exultatióne, adducéntur in templum Regi Dómino. **Secreta.**

Hæc hóstia, Dómine, placatiónis & laudis, quæsumus; ut, intercedente beata Cæcília vírgine & mártire tua, nos propitiatióne tua dignos semper efficiat. Per Dóminum.

Communio. Psalm. 118. Confundántur supérbi, quia injústè iniquitatem fecérunt in me: ego autem in mandátis tuis exercébor, in tuis justificatió nibus, ut non confundar. **Postcommunio.**

Satiásti, Dómine, familiam tuam munéribus sacris: ejus, quæsumus semper interventióne nos réfove, cujus solémnia celebrámus. Per Dóminum.

Die xxiii. Novembris.

IN FESTO S. CLEMENTIS

Papæ & mártiris.

Introitus. Ex Isa. 59. & 57.



Dixit Dóminus: Sermónes mei, quos dedi in ostium, non deficient de ore tuo: & múnus tua accépta erunt super altáre meum. **Psal. 111. B**eatús vir, qui timet

Dóminum: in mandátis ejus cupit nimis. **Glória Patri.** **Oratio.**

Deus, qui nos ánnua beati Clementis mártiris tui, atque Pontíficis solémnitáte lætíficas: concéde propítius; ut cujus natalítia cólimus, virtútem quoque passiónis imitémur. Per Dóminum.

Procommem. S. Felicitatis mart. Oratio.

Præsta, quæsumus omnipotens Deus: ut beatæ Felicitatis mártiris tuæ solémnia recenséntes, méritis ipsius protegámur, & précibus.

Tertia Oratio. A cunctis nos. 458.

Lectio Epístolæ beati Pauli Apóstoli ad Philippénse. **Philip. 3. d & 4.**

Fratres, Imitátóres mei estóte, & observáte eos, qui ita ámbulant, sicut habétis formam nostram. Multi enim ámbulant, quos sæpè dicebam vobis (nunc autem & flens dico) inimicos crucis Christi: quorum finis intéritus, quorum deus venter est: & glória in confusióne ipsórum, qui terréna sapiunt. Nostra autem conversatió in coelis est: unde étiam Salvátórem expectámus Dóminum nostrum Jesum Christum, qui reformábit corpus humilitátis nostræ, configurátum corpore claritátis suæ, secúndum operatióne, qua étiam possit subjícere sibi ómnia. Itaque, fratres mei charíssimi, & desideratíssimi, gáudium meum, & corónam meam, sic státe in Dómino charíssimi. Evódiam rogo, & Syntychen déprecor idípsum sápere in Dómino. Etiam rogo & te, germáne compar, adjuva illas, quæ mecum laboravérunt in Euangélio cum Clemente, & céteris adjutóribus meis, quorum nómina sunt in libro vitæ.

Graduale. Psal. 109. Jurávit Dóminus & non poenitébit eum: Tu es sacérdos in ætérnum, secúndum órđinem Melchisedech. **Glória.** Dixit Dóminus Dómino meo: Sede à dextris meis.

Allelúja, allelúja. **Glória.** Hic est sacérdos, quem coronávit Dóminus. Allelúja.



Sequéntia sancti Euangélii secúndum Matthæum. **Matth. 24. d**

In illo témpore: Dixit Jesus discíplis suis: Vigiláte, quia nescitis, qua hora Dó-

Dóminus vester ventúrus sit. Illud autem scitote, quóniam si sciret pater familias, qua hora fur ventúrus esset, vigilaret útique, & non sineret páfodi domum suam. Ideò & vos estote paráti: quia quā nescitis hora, Fílius hóminis ventúrus est. Quis, putas, est fidélis servus, & prudens, quem constituit Dóminus super familiam suam, ut det illis cibum in témpore? Beátus ille servus, quem, cūm vénerit Dóminus ejus, invenerit sic faciéntem. Amen dico vobis, quóniam super ómnia bona sua constituet eum.

Offertorium. Psal. 88. Veritas mea, & misericórdia mea cum ipso: & in nómine meo exaltábitur cornu ejus. **Secreta.**

Munera tibi, Dómine, oblata sanctifica: & intercedente beáto Clemente mártire tuo atque Pontífice, per hæc nos à peccatórum nostrórum máculis emúnda. Per Dóminum.

Pro sancta Felicitate. Secreta.

Vota pópuli tui, Dómine, propitiatus inténde: & cujus nos tribuis solémnia celebráre, fac gaudere suffrágiis.

Alia Secreta. Exáudi nos. fol. 459.

Communio. Matth. 24. Beátus servus, quem, cūm vénerit dóminus, invenerit vigilántem: amen dico vobis, super ómnia bona sua constituet eum.

Postcommunio.

Corporis sacri, & pretiósi ságuinis crepléti libámine, quæsumus Dómine Deus noster: ut quod pia devotióne gérimus, intercedente beáto Clemente mártire tuo atque Pontífice, certa redemptione capiamus. Per eúndem Dóminum nostrum.

Pro S. Felicitate. Postcommunio.

Supplices te rogámus, omnipotens Deus: ut intercedéntibus Sanctis tuis, & tua in nobis dona múltiples, & témpora nostra dispónas.

Alia Postcomm. Mundet. fol. 459.

Die xxiv. Novembris.

IN FESTO S. COLUMBANI

Abbatis, Missa. Os justi. **ut in Comuni Abbatum.** fol. xvii.

Et fit commemoratio S. Chrysogoni

martyris, cum Orationibus propriis ut infra. Oratio.

Adesto, Dómine, supplicatióibus nostris: ut qui ex iniquitate nostra reos nos esse cognóscimus, beáti Chrysógoni mártiris tui intercessiõe liberémur. Per Dóminum. **Secreta.**

Oblátis, quæsumus Dómine, placare munéribus, & intercedente beáto Chrysógono mártire tuo, à cunctis nos defénde perículis. Per Dóminum nostrum. **Postcommunio.**

Tui, Dómine, perceptiõe sacraménti, & à nostris mundémur ocúltis, & ab hóstium liberémur insidiis. Per Dóminum.

Die xxv. Novembris.

IN FESTO S. CATHARINÆ virginis & martyris.

Introitus. Psalm. 118.



Oquébar de testimoniis tuis in conspéctu regum, & non confundébar: & meditábar in mandátis tuis, quæ diléxi nimis.

Psalm. ibid. Beáti immacu-

láti in via: qui ámbulant in lege Dómini.

Glória Patri.

Oratio.

Deus, qui dedísti legem Móysi in summitate montis Sínai, & in eodem loco per sanctos Angelos tuos corpus beátæ Catharinæ vírginis, & mártiristuæ mirábiliter collocásti: præsta quæsumus; ut ejus méritis & intercessiõe, ad montem, qui Christus est, pervenire valeámus. Qui tecum vivit & regnat.

Lectio libri Sapiéntiæ.


Eccli. 51.

Confitebor tibi Dómine Rex, & claudábo te Deum Salvatórem meū. Confitebor nómini tuo: quóniam adjutor, & protéctor factus es mihi, & liberásti corpus meum à perditione, à láqueo linguæ iniquæ, & à lábiis operántium mendácium, & in conspéctu astántium factus es mihi adjutor. Et liberásti me secúndum multitudinem misericórdiæ nóminis tui à rugiéntibus, præparáti ad escam, de mánibus quæréntium ánimam meam, & de portis tribulatiónum, quæ

cir-

circumdedérunt me: à pressúra flammæ, quæ circumdedit me, & in médio ignis non sum æstuata: de altitudine ventris inferi, & à lingua coinquinata, & à verbo mendacii, à rege iniquo, & à lingua injústa: laudábit usque ad mortem ánima mea Dóminum, quóniam éruis sustinéntes te, & liberas eos de mánibus Géntium, Dómine Deus noster.

Graduale. Psal. 44. Dilexísti justítiam, & odísti iniquitatem. *Ps.* Propterea unxit te Deus, Deus tuus, óleo lætitiæ. Allelúja, allelúja. *Ps. ibid.* Adducéntur Regi vírgines post eam: próximæ ejus afferéntur tibi in lætítia. Allelúja.

 **Sequéntia sancti Euangélii secundum Matthæum. Matth. 25.**

IN illo témpore: Dixit Jesus discipulis suis parabolam hanc: Símile erit regnum coelórum decem virgínibus: quæ accipiéntes lámpades suas, exiérunt obviam sponso, & sponsæ. Quinque autem ex eis erant fátuæ, & quinque prudentes: sed quinque fátuæ, accéptis lámpadibus, non sumpsérunt óleum secum: prudentes verò accepérunt óleum in vasis suis cum lámpadibus. Moram autem faciente sponso, dormitavérunt omnes, & dormiérunt. Média autem nocte clamor factus est: Ecce sponsus venit, exíte obviam ei. Tunc surrexérunt omnes vírgines illæ, & ornavérunt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extingúntur. Respondérunt prudentes, dicéntes: Ne forte non sufficiat nobis & vobis, ite pótius ad vendéntes, & émite vobis. Dum autem irent émere, venit sponsus: & quæ paratæ erant, intravérunt cum eo ad nuptias, & clausa est jánuas. Novíssimè verò véniunt & reliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescitis diem, neque horam.

Offertorium. Psal. 44. Afferéntur Regi vírgines post eam: próximæ ejus afferéntur tibi in lætítia & exultatione, adducéntur in templum regi Dómino.

Secreta.

Suscipe, Dómine, múnera, quæ in beátæ Catharínæ vírginis & mártiris tuæ solemnitate deférimus: cujus nos confidimus patrocínio liberári. Per Dóminum nostrum.

Communio. Psalm. 118. Confundántur superbi, quia injustè iniquitatem fecérunt in me: ego autem in mandátis tuis exercebor in tuis justificatióibus, ut non confundar.

Postcommunio.

Auxiliéntur nobis, Dómine, sumpta mystéria: & intercedente beáta Catharina vírgine, & mártire tua, sempitérna fáciant protectiône gaudere. Per Dóminum.

Die xxvi. Novembris.

IN FESTO S. SILVESTRI

Abbatis, Missa. Os justi. de Comuni Abbatum. fol. xvii.

Et fit commemor. S. Petri Alexandrini Episcopi & martyris.

Oratio.

Infirmitatem nostram respice, omnipotens Deus; & quia pondus propriæ actiōis gravat, beáti Petri mártiris tui atque Pontíficis intercessiō gloriósa nos protégat. Per Dóminum.

Pro S. Petro Alexandrino.

Secreta.

Hostias tibi, Dómine, beáti Petri mártiris tui, atque Pontíficis dicatas méritis, benignus asúme: & ad perpétuum nobis tribue provenire subsidium. Per Dóminum nostrum.

Pro sancto Petro Alexandrino.

Postcommunio.

Refécti participatiōe múnieris sacri, quæsumus Dómine Deus noster: ut beáti Petri mártiris tui atque Pontíficis, cujus exequimur cultum, sentiámus effectum. Per Dóminum.

MISSA VOTIVA

DE S. P. BENEDICTO

PROFERIA TERTIA.

Introitus.



Ir Dei Benedíctus mundi glóriam despéxit, & relíquit: quóniam Dei spíritus erat in eo.

Psalm. 47. Secúndum nomen tuum: ita & laus tua in fines ter-

ræ: iustítia plena est dextera tua.

V. Glória Patri.

Oratio.

EXcita, Dómine, in Ecclésia tua Spíritum, cui beátus Pater noster Benedíctus Abbas servívit: ut eódem nos repléti, studeámus amáre, quod amávit, & ópere exercére, quod dócuit. Per Dóminum. in unitáte ejúsdem Spíritus sancti.

Lectio libri Sapiéntiæ. **Eccli. 47.**

DEdit Dóminus confessiónem Sancto suo, & Excélso in verbo glóriæ. De omni corde suo laudávit Dóminum, & diléxit Deum, qui fecit illum: & dedit illi contra inimícos poténtiam: & stare fecit cantóres contra altáre, & in sono eórum dulces fecit modos. Et dedit in celebrationibus decus, & ornávit témpora usque ad consummationem vitæ, ut laudárent nomen sanctum Dómini: & amplificárent manè Dei sanctitátem. Christus purgávit peccáta ipsíus: & exaltávit in ætérnum cornu ejus: Sapiéntia laudábit ánimam suam, & in domo honorábitur, & in médio pópuli sui gloriábitur: & in Ecclesiis Altíssimi apériet os suum: & in conspéctu virtútis illius gloriábitur. In médio pópuli sui exaltábitur, & in plenitúdine sancta admirábitur: & in multitudíne electórum habébit laudem, & inter benedíctos benedicétur.

Graduale. Psalm. 20. Dómine, præve-
Miss. Monast.

nísti eum in benedíctionibus dulcédinis: posuísti in cápite ejus coronam de lapide pretiósó. **V.** Vitam pétiit à te, & tribuísti ei longitudínem diérum in sæculum sæculi.

Allelúja, allelúja.

V. Vir Dei Benedíctus ómnium iustórum spíritus plenus fuit. Ipse intercédát pro cunctis Monásticæ professiónis. **Allelúja.**

Post Septuagesimam, Tractus. Psalm. 111.

Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generátio rectórum benedicétur.

V. Glória, & divítiæ in domo ejus: & iustítia ejus manet in sæculum sæculi.

Tempore Paschali omisso Graduali, & Tractu, dicitur Allelúja, allelúja.

V. Psalmus 91. Justus ut palma florébit: sicut cedrus, quæ in Líbano est, multiplicábitur. **Allelúja.**

V. Osee 14. Justus germinábit sicut lílium: & florébit in ætérnum ante Dóminum. **Allelúja.**



Sequéntia sancti Euangélíi secúndum Matthæum. Matth. 19. d

IN illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratióne, cùm séderit Fílius hóminis in sede majestátis suæ, sedébitis & vos super sedes duódecim, judicántes duódecim tribus Israel. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accípiet, & vitam ætérnam possidébit.

Ii

Offer-

Offertorium. Psal. 20. In virtute tua, Dómine, lætabitur justus, & super salutem tuam exultabit vehementer: desiderium animæ ejus tribuisti ei.

Secreta.

Sacris altaribus, Dómine, hostias superpositas, sanctus Pater noster Benedictus Abbas, quæsumus, in salutem nobis provenire deprecatur. Per Dóminum nostrum.

Communio. Matth. 19. Amen dico vobis: quod vos, qui reliquistis omnia, & secuti estis me, centuplum accipietis, & vitam æternam possidebitis.

Postcommunio.

Protegat nos, Dómine, cum tui perceptione sacramenti beatus Pater noster Benedictus Abbas pro nobis intercedendo, ut & conversationis ejus experiamur insignia, & intercessionis percipiamus suffragia. Per Dóminum.

M I S S A DE S. SCHOLASTICA

Celebranda semel in Mense juxta Decretum Sacre Rituum Congregationis sub die 22. Februarii 1687.



Introitus. Psalm. 44. Ilexisti justitiam, & odisti iniquitatem: propterea unxit te Deus, Deus tuus, oleo lætitiæ, præ consortibus tuis.

Psalm. ibid. Eructavit cor meum verbum bonum: dico ego opera mea Regi. **Ps.** Glória Patri.

Oratio.

Deus, qui animam beatæ virginis tuæ Scholasticæ, ad ostendendam innocentiam viam, in columbæ specie coelum penetrare fecisti: da nobis ejus meritis & precibus ita innocentem vivere; ut ad æterna mereamur gaudia pervenire. Per Dóminum.

Lectio Epistolæ beati Pauli Apostoli ad Corinthios. 2. Cor. 10. d & 11.

Fratres, Qui gloriatur, in Dómino gloriétur. Non enim, qui seipsum commendat, ille probatus est; sed quem

Deus commendat. Utinam sustineretis modicum quid insipientiæ meæ, sed & supportate me. Æmulor enim vos Dei æmulatione: Despondi enim vos uni viro virginem castam exhibere Christo.

Graduale. Psal. 44. **S**pecie tua, & pulchritudine tua, intende, prospere procede, & regna. **Ps.** Propter veritatem, & mansuetudinem, & justitiam: & deducet te mirabiliter dextera tua.

Allelúja, allelúja.

Ps. Adducéntur Regi virgines post eam: proximæ ejus afferéntur tibi in lætitia. Allelúja.

Post Septuagesimam, omitti Allelúja, & Versu sequenti, dicitur Tractus. ibid.

Audi filia, & vide, & inclina aurem tuam: quia concupivit Rex speciem tuam.

Ps. Vultum tuum deprecabúntur omnes divites plebis: filiæ regum in honore tuo.

Ps. Adducéntur Regi virgines post eam: proximæ ejus afferéntur tibi.

Ps. Afferéntur in lætitia & exultatione: adducéntur in templum Regis.

Tempore Paschali omittitur Graduale, & ejus loco dicitur Allelúja, allelúja.

Ps. Adducéntur Regi virgines post eam: proximæ ejus afferéntur tibi in lætitia. Allelúja.

Ps. Specie tua, & pulchritudine tua, intende, prospere procede, & regna. Allelúja.

Sequentia sancti Evangelii secundum Matthæum. Matth. 25.

In illo tempore: Dixit Jesus discipulis suis parabolam hanc: Simile erit regnum cœlorum decem virginibus: quæ accipientes lampades suas, exierunt obviam sponso & sponsæ. Quinque autem ex eis erant fatuæ, & quinque prudentes: sed quinque fatuæ acceptis lampadibus, non sumpsérunt oleum secum: prudentes verò acceperunt oleum in vasis suis cum lampadibus. Moram autem faciente sponso, dormitavérunt omnes, & dormierunt. Média autem nocte clamor factus est: Ecce sponsus venit, exite obviam ei. Tunc surrexérunt omnes virgines illæ, & ornavérunt

runt lámpades suas. Fátuæ autem sapiéntibus dixerunt: Date nobis de óleo vestro: quia lámpades nostræ extingúntur. Respondérunt prudéntes, dicéntes: Ne fortè non sufficiat nobis & vobis, ite potiùs ad vendéntes, & émite vobis. Dum autem irent émere, venit sponsus: & quæ parátæ erant, intravérunt cum eo ad nuptias, & clausa est jánuæ. Novíssimè verò véniunt & réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertorium. Psalm. 44. Fíliæ regum in honóre tuo, ástitit regína à dextris tuis in vestítu deauráto, circúmdata varietáte.

Secreta.

Accépta tibi sit, Dómine, sacrátæ plebis oblátio, pro tuórum honóre Sanctorum: quorum se méritis de tribulatióne percepisse cognóscit auxílium. Per Dóminum.

Communio. Matth. 25. Quinque prudéntes vírgines accepérunt óleum in vasis suis cum lampádibus: média autem nocte clamor factus est: ecce sponsus venit, exíte óbviám Christo Dómino.

Postcommunio.

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus solémnia celebrámus. Per Dóminum nostrum Jesum Christum Fílium tuum: Qui tecum vivit.



MISSÆ PROPRIÆ SANCTORUM

Pro Monachis, & Eremitis Congregationis Camaldulensis.

A Sac. Rit. Congreg. approbatæ.

IN UTROQUE FESTO S. P. N. ROMUALDI ABBATIS.

Introitus.



Audeamus omnes in Dómino, diem festum celebrantes, sub honóre sancti Romuáldi Abbátis: de cujus solemnitate gaudent Angeli, & collaudant Fílium Dei.

Psal. 47. Magnus Dóminus, & laudábilis nimis: in civitate Dei nostri, in monte sancto ejus. **V.** Glória Patri. **Oratio.**

Familiam tuam, quæsumus Dómine, beáti Romuáldi patrocínio confidentem propítius respice: ut quem magistrú vitæ sibi delégit in terris, eúndem apud Majestátem tuam intercessórem habére mereátur in coelis. Per Dóminum.

Lectio libri Sapiéntiæ. **Eccli. 50.**

Ecce Confessor magnus, qui quasi stella matutína in médio nébulæ, & quasi luna plena in diébus suis lucet. Et quasi sol refúlgens, sic iste effúlsit in templo Dei. Quasi arcus refúlgens inter nébulas glóriæ, & quasi flos rosárum in diébus vernis, & quasi lília, quæ sunt in tránsito aquæ, & quasi thus redolens in diébus æstátis. Quasi ignis effúlgens, & thus ardens in igne. Quasi vas auri sólídum, ornátum omni lápide pretiósó. Quasi olíva pullulans, & quasi cypressus in altitúdinem se extóllens. Circa illum coróna fratrum: & quasi plantatio cedri in monte Líbano; sic circa illum steterunt quasi rami palmæ, & omnes filii Aaron in glória sua.

Graduale. Psal. 20. Dómine prævenisti eum in benedictiónibus dulcédinis: posuisti in cápite ejus corónam de lápide pretiósó. **V.** Vitam pétiit à te, & tribuisti ei longitudínem diérum in sæculum sæculi.

Allelúja, allelúja.

V. Psal. 91. Justus ut palma florébit: sicut cedrus Líbani multiplicábitur.

Post Septuagesimam, omíssis Allelúja, & v. sequenti, dicitur Tractus. **Psal. 111.** Beátus vir, qui timet Dóminum: in mandátis ejus cupit nimis.

V. Potens in terra erit semen ejus: generatio rectorum benedicétur.

V. Glória & divítiæ in domo ejus: & justitia ejus manet in sæculum sæculi.

Sequentia.

Claustra plaudent, & Desérta Sint canóra, sint disérta ROMUALDI láudibus.

BENEDICTI Cœnobíta Multis fuit Lux & Vita, Multa tulit fórtiter.

Mox in specu latet solus, Mensa sibi fons, & olus, In JESU refectio.

Altis donis mens afflátur, Usu flendi recreáur, Silvas ditat incolis.

Antra, Montes Cœlo æquári, Virós docet æmulári Angelórum múnera.

Martyr fuit, sed Amóris, Lapsi mentem Genitóris Vitæ erexit Grátiae.

Salvos morti destinátos Morbos, Dæmones fugátos, Ejus nutu nóvimus.

Legem ponit Eleméntis, Maris furor, furor mentis Imperánti obédiunt.

Fagum vetat à ruina,
Pandit Cármina Divína,
Corda mulcet tristia.
Flectit Duces, & Magnátes,
Reges, Cómites, Primátes
Christi jugo súbjicit.
Lustra eménsu bis duodéna
Tandem Vallis Castri aréna
Morientem éxcipit.
Ejus ossa adórant Gentes,
Quæ transláta recoléntes
Exultant is cánticis.
Generósi exémplo Ducis
In votívæ ampléxu Crucis
Roborémur Spíritu.
Ne deórsum quid mortále
Agat nos, de summo scalæ
Quam vidísti, ad Triumphále,
PATER, trahe gáudium.
Amen. Allelúja. *fidicendum est.*



Sequéntia sancti Euangélíi secúndum Matthæum. *Matth. 19. d.*

IN illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quòd vos, qui secúti estis me, in regeneratione, cùm séderit Filius hóminis in sede majestátis suæ, sedébitis & vos super sedes duódecim, judicántes duódecim tribus Israel. Et omnis qui reliquerit domum, vel fratres, aut foróres, aut patrem, aut matrem, aut uxórem, aut filios, aut agros, propter nomen meum, centuplum accipiet, & vitam ætérnam possidébit. *C*redo.

Offertorium. Psal. 20. D. esidérium animæ ejus tribuísti ei Dómine, & voluntate labiórum ejus non fraudásti eum: posuísti in capite ejus corónam de lapide pretióso.

Secrera.

Sancti Confessóris tui Romuáldi, quæsumus Dómine, ánnua solémnitas, pietáti tuæ nos reddat accéptos: ut per hæc piæ placatiónis officia, & illum beáta retribútió comitetur, & nobis grátia tuæ dona concíliet. Per Dóminum.

Communio. Lucæ 12. F. idélis servus & prudens, quem constituit dónus super

famíliam suam: ut det illis in témpore trítici mensúram. *Postcommunio.*

Deus fidélium remunerátor animárum: præsta; ut beáti Confessóris tui Romuáldi, cujus venerándam celebrámus festivitátem, précibus indulgéntiam consequámur. Per Dóminum.

M I S S A

S.P.N. ROMUALDI ABBATIS IN FERIA TERTIA.

Introitus. Psalm. 54.



Ecce elongávi fúgiens, & mansi in solitúdine, expéctans eum, qui salvum me faciet, & rédimet in pace animam meam.

Psalm. ibid. E xáudi Deus oratióem meam, & ne despéxeris deprecationem meam; inténde mihi & exáudi me. *v. Glória Patri. Oratio.*

Famíliam tuam, quæsumus Dómine, beáti Romuáldi patrocínio confidéntem propítius respice: ut quem magístrum vitæ sibi delégit in terris, eúmdem apud Majestátem tuam intercessórem habére mereáur in coelis. Per Dóminum.

L éctio libri Sapiéntiæ. *Eccli. 45.*

Diléctus Deo & homínibus, cujus memória in benedictióne est. Símilem illum fecit in glória sanctórum, & magnificávit eum in timóre inimicórum, & in verbis suis monstra placávit. Glorificávit illum in conspéctu regum, & jussit illi coram pópulo suo, & osténdit illi glóriam suam. In fide & lenitáte ipsíus sanctum fecit illum, & elégit eum ex omni carne. Audívit enim eum, & vocem ipsíus, & indúxit illum in nubem. Et dedit illi coram præcepta, & legem vitæ, & disciplinæ.

Graduale. Psal. 20. D ómine prævenísti eum in benedictiónibus dulcédinis: posuísti in capite ejus corónam de lapide pretióso. *v. Vitam pétii à te, & tribuísti ei longitudinem diérum in sæculum sæculi. A* llelúja, allelúja.

*v. Psal. 91. J*ustus ut palma florébit: sicut cedrus Líbani multiplicábitur.

Post Septuagesimam Allelúja, & y. seq.
dicitur Tractus. Psal. 111. **B**eatus vir, qui
timet Dóminum: in mandátis ejus cupit
nimis. y. Potens in terra erit semen ejus:
generatio rectórum benedicetur.

y. Glória & divitiæ in domo ejus: &
justitia ejus manet in sæculum sæculi.

Tempore Paschali, omittitur Graduale,
& ejus loco dicitur A llelúja, allelúja.

y. Psal. 91. Justus ut palma florébit: sicut
cedrus Libani multiplicábitur. Allelúja.

y. Osee 14. Justus germinábit sicut lílium,
& florébit in ætérnum ante Dóminum.

Sequentia.

Claustra plaudant, & Desérta
Sint canóra, sint disérta
ROMUALDI láudibus.

BENEDICTI Cœnobíta
Multis fuit Lux & Vita,
Multa tulit fórtiter.

Mox in specu latet solus,
Mensa sibi fons, & olus,
In JESU refectio.

Altis donis mens afflátur,
Ufu flendi recreátur,
Silvas ditat incolis.

Antra, Montes Coelo æquári,
Viros docet æmulári
Angelórum múnera.

Martyr fuit, sed Amóris,
Lapsi mente Genitóris
Vitæ eréxit Gratiæ.

Salvos morti destinátos
Morbos, Dæmones fugátos,
Ejus nutu nóvimus.

Legem ponit Eleméntis,
Maris furor, furor mentis
Imperánti obédiunt.

Fagum vetat à ruína,
Pandit Cármina Divína,
Corda mulcet trístia.

Flectit Duces, & Magnátes,
Reges, Cómites, Primátes
Christi jugo súbjicit.

Lustra eménsu bis duodéna
Tandem Vallis Castri aréna
Moriéntem éxcipit.

Ejus ossa adórant Gentes,
Quæ transláta recoléntes
Exultémus cánticis.

Generósi exémplo Ducis
In votivæ ampléxu Crucis
Roborémur Spíritu.

Ne deórsum quid mortále
Agat nos, de summo scalæ
Quam vidísti, ad Triumphále,
PATER, trahe gáudium.
Amen. Allelúja si dicendum est.



Sequentia sancti Euangélíi secún-
dum Matthæum. Matth. 19. d

In illo témpore: Dixit Petrus ad Je-
sum: Ecce nos reliquimus ómnia, &
secúti sumus te: quid ergo erit nobis?
Jesus autem dixit illis: Amen dico vobis,
quod vos, qui secúti estis me, in regenera-
tione, cum séderit Fílius hóminis in sede
majestátis suæ, sedébitis & vos super sedes
duódecim, judicántes duódecim tribus
Israel. Et omnis, qui relíquerit domum,
vel fratres, aut soróres, aut patrem, aut
matrem, aut uxórem, aut filios, aut
agros propter nomen meum, céntuplum
accipiet, & vitam ætérnam possidébit.

Offertorium. Psal. 20. Desidérium áni-
mæ ejus tribuísti ei Dómine, & volun-
tate labiórum ejus non fraudásti eum:
posuísti in cápite ejus corónam de lápi-
de pretióso.

Secreta.

Sacris altáribus, Dómine, hóstias su-
perpósitas, sanctus Romuáldus Ab-
bas, quæsumus, in salutem nobis pro-
venire depóscat. Per Dóminum.

Communio. Lucæ 12. Fidelis servus &
prudens, quem constituit Dóminus su-
per familiam suam: ut det illis in témpo-
re trítici mensúram.

Postcommunio.

Próteget nos, Dómine, cum tui per-
ceptione sacraménti beátus Ro-
muáldus Abbas pro nobis intercedén-
do; ut & conversatiónis ejus experiámur
insígnia, & intercessiónis percipiámus
suffrágia. Per Dóminum.

FESTA FEBRUARII.

DIE VII. FEBRUARII.

In Translatione Corporis S. Patris No-
stri Romualdi Abbatis, Missa. Gaudeá-
mus. ut in ejus Festo.

DIE

DIE IX. FEBRUARII.

In festo S. Raynaldi Episcopi & Confessoris, nostræ Congregationis, Missa. Statuit ei Dominus. de Communi Confessoris Pontificis, cum commemorat. S. Apolloniæ virg. & martyris.

DIE XIX. FEBRUARII.

In festo S. Hilarii Episc. & Confessoris, Missa ut in Missali, sumatur ex die 9. hujus Mensis.

DIE XIII. FEBRUARII.

In festo S. Petri Damiani Episcopi, Cardinalis nostræ Congregationis, Missa. Statuit ei Dominus. de Communi Conf. Pontif. præter Orationem sequentem.

Oratio.

Deus totius sanctitatis & sapientiae fons & origo, fac nos, quæsumus, beati Petri Damiani Confessoris tui atque Pontificis exemplis doctrinisque proficere: ejusque meritis & intercessionem concède; ut contemptis mundani honoris illécebris, tibi soli vacare possimus. Per Dominum.

DIE XXV. FEBRUARII,
in Annis Communibus.

Vel

DIE XXVIII. FEBRUARII.
in Annis Bissextilibus.

In festo S. Margaritæ de Cortona (Pro tota Italia, & Insulis adjacentibus,) sumatur Missa quæ ponitur circa finem Missalis, sub die 23. Februarii: & fit commemor. Feriæ tantum, si fuerit in Quadragesima.

FESTA JUNII.**DIE XII. JUNII.**

In festo S. Parisii Confessoris, nostræ Congregationis, Missa. Os justi. de Communi Confessoris non Pontificis, præter Orationem sequentem.

Oratio.

Preces nostras, quæsumus Domine, clementer exaudi, & intercedente beato Parisio Confessore tuo continentie salutaris propitius nobis dona concède. Per Dominum.

Et fit commemor. SS. Basilidis, &c. mart. ut in Missali.

DIE XVII. JUNII.

In festo S. Leonis III. Papæ & Confess. Missa sumenda est ex die 12. hujus Mensis.

DIE XIX. JUNII.

In festo S. P. N. Romualdi Abbatis, Missa. Gaudeamus. ut in ejus Festo, sine commemor. SS. Gervasii & Protasii martyr.

DIE XX. JUNII.

In festo S. Bonifacii Episc. & mart. nostræ Congregationis, Missa. Sacerdotes Dei. de Communi unius Martyris Pontificis secundo loco, cum commemor. S. Silverii Papæ & martyris, in Missis privatis tantum, ut in Missali.

DIE XXVII. JUNII.

In festo SS. Joannis & Pauli martyrum, Missa sumatur ex die 26. in Missali.

FESTA JULII.**DIE III. JULII.**

In festo S. Theobaldi Conf. nostræ Congregationis, Missa. Justus ut palma, de Communi Confessoris non Pontificis, cum commemor. Octavæ Apostolorum.

DIE XI. JULII.

In festo S. Julianæ de Falconeriis virg. Missa sumatur ex die 19. Mensis Junii in Missali: & fit commemor. S. Pii Papæ & mart.

DIE XVI. JULII.

In festo SS. Andréæ & Benedicti Confessorum, nostræ Congregationis, Missa. Os justi. de Communi Confess. non Pontificis, præter Orationem sequentem.

Oratio.

Deus, qui nos beatorum Andréæ & Benedicti Confessorum tuorum annua solemnitate lætificas: concède propitius; ut quorum natalitia colimus, etiam actiones imitemur. Per Dominum.

DIE XX. JULII.

In festo B. V. Mariæ de Monte Carmelo, Missa sumatur ex die 16. hujus Mensis: & in ea fit commemor. S. Margaritæ virg. & mart. in Missali.

DIE XXIII. JULII.

In festo S. Apollinaris Episc. & mart. Missa dicitur ut in Missali sub hac die:

die: & in Missis privatis tantum fit
commem. S. Liborii Episcopi & Con-
fessoris, & non dicitur Credo.

FESTA SEPTEMBRIS.

DIE VII. SEPTEMBRIS.

In festo S. Joannis de Laude Episcopi
& Confessoris nostræ Congregationis,
Missæ. Sacerdotes tui. de Communi
Confessoris Pontificis.

FESTA OCTOBRIS.

DIE XVII. OCTOBRIS.

In festo S. Dominici Loricati Confess.
nostræ Congregationis, Missæ. Iustus
ut palma. de Communi Confess. non
Pontificis.

DIE XX. OCTOBRIS.

In festo S. Hedvigis Ducissæ Polo-
niæ, Missæ sumitur ex die 17. hujus
Mensis.

FESTA NOVEMBRIS.

DIE XV. NOVEMBRIS.

In festo SS. martyrum Matthæi, Isaac,
& Christini, nostræ Congregationis,

Missæ. Sapiëntiam Sanctorum. de
Communi plurimorum Martyrum.

DIE XVI. NOVEMBRIS.

In festo SS. Joannis, & Benedicti mart.
nostræ Congregationis, Missæ. Multæ
tribulationes justorum. ut in festo san-
ctorum Joannis & Pauli 26. Junii, excepta
Oratione, quæ est, Deus, qui nos annua.
de Communi Martyrum, & A lleluja. Te
Martyrum. de eodem Communi.

FESTA DECEMBRIS.

DIE I. DECEMBRIS.

In festo S. Martini Papæ & martyris,
Missæ sumatur ex die 15. Novembris in
Missali: & si fuerit in Adventu, fit
commemor. Feriæ.

DIE V. DECEMBRIS.

In festo S. Didaci Conf. Missæ sumatur
ex die 16. Novembris in Missali: & fit
commem. Feriæ, ac S. Sabbæ Abbatis.

DIE X. DECEMBRIS.

In festo Translationis Almæ Domus
Lauretanae B. virginis Mariæ, Missæ ut
infra. fol. xxvi. pro Eremitis Montis
Coronæ tantum.



COMMUNE SANCTORUM.

IN VIGILIA UNIUS APOSTOLI.

Introitus. Psalm. 51.



Go autem sicut oliva fructifera in domo Domini, speravi in misericordia Dei mei: & expectabo nomen tuum, quoniam bonum est ante conspectum sanctorum tuorum. Psalm. ibid. Quid gloriaris in malitia, qui potens es in iniquitate?

Glória Patri, & Filio, &c.

Oratio.

DA, quæsumus omnipotens Deus, ut beati N. Apostoli tui, quam prævenimus, veneranda sollemnitas, & devotionem nobis augeat, & salutem. Per Dominum nostrum.

Lectio libri Sapientiae. Eccli. 44.

Benedictio Domini super caput iusti. Ideo dedit illi Dominus hæreditatem: & divisit illi partem in tribus duodecim: & invenit gratiam in conspectu omnis carnis. Et magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriâ suam. In fide & lenitate ipsius sanctum fecit illum, & elegit eum ex omni carne. Et dedit illi coram præcepta, & legem vitæ & disciplinæ: & excelsum fecit illum. Statuit ei testamentum æternum, & circumcinxit eum zona iustitiæ, & induit eum Dominus coronam gloriæ.

Graduale. Psalm. 91. Iustus ut palma florebit: sicut cedrus Libani multiplicabitur in domo Domini. Ad annuntiandum manè misericordiam tuam, & veritatem tuam per noctem.

Miss.



Sequentia sancti Evangelii secundum Joannem. Joann. 15.

IN illo tempore: Dixit Jesus discipulis suis: Hoc est præceptum meum, ut diligatis invicem, sicut dilexi vos. Maiorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quæ ego præcipio vobis. Jam non dicam vos servos: quia servus nescit quid faciat dominus ejus. Vos autem dixi amicos: quia omnia quaecumque audivi à Patre meo, nota feci vobis. Non vos me elegistis: sed ego elegi vos, & posui vos, ut eatis, & fructum afferatis, & fructus vester maneat: ut quodcumque petieritis Patrem in nomine meo: det vobis.

Offertorium. Psalmus 8. Glória & honore coronasti eum: & constituisti eum super opera manuum tuarum, Domine. Secreta.

Apostolici reverentia culminis offerentes tibi sacra mysteria, Domine quæsumus: ut beati N. Apostoli tui suffragiis, cujus natalitia prævenimus; plebs tua semper, & sua vota deprecatur, & desiderata percipiat. Per Dominum nostrum.

Communio. Psalm. 20. Magna est gloria ejus in salutari tuo: gloriâ & magnum decorem impones super eum, Domine.

Postcommunio.

Sancti Apostoli tui N. quæsumus, Domine, supplicatione placatus, & veniam nobis tribue, & remedia sempiterna concede. Per Dominum.

In festis Apostolorum & Evangelistarum, omnia ut suis locis in Proprio Sanctorum.

a COM.

COMMUNE UNIUS

Martyris Pontif. Introitus. Eccl. 45.



Tátuit ei Dóminus testa-
méntum pacis, & prin-
cipem fecit eum: ut sit illi
sacerdotii dignitas in ætér-
num. **Psal. 131.** Meménto
Dómine David: & omnis
mansuetúdinis ejus.

v. Glória Patri.

Oratio.

Infirmítatem nostram respice omni-
potens Deus: & quia pondus propriæ
actiónis gravat, beáti **N.** mártiris tui
atque Pontificis intercésio gloriósa nos
próteget. Per Dóminum.

Lectio Epístolæ beáti Jacóbi Apóstoli.

Jacobi 1. b

Charíssimi, Beátus vir, qui suffert
tentatióem: quóniam cū probá-
tus fúerit, accípiet corónam vitæ, quam
repromísit Deus diligéntibus se. Nemo
cū tentátur, dicat quóniam à Deo ten-
tátur: Deus enim intentátor malórum
est: ipse autem néminem tentat. Unus-
quisque verò tentátur à concupiscéntia
sua abstráctus, & illéctus. Deínde con-
cupiscéntia cū concéperit, parit peccá-
tum: peccátum verò cū consummátum
fúerit, génerat mortem. Nolíte itaque
erráre, fratres mei dilectíssimi. Omne da-
tum óptimum, & omne donum perfectú
desúrsum est, descéndens à Patre lúmi-
num, apud quem non est transmutátio,
nec vicissitúdinis obumbrátio. Voluntá-
riè enim génuít nos verbo veritátis, ut
simus inítium áliquod creatúræ ejus.

Graduale. Psalm. 88. Inveni David ser-
vum meum, óleo sancto meo unxi eum:
manus enim mea auxiliábitur ei, &
bráchium meum confortábit eum.

v. Nihil proficiet inimícus in eo, &
filius iniquitátis non nocébit ei.

Allelúja, allelúja. v. Psalm. 109. Tu es
Sacerdos in ætérnum secúndum órdi-
nem Melchisedech. Allelúja.

Post Septuagesimam, omíssis Allelúja,
& Versu sequenti, dicitur Tractus.

Psalms 20. Desidérium animæ ejus
tribuísti ei: & voluntáte labiórum ejus
non fraudásti eum.

v. Quóniam prævenísti eum in benedi-
ctiónibus dulcédinis. v. Posuísti in cá-
pite ejus corónam de lapide pretióso.



Sequéntia sancti Euangélii secún-
dum Lucam. **Lucæ 14.**

In illo témpore: Dixit Jesus turbis:
Si quis venit ad me, & non odit pa-
trem suum, & matrem, & uxórem,
& filios, & fratres, & soróres, adhuc au-
tem & ánimam suam, non potest meus
esse discípulus. Et qui non bájulat cru-
cem suam, & venit post me, non potest
meus esse discípulus. Quisenim ex vobis
volens turrim ædificáre, non prius sedens
cómputat sumptus, qui necesárii sunt,
si hábeat ad perficiéndum; ne, postea-
quam posúerit fundaméntum, & non
potúerit perficere, omnes qui vident,
incipiant illúdere ei, dicéntes: Quia
hic homo coepit ædificáre, & non potuit
consummáre? Aut quis rex itúrus com-
mittere bellum advérsus álium regem,
non sedens prius cógitat, si possit cum
decem millibus occurrere ei, qui cum
viginti millibus venit ad se? alióquin
adhuc illo longè agente, legatióem
mittens, rogat ea quæ pacis sunt. Sic
ergo omnis ex vobis, qui non renún-
tiat ómnibus quæ pössidet, non potest
meus esse discípulus.

Offertor. Psalm. 88. V éritas mea, & miseri-
córdia mea cum ipso: & in nómine meo
exaltábitur cornu ejus. **Secreta.**

Hostias tibi Dómine, beáti **N.** már-
tyris tui atque Pontificis dicátas
méritis, benígnus assúme: & ad per-
pétuum nobis tribue proveníre subsí-
dium. Per Dóminum nostrum.

Communio. ibid. Semel jurávi in sancto
meo: semen ejus in ætérnum manébit:
& sedes ejus sicut sol in conspéctu meo,
& sicut luna perfectá in ætérnum: & te-
stis in coelo fidélis. **Postcommunio.**

Refécti participatióne múnieris sa-
cri, quæsumus Dómine Deus no-
ster; ut, cujus exéquimur cultum, in-
tercedénte beáto **N.** mártire tuo, at-
que Pontífice, sentiámus efféctum.
Per Dóminum nostrum.

DE EODEM COMMUNI

alia Missa.

Introitus.

Dan. 3.



Acerdotes Dei benedicite
Dóminum: Sancti & hú-
miles corde laudáte Deum.
Dan. ibid. Benedicite óm-
nia ópera Dómini Dó-
mino: laudáte & super-
exaltáte eum in sæcula.

Glória Patri.

Oratio.

Deus, qui nos beáti mártiris tui
atque Pontificis ánnua solemnitá-
te lætíficas: concéde propítius; ut cujus
natalítia cólimus, de ejúsdem étiam pro-
tectióne gaudeámus. Per Dóminum.

Lectio Epístolæ beáti Pauli Apóstoli
ad Corinthios.

2. Cor. 1.

Fratres, Benedíctus Deus; & Pater
Dómini nostri Jesu Christi, Pater
misericordiárum, & Deus totíus conso-
latiónis, qui consolátur nos in omni tri-
bulatióne nostra: ut possimus & ipsi con-
soláre eos, qui in omni pressúra sunt, per
exhortatióem, qua exhortámur & ipsi
à Deo. Quóniam sicut abúndant passi-
ones Christi in nobis: ita & per Christum
abúndat consolatió nostra. Sive autem
tribulamur pro vestra exhortatióne &
salúte, sive consolámur pro vestra conso-
latiόne, sive exhortámur pro vestra ex-
hortatiόne & salúte, quæ operátur tole-
rántiam earúmdem passiónum, quas &
nos pátimur: ut spes nostra firma sit pro
vobis: sciéntes, quòd sicut sócii passió-
num estis, sic éritis & consolatiónis:
in Christo Jesu Dómino nostro.

Graduale. Psalm. 8. Glória & honóre
coronásti eum. **Ps.** Et constituísti eum
super ópera mánuum tuárum, Dó-
mine. **Allelúja, allelúja.**

Ps. Hic est sacerdos, quem coronávit
Dóminus. **Allelúja.**

**Post Septuagesimam, omissis Allelúja,
& Versu sequenti, dicitur Tractus.**

Psalm. 111. Beátus vir, qui timet Dó-
minum: in mandátis ejus cupit nimis.

Ps. Potens in terra erit semen ejus:
generatió rectórum benedicétur.

Ps. Glória & divítiae in domo ejus: &
justítia ejus manet in sæculum sæculi.



Sequéntia sancti Euangélíi secún-
dum Matthæum. **Matth. 16. d**

In illo témpore: Dixit Jesus discípulis
suis: Si quis vult post me veníre, ab-
neget semetípsum, & tollat crucem
suam, & sequátur me. Qui enim volúerit
ánimam suam salvam fácere, perdet
eam. Qui autem perdíderit ánimam
suam propter me, invéniet eam. Quid
enim prodest hómini, si mundum uni-
vérsum lucrétur, ánimæ verò suæ detri-
méntum patiátur? Aut quam dabit ho-
mo commutatióem pro ánima sua? Fí-
lius enim hóminis ventúrus est in glória
Patris sui cum Angelis suis: & tunc red-
det unicuique secúndum ópera ejus.

Offertorium. Psalm. 88. Inveni David ser-
vum meum, óleo sancto meo unxi eum:
manus enim mea auxiliábitur ei, & brá-
chium meum confortábit eum. **Secreta.**

Munera tibi, Dómine, dicáta san-
ctífica: & intercedénte beáto **N.**
mártire tuo atque Pontífice, per éadem
nos placátus inténde. Per Dóminum.

Communio. Psalm. 20. **P**osuísti Dómi-
ne in cápite ejus coronam de lapide pre-
tíoso. **Postcommunio.**

Hæc nos commúnio, Dñe, purget à
crímíne: & intercedénte beáto **N.**
mártire tuo atque Pontífice, coeléstis re-
médií fáciat esse consórtes. Per Dñm.

**Epístolæ & Euangelia pro Pontífice
& Mártire assignata, legi possunt etiam
pro Mártire non Pontífice: & quæ in-
frà de Mártire non Pontífice habentur,
etiam pro Mártire Pontífice. Et simili-
ter quæ in una Missa de eodem Com-
muni ponuntur, dici possunt in aliis
Missis de eodem Communi.**

COMMUNE UNIUS

Mart. non Pontif. Introitus. Psalm. 20.



Dñe virtúte tua, Dómine,
lætábitur justus: & super
salutáre tuum exultábit
veheménter: desidérium
ánimæ ejus tribuísti ei.

Psalm. ibid. Quóniam præ-
venísti eum in benedictiόnibus dulcédi-
nis:

nis: posuisti in capite ejus coronam de lapide pretioso. *Glória Patri.*

Oratio.

PRæsta quæsumus omnipotens Deus: ut quibetati *N.* martyris tui natalitia colimus, intercessione ejus in tui nominis amore roborémur. Per Dóminum.

Lectio libri Sapientiae. Sap. 10. b

Iustum deduxit Dóminus per vias rectas, & ostendit illi regnum Dei, & dedit illi scientiam Sanctorum: honestavit illum in laboribus, & complévit labores illius. In fraude circumvenientium illum affuit illi, & honestum fecit illum. Custodivit illum ab inimicis, & a seductoribus tutavit illum, & certamen forte dedit illi, ut vinceret, & sciret, quoniam omnium poténtior est sapientia. Hæc venditum iustum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & poténtiam adversus eos, qui eum deprimebant: & mendaces ostendit, qui maculaverunt illum: & dedit illi claritatem æternam, Dóminus Deus noster.

Graduale. Psal. 111. B eatus vir, qui timet Dóminum: in mandatis ejus cupit nimis.

Potens in terra erit semen ejus: generatio rectorum benedicetur. Allelúja, allel.

Psal. 20. Posuisti Dómine super caput ejus coronam de lapide pretioso. Allelúja.

Post Septuagesimam, omittis Allelúja, & Versu sequenti, dicitur Tractus.

Ibid. Desiderium animæ ejus tribulasti ei: & voluntate labiorum ejus non fraudasti eum. *Quoniam prævenisti eum in benedictionibus dulcedinis.*

Posuisti in capite ejus coronam de lapide pretioso.



Sequentia sancti Evangelii secundum Matthæum. Matth. 10. d

In illo tempore: Dixit Jesus discipulis suis: Nolite arbitrari, quia pacem venerim mittere in terram: non veni pacem mittere, sed gladium. Veni enim separare hominem adversus patrem suum: & filiam adversus matrem suam, &

nurum adversus socrum suam: & inimici hominis domestici ejus. Qui amat patrem, aut matrem plus quam me, non est me dignus. Et qui amat filium, aut filiam super me, non est me dignus. Et qui non accipit crucem suam, & sequitur me, non est me dignus. Qui invenit animam suam, perdet illam: & qui perdidit animam suam propter me, inveniet eam. Qui recipit vos, me recipit: & qui me recipit, recipit eum, qui me misit. Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet. Et quicumque potum dederit uni ex minimis istis calicem aquæ frigidæ tantum in nomine discipuli: amen dico vobis, non perdet mercedem suam.

Offertorium. Psal. 8. G lória & honore coronasti eum: & constituisti eum super opera manuum tuarum, Dómine.

Secreta.

Muneribus nostris, quæsumus Dómine, precibusque susceptis: & coelestibus nos munda mysteriis, & clementer exaudi. Per Dóminum.

Communio. Matth. 16. Q ui vult venire post me, abneget semetipsum: & tollat crucem suam, & sequatur me.

Postcommunio.

DA, quæsumus Dómine Deus noster: ut sicut tuorum commemoratione sanctorum temporali gratulamur officio: ita perpétuo lætemur aspectu. Per Dóminum nostrum.

DE EODEM COMMUNI

alia Missa.

Introitus. Psal. 62.



Etabitur iustus in Dómino, & sperabit in eo: & laudabuntur omnes recti corde. *Psal. ibid. E* xaudi Deus orationem meam cum deprecor: a timore inimici eripe animam meam.

Glória Patri.

Oratio.

PRæsta quæsumus omnipotens Deus: ut intercedente beato *N.* martyre tuo, & a cunctis adversitatibus liberémur.

Commune unius Martyris non Pontificis.

remur in corpore, & à pravis cogitationibus mundemur in mente. Per Dominum nostrum.

Lectio Epistolæ beati Pauli Apostoli ad Timotheum. **2. Tim. 2. b**

Charissime, memor esto, Dominum Jesum Christum resurrexisse à mortuis ex semine David secundum Evangelium meum, in quo laboro usque ad vincula, quasi malè operans: sed verbum Dei non est alligatum. Ideò omnia sustineo propter electos: ut & ipsi salutem consequantur, quæ est in Christo Jesu cum gloria coelæsti. Tu autem affecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passionem: quæ mihi facta sunt Antiochiæ, Iconii, & Lystris: quales persecutiones sustinui, & ex omnibus eripuit me Dominus. Et omnes qui piè volunt vivere in Christo Jesu, persecutionem patientur.

Graduale. Psal. 36. Justus cum ceciderit, non collidetur: quia Dominus supponit manum suam. **Ps.** Tota die miseretur, & commodat: & semen ejus in benedictione erit. **Allelúja, allelúja.**

Joann. 8. Qui sequitur me, non ambulat in tenebris, sed habebit lumen vitæ æternæ. **Allelúja.**

Post Septuagesimam, omittis Allelúja, & Versu sequenti, dicitur Tractus. Psalm. 111. Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Gloria & divitiæ in domo ejus: & justitia ejus manet in sæculum sæculi.

Sequentia sancti Evangelii secundum Matthæum. Matth. 10. c

In illo tempore: Dixit Jesus discipulis suis: Nihil est opertum, quod non revelabitur: & occultum, quod non sciatur. Quod dico vobis in tenebris dicite in lumine: & quod in aure auditis, prædicite super tecta. Et nolite timere eos, qui occidunt corpus, animam autem non possunt occidere: sed potius timeate eum, qui potest & animam & corpus perdere

Miss.

in gehennam. Nonne duo passeret assere videntur, & unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere: multis passeribus meliores estis vos. Omnis ergo, qui confitebitur me coram hominibus, confitebor & ego eum coram Patre meo, qui in coelis est.

Offertorium. Psalm. 20. Posuisti Domine in capite ejus coronam de lapide pretioso: vitam petiit à te, & tribuisti ei, allelúja.

Secreta.

Accepta sit in conspectu tuo Domine, nostra devotio: & ejus nobis fiat supplicatione salutaris, pro cuius solemnitate defertur. Per Dominum.

Communio. Joann. 12. Qui mihi ministrat, me sequatur: & ubi sum ego, illic & minister meus erit.

Postcommunio.

Refecti participatione muneris sacri, quaesumus Domine Deus noster: ut cuius exequimur cultum, intercedente beato **N.** martyre tuo, sentiamus effectum. Per Dominum.

Item aliæ Epistolæ & Evangelium in Comuni unius Martyris.

Lectio Epistolæ beati Jacobi Apostoli. **Jacobi 1.**

Charissimi, Omne gaudium existimate, cum in tentationes varias incidetis: scientes quod probatio fidei vestrae patientiam operatur. Patientia autem opus perfectum habet: ut sitis perfecti & integri, in nullo deficientes. Si quis autem vestrum indiget sapientia, postulet à Deo, qui dat omnibus affluenter, & non improperat: & dabitur ei. Postulet autem in fide nihil hæsitans: qui enim hæsitat, similis est fluctui maris, qui à vento movetur, & circumfertur. Non ergo aestimet homo ille quod accipiat aliquid à Domino. Vir duplex animo, inconstans est in omnibus viis suis. Gloriatur autem frater humilis in exaltatione sua: dives autem in humilitate sua, quoniam sicut flos foeni transibit: exortus est enim sol cum ardore, & arefecit foenum, & flos ejus decidit, & decor vultus ejus depériit: ita & dives in

a 3

iti-

itinéribus suis marcescet. Beatus vir, qui suffert tentationem: quoniam cum probatus fuerit, accipiet coronam vitæ, quam repromisit Deus diligentibus se.

Epistola. Communicantes Christi passionibus. **habetur in festo SS. Gervasii & Protasii martyrum, xix. Junii.**

Euangelium. Nisi granum frumenti. **habetur in festo S. Laurentii, x. Augusti.**

COMMUNE MARTYRUM tempore Paschali.

Pro uno Martyre. Introitus. Psal. 63.



Rotexisti me Deus à conventu malignantium, allelúja: à multitudine operantium iniquitatem, allelúja, allelúja **Psal. ibid.** Exaudi Deus orationem meam cum deprecor: à timore inimici eripe animam meam. **V. Gloria Patri.**

Pro Martyre & Pontifice, Oratio.

Infirmi-tatem nostram respice omnipotens Deus: & quia pondus propriæ actionis gravat, beati **N.** martyris tui atque Pontificis intercessio gloriósa nos proté-gat. Per Dóminum.

Pro Martyre & Pontifice, alia Oratio.

Deus, qui nos beati **N.** martyris tui atque Pontificis annua solemnitate lætificas: concède propitius; ut cujus natalitia cõlimus, de ejusdem etiam protectione gaudeamus. Per Dóminum.

Pro Martyre tantum, Oratio.

Præsta quæsumus omnipotens Deus: ut qui beati **N.** martyristui natalitia cõlimus, intercessione ejus in tui nominis amore roborémur. Per Dóminum.

Pro Martyre tantum, alia Oratio.

Præsta quæsumus omnipotens Deus: ut intercedente beato **N.** martyre tuo, & à cunctis adversitatibus liberémur in corpore, & à pravis cogitationibus mundémur in mente. Per Dóminum.

Lectio libri Sapientiae. Sap. 5.

Stabunt justi in magna constantia adversus eos, qui se angustiaverunt, & qui abstulerunt labores eorum. Videntes turbabuntur timore horribili, & mirabuntur in subitatione insperatæ salutis;

dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos insensati vitam illorum æstimabamus insaniam, & finem illorum sine honore: ecce quomodo computati sunt inter filios Dei, & inter Sanctos fors illorum est.

Vel Epistola beati Pauli Apostoli ad Timotheum. Memor esto. ut supra in Communi unius Martyris extra tempus Paschale. fol. v.

Allelúja, allelúja. **V. Psalm. 88.** Confitebuntur cœli mirabilia tua Dómine: etenim veritatem tuam in Ecclesia sanctorum. Allelúja. **V. Psalmus 20.** Posuisti Dómine super caput ejus coronam de lapide pretioso. Allelúja.

Sequentia sancti Euangelii secundum Joannem. **Joann. 15.**

In illo tempore: Dixit Jesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum à semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet, & colligent eum, & in ignem mittent, & ardet. Si manseritis in me, & verba mea in vobis manserint: quodcunque volueritis, petetis, & fiet vobis.

Offertorium. Psalm. 88. Confitebuntur cœli mirabilia tua Dómine, & veritatem tuam in Ecclesia sanctorum, allelúja, allelúja.

Pro Martyre & Pontifice, Secreta.

Hostias tibi, Dómine, beati **N.** martyris tui atque Pontificis dicatas meritis, benignus assume: & ad perpetuum nobis tribue provenire subsidium. Per Dóminum.

Pro

Pro Martyre & Pontifice, alia Secreta.

MUnera tibi Dómine, dicata sanctifica: & intercedente beato **N.** martyre tuo atque Pontifice: per eadem nos placatus inténde. Per Dóminum.

Pro Martyre tantum, Secreta.

MUnéribus nostris, quæsumus Dómine, precibusque susceptis: & coeléstibus nos munda mystériis, & cleménter exáudi. Per Dóminum.

Pro Martyre tantum, alia Oratio.

Accépta sit in conspéctu tuo Dómine, nostra devótio: & ejus nobis fiat supplicatióne salutáris, pro cujus solemnitate defertur. Per Dóminum.

Communio. Psal. 63. Lætábitur justus in Dómino, & sperábit in eo: & laudabúntur omnes recti corde, allelúja, allelúja.

Pro Martyre & Pontifice,**Postcommunio.**

Refécti participatióne múnieris sacri, quæsumus Dómine Deus noster: ut cujus exéquimur cultum, intercedente beato **N.** martyre tuo, atque Pontifice, sentiámus effectum. Per Dóminum nostrum.

Pro Martyre & Pontifice, alia**Postcommunio.**

Hæc nos communio, Dómine, purget à crimine: & intercedente beato **N.** martyre tuo, atque Pontifice, coeléstis remédii fáciat esse consórtes. Per Dóminum.

Pro Martyre tantum, Postcommunio.

DA, quæsumus, Dómine Deus noster: ut, sicut tuórum commemoratióne sanctórum, temporáli gratulamur officio; ita perpétuo lætemur aspéctu. Per Dóminum.

Pro Martyre tantum, alia**Postcommunio.**

Refécti participatióne múnieris sacri, quæsumus, Dómine Deus noster: ut cujus exéquimur cultum, intercedente beato **N.** martyre tuo, sentiámus effectum. Per Dóminum.

Epístola & Evangelium supradictæ Missæ dicuntur etiam in sequenti Missa: & quæ in sequenti habentur, dici possunt in superiori.

DE PLURIBUS MARTYRIBUS tempore Paschali.**Introitus. Psal. 144.**

Sancti tui Dómine benedícent te: glóriam regni tui dicent, allelúja, allelúja.

Psal. ibid. Exaltábo te Deus meus rex, & benedícam nómini tuo in sæculum,

& in sæculum sæculi. **Ps.** Glória Patri.

Pro pluribus Martyribus Pontificibus, Oratio.

Beatórum mátyrum, paritérque Pontificum **N.** & **N.** nos, quæsumus Dómine, festa tueántur: & eórum comméndet orátio veneránda. Per Dóminum nostrum.

Pro pluribus Martyribus tantum, Oratio.

Deus, qui nos concédís sanctórum mátyrum tuórum **N.** & **N.** natalitia cólere: da nobis in æténa beatitúdine de eórum societáte gaudére. Per Dóminum nostrum.

Pro pluribus Martyribus, alia Oratio.

Deus, qui nos ánnua sanctórum mátyrum tuórum **N.** & **N.** solemnitate lætíficas: concéde propítius; ut quorum gaudémus méritis, accendámur exémplic. Per Dóminum.

Léctio Epístolæ beáti Petri Apóstoli.

1. Petri 1.

Benedíctus Deus, & Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectióne Jesu Christi ex mórtuis, in hæreditátem incorruptibilem, & incontaminátam, & immarcescibilem, conservátam in coelis in vobis, qui in virtúte Dei custodímini per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatiónebus: ut probatio vestræ fidei multò pretiósior auro (quod per ignem probáitur) inveniátur in laudem, & glóriam, & honórem in revelatióne Jesu Christi Dómini nostri.

Allelúja, allelúja. **Ps.** Sancti tui Dómi-

ne florébunt sicut lílium, & sicut odor bálsami erunt ante te. Allelúja.

Psalm. 115. Pretiósá in conspéctu Dómini mors sanctorum ejus. Allelúja.

Sequéntia sancti Euangélii secúndum Joánnem. *Joann. 15.*

In illo témpore: Dixit Iesus discipulis suis: Ego sum vitis, vos pálmities: qui manet in me, & ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, & aréscet, & cólligente eum, & in ignem mittent, & ardet. Si manséritis in me, & verba mea in vobis mánserint: quodcúmque voluéritis, petétis, & fiet vobis. In hoc clarificátus est Pater meus, ut fructum plúrimum afferátis, & efficiámini mei discipuli. Sicut diléxit me Pater, & ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut & ego Patris mei præcépta servávi, & máneo in ejus dilectióne. Hæc locútus sum vobis, ut gáudium meum in vobis sit, & gáudium vestrum impleátur.

Offertorium. Psalm. 31. Lætámini in Dómino, & exultáte iusti, & gloriámini omnes recti corde, allelúja, allelúja.

Pro pluribus Martyribus Pontificibus, Secreta.

Adésto Dómine supplicatióibus nostris, quas in Sanctorum tuorum commemoratióne deférimus, ut qui nostræ justitiæ fidúciā non habémus, eorum, qui tibi placuérunt, méritis adjuvémur. Per Dóminum.

Pro pluribus Martyribus tantum, Secreta.

MUnera tibi, Dómine, nostræ devotiónis offerimus, quæ & pro tuorum tibi grata sint honóre iustorum, & nobis salutária, te miseránte, reddántur. Per Dóminum.

Pro pluribus Martyribus, alia Secreta.

Oblátis, quæsumus Dómine, placáre munéribus: & intercedéntibus sanctis martyribus tuis *N. & N.* á cunctis nos defénde periculis. Per Dóminum nostrum.

Communio. Psalm. 32. Gaudéte iusti in Dómino, allelúja: rectos decet colaudatió, allelúja.

Pro pluribus Martyribus Pontificibus, Postcommunio.

Quæsumus Dómine, salutáribus repléti mystériis; ut, quorum solémnia celebrámus, eorum oratióibus adjuvémur. Per Dóminum.

Pro pluribus Mart. tantum, Postcomm.

Præsta nobis, quæsumus Dómine, intercedéntibus sanctis martyribus tuis *N. & N.* ut, quod ore contingimus, pura mente capiámus. Per Dóminum.

Pro pluribus Mart. alia Postcommunio.

Hæc nos commúnio, Dómine, purget á crimine: & intercedéntibus sanctis martyribus tuis *N. & N.* coeléstis remédii fáciat esse consórtes. Per Dñm.

In Communi Martyrum tempore Paschali, alia Epistola & Euangelium.

Epistola. Post hæc ego Joánnes. habetur in festo SS. Soteris & Caji Pontificum & martyrum, xxii. Aprilis. Euangelium. Amen, amen dico vobis: quia plorábitis. habetur in festo S. Aniceti Papæ & martyris, xvii. Aprilis.

In Communi Confessorum, & Virginum, & in aliis Missis tempore Paschali, omnia dicuntur ut infra, addito in Introitu ante Psalmum duplici Allelúja, & in fine Offertorii, & Communionis unum Allelúja, ubi non habetur, & omisso Graduali, dicuntur duo Versus cum quatuor Allelúja, ut suis locis ponitur.

COMMUNE PLURIMORUM
Martyrum extra tempus Paschale.

Introitus. Psalm. 78.



Ntret in conspéctu tuo, Dómine, gémitus compeditórum: redde vicinis nostris séptuplum in sinu eorum: víndica sánguinem Sanctorum tuorum, qui effúsus est.

Psalm. ibid. Deus, venérunt Gentes in hæreditatem tuam, polluérunt templum sanctum tuum: posuérunt Jerúsalem in pomórum custódiam.

Glória Patri, & Filio, &c.

Pro

Pro pluribus Martyribus Pōtific. Oratio.

Beatōrum mārtyrum, paritēque Pontificum **N. & N.** nos, quæsumus Dōmine, festa tueāntur: & eōrum commēdet oratio venerāda. Per Dōminum nostrum.

Si non fuerint Pontifices, dicitur Oratio ut in sequenti Missa.

Lectio libri Sapientiae.

Sap. 3.

Iustōrum animæ in manu Dei sunt, & non tanget illos tormentum mortis. Visi sunt oculis insipientium mori: & æstimata est afflictio exitus illōrum: & quod à nobis est iter, exterminium: illi autem sunt in pace. Et si coram hominibus tormenta passi sunt, spes illōrum immortalitate plena est. In paucis vexati, in multis benè disponētur, quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illōrum. Fulgebunt iusti, & tamquam scintillæ in arundinato discurrent. Judicabunt nationes, & dominabuntur populis, & regnabit Dōminus illōrum in perpetuum.

Graduale. Exod. 15. Gloriosus Deus in sanctis suis: mirabilis in maiestate, faciens prodigia. **V.** Dextera tua, Dōmine, glorificata est in virtute: dextera manus tua confrēgit inimicos. **A.** Allelūja, allelūja.

V. Eccli. 44. Corpora sanctorum in pace sepulta sunt: & nomina eōrum vivent in generatione & generationem. Allelūja.

Post Septuagesimam, omittis Allelūja, & Versu sequenti, dicitur Tractus.

Psal. 125. Qui seminant in lacrymis, in gaudio metent. **V.** Eūntes ibant & flebant, mittētes semina sua.

V. Venientes autem venient cum exultatione, portantes manipulos suos.



Sequentia sancti Evangelii secundum Lucam.

Lucæ 21. c.

In illo tempore: Dixit Iesus discipulis suis: Cū audieritis praelia, & seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem,

& regnum adversus regnum. Et terræ motus magnierunt per loca, & pestilentia, & fames, terrorēque de cœlo, & signa magna erunt. Sed ante hæc omnia injicient vobis manus suas, & persequētur, tradētes in synagogas & custodias, trahētes ad reges & præsides propter nomen meum: contīget autem vobis in testimonium. Pōnite ergo in cordibus vestris non præmeditari quemadmodum respondeatis. Ego enim dabo vobis os & sapientiam, cui non poterunt resistere & contradicere omnes adversarii vestri. Tradēmini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offertorium. Psal. 67. Mirabilis Deus in sanctis suis: Deus Israel ipse dabit virtutem, & fortitudinem plebi suæ: benedictus Deus, allelūja. **Secreta.**

Adesto Dōmine supplicationibus nostris, quas in sanctorum tuorum commemoratione deferimus; ut, qui nostræ justitiæ fiduciam non habemus, eōrum qui tibi placuerunt, meritis adjuvemur. Per Dōminum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Quæsumus Dōmine, salutaribus repleti mysteriis: ut quorum solēnnia celebrāmus, eōrum orationibus adjuvemur. Per Dōminum.

DE EODEM COMMUNIALIA MISSA. Introitus. Eccli. 44.



Sapientiam sanctorum narrent populi: & laudes eōrum nūntiet Ecclesia: nomina autem eōrum vivent in sæculum sæculi.

Psal. 32. Exultate iusti in

Dōmino: rectos decet collaudatio.

V. Glória Patri, &c.

Ora-

Oratio.

DEus, qui nos concedis sanctorum
martyrum tuorum **N. & N.** nata-
lita colere: da nobis in aeterna bea-
titudine de eorum societate gaudere.
Per Dominum nostrum.

*Si fuerint Pontifices, dicitur Oratio
præcedentis Missæ: quod & in se-
quentibus fervetur.*

Lectio libri Sapientiae.

Sap. 5. c

Iusti autem in perpetuum vivent, &
apud Dominum est merces eorum, &
cogitatio illorum apud Altissimum. Ideo
accipient regnum decoris, & diadema spe-
ciei de manu Domini: quoniam dextera
sua teget eos, & brachio sancto suo defen-
det illos. Accipiet armaturam zelus illius,
& armabit creaturam ad ultionem inimi-
corum. Induet pro thorace iustitiam: &
accipiet pro galea iudicium certum. Su-
met scutum inexpugnabile æquitatem.

Graduale. Psal. 123. A nima nostra, sicut
passer, erepta est de laqueo venantium.

ψ. Laqueus contritus est, & nos liberati
sumus: adiutorium nostrum in nomine
Domini, qui fecit coelum & terram.

*A*lleluya, alleluya.

ψ. Psal. 67. Iusti epulentur, & exul-
tent in conspectu Dei: & delectentur
in lætitia. Alleluya.

*Post Septuagesimam, omissis Alleluya,
& Versu sequenti, dicitur Tractus.*

Psal. 125. Qui seminant in lacrymis,
in gaudio metent. *ψ.* Euntes ibant, &
flebant, mittentes semina sua.

ψ. Venientes autem venient cum exul-
tatione, portantes manipulos suos.



*S*equentia sancti Evangelii secun-
dum Lucam.

Luc. 6. c

In illo tempore: Descendens Iesus de
monte, stetit in loco campestri, &
turba discipulorum ejus, & multitudo
copiosa plebis ab omni Judæa, & Jerusa-
lem, & maritima, & Tyri, & Sidonis, qui
venerant ut audirent eum, & sanarentur
a languoribus suis. Et qui vexabantur a
spiritibus immundis, curabantur. Et
omnis turba quærebat eum tangere: quia
virtus de illo exibat, & sanabat omnes. Et

ipse elevatis oculis in discipulos suos,
dicebat: Beati pauperes: quia vestrum
est regnum Dei. Beati, qui nunc esu-
ritis: quia saturabimini. Beati, qui nunc
fletis: quia ridebitis. Beati eritis cum
vos oderint homines, & cum separave-
rint vos, & exprobraverint: & ejece-
rint nomen vestrum tamquam malum,
propter Filium hominis. Gaudete in il-
la die, & exultate: ecce enim merces
vestra multa est in coelo.

Offertorium. Psal. 149. Exultabunt
sancti in gloria, lætabuntur in cubili-
bus suis: exaltationes Dei in faucibus
eorum, alleluya.

Secreta.

Munera tibi, Domine, nostræ de-
votionis offerimus: quæ & pro
tuorum tibi grata sint honore iusto-
rum; & nobis salutaria, te miserante,
reddantur. Per Dominum.

Communio. Luc. 12. Dico autem vobis
amicis meis: Ne terreamini ab his, qui
vos persequuntur.

Postcommunio.

Præsta nobis, quæsumus Domine,
intercedentibus sanctis martyribus
tuis **N. & N.** ut, quod ore contingimus,
pura mente capiamus. Per Dominum.

DE EODEM COMMUNI
alia Missa. Introitus. Psal. 36.



Alus autem iustorum a Dó-
mino: & protector eorum
est in tempore tribulatio-
nis. *Psal. ibid.* Noli æmu-
lari in malignantibus: ne-
que zelaveris facientes ini-

quitatem. *ψ.* Gloria Patri. *Oratio.*

DEus, qui nos annua sanctorum
martyrum tuorum **N. & N.** solem-
nitate lætificas: concede propitius; ut
quorum gaudemus meritis, accendá-
mur exemplis. Per Dominum.

*Lectio Epistolæ beati Pauli Apóstoli
ad Hebræos.*

Hebr. 10. f

Fratres, Rememoramini pristinos
dies, in quibus illuminati, magnum
certamen sustinuistis passionum: & in ál-
tero quidem opprobriis & tribulationi-
bus spectáculum facti: in áltero autem

socii

socii taliter conversantium effecti. Nam & vinetis compassi estis, & rapinam bonorum vestrorum cum gaudio suscepistis, cognoscentes vos habere meliorem, & manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Justus autem meus ex fide vivit.

Graduale. Psal. 33. Clamaverunt iusti, & Dominus exaudivit eos: & ex omnibus tribulationibus eorum liberavit eos. *¶* Juxta est Dominus his, qui tribulato sunt corde: & humiles spiritu salvabit. **Allelúja, allelúja.**

¶ Te Mártyrum candidatus laudat exercitus, Domine. **Allelúja.**

Post Septuagesimam, omittis Allelúja, & *¶* seq. dicitur Tractus. Psalm. 125. Qui seminant in lacrymis, in gaudio metent. *¶* Eúntes ibant & flebant, mittentes semina sua.

¶ Venientes autem venient cum exultatione, portantes manipulos suos.



Sequentia sancti Evangelii secundum Matthæum. Matth. 24.

In illo tempore: Sedente Jesu super montem Oliveti, accesserunt ad eum discipuli secreto, dicentes: Dic nobis, quando hæcerunt? & quod signum adventus tui, & consummationis sæculi? Et respondens Jesus, dixit eis: Videte ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis prælia, & opiniones præliorum. Videte ne turbemini. Oportet enim hæc fieri, sed nondum est finis. Consurget enim gens in gentem, & regnum in regnum, & erunt pestilentiae, & fames, & terræmotus per loca. Hæc autem omnia initia sunt dolorum. Tunc tradent vos in tribulationem, & occident vos: & eritis odio omnibus Gentibus propter nomen meum. Et nunc scandalizabuntur multi, & invicem tradent, & odio habebunt

invicem. Et multi pseudoprophetae surgent, & seducunt multos. Et quoniam abundavit iniquitas, refrigeret charitas multorum. Qui autem perseveraverit usque in finem, hic salvus erit.

Offertorium. Sap. 3. Justorum animæ in manu Dei sunt, & non tanget illos tormentum malitiæ: visi sunt oculis insipientium mori: illi autem sunt in pace, allelúja. **Secreta.**

Oblatis, quæsumus Domine, placare munéribus, & intercedéntibus sanctis martyribus tuis **N. & N.** à cunctis nos defende periculis. Per Dominum.

Communio. Matth. 10. Quod dico vobis in tenebris, dicite in lumine, dicit Dominus: & quod in aure auditis, prædicáte super tecta.

Postcommunio.

Hæc nos communio, Domine, purget à crimine: & intercedéntibus sanctis martyribus tuis **N. & N.** cœlestis remédii faciat esse consortes. Per Dominum nostrum.

¶ Item aliæ Epistolæ & Evangelia pro pluribus Martyribus.

Epistola. Reddedit Deus justis mercedem laborum suorum. **habetur in festo SS. Nazarii, Celsi &c. mart. xxviii. Julii.**

Epistola. Justificati ex fide. **habetur in festo SS. Marci & Marcelliani martyrum, xviii. Junii.**

Epistola. Non sunt condignæ passionés. **habetur in festo SS. Tryphonis & sociorum martyrum, x. Novembris.**

Epistola. Exhibeamus nosmetipsos. **habetur in festo SS. Abdon & Sennen martyrum, xxx. Julii.**

Epistola. Sancti per fidem. **habetur in festo SS. martyrum Fabiani & Sebastiani, xx. Januarii.**

Epistola. Respondit unus de seniores. **habetur in festo SS. mart. Mauritii & sociorum, xxii. Septembris.**

Evangelium. Videns Jesus turbas, ascendit. **habetur in festo Omnium Sanctorum, i. Novembris.**

Evangelium. Confiteor tibi Pater. **habetur in festo S. Francisci, iv. Octobris.**


Evangelium. Væ vobis, qui ædificatis. **ha-**

habetur in festo SS. Marci & Marcel-
liani martyrum, xviii. Junii.

Euangelium. Qui vos audit, habetur in
festo SS. martyri Viti & soc. xv. Junii.

Euangelium. Attēdite à fermento
Pharisæorum, habetur in festo SS. Dio-
nyssii & soc. martyrum, ix. Octobris.

**COMMUNE CONFESSORIS
Pontificis. Introitus. Eccli. 45.**



Statu it ei Dóminus testa-
mentum pacis, & princi-
pem fecit eum: ut sit illi
sacerdotii dignitas in ætér-
num. **Psal. 131.** Memén-
to Dómine David, &
omnis mansuetudinis ejus.

Glória Patri.

Oratio.

DA, quæsumus, omnipotens Deus;
ut beati **N.** Confessoris tui atque
Pontificis veneranda sollemnitas, & de-
votionem nobis augeat, & salutem.
Per Dóminum nostrum.

Lectio libri Sapientiae. Eccli. 44. c.

Ecce sacerdos magnus, qui in diebus
suis placuit Deo, & inventus est ju-
stus: & in tempore iracundiae factus est
reconciliatio. Non est inventus similis
illi, qui conservavit legem Excelsi. Ideo
jurejurando fecit illum Dóminus cresce-
re in plebem suam. Benedictionem om-
nium Géntium dedit illi, & testamen-
tum suum confirmavit super caput ejus.
Agnovit eum in benedictionibus suis:
conservavit illi misericordiam suam, &
invenit gratiam coram oculis Dómini.
Magnificavit eum in conspectu regum:
& dedit illi coronam glóriæ. Statuit
illi testamentum ætérnum: & dedit il-
li sacerdotium magnum: & beatificá-
vit illum in glória. Fungi sacerdotio,
& habere laudem in nómine ipsius,
& offerre illi incensum dignum, in
odorem suavitatis.

Graduale. Eccli. 44. Ecce sacerdos ma-
gnus, qui in diebus suis placuit Deo.

Ps. 109. Non est inventus similis illi, qui con-
servaret legem Excelsi. **Allelúja, allelúja.**

Ps. 109. Tu es sacerdos in ætérnum, se-
cundum ordinem Melchisedech. **Allelúja.**

Post Septuagesimam, omittis **Allelúja,**
& **Ps. seq.** dicitur **Tractus. Psalm. 111.**

Beatus vir, qui timet Dóminum: in
mandatis ejus cupit nimis.

Ps. Potens in terra erit semen ejus: ge-
neratio rectorum benedicetur.

Ps. Glória & divitiæ in domo ejus: &
justitia ejus manet in sæculum sæculi.

Tempore Paschali omittitur Graduale,
& ejus loco dicitur **Allelúja, allelúja.**

Ps. 109. Tu es sacerdos in ætérnum,
secundum ordinem Melchisedech. **Al-
lelúja. Ps.** Hic est sacerdos, quem co-
ronavit Dóminus. **Allelúja.**



**Sequentia sancti Evangelii secun-
dum Matthæum. Matth. 25.**

In illo tempore: Dixit Jesus discipulis
suis parabolam hanc: Homo peregre
proficiscens, vocavit servos suos, &
tradidit illis bona sua. Et uni dedit quin-
que talenta, alii autem duo, alii verò
unum, unicuique secundum propriam
virtutem, & profectus est statim. Abiit
autem qui quinque talenta acceperat, &
operatus est in eis, & lucratus est alia
quinque. Similiter & qui duo acceperat,
lucratus est alia duo. Qui autem unum
acceperat, abiens fodit in terram, & abs-
condit pecuniam domini sui. Post mul-
tum verò temporis venit dóminus servó-
rum illorum, & posuit rationem cum eis.
Et accedens qui quinque talenta accepe-
rat, obtulit alia quinque talenta, dicens:
Dómine, quinque talenta tradidisti mi-
hi, ecce alia quinque superlucratus sum.
Ait illi dóminus ejus: Euge serve bone &
fidélis, quia super pauca fuisti fidélis, su-
per multa te constituam, intra in gau-
dium domini tui. Accessit autem & qui
duo talenta acceperat, & ait: Dómine,
duo talenta tradidisti mihi, ecce alia duo
lucratus sum. Ait illi dóminus ejus:
Euge serve bone & fidélis, quia super
pauca fuisti fidélis, super multa te consti-
tuam, intra in gaudium domini tui.

Offertorium. Psal. 88. Inveni David ser-
vum meum, oleo sancto meo unxi eum:
manus enim mea auxiliabitur ei, & brá-
chium meum confortabit eum.

Se.

Secreta.


Sancti tui, quæsumus Domine, nos ubique lætificent: ut dum eorum merita recolimus, patrocina sentiamus. Per Dominum.

Communio. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram. *Postcommunio.*

Præsta quæsumus omnipotens Deus: ut de perceptis muneribus grâcias exhibentes, intercedente beato *N.* Confessore tuo atque Pontifice, beneficia potiora sumamus. Per Dominum.

DE EODEM COMMUNI

alia Missa. Introitus. Psalm. 131.



Acerdotes tui Domine, induant iustitiam, & sancti tui exultent: propter David servum tuum, non avertas faciem Christi tui.

Psalm. ibid. **M**emento Domine David, & omnis mansuetudinis ejus. *V.* Gloria Patri. *Oratio.*

Exaudi, quæsumus Domine, preces nostras, quas in beati *N.* Confessoris tui atque Pontificis solemnitate deferimus; & qui tibi dignè meruit famulari, ejus intercedentibus meritis, ab omnibus nos absolve peccatis. Per Dominum.

Lectio Epistolæ beati Pauli Apostoli ad Hebræos. *Hebr. 7. d*

Fratres, Plures facti sunt sacerdotes, idcirco quod morte prohiberentur permanere: Jesus autem eo quod maneat in æternum, sempiternum habet sacerdotium. Unde & salvare in perpetuum potest accedentes per semetipsum ad Deum, semper vivens ad interpellandum pro nobis. Talis enim decēbat, ut nobis esset Pontifex sanctus, innocens, impollutus, segregatus à peccatoribus, & excelsior cœlis factus. Qui non habet necessitatem quotidie, quemadmodum Sacerdotes, prius pro suis delictis hostias offerre, deinde pro populi. Hoc enim fecit semel, seipsum offerendo, Jesus Christus Dominus noster.

Graduale. Psal. 131. Sacerdotes ejus in-

duam salutari: & Sancti ejus exultatione exultabunt. *V.* Illuc producam cornu David: paravi lucernam Christo meo.

Allelûja, allelûja. *V. Psal. 109.* Juravit Dominus, & non poenitebit eum: Tu es sacerdos in æternum, secundum ordinem Melchisedech. Allelûja.

Post Septuagesimam, omittitur Allelûja, & Versu sequenti, dicitur Tractus.

Psalm. 111. Beatus vir, qui timet Dominum: in mandatis ejus cupit nimis. *V.* Potens in terra erit semen ejus: generatio rectorum benedicetur.

V. Gloria & divitiæ in domo ejus: & iustitia ejus manet in sæculum sæculi.

Tempore Paschali, omittitur Graduale, & ejus loco dicitur Allelûja, allelûja.

V. Psalm. 109. Juravit Dominus, & non poenitebit eum: Tu es sacerdos in æternum, secundum ordinem Melchisedech. Allelûja. *V. Eccli. 45.* Amavit eum Dominus, & ornavit eum: stolam gloriæ induit eum. Allelûja.



Sequentia sancti Evangelii secundum Matthæum. *Matth. 24. d*

In illo tempore: Dixit Jesus discipulis suis: Vigilate, quia nescitis, qua hora Dominus vester venturus sit. Illud autem scitote, quoniam si sciret paterfamilias, qua hora fur venturus esset, vigilet utique, & non sineret perfodi domum suam. Ideo & vos estote parati: quia, qua nescitis hora, filius hominis venturus est. Quis putas, est fidelis servus, & prudens, quem constituit Dominus suus super familiam suam, ut det illis cibum in tempore? Beatus ille servus, quem, cum venerit Dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Sancti *N.* Confessoris tui atque Pontificis, quæsumus Domine, annua sollemnitas pietatis tuæ nos reddat acceptos: ut per hæc piæ placationis officia, & illum beata retributio comitetur; &

nobis grátia tuæ dona concíliet. Per Dóminum nostrum.

Communio. *Matth. 24.* Beátus servus, quem, cùm vénerit dóminus, invénerit vigilántem: amen dico vobis, super ómnia bona sua constituet eum.

Postcommunio.

Deus fidélium remunerátor animárum, præsta: ut beáti **N.** Confessoris tui atque Pontíficis, cujus venerándam celebrámus festivitátem, precibus indulgéntiam consequámur. Per Dóminum nostrum.

¶ Item aliæ Epistolæ & Evangelia pro Confessore Pontifice.

Epist. Omnis Póntifex. habetur in festo **S. Callisti Papæ & mart. xiv. Octobris.**

Epistola. Mementóte præpositórum vestrórum. habetur in festo **S. Nicolai Episcopi, vi. Decembris.**

Evangelium. Nemo lucérnam accéndit. habetur in festo **S. Martini Episcopi, xi. Novembris.**

Evangelium. Vidéte, vigiláte, & oráte. habetur infra in Anniversario electio- nis seu consecrationis Episcopi.

COMMUNE DOCTORUM.

Introitus.

Eccli. 15.



In médio Ecclésiæ apérui- os ejus: & implévit eum Dóminus spírítu sapién- tiæ, & intelléctus: stolam glóriæ induit eum.

Psal. 91. Bonum est con-

fitéri Dómino: & psállere nómini tuo, Altíssime. **¶ Glória Patri.**

Oratio.

Deus, qui pópulo tuo æternæ salú- tis, beátum mínistrum tribuísti: præsta quæsumus; ut, quem Doctórem vitæ habuimus in terris, intercessórem habére mereámur in coelis. Per Dñm.

Léctio Epistolæ beáti Pauli Apóstoli ad Timótheum.

2. Tim. 4.

Charíssime, Testíficor coram Deo, & Jesu Christo, qui judicáturus est vivos & mórtuos, per advéntum ipsíus, & regnum ejus: prædica verbum, insta opportunè, importunè: argue, óbsecra, increpa in omni paciéntia, & doctrína.

Erit enim tempus, cùm sanam doctrínam non sustinébunt: sed ad sua desidéria coa- cervábunt sibi magístros, pruriéntes áuri- bus, & à veritáte quidem auditum avér- tent, ad fábulas autem converténtur. Tu verò vígila, in ómnibus labóra, opus fac Evangelístæ, mínistérium tuum imple. Sóbrius esto. Ego enim jam delíbor, & tempus resolutiónis meæ instat. Bonum certámen certávi, cursum consummá- vi, fidem servávi. In réliquo repósita est mihi coróna justítiæ, quam reddet mihi Dóminus in illa die, justus judex: non solúm autem mihi, sed & iis, qui díligunt advéntum ejus.

Graduale. *Psal. 36.* Os justí meditábitur sapiéntiam, & lingua ejus loquétur judí- cium. **¶** Lex Dei ejus in corde ipsíus: & non supplantabúntur gressus ejus.

Allelúja, allelúja. **¶ Eccli. 45.** Amávit eum Dóminus, & ornávit eum: sto- lam glóriæ induit eum. **Allelúja.**

Post Septuagesimam, omíssis Allelúja, & Versu sequenti, dicitur Tractus.

Psal. 111. Beátus vir, qui timet Dó- minum: in mandátis ejus cupit nimis. **¶** Potens in terra erit semen ejus: ge- nerátio rectórum benedicétur.

¶ Glória & divítiæ in domo ejus, & ju- stítia ejus manet in sæculum sæculi.

Tempore Paschali, omíttitur Graduale, & ejus loco dicitur Allelúja, allelúja.

¶ Eccli. 45. Amávit eum Dóminus, & ornávit eum: stolam glóriæ induit eum. **Allelúja.** **¶ Osee 14.** Justus germinábit sicut lílium, & florébit in ætérnum ante Dóminum. **Allelúja.**



Séquentia sancti Evangelii secún- dùm Matthæum. **Matth. 5. b**

In illo témpore: Dixit Jesus discípulis suis: Vos estis sal terræ. Quòd si sal evanúerit, in quo salíetur? Ad ní- hilum valet ultrà, nisi ut mittátur foras, & conculcétur ab homínibus. Vos estis lux mundi. Non potest civitas abscón- di supra montem pósita. Neque accén- dunt lucérnam, & ponunt eam sub mó- dio, sed super candelábrum: ut lúceat ómnibus, qui in domo sunt. Sic lúceat lux

lux vestra coram hominibus: ut videant opera vestra bona, & glorificent Patrem vestrum, qui in coelis est. Nolite putare, quoniam veni solvere legem, aut Prophetas: non veni solvere, sed adimplere. Amen quippe dico vobis: donec transeat coelum, & terra, iota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, & docuerit sic homines, minimus vocabitur in regno coelorum: qui autem fecerit, & docuerit, hic magnus vocabitur in regno coelorum.

Offertorium. Psalm. 91. Justus ut palma florebit: sicut cedrus, quae in Libano est, multiplicabitur. **Secreta.**

Sancti tui **N.** nobis Domine, pia non desit oratio: quae & munera nostra conciliet, & tuam nobis indulgentiam semper obtineat. Per Dominum.

Communio. Luc. 12. Fidelis servus & prudens, quem constituit dominus super familiam suam: ut det illis in tempore tritici mensuram. **Postcommunio.**

Ut nobis, Domine, tua sacrificia dent salutem: beatus **N.** Confessor tuus, & Doctor egregius, precator accedat. Per Dominum.

Alia Epistola pro Doctoribus.

Lectio libri Sapientiae. Eccli. 39.

Justus cor suum tradet ad vigilandum diluculo ad Dominum, qui fecit illum, & in conspectu Altissimi deprecabitur. Aperiet os suum in oratione, & pro delictis suis deprecabitur. Si enim Dominus magnus voluerit, spiritu intelligentiae repleret illum: & ipse tamquam imbres mittet eloquia sapientiae suae, & in oratione confitebitur Domino: & ipse diriget consilium ejus, & disciplinam, & in absconditis suis consiliabitur. Ipse palam faciet disciplinam doctrinae suae, & in lege testamenti Domini gloriabitur. Collaudabunt multi sapientiam ejus, & usque in saeculum non delebitur. Non recedet memoria ejus, & nomen ejus requiratur a generatione in generationem. Sapientiam ejus enarrabunt Gentes, & laudem ejus enuntiabit Ecclesia.

COMMUNE CONFESSORIS non Pontificis. Introitus. Psalm. 36.



S justi meditabitur sapientiam, & lingua ejus loquetur judicium: lex Dei ejus in corde ipsius. **Ps. ibid.** Non liæmulari in malignatibus: neque zelaveris facientes iniquitatem. **Glória Patri. Oratio.**

Deus, qui nos beati **N.** Confessoris tui annua solemnitate lætificas: concede propitius; ut cujus natalitia colimus, etiam actiones imitemur. Per Dominum nostrum.

Lectio libri Sapientiae. Eccli. 31.

Beatus vir, qui inventus est sine macula, & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus; facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia Sanctorum.

Graduale. Psal. 91. Justus ut palma florebit, sicut cedrus Libani multiplicabitur in domo Domini. **Ad annuntiandum manè misericordiam tuam, & veritatem tuam per noctem. Allelúja, allelúja.**

Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. **Allelúja.**

Post Septuagesimam, omissis Allelúja, & Versu sequenti, dicitur Tractus.

Psalm. 111. Beatus vir, qui timet Dominum: in mandatis ejus cupit nimis.

Potens in terra erit semen ejus: generatio rectorum benedicetur.

Glória & divitiæ in domo ejus: & justitia ejus manet in sæculum sæculi.

Tempore Paschali, omittitur Graduale, & ejus loco dicitur Allelúja, allelúja.

Jac. 1. Beatus vir, qui suffert tentationem, quoniam cum probatus fuerit, accipiet coronam vitæ. **Allelúja.**

Eccli. 45. Amavit eum Dominus, & ornavit eum, stolam gloriæ induit eum. **Allelúja.**



Sequentia sancti Euangelii secundum Lucam. Lucæ 12.c

In illo tempore: Dixit Jesus discipulis suis: Sint lumbi vestri præcincti, & lucernæ ardentes in manibus vestris: & vos similes hominibus expectantibus dominum suum, quando revertatur à nuptiis: ut, cum venerit, & pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod præcinctet se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, & non sineret perfodi domum suam. Et vos estote parati, quia qua hora non putatis, Filius hominis veniet.

Offertorium. Psalm. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

Laudis tibi Domine, hostias immolamus in tuorum commemoratione sanctorum: quibus nos & presentibus exui malis confidimus, & futuris. Per Dominum nostrum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo potuque coelesti, Deus noster, te supplices exoramus: ut in cuius hæc commemoratione percipimus, ejus muniamur & precibus. Per Dñm.

DE EODEM COMMUNI
alia Missa. Introitus. Psalm. 91.



Ustus ut palma florebit, sicut cedrus Libani multiplicabitur: plantatus in domo Domini, in atriiis domus Dei nostri.

Psalm. ibid. Bonum est confiteri Domino: & psallere nomini tuo, Altissime. V. Gloria Patri.

Oratio.

Adesto, Domine, supplicationibus nostris, quas in beati N. Confessoris tui solemnitate deferimus: ut, qui nostræ justitiæ fiduciam non habemus, ejus qui tibi placuit, precibus adjuvemur. Per Dominum.

Lectio Epistolæ beati Pauli. Apostoli ad Corinthios. 1. Cor. 4.b

Fratres, Spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo: nos infirmi, vos autem fortes: vos nobiles, nos autem ignobiles. Usque in hanc horam, & esurimus, & sitimus, & nudi sumus, & colaphis cedimus, & instabiles sumus, & laboramus operantes manibus nostris: maledicimur, & benedicimus: persecutionem patimur, & sustinemus: blasphemamur, & obsecramus: tamquam purgamenta hujus mundi facti sumus, omnium peripsēma usque adhuc. Non ut confundam vos, hæc scribo, sed ut filios meos charissimos moneo: in Christo Jesu Domino nostro.

Graduale. Psalm. 36. Os justi meditatur sapientiam, & lingua ejus loquetur judicium. V. Lex Dei ejus in corde ipsius: & non supplantabuntur gressus ejus. Alleluja, alleluja.

V. Psalm. 111. Beatus vir, qui timet Dominum: in mandatis ejus cupit nimis. Alleluja.

Post Septuagesimam, omittis Alleluja, & Versu sequenti, dicitur Tractus. Psalm. 111. Beatus vir, qui timet Dominum: in mandatis ejus cupit nimis. V. Potens in terra erit semen ejus: generatio rectorum benedicetur.

V. Gloria & divitiæ in domo ejus: & justitia ejus manet in sæculum sæculi.

Tempore Paschali, omittitur Graduale, & ejus loco dicitur Alleluja, alleluja.

V. Ibid. Beatus vir, qui timet Dominum: in mandatis ejus cupit nimis. Alleluja.

V. Osee 14. Justus germinabit sicut liliū, & florebit in æternum ante Dominum. Alleluja.

Se-

**Sequētia sancti Euangēlii secūn-
dum Lucam. Lucae 12. d**

IN illo tēpore: Dixit Iesus discipu-
lis suis: Nolite timere pusillus grex,
quia complacuit Patri vestro dare
vobis regnum. Vēdite quæ possidē-
tis, & date eleemōsynam. Fācite vobis
sācculos, qui non veterāscunt, thesau-
rum non deficientem in cœlis: quod fur
non appropriat, neque tinea corrumpit.
Ubi enim thesaurus vester est, ibi &
cor vestrum erit.

Offertorium. Psal. 20. In virtute tua Dō-
mine lætābitur justus, & super salutare
tuum exultābit vehemēter: desiderium
animæ ejus tribuisti ei. **Secreta.**

PRæsta nobis quæsumus omnipotens
Deus: ut nostræ humilitatis oblā-
tio, & pro tuorum tibi grata sit honore
Sanctorum, & nos corpore pariter &
mente purificet. Per Dōminum.

Communio. Matth. 19. Amen dico vobis,
quod vos, qui reliquistis omnia, & secuti
estis me, centuplum accipietis, & vitam
æternam possidebitis. **Postcommunio.**

Quæsumus omnipotens Deus; ut,
qui cœlestia alimēta percēpimus,
intercedente beato **N.** Confessore tuo,
per hæc contra omnia adversa muniā-
mur. Per Dōminum nostrum.


**¶ Item alia Epistola & Evangelium
pro Confessore non Pontifice.**

Epist. Quæ mihi fuerunt lucra. habetur
in festo S. Francisci de Paula, ii. Aprilis.

Euangel. Homo quidam nobilis. habe-
tur in festo S. Ludovici, xxv. Augusti.

COMMUNE ABBATUM

Introitus. Psalm. 36.



Qusti meditābitur sapien-
tiam: & lingua ejus lo-
quētur iudicium: lex Dei
ejus in corde ipsius.

Psalm ibid. Noli æmulāri
in malignātibz: neque
zelāveris faciētes iniquitatem.

¶ Glória Patri.

Oratio.

Intercēssio nos quæsumus Dōmine
beāti **N.** Abbātis commēdet; ut,
Miss.

quod nostris mēritis non valēmus, ejus
patrocīnio assequāmur. Per Dōminum.

Lectio libri Sapiētiæ. Eccli. 45.

Dilectus Deo, & hominibus, cujus
memoria in benedictione est. Si-
mitem illum fecit in gloria Sanctorum,
& magnificavit eum in timore inimico-
rum, & in verbis suis monstra placavit.
Glorificavit illum in conspectu regum,
& iussit illi coram populo suo: & ostē-
dit illi gloriam suam. In fide, & lenitate
ipsius sanctum fecit illum, & elegit eum
ex omni carne. Audivit enim eum, &
vocem ipsius, & induxit illum in nu-
bem. Et dedit illi coram præcepta, &
legem vitæ, & disciplinæ.

Graduale. Psal. 20. Dōmine, prævenisti
eum in benedictionibus dulcedinis: po-
suisti in capite ejus coronam de lapide
pretioso. **¶** Vitam petiit à te, & tribui-
sti ei longitudinem dierum in sæculum
sæculi. **Allelúja, allelúja.**

¶ Psal. 91. Justus ut palma florēbit: sicut
cedrus Libani multiplicābitur. **Allelúja.**

**Post Septuagesimam, omittis Allelúja,
& Versu sequenti, dicitur Tractus.**

Psal. 111. Beatus vir, qui timet Dōmi-
num: in mandatis ejus cupit nimis.

¶ Potens in terra erit semen ejus: ge-
neratio rectorum benedicetur.

¶ Glória & divitiæ in domo ejus: & ju-
stitia ejus manet in sæculum sæculi.

**Tempore Paschali, omittitur Graduale,
& ejus loco dicitur Allelúja, allelúja.**

¶ Psal. 91. Justus ut palma florēbit: sicut
cedrus Libani multiplicābitur. **Allelúja.**

¶ Osee 14. Justus germinābit sicut li-
lium, & florēbit in æternum ante
Dōminum. **Allelúja.**



**Sequētia sancti Euangēlii secūn-
dum Matthæum. Matth. 19. d**

IN illo tēpore: Dixit Petrus ad Iesum:
Ecce nos reliquimus omnia, & secuti
sumus te: quid ergo erit nobis? Iesus
autem dixit illis: Amen dico vobis, quod
vos qui secuti estis me, in regeneratione,
cū sederit Filius hominis in sede maje-
statis suæ, sedebitis & vos super sedes duode-
cim, iudicātes duodecim tribus Israel.

b

Et

Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Psal. 20. Desiderium animæ ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso.

Secreta.

Sacris altaribus, Domine; hostias superpositas, sanctus **N.** Abbas, quaesumus, in salutem nobis provenire deprecatur. Per Dominum.

Communio. Lucæ 12. Fidelis servus & prudens, quem constituit Dominus super familiam suam: ut det illis in tempore tritici mensuram.

Postcommunio.

Protegat nos, Domine, cum tui perceptione sacramenti, beatus **N.** Abbas, pro nobis intercedendo: ut & conversationis ejus experiamur insignia, & intercessionis percipiamus suffragia. Per Dominum nostrum.

COMMUNE VIRGINUM.

Pro Virgine & Martyre.

Introitus. Psalm. 118.



Oquebar de testimoniis tuis in conspectu regum, & non confundabar: & meditabar in mandatis tuis, quæ dilexi nimis.

Psal. ibid. Ecce iam immaculati in via: qui ambulant in lege Domini.

Glória Patri.

Oratio.

Deus, qui inter cetera potentie tue miracula, etiam in sexu fragili victoriam martyrii contulisti: concede propitius; ut, qui beatæ **N.** virginis, & martyris tue natalitia colimus, per ejus ad te exempla gradiamur. Per Dominum nostrum.

Lectio libri Sapientie. Eccli. 51.

Confitebor tibi Domine Rex, & laudabo te Deum Salvatorem meum. Confitebor nomini tuo: quoniam adiutor, & protector factus es mihi & liberasti corpus meum a perditione, a laqueo

linguæ iniquæ, & a labiis operantium mendacium, & in conspectu astantium factus es mihi adiutor. Et liberasti me secundum multitudinem misericordie nominis tui a rugientibus preparatis ad escam, de manibus querentium animam meam, & de portis tribulationum, quæ circumdederunt me, a pressura flammæ, quæ circumdedit me, & in medio ignis non sum aestuata: de altitudine ventris inferi, & a lingua coinquinata, & a verbo mendacii, a rege iniquo, & a lingua injusta: laudabit usque ad mortem anima mea Dominum: quoniam eruis sustinentes te, & liberas eos de manibus gentium, Domine Deus noster.

Graduale. Psal. 44. Dilexisti justitiam, & odisti iniquitatem. **Ps.** Propterea unxit te Deus, Deus tuus, oleo lætitiæ. **A**llelûja, allelûja. **Ps.** Adducentur Regi virgines post eam: proximæ ejus afferentur tibi in lætitia. Allelûja.

Post Septuag. omittis Allelûja, & Versu seq dicitur Tractus. Veni sponsa Christi, accipe coronam, quam tibi Dominus preparavit in æternum: pro cuius amore sanguinem tuum fudisti. **Ps. ibid.** Dilexisti justitiam, & odisti iniquitatem, propterea unxit te Deus, Deus tuus oleo lætitiæ præ consortibus tuis.

Ps. Specie tua, & pulchritudine tua intende, prospere procede, & regna.

Tempore Paschali omittitur Graduale, & ejus loco dicitur Allelûja, allelûja. Ps. ibid. Adducuntur Regi virgines post eam: proximæ ejus afferentur tibi in lætitia. Allelûja.

Ps. Specie tua, & pulchritudine tua intende, prospere procede, & regna. Allelûja.

Sequentia sancti Evangelii secundum Matthæum. Matth. 25.

In illo tempore: Dixit Jesus discipulis suis parabolam hanc: Simile erit regnum coelorum decem virginibus: quæ accipientes lampades suas, exierunt obviam sponso, & sponsæ. Quinque autem ex eis erant fatuæ, & quinque prudentes: sed quinque fatuæ, acceptis lampadibus, non sumpsérunt oleum secum:

pru-

prudētes verò accepērunt oleū in vasis suis cum lampādibus. Moram autem faciēte sponso, dormitavērunt omnes, & dormiērunt. Média autem nocte clamor factus est: Ecce sponsus venit, exite obviam ei. Tunc surrexērunt omnes virgines illæ, & ornavērunt lampades suas. Fátuæ autem sapiētibz dixerunt: Date nobis de oleo vestro: quia lampades nostræ extinguntur. Responderunt prudētes, dicētes: Ne forte non sufficiat nobis & vobis, ite pótius ad vendētes, & émite vobis. Dum autem irent émere, venit sponsus: & quæ paratæ erant, intravērunt cum eo ad nuptias, & clausa est janua. Novíssimè verò veniunt & reliquæ virgines, dicētes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertor. Psal. 44. Afferentur Regi virgines post eam: proximæ ejus afferentur tibi in lætitia & exultatione: adducuntur in templum Regi Dómino. **Secreta.**

Suscipe Dómine múnera, quæ in beatæ **N.** virginis & mártiris tuæ solemnitate deferimus: cujus nos confidimus patrocínio liberári. Per Dóminum nostrum.

Communio. Psalm. 118. Confundantur superbi, quia injustè iniquitatem fecerunt in me: ego autem in mandatis tuis exercébor, in tuis justificationibus, ut non confundar. **Postcommunio.**

Auxiliéntur nobis, Dómine, sumpta mystéria, & intercedente beatá **N.** virgine & mártire tua, sempiterna faciant protectione gaudere. Per Dóminum nostrum.

ITEM PRO VIRGINE & Martyre alia Missa.



Introitus. Psalm. 118. Expectavērunt peccatores, ut perderent me: testimónia tua Dómine intelléxi: omnis consummationis vidi finem: latum mandatum tuum nimis.

Psalm. ibid. Beati immaculati in via: qui ambulant in lege Dómini.

V. Glória Patri.

Oratio.

Indulgentiam nobis, quæsumus Dómine, beatá **N.** virgo & mártir implóret: quæ tibi grata semper extitit & mérito castitátis, & tuæ professionis virtutis. Per Dóminum.

Lectio libri Sapientiae.

Eccli. 51.

Domine Deus meus exaltasti super terram habitationem meam, & pro morte defluente deprecata sum. Invocaui Dóminum Patrem Dómini mei, ut non derelinquat me in die tribulationis meæ, & in tempore superbórum sine adiutorio. Laudabo nomen tuum assidue, & collaudabo illud in confessione, & exaudita est oratio mea. Et liberaisti me de perditione, & eripuisti me de tempore iniquo. Propterea confitebor, & laudem dicam tibi, Dómine Deus noster.

Graduale. Psal. 45. Adjuvabit eam Deus vultu suo: Deus in medio ejus, non commovebitur. **V.** Fluminis impetus lætificat civitatem Dei: sanctificavit tabernaculum suum Altissimus. **A**llelúja, allelúja. **V.** Hæc est virgo sapiens, & una de número prudentum. Allelúja.

Post Septuagesimam, omittis allelúja, & **v. seq. dicitur Tractus.** Veni sponsa Christi, accipe coronam, quam tibi Dóminus præparavit in ætérnum: pro cuius amore sanguinem tuum fudisti. **V. Psal. 44.** Dilexisti justitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis. **V.** Spécie tua, & pulchritudine tua intēde, prospere procéde, & regna.

Tempore Paschali omittitur Graduale, & ejus loco dicitur Allelúja, allelúja. **V.** Hæc est virgo sapiens, & una de número prudentum. Allelúja.

V. Sap. 4. O quam pulchra est casta generatio cum claritate! Allelúja.



Sequentia sancti Evangelii secundum Matthæum. Matth. 13.

In illo tempore: Dixit Jesus discipulis suis parabolam hanc: Simile est regnum coelorum thesauro abscondi-

to in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum coelorum homini negotiatori querenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum coelorum sagenæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione sæculi: Exibunt Angeli, & separabunt malos de medio iustorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno coelorum, similis est homini patrifamilias, qui profert de thesauro suo nova & vetera.

Offertor. Psal. 44. Diffusa est gratia in labiis tuis, propterea benedixit te Deus in æternum, & in sæculum sæculi. **Secreta.**

Hostias tibi Domine, beatæ **N.** virginis & martyris tuæ dicatas meritis, benignus assume: & ad perpetuum nobis tribue provenire subsidium. Per Dominum nostrum.

Communio. Psal. 118. Feci iudicium, & iustitiam, Domine: non calumniatur mihi superbi: ad omnia mandata tua dirigebam, omnem viam iniquitatis odio habui. **Postcommunio.**

Divini muneris largitate satiati, quæsumus Domine Deus noster; ut intercedente beatâ **N.** virgine, & martyre tua, in ejus semper participatione vivamus. Per Dominum.

Item aliud Evangelium. Accesserunt ad Jesum Pharisei. **habetur in festo S. Agathæ virginis & martyris, 5. Februarii.**

COMMUNE PLURIUM Virginum & Martyrum.

Omnia dicuntur ut supra pro una Virgine & Martyre, exceptis Orationibus quæ dicuntur ut sequitur: & Epistola quæ dicitur ut infra in Comuni Virgi-

num non Martyrum. De virginibus præceptum Domini. fol. xxi. **Oratio.**

DA nobis, quæsumus Domine Deus noster, sanctarum virginum & martyrum tuarum **N. & N.** palmas incessabili devotione venerari; ut, quas digna mente non possumus celebrare, humilibus saltem frequentemus obsequiis. Per Dominum. **Secreta.**

Intende, quæsumus Domine, munerata altaribus tuis pro sanctarum virginum & martyrum tuarum **N. & N.** festivitatem proposita: ut sicut per hæc beata mysteria illis gloriam contulisti, ita nobis indulgentiam largiaris. Per Dominum.

Postcommunio.

Præsta nobis, quæsumus Domine, intercedentibus sanctis virginibus & martyribus tuis; ut quod ore contingimus, pura mente capiamus. Per Dñm.

PRO VIRGINE TANTUM.

Introitus.. Psalm. 44.



Illexisti iustitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis. **Psal. ibid.** Eructavit cor meum verbum bonum: dico ego opera mea Regi.

Glória Patri. **Oratio.**

EXaudi nos Deus salutaris noster: ut sicut de beatæ **N.** virginis tuæ festivitatem gaudemus; ita piæ devotionis erudiamur affectu. Per Dominum.

Lectio Epistolæ beati Pauli Apostoli ad Corinthios. 2. Cor. 10. d & 11.

FRatres, Qui gloriatur, in Domino gloriatur. Non enim, qui seipsum commendat, ille probatus est: sed quem Deus commendat. Utinam sustineretis modicum quid insipientiæ meæ: sed & supportate me. Æmulor enim vos Dei æmulatione. Despondi enim vos uni viro virginem castam exhibere Christo.

Graduale. Ps. 44. Specie tua, & pulchritudine tua intende, prospere procede, & regna. **Ps.** Propter veritatem, & mansuetudinem, & iustitiam, & deducet te mirabiliter dextera tua. **A**llelúja, allelúja. **Ps.** Adducen-

céntur Regi vírgines post eam: próximæ
ejus afferéntur tibi in lætítia. Allelúja.

*Post Septuagesimam, omittis Allelúja,
& v. sequenti, dicitur Tractus: ibidem.*

A udi filia, & vide, & inclína aurem tu-
am: quia concupívit Rex spéciem tuam.

v. Vultum tuum deprecabúntur omnes
dívites plebis: filiæ regum in honóre tuo.

v. Adducéntur Regi vírgines post eam:
próximæ ejus afferéntur tibi.

v. Afferéntur in lætítia & exultatió-
ne: adducéntur in templum Regis.

*Tempore Pasch. omittitur Graduale, &
ejus loco dicitur Allelúja, allel. v.*

Adducéntur Regi vírgines post eam: próximæ
ejus afferéntur tibi in lætítia. Allelúja.

v. Spécie tua, & pulchritúdine tua, inten-
de, próspere procéde, & regna. Allelúja.



S equentia sancti Euangélíi secún-
dum Matthæum. *Matth. 25.*

I N illo témpore: Dixit Iesus discipulis
suis parábolam hanc: Símile erit re-
gnum coelórum decem vírginibus:
quæ accipiéntes lámpades suas, exiérunt
óbviám sponso, & sponsæ. Quinque au-
tem ex eis erant fátuæ, & quinque pru-
déntes: sed quinque fátuæ, accéptis lám-
pádibus, non sumpsérunt óleum secum:
prudéntes verò accepérunt óleum in va-
sis suis cum lampádibus. Moram autem
faciénte sponso, dormitavérunt omnes,
& dormiérunt. Média autem nocte cla-
mor factus est: Ecce sponsus venit,
exíte óbviám ei. Tunc surrexérunt om-
nes vírgines illæ, & ornavérunt lámpa-
des suas. Fátuæ autem sapiéntibus di-
xérunt: Date nobis de óleo vestro: quia
lámpades nostræ extingúntur. Respon-
dérunt prudéntes, dicéntes: Ne fortè
non sufficiat nobis & vobis, ite pótius
ad vendéntes, & émite vobis. Dum
autem irent émere, venit sponsus: &
quæ parátæ erant, intravérunt cum eo
ad nuptias, & clausa est jánuá. Novíssi-
mè verò véniunt & reliquæ vírgines,
dicéntes: Dómine, Dómine, áperi no-
bis. At ille respóndens, ait: Amen
dico vobis, nescio vos. Vigiláte itaque,
quia nescitis diem, neque horam.

Miss.

*Offertorium. ibid. Filiæ regum in ho-
nóre tuo, ástítit regína à dextris tuis
in vestítu deauráto, circúmdata varie-
táte.*

Secreta.

A Ccépta tibi sit, Dómine; sacrátæ
plebis oblátio, pro tuórum honó-
re Sanctórum: quorum se méritis de
tribulatióne percepísse cognóscit auxí-
lium. Per Dóminum.

*Communio. Matth. 25. Quinque pru-
déntes vírgines accepérunt óleum in
vasis suis cum lampádibus: média au-
tem nocte clamor factus est: Ecce
sponsus venit, exíte óbviám Christo
Dómino.*

Postcommunio.

S Atiásti Dómine famíliam tuam mu-
neribus sacris: ejus quæsumus, sem-
per interventióne nos réfove, cujus so-
lémnia celebrámus. Per Dóminum.

ITEM PRO VIRGINE

tantum, alia Missa. Introitus. Psal. 44.



Ultum tuum deprecabún-
tur omnes dívites plebis:
adducéntur Regi vírgines
post eam: próximæ ejus
adducéntur tibi in lætítia,
& exultatióne.

*Psal. ibid. Eructávit cor meum verbum
bonum: dico ego ópera mea Regi.*

v. Glória Patri.

Oratio.

E Xáudi nos Deus salutáris noster: ut
sicut de beatæ *N.* vírginis tuæ festi-
vitáte gaudémus; ita piæ devotiónis
erudiámur afféctu. Per Dóminum.

*Lectio Epístolæ beati Pauli Apóstoli
ad Corínthios. 1. Cor. 7. c*

F Ratres, De vírginibus præcéptum
Dómini non hábeo: consílium au-
tem do, tamquam misericórdiam conse-
cútus à Dómino, ut sim fidélis. Existimo
ergo hoc bonum esse, propter instántem
necessitátem: quóniam bonum est hó-
mini sic esse. Alligátus es uxóri? Noli
quærere solutióne. Solútus es ab uxó-
re? Noli quærere uxórem. Si autem ac-
céperis uxórem, non peccásti. Et si nú-
pserit virgo, non peccávit. Tribulatióne
tamen carnis habébunt hujúsmodi. Ego

b 3

autem

autem vobis parco. Hoc itaque dico, fratres: Tempus breve est: reliquum est, ut & qui habent uxores, tamquam non habentes sint: & qui flent, tamquam non flentes: & qui gaudent, tamquam non gaudentes: & qui emunt, tamquam non possidentes: & qui utuntur hoc mundo, tamquam non utantur: præterit enim figura huius mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori, & divisus est. Et mulier innupta, & virgo cogitat quæ Domini sunt; ut sit sancta corpore, & spiritu: in Christo Jesu Domino nostro.

Graduale. Psalm. 44. Concupivit Rex decorem tuum, quoniam ipse est Dominus Deus tuus. *Ps.* Audi filia, & vide, & inclina aurem tuam. **Allelúja**, allelúja. *Ps.* Hæc est virgo sapiens, & una de numero prudentum. **Allelúja**.

Post Septuagesimam, omissis Allelúja, & Versu sequenti, dicitur Tractus.

Audi filia, & vide, & inclina aurem tuam: quia concupivit Rex speciem tuam.

Ps. Vultum tuum deprecabuntur omnes divites plebis: filiae regum in honore tuo.

Ps. Adducuntur Regi virgines post eam: proximæ ejus afferentur tibi.

Ps. Afferentur in lætitia & exultatione: adducuntur in templum Regis.

Tempore Paschali omittitur Graduale, & ejus loco dicitur Allelúja, allelúja.

Ps. Hæc est virgo sapiens, & una de numero prudentum. **Allelúja**.

Ps. Sap. 4. O quam pulchra est casta generatio cum claritate! **Allelúja**.

Evangelium. Simile est regnum cælorum thesauro abscondito. *ut supra in Missa Virg. & Martyr. fol. xx.*

Offertorium. Psalm. 44. Afferentur Regi virgines post eam: proximæ ejus afferentur tibi in lætitia, & exultatione: adducuntur in templum Regi Domino.

Secreta.

Accepta tibi sit, Domine, sacratæ plebis oblatio pro tuorum honore Sanctorum: quorum se meritis de

tribulatione percepisse cognoscit auxilium. Per Dominum.

Communio. Matth. 13. Simile est regnum cælorum homini negotiatori, quærenti bonas margaritas: inventa autem una pretiosa margarita, dedit omnia sua, & comparavit eam.


Postcommunio.

Satiasti Domine familiam tuam munere sacris: ejus, quæsumus, semper interventione nos refove, cujus solemniam celebramus. Per Dominum.

COMMUNE NON VIRGINUM.

Pro una Martyre non Virgine.

Introitus. Psalm. 118.



Expectaverunt peccatores, ut perderent me: testimonia tua Domine intellexi: omnis consummationis vidi finem: latum mandatum tuum nimis.

Psalm. ibid. Beati immaculati in via: qui ambulant in lege Domini.

Ps. Gloria Patri. **Oratio.**

Deus, qui inter cetera potentie tue miracula, etiam in sexu fragili victoriam martyrii contulisti: concede propitius; ut, qui beatæ **N.** martyris tue natalitia colimus, per ejus ad te exempla gradiamur. Per Dominum.

Si fuerint plures, Oratio.

Da nobis, quæsumus Domine Deus noster, sanctarum martyrum tuarum **N.** & **N.** palmas incessabili devotione venerari: ut, quas digna mente non possumus celebrare, humilibus saltem frequentemus obsequiis. Per Dominum.

Lectio libri Sapientie. Eccli. 51.

Confitebor tibi Domine Rex, & collaudabo te Deum Salvatorem meum. Confitebor nomini tuo: quoniam adjutor, & protector factus es mihi, & liberasti corpus meum a perditione, a laqueo lingue iniquæ, & a labiis operantium mendacium, & in conspectu astantium factus es mihi adjutor. Et liberasti me secundum multitudinem misericordie nominis tui a rugientibus preparatis ad escam, de manibus quærentium animam meam,

meam, & de portis tribulationum, quæ circumdederunt me: à pressura flammæ, quæ circumdedit me, & in medio ignis non sum æstuata: de altitudine ventris inferi, & à lingua coinquinata, & à verbo mendacii, à rege iniquo, & à lingua iniusta: laudabit usque ad mortem anima mea Dominum, quoniam eruis sustinentes te, & liberas eos de manibus gentium, Domine Deus noster.

Graduale. Psal. 44. Dilexisti iustitiam, & odisti iniquitatem. *ψ.* Propterea unxit te Deus, Deus tuus, oleo lætitiæ. **A**llelúja, allelúja.

ψ. Spécie tua, & pulchritudine tua intende, prospere procede, & regna. **A**llelúja.

Post Septuages. omittis Allelúja, & *ψ.* **seq. dicitur Tractus.** **V**eni sponsa Christi, accipe coronam, quam tibi Dominus præparavit in æternum: pro cuius amore sanguinem tuum fudisti.

ψ. ibid. Dilexisti iustitiam, & odisti iniquitatem: propterea unxit te Deus, Deus tuus, oleo lætitiæ præconsortibus tuis.

ψ. Spécie tua, & pulchritudine tua intende, prospere procede, & regna.

Tempore Paschali, omittitur Graduale, & ejus loco dicitur **A**llelúja, allelúja.

ψ. ibid. Spécie tua, & pulchritudine tua intende, prospere procede, & regna. **A**llelúja. *ψ.* Propter veritatem & mansuetudinem, & iustitiam, & deducet te mirabiliter dextera tua. **A**llelúja.

Evangelium. **S**imile est regnum coelorum thesauro abscondito. *ut sup. fol. xx.*

Offertorium. Psal. 44. Diffusa est grátia in labiis tuis: propterea benedixit te Deus in æternum, & in sæculum sæculi, allelúja. **Secreta.**

Suscipe Domine múnera, quæ in beatæ **N.** martyris tuæ solemnitáte offerimus: cuius nos confidimus patrocinio liberari. Per Dominum.

Si fuerint plures, Secreta.

Intende, quæsumus Domine, múnera altaribus tuis pro sanctarum martyrum tuarum **N.** & **N.** festivitáte propósita: ut sicut per hæc beata mystéria illis glóriam contulisti, ita nobis indulgentiam largiaris. Per Dominum.

Communio. Psal. 118. Principes persecuti sunt me gratis, & à verbis tuis formidavit cor meum: lætabor ego super elóquia tua, quasi qui invenit spolia multa. **Postcommunio.**

Auxiliéntur nobis, Domine, sumpta mystéria: & intercedente beatæ **N.** martyre tua, sempiterna faciant protectione gaudere. Per Dominum.

Si fuerint plures, Postcommunio.

Præsta nobis, quæsumus Domine, intercedentibus sanctis martyribus tuis: ut quod ore contingimus, pure mente capiamus. Per Dominum.

PRO NEC VIRGINE, nec Martyre. Introitus. Psal. 118.



Ognóvi Domine, quia æquitas iudicia tua, & in veritate tua humiliasti me: confige timóre tuo carnes meas, à mandatis tuis tímui.

Psal. ibid. **B**eati immaculati in via, qui ambulant in lege Domini.

ψ. Glória Patri.

Oratio.

Exaudi nos Deus salutaris noster, ut sicut de beatæ **N.** festivitáte gaudemus; ita piæ devotionis erudiamur affectu. Per Dominum.

Lectio libri Sapientiae. Prov. 31. b

Mulierem fortem quis inveniet? procul, & de ultimis finibus pretium ejus. Confidit in ea cor viri sui, & spoliis non indigebit. Reddet ei bonum, & non malum omnibus diebus vitæ suæ. Quæsit lanam, & linum, & operata est consilio manuum suarum. Facta est quasi navis institoris, de longè portans panem suum. Et de nocte surrexit, deditque prædam domesticis suis, & cibaria ancillis suis. Consideravit agrum, & emit eum: de fructu manuum suarum plantavit vineam. Accinxit fortitudine lumbos suos, & roboravit brachium suum. Gustavit & vidit, quia bona est negotiatio ejus: non extinguetur in nocte lucerna ejus. Manum suam misit ad fortia, & digiti ejus apprehenderunt fusum. Manum suam aperuit inopi, & palmas suas extendit ad pauperem. Non timebit domui suæ à fri-

goribus nivis: omnes enim domestici ejus vestiti sunt duplicibus. Stragulatam vestem fecit sibi: byssus, & purpura indumentum ejus. Nobilis in portis vir ejus, quando sederit cum senatoribus terræ. Sindonem fecit, & vendidit & cingulum tradidit Chananæo. Fortitudo & decor indumentum ejus, & ridebit in die novissimo. Os suum aperuit sapientiæ, & lex clementiæ in lingua ejus. Consideravit semitas domus suæ, & panem otiosa non comedit. Surrexerunt filii ejus, & beatissimam prædicaverunt: vir ejus, & laudavit eam. Multæ filiæ congregaverunt divitias: tu supergressa es universas. Fallax gratia, & vana est pulchritudo: mulier timens Dominum, ipsa laudabitur. Date ei de fructu manuum suarum, & laudent eam in portis opera ejus.

Graduale. Psal. 44. Diffusa est gratia in labiis tuis: propterea benedixit te Deus in æternum. *Ps.* Propter veritatem, & mansuetudinem, & justitiam: & deducet te mirabiliter dextera tua.

Allelúja, allelúja.

Ps. Spécie tua, & pulchritudine tua intende, prospere procede, & regna. Allelúja.

Post Septuag. omittis Allelúja, & *Ps.* seq. dicitur Tractus. Veni sponsa Christi, accipe coronam, quam tibi Dominus præparavit in æternum. *Ps. ibid.* Dilexisti justitiam, & odisti iniquitatem: propterea unxit te Deus, Deus tuus, oleo lætitiæ pro consortibus tuis.

Ps. Spécie tua, & pulchritudine tua intende, prospere procede, & regna.

Tempore Paschali, omittitur Graduale, & ejus loco dicitur Allelúja, allelúja.

Ps. Spécie tua, & pulchritudine tua intende, prospere procede, & regna. Allelúja. *Ps.* Propter veritatem, & mansuetudinem, & justitiam: & deducet te mirabiliter dextera tua. Allelúja.

Sequentia sancti Evangelii secundum Matthæum. Matth. 13.

In illo tempore: Dixit Jesus discipulis suis parabolam hanc: Simile est regnum cœlorum thesauro abscondito in agro: quem qui invenit homo, abs-

condit, & præ gaudio illius vadit, & vendit universa quæ habet, & emit agrum illum. Iterum simile est regnum cœlorum homini negotiatori quærenti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cœlorum saginæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sicerit in consummatione sæculi: Exibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cœlorum, similis est homini patrifamilias, qui profert de thesauro suo nova & vetera.

Offertorium. Psalm. 44. Diffusa est gratia in labiis tuis, propterea benedixit te Deus in æternum, & in sæculum sæculi.

Secreta.

Accepta tibi sit, Domine, sacratæ plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Communio. Ibid. Dilexisti justitiam, & odisti iniquitatem: propterea unxit te Deus, Deus tuus, oleo lætitiæ præ consortibus tuis.

Postcommunio.

Satiasti Domine familiam tuam muneribus sacris: ejus, quæsumus, semper interventione nos refove, cujus sollemnia celebramus. Per Dominum.

Item alia Epistola pro Vidua.

Lectio Epistolæ beati Pauli Apostoli ad Timotheum. **1. Tim. 5.**

Charissime, Viduas honora, quæ verè viduæ sunt. Si qua autem vidua filios, aut nepotes habet: discat primum domum suam regere, & mutuam vicem reddere parentibus: hoc enim acceptum est coram Deo. Quæ autem verè vidua est, & desolata, speret in Deum, & instet obsecrationibus, & orationibus nocte, ac die. Nam quæ in deliciis est, vivens mortua

tua est. Et hoc præcipe, ut irreprehensibiles sint. Si quis autem suorum, & maxime domesticorum curam non habet, fidem negavit, & est infideli deterior. Vidua eligatur non minus sexaginta annorum, quæ fuerit unus viri uxor, in operibus bonis testimonium habens, si filios educavit, si hospitio recepit, si Sanctorum pedes lavit, si tribulationem patientibus ministravit, si omne opus bonum subsecuta est.

IN ANNIVERSARIO
Dedicationis Ecclesie.



Introitus. Gen. 28.

Errabilis est locus iste! hic domus Dei est, & porta coeli: & vocabitur aula Dei. Psal. 83. Quam dilecta tabernacula tua, Domine virtutum! concupiscit, & deficit anima mea in atria Domini. v. Gloria Patri. Oratio.

Deus, qui nobis per singulos annos, huius sancti templi tui consecrationis reparas diem, & sacris semper mysteriis repræsentas incolumes: exaudi preces populi tui, & præsta; ut, quisquis hoc templum beneficia petiturus ingreditur, cuncta se impetrasse lætetur. Per Dominum.

Lectio libri Apocalypsis beati Joannis Apostoli. Apoc. 21.

In diebus illis: Vidi sanctam civitatem Ierusalem novam, descendentem de coelo à Deo, paratam sicut sponsam ornata viro suo. Et audivi vocem magnam de throno dicentem: Ecce tabernaculum Dei cum hominibus, & habitabit cum eis. Et ipsi populus ejus erunt, & ipse Deus cum eis erit eorum Deus: & absterget Deus omnem lacrymam ab oculis eorum: & mors ultra non erit, neque luctus, neque clamor, neque dolor erit ultra, quia prima abiierunt. Et dixit qui sedebat in throno: Ecce nova facio omnia.

Graduale. Locus iste à Deo factus est, inestimabile sacramentum, irreprehensibilis est. v. Deus, cui adstat Angelorum chorus, exaudi preces servorum tuorum.

Allelúja, allelúja. v. Psalm. 137. Adorabo ad templum sanctum tuum: & confitebor nomini tuo. Allelúja.

Post Septuagesimam, omittis Allelúja, & Versu sequenti, dicitur Tractus. Psalm. 124. Qui confidunt in Domino, sicut mons Sion: non commovebitur in æternum, qui habitat in Ierusalem.

v. Montes in circuitu ejus, & Dominus in circuitu populi sui, ex hoc nunc & usque in sæculum.

Tempore Paschali omittitur Graduale, & ejus loco dicitur Allelúja, allelúja. v. Psalm. 137. Adorabo ad templum sanctum tuum: & confitebor nomini tuo. Allelúja. v. Bene fundata est domus Domini supra firmam petram. Allelúja.



Sequentia sancti Evangelii secundum Lucam. Lucæ 19.

In illo tempore: Ingressus Jesus perambulabat Jericho. Et ecce vir nomine Zachæus: & hic princeps erat publicanorum, & ipse dives: & quærebat videre Jesum, quis esset: & non poterat præ turba, quia statūra pusillus erat. Et præcurrens ascendit in arborem ficomorum, ut videret eum: quia inde erat transiturus. Et cum venisset ad locum, suspiciens Jesus vidit illum, & dixit ad eum: Zachæe festinans descende: quia hodie in domo tua oportet me manere. Et festinans descendit, & excepit illum gaudens. Et cum viderent omnes, murmurabant dicentes, quod ad hominem peccatorem divertisset. Stans autem Zachæus, dixit ad Dominum: Ecce dimidium bonorum meorum, Domine, do pauperibus: & si quid aliquem defraudavi, reddo quadruplum. Ait Jesus ad eum: quia hodie salus domui huic facta est: eo quod & ipse filius sit Abraham. Venit enim Filius hominis quærere, & salvum facere quod perierat.

Dicitur Credo.

Offertorium. 1. Paral. 29. Domine Deus, in simplicitate cordis mei lætus obtuli universa: & populum tuum, qui repertus est, vidi cum ingenti gaudio: Deus Israel, custodi hanc voluntatem, allelúja.

Ex-

Extra Ecclesiam ipsam dedicatam omit-
titur tota parenthesis. *Secreta.*

Annue, quæsumus Dómine, préci-
bus nostris: (ut quicumque intra
templi hujus, cujus anniversarium dedi-
cationis diem celebramus, ámbitum con-
tinémur, plena tibi atque perfectá corpo-
ris & animæ devotíone placeamus:) ut,
dum hæc vota præséntia réddimus, ad
æterna præmia, te adjuvante, perve-
nire mereámur. Per Dóminum.

Communio. Matth. 21. Domus mea,
domus orationis vocabitur, dicit Dómi-
nus: in ea omnis qui petit, accipit: & qui
quærit, invenit: & pulsánti aperiétur.

Postcommunio.

Deus, qui de vivis & electis lapídibus
æternum majestáti tuæ præparas
habítaculum: auxiliáre pópulo tuo sup-
plicánti; ut, quod Ecclesiæ tuæ corporá-
libus proficit spátiis, spirituálibus ampli-
ficétur augméntis. Per Dóminum.

*Infra Octavam Dedicationis Ecclesiæ,
& in die Octava, dicitur Missa ut supra
in die anniversario: sed infra Octavam
secunda Oratio dicitur de beata Maria,
tertia, Ecclesiæ, vel pro Papa ut su-
pra in Dominica in Albis.*

*In ipsa die Dedicationis Ecclesiæ,
Missa dicitur ut supra in anniversario
Dedicationis, exceptis Orationibus,
quæ dicuntur ut sequitur. Oratio.*

Deus, qui invisibiliter omnia conti-
nes, & tamen pro salute generis hu-
máni signa tuæ poténtiæ visibiliter ostén-
dis: templum hoc poténtia tuæ inhabita-
tiónis illústra, & concéde; ut omnes, qui
huc deprecáturi convéniant, ex quacúm-
que tribulatione ad te clamáverint, con-
solatiónis tuæ beneficia consequántur.
Per Dóminum.

Secreta.

Deus, qui sacrandórum tibi auctor
es múnierum, effúnde super hanc
orationis domum benedictiónem tuam;
ut ab ómnibus in ea invocántibus no-
men tuum, defensiónis tuæ auxili-
um sentiátur. Per Dñm. *Postcommunio.*

Quæsumus omnipotens Deus: ut in
hoc loco, quem nómini tuo indigni
dedicávimus, cunctis peténtibus, au-

res tuæ pietátis accómmodes. Per Dó-
minum nostrum.

*In ipsa die Dedicationis Altaris dici-
tur Missa ut supra in anniversario Dedi-
cationis Ecclesiæ, præter Orationes,
quarum loco dicuntur sequentes. Oratio.*

Deus, qui ex omni coaptatíone San-
ctorum, æternum tibi condis habi-
táculum: da ædificatióni tuæ incrementa
coeléstia; ut, quorum híc reliquias pio
amóre compléctimur, eórum semper
méritis adjuvémur. Per Dñm. *Secreta.*

Descéndat, quæsumus Dómine Deus
noster, Spíritus tuus sanctus super
hoc altáre: qui & pópuli dona sanctífi-
cet, & suméntium corda dignánter emún-
det. Per Dóminum. in unitáte ejúsdem
Spíritus sancti. *Postcommunio.*

Omnipotens sempitérne Deus, altá-
re hoc nómini tuo dedicátum, coe-
léstis virtútis benedictiónis sanctífica; &
ómnibus in te sperántibus auxili-
i tui munus osténde: ut & híc sacramentó-
rum virtus, & votórum obtineátur ef-
fectus. Per Dóminum nostrum.

*Sequentes Missæ votivæ, licet pro
Sacerdotis devotione, quacumque die
dici possunt per Hebdomadam, quando
Festum Duplex non occurrit: hoc ta-
men passim, nisi rationabili de causa,
fieri non debet, sed quoad fieri potest,
Missa cum Officio conveniat. Cuique
autem diei propria Missa potest assigna-
ri; ut Feria ii. nisi dicatur pro Defunctis,
Missa de S. Trinitate: Feria iii. de Ange-
lis: Feria iv. de Apostolis: Feria v. de
Spiritu sancto: vel de SS. Eucharistiæ
Sacramento: Feria vi. de Cruce, vel de
Passione Domini: Sabbato de S. Maria.
In ipsis non dicitur G lória in excélsis,
nec Credo, nisi pro publica Ecclesiæ
causa; & tunc, etiam si dicantur in para-
mentis violaceis, dicitur C redo, si sit Do-
minica, non autem G lória in excélsis.
In Missa autem B. Mariæ in Sabbato,
& in Missa Angelorum, dicitur tantum
G lória in excélsis. Tempore Paschali
in fine Introitus dicuntur duo Allelúja;
& in fine Offertorii & Communions
additur Allelúja, ubi non habetur.*

MISSA DE SS. TRINITATE.

Introitus. Tob. 13.



Benedicta sit sancta Trinitas, atque indivisa Unitas: confitebimur ei, quia fecit nobiscum misericordiam suam. Psal. 8. Domine Dominus noster, quam admirabile est nomen tuum in universa terra!

v. Gloria Patri.

Oratio.

Omnipotens, sempiternus Deus, qui dedisti famulis tuis in confessione veræ fidei, æternæ Trinitatis gloriam agnoscere, & in potentia majestatis adorare Unitatem: quaesumus; ut ejusdem fidei firmitate, ab omnibus semper muniamur adversis. Per Dominum.

Lectio Epistolæ beati Pauli Apostoli ad Corinthios. 2. Cor. 13. d

Fratres, Gaudete, perfecti estote, exhortamini, idem sapite, pacem habete, & Deus pacis & dilectionis erit vobiscum. Gratia Domini nostri Jesu Christi, & charitas Dei, & communicatio sancti Spiritus sit cum omnibus vobis. Amen.

Graduale. Dan. 3. Benedictus es Domine, qui intueris abyssos, & sedes super Cherubim. v. Benedictus es Domine in firmamento coeli, & laudabilis in sæcula.

Allelúja, allelúja. v. Benedictus es Domine Deus patrum nostrorum, & laudabilis in sæcula. Allelúja.

Post Septuagesimam, omittis Allelúja, & Versu sequenti, dicitur Tractus. Te Deum Patrem ingénitum, te Filium Unigénitum, te Spiritum sanctum Paráclitum, sanctam & individuam Trinitatem, toto corde confitemur, laudamus atque benedicimus.

v. Quoniam magnus es tu, & faciens mirabilia, tu es Deus solus. v. Tibi laus, tibi gloria, tibi gratiarum actio in sæcula sempiterna, o beata Trinitas.

Tempore Paschali, omittitur Graduale, & ejus loco dicitur Allelúja, allelúja.

v. Dan. 3. Benedictus es Domine Deus patrum nostrorum, & laudabilis in sæcula. Allelúja. v. Benedicamus Patrem, & Filium cum sancto Spiritu. Allelúja.



Sequéntia sancti Euangélíi secúndum Joánnem. Joann. 15. d

IN illo tempore: Dixit Jesus discipulis suis: Cum venerit Paráclitus, quem ego mittam vobis à Patre, Spiritum veritatis, qui à Patre procedit, ille testimonium perhibebit de me: & vos testimonium perhibebitis, quia ab initio mecum estis. Hæc locutus sum vobis, ut non scandalizemini. Absque synagógis facient vos: sed venit hora, ut omnis, qui interficit vos, arbitretur obsequium se præstare Deo. Et hæc facient vobis, quia non novérunt Patrem, neque me. Sed hæc locutus sum vobis: ut cum venerit hora eorum, reminiscamini, quia ego dixi vobis.

Offertorium. Tobia 12. Benedictus sit Deus Pater, Unigenitusque Dei Filius, sanctus quoque Spiritus: quia fecit nobiscum misericordiam suam. Secreta.

Sanctifica, quaesumus Domine Deus noster, per tui sancti nominis invocationem, hujus oblationis hostiam, & per eam nosmetipsos tibi perficemus munus æternum. Per Dominum.

Præfatio de sancta Trinitate. Qui cum Unigénito Filio tuo. fol. 189.

Communio. Tobia 13. Benedicimus Deum coeli, & coram omnibus viventibus confitebimur ei: quia fecit nobiscum misericordiam suam. Postcommunio.

Proficiat nobis ad salutem corporis & animæ, Domine Deus noster, hujus sacramenti susceptio: & sempiternæ sanctæ Trinitatis, ejusdemque individue Unitatis confessio. Per Dominum.

¶ Pro gratiarum actione dicitur Missa de sancta Trinitate, vel de Spiritu sancto, vel de B. Maria, additis sequentibus Orationibus sub una conclusione. Oratio.

Deus, cujus misericordiæ non est thesaurus: piissimæ majestati tuæ pro collatis donis gratias agimus, tuam semper clementiam exorantes; ut qui petentibus postulata concedis, eosdem non deserens, ad præmia futura disponas. Per Dominum.

Se.

Secreta.

O Dorem, Dómine, sacrificii huius cum gratiarum actiónibus súscipe, & præsta: ut, quos exaudire, & incólumes seruire dignátus es, ab omni impósterum aduersitate custódias; & in tuo seruitio & amore cócréscant. Per Dñm. **Postcomm.**

Deus, qui néminem in te sperántem, nímiùm affligi permíttis, sed piúm précibus præstas auditum: pro postulatióibus nostris, votísque suscéptis grátias ágimus, te piíssime deprecántes: ut per hæc quæ súmpsimus, à cunctis éripi mereámur aduersis. Per Dóminum.

MISSA DE ANGELIS.

Introitus.

Psalm. 102.



Benedícite Dóminum omnes Angeli ejus: poténtes virtúte, qui fácitis verbum ejus, ad audiéndam vocem sermónum ejus.

Psalm. *ibid.* Benedic ánimam

mea Dómino: & ómnia, quæ intra me sunt, nómini sancto ejus.

v. Glória Patri.

Oratio.

Deus, qui miro órdine Angelórum ministéria, hominúmque dispénfas: concéde propítius; ut à quibus tibi ministrántibus in cœlo semper assístitur, ab his in terra vita nostra muniátur. Per Dñm.

Léctio libri Apocalypsis beáti Joánnis Apóstoli. **Apoc. 5. c.**

In diébus illis: Audívi vocem Angelórum multórum in circúitu throni, & animálium, & seniórum: & erat númerus eórum millia millium, dicéntium voce magna: Dignus est Agnus, qui occísus est, accípere virtútem, & divinitátem, & sapiéntiam, & fortitúdinem, & honórem, & glóriam, & benedictiónem. Et omnem creatúram, quæ in cœlo est, & super terram, & sub terra, & quæ sunt in mari, & quæ in eo: omnes audívi dicentes: Sedénti in throno, & Agno, benedictio, & honor, & glória, & potéstas in sæcula sæculórum. Et quátuor animália dicebant: Amen. Et vigintiquátuor seniôres ceciderunt in fácies suas: & adoraverunt vivéntem in sæcula sæculórum.

Graduale. Psalm. 148. Laudáte Dóminum de cœlis: laudáte eum in excélsis.

v. Laudáte eum omnes Angeli ejus: laudáte eum omnes virtútes ejus.

Allelúja, allelúja. v. Psalm. 137. In conspéctu Angelórum psallam tibi: adorábo ad templum sanctum tuum, & confitébor nómini tuo. Allelúja.

Post Septuagesimam, omíssis Allelúja, & v. seq. dicitur Tractus. Psalm. 102. Benedícite Dóminum omnes Angeli ejus: poténtes virtúte, qui fácitis verbum ejus. v. Benedícite Dómino omnes virtútes ejus: ministri ejus, qui fácitis voluntátem ejus.

v. Benedícite Dómino ómnia ópera ejus: in omni loco dominationis ejus, benedic ánimam meam Dómino.

Tempore Paschali, omíttitur Graduale, & ejus loco dicitur Allelúja, allelúja.

v. Psalm. 137. In conspéctu Angelórum psallam tibi: adorábo ad templum sanctum tuum, & confitébor nómini tuo. Allelúja. v. Matth. 28. Angelus Dómini descendit de cœlo, & accédens revólvit lápidem, & sedébat super eum. Allelúja.



Sequéntia sancti Euangélíi secundum Joánnem. **Joann. 1. g**

In illo témpore: Vidit Jesus Nathánael veniéntem ad se, & dicit de eo: Ecce verè Israelíta, in quo dolus non est. Dicit ei Nathánael: Unde me nósti? Respóndit Jesus, & dixit ei: Priúsquam te Philíppus vocáret, cùm essés sub ficu, vidíte. Respóndit ei Nathánael, & ait: Rabbi, tu es Fílius Dei, tu es Rex Israel. Respóndit Jesus, & dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis cœlum apértum, & Angelos Dei ascendéntes, & descendéntes supra Fílium hóminis.

Offertorium. Apoc. 8. Stetit Angelus juxta aram templi, habens thuríbulum áureum in manu sua: & data sunt ei incénsa multa, & ascendit fumus arómatum in conspéctu Dei. **Secreta.**

Hostias tibi, Dómine, laudis offerimus, suppliciter deprecántes: ut eásdem

easdem Angélico pro nobis interueniente suffragio; & placatus accipias, & ad salutem nostram provenire concedas. Per Dóminum.

Communio. Angeli, Archángeli, Throni, & Dominationes, Principatus, & Potestates, Virtutes coelorum, Cherubim, atque Séraphim, Dóminum benedicite in ætérnum.

Postcommunio.

Repléti, Dómine, benedictione coelésti, suppliciter imploramus; ut, quod fragili celebramus officio, sanctorum Angelorum atque Archangelorum nobis prodéssent sentiamus auxilio. Per Dóminum nostrum.

¶ Alia Missa votiva de S. Michaelis Archangelo dici potest, prout in ejus Dedicatione die xxix. Septembris.

**MISSA DE SS. APOSTOLIS
Petro & Paulo. Introitus. Psal. 138.**



Ihi autem nimis honorati sunt amici tui Deus, nimis confortatus est principatus eorum. **Psal. ibid.** Dómine probastime, & cognovisti me: tu cognovisti sessionem meam, & resurrectionem meam.

¶ Glória Patri.

Oratio.

Deus, cujus dextera beátum Petrum ambulátem in fluctibus, ne mergeretur erexit, & coapóstolum ejus Paulum tertio naufragátem, de profundo pelagi liberávit: exáudi nos propitius, & concede; ut amborum méritis æternitátis glóriam consequámur. Qui vivis & regnas.

Lectio Actuum Apostolorum. Act. 5. b

In diebus illis: Per manus Apostolorum fiebant signa, & prodigia multa in plebe. Et erant unanimiter omnes in porticu Salomónis. Ceterorum autem nemo audébat se conjungere illis: sed magnificábat eos populus. Magis autem augebátur credéntium in Dómino multitúdo virorum ac mulierum, ita ut in plateas ejicerent infirmos, & pónerent in lectulis ac grabátis: ut, veniente Petro, saltem umbra illius obumbráret quem-

quam illorum, & liberaréntur ab infirmitatibus suis. Concurrébat autem & multitúdo vicinarum civitatum Jerúsalem, afferéntes ægros, & vexátos à spirítibus immúndis: qui curabántur omnes.

Graduale. Psal. 44. Constitues eos principes super omnem terram: mémoires erunt nóminis tui Dómine. **¶.** Propátribus tuis nati sunt tibi filii: propterea populi confitebúntur tibi. **Allelúja, allelúja. ¶. Psal. 138.** Nimis honorati sunt amici tui Deus, nimis confortatus est principatus eorum. **Allelúja.**

Post Septuagesimam, omíssis Allelúja, & Versu sequenti, dicitur Tractus. Psalm. 125. Qui séminent in lácrymis, in gáudio metent. **¶.** Eúntes ibant, & flebant, mitténtes sémina sua.

¶. Veniéntes autem vénient cum exultatione, portántes manipulos suos.



Sequéntia sancti Euangélii secundum Matthæum. Matth. 19. d

In illo témpore: Dixit Petrus ad Jesum: Ecce nos reliquimus ómnia, & secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratione, cum séderit Filius hóminis in sede majestátis suæ, sedébitis & vos super sedes duódecim, judicántes duódecim tribus Israel. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros propter nomen meum, céntuplum accipiet, & vitam ætérnam possidébit.

Offertorium. Psal. 18. In omnem terram exívit sonus eorum: & in fines orbis terræ verba eorum. **Secreta.**

Offerimus tibi, Dómine, preces & múnera: quæ, ut tuo sint digna conspéctu, Apostolorum tuorum Petri & Pauli précibus adjuvémur. Per Dñm.

Præfatio de Apostolis. fol. 192.

Communio. Matth. 19. Vos, qui secúti estis me, sedébitis super sedes, judicántes duódecim tribus Israel.

Postcommunio.

Protege Dómine pópulum tuum, & Apostolorum tuorum Petri & Pauli patro-

patrocinio confidentem, perpétua defensione conserva. Per Dóminum.

¶ Tempore Paschali dicitur Missa, ut in festo S. Marci die xxv. Aprilis, præter Orationes, Epistolam & Evangelium, quæ dicuntur ut supra.

MISSA DE SPIRITU SANCTO.

Introitus.

Sap. 1.



Spiritus Dómini replevit orbem terrarum: & hoc, quod continet omnia, scientiam habet vocis.

Psal. 67. Exurgat Deus, & dissipentur inimici ejus: & fugiant qui odérunt eum, à facie ejus.

¶ Glória Patri.

Oratio.

Deus, qui corda fidélium sancti Spiritus illustratione docuisti: da nobis in eodem Spiritu recta sapere: & de ejus semper consolatione gaudere. Per Dóminum. in unitate ejusdem Spiritus.

Lectio Actuum Apostolorum. Act. 8. c.

In diebus illis: Cum audissent Apostoli quierant Jerosolymis, quod recepisset Samarita verbum Dei: miserunt ad eos Petrum & Joannem. Qui cum venissent, oraverunt pro ipsis, ut acciperent Spiritum sanctum. Nondum enim in quemquam illorum venerat, sed baptizati tantum erant in nomine Dómini Jesu. Tunc imponebant manus super illos, & accipiebant Spiritum sanctum.

Graduale. Psal. 32. B eata gens, cujus est Dóminus Deus eorum: populus, quem elegit Dóminus in hæreditatem sibi.

¶ Verbo Dómini coeli firmati sunt: & spiritu oris ejus omnis virtus eorum.

Allelúja, allelúja. **Hic genuflectitur.**

¶ Veni sancte Spiritus, reple tuorum corda fidélium: & tui amoris in eis ignem accende. Allelúja.

Post Septuag. omissis Allelúja, & ¶. seq. dicitur Tractus. Psal. 103. E mitte Spiritum tuum, & creabuntur: & renovabis faciem terræ. **¶** O quam bonus & suavis est, Dómine, Spiritus tuus in nobis. **Hic genuflectitur.** **¶** Veni sancte Spiritus, reple tuorum corda fidélium, & tui amoris in eis ignem accende.

Tempore Paschali, omittitur Graduale, & ejus loco dicitur Allelúja, allelúja.

¶ Psalm. 103. Emitte Spiritum tuum, & creabuntur: & renovabis faciem terræ. Allelúja. **Hic genuflectitur.** **¶** Veni sancte Spiritus, reple tuorum corda fidélium: & tui amoris in eis ignem accende. Allelúja.

¶ Sequéntia sancti Evangelii secundum Joannem. **Joann. 14. c.**

In illo tempore: Dixit Jesus discipulis suis: Si quis diligit me, sermonem meum servabit, & Pater meus diliget eum, & ad eum veniemus, & mansionem apud eum faciemus: qui non diligit me, sermones meos non servat. Et sermonem quem audistis, non est meus: sed ejus, qui misit me, Patris. Hæc locutus sum vobis, apud vos manens. Paráclitus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia, quaecumque dixerò vobis. Pacem relinquo vobis, pacem meam do vobis, non quomodo mundus dat, ego do vobis. Non turbetur cor vestrum, neque formidet. Audistis quia ego dixi vobis: Vado, & venio ad vos. Si diligeretis me, gauderetis utique, quia vado ad Patrem: quia Pater major me est. Et nunc dixi vobis priusquam fiat: ut cum factum fuerit, credatis. Jam non multa loquar vobiscum. Venit enim princeps mundi hujus, & in me non habet quidquam. Sed ut cognoscat mundus, quia diligo Patrem: & sicut mandatum dedit mihi Pater, sic facio.

Offertorium. Psalm. 67. C onfirma hoc Deus, quod operatus es in nobis: a templo tuo, quod est in Jerusalem, tibi offerent reges munera. **Secreta.**

Munera, quæsumus, Dómine, oblata sanctifica: & corda nostra sancti Spiritus illustratione emunda. Per Dóminum. in unitate ejusdem Spiritus sancti Deus.

Præfatio. Qui ascendens. fol. 190.

Communio. Act. 2. Factus est repente de coelo sonus tamquam advenientis spiritus vehementis, ubi erant sedentes: & replati sunt

sunt omnes Spīritu sancto, loquētes magnalia Dei. **Postcommunio.**

Sancti Spīritus, Dōmine, corda nostra munda infusio: & sui roris intima aspersione fecundet. Per Dōminum. in unitate ejusdem Spīritus sancti.

¶ Ad postulandam gratiam Spīritus sancti, dicitur Missa ut supra, cum sequentibus Orationibus. Oratio.

Deus, cui omne cor patet, & omnis voluntas loquitur, & quem nullum latet secretum: purifica per infusionem sancti Spīritus cogitationes cordis nostri; ut te perfecte diligere, & digne laudare mereamur. Per Dōminum. in unitate ejusdem Spīritus sancti Deus. **Secreta.**

Hæc oblatio, quæsumus Dōmine, cordis nostri maculas emundet: ut sancti Spīritus digna efficiatur habitatio. Per Dōminum. in unitate ejusdem Spīritus sancti Deus. **Postcommunio.**

Concede, quæsumus omnipotens Deus, sanctum nos Spīritum votis promereri sedulis: quatenus ejus gratia & ab omnibus liberemur tentationibus, & peccatorum nostrorum indulgentiam percipere mereamur. Per Dōminum. in unitate ejusdem Spīritus sancti Deus.

MISSA DE SANCTISSIMO

Eucharistiæ Sacramento.

Introitus. Psalm. 80.



Cibavit eos ex adipem frumenti, & de petra, melle satiatavit eos. **Psalm. ibid.** Exultate Deo adiutori nostro: jubilate Deo Jacob.

¶ Gloria Patri. Oratio.

Deus, qui nobis sub Sacramento mirabili, passionis tuæ memoriam reliquisti: tribue quæsumus, ita nos Corporis & Sanguinis tui sacra mysteria venerari; ut redemptionis tuæ fructum in nobis jugiter sentiamus. Qui vivis, &c.

Lectio Epistolæ beati Pauli Apostoli ad Corinthios. 1. Cor. 11. c.

Fratres, Ego enim accēpi à Dōmino quod & tradidi vobis, quoniam Dōminus Jesus, in qua nocte tradebatur, accēpit panem, & gratias agens, fregit, &

dixit: Accipite, & manducate: hoc est corpus meum, quod pro vobis tradetur: hoc facite in meam commemorationem. Similiter & calicem, postquam coenavit, dicens: Hic calix novum testamentum est in meo sanguine: hoc facite, quotiescūque bibetis, in meam commemorationem. Quotiescūque enim manducabitis panem hunc, & calicem bibetis, mortem Dōmini annuntiabitis, donec veniat. Itaque quicumque manducaverit panem hunc, vel biberit calicem Dōmini indignè, reus erit corporis & sanguinis Dōmini. Probet autem seipsum homo: & sic de pane illo edat, & de calice bibat. Qui enim manducat & bibit indignè, judicium sibi manducat & bibit, non dijudicans corpus Dōmini.

Graduale. Psalm. 144. Oculi omnium in te sperant Dōmine: & tu das illis escam in tempore opportuno. **¶.** Aperis tu manum tuam: & imple omne animal benedictione. **A**llelūja, allelūja.

¶ Joan. 6. Caro mea verè est cibus, & sanguis meus verè est potus: qui manducat meam carnem, & bibit meum sanguinem, in me manet, & ego in eo. Allelūja.

Post Septuagesimam, omittis Allelūja, & Versu sequenti, dicitur Tractus. Mal. 1. A ortu solis usque ad occasum, magnum est nomen meum in Gētibus.

¶. Et in omni loco sacrificatur, & offertur nomini meo oblatio munda: quia magnum est nomen meum in Gētibus, **¶. Prov. 9.** Venite, comedite panem meum: & bibite vinum, quod miscui vobis.

Tempore Paschali, omisso Graduali, dicitur Allelūja, allelūja. ¶. Luc. 24. Cognoverunt discipuli Dōminum Jesum in fractione panis. Allelūja. **¶ Joann. 6.** Caro mea verè est cibus: & sanguis meus verè est potus: qui manducat meam carnem, & bibit meum sanguinem, in me manet, & ego in eo. Allelūja.

¶ Sequētia sancti Evangelii secundum Joānnem. Joann. 6. f

In illo tempore: Dixit Jesus turbis Judæorum: Caro mea, verè est cibus: & sanguis meus, verè est potus.

Qui

Qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem, & qui manducat me, & ipse vivet propter me. Hic est panis, qui de coelo descendit. Non sicut manducaverunt patres vestri manna, & mortui sunt. Qui manducat hunc panem, vivet in æternum.

Offertorium. Levit. 21. Sacerdotes Domini incensum & panes offerunt Deo: & ideo sancti erunt Deo suo, & non polluent nomen ejus. **Secreta.**

Ecclésiæ tuæ, quæsumus Domine, unitatis & pacis propitius dona concede: quæ sub oblatis muneribus mysticè designantur. Per Dominum.


Præfatio de Nativitate Domini. Quia per incarnati Verbi. fol. 173.

Communio. 1. Cor. 11. Quotiescunque manducabitis panem hunc, & calicem bibetis, mortem Domini annuntiabitis, donec veniat: itaque quicumque manducaverit panem, vel biberit calicem Domini indignè, reus erit corporis & sanguinis Domini. **Postcommunio.**

Fac nos, quæsumus Domine divinitatis tuæ sempiterna fruitione repleri, quam pretiosi Corporis & Sanguinis tui temporalis perceptio præfigurat. Qui vivis & regnas cum Deo Patre.

MISSA DE SANCTA CRUCE.

Introitus. Gal. 6.



Nos autem gloriari oportet in Cruce Domini nostri Jesu Christi: in quo est salus, vita, & resurrectio nostra, per quem salvati, & liberati sumus.

Psal. 66. Deus misereatur nostri, & benedicat nobis: illuminet vultum suum super nos, & misereatur nostri.

Glória Patri.

Oratio.

Deus, qui Unigeniti Filii tui pretioso sanguine, vivificæ Crucis vexillum sanctificare voluisti: concede quæsumus; eos, qui ejusdem sanctæ Crucis gaudent honore, tua quoque ubique protectione gaudere. Per eundem Dominum.

Lectio Epistolæ beati Pauli Apostoli ad Philippenses. Philip. 2.

Fratres, Christus factus est pro nobis obediens usque ad mortem, mortem autem Crucis. Propter quod & Deus exaltavit illum: & donavit illi nomen, quod est super omne nomen: [**Hic genuflectitur.**] ut in nomine Jesu omne genu flectatur cœlestium, terrestrium, & infernorum; & omnis lingua confiteatur, quia Dominus Jesus Christus in gloria est Dei Patris.

Graduale. ibid. Christus factus est pro nobis obediens usque ad mortem, mortem autem Crucis. **Ps.** Propter quod & Deus exaltavit illum: & dedit illi nomen, quod est super omne nomen. **Allelúja, allelúja.**

Ps. Dulce lignum, dulces clavos, dulcia ferens pondera: quæ sola fuisti digna sustinere Regem cœlorum, & Dominum. **Allelúja.**

Post Septuagesimam, omissis Allelúja, & Versu sequenti, dicitur Tractus.

Adoramus te Christe, & benedicimus tibi: quia per Crucem tuam redemisti mundum. **Ps.** Tuam Crucem adoramus Domine, tuam gloriosam recolimus passionem: miserere nostri, qui passus es pro nobis. **Ps.** O Crux benedicta, quæ sola fuisti digna portare Regem cœlorum, & Dominum.

Tempore Paschali, omittitur Graduale, & ejus loco dicitur Allelúja, allelúja.

Psalm. 95. Dicite in Géntibus, quia Dominus regnavit à ligno. **Allelúja.**

Ps. Dulce lignum, dulces clavos, dulcia ferens pondera: quæ sola fuisti digna sustinere Regem cœlorum, & Dominum. **Allelúja.**



Sequentia sancti Evangelii secundum Matthæum. Matth. 20. b

In illo tempore: Assumpsit Jesus duodecim discipulos secretò, & ait illis: Ecce ascendimus Jerosolymam, & Filius hominis tradetur principibus sacerdotum, & Scribis, & condemnabunt eum morte, & tradent eum Géntibus ad illudendum, & flagel-

gellandum; & crucifigendum, & tertia die resurget.

Offertorium. *P*rotege Domine plebem tuam per signum sanctæ Crucis, ab omnibus insidiis inimicorum omnium: ut tibi gratam exhibeamus servitutem, & acceptabile fiat sacrificium nostrum.

Secreta.

Hæcoblatio, Domine, quæsumus ab omnibus nos purget offensis: quæ in ara Crucis etiam totius mundi tulit offensam. Per eundem Dominum nostrum.

Præfatio. Qui salutem humani. fol. 188.

Communio. *P*er signum Crucis de inimicis nostris libera nos Deus noster.

Postcommunio.

Adesto nobis Domine Deus noster: & quos sanctæ Crucis lætari facis honore, ejus quoque perpétuis defende subsidiis. Per Dominum.

Tempore Paschali, loco primæ Orationis dicitur sequens. Oratio.

Deus, qui pro nobis Filium tuum Crucis patibulum subire voluisti, ut inimici à nobis expelleres potestatem: concede nobis famulis tuis; ut resurrectionis gratiam consequamur. Per eundem Dominum.

MISSA DE PASSIONE Domini Nostri Jesu Christi.

Introitus. Philip. 2.



Umiliavit semetipsum Dominus Jesus Christus usque ad mortem, mortem autem Crucis: propter quod & Deus exaltavit illum, & donavit illi nomen, quod est super omne nomen.

Psalms 88. *M*isericordias Domini in ætérnum cantábo: in generationem & generationem.

v. Glória Patri.

Oratio.

Domine Jesu Christe, qui de coelis ad terram de sinu Patris descendisti, & sanguinem tuum pretiosum in remissionem peccatorum nostrorum fudisti: te humiliter deprecamur; ut in die judicii, ad dexteram tuam audire Missæ.

mereamur, Venite benedicti. Qui vivis & regnas cum Deo Patre.

Lectio Zachariæ Prophætæ.

Zach. 12. c.

Hæc dicit Dominus: Effundam super domum David, & super habitatores Jerúsalem, spiritum gratiæ & precum: & aspicient ad me, quem confixerunt: & plangent eum planctu quasi super unigenitum, & dolébunt super eum, ut doléri solet in morte primogeniti. In die illa magnus erit planctus in Jerúsalem, & dicetur: Quid sunt plagæ istæ in medio manuum tuarum? Et dicet: His plagatus sum in domo eorum, qui diligebant me. Fræmea suscitare super pastorem meum, & super virum cohærentem mihi, dicit Dominus exercituum: Percute pastorem, & dispergentur oves: ait Dominus omnipotens.

Graduale. Psalm 68. *I*mpropérium expectavit cor meum, & misériam: & sustinui, qui simul mecum contristaretur, & non fuit: consolantem me quæsi, & non invéni.

v. Dedérunt in escam meam fel, & in siti mea potavérunt me aceto.

Allelúja, allelúja.

v. Ave Rex noster: tu solus nostros es miseratus errores: Patri obédiens, ductus es ad crucifigendum, ut agnus mansuétus ad occisionem. Allelúja.

Post Septuagesimam, omittis Allelúja, & Versu sequenti, dicitur Tract. Isa. 53. Verè languores nostros ipse tulit, & dolores nostros ipse portavit.

v. Et nos putavimus eum quasi leprosum, & percussus à Deo, & humiliatum. *v.* Ipse autem vulneratus est propter iniquitates nostras, attritus est propter scelera nostra.

v. Disciplina pacis nostræ super eum: & livore ejus sanati sumus.

Tempore Paschali, omittitur Graduale, & ejus loco dicitur Allelúja, allelúja.

v. Ave Rex noster: tu solus nostros es miseratus errores: Patri obédiens, ductus es ad crucifigendum, ut agnus mansuétus ad occisionem. Allelúja.

v. Tibi glória, hosánna: tibi triúmphus & vi-

& victória: tibi summæ laudis & honoris corona. Allelúja.



Sequentia sancti Euangelii secundum Joannem. Joann. 19. f

IN illo tempore: Sciens Jesus, quia omnia consummata sunt, ut consummarétur Scriptúra, dixit: Sitio. Vas ergo positum erat aceto plenum. Illi autem spongiam plenam aceto, hyssopo circumponentes, obtulerunt ori ejus. Cum ergo accepisset Jesus acetum, dixit: Consummatum est. Et inclinato capite tradidit spiritum. Judæi ergo (quoniam Parasceue erat) ut non remanerent in cruce corpora sabbato, (erat enim magnus dies ille sabbati) rogaverunt Pilatum ut frangerentur eorum crura, & tollerentur. Venérunt ergo milites: & primi quidem fregérunt crura, & alterius qui crucifixus est cum eo. Ad Jesum autem cum venissent, ut viderent eum jam mortuum, non fregérunt ejus crura: sed unus militum lancea latus ejus aperuit, & continuo exiit sanguis & aqua. Et qui vidit, testimonium perhibuit: & verum est testimonium ejus.

Offertorium. Insurrexérunt in me viri iniqui: absque misericordia quasiérunt me interficere: & non pepercerunt in faciem meam spúere: lanceis suis vulneraverunt me, & concussa sunt omnia ossa mea.

Secreta.

Oblatum tibi, Domine, sacrificium, intercedente Unigeniti Filii tui passionem, vivíficet nos semper & múniat. Qui tecum vivit & regnat.

Præfatio de Cruce. fol. 187.


Communio. Psalm. 21. **F**oderunt manus meas, & pedes meos: dinumeraverunt omnia ossa mea.

Postcommunio.

Domine Jesu Christe, Fili Dei vivi, qui hora sexta pro redemptione mundi, crucis patibulum ascendisti, & sanguinem tuum pretiosum in remissionem peccatorum nostrorum fudisti: te humiliter deprecámur; ut post obitum nostrum, paradisi januas nos

gaudenter introire concédas. Qui vivis & regnas.

MISSA DE SANCTA MARIA
ab Adventu usque ad Nativitatem Domini. Introitus. Isaia 45.



Oráte cœli desuper, & nubes pluant justum: aperiatur terra, & germinet Salvatorem. Psalm. 84. **B**enedixisti Domine terram tuam: avertisti captivitatem Jacob. **Glória Patri.** Oratio.

Deus, qui de beatæ Mariæ virginis útero, Verbum tuum, Angelo nuntiante, carnem suscipere voluisti: præsta supplicibus tuis; ut, qui verè eam Genitricem Dei credimus, ejus apud te intercessionibus adjuvémur. Per eundem Dominum.

Lectio Isaia Prophætæ. Isaia 7. b

IN diebus illis: Locutus est Dominus ad Achaz, dicens: Pete tibi signum à Domino Deo tuo in profundum infèrni, sive in excelsum supra. Et dixit Achaz: Non petam, & non tentabo Dominum. Et dixit: Audite ergo domus David: Numquid parum vobis est, molestos esse hominibus, quia molesti estis & Deo meo? Propter hoc dabit Dominus ipse vobis signum. Ecce virgo concipiet, & pariet filium, & vocabitur nomen ejus Emmánuel. Butyrum & mel comedet, ut sciat reprobare malum, & eligere bonum.

Graduale. Psalm. 23. **T**ollite portas, principes vestras, & elevámini portæ æternales, & introibit Rex glóriæ.

Quis ascendet in montem Domini, aut quis stabit in loco sancto ejus? Innocens manibus, & mundo corde.

Allelúja, allelúja. **Luc. 1.** Ave María, grátia plena: Dominus tecum: Benedicta tu in mulieribus. Allelúja.



Sequentia sancti Euangelii secundum Lucam. Luca 1. c

IN illo tempore: Missus est Angelus Gábriel à Deo in civitatem Galilææ, cui nomen Náza-reth, ad Virginem de-

desponsatam viro, cui nomen erat Joseph, de domo David, & nomen virginis Maria. Et ingressus Angelus ad eam dixit: Ave gratia plena: Dominus tecum: Benedicta tu in mulieribus. Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: Ne timeas Maria; invenisti enim gratiam apud Deum: ecce concipies in utero, & paries filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum.

Offertorium. ibid. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

IN mentibus nostris, quæsumus Domine, veræ fidei sacramenta confirma: ut qui conceptum de virgine Deum verum & hominem confitemur; per ejus salutiferæ resurrectionis potentiam, ad æternam mereamur pervenire lætitiā. Per eundem Dominum.

Præfatio. Et te in Veneratione beatæ Mariæ, &c. *quæ dicitur, & in sequentibus Missis de sancta Maria, etiam tempore Paschali, vel infra quascunque Octavas ejus Missa dicatur.*

Communio. Isaïæ 7. Ecce virgo concipiet, & pariet Filium: & vocabitur nomen ejus Emmanuel.

Postcommunio.

GRatiam tuam, quæsumus, Domine, mentibus nostris infunde: ut

qui, Angelo nuntiante, Christi Filii tui incarnationem cognovimus, per passionem ejus & crucem, ad resurrectionis gloriā perducāmur. Per eundem Dominum nostrum.

A NATIVITATE DOMINI usque ad Purificationem.

Introitus. Psalm. 44.



Ultum tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia, & exultatione.

Psal. ibid. Eructavit cor meum verbum bonum: dico ego opera mea Regi.

V. Glória Patri.

Oratio.

DEus, qui salutis æternæ, beatæ Mariæ virginitate fecunda, humano generi præmia præstitisti: tribue quæsumus; ut ipsam pro nobis intercedere sentiamus, per quam meruimus auctorem vitæ suscipere, Dominum nostrum Jesum Christum Filium tuum: Qui tecum vivit & regnat.

Lectio Epistolæ beati Pauli Apostoli ad Titum. Tit. 3. b

Charissime, Apparuit benignitas & humanitas Salvatoris nostri Dei: non ex operibus justitiæ, quæ fecimus nos, sed secundum suam misericordiam salvos nos fecit, per lavacrum regenerationis, & renovationis Spiritus sancti, quem effudit in nos abunde per Jesum Christum Salvatorem nostrum: ut justificati gratia ipsius, hæredes simus secundum spem vitæ æternæ: in Christo Jesu Domino nostro.

Graduale. Psal. 44. Speciosus forma præ filiis hominum: diffusa est gratia in labiis tuis. **V.** Eructavit cor meum verbum bonum: dico ego opera mea Regi: lingua mea calamus scribæ velociter scribentis. **Allelúja, allelúja.**

V. Post partum, Virgo inviolata permansisti: Dei Genitrix intercede pro nobis. **Allelúja.**

Post Septuagesimam, Tractus. Gaude Maria virgo. *ut in sequenti Missa.*



Sequentia sancti Evangelii secundum Lucam. **Lucæ 2. b**

IN illo tempore: Pastores loquebantur ad invicem: Transeamus usque Bethlehem, & videamus hoc verbum, quod factum est, quod Dominus ostendit nobis. Et venerunt festinantes: & invenerunt Mariam, & Joseph, & infantem positum in præsepio. Videntes autem cognoverunt de verbo, quod dictum erat illis de puero hoc. Et omnes, qui audierunt, mirati sunt: & de his, quæ dicta erant à pastoribus ad ipsos. Maria autem conservabat omnia verba hæc, conferens in corde suo. Et reversi sunt pastores glorificantes, & laudantes Deum in omnibus, quæ audierant & viderant sicut dictum est ad illos.

Offertorium. Felix namque es sacra virgo Maria, & omni laude dignissima: quia ex te ortus est sol iustitiæ, Christus Deus noster. **Secreta.**

Muneribus nostris, quæsumus Domine, precibusque susceptis: & coelestibus nos munda mysteriis, & clementer exaudi. Per Dominum.

Communio. Beata viscera Mariæ virginis, quæ portaverunt æterni Patris Filium. **Postcommunio.**

Hæc nos communio, Domine, purget à crimine: & intercedente beata virgine Dei Genitrice Maria, coelestis remèdii faciat esse consortes. Per eundem Dominum.

A PURIFICATIONE usque ad Pascha. Introitus. Sedulius.



Alve sancta parens, enixa puérpera Regem: qui cælum terramque regit in sæcula sæculorum.

Psal. 44. Eructavit cor meum verbum bonum:

dico ego opera mea Regi.

Gloria Patri.

Oratio.

Concède nos famulos tuos, quæsumus Domine Deus, perpétua mentis & corporis sanitate gaudere: & gloriosa beatae Mariæ semper virgi-

nis intercessione, à præsentis liberari tristitia, & æterna perfrui lætitia. Per Dominum nostrum.

Lectio libri Sapientiae. Eccli. 24. b

AB initio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Ierusalem potestas mea. Et radicavi in populo honorificato, & in parte Dei mei hæreditas illius, & in plenitudine Sanctorum detentio mea.

Graduale. Benedicta & venerabilis es virgo Maria: quæ sine tactu pudoris, inventa es mater Salvatoris. **V.** Virgo Dei Genitrix, quem totus non capit orbis, in tua se clausit viscera, factus homo. **Alleluya, alleluya.**

V. Num. 17. Virga Jesse floruit, virgo Deum, & hominem genuit: pacem Deus reddidit, in se reconcilians imas summis. **Alleluya.**

Post Septuagesimam, omittis Alleluya, & Versu sequenti, dicitur Tractus. Gaude Maria virgo, cunctas hæreses sola interemisti.

V. Quæ Gabriëlis Archangeli dictis credidisti. **V.** Dum virgo Deum & hominem genuisti: & post partum, Virgo, inviolata permansisti.

V. Dei Genitrix intercede pro nobis.



Sequentia sancti Evangelii secundum Lucam. **Lucæ 1. d**

IN illo tempore: Loquente Jesu ad turbas, extollens vocem quædam mulier de turba, dixit illi: Beatus venter qui te portavit, & ubera quæ suxisti. At ille dixit: Quinimodò beati, qui audiunt verbum Dei, & custodiunt illud.

Offertorium. Felix namque es sacra virgo Maria, & omni laude dignissima: quia ex te ortus est sol iustitiæ, Christus Deus noster. **Secreta.**

Tua, Domine, propitiatione, & beatae Mariæ semper virginis intercessione, ad perpétuam atque præsentem hæc oblatio nobis proficiat prosperitatem & pacem. Per Dominum.

Com-

Communio. Beata viscera Mariæ virginis, quæ portaverunt æterni Patris Filium.

Postcommunio.

Sumptis, Domine, salutis nostræ subsidiis: da quæsumus, beatæ Mariæ semper virginis patrocinis nos ubique protegi; in cuius veneratione, hæc tuæ obtulimus majestati. Per Dominum nostrum.

A P A S C H A
usque ad Pentecosten. Introitus.



Alve sancta parens, enixa puérpera Regem: qui cœlum terramque regit in sæcula sæculorum, allelûja, allelûja.

Psalm. 44. Eructavit cor meum verbum bonum: dico ego opera mea Regi. **v.** Glória Patri.

Oratio.

Concède nos famulos tuos, quæsumus, Domine Deus, perpétua mentis & corporis sanitate gaudere: & gloriosa beatæ Mariæ semper virginis intercessione, à præsentī liberari tristitia, & æterna perfrui lætitia. Per Dominum.

Lectio libri Sapientiae. **Eccli. 24. b**

A B initio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Ierusalem potestas mea. Et radicavi in populo honorificato, & in parte Dei mei hæreditas illius, & in plenitudine Sanctorum detentio mea.

Allelûja, allelûja. **v. Num. 17.** Virga Jesse floruit: virgo Deum & hominem genuit: pacem Deus reddidit, in se reconcilians ima summis. Allelûja.

v. Lucæ 1. Ave Maria, grátia plena: Dominus tecum: Benedicta tu in mulieribus. Allelûja.



Sequentia sancti Evangelii secundum Joannem. **Joann. 19. c**

IN illo tempore: Stabant juxta crucem Jesu mater ejus, & soror matris ejus Maria Cléophæ, & Maria

Miss.

Magdalène. Cum vidisset ergo Jesus matrem, & discipulum stantem, quem diligebat, dicit matri suæ: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

Offertorium. Beata es, virgo Maria, quæ omnium portasti Creatorem: genuisti qui te fecit, & in æternum permanes virgo, allelûja. **Secreta.**

Tua, Domine, propitiatione, & beatæ Mariæ semper virginis intercessione, ad perpétuam atque præsentem hæc oblatio nobis proficiat prosperitatem & pacem. Per Dominum.

Communio. Beata viscera Mariæ virginis, quæ portaverunt æterni Patris Filium, allelûja. **Postcommunio.**

Sumptis, Domine, salutis nostræ subsidiis: da quæsumus, beatæ Mariæ semper virginis patrocinis nos ubique protegi; in cuius veneratione hæc tuæ obtulimus majestati. Per Dominum.

A P E N T E C O S T E
usque ad Adventum.

Introitus. **Sedulus.**



Alve sancta parens, enixa puérpera Regem: qui cœlum terramque regit in sæcula sæculorum.

Psalm. 44. Eructavit cor meum verbum bonum: dico ego opera mea Regi.

v. Glória Patri.

Oratio.

Concède nos famulos tuos, quæsumus Domine Deus, perpétua mentis & corporis sanitate gaudere: & gloriosa beatæ Mariæ semper virginis intercessione, à præsentī liberari tristitia, & æterna perfrui lætitia. Per Dominum nostrum.

Lectio libri Sapientiae. **Eccli. 24. b**

A B initio, & ante sæcula creata sum, & usque ad futurum sæculum non desinam, & in habitatione sancta coram ipso ministravi. Et sic in Sion firmata sum, & in civitate sanctificata similiter requievi, & in Ierusalem potestas mea. Et radicavi in populo honorificato, & in

parte Dei mei hæreditas illius, & in plenitudine Sanctorum detentio mea.

Graduale. Benedicta & venerabilis es virgo Maria: quæ sine tactu pudoris, inventa es mater Salvatoris. *Ps.* Virgo Dei Genitrix, quem totus non capit orbis, in tua se clausit viscera, factus homo.

Allelúja, allelúja. *Ps.* Post partum Virgo, inviolata permansisti: Dei Genitrix intercede pro nobis. Allelúja.

Sequentia sancti Evangelii secundum Lucam. *Lucæ 11. d.*

In illo tempore: Loquente Jesu ad turbas, extollens vocem quædam mulier de turba, dixit illi: Beatus venter qui te portavit, & ubera quæ suxisti. At ille dixit: Quinimodò beati, qui audiunt verbum Dei, & custodiunt illud.

Offertorium. *Lucæ 12.* Ave Maria, gratia plena: Dominus tecum: Benedicta tu in mulieribus, & benedictus fructus ventris tui. *Secreta.*

Tua, Domine, propitiatione, & beatæ Mariæ semper virginis intercessionem, ad perpetuam atque præsentem hæc oblatio nobis proficiat prosperitatem & pacem. Per Dominum.

Communio. Beata viscera Mariæ virginis, quæ portaverunt æterni Patris Filium. *Postcommunio.*

Sumptis Domine, salutis nostræ subsidii: da quæsumus, beatæ Mariæ semper virginis patrocinii nos ubique protegi; in cuius veneratione hæc tuæ obtulimus majestati. Per Dominum.

In Missis votivis beatæ Mariæ secunda Oratio dicitur de Officio illius diei, & tertia de Spiritu sancto: sed in Sabbato, quando de ea factum est Officium, secunda Oratio erit de Spiritu sancto, tertia, Ecclesiæ tuæ. vel pro Papa.

De Spiritu sancto. Oratio.

Deus, qui corda fidelium sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere.

Contra persecutores Ecclesiæ. Oratio.

Ecclésiæ tuæ, quæsumus, Domine, preces placatus admitte: ut destrui-

ctis adversitatibus & erroribus universis, secúra tibi serviat libertate. Per Dominum nostrum.

Vel pro Papa. Oratio.

Deus omnium fidelium pastor & rector, famulum tuum *N.* quem pastorem Ecclesiæ tuæ præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dominum.

De Spiritu sancto. Secreta.

Munera, quæsumus, Domine, oblata sanctifica: & corda nostra sancti Spiritus illustratione emunda.

Contra persecutores Ecclesiæ.

Secreta.

Protege nos, Domine, tuis mysteriis servientes: ut divinis rebus inherentes, & corpore tibi famulemur & mente. Per Dominum nostrum.

Vel pro Papa. Secreta.

Oblatis, quæsumus Domine, placare munibus: & famulum tuum *N.* quem pastorem Ecclesiæ tuæ præesse voluisti, assidua protectione gubernare. Per Dominum nostrum.

De Spiritu sancto. Postcommunio.

Sancti Spiritus, Domine, corda nostra mundet infusio: & sui roris intima asperione fecundet.

Contra persecutores Ecclesiæ.

Postcommunio.

Quæsumus Domine Deus noster: ut quos divina tribuis participatione gaudere, humanis non finas subiacere periculis. Per Dominum.

Vel pro Papa. Postcommunio.

Hæc nos, quæsumus Domine, divini sacramenti perceptio protegat: & famulum tuum *N.* quem pastorem Ecclesiæ tuæ præesse voluisti, unâ cum commisso sibi grege salvet semper & muniat. Per Dominum.

Alia Missæ votivæ pro diversis rebus, quæ dici possunt quacumque die, nisi fuerit Dominica, vel Officium Duplex: sed tamen passim non dicantur, nisi urgenti de causa, ut supra dictum est de aliis Missis votivis.

MISSA PRO ELIGENDO
summo Pontifice, Sede vacante, dicitur
de Spiritu sancto, vel ut sequitur.

Introitus. 1. Reg. 2.



Uscitábo mihi sacerdotem
fidélem, qui iuxta cor me-
um & ánimam meam fá-
ciet: & ædificábo ei do-
mum fidélem: & ambu-
lábit coram Christo meo,
cunctis diébus. **Psalm. 131.** Meménto Dó-
mine David, & omnis mansuetúdinis
ejus. **v. Glória Patri.** **Oratio.**

Supplici, Dómine, humilitáte depó-
scimus: ut sacrosánctæ Románæ Ec-
clésiæ concédât Pontíficem illum tua
imménsa pietas; qui & pio in nos stúdio
semper tibi plácitus, & tuo pópulo pro
salúbri regímine sit assíduè ad glóriam
tui nóminis reveréndus. Per Dóminum.
Léctio Epístolæ beáti Pauli Apóstoli
ad Hebræos. **Hebr. 4. & 5.**

Fratres, Audeámus cum fidúciâ ad
thronum grátiae: ut misericórdiam
consequámur; & grátiam inveniámus in
auxílio opportúno. Omnis namque Pón-
tifex ex homínibus assúptus pro homí-
nibus constituitur in iis quæ sunt ad Deû,
ut offerat dona, & sacrificia pro peccátis:
qui condolére possit iis, qui ignorant, &
errant: quóniam & ipse circumdatus est
infirmítate: & propterea debet, quem-
admodum pro pópulo, ita étiam & pro
semetípso offerre pro peccátis. Nec quis-
quam sumit sibi honórem, sed qui vocá-
tur à Deo tamquam Aaron. Sic & Chri-
stus non semetípsum clarificávit ut Pón-
tifex fieret: sed qui locútus est ad eum:
Fílius meus es tu, ego hódie génui te.
Quemádmódum & in álio loco dicit: Tu
es sacerdos in ætérnum secúndum ordi-
nem Melchisedech. Qui in diébus carnis
suæ, preces supplicationésque ad eum,
qui possit illum salvum fácere à morte,
cum clamóre válido & lácrymis offe-
rens, exauditus est pro sua reveréntia.

Graduale. Lev. 1. Póntifex sacerdos ma-
gnus inter fratres suos, super cujus caput
fusum est unctiónis óleum, & cujus ma-
nus in sacerdotio consecratæ sunt, vesti-

túsque est sanctis vestibus: debuit per
omnia fratribus similari. **v. Heb. 2.** Ut
misericors fieret, & fidelis Póntifex ad
Deum: ut repropitiáret delicta pópuli.
Allelúja, allelúja. v. Levit. 21. Sacerdos
sit sanctus, sicut & ego sanctus sum Dó-
minus, qui sanctifico vos. Allelúja.

Post Septuagesimam, omittitur Allelúja,
& Versu sequenti, dicitur Tractus.
Psalm. 131. Surge Dómine in réquiem
tuam, tu & arca sanctificationis tuæ.
v. Sacerdotes tui induántur iustitiam,
& Sancti tui exúltent.

v. Propter David servum tuum, non
avértas faciém Christi tui.

Tempore Paschali omittitur Graduale,
& ejus loco dicitur Allelúja, allelúja.
v. Levit. 21. Sacerdos sit sanctus, sicut &
ego sanctus sum Dóminus, qui sanctifico
vos. Allelúja. **v. Joann. 10.** Ego sum pa-
stor bonus: & cognósco oves meas,
& cognóscunt me meæ. Allelúja.

Sequéntia sancti Euangélíi secún-
dum Joánnem. Joann. 14. b

In illo témpore: Dixit Jesus discipulis
suis: Si dilígitis me, mandata mea ser-
vate. Et ego rogábo Patrem, & álíum
Paráclitum dabit vobis, ut máneat vobís-
cum in etérnum, Spíritum veritátis, quem
mundus non potest accípere, quia non
videt eum, nec scit eum. Vos autem cog-
noscétis eum: quia apud vos manébit, &
in vobis erit. Non relínquam vos órpha-
nos: véniam ad vos. Adhuc módicum,
& mundus me jam non videt. Vos autem
vidétis me, quia ego vivo, & vos vivétis.
In illo die vos cognoscétis, quia ego sum
in Patre meo: & vos in me, & ego in vo-
bis. Qui habet mandata mea, & servat ea:
ille est qui diligit me. Qui autem diligit
me, diligétur à Patre meo: & ego dili-
gam eum, & manifestábo ei meípsum.

Offertorium. 3. Esdr. 5. Non participén-
tur sancta, donec exúrgat Póntifex in
ostensiónem & veritatem. **Secreta.**

Tuæ nobis, Dómine, abundántia
pietátis indulgeat: ut per sacra mú-
nera, quæ tibi reverénter offerimus, gra-
tum majestáti tuæ Pontíficem sanctæ

matris Ecclesie regimini præesse gaudeamus. Per Dominum.

Communio. *Exod. 29.* Veste sancta utetur Pontifex, qui fuerit constitutus: & ingrediatur tabernaculum testimonii, ut ministret in sanctuario. **Postcommunio.**

Pretiosi corporis & sanguinis tui nos, Domine, sacramento refectos, miraculæ majestatis gratia de illius summi Pontificis concessione lætificet: qui & plebem tuam virtutibus instruat, & fidelium mentes spiritualium aromatum odore perfundat. Qui vivis & regnas.

In die Creationis & Coronationis Papæ & ejusdem diei Anniversario, dicitur Missa ut in Cathedra sancti Petri die xviii. Januarii, cum Oratione, Deus omnium fidelium. fol. xxxviii. omittis Orationibus SS. Petri & Pauli: & dicitur Credo.

IN ANNIVERSARIO electionis, seu consecrationis Episcopi.

Introitus. *Psal. 131.*



Acerdotes tui, Domine, induant justitiam, & Sancti tui exultent: propter David servum tuum, non avertas faciem Christi tui.

Psal. ibid. Memento Domine David: & omnis mansuetudinis ejus. *Glória Patri.* **Oratio.**

Deus omnium fidelium pastor & rector, famulum tuum **N.** quem pastorem Ecclesie **N.** præesse voluisti, propitius respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito, perveniat sempiternam. Per Dominum.

Lectio Epistolæ beati Pauli Apostoli ad Hebræos. **Hebr. 5.**

Fratres, Omnis Pontifex ex hominibus assumptus, pro hominibus constituitur in iis, quæ sunt ad Deum, ut offerat dona, & sacrificia pro peccatis: qui condolare possit iis, qui ignorant, & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. Nec quis-

quam sumit sibi honorem, sed qui vocatur à Deo tamquam Aaron.

Graduale. *Psal. 131.* Sacerdotes ejus induam salutem ari: & Sancti ejus exultatione exultabunt. *Ps.* Illuc producam cornu David: paravi lucernam Christo meo. **Alleluya, alleluya.** *Ps. 109.* Juravit Dominus, & non poenitebit eum: Tu es sacerdos in æternum secundum ordinem Melchisedech. **Alleluya.**

Post Septuagesimam, omnis Alleluya, & Versu sequenti, dicitur Tractus. *Psal. 111.* Beatus vir, qui timet Dominum: in mandatis ejus cupit nimis.

Ps. Potens in terra erit semen ejus: generatio rectorum benedicetur.

Ps. Glória & divitiæ in domo ejus: & justitia ejus manet in sæculum sæculi.

Tempore Paschali, omisso Graduali, & ejus loco dicitur Alleluya, alleluya. *Ps. 109.* Juravit Dominus, & non poenitebit eum: Tu es sacerdos in æternum secundum ordinem Melchisedech. **Allel.** *Eccli. 45.* Amavit eum Dñs, & ornavit eum: stolam gloriæ induit eum. **Alleluya.**



Sequentia sancti Evangelii secundum Marcum. **Marc. 13. d**

In illo tempore: Dixit Jesus discipulis suis: Videte, vigilate, & orate: nescitis enim quando tempus sit. Sicut homo, qui peregre profectus reliquit domum suam, & dedit servis suis potestatem cujusque operis, & janitori præcepit ut vigilet. Vigilate ergo (nescitis enim quando dominus domus veniat: serò, an média nocte, an galli cantu, an mane) ne, cum venerit repente, inveniat vos dormientes. Quod autem vobis dico, omnibus dico: Vigilate. **Credo.**

Offertorium. *Psal. 88.* Veritas mea, & misericordia mea cum ipso: & in nomine meo exaltabitur cornu ejus. **Secreta.**

Oblatis, quæsumus, Domine, placare munibus: & famulum tuum **N.** quem pastorem Ecclesie **N.** præesse voluisti, assidua protectione gubernare. Per Dominum.

Communio. *Matth. 24.* Beatus servus, quem, cum venerit Dominus, invenerit

vigilantem: amen dico vobis, super omnia bona sua constituet eum.

Postcommunio.

HÆc nos quæsumus Dómine, divini sacramenti perceptio protegat: & famulum tuum **N.** quem pastorem Ecclesiæ **N.** præesse voluisti, unā cum commisso sibi grege, salvet semper & muniat. Per Dóminum.

MISSA AD TOLLENDUM

Schisma.**Introitus.****Psal. 105.**

Alvos nos fac, Dómine Deus noster, & congrega nos de nationibus: ut confiteamur nómini sancto tuo, & gloriemur in laude tua.

Psal. ibid. Confitemini Dó-

mino, quóniam bonus: quóniam in sæculum misericórdia ejus. **Glória. Oratio.**

DEus, qui errata corrigis, & dispersa congregas, & congregata conservas: quæsumus, super pópulum Christiánium tuæ uniónis grátiam cleménter infunde; ut divisióne rejécta, vero Pastóri Ecclesiæ tuæ se úniens, tibi dignè váleat famulári. Per Dóminum.

Lectio Epístolæ beati Pauli Apóstoli ad Ephésios.

Ephes. 4.

FRatres, Obsecro vos, ut dignè ambuletis vocatióne, qua vocati estis, cum omni humilitate, & mansuetudine, cum patientia, supportantes invicem in charitate, solíciti servare unitatem Spíritus in vínculo pacis. Unum corpus, & unus Spíritus, sicut vocati estis in una spe vocatiónis vestræ. Unus Dóminus, una fides, unum baptisma. Unus Deus, & Pater ómnium, qui est super omnes & per omnia, & in ómnibus nobis. Unicuique autem nostrum data est grátia secúndum mensúram donatiónis Christi: donec occurrámus omnes in unitatem fidei, & agnitiónis Filii Dei, in virum perfectum, in mensúram ætátis plenitudinis Christi: ut jam non simus párvuli fluctuantes, & circumferámur omni vento doctrinæ in nequítia hóminum in astútia ad circumventiõem erroris. Veritatem autem facientes in charitate, crescámus in illo per

omnia, qui est caput Christus: ex quo totum corpus compáctum & connéxum per omnem junctúram subministratiónis, secúndum operatióem in mensúram uniuscujusque membri, augmentum corporis facit in ædificatióem sui in charitate. Hoc igitur dico, & testificor in Dómino, ut jam non ambulétis, sicut & Gentes ambulant in vanitate sensus sui, tenebris obscurátum habéntes intelléctum, alienati a vita Dei per ignorantiam, quæ est in illis, propter cæcitatem cordis ipsórum, qui desperantes semetipsos tradiderunt impudiciæ, in operatióem immunditiæ omnis, in avaritiam. Vos autem non ita didicistis Christum: si tamen illum audistis, & in ipso edócti estis, sicut est veritas in Christo Jesu Dómino nostro.

Graduale. Ps. 121. R. ogáte quæ ad pacem sunt Jerúsalem: & abundantia diligéntibus te. **Glória. Fiat** pax in virtúte tua, & abundantia in túribus tuis. **Allelúja, allelúja.**

Ps. 147. Lauda Jerúsalem Dóminum: lauda Deum tuum Sion. **Allelúja.**

Post Septuagesimam, Tractus. Psal. 75.

Notus in Judæa Deus, in Israel magnum nomen ejus. **Glória. Et factus** est in pace locus ejus, & habitatio ejus in Sion.

Glória. Ibi confrégit poténtias arcuum, scutum, gládium, & bellum.

Tempore Paschali, omittitur Graduale, & ejus loco dicitur Allelúja, allelúja.

Ps. 147. Lauda Jerúsalem Dóminum: lauda Deum tuum Sion. **Allelúja.**

Glória. Qui posuit fines tuos pacem: & adipe frumenti sátiat te. **Allelúja.**



Sequéntia sancti Euangélii secúndum Joánnem. Joann. 17. b

IN illo tempore: Sublevátis Jesus oculis in cœlum, dixit: Pater sancte, serva eos in nómine tuo, quos dedisti mihi, ut sint unum, sicut & nos. Cúm essem cùm eis, ego servábam eos in nómine tuo. Quos dedisti mihi, custodi: & nemo ex eis périt, nisi filius perditionis, ut Scriptúra impleatur. Nunc autem ad te vénio: & hæc loquor in mundo, ut hábeant gáudium meum implétum in semetipsis. Ego dedi eis sermónem

nem tuum, & mundus eos odio habuit, quia non sunt de mundo, sicut & ego non sum de mundo. Non rogo, ut tollas eos de mundo, sed ut serves eos à malo. De mundo non sunt: sicut & ego non sum de mundo. Sanctifica eos in veritate. Sermo tuus veritas est. Sicut tu me misisti in mundum, & ego misi eos in mundum. Et pro eis ego sanctifico meipsum: ut sint & ipsi sanctificati in veritate. Non pro eis autem rogo tantum, sed & pro eis, qui credituri sunt per verbum eorum in me: ut omnes unum sint, sicut tu Pater in me, & ego in te, ut & ipsi in nobis unum sint: ut credat mundus, quia tu me misisti. Et ego claritatem, quam dedisti mihi, dedi eis: ut sint unum, sicut & nos unum sumus. Ego in eis, & tu in me: ut sint consummati in unum.

Offertorium. Rom. 15. Det vobis Deus idipsum sapere in alterutrum: ut unanimes uno ore honorificetis Deum nostrum.

Secreta.


MUnera hæc pro uniōne pōpuli Christiāni tibi Dōmine, oblata sanctifica: per quæ unitatis & pacis in Ecclesia tua nobis dona concedas. Per Dōminum.

Communio. 1. Cor. 10. Unus panis & unum corpus multi sumus, omnes qui de uno pane & de uno calice participamus.

Postcommunio.

Hæc tua Dōmine sumpta sacra communio, sicut fideliū in te uniōnem præsīgnat: sic in tua Ecclesia unitatis, quæsumus, operetur effectum. Per Dñm.

MISSA PRO QUACUMQUE necessitate.



Introitus. Alus pōpuli ego sum, dicit Dōminus: de quacūque tribulatiōe clamaverint ad me, exaudiam eos: & ero illorum Dōminus in perpetuum.

Psal. 77. Attendite pōpule meus legem meam: inclināte aurem vestram in verba oris mei. **Glória Patri.**

Oratio.

Ineffabilem misericordiam tuam, Dōmine, nobis clemēter ostēde: ut simul nos & à peccātis omnibus exuas, &

à pōenis, quas pro his meremur, eripias. Per Dōminum nostrum.

Lectio Jeremiæ Prophætæ. Jer. 14.

Si iniquitates nostræ responderint nobis: Dōmine fac propter nomen tuum, quoniam multæ sunt aversiones nostræ, tibi peccavimus. Expectatio Israel, salvator ejus in tempore tribulationis. Tu autem in nobis es, Dōmine, & nomen tuum invocatum est super nos, ne derelinquas nos, Dōmine Deus noster.

Graduale. Psal. 43. Liberasti nos Dōmine ex affligentibus nos: & eos qui nos oderunt, confudisti. **In Deo laudabimur tota die, & in nōmine tuo confitebimur in sæcula. Allelūja, allelūja.**

Psal. 78. Propitius esto, Dōmine, peccatis nostris: nequādo dicant Gentes, Ubi est Deus eorum? Allelūja.

Post Septuagesimam, omittitur Allelūja, & Versu sequenti, dicitur Tractus.

Psal. 24. De necessitatibus meis eripe me Dōmine: vide humilitatem meam, & laborem meum: & dimitte omnia peccata mea. **Ad te Dōmine levavi animam meam: Deus meus, in te confido, non erubescam: neque irideant me inimici mei. Etenim universi qui te expectant, non confundentur: confundantur omnes facientes vana.**

Tempore Paschali, omittitur Graduale, & ejus loco dicitur Allelūja, allelūja.

Psal. 78. Propitius esto, Dōmine, peccatis nostris: nequādo dicant Gentes, Ubi est Deus eorum? Allelūja.

Psal. 30. Exultabo & lætabor in misericordia tua: quoniam respexisti humilitatem meam: salvasti de necessitatibus animam meam. Allelūja.

Sequentia sancti Evangelii secundum Marcum. Marc. 11. c.

In illo tempore: Dixit Jesus discipulis suis: Habete fidem Dei. Amen dico vobis, quia quicumque dixerit huic monti: Tollere, & mittere in mare, & non hæsitaverit in corde suo, sed crediderit, quia quodcumque dixerit, fiat, fiet ei. Propterea dico vobis, omnia quaecumque orantes petitis, credite quia accipietis,

tis, & evénient vobis. Et cum stábitis ad orándum, dimíttite si quid habétis advér-
sus áliquem: ut & Pater vester qui in coelis
est, dimíttat vobis peccáta vestra. Quòd
si vos non dimiseritis: nec Pater vester qui
in coelis est, dimíttet vobis peccáta vestra.

Offertorium. Psalm. 137. Si ambulávero
in médio tribulatiónis, vivificábis me,
Dómine: & super iram inimicórum meó-
rum exténdes manum tuam, & salvum
me faciet dextera tua. **Secreta.**

Puríficet nos, Dómine quæsumus, mún-
neris præsentis oblátio: & dignos sa-
craparticipatióne perficiat. Per Dóminū.

Communio. Psal. 118. Memento verbi
tui servo tuo Dómine, in quo mihi spem
dedisti: hæc me consoláta est in humili-
táte mea. **Postcommunio.**

Præsta quæsumus, Dómine: ut terré-
nis affectibus expiáti, ad supérni ple-
nitúdinem sacraménti, cujus libávimus
sancta, tendámus. Per Dóminum.

**MISSA PRO REMISSIONE
peccatorum. Introitus. Sap. 11.**



Iseréris ómnium, Dómine,
& nihil odisti eórum, quæ
fecisti: dissimulans peccáta
hóminum propter pœni-
téntiam, & parcens illis:
quia tu es Dómine Deus
noster. **Psal. 56.** Miferére mei Deus, mi-
ferére mei: quóniam in te confidit ánima
mea. **Glória Patri. Oratio.**

Exáudi, quæsumus, Dómine, súpli-
cum preces, & confiténtium tibi par-
ce peccátis: ut páriter nobis indulgéntiam
tribuas benígnus & pacem. Per Dñm.

Lectio Epístolæ beáti Pauli Apóstoli
ad Romános. **Rom. 7. d**

Fratres, Condeléctor legi Dei secún-
dum interiorem hóminem: vídeo
autem áliam legem in membris meis,
repugnántem legi mentis meæ, & ca-
ptivántem me in lege peccáti, quæ
est in membris meis. Infélix ego ho-
mo, quis me liberábit de corpore
mortis huius? Grátia Dei per Jesum
Christum Dóminum nostrum.

Graduale. Psalm. 78. Propítius esto Dó-

mine peccátis nostris, nequándo dicant
Gentes: Ubi est Deus eórum? **Adjua**
nos Deus salutáris noster: & propter ho-
nórem nóminis tui, Dómine, libera nos.
Allelúja, allelúja. Psalm. 7. Deus ju-
dex justus, fortis & pátiens: numquid
irascétur per singulos dies? **Allelúja.**

Post Septuagesimam, omissis Allelúja,
& Versu sequenti, dicitur Tractus.

Psal. 129. De profúndis clamávi ad te
Dómine, Dómine exáudi vocem meam.
Fiant aures tuæ intendéntes in oratió-
nem servi tui. **Si** iniquitátes observá-
veris Dómine: Dómine, quis sustinébit?
Quia apud te propitiátio est: & pro-
pter legem tuam sustínui te, Dómine.

Tempore Paschali, omittitur Graduale,
& ejus loco dicitur Allelúja, allelúja.
Psalm. 7. Deus judex justus, fortis &
pátiens: numquid irascétur per singulos
dies? **Allelúja. Psal. 50.** Audítui meo
dabis gáudium & lætítiam: & exultá-
bunt ossa humiliáta. **Allelúja.**



Sequéntia sancti Euangélíi secún-
dum Lucam. **Lucæ 11. b**

In illo témpore: Dixit Jesus discipulis
suis: Pétite, & dábitur vobis: quæri-
te, & inveniétis: pulsáte, & aperiétur
vobis. Omnis enim, qui petit, áccipit:
& qui quærit, invenit: & pulsánti ape-
riétur. Quis autem ex vobis patrem pe-
tit panem: numquid lápidem dabit illi?
Aut piscem: numquid pro pisce serpen-
tem dabit illi? Aut si petserit ovum:
numquid pórriget illi scorpiónem? Si
ergo vos cum sitis mali, nostis bona
data dare filiis vestris: quantò magis
Pater vester de cælo dabit spíritum
bonum peténtibus se?

Offertorium. Psal. 101. Dómine exáudi
oratiómem meam: & clamor meus ad
te pervéniat. **Secreta.**

Hostiastibi, Dómine, placatiónis,
& laudis offerimus: ut & delicta
nostra miserátus absólvas, & nutántia
corda tu dirigas. Per Dóminum.

Communio. Luc. 11. Pétite, & accipiétis:
quærite, & inveniétis: pulsáte, & aperié-
tur vobis: omnis enim qui petit, áccipit:
& qui


& qui quærit, invenit: & pulsanti aperiétur.

Postcommunio.

Praesta nobis, æternæ Salvator: ut percipientes hoc munere veniam peccatorum, deinceps peccata vitemus. Per Dóminum nostrum.

MISSA AD POSTULANDAM gratiam benè moriendi.

Introitus. Psalm. 12.



Llúmina oculos meos, ne unquam obdormiam in morte: nequándo dicat inimicus meus, Prævalui adversus eum.

Psal. ibid. Usq; quò Dómine oblivisceris me in finem? usquequò avértis faciém tuam à me?

Glória Patri.

Oratio.

Omnipotens & miséricors Deus, qui humano generi & salutis remédia & vitæ æternæ múnere contulisti: respice propitius nos famulos tuos, & ánimas réfove, quas creásti; ut in hora éxitus earum, absque peccati mácula tibi Creatóri suo per manus sanctorum Angelorum repræsentári mereántur. Per Dóminum.

Lectio Epístolæ beati Pauli Apóstoli ad Romános.

Cap. 14. vers. 7.

Fratres, Nemo nostrum sibi vivit, & nemo sibi móritur. Sive enim vivimus, Dómino vivimus: sive mórimur, Dómino mórimur. Sive ergo vivimus, sive mórimur, Dómini sumus. In hoc enim Christus mórtuus est, & resurrexit: ut & mortuorum, & vivorum dominétur. Tu autem quid júdicas fratrem tuum? aut tu quare spernis fratrem tuum? Omnes enim stábitus ante tribunal Christi. Scriptum est enim: Vivo ego, dicit Dóminus, quóniam mihi fletétur omne genu: & omnis lingua confitébitur Deo. Itaque unusquisque nostrum pro se ratióem reddet Deo.

Graduale. Psalm. 22. Si ámbulem in médio umbræ mortis, non timébo mala: quóniam tu mecum es, Dómine.

Virga tua, & báculus tuus, ipsa me consoláta sunt. Allelúja, allelúja.

Psal. 30. In te Dómine sperávi, non confundar in ætérnum: in iustitia tua libera me, & éripe me: inclína ad me aurem tuam, accélera, ut erípias me. Allelúja.

Post Septuagesimam, omissis Allelúja, & Versu sequenti, dicitur Tractus.

Psalm. 24. De necessitatibus meis éripe me Dómine: vide humilitátem meam, & labórem meum: & dimítte ómnia peccáta mea. **Ad te Dómine levávi ánimam meam: Deus meus, in te confido, non erubescam: neque irrideant me inimici mei. Etenim univérsti qui te expéctant, non confundéntur: confundántur omnes faciéntes vana.**

Tempore Paschali, omittitur Graduale, & ejus loco dicitur Allelúja, allelúja.

Psal. 113. In éxitu Israel de Ægypto, domus Jacob de pópulo bárbaro. Allelúja.

Psal. 107. Parátum cor meum, Deus, parátum cor meum: cantábo, & psallam tibi, glória mea. Allelúja.



Sequéntia sancti Euangélíi secúndum Lucam. **Lucæ 21. g**

In illo témpore: Dixit Iesus discipulis suis: Atténdite vobis, ne fortè gravéntur corda vestra in crápula, & ebrietáte, & curis hujus vitæ: & superveniat in vos repentina dies illa: tamquam láqueus enim supervéniet in omnes, qui sedent super faciém omnis terræ. Vigiláte itaque, omni témpore orántes, ut digni habeámini fúgere ista ómnia, quæ futúra sunt, & stare ante Filium hóminis.

Offertorium. Psalm. 30. In te sperávi Dómine, dixi: Tu es Deus meus, in má nibus tuis témpora mea. **Secreta.**

Suscipe, quæsumus, Dómine, hóstiam, quam tibi offérimus pro extremo vitæ nostræ, & concéde; ut per eam univérsta nostra purgéntur delicta: ut, qui tuæ dispositiónis flagéllis in hac vita attérimur, in futúra réquiem consequámur ætérnam. Per Dóminum.

Communio. Psalm. 70. Dómine memorábor iustitiæ tuæ solius: Deus docuísti me à juventúte mea: & usque in senéctam, & sénium Deus ne derelinquas me.

Post-

Postcommunio.

Quæsumus clementiam tuam, omnipotens Deus, ut per hujus virtutem Sacramenti nos famulos tuos gratia tua confirmare digneris: ut in hora mortis nostræ non prævaleat contra nos adversarius, sed cum Angelis tuis transitum habere mereamur ad vitam. Per Dñm.

MISSA CONTRA PAGANOS.

Introitus. Psalm. 43.



Xurge, quare obdormis Domine? exurge, & ne repellas in finem: quare faciem tuam avertis? oblivisceris tribulationem nostram: adhæsit in terra venter noster:

exurge Domine, adjuva nos, & libera nos. **Psalm. ibid.** **D**eus, auribus nostris audivimus: patres nostri annuntiaverunt nobis. **V.** Glória Patri. **Oratio.**

Omnipotens sempiternus Deus, in cujus manu sunt omnium potestates, & omnium jura regnorum: respice in auxilium Christianorum; ut gentes Paganorum, quæ in sua feritate confidunt, dexteræ tuæ potentia conterantur. Per Dominum nostrum.

Lectio libri Esther. **Esth. 13. c.**

In diebus illis: Oravit Mardocheus ad Dominum, dicens: Domine, Domine Rex omnipotens, in ditione enim tua cuncta sunt posita: & non est qui possit tuæ resistere voluntati, si decreveris salvare Israel. Tu fecisti coelum & terram, & quidquid coeli ambitu continetur. Dominus omnium es, nec est qui resistat majestati tuæ. Et nunc Domine Rex, Deus Abraham miserere populi tui, quia volunt nos inimici nostri perdere, & hæreditatem tuam delere. Ne despicias partem tuam, quam redemisti tibi de Ægypto. Exaudi deprecationem meam, & propitius esto sorti & funiculo tuo, & converte luctum nostrum in gaudium, ut viventes laudemus nomen tuum Domine, & ne claudas ora te canentium, Domine Deus noster.

Graduale. Psalm. 82. S ciant Gentes, quoniam nomen tibi Deus: tu solus Altissi-

mus super omnem terram, **V.** Deus meus, pone illos ut rotam, & sicut stipulam ante faciem venti. **A** llelúja, allelúja.

V. Psalm. 79. Excita Dñe potentiam tuam, & veni: ut salvos facias nos. Allelúja.

Post Septuagesimam. omittis Allelúja, & Versu sequenti, dicitur Tract. Psalm. 78.

Adjuva nos Deus salutaris noster: & propter honorem nominis tui Domine, libera nos: & propitius esto peccatis nostris, propter nomen tuum. **V.** Nequando dicant Gentes, Ubi est Deus eorum? & innotescat in nationibus coram oculis nostris. **V.** Vindica sanguinem servorum tuorum, qui effusus est: intret in conspectu tuo gemitus compeditorum.

Tempore Paschali, omittitur Graduale, & ejus loco dicitur A llelúja, allelúja.

V. Psalm. 79. Excita Domine potentiam tuam, & veni, ut salvos facias nos. Allelúja. **V.** Deus virtutum convertere, respice de coelo, & vide, & visita vineam istam: & perfice eam, quam plantavit dextera tua. Allelúja.



Sequentia sancti Evangelii secundum Lucam. **Lucæ 11.**

In illo tempore: Dixit Jesus discipulis suis: Quis vestrum habebit amicum, & ibit ad illum média nocte, & dicet illi: Amice, commoda mihi tres panes, quoniam amicus meus venit de via ad me, & non habeo quod ponam ante illum; & ille deintus respondens, dicat: Noli mihi molestus esse, jam ostium clausum est, & pueri mei mecum sunt in cubili, non possum surgere, & dare tibi. Et si ille perseveraverit pulsans: dico vobis, & si non dabit illi surgens, eo quod amicus ejus sit, propter improbitatem tamen ejus surget, & dabit illi quotquot habet necessarios. Et ego dico vobis: Petite, & dabitur vobis: quærite, & invenientis: pulsate, & aperiatur vobis. Omnis enim qui petit accipit: & qui quærit, invenit: & pulsanti aperiatur. Quis autem ex vobis patrem petit panem: numquid lapidem dabit illi? Aut piscem: Numquid pro pisce serpentem dabit illi? Aut si petierit ovum: numquid porriget illi

illi scorpionem? Si ergo vos cum sitis mali, nostis bona data dare filiis vestris, quanto magis Pater vester de coelo dabit spiritum bonum petentibus se?

Offertorium. Psal. 17. Pópulum húmílem saluum fácies: & óculos superbórum humiliábis: quóniam quis Deus, præter te Dómine?

Secreta.

Sacrificium, Dómine, quod immolámus, inténde: ut propugnátóres tuos ab omni éruas Paganórum nequítia, & in tuæ protectiónis securitáte constituas. Per Dóminum.

Communio. Psal. 118. In salutári tuo ánimæ mea, & in verbum tuum sperávi: quando fácies de persequéntibus me iudícium? iníqui persecúti sunt me, ádjuva me Dómine Deus meus.

Postcommunio.

Protéctor noster áspice Deus, & propugnátóres tuos à Paganórum defénde perículis: ut omni perturbatione submóta, líberis tibi méntibus deserviant. Per Dóminum.

MISSA TEMPORE BELLI.

Introitus. Psalm. 24.



Eminíscere miserationum tuárum, Dómine, & misericórdiæ tuæ, quæ à sæculo sunt: ne umquam dominéntur nobis inimíci nostri: líbera nos Deus Israel ex ómnibus angústis nostris.

Psal. ibid. Ad te Dómine levávi ánimam meam: Deus meus, in te confido, non erubéscam.

Glória Patri.

Oratio.

Deus, qui cónteris bella, & impugnatóres in te sperántium poténtia tuæ defensiónis expúgnas: auxiliáre fámulis tuis implorántibus misericórdiam tuam; ut inimicórum suórum feritáte depréssa, incessábili te gratiárum actióne laudémus. Per Dóminum.

Lectio Jeremiæ Prophætæ. Jer. 42.

In diébus illis: Accessérunt omnes príncipes bellatórum: dixerúntque ad Jeremiám Prophétam: Ora pro nobis ad Dóminum Deum tuum. Et factum est verbum Dómini ad Jeremiám. Vocavítque omnes príncipes bellatórum, & uni-

vérsum pópulum à mínimo usque ad magnum. Et dixit ad eos: Hæc dicit Dóminus Deus Israel, ad quem misístis me, ut postérnerem preces vestras in conspéctu ejus: Si quiescéntes mansérítis in terra hac, ædificábo vos, & non déstruam: plantábo, & non evéllam: jam enim placátus sum super malo, quod feci vobis. Nolíte timére à fácie regis Babylónis, quem vos pávidi formidátis: nolíte metúere eum, dicit Dóminus: quia vobíscum sum ego, ut salvos vos fáciam, & éruam de manu ejus. Et dabo vobis misericórdias, & miserébor vestri, & habitáre vos fáciam in terra vestra: dicit Dóminus omnipotens.

Graduale. Psal. 76. Tu es Deus, qui facis mirabilia solus: notam fecísti in Génitibus virtútem tuam. **Ps.** Liberásti in bráchio tuo pópulum tuum filios Israel, & Joseph. **A**llelúja, allelúja.

Psalm. 58. Eripe me de inimícis meis Deus meus, & ab insurgéntibus in me líbera me. Allelúja.

Post Septuagesimam, omíssis Allelúja, & Versu sequenti, dicitur Tract. Ps. 102. Dómine, non secúndum peccáta nostra, quæ fecimus nos: neque secúndum iniquitátes nostras retribuas nobis.

Psalm. 78. Dómine ne memínieris iniquitátum nostrárum antiquárum: citò anticipent nos misericórdiæ tuæ, quia páuperes facti sumus nimis.

Ps. Ádjuva nos Deus salutáris noster, & propter glóriam nóminis tui Dómine, líbera nos: & propítius esto peccátis nostris, propter nomen tuum.

Tempore Paschali, omíttitur Graduale, & ejus loco dicitur Allelúja, allelúja.

Psalm. 58. Eripe me de inimícis meis Deus meus: & ab insurgéntibus in me líbera me. Allelúja. **Ps.** Ego autem cantábo fortitúdinem tuam: exultábo manè misericórdiam tuam. A llelúja.

Sequéntia sancti Euangélíi secúndum Matthæum. Matth. 24.

In illo témpore: Accessérunt ad Jesum discípuli secrétò, dicéntes: Dic nobis, quando hæc erunt? & quod signum

gnum adventus tui, & consummationis sæculi? Et respondens Jesus, dixit eis: Videte ne quis vos seducat. Multi enim venient in nomine meo, dicentes: Ego sum Christus: & multos seducunt. Audituri enim estis praelia, & opiniones praeliorum. Videte ne turbemini. Oportet enim hæc fieri, sed nondum est finis. Consurgit enim gens in gentem, & regnum in regnum, & erunt pestilentiae, & fames, & terræmôtus per loca. Hæc autem omnia initia sunt dolorum.

Offertorium. Psal. 17. Pópulum humilem salvum facies Dómine, & oculos superbórum humiliabis: quóniam quis Deus, præter te Dómine? **Secreta.**

Sacrificium Dómine, quod immolamus, inténde placatus: ut ab omni nos érueat bellórum nequítia, & in tuæ protectionis securitate constituat. Per Dñm.

Communio. Psalm. 30. Inclina aurem tuam, accéléra, ut erípias nos.

Postcommunio.

Deus regnórum ómnium, regúmque dominátor, qui nos & percutiéndò sanas, & ignoscéndò consérvas: præténde nobis misericórdiam tuam; ut tranquillitate pacis, tua potestáte serváta, ad remédia correctiónis utámur. Per Dóminum.

MISSA PRO PACE.

Introitus.

Eccli. 36.



A pacem Dómine sustinentibus te, ut Prophétæ tui fidèles inveniántur: exáudi preces servi tui, & plebis tuæ Israel.

Psal. 121. Lætátus sum in his, quæ dicta sunt mihi: in domum Dómini ibimus. **Glória Patri.** **Oratio.**

Deus, à quo sancta desidéria, recta consília, & iusta sunt ópera: da servis tuis illam, quam mundus dare non potest, pacem; ut & corda nostra mandátis tuis dedita, & hóstiũ sublata formidine, témpora sint tua protectióne tranquilla. Per Dóminum.

Lectio libri Machabæórum. 2. Mach. 1.

Fratribus, qui sunt per Ægyptum, Judæis, salutem dicunt fratres, qui sunt

in Jerosólymis, Judæis; & qui in regione Judææ, & pacem bonam. Benefáciat vobis Deus; & memínerit testaménti sui, quod locútus est ad Abraham, & Isaac, & Jacob servórum suórum fidélium: & det vobis cor ómnibus, ut colátis eum, & faciátis ejus voluntátem, corde magno, & ánimo volénti. Adapériat cor vestrum in lege sua, & in præcéptis suis, & faciát pacem. Exáudiat oratiónes vestras, & reconciliétur vobis, nec vos déserat in témpore malo, Dóminus Deus noster.

Graduale. Psal. 121. **R**ogáte quæ ad pacem sunt Jerúsalem: & abundantia diligéntibus te. **V.** Fiat pax in virtúte tua: & abundantia in túrribus tuis. **Allelúja, allelúja.**

V. Psalm. 147. Lauda Jerúsalem Dóminum: lauda Deum tuum Sion. **Allelúja.**

Post Septuagesimam, omíssis Allelúja, & Versu sequenti, dicitur Tract. Psal. 75.

Notus in Judæa Deus, in Israel magnum nomen ejus. **V.** Et factus est in pace locus ejus, & habitatio ejus in Sion.

V. Ibi confrégit poténtias arcuum, scutum, gládium, & bellum.

Tempore Paschali, omíttitur Graduale, & ejus loco dicitur Allelúja, allelúja.

V. Psal. 147. Lauda Jerúsalem Dóminum: lauda Deum tuum Sion. **Allelúja.**

V. Qui pósuit fines tuos pacem, & ádipe fruménti sátiat te. **Allelúja.**



Sequéntia sancti Euangélii secundum Joánnem. **Joann. 20. e**

In illo témpore: Cùm serò esset die illo, una sabbatórum, & fores essent clausæ, ubi erant discípuli congregati propter metum Judæórum: venit Jesus & stetit in médio, & dixit eis: Pax vobis. Et cùm hoc dixisset, osténdit eis manus & latus. Gavísi sunt ergo discípuli viso Dómino. Dixit ergo eis iterum: Pax vobis. Sicut misit me Pater, & ego mitto vos. Hæc cùm dixisset, insufflavit, & dixit eis: Accípite Spíritum sanctum: quorum remiséritis peccáta, remittúntur eis: & quorum retinuéritis, reténta sunt.

Offertorium. Psalm. 134. Laudáte Dóminum, quia benignus est: psállite nómini ejus, quóniam suávis est: ómnia quæ-

quæcúmque voluit, fecit in cœlo, & in terra.

Secreta.

Deus, qui credentes in te populos nullis finis concuti terroribus, dignare preces, & hostias dicatæ tibi plebis suscipere; ut pax à tua pietate concessa, Christianorum fines ab omni hoste faciat esse securos. Per Dominum.

Communio. Joann. 14. Pacem relinquo vobis: pacem meam do vobis, dicit Dominus.


Postcommunio.

Deus auctor pacis & amator, quem nosse, vivere; cui servire, regnare est: protege ab omnibus impugnationibus supplices tuos; ut, qui in defensione tua confidimus, nullius hostilitatis arma timeamus. Per Dominum.

MISSA PRO VITANDA mortalitate, vel tempore pestilentiae.

Introitus.

2. Reg. 24.



Recordare Domine testamenti tui, & dic Angelo percutienti: Cesset jam manus tua, & non desoletur terra, & ne perdas omnem animam viventem.

Psalmus 79. Qui regis Israel intende: qui deducis velut ovem Joseph.

Glória Patri.

Oratio.

Deus qui non mortem, sed poenitentiam desideras peccatorum: populum tuum ad te revertentem propitius respice; ut, dum tibi devotus existit, iracundiae tuae flagella ab eo clementer amoveas. Per Dominum.

Lectio libri Regum.

2. Reg. 24. c.

In diebus illis: Immisit Dominus pestilentiam in Israel, de mane usque ad tempus constitutum, & mortui sunt ex populo, à Dan usque ad Bersabée, septuaginta millia virorum. Cumque extendisset manum suam Angelus Domini super Jerusalem, ut disperderet eam, misertus est Dominus super afflictione, & ait Angelo percutienti populum: Sufficit: nunc contine manum tuam. Erat autem Angelus Domini juxta aream Areuna Jebusæi. Dixitque David ad Dominum, cum vidisset Angelum cadentem populum:

Ego sum qui peccavi, ego inquit egi: isti qui oves sunt, quid fecerunt? vertatur, obsecro, manus tua contra me, & contra domum patris mei. Venit autem Gad Propheta ad David in die illa, & dixit ei: Ascende, & constitue altare Domino in area Areuna Jebusæi. Et ascendit David juxta sermonem Gad, quem praeceperat ei Dominus: & aedificavit altare Domino, & obtulit holocausta & pacifica: & propitiatus est Dominus terrae, & cohibita est plaga ab Israel.

Graduale. Psal. 106. Misit Dominus verbum suum, & sanavit eos: & eripuit eos de morte eorum. **V.** Confiteantur Domino misericordiae ejus: & mirabilia ejus filiis hominum. **A.** Alleluya, alleluya.

V. Psalm. 68. Salvum me fac Deus, quoniam intraverunt aquae usque ad animam meam. Alleluya.

Post Septuagesimam, omissis Alleluya, & Versu sequenti, dicitur Tract. Psal. 102.

Domine, non secundum peccata nostra, quae fecimus nos: neque secundum iniquitates nostras retribuas nobis.

V. Psalm. 78. Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis.

V. Adjuva nos Deus salutaris noster: & propter gloriam nominis tui Domine, libera nos: & propitius esto peccatis nostris propter nomen tuum.

Tempore Paschali omittitur Graduale, & ejus loco dicitur A. Alleluya, alleluya.

V. Psalm. 68. Salvum me fac Deus, quoniam intraverunt aquae usque ad animam meam. Alleluya. **V. Zach. 8.** Salvabo populum meum Israel in die malo: & ero eis in Deum, in veritate & justitia. Alleluya.

Sequentia sancti Evangelii secundum Lucam. **Lucæ 4. g.**

In illo tempore: Surgens Jesus de Synagoga, introivit in domum Simonis. Socrus autem Simonis tenebatur magnis febribus: & rogaverunt illum pro ea. Et stans super illam, imperavit febrim: & dimisit illam. Et continuo surgens ministrabat illis. Cum autem sol occidisset, omnes

omnes qui habebant infirmos variis languoribus, ducebant illos ad eum. At ille singulis manus imponens, curabat eos. Exibant autem demonia a multis clamantia, & dicentia: Quia tu es Filius Dei: & increpans non sinebat ea loqui, quia sciebant ipsum esse Christum. Facta autem die egressus ibat in desertum locum, & turbæ requirebant eum, & venerunt usque ad ipsum: & detinebant illum ne discederet ab eis. Quibus ille ait: Quia & aliis civitatibus oportet me evangelizare regnum Dei: quia ideo missus sum. Et erat prædicans in synagogis Galilææ.

Offertorium. Num. 16. Stetit Pontifex inter mortuos & vivos, habens thuribulum aureum in manu sua: & offerens incensi sacrificium, placavit iram Dei, & cessavit quasiatio a Domino.

Secreta.

Subveniat nobis, quæsumus, Domine, sacrificii præsentis oblatio: quæ nos & ab erroribus universis potenter absolvat, & a totius eripiat perditionis incursu. Per Dominum.

Communio. Luc. 6. Multitudo languentium, & qui vexabantur a spiritibus immundis, veniebant ad eum: quia virtus de illo exibat, & sanabat omnes.

Postcommunio.

Exaudi nos Deus salutaris noster: & populum tuum ab iracundiæ tuæ terroribus liberum, & misericordiæ tuæ fac largitate secutum. Per Dominum.

MISSA PRO INFIRMIS.**Introitus. Psalm. 54.**

Xaudi Deus orationem meam, & ne despexeris deprecationem meam: intende in me, & exaudi me.

Psalm. ibid. Contristatus sum in exercitatione mea:

& conturbatus sum a voce inimici, & a tribulatione peccatoris.

Gloria Patri. Oratio.

Omnipotens sempiternus Deus, salus æterna credentium: exaudi nos pro famulis tuis infirmis, pro quibus misericordiæ tuæ imploramus auxilium; ut,
Miss.

reddita sibi sanitate, gratiarum tibi in Ecclesia tua referant actiones. Per Dñm.

Si fuerit pro uno tantum, dicitur semper in singulari.

Lectio Epistolæ beati Jacobi Apostoli.

Jac. 5. c

Charissimi, Tristatur aliquis vestrum? oret. Aequo animo est? psallat. Infirmatur quis in vobis? Inducat presbyteros Ecclesiæ, & orent super eum, ungentes eum oleo in nomine Domini. Et oratio fidei salvabit infirmum, & alleviabit eum Dominus: & si in peccatis sit, remittentur ei. Confitemini ergo alterutrum peccata vestra, & orate pro invicem ut salvemini.

Graduale. Psalm. 6. Miserere mihi Domine, quoniam infirmus sum, sana me Domine. **V.** Conturbata sunt omnia ossa mea, & anima mea turbata est valde.

Allelúja, allelúja. V. Psalm. 101. Domine exaudi orationem meam: & clamor meus ad te perveniat. Allelúja.

Post Septuagesimam, omittis Allelúja, & Versu seq. dicitur Tractus. Psalm. 30. Miserere mei Domine, quoniam tribulor: conturbatus est in ira oculus meus, anima mea, & venter meus. **V.** Quoniam defecit in dolore vita mea, & anni mei in gemitibus. **V.** Infirmata est in paupertate virtus mea: & ossa mea conturbata sunt.

Tempore Paschali, omittitur Graduale, & ejus loco dicitur Allelúja, allelúja. V. Psalm. 101. Dñe exaudi orationem meam: & clamor meus ad te perveniat. Allelúja. **V. Psalm. 27.** In Deo speravit cor meum, & adjutus sum: & refloruit caro mea, & ex voluntate mea confitebor ei. Allelúja.



Sequentia sancti Evangelii secundum Matthæum. Matth. 8.

In illo tempore: Cum introisset Jesus Capharnaum, accessit ad eum Centurio rogans eum, & dicens: Domine, puer meus jacet in domo paralyticus, & malè torquetur. Et ait illi Jesus: Ego veniam, & curabo eum. Et respondens Centurio, ait: Domine, non sum dignus, ut intres sub tectum meum: sed tantum dic verbo, & sanabitur puer meus. Nā & ego

d

ho-

homo sum sub potestate constitutus, habens sub me milites, & dico huic: Vade, & vadit: & alii, Veni, & venit: & servo meo, Fac hoc, & facit. Audiens autem Jesus miratus est, & sequentibus se dixit: Amen dico vobis, non inveni tantam fidem in Israel. Dico autem vobis, quod multi ab Oriente & Occidente venient, & recumbent cum Abraham, & Isaac, & Jacob in regno coelorum: filii autem regni ejicientur in tenebras exteriores: ibi erit fletus, & stridor dentium. Et dixit Jesus Centurioni: Vade, & sicut credidisti, fiat tibi. Et sanatus est puer in illa hora.

Offertorium. Psalm. 54. Exaudi Deus orationem meam, & ne despexeris deprecationem meam: intende in me, & exaudi me.

Secreta.

Deus, cujus nutibus vite nostre momenta decurrunt, suscipe preces & hostias famulorum tuorum, pro quibus aegrotantibus misericordiam tuam imploramus: ut de quorum periculo metuemus, de eorum salute letemur. Per Dñm.

Communio. Psalm. 30. Illumina faciem tuam super servum tuum, & salvum me fac in tua misericordia: Domine, non confundar, quoniam invocavi te.

Postcommunio.

Deus, infirmitatis humane singulare praesidium, auxilii tui super infirmos famulos tuos ostende virtutem; ut ope misericordiae tuae adjuti, Ecclesiae tuae sanctae incolumes representari mereantur. Per Dominum.

¶ Pro infirmo, qui proximus est morti, dicuntur sequentes Orationes. Oratio.

Omnipotens & misericors Deus, qui humano generi & salutis remedia, & vitae aeternae munera contulisti: respice propitius famulum tuum infirmitate corporis laborantem, & animam refove, quam creasti; ut in hora exitus illius, absque peccati macula, tibi Creatori suo per manus sanctorum Angelorum representari mereatur. Per Dominum.

Secreta.


Suscipe, quæsumus, Domine, hostiam, quam tibi offerimus pro famulo tuo in extremo vitae constituto, &

concede; ut per eam universa illius purgentur delicta; ut, qui tuae dispositionis flagellis in hac vita atteritur, in futura requiem consequatur aeternam. Per Dominum.

Postcommunio.

Quæsumus clementiam tuam, omnipotens Deus, ut per hujus virtutem sacramenti famulum tuum gratia tua confirmare digneris: ut in hora mortis ejus non praevaleat contra eum adversarius, sed cum Angelis tuis transitum habere mereatur ad vitam. Per Dominum.

MISSA PRO PEREGRINANTIBUS, vel iter agentibus. Introitus. Psalm. 25.



Edime me Domine, & miserere mei: pes enim meus stetit in via recta: in ecclesiis benedicam Dominum.

Psalm. ibid. Judica me Domine, quoniam ego in innocentia mea ingressus sum: & in Domino sperans non infirmabor.

¶ Gloria Patri.

Oratio.

Adesto Domine supplicationibus nostris, & viam famulorum tuorum in salutis tuae prosperitate dispone: ut inter omnes vitae hujus varietates, tuo semper protegantur auxilio. Per Dñm.

Lectio libri Genesis.

Gen. 28. b

In diebus illis: Egressus Jacob de Bersabee, pergebat Haran. Cumque venisset ad quemdam locum, & vellet in eo requiescere post solis occubitus, tulit de lapidibus qui jacebant, & supponens capiti suo, dormivit in eodem loco. Viditque in somnis Dominum dicentem sibi: Ego sum Dominus Deus Abraham patris tui, & Deus Isaac: Terram, in qua dormis, tibi dabo, & semini tuo. Eritque semen tuum quasi pulvis terrae: dilataberis ad Occidentem, & Orientem, & Septentrionem, & Meridiem: & benedicentur in te & in semine tuo cunctae tribus terrae. Et ero custos tuus quocumque perrexeris, & redicam te in terram hanc: nec dimittam, nisi complevero universa quae dixi. Surgens ergo Jacob mane, tulit lapidem quem supposuerat capiti suo, & erexit in titulum, fundens oleum desuper. Vovit

vit

vit etiam votum, dicens: Si fuerit Deus mecum, & custodierit me in via, per quam ego ambulo, & dederit mihi panem ad vescendum, & vestimentum ad induendum, reversusque fuero prosperè ad domum patris mei: erit mihi Dominus in Deum, & lapis iste, quem erexi in titulum, vocabitur Domus Dei: cunctorumque quæ dederis mihi, decimas offeram tibi.

Graduale. Psal. 22. S. ambulem in medio umbræ mortis, non timebo mala, quoniam tu mecum es Domine. **V.** Virga tua & baculus tuus, ipsa me consolata sunt. **A**llelúja, allelúja.

V. Psalm. 118. Gressus meos dirige secundum eloquium tuum, ut non dominetur mei omnis iniustitia. Allelúja.

Post Septuagesimam, omittis Allelúja, & Versu sequenti, dicitur Tractus.

Psal. 90. Angelis suis Deus mandavit de te: ut custodiant te in omnibus viis tuis.

V. In manibus portabunt te, ne umquam offendas ad lapidem pedem tuum.

V. Super aspidem & basiliscum ambulabis, & conculcabis leonem & draconem.

Tempore Paschali, omittitur Graduale, & ejus loco dicitur Allelúja, allelúja.

V. Psalm. 118. Gressus meos dirige secundum eloquium tuum, ut non dominetur mei omnis iniustitia. Allelúja. **V. Psalm. 121.** Lætatus sum in his, quæ dicta sunt mihi: in domum Domini ibimus. Allelúja.



Sequentia sancti Evangelii secundum Matthæum. **Matth. 10.**

IN illo tempore: Dixit Jesus discipulis suis: Euntes, prædicæ, dicentes: quia appropinquavit regnum coelorum. Infirmos curate, mortuos suscitæ, leprosos mundate, dæmones ejcete: gratis accepistis, gratis date. Nolite possidere aurum, neque argentum, neque pecuniam in zonis vestris: non peram in via, neque duas tunicas: neque calceamenta, neque virgam: dignus enim est operarius cibo suo. In quamcunque autem civitatem, aut castellum intraveritis, interrogate quis in ea dignus sit: & ibi manete donec exeatis. Intrantes autem in domum, salutate eam, dicentes: Pax huic domui.

Et si quidem fuerit domus illa digna, veniet pax vestra super eam: si autem non fuerit digna, pax vestra revertetur ad vos. Et quicumque non receperit vos, neque audierit sermones vestros: exeuntes foras de domo, vel civitate, excutite pulverem de pedibus vestris.

Offertorium. Psalm. 16. Perfice gressus meos in semitis tuis, ut non moveantur vestigia mea: inclina aurem tuam mihi, & exaudi verba mea: mirifica misericordias tuas, qui salvos facis sperantes in te Domine. **Secreta.**

Propitiare Domine supplicationibus nostris, & has oblationes, quas tibi offerimus pro famulis tuis, benignus assume: ut viam illorum & præcedente gratia tua dirigas, & subsequente comitari digneris: ut de actu atque incolumitate eorum secundum misericordiam tuam præsidia gaudeamus. Per Dominum.

Communio. Psalm. 118. Tu mandasti mandata tua custodiri nimis: utinam dirigantur viæ meæ ad custodiendas justificationes tuas. **Postcommunio.**

Tua, Domine, sacramenta quæ sumpsimus, famulos tuos in te sperantes custodiant: & contra omnes adversos tueantur incursus. Per Dominum.

¶ Si benedictio Nuptiarum facienda sit die Dominica, vel alio die Festo, dicatur Missa de Dominica, vel Festo, cum Gloria in excelsis, & Credo. Si illa Missa id requirit, & cum commemoratione sequentis Missæ pro Sponso & Sponsa, & reliquis quæ pro Communionem, & complemento benedictionis in ea habentur.

MISSA PRO SPONSO & Sponsa. Introitus. Tob. 7. & 8.



Eus Israel conjungat vos: & ipse sit vobiscum, qui misertus est duobus unicis: & nunc Domine, fac eos plenius benedicere te.

Psalm. 127. Beati omnes, qui timent Dominum: qui ambulant in viis ejus. **V.** Gloria Patri. **Oratio.**

Exaudi nos omnipotens, & misericors Deus; ut, quod nostro ministratur

tur officio, tua benedictione potius impleatur. Per Dominum.

Lectio Epistolæ beati Pauli Apostoli ad Ephésios. **Ephes. 5. b**

Fratres, Mulieres viris suis subditæ sint, sicut Domino: quoniam vir caput est mulieris: sicut Christus caput est Ecclesiæ: ipse, salvator corporis ejus. Sed sicut Ecclesia subiecta est Christo, ita & mulieres viris suis in omnibus. Viri diligite uxores vestras, sicut & Christus dilexit Ecclesiam, & seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed ut sit sancta & immaculata. Ita & viri debent diligere uxores suas, ut corpora sua. Qui suam uxorem diligit, seipsum diligit. Nemo enim umquam carnem suam odio habuit: sed nutrit, & fovet eam: sicut & Christus Ecclesiam: quia membra sumus corporis ejus, de carne ejus, & de ossibus ejus. Propter hoc relinquet homo patrem, & matrem suam, & adheret uxori suæ: & erunt duo in carne una. Sacramentum hoc magnum est, ego autem dico in Christo, & in Ecclesia. Verumtamen & vos singuli, unusquisque uxorem suam sicut seipsum, diligat: uxor autem timeat virum suum.

Graduale. Psal. 127. Uxor tua sicut vitis abundans in lateribus domus tuæ.

V. Filii tui sicut novellæ olivarum in circuitu mensæ tuæ. **A**llelûja, allelûja.

V. Psal. 19. Mittat vobis Dominus auxilium de sancto: & de Sion tueatur vos. **Allel.**

Post Septuagesimam, omissis Allelûja, & Versu sequenti, dicitur Tract. Psal. 127.

Ecce sic benedicetur omnis homo, qui timet Dominum. **V.** Benedicat tibi Dominus ex Sion: & videas bona Jerusalem omnibus diebus vitæ tuæ. **V.** Et videas filios filiorum tuorum: pax super Israel.

Tempore Paschali, omittitur Graduale, & ejus loco dicitur Allelûja, allelûja.

V. Psal. 19. Mittat vobis Dominus auxilium de sancto: & de Sion tueatur vos. **Allelûja.**

V. Psal. 123. Benedicat vobis Dominus ex Sion: qui fecit coelum & terram. **Allelûja.**

Sequentia sancti Evangelii secundum Matthæum. Matth. 19.

In illo tempore: Accesserunt ad Jesum Pharisei tentantes eum, & dicentes: Si licet homini dimittere uxorem suam, quacumque ex causa? Qui respondens, ait eis: Non legistis, quia qui fecit hominem ab initio, masculinum & feminam fecit eos? & dixit: Propter hoc dimittet homo patrem, & matrem, & adheret uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. **Offertorium. Psalm 30. I**n te speravi Domine: dixi, Tu es Deus meus: in manibus tuis tempora mea. **Secreta.**

Suscipe, quæsumus, Domine, pro sacra connubii lege munus oblatum: & cujus largitor es operis, esto dispositor. Per Dominum.

¶ Dicto Pater noster. Sacerdos antequam dicat, Libera nos, quæsumus Dñe. **stans in cornu Epistolæ versus Sponsam & Sponsam ante Altare genuflexos, dicit super eos sequentes Orationes.**

Oremus.

Oratio.

Propitiare Domine supplicationibus nostris & institutis tuis, quibus propagationem humani generis ordinasti, benignus assiste; ut, quod te auctore jungitur, te auxiliante servetur. Per Dominum nostrum. **Oremus.**

Deus, qui potestate virtutis tuæ de nihilo cuncta fecisti: qui dispositis universitatis exordiis, homini ad imaginem Dei facto, idcirco inseparabile mulieris adiutorium condidisti, ut femineo corpori de virili dares carne principium, docens quod ex uno placuisset instituit nunquam licere disjungi: Deus qui tam excellenti mysterio conjugalem copulam consecrasti, ut Christi & Ecclesiæ sacramentum præsignares in foedere nuptiarum: Deus, per quem mulier jungitur viro, & societas principaliter ordinata, ea benedictione donatur, quæ sola nec per originalis peccati poenam, nec per diluvii est ablata sententiam: Respice propitius super hanc famulam tuam, quæ maritali-

ritali jungenda consortio, tua se expetit protectione muniri; sit in ea jugum dilectionis & pacis: fidelis & casta nubat in Christo, imitatrixque sanctarum permaneat feminarum: sit amabilis viro suo, ut Rachael: sapiens, ut Rebecca: longæva & fidelis, ut Sara: nihil in ea ex actibus suis ille auctor prævaricationis usurpet: nexa fidei, mandatisque permaneat: unita thoro juncta, contactus illicitos fugiat: muniat infirmitatem suam robore disciplina: sit verecundia gravis, pudore venerabilis, doctrinis coelestibus erudita, sit fecunda in sobole, sit probata & innocens: & ad Beatorum requiem, atque ad coelestia regna perveniat: & videant ambo filios filiorum suorum, usque in tertiam, & quartam generationem: & ad optatam perveniant senectutem. Per eundem Dominum.

Tum Sacerdos reversus ad medium Altaris dicat, Libera nos. & reliqua more solito: & postquam sumpserit Sanguinem, communicet Sponsos, & prosequatur Missam.

Communio. Psalm. 127. Ecce sic benedicitur omnis homo, qui timet Dominum: & videas filios filiorum tuorum: pax super Israel. **Postcommunio.**

Quæsumus omnipotens Deus, instituta providentiæ tuæ pio favore comitare; ut, quos legitima societate connectis, longæva pace custodias. Per Dominum nostrum.

Dicto Benedicamus Domino, vel, si Missæ illius diei conveniat, I te Missa est. Sacerdos antequam populo benedicat, conversus ad Sponsam & Sponsam, dicat:

Deus Abraham, Deus Isaac, & Deus Jacob sit vobiscum: & ipse adimpleat benedictionem suam in vobis: ut videatis filios filiorum vestrorum, usque ad tertiam & quartam generationem; & postea vitam æternam habeatis sine fine, adjuvante Domino nostro Jesu Christo: qui cum Patre & Spiritu sancto vivit & regnat Deus, per omnia sæcula sæculorum. **R.** Amen.

Moneat eos Sacerdos sermone gravi, Miss.

ut sibi invicem servant fidem: orationis tempore, & præsertim jejuniorum ac solemnitatum casti maneant: & vir uxorem, atque uxor virum diligat: & in timore Dei permaneant. Postea eos aspergat aqua benedicta, & dicto, **Placeat tibi sancta Trinitas. det benedictionem: & legat, ut solitum est, Evangelium sancti Joannis. In principio erat Verbum, &c.**

ORATIONES DIVERSE
dicendæ in Missa ad libitum Sacerdotis, cum iis quæ in propriis Missis assignantur, quando non est Festum Duplex.

I. Ad poscenda suffragia Sanctorum.
Oratio.



Quæsumus omnipotens Deus: ut intercessio sanctæ Dei Genitricis Mariæ, sanctorumque omnium Apostolorum, Martyrum, Confessorum, atque Virginum, & omnium electorum tuorum, nos ubique lætificet; ut, dum eorum merita recolimus, patrocinia sentiamus. Per eundem Dominum nostrum. **Secreta.**

Oblatis, Domine, placare munerebus: & intercedente beata Maria semper virgine, cum omnibus Sanctis tuis, a cunctis nos defende periculis. Per Dominum nostrum.

Postcommunio.
Sumpsimus, Domine, beatæ Mariæ semper virginis, & omnium Sanctorum tuorum memoriam recolentes, sacramenta coelestia: præsta quæsumus; ut, quod temporaliter gerimus, æternis gaudiis consequamur. Per Dominum.

2. Alia Oratio ut supra. Oratio.
Acunctis nos, quæsumus Domine, mentis & corporis defende periculis: & intercedente beata & gloriosa semper virgine Dei Genitrice Maria cum beatis Apostolis tuis Petro & Paulo, atque beato **N.** & omnibus Sanctis, salutem nobis tribue benignus, & pacem; ut destructis adversitatibus & erroribus universis, Ecclesia tua secunda tibi serviat libertate. Per eundem Dominum.

In hac Oratione nomina SS. Michaelis, Joannis Baptistæ, & Josephi, præponuntur Apostolis. *Secreta.*

EXaudi nos Deus salutâris noster: ut per hujus sacramenti virtutem, à cunctis nos mentis & corporis hostibus tuearis; grâtiâ tribuens in præsentî, & gloriâ in futuro. Per Dñm. *Postcõm.*

Mundet & muniat nos, quæsumus Dõmine, divini sacramenti munus oblâtum: & intercedente beâta virgine Dei Genitrice Mariâ, cum beâtis Apõstolistuis Petro & Paulo, atque beâto **N.** & omnibus Sanctis, à cunctis nos reddat & peruersitatibus expiâtos, & aduersitatibus expeditos. Per eundem Dõminum.

3. *Pro omni gradu Ecclesiæ. Oratio.*

Omnipotens sempiternè Deus, cujus spiritu totum corpus Ecclesiæ sanctificatur, & regitur: exaudi nos pro universis ordinibus supplicantes; ut grâtiæ tuæ munere, ab omnibus tibi gradibus fideliter seruiatur. Per Dõminum nostrum. in unitate ejusdem Spiritus sancti Deus. *Secreta.*

DA famulis tuis, Dõmine, indulgentiam peccatorum, consolationem vitæ, gubernationem perpetuam: ut tibi servièntes, ad tuam jûgiter misericordiam pervenire mereantur. Per Dõminum. *Postcommunio.*

Libera, quæsumus, Dõmine, à peccatis & hostibus famulos tuos tibi supplicantes: ut in sancta conversatione vivèntes, nullis afficiantur adversis. Per Dõminum nostrum.

4. *Pro Papa. Oratio.*

Deus omnium fidelium pastor & rector, famulum tuum **N.** quem pastorem Ecclesiæ tuæ præesse voluisti, propitiùs respice: da ei, quæsumus, verbo & exemplo, quibus præest, proficere; ut ad vitam, unâ cum grege sibi credito perveniat sempiternam. Per Dõminum.

Secreta.

Oblatis, quæsumus Dõmine, placare munèribus: & famulum tuum **N.** quem pastorem Ecclesiæ tuæ præesse voluisti, assidua protectione guberna. Per Dõminum.

Postcommunio.

Hæc nos, quæsumus Dõmine, divini sacramenti percèptio protegat: & famulum tuum **N.** quem pastorem Ecclesiæ tuæ præesse voluisti, unâ cum commissio sibi grege, salvet semper & muniat. Per Dõminum.

5. *Pro Imperatore. Oratio.*

Deus regnorum omnium, & Christiani maxime protector Imperii: da servo tuo Imperatori nostro **N.** triumphum virtutis tuæ scienter excollere; ut, qui tua institutione est princeps, tuo sit semper munere potens. Per Dõminum.

Si non est coronatus, dicatur electo Imperatori. Secreta.

Suscipe, Dõmine, preces, & hostias Ecclesiæ tuæ pro salute famuli tui supplicantis: & in protectione fidelium populorum, antiqua brachii tui operare miracula; ut, superatis pacis inimicis, securâ tibi seruiat Christiana libertas. Per Dõminum. *Postcommunio.*

Deus, qui ad prædicandum æterni Regis Euangélium, Romanum Imperium præparasti: prætende famulo tuo Imperatori nostro **N.** arma coelestia; ut pax Ecclesiarum nulla, turbetur tempestate bellorum. Per Dõminum.

6. *Pro Rege. Oratio.*

Quæsumus omnipotens Deus: ut famulus tuus **N.** Rex noster, qui tua miseratione suscepit regni gubernacula, virtutum etiam omnium percipiat incrementa: quibus decènter ornatus, & vitiõrum monstra devitare, & ad te, qui via, veritas, & vita es, gratiosus valeat pervenire. Per Dõminum.

Secreta.

Munera, Dõmine quæsumus, oblata sanctifica: ut & nobis Unigeniti tui corpus & sanguis fiant; & Regi nostro ad obtinendam animæ corporisque salutem, & peragendum injunctum Officiũ, te largiente, usquequaque proficiant. Per eundem Dõminum. *Postcommunio.*

Hæc, Dõmine, oblatio salutâris famulum tuum **N.** Regem nostrum ab omnibus tueatur adversis: quatenus & Ecclesiasticæ pacis obtineat tranquillitatem.

litatem; & post huius temporis decursum, ad æternam perveniat hæreditatem. Per Dñm.

7. *Pro Prælatiſ, & Congregationibus eis commiſſis.* *Oratio.*

Omnipotens ſempiternæ Deus, qui facis mirabilia magna ſolus: prætende ſuper famulos tuos, & ſuper congregationes illis commiſſas, ſpiritus gratiæ ſalutariſ: & ut in veritate tibi complacent, perpetuum eis rorem tuæ benedictionis infunde. Per Dñm. in unitate ejusdem Spiritus ſancti Deus.

Secreta.

Hoſtias, Dñm, famulorum tuorum placatus intende: & quas in honorem nominis tui devota mente pro eis celebramus, proficere ſibi ſentiant ad medelam. Per Dñm.

Postcommunio.

Quos coeleſti recreas munere, perpetuo, Dñm, comitare præſidio: & quos fovere non deſinis, dignos fieri ſempiterna redemptione concede. Per Dñm noſtrum.

8. *Pro congregatione & familia.* *Oratio.*

Defende, quæſumus, Dñm, beata Maria ſemper virgine intercedente, iſtam ab omni adverſitate familiam: & toto corde tibi proſtratam, ab hoſtium propitiuſtuere clementer inſidiis. Per Dñm.

Secreta.

Suſcipe, quæſumus omnipotens Deus, oblationem noſtræ devotionis: & per virtutem huius ſacramenti, famulos tuos à cunctis adverſitatibus protege. Per Dñm.

Postcommunio.

Sumptis redemptionis noſtræ muneribus, præſta quæſumus, miſericors Deus, eorum nobis celebratione, tuæ protectionis contra omnes adverſitates ſubſidium. Per Dñm.

9. *Pro concordia in congregatione ſervanda.* *Oratio.*

Deus largitor pacis, & amator charitatis, da famulis tuis veram cum tua voluntate concordiam: ut ab omnibus, quæ nos pulſant, tentationibus liberemur. Per Dñm.

Secreta.

His ſacrificiis, Dñm, quæſumus, concede placatus; ut, qui propriis oramus abſolvi delictis, non gravemur externis. Per Dñm.

Postcommunio.

Spiritum nobis, Dñm, tuæ charitatis infunde: ut quos uno pane coeleſti ſatiâſti, tua faciâs pietate concordes. Per Dñm. in unitate ejusdem Spiritus.

10. *Contra perſecutores Eccleſiæ.* *Oratio.*

Ecclēſiæ tuæ, quæſumus Dñm, preces placatus admiſſe: ut deſtrictis adverſitatibus, & erroribus univerſis, ſecura tibi ſerviat libertate. Per Dñm noſtrum.

Secreta.

Protege nos Dñm, tuis myſteriis ſervientes; ut, divinis rebus inhærentes, & corpore tibi famulemur, & mente. Per Dñm.

Postcommunio.

Quæſumus, Dñm, Deus noſter; ut, quos divina tribuis participatione gaudere, humanis non ſinas ſubjacere periculis. Per Dñm.

11. *Contra perſecutores, & male agentes.* *Oratio.*

Hoſtium noſtrorum, quæſumus, Dñm, elide ſuperbiam: & eorum contumaciam dexteræ tuæ virtute proſterne. Per Dñm.

Secreta.

Hujus, Dñm, virtute myſterii, & à propriis mundetur occultis, & ab inimicorum liberemur inſidiis. Per Dñm.

Postcommunio.

Protector noſter aſpice Deus, & ab inimicorum nos deſende periculis; ut, omni perturbatione ſubmota, liberis tibi mentibus ſerviâmus. Per Dñm.

12. *Pro quacumque neceſſitate.* *Oratio.*

Deus refugium noſtrum & virtus, adesto piis Eccleſiæ tuæ precibus auctor ipſe pietatis, & præſta; ut, quod fideliter petimus, efficaciter conſequamur. Per Dñm.

Secreta.

Da miſericors Deus: ut hæc ſalutariſ oblatio, & à propriis nos reatibus

indefinenter expédiet, & ab omnibus tueatur adversis. Per Dóminum.

Postcommunio.

Sumpimus, Dómine, sacri dona mystérii, humiliter deprecantes; ut, quæ in tui commemoratióem nos facere præcepisti, in nostræ proficiant infirmitatis auxilium. Qui vivis & regnas.

13. **Pro quacumque tribulatione.**

Oratio.

Ne despicias, omnipotens Deus, pópulum tuum in afflictiónem clamantem: sed propter glóriam nóminis tui, tribulatis succurre placatus. Per Dóminum.

Secreta.

Suscipe, Dómine, propitius hóstias, quibus & te placári voluisti, & nobis salutem poténti pietate restitui. Per Dóminum.

Postcommunio.

Tribulatióem nostram, quæsumus, Dómine, propitius respice: & iram tuæ indignatióis, quam justè merémur, averte. Per Dóminum.

14. **Tempore famis.**

Oratio.

Da nobis, quæsumus, Dómine, piæ supplicatióis effectum, & famem propitiatus averte: ut mortálium corda cognóscant, & te indignante talia flagella prodire, & te miserante cessare. Per Dóminum.

Secreta.

Deus, qui humáni géneris utramque substantiam, præsentium munerum & alimento végetas, & rénovas sacramento: tribue quæsumus; ut eorum & corpóribus nostris subsidium non desit, & mentibus. Per Dóminum.

Postcommunio.

Gubérna, quæsumus, Dómine, temporalibus alimentis: quos dignáris æternis informare mystériis. Per Dñm.

15. **Tempore terræmotus.**

Oratio.

Omnipotens sempitérne Deus, qui respicis terram, & facis eam tremere: parce metuéntibus, propitiare supplicibus; ut, cujus iram, terræ fundamenta concutiéntem, expávimus, cleméntiam contritióes ejus sanántem júgiter sentiámus. Per Dóminum.

Secreta.

Deus, qui fundásti terram super stabilitatem suam, súscipe oblatiões

& preces pópuli tui; ac treméntis terræ periculis pénitus amotis, Divinæ tuæ iracúndiæ terróres, in humanæ salutis remédia convérte; ut, qui de terra sunt, & in terram reverténtur, gaudeant se fieri sancta conversatióne coeléstes. Per Dóminum.

Postcommunio.

Tuere nos, Dómine, quæsumus, tua sancta suméntes; & terram, quam vídimus nostris iniquitatibus treméntem, supérno múnere firma: ut mortálium corda cognóscant, & te indignante, talia flagella prodire, & te miserante, cessare. Per Dóminum.

16. **Ad petendam pluviám.**

Oratio.

Deus, in quo vivimus, movémur & sumus: plúviam nobis tribue congruéntem; ut præsentibus subsidiis sufficiénter adjúti, sempitérna fiduciálius appetámus. Per Dóminum.

Secreta.

Oblátis, quæsumus, Dómine, placare munéribus: & opportunum nobis tribue plúviæ sufficiéntis auxilium. Per Dóminum.

Postcommunio.

Da nobis, quæsumus, Dómine, plúviam salutárem: & áridam terræ faciém fluéntis coeléstibus dignánter infúnde. Per Dóminum.

17. **Ad postulandam serenitatem.**

Oratio.

Ad te nos, Dómine, clamántes exáudi, & áeris serenitatem nobis tribue supplicántibus; ut, qui justè pro peccátis nostris affligimur, misericórdia tua præveniéntem, cleméntiam sentiámus. Per Dóminum.

Secreta.

Prævéniat nos, quæsumus Dómine, grátia tua semper, & subsequátur: & has oblatiões, quas pro peccátis nostris nómini tuo consecrándas deférimus, benígnus asúme; ut per intercessiόem Sanctórum tuórum, cunctis nobis proficiant ad salutem. Per Dóminum.

Postcommunio.

Quæsumus omnipotens Deus, cleméntiam tuam: ut inundántiam coercéas ímbrium, & hilaritatem vultus tui nobis impertíri dignéris. Per Dóminum.

18. **Ad**

18. *Ad repellendas tempestates.*

Oratio.

A Domo tuā, quæsumus, Dómine, spiritales nequitiæ repellantur: & aerearum discédant malignitas tempestatum. Per Dóminum. *Secreta.*

O Fferimus tibi Dómine laudes & múnera, pro concessis beneficiis grátias referentes, & pro concedendis semper suppliciter deprecantes. Per Dóminum. *Postcommunio.*

O Mnípotens sempitérne Deus, qui nos & castigando sanas, & ignoscendo conservas: præsta supplicibus tuis; ut & tranquillitatibus hujus optatæ consolationis lætémur, & dono tuæ pietatis semper utámur. Per Dóminum.

19. *Pro peste animalium. Oratio.*

D Deus, qui laboribus hóminum, étiam de mutis animalibus solátia subrogásti: súpplices te rogámus; ut sine quibus non álitur humana conditio, nostris fácias úsibus non perire. Per Dóminum. *Secreta.*

S Acrificiis, Dómine, placátus oblátis, opem tuam nostris temporibus cleménter impénde. Per Dóminum. *Postcommunio.*

B enedictiónem tuam Dómine, pópulus fidélis accípiat, qua corpore salvétur & mente: & congruam tibi exhibeat servitútem, & propitiatiónis tuæ beneficia semper invéniat. Per Dóminum.

20. *Pro seipso Sacerdote. Oratio.*

O Mnípotens & miséricors Deus, humilitatis meæ preces benignus inténde: & me famulum tuum, quem nullis suffragántibus méritis, sed imménse cleméntiæ tuæ largitate coeléstibus mystériis servíre tribuísti, dignum sacris altáribus fac místrum; ut, quod mea voce deprómitur, tua sanctificatióne firmétur. Per Dóminum. *Secreta.*

H Ujus Dómine virtúte sacraménti, peccatórum meórum máculas abstérge: & præsta; ut ad exequéndum injúcti officii ministérium, me tua grátia dignum efficiat. Per Dñm. *Postcomm.*

O Mnípotens sempitérne Deus, qui me peccátorem sacris altáribus ad-

stare voluísti, & sancti nóminis tui laudare poténtiam: concéde propítius, per hujus sacraménti mystérium, meórum mihi véniam peccatórum, ut tuæ majestáti dignè mérear famulári. Per Dñm.

21. *Propetitione lacrymarum. Oratio.*

O Mnípotés & mitíssime Deus, qui sitiénti pópulo fontem vivéntis aquæ de petra produxísti: educ de cordis nostri durítia lácrymas compunctiónis; ut peccáta nostra plángere valeámus, remissionemque eórum, te miseránte, mereámur accíperé. Per Dóminum. *Secreta.*

H Anc oblatiónem, quæsumus Dómine Deus, quam tuæ majestáti pro peccátis nostris offerimus, propítius respice: & produc de oculis nostris lacrymarum flúmina, quibus débita flammárum incéndia valeámus extingueré. Per Dóminum. *Postcommunio.*

G Rátiam Spíritus sancti, Dómine Deus, córdibus nostris cleménter infúnde: quæ nos gemitibus lacrymarum efficiat máculas nostrórum dilúere peccatórum; atque optatæ nobis, telargiéntie, indulgéntiæ præstet effectum. Per Dóminum nostrum. in unitáte ejúsdem Spíritus sancti Deus.

22. *Pro remissione peccatorum. Oratio.*

D Deus, qui nullum respúis, sed quantumvis peccántibus, per poéntiam pia miseratione placáris: respice propítius ad preces humilitatis nostræ, & illumina corda nostra; ut tua valeámus implére præcepta. Per Dóminum. *Secreta.*

P Ræsens sacrificium, Dómine, quod tibi pro delictis nostris offerimus, sit tibi munus accéptum: & tam vivéntibus, quam defúctis proficiat ad salutem. Per Dóminum. *Postcommunio.*

E Xaudi preces famíliæ tuæ, omnipotens Deus, & præsta: ut sancta hæc, quæ à te sumpsimus, incorrupta in nobis, te donánte, servéntur. Per Dóminum.

23. *Pro publicè poenitentibus. Oratio.*

O Mnípotens sempitérne Deus, confiténtibus tibi famulis tuis pro tua pietáte reláxa peccáta: ut non ampliùs eis

eis noceat conscientiae reatus ad poenam, quam indulgentiam tuae propitiationis profit ad veniam. Per Dñm. *Secreta.*

Praesta quaesumus omnipotens, & misericors Deus: ut haec salutaris oblatio famulos tuos, & a propriis reatibus indefinenter expediat, & ab omnibus tueatur adversis. Per Dominum.

Postcommunio.

Omnipotens & misericors Deus, qui omnem animam poenitentem, & confitentem tibi, magis vis emendari, quam perdere: respice super hos famulos tuos; & per haec sancta sacramenta, quae sumpsimus, averte ab eis iram indignationis tuae, & omnia eorum peccata dimitte. Per Dominum.

24. *Pro tentatis & tribulatis. Oratio.*

Deus, qui iustificas impium, & non vis mortem peccatoris: maiestatem tuam suppliciter deprecamur; ut famulos tuos de tua misericordia confidentes, coelesti protegas benignus auxilio, & assidua protectione conserves: ut tibi iugiter famulentur, & nullis tentationibus a te separentur. Per Dominum. *Secreta.*

Hujus, quaesumus, Domine, virtute mysterii, & a propriis nos munda delictis, & famulos tuos ab omnibus absolvet peccatis. Per Dominum.

Postcommunio.

Purificent nos, quaesumus Domine, sacramenta quae sumpsimus, & famulos tuos ab omni culpa liberos esse concede; ut, qui conscientiae reatu constringuntur, coelestis remedii plenitudine gloriantur. Per Dominum.

25. *Ad repellendas malas cogitationes.*

Oratio.

Omnipotens & mitissime Deus, respice propitius ad preces nostras, & libera corda nostra de malorum tentationibus cogitationum: ut sancti Spiritus dignum fieri habitaculum mereamur. Per Dominum. in unitate ejusdem Spiritus. *Secreta.*

Has tibi, Domine, offerimus oblationes pro salute nostra: quatenus animas nostras ab immundis cogitationibus purges, illasque custodias, &

sancti Spiritus gratia illuminare digneris. Per Dominum. in unitate ejusdem Spiritus. *Postcommunio.*

Deus, qui illuminas omnem hominem venientem in hunc mundum; illumina, quaesumus, corda nostra gratiae tuae splendore: ut digna ac placita maiestati tuae cogitare semper, & te sincere diligere valeamus. Per Dominum.

26. *Ad postulandam continentiam.*

Oratio.

Ure igne sancti Spiritus renes nostros, & cor nostrum, Domine: ut tibi casto corpore serviamus, & mundo corde placeamus. Per Dominum. in unitate ejusdem Spiritus sancti Deus. *Secreta.*

Dirumpe, Domine, vincula peccatorum nostrorum: & ut sacrificare tibi hostiam laudis absoluta libertate, ac munda mente possimus, retribue quae antea tribuisti; & salva nos per indulgentiam, quos dignatus es salvare per gratiam. Per Dominum. *Postcommunio.*

Domine adiutor, & protector noster, adjuva nos: & reflorat cor & caro nostra vigore pudicitiae, & castimoniae novitate; ut per hoc sacrificium, quod tuae obtulimus pietati, ab omnibus tentationibus emundemur. Per Dñm.

27. *Ad postulandam humilitatem.*

Oratio.

Deus, qui superbis resistis, & gratiam praestas humilibus: concede nobis verae humilitatis virtutem, cujus in se formam fidelibus Unigenitus tuus exhibuit; ut numquam indignationem tuam provocemus elati, sed potius gratiae tuae capiamus dona subiecti. Per eundem Dominum. *Secreta.*

Haec oblatio, Domine quaesumus, verae nobis humilitatis gratiam obtineat: simulque a cordibus nostris concupiscentiam carnis, & oculorum, atque ambitionem saeculi auferat, quatenus sobrie, iuste, pieque viventes, praemia consequamur aeterna. Per Dominum.

Postcommunio.

Hujus, Domine, sacramenti perceptio, peccatorum nostrorum macu-

culas abstergat: & nos per humilitatis exhibitionem ad coelestia regna perducat. Per Dominum.

28. *Ad postulandam patientiam.*

Oratio.

Deus, qui Unigeniti tui patientia, antiqui hostis contrivisti superbiam: da nobis, quaesumus, quae idem pie pro nobis pertulit, digne recollere; sicque exemplo ejus, nobis adversantia aequanimiter tolerare. Per eundem Dominum nostrum.

Secreta.

Munera nostrae oblationis, quaesumus, Domine, suscipe placatus: quae, ut nobis patientiae donum largiri digneris, majestati tuae devota offerimus actione. Per Dominum.

Postcommunio.

Mysteria, Domine, sacrosancta, quae sumpsimus, amissam nobis, quaesumus, reconcilient gratiam: atque munus patientiae in illatis omnibus, semper & ubique protegendo, impertiant. Per Dominum.

29. *Ad postulandam charitatem.*

Oratio.

Deus, qui diligentibus te facis cuncta prodesse: da cordibus nostris inviolabilem tuae charitatis affectum; ut desideria de tua inspiratione concepta, nulla possint tentatione mutari. Per Dominum nostrum.

Secreta.

Deus, qui nos ad imaginem tuam sacramentis renovas, & praecceptis: perfice gressus nostros in semitis tuis, ut charitatis donum, quod fecisti a nobis sperari, per haec, quae offerimus sacrificia, facias veraciter apprehendi. Per Dominum nostrum.

Postcommunio.

Sancti Spiritus gratia, quaesumus, Domine, corda nostra illuminet: & perfectae charitatis dulcedine abundanter reficiat. Per Dominum. in unitate ejusdem Spiritus sancti Deus.

30. *Pro devotis amicis. Oratio.*

Deus, qui charitatis dona per gratiam sancti Spiritus tuorum fide-

lium cordibus infudisti: da famulis & famulabus tuis, pro quibus tuam deprecamur clementiam, salutem mentis & corporis; ut te tota virtute diligant, & quae tibi placita sunt, tota dilectione perficiant. Per Dominum. in unitate ejusdem Spiritus.

Secreta.

Miserere, quaesumus, Domine, famulis & famulabus tuis, pro quibus hoc sacrificium laudis tuae offerimus majestati: ut per haec sancta supernae benedictionis gratiam obtineant, & gloriam aeternae beatitudinis acquirant. Per Dominum nostrum.

Postcommunio.

Divina libantes mysteria, quaesumus, Domine: ut haec salutaria sacramenta illis proficiant ad prosperitatem & pacem, pro quorum quarumque dilectione, haec tuae obtulimus majestati. Per Dominum.

31. *Pro inimicis.*

Oratio.

Deus pacis, charitatisque amator & custos, da omnibus inimicis nostris pacem, charitatemque veram: & cunctorum eis remissionem tribue peccatorum, nosque ab eorum insidiis potenter eripe. Per Dominum.

Secreta.

Oblatis, quaesumus, Domine, placare muneribus: & nos ab inimicis nostris clementer eripe; eisque indulgentiam tribue delictorum. Per Dominum.

Postcommunio.

Haec nos communitio, Domine, eruat a delictis: & ab inimicorum defendat insidiis. Per Dominum.

32. *Pro constituto in carcere, vel in captivitate.*

Oratio.

Deus, qui beatum Petrum Apostolum a vinculis absolutum, illaesus abire fecisti: famuli tui in captivitate positi vincula absolve, eumque ipsius meritis illaesus abire concede. Per Dominum.

Secreta.

Super has, quaesumus, Domine, hostias, benedictio copiosa descendat: quae captivi hujus vincula solvat, & de
ejus

eius liberatione nos citò lætificet. Per Dóminum nostrum.

Postcommunio.

PReces nostras, quæsumus, Dómine, cleménter exáudi: & per hæc sacraménta quæ sumpsimus, fámulum tuum à vînculis suæ captivitátis absolue. Per Dóminum nostrum.

33. Pro navigantibus. Oratio.

DEus, qui transtulisti patres nostros per Mare rubrum, & transvexisti eos per aquam nímiã, laudem tui nóminis decantantes, te suppliciter deprecámur; ut in navi fámulos tuos, repúlsis adversitatibus, portu semper optábili, cursúque tranquillo tueáris. Per Dóminum.

Secreta.

Suscipe, quæsumus, Dómine, preces famulorum tuorum, cum oblationibus hostiarum: & eos, pro quibus tua mystéria celebrámus, ab ómnibus defende periculis. Per Dóminum.

Postcommunio.

Sanctificáti divíno mystério, majestatem tuam Dómine, suppliciter deprecámur, & pétimus: ut fámulos tuos, quos donis facis coeléstibus memorári, per lignum sanctæ Crucis & à peccátis ábstrahas, & à periculis cunctis miserátus erípias. Per Dóminum.

34. Pro salute vivorum. Oratio.

Prætende Dómine fidélibus tuis dexteram coeléstis auxílii: ut te toto corde perquirant, & quæ dignè póstulant, consequi mereántur. Per Dóminum nostrum.

Secreta.

Propitiare Dómine supplicationibus nostris: & has oblationes fidélium tuorum, quas tibi pro incolumitate eorum offerimus, benignus asúme: & ut nullus sit irritum votum, nullus

vácuã postulatio: præsta quæsumus; ut, quod fidéliter pétimus, efficaciter consequámur. Per Dóminum.

Postcommunio.

DA fidélibus tuis, quæsumus Dómine, in tua fide & sinceritate constantiam: ut in charitate divína firmáti, nullis tentationibus ab ejus integritate vellántur. Per Dóminum.

35. Pro vivis & defunctis. Oratio.

OMnípotens sempitérne Deus, qui vivorum domináris simul & mortuorum, omniumque miseréris, quos tuos fide & ópere futúros esse prænóscis: te supplices exorámus; ut, pro quibus effúndere preces decrevimus, quosque vel præsens sæculum adhuc in carne retinet, vel futúrum jam exútos corpore suscepit; intercedéntibus ómnibus Sanctis tuis, pietátis tuæ cleméntia, ómnium delictórum suorum véniam consequántur. Per Dóminum.

Secreta.

DEus, cui soli cónitus est número electórum in supérna felicitate locándus: tribue quæsumus; ut intercedéntibus ómnibus Sanctis tuis, universórum, quos in oratione commendátos suscepimus, & ómnium fidélium nómina, beatæ prædestinaciónis liber adscripta retíneat. Per Dóminum.

Postcommunio.

Purificent nos, quæsumus omnipotens & miséricors Deus, sacraménta quæ sumpsimus: & intercedéntibus ómnibus Sanctis tuis, præsta; ut hoc tuum sacraméntum non sit nobis reátus ad poenam, sed intercessio salutáris ad véniam: sit ablútio scelerum, sit fortitúdo fragílium, sit contra ómnia mundi perícula firmaméntum; sit vivórum, atque mortuórum fidélium, remíssio ómnium delictórum. Per Dóminum.

MISSE

PRO DEFUNCTIS.

IN COMMEMORATIONE

Omnium fidelium Defunctorum.

Introitus.



Requiem æternam dona
eis Domine: & lux per-
pætua luceat eis.

Psal. 64. Te decet hym-
nus Deus in Sion, & tibi
reddetur votum in Jeru-
salem: exaudi orationem

meam, ad te omnis caro veniet.

Deinde absolute repetitur, Requiem æternam, usque ad Psalmum.

Oratio.

Fidelium Deus omnium Conditor &
Redemptor: animabus famulorum fa-
mularumque tuarum, remissionem cuncto-
rum tribue peccatorum; ut indulgentiam,
quam semper optaverunt, piis supplicatio-
nibus consequantur. Qui vivis & regnas.

Lectio Epistolæ beati Pauli Apostoli ad
Corinthios.

1. Cor. 15. g

Fratres, Ecce mysterium vobis dico:
Omnes quidem resurgemus, sed non
omnes immutabimur. In momento, in
ictu oculi, in novissima tuba: canet enim
tuba, & mortui resurgent incorrupti: &
nos immutabimur. Oportet enim corru-
ptibile hoc induere incorruptionem; &
mortale hoc induere immortalitatem.
Cum autem mortale hoc induerit immor-
talitatem, tunc fiet sermo, qui scriptus est:
Absorpta est mors in victoria. Ubi est
mors victoria tua? ubi est mors stimulus
tuus? Stimulus autem mortis peccatum
est: virtus verò peccati lex. Deo autem
gratias, qui dedit nobis victoriam per
Dominum nostrum Jesum Christum.

Graduale. Requiem æternam dona eis
Domine: & lux perpætua luceat eis.

V. Psalmus 111. In memoria æterna erit
justus: ab auditione mala non timebit.

Tractus. Absolve Domine animas om-
nium fidelium defunctorum ab omni
vinculo delictorum.

V. Et gratia tua illi succurrente, merean-

tur evadere iudicium ultionis. *V.* Et lu-
cis æternæ beatitudine perfrui.

Sequentia.

Dies iræ, dies illa,
Solvat sæclum in favilla:
Teste David cum Sibylla.

Quanto tremor est futurus,
Quando iudex est venturus,
Cuncta strictè discussurus!

Tuba mirum spargens sonum
Per sepulchra regionum,
Coget omnes ante thronum.

Mors stupebit & natura,
Cum resurget creatura,
Judicanti responsura.

Liber scriptus proferetur,
In quo totum continetur,
Unde mundus judicetur.

Judex ergo cum sedebit,
Quidquid latet, apparebit:
Nil inultum remanebit.

Quid sum miser tunc dicturus?
Quem patronum rogaturus?
Cum vix justus sit securus.

Rex tremendæ majestatis,
Qui salvandos salvas gratis,
Salva me fons pietatis.

Recordare Jesu pie,
Quòd sum causa tuæ viæ,
Ne me perdas illa die.

Quærens me, sedisti lassus:
Redemisti, crucem passus:
Tantus labor non sit cassus.

Juste iudex ultionis,
Donum fac remissionis
Ante diem rationis.

Ingemisco, tamquam reus:
Culpa rubet vultus meus:
Supplici parce Deus.

Qui Mariam absolvisti,
Et latronem exaudisti,
Mihi quoque spem dedisti.

Preces meæ non sunt dignæ:
Sed tu bonus fac benignè:
Ne perenni cremer igne.

*I*nter

Inter oves locum præsta,
Et ab hoedis me sequëstra,
Statuens in parte dextra.

Confutatis maledictis,
Flammis acribus addictis,
Voca me cum benedictis.

Oro supplex & acclinis,
Cor contritum quasi cinis;
Gere curam mei finis.

Lacrymosa dies illa,
Qua resurget ex favilla
Judicandus homo reus.

Huic ergo parce Deus,
Pie Jesu Domine,
Dona eis requiem. Amen.

Sequentia sancti Evangelii secundum Joannem. *Joann. 5. d*

In illo tempore: Dixit Jesus turbis Judæorum: Amen, amen dico vobis, quia venit hora, & nunc est, quando mortui audient vocem Filii Dei: & qui audierint, vivent. Sicut enim Pater habet vitam in semetipso, sic dedit & Filio habere vitam in semetipso: & potestatem dedit ei iudicium facere, quia Filius hominis est. Nolite mirari hoc, quia venit hora, in qua omnes, qui in monumentis sunt, audient vocem Filii Dei: & procedent qui bona fecerunt, in resurrectionem vitæ: qui verò mala egerunt, in resurrectionem iudicii.

Offertorium. Domine Jesu Christe, Rex gloriæ, libera animas omnium fidelium defunctorum de poenis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael repræsentet eas in lucem sanctam: * Quam olim Abraham promisisti, & semini ejus. *Y.* Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas Domine de morte transire ad vitam. *Quam olim.*

Secreta. **H**ostias, quæsumus, Domine, quas tibi pro animabus famulorum famularumque tuarum offerimus, propitiatus intende: ut, quibus fidei Christianæ meritum contulisti, dones & præmium. Per Dominum nostrum.

Communio. Lux æterna luceat eis, Domine, * Cum Sanctis tuis in æternum: quia pius es. *Y.* Requiem æternam dona

eis Domine: & lux perpétua luceat eis. Cum Sanctis. **Postcommunio.**

Animabus, quæsumus, Domine, famulorum famularumque tuarum oratio proficiat supplicantium: ut eas & à peccatis omnibus exuas, & tuæ redemptionis facias esse participes. Qui vivis & regnas, &c.

Dicto. Dominus vobiscum, **dicitur** Requiescant in pace. *Y.* Amen. & non datur benedictio, sed dicto secreto, Placeat tibi sancta Trinitas. & osculato Altari, legitur Evangelium sancti Joannis. In principio erat Verbum. ut mori est.

IN DIE OBITU S, seu depositionis defuncti.

Introitus.

Requiem æternam dona eis Domine: & lux perpétua luceat eis. *Psal. 64.* Te decet hymnus Deus in Sion, & tibi reddetur votum in Jerusalem: exaudi orationem meam, ad te omnis caro veniet. **R**equiem æternam.

Oratio.

Deus, cui proprium est misereri semper & parcere, te supplices exoramus pro anima famuli tui *N.* quam hodie de hoc sæculo migrare iussisti: ut non tradas eam in manus inimici, neque obliviscaris in finem, sed jubeas eam à sanctis Angelis suscipi, & ad patriam paradisi perducere; ut, quia in te speravit & credidit, non poenas inferni sustineat, sed gaudia æterna possideat. Per Dominum. **Lectio** Epistolæ beati Pauli Apostoli ad Thessalonicenses. *1. Thess. 4. c*

Fratres, Nolumus vos ignorare dormientibus, ut non contristemini, sicut & ceteri qui spem non habent. Si enim credimus quod Jesus mortuus est, & resurrexit: ita & Deus eos, qui dormierunt per Jesum, adducet cum eo. Hoc enim vobis dicimus in verbo Domini, quia nos, qui vivimus, qui residui sumus in adventum Domini, non præveniemus eos, qui dormierunt. Quoniam ipse Dominus in jussu, & in voce Archangelis, & in tuba Dei descendet de cælo: & mortui, qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubi-

nubibus obviam Christo in æra, & sic semper cum Domino erimus. Itaque consolamini invicem in verbis istis.

Graduale. Requiem æternam dona eis Domine: & lux perpétua luceat eis.

✠ **Psal.** 111. In memoria æterna erit iustus: ab auditione mala non timebit.

Tractus. Absolve Domine animas omnium fidelium defunctorum ab omni vinculo delictorum.

✠ Et grátia tua illis succurrénte, mereantur evadere iudicium ultionis.

✠ Et lucis æternæ beatitudine perfrui.

Sequentia. Dies iræ, dies illa. fol. lxi.



Sequentia sancti Evangelii secundum Joannem. **Joann. 11. c.**

IN illo tempore: Dixit Martha ad Jesum: Domine, si fuisses hic, frater meus non fuisset mortuus. Sed & nunc scio, quia quæcumque poposceris à Deo, dabit tibi Deus. Dicit illi Jesus: Resurget frater tuus. Dicit ei Martha: Scio quia resurget in resurrectione in novissimo die. Dicit ei Jesus: Ego sum resurrectio, & vita: qui credit in me, etiam si mortuus fuerit, vivet: & omnis, qui vivit, & credit in me, non morietur in æternum. Credis hoc? Ait illi: Utique Domine, ego credidi, quia tu es Christus Filius Dei vivi, qui in hunc mundum venisti.

Offertorium. Domine Jesu Christe, Rex gloriæ, libera animas omnium fidelium defunctorum de poenis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael repræsentet eas in lucem sanctam: Quam olim Abraham promisisti, & semini ejus.

✠ Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus, fac eas Domine de morte transire ad vitam. Quam olim.

Secreta.

Propitiare, quæsumus, Domine, animæ famuli tui **N.** pro qua hostiam laudistibi immolamus, majestatem tuam suppliciter deprecantes: ut per hæc piæ placationis officia, pervenire mereatur ad requiem sempiternam. Per Dominum.

Communio. Lux æterna luceat eis, Domine. ✠ Cum Sanctis tuis in æternum: quia pius es. ✠ Requiem æternam dona

eis Domine: & lux perpétua luceat eis. Cum Sanctis tuis.

Postcommunio.

Præsta, quæsumus omnipotens Deus: ut anima famuli tui **N.** quæ hodie de hoc sæculo migravit, his sacrificiis purgata, & à peccatis expedita, indulgentiam pariter & requiem capiat sempiternam. Per Dominum nostrum.

In die tertio, septimo, & trigésimo depositionis defuncti, dicitur Missa ut supra, exceptis Orationibus quæ dicuntur ut infra.

Oratio.

Quæsumus, Domine, ut animæ famuli tui **N.** cujus depositionis diem tertium, vel septimum, vel trigésimum commemoramus, Sanctorum atque electorum tuorum largiri digneris consortium: & rorem misericordiæ tuæ perennem infundas. Per Dominum.

Secreta.

Munera, quæsumus Domine, quæ tibi pro anima famuli tui **N.** offerimus, placatus intende: ut remediis purgata coelestibus, in tua pietate requiescat. Per Dominum.

Postcommunio.

Suscipe, Domine, preces nostras pro anima famuli tui **N.** ut, si quæ ei maculæ de terrenis contagiis adhæserunt, remissionis tuæ misericordia deleantur. Per Dominum nostrum.

IN ANNIVERSARIO

Defunctorum.

Introitus.



Requiem æternam dona eis Domine: & lux perpétua luceat eis. **Psal. 64.** Te decet hymnus Deus in Sion, & tibi reddetur votum in Jerusalem: exaudi orationem meam, ad te omnis caro veniet. Requiem.

Oratio.

Deus indulgentiarum Domine, da animabus famulorum famularumque tuarum, quorum anniversarium depositionis diem commemoramus, refrigerii sedem, quietis beatitudinem, & luminis claritatem. Per Dominum.

Lectio libri Machabæorum.

Mach. 12. g.

In diebus illis: Vir fortissimus Judas, facta collatione, duodecim millia drachmas argenti misit Jerosolymam offerri pro peccatis mortuorum sacrificium, benè

benè & religiôsè de resurrectione cogitans: (Nisi enim eos, qui ceciderant, resurrecturos speraret, superfluum videretur, & vanum orare pro mortuis.) Et quia considerabat, quod hi, qui cum pietate dormitionem acceperant, optimam haberent repositam gratiam. Sancta ergo & salubris est cogitatio pro defunctis exorare, ut à peccatis solvantur.

Graduale. Réquiem æternam dona eis Domine: & lux perpétua luceat eis.

Psalm. lxxi. In memoria æterna erit iustus: ab auditione mala non timebit.

Tractus. Absolve Domine animas omnium fidelium defunctorum ab omni vínculo delictorum.

V. Et gratia tua illis succurrente, mereantur evadere iudicium ultionis.

V. Et lucis æternæ beatitudine perfrui.

Sequentia. Dies iræ, dies illa. fol. lxi.



Sequentia sancti Evangelii secundum Joannem. **Joann. 6. d**

IN illo tempore: Dixit Jesus turbis Judæorum: Omne, quod dat mihi Pater, ad me veniet: & cum, qui venit ad me, non ejiciam foras: quia descendendi de coelo, non ut faciam voluntatem meam, sed voluntatem ejus qui misit me. Hæc est autem voluntas ejus, qui misit me, Patris: ut omne, quod dedit mihi, non perdam ex eo, sed resuscitem illud in novissimo die. Hæc est autem voluntas Patris mei, qui misit me: ut omnis, qui videt Filium, & credit in eum, habeat vitam æternam: & ego resuscitabo eum in novissimo die.

Offertorium. Domine Jesu Christe, Rex gloriæ, libera animas omnium fidelium defunctorum de poenis inferni, & de profundo lacu: libera eas de ore leonis, ne absorbeat eas tartarus, ne cadant in obscurum: sed signifer sanctus Michael repræsentet eas in lucem sanctam: *** Quam olim Abraham promisisti, & semini ejus.**

V. Hostias & preces tibi, Domine, laudis offerimus: tu suscipe pro animabus illis, quarum hodie memoriam facimus: fac eas Domine de morte transire ad vitam. **Quam olim.**

Secreta.

Propitiare Domine supplicationibus nostris, pro animabus famulorum famularumque tuarum, quorum hodie

annua dies agitur, pro quibus tibi offerimus sacrificium laudis: ut eas Sanctorum tuorum consortio sociare digneris. Per Dominum nostrum.

Communio. Lux æterna luceat eis, Domine, *** Cum Sanctis tuis in æternum: quia pius es. V.** Réquiem æternam dona eis Domine: & lux perpétua luceat eis. **Cum Sanctis tuis.**

Postcommunio.

Præsta, quæsumus Domine, ut animæ famulorum famularumque tuarum, quorum anniversarium depositionis diem commemoramus; his purgatae sacrificiis, indulgentiam pariter, & réquiem capiant sempiternam. Per Dominum.

¶ Si pro uno fiat anniversarium, prædictæ Orationes dicantur in singulari numero.

IN MISSIS QUOTIDIANIS

Defunctorum.

Introitus.



Equiem æternam dona eis Domine: & lux perpétua luceat eis.

Psalm. 64. Te decet hymnus Deus in Sion, & tibi reddetur votum in Jerusalem: exaudi orationem meam, ad te omnis caro veniet. **Réquiem æternam.**

Pro defunctis Episcopis, seu Sacerdotibus.

Oratio.

Deus, qui inter Apostólicos Sacerdotes famulos tuos Pontificali, seu sacerdotali fecisti dignitate vigere: præsta quæsumus; ut eorum quoque perpétuo aggregentur consortio. Per Dominum.

Pro defunctis fratribus, propinquis, & benefactoribus. **Oratio.**

Deus, veniæ largitor, & humanæ salutis amator: quæsumus clementiam tuam, ut nostræ congregationis fratres, propinquos, & benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpétuæ beatitudinis consortium pervenire concedas.

Pro fidelibus defunctis, generalis.

Oratio.

Fidelium Deus omnium Conditor & Redemptor, animabus famulorum famularumque tuarum, remissionem cunctorum tribue peccatorum: ut indulgentiam, quam semper optaverunt, piis

piis supplicationibus consequantur. Qui
vivi & regnas.

Lectio libri Apocalypsis beati Joannis
Apóstoli. **Apoc. 14. c**

IN diebus illis: Audívi vocem de cœlo,
dicentem mihi: Scribe: Beati mórtui,
qui in Dómino moriúntur. Amodò jam
dicit Spíritus, ut requiescant à labóribus
suis, ópera enim illórum sequúntur illos.

Graduale. Requiem ætérnam dona eis
Dómine: & lux perpétua luceat eis.

Psalm. 111. In memoria ætérna erit ju-
stus: ab auditióne mala non timébit.

Tractus. Absólve, Dñe, ánimas ómnium
fidélium defunctorum ab omni vínculo
delictórum. **v.** Et grátia tua illis succurren-
te, mereántur evádere judícium ultiónis.

v. Et lucis ætérnæ beatitúdine pèrfrui.

Sequentia ad libitum. Dies iræ. fol. lxi.



Sequéntia sancti Euangélíi secún-
dum Joánnem. **Joann. 6. f**

IN illo témpore: Dixit Jesus turbis Ju-
dæórum: Ego sum panis vivus, qui
de cœlo descendi. Si quis manducáve-
rit ex hoc pane, vivet in ætérnum: & pa-
nis, quem ego dabo, caro mea est pro mun-
di vita. Litigábant ergo Judæi ad invicem,
dicéntes: Quómodo potest hic nobis car-
nem suam dare ad manducándum? Dixit
ergo eis Jesus: Amen, amendo vobis:
Nisi manducavéritis carnem. Filii homi-
nis, & bibéritis ejus ságuinem, non ha-
bébitis vitam in vobis. Qui manducat
meam carnem, & bibit meum sángu-
inem, habet vitam ætérnam: & ego re-
suscitábo eum in novíssimo die.

Offertorium. Dómine Jesu Christe Rex
glóriæ, libera ánimas ómnium fidélium de-
functorum de poenis inférni, & de profun-
do lacu: libera eas de ore leónis, ne absór-
beat eas tártarus, ne cadant in obscúrum:
sed signifer sanctus Mícheel repræséntet
eas in lucem sanctam. ***** Quam olim Abra-
hæ promisisti, & sémini ejus. **v.** Hóstias
& preces tibi, Dómine, laudis offéri-
mus, tu súscipe pro animábus illis,
quarum hódie memóriam fácimus: fac
eas Dómine de morte transíre ad vitam.
Quam olim Abrahæ.

Pro defunctis Episcopis, seu Sacer-
dotibus. Secreta.

Súscipe, Dómine quæsumus, pro ani-
mábus famulórum tuórum Pontíficum,
Miss.

seu Sacerdotum, quas offerimus hóstias:
ut quibus in hoc sæculo Pontificále, seu
Sacerdotále donásti méritum, in cœlésti
regno Sanctorum tuorum jubeas jungi
consórtio. Per Dóminum nostrum.

Pro defunctis fratribus, propinquis,
& benefactoribus. Secreta.

Deus, cujus misericórdiæ non est núme-
rus, súscipe propítius preces humili-
tátis nostræ: & animábus fratrum, propin-
quorum, & benefactorum nostrórum, qui-
bus tui nóminis dedísti confessiõem, per
hæc sacramenta salutis nostræ, cunctó-
rum remissiõem tríbue peccatórum.

Pro omnibus fidelibus defunctis. Secreta.

Hóstias, quæsumus Dómine, quas
tibi pro animábus famulórum famu-
larumque tuarum offerimus, propitiátus
inténde: ut, quibus fidei Christiánæ
méritum contulísti, dones & præmium.
Per Dóminum nostrum.

Communio. Lux ætérna luceat eis Dó-
mine, ***** Cum Sanctis tuis in ætérnum:
quia pius es. **v.** Réquiem ætérnam do-
na eis Dómine: & lux perpétua luceat
eis. **Cum Sanctis tuis.**

Pro defunctis Episcopis, seu Sacer-
dotibus. Postcommunio.

Profit, quæsumus Dómine, animábus
famulórum tuorum Pontíficum, seu
Sacerdotum, misericórdiæ tuæ imploráta
cleméntia: ut ejus, in quo speravérunt
& credidérunt, ætérnum cápíant te mi-
seránte consórtium. Per Dóminum.

Pro defunctis fratribus, propinquis, &
benefactoribus. Postcommunio.

Præsta quæsumus omnipotens, & mi-
serícors Deus: ut ánimæ fratrum,
propinquorum, & benefactorum nostró-
rum, pro quibus hoc sacrificium laudis
tuæ obtúlimus majestáti; per hujus vir-
tutem sacraménti a peccátis ómnibus ex-
piátæ, lucis perpétuæ, te miseránte, re-
cípiant beatitúdinem.

Pro omnibus fidelibus defunctis,
Postcommunio.

Animábus, quæsumus Dómine, fa-
mulórum famularumque tuarum ora-
tio proficiat supplicántium: ut eas &
a peccátis ómnibus exuas, & tuæ re-
demptióis facias esse participes. Qui vi-
vis & regnas cum Deo Patre in unitáte
Spíritus sancti Deus, per ómnia sæcula
sæculórum. **R.** Amen.

Epistolae, & Evangelia superius posita in una Missa pro Defunctis, dici possunt etiam in alia Missa similiter pro Defunctis.

ORATIONES DIVERSAE
pro Defunctis.

In die depositionis, & anniversario summi Pontificis, dicitur prima Missa, ut supra. fol. lxxii. praeter Orationes, quae dicuntur ut infra.



Deus, qui inter summos Sacerdotes famulum tuum **N.** ineffabili tua dispositione connumerari voluisti: praesta quaesumus; ut qui unigeniti Filii tui vices in terris gererat, Sanctorum tuorum Pontificum consortio perpetuo aggregetur. Per eundem Dominum.

Secreta.

Suscipe, Domine quaesumus, pro anima famuli tui **N.** summi Pontificis, quas offerimus hostias: ut cui in hoc saeculo Pontificale donasti meritum, in coelesti regno Sanctorum tuorum iubeasungi consortio. Per Dominum.

Postcommunio.

Profit, quaesumus Domine, animae famuli tui **N.** summi Pontificis, misericordiae tuae implorata clementia: ut ejus, in quo speravit & credidit, aeternum capiat te miserante consortium. Per Dominum nostrum.

2. Pro defuncto Episcopo, dicitur prima Missa ut supra. fol. lxi. Orationes vero, ut infra.

Oratio.

Deus, qui inter Apostolicos sacerdotes famulum tuum **N.** Pontificali fecisti dignitate vigere: praesta quaesumus; ut eorum quoque perpetuo aggregetur consortio. Per Dominum.

Secreta.

Suscipe, Domine quaesumus, pro anima famuli tui **N.** Pontificis, quas offerimus hostias: ut cui in hoc saeculo Pontificale donasti meritum, in coelesti regno Sanctorum tuorum iubeasungi consortio. Per Dominum.

Postcommunio.

Profit, quaesumus Domine, animae famuli tui **N.** Pontificis, misericordiae tuae implorata clementia: ut ejus, in quo speravit & credidit, aeternum capiat te miserante consortium. Per Dominum.

Pro Defuncto Sacerdote dicuntur eadem Orationes, sed ubi dicitur Pontificali, dicatur Sacerdotali, & pro Pontificis, dicatur Sacerdotis.

Si fuerint plures, dicatur ut supra in quarta Missa.

Pro Episcopo Cardinali defuncto, dicatur, famulum tuum N. Episcopum Cardinalem Pontificali fecisti dignitate, &c.

Pro Presbytero Cardinali, dicatur, famulum tuum N. Presbyterum Cardinalem Sacerdotali fecisti dignitate, &c.

Pro Diacono autem Cardinali, dicitur Oratio. Inclina Domine. quae habetur paulo infra, hoc modo, ut animam famuli tui N. Diaconi Cardinalis, quam de hoc saeculo, &c.

3. Pro defuncto Episcopo alia Oratio.

DA nobis, Domine, ut animam famuli tui **N.** Episcopi, quam de huius saeculi eduxisti laborioso certamine, Sanctorum tuorum tribuas esse consortem. Per Dominum nostrum.

Secreta.

Annue nobis, quaesumus Domine, ut animae famuli tui **N.** Episcopi haec profit oblatio: quam immolando totius mundi tribuisti relaxari delicta. Per Dominum nostrum.

Postcommunio.

His sacrificiis, quaesumus omnipotens Deus, purgata anima famuli tui **N.** Episcopi, ad indulgentiam, & refrigerium sempiternum pervenire mereatur. Per Dominum nostrum.

4. Pro defuncto Sacerdote. Et possunt dici pro pluribus in numero plurali.

Oratio.

Praesta, quaesumus Domine, ut anima famuli tui **N.** Sacerdotis, quem in hoc saeculo commorantem sacris muneribus decorasti, in coelesti sede gloriosa semper exultet. Per Dominum.

Secreta.

Suscipe, Domine quaesumus, pro anima famuli tui **N.** Sacerdotis, quas offerimus hostias: ut cui Sacerdotale donasti meritum, dones & praemium. Per Dominum.

Postcommunio.

Praesta quaesumus omnipotens Deus: ut animam famuli tui **N.** Sacerdotis, in congregatione justorum aeternae beatitudinis iubeas esse consortem. Per Dñm.

5. Pro uno defuncto. Oratio.

Incлина Domine aurem tuam ad preces nostras, quibus misericordiam tuam supplices deprecamur: ut animam famuli tui, quam de hoc saeculo migrare iussisti, in pacis ac lucis regione constituas, & Sanctorum tuorum iubeas esse consortem. Per Dominum nostrum.

Secre-

Secreta.

Annue nobis, quæsumus Dómine, ut animæ famuli tui hæc profit oblatio: quam immolando, totius mundi tribuisti relaxari delicta. Per Dóminum.

Postcommunio.

Absolve, quæsumus Dómine, animam famuli tui ab omni vínculo delictorum: ut in resurrectionis glória, inter sanctos, & electos tuos resuscitatus respicere. Per Dóminum.

6. Pro una defuncta. Oratio.

Quæsumus Dómine, pro tua pietate miserere animæ famulæ tuæ, & a contagiis mortalitatis exutam, in æternæ saluationis partem restitue. Per Dóminum nostrum.

Secreta.

His sacrificiis, quæsumus Dómine, anima famulæ tuæ a peccatis omnibus exuatur, sine quibus a culpa nemo liber exitit: ut per hæc piæ placationis officia, perpétuam misericordiam consequatur. Per Dóminum.

Postcommunio.

Inveniat, quæsumus Dómine, animam famulæ tuæ lucis æternæ consortium: cuius perpétuæ misericordiae consecuta est sacramentum. Per Dóminum.

7. Pro patre & matre Sacerdotis. Oratio.

Deus, qui nos patrem & matrem honorare præcepisti: miserere clementer animabus patris & matris meæ, eorumque peccata dimitte, meque eos in æternæ claritatis gaudio fac videre. Per Dóminum nostrum.

Secreta.

Suscipe sacrificium, Dómine, quod tibi pro animabus patris & matris meæ offero: eisque gaudium sempiternum in regione vivorum concede, meque cum illis felicitati Sanctorum conjunge. Per Dóminum.

Postcommunio.

Coelæstis participatio sacramenti, quæsumus Dómine, animabus patris & matris meæ requiem & lucem obtineat perpétuam: meque cum illis grátia tua coronet æterna. Per Dóminum.

8. Si pro patre tantum, vel matre tantum dicatur in singulari.

Oratio.

Deus, qui nos patrem & matrem honorare præcepisti: miserere clementer animæ patris mei, **vel** matris meæ, ejusque peccata dimitte: meque eum, **vel** eam, in æternæ claritatis gaudio fac videre. Per Dóminum nostrum.

Secreta.

Suscipe sacrificium, Dómine, quod tibi pro anima patris mei, **vel** matris meæ offero: eisque gaudium sempiternum in regione vivorum concede, meque cum illo, **vel** illa, felicitati Sanctorum conjunge. Per Dóminum.

Postcommunio.

Coelæstis participatio sacramenti, quæsumus Dómine, animæ patris mei, **vel** matris meæ, requiem & lucem obtineat perpétuam: meque cum illo, **vel** illa, grátia tua coronet æterna. Per Dóminum.

9. Pro defunctis fratribus, propinquis, & benefactoribus. Oratio.

Deus vênix largitor, & humanæ salutis amátor: quæsumus clementiam tuam; ut nostræ congregationis fratres, propinquos, & benefactores, qui ex hoc sæculo transierunt, beata Maria semper virgine intercedente cum omnibus Sanctis tuis, ad perpétuæ beatitudinis consortium pervenire concedas. Per Dóminum.

Secreta.

Deus, cujus misericordiae non est numerus, suscipe propitius preces humilitatis nostræ: & animabus fratrum, propinquorum, & benefactorum nostrorum, quibus tui nominis dedisti confessionem, per hæc sacramenta salutis nostræ, cunctorum remissionem tribue peccatorum. Per Dóminum.

Postcommunio.

Presta quæsumus omnipotens & misericors Deus: ut animæ fratrum, propinquorum, & benefactorum nostrorum, pro quibus hoc sacrificium laudis tuæ obtulimus majestati; per hujus virtutem sacramenti a peccatis omnibus expiata, lucis perpétuæ, te miserante, recipiant beatitudinem. Per Dóminum nostrum.

10. Pro his, qui in coemeterio requiescunt. Oratio.

Deus, cujus miseratione animæ fidelium requiescunt: famulis & famulabus tuis, & omnibus hic & ubique in Christo quiescentibus, da propitius vêniam peccatorum: ut a cunctis reatibus absoluti, tecum sine fine lætentur. Per eundem Dóminum.

Secreta.

Pro animabus famulorum famularumque tuarum, & omnium catholicorum hic & ubique in Christo dormientium, hostiam, Dómine, suscipe benignus oblata: ut hoc sacrificio singulari, vinculis horrendæ mortis exuti, vitam mereantur æternam. Per eundem Dñm.

Post-

Postcommunio.

Deus, fideliū lamen animarū, adesto supplicationibus nostris: & da famulis & famulabus tuis, quorum corpora hic & ubique in Christo requiescunt, refrigerii sedem, quietis beatitudinem, & luminis claritatem. Per eundem Dominum nostrum, &c.

11. Pro pluribus Defunctis. Oratio.

Deus, cui proprium est misereri semper & parcere: propitiare animabus famulorum famularumque tuarum, & omnia eorum peccata dimitte; ut mortalitatis vinculis absolutæ, transire mereantur ad vitam. Per Dñm. *Secreta.*

Annue nobis, quæsumus Domine, ut animabus famulorum famularumque tuarum hæc profit oblatio: quam immolando, totius mundi tribuisti relaxari delicta. Per Dominum.

Postcommunio.

Deus, cui soli competit medicinam præstare post mortem: præsta quæsumus; ut animæ famulorum famularumque tuarum terrenis exitæ contagiis, in tuæ redemptionis parte numerentur. Qui vivis & regnas cum Deo Patre.

12. Alia pro pluribus Defunctis. Oratio.

Animabus, quæsumus Domine, famulorum famularumque tuarum misericordiam concede perpetuam: ut eis proficiat in æternum, quod in te speraverunt & crediderunt. Per Dominum.

Secreta.

His, Domine quæsumus, placatus intende muneribus: & quod ad laudem tui nominis supplicantes offerimus, ad indulgentiam proficiat defunctorum. Per Dominum. *Postcommunio.*

Supplices, Domine, pro animabus famulorum famularumque tuarum preces effundimus, obsecrantes: ut quidquid conversatione contraxerunt humana, & clementer indulgeas, & in tuorum sede lætantium constituas redemptorum. Per Dominum.

ORDO AD FACIENDAM*Aquam benedictam.*

Die Dominica, in sacristia præparato sale, & aqua benedicenda, Sacerdos celebraturus Missam, vel alius ad id deputatus, alba, vel superpelliceo indutus cum stola circa collum, primo dicit: V. Adju-

torium nostrum in nomine Domini. R. Qui fecit coelum & terram.

Deinde absolute incipit exorcismum salis.

Exorcizo te, creatura salis, per Deum *✠* vivum, per Deum *✠* verum, per Deum *✠* sanctum: per Deum, qui te per Elisæum Prophetam in aquam mitti iussit, ut sanaretur sterilitas aquæ: ut efficiaris sal exorcizatum in salutem credentium: & sis omnibus summentibus te sanitas animæ & corporis: & effugiat atque discedat à loco, in quo aspersum fueris, omnis phantasia, & nequitia, vel versutia diabolicæ fraudis, omnisque spiritus immundus adjuratus per eum, qui venturus est judicare vivos & mortuos, & sæculum per ignem. *R. Amen.*

*Oremus.**Oratio.*

Immensam clementiam tuam, omnipotens læterne Deus, humiliter imploramus: ut hanc creaturam salis, quam in usum generis humani tribuisti, bene *✠* dicere, & sancti *✠* ficare tua pietate digneris: ut sit omnibus summentibus salus mentis & corporis: & quidquid ex eo tactum vel respersum fuerit, careat omni immunditia, omni que impugnatione spiritalis nequitie. Per Dñm.

Exorcismus aquæ: & dicitur absolute.

Exorcizo te, creatura aquæ, in nomine Dei *✠* Patris omnipotentis, & in nomine Jesu *✠* Christi Filii ejus Domini nostri, & in virtute Spiritus *✠* sancti: ut fias aqua exorcizata ad effugandam omnem potestatem inimici, & ipsum inimicum eradicare, & explantare valeas cum angelis suis apostaticis, per virtutem ejusdem Domini nostri Jesu Christi, qui venturus est judicare vivos & mortuos, & sæculum per ignem. *R. Amen.*

*Oremus.**Oratio.*

Deus, qui ad salutem humani generis maxima quæque sacramenta in aquarum substantia condidisti: adesto propitius invocationibus nostris, & elemento huic multimodis purificationibus præparato, virtutem tue bene *✠* dictio- nis infunde: ut creatura tua mysteriis tuis serviens, ad abigendos demones, morbosque pellendos, divinæ gratiæ summat effectum: ut quidquid in domibus, vel in locis fidelium hæc unda resperferit, careat omni immunditia, liberetur à noxa: non illic resideat spiritus pestilens, non aura corrumpens: discedant omnes insi-

insidiæ latētis inimici: & si quid est, quod aut incolumitati habitantium invidet, aut quiēti, aspersiōne hujus aquæ effugiat: ut salubritas per invocatiōem sancti tui nōminis expetita, ab omnibus sit impugnationibus defēsa. Per Dōminum.

Hic ter mittat sal in aquam in modum crucis, dicendo semel.

Commixtio salis & aquæ pariter fiat in nōmine Pa * tris, & Fi * lii, & Spīritus * sancti. *R.* Amen.

* Dōminus vobiscum. *R.* Et cum spīritu tuo. *Oremus.* *Oratio.*

Deus invictæ virtutis auctor, & insuperabilis impērii Rex, ac semper magnificus triumphator: qui adversæ dominationis vires reprimis: qui inimici rugientis sævitiam superas: qui hostiles nequitias potenter expūgnas: te Dōmine tremētes & supplices deprecāmur, ac pētimus; ut hanc creaturam salis & aquæ dignanter aspicias, benignus illūstres, pietatis tuæ rore sanctifices: ut ubicūque fuerit aspersa, per invocatiōem sancti nōminis tui, omnis infestatio immūdi spīritus abigatur: terrorque venenosi serpēntis procul pellatur: & præsētia sancti Spīritus nobis misericordiam tuam poscētibz, ubique adesse dignetur. Per Dōminum. in unitate ejusdem.

Finita benedictione, Sacerdos celebraturus indutus pluviali coloris Officio convenientis, accedit ad Altare, & ibi ad gradus cum ministris genuflexus, etiam tempore Paschali, accipit à Diacono aspersorium, & primo ter aspergit Altare: deinde se, & ministros; & erectus incipit Antiphona A spērges me.

Et Chorus prosequitur. Dōmine hyssopo, &c. ut infra.

Interim Celebrans aspergit Clerum, deinde populum, dicens submissa voce cum ministris Psalmum. M iserere mei Deus.



Antiphona. A spērges me Dōmine hyssopo, & mundabor: lavabis me, & super nivem dealbabor.


Psalmus 50. M iserere mei Deus, secundum magnam misericordiam tuam.

* Glōria Patri, & Filio, &c.

Et repetitur Antiphona.

Miss.

Hæc Antiphona prædicto modo dicitur ad aspersiōem aquæ benedictæ in Dominicis per totum annum: excepta Dominica de Passione, & Dominica Palmarum, in quibus non dicitur Glōria Patri. sed post Psalmum Miserere mei. repetitur immediatè Antiphona A spērges me. Excepto etiam tempore Paschali, scilicet à Dominica Paschæ usque ad Pentecosten inclusivè, quo tempore cantatur sequens Antiphona.



Vidi aquam egredientem de templo à latere dextro, allelūja: & omnes, ad quos pervenit aqua ista, salvi facti sunt, & dicent, allelūja, allelūja. *Psalmus 117.* C onfitemini Dōmino quoniam bonus: quoniam in sæculum misericordia ejus.

* Glōria Patri, & Filio, &c.

Repetitur Antiphona. Vidi aquam.

In Dominica verò Trinitatis resumitur, A spērges me Dōmine.

In die sancto Paschæ, & Pentecostes, ubi est fons Baptismalis, fit aspersio cum aqua pridie benedicta in fonte Baptismi, & ante infusionem olei & chrismatis accepta.

Finita Antiphona supradictō modo, Sacerdos qui aspergit aquam, reversus ad Altare, stans ante gradus Altaris junctis manibus, dicat: * Ostēde nobis Dōmine misericordiam tuam.

Tempore Paschali additur Allelūja.

* Et salutāre tuum da nobis. * Dōmine exaudi oratiōem meam. *R.* Et clamor meus ad te veniat. * Dōminus vobiscum. *R.* Et cum spīritu tuo.

Oremus.

Oratio.

Exaudi nos, Dōmine sancte, Pater omnipotens, æternus Deus: & mittere digneris sanctum Angelum tuum de coelis, qui custodiat, foveat, protegat, vísitet, atque defendat omnes habitantes in hoc habitaculo. Per Christum Dōminum nostrum. *R.* Amen.

B E N E D I C T I O

Agni in Pascha.

* Adjutoriū nostrum in nōmine Dōmini.

* Qui fecit cœlum & terram.

* Dō-

✠. Dominus vobiscum. *R.* Et cum spiritu tuo.

Oremus.

Deus, qui per famulum tuum Moysen, in liberatione populi tui de Aegypto agnum occidi iussisti in similitudinem Domini nostri Jesu Christi, & utroque postes domorum de sanguine ejusdem agni perungi precepisti: ita bene ✠ dicere, & sancti ✠ ficare digneris hanc creaturam carnis, quam nos famuli tui ad laudem tuam sumere desideramus, per resurrectionem ejusdem Domini nostri Jesu Christi: Qui tecum vivit & regnat in secula seculorum. *R.* Amen.

Et mox aspergat aqua benedicta.

B E N E D I C T I O

Ovorum.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Subveniat, quaesumus Domine, tuæ benedictionis gratia huic ovorum creaturæ: ut cibis salubris fiat fidelibus tuis in tuarum gratiarum actione summentibus, ob resurrectionem Domini nostri Jesu Christi: Qui tecum vivit & regnat in secula seculorum. *R.* Amen.

Et aspergat aqua benedicta.

B E N E D I C T I O P A N I S.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Domine Jesu Christe, panis Angelorum, panis vivus æternæ vitæ, benedi ✠ cere dignare panem istum, sicut benedixisti quinque panes in deserto: ut omnes ex eo gustantes, inde corporis & animæ percipiant sanitatem. Qui vivis & regnas in secula seculorum. *R.* Amen.

Et aspergat aqua benedicta.

A L I A B E N E D I C T I O P A N I S.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Domine sancte, Pater omnipotens, æternæ Deus, bene ✠ dicere digneris hunc Panem tua sancta spiritali benedictione: ut sit omnibus summentibus salus

mentis & corporis, atque contra omnes morbos, & universas inimicorum insidias tutamen. Per Dominum nostrum Jesum Christum Filium tuum, panem vivum, qui de coelo descendit, & dat vitam & salutem mundo: & tecum vivit & regnat in unitate Spiritus sancti Deus, per omnia secula seculorum. *R.* Amen.

Aspergatur aqua benedicta.

B E N E D I C T I O

Novorum fructuum.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Bene ✠ dic Domine hos novos fructus *N.* & præsta: ut qui ex eis in tuo sancto nomine vescuntur, corporis & animæ salute potiuntur. Per Christum Dominum nostrum. *R.* Amen.

Et aspergantur aqua benedicta.

B E N E D I C T I O

ad quodcumque comestibile.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Bene ✠ dic Domine creaturam istam *N.* ut sit remedium salutare generi humano: & præsta per invocationem sancti nominis tui; ut quicumque ex ea sumpserint, corporis sanitatem, & animæ tutelam percipiant. Per Christum Dominum nostrum. *R.* Amen.

Aspergatur aqua benedicta.

B E N E D I C T I O

Candelarum.

✠. Adjutorium nostrum in nomine Domini. *R.* Qui fecit coelum & terram.

✠. Dominus vobiscum. *R.* Et cum spiritu tuo.

Oremus.

Domine Jesu Christe, Fili Dei vivi, bene ✠ dic candelas istas supplicationibus nostris: infunde eis, Domine, per virtutem sanctæ Cru ✠ cis, benedictionem coelestem, qui eas ad repellendas tenebras humano generi tribuisti, talemque benedictionem signaculo sanctæ Cru ✠ cis accipiant, ut quibuscumque locis accensæ, sive posite fuerint, dis-

se-

scédant principes tenebrarum, & contremiscant, & fugiant pavidi cum omnibus ministris suis ab habitationibus illis: nec præsumant amplius inquietare aut molestare servientes tibi omnipotenti Deo: Qui vivis & regnas in sæcula sæculorum. *R.* Amen.

Postmodum aspergantur aqua benedicta.

B E N E D I C T I O L O C I .

V. Adjutorium nostrum in nomine Domini. *R.* Qui fecit coelum & terram.

V. Dominus vobiscum. *R.* Et cum spiritu tuo. *Oremus.*

Bene *✠* dic, Domine Deus omnipotens, locum istum: ut sit in eo sanitas, castitas, victoria, virtus, humilitas, bonitas, mansuetudo, plenitudo legis, & gratiarum actio Deo Patri, & Filio, & Spiritui sancto: & hæc benedictio maneat super hunc locum, & super habitantes in eo, nunc & in omnia sæcula sæculorum. *R.* Amen.

Et aspergatur aqua benedicta.

B E N E D I C T I O

Domus novæ.

V. Adjutorium nostrum in nomine Domini. *R.* Qui fecit coelum & terram.

V. Dominus vobiscum. *R.* Et cum spiritu tuo. *Oremus.*

TE Deum Patrem omnipotentem suppliciter exoramus pro hac domo, & pro habitatoribus ejus, ac rebus: ut eam benedi *✠* cere, & sanctifi *✠* care, ac bonis omnibus ampliare digneris: tribue eis Domine de rore cœli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitum ergo nostrum bene *✠* dicere, & sancti *✠* ficare digneris hanc domum, sicut benedicere dignatus es domum Abraham, & Isaac, & Jacob: & intra parietes domus istius Angeli tuæ lucis inhabitent, eamque, & ejus habitatores custodiant. Per Christum Dominum nostrum. *R.* Amen.

Deinde aspergat aqua benedicta.

B E N E D I C T I O

Thalami.

V. Adjutorium nostrum in nomine Domini. *R.* Qui fecit coelum & terram.

V. Dominus vobiscum.

R. Et cum spiritu tuo.

Oremus.

Bene *✠* dic, Domine, thalamum hunc: ut omnes habitantes in eo, in tua pace consistant, & in tua voluntate permaneant, & senescant, & multiplicentur in longitudinem dierum, & ad regna cœlorum perveniant. Per Christum Dominum nostrum. *R.* Amen.

Postea aspergat thalamum aqua benedicta.

B E N E D I C T I O

novæ Navis.

V. Adjutorium nostrum in nomine Domini. *R.* Qui fecit coelum & terram.

V. Dominus vobiscum. *R.* Et cum spiritu tuo. *Oremus.*

Propitiare, Domine, supplicationibus nostris, & bene *✠* dic navem istam dextera tua sancta, & omnes qui in ea vehentur, sicut dignatus es benedicere arcam Noe ambulantem in diluvio: porrigere eis Domine dexteram tuam, sicut porrexisti beato Petro ambulanti supra mare: & mitte sanctum Angelum tuum de cœlis, qui liberet & custodiat eam semper à periculis universis, cum omnibus quæ in ea erunt: & famulos tuos, repulsis adversitatibus, portu semper optabili, cursuque tranquillo tuearis, transactisque, ac recte perfectis negotiis omnibus, iterato tempore ad propria cum omni gaudio revocare digneris. Qui vivis & regnas in sæcula sæculorum. *R.* Amen.

Aspergat navim aqua benedicta.

B E N E D I C T I O N E S

Ab Episcopis, vel aliis facultatem habentibus faciendæ.

B E N E D I C T I O

sacerdotalium Indumentorum in genere.

V. Adjutorium nostrum in nomine Domini. *R.* Qui fecit coelum & terram.

V. Dominus vobiscum. *R.* Et cum spiritu tuo. *Oremus.*

Omnipotens sempiternus Deus, qui per Moysen famulum tuum pontificalia & sacerdotalia, seu levitica vestimenta, ad explendum in conspectu tuo ministerium eorum, ad honorem & decorem nominis tui fieri decrevisti: adesto propitius invocationibus nostris; ut hæc indumenta sacerdotalia, desuper irrigante gratia tua, ingenti benedictione per nostræ humilitatis servitium purifi *✠* care,

bene ✠ dicere, & conse ✠ crare digneris: ut divinis cultibus & sacris mysteriis apta & benedicta existant: his quoque sacris vestibus Pontifices, & Sacerdotes, seu Levitæ tui induti, ab omnibus impulsiónibus, seu tentationibus malignorum spirituum muniti & defensi esse mereantur: tuisque mysteriis aptè & condignè servire, & inhærere, atque in his tibi placitè & devotè perseverare tribue. Per Christum Dñm nostrum.

R. Amen.

Orémus.

Deus invictæ virtutis triumphator, & omnium rerum creator ac sanctificator: intende propitius preces nostras, & hæc indumenta Leviticæ, Sacerdotalis, & Pontificalis gloriæ, ministris tuis fruenda, tuo ore proprio bene ✠ dicere, sancti ✠ ficare, & conse ✠ crare digneris: omnesque eis utentes tuis mysteriis aptos, & tibi in eis devotè ac laudabiliter serviētes, gratos efficere digneris. Per Dñm nostrum.

R. Amen.

Orémus.

Domine Deus omnipotens, qui vestimenta Pontificibus, Sacerdotibus, & Levitis in usum tabernaculi foederis necessaria, Moysen famulum tuum agere iussisti, eumque spiritu sapientiæ ad id peragendum replevisti: hæc vestimenta in usum & cultum mysterii tui bene ✠ dicere, sanctifi ✠ care, & conse ✠ crare digneris: atque ministros altaris tui, qui ea induerint, septiformis Spiritus gratia dignanter repleri, atque castitatis stola, beata facias cum bonorum fructu operum ministerii congruentis immortalitate vestiri. Per Christum Dñm nostrum. R. Amen.

Deinde aspergat ipsa indumenta aqua benedicta.

B E N E D I C T I O

mapparum, & tobalearum, sive
lintheaminum Altaris.

✠. Adjutorium nostrum in nomine Dñi. R. Qui fecit coelum & terram.

✠. Dominus vobiscum. R. Et cum spiritu tuo.

Orémus.

Exaudi Domine preces nostras, & hæc lintheamina sacri altaris usus præparata bene ✠ dicere, & sanctifi ✠ care digneris. Per Christum Dñm nostrum. R. Amen.

Orémus.

Domine Deus omnipotens, qui Moysen famulum tuum ornamenta, & lintheamina facere per quadraginta dies docuisti, quæ etiam Maria texuit, & fecit in usum ministerii tabernaculi foederis: bene ✠ dicere, sancti ✠ ficare, & conse ✠ crare digneris hæc lintheamina ad tegendum, involvendumque altare gloriosissimi Filii tui Domini nostri Jesu Christi: Qui tecum vivit & regnat in unitate Spiritus sancti Deus, per omnia sæcula sæculorum. R. Amen.

Deinde aspergat ea aqua benedicta.

B E N E D I C T I O

Corporalium.

✠. Adjutorium nostrum in nomine Dñi. R. Qui fecit coelum & terram.

✠. Dominus vobiscum. R. Et cum spiritu tuo.

Orémus.

Clementissime Domine, cujus inenarrabilis est virtus, cujus mysteria arcanis mirabilibus celebrantur: tribue quæsumus; ut hoc lintheamen tuæ propitiatiōnis bene ✠ dictione sanctificetur ad consecrandum super illud corpus, & sanguinem Dei, & Domini nostri Jesu Christi Filii tui: Qui tecum vivit & regnat in unitate Spiritus sancti Deus, per omnia sæcula sæculorum. R. Amen.

Orémus.

Omnipotens sempiternæ Deus, benedi ✠ cere, sanctifi ✠ care, & conse ✠ crare digneris lintheamen istud ad tegendum, involvendumque corpus & sanguinem Domini nostri Jesu Christi Filii tui: Qui tecum vivit & regnat in unitate Spiritus sancti Deus, per omnia sæcula sæculorum. R. Amen.

Orémus.

Omnipotens Deus, manibus nostris opem tuæ benedictionis infunde: ut per nostram bene ✠ dictionem hoc lintheamen sanctificetur, & Corporis ac Sanguinis Redemptoris nostri novum sudarium, Spiritus sancti gratia efficiatur. Per eundem Dñm nostrum. R. Amen.

Et aspergit aqua benedicta.

B E N E D I C T I O

Tabernaculi, seu vasculi pro sacrosancta Eucharistia consecranda.

✠. Adjutorium nostrum in nomine Dñi.

mini. *R.* Qui fecit cœlum & terram.
V. Dominus vobiscum. *R.* Et cum spiritu tuo.

Orémus.

Omnipotens sempiternè Deus, majestatem tuam supplices deprecamur: ut vâsculum hoc pro Corpore Filii tui Domini nostri Jesu Christi in eo condendo fabricatum, bene *✠* dictiônis tuæ grâtia dicare digneris. Per eundem Dominum nostrum.

R. Amen.

Et aspergit illud aqua benedicta.

O R A T I O

In consecratione Episcopi, quæ dicitur cum Oratione Missæ diei sub una conclusione: & similiter Secreta, & Postcommunio.

Oratio.

Adesto supplicationibus nostris omnipotens Deus: ut quod humilitatis nostræ gerendum est ministerio, tuæ virtutis impleatur effectû. Per Dominum.

Secreta.

Consecrator.

Suscipe Domine mûnera, quæ tibi offerimus pro hoc famulo tuo: ut propitius in eo tua dona custodias. Per Dominum nostrum.

Consecratus dicit:

Suscipe Domine mûnera, quæ tibi offerimus pro me famulo tuo: ut propitius in me tua dona custodias. Per Dominum.

Infra actionem.

Consecrator.

Hanc igitur oblationem servitutis nostræ, sed & cunctæ familiæ tuæ, quam tibi offerimus etiam pro hoc famulo tuo, quem ad Episcopatus ordinem promovere dignatus es, quæsumus Domine, ut placatus accipias, & propitius in eo tua dona custodias: ut quod divino mûnere consecutus est, divinis effectibus exequatur: diēsque nostros in tua pace dispõnas, atque ab æterna damnatione nos eripi, & in electorum tuorum jubeas grege numerari. Per Christum Dominum nostrum. Amen.

Consecratus dicit:

Hanc igitur oblationem servitutis nostræ, sed & cunctæ familiæ tuæ, quam tibi offerimus, etiam pro me famulo tuo, quem ad Episcopatus ordinem promovere dignatus es, quæsumus Domine, ut placatus accipias, & propitius in me tua dona custodias: ut quod divino mûnere consecutus sum, divinis effectibus exequar: diēsque nostros in tua pace dispõnas, atque ab æterna damnatione nos eripi, & in electorum tuorum jubeas grege numerari. Per Christum Dominum nostrum. Amen.

Postcommunio.

Plenum, quæsumus Domine, in nobis remedium tuæ miserationis operare: ac tales nos esse perfice propitius, & sic foveri; ut tibi in omnibus placere valeamus. Per Dominum nostrum Jesum Christum Filium tuum, &c.

O R A T I O I N C O L L A T I O N E
sacrorum Ordinum, quæ dicitur cum Oratione Missæ diei sub una conclusione: & similiter Secreta, & Postcommunio.

Oratio.

Exaudi, quæsumus Domine, supplicum preces, & devoto tibi pectore famulantes, perpétua defensione custodi: ut nullis perturbacionibus impediti, liberam servitutem tuis semper exhibeamus officiis. Per Dominum nostrum Jesum Christum Filium tuum, &c.

Secreta.

Tuis, quæsumus Domine, operare mysteriis: ut hæc tibi mûnera dignis mentibus offeramus. Per Dominum.

Postcommunio.

Quos tuis, Domine, reficis sacramentis, continuis attolle benignus auxiliis: ut tuæ redemptionis effectum, & mysteriis capiamus, & moribus. Per Dominum nostrum.

MISSÆ SANCTORUM DE PRÆCEPTO

Celebrandæ aliquibus in Locis ex Indulto Apostolico.

Die iv. Decembris.

IN FESTO S. BARBARÆ Virginis & Martyris.

Pro toto Dominio Veneto.

Missæ. I. loquēbar. fol. xviii. Oratio.

Intercēssio, quæsumus Dōmine, beatæ
Barbaræ Virgīnis & Mārtiris tuæ ab
omni nos adversitate protégat: ut per
ejus intervēntum, gloriosissimum sacro-
sancti Cōporis & Sanguinis Dōmini no-
stri Jesu Christi Sacramētum ante diem
ēxitus nostri per veram pœnitēntiam,
& puram confessiōnem percipere mereā-
mur. Qui tecum vivit & regnat.

Et sit commemor. Feriæ.


Die x. Decembris.

IN FESTO TRANSLATIONIS

Almæ Domus beatæ Mariæ virginis.

Pro Statu Ecclesiastico, & alibi.

Introitus. Gen. 28. 10.



Erribilis est locus iste! hic
domus Dei est, & por-
ta cœli: & vocabitur au-
la Dei.

Psalms 83. Quam dilecta

tabernacula tua, Dōmine
virtutum! concupiscit, & deficit anima
mea in atria Dōmini.

Glória Patri, &c.

Oratio.

Deus, qui beatæ Mariæ virgīnis Do-
mum per incarnāti Verbi mystērium
misericōrditer consecrasti, eamque in si-
nu Ecclesiæ tuæ mirabiliter collocasti:
concède; ut segregāti à tabernaculis pec-
catorum digni efficiāmur habitatores Do-
mus sanctæ tuæ. Per eūdem Dōmi-
num nostrum, &c.

Et sit commemor. Feriæ.

Pro S. Melchiade Papa & mart.

Oratio.

Infirmiātem nostram respice omni-
potens Deus: & quia pondus propriæ
actiōnis gravat, beāti Melchiadis mār-
tyris tui atque Pontificis intercēssio glo-

riosa nos protégat. Per Dōminum no-
strum Jesum Christum Fīlium tuum, &c.

Lectio libri Sapiētiæ. Eccli. 24. 11.

In omnibus requiem quæsi, & in
hæreditate Dōmini morabor. Tunc
præcepit, & dixit mihi Creātor omnium,
& qui creāvit me, requiēvit in tabernā-
culo meo. Et dixit mihi: In Jacob in-
hābita, & in Israel hæreditare, & in
electis meis mitte radices. Et sic in Sion
firmata sum, & in civitate sanctificata
similiter requievi, & in Jerūsalem po-
testas mea. Et radicavi in pōpulo hono-
rificato, & in parte Dei mei hæreditas
illius, & in plenitudine sanctorum de-
tentio mea. Quasi cedrus exaltata sum
in Libano, & quasi Cypressus in mon-
te Sion: Quasi palma exaltata sum in Ca-
des, & quasi plantatio rosæ in Jericho:
Quasi olīva speciosa in campis, & quasi
platanus exaltata sum juxta aquam in
plateis. Sicut cinnamōmum, & balsa-
mum aromatizans odorem dedi: quasi
myrrha electa dedi suavitatem odoris.

*Graduale. Psal. 26. 4. Unam petii à Dō-
mino, hanc requiram, ut inhābitem in
domo Dōmini omnibus diebus vitæ meæ.*

*Ut videam voluptatem Dōmini, &
visitem templum ejus. Allelūja, allelūja.*

*Psalm. 83. 5. Beāti qui hābitant in do-
mo tua Dōmine, in sæcula sæculorum
laudabunt te. Allelūja.*

✠ Sequēntia sancti Euangēlii secun-
dum Lucam. *Lucæ 1. c.*

In illo tēpore: Missus est Angelus
Gābriel à Deo incivitatem Galilææ,
cui nomen Nāzareth, ad Virgīnem
desponsatam viro, cui nomen erat Jo-
seph, de domo David, & nomen Vir-
ginis, Mariā. Et ingressus Angelus ad
eam, dixit: Ave grātia plena: Dōminus
tecum: Benedicta tu in mulieribus. Quæ
cū audisset, turbata est in sermōne ejus,
& cogitabat qualis esset ista salutatio.

Et

Et ait Angelus ei: Ne timeas Maria, invenisti enim gratiam apud Deum: ecce concipies in utero, & paries Filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus, dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. **Credo.**
Offertorium. Psal. 5. 8. & 137. 2. Introibo in Domum tuam: adorabo ad templum sanctum tuum, & confitebor nomini tuo.

Secreta.

Accipe, quæsumus Domine, mûnera in hac sacra Domo dignanter oblata: & beatæ Mariæ virginis suffragantibus meritis, ad nostræ salutis auxilium provenire concede. Per Dominum.

Pro S. Melchiade. Secreta.

Hostias tibi, Domine, beati Melchiadis martyris tui atque Pontificis dicatas meritis, benignus assume; & ad perpetuum nobis tribue provenire subsidium. Per Dominum nostrum.

Præfatio. Et te in festivitate beatæ Mariæ semper virginis. fol. 183.

Communio. Prov. 8. Beatus, qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hæriet salutem à Domino.

Postcommunio.

Quæsumus Domine Deus noster: ut sacrosancta mysteria, quæ pro reparationis nostræ munimine contulisti, intercedente beata Maria semper virgine, & præsens nobis remedium esse facias, & futurum. Per Dominum.

Pro S. Melchiade. Postcommunio.

Refecti participatione mûneris sacri, quæsumus Domine Deus noster: ut cujus exequimur cultum, intercedente

beato Melchiade martyre tuo atque Pontifice, sentiamus effectum. Per Dominum.

Die xiv. Decembris.

IN FESTO S. SPIRIDIONIS

Episc. & Conf. Pro Dominio Veneto.

Missæ. Stâtuit ei Dominus. de Comuni Confess. Pontificis. fol. xii.

Et fit commem. Oct. Concept. & Feriæ.

Die xvi. Decembris.

IN SOLEMNITATE

Patrocinii sancti Januarii Mart. præcipui

Patroni Civitatis, & Regni Neapolitani.

Missæ. Narrate. ut infra. fol. c.

Die xviii. Decembris.

IN FESTO EXPECTATIONIS


Partus beatæ Mariæ virginis.

Pro aliquibus Locis.

Si hoc Festum venerit FERIA IV. Quatuor Temp. in fine Missæ non dicitur Evangel. Feriæ, sed sancti Joannis.

Introitus.

Isaia 45.



Orate cœli desuper, & nubes pluant justum: aperiatur terra, & germinet Salvatorem.

Psal. 18. Cœli enarrant gloriam Dei: & opera manuum ejus annuntiat firmamentum.

Glória Patri, &c.

Oratio.

Deus, qui de beatæ Mariæ virginis utero Verbum tuum, Angelo nuntiante, carnem suscipere voluisti: præsta supplicibus tuis; ut qui verè eam Genitricem Dei credimus, ejus apud te intercessionibus adjuvemur. Per eundem Dominum nostrum, &c.

Et fit commemor. Feriæ.

Lectio Isaia Prophætæ.

Isaia 7. b

In diebus illis: Locutus est Dominus ad Achaz, dicens: Pete tibi signum à Domino Deo tuo in profundum inferni, sive in excelsum supra. Et dixit Achaz: non petam, & non tentabo Dominum. Et dixit: Audite ergo domus David: Numquid parum vobis est, molestos esse hominibus, quia molesti estis & Deo meo? Propter hoc dabit Dominus ipse vobis signum. Ecce Virgo concipiet, & pariet filium, & vocabitur nomen ejus Emmmanuel. Butyrum & mel comedet, ut sciat reprobare malum, & eligere bonum.

Gra-

Graduale. Psalm. 23. Tollite portas, principes, vestras, & elevâmini portæ æternales: & introibit Rex gloriæ. **V.** Quis ascendet in montem Domini? aut quis stabit in loco sancto ejus? innocens manibus, & mundo corde. **A**llelûja, allelûja.

V. Lucæ 1. Ecce concipiet, & pariet filium Jesum Christum. Allelûja.



Sequentia sancti Evangelii secundum Lucam. Lucæ 1. c

IN illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis, Maria. Et ingressus Angelus ad eam, dixit: Ave gratia plena: Dominus tecum: Benedicta tu in mulieribus. Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: Ne timeas Maria, invenisti enim gratiam apud Deum: ecce concipies in utero, & paries filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te sanctum, vocabitur Filius Dei. Et ecce Elisabeth cognata tua, & ipsa concepit filium in senectute sua: & hic mensis sextus est illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. **C**redo.

Offertorium. Ibid. Ave Maria, gratia plena: Dominus tecum: Benedicta tu in mulieribus, & benedictus fructus ventris tui.

Secreta.

IN mentibus nostris, quæsumus Domine, veræ fidei sacramenta confirma: ut qui conceptum de virgine Deum verum & hominem confitemur, per ejus salutiferæ resurrectionis potentiam, ad æternam mereamur pervenire læticiam. Per eundem Dominum nostrum.

Præfatio. Et te in Expectatione B. Mariæ semper virginis. fol. 183.

Communio. Isaia 7. Ecce virgo concipiet, & pariet filium: & vocabitur nomen ejus Emmmanuel. **Postcommunio.**

Gratiam tuam, quæsumus Domine, mentibus nostris infunde: ut qui, Angelo nuntiante, Christi Filii tui incarnationem cognovimus; per passionem ejus & crucem, ad resurrectionis gloriâ perducamur. Per eundem Dominum.

Die vii. Januarii.

IN FESTO S. JULIANI MARTYRIS:

Missæ. In virtute. de Communi unius Martyris. fol. iv. præter Orationem sequentem. **Oratio.**

Deus, qui beatum Julianum Martyrem tuum virtute constantiæ in passionem roborasti: ex ejus nobis imitatione tribue, pro amore tuo prospera mundi despiciere, & nulla ejus adversa formidare. Per Dominum nostrum.

Evangelium. Nihil est opertum. de eodem Communi ii. loco. fol. v.

Die xiv. Januarii.

IN FESTO S. PETRI URSEOLI

Confessoris. Pro Dominio Veneto.

Introitus. Psalm. 16.



Qui justus meditabitur sapientiam, & lingua ejus loquetur judicium: lex Dei ejus in corde ipsius.

Psalm. ibid. Noli æmulari in malignantibus: neque zelaveris facientes iniquitatem.

V. Gloria Patri, &c.

Oratio.

Deus, qui beatum Petrum Ducem cœlesti Regno terrenum postponere docuisti: da nobis quæsumus; ejus intercessione, & exemplo terrena despiciere, atque æterna sectari. Per Dominum.

Pro commemoratione sancti Felicis Presbyteri & martyris.

Oratio.

Concede, quæsumus omnipotens Deus, ut ad meliorem vitam, sanctorum tuorum exempla nos provocent, quatenus quorum sollemnia agimus, etiam actus imitemur. Per Dominum.

Lectio libri Sapientiæ. Eccli. 31.

Beatissimus vir, qui inventus est sine macula: & qui post aurum non abiit, nec speravit in pecunia, & thesauris. Quis est hic, & lau-

& laudabimus eum: fecit enim mirabilia in vita sua. Qui probatus est in illo, & perfectus est, erit illi gloria æterna: qui potuit transgredi, & non est transgressus: facere mala, & non fecit: ideo stabilita sunt bona illius in Domino, & eleemosynas illius enarrabit omnis Ecclesia Sanctorum.

Graduale. Psal. 91. Iustus ut palma florébit: sicut cedrus Libani multiplicabitur in domo Domini. **v.** Ad annuntiandum manè misericordiam tuam, & veritatem tuam per noctem. **A**llelúja, allelúja.

v. Jac. 1. Beatus vir, qui suffert tentationem: quoniam cum probatus fuerit, accipiet coronam vitæ. Allelúja.

Sequentia sancti Euangelii secundum Matthæum. Matth. 19. d

IN illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione cum sederit Filius hominis in sede maiestatis suæ, sedebitis & vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Psal. 88. Veritas mea, & misericordia mea cum ipso: & in nomine meo exaltabitur cornu ejus.

Secreta.

LAudis tibi, Domine, hostias immolamus in tuorum commemoratione Sanctorum: quibus nos & presentibus exui malis confidimus, & futuris. Per Dominum nostrum.

Pro S. Felice.

Secreta.

Hostias tibi, Domine, beati Felicis martyris tui dicatas meritis, benignus assume, & ad perpetuum nobis tribue provenire subsidium. Per Dominum nostrum.

Communio. Matth. 24. Beatus servus, quem, cum venerit Dominus, invenerit vigilantem: amen dico vobis, super omnia bona sua constituet eum.

Postcommunio.

Refecti cibo potuque celesti, Deus noster, te supplices exoramus: ut in cuius hæc commemoratione percipi-

mus, ejus muniamur & precibus. Per Dominum nostrum.

Pro S. Felice.

Postcommunio.

Quæsumus Domine salutaribus repleti mysteriis: ut beati Felicis martyris tui, cujus sollemnia celebramus, orationibus adjuvemur. Per Dominum.

Die xxiii. Januarii.

IN FESTO DESPONSATIONIS

beatæ Mariæ Virginis cum S. Joseph.

Pro aliquibus Locis.

Introitus.

Sedulus.



Alve sancta parens, enixa puerpera Regem: qui cœlum terramque regit in sæcula sæculorum.

Psal. 44. Eructavit cor meum verbum bonum:

dico ego opera mea Regi.

v. Gloria Patri, &c.

Oratio.

Famulis tuis, quæsumus Domine, cælestis gratiæ munus impertire: ut quibus beatæ Virginis partus extitit salutis exordium, Desponsationis ejus votiva sollemnitas pacis tribuat incrementum. Per Dominum nostrum.

Pro commem. S. Joseph, ubi est concessa.

Oratio.

Sanctissimæ Genitricis tuæ Sponsi, quæsumus Domine, meritis adjuvemur: ut quod possibilitas nostra non obtinet, ejus nobis intercessione donetur. Qui vivis.

Pro commemoratione S. Emerentianæ virginis & martyris.

Oratio.

Indulgentiam nobis, quæsumus Domine, beata Emerentiana virgo & martyr impleret: quæ tibi grata semper extitit & merito castitatis, & tuæ professione virtutis. Per Dominum.

Lectio libri Sapientiæ.

Prov. 8. c

Dominus possedit me in initio viarum suarum, antequam quidquam faceret à principio. Ab æterno ordinata sum, & ex antiquis antequam terra fieret. Nondum erant abyssi, & ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, & flumina, & cardines orbis terræ. Quando præparabat cœlos, ade-ram: quando certa lege, & gyro vallabat abyssos, quando æthera firmabat sursum, & librabat fontes aquarum: quando cir-

cum-

cûndabat mari terminum suum, & legem
ponébat aquis, ne transirent fines suos:
quando appendébat fundaménta terræ.
Cum eo eram cuncta componens: & de-
lectábar per singulos dies, ludens coram eo
omni tempore, ludens in orbe terrarum,
& deliciae meae esse cum filiis hominum.
Nunc ergo filii audite me: Beati qui cu-
stodiunt vias meas. Audite disciplinam,
& estote sapientes, & nolite abjicere eam.
Beatus homo qui audit me, & qui vigilat
ad fores meas quotidie, & observat ad
postes ostii mei. Qui me invenerit, inve-
niet vitam, & hauriet salutem à Domino.

Graduale. Benedicta & venerabilis es vir-
go Maria, quæ sine tactu pudoris, in-
venta es mater Salvatoris.

✠ Virgo Dei Genitrix, quem totus non
capit orbis, in tua se clausit viscera, fa-
ctus homo. **Alleluja, alleluja.**

✠ Felix es sacra virgo Maria, & omni
laude dignissima: quia ex te ortus est sol
justitiæ, Christus Deus noster. **Alleluja.**

**Post Septuagesimam, omittis Alleluja,
& Versu sequenti, dicitur Tractus.** Gau-
de Maria virgo, cunctas hæreses sola in-
teremisti. ✠ Quæ Gabrielis Archangeli
dictis credidisti. ✠ Dum virgo Deum
& hominem genuisti, & post partum,
Virgo inviolata permansisti.

✠ Dei Genitrix intercede pro nobis.



Sequentia sancti Evangelii secun-
dum Matthæum. **Matth. i. c**

Cum esset desponsata mater Jesu Ma-
ria Joseph, antequam convenirent,
inventa est in utero habens de Spi-
ritu sancto. Joseph autem vir ejus cum
esset justus, & nollet eam traducere, vo-
luit occultè dimittere eam. Hæc autem
eo cogitante, ecce Angelus Domini ap-
paruit in somnis ei, dicens: Joseph fili
David, noli timere accipere Mariam con-
jugem tuam: quod enim in ea natum
est, de Spiritu sancto est. Pariet autem
filium: & vocabis nomen ejus Jesum:
ipse enim salvum faciet populum suum
à peccatis eorum. **Credo.**

Offertorium. Beata es virgo Maria, quæ
omnium portasti Creatorem: genuisti,
qui te fecit, & in æternum permanes
virgo.

Secreta.

Unigeniti tui, Domine, nobis succurrat
humanitas: ut qui natus de Virgine

matris integritatem non minuit, sed sacrá-
vit, in Desponsationis ejus sollemniis, nostris
nos piaculis exuens, oblationem nostram
tibi faciat acceptam Jesus Christus Domi-
nus noster. Qui tecum vivit & regnat.

**Pro commemor. S. Joseph, ubi est con-
cessa. Secreta.**

Debitum tibi, Domine, nostræ red-
dimus servitutis suppliciter exorán-
tes: ut suffragiis beati Joseph Sponsi Ge-
nitricis Filii tui Jesu Christi Domini no-
stri in nobis tua mûnera tuearis, ob cu-
jus venerandam commemorationem, lau-
dis tibi hostias immolamus. Per eundem
Dominum nostrum.

Pro S. Emerentiana. Secreta.

Hostias tibi, Domine, beatæ Emé-
rentianæ virginis & martyris tuæ di-
câtas meritis, benignus assume: & ad
perpetuum nobis tribue provenire subsi-
dium. Per Dominum nostrum.

Præfatio de beata Maria. Et te in De-
sponsatione. fol. 183.

Communio. Beata viscera Mariæ Virgi-
nis, quæ portaverunt æterni Patris Fi-
lium.

Postcommunio.

Sumpsimus, Domine, celebritatis ân-
nuæ votiva sacramenta: præsta quæsu-
mus; ut & temporalis vitæ nobis remédia
præbeant, & æternæ. Per Dominum.

**Pro commemor. S. Joseph, ubi est
concessa. Postcommunio.**

Adesto nobis, quæsumus misericors
Deus: & intercedente pro nobis beá-
to Joseph Confessore, tua circa nos pro-
pitius dona custodi. Per Dominum.

Pro sancta Emerentiana. Postcommunio.

Divini muneris largitate satiati, quæ-
sumus Domine Deus noster: ut in-
tercedente beata Emerentiana virgine &
martyre tua, in ejus semper participa-
tione vivamus. Per Dominum.

Die xxiii. Januarii.

IN FESTO S. ILDEFONSI

Episc. & Conf. Alicubi dicitur Missa. In
médio. ut in Comuni Doctor. fol. xiv.
præter Orationem. Exaudi. quæ sumitur
de Comuni Confess. Pontif. fol. xiii.

In Regnis verò Hispanis dicitur eadem
Missa ut supra, cum sequenti Oratione
propria. Oratio.

Deus, qui per gloriosissimam Filii tui
Matrem beatum Ildefonsum Confes-
sorem

sorem tuum atque Pontificem, misso de thesauris cœlestibus munere decorasti: concede propitius; ut per ejus preces & merita, munera capiamus æterna. Per eundem Dominum nostrum.

Alia Orationes sumantur ex Missa. Sacerdotes tui. de Communi Confessoris Pontificis secundo loco. fol. xiii. Sine Credo.

Die xxviii. Januarii.

IN FESTO S. JULIANI
Episcopi, & Confessoris.

Missæ. Statuit ei Dominus. de Communi Confessoris Pontificis. fol. xii. præter primam Orationem sequentem, & Evangelium, ut infra. Oratio.

EXcita, quæsumus Domine, in populo tuo Spiritum Charitatis, quo beatum Julianum Confessorem tuum atque Pontificem replere dignatus es, & concede, ut cujus festivitatem celebramus; per ejus ad te exempla gradiamur. Per Dominum. in unitate ejusdem.



Sequentia sancti Evangelii secundum Matthæum. Matth. 6. b

IN illo tempore: Dixit Jesus discipulis suis: Nolite thesaurizare vobis thesauros in terra, ubi ærugo & tinea demolitur, & ubi fures effodiunt, & furantur. Thesaurizate autem vobis thesauros in coelo, ubi neque ærugo, neque tinea demolitur, & ubi fures non effodiunt, nec furantur. Ubi enim est thesaurus tuus, ibi est & cor tuum.

Die v. Februarii.

IN FESTO SS. MARTYRUM
Japonum & Societate Jesu Pauli, Joannis, & Jacobi, pro Sacerdotibus ejusdem Societatis tantum.

Introitus. Psalm. 36.



Alus autem justorum a Domino: & protector eorum est in tempore tribulationis. *Psalm. ibid.* Noli æmulari in malignantibus: neque zelaveris facientes iniquitatem. *V. Gloria Patri, &c.*

Oratio.

DEus, qui primitias fidei apud Japoniæ gentes Beatorum martyrum tuorum Pauli, Joannis, & Jacobi sanguine confirmasti: concede propitius; ut ad tui

nominis confessionem, quorum excitamur exemplis, eorum precibus adjuvemur. Per Dominum nostrum.

Lectio Epistolæ beati Pauli Apostoli ad Hebræos. Hebr. 10. f

FRatres, Rememoramini pristinos dies, in quibus illuminati magnum certamen sustinistis passionum: & in altero quidem opprobriis, & tribulationibus spectaculum facti: in altero autem socii taliter conversantium effecti. Nam & vinctis compassi estis: & rapinam bonorum vestrorum cum gaudio suscepistis, cognoscetes vos habere meliorem, & manentem substantiam. Nolite itaque amittere confidentiam vestram, quæ magnam habet remunerationem. Patientia enim vobis necessaria est: ut voluntatem Dei facientes, reportetis promissionem. Adhuc enim modicum aliquantulum, qui venturus est, veniet, & non tardabit. Justus autem meus ex fide vivit.

Graduale. Psalm. 33. Clamaverunt justi, & Dominus exaudivit eos: & ex omnibus tribulationibus eorum liberavit eos. V. Juxta est Dominus his, qui tribulato sunt corde, & humiles spiritu salvabit. A. Alleluja, alleluja.

V. Te Martyrum candidatus laudat exercitus, Domine. Alleluja.

Post Septuages. omittis Alleluja, & Versu sequentis dicitur Tractus. Psalm. 125. Qui seminant in lacrymis, in gaudio metent.

V. Eûntes ibant & flebant, mittentes semina sua.

V. Venientes autem venient cum exultatione, portantes manipulos suos.



Sequentia sancti Evangelii secundum Lucam. Lucæ 21. c

IN illo tempore: Dixit Jesus discipulis suis: Cum audieritis praelia, & seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, & regnum adversus regnum: & terræ motus magni erunt per loca, & pestilentie, & fames, terroresque de coelo, & signa magna erunt. Sed ante hæc omnia injicient vobis manus suas, & persequentur, tradentes in synagogas, & custodias, trahentes ad reges & præsides propter nomen meum: continget autem vobis in testimonium. Ponite ergo in cordibus vestris,

stris, non præmeditari quemadmodum respondeatis. Ego enim dabo vobis os, & sapientiam, cui non poterunt resistere, & contradicere omnes adversarii vestri. Tradimini autem à parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offertorium. Sap. 1. Iustorum animæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace, allelûja.

Secreta.

Oblatis, quæsumus Domine, placare munèribus: & intercedentibus sanctis martyribus tuis Paulo, Joanne, & Iacobo à cunctis nos defende periculis. Per Dominum nostrum.

Communio. Matth. 10. Quod dico vobis in tenebris, dicite in lumine, dicit Dominus: & quod in aure auditis, prædicæ super tecta.

Postcommunio.

Hæc nos communiò, Domine, purget à crimine: & intercedentibus sanctis martyribus tuis Paulo, Joanne, & Iacobo cœlestis remèdii faciat esse còsortes. Per Dominum nostrum.

Die vi. Februarii.

IN FESTO S. DOROTHEÆ Virg. & martyr. Missa. Loquébar. de Communi Virginum & Mart. fol. xviii.

Oratio.

Omnipotens sempiternè Deus, in cuius nómine gloriósa virgo & martyr Doróthea multorum gênera tormentorum superavit: te suppliciter exoramus; ut ejus intervèntu cuncta pericula vincamus, ipsamque in nostris necessitatibus célerem adjutricem sentiámus. Per Dominum.

Si venerit in Quadragesima, fit commemoratio Feriæ.

Die viii. Februarii.

IN FESTO B. HIERONYMI Amiliani Confessoris.

In universa Congregatione Somascha, & alibi.

Missa. Iustus ut palma. de Communi Confessoris non Pontificis. fol. xvi. præter Orationes.

Oratio.

Deus, misericordiæ Pater, per mérita, & intercessiõnem beati Hierónymi, quem Orphanis adiutorem, & patrem esse voluisti: concède; ut spíritum adoptiõnis, quo filii tui nominámur, & sumus, fideliter custodiámus. Per Dominum nostrum. **Secreta.**

Omnipotens sempiternè Deus, terrénis rebustenaciùs adhærentes, ad verum mundi contèptum, beati Hierónymi exèmplo, & intercessiõne, misericórditer accènde. Per Dominum nostrum.

Postcommunio.


Quæsumus omnipotens Deus, ut quos tuis réficis Sacraméntis, eos facias, intercedente beato Hierónymo, ad cœlestem pátriam pervenire: ut cum ipso in perpétuum te amare, ac laudare valeámus. Per Dominum nostrum.

Die x. Februarii.

IN FESTO COMMEMORATIONIS Adventus S. Pauli Apostoli in Insulam Milevitanam.

Introitus.

2. Tim. 1.



Cio cui credidi, & certus sum, quia potens est depositum meum servare in illum diem iustus iudex.

Psal. 138. Domine probasti me, & cognovisti me:

tu cognovisti sessionem meam, & resurrectionem meam.

Gloria Patri, &c.

Oratio.

Deus, qui multitudinem gentium beati Pauli Apostoli prædicatione docuisti: da nobis, quæsumus; ut cuius Adventus in hanc Insulam commemorationem colimus, ejus apud te patrociniã sentiámus. Per Dominum nostrum.

Et fit commemor. S. Petri Apostoli.

Oratio.

Deus, qui beato Petro Apostolo tuo, collatis clavibus regni cœlestis, ligandi, atque solvendi Pontificium tradidisti: concède; ut intercessiõnis ejus auxilio, à peccatorum nostrorum nexibus liberemur. Per Dominum nostrum.

Lectio Epistolæ beati Pauli Apostoli ad Galatas.

Gal. 1. c.

Fratres, Notum vobis facio Evangelium, quod euangelizatum est à me, quia non est secundum hominem: neque enim

enim ego ab homine accēpi illud, neque didici, sed per revelatiōem Jesu Christi. Audistis enim conversatiōem meam aliquādo in Judaismo: quoniam supra modum persequēbar Ecclesiā Dei, & expugnābam illam, & proficiēbam in Judaismo supra multos coetāneos meos in genere meo, abundantius aemulātor existens paternarum mearum traditiōnum. Cū autem placuit ei, qui me segregavit ex utero matris meae, & vocavit per grātiā suā, ut revelāret Filium suum in me, ut euangelizārem illum in Gētibus: continuē non acquievi carni & sanguini, neque veni Jerosolymam ad antecessōres meos Apostolos, sed abi in Arābiam: & iterū revēsus sum Damāscum: deinde post annos tres veni Jerosolymam vidēre Petrum, & mansi apud eum diebus quīdecim: alium autem Apostolorum vidi nēmīnem, nisi Jacobum fratrem Dōmini. Quae autem scribo vobis, ecce coram Deo quia non mētiōr.

Graduale. Galat. 2. Qui operatus est Petro in Apostolatū, operatus est & mihi inter Gentes, & cognoverunt grātiā Dei, quae data est mihi.

v. 1. Cor. 15. Grātia Dei in me vācua non fuit, sed grātia ejus semper in me manet.

Allelūja, allelūja. **v.** Sancte Paule Apostole, praeicator veritatis, & Doctor Gēntium, intercēde pro nobis. Allelūja.

Sivenerit post Septuag. Tractus. Tu es vase electiōis, sancte Paule Apostole, verē dignē es glorificāndus. **v.** Praeicator veritatis, & Doctor Gēntium in fide & veritate. **v.** Per te omnes Gentes cognoverunt grātiā Dei. **v.** Intercēde pro nobis ad Deum, qui te elegit.



sequētia sancti Euāgēlii secūndum Matthaeum. **Matth. 8. c**

IN illo tēpore: Ascendēte Jesu in naviculā, secuti sunt eum discipuli ejus: & ecce motus magnus factus est in mari, ita ut navicula operirētur fluctibus, ipse verō dormiēbat. Et accesserunt ad eum discipuli ejus, & suscitaverunt eum, dicētes: Dōmine, salva nos, perimus. Et dicit eis Jesus: Quid timidi estis modicā fidei? Tunc surgens imperavit ventis & mari, & facta est tranquillitas magna. Porro homines mi-

Miss.

rati sunt, dicētes: Qualis est hic, quia venti & mare obediunt ei? **C**redo.

Offertoriū. Psal. 118. Mihi autem nimis honorati sunt amici tui, Deus: nimis confortatus est principatus eorum. **Secreta.**

Apostoli tui Pauli precibus, Dōmine, plebis tuae dona sanctifica: ut quae tibi tuo grata sunt instituto, gratiora fiant patrociniū supplicantis. Per Dōminum.

Pro Sancto Petro. Secreta.

Ecclēsiae tuae, quæsumus Dōmine, preces, & hostias beati Petri Apostoli commēdet oratio: ut quod pro illius glōria celebrāmus, nobis prosit ad vēniā. Per Dōminum nostrum.

Præfatio de Apostolis. fol. 200.

Communio. Matth. 16. Amen dico vobis, quod vos, qui reliquistis omnia, & secuti estis me: centuplum accipietis, & vitam aeternam possidebitis.

Postcommunio.

Perceptis, Dōmine, sacramētis, beato Paulo Apostolo tuo interveniēte deprecāmur: ut quae pro illius celebrata sunt glōria, nobis proficiant ad mēdelam. Per Dōminum nostrum.

Pro Sancto Petro. Postcommunio.

Lætificet nos, Dōmine, munus oblātum: ut sicut in Apostolo tuo Petro, te mirabilem praeicāmus, sic per illum tuae sumāmus indulgentiae largitatem. Per Dōminum nostrum.

Die xix. Februarii.

IN FESTO S. CONRADI

Confess. Apud Netinos & Placentinos.

Missa. Iustus ut palma. fol. xvi. Euāgelium. Ecce nos reliquimus omnia. **ut in Comuni Abbatum. fol. xvii.**

In Quadrages. fit commem. Feriae.

Die xxiii. Februarii.

IN FESTO S. MARGARITAE

de Cortona. Pro tota Italia, & alibi.

Introitus. Psal. 118.



Ognōvi, Dōmine, quia aequitas iudicia tua, & in veritate tua humiliasti me: confige timore tuo carnes meas, à mandatis tuis timui.

Psalmus ibid. Beati immaculati in via: qui ambulant in lege Dōmini.

v. Gloria Patri, & Filio, &c.

f

Ora-

Oratio.

Deus, qui famulam tuam Margaritam de perditionis via ad salutis tramitem misericorditer deduxisti: eadem nobis miseratione concede; ut quam prius errantem sectari non erubuerimus, mox poenitentem impigre sequi gloriamur. Per Dominum nostrum Jesum Christum Filium tuum, &c.

Si hoc Festum (in Anno Communi) venerit in Quadragesima, primo fit commemor. Ferie: postea Vigilia S. Mathie. In Anno autem Bissextili (nisi fuerit Sabbatum) fit commemor. Ferie & Oratio tertia erit, A cunctis nos. cum suis Secretis & Postcommunibus, ut in Missali.

Si fuerint ante Quadragesimam (in Anno Communi) fit commemorat. Vigilia, cum Evangelio in fine; & Oratio tertia erit, A cunctis nos. Sed in Anno Bissextili (nisi fuerit Sabbatum) Oratio secunda, A cunctis nos. & tertia ad libitum.

Lectio libri Sapientie. *Cant. 3.*

Surgam, & circuibo civitatem: per vicos & plateas quæram quem diligit anima mea: quæsiui illum, & non inveni. Invenérunt me vigiles, qui custodiunt civitatem. Num quem diligit anima mea vidistis? Paululum cum pertransissem eos, inveni quem diligit anima mea: tenui eum; nec dimittam, donec introducam illum in domum matris meæ, & in cubiculum genitricis meæ. Adjuro vos filia Jerusalem per capreas cervosque camporum, ne fuscitetis, neque evigilare faciatis dilectam, donec ipsa velit. Pone me ut signaculum super cor tuum, ut signaculum super brachium tuum: quia fortis est ut mors dilectio: dura sicut infernus æmulatio, lampades ejus lampades ignis atque flammarum. Aquæ multæ non potuerunt extinguere charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam.

Graduale. Psalm. 44. Diffusa est gratia in labiis tuis: propterea benedixit te Deus in æternum.

Propter veritatem, & mansuetudinem, & justitiam: & deducet te mirabiliter dextera tua.

Tractus. Veni sponsa Christi, accipe coronam, quam tibi Dominus præparavit in æternum.

Dilexisti justitiam, & odisti iniquitatem, propterea unxit te Deus, Deus tuus, oleo lætitiæ præ consortibus tuis.

Spécie tua, & pulchritudine tua intendente, prospere procede, & regna.

Sequentia sancti Evangelii secundum Matthæum. Matth. 13. f

In illo tempore: Dixit Jesus discipulis suis parabolam hanc: Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiatori, quærenti bonas margaritas. Inventa autem una pretiosa margarita, abiit, & vendidit omnia, quæ habuit, & emit eam. Iterum simile est regnum cælorum saginæ missæ in mare, & ex omni genere piscium congreganti. Quam, cum impleta esset, educentes, & secus littus sedentes, elegerunt bonos in vasa, malos autem foras miserunt. Sic erit in consummatione sæculi: exhibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scribe doctus in regno cælorum, similis est homini patrifamilias, qui profert de thesauro suo nova & vetera.

Offertorium. Ibid. Diffusa est gratia in labiis tuis: propterea benedixit te Deus in æternum, & in sæculum sæculi.

Secreta.

Placationis hostia, quam tibi offerimus Domine, beatæ Margaritæ interveniente suffragio, optata nobis indulgentiæ plenitudinem elargiatur. Per Dominum nostrum.

Communio. Ibid. Dilexisti justitiam, & odisti iniquitatem: propterea unxit te Deus, Deus oleo lætitiæ præ consortibus tuis.

Postcommunio.

Uberes, Domine, sanctæ tuæ Margaritæ lacrymæ duritiem nostri cordis emolliant: ut per hujus virtutem Sacramenti debitas reatibus flammæ incessanti fletu extinguiamus. Per Dominum.

Secun-

*Secunda ex sextis Feriis Mensis Martii.***IN FESTO SACRATISSIMÆ****Spineæ Coronæ D. N. Jesu Christi.****Introitus.****Cant. 3.**

Gredimini & videte Filia
Sion Regem Salomónem
in diadémate, quo coro-
navit eum mater sua, pa-
rans Crucem Salvatori
suo. **Psal. 8.** Glória & ho-
nóre coronasti eum Dómine: & constitui-
sti eum super ópera manuum tuarum.

✠ Glória Patri, & Filio, &c.

Dicitur Glória in excelsis.

Oratio.

Præsta quæsumus omnipotens Deus:
ut qui in memóriam Passiónis Dómi-
ni Nostri Jesu Christi, Coronam ejus
spineam venerámur in terris; ab ipso
glória & honóre coronári mereámur in
cælis. Qui tecum vivit & regnat.

Deinde fit commemoratio Ferie.

Lectio libri Sapiéntiæ.

Cant. 3. & 4.

Lectulum Salomónis sexaginta fortes
ambiunt ex fortissimis Israel: omnes
tenentes gládios, & ad bella doctissimi:
uniuscujusque ensis super femur suum
propter timóres nocturnos. Férculum fe-
cit sibi Rex Salomon de lignis Líbani:
Colúmnas ejus fecit argénteas, reclina-
tóriū áureū, ascénsū purpúreū:
média charitáte constrávit propter fi-
lias Jerúsalem. Egredimini & videte Fi-
liæ Sion Regem Salomónem in diadéma-
te, quo coronávit illum mater sua in
die desponsationis illius, & in die lætitiæ
cordis ejus. Quàm pulchra es amíca
mea, quàm pulchra es! Oculi tui colum-
bárum, absque eo, quod intrínsecus la-
tet. Veni de Líbano sponsa mea, veni
de Líbano, coronáberis.

Graduale. Coróna áurea super caput
ejus, expréssa signo sanctitátis, glória
honoris, & opus fortitudinis.

✠ Quóniam prævenísti eum in benedi-
ctionibus dulcedinis: posuísti in cápite
ejus coronam de lapide pretioso.

Tractus. Induit eum Dóminus vestimén-
tis salutis, & indumento justitiæ, quasi
sponsum decorátum coroná.

✠ Coróna tribulationis efflóruit in Co-
ronam glóriæ, & sertum exultationis.

✠ Accépit regnum decóris, diadéma
speciei.

**In Missis Votivis à Pascha usque ad
Pentecosten, Allelúja, allelúja.**

✠ Coróna áurea super caput ejus, ex-
préssa signo sanctitátis, glória honóris,
& opus fortitudinis. Allelúja.

✠ Tibi glória Hosánna: tibi triúmphus,
& victória: tibi summæ laudis, & ho-
nóris Coróna. Allelúja.

**A Pentecoste usque ad Septuagesimam,
Graduale.** Coróna áurea super caput
ejus, expréssa signo sanctitátis, glória
honoris, & opus fortitudinis.

✠ Quóniam prævenísti eum in benedi-
ctionibus dulcedinis: posuísti in cápite
ejus coronam de lapide pretioso.

Allelúja, allelúja. ✠ Coróna tribulatio-
nis efflóruit in Corónam glóriæ, & ser-
tum exultationis. Allelúja.



**Sequéntia sancti Euangélii secún-
dum Joánnem. Joann. c. 19.**

In illo témpore: Apprehéndit Pilátus
Jesum, & flagellávit. Et mílites ple-
téntes coronam de spinis, imposue-
runt cápiti ejus: & veste purpúrea cir-
cumdederunt eum. Et veniebant ad eum,
& dicebant: Ave Rex Judæorum: &
dabant ei álapas. Exívit ergo iterum Pi-
látus foras, & dicit eis: Ecce addúco
vobis eum foras, ut cognoscátis quia
nullam invénio in eo causam. Exívit ergo
Jesús, portans coronam spineam, & pur-
púreum vestiméntum. **Credo.**

Offertorium. Tuam Coronam adorá-
mus, Dómine: tuam gloriósam recóli-
mus passionem.

Secreta.

Tuorum militum, Rex omnipotens,
virtutem róboras: ut, quos in hujus
mortalitátis stádio, Unigéniti Filii tui Co-
rona lætificat, consummáto cursu certá-
minis, immortalitátis bravium apprehén-
dat. Per eúndem Dóminum, &c.

Præfatio de Cruce. fol. 196.

Communio. Lætare Maternostra, quia
dabit Dóminus cápiti tuo augmenta
gratiarum, & Coróna inclýta proté-
get te.

Postcommunio.

Supplīces te rogāmus, omnipotens
Deus: ut hæc Sacraménta, quæ sump-
simus, per Sacrosáctæ Filii tui Coró-
næ, cujus solémnia recensémus, virtú-
tem, nobis proficiant ad medélam. Per
eúndem Dóminum, &c.

Die xviii. Martii.

IN FESTO S. GABRIELIS
Archangeli. Pro Regnis Hispanis.

Introitus. Psalm. 102.



Benedicite Dómino omnes
Angeli ejus: potentes vir-
tute, qui facitis verbum
ejus, ad audiendam vo-
cem sermónum ejus.

Psalm. ibid. Benedic áni-
ma mea Dómino: & ómnia, quæ in-
tra me sunt, nómini sancto ejus.

Glória Patri, & Fílio, &c.

Oratio.

Deus, qui inter ceteros Angelos ad
annuntiandum Incarnatiónis tuæ
mysterium Gabrielem Archangelum ele-
gisti: concède propitius; ut qui festum
ejus celebramus in terris, ipsius patro-
cinium sentiamus in cœlis. Qui vivis
& regnas cum Deo Patre, &c.

Lectio. Danielis Prophætæ. Dan. 9.

Indiebus illis: Ecce vir Gabriel, quem
videram in visione à principio, citò vo-
lans tetigit me in tempore sacrificii vespér-
tini. Et docuit me, & locutus est mihi,
dixitque: Daniel, nunc egressus sum ut
docerem te, & intelligeres. Ab exordio
precum tuarum egressus est sermo: ego
autem veni ut indicarem tibi, quia vir
desideriorum es: tu ergo animadverte ser-
mónem, & intellige visionem. Septua-
ginta hebdomades abbreviatæ sunt super
pópulum tuum, & super urbem sanctam
tuam, ut consummètur prævaricatio, &
finem accipiat peccatum: & deleatur iní-
quitas, & adducatur justitia sempiterna,
& impleatur visio, & prophetia, & un-
gatur Sanctus sanctorum. Scito ergo, &
animadverte: Ab exitu sermónis, ut íte-
rum ædificetur Jérusalem, usque ad Chri-
stum ducem hebdomades septem, &
hebdomades sexaginta duæ erunt, & rur-
sum ædificabitur platea, & muri in an-
gustia temporum. Et post hebdomades
sexaginta duas occidetur Christus: &
non erit ejus pópulus, qui eum nega-
turus est. Et civitatem, & sanctuárium
dissipabit pópulus cum duce ventúro:
& finis ejus vastitas, & post finem bel-
li statuta desolatio.

Graduale. Psalm. 102. Benedicite Dómi-
num omnes Angeli ejus, potentes virtute,
qui facitis verbum ejus.

¶ Benedic ánima mea Dóminum, & óm-
nia interiúra mea Nomen sanctum ejus.
Tractus. Lucæ 1. Ave María, grátia
plena: Dóminus tecum.

¶ Benedicta tu in mulieribus: & bene-
dictus fructus ventris tui.

¶ Ecce concípies, & páries filium, &
vocabis nomen ejus Emmánuel.

¶ Spíritus sanctus supervéniet in te, &
virtus Altíssimi obumbrábit tibi.

¶ Ideoque & quod nascétur ex te San-
ctum, vocábitur Fílius Dei.

Si hoc festum post Pascha celebratur,
omittitur Graduale, & ejus loco dicitur
Allelúja, allelúja. ¶ Psalmus 103. Qui
facit Angelos suos spíritus, & minístros
suos flammam ignis. Allelúja.

¶ Lucæ 1. Ave María, grátia plena:
Dóminus tecum: Benedicta tu in mu-
liéribus. Allelúja.



Sequentia sancti Evangelii secun-
dum Lucam. Lucæ 1.

In illo tempore: Missus est Angelus
Gabriel à Deo in civitatem Galilææ,
cui nomen Nazareth, ad Virginem
desponsatam viro, cui nomen erat Jo-
seph, de domo David, & nomen Virgi-
nis, María. Et ingressus Angelus ad eam,
dixit: Ave grátia plena: Dóminus tecum:
Benedicta tu in mulieribus. Quæ cum
audisset, turbata est in sermone ejus, &
cogitabat qualis esset ista salutatio. Et ait
Angelus ei: Ne timeas María, invenisti
enim grátiam apud Deum: ecce concí-
pies in útero, & páries Fílium, & vocá-
bis nomen ejus Jesum. Hic erit magnus,
& Fílius Altíssimi vocábitur, & dabit illi
Dóminus Deus sedem David patris ejus:
& regnabit in domo Jacob in ætérnum,
& regni ejus non erit finis. Dixit autem
María ad Angelum: Quómodo fiet istud,
quóniam virum non cognosco? Et respón-
dens Angelus, dixit ei: Spíritus sanctus su-
pervéniet in te, & virtus Altíssimi obum-
brábit tibi. Ideoque & quod nascétur ex
te Sanctum, vocábitur Fílius Dei. Et ec-
ce Elísabeth cognata tua, & ipsa concé-
pit filium in senectute sua: & hic men-
sis sextus est illi, quæ vocatur stérilis:
quia non erit impossibile apud Deum
omne verbum. Dixit autem María: Ec-
ce ancilla Dómini, fiat mihi secundum
verbum tuum. Credo.

Offer-

Offertorium. Apoc. 8. Stetit Angelus juxta aram templi, habens thuribulum aureum in manu sua: & data sunt ei incensa multa, & ascendit fumus aromaticum in conspectu Dei.

Secreta.

Accéptum fiat in conspectu tuo, Domine, nostræ servitutis munus: & beati Archangeli Gabriëlis oratio; ut qui à nobis veneratur in terris, sic apud te pro nobis sit advocatus in coelis. Per Dominum nostrum.

Communio. Dan. 3. Benedicite omnes Angeli Domini Domino: hymnum dicite, & superexaltate eum in sæcula.

Postcommunio.

Corporistui & Sanguinis sumptis mysteriis, tuam Domine Deus noster deprecamur clementiam: ut sicut Gabriële nuntiante, incarnationem tuam cognovimus; ita ipso adjuvante, incarnationis ejusdem beneficia consequamur. Qui vivis & regnas, &c.

Tertia ex sextis Feriis Mensis Martii.

IN FESTO PRETIOSISSIMI

Sanguinis Domini Nostri Jesu Christi.

In toto Dominio Veneto.

Introitus.



Edemisti nos, Domine, in Sanguine tuo ex omni Tribu, & Lingua, & Populo, & Natione: & fecisti nos Deo nostro Regnum.

Psalms. 88. Misericordias

Domini in æternum cantabo: in generationem, & generationem annuntiabo veritatem tuam in ore meo.

Glória Patri, &c.

Oratio.

OMnipotens sempiternæ Deus, qui Unigenitum Filium tuum mundi Redemptorem constituisti, ac ejus Sanguine placari voluisti: concede, quæsumus; salutis nostræ pretium solèmnem cultu ita venerari, atque à præsentis vitæ malis, ejus virtute, defendi in terris, ut fructu perpetuo lætemur in coelis. Qui tecum vivit & regnat in unitate Spiritus, &c.

Et fit commemoratio Feriæ.

Lectio Epistolæ beati Pauli Apostoli ad Hebræos.

Hebr. 9. c

Fratres, Christus assistens Pontifex futurorum bonorum per amplius & perfectius tabernaculum non manufactum, Miss.

id est, non hujus creationis: neque per sanguinem hircorum, aut vitulorum, sed per proprium sanguinem introivit semel in sancta, æterna Redemptione inventa. Si enim sanguis hircorum, & taurorum, & cinis vitulæ aspersus inquinatos sanctificat ad emundationem carnis: quanto magis Sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis ad serviendum Deo viventi? Et ideo novi testamenti mediator est: ut morte intercedente, in redemptionem earum pravaricationum, quæ erant sub priori testamento, repromissionem accipiant, qui vocati sunt æternæ hæreditatis, in Christo Jesu Domino nostro.

Graduale. Hic est qui venit per aquam, & Sanguinem Jesus Christus: Non in aqua solum, sed in aqua, & sanguine.

Tres sunt, qui testimonium dant in coelo: Pater, Verbum, & Spiritus Sanctus: & hi tres unum sunt. Et tres sunt, qui testimonium dant in terra: Spiritus, aqua, & sanguis: & hi tres unum sunt.

Tractus. Gratificavit nos Deus in dilecto Filio suo, in quo habemus Redemptionem per Sanguinem ejus.

Remissionem peccatorum, secundum divitias gratiæ ejus, quæ superabundavit in nobis. Justificati gratis per gratiam ipsius, per Redemptionem, quæ est in Christo Jesu. Quem proposuit Deus, propitiationem per fidem in Sanguine ipsius.

Tempore Paschali, in Missis Votivis dicitur Allelûja, allelûja.

Dignus es, Domine, accipere librum, & aperire signacula ejus, quoniam occisus es, & redemisti nos Deo in Sanguine tuo. Allelûja.

Erit autem Sanguis vobis in signum, & videbo Sanguinem, & transibo vos: Nec erit in vobis plaga disperdens. Allelûja.

In Missis Votivis per Annum dicitur sequens Graduale. Hic est, qui venit per aquam, & Sanguinem Jesus Christus: non in aqua solum, sed in aqua, & Sanguine.

Tres sunt, qui testimonium dant in coelo: Pater, Verbum, & Spiritus Sanctus: & hi tres unum sunt. Et tres sunt, qui testimonium dant in terra: Spiritus, aqua, & sanguis: & hi tres unum sunt.

Allelúja, allelúja. *¶* Si testimónium hóminum accipimus, testimónium Dei majus est. Allelúja.



Sequéntia sancti Euangélíi secúndum Joánnem. *Joann. 19.*

IN illo témpore: Cúm accepisset Jesus acétum, dixit: Consummátum est. Et inclináto cápíte trádidit Spíritum. Judæi ergo (quóniam Parascéue erat) ut non remanérent in Cruce corpora Sábbato (erat enim magnus dies ille Sábbati) rogavérunt Pilátum, ut frangeréntur eórum crura, & tolleréntur. Venérunt ergo milites: & primi quidem fregérunt crura, & altérius, qui crucifixus est cum eo. Ad Jesum autem cúm venissent, ut viderunt eum jam mórtuum, non fregérunt ejus crura; sed unus militum lancea latus ejus aperuit, & contíntio exívit sanguis, & aqua. Et qui vidit, testimónium perhibuit: & verum est testimónium ejus. *Credo.*

Offertorium. Calix benedictiónis, cui benedicimus, nóne comunicatio Sanguinis Christi est? Et panis, quem frángimus, nóne participatio Corporis Dómini est?

Secreta.

Per hæc divína mystéria ad novi, quæsumus, testaménti mediátorem Jesum accedámus: & super Altária tua, Dómine virtutum, aspersiónem Sanguinis, meliùs loquéntem quàm Abel, innovémus. Per eúndem Dóminum nostrum.

Et fit commemoratio Feriæ currentis.

Præfatio de Cruce. fol. 196.

Communio. Christus semel oblátus est ad multórum exhauriéndam peccáta: Secúndò sine peccáto apparébit ómnibus expectántibus, in salutem.

Postcommunio.

AD sacram, Dómine, mensam admissi, háusimus aquas in gáudio de fontibus Salvatóris: Sanguis ejus fiat nobis, quæsumus, fons aquæ in vitam ætérnam salientis. Qui tecum vivit & regnat in unitate Spíritus sancti Deus.

Et fit commemoratio Feriæ currentis: & in fine Missæ legitur Euangelium ejusdem.

M I S S A D E L A N C E A
& Clavis Domini.

Dicenda per Germaniam proxima Feria vi. post Octav. Paschæ, non impedita festo novem Lction. Ex concessione Bonifacii VI. & Innocentii VI. Papæ.

Introitus.

Psal. 21.



Odérunt manus meas, & pedes meos: dinumeravérunt ómnia ossa mea: & sicut aqua effusus sum, allelúja, allelúja, allelúja.

Psal. ibid.

Factum est cor meum tamquam cera liquescens in médio ventris mei.

¶ Gloria Patri, &c.

Oratio.

Deus, qui in assumptæ carnis infirmitate Clavis affigi, & Lancea vulnerari pro mundi salute voluisti: concede propitius; ut qui eorúndem Clavorum, & Lanceæ solémnia venerámur in terris, de glorióso victóriæ tuæ triúmpho gratulémur in coelis. Qui vivis, & regnas cum Deo Patre, &c.

Lectio Zachariæ Prophætæ.

Cap. 12. c.

Hæc dicit Dóminus: Effundam super domum David, & super habitatores Jerúsalem spíritum grátia & precum: & aspicient ad me, quem confixerunt: & plangent eum planctu quasi super unigenitum, & dolébunt super eum, ut doléri solet in morte primogéniti. In die illa magnus erit planctus in Jerúsalem, & dicétur ei: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea suscitáre super pastórem meum, & super virum cohæréntem mihi, dicit Dóminus exercítuum: Percute pastórem, & dispergéntur oves, ait Dóminus omnipotens.

Allelúja, allelúja. *¶ Ave Rex noster: tu solus nostros es miserátus errores: Patri obédiens, ductus es ad crucifigéndum, ut agnus mansuétus ad occisiónem. Allelúja.*

¶ Tibi glória, hosánna: tibi triúmphus & victória, tibi summæ laudis & honoris coróna. Allelúja.



Sequéntia sancti Euangélíi secúndum Joánnem. *Joann. 19. f*

IN illo témpore: Sciens Jesus, quia ómnia consummáta sunt, ut consummarétur Scriptúra, dixit: Sitio. Vas ergo

ergo positum erat aceto plenum. Illi autem spongiam plenam aceto, hyssopo circumponentes, obtulerunt ori ejus. Cum ergo accepisset Jesus acetum, dixit: Consummatum est. Et inclinato capite tradidit Spiritum. Judæi ergo (quoniam Parascæne erat) ut non remanerent in cruce corpora sabbato (erat enim magnus dies ille sabbati) rogaverunt Pilatum, ut frangerentur eorum crura, & tollerentur. Venérunt ergo milites: & primi quidem fregérunt crura, & alterius, qui crucifixus est cum eo. Ad Jesum autem cum venissent, ut viderunt eum jam mortuum, non fregérunt ejus crura, sed unus militum lancea latus ejus aperuit, & continuo exivit sanguis & aqua. Et qui vidit, testimonium perhibuit: & verum est testimonium ejus.

Offertorium. Insurrexerunt in me viri iniqui: absque misericordia quasiérunt me interficere: & non pepercerunt in faciem meam spuerere: Lanceis suis vulneraverunt me, & concussa sunt omnia ossa mea, allelúja, allelúja.

Secreta. Sanctificet nos, quæsumus Domine, hoc sanctum & immaculatum sacrificium vespertinum: quod Unigenitus Filius tuus in cruce obtulit pro salute mundi. Qui tecum vivit & regnat, &c.

Præatio de Cruce. fol. 196.

Communio. Vidébunt, in quem transfugerunt: cum moverentur fundamenta terræ, allelúja.

Postcommunio. Domine Jesu Christe, qui temetipsum in Cruce holocaustum immaculatum & spontaneum Deo Patri obtulisti: quæsumus; ut ejusdem sacrificii oblatio veneranda indulgentiam nobis obtineat, & gloriam sempiternam. Qui vivis & regnas cum Deo Patre, &c.

Dominica tertia post Pascha.

MISSA DE PATROCINIO

Sancti Joseph. Pro aliquibus Locis.

Introitus. Psalm. 32.



Adjutor, & protector noster est Dominus: in eo latabitur cor nostrum: & in nomine sancto ejus speravimus, allelúja, allelúja.

Psalm. 79. Qui regis Israel, intende: qui deducis velut ovem, Joseph. **Glória Patri, & Filio, &c.**

Oratio.

Deus, qui ineffabili providentia beatum Joseph Sanctissimæ Genitricis tuæ Sponsum eligere dignatus es: præsta quæsumus; ut, quem Protectorem veneramur in terris, Intercessorem habere mereamur in coelis. Qui vivis & regnas cum Deo Patre, &c.

Deinde fit commemor. Dominicæ tertiæ.

Oratio.

Deus, qui errantibus, ut in viam possint redire justitiæ, veritatis tuæ lumen ostendis: da cunctis, qui Christiana professione censentur, & illa respicere, quæ huic inimica sunt nomini, & ea, quæ sunt apta, sectari. Per Dominum. **Genes. 49.**

Filius accrescens Joseph, filius accrescens, & decorus aspectu: filia discurrerunt super murum. Sed exasperaverunt eum, & jurgati sunt, invideruntque illi habentes jacula. Sedit in forti arcus ejus, & dissoluta sunt vincula brachiorum, & manuum illius per manus potentis Jacob: inde Pastor egressus est, lapis Israel. Deus patris tui erit adjutor tuus, & omnipotens benedicet tibi benedictionibus coeli desuper, benedictionibus abyssi jacentis deorsum, benedictionibus uberum & vulvæ. Benedictiones patris tui confortate sunt benedictionibus patrum ejus: donec veniret desiderium Collum æternorum. Fiant in capite Joseph, & in vertice Nazaræi inter fratres suos.

Allelúja, allelúja. De quacumque tribulatione clamaverint ad me, exaudiam eos, & ero Protector eorum semper. **Allelúja.** Fac nos innocuam, Joseph, decurrere vitam, sitque tuo semper tuta Patrocinio. **Allelúja.**

Sequentia sancti Evangelii secundum Lucam. **Lucæ 3.**

In illo tempore: Factum est autem cum baptizaretur omnis populus, & Jesu baptizato, & orante, apertum est coelum: & descendit Spiritus sanctus corporali specie sicut columba in ipsum: & vox de coelo facta est: Tu es Filius meus dilectus, in te complacui mihi. Et ipse Jesus erat incipiens quasi annorum triginta, ut putabatur, filius Joseph.

Credo. ratione Dominicæ.

Offertorium. Psalm. 147. Lauda Jerúsalem

lem Dñm, quoniam confortavit
seras portarum tuarum: benedixit filiis
tuis in te, allelúja, allelúja.

Secreta.

Sanctissimæ Genitricis tuæ Sponsi Pa-
trocinio suffulti rogámus, Dñme,
clementiam tuam: ut corda nostra facias
terrena cuncta despícare, ac te verum
Deum perfectá charitate diligere. Qui vi-
vis & regnas cum Deo Patre, &c.

*Pro Dominica.**Secreta.*

His nobis, Dñme, mystériis confe-
ratur, quo terréna desidéria miti-
gantes, discamus amare coeléstia. Per
Dñm nostrum.

Communio. Jacob autem genuit Joseph
virum Mariæ, de qua natus est Jesus,
qui vocatur Christus, allelúja, allelúja.

Postcommunio.

Divini muneris fonte refecti, quesumus
Dñme Deus noster: ut sicut nos
facis beati Joseph protectione gaudere, ita
ejus méritis, & intercessione coeléstis gló-
riæ facias esse partícipes. Per Dñm.

*Pro Dominica.**Postcommunio.*

Sacramenta, quæ sumpsimus, quæsu-
mus Dñme, & spiritalibus nos in-
staurant alimentis, & corporalibus tuean-
tur auxiliis. Per Dñm nostrum.

*In fine Missæ Evangelium ejusdem Do-
minicæ tertiæ.*



Sequentia sancti Evangelii secun-
dum Joannem. *Joann. 16.*

In illo tempore: Dixit Jesus discipulis
suis: Módicum, & jam non videbitis
me: & iterum módicum, & videbitis
me: quia vado ad Patrem. Dixérunt er-
go ex discipulis ejus ad invicem: Quid est
hoc, quod dicit nobis: Módicum, & non
videbitis me: & iterum módicum, & vi-
debitis me, quia vado ad Patrem? Dicé-
bant ergo: Quid est hoc, quod dicit: Mó-
dicum? nescimus quid loquitur. Cognóvit
autem Jesus, quia volébant eum interro-
gare, & dixit eis: De hoc quæritis inter
vos quia dixi, Módicum, & non videbitis
me, & iterum módicum, & videbitis me.
Amen, amen dico vobis: quia plorabitis,
& flebitis vos, mundus autem gaudébit,
vos verò contristabimini, sed tristitia vestra
vertetur in gaudium. Mulier cum parit,
tristitiam habet, quia venit hora ejus: cum
autem pepererit puerum, jam non mémi-

nit presúra propter gaudium, quia natus
est homo in mundum. Et vos igitur nunc
quidem tristitiam habétis, iterum autem
videbo vos, & gaudébit cor vestrum, &
gaudium vestrum nemo tollet à vobis.

Die xxvii. Aprilis.

IN FESTO S. PEREGRINI

*Latiofi Confessoris, Ordinis Servorum
beatæ Mariæ virginis.*

*Missæ. Justus ut palma. de Comuni
Confess. non Pontif. ii. loco. fol. xvi.*

Oratio.

Deus, qui beato Peregrino Angelum có-
mitem, magistram Deiparam, Jesum
tetri úlceris medicum mirè dedisti: da per
mérita ipsius, obsecramus, ut sanctum An-
gelum, Virginem, Salvatorem, singulari-
ter & amemus in terris, & collaudemus
in coelis. Per eundem Dñm.

Dominica quarta post Pascha.

IN FESTO S. CATHARINÆ

Fliscæ Adurnæ Viduæ. Pro Genuensibus.

*Missæ. C. ognóvi Dñme. de Comuni
nec Virginis nec Martyr. fol. xxiv.*

Oratio.

Deus, qui beatam Catharinam in con-
templanda Filii tui Passione, divini
Amoris igne flagrare fecisti: quæsumus;
ut ipsa intercedente, tuæ in nobis flam-
mam Charitatis accendas, & ejusdem
Passionis partícipes dignanter efficias. Per
eundem Dñm nostrum.

*Et sit commem. Dominicæ, & in fi-
ne legitur Evangelium ejusdem.*

Dominica prima vel secunda Maji.

IN FESTO TRANSLATIONIS

S. Januarii præcipui Patroni Neapolitani.

Missæ. Narrate. ut infra. fol. cii.

Die xvi. Maji.

IN FESTO S. JOANNIS

Nepomuceni martyris.

Pro Statibus Hæred. Domus Austriacæ.

Tempore Paschali, Missæ. Protexisti me

*Deus. de Comuni unius Martyr. fol. vi.
cum Evangelio, Nihil est opertum. de
Comuni unius Martyris non Pontifi-
cis. fol. v.*

*Extra Tempus Pasch. Missæ. Latábitur.
de eodem Comuni secundo loco. fol. v.
præter sequentia.*

Ora-

Oratio.

DEus, qui ob invictum beati Joannis Sacramentale silentium nova Ecclesiam tuam Martyrii corona decorasti: da nobis ejus intercessione & exemplo linguam cautè custodire, ac omnia potius mala, quam animæ detrimentum in hoc sæculo tolerare. Per Dominum.

Secreta.

Per hæc tua, Domine, sacra mysteria illo nos charitatis igne accendamus, quo inclytus martyr Joannes eadem peragendo flagrabat. Per Dominum.

Postcommunio.

Spíritum, Domine, fortitudinis hæc nobis tribuat mensa cœlestis: quæ beati martyris tui Joannis pro Sacramenti honore tentatam constantiam jùgiter aluit ad victoriam. Per Dominum. in unitate ejusdem Spíritus sancti Deus, &c.

Die xvi. Maji.

IN F E S T O S. J O A N N I S
Nepomuceni mart. Pro aliquibus Locis.

Introitus. Eccli. 31. 30.



Edidit mihi Dominus linguam mercedem meam: & in ipsa laudabo eum. **Tempore Pasch.** Allelúja, allelúja. **Psal.** 38. 1. Dixi custodiam vias meas: ut

non delinquam in lingua mea.

Gloria Patri, &c.

Oratio.

DEus, qui ob invictum beati Joannis Sacramentale silentium nova Ecclesiam tuam martyrii corona decorasti: da; ut ejus exemplo & intercessione ori nostro custodiam ponentes, beatis, qui linguam non sunt lapsi, annumeremur. Per Dominum nostrum.

Lectio libri Sapientiae. Eccli. 21. 26.

Stultus à fenestra respiciet in domum: vir autem eruditus foris stabit. Stultitia hominis auscultare per ostium: & pudens gravabitur contumelia. Labia imprudentium stulta narrabunt: verba autem prudentium statéra ponderabuntur. In ore fatuorum cor illorum: & in corde sapientium os illorum. Dum maledicit impius diabolum, maledicit ipse animam suam. Susurro coinquinabit animam suam, & in omnibus odietur: & qui cum eo manserit, odiosus erit: tacitus & sensatus honorabitur.

Graduale. Prov. 11. 13. Qui ambulat fraudulentè, revêlat arcana: qui autem fidelis est animi, celat.

Psalm. 14. 1. Domine, quis habitabit in tabernaculo tuo, aut quis requiescet in monte sancto tuo? Qui non egit dolum in lingua sua, nec fecit proximo suo malum. Allelúja, allelúja.

Eccli. 25. 11. Beatus qui lingua sua non est lapsus, & qui non servivit indignis se. Allelúja.

Tempore Paschali. Allelúja, allelúja.

Eccli. 25. 11. Beatus qui lingua sua non est lapsus, & qui non servivit indignis se. Allelúja.

Prov. 10. 31. & 12. 18. Lingua pravorum peribit: Lingua autem sapientium est sanitas. Allelúja.

Post Septuages. Tractus. Jac. 1. 26. Si quis putat, se religiosum esse, non refrænans linguam suam, sed seducens cor suum, hujus vana est religio.

Ibid. 2. 2. Si quis in verbo non offendit, hic perfectus est vir.

Ibid. 2. 7. Omnis enim natura bestiarum domantur, & domita sunt à natura humana: linguam autem nullus hominum domare potest.



Sequentia sancti Evangelii secundum Matthæum. **Matth.** 11. a

In illo tempore: Cum audisset Joannes in vinculis opera Christi, mittens duos ex Discipulis suis, ait illi: Tu es qui venturus es, an alium expectamus? Et respondens Jesus, ait illi: Eúntes renuntiáte Joanni quæ audistis & vidistis. Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus est, qui non fuerit scandalizatus in me. Illis autem abeúntibus, coepit Jesus dicere ad turbas de Joanne: Quid existis in desertum videre? arundinem vento agitáram? Sed quid existis videre? hominem mollibus vestitum? Ecce qui mollibus vestiuntur, in domibus Regum sunt. Sed quid existis videre? Prophétam? Etiam dico vobis, & plus quam Prophétam. Hic est enim, de quo scriptum est: Ecce ego mitto Angelum meum antefaciem tuam, qui præparabit viam tuam ante te.

Offertorium. Eccli. 42. 1. Non dúplices sermonem de revelatióne sermonis abscondi-

ti; & eris verè sine confusione: & invenies gratiam in conspectu omnium hominum.

Tempore Paschali, A llelúja.

Secreta.

Hæc tua, Dómine, sacra Mystéria illum in nobis, quæsumus, ignem accendant: quo inclytus Martyr, & Sacerdos tuus Joannes, ea peragendo flagrabat. Per Dóminum nostrum.

Communio. *R. 6. 6. V* olavit ad me unus de Seraphim; & in manu ejus calculus, quem tulerat de altari, & tetigit os meum.

Tempore Paschali, A llelúja.

Postcommunio.

Fragilitatem nostram, Dómine, coelestis hæc mensa fortium pane confirmet: qui beati Mátyris, & Sacerdotis tui Joannis tentatam contra honorem Sacramenti constantiam, júgiter áluit ad victoriam. Per Dóminum nostrum.

Die xvii. Maji.

IN FESTO S. PASCHALIS

Baylon, Confessoris.

Pro Regno Neapolitano, & alibi.

Missa. O s just. de Comuni Confessoris Pontificis. fol. xv. præter Orationem sequentem.

Oratio.

Deus, qui beatum Paschálem Confessorem tuum mirifica erga Corporis & Sanguinis tui sacra mystéria dilectione decorasti: concède propitius; ut quam ille ex hoc divino convivio spiritus percipit pinguedinem, eamdem & nos percipere mereamur. Qui vivis & regnas, &c.

Die xxi. Maji.

IN FESTO S. FELICIS

à Cantalicio Confessoris.

Pro tota Italia, & Insulis adjacentibus.

Introitus. 1. Reg. 2.



Omnis pauperem facit & dat, humiliat & sublevat. Suscitat de pulvere egenum, & de stercore elevat pauperem: ut sedeat cum principibus, & solum gloriæ teneat.

Temp. Pasch. additur A llelúja, allelúja.

Psal. 68. Videant pauperes, & lætentur: quærite Deum, & vivet anima vestra: quoniam exaudivit pauperes Dóminus.

Glória Patri, &c.

Oratio.

Fac nos, Dómine Jesu, in simplicitate, & innocentia cordis nostri ambulare: quarum amore de sinu Matris inter beati Felicis Confessoris tui brachia descendisti. Qui vivis & regnas, &c.

Lectio Epistolæ beati Pauli Apóstoli ad Colossenses. *Coloss. 3.*

Fratres, Induite vos sicut electi Dei, sancti, & dilecti, viscera misericordiae, benignitatem, humilitatem, modestiam, patientiam: supportantes invicem, & donantes vobismetipsis si quis adversus aliquem habet querelam: sicut & Dóminus donavit vobis, ita & vos. Super omnia autem hæc, charitatem habete, quod est vinculum perfectionis: & pax Christi exultet in cordibus vestris, in qua & vocati estis in uno corpore, & grati estote. Verbum Christi habitat in vobis abundanter in omni sapientia, docentes, & commonentes vosmetipsos Psalmis, Hymnis, & Canticis spiritalibus in gratia cantantes in cordibus vestris Deo. Omne quodcumque facitis in verbo, aut in opere, omnia in nomine Dómini Jesu Christi, gratias agentes Deo & Patri per ipsum.

Tempore Paschali, A llelúja allelúja.

Psal. 16. U nam petii à Dómino, hanc requiram, ut inhabitem in domo Dómini omnibus diebus vitæ meæ: ut videam voluptatem Dómini. Allelúja.

Psalm. 67. Parásti in dulcedine tua pauperi Deus. Allelúja.

Si verò hoc Festum transferatur post Pentecosten, dicitur Graduale. *Psal. 17.*

Misit de summo, & accepit me, & assumpsit me de aquis multis. **Psalm. 17.** Et retribuet mihi Dóminus secundum justitiam meam, & secundum puritatem manuum mearum in conspectu oculorum ejus. Allelúja, allelúja.

Psalm. 30. Benedictus Dóminus, quoniam mirificavit misericordiam suam mihi in Civitate munita. Allelúja.

Sequentia sancti Evangelii secundum Matthæum. Matth. 11.

In illo tempore: Respondens Jesus dixit: Confiteor tibi, Pater, Dómine coeli & terræ, quia abscondisti hæc à sapientibus, & prudentibus, & revelasti ea parvulis. Ita Pater: quoniam sic fuit placitum ante te. Omnia mihi tradita sunt à Patre meo. Et nemo novit Filium, nisi Pater:

Pater: neque Patrem quis novit, nisi Filius, & cui voluerit Filius revelare. Venite ad me omnes, qui laboratis, & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde: & inveniatis requiem animabus vestris. Jugum enim meum suave est, & onus meum leve.

Offertorium. Sap. 10. Honestavit illum in laboribus: & complévit labores illius.

Tempore Paschali additur Allelúja.

Secreta.

ADesto votis, nostris, clementissime Deus: ut hæc oblatio salutáris, quæ in honorem beati Felícis persolvitur, ad delictórum nostrórum véniam impetrándam in odorem suavitatis ascéndat. Per Dóminum nostrum.

Communio. Cant. cap. 2. & 3. Diléctus meus mihi, & ego illi. Tenui eum, nec dimittam.

Tempore Paschali additur Allelúja.


Postcommunio.

EXúberet, quæsumus Dómine, in córdibus nostris percépti grátia Sacraménti: quæ nos beati Felícis Confessoris tui imitatione purificet, atque intercessione communiat. Per Dóminum.

Feria vi. immediate post Oct. Augustissimi Corporis Christi.

IN FESTO SACRARUM
Quinqué Plagarum D. N. Jesu Christi.
In toto Dominio Veneto.

Introitus. Philip. 2.



Umiliávit semetípsum Dóminus Jesus Christus usque ad mortem, mortem autem crucis: propter quod & Deus exaltávit illum, & donávit illi nomen, quod est super omne nomen. **Psal. 88.** Misericórdias Dómini in ætérnum cantábo: in generatióem & generatióem.

Glória Patri, &c.

Oratio.

DEus, qui Unigéniti Filii tui Passióne, & per quinque Vúlnera ejus Sanguinis effusióne, humanam naturam peccato pérditam reparásti: tribue nobis, quæsumus; ut qui ab eo fuscépta Vúlnera venerámur in terris, ejúsdem pretiosíssimi Sanguinis fructum cónsequi mereámur in cælis. Per eúndem Dóminum.

Lectio Zachariæ Prophætæ. Zach. 12. c.

HÆc dicit Dóminus: Effundam super domum David, & super habitatores Jerúsalem spíritum grátia, & precum: & aspicient ad me, quem confixerunt: & plangent eum planctu quasi super unigénitum, & dolébunt super eum, ut doléri solet in morte primogéniti. In die illa magnus erit planctus in Jerúsalem, & dicétur: Quid sunt plagæ istæ in médio mánuum tuárum? Et dicet: His plagátus sum in domo eórum, qui diligébant me. Frámea fuscitare super pastórem meum, & super virum cohæréntem mihi, dicit Dóminus exercítuum: pécute pastórem, & dispergéntur oves: ait Dóminus omnipotens.

Graduale. Psalmus 68. Improperium expectávit cor meum, & miseriam: & sustínui qui simul mecum contristaretur, & non fuit: consolántem me quæsi, & non invéni.

✠. Dederunt in escam meam fel, & in siti mea potavérunt me aceto.

Allelúja, allelúja. ✠. Ave Rex noster: tu solus nostros es miserátus errores: Patri obédiens, ductus es ad crucifigéndum, ut agnus mansuétus ad occisióem. **Allelúja.**



Sequéntia sancti Evangélii secundum Joánnem. Joann. 19. f

IN illo témpore: Sciens Jesus, quia ómnia consummáta sunt, ut consummarétur Scriptúra, dixit: Sitio. Vas ergo pósitum erat aceto plenum. Illi autem spóngiam plenam aceto, hyssopo circumponentes, obtulérunt ori ejus. Cum ergo accepisset Jesus acétum, dixit: Consummátum est. Et inclináto capite tradidit spíritum. Judæi ergo (quóniam Paráscue erat) ut non remanérunt in cruce corpora sabbato (erat enim magnus dies ille sabbati) rogavérunt Pilátum ut frangeréntur eórum crura, & tolleréntur. Venerunt ergo milites: & primi quidem fregérunt crura, & altérius, qui crucifixus est cum eo. Ad Jesum autem cum venissent, ut viderunt eum jam mórtuum, non fregérunt ejus crura, sed unus militum lancea latus ejus aperuit, & continuo exívit sanguis, & aqua. Et qui vidit, testimónium perhibuit: & verum est testimónium ejus.

Offertorium. Insurrexérunt in me viri iniqui: absque misericórdia quæsiérunt me interficere: & non pepercérent in faciém meam

am spūere: lanceis suis vulneraverunt me, & concussa sunt omnia ossa mea. **Secreta.**

MAjestati tuæ, quæsumus Dómine, accepta sint dona, in quibus ipsa Unigéniti tui Vúlnera tibi offerimus, nostræ prætia libertátis. Per eúndem Dóminum nostrum.

Præfatio de Cruce. fol. 196.

Communio. Psalm. 21. Foderunt manus meas, & pedes meos: dinumeraverunt omnia ossa mea. **Postcommunio.**

REfecti vitálibus alimóniis, quæsumus Dómine Deus noster, ut qui vúlnera Dómini Nostri Jesu Christi hódie devótè cólimus: hæc in nostris córdibus imprés-
sa, móribus, & vita teneámus. Per eúndem Dominum nostrum.

Die xxiii. Maji.

IN FESTO APPARITIONIS

S. Jacobi Apostoli, & Hispaniarum Patroni.



Audeámus omnes in Dómino, diem festum celebrá-
tes, sub honóre beáti Jacó-
bi Apóstoli: de cujus sole-
mnitate gaudent Angeli,
& collaudant Fílium Dei,
allelúja, allelúja. **Psalm. 18.** Cœli enarrant
glóriam Dei, & ópera mánuum ejus an-
nuntiat firmaméntum.

v. Glória Patri, &c.

Oratio.

DEus, qui Hispaniárum Gentem beá-
to Jacóbo Apóstolo tuo protegén-
dam misericórditer tribuísti, & eam ab
imminénti exitio mirábiliter liberásti:
concède quæsumus; ut, eódem prote-
génte, pace perfruámur æterna. Per
Dóminum nostrum.

**Lectio Epístolæ beáti Pauli Apóstoli ad
Corínthios.**

1. Cor. c. 4. 9.

FRatres, Puto quòd Deus nos Apó-
stolos novíssimos osténdit, tanquam
morti destinátos: quia spectáculum facti
sumus mundo, & Angelis, & homíni-
bus. Nos stulti propter Christum, vos
autem prudéntes in Christo: nos infir-
mi, vos autem fortes: vos nóbiles, nos
autem ignóbiles. Usque in hanc horam
& esurimus, & sitimus, & nudi sumus,
& colaphis cædimur, & instábiles sumus,
& laborámus operántes mánuibus nostris:
maledícimur, & benedicimus: persecu-
tiónem pátimur, & sustinémus: blas-

phemámur, & obsecrámus: tanquam
purgaménta hujus mundi facti sumus,
omnium peripséma usque adhuc. Non
ut confundam vos, hæc scribo, sed ut
filios meos charíssimos moneo. Nam si
decem míllia pædagogórum habeátis in
Christo, sed non multos patres. Nam
in Christo Jesu per Euangélium ego vos
genui.

Tempore Paschali, Allelúja, allelúja.

Psalm. 44. Constitues eos príncipes super
omnem terram: mémores erunt nóminis
tui Dómine. Allelúja. **v.** Pro pátribus
tuis nati sunt tibi filii: propterea pópuli
confitebúntur tibi. Allelúja.

Extra tempus Paschale, dicitur Graduale.

Psalm. 44. Constitues eos príncipes super
omnem terram: mémores erunt nóminis
tui Dómine. **v.** Pro pátribus tuis nati
sunt tibi filii: propterea pópuli confite-
búntur tibi. Allelúja, allelúja.

v. Ego vos elégi de mundo, ut eátis,
& fructum afferátis, & fructus vester
máneat. Allelúja.

**Sequéntia sancti Euangélii secún-
dum Matthæum. Matth. 20.**

IN illo témpore: Accéssit ad Jesum
mater filiórum Zebedæi cum filiis
suis, adorans & petens aliquid ab
eo. Qui dixit ei: Quid vis? Ait illi:
Dic ut sédeant hi duo filii mei, unus
ad dexteram tuam, & unus ad sinistram
in regno tuo. Respóndens autem Jesus,
dixit: Nescitis quid petátis. Potéstis bi-
bere cálicem, quem ego bibitúrus sum?
Dicunt ei: Possumus. Ait illis: Cálicem
quidem meum bibétis: sedere autem ad
dexteram meam vel sinistram, non est
meum dare vobis, sed quibus parátum
est à Patre meo. **Dicitur Credo.**

Offertorium. Psalm. 8. Glória & honóre
coronásti eum: & constituísti eum super
ópera mánuum tuárum, Dómine, allelúja.

Secreta.

Suscipe Dómine múnera, quæ in beá-
ti Jacóbi Apóstoli tui solemnitáte de-
ferimus: cujus nos confidimus patrocínio
liberári. Per Dóminum nostrum.

Præfatio de Apostolis. fol. 200.

Communio. Psalm. 20. Magna est glória
ejus in salutári tuo: glóriam & magnum
decórem impónes super eum, Dómine,
allelúja.

Post-

Postcommunio.

Auxiliëntur nobis Dómine sumpta mystéria : & intercedente beáto Jacobo Apóstolo tuo, sempiterna faciant protectione gaudere. Per Dóminum.

¶ Si occurrat hoc festum extra tempus Paschale celebrari, servantur Rubricæ Missalis.

Die xxx. Maji.

IN FESTO S. FERDINANDI

Tertii Regis Castellæ & Legionis.

Missæ. Justus ut palma. de Comuni Confessoris non Pontificis. fol. xvi. præter Orationem sequentem. Oratio.

Deus, qui beáto Confessóri tuo Ferdinando præliari prælia tua, & Fidei inimicos superare dedisti: concède; ut ejus nos intercessione muniti, ab hostibus mentis & corporis liberemur. Per Dóminum. Et fit commem. S. Felicis Papæ & mart.

Die ii. Junii.

IN FESTO BEATI JACOBI

Salomonii Confess. Missæ. O s just. de Comuni Conf. non Pontificis. fol. xv. Et fit commem. SS. Marcellini, &c.

Die xvi. Junii.

IN FESTO S. JOANNIS

Francisci Regis Confess. Soc. Jesu, pro Sacerdotibus ejusdem Societatis tantum.

Missæ. O s just. ut in Comuni Confessoris non Pontificis. fol. xv. Oratio.

Deus, qui ad plurimos pro salute animarum perferendos labores beátum Joannem Franciscum Confessorem tuum mirabili charitate, & invicta patientia decorasti: concède propitius; ut ejus exemplis instructi, & intercessionibus adjuti, æternæ vitæ præmia consequamur. Per Dóminum nostrum.

Die xvii. Junii.

IN FESTO B. PETRI DE PISIS

Confessoris. Pro Congregatione ejusdem Beati, & alibi. Missæ. O s just. ut in Comuni Confess. non Pontif. fol. xv.

præter Orationem sequentem. Oratio.

Deus, qui in Ecclesiâ tua nova semper instauras exempla virtutum; da nobis beati Petri Confessoris tui ita inherere vestigiis, ut assequamur & præmia. Per Dóminum nostrum.

Die xxi. Junii.

IN FESTO S. ALOYSII

Gonzagæ Confessoris, Societatis Jesu.

Pro tota Italia, ac Insulis adjacentibus.

Introitus.

Psal. 8.



Inuisti eum paulò minùs ab Angelis: glória & honore coronasti eum.

Psal. 148. Laudate Dóminum omnes Angeli ejus: laudate eum omnes virtutes ejus. v. Glória Patri, &c.

Oratio.

COeléstium donorum distributor Deus, qui in Angélico juvene Aloysio miram vitæ innocentiam pari cum poenitentia sociasti: ejus méritis & précibus concède; ut innocentem non secuti, poenitentem imitemur. Per Dóminum.

Lectio libri Sapientiae.

Eccli. 31.

Béatus vir, qui inventus est sine macula; & qui post aurum non abiit, nec speravit in pecunia & thesauris. Quis est hic, & laudabimus eum? fecit enim mirabilia in vita sua. Qui probatus est in illo, & perfectus est, erit illi glória æterna: qui potuit transgredi, & non est transgressus: facere mala, & non fecit: ideo stabilita sunt bona illius in Dómino. Graduale. Psalm. 70. Dómine spes mea à juventute mea: in te confirmatus sum ex útero: de ventre matris meæ tu es protector meus.

v. Psalm. 40. Me autem propter innocentiam suscepisti, & confirmasti me in conspectu tuo in æternum. Allelúja, allelúja.

v. Psalmus 64. Beatus, quem elegisti, & assumpsisti: inhabitabit in atriis tuis. Allelúja.



Sequentia sancti Evangelii secundum Matthæum. Matth. 12.

IN illo tempore: Respondens Jesus ait Sadducæis: Erratis nescientes Scripturas, neque virtutem Dei. In resurrectione enim neque nubent, neque nubentur: sed erunt sicut Angeli Dei in coelo. De resurrectione autem mortuorum non legistis quod dictum est à Deo dicente vobis: Ego sum Deus Abraham, & Deus Isaac, & Deus Jacob? Non est Deus mortuorum, sed viventium. Et audientes turbæ mirabantur in doctrina ejus. Pharisei autem audientes quod silentium

im-

imposuisset Sadducæis, convenérunt in unum: & interrogávit eum unus ex eis legis doctor tentans eum: Magister, quod est mandátum magnum in lege? Ait illi Iesus: Díliges Dóminum Deum tuum ex toto corde tuo, & in tota ánima tua, & in tota mente tua. Hoc est máximum, & primum mandátum. Secundum autem símile est huic: Díliges próximum tuum sicut teípsum. In his duóbus mandátis univérfa lex pendet, & Prophétæ.

Offertorium. Psalm. 23. Quis ascendet in montem Dómini? aut quis stabit in loco sancto eius? Innocens mánibus, & mundo corde.

Secreta.

COElesti convívio fac nos, Dómine, nuptiáli veste indútos accúmbere: quam beáti Aloysii pia preparatio & juges lácrymæ inæstimábilibus ornábant margaritis. Per Dóminum nostrum.

Communio. Psalm. 77. Panem cœli dedit eis: Panem Angelórum manducávit homo.

Postcommunio.

Angelórum esca nutritos, Angélicis etiam Dómine, da móribus vivere: & ejus, quem hódie cólimus, exémplo, in gratiarum semper actióne manére. Per Dóminum nostrum.

Die xxv. Junii.

IN FESTO S. GULIELMI
Abbatis.

Pro Regno Neapolitano, & alibi.

Missæ. Os just. de Comuni Abbatum. fol. xvii. præter Orationem sequentem.

Orationem.

DEus, qui infirmitati nostræ ad teréndum salutis viam in Sanctis tuis exémpulum, & præsidium collocásti: da nobis ita beáti Gulielmi Abbatis mérita venerári; ut ejusdem excipiamus suffrágia, & vestigia prosequámur. Per Dóminum nostrum.

Et fit commemor. Octav. Nativitatis S. Joannis Baptistæ. fol. 387.

Die vii. Julii.

IN FESTO B. BENEDICTI XI.
Papæ & Confess. Ord. Prædicat.

In toto Dominio Veneto.

Missæ. S tátuít ei. ut in Comuni Con-

fessoris Pontificis. fol. xii. præter Orationem propriam.

Orationem.

DEus, qui beátum Benedíctum Pontíficem tuum benedictiónis tuæ grátia sublevásti ad cœlum; pópulum tuum, quæsumus, nova benedictióne grátia tuæ sanctifica, & à cunctis malis imminéntibus, ejus méritis, & précibus tua nos virtute defénde. Per Dóminum.

Die xii. Julii.

IN FESTO SS. MARTYRUM
Hermagoræ, & Fortunati.

Celebratur in Metropolitata Aquilejensi, ac Civitatibus subditis, &c.

Introitus.

Psalm. 78.



Ntret in conspéctu tuo, Dómine, gémitus compeditórum: redde vicinis nostris séptuplum in sinu eorum: víndica sánguinem sanctórum tuórum, qui effusus est. **Psalm. ibid.** **D**eus venérunt Gentes in hæreditatem tuam, polluérunt templum sanctum tuum: posuérunt Jerúsalem in pómorum custódiam. **V. Gloria Patri, &c.**

Orationem.

DEus, qui nos hodiérna die beatórum mátyrum tuórum Hermagoræ & Fortunati múltiplici facis celebritate gaudére: tribue quæsumus; eórum nos semper piis defénsionibus muníri, & oratiónibus adjuvári. Per Dóminum.

Pro commem. SS. Naboris, & Felicis.

Orationem.

PRæsta quæsumus Dómine: ut sicut nos sanctórum mátyrum tuórum Naboris & Felicis natalítia celebránda non deserunt, ita júgiter suffrágiis comiténtur. Per Dóminum nostrum.

Léctio libri Sapientia.

Sap. 3.

Justórum animæ in manu Dei sunt, & non tanget illos tormentum mortis. Vísí sunt oculis insipientium mori: & æstimáta est afflictio éxitus illórum: & quod à nobis est iter, exterminium: illi autem sunt in pace. Et si coram homínibus tormenta passi sunt, spes illórum immortalitáte plena est. In paucis vexáti, in multis benè disponéntur: quóniam Deus tentávit eos, & invénit illos dignos se. Tamquam aurum in fornáce probávit illos, & quasi holocáusti hóstiam accépit illos, & in tēpore erit respéctus illórum. Ful-

gé-

gébunt iusti, & tamquam scintillæ in arundineto discurrent. Judicabunt nationes, & dominabuntur populis, & regnabit Dominus illorum in perpétuum.

Graduale. Exodi 15. Gloriosus Deus in Sanctis suis, mirabilis in maiestate, faciens prodigia. *V.* Dextera tua Domine glorificata est in virtute, dextera manus tua confrégit inimicos.

A. Allelúja, allelúja.

V. **Eccli. 44.** Corpora sanctorum in pace sepulta sunt, & nomina eorum vivent in generationem, & generationem. Allelúja.

✠ Sequéntia sancti Euangélii secundum Lucam. **Lucæ 21. c**

In illo tempore: Dixit Iesus discipulis suis: Cum audieritis prælia, & seditiões, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, & regnum adversus regnum. Et terræmotus magni erunt per loca, & pestilentia, & fames, terrorisque de cælo, & signa magna erunt. Sed ante hæc omnia injicient vobis manus suas, & persequentur tradentes in synagogas, & custodias, trahentes ad reges & præfides propter nomen meum: continget autem vobis in testimonium. Pónite ergo in cordibus vestris non præmeditari quemadmodum respondeatis. Ego enim dabo vobis os, & sapientiam, cui non poterunt resistere, & contradicere omnes adversarii vestri. Trademini autem a parentibus, & fratribus, & cognatis, & amicis, & morte afficient ex vobis: & eritis odio omnibus propter nomen meum: & capillus de capite vestro non peribit. In patientia vestra possidebitis animas vestras.

Offertorium. Psalm. 67. Mirabilis Deus in Sanctis suis: Deus Israel ipse dabit virtutem, & fortitudinem plebi suæ, benedictus Deus, allelúja.

Secreta.

Munera humilitatis nostræ, quæ pro Sanctorum martyrum tuorum Hermagoræ & Fortunati gloriosa passione, & solemnitate offerimus: quæsumus clementiam tuam, respicere dignare, & ipsorum intercessione tam ad profectum vitæ, quam animæ salutaria nobis consueta miseratione provenire concede. Per Dominum nostrum.

Pro SS. Nabore & Felice. Secreta.

Munera plebis tuæ, quæsumus Domine, Sanctorum martyrum Naboris & Felicis fiant grata suffragiis: & quorum triumphis tuo nomini offeruntur, ipsorum digna perficiantur & meritis. Per Dominum nostrum.

Communio. Sap. 3. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumentes, Domine, cælestis dona mysterii, quæsumus: ut Sanctorum martyrum tuorum Hermagoræ & Fortunati adjuvemur meritis, quorum solemnitatem celebramus. Per Dominum nostrum.

Pro SS. Nabore & Felice.

Postcommunio.

Natalitiis Sanctorum tuorum, quæsumus Domine, ut Sacramenti munere vegetati, bonis, quibus per tuam gratiam nunc fovemur, perfruamur æternis. Per Dominum nostrum.

Dominica secunda Julii.

IN FESTO S. PULCHERIE virginis, Imperatricis.

Introitus.

Psalm. 44.



Ultim tuum deprecabuntur omnes divites plebis: adducuntur Regi virgines post eam: proximæ ejus adducuntur tibi in lætitia, & exultatione.

Psalm. ibid. Eructavit cor meum verbum bonum: dico ego opera mea Regi.

V. Gloria Patri, & Filio, &c.

Oratio.

Deus, qui beatam Pulcheriam virginem tuam singulari castitatis prerogativa decorasti, quique illi ad defendendam Ecclesiam tuam summum Fidei amorem tribuere voluisti: concede; ut ejus intercessione tibi puris mentibus inhaerentes, ab omnium hostium insidiis misericorditer liberemur. Per Dominum nostrum.

Et sit commem. Dominicæ occurrentis.
Lectio Epistolæ beati Pauli Apostoli ad Corinthios.

1. Cor. 7. d

Fratres, De virginibus præceptum Domini non habeo: consilium autem do, tamquam misericordiam consecutus à Domino, ut sim fidelis. Existimo

stimo ergo hoc bonum esse propter instantem necessitatem: quoniam bonum est homini sic esse. Alligatus es uxori? noli querere solutionem. Solutus es ab uxore? noli querere uxorem. Si autem acceperis uxorem, non peccasti. Et si nupsit virgo, non peccavit. Tribulationem tamen carnis habebunt huiusmodi. Ego autem vobis parco. Hoc itaque dico, fratres: tempus breve est. Reliquum est, ut & qui habent uxores, tamquam non habentes sint.

Graduale. Psalm. 44. S. pécie tua, & pulchritudine tua intènde, prospère procède, & regna. V. Propter veritatem, & mansuetudinem, & iustitiam, & deducet te mirabiliter dextera tua, A. llelúja, allelúja. V. Filia regum in honore tuo, ástitit regina à dextris tuis in vestitu deaurato, circumdata varietate. Allelúja.



Sequentia sancti Evangelii secundum Joannem. **Cap. 17.**

In illo tempore dixit Jesus: Hæc est autem vita æterna, ut cognoscant te solum Deum verum, & quem misisti Jesum Christum. Ego te clarificavi super terram: opus consummavi, quod dedisti mihi ut faciam: & nunc clarifica me tu Pater apud te ipsum claritate, quam habui priusquam mundus esset, apud te. Manifestavi nomen tuum hominibus, quos dedisti mihi de mundo. Tulerant, & mihi eos dedisti: & sermonem tuum servaverunt. Nunc cognoverunt quia omnia, quæ dedisti mihi, abs te sunt: quia verba, quæ dedisti mihi, dedi eis: & ipsi acceperunt, & cognoverunt verè quia à te exivi, & crediderunt quia tu me misisti.

Et dicitur Credo. ratione Dominicæ.

Offertorium. Judith 15. 10. T. u gloria Jerúsalem, tu lætitia Israel, tu honorificentia populi nostri: quia fecisti viriliter, & confortatum est cor tuum, eò quod castitatem amaveris. **Secreta.**

Accepta tibi sit, Domine, sacrata plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Communio. Sap. 4. 1. O quam pulchra est casta generatio cum claritate! immortalis est enim memoria illius: quoniam & apud Deum nota est, & apud homines.

Postcommunio.

Satiasti Domine familiam tuam munericibus sacris: ejus, quæsumus, semper interventione nos refove, cujus solemnia celebramus. Per Dominum.

In fine Missæ legitur Evangelium Dominicæ occurrentis.

Dominica tertia Julii.

MISSA PRO SOLEMNITATE

SS. Redemptoris cum Octava.

In toto Dominio Veneto.

Introitus.

Psalm. 61.



Audens gaudébo in Domino, & exultabit anima mea in Deo meo: quia induit me vestimentis salutis, & indumento iustitiæ circumdedit me.

Psalm. 88. Misericordias Domini in æternum cantabo: in generationem, & generationem. V. Gloria Patri, &c.

Oratio.

Deus, qui Unigenitum tuum Mundi Redemptorem constituisti, & per eum devicta morte nos misericorditer ad vitam reparasti: concede; ut hæc beneficia recolentes, tibi perpétua charitate adherere, & ejusdem Redemptionis fructum percipere mereamur. Per eundem Dominum nostrum.

Deinde fit commemor. Dominicæ occurr.
Lectio Epistolæ beati Pauli Apostoli ad Ephésios. **Cap. 1.**

Benedictus Deus, & Pater Domini nostri Jesu Christi, qui benedixit nos in omni benedictione spiritali in coelestibus in Christo, sicut elegit nos in ipso ante mundi constitutionem, ut essemus sancti & immaculati in conspectu ejus in charitate. Qui prædestinavit nos in adoptionem filiorum per Jesum Christum in ipsum: secundum propositum voluntatis suæ, in laudem gloriæ gratiæ suæ, in qua gratificavit nos in dilecto filio suo. In quo habemus redemptionem per sanguinem ejus, remissionem peccatorum secundum divitias gratiæ ejus, quæ superabundavit in nobis in omni sapientia, & prudentia: ut notum faceret nobis sacramentum voluntatis suæ, secundum beneplacitum ejus, quod proposuit in eo.

Graduale. Psal. 85. Omnes gentes quascumque fecisti, venient, & adorabunt coram

coram te Dómine: & glorificábunt nomen tuum. *✠* Quóniam magnus es tu, & faciens mirabilia: tu es Deus solus. Allelúja, allelúja. *✠* **Psalm. 73.** Deus autem Rex noster ante sæcula operátus est salutem in médio terræ. Allelúja.

✠ Sequéntia sancti Euangélíi secúndum Joánnem. **Joann. 3.**

IN illo témpore: Dixit Iesus Nicodémo: Nemo ascéndit in cœlum, nisi qui descéndit de cœlo, Fílius hóminis, qui est in cœlo. Et sicut Móyses exaltávit serpéntem in desérto: ita exaltári oportet Fílium hóminis: ut omnis, qui credit in ipsum, non péreat, sed hábeat vitam ætérnam. Non enim misit Deus Fílium suum in mundum, ut júdicet mundum, sed ut salvétur mündus per ipsum. Qui credit in eum, non júdicátur: qui autem non credit, jam júdicátus est: quia non credit in nómine Unigéniti Fílii Dei.

Credo. per totam Octavam.

Offertorium. Salus pópuli ego sum, dicit Dñs: de quacúmque tribulatióne clamáverint ad me, exaudiam eos, & ero illórum Deus in perpétuum, allelúja. **Secreta.**

Suscipe, quæsumus Dómine, oblátum Redemptiósni ætérnæ mystérium: & præsta; ut Unigéniti Fílii tui gloriósos méritis intercedéntibus, vivíficet nos semper, & múniat. Per eúndem Dóminum.

Deinde fit commem. Dñicæ occurrentis.

Præfatio de Cruce. Qui salutem humani géneris. 196.

Communio. Psalm. 106. Confiteántur Dómino misericórdiæ ejus: & mirabilia ejus filiis hóminum, allelúja. **Postcommunio.**

Corporis tui sacri, ac pretiósí Sanguinis, quo redempti sumus, Dómine Iesu Christe, partícipes effecti: quæsumus; ut in nobis tua múnera tueáris, atque a præsentis vitæ malis eréptos, ad bona perdúcas sempitérna. Qui vivis & regnas, &c.

Deinde fit commemoratio Dominicæ occurrentis cum ejus Euangelio in fine. Infra Octavam dicitur eadem Missa.

Die xxv. Julii.

I N F E S T O S. C A M I L L I

de Lellis Fundatoris Clericorum Regularium Ministrantium Infirmis.

Pro Regnis Hispanis, & alibi.

Missæ. Os iusti meditábitur. de Comm. Miss. Monast.

Confessoris non Pontificis primo loco. fol. xv.

Oratio.
Deus, qui beátum Camíllum ad animarum in extrémó agóne luctántium subsidium singulári charitátis prærogatíva decorásti: ejus, quæsumus, méritis, Spíritum nobis tuæ dilectiósni infunde; ut in hora éxitus nostri hostem vincere, & ad cœlestem mereámur corónam pervenire. Per Dóminum nostrum.

Die xvii. Julii.

I N F E S T O S. A L E X I I C O N F E S S.

In Urbe, & toto Districu Romæ.

Introitus.

Genes. 12.



Grédere de terra tua, & de domo Patris tui, & veni in terram, quam monstrábo tibi.

Psalmus 44. C bliviscere pópulum tuum, & domum Patris tui: & concupíscet

Rex decórem tuum.

✠ Glória Patri, & Fílio, &c. **Oratio.**

Deus, qui beátum Aléxium Confessórem tuum in mundi contéptu mirabilem effecísti: præsta quæsumus; ut intercessiósni ejus auxílio Fidéles tui terrena despiciant, & ad cœlestia semper aspirent. Per Dóminum nostrum.

Lectio Epístolæ beati Pauli Apóstoli ad Timótheum. **1. Tim. 6.**

Charíssime, Est quæstus magnus, pietas cum sufficiéntia. Nihil enim inútilimus in hunc mundum: haud dúbium quòd nec auferre quid pòssumus. Habéntes autem aliménta, & quibus tegámur, his conténti sumus. Nam qui volunt divites fieri, incidunt in tentatióne, & in láqueum diaboli, & desidéria multa inútilia, & nocíva, quæ mergunt hómines in intéritum & perditionem. Radix enim ómnium malórum est cupiditas: quam quidam appeténtes erravérunt à fide, & inferuérunt se doloribus multis. Tu autem ó homo Dei hæc fuge: sectáre verò justítiam, pietátem, fidem, charitátem, patientiam, mansuetudinem. Certa bonum certámen fidei, apprehénde vitam ætérnam.

Graduale. Jer. cap. 27. & Psalm. 72. Relíqui domum meam, dimísi hæreditátem meam. *✠* Quia bonum mihi est adhærere Deo, pónere in Dómino Deo spem meam. **A**llelúja, allelúja.

✠ **Psalm.**

¶ *Psal. 65. & 131.* Introibo in domum tuam, hæc requies mea in sæculum sæculi, hic habitabo, quoniam elegi eam. Allelúja.



Sequentia sancti Euangelii secundum Matthæum. *Matth. 19. b*

In illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Genes. cap. 32. R evertere in terram tuam, & in locum nativitatis tuæ, & benefaciam tibi. *Secreta.*

Propitius esto, Domine, supplicationibus nostris, & intercessione beati Alexii Confessoris tui omnium nostrum ad te corda converte: ut à mundanis cupiditatibus expediti, te solum pura mente sectemur. Per Dominum.

Communio. Job cap. 19. Psal. 26. Inquilini domus meæ, & ancillæ meæ sicut alienum habuerunt me, & quasi peregrinus fui in oculis eorum: Dominus autem assumpsit me. *Postcommunio.*

Sumpsimus, Domine, sacri dona Mysterii humiliter deprecantes: ut beatum Alexium Confessorem tuum, quem admirabilem in mundi contemptu prædicamus in terris, intercessorem habere mereamur in cælis. Per Dominum nostrum.

Die xviii. Julii.

ALIA MISSA SANCTI CAMILLI de Lellis Confessoris, &c.

Pro Urbe & Districtu Romano,

Introitus.

Joann. 15.



Ajorem hac dilectionem nemo habet, ut animam suam ponat quis pro amicis suis.

Psal. 40. Beatus qui intelligit super egenum, & pauperem: in die mala liberabit eum.

Dominus. ¶ Glória Patri.

Oratio.

Deus, qui sanctum Camillum, ad animarum in extremo agone luctantium subsidium, singulari charitatis prerogativa decorasti: ejus, quaesumus, meritis Spiritum nobis tuæ dilectionis infunde; ut in hora exitus nostri hostem vincere, & ad coelestem mereamur coronam pervenire. Per Dominum, in unitate ejusdem.

Pro SS. Symphorola, & septem Filiis Martyribus. Oratio.

Deus, qui nos concedis sanctorum martyrum tuorum, Symphorosæ & filiorum ejus, natalitia colere: da nobis in æterna beatitudine de eorum societate gaudere. Per Dominum.

Tertia Oratio. Acunctis, vel, Concede quaesumus.

Lectio Epistolæ beati Joannis Apostoli.

1. Joann. 3. b

Charissimi, Nolite mirari, si odit vos mundus. Nos scimus, quoniam transfati sumus de morte ad vitam, quoniam diligimus fratres. Qui non diligit, manet in morte: omnis, qui odit fratrem suum, homicida est. Et scitis, quoniam omnis homicida non habet vitam æternam in semetipso manentem. In hoc cognovimus charitatem Dei, quoniam ille animam suam pro nobis posuit, & nos debemus pro fratribus animas ponere. Qui habuerit substantiam huius mundi, & viderit fratrem suum necessitatem habere, & clauferit viscera sua ab eo, quomodo charitas Dei manet in eo? Filii mei, non diligamus verbo, neque lingua, sed opere, & veritate.

Graduale. Psal. 36. Os iusti meditabitur sapientiam, & lingua ejus loquetur iudicium. ¶ Lex Dei ejus in corde ipsius, & non supplantabuntur gressus ejus.

Allelúja, allelúja.

¶ *Psal. 111.* Beatus vir, qui timet Dominum, in mandatis ejus cupit nimis. Allelúja.

In Missa votiva post septuagesimam, omissis Allelúja, & Versu sequenti, dicitur

Tractus. Psal. 111. Beatus vir, qui timet Dominum, in mandatis ejus cupit nimis.

¶ Potens in terra erit semen ejus, generatio rectorum benedicetur.

¶ Glória, & divitiæ in domo ejus, & justitia ejus manet in sæculum sæculi.

Tempore Paschali omittitur Graduale, & ejus loco dicitur, Allelúja, allelúja.

¶ *Ibid.*

¶ Ibid. Beatus vir, qui timet Dominum, in mandatis ejus cupit nimis. Allelúja.

¶. Osee 14. Justus germinabit sicut lílium, & florébit in ætérnum ante Dóminum. Allelúja.



Sequéntia sancti Euangélíi secúndum Joánnem. **Joann. 15.**

IN illo témpore: Dixit Jesus discipulis suis: Hoc est præceptum meum, ut diligátis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si fecéritis quæ ego præcipio vobis. Jam non dicam vos servos, quia servus nescit quid faciat Dóminus ejus. Vos autem dixi amicos, quia ómnia quæcúmque audivi à Patre meo, nota feci vobis. Non vos me elegístis, sed ego elégi vos, & pòsui vos, ut eátis, & fructum afferátis, & fructus vester máneat, ut quodcúmque petieritis Patrem in nómine meo, det vobis.

Offertorium. Psalm. 20. In virtúte tua, Dómine, lætábitur justus, & super salutare tuum exultábit veheménter: desiderium animæ ejus tribuísti ei. **Secreta.**

Hostia immaculáta, qua illud Dómini nostri Jesu Christi imménsæ Charitátis opus renovámus, sancto Camillo intercedente, sit contra omnes corporis & animæ infirmitates salutare remédium, & in extrémò agóne solátium & tutéla. Per eúndem Dóminum.

Pro SS. Symphorosa, & septem Filiis Martyribus. Secreta.

Munera tibi, Dómine, nostræ devotiónis offerimus: quæ & pro tuórum tibi grata sint honóre justórum, & nobis salutária, te miseránte, redántur. Per Dóminum nostrum.

Secreta. Exáudi nos Deus, **vel**, Oblátiis, Dómine, placáre.

Communio. Matth. 25. Infirmitas fui, & visitástis me: Amen, amen dico vobis: quámdiu fecístis uni ex his fratribus meis mínimis, mihi fecístis. **Postcommunio.**

Per hæc coeléstia aliménta, quæ, sancti Camilli Confessóris tui solémnia celebrántes, pia devotiónè suscepimus: da, quæsumus, Dómine; ut in hora mortis nostræ Sacraméntis refecti, & culpis ómnibus expiati, in sinum mi-

sericórdiæ tuæ læti súscipi mereámur. Qui vivis & regnas, &c.

Pro SS. Symphorosa, & septem filiis Martyribus. Postcommunio.

Præsta nobis, quæsumus Dómine, intercedéntibus sanctis martyribus tuis Symphorosa & filiis ejus: ut quod ore contingimus, pura mente capiámus. Per Dóminum nostrum.

Postcommunio. Mundet & múniat, **vel**, Súmpsimus, Dómine, beatæ Mariæ.

Die xxvii. Julii.

IN FESTO S. PANTALEONIS

Martyris. Pro Civitate Venetiarum.

Missæ. Lætábitur justus. de Comuni unius Martyris non Pontificis secundo loco. fol. v. **Oratio.**

Deus, qui beátum Pantaleónem Mártirem tuum vária torménta superáre fecísti, & pro persecutóribus exoráre: concède propítius; ut, qui ejus implorámus auxílium, misericórdiæ tuæ sentiámus effectum. Per Dóminum.

Die xxvii. Augusti.

IN FESTO S. TERESIAE

virg. secundo. Pro Regnis Hispanis, & alibi. **Missæ.** Dilexísti justítiam. de Comuni unius Virg. fol. xx. præter primam Orationem sequentem. **Oratio.**

Deus, qui illibáta præcórdia beatæ virginis Teresiæ Sponsæ tuæ, ignito jáculo transfixísti, & charitátis víctimam consecrásti, ipsa interveniénte, concède: ut corda nostra ardóre Sancti Spíritus ferveant, & te in ómnibus, & super ómnia diligant. Qui vivis & regnas.

Die xxvii. Augusti.

IN FESTO B. JOSEPHI

Calasáctii à Matre Dei Confessoris, & Fundatoris Ordinis Clericorum Regularium Scholarum Piarum.

Missæ. Os justí. ut in Comuni Confess. non Pontif. fol. xv. præter Orationem propriam. **Oratio.**

Deus, qui per beátum Joséphum Confessórem tuum ad erudiéndam spírítu intelligentiæ ac pietátis juventútem, novum Ecclesiæ tuæ subsidium providére dignátus es: præsta quæsumus; nos ejus exémplo ita fácere & docére, ut præmia consequámur ætérna. Per Dóminum.

Die i. Septembris.
IN FESTO B. JULIANÆ
*Virginis & Abbatissæ Ordinis
sancti Benedicti.*

*Missæ. Dilexisti iustitiam. de Comuni
Virg. præter Orationem propriam. Oratio.*

DEus, qui dispositione mirabili be-
atam Julianam virginem tuam à pri-
ma ætate grætiæ ubertate præventam,
mira innocentia, & contemplationis do-
no decorare dignatus es: ejus meritis, &
intercessionem concede; ut tibi in terris fide,
& charitate conjuncti, ad contemplan-
dam in coelis speciem tuæ pulchritudinis
perducamur. Per Dominum nostrum.

*Deinde fit commem. S. Ægidii Abba-
tis, ac SS. Martyrum duodecim Fra-
trum, ut in Missali.*

Die iv. Septembris.
IN FESTO SANCTÆ ROSÆ
*Viterbiensis virginis Tertii Ordinis
sancti Francisci.*

Pro Statu Ecclesiastico & Etruria.

*Missæ. Dilexisti iustitiam. ut in Com-
muni Virgin. tantum. fol. xx. excepta
Oratione. Oratio.*

DEus, qui beatam Rosam sanctarum
tuarum virginum Collegio aggrega-
re dignatus es: tribue nobis quaesumus;
ut ejus precibus & meritis à culpis omni-
bus expiemur, & tuæ majestatis consortio
perfruamur æterno. Per Dominum.

Die iv. Septembris.
IN FESTO SANCTÆ ROSALIÆ
*virg. Panormitanæ. Pro Germania & ali-
bi. Missæ. Dilexisti. ut in Cõi Virg. tan-
tum. fol. xx. excepta Oratione. Oratio.*

EXaudi nos Deus salutaris noster: ut
sicut de beatæ Rosaliæ virginis tuæ
festivitate gaudemus; ita piæ devotionis
erudiamur affectu, & ejus intercessionem
ab iracundiæ tuæ flagellis misericorditer
liberemur. Per Dominum.

Pro Regno Siciliae, alia Oratio.

DEus, qui beatam Rosaliam virginem
è regalibus mundi deliciis in moun-
tium solitudinem transtulisti: concede
propitius; ut ejus meritis & patrocinio
à sæculi voluptatibus in cœlestium amorem
transferamur, & ab iracundiæ tuæ
flagellis misericorditer liberemur. Per
Dominum nostrum.

Dominica tertia Septembris.

*In festo Septem Dolorum beatæ virgi-
nis Mariæ. Pro Statibus Hæreditariis Do-
mus Austriacæ, & alibi.*


*Missæ dicitur, ut in Festo Septem Do-
lorum, posita in Feria sexta post Do-
minicam Passionis. fol. 340. præter Ora-
tionem sequentem. Oratio.*

DEus, in cujus Passione, secundum Si-
meonis prophetiam dulcissimam ani-
mam gloriosæ Virginis & Matris Mariæ
doloris gladius pertransiit: concede pro-
pitius; ut qui dolores ejus venerando recoli-
mus, passionis tuæ effectum felicem con-
sequamur. Qui vivis & regnas.

Die xix. Septembris.

IN FESTO S. JANUARI
*Episcopi & Martyr. præcipui Patroni
Civitatis & Regni Neapolitani: tum pro
die Festo ejusdem Sancti Patroni 19. Se-
ptembris, & per Oct. tum pro die ipsius
Translationis, Dominica prima vel se-
cunda Maji, & per Oct. tum pariter in
Solemnitate Patrocinii ejusdem Sancti
die 16. Decembris. Pro Civitate, Dice-
cesi, & toto Regno Neapolitano.*

Introitus. 1. Paral. 16.



*Arrate in gentibus gloriam
ejus, in cunctis populis mi-
rabilia ejus: quia magnus
Dominus & laudabilis ni-
mis. Psal. 46. Omnes gen-
tes plaudite manibus: jubi-
late Deo in voce exultationis.*

*Glória Patri, & Filio, &c.
In festo, & per Octavam, ac in die
Patrocinii. Oratio.*

DEus, qui per beati Januarii Marty-
ris tui atque Pontificis confessio-
nem & sanguinem, admirabili testimo-
nio ac triumpho Ecclesiæ tuæ Fidem illu-
strare dignatus es: quaesumus; ut ejus-
dem nos Fidei consortio & patrocinio
munitos, triumphum etiam & gloriæ par-
ticipes efficias. Per Dominum.

*In Festo Translationis, & per Octavam.
Oratio.*

DEus, qui in Translatione beati Ja-
nuarii Martyris tui atque Pontificis,
pretioso nos præsidii tui pignore locu-
pletasti: quaesumus; ut ipso interceden-
te, Populum tuum ab omnibus pericu-
lis eruas, ac de thesauris tuis, divitias

in

in nos ineffabilis misericordiæ benignus effundas. Per Dñm.

Lectio Epistolæ beati Pauli Apostoli ad Hebræos. **Cap. 11.**

Fratres, Sancti per fidem vicērunt regna, operāti sunt iustitiam, adēpti sunt repromissiones, obturavērunt ora leonum, extinxērunt impetum ignis, efugerunt aciem gladii, convalescērunt de infirmitate, fortes facti sunt in bello, castra vertērunt exterōrum: acceperunt mulieres de resurrectione mortuos suos: alii autem distēti sunt non suscipientes redemptionem, ut meliorem invenirent resurrectionem. Alii verò ludibria & verbera experti, insuper & vincula & carceres: lapidati sunt, secti sunt, tentati sunt, in occisione gladii mortui sunt, circueērunt in pelotis, in pellibus caprinis, egētes, angustiatī, afflicti: quibus dignus non erat mundus: in solitudinibus errātes, in montibus, in speluncis, & in cavernis terræ. Et hi omnes testimonio fidei probati inventi sunt in Christo Jesu Dño nostro.

Graduale. Dan. 3. Angelus Dñi excussit flammam ignis de fornace, & non tetigit eos omnino ignis, neque contristavit.

V. Ibid. Deus meus misit Angelum suum, & conclusit ora leonum, & non nocuerunt mihi. **A.** Allelūja, allelūja.

V. Psalmus 33. Custodit Dñs omnia ossa eorum, unum ex his non conteretur. Allelūja.

Post Septuages. Tractus. Tradiderunt corpora sua propter Deum ad supplicia, ut hæredes fierent in domo Dñi.

V. Gloriosum sanguinem fuderunt pro Dño, amaverunt Christum in vita sua, imitati sunt eum in morte sua.

V. Ideo coronas triumphales meruerunt.

Tempore Paschali. **A.** Allelūja, allelūja.

V. Tamquam aurum in fornace probavit electos Dñs. Allelūja.

V. Et quasi holocausta accepit eos. Allelūja.



Sequētia sancti Euangēlii secundum Matthæum. **Matth. 10.**

In illo tempore: Dixit Jesus discipulis suis: Ecce ego mitto vos sicut oves in medio luporum. Estote ergo prudentes sicut serpentes, & simplices sicut columbæ. Cavete autem ab hominibus. Miss. Monast.

Tradent enim vos in conciliis, & in synagogis suis flagellabunt vos: & ad præfides, & ad reges ducemini propter me in testimonium illis, & gentibus. Cum autem tradent vos, nolite cogitare quomodo, aut quid loquamini: dabitur enim vobis in illa hora quid loquamini. Non enim vos estis, qui loquimini, sed Spiritus Patris vestri, qui loquitur in vobis. Tradet autem frater fratrem in mortem, & pater filium; & insurgent filii in parentes, & morte eos afficient: & eritis odio omnibus propter nomen meum: qui autem perseveraverit usque in finem, hic salvus erit.

Credo.

Offertorium. Psalm. 3. **T**u es gloria mea, tu es susceptor meus, Dñe: tu exaltans caput meum, & exaudivisti me de monte sancto tuo.

In die Festo, ac die Translationis, & per Octavas. Secreta.

Oblationes nostras tibi, Dñe, beati Januarii precatio sancta commendet: quem Sacerdotio & Martyrio coronatum, Fides & Caritas hostiam Majestati tuæ placitam immolavit. Per Dñm nostrum.

In festo Patrocinii. Secreta.

Sancti Januarii Martyris tui atque Pontificis precibus, Dñe, plebis tuæ dona sanctifica: ut quæ tibi tuo grata sunt instituto, gratiora fiant Patrocinio supplicantis. Per Dñm.

Communio. Act. 2. Dabo prodigia in coelo sursum, & signa in terra deorsum: sanguinem, & ignem, & vaporem fumi.

In die Festo, ac die Translationis, & per Octavas. Postcommunio.

Coelestibus epulis refecti, te, Dñe, supplices deprecamur: ut ignem in nobis Spiritus tui clementer accendas, qui beatum Januarium Martyrem tuum atque Pontificem pro tui nominis confessione mortem docuit non timere. Qui vivis & regnas, &c.

In festo Patrocinii. Postcommunio.

Sanctificati, Dñe, salutari mysterio: quæsumus; ut nobis sancti Januarii Martyris tui atque Pontificis non desit oratio, cujus nos donasti Patrocinio gubernari. Per Dñm.

In Offic. Semidupl. semel in Mense dicitur Missa ut in Festo, sine Credo.

Dominica secunda Octobris.

IN FESTO MATERNITATIS

B. V. Mariæ. Pro Dominio Veneto.

Introitus.

Alve Sancta Parens, enixa puér-
pera Regem, qui coelum ter-
ramque regit in sæcula sæcu-
lorum.**Psalmus 44.** Fructavit cor meum ver-
bum bonum, dico ego opera mea Regi.

v. Glória Patri.

Oratio.

Deus, qui debeát Mariæ virginis úte-
ro Verbum tuum, Angelo nuntiante,
carnem suscipere voluisti: præsta suppli-
bus tuis; ut, qui verè eam Genitricem Dei
credimus, ejus apud te intercessionibus
adjuvemur. Per eundem Dóminum.

Et fit commem. Dominicæ currentis.

Lectio libri Sapientie. **Eccli. cap. 24.****E**go quasi vitis fructificavi suavitatem
odoris: & flores mei fructus honoris &
honestatis. Ego mater pulchræ dilectionis,
& timoris, & agnitionis, & sanctæ spei.
In me grátia omnis viæ & veritatis, in me
omnis spes vitæ & virtutis. Transite ad
me omnes, qui concupiscitis me, & à gene-
rationibus meis implemini: Spiritus enim
meus super mel dulcis, & hæreditas mea
super mel & favum. Memoria mea in ge-
nerationes sæculorum. Qui edunt me,
adhuc esurient: & qui bibunt me, adhuc
sitient. Qui audit me, non confundetur:
& qui operantur in me, non peccabunt.
Qui elúcidant me, vitam æternam ha-
bēbunt.**Graduale. Isai. cap. 11.** Egrediētur virgo
de radice Jesse, & flos de radice ejus ascen-
det. v. Et requiescet super eum Spiritus
Dómini. Allelúja, allelúja.v. **Isai. cap. 7.** Ecce Virgo concipiet, &
pariet Fílium, & vocabitur nomen ejus
Emmanuel. Allelúja.Sequētia sancti Euangélíi secun-
dum Lucam.

Lucæ 2. c

In illo tēpore: Cū redirent, re-
mānsit Puer Jesus in Jerúsalem, & non
cognoverunt Parēntes ejus. Existimān-
tes autem illum esse in comitatu, venerunt
iter diei, & requirēbant eum inter cognā-
tos, & notos. Et non inveniētes, re-
grēssi sunt in Jerúsalem, requirēntes eum.
Et factum est, post trídium invenērunt
illum in templo sedēntem in médio Do-ctōrum, audiēntem illos, & interrogān-
tem eos. Stupēbant autem omnes, qui
eum audiēbant, super prudentia, & re-
sponsis ejus. Et vidētes admirāti sunt.
Et dixit Mater ejus ad illum: Fili, quid
fecisti nobis sic? Ecce pater tuus, & ego
dolēntes quærebāmus te. Et ait ad illos:
Quid est, quod me quærebātis? nescie-
bātis quia in his, quæ Patris mei sunt,
oportet me esse? Et ipsi non intellexē-
runt verbum, quod locutus est ad eos.
Et descendit cum eis, & venit Názareth:
& erat subditus illis. **Credo.****Offertor. Matt. c. 1.** Cū esset desponsāta
mater ejus Mariā Joseph, inventa est in ú-
tero habens de Spiritu Sancto. **Secreta.****T**ua, Dómine, propitiatiōe, & beā-
tæ Mariæ semper virginis Unigéniti
fui Matris intercessiōe, ad perpétuam,
atque præsentem hæc oblatio nobis profi-
ciat prosperitatem & pacem. Per eū-
dem Dóminum nostrum.

Et fit commem. Dominicæ currentis.

Præfatio. Et te in Festivitate beātæ Ma-
riæ semper virginis. fol. 183.**Communio.** P eāta viscera Mariæ virgi-
nis, quæ portaverunt æterni Patris Fí-
lium.

Postcommunio.


Hæc nos communio, Dñe, purget à
crimine: & intercedēte beāta virgi-
ne Dei genitricē Mariā, cœlestis remēdii
fāciat esse consortes. Per eūdem Dñm.Et fit commem. Dominicæ currentis, & in
fine legitur Evangelium ejusdem.

Dominica tertia Octobris.

IN FESTO PURITATIS

B. V. Mariæ. Pro Dominio Veneto.

Introitus.

Alve Sancta Parens, eni-
xa puérpera Regem, qui
coelum terramque regit in
sæcula sæculorum.**Psalmus 44.** Fructavit cor
meum verbum bonum:

dico ego opera mea Regi.

v. Glória Patri.

Oratio.

DA, quæsumus omnipotens æternæ
Deus: ut purissimæ virginis Mariæ
integerrimam Virginitatem festiva cele-
britate venerāntes, ejus intercessiōe pu-
ritatem mentis, & corporis consequā-
mur. Per Dóminum nostrum.

Et fit commem. Dominicæ currentis.

Lé-

Lectio libri Sapientie. Cant. 2. 10.

EN dilectus meus loquitur mihi: Surge, prope amica mea, columba mea, formosa mea, & veni. Jam enim hiems transiit, imber abiit, & recessit. Flores apparuerunt in terra nostra: tempus putationis advenit: vox turturis audita est in terra nostra: ficus protulit grossos suos: vineæ florescentes dederunt odorem suum. Surge, amica mea, speciosa mea, & veni: columba mea in foraminibus petrae, in caverna maceriae, ostende mihi faciem tuam, sonet vox tua in auribus meis: Vox enim tua dulcis, & facies tua decora.

Graduale. Cant. cap. 2. Sicut lilium inter spinas, sic amica mea inter filias.

¶ Dilectus meus mihi, & ego illi, qui pascitur inter lilia. Alleluya, alleluya.

¶ Cant. cap. 6. Quæ est ista, quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata? Alleluya.

✠ Sequentia sancti Evangelii secundum Lucam. Luc. 1. c

IN illo tempore: Missus est Angelus Gabriel à Deo in civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis, Maria. Et ingressus Angelus ad eam dixit: Ave gratia plena: Dominus tecum: Benedicta tu in mulieribus. Quæ cum audisset, turbata est in sermone ejus, & cogitabat qualis esset ista salutatio. Et ait Angelus ei: Ne timeas Maria, invenisti enim gratiam apud Deum: ecce concipies in utero, & paries filium, & vocabis nomen ejus Jesum. Hic erit magnus, & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis. Dixit autem Maria ad Angelum: Quomodo fiet istud, quoniam virum non cognosco? Et respondens Angelus dixit ei: Spiritus sanctus superveniet in te, & virtus Altissimi obumbrabit tibi. Credo.

Offertorium. Post partum Virgo inviolata permansisti: Dei Genitrix intercede pro nobis. Secreta.

UNigeniti tui, Domine, nobis succurrat humanitas: ut qui natus de virgine

Matris integritatem non minuit, sed sacravit, in Puritatis ejus sollemniis, nostris nos piaculis exuens, oblationem nostram tibi faciat acceptam Jesus Christus Dominus noster. Qui tecum vivit & regnat.

Et fit commemor. Dominicæ currentis.

Præfatio de beata Maria. Et te in Festivitate B. Mariæ semper virginis. fol. 183.

Communio. Benedicta, & venerabilis es, virgo Maria, quæ sine tactu pudoris inventa es Mater Salvatoris. Postcomm.

Sumptis Domine salutis nostræ subsidiis: da, quæsumus; purissimæ Virginis Mariæ patrocinis nos ubique protegi, in cujus veneratione hæc tuæ obtulimus majestati. Per Dominum.

Et fit commemor. Dñicæ currentis, & in fine Missæ legitur Evangelium ejusdem.

Die xx. Augusti.

IN FESTO B. MARIÆ de Socos dictæ de Cervellon virginis Ordinis beatæ Mariæ de Mercede Redemptionis Captivorum.

Pro Regnis Hungariæ, & alibi.

Missæ. Dilexisti justitiam, ut in Comuni Virginum tantum. fol. xx. præter Orationem propriam. Oratio.

DEus, qui nos conspicias in tot periculis constitutos pro nostra fragilitate non posse subsistere: concede propitius; ut intercedente beata Maria famula tua, de præsentis vitæ fluctibus educti, ad æternæ salutis portum pervenire valeamus. Per Dominum nostrum.

Die xxiv. Octobris.

IN FESTO S. RAPHAELIS Archangeli.

Pro Regnis Hispanis, & alibi.

Introitus. Psalm. 102.



Benedicite Dominum omnes Angeli ejus: potentes virtute, qui facitis verbum ejus, ad audiendam vocem sermonum ejus.

Psalm. ibid. Benedic anima mea Domino: & omnia, quæ intra me sunt, nomini sancto ejus.

¶ Gloria Patri, &c.

Oratio.

DEus, qui beatum Raphaelem Archangelum Tobia famulo tuo comitem dedisti in via: concede nobis famulis tuis; ut ejusdem semper protegemur

mur custódia, & muniámur auxílio. Per Dóminum nostrum.

Lectio libri Tobíæ.

Tob. 12. b

IN diébus illis: Dixit Angelus Ráphael ad Tobíam: Etenim sacraméntum regis abscondere bonum est: ópera autem Dei reveláre & confitéri honoríficum est. Bona est orátio cum jejúnio, & eleemósyna magis quàm thesauros auri recóndere: quóniam eleemósyna a morte liberat, & ipsa est, quæ purgat peccáta, & facit inveníre misericórdiam, & vitam ætérnam. Qui autem faciunt peccátum, & iniquitátem, hostes sunt animæ suæ. Manifesto ergo vobis veritátem, & non abscondam à vobis occultum sermónem. Quando orábas cum lácrymis, & sepeliébas mórtuos, & derelinquébas prándium tuum, & mórtuos abscondébas per diem in domo tua, & nocte sepeliébas eos, ego obtuli orationem tuam Dómino. Et quia acceptus eras Deo, necesse fuit ut tentatio probáret te. Et nunc misit me Dóminus ut curárem te, & Saram uxórem filii tui à dæmónio liberárem. Ego enim sum Ráphael Angelus, unus ex septem, qui astámus ante Dóminum.

Graduale. Tob. 8. Angelus Dómini Ráphael apprehéndit, & ligávit dæmonem.

Psalm. 144. Magnus Dóminus noster, & magna virtus ejus. **A**llelúja, allelúja.

Psalm. 137. In conspéctu Angelórum psallam tibi, adorábo ad templum sanctum tuum, & confitébor nómini tuo Dómine. Allelúja.

In Missis Votivis, post Septuages. omíssis **A**llelúja, allelúja, & **Psalm. 148.** Laudáte Dóminum omnes Angeli ejus: laudáte eum omnes virtútes ejus. **Psalm. 102.** Benedícite Dómino omnes virtútes ejus: ministri ejus, qui facitis voluntátem ejus.

In Votivis Temp. Paschali, dicitur Allelúja, allel. **Psalm. 102.** Benedíc anima mea Dóminum, & omnia interiúra mea nomen sanctum ejus. Allelúja. **Tob. 5.** Misus est Angelus Dómini sanctus Ráphael à Deo ab Tobíam, & salutávit eum, & dixit: Gáudium fit tibi semper. Allelúja.



Sequéntia sancti Euangélii secúndum Joánnem.

Joann. 5.

IN illo témpore: Erat dies festus Judæórum, & ascendit Iesus Jerosóly-

mam. Est autem Jerosólymis Probática piscína, quæ cognominátur hebráicè Bethsáida, quinque pórticus habens. In his jacébat multitúdo magna languéntium, cœcórum, claudórum, aridórum expectántium aquæ motum. Angelus autem Dómini descendébat secúndum témpus in piscinam: & movebátur aqua. Et qui prior descendisset in piscinam post motiónem aquæ, sanus fiebat à quacúmque detinebátur infirmitáte. **C**redo.

Offertorium. Apocal. 8. Stetit Angelus juxta arám templi, habens thuríbulum aureum in manu sua: & data sunt ei incénsa multa, & ascendit fumus aromatum in conspéctu Dei. **Secreta.**

Hostias tibi, Dómine, laudis offerimus suppliciter deprecánte: ut eádem Angélico pro nobis interveniente suffrágio, & placátus accípias, & ad salutem nostram pervenire concédas. Per Dóminum nostrum.

Communio. Dan. 3. Benedícite omnes Angeli Dómini Dóminum: hymnum dícite, & superexaltáte eum in sæcula.

Postcommunio.

Dirigere dignáre, Dómine Deus, in adiutorium nostrum sanctum Raphaélem Archángelum: & quem tuæ majestáti semper assístere crédimus, tibi nostras exiguas preces benedicédas assígnat. Per Dóminum nostrum.

Die xxv. Octobris.

IN FESTO SS. GAVINI, PROTI & Januarii martyrum.

Pro Regno Neapolitano, & alibi.

Missæ. Intret in conspéctu. **de Cõi plurimorum Martyrum.** fol. viii. **Oratio.**

Deus, qui per beátos mártires tuos Gavinum, Protum, & Januárium Ecclésiám tuam mirábiliter illustráre dignátus es: concéde nobis famulis tuis; ut quos Patrónos venerámur in terris, intercessóres habére mereámur in cœlis. Per Dóminum nostrum.

Et sit comém. SS. martyr. Chrysanthi, & Dariæ, ut in Missali, sub hac die. fol. 477.

Die xxxi. Octobris.

IN FESTO S. WOLFGANGI Episc. & Confess. Pro Germania.

Missæ. Sacerdótes tui. **de Comuni Confessoris Pontificis.** fol. xiii.

Ora-

Oratio.

DEus, qui nobis æternæ salutis beatum Wolfangum Episcopum, & ministrum tribuisti: præsta, quæsumus; ut quem Doctorem vitæ habuimus in terris, intercessorem habere mereamur in cœlis. Per Dominum nostrum.

Dominica secunda Novembris.

IN FESTO PATROCINII
beatæ Mariæ virginis.

In Regnis Hispanis, & alibi.

Missæ. Salve sancta parens. ut in Missis
votivis B. Mariæ virg. à Pentecoste usque
ad Adventum. fol. xxxvi.

Et dicitur Credo. & Præfatio de S. Maria.

Et te in Festivitate beatæ Mariæ. fol. 183.

Et fit commemor. Dominicæ occurr.

Die xiii. Novembris.

IN FESTO S. STANISLAI
Kostkæ Confessoris, Societatis Jesu.

Pro eadem Societate, & alibi.

Introitus.

Sap. 4. 13.



Consummatus in brevi explevit
tempora multa, placita enim
erat Deo anima illius: propter
hoc properavit edicere illum
de medio iniquitatum.

Psal. 112. 1. Laudate pueri Dominum:
laudate nomen Domini. *Gl. Patri.*

Oratio.

DEus, qui inter cetera sapientiæ tuæ
miracula etiam in tenera ætate ma-
turæ sanctitatis gratiam contulisti: da
quæsumus; ut beati Stanislai exemplo,
tempus instanter operando redimētes,
in æternam ingredi requiem festinemus.
Per Dominum nostrum.

Lectio libri Sapientiæ.

Cap. 4. v. 7.

Iustus, si morte præoccupatus fuerit,
in refrigerio erit. Senectus enim vene-
rabilis est, non diuturna, neque annorum
numero computata: cani autem sunt sen-
sus hominis, & ætas senectutis vita im-
maculata. Placens Deo factus est dile-
ctus, & vivens inter peccatores transla-
tus est. Raptus est ne malitia mutaret in-
tellectum ejus, aut ne fictio deciperet
animam illius. Fascinatio enim nugaci-
tatis obscurat bona, & inconstancia con-
cupiscentiæ transvertit sensum sine mali-
tia. Consummatus in brevi explevit tem-
pora multa: placita enim erat Deo ani-

ma illius: propter hoc properavit educe-
re illum de medio iniquitatum: populi
autem videntes, & non intelligentes,
nec ponentes in præcordiis talia: quon-
iam gratia Dei, & misericordia est in
Sanctos ejus, & respectus in electos il-
lius. Condēnat autem justus mortuus
vivos impios, & juvenis celerius con-
summata longam vitam injusti.

Graduale. Psalm. 102. Desiderium cordis
ejus tribuisti ei, & voluntate labiorum
ejus non fraudasti eum.

Psalm. 118. 152. Quoniam prævenisti eum in benedi-
ctionibus dulcedinis: Alleluya, alleluya.

Psalm. 118. 152. In initio cognovi de te
testimoniis tuis, quia in æternum fundasti
ea. Alleluya.



Sequentia sancti Evangelii secun-
dum Matthæum. *Matth. 19. 13.*

IN illo tempore: Oblati sunt Jesu par-
vuli, ut manus eis imponeret, & ora-
ret. Discipuli autem increpabant eos.
Jesús verò ait eis: Sinite parvulos, & no-
lite eos prohibere ad me venire, talium
est enim regnum cœlorum. Et cum im-
posuisset eis manus, abiit inde. Et ecce
unus accedens, ait illi: Magister bone,
quid boni faciam ut habeam vitam æter-
nam? Qui dixit ei: Quid me interrogas
de bono? Unus est bonus, Deus. Si au-
tem vis ad vitam ingredi, serva manda-
ta. Dixit illi: Quæ? Jesús autem dixit:
Non homicidium facies: non adulterabis:
non facies furtum: non falsum testimo-
nium dices: honora patrem tuum & ma-
trem tuam, & dilige proximum tuum
sicut te ipsum. Dicit illi adolescens:
Omnia hæc custodivi à juventute mea,
quid adhuc mihi deest? Ait illi Jesús: Si
vis perfectus esse, vade, vende quæ ha-
bes, & da pauperibus, & habebis the-
saurum in cœlo: & veni, sequere me.

Offertorium. Psalm. 42. 4. Introibo ad
altare Dei: ad Deum, qui lætificat ju-
ventutem meam.

Secreta.

Angelorum pane, quæsumus Domi-
ne, beati Stanislai nos intercessio di-
gnos efficiat, qui eo meruit Angelica
manu recreari. Per Dominum nostrum
Jesum Christum Filium tuum.

Communio. Eccli. 15. 2. Cibavit illum
Dominus pane vitæ, & intellectus: &
aqua sapientiæ salutæ potavit illum.

Post-

Postcommunio.

UT nobis, Dómine, cœléstis, quem sumpsimus, panis sit vitæ, beato Stanisláo Confessóre tuo intercedente, quæsumus; ut panis sit intellectus, & potus aqua sapiéntiæ salutáris. Per Dóminum.

Die xv. Novembris.

IN FESTO S. LEOPOLDI

Confessoris. Pro Germania.

Missæ. O s iusti. de Comuni Confes-

foris non Pontificis. fol. xv. præter Oratio-
nem sequentem. & Evangelium. Oratio.

DEus, qui sanctum Leopoldum ex Prin-
cipatu, & curis sæculi huius, immay-
culatum ad regnum cœléste traduxisti:
concede propitius, tua cleméntia ita nos
per hæc temporalia dirigi; ut æternæ vi-
tæ consórtes effici mereamur. Per Dñm.

Evangelium. H omo quidam nóbilis. su-
mutatur ex Festo S. Ludovici Confessoris
die 25. Augusti in Missali. fol. 438.

INDEX MISSARUM

Pro aliquibus Locis.

Missæ in festo S. Barbaræ Virg. & mart. **duplex**. Pro toto Dominio Veneto. 4. Decembris.
Translationis Almæ Domus B. V. Mariæ, **duplex major**, pro Statu Ecclesiastico, & alibi. 10. Decembris.
S. Spiridionis Episcopi, & Confessoris, **duplex**, pro toto Dominio Veneto. 14. Decembris.
In Solemnitate Patrocinii S. Januarii, pro Regno Neapolitano, **duplex**. 16. Decembris.
Expectatio B. M. Virginis, **duplex**, pro aliquibus Locis. 18. Decembris.
S. Juliani mart. **duplex minor**, pro toto Dominio Veneto. 7. Januarii. Venetiis verò 12. Februarii.
S. Petri Urseoli Conf. **duplex**, pro toto Dominio Veneto. 14. Januarii.
Desponsatio B. M. Virginis cum S. Joseph, **duplex**, in toto Dominio Veneto, & alibi. 23. Januarii.
S. Ildephonsi Archiepiscopi, & Confessoris, **duplex**, cum Octava, pro Regnis Hispaniæ.
S. Juliani Ep. & Conf. **semiduplex**, in Regno Neapolitano. 28. Januarii.
SS. Pauli, Joannis, & Jacobi mart. Japonum, **duplex**, pro Sacerdotibus Soc. Jesu. 5. Februarii.
S. Dorotheæ Virg. & mart. **semiduplex**, pro Ecclesiis Bambergens. & Viennens. & alibi. 6. Februarii.
B. Hieronymi Emilianus Confessoris, **duplex**. In universa Congregatione Somascha, & alibi. 8. Februarii.
Commemoratio Adventus S. Pauli in Insulam Milevitanam, **duplex**. 10. Februarii.
S. Comadi Conf. **semiduplex**, apud Netinos, & Placentinos. 19. Febr.
S. Margharitæ de Cortona, **semiduplex**, pro tota Italia, & alibi. 23. Februarii.
Sacratissima Spinæ Coronæ Domini nostri J. C. **duplex major**, pro Diocesi Venetiarum, & alibi, secunda ex sextis Feriis Mensis Martii.
S. Gabrielis Archangeli, **duplex**, in Regnis Hispaniæ. 18. Martii.
Preciosissimi Sanguinis Domini Nostri Jesu Christi, **duplex prime Classis**. Pro Dominio Veneto. Tertia ex sextis feriis Mensis Martii.
Missæ de lancea, & Clavis Domini, **duplex**, celebranda pro Germania Feria vi. post Oct. Paschæ.
Patrocinium S. Joseph, **duplex**, pro aliquibus Locis. Dominica tertia post Pascha.
S. Peregrini Larioli Confessoris Ordinis Servorum B. M. Virg. **duplex**, pro aliquibus Locis. 27. Aprilis.
S. Catharinæ Fliscæ Viduæ Adurnæ, **duplex**, Dominica quarta post Pascha.
Translatio S. Januarii mart. pro Regno Neapolitano, Dominica I. vel II. Maji.
S. Joannis Nepomuceni mart. **duplex**, pro Germania, & Statibus Hæred. Domus Austriacæ. 16. Maji.
Ejusdem S. Joannis Nepomuceni, **duplex ii. Classis**, cum Oct. pro aliquibus Locis. 16. Maji.
S. Paschalis Baylon Confessoris, **duplex**, pro Regno Neapolitano, & alibi. 17. Maji.
S. Felicis à Cantalicio Capuccini Confessoris, **semiduplex**, in tota Italia, & Insulis adjacentibus. 21. Maji.
Sacratum quinq. Plagatum D. N. Jesu Christi, **duplex major**, Feria vi. immediate post Oct. Augusti. Corporis Christi. Pro toto Veneto Dominio, & alibi.
In Festo Apparitionis S. Jacobi Apostoli, & Hisp. Patroni. Pro Civitate Compostellana, **duplex ii. Classis**. Pro cæteris verò Hisp. Provinciis, **duplex**. 23. Maji.

3. Ferdinandi Terrii, Castellæ, & Legionis Regis, cognomento Sancti, **duplex**. Pro Regnis Hispaniæ. 30. Maji.
B. Jacobi Salomonii Confessoris, **duplex**, pro Civitate Venetiarum, & alibi. 2. Junii.
S. Joannis Francisci Regis Confessoris, Societatis Jesu, **duplex**, pro Sacerdotibus Societatis Jesu. 16. Junii.
B. Petri de Pisis Confessoris, **duplex**. Pro Congregatione ejusdem Beati, & alibi. 17. Junii.
S. Aloysii Gonzagæ Confessoris, Soc. Jesu, **duplex**, pro tota Italia, & Insulis adjacentibus. 21. Junii.
S. Gulielmi Abbatis, **duplex**, pro Regno Neapolitano, & alibi. 25. Junii.
B. Benedicti XI. Papæ Conf. Ord. Prædicatorum, **duplex**, pro toto Dominio Veneto. 7. Julii.
SS. Martyrum Hermagoræ, & Fortunati, **duplex**, celebratur in Metropolitana Aquilejensi, ac Civit. subditæ & alibi. 12. Julii.
S. Pulcheriæ Virg. Imperatricis, **duplex major**, pro Diocesi Venetiarum Dominica II. Julii; pro Diocesi verò Neapolitana die 22. Octobris.
Missæ SS. Redemptoris, **duplex ii. Classis**, cum Oct. pro toto Dominio Veneto. Dominica tertia Julii.
S. Camilli de Lellis Fundatoris Clericorum Regularium Ministrantium Infirmis, **duplex**, pro Regnis Hispaniæ, & alibi. 15. Julii.
S. Alexii Conf. in Urbe, & toto Districtu Romæ, **duplex**. 17. Julii.
Alia Missæ S. Camilli de Lellis Conf. & Fundatoris, ac supra, **semiduplex**, pro Urbe Romæ. 18. Julii.
S. Pantaleonis Martyris, **duplex**, pro Diocesi Venetiarum, & Neapolitana, & alibi. 27. Julii.
S. Terefiæ secundæ Virg. **duplex**, pro Regnis Hispaniæ, & alibi. 27. Augusti.
B. Josephi Calasancii Conf. Fundatoris Clericor. Regular. Scholarum Piarum. 27. Augusti.
B. Julianæ Virg. & Abbatis Ordinis S. Benedicti. 1. Septembris.
S. Rosæ Viterbiensis Virginis, **duplex**, pro Statu Ecclesiastico, & Erruria. 4. Septembris.
S. Rosaliæ Virginis Panormitane, **semiduplex**, pro Germania, & alibi. 4. Septembris.
Septem Dolorum B. M. V. **duplex**, celebranda in omnibus Statibus Hæreditariis Domus Austriæ, & alibi. Dominica III. Septembris.
S. Januarii Episcopi, & martyris, **duplex**, cum Octav. in Regno Neapolitano. 19. Septembris.
Missæ Maternitatis B. Virginis Mariæ, **duplex major**. Pro Dominio Veneto. Dominica 2. Octobris.
Missæ Puritatis B. Virginis Mariæ, **duplex major**. Pro Dominio Veneto. Dominica 3. Octobris.
Beatæ Mariæ de Socos, dictæ de Cervellon Virginis, Ordinis B. Mariæ de Mercede Redemptionis Captivorum, **duplex**, pro Regnis Hungariæ, & alibi. 20. Octobris.
S. Raphaelis Archangeli, ejus festum celebratur in Regnis Hispaniæ, die 24. Octobris.
SS. Gavini, Proti, & Januarii martyrum, **duplex**, pro Regno Neapolitano & alibi. 25. Octobris.
SS. VVolfgangi Episcopi, & Confessoris, **duplex**, pro Germania. 31. Octobris.
Patrocinium B. M. Virginis, **duplex**, ejus festum celebratur Dominica II. Novembris in Regnis Hispaniæ, & alibi.
S. Stanislai Kostka Confessoris, **duplex minor**. Pro Societate Jesu, & alibi. 13. Novembris.
S. Leopoldi Confessoris, pro Germania, **duplex**. 15. Novembris.

cvi

MISSÆ PROPRIÆ

SANCTORUM

MONACHORUM, & EREMITARUM

Congregationis Camaldulensis,

Pro Monachis, & Eremitis ejusdem Congregationis
à Sacr. Rit. Congreg. approbatæ.

Die vii. Februarii.

IN UTROQUE FESTO

S. P. N. ROMUALDI ABBATIS.

Introitus.



Audeamus omnes in
Dómino, diem fe-
stum celebrantes, sub
honóre sancti Romu-
aldi Abbátis: de cu-
jus solemnitate gau-
dent Angeli, & col-
laudent Fílium Dei.

Psalm. 47. Magnus Dóminus, & lau-
dabilis nimis, in civitate Dei nostri, in
monte sancto ejus. *V.* Glória Patri.

Oratio.

Familiam tuam, quæsumus Dómi-
ne, beáti Romuáldi patrocínio con-
fidéntem propítius respice: ut quem ma-
gístrum vitæ sibi delégit in terris, eúm-
dem apud Majestátem tuam interces-
sórem habére mereátur in coelis. Per
Dóminum nostrum.

Lectio libri Sapientiae.

Eccli. 50.

Ecce Confessor magnus, qui quasi
stella matutina in médio nébulæ, &
quasi luna plena in diébus suis lucet. Et
quasi sol resurgens, sic iste effulsit in tem-
plo Dei. Quasi arcus resurgens inter né-
bulas glóriæ, & quasi flos rosárum in dié-
bus vernis, & quasi lília quæ sunt in trán-
sítu aquæ, & quasi thus redolens in dié-
bus æstátis. Quasi ignis effurgens, &
thus ardens in igne. Quasi vas auri só-
lidum, ornátum omni lápide pretioso.

Quasi olíva pullulans, & quasi cypressus
in altitudine se extollens. Circa illum
coróna fratrum: & quasi plantatio cedri
in monte Líbano, sic circa illum steté-
runt quasi rami palmæ, & omnes filii
Aaron in glória sua.

Graduale. Psalm. 20. Dómine præveni-
sti eum in benedictionibus dulcedinis:
posuisti in capite ejus coronam de lápi-
de pretioso. *V.* Vitam petiit a te, & tri-
buiisti ei longitudinem dierum in sæcu-
lum sæculi. Allelúja, allelúja

V. **Psalm. 91.** Iustus ut palma florébit:
sicut cedrus Líbani multiplicabitur.

Post Septuagesimam, omissis Allelúja,
& Versu sequenti, dicitur Tractus.

Psalm. 111. Beátus vir, qui timet Dó-
minum: in mandátis ejus cupit nimis.

V. Potens in terra erit semen ejus: ge-
neratio rectórum benedicetur.

V. Glória & divitiæ in domo ejus: &
justitia ejus manet in sæculum sæculi.

Sequentia.

Claustra plaudant, & Desérta
Sint canóra, sint désérta
ROMUALDI láudibus.

BENEDICTI Cœnobíta
Multis fuit Lux & Vita,
Multa tulit fórtiter.

Mox in specu latet solus,
Mensa ibi fons, & olus.
In JESU refectio.

Altis

Altis donis mens afflatur,
Ufu flendi recreatur,
Silvas ditat incolis.

Antra, Montes Cœlo æquari,
Viros docet æmulari
Angelorum mûnera.

Martyr fuit, sed Amoris;
Lapsi mentem Genitoris
Vitæ erexit Gratiæ.

Salvos morti destinatos,
Morbos, Dæmones fugatos,
Ejus nutu novimus.

I legem ponit Elementis.
Maris furor, furor mentis
Imperanti obediunt.

Fagum vetat à ruina,
Pandit Cârmina Divina,
Corda mulcet tristia.

Flectit Duces, & Magnâtes,
Reges, Cômities, Primâtes
Christi iugo subicit.

Lustra emensum bis duodena
Tandem Vallis Castri arêna
Moriëntem excipit.

Ejus ossa adorant Gentes,
Quæ translata recolentes
Exultemus canticis.

Generosi exemplo Ducis
In votivæ ampléxu Crucis
Roboremur Spiritu.

Ne deorsum quid mortale
Agat nos, de summo scalæ
Quam vidisti, ad Triumphale,
PATER, trahe gaudium. Amen.

A llerûja, si dicendum est.

✠ Sêquëntia sancti Euangélîi secun-
dum Matthæum. *Matth. 19. d*

IN illo tẽpore: Dixit Petrus ad Je-
sum: Ecce nos reliquimus omnia,
& secuti sumus te: quid ergo erit
nobis? Jesus autem dixit illis: Amen di-
co vobis, quod vos, qui secuti estis me,
in regeneratione, cum sederit Filius hó-
minis in sede maiestatis suæ, sedebitis
& vos super sedes duodecim, iudicantes
duodecim tribus Israel. Et omnis, qui
reliquerit domum, vel fratres, aut so-
rôres, aut patrem, aut matrem, aut
uxorem, aut filios, aut agros propter

nomen meum, centuplum accipiet, &
vitam æternam possidebit. *Credo.*

Offertorium. Psal. 20. Desiderium ani-
mæ ejus tribuisti ei Dómine, & volun-
tate labiorum ejus non fraudasti eum:
posuisti in capite ejus coronam de lápi-
de pretioso.

Secreta.

SAncti Confessoris tui Romuáldi,
quæsumus Dómine, annua solémni-
tas, pietati tuæ nos reddat acceptos: ut
per hæc piæ placationis officia, & illum
beata retributio comitetur, & nobis grá-
tiæ tuæ dona conciliet. Per Dóminum.

Communio. Luc. 12. Fidéls servus &
prudens, quem constituit dóminus su-
per familiam suam: ut det illis in tẽpo-
re tritici mensuram. *Postcommunio.*

Deus fidélium remunerátor animá-
rum: præsta, ut beáti Confessoris
tui Romuáldi, cujus venerándam cele-
bramus festivitatem, précibus indulgẽ-
tiam consequámur. Per Dóminum.

M I S S A

S. P. N. ROMUALDI ABBATIS

IN FERIA TERTIA,

Ex Decreto Sac. Rituum Congr.

Introitus. Psalm. 54.



Cce elongavi fugiens, &
mansi in solitudine, ex-
pectans eum, qui salvum
me faciet, & redimet in
pace animam meam.

Psalm. ibid. Exaudi Deus
orationem meam, & ne despexeris de-
precationem meam: intende mihi &
exaudi me. *Glória Patri. Oratio.*

Familiam tuam, quæsumus Dómi-
ne, beáti Romuáldi patrocínio con-
fidéntem propítius respice: ut quem
magístrum vitæ sibi delégit in terris,
eúndem apud Maiestatem tuam inter-
cessórem habere mereatur in cœlis.
Per Dóminum nostrum.

Lectio libri Sapientiae. Eccli. 45.

Dilectus Deo & homínibus, cujus
memória in benedictióne est. Sí-
milem illum fecit in glória sanctorum,
& ma-

& magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ, & disciplinæ.

Graduale. Psalm. 20. Domine prævenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit à te, & tribuisti ei longitudinem dierum in sæculum sæculi. **Allelúja, allelúja.**

V. Psalm. 91. Justus ut palma florebit: sicut cedrus Libani multiplicabitur.

Post Septuag. omittis Allelúja, & V. seq. dicitur Tract. Psalm. 111. Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur.

V. Glória & divitiæ in domo ejus: & justitia ejus manet in sæculum sæculi.

Tempore Paschali, omittitur Graduale, & ejus loco dicitur Allelúja, allelúja.

V. Psal. 91. Justus ut palma florebit: sicut cedrus Libani multiplicabitur. **Allelúja.**

V. Osee 14. Justus germinabit sicut lilium: & florebit in ætérnum ante Dominum. **Allelúja. Sequentia.**

Claustra plaudant, & Deserta
Sint canóra, sint disertá
ROMUALDI laudibus.

BENEDICTI Cœnobíta
Multis fuit Lux & Vita,
Multa tulit fortiter.

Mox in specu latet solus,
Mensa sibi fons, & olus,
In JESU refectio.

Altis donis mens afflatur,
Usus flendi recreatur,
Silvas ditat incolis.

Antra, Montes Cœlo æquari,
Viros docet æmulari
Angelorum mûnera.

Martyr fuit, sed Amoris;
Lapsi mentem Genitoris
Vitæ erexit Gratiæ.

Salvos morti destinatos,
Morbos, Dæmones fugatos;
Ejus nutu novimus.

Legem ponit Elementis,
Maris furor, furor mentis
Imperanti obediunt.

Pagum vetat à ruina,
Pandit Cármina Divína,
Corda mulcet tristia.

Flectit Duces, & Magnates,
Reges, Cómites, Primates
Christi jugo subjicit.

Lustra emensum bis duodena
Tandem Vallis Castri arena
Morientem excipit.

Ejus ossa adorant Gentes,
Quæ translata recolentes
Exultemus canticis.

Generosi exemplo Ducis
In votivæ ampléxu Crucis
Roboremur Spíritu.

Ne deorsum quid mortale
Agat nos, de summo scalæ
Quam vidisti, ad Triumphale,
PATER, trahe gaudium. Amen.

Allelúja, si dicendum est.

Sequentia sancti Evangelii secundum Matthæum. Matth. 19. d

IN illo tempore: Dixit Petrus ad Jesum: Ecce nos reliquimus omnia, & secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros propter nomen meum, centuplum accipiet, & vitam æternam possidebit.

Offertorium. Psal. 20. Desiderium animæ ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso. **Secreta.**

Sacris altaribus, Domine, hostias superpositas, sanctus Romuáldus Abbas,

bas, quæsumus, in salutem nobis provenire depóscat. Per Dóminum.

Communio. *Luc. 12.* **F**idélis servus & prudens, quem constituit dóminus super familiam suam: ut det illis in témpore tritici mensúram. **Postcommunio.**

Próteget nos, Dómine, cum tui perceptiōe sacraménti beátus Romuáldus Abbas pro nobis intercedéndo; ut & conversatiōnis ejus experiámur insignia, & intercessiōnis percipiámus suffrágia. Per Dóminum.

DIE XIV. JANUARI.

In festo S. Petri Urseoli Confessoris nostræ Congregationis, Missa. **O**s justi. fol. 300.

DIE VII. FEBRUARI.

In Translatione Corporis S. Patris nostri Romuáldi Abbatis, Missa. **G**audeámus. ut in ejus Festo.

DIE IX. FEBRUARI.

In festo S. Raynaldi Episc. & Confess. nostræ Congregationis, Missa. **S**tátuit. de Comuni Confessoris Pontificis, cum commem. S. Apolloniæ virg. & mart.

DIE XXIII. FEBRUARI.

In festo S. Petri Damiani Episcopi, Cardinalis, nostræ Congregationis, Missa. **S**tátuit. de Comuni Conf. Pontif. præter Orationem sequentem. **Oratio.**

Deus totius sanctitátis, & sapiéntiæ fons & origo, fac nos, quæsumus, beáti Petri Damiáni Confessoris tui atque Pontificis exémpis doctrinisque proficere: ejúsque méritis & intercessiōe concéde; ut contéptis mundáni honóris illécebris, tibi soli vacáre possimus. Per Dóminum.

DIE XI. MAJI.

In festo B. Fortis Confess. nostræ Congregationis, Missa. **I**ustus ut palma. de Comuni Confessoris non Pontificis.

DIE XII. JUNII.

In festo S. Parisii Confessoris, nostræ Congreg. Missa. **O**s justi. de Comuni Conf. non Pont. præter Orat. sequentem.

Oratio.

Preces nostras, quæsumus Dómine, cleménte exáudi: &, intercedénte beáto Parisio Confessore tuo, continéntiæ salutáris propítius nobis dona concéde. Per Dóminum.

Et fit commemoratio SS. Basilidis, & sociorum martyrum, ut in Missali.

DIE XIX. JUNII.

In festo S. P. N. Romuáldi Abbatis, Missa. **G**audeámus. ut in ejus Festo, sine commemor. SS. Gervasii & Protasii martyrum.

DIE XX. JUNII.

In festo S. Bonifacii Episcopi & martyris, nostræ Congregationis, Missa. **S**acerdótes Dei: de Cōi unius Martyris Pontificis secundo loco, cum commem. S. Silverii Papæ & martyris, in Missis privatis tantum, ut in Missali.

DIE III. JULII.

In festo S. Theobaldi Confess. nostræ Congregationis, Missa. **I**ustus ut palma. de Comuni Confess. non Pontificis, cum commem. Octavæ Apostolorum.

DIE XVI. JULII.

In festo SS. Andréæ & Benedicti Confessorum, nostræ Congregationis, Missa. **O**s justi. de Comuni Confessoris non Pontif. præter Orationem. **Oratio.**

Deus, qui nos beatórum Andréæ & Benedicti Confessorum tuórum ánnua solemnitate lætíficas: concéde propítius; ut quorum natalítia cólimus, étiam actiōnes imitémur. Per Dóminum.

DIE XXIII. JULII.

In festo S. Apollinaris martyr. Missa ut in Missali, cum commem. S. Liborii Episc. Confess. in Missis privatis tantum.

DIE XXX. JULII.

Octava S. Apollinaris martyr. Missa, ut in die, cum commem. SS. Abdon, & Sennen martyr. ut in Missali.

DIE VII. SEPTEMBRIS.

In festo S. Joannis de Laude Episcopi & Confessoris, nostræ Congregationis, Missa. **S**acerdótes. de Comuni Confessoris Pontificis secundo loco.

DIE

DIE XVII. OCTOBRI.

In festo S. Dominici Loricati Confess. nostræ Congregationis, Missa. Justus ut palma. de Cõi Confess. non Pontificis.

DIE XV. NOVEMBRIS.

In festo SS. martyrum Matthæi, Isaac, & Christini, nostræ Congregationis, Missa. Sapiëntiam Sanctorũ. de Cõi plur. Mart.

DIE XVI. NOVEMBRIS.

In festo SS. Joannis & Benedicti martyr. nostræ Congreg. Introitus. Ps. 33.



Ultæ tribulationes justorum, & de his omnibus liberavit eos Dominus: Dominus custodit omnia ossa eorum: unum ex his non conteretur.

Psalm. ibid. Benedicam Dominum in omni tempore: semper laus ejus in ore meo. **v.** Glória Patri. **Oratio.**

Deus, qui nos annua sanctorum martyrum tuorum Joannis & Benedicti solemnitate lætificas: concede propitius; ut quorum gaudemus meritis, accendāmur exemplis. Per Dominum nostrum.

Lectio libri Sapiëntiæ. Eccli. 44. b

Hi viri misericordiæ sunt, quorum pietates non defuerunt: cum semine eorum permanent bona, hæreditas sancta, nepotes eorum, & in testamento stetit semen eorum, & filii eorum propter illos usque in æternum manent: semen eorum, & glória eorum non derelinquētur. Corpora ipsorum in pace sepulta sunt, & nomen eorum vivit in generationem, & generationem. Sapiëntiam ipsorum narrent populi, & laudem eorum nuntiet ecclesia.

Graduale. Psal. 132. Ecce quàm bonum, & quàm jucundum, habitare fratres in unum. **v.** Sicut unguentum in capite, quod descendit in barbam, barbam Aaron.

Allelúja, allelúja. **v.** Te Martyrum candidatus laudat exercitus Domine. **llel.**



Sequētia sancti Euangelii secundum Lucam. **Luc. 12.**

In illo tempore: Dixit Jesus discipulis suis: Attēdite à fermento Pha-

risæorum; quod est hypócrisis. Nihil autem opertum est, quod non reveletur: neque absconditum, quod non sciatur. Quoniam quæ in tenebris dixistis, in lumine dicentur: & quod in aures locuti estis in cubiculis, prædicabitur in tectis. Dico autem vobis amicis meis: Ne terreamini ab his, qui occidunt corpus, & post hæc non habent amplius quid faciant. Ostendam autem vobis quem timeatis: timeate eum, qui postquam occiderit, habet potestatem mittere in gehennam. Ita dico vobis, hunc timeate. Nonne quinque pasceres veniunt dipondio: & unus ex illis non est in oblivione coram Deo? Sed & capilli capitis vestri omnes numerati sunt. Nolite ergo timere: multis pasceribus pluri estis vos. Dico autem vobis: Omnis quicumque confessus fuerit me coram hominibus, & Filius hominis confitebitur illum coram Angelis Dei.

Offertorium. Psalm. 5. Gloriabuntur in te omnes qui diligunt nomen tuum, quoniam tu Domine benedices justo: Domine, ut scuto bonæ voluntatis tuæ coronasti nos.

Secreta.

Hostias tibi, Domine, sanctorum martyrum tuorum Joannis & Benedicti dicatas meritis, benignus assume: & ad perpetuum nobis tribue provenire subsidium. Per Dominum.

Communio. Sap. 2. Et si coram hominibus tormenta passi sunt, Deus tentavit eos: tamquam aurum in fornace probavit eos, & quasi holocausta accepit eos.

Postcommunio.

Sumpsimus, Domine, sanctorum martyrum tuorum Joannis & Benedicti sollemnia celebrantes, sacramenta coeléstia: præsta quæsumus; ut quod temporaliter gerimus, æternis gaudiis consequamur. Per Dominum.

DIE X. DECEMBRIS.

In festo Translationis Almæ Domus Lauretanæ B. Virginis Mariæ, Missa ut habetur in fine Missalis.

NOS FR. SERAPHINUS MARIA MACCARINELLI


Sacrae Theologiae Magister, Ordinis Prædicatorum, ac in
inclita Civitate Venetiarum, in totoque ejus Serenissimo
Dominio contra hæreticam pravitatem Inquisitor Generalis,
à S. Sede Apostolica specialiter delegatus,

C Oncedimus licentiam publicandi Missale Monasticum,
Pauli V. Pontificis Maximi auctoritate recognitum, Pro
omnibus sub Regula SS. Patris Benedicti, &c. novissimè ex
Typographia Balleoniana emanatum; collatum enim cum aliis
jam impressis & approbatis, inventum est cum eis concorda-
re, &c. In quorum, &c.

Dat. Venetiis in Aedibus S. Inquisitionis die 10. Junii 1761.


Fr. Seraphinus Maria Maccarinelli Inquisitor Generalis qui supra.












Biblioteka Jagiellońska



stdr0031890





Communicantes, et diem sacratissimum
celebrantes, quo unigenitus tuus in tua ^{tecum} glo-
ria tecum coeternus in veritate carnis nostrae
visibiliter corporalis apparuit: sed et memo-
riam venerantes, inprimis gloriosa semper
virginis Mariae genitricis ejusdem Dei et
Domini nostri Iesu Christi, sed et beato-
rum Petri et Pauli, Andreae, Jacobi, Joannis
Thomae, Jacobi, Phillippi, Bartholomaei,
Matthaei, Simonis et Thadaei, Lini, Clementis
Alysi, Cornelii, Cypriani, Laurentii, Chrysogo-

Joannis, et Pauli, Cosma et Damiani: et
Omniū Sanctorum tuorum: quorum meritis
precibusq; concedeas, ut in omnibus protectionis
tue muniamur auxilio: Per eundem
Christu^m Dominum Nostrum. amen

